

Barclay: de potestate papae. Hanoviae,  
(-) 1617.8.

---

Pgg: XVI & 846. fgg. 4 albis. (826 ad  
846. sine num: index.)

---

Liber prohibitus sacrae congregationis  
indictis Romanae decreto 9. Novembris  
1609., Paulo V. papa.

---

William Barclay. n. .... + 1605. Anger.  
(pater Johannis B., qui n. 1582. + 1621.)

---

Heinrich





*Handwritten text, possibly a signature or title, at the top left of the page.*

GVILIELMI BARCLAI  
DE  
POTESTATE  
PAPÆ:

An & quatenus in Reges & Principes se-  
culares ius & imperium habeat,

*Liber Posthumus.*

Eiusdem

DE REGNO ET REGALI  
POTESTATE:

*Aduersus*

BYCHANANVM, BRVTVM, BOVCHERIVM,  
& reliquos Monarchomachos,

*Libri VI.*

EDITIO

*Nunc secundò in Germaniâ adornata emendatior.*



HANOVIAE,


---

M. DC. XVII.



Reddite Caesari, quae sunt Caesaris,  
& quae Dei, Deo.

Frederici Münteri  
Hafniae 1789.



# BENEVOLO

Lectori S.



VNc librum à Guilielmo Barclaio, & genere & moribus illustri viro; diu elaboratum, necdum tamē exactum ad vltimam limam, primū curis, mox senectā, fato denique interueniente, accipe, mi Lector, vt & opus tuo seculo vtile, & cum Mundo duraturum. Tot vigilias extingui cum authore nolimus, sed potius authorem in iis perennare. Maiestas argumenti & quotidianus vsus, tū aperta & subtilis disputandi ratio, non conuitiis atrox, non transuersa affectibus, & præterea authoris integritas & in religione constantia, hunc librum ita commendabunt, vt tantum in

*Ad Lectorem:*

Virtutis & Veritatis exilio repudiari possit. Argumentum antea vel infame vel suspectum, hæreticis eo abutentibus ad Pontificis & Religionum despectum, & maxima *spiritualium* rerum hanc *Temporale* corrumperentibus causam. Ecclesiam Palmæ facillimè componas: Vt hæc in onera nititur, sic illa in hæresium pondera animosior exurgit. Quicquid sectarii hoc seculo susceperunt oppugnandum, sanctius & religiosius coluimus. Plura templa peregrinantibus aperta, plures *Indulgentiæ* concessæ merentibus, tituli que sanctæ Virgini non supra pietatem, sed supra morem additi. Præcipuè Pontificem Romanum, cui potestatem omnem abrogabant, à Novatorum furore asseruimus. Sublata ex Scholis quæstio supra Concilium necne esset. Nihil Conciones, nihil subsellia, quàm eius prærogativas detonare; quæ profectò, in *Spiritua-*



*Ad Lectorem.*

ritualibus summæ sunt. Deniq; videbatur ad externam gloriam fuisse Apostolicę sedi exoptandus hic hæreseos turbo. Sed veteri mortalitatis malo aut in superstitionem religiones degenerāt, aut à cælis ad humana commoda abducuntur. Igitur multi dum Spiritualia Pontificis iura propugnant, illam quoque potestatem astruxere, quam à quingentis demum annis sedes Romana in temporalem auctoritatem Principum vsurpauit; si monimētis credimus, nō sæpius aut atrocius Principibus quàm Pontificib. funestam. Illam, inquam, non pauci astruebant, vel cæca pietate & hæreticorū odio, vel Hierarchæ suo (qui enim præter Ecclesiasticos?) studentes, & quasi ex domini maiestate addituri seruituti dignitatem. Mox vulgus (in quo sciolos omnes pono, id est, magnam Latinè scientium partem) statim adduci ad religiosam inepti-

*Ad Lectorem.*

am, vt quicquid magni isti & cauti  
magistri præcepissent, tuerentur, &  
præterea in Pontifice ipsum Numen  
aut Regibus præfici aut repudiari  
crederent. At alii quibus mens al-  
tior, nec empta Ecclesiasticis opib.  
hūc errorem credulorum, aut pru-  
dentum versutiam deuouere vel ri-  
dere. Raro tamen vox publica aut  
libera tam iustè querentium exso-  
nuit. Quidam hanc vanitatem con-  
templere. (Nam reuera quid absur-  
dus quàm Principum fasces omni  
iure, omni lege liberos, Romanæ  
Purpuræ mancipare, nec armorum  
vi nec rationis, sed miseris argumē-  
tis, consequentiis detortis & simili-  
tudinibus; quæ saltem non iis vali-  
diora sunt quibus Hæretici volunt  
Spiritualē potestatem à Pontifice  
extorquere?) Alii non publicam o-  
mnium Regum, sed priuatas, vt in-  
cidebāt, certorum Principum cau-  
sas egerunt. Multi denique timue-  
runt

runt ne turbidis rebus, & stulta vulgi pietate viderentur, non tam amore veritatis quàm Pontificis odio istam quæstionem excussisse.


Nam & præclarum Politici nomen quàm nuper turpiter violatũ, quàm malè audiuerit, non possumus nisi cum sempiterno sensu nostrarum miseriarũ obliuisci. Nunquam tamen defuerũt, qui his nostris temporibus, ex illo malorum freto, easdem procellas expectarent quæ in nostros Maiores sæuierunt. Nam quæ in immensâ libertate Pontificum vel causa vel religio hos turbines à Principibus prohibeat? cum priuatae inimicitiae Mauarram Io- *nauarram*  
anni Regi abstulerint, & nuper Phi-  
lippus ille Catholicus, heresis in suo  
populo in sua prole ultor, Sixti V. a- *Carolo filio.*  
nimosa consilia vix euaserit. Res certa; sed quia in cunabulis extincta, obscurior, Sixtum cõceptã iam in Hispanum sæuã illã Excommu-

:: 4 nica-



## Epistola Dedicatoria.

tanquam pestilenti ovo conceptum est  
& educatum. Vide, Pater Sanctissime,  
quàm nō expediat Ecclesiæ istud imperiū  
vindicare, quod veluti Seiani equus  
propriis dominos peruertit. Hoc igitur  
opus, nō Principum, sed religionis & ve-  
ritatis studio aggressus sum, tibiq; summo  
pastori, sincero & supplici animo obtu-  
li, cuius est de lepra iudicare. Si quid erit  
in his scriptis quod probum aut utile pu-  
tabis, ego sanè tanti testis suauissima me-  
moriam meam senectutem oblectabo. Sin  
probato fortasse studio meo, tamen im-  
probabis sententiam, erit apud posteros  
moderationis tuæ signum quòd innoxia  
libertas disputandi sub te nemini fraudi  
fuerit. Sit hoc moderationis tuæ, at nun-  
quam pertinaciæ meæ signum: quicquid  
enim huius negotii est, tuo examini re-  
linquo, ut hoc libello non tam quid sen-  
tiam exprompsisse, quàm à tua Sancti-  
tate quid sentire debeam, videar qua-  
suisse. Vale.



GVIL. BARCLAI I. C.  
DE POTESTATE  
PAPÆ,

AN, ET QVATENVS, IN  
REGES ET PRINCIPES SECV-  
lares ius & Imperium  
habeat,

LIBER POSTHVIVS.



VLTI de hac quæstione, nostro præ-  
sertim seculo, multa variè & varias ob  
causas scripserunt: sed nemo doctius  
& luculentius, quàm illustrissimus  
Cardinalis, & eruditissimus Theolo-  
gus *Rob. Bellarmus*, in libris quos de  
summo siue Romano Pontifice inscri-  
psit: qui si vt spiritualem & Ecclesiasticam Pontificis Ro-  
mani potestatem egregiè cōprobauit, ita temporalem il-  
lam potestatem, quam ex quorundam Theologorum sen-  
tentia dicit eum habere indirectè, solidioribus authorita-  
tum & rationum momentis stabilire potuisset; non esset  
quod in illo tractatu aut iure carperet aliquis, aut deside-  
raret. Si itaq; complures tum Theologi, tum Iuriconsul-  
ti, aliū post alios, in eandem hanc quæstionem excutiendam  
incubuerūt, nec priorum de ea iudicium sequentium scri-  
ptorum sententiis præiudicauit; cur non & ego aliquē in-  
dagan-dæ veritatis locum, (quandoquidem in eo studio æ-  
tatem consumpsi) meo mihi quodammodo iure vendicē?

Sed antequam ordior quid de hac re sentiam explicare,  
diligens à me cautio & præmunitio adhibenda est, *ne vel a-  
liquod inde sequatur scandalum pusillorum, qui æstimant Papam  
esse vnum Deum, qui habet potestatem omnem in cœlo & in ter-  
ra* (vt *Gerfonis* <sup>1</sup> verbis vtar) vel adiumentum aliquod ac-  
cedere videatur nouatorū calumniis, quibus sedem Apo-  
stolicam consecrantur, vt supremo animarum Pastori po-

<sup>1</sup> In resolut. circæ  
materiam excōō-  
mun. cōsider. 1111.

testatem omnem abrogent. Monendus igitur imprimis lector est, omni me reuerentiâ & beneuolentiâ Sedem illam prosequi, nec id aut hîc aut alibi agere, vt debitæ potestatis & dignitatis aliquid decedat Vicario CHRISTI, & successori SS Apostolorû Petri & Pauli; quorum patrocínio adiutum me quotidie, piè planeque mihi persuadeo: sed eo tantum animo esse, vt quæ illa potestas sit & quanta, quam in Pontifice Romano, id est, summo Pontifice & Papa, (vt vocant) Christiani omnes agnoscere debeant, sine furo & fallaciis, sine studio & odio perquiram: & vt earum affectionum vacuus, quæ in alterutram partem mentes hominum inclinant, Deum solum præ oculis habeam; ne fortè redeunte Domino, vel inutiliter expensi, vel absconditi talenti reus postuler.

Eos itaq; obsecro qui ante me, bono vt opinor animo, scripserunt, ne indignentur aut succenseant, si ab illorum opinione recessero. *Neq; enim, vt cum S. Augustino dicam, quorumlibet disputationes, quamuis Catholicorum & laudatorum hominum, velut Scripturas Canonicas habere debemus, vt nobis non liceat, salua reuerentia qua illis debetur hominibus, aliquid in eorum scriptis improbare atque respuere, si fortè inuenimus quòd aliter senserint, quàm veritas habet diuino adiutorio ab aliis intellecta, vel à nobis. Qualis ego sum in scriptis aliorum, tales volo esse intellectores meorum, vt aut gratis scilicet admittant, aut cum ratione reprehendant. Sed ad rem.*

Duplex Catholicorû quidem hominum (nam alii quid sentiant nihil moror) sed nimis Pontifici addictorum de hac quæstione opinio est. Vna Canonistarum, qui *Papæ intra omnia cœlestis & terrestris Imperii à Deo concessa*, & quicquid in hoc terrarum Orbe potestatis est, siue temporalis & ciuilis, siue Spiritualis & Ecclesiastica, id omne in *Petrum* & eius successores a Christo collatû esse affirmant; cui principio nulla non facile annectunt, quoties de absoluta potestate, siue de plenitudine potestatis (vt loquuntur) summi Pontificis, aliqua suboritur disputatio. Altera opinio est quorundam Theologorum, quibus fundamentum hoc Canonistarû meritò displicet, quòd neque Scripturæ auctoritate, neque Apostolorum traditione, neque veteris Ecclesiæ praxi, neque antiquorum Patrum doctrina & testimoniis liquidò comprobetur. Hi ergo istam illorum opinionem solidissimis rationibus conuellunt: sed ita ta-



men ut ex eius abdicatione, nihil iuris & potestatis temporalis Pontifici depereat, quin id ei alio modo in tuto collocent, integrumque conseruent. Sic igitur statuunt, *Pontificem ut Pontificem non habere directè ullam temporalem potestatem, sed solum spirituales: tamen ratione spiritualis habere saltem indirectè potestatem quandam, eamque summam, disponendi de temporalibus rebus omnium Christianorum.* Atque ita quicquid illi recto ordine, id isti obliquè & per consequentias Papæ tribuunt; ut ratio tantum diuersa, res eadem sit.

Mihi verò hanc animo quæstionem versanti, neutra istarum opinionum, quantum ad temporalem potestatem, satis firma visa est; Canonistarum tamen quam Theologorum, si inter se conferantur, facilius posse defendi: cum saltem non repugnet ordini naturæ, quo quis Imperium sibi in alios concessum iure suo exercet: ac proinde nihil contineat à *δυνάμει*. At verò Theologorum sententia, ut est à suis assertoribus proposita, naturalem rerum ordinem euerit, qui vult ne quis potestate & Imperio in alios utatur, quod neque sibi nominatim cōcessum est, neque ad explicandas res suæ fidei mādatas prorsus est necessarium. Theologi itaque isti Canonistarum opinionem probissimè refellunt, sed pace ipsorum dicam, nec ipsi melius sentiunt; ut inde dignosci possit, quanto cuique facilius sit in aliorum scriptis falsum deprehendere, quam in suis verum astruere.

Est & inter ipsos Theologos de hac re contentio: nam multi Canonistis se socios addiderunt, seu quòd veri specie decepti sint: seu quòd sedem *Petræ* nulla non laude dignam, nimio & cæco affectu prosequentes, hoc etiam potestatis & dignitatis apice ornare voluerunt: seu denique, quòd singularibus Pontificum beneficiis deuincti, isto eos referendæ gratiæ studio sibi arctius conciliare, ne dicam immodica assentatione demereri, cupierunt. Atque horum, ut opinor, in numero est, qui nuper de congregatione Oratorii exortus, <sup>1</sup> acriorem Tho. Bozjus. se cæteris astipulatorem Canonistarum obtulit; quem propterea vir doctissimus, & nobilis Concionator, si quis in Iesuitis est, cum ab eo quid de hac *Bozii* opinione sentiret, percōtarer, Papalem parasitū vocabat. Nā libris editis entæ contendit, *Omne vim regæ, omniumq; rerū, quæ in terris sunt, potestatem & dominiū datū esse Romano Pontifici iure diui-*

*no: & quicquid potestatis vſp̄iam terrarum habent Reges & Principes ſeculares, tam fideles quàm infideles, id totum à Papa pendere, & quantum ad executionem temporalem tantummodo ab eo in illos deriuatum: ita vt ipſe, velut totius Mundi dominus, regna & principatus, cui & quando voluerit, dare vel auferre poſſit, quâuis nemo ſciat cauſam cur ita faciat. Ac proinde, inquit, potuit Indias Occidentales Caſtella, Oriëntales verò Luſitania Regibus adjudicare & addicere, quamuis cūcti homines ignorarent connexionem rationis quâ addicebantur, vt ſupra dicebamus.*

Huius itaq; opinionis tuendæ fiducia erectus, multos excellentes Theologos (in quibus eſt vir ille maximus & nunquam ſatis laudatus Bellarminus) grauiter inculat, <sup>1</sup> & nouos Theologos vocat: <sup>2</sup> aitq; eos *aperiſſimè falſa, & aduerſus omnem veritatem pugnantia docere*, eò quòd dicant Chriſtum, vt hominem, non fuiſſe Regem temporale, nec vllum dominium temporale in terris habuiſſe, nec exercuiſſe vllam regiam poteſtatē (iſtis enim aſſertionibus eueruntur præcipua deliriorum Bozii fundamenta) cū tamen magni illi Theologi veriſſima, ac proprio Saluatoris teſtimonio confirmata aſſerant. *Vulpes*, inquit, <sup>3</sup> *foveas habent, & volucres cœli nidos, filius autē hominis non habet ubi caput reclinet.* Vbi ergo eius regnum? ubi dominium temporale? quis animo cōcipiat, Regem aliquem aut dominum eſſe poſſe, cuius neque regnum vllum, neq; rei alicuius dominium in rerum natura ſit? Scimus Chriſtum, quā Dei filius eſt, Regē gloriæ, Regem Regum, cœli & terræ rerumque omnium dominū eſſe, vnā cum Patre & Spiritu Sancto æternum regnantem: at hoc quid ad regnum temporale? quid ad ſceptrum ſacerdotis ſecularis maiestatis? Legi equidem diligenter quæ in hanc rem Bozius edidit; ſed nihil ſolidæ rationis ad ſententiæ ſuæ confirmationē, non alicuius fallaciæ & captionis admiſſione corruptum, nihil vetuſtæ & probatæ authoritatis, non adulterinæ interpretationis fūco deprauatum inueni. Fuit olim in eodem errore Henricus Seguſianus Cardinalis Hoſtienſis, cuius noua tunc & inaudita opinio Bonifacium VIII. hominē per ſe quidem gloriæ auidum, velut nouis ambitionū facibus non multò poſt ſupra modum videtur accendiſſe. Sed bene nunc res vertunt, quòd Hoſtienſis illa opinio (quā Canoniſtæ poſtmodum ſequuti ſunt, quamque Bozius iam amplectitur) à Theologis quibuſdam firmiſſima ratione

damnata

<sup>1</sup> Lib. 2. cap. 11.

<sup>2</sup> Lib. 5. c. ult.

<sup>3</sup> Matth. 8.  
Luc. 9.

damnata sit; Et quòd Ecclesia Dei eum nunc habeat Pontificem Max. nempe Clementem VIII. qui non solùm pietate & doctrina, sed humilitate, iustitia, charitate, cæterisque virtutibus tanto Pastore dignis, insignem se & conspicuum orbi præbet; vt non sit quòd metuamus tantùm Pontificem, tam putida opinione, quæ solis ineptiis, & captiui- culis verborum suffulta est, commotum & infectum iri, vt aliquid sibi indebitum arroget. Neq; Bozcius tam temerarias assertiones tanto Pontifici dedicasset, nisi omnia auderet audacia. Superuacui ocii esset, errores & ineptias eius omnes, minutatim perstringere. Tantùm, ne hominẽ gratis reprehendisse videar, vnum deliriorum & argutiarũ eius testimonium subiiciam, vt Lector ex vnguibus de animali iudicet.

## CAP. II.

**P** Rincipio sciendũ est duas illas potestates, quibus Mũ-  
dus in officio continetur, Ecclesiasticam scilicet, & Po-  
liticam, ita iure diuino distinctas & separatas esse, vt  
(quamuis ambæ à Deo sint <sup>1</sup>) vtraque suis terminis con-  
clusa, in alterius fines inuadere suo iure nequeat, neutriq;  
in alteram Imperium sit <sup>2</sup>, vt pulchrè, & suauiter S. Bern-  
hardus docet libro 1. de Consider. ad Eugenium <sup>3</sup>, & inter  
recentiores Theologos Ioan. Driedo. <sup>4</sup> Eamq; ipsam ha-  
rum potestatum discretionem Magnus ille Hosius Episc.  
Cordubensis, ad Constantium Imp. Arianũ scribens, aper-  
tissi mē ostendit: cuius sententia, in S. Athanasii Epist. ad  
solitariam vitam agentes, in hunc modum relata est: *Tibi  
Deus Imperium commisit, nobis quæ sunt Ecclesia concedidit:*  
*Et quemadmodum qui tuum Imperium malignis oculis carpit,*  
*contradicit ordinationi diuina, ita & tu caue, ne, quæ sunt Eccle-*  
*sia ad te trahens, magno crimini obnoxius fias. Date, scriptum*  
*est, quæ sunt Cesaris Cesari, & quæ Dei Deo. <sup>5</sup> Neq; igitur fas*  
*est nobis in terris Imperium tenere, neque tu thymiamatum &*  
*sacrorum potestatem habes, Imperator. Hinc est, ex hac in-*  
*quam potestatum distinctione, quòd Innocentius & Pa-*  
*normitanus concludunt, <sup>6</sup> Laicos non teneri obedire Pa-*  
*pæ in iis quæ non sunt spiritualia, siue quæ non concernũt*  
*animam, vt loquuntur: nisi fortè in illis degant terris, quæ*  
*sub sunt temporali iurisdictioni Papæ. Atque ita restringi*  
*debet iusurandum illud professionis fidei in Bulla Pii IV.*

1 Rom. 13.

2 Can. duo sunt.

can. cum ad verũ

96. dist. ca. nouit.

de iudic. cap. per

venerabilẽ qui

filii sunt legit.

3 Cap. 6.

4 Lib. 2. de liborũ

Christ. cap. 2.

5 Matth. 22.

Marc. 12.

6 In cap. inquisi-

tioni de sent. ex-

comm.

vbi dicitur: *Romano Pontifici, &c. veram obedientiam spondeo, ac iuro.* quando laicus est qui iurat.

Diff. can. cum  
ad verū 96. diff.

Negat tamen Bozius hanc istarum potestatum distinctionem & temporalem sub Ecclesiastica contineri, eique directè subiectam esse, oppidò quam imprudenter, affirmat. Sed animaduertebat se perspicua sanctissimi Pontificis Nicolai I. confessione premi, qui in Epistola ad Michaelem Imperatorem docet, <sup>1</sup> quod licet olim *Pagani Imperatores idem & maximi Pontifices dicerentur*, tamen cum ad verum ventum est, eundem Regem atque Pontificem, ultra sibi nec Imperator iura Pontificatus arripuit, nec Pontifex nomen Imperatorium usurpauit: quoniam idem mediator Dei & hominum, homo Christus Iesus, sic actibus propriis, & dignitatibus distinctis, officia potestatis utriusque disceruit, propria volens medicinali humilitate sursum efferrì, non humana superbiarursus in infernum demergi, ut & Christiani Imperatores pro aeterna vita Pontificibus indigerent, & Pontifices, pro cursu temporalium tantummodò rerum, imperialibus legibus uterentur, &c.

Lib. 1. cap. 12.

Cum igitur hoc summi Pontificis testimonio vtramque potestatem suis propriis actibus, dignitatibus, & officiis, ita seiunctam & separatam ab altera cerneret, ut neque potestas temporalis iura spiritualis potestatis, neque hæc illius, usurpare sine iniuria possit: ut inde homo ingeniosus se extricaret ad inaudita interpretationis diuerticulum confugit: in quo se ridiculum, nec tam in inveniendò artificiosum, quam in efferendo temerarium ostendit. *Aduertendum vero*, <sup>2</sup> inquit, *in his Nicolai dictis. Primo non asserere ipsum laicalem potestatem disungi à spirituali, ut eam non habeat ecclesiasticus, sed ut secularis non habeat ecclesiasticam: propterea inquit discretas esse has potestates, non omnino, quasi alteri altera non subordinetur ac sit subiecta, sed discretas esse ait officiis, actibus, dignitate: simulque cum dixisset, nec Imperator iura Pontificatus arripuit, non viciissim dixit, Pontifex non arripuit iura Imperatoris. Non ait iura, ut Nauarra in cap. nouit. perperam, neque, uti credo, aduertens retulit. sed ait Nomen.*

Quid facias tam futili aucupe verborum? quem putares studuisse, ut Pontifex Nicolaus non Pastor sed impostor, nec docere sed deridere Imperatorem videatur. Quid enim? Nunquid de verbis ac non de rebus, de nomine ac non de iure & potestate, inter Papam & Imperatorem ser-



mo? aut nunquid Pontifex, vt obscura verbi ambiguitate, vel mutatione, Imperatorem caperet, ac nō potius vt simplice veritatis oratione instrueret, illam epistolam cōscripsit? Scitum est leges rebus non verbis imponi<sup>1</sup>: & hæc epistola veluti Ecclesiastica quædam lex est. Quod ergo ait Nicolaus, *nec Pontifex nomen Imperatoriū usurpauit*, perinde est ac si dixisset, *ius, siue iura, Imperatoris non usurpauit*: q̄ aduertēs doctissimus Canonista pariter & Theologus Nauarrus, alique omnibus seculis in scientiis illis exercitati, *nomen & iura*, pro eodem in illa epistola acceperunt; quæ tamen ab isto verborum captatore, vel inscienter, vel malitiosè, aliò & aliò perperam detorta sunt. *Scire leges non hoc est, verba earum tenere, sed vim ac potestatem*<sup>2</sup>.

<sup>1</sup> L. 2. C. com. d. legat.  
<sup>2</sup> L. Scire leges d. de legib.

Sed & hanc Bozii interpretationē refellit, quòd Papa istis verbis, *Vt Pagani Imperatores iidē & Maximi Pōtiffices dicerētur* (id est, *nominarentur*) non de inani & solo nomine intellexerit, quasi Imperatores vocarentur tantum Pontifices, sed de iure & officio; quòd iura atque officia omnia scilicet, & dignitates vtrique potestati conuenientes vnà cum nominibus occuparent: quod cum sit verissimū, nec id Bozius negare audeat; cōsequens profectò est, aut nullam illic antidiastolen, nec perfectam inter horum & illorum temporum Pontifices & Imperatores, differentiam constitui à Nicolao, aut per *nomen Imperatorium*, intelligere eum iura omnia Imperialia: vt quemadmodum post Christum agnitum & receptum Imperatores non amplius iura pontificatus, ita nec Pontifices, iura Imperialia sibi arripuerint. Denique si Papa se nomen tantummodo Imperatorium repudiare, ius verò & potestatem retinere illo in loco significasset: an non merito Imperator reponeret, se non tam de nomine quàm de iure esse sollicitum? quòd sibi nomen, si alius ius ac potestatem habeat? Dixisset certè, nec tam grauem tulisset iniuriam, si tale quid ex verbis Nicolai Pontificis posse colligi credidisset.

At non dixit has potestates esse *omnino* separatas, inquit Bozius. Fateor, & id proutidè, ne Pontificiis adulatoribus, aut aliis malè feriatis hominibus facilem calumniandi ansam praberet: id enim verbum Bozius interpretaretur, *omnino quantum ad executionem scilicet*: plus igitur & explicatiùs dixit, nepe has potestates propriis actibus, officiis, & dignitatibus esse discretas, vt manifestè ostēderet nullo modo esse coniunctas, nec alteram alteri esse subiectam,

quamvis ambæ in eadem persona possint concurrere. Idem enim & Princeps temporalis & Pontifex esse potest: sed nec ut Papa temporalium, nec ut Princeps spiritualium rerum actus, officia, dignitates, cæteraque iura sibi poterit vindicare. Si ergo neque dignitatibus, neque officiis, neque actibus coniunctæ sunt hæc potestates, dicat nobis Bozcius, ecqua in re sunt coniunctæ? Si dixerit, in eo quod *altera alteri subordinetur & subiecta sit*: id ipsum est quod negamus, quodque si verum esset, sequeretur necessario potestates illas, neque dignitatibus, neque officiis, sed tantum actibus esse discretas; atque ita hanc Nicolai Pontificis sententiam falsam esse. Nam dignitas, itemque officium, quod est in subordinato, non potest non esse in subordinante, cum ab eo in subordinatum deriuetur; inde est ut Princeps se violatum putet, dum eius ministri in exequendis officiis impediuntur; & Papa se ac sedem Apostolicam contemni, ex spreta Legati à se missi autoritate arbitratur. At verò res omnes & personæ præsumuntur esse liberæ & non subiectæ, nisi contrarium probetur. Quæ cum ita sint, ridiculum planè est, & Boziani cerebri commentum, quod ait, ex superioribus Nicolai Papæ dictis apparere eum *non asserere laicalem potestatem disiungi à spirituali, ut eam non habeat ecclesiasticus, sed ut secularis non habeat ecclesiasticam*. Vnde enim poterit apparere? cum ne verbum quidem in illa epistola extet, ex quo id probabili aliqua ratione colligi possit. Atque hæcenus de isto Bozii errore satis. Equidem non arbitror quemquam usque adeo insanire, ut non potius Hosio quam Bozio fidem in huius rei definitione, in harum inquam potestatum distinctione adhibeat.

## C A P. III.

**A**Dnecterem hic alia Boziani erroris exempla, ni scirem opinionem illam quam sopitam & pene extinctam conatur animare, usque adeo iam absurdam eruditius videri & tot perspicuis rationibus esse conuulsam, ut iam non sit metuendum, multos ea captum iri. Nam in primis certum est, neque Bozium, neque eius astipulatores omnes, quantumlibet sacras literas & scripta Patrum terant & torqueant, unquam inde certum aliquod testimonium prolaturus, quo illa quam somniant, temporalis Papæ iurisdictio & potestas, in Principes & populos totius Orbis, liquido confirmetur.

Sed nec ullum vestigium talis potestatis temporalis per manus traditæ ab Apostolis, & eorum successoribus, in septingentesimum, ne dicam millesimum annum à Christo passio reperitur. Qua de causa doctissimus Bellarminus in istius opinionis refutatione, hoc validissimo argumento scitè & succinctè utitur. *Si res ita se haberet* (quod Papa scilicet sit Dominus temporalis totius Orbis) *deberet id constare ex Scripturis, aut certe ex Apostolorum traditione. Ex Scripturis nihil habemus nisi datas Pontifici claves regni cælorum: de clauibus regni terrarum nulla mentio, traditionem Apostolorum nullam aduersarii proferunt.* Quæ res, simulq; ingens Theologos inter & Canonistas, & utrorumque inter se, de hac re dissensio, dum hi directam, illi indirectam potestatem astringunt, facit ut quæstio hæc de temporali potestate Papæ, dubia & incerta, ac tota in hominum opinione posita videatur: ac proinde solutionis eius veritatem lumine rationis, & dissendi subtilitate esse peruestigandâ: nec esse de fide, ut loquuntur, de ea hoc aut illo modo sentire. Quæ enim fidei sunt, ea ab omnibus & vno modo tenenda sunt.

Lib. 5. de Rom.  
Pont. cap. 3.

Ad me autem quod attinet, quanquam ore animoque profiteor, summum Pontificem Urbis Romæ Antistitem (utpote vicarium Christi, & legitimum D. Petri successorem, atque adeo vniuersalem & supremum Ecclesiæ Pastorem) spiritali potestate super omnes Reges & Monarchas Christiana nos præditum esse, inque eos imperium habere & exercere posse, quod in omnes animas Petro Apostolo datum fuisse Scriptura testatur, ligandi scilicet & soluendi; Non tamen propterea adducor, ut æquè credam cum Reges & Principes seculares in sua potestate temporali continere, aut illis in Deum vel homines delinquentibus, vel suo alioque munere abutentibus, imperium abrogare, sceptraq; auferre & aliis conferre, vlllo modo posse: aut denique aliquod temporale in homines laicos, cuiuscûque sint ordinis vel conditionis, obtinere; nisi id ciuilibus & legitimis modis acquisierit. Quod opinionem id asserentem à multis quidem tentatâ, sed à nullo satis firma ratione probatam hactenus animaduertim: & pro sententia negatæ grauioribus multo & certiores rationes afferri posse videantur. Equidem pro meo in sedem Apostolicam studio, id ei iuris competere, certis & indubitis argumentis ostendi posse vehemèter cuperem, eò paratus inclinare, quo ratio potior & autoritas propendunt. Sed propius ad disputationem veniamus.



Papam temporali potestate in Reges & Principes dominari, perspicuè falsum esse; vel ex eo constat, quod absurdum & iniquum sit dicere, Principes Ethnicos duriore & deteriore conditione ab Ecclesia esse receptos, quam singulos quosque de multitudine: vel Papam habere maiorem nunc potestatem in Principes politicos Christianos, quàm olim D. Petrus & cæteri Apostoli in quemlibet priuatum hominem Ecclesiæ filium. At hi nullumius & potestatem temporalem habuerunt tunc tēporis in Christianos laicos: ergo nec Papa in Principes seculares potestatem vllam temporalem nunc habet. Assumptio inde probatur, quod certo certius sit, ecclesiasticam potestatem fuisse omnino separatam à politica, tempore Apostolorum (Bozii ineptias nunc non moror) & hanc totam penes Ethnicos Principes extra Ecclesiam fuisse: adeo vt ipsi Apostoli in potestate temporali Ethnicorum fuerint, idque & Albertus Pigghius, <sup>1</sup> & Robertus Bellarminus, <sup>2</sup> aliquæ Theologi insignes ingenuè fatentur. Christus enim venit, *non soluere legem, sed adimplere*; nec naturæ & gentium iura tollere, aut quenquam temporali rerum suarum dominio excludere: itaque sicut ante eum Reges politica potestate subditis præerant, ita etiam posteaquã aduenit, & a nobis deinde in cælos recessit, eam ipsam potestatem Apostolorum doctrina confirmatam nullaque ex parte delibatam retinuerunt. Si itaque Petrus cæterique Apostoli, antequam Christum sequerentur, temporali Principum Ethnicorum ditioni & iurisdictioni subiciebantur (quod negari non potest) nec Dominus vllibi differtè & nominatim ipsos ab illa naturalis & gentium iuris obligatione liberauit: cōsequitur necessariò, mansisse eos sub eodem iugo etiam post Apostolatam, cum id nihil prædicationem & propagationem Euangelii potuerit impedire. Nam etsi fuissent verbo Saluatoris liberati, quid contulisset quæso eorum exemptio ad Euangelium seminandum? aut quid amplius pauci illi & pauperes homines, vinculo temporalis potestatis in conscientia soluti, efficere potuissent, quam relictī in pristina conditione parendi? Siquidem ius illud libertatis, si quod fuissent nacti, illiberali & iniusto Principum & populorum infidelium factō impeditum, ac inutile fuisset. Sed & eos aliorum ciuium instar Principibus subditos extitisse, ex ipsorum doctrina & factis apparet, quippe id illis exprobari nō potest, quod

Chri-

<sup>1</sup> Lib. 5. cap. 7.  
Hic de Ecclesi.  
<sup>2</sup> Lib. de Rom.  
Pont. cap. 29.

Christus Scribis & Pharisæis exprobrat, aliud eos fecisse, aliud docuisse. Docuerunt autem Christianis subiectionē & obedientiam, de qua loquimur, Regibus & Principibus exhibendam <sup>1</sup>. Qua de causa Paulus ipse ad Cæsarem ap- <sup>1</sup> Ad Rom. 13. pellauit, & iussit Christianos omnes subiectos esse temporali potestati Ethnicorū, <sup>2</sup> *non solum propter iram, sed etiam* <sup>2</sup> 1. Petr. 2. *propter conscientiam*. Nam quod quidam dicunt D. Paulum non de temporali potestate secularium Principum illic loqui, sed de potestate in genere, vt quisque suo superiori obediat, laicus laico, ecclesiasticus ecclesiastico, mera cauillatio est, & responsum viris doctis ac Theologis indignū. Nulla siquidem tunc temporis alia quàm politica & temporalis potestas vulgò ab hominibus agnoscebatur; & Apostolus diuino spiritu afflatus ita suas epistolas conscripsit, vt non solum conuersos ad fidem erudiret, sui que officii commoneret, ne existimarent se ita Christi sanguine redemptos, vt nulli amplius potestati seculari obedire tenerentur, (quod quorundam animis, Christiani nominis dignitate & libertate fretis, perperam infederat) sed etiam vt Ethnicis & infidelibus ostenderet, legem Christianam nulli ius suum auferre, nec esse vllò modo temporali Regum & Imperatorum authoritati & potestati contrariam. De sola igitur temporali potestate intelligi debere eo loco Apostolum apparet, quod tunc temporis alia nulla, vt dictū est, agnosceretur. Et eo quidem sensu antiqui Patres Apostolū ibi semper interpretati sunt, vnde D. Augustinus in eius loci expositione, fatetur seipsum, & per consequēs in sua persona Prælatos omnes Ecclesiæ, temporali potestati subditos esse; cuius verba, quoniam magnam huic disputationi lucem adferunt, integra ascribam. Sic ergo ille <sup>3</sup> *Quod au-* <sup>3</sup> In lib. exposi-  
*tem ait, Omnis anima potestatibus sublimioribus subdita sit. Non* *tionis quarundā*  
*est enim potestas nisi à Deo: rectissime admonet, ne quis ex eo quod* *propos. ex epist.*  
*à Domino suo in libertatem vocatus est, factus Christianus, extol-* *ad Rom.*  
*latur in superbiam, & non arbitretur in huius vitæ itinere seruā-*  
*dum esse ordinem suum, vt potestatibus sublimioribus, quibus pro*  
*tempore rerum temporalium gubernatio tradita est, existimet non*  
*se esse subdendum. Cum enim constemus ex anima & corpo-*  
*re, quam diu in hac vitæ temporali sumus, etiam rebus tempora-*  
*libus ad subsidium degendā huius vitæ utamur, oportet nos ex*  
*ea parte, quæ ad hanc vitam pertinet, subditos esse potestatibus,*  
*id est, hominibus res humanas cum aliquo honore administran-*  
*tibus. Ex illa vero parte qua credimus Deo, & in regnum*  
*eius*

*eius vocamur, non nos oportet esse subditos cuiquam homini, id ipsum in nobis euertere cupienti, quod Deus ad vitam æternam donare dignatus est. Si quis ergo putat, quoniam Christianus est, non sibi esse vectigal reddendum, aut tributum, aut non esse exhibendum honorem debitum eis qui hæc curant potestatibus, in magno errore versatur. Item si quis putat se esse subdendum, ut etiam in sua fide habere potestatem arbitretur eum, qui temporalibus administrandis aliqua sublimitate præcellit, in maiorem errorem labitur. Sed modus iste seruandus est, quem Dominus ipse præscribit, ut reddamus Cæsari quæ Cæsaris sunt, & Deo, quæ Dei sunt.*

Multa hîc paucis complectitur Augustinus, quæ varias assertiones nostras sparsim hoc libro positas fulciunt. Nam & primum docet, quod iam diximus, Christianæ religionis professionem non eximere quenquam à temporalis potestatis subiectione: ex quo duo necessario sequuntur, quorum alterum est, Apostolos cæterosque Christianos omnes temporali Ethnicorum Principum & Magistratuum potestati fuisse subiectos, ac proinde neque D. Petrum neque alium vllum Apostolum aliqua temporali potestate in Christianos præditum fuisse, quod ea tota penes Ethnicos esset, ut hoc capite ostendimus. Alterum verò, non licuisse primis illis Christianis ab Ethnicorum Principum imperio deficere, & alios sibi Principes & Reges constituere, etiam si vires illis ad id perficiendum suppetissent, ut falsò putat Bellarminus. <sup>1</sup> quia non erant liberati à iugo potestatis temporalis, cui ante susceptam Christi fidem subiiciebatur. quod etiam infra cap. 21. proluxa dissertatione ostendemus. Deinde intelligit locum illum Apostoli de temporali potestate tantum, sicut & nos hoc capite. Tertio cum generaliter de illa subiectione loquatur, eoque sermone vtatur in quo seipsum includit, neminem verò excipit, satis apertè indicat, Clericos iuxta ac Laicos temporali potestati in hac vita subditos esse. Postremo illustre nobis doctrinam tradit, de duplici officio subditorum, erga Deum scilicet, & Regem. siue potestatem temporalem, quomodo debeat utriusque seruire, & quod suum est reddere; quam nos doctrinam secuti sumus hoc libro, & in libris de Regno. Sit ergo hoc positum, locum illum D. Pauli, de quo supra, non nisi de potestate temporali ab eo scriptum esse. Fatemur tamen sententiam illam de obedientia præstanda, ad spirituale quoque potestatem, propter omnimodam similitudinem, & identitatem

*rationis,*



nationis, vt aiunt rectissimè accommodari posse <sup>1</sup>.

<sup>1</sup> L. illud D. ad  
leg. Aquil.

Si ergo nullam temporalem potestatem habuerunt tunc Apostoli in priuatos homines regeneratos, & filios Ecclesie factos, qui fieri potest vt successores Apostolorum eam potestatem in Principes ad Ecclesiam venientes facti sint? quando quidem ex parte successorum repugnat, eos plus iuris habere in filios spirituales virtute potestatis Ecclesie quam habuerunt ipsi Apostoli quibus succedunt. Ex parte Principum quid indignius & iniquius dici potest, quam eos fidem Christi profitentes, duriorē iugo pressum in singulos de multitudine? At priuati homines quando in spiritualem Ecclesie ditionē concedebant, nihil patrimonii aut iuris temporalis amittebant, exceptis rebus illis, quas sponte obtulerant, & in communem vsum contulerant, vt ex actis Apostolorum patet, <sup>2</sup> vbi Ananias mortem mendacium luit increpitus, à D. Petro his verbis: *Nonne mansisti tibi manebat, & venundatum in tua erat potestate?* Similiter ergo & Principes vbi Christo nomen dabant, ius omne suum temporale (imperium dico & potestatem politicam) integrum & intactum retinebant. Nec iuuat aduersariorum causam, dicere Apostolos ideo non habuisse temporalem potestatem in suis seculi Principes, quia nondum facti erant Christiani: secundum illud, <sup>3</sup> *Quidenim mihi de ijs qui foris sunt iudicare?* Papam verò nunc illam potestatem habere, quia facti sunt Christiani & filii Ecclesie, cuius ipse supremus Princeps & caput in terris est atq; omnium Christianorum pater: & rectum nature ac rationis ordinem postulare, vt filius patri, non pater filio subiiciatur. Hæc inquam aded nihil ratio est, vt mirum sit locum ei aliquid à viris Doctis datum esse. Nam illa subiectio spiritalis, per quam Principes facti sunt filii Papæ, penitus distincta & separata est à subiectione temporali, ita vt altera alteram non sequatur. Sed quemadmodum Præses vel Consul, interea dum Magistratum gerit, potest se in adoptionem alii dare, <sup>4</sup> atque ita in familiam patris adoptiui & patriam potestatem transire: cum tamen per illum actum legitimum nec fasces consulares, nec aliud quicquam iure magistratus sibi competens in adoptantem transferat: ita Reges & Principes, atq; omnes omnino homines, cum in Ecclesie gremium se conferunt, & summo Pontifici tanquam patri in adoptionem dant, insignia imperii, & quicquid vspiciam temporalis iurisdictionis aut patrimonii habent, eodem

<sup>2</sup> Cap. 5.

<sup>3</sup> 1. Cor. 5.

<sup>4</sup> L. 3. D. de adopt.

dem planè iure quo antè, libera, integra, atque intacta sibi retinent. atque ita Pontifex nihil amplius temporalis potestatis per illam adoptionem spiritualem acquirit, quam ante adoptionem habuerat. quod pluribus infra demonstrabitur<sup>1</sup>.

1 Cap. 14.

Huc accedit, quòd florente plurimùm republica Christiana, tum multitudine credentium, tum sanctimonia Pontificum, tum eruditione & exemplis Doctorum, atque à malis interim Principibus, etiam filiis Ecclesiæ per regenerationem factis, vexata, atque iactata, nul a de hoc principatu & iurisdictione temporali Papæ in Principes seculares, non dicam expressa & manifesta declaratio, sed ne leuissima quidem mentio inter Ecclesiasticos facta sit: quæ tamen si in Petri personam à Domino fuisset collata, aut eius successoribus aliquo modo competisset, licet eam reuera, siue de facto, vt loquuntur, non exercissent, haudquaquam à tot tantisque viris sanctis & sapientibus, ac præ Dei & Ecclesiæ causâ nihil non contemnentibus, fuisset tam alto silentio & tam diu prætermissa. Quid inquam minus credibile, quàm omnes illorum temporum Pontifices, zelo & studio Ecclesiæ gubernandæ flagrantes, hanc sui officii pastoralis partem, si modò partem esse censuissent, (in qua eorum successores quidam, maximum fidei protegendæ præsidium collocarunt) ita negligere voluisse, vt ea aduersus Imperatores hæreticos, tot tantisque occasionibus nequaquam vterentur. Nemo tamen inter eos extitit, qui se Imperatoribus iure Diuino superiorem in temporalibus, vel scripto vel verbo vnquam significauerit: quin potius, vt quisque doctrina & sanctitate magis excelluit, ita Imperatorem submissius obseruans, eius subditum & seruum se esse professus est. B. Gregorius Magnus multorum instar sit, qui in quadam ad Mauncium Imp. epistola. <sup>2</sup> *Ego autem indignus pietatis vestra famulus*, inquit. & paulò post, *ad hoc enim potestas super omnes homines dominorum meorum pietati cælitus data est.* (*dominorum* dixit, vt Imperatorem simul & Augustam comprehenderet, cum qua Mauricius Imperium in dotem accepit) En vt sanctissimus hic Pontifex testatur, Imperatori potestatem cælitus datam super ipsum Papam. *super omnes*, inquit, *homines*: super Papam ergo si homo est. Vtrum autem vt Episcopus & Papa, an vt homo priuatus id scripserit, ad mentem sensumque authoris non interest. cum idem vtrouis casu & sensisse

2 Lib. 2. epist. 61.  
indict. 11.

senfisse eum & scripsisse credendum sit. ad institutum nostrum satis est scire, qualiter seculi illius Pontifices erga Imperatorem se gesserint. Non enim vereor, ne vir doctus aliquis dicat, Gregorium in illa epistola, per humilitatem, ita Imperatorem exaltasse, & subiectione non debita se ei submisisse. quòd si sciòlus fortè aliquis obiiciat, ei responsum volo, grauem tam sancto Pontifici ab eo iniuriam inferri, quòd dicat illum humilitatis causa mentiri, & mentiri magno cum Ecclesiæ & dignitatis Pontificalis præiudicio, vt non iam officiosum, sed perniciosum mendacium fuerit. Audiat S. Augustinum. <sup>1</sup> *Cum humilitatis causa mentiris, si non eras peccator, antequam mentireris, mentiendo efficeris, quod euitaueras.* Gregorium autem non fictè & officiosè, sed ex animo locutum esse, testantur quæ sub finem illius epistolæ expressius de sua subiectione & obedientia erga Imperatorem necessaria scribit. Tulerat Mauricius legem, quam Gregorius, licet iniquam, & Ecclesiasticæ libertati nonnihil aduersantem, accepto Imperiali de ea publicanda mandato, ad varias regiones promulgandam transmisit. Ita igitur epistolam illam concludit. *Ego quidem iussioni subiectus, eandem legem per diuersas terrarum partes transmitti feci: & quia lex ipsa Omnipotenti Deo minimè concordat, ecce per suggestionis meæ paginam serenissimis dominis nuntiaui. Vtrobique ergo, quæ debui, exolui, qui & Imperatori obedientiam prabui, & pro Deo quod sensi minimè tacui.*

<sup>1</sup> Serm. 29. de verb. Apostoli, tom. 10.

O diuinum Antifistitem, & sententiam nullis non sequentium seculorum Pontificibus inculcandam! Sed proh Numen! quòd benigna illa & humilis confessio à nostris tæculis exulauit? cui paulatim succreuit hæc minax & fastuosa aduersus Reges & Imperatores oratio. *Nos in supremo iustitia throno collocati, supremam in omnes Reges & Principes vniuersa terra, cunctosque populos, gentes, & nationes, non humana sed diuina institutione, nobis traditam potestatem obtinentes, declaramus, iubemus, precipimus.* <sup>2</sup> &c. quæ verba falsa & inania vel ex eo esse patet, quòd Papa in Principes & populos infideles, qui multitudine Christianos superant, neque temporalem neque spirituales potestatem habeat. vt Belarminius in libris de Romano Pontifice firmissima ratione ostendit <sup>3</sup>.

<sup>2</sup> Ex Bulla Pii V. aduers. Regin. Angl. & Sixti V. contra Regem Franciæ.

<sup>3</sup> Lib. 5. cap. 2.

Hæc igitur & his similia, quæ nō in tate mutationis status & imperii Pontificalis admiratione trahant? aut cui non iustè inquit.



inquirendi causam offerant, cur priores Pontifices florētissimo Ecclesiæ seculo, se Principum famulos, seruos, & subditos agnouerint, eorumque imperio in temporalibus obsequuti sint, cum illis nihilominus in spiritualibus præessent: posteriores autem, se Regum, Principum, gentium, & nationum omnium Dominos profiteantur. Multis certe ea res, eruditis & Catholicis hominibus, non mediocrem de huius mutationis iure dubitandi causam præbet, imò vero credendi tam ingens & absolutum imperium temporale, in personis Pontificum, non ab Omnipotente Deo, sed ab impotente hominum quorundam cupiditate originem habuisse: nec à Christo Domino in Petrum initio diuinitus collatum, sed ab aliquot Petri Successoribus, post multas ætates, humano more fuisse vsurpatum. nempe Pontifices quosdam auctis in immensum opibus, cæcæ ambitioni atque odio indulgentes, sensim eam sibi potestatem vindicasse, qua sibi licere quicquid est vsipiam regnorum & principatuum adimere dareque contenderent. Homines sanè erant, & vt cæteri mortales interdum appetentiores vanitatis: qualis ille qui solo odio Philippi Pulchri Regis Franciæ decretalem constitutionem edidit, <sup>1</sup> quæ tot scandala, tot pericula peperit, vt statum à Bonifacio successore metuerit abrogari. <sup>2</sup> Auxit verò in illis, & aluit id vitii mira & misera palponum quorundam adulatio, qui inepertis assertionibus, cuiusmodi nunc sunt Boziana Deliria, Papæ omnia licere, omniaque iure diuino subiecta esse affirmabant. quo minus mirari oportet, nonnullos ipsorum, Pontificalis & Apostolicæ modestiæ vsque adeo esse oblitos, vt potentiæ amplificandæ studio in fines alienos incurrerint. De quibus Gaguinus vir Doctus & religiosus, *Hanc tam late patentem & usurpatam auctoritatem* (vt ille vocat) obiter taxans. <sup>3</sup> Itaque ex est, inquit, hodie illorum sublimitas & amplitudo, vt parui habitis Regibus, licere illis omnia glorientur. Neque quisquam ad Pontificatum mea ætate venit, qui dignitate adeptus, non statim suos nepotes magnis opibus & principatu donauerit. Et ante Gaguinum diu S. Bernardus. <sup>4</sup> An non limina Apostolorum iam plus ambitio quàm deuotio rerit? Hinc Platina <sup>5</sup> Moratur autem hoc modo Bonifacius ille, qui Imperatoribus, Regibus, Principibus, nationibus, populus, terrorem potius quàm religionem iniicere conabatur: quique dare regna & auferre, pellere homines ac reducere, pro arbitrio animi conabatur. Atque idem Gaguinus alibi: <sup>6</sup> Talem viam exitum habuit

<sup>1</sup> Cap. clericis de immu. eccl. in 6.

<sup>2</sup> Clement. de immunit. eccl. vbi gloss. id notat.

<sup>3</sup> Hist. li. 10. hist. Franc. in vita Caroli VII.

<sup>4</sup> lib. 3. de consider. ad Eugen.

<sup>5</sup> In vita Bonifacii VIII.

<sup>6</sup> Lib. 7. hist. in vita Philip. Pulchri.

*habuit contemptor omnium hominum Bonifacius, qui Christi præceptorum minimè recordatus, adimere & conferre regna pro suo arbitrio conabatur, cum non ignoraret eius se loco versari in terris, cuius regnum non de hoc mundo & terrenis rebus, sed de cælestibus esset: quique dolo & malis artibus episcopatum Romanum sibi quasiuerat, & Cælestinum (sanctissimum virum) à quo dignitatem receperat, in carcere, dum vixit, habuerat.*

## C A P. IV.

**D**Vas autem res potissimum inuenio, quæ ansam Pontificibus tantam potestatem arrogandi videtur præbuisse. Harum vna est, ingens ille honos, qui, ut par erat, Principibus & populis Christianis summo animarum pastori deferabatur, & deferri adhuc debet: atque etiam præiudicata sanctitatis opinio de sede illa beatorum Apostolorum Petri & Pauli, quæ inter omnes in omni dignitate & authoritate spirituali vna eminet: eoque maximis copiis & facultatibus præ cæteris aucta est & ornata. His de causis facile omnes adducebantur, ut crederent, nec Papam pro sua sanctitate alieni iuris quicquam sibi velie assumere: nec fas esse Christiano iussu Pontificia ullo modo detrectare. Inde factum, ut huius tantæ reuerentiæ & benevolentiæ fiducia erecti Pontifices nonnulli, quibus animus ad gloriam procliuior, istam ad se potestatem in Reges traherent, primis successoribus, Petri fuisse decessoribus prorsus ignotam. Eo accessit præoccupatum vulgi & illiteratorum iudicium, qui hac sanctitatis opinione imbuti, Papam nec dicto nec facto errare posse credebant: atque etiam Clericorum & Canonistarum quorundam scriptio. qui, seu veritatis ignoratione lapsi, seu in Principis sui Papæ, à quo vno pendebant, adulationem effusi, quicquid toto orbe terrarum potestatis, est in eius solius personam contulerunt: illis blandimentis atque illecebris Pontifices sponte sua ad gloriam currentes, velut nouis ambitionum facibus, accensi sunt. Omnes enim, quotquot sedem illam legitime tenuerunt, pari cum Petro authoritate regimini Ecclesiæ præfuere, sed non omnes Petri zelo accensi, paribus eam studiis gubernarunt. Proh dolor, & nonnullos constat per vim & scelus in locum illum irrepsisse, alios irrupisse, & sanctissimam cathedram moribus inquinatissimis fœdauisse: alios vero, quanquam legitime ad eius fastigium dignitatis eue-

ctos, ambitiosa dominandi libidine exaruisse, & magna Regum ac Principum secularium æmulatione, fines imperii sui, quod initio merè fuit spirituale, temporalis potestatis accessione proferre, nullo non artificio esse annixos. quod studium licet principio videbatur nonnullis ad ornamentum tantæ dignitatis pertinere, qua Christi in terris Vicarius, & B. Petri successor fungitur, tamen ubi eorum aliqui ed arrogantiæ deueniunt, ut non solum Reges de folio deicere, sed regna etiam amplissima in præmium imo in prædam dare & occupanti concedere, sibi licere, in animum inducerent: tum certè nemo sanus insanam illam animi elationem non magnopere improbavit, & vel lachrymas vel indignationem tenuit. Quis tum non ingemuit vel infrendit, cum superbissimus ille Pontifex, cuius modò meminimus, potentissimo Monarchæ Philippo Pulchro regnum abrogare, & Alberto Austriæ Duci viâ cum Imperio conferre oppidò quàm arroganter præsumpsit? Nec id alia de causa, quàm quòd Rex Legatum ipsius minitanti sibi audacius in carcerem misisset: quasi eo facto Rex Franciæ (quem paulò antè Innocentius III. ingenuè fassus erat <sup>1</sup> non habere superiorem in temporalibus) regnum tanquam Papæ cliens & beneficiarius commisisset. Ita enim per Archidiaconum Narbonensem Regi mādāt, *regnum Franciæ ob eius contumaciam, & violatum ius gentium, ad Romanam Ecclesiam esse deuolutum.* quod quid aliud sonat, quàm regnum illud, omnium opinione liberri- mum & florentissimum, eiusque exemplo cætera omnia regna Christiana, Ecclesiæ Romanæ atque adeo Papæ beneficia seu feuda esse? cùm non aliter ad illam Ecclesiam propter contumaciam & feloniam, ut vocant, deuolui possint, quàm si ipsa dominium directum temporale illorum regnorum obtineat.

Alteram tantæ iurisdictionis temporalis occupandæ ansam, præbuit gladius excommunicationis maximum spiritualis imperii propugnaculum, qui tanto terrori erat, ut populus minas Pontificias, excommunicationis fulmine, quo iure quaque iniuriâ communitas, neque contemnere, neque negligere auderet: aut in concionibus frequenter ea vox personaret. *omnem excommunicationem, etiam iniustam, esse timendam.* & solius Pontificis esse, æstimare iusta sit an iniusta. Etiam illud, *cum excommunicatus nec cibum esse sumendum, nec vlla in re communicandum esse.* <sup>2</sup> quibus mo-

<sup>1</sup> Cap. per venerabilem. qui fil. sunt legit.

<sup>2</sup> Can. sicut. can. excommunicatos. II. q. 3.



ationibus & minis conterriti plerumque Principum excommunicatorum subditi, ab obsequio deficiebant: & quod extremum in eiusmodi malis erat, Papa in excommunicatum a se Principem, Principes alios partim simili anathematis interminatione, partim blandimentis & largitionibus concitabat. Itaque Principes illi, quos ista Pontificum invidia premebat, tot undique periculis inuoluti, tot casibus expositi sceptri potius submissione iratum Pontificem placare, vexationemque redimere maluerunt, quam omnia intestinis seditionibus, publicoque incendio, suam causam miscere. Hæc via Pontificibus compendiaria fuit ad metum Regibus & Principibus iniciendum, & victoriam pene sine certamine parandam. nonnulli tamen infractis animis aduersus eiusmodi conatus Pontificios resisterunt tanto robore, ut inde orta calamitas Papam quam Principem magis affligeret. Sed hic Lector monendus est sententiam illam omnium vocibus celebratam, *excommunicationem omnem esse timentam*, cum hac exceptione intelligi debere, *extra quam si manifeste constet esse iniustam*. tunc enim nec curanda, nec timenda est, modò absit ab excommunicato contemptus & præsumptio: nec eum enim in quem fertur, sed à quo fertur afficit atque lædit. Cuius generis excommunicatio illa videtur, quæ in subditos profertur, eo quod Regi vel Principi suo excommunicato pareant in iis quæ temporalis sunt iurisdictionis, & Dei mandatis non repugnant: ut infra commodiore loco demonstrabitur <sup>1</sup>. Præterea nec illud vniuersè verum est; *cum excommunicatis non esse communicandum, aut cibum sumendum*. Neque enim id verum est, ubi periculum impendit, ne ex eiusmodi separatione magnum in Ecclesia malum oriat, ut solet Principe excommunicato, si subditi eius communione abstineant: nam vix ullus Principum tam perditus est, qui non inueniat amicos & clientes, quorum opera & armata manu causam suam quamlibet iniustam, magno cum Ecclesiæ ac Reipublicæ intertrimento, tueatur: cuius rei, & patrum memoria & nostra ætate, exempla luculenta in Christianis gentibus extiterunt, ubi inquam tale quid timetur, corporum separatio non est necessaria, *sed sufficit à talibus corde seiungi, vita moribusque distinguere, propter compensationem custodiendam pacis & unitatis, propter salutem infirmorum*, ut præclare docet S. Augustinus. <sup>2</sup> ex quo sequi videtur Papam inconsideratè facere, qui subditis communione Principum interdicit.

Cap. 26.

<sup>1</sup> Lib. 3. contra  
Epist. Parm. ca. 2.

B a

quo-

quoties inde secessio & turba non mediocris Ecclesiæ vel Reipublicæ impender, imò nec teneri subditos in eiusmodi casu, Papæ separationem corporum imperantio obedire. Sed ea de re verbius suo loco.

Ex his & similibus apparet, quod dixi, Pontifices postremis Ecclesiæ seculis temporalem istam in Principes potestatem sensim sibi usurpassè, quam nemo omnium decessorum neque primis, neque mediis temporibus unquam agnouit. Et verò Gregorius VII. partim publica offensa Hærici I V. Imperatoris, partim priuata iniuria permotus, id iuris dandi & auferendi regna, apertè sibi primus omnium asseruit, affirmans Christum Petro & eius successoribus omnia Mundi sceptrà dedisse, hoc versiculo,

*Petra dedit Petro, Petrus diadema Rodulpho.*

Verum nihil aliud Gregorius eo facto, quàm cruentas & furiosas tragœdias excitauit; nec infelicitèr destinata, vi & armis prohibitus perfecit. Quod autem Ecclesia potestatem eiusmodi primis temporibus non habuerit, ac ne quidem habere se crediderit, ex illa quam attulimus Hosii epistola, ad Constantium Ariana heresi infectum, & Romanum Pontificem Liberium, aliosque Orthodoxos Episcopos exiliis, variisque molestiis vexantem, liquidò comprobatur. Nam loquitur ibi vir magnus non in priuati hominis Christiani, neque in simplici Episcopi persona, sed totius ordinis Ecclesiastici, atque adeo summi Pontificis nomine: & aut verum dicit aut falsum. Si verum, constat Ecclesiam tunc temporis sensisse, nullam se in Reges & Principes Christianos temporalem iurisdictionem, ne quidem ob heresin, quod crimen grauissimum & perniciosissimum est, habere. Sin falsum, quamobrem? an ut Imperatori assentaretur? scilicet, qui tunc verè dicere potuit, *loquebar de testimoniis tuis in conspectu Regum & non confundebat* <sup>1</sup>: An quia rei veritatem, & ecclesiasticam doctrinam ignorabat? equidem non arbitror quenquam id ei viro ascripturum, qui plerosque coetaneos suos doctrina & eloquentia nō æquauit modò, sed & experientia propter ætatem anteiuit: qui cùm sæpius Conciliis & cætui sanctorum Patrum interfuisset, eorumque de iure ac potestate Ecclesiæ sententias audisset, non potuit ignorare, quid ibi esset de malis Principibus, & Ecclesiæ in eos iurisdictione definitum. Adde, quod caput est, hanc nobilissimi Confessoris ad Constantium sententiam à S. Athanasio laudatā, à nullo au-

Io autem sanctorum Patrum eius ætatis aut sequentium seculorum improbatam, vt meritò præiudicatam de hac sententia opinionem habeamus.

## C A P. V.

**D**E Bozii & Canonistarum ineptia, qui Papæ Dominium & Imperium totius orbis iure diuino tributum esse dicunt, satis iam, superque disserui. Neque enim in ea refutanda operam consumere mihi necesse est, cum sit communi Theologorum calculo iam pridem explosa. Nunc ad alteram opinionem transeamus, quam Theologi, quibus illa Canonistarum displicet, reiectæ loco substituant: & an sit cum veritate coniuncta videamus. Hanc autem ita capite primo proposuit, *Papam habere potestatem temporalem indirectè, & aliquo modo, id est, ratione, suæ spiritualis Monarchia: habere inquam summam potestatem etiam temporalem disponendi de temporalibus rebus omnium Christianorum*, quæ sententia si vera est, quicquid Pontifici per abnegationem directæ potestatis subtractum est, id ei per obliquam & indirectam hanc imperandi viam cumulatè restituitur. Sed vereor ne vera non sit, & expugnetur iisdem machinis, quibus illa Canonistarum conuellitur. Nam Theologi, & doctè præ ceteris Bellarminus, Canonistarum opinionem, quæ Papæ totius orbis Dominium tribuit, & Regibus ac Principibus secularibus executionem tantum à Papa demandatam, hac ratione redarguunt, quod ipsimet Pontifices ingenuè fateantur (vt variis ipsorum epistolis expressum est) Imperia & regna temporalia à Deo Principib. esse tributa: & quicquid habent Reges & Imperatores, siue potestatis siue executionis, id illos à Christo habere. vnde idem Bellarminus argumentum illud aduersus Canonistas hoc dilemmate scitè concludit. <sup>1</sup> *Peto igitur, inquit, vel potest summus Pontifex ausurre à Regibus & Imperatoribus hanc executionem, tanquam summus ipse Rex & Imperator, aut non potest? Si potest, ergo est maior Christo: si non potest, ergo non habet verè potestatem regiam.*

Quidni & nobis, eiusdem generis argumento aduersus alteram hanc Theologorum opinionem, vt liceat: Regna & imperia dantur à Deo, vt multi sanctissimi Pontifices testantur. Qua ratione P. Gregorius in quadam ad Mauricium Imperatorem epistola, <sup>2</sup> his verbis orditur. *Puissimus atque à Deo constitutus dominus noster.* & in alia ad Constan-

<sup>1</sup> Lib. 5. de Rom. Pont. cap. 3.

<sup>2</sup> Lib. 4. indict. 13. epist. 32.



¶ Eodem lib. 2.  
p. 18. 19.

tiam Augustam, <sup>1</sup> *Vestra itaque pietas*, inquit. *quam Omnipotens Deus, cum serenissimo domino, uniuerso Mundo præesse constituit, illi per fauorem iustitiæ famulatæ suæ reddat, à quo ius tanta potestatis accepit. Quid multum? ipsa Scriptura testatur Reges & Imperatores à Deo potestatem accipere, cuius sunt in eo vicarii, ut ait Lyranus ad illud Sapientia. 6. data est à Domino potestas vobis, & virtus ab Altissimo qui interrogabit opera vestra.* quid igitur vetat, quo minus aliquis ex Bellarmino contra Bellarminum hoc dilemma tevetur. Aut potest summus Pontifex aliquo modo, hoc est, directè vel indirectè, auferre Regibus & Imperatoribus regna atque imperia, aliisque cōferre: aut non potest. Si potest, ergo est aliquo modo maior Deo, quia quod Deus dedit ipse aufert: minor enim vel par non potest auferre quod à maiore vel æquali concessum est. Ac ne vicarius quidem eius qui concessit, sine expressio domini mandato: ne quis nobis reponat Papam tanquam Christi vicarium id facere: cum ipse nullum de ea re mandatum, neque expressum neque tacitum accepisse inueniatur. Ut ex sequentibus facile apparebit. Si non potest, ergo falsum est quod dicunt, eum habere summam potestatem indirectè disponendi de omnibus rebus temporalibus Christianorum, & deponendi de solio Reges & Imperatores, aliosque in eorum locum suffiendi. Perpendant velim, ut suum ipsos argumentum premat. nec hoc solum, sed aliud etiam longè efficacissimum, quod ex eodem Bellarmini libro & capite supra retulimus. <sup>2</sup> quodq; hoc loco ad institutum nostrum optimo iure in hunc modum adaptabimus.

Si verum est Papam habere potestatem temporalem indirectè disponendi de rebus temporalibus omnium Christianorum; aut eam habet iure Diuino aut iure humano. Si iure Diuino, debet id constare ex Scripturis, aut certè ex Apostolorum traditione. Ex Scripturis nihil habemus nisi datas Pontifici clauēs regni calorum: de clauibus regni terrarum nulla mentio fit: traditionem Apostolorum nullam aduersarii proferunt, neque scilicet Canonistæ neque Theologi Si iure humano; proferant ius illud, ut vna cum iis sentiamus. Quod si dixerint, neque expresso Dei verbo, neq; traditione Apostolorum ad huius potestatis confirmationem opus esse, cum indirectè tantum & ex quadam sequela Pontifici competat, tanquam inseparabilis quædam accessio & appendix potestatis illius spiritualis, qua supremus animarū

Pastor

Pastor in omnes Christiani gregis oues præditus est. Nos rursus ab iis petemus aliquod eius accesssionis & coniuncti-  
onis testimonium ex Scripturis vel traditione Apostolorum: petemus inquam, vt ex Scripturis vel Apostolorum tradi-  
tione doceant, hanc esse accesssionem, & sequelam necessa-  
riam & inseparabilem illius potestatis spiritualis quæ habet  
summus Pontifex: atque ad munus Pontificale pertinere  
aliquo modo, (hoc est indirectè, vt loquuntur) disponere de  
omnibus rebus temporalibus Christianorum: cum neuti-  
quam sit verisimile, si id eius officio conuenit, tantam po-  
testatis amplitudinẽ & qua nihil in rebus humanis præcel-  
sus, tum a Christo Salvatore, tum ab Apostolis & eorum  
successoribus, tam alto silentio in Ecclesia tot seculis fuisse  
prætermittam. Nam si vtraq; potestas ab altera, spiritualis  
scilicet à temporali, & contrà, separari possit: locus erit senten-  
tiæ, quæ quod directè fieri nõ permittitur, id nec indirectè fie-  
ri posse statuit. Ita enim prudentes definierunt, quoties ali-  
quid directè fieri prohibetur, id nec indirectè quidem siue  
per consequentiam fieri posse: nisi id quod prohibitum est, se-  
quatur necessariò ad aliud iure permissum, ita vt permis-  
sum sine prohibito non possit procedere, & nisi (vt cum Iu-  
risconsulto dicam) *vtriusq; causa ita commixta sit, vt separari non possit.* <sup>1</sup> Vnde eum qui solus rem alienare non potest, ne-  
cedere quidem possit liti super ea motæ cõcluditur. <sup>2</sup> quod  
nim irum obliquè & indirectè hoc modo rem alienaret. Si  
igitur Papa, quatenus Papa, nullam temporalem iurisdic-  
tionem directè habet in Christianos, quod illi concedunt, su-  
periore iuris sententia effici videtur, cum nullam ne indi-  
rectè quidem habere possit. Quapropter vt suam hominib.  
sententiam persuadeant, debent ex Scripturis aut Aposto-  
lorum traditionib. testimoniũ proferre: vel saltem docere  
temporalem potestatem, de qua loquuntur, ita coniunctã  
esse cum spirituali, vt ab ea diuelli & separari, vt in quã spiri-  
tualis sine ea consistere, nullo modo possit. quod quoniam  
præstare nequierunt, nihil nisi opiniones incertas sunt se-  
quuti, & rationes quæ non satis videntur concludere quod  
assumunt. quas suo ordine & loco examinabimus.

<sup>1</sup> L. 5. §. genera-  
liter. D. de don.  
inter vir. & vxor. r.  
<sup>2</sup> Panorm. in  
cap. dudum. 54.  
de elect. & cap.  
cũ pridem. de  
pact.

## CAP. VI.

**S**uperiorem sententiam de potestate temporali, quam  
dicunt Papam habere indirectè, fortiter impugnatur, quod ad-  
neq; vsus, neq; exemplũ, neque mentio vlla talis Ponti-

ficiæ potestatis, annis circiter mille in Ecclesia fuerit: cum multi interea Principes Christiani impiè, crudeliter, puerse, & magno Ecclesiæ detrimento, regnis atque Imperiis abuterentur: ex quo duorum alterum consequi necesse est, aut illorum scilicet temporum Pontifices officio suo defuisse, aut sequètiū temporum Pontifices maiore cum potestate & imperio Ecclesiæ præfuisse, & etiamnum præfidere; quòd hi temporalem istem potestatem apertè sibi vindicarint, eamq; in Reges ac Principes exercere per arbitrio conati sint: illi verò ius tale ad se pertinere neq; dictis neque factis vnquam agnouerint. Non ignoro quæ ad excusandos primos illos Pastores responsa à nonnullis edita sunt, sed scio esse eiusmodi, quæ si examissimè perpendantur, nullius æqui rerum æstimatoris iudicio comprobentur. Ea igitur audiamus.

Prodiit libellus Romæ excusus anno Domini M. D. LXXVIII. sub fictitio nomine Francisci Romuli cum hac inscriptione euulgatus. *Responsio ad præcipua capita Apologia, qua falsò catholica inscribitur, pro successione Henrici Nauarreni in Francorum regnum.* Cuius libri author, quem Bellarminus satis nouit & amat, conatur hanc grauissimā objectionem diluere ex mutatione status Ecclesiæ, & diuersa temporum ac personarū ratione & conditione, quæ iuris varietatem sæpe inducunt. Ita enim ille: <sup>1</sup> *Iam vero, quod quarto loco aduersarius obiicit de maiorum nostrorum consuetudine, qui Principes multos Hereticos passi sunt, ut Constantium & Valentem Arianos, Anastasium Eutychiarum, Heraclium Monothelitam, & si qui sunt alij, ad rem nihil facit. Neque enim Ecclesia temere & inconsideratè potestate sua debet abusi. Porro non rarò accidit, ut tanta sit quorundam Regum cum improbitate ac sauiiæ iuncta potentia, ut Ecclesiastica censura neq; ad eos cœercendos quicquam prosit, & Catholicis populis in quos Principes irritati magis sauiunt, plurimum obsit. Quid enim quæso profuisset quondam Ecclesiæ, si tētasset vel Ostrogothos Reges in Italia, vel in Hispania wisegothos, aut wandalos in Africa excommunicare, ac de solio deturbare, quamuis id facere iure optimo potuisset? quod idem de Constantio, Valente, & alijs supra nominatis intelligi debet. siquidem ea tunc erant tempora, ut potius ad martyrium subeundum Episcopi, quàm ad Principes cœercendos parati esse deberent. At ubi vidit Ecclesia sua potestati locum aliquem aperiri, vel cum ipsorum Principū spirituali utilitate, vel certè sine detrimento & perniciæ populorum, non sibi*



*sibi defuit ut exempla paulò antiè allata demonstrant. Sic enim Ecclesia Leonem Isaurum Imperii parte, & Henricum quartum toto Imperio, & Childericum regno Francia spoliandos esse iudicauit, ut re ipsa deinceps & Leo parte Imperii, & Henricus Imperio toto, & Childericus regno caruerit. Itaque veteres illos Imperatores, Constantium, Valentem, & ceteros non ideo tolerauit, Ecclesia (ut aduersarius somniat) quòd legitimè in Imperium successissent, alioqui enim Leonem etiam, Henricum, & Childericum, qui non minus legitimè successerunt, pertulisset: sed quòd illos sine populi detrimento coercere non poterat, istos poterat.*

Hæc ille; in quibus duplicem diuersitatis causam reddit, cur Ecclesia Constantium, Iulianum, Valentem, Valentinianum, iuniorem, Anastasium, Heraclium, & alios Principes hæreticos tolerauerit: Leonem verò Isaurum, Henricum IV. Childericum, & sequentium seculorum Principes damnosos nequaquam pertulerit. Vnam quidem, quòd ea tunc erant tempora, ut potius ad martyrium subeundū Episcopi quàm ad Principes coercendos parati esse deberent. Alteram verò, quòd Constantium, Iulianum, Valentē, & ceteros illius ordinis supra nominatos, Ecclesia siue summus Pontifex, sine populi detrimento coercere non poterat: Leonem autē, Henricū, Childericū, & sequentes poterat; ideo illos pertulit, istos non pertulit. Sed videamus ne utraq; diuersitatis ratio falsa sit, & in meris mirisq; mendaciis fundata: & nemo tamen hactenus meliorem assignauit, aut, ut arbitror, assignare poterit, nisi illam solam, quæ aduersariorum causam penitus destruit, nempe Ecclesiam priores illos Imperatores & Principes tolerasse, quia nondū in eam irrepserat cæca illa ambitio, qua Pontifices sequentes temporalē, de qua loquimur, iurisdictionem auiditate glorię usurparunt. Itaque illius temporis Pontifices spirituali imperio contentos, quod in omnes æquali iure exercebant, temporali potestate, quam ad se non pertinere sciebant, prorsus abstinuissent ita Ecclesiæ causam diuino iudicio commendantes, malorum Principum conuersionem aut euerisionem, uti Deo placitum, humiliter patienterque expectasse. Sed redeo ad rationes ab isto authore redditas, ut quàm sint vitiosæ videamus.

Et verò, ne quid dissimulem, prior eius ratio, seu causa diuersitatis, indigna mihi videtur, quæ ab ullo Catholico, nedum Theologo in medium afferatur, quam ego propterea legere sine lachrymis vix sustineo. Quid enim? an  
nos

nos incidimus in ea tempora, quibus Episcopi milites potius quàm Martyres esse debeant? aut, legem Dei, atque Ecclesiam, præliis quàm prædicationibus potius defendere? At non hoc dicit, inquiet aliquis. Quid ergo? aut prorsus nihil, aut omnino tale quid dicit: vult quippe horum & illorum temporum differentiam, quantum ad Principum coercionem, in eo consistere, quòd tunc potius ad martyrium subeundum parati esse debuerint Episcopi, quàm ad redigendos in ordinem Principes: Quod cum ita sit, quis non innato iudicio, & naturali dialectica facile deprehendat, aut ratione illam ex dissimilibus non consistere, aut id in altera parte collocandum quod nos posuimus? Et tamen audacter affirmem, nullum vnquam à Constantino Magno tempus offerendi se martyrio Episcopis opportunius & magis necessarium extitisse. Leo vndique prædam inhiat, Lupus astat ad caulas; Reges & Principes potentissimi, plurimæ nationes & populi in Christi gregem se accingunt, & iste non retur tempus exigere, vt Episcopi exponant se martyrio, & animam pro ouibus ponant? Ergone florente Ecclesia, ac per totum orbem diffusa, Episcopi nihil nisi martyrium sperare & expectare debebant: nunc verò cùm eò deuentum sit, vt ipsa grauitèr agitata, ac velut in angulum Europæ coniecta sit, Episcopi tanquam extra metum, ad coercendos Principes, ac non potius ad martyrium animos intendant? An quia nunc ingentes comitatus, & pedestres atq; equestres copias alunt, quibus se, vitam, corpusque tueantur, & Ecclesiam ab iniuria tot Principum & populorum eam vastantium, vi & armis vindicent? An potius quia pauci nunc ea mente legeque Episcopatus accipiunt, vt illis aut animi aut corporis molestiis augantur, quas *in persecutionibus & confessione fidei* Pastores bonos perpeti oporteat: sed vt vitam mollius & cum voluptate transigant; & ex bonis pauperum & patrimonio Christi, cognatorum familias illustrent. An denique quia ex eo quod mercenarii tantum Pastores sunt, lupo veniente & gregem laniante, sibi fugam capessere & martyrium declinare ius fasque esse credunt. Hæc equidem non ad iniuriam vel inuidiam ordinis Ecclesiastici profero, quem semper à puero obseruauim. Nec dubito multos esse qui commissum sibi gregem vigilantissimè custodiant, parati in omnè euentum mandatas suæ fidei oues obiectu corporum tueri, & Christi confessionem

nem sanguine consignare. Sed totum ad superioris responsi reprehensionē dico, simulq; ad ignominia eorum qui dignitates Ecclesie nunc passim affectant nullo Ecclesiasticę vitę desiderio, sed vt ipsi magnificē & lautē agerent, & quas Ecclesiasticę vitę puritas opes promeruit, impurē & magno cum Ecclesię scandalo, in vsus vetitos, certē nō necessarios, expendant. O tempora, ô mores! Iam maxima pars Reipub. Christianę ab annis plus minus centū periit. Hoc ipso quod Episcoporū & Sacerdotū plerique, ad militiam quā martyrium promptiores, superioris responsi sensum inconsideratē sequuti sunt: rati nimirum, q̄ res non erat, hæresin armis faciliē oppressum iri, ipsis interea suę vitę modum tenētibus, i. e. pristinam voluptatē, & desidiam alentibus: itaq; *videbant lupū venientē & fugiebant*: neq; pauci ad ipsos lupos transfugerunt. *Haud ignota loquor*, Scotia mihi & Anglia testes sunt, aliaq; in hæresin prolapsę regiones, in quibus licet nonnulli viriliter restiterint, pars maxima Ecclesiasticorū ne primam quidem incursionē sustinuerunt, statim fēda proditione defectionē moliti. partim vt liberius viuendi potestate à nouatoribus permittā promissāq; ue fruerentur, partim ne præsentib. commodis spoliati, ad mendicitatē peruenirēt: q̄ si, vt olim primi illi Patres, se ad martyrium accinxissent, monstrū illud immanissimū in ipsa infantia sustulissent. Fieri potest vt illius libelli author bono animo, & si vllō dolo malo, talia scripserit, sed fieri profectō non potest, vt in hoc rerum Ecclesię statu, ea vllius ponderis aut momenti censeantur. Nam cū totus pene orbis Ecclesię Catholicę velut nexu mācipioque tenebatur, dicit ea tunc fuisse tempora quibus Episcopi ad martyrium subeundum quā ad Principes in ordinem cogendos paratiores esse debebant: nūc verò, cū partim infideles, partim hæretici totam Asiam, Africam, Europam, vno aut altero regno excepto, peruasent, atque Ecclesia ad tantas ferē, quantas vnquam, redacta sit angustias, non eandem officii necessitatem Episcopis putat incumbere. Nimia certe hæc est vel in perscrutando indiligentia, vel in iudicando & monendo indulgentia: nec debuit vir doctus & Theologus, qualis videtur ille author, Prælati Ecclesię in magnam viuendi licentiam velut tempestate quadā delatis, tam facilem deferēdi officii viam ostēdere, vt existimēt se iam nō tā ad martyriū paratos, q̄ ad bellū in malos principes ciendum, quos certū ē it, sine bello in ordinem redigi, & regnis priuari, nunquā posse. Quantā



illi rectius qui (sive primi Iesuitarum, sive alterius ordinis fuerint: nihil enim præter auditum habeo) obuiam se Cardinalibus Romæ ferebant, & suam illis cum pōpa pro more prætereuntibus mollitiem, luxum, indiligentiam, asperimis verbis increpabant, quòd orta paulò ante turbulentissima Lutheranae heresis tempestate, tempus illud aliam Prælati Ecclesiæ vitam adferebat, aliosque mores postulabat. Ex his igitur perspicuum est, allucinari plane auctorem *Responsionis*, constituendo rationem differentia in priscorum & horum temporum dissimilitudine, quantum ad Episcoporum & Prælatorum Ecclesiæ officium, statum, & conditionem attinet.

## CAP. VII.

**A**Ltera ratio quam adfert nihilo melior est Ecclesiam nempe non ideo pertulisse Constantium, Valentem, & cæteros, quia legitimè in Imperium successerant, non magis quàm Leonem, Henricum, & Childericum, qui non minus legitimè successerant. *sed quia illos sine populi detrimento coercere non poterat, istos poterat.* Nam hoc falsissimum est, & miror Bellarminum hanc alibi rationem secutum esse <sup>1</sup>. Falsissimum dico est, non potuisse Ecclesiā coercere illos æquè facilè atque istos, ne dicam facilius, & sine detrimento populi, sive id armis tentare, sive arte aliqua, & hominis deuoti opera uti voluisset. Iam enim totus orbis sub Constantio Christianus fuit (ut ex epistola Constantini Magni ad Ecclesiam, ab Eusebio <sup>2</sup> & Nicephoro <sup>3</sup> relata constat) & eius pars maxima Orthodoxa; ita ut vires illis ad opprimendum Imperatorem nequaquā defuerint, si fas aut pium credidissent armis aduersus legitimum Principem decertare: Et sane credibile est Deum ipsum milites suos, non odio vel ambitione, sed solo Ecclesiam factam tectam seruandi studio in id bellum incumbentes, facili & non dispendiosa victoria ornaturum. Quid, quod multitudo magna Monachorum in Ægypto Lybiaque, atque alii per Asiam & Europam viri pii innumerabiles versabantur? in quibus haud dubiè multi erant non minoris zeli, quàm ille zelus, qui Henricum III. Regem Fræciæ iugulauit, sed maiore scientia gratiaque illustrati, quibus zelo inconsiderato, præcipiti, & temerario modum constituiebant. Hi facilè (si licuisset) Imperatorem sine vlllo tumultu bellico & armorum strepitu confecissent, & si quod in  
cum

<sup>1</sup> Lib. 5. de Rom.  
Pont. cap. 7.

<sup>2</sup> Lib. 3. de vit.  
& Const.

<sup>3</sup> Lib. 8. cap. 25.

eum Ecclesia ius habuisset, sine populi detrimento exequi potuissent.

De Iuliano Constantij successore quid dicam? Non eum, credo, Ecclesia sine vlllo populi detrimento coercere potuit: cum Apostata fœdissimus, & qualis nemo alter inuentus est inter Christianos Imperator, exercitum ferè totum ex Christianis haberet, nam & statim ab eius interitu cum Iouinianus omnium suffragijs Imperator electus, proclamasset se Christianum esse, ac propterea nolle exercitui Ethnicorū præesse? <sup>1</sup> responderūt milites, & exclamauerūt *communiter vniuersi? ne dubites Imperator, neve repellas imperium nostrum, ut improbum: Imperator es enim Christianorum futurus, qui in pietatis disciplina educati sunt: nos enim Christiani sumus: & grandiores quidem inter nos doctrinam Constantini perceperunt, minores vero illis Constantius instruxit. Neq; istius proximè mortui diuturnum Imperij tempus fuit, ut circumuentis quibusdam ad insigendum malum suffecerit. Cogitet velim, & recogitet, tam author illius libelli quàm lector huius, an non potuerit facilè Ecclesia tantis copijs adiuta impium illum Imperatorem sine populi intertrimento tollere: præsertim cum Imperatores tunc à solis militibus crearentur, quibus inter prima religionis tempora, spemque martyrij, nihil erat antiquius quàm Antistibus legem Numinis & voluntatem edicentibus credere & parere. Quod si in sanctissimorum patrum illis scholis didicissent, fas esse Ecclesiæ impio Principi abrogare imperium, subditisque licere eiusmodi dominum seu aperta vi, seu per insidias tollere, nihil eis facilius quàm Iuliano imperium abrogare, vel vitam eripere, & alium pro arbitrio sufficere sine tumultu vlllo siue periculo, publicæ iactura. quippe ad exercitum ius nominandi Imperatoris, ex longa tunc consuetudine, spectare putabatur: vt & re ipsa, Iouinianus primùm, mox Valentinianus ambo Christi Confessores, post excessum Iuliani, ab eodem exercitu ad imperiū sunt subuecti. Quid, quod etsi non totus exercitus in Christi hostem conspirasset; attamen soli illi milites, de quibus ex Nazianzeno in libris nostris de Regno, <sup>2</sup> meminimus vna cum Iouinia-*

Ruffin. lib. 2. hist. eccles. cap. 1. Socra. Schol. lib. 3. cap. 22. Theodor. lib. 4. cap. 1.

2 Lib. 4. cap. 5.

fensio-

ensione molientium, ad Ecclesiam à sceleratissimi hominis perfidia & tyrannide, claro aliquo facinore liberandâ, longè promptiores reddidisset, quàm vel vlla furiosum monachum vesana temeritas. Quid, quod Christiani eo tempore inclytos Evangelii tubicines, Athanasium, Basilium, vtrumque Gregorium, Cyrillum, Epiphanium, Hilarium, Hosium, aliosque complures doctrinâ & virtute insignes Pontifices audiebât, qui neque quid iuris Ecclesia in Principes haberet, propter doctrinam ignorare, neque cognitum & perspectum tam necessario Reip. Christianæ tempore silere aut dissimulare, propter summâ vitæ sanctitatē atq; in aduersis constantiam potuerunt? Quid, quod populum diuini illi Antistites docebant, nullum nisi in patientiâ & lachrymis remedium aduersus Apostatâ superesse? *Orat. 1. in Iulian.* ita enim Nazianzenus<sup>1</sup>. *Hec, inquit, Iulianus deliberabat* (loquitur de iis quæ crudelis Apostata aduersus Ecclesiam meditabatur) *quemadmodum secretorum illius sodales & testes propalarunt: coercitus est tamē Dei clemētia, ac lachrymis Christianorum, quæ multa iam & à multis erant effusa, quum solum hoc contra persecutorē haberet remedium. Quæso aduerte animum sis, Lector, & perpende Nazianzenum hoc loco. Negat Christianos, hoc est, Ecclesiam, habuisse vllum remedium præter lachrymas aduersus persecutionem Iuliani, cū tamen certum sit eos pro se totum Iuliani exercitum habuisse. Non igitur sensit hic Pontifex qui *ἡγέρθη* Theologus est appellatus, Ecclesiam ius vllum habere in Imperatorem impiissimum ad commouendum aduersus eum exercitū Christianum: alioqui falsum esset Christiani-secutorem præter lachrymas. habebant n. exercitum, qui iussus nos siue Ecclesiâ non habuisse aliud remedium contra perab Ecclesia, propter Dei causam facile à Iuliano defecisset.*

Iam verò quod de Constantio & Iuliano diximus, scilicet nullo negotio in ordinē ab Ecclesia copi & sceptris vitæque priuari sine vilo populi incommodo potuisse, id in Valente & Valentiniano iuniore multò est euentius. Quandoquidem Valens præcipuos exercitus sui duces & præfectos habuit viros summè Catholicos, per quos ipse reses & secots bella conficiebat nempe Terentium, Traianum, Arintheū, Victorem & alios, qui fidem Catholicam constanter profitebantur, suamq; Imp. hæresin & *ἑοικω* *ἵνα* in os intrepidè exprobrabant. sed in tā religiosa liber-

tate, manus abstinuerūt, nec vltra admonitionē processit ind gnatio: quōd scirent se vitia Principis indicare tantū debere, non etiam vindicare. Itaque in omnibus quæ secularis erant Imperii, morem gerebant Hæretico, quē facile de medio tollere potuissent, & Monarchiam totā, maximo afflicta Ecclesiæ commodo, ad Valentinianū Principē Catholicum, vnde processerat, reducere. An non poterant hi belli Duces fœdus inter se aduersus Principem suum Hæreticum icere, si id iure licuisset? An non expediebat Ecclesiæ Imperatorē Hæreticum Catholicis non imperare? An deniq; Ecclesia doctis & vigilacibus tunc Pastorib. caruit, eoq; ius suum temporale aut ignorauit aut neglexit? Nam quod solum superest, nulla ætas Christianos Prælati suis magis morigeros, quā illa habuit: vt si non ius imperandi Principibus temporalia, sed iuris tantū executio Ecclesiam defecisset, nec tardē eam populus & exercitus, Cōstantii, Iuliani, & Valentis tyrannide liberaturus fuisse videatur. Cuius rei fidem facit testimonium illustre D. Augustini <sup>1</sup> inter Canones relatum. <sup>2</sup> *Julianus extitit infidelis Imperator*, inquit: *Nōne extitit Apostata, iniquus, idololatra? Milites Christiani seruiuerunt Imperatori infideli. Vbi veniebant ad causam Christi, non agnoscebant nisi illum qui in cœlo erat. Quando volebat vt idola colerent, vt iherificarent, praponebant illi Deum. Quando autem dicebat producite aciem, ite contra illam gentem, statim obtemperabant. Distinguebant dominum æternum à domino temporali: & tamen subditi erant propter dominum æternum etiam domino temporali.* Quis hīc non videt facillimum fuisse Ecclesiæ coercere omni modo Iulianum, si temporalem aliquam in eum potestatem habuisset? quippe ventum tunc fuisset ad causam Christi, quo casu Imper. Christum, id est Dominum æternum domino temporali milites præponerent. Nam & Ecclesiæ causa, Christi causā est. Aut ergo Pontifices Romani, siue summi Pontifices, atque adeo tota Ecclesia, tunc pro certo crediderunt, nullam se iurisdictionem & potestatem temporalem vllō modo habere in Principes seculares, aut certē defuerūt officio suo, nec tam sollicitē gregē suæ fidei mandatum curauerunt, quā post multa secula recentiores nostri Pontifices, qui ad pastoralis sui muneris partem pertinere contēdunt, Principes & Monarchas omnes, nō solum ob hæresin aut schisma, sed ex alijs etiā causis tēporali pœna coercere, & regnis atq; Imperiis, si id illis visū est, imponere.

<sup>1</sup> In Psal. 124.<sup>2</sup> III. quæst. 3. can. 98.



cum ceteroquin neq; ipsi vitæ sanctitate, & doctrina, cum primis illis Pontificibus conferendi sint, neque iam populus Christianus tam dicto audiens, atque primis illis temporibus extitit. Quapropter, si verum amamus, fatendum est, neminem utrorumque temporum Pontifices in hac re vel accusare vel excusare posse Extra preuaricationem aut calumniam, alterutrorū laus alteris ad vituperium cedit. Sed pergamus.

## C A P. VIII.

**I**unior Valentinianus omnium qui in hunc diem, non solum Imperio, sed Regno aut Principatui cuiquā præfuerunt, facillimè ab Ecclesia coerceri potuit. Nam nō solum summi Episcopi, id est, Pontificis Romani iussu ab Imperio reiici, sed & solius Episcopi Mediolanensis, Ambrosii scilicet, nutu & arbitrio a propriis militibus & stipatoribus deferri, & ad priuati hominis statum redigi potuit, *Ante lucem*, inquit Ambrosius, *1. Vbi pedem limine extuli, circumfuso milite occupatur basilica: idq; à militibus Imperatori mandatum dicitur, ut si prodire vellet, haberet copiam, se tamen præstō futuros, si viderent eum cum Catholicis conuenire: alioquin se ad eum catum, quē Ambrosius cogeret, transituros. Prodire de Arianis nullus audebat, quia nec quisquā de ciuibus erat, pauci de familia regia, nonnulli etiā Gotthi, quibus ut olim plaustrum sedes erat, ita nunc plaustrum Ecclesia est.* & post in eadem epistola de seipso loquens, *Ego tyrannus appellor, & plus etiam quā tyrannus*, inquit. Nam cum Imperatorem Comites obsecrarent, uti prodiret ad Ecclesiam, idq; petiū militum facere se dicerent, respondit: *Si vobis iusserit Ambrosius, vinclum me tradetis.* Quid ad hæc aduersarii? an non vnus ille locus sat est, qui omnibus linguam occludat? Omitto quod Maximus cum valida manu ex Britannię & Galliæ partibus collecta in Italiam contendebat, curaturus (ut ille dicebat) ne quid ultra religio Catholica detrimenti caperet: & Ecclesiæ iam à Valentiniano deprauatæ in pristinū statum reponerentur; quod & ipsi Valentiniano per literas significauerat. qui tamen non vnicus illi scopus; sed (quod à nonnullis nostro seculo factitatum) hoc colore pietatis flagrantem regnandi cupiditatem tegebat. Nam constitutum illi erat, occiso iam apud Lugdunum Gratiano, in Valentiniani Imperium inuadere. Itaque eius aduentu perterritus Valentinianus, ex Italia in Illyrium ad Theodo-

Ad fororē suam  
Marcellinā epist.  
83. lib. 5.

fium

sum, Orientis Imperatorem profugit. Res notatu digna: Hæreticus à Catholico fugatus, ad Catholicum auxilii causa fugit: à quo & reprehensus est propter hæresin, & propter reuerentiam Maiestatis humaniter exceptus, atque in regnum restitutus. Et quia Ecclesia rebellionem religionis ergo aduersus legitimum Principem non laudauit, Maximus neque reformator Imperii dictus est, neque restaurator Ecclesiæ, sed rebellis & tyrannus <sup>1</sup>.

<sup>1</sup> Sozomen. l. 7.  
ca. 13. Nicephor.  
lib. 12. cap. 20.

Hæc cum ita sint, definant nunc velim aduersarii commento suo nobis imponere: aut saltem dicant unde id hauserint? An apud probatum scriptorem vsquam legierint, Christianos ita viribus & copiis suis tunc diffidisse, ut netentare quidem ausi fuerint, quod fortiter aggressi facile perfecissent? aut tentasse saltem, sed belli fortunam humanaque omnia expertos impiis Principibus succubuisse? Adeone illis animus & voluntas defendendæ Ecclesiæ deerat? Adeone illos religionis ardor & *zelus domus Dei* deficiebat? Adeone Concionatoribus eruditis & buccinis Euangelii destituebantur, ut quid iuris in Principem peruersum & hæreticum Pontifici aut populo sit, minimè intelligerēt? Replicent aduersarii omnium annalium memoriam, & versent quousque volent scripta Ecclesiastica & profana, nusquam profecto inuenient, Ecclesiam illis secularis (cum fuerit multò quàm nunc potentior) aliquid in Principum quantumuis malorum perniciem esse molicā, aut eis Imperium abrogare conatā, ut est à nobis in libris nostris de Regno, perspicue fuseque demonstratum <sup>2</sup>. At ex iis, contra quæ in sanctorum Patrum scriptis de principum secularium potestate legimus, constat omnes ea ætate sensisse, nullam vel Episcopo Romano siue summo Pontifici, vel Ecclesiæ vniuersæ temporalem potestatem, vlllo modo, vllāve ex causa in eos competere: sed solius Dei iudicio, quantum ad pœnas temporales relinquendos. Atque hæc, ut videtur, causa fuit, cur illi Patres non nisi perraro atque obiter de libertate & impunitate Principum meminerint: quòd nimirum de ea tunc controuersia non fuerit; sed vna omnium sententia, quam inde ab Apostolis ex prædicatione maiorum, velut per manus acceperant: Principem in temporalibus solum Deum iudicem habere, licet in spiritualibus Ecclesiæ iudicio subiiciatur.

<sup>2</sup> Lib. 3. cap. 5. &  
lib. 4. cap. 5.

Huius rei testem in primis Tertullianum produco, qui de Imperatoribus loquens. <sup>3</sup> *Sentimus*, inquit, *Deum esse so-*

<sup>3</sup> In apologet.  
aduersus gentes.

lum, in cuius solius potestate sunt, à quo sunt secundi, post quem  
 1 Ad Scapulam primus, ante omnes Deos & super omnes homines. & 1 alibi, Co-  
 Præsid. Carthag. limus Imperatorem sic, quomodo & nobis licet, & ipsi expedit, ut  
 hominem à Deo secundum, & quicquid est à Deo consecrū, solo  
 Deo minorem Hoc & ipse vult: sic enim omnibus maior est, dum  
 solo vero Deo minor est. Hæc ille, non ex sua sed communi  
 Christianorum omnium persona, velut certam & indubi-  
 tatam totius Ecclesiæ doctrinam, profitetur. Nec aliquis  
 hoc argumentum sic eludat, quòd Imperatores tunc fue-  
 rint extra Ecclesiā, ac proinde non subiecti Ecclesiæ. Nam  
 lex Christi iure suo neminem priuat (quod ipsimet aduer-  
 sam fatentur) ac proinde, ut supra ostendimus, Reges &  
 Imperatores accedendo ad Ecclesiam, nihil iuris sui tem-  
 poralis amittunt 2.

2 Cap. 3.

3 In Lib. qui in-  
 scribitur Apolo-  
 gia David:

4 Lib. 5. hist.  
 cap. 7. Aimoin.  
 lib. 3. cap. 26.

Secundo loco prodibit S. Ambrosius, qui de Dauide a-  
 dultero homicidium cumulante scribens 3 Rex utiq; erat,  
 inquit, nullis ipse legibus tenebatur quia liberi sunt Reges à vin-  
 culis dei ceterorum. Neq; enim ullis ad pœnam vocantur legibus, tu-  
 ti Imperij potestate.

Tertio B. Gregorius Archiepiscopus Turonensis, 4 qui  
 Francorum Regem Chilpericum Sacerdotes Dei calum-  
 niosè vexantem, & iniuriosè tractantem, his verbis allo-  
 quitur. Si quis de nobis, ô Rex, iustitia tramites transcendere  
 voluerit, à te corripì potest: si verò tu excesseris, quis te corripiet?  
 loquimur enim tibi, sed, si volueris, audis: si autem nolueris, quis  
 te damnabit, nisi is qui se pronunciauit esse iustitiam?

Quartò D. Gregorius Magnus, Gregorii Turonensis  
 ferè coaraneus, qui cùm Pontifex Maximus esset, Impera-  
 toris se famulum & subditum esse fassus est; ipsique Impera-  
 tori potestatem cælitus datam in omnes homines, hu-  
 maniter humiliterq; agnouit, uti paulò ante retulimus. 5

5 Cap. 3.

6 In epistola ad  
 Freder. Oeno-  
 barbum.

Quinto, præclarus Antistes, Otto Episcopus Frisingē-  
 sis, 6 Soli Reges, inquit, utpote constituti supra leges, diuino exa-  
 mini reservati, seculi legibus non cohibentur. Vnde est illud tam  
 Regis quā Prophetæ, TIBI SOLI PECCAUI. & Mox,  
 Cùm enim iuxta Apostolum, omni mortali horrendum sit inci-  
 dere in manus Dei viuentis: Regibus tamen, qui nullum præter  
 ipsum supra se habent quem metuant, eo erit horribilius, quo ipsi  
 ceteris possunt peccare liberius.

Possum & alios non paucos ad huius rei fidem accire:  
 sed quid pluribus opus est? in ore duorum vel trium testium  
 stet omne verbum 7. Si contrariæ opiniones assertores tot  
 anti-

7 Matth. 18.

antiquorum Patrum testimonia, imò si vel vnum aliquod proferre possint, quo disertè scriptum sit Ecclesiam, vel eius caput Summum Pōtificem, habere temporalem vllam potestatē in Reges & Principes seculares, & posse eos temporalibus pœnis quoquo modo, directè scilicet vel indirectè, coercere, aut regno, regnive parte multare: non equidem recusabo, quo minus lis tota secūdum ipsos sine pro-uocatione iudicetur. Nihil enim est quod malim quàm certam rationem inueniri posse, per quam aduersariæ opinionis sententia liquidò confirmetur: sed dum id frustra expecto, interea Veritas me victum victumque, secum in aliam partem abducit.

Hoc igitur ab aduersariis nunc quæro: Nunquid verisimile sit hos sanctos & antiquos Patres, qui de summa Regum & Imperatorū potestate impunitateque, scripserunt, adeo negligentes fuisse, vt per incuriam non admonuerint sui seculi Principes huius, Pontifici potestatis temporalis, aut eam admonitionem tabulis consignatam nō reliquerint: quò Principes non solūm occulta Dei iudicia extimescant, sed etiam Ecclesiasticam & Pontificalem iurisdictionem temporalem, per quam deiici loco possint, quoties id Ecclesia, vel eius caput Papa, è religione atque è Republica esse putauerit? Certè id siluisse, si verum erat, fallere fuit Reges & Principes, quibus literis & prædicationibus persuaferant, eos posse à solo Deo in temporalibus iudicari. An fingemus ignaros adeò & inscios fuisse auctoritatis Ecclesiæ, vt tali eam potestate præditam esse non intellexerint? An denique adeo meticulosos & pusillanimos, vt quod scirent, id Principibus nunciare nō sint ausi? Si nihil horum priscis illis Patribus imputari potest, cur aliam, quæso, nunc nouam potestatem, nullā certā neque auctoritate neq; ratione fundatam, sed postremis seculis ab hominibus quibusdam summo Pontifici misere addictis excogitatam populoque obrusam amplectamur, & nouum iugum Principibus imponamus?

## C A P. I X.

PRIorem partem secundæ rationis aduersariorum falsissimam esse iam planè ostendi, Ecclesiam scilicet, idèò *tollerasse Constantium, Iulianū, Valentem, & ceteros Principes Hæreticos, quia non potuit eos sine populi detrimento coercere.* Posteriorem partem nunc æquè falsam esse demonstrabo,



nempe Henricum IV. Imperatorem, & alios Principes in quos posteriores Pontifices ius sibi tēporale arrogarūt, potuisse ab Ecclesia sine populi detrimento coerceri. Quod priusquam aggrediar, obsecro atque obtestor non modò lectorem beneuolum, sed ipsosmet aduersarios, vt quēstione pertractata perpendant animo, & temperatè, ac syn cerè æstiment, an non facilius Ecclesiæ fuerit in primos istos Principes, supradictis modis & mediis animaduertere, quā dictum Henricum quartum per Rudolfum Sueuum, vel Philippum Pulchrum per Albertum Austriacum in ordinē cogere? quorum alter Papæ arrogantiam risit & repressit: <sup>1</sup> alter verò æmulum aduersarium sibi à Pōtifice datū, post varias vario Marte dimicationes, postremo tandem prēlio confecit. <sup>2</sup> & Papam, à quo fuit excommunicatus, Romā eiectum perpetuo exilio multauit.

<sup>1</sup> Phil. Pulcher.  
authores Platin.  
Gaguin. & alii.  
<sup>2</sup> Marian. Scotus  
in Chronico an.  
1080.

<sup>3</sup> Lib. 1. cap. 4. de  
translat. Imp. &  
lib. 4. de Roman.  
Pont. ca. 13.  
<sup>4</sup> Lib. 6. Chron.  
cap. 35.

Quanto cum populi detrimento Papa temporalem illā in Henricum IV. potestatem exercere conatus sit, testatur Otto Frisingensis (quem Bellarminus & genere, & eruditione, & vitæ probitate nobilissimum meritò vocat <sup>3</sup>) qui de excommunicatione & depositione dicti Henrici facta à Gregorio VII. sic scribit. <sup>4</sup> *Lego & relego Romanorum Regum & Imperatorum gesta, & nusquam inuenio quemquam eorum ante hunc à Romano Pontifice excommunicatum, vel regno priuatum: nisi fortè quis pro anathemate habendum ducat, quod Philippus ad breue tempus à Romano Episcopo inter pœnitentes collocatus, & Theodosius à beato Ambrosio propter cruentā cadē, à liminibus Ecclesiæ sequestratus sit.* vbi animaduertendum est, Ottonē planè profiteri se nullum de priuatione regni exemplum præcedētibus seculis inuenire; licet de excommunicatione duo ista, si nō vera, at saltem verorū speciem

<sup>5</sup> Ca. 36. siue ult. habentia proponat. Deinde verò paucis interiectis <sup>5</sup> sic scribit: *Quanta autem mala, quot bella, bellorumq; discrimina inde subsequuta sint: quoties misera Roma obsessa, capta, vastata, quod Papa super Papam, sicut Rex super Regem positus fuerit, tædet memorare.* Deniq; tot mala, tot schismata, tot tam animarum quàm corporum pericula, huius tempestatis turbo inuoluit, vt solus ex persecutionis immanitate, ac temporis diuturnitate, ad humana miseria infelicitatem sufficeret comprobandā. Vnde à quodam Ecclesiastico scriptore densissimis Ægypti tenebris comparatur. Prædictus enim Pontifex Gregorius à Rege vrbe pel- litur, Gibertusq; Rauennatensis Episcopus in locum eius subtruditur. Porro Gregorius Salerni manens, appropinquante vocatio-

*nus sua tempore, dixisse fertur. Dilexi iustitiam & odi iniquitatem, propterea morier in exilio. Quia ergo in Principe suo regnum ab Ecclesia praecisum grauius percussus fuit, Ecclesia quoque tanto Pastore, qui inter omnes Sacerdotes & Romanos Pontifices principui zeli ac auctoritatis erat, orbata dolorem non modicum habuit.*

Hoc cū est Principem sine populi detrimento coercere? Qui scribunt Romanum Pontificem (quem Ecclesiae nomine intelligunt) non tollerasse hunc Imperatorem, quia poterat eum sine populi detrimento coercere, aut hunc auctorem non legerint, aut nominis & existimationis suae curam nullam gerant, necesse est; qui tam manifesto mendacio se implicent. Si hoc prius ignorabant, discant nunc saltem ex hoc scriptore grauissimo, falsum id esse quod pro vero inscienter proponunt: & cogitent velim, candideque iudicent, an non satius fuisset Gregorium Papam vitia & mores desperatos Henrici, instar Constantii, Iuliani, Valentis, & aliorum Imperatorum Ecclesiam vexantium perferre, ac Dei bonitatem lachrymis & precibus pro eius salute vel interitu exorare, quam tot schismata & caedes, tot populorum & urbium direptiones, tot in sedem Apostolicam contumelias, in Pontifices bella, aliasque furibundas tragœdias cum totius populi pernicio, vno facto insolente & inaudito, minimeque necessario excitare, excitataeque annos plures magno Ecclesiae malo alere & fouere? Fieri potest ut bono id animo fecerit Gregorius (Deus de intentione iudicet.) At fieri non potest, ut rectè, prudenter, & ex officio fecerit, & quin largiter errauerit, more & consilio humano, cum id sibi tribueret quod suum sanè non erat; deponendi scilicet & abdicandi Imperatoris munus, inque eius locum alterius substituendi potestatem; ac si ad eum regni illius humani dominiū pertinuisset. quod satis versiculus ille indicat ab Ottone relatus, & à nobis supra transcriptus. *Petra dedit Petro, Petrus diadema Rudolfo.* Constat autem non semper rectè, & ex Dei voluntate fieri, quod pietatis feruore & bono zelo, etià à viris ceteroquin optimis, agitur. Moyses, dum Hebraei defendendi zelo occidit Aegyptium, peccauit. Oza zelo fulciendi arcam Domini nutantem, eam tetigit & interiit. Petrus zelo tuendi Dominum & Magistrum, Malcho auriculam abscidit, & reprehensus est. Hinc Doct. Ambrosius ad Theodosium.

1 Lib. 5. epist.  
29.

2 Rem. 10.

3 Lib. 3. cap. 2.  
contra epist.  
Parmeniani.

4 Can. non po-  
test. 23. q. 4.

5 Ezechiel. 9.

6 1. Corin. 5.

7 2. Corin. 12.

8 Id est, totum  
diuino iudicio  
& ultioni relin-  
quendum est.

1 *Novi te pium, clementem, mitem atque tranquillam, fidem  
ac timorem Domini cordi habentem: sed plerumque aliqua nos  
fallunt. Habent aliqui zelum Dei, sed non secundum scientiam*  
2. *zelus inconsideratus non raro ad scelus impellit.*

Culpa igitur Gregorii Papæ mihi permagna in hoc  
negotio videtur; quod non animaduerterit ad supremi  
Pastoris officium pertinere, vnius facinus impunitum po-  
tius relinquere, quam eius vindicandi desiderio innocen-  
tem atque innoxiam multitudinem periculo involuere.  
Ac proinde ne excommunicare quidem Imperatorem il-  
lum debuit, in cuius sceleris societatem tantus hominum  
numerus coierat, ut separari sine schismate, & unitatis Ec-  
clesiæ dissolutione nequiret. Id multis antè seculis, magnū  
Ecclesiæ lumen Augustinus sanctè & sapienter admonu-  
it, 3 atque ex Apostoli Pauli scriptis luculenter compro-  
bavit: cuius sententiam Ecclesia adeò gratam & ratam  
habet, ut eam in Canones retulerit 4: digna ergo quam  
huc transcribam: & quæ non atramento sed auro, nec in  
charta peritura, sed filice vel adamante, aut si quid illis du-  
rius & diuturnius est, exaretur. *Non potest, inquit, esse sa-  
lubris à multis correptio, nisi cum ille corripitur qui non habet  
sociam multitudinem. Cum verò idem morbus plurimos oc-  
cupauerit; nihil aliud bonis restat quàm dolor & genitus, ut  
per illud signum, quod Ezechieli sancto reuelatur 5, illi eua-  
dere ab illorum vastatione mereantur. Ne cum voluerint colli-  
gere zizania, eradicent simul & triticum: nec per diligentiam  
segetem Domini purgent, sed per temeritatem ipsi potius inter  
purgamenta numerentur. Ideoque idem Apostolus nun iam  
multos comperisset, & immundos luxuria, & fornicationibus  
inquinatos, ad eosdem Corinthios in secunda epistola scribens,  
non itidem præcepit ut cum talibus nec cibum sumerent. Multi  
enim erant, nec dici de his poterat, 6 Si quis frater nominatur  
fornicator, aut idolis seruiens, aut auarus, aut aliquis tale cum  
eiusmodi nec cibum quidem simul sumere: sed ait. 7 Ne iterum  
cum venero ad vos, humiliet me Deus, & lugeam multos ex  
ijs qui antè peccauerunt, & non egerunt pœnitentiam super im-  
munditia & luxuria & fornicatione quam gesserunt: Per lu-  
ctum suum potius eos diuino flagello coercendos minans, quàm  
per illam correptionem ut ceteri ab eorum coniunctione se abstine-  
ant. & paulo post, reuera si contagio peccandi multitudinem in-  
uaserit, diuina disciplina seuera misericordia necessaria est. 8 nam  
consilia separationis (hoc est communicationis) & inania  
sunt,*

sunt, & pernicioſa atque ſacrilega: quia & impia & ſuperba ſunt, & plus perturbant infirmos bonos, quàm corrigunt animoſos malos.

Hæc cum ita ſint, nemo vt arbitror, ex collatione doctrinæ S. Auguſtini, quæ & Eccleſiæ eſt, cum geſtis à Gregorio in Henricum, non perſpicuè cernet, Papam magnopere erraſſe, qui Imperatorem, cuius partes ingens Clericorum & Laicorum multitudo ſequebatur, cum manifeſto maximi ſchiſmatis periculo excommunicauerit: multoq; amplius, cum eum Imperii iure (in quod ipſemet Pontifex ius nullum habebat) odioſa ſententia nixus eſt ſpoliare: vt mirum non ſit, ſi (quod Sigebertus ſcribit) eundem Gregorium pau d ante mortem pœnituerit omnium, quæ aduerſus Imperatorem geſſerat.

Libet Sigeberti locum referre, quòd non ſuam ipſius opinionem aduerſariis ſuſpectam, eò quòd Henrici partes ſequutus ſit, ſed historicam narrationem alterius authoris contineat. Hildebrandus Papa, inquit, <sup>In Chronograp.</sup> <sup>ann. 1085.</sup> qui & Gregorius ſeptimus, apud Salernum exulans moritur. De hoc ita ſcriptum reperi. Volumus vos ſcire qui Eccleſiaſtica cura ſoliciti eſtis, quòd Dominus Apoſtolicus Hildebrādus qui & Gregorius, nunc in extremis poſitus ad ſe vocauit vnum de duodecim Cardinalibus, quem multum diligebat præ cæteris, & confeſſus eſt Deo, & ſancto Petro, & toti Eccleſiæ ſe valde peccaſſe in Paſtorali cura, quæ ei ad regendum commiſſa erat, & ſuadente diabolo cōtra humanum genus iram & odium concitaſſe. — Tunc demum miſit prædictum confeſſorem ad Imperatorem & ad totam Eccleſiam, vt optaret illi indulgentiam, quia ſuam vitæ ſua aſpiciebat, & tam citò induebat ſe Angelica veſte, & dimiſit ac aſſoluit vincula omnium bannorum ſuorum Imperatori, & omni populo Chriſtiano, viuīs & defunctis, Clericis & Laicis, & iuſſit ſuos abire de domo Deoderici, & amicos Imperatoris aſcendere.

## C A P. X.

**R**Edeò nunc ad Epiſcopum Friſingenſem, genere, pietate, & eruditione, vt diximus, nobiliſſimum, atque harum rerum teſtem penè oculatum. Is cum in loco à nobis producto, tū in aliis, non obſcurè indicat non probari à ſe decretum illud Papæ de abdicando Imperatore, ſed nouum, inſolens, atque iniuſtum videri. Nam primū quod ad facti illius nouitatem & inſolentiam, ſic ſcribit, lego & relego Romanorum Regum & Imperatorum geſta,



¶ nusquam inuenio quemquam eorum ante hunc à Romano Pontifice excommunicatum, vel regno priuatum. Et rursus libro primo de gestis Friderici<sup>1</sup>; Gregorius septimus, inquit, qui tunc orbis Roma Pontificatum tenebat, eundem Imperatorem tanquam à suis destitutum, anathematis gladio ferendum decernit. Cuius rei nouitate eò vehementius indignatione motum suscepit Imperium, quod nunquam ante hac tempora huiusmodi sententiam in Principem Romanorum promulgatam cognouerat. Iniustitiam verò & iniquitatem facti variis modis declarat. Primùm quod inter mala & damna, quæ ex illo Papæ decreto nata sunt, ponat mutationem & defectionem Papæ & Regis, quod *Papa super Papam sicut Rex super Regem positus fuerit*. quibus verbis ostendit vtrumque pari iure, seu potius pari iniuria factum esse, vt sicut iniuste Papa super Papam ab Imperatore, ita etiam iniuste Rex super Regem à Papa *positus sit*. Deinde quod ait, *quia ergo in Principe suo regnum*, &c. id quid aliud sonat, quam propter violatum in Principe Imperium, violatam fuisse in Pontifice Ecclesiam, siue propter percussam regnū in persona Principis, percussam fuisse Ecclesiam in persona Pontificis. inter quæ cū nullum iuris aut iniuriæ discrimen faciat, nec possit vtrumque iuste fieri; consequens est, vt vtrumque iniuste factum esse existimet.

Præterea tam defectionem Rudolphi, quem Papa Imperatorem creauerat, quàm insurrectionem filii ipsius Henrici excommunicati, aperte & simpliciter rebellionem vocat: quod vtrique nunquam dixisset, si Henricum iure priuatum imperio credidisset. Nam rebellium esse non potest, nisi aduersus superiorem, ac proinde nec in Henricum esse potuit, qui, si iuste abdicatus & *depositus est*, amplius superior non erat. De Rudolfo itaque sic scribit<sup>2</sup>: *Nec multo post tempore duo præfati duces Guelfo & Rudolphus, qua occasione dubium, Principi rebellantes, Saxonibus iunguntur. Et mox; At Romanus Pontifex Gregorius, qui iam, vt dictum est, Principes aduersus Imperatorem concitabat, omnibus ut alium crearent, latenter & manifestè scribebat. Scire autem hic obiter oportet, quod ait qua occasione dubium, de priuata occasione intelligendum, cuiusmodi multæ solent inter Magnates & Regem oboriri: vt nostra ætate inter Borbonium & Franciscum Regem, Guysum & Henricum, Auriacum & Philippum: nam vterque & Guelfo & Rudolphus publicam occasionem prætendebant, nempe efferatos*

<sup>1</sup> Libr. 1. de gest. Friderici. cap. 6.

<sup>2</sup> Libr. 1. de gest. Friderici. cap. 6.

feratos Henrici mores, & quod à papa excommunicatus esset ac regno depositus; vt scribit Albert, Schafnaburgensis<sup>1</sup>, atque ita priuatum odium, vt rebellantibus mos est, prætextu publico velauerunt. De filio autem Noster Episcopus Frisingensis sic loquitur; <sup>2</sup> *Anno dehinc iterum sequente, natale Domini Moguntia Imperatore celebrante, Henricus filius eius rebellionem contra patrē in Noricis partibus, consilio Theobaldi Marchionis, & Berengarij comitis, sub specie religionis, eò quod pater eius à Romanis Pontificibus excommunicatus esset molitur: ascitisque sibi quibusdam ex Orientali Fræcia, Alemania, Baioria, Principibus, Saxoniam terram & gentem contra Regem facile animandam ingreditur.* Lector hic duo obseruet. Alterum quod hic author scientia & pietate conspicuus, hanc insurrectionem Henrici filii in Henricum patrem, rebellionem vocet. Alterum, quod Henricum patrem, & hîc & alibi semper, Regem & Imperatorem nominet, quamuis excommunicatus & regno priuatus per sententiam Pontificis, ante annos plus minus viginti quinque fuisset; & primum Rudolfus, deinde Hermannus à Papa & rebellibus in eius locum suffectus. ex quo satis indicat existimare se summum Pontificem ius abdicandi Reges nullum habere, aut aliquid statuendi de ipsorum imperio temporalis: ac proinde decretum illud Gregorii nec iustum nec legitimum fuisse: alioqui neque Rex appellari Henricus, neq; eius aduersarii rebelles, sine Romani Pontificis iniuria potuerunt.

<sup>1</sup> De rebus German.

<sup>2</sup> Lib. 7. Chron. cap. 8.

Est & alius eiusdem authoris locus, <sup>3</sup> in quo idipsum manifestius declarat, Papam scilicet per illam excommunicationem & abdicationem nihil iuris regni Henrico ademisse. Nam postquam narrauit Bertolfum Rudolphi generum (quem vt dictum est Papa Regem creauerat) perempto socero, ducatum Sueuiæ tanquam sibi à socero concessum vsurpasse, & ex altera parte Henricum (Papæ iudicio depositum) concessisse eundem ducatum nobili cuidam Sueniæ, cui Friderico nomen, qui Bertolfum ad pacis condiciones, & ad *exfestucationem ducatus* adegit addit. *Bertolfus iste, quamuis in hoc negotio Imperio simul & iustitia cesserit, tamen strenuissimus ac fortissimus fuisse traditur.* En vt nihil circuitione vsus, affirmat Imperium & iustitiam ab Henrico stare, in quem Pontifex sententiam depositionis multò antè tulerat; nō autem à Rudolfo, quāuis Pontificia autoritate ad Regnū vocato, cum epigraphe iam bis superius relata, *Petra dedit Petro &c.*

<sup>3</sup> Lib. 1. de gest.

Friderici. cap. 8.

Denique cùm feridè dicat & doceat, *Reges nullum præter Deum supra se habere quem meruant.* Nonne hoc ipso satis admonet, nihil iuris temporalis Pontifici Romano esse, vt de ipsorum regnis & imperiis vlllo modo disponat? Et verò licet aliud non esset, quo facinus illud Gregorij Pontificis improbetur, sanè tot lugubres & calamitosi euentus, tot funesti ac miserabiles casus, qui ex illa Papæ in Imperatorem tunc primum occupata & vsurpata iurisdictione orti, vniuersum Imperium totos viginti quinque annos affllexerunt, & Ecclesiam continuo schismate lacerauerunt, nobis argumento esse possunt, decretum illud non afflatu diuino, sed humano impetu factum esse: nec ab ordinaria sanctæ sedis Apostolicæ iurisdictione, sed vel ab extraordinaria sedem tenentis ambitione, vel iuris sui ignoratione & zelo inconsiderato processisse. Neque enim verisimile est Deum, qui iustitiæ author & Ecclesiæ protector est, quique primas spiritualis potestatis Ecclesiæ executiones, præsentibus miraculis & horrendo effectu formidabiles reddidit, non eodem modo primam illam tantæ tantæque sublimis authoritatis & iuris Ecclesiæ suæ executionem, singulari aliquo miraculo vel extraordinario auxilio secundare voluisse: cùm præsertim tot precibus à Pontifice in auxiliū esset vocatus, ipsique Apostoli solenni obsecratione rogati, his verbis. *Agite igitur Apostolorum sanctissimi Principes. Et quod dixi vestra authoritate interposita confirmate, vt omnes nunc demum intelligant, si potestis in cælo ligare Et soluere, in terra quoque Imperia, Regna, Principatus. Et quicquid habere mortales possunt, auferre Et dare vos posse. Edificent nunc Reges huius exemplo, Et omnes seculi Principes, quid in cælo positis, quantique apud Deum sitis, ac deinceps timeant sanctæ Ecclesiæ mandata contemnere. Hoc autem iudicium citò in Henricum exercete, vt intelligant omnes, iniquitatis filium non fortuito, sed vestra opera è regno cadere. Hoc tamen à vobis optauerim, vt pœnitentia ductus in die iudicij vestro rogatu gratiam à Domino consequatur. Actum Rome Nonis Martij indiictione tertia<sup>1</sup>.* His & similibus precationibus ad Deum Principes Apostolorum fufis inquit Henricum execrationibus & imprecationibus solenni more coniectis, quis Deum, qui Ecclesiam per beatos suos Apostolos continua protectione custodit, non faciliè passurum se exorari, & primam hanc Pontificis supplicationem in tantæ authoritatis Ecclesiæ manifestandæ exordio

dio non statim fuisse auditurum arbitretur, si talis ad Ecclesiam autoritas pertinuisset? Cùm tamen planè contrà, nihil non infaustum Pontifici, Pontificiæque partis autoribus & fautoribus acciderit, triumphante interim & Imperium tenente Henrico. Nam quod à filio tandem post annos viginti quinque passus est, *sub specie religionis*, vt ait Frisingensis, id parum aut nihil ad hanc rem pertinet: prætextus hic tantùm filio pessimo fuit, qui ante diem patrios in annos inquirebat. Vera autem causa, ambitio, & ardens dominandi libido, *que multos mortales falsos fieri subegit.*<sup>1</sup> & patres in filios, & hos in illos, sæuis & furialibus odiis sæpe armauit, vt vberius alibi ostendimus:<sup>2</sup> Bellissimè quidam,<sup>3</sup> *patris longior vita malo filio seruius videtur.*

<sup>1</sup> Salust.

<sup>2</sup> Lib. 6. de regno. cap. 4.

<sup>3</sup> Gaguin. in vita Ludou. Pii.

## C A P. X I.

**E**X his, vt opinor, satis patet, Ecclesiam non tollerasse olim Constantium, Iulianum, Valentem, & alios malos Principes, quòd suis tunc copiis & viribus diffideret, nec quòd eos sine magno populi incommodo in ordinem cogere nequireret. Nam re vera facilius, & minore populi detrimento, veteres illos coercere potuit, quàm non solum Henricum IV. cuius causa tam diuturnum schisma ortum est, sed vel Othonem IV. vel Fridericum II. vel Philippum Pulchrum, vel Ludouicum XII. vel Ioannem Nauarrum, & alios, in quos Pontifices successu rerum tumidi, sententias excommunicationis & priuationis regnorum protulerunt; non ob hæresin, neque ob malè obitum imperium, neque ad supplicationem subditorum, sed proprio motu, priuato inquam odio incensi infensique. Non denique quòd status Ecclesiæ illâ ætate Episcopos magis quàm hoc seculo ad martyrium paratos esse voluerit. Tunc enim Ecclesia tutissimo loco erat, atque in portu, vt dicitur, nauigabat: utpote fundata iam pridem Apostolicis institutis, & satis superque labore ac sanguine Martyrum stabilita. Quinimo is tunc Ecclesiæ status erat, vt multò minus quàm hoc tempore Episcopis ad martyrium paratis opus esset: quòd tota tunc multitudo, velut recente Martyrum sanguine aspersa, nihil nisi martyrium redoleret: adeo vt non minus exemplo gregis Pastor, quàm singuli de grege exemplo Pastoris, officii sui commoneretur.

At nunc secus, proh dolor! se res habet: Ecclesia grauissimis tempestatibus agitata est, ac tantum non obruta Hæretico-



ricorum impetu, multis eorum ipsorum qui Catholici dei cupiunt ita affectis, ut nec magnas exantlare molestias, nedum exequi mortem, pro vera religione velint: qua propter ut incalescat ille tepor, & homines ad expeditissimam viam & quasi compendariam salutis excitentur, quis non videt opus esse Episcopis, qui verbo & exemplo viam mōstrent: & ad martyrium potius, quàm ad arma & insurrectiones, in quæ natura procliues sumus, & semetipfos cōponant & alios adhortentur? Quis non paternam Clementis VIII. pietatem cum summa prudentia coniunctā, quā Reges & Principes Christianos ad concordiam reducere, & in concordia retinere annititur, infinitis partibus Ecclesiæ vtiliorem iudicet, quàm Iulii II. loricati furores Martios, quibus Italiam, Galliam, Germaniam, Hispaniā, cæterasque gentes Christianas, hostilibus animis inter se committere, impide & inhumaniter connitebatur?

Hæc cum ita sint, sane vel priscos Ecclesiæ patres grauius deliquisse fateamur, quod fontes illos, & execrandos fidei desertores, non solum pertulerint, & cum facili possent, non peremerint, sed obseruarint comiter, & regalibus titulis atque honorib. dignati sint: vel eos eiusmodi Principibus pepercisse propter reuerentiam Maiestatis, & solo Deo inferiorem in temporalibus potestatem, arbitremur necesse est: vel certè præter causas ab aduersariis redditas, aliam adhuc subesse meliorem credamus, quam nemo ipsorum hætenus prodidit, nec ut suspicor, vnquā prodet.

Nam quod quidam seditiosus in opere illo infami, quod aduersus Reges scripsit, <sup>1</sup> ut vim superioris obiectionis de antiquorum Patrum tolerantia eludat, *quasi verò*, inquit, *eadem instituenda Ecclesia ratio, atque instituta esse credenda sit, ac non prius plantari & irrigari vineam, quàm incidi oporteat: sed tum demum id potestatis datum est Ecclesiæ, cum id Prophetia impletum est: Erunt Reges nutritii tui, & vultu in terra dimisso adorabunt te, & puluerem pedum tuorum lingent.* <sup>2</sup> id certè est eiusmodi quod vix responsione dignum putem, cum nec authorem ipsum sat quid dicat scire arbitrer. Quid enim? An non putida Ecclesiæ membra ab eius infantia & primordiis abscindi solebant? An nescit incisionem illam spiritualem, quæ propria Ecclesiæ est, vnà cum ipsa Ecclesia cœpisse? Quid Ananias, quid Corinthius, annō ab Ecclesia amputati? Hoc si ignorat, malus Theologus, & peior vinitor credendus est: siquidem in plantatione resecat

hic

<sup>1</sup> Lib. 3. cap. 18.  
de inst. Henr. 4.  
abdicatione.

<sup>2</sup> Esaiæ 94.

hic etiam quicquid in vite superfluum est & inutile, nec prominere terra putridas aut vitiatas gemmas finit: mox eam, ubi paululum excreuerit, pampinat, ne infructuosis colibus oneretur. Quod si de incisione corporali intelligat, scire debet Ecclesiam non nosse sanguinem, non sole-re inquam extremo supplicio quenkum afficere, nisi for-tè per miraculum, vt in persona Ananiæ & Saphiræ <sup>1 Act. 5.</sup> con-tingat. Sed quid? an Ecclesiam temporibus Ambrosii, Hie-ronymi, Augustini nondum perfectè institutam fuisse re-tur? aut non satis plantatam & irrigatam, vt iam tunc com-modè incidi potuerit? Certè B. Augustinus alicubi asserit <sup>2 Tract. 27. in Ioan.</sup> paucos suo seculo vsquam inueniri, qui de Christo malè sentirent. Cur ergo Valentem, Valentinianum, Heracliū, & alios similes tolerauit Ecclesia? Nam à Constantino Magno impletum erat id prophetiæ quod allegat. At non-dum tempus incidendi vineam Domini. Egregia ratio sci-licet, atque inter alias eius viri ineptias, quas alibi seorsus indicaui-mus, <sup>3 Lib. 5. & 6. de Regno.</sup> collocanda. Nunc ad indirectæ potestatis propugnatores transeamus.

## CAP. XII.

**H**Orum opinionem capite primo & capite quinto su-pià proposui: ea est, *Papam ratione sua spiritualis Mo-narchia habere potestatem temporalem indirectè, eamque summam disponendi de temporalibus rebus omnium Christiano-rum, & posse mutare regna, & uni auferre atque alteri conferre, si id necessarium sit ad animarum salutem.* <sup>4 Aduersariorū sententia toti antiquitati ec-clesiasticæ con-tradicit.</sup> Cui sententiæ tam multa repugnant, vt eam omnino improbabilem, ne di-cam incredibilem, existimem. Nam imprimis quid ei ma-gis contrarium, quàm quòd tota antiquitas Christiana semper censuit, Reges solo Deo minores esse, solum Deum iudicem habere, nullis legibus humanis subiici, nullisque pœnis temporalibus plecti vel coerceri posse, <sup>5 Vide cap. 9.</sup> ac proinde quod iuris authores dixerunt, *Princeps legibus solutus est* <sup>6 L. Princeps. D. de legib.</sup>, id Græci de legibus pœnalibus præcipuè intelligunt; *ἡ γὰρ ἀμαρτία ἐκ γὰρ ἀφ' ἧς ἐστὶν ἡ πῦρ*, id est, videlicet si quid delinquat nō puni-tur. Nihil horum cum aduersariorum opinione po-test consistere. Nam si verum est, Papam de Regnis rebusq; Principum secularium posse disponere, & ab iis sceptrā om-nemque dignitatem auferre, consequitur necessariò Pa-pam Regibus superiorem atque etiam iudicem in tempo-ralibus esse, ac præterea Reges omnes temporalibus pœnis sub-

1 L. Nam magi-  
stratus, D. de re-  
cep. qui arbi.

2 Cap. per vene-  
rabilem qui fil.  
sunt legit.

3. Repugnat cō-  
fessionem Pontifi-  
cum.

subiici posse: quod superiori veterum sententiæ ex diante-  
tro vt aiunt opponitur. consecutionis necessitas inde pa-  
teret, quod qui alium legitimè iudicat, is superior sit eo quē  
iudicat necesse est. ( Nam par in parem non habet impe-  
rium, <sup>1</sup> multo minus inferior in superiorem ) & quod regni  
priuatio, sicut bonorum publicatio, inter pœnas tempora-  
les easque grauissimas numeranda sit.

Quid quod ipsi Pontifices fatentur, Reges non habere  
superiorem in temporalibus <sup>2</sup>. Habent & non habent, si-  
mul vera esse nequeunt. falsum ergo est Reges non habere  
superiorem in temporalibus, si alius iis possit iure tempo-  
ralia auferre alterique conferre. <sup>3</sup> si enim hic non sit actus  
superioritatis, vt ita loquar, non video equidem quid sit es-  
se superiorem: aut si Regem causâ cognitâ condemnare, &  
regali dignitate multare, non sit Regis iudicem esse; nul-  
lam neque iudicii neque iudicis notionem à maiorib. tra-  
ditam & relictam esse fatendum est. Nam quod in verbis,  
*directè & indirectè*, discrimin statuunt, id non ad facultatem  
iudicandi & effectum iudicii, sed solum, ad modum & ra-  
tionem acquirendi tantam potestatem pertinet. Canoni-  
stæ enim dicunt Papam directè dominium temporale to-  
tius orbis à Christo accepisse. Hi verò negant eum acce-  
pisse tale dominium directè, quasi dicas per se, simpliciter,  
& sine alterius rei consideratione; sed tantum indirectè,  
hoc est per consequentiam, ratione illius potestatis spiri-  
tualis quæ directè à Domino accepit. hæc igitur ex verbis istis  
differentia, ad initium & modum acquirendi temporalem  
potestatem, non autem ad eius vim & effectum referri debet.  
Vtrumvis enim dicas, nihil ad Pontificalis iudicii in Reges  
firmitatem & efficaciam omnino interest: nisi fortè quis  
dicat Papam, si vir malus fuerit, liberius indirectè quam  
directè in Regum corpora & fortunas posse grassari.

Quod si aduersariorum sententiæ locus sit, Reges &  
Principes Christiani non erunt solum vasalli & clientes  
Papæ in temporalibus, sed quod vilius est, quasi precario  
Regna & Principatus ab eo possidebunt. Id facile ex ipsis  
aduersariorum principiis sic ostendo. Summus Pontifex  
potest alicui regnum auferre, & alteri conferre, si id neces-  
sarium sit ad animarum salutem: Atqui iudicare & decer-  
nere an sit necessarium, pertinet ad eundem Pontificem,  
de cuius iudicio, æquumne sit an iniquum, nemo potest iu-  
dicare: <sup>4</sup> ergo vbi libitum ei erit, poterit quemlibet regno pri-

4 Can. patet.  
can. aliorum 9.  
q. 3.

priuare, & illud alteri conferre. Propositio in hac ratiocinatione, est p[er] se sententia aduersariorum. Assumptio verò inter omnes Catholicos extra controuersiam est: nemo enim nisi Hæreticus negabit, curam animarum ad Petri successorem & Christi vicarium pertinere. Conclusio denique ex præmissis necessariò sequitur; quia si uolet Pontifex Regnum aliquod ab vno in alium transferre, poterit dicere se iudicare, ad animarum salutem id esse necessarium: & de eius quidem iudicio, vt dictum est, iudicare nemo debet. Atque ita semper in eius voluntate situm erit, vtrum velit sceptrum Regibus adimere. quod quid est aliud, quam Reges omnes velut iure precarii regna ad nutum Pontificis auferenda detinere? Ecce quam lubrico in loco Reges & Principes Christiani consisterent, si verum esset, Papam habere potestatem indirectè disponendi de omnib. rebus temporalibus Christianorum, qui eam potestatem suo semper arbitrio iudicioque metietur, vt nihil irato illi facilius futurum sit, quam indirectæ potestatis exercendæ causam prætexere, quoties eum aut priuatas iniurias vlciscendi libido, aut ambitiosè dominandi cupiditas incesserit, aut etiam vbi se læsum spretumve, quamuis sine publica offensione, esse credet. Cuius rei illustria documenta præbuerunt Bonifacius VIII. & Iulius II. vt alios taceam, cum magno multorum scandalo, conceptum in Reges potentissimos odium, obliqua hac indirectæ potestatis via effundere conarentur. Quod igitur de beneficiis Clericorum tradunt Pontificii iuris interpretes, *omnia scilicet manualia esse respectu Papæ*: idem de Regnis dici posset, si ista ei in Reges potestas temporalis indirectè concedatur, quasi in manu & potestate eius sit, aliis subinde atque aliis tanquam precario possessoribus ea auferre & conferre. Sed mitto hanc ab incommodo siue absurdo rationem, quæ licet aduersus Bozium & Canonistas nullius sit momenti, quòd ipsi id quicquid est incommodi admittant, fateanturque Reges nihil nisi mandatam à Papa executionem in regnis obtinere, tamen est efficax contra Theologos, & omnes indirectæ potestatis assertores.

Sed & omnis potestas, omneque dominium & iurisdic-tio, aut iure diuino acquiritur, aut iure humano: & qui aliquid possidet seu tenet, si neutro horum possideat, iniuste possidet, vt præclare in Donatistas ratiocinatur Augustinus<sup>2</sup>. Fieri igitur non potest, vt Papa imperium iure disti-  
2 Tract. 6. ad c.  
1. Ioan. can. quo  
3.



aliquod temporale in Reges & Principes seculares iuste exerceat, nisi constet id ei iure diuino vel humano esse tributū. At nullus neq; in diuinis neque in humanis legib. locus reperitur, qui talē illi potestatē conferat. cū tamen contra, Regū Dominatio & authoritas multis sacrarum literarum testimoniis apertē cōmendata sit & probata, vt cū dicitur, *Per me Reges regnant. Data est à Domino potestas vobis. Reges gentium dominantur eorum. Cor Regis in manu Dei. Dabo illis Regem in furore meo. Time Dominum. fili mi, & Regē. Deum time, Regem honorificate*, & passim id genus similia.

Postremò, quandoquidem potestas & iurisdictio ista tēporalis Papæ, de qua nobis sermo, neque expresso Dei verbo in Scripturis comprehensa, neque ex traditione Apostolorum quasi per manus recepta; neque vsu & consuetudine in Ecclesia per totos mille annos & amplius obseruata, aut ab vllō Pontifice occupata; neque ab antiquis Ecclesiæ Patribus laudata & probata, imò ne memorata quidem inuenitur; quæ nos, obsecro, credendi necessitas, cogat eam admittere? aut qua nobis eam authoritate persuadeant? Rationibus, inquiunt, & exemplis nostra probatur sententia. quàm vellem inquam id verum esse. Sed scire imprimis oportet, eas tantū rationes huic ipsorum sententiæ probandæ idoneas esse, ex quibus apodixes & demonstrationes euidentes conficiuntur, quales nemo illorū adhuc attulit, aut vt arbitror afferre potuit. Nam quod ad probabiles & verisimiles tantū rationes attinet, ex quib. syllogismi Dialectici constant, illarum non ea vis est, vt per eas summum Regibus & Principibus imperium abiudicetur: cū ne quidem in quotidianis minimarum rerum cōtrouersiis aliquid euinci possit, nisi manifestis & euidentibus testimoniis vel testibus res petitoris esse comprobetur. & ideo *actore non probante, qui conuenitur, et si nihil ipse præstat, obtinebit*<sup>1</sup>. In exemplis autem infirmum atque inualidum omnino præsidium est, quia quid factum sit tantummodo, non quid fieri debuit, ostendunt: exceptis iis quæ sacrarum literarum testimonio laudi vel vituperio dantur. Quæ cū ita sint, videamus nunc quibus rationibus sententiā suam aduersarii confirment.

L. qui accusare.  
C. de edend. l. a-  
ctor. C. de prob.  
cap. 1. de probat.

## C A P. XIII.

Nemo omnium, vt antè dixi, Pontificiæ partis, rationes aut diligentius collegit, aut argutius proposuit,  
aut

aut breuius & subtilius concludit, quàm insignis Theologus Bellarminus, quem honoris causa nomino, qui licet quantum honestè potuit, & plus etiam quàm debuit, Pappæ authoritati in temporalibus tribuit: satisfacere tamen non potuit ambitioni imperiosissimi hominis Sixti V. *qui se supremam in omnes Reges & Principes uniuersa terra, cunctosque populos, gentes, & nationes non humana sed diuina institutione sibi traditam potestatem obtinere* affirmabat<sup>1</sup>. Itaque parum absuit quin omnia Doctoris illius opera, quæ hæresin summo hodie successu oppugnant, Pontificia censura magno cum Ecclesiæ detrimento aboleret. vt illius ordinis patres, cuius tunc erat Bellarminus, seriò mihi narrauerunt. Quæ res me reficit, si fortè, quod nolim, Pontifex aliquis pari ambitione præditus, librorum meorum lectione ob similè causam Catholicis interdiceret. Quicquid uolet sanè faciat, at nunquam efficiet, vt ego Catholicam, Apostolicam, & Romanam fidem, in qua à puero ad grauem hanc senectutem versatus sum, vnquam deferam; aut in alia fidei professione moriar, quam quæ à Pio IV. præscripta est. Rationes igitur ex Bellarmino huc referemus: sunt enim numero quinque, relictis aliis, maximè verò nugis Bozianis, quæ indignæ sunt, in quarum refutatione vir doctus se exerceat.

In Bulla contra  
Henric. III. Fran-  
ciæ Regem.

Prima ratio est, quam his verbis proponit Bellarminus. *Potestas civilis subiecta est potestati spirituali, quando utraque pars est eiusdem Reip. Christiana: ergo potest Princeps spiritualis imperare Principibus temporalibus, & disponere de temporalibus rebus in ordine ad bonum spirituale. omnis enim superior imperare potest inferiori suo.* Et ne quis fortè rationem hanc eludat per inficiationè propositionis, eam illicò tribus argumentis, siue mediis, vt aiunt, demonstrare conatur, hoc modo.

*Quod autem potestas politica, non solum vt Christiana, sed etiam vt politica, sit subiecta Ecclesiastica, vt talis est: primo demonstratur ex finibus utriusque. Nam finis temporalis subordinatur fini spirituali, vt patet. quia felicitas temporalis non est absolute ultimus finis, & ideo referri debet in felicitatem æternam: constat autem ex Aristotele lib. 1. Ethic. cap. 1. ita subordinari facultates, vt subordinantur fines.*

*Secundo, Reges & Pontifices, Clerici & Laici, non faciunt duas Respub sed vnam, id est, vnam Ecclesiam. Sumus enim omnes vnum corpus. Rom. 12 & 1. Corinth. 12. at in omni corpore membra sunt connexa, & dependentia vnum ab alio: non autem rectè*

D      asseritur,

*asseritur, spiritualia pendere à temporalibus, ergo temporalia à spiritualibus pendent, illisq; subiiciuntur.*

*Tertio, si temporalis administratio impedit spirituale bonum, omnium iudicio tenetur Princeps temporalis mutare illum modum administrandi, etiam cum detrimento temporalis boni, ergo signum est, subiectam esse temporalem potestatem spirituali. Hæc ille.*

Quibus ut ordine satisfiat, respondeo, falsum in primis esse, quod pro vero, certo, & solido fundamento in hac prima ratione nobis obtruditur: falsum inquam, civilem potestatem subiectam esse spirituali, quando utraque pars est eiusdem Reipublicæ Christianæ: nisi id ita intelligant, subiectam esse in spiritualibus, & è diuerso hanc illi in temporalibus obedire oportere. Siquidem hæc duæ potestates ita sunt partes Reipublicæ Christianæ, ut neutri in alterum imperium sit, utpote quæ cum liberæ & sui iuris essent, mutuo amore coierunt. Utraque ergo alteram in suo ordine & munere *recognoscit* & veneratur, & suam utraque functionem arbitrato suo exercet: tantum inter eas conspirans quidam consensus & societas est, ad Christianam Rempub. conseruandam: utraque enim potestate, siue (ut Genebrardi<sup>1</sup> verbis utar) *utroque magistratu Ecclesiastico & Politico Ecclesia continetur, munitur, & viget.* ad quam protegendam & fartam rectam conseruandam

In Psal. 2.

— alterius sic

*Altera poscit opem res, & coniurat amicum,*

Ut quamdiu societatem retinent, Respublica Christiana innumeris concordia & pacis comodis efflorescat: At ubi coitam dissoluunt, spiritualis quidem potestas, licet diuina virtute præstans, imbecillior tamen in oculis hominum & corporalibus auxiliis destituta plerumque contemnitur: temporalis verò quantumuis potens atque fortis, in suam ipsius perniciem per omne scelus & insaniam properat, nimirum cælesti gratia destituta, qua per spiritualis potestatis coitionem fruebatur. Nihilò tamen magis potestas Ecclesiastica suas vlcisci iniurias per se, nisi armis spiritualibus, vel potestas temporalis in Ecclesiasticam sauire, nisi visibilibus & corporalibus telis potest. Cuius rei utinam non tot luctuosis exemplis & superiorum seculorum monimenta, & nostra nos ætas memoriaque admonerent. Atque hoc nimirum illud est, quod, ut antè dixi, *Hosius ad Constantium Arianum. Neque fas est nobis, inquit,*

quit, in terris imperium tenere, neque tu thymiamatum & sacro-  
rum potestatem habes, Imperator. & quod D. Bernardus ad  
Eugenium Papam. <sup>1</sup> habent hac infima & terrena iudices suos, <sup>1</sup> Lib. 1. de con-  
Reges & Principes terra. Quid fines alienos inuaditis? quid falcem sider. cap. 6.  
vestram in alienam messem extenditis? Non sunt igitur hæ po-  
testates, Ecclesiastica & Politica, ita partes Reipubl. Chri-  
stianæ, ut altera in alteram planè dominetur: sed ita sunt  
partes, ut quæ cum essent separatae & inter se dissidentes,  
singulari tandem concordia se coniunxerunt, ut utraque  
alteri opem & operam suam præstaret, mutuisque officiis  
& muniis sese inuicem demererentur. Nec quòd potestas  
Ecclesiastica sanctior & excellentior sit Politica, idcirco  
hanc illi subiectam esse concedendum est: sed tantùm (ut  
fit non rarè in societate ciuili) illam digniorem & diuitio-  
rem huic ignobiliori & minus locupleti, ad vtriusque vti-  
litatem se adiunxisse; ita ut ambæ in illa societate liberæ  
maneant, neutraque ab altera ullo modo pendeat. Itaque  
perbellè in hanc sententiam Driedo <sup>2</sup>: Christus, inquit, v- <sup>2</sup> Lib. 2. de libe-  
riusque potestatis officia discreuit, ut una diuinis & spiritualibus Ecclesiast. cap. 2.  
rebus atque personis, altera profanis ac mundanis præsideret. &  
inox, En planè vides Christum discreuisse vtriusque potestatis of-  
ficia. Distinctio igitur Ecclesiastica potestatis Papalis à potestate  
seculari ac imperiali est de iure diuino facta. & post eodem ca-  
pite, Vnde Papa & Imperator sunt in Ecclesia non tanquam duo  
rectores summi inter se diuisi, quorum neuter alterum cognoscit,  
aut veneratur tanquam superiorem. Nam hic illum in spiritu-  
alibus, hunc ille in temporalibus recognoscere ac venerari  
tanquam superiorem debet, & secundum antiquam glof-  
sam in can. Hadrianus. 63. dist. quemadmodum ille huic in  
spiritualibus, ita hic illi in temporalibus pater est) quia re-  
gnum sic contra se diuisum desolabitur. Neq; item sunt tanquam  
duo iudices subordinati, sic ut alter suam iurisdictionem accipiat  
ab altero. Sed sunt tanquam rectores duo, qui sunt vnius Dei mi-  
nistri, diuersis officiis deputati, ita ut Imperator præsit seculari-  
bus causis & personis ad pacificum conuictum huius seculi: Papa  
verò præsit spiritualibus ad lucrum Christiana fidei & chari-  
tatis.

Sed & ipsemet Bellarminus <sup>3</sup>. Nota, inquit, quemad- <sup>3</sup> Lib. 3. de Rom.  
modum non est idem sydius Sol & Luna, & sicut Lunam non in- Pontif. cap. 3.  
stituit Sol, sed Deus: ita quoque non esse idem Pontificatum &  
Imperium, nec vnum ab alio absolutè pendere. Sunt quidem Sol  
& Luna duo luminaria magna <sup>4</sup>, quæ Pontifex Innocētius <sup>4</sup> Genes. 1.



1 Cap. solitz de  
maiorit. & obe-  
dient.

per allegoriam interpretatur <sup>1</sup>. *duas dignitates, quæ sunt Pontificalis auctoritas. & regalis potestas*: & illam Soli, hanc Lunæ comparat. Vnde hoc modo disputo. Quemadmodum Luna non minus Luna est, nec minus per se consistit, tunc cum à Sole recedit, & mutuatum ab eo lumen errans amittit, quàm cum eius radiis pleno orbe atque aspectu illustratur; & neutro casu aut hæc ab illo, aut ille ab hac dependet: sed ambo institutionis suæ ordinem & modum tenentes, Deo mundoque deseruiunt. Sic etiam potestas Regalis siue politica, propriis subnixa viribus per se semper consistit: & licet magnum quidem lumen ad benè beatèque viuendum à Pontificali & spirituali potestate accipiat, tamen eius neque accessu neque recessu vlla ex parte in sua *essentia* siue essentia mutatur, minuitur vel augetur: multoque minus aduenienti subiicitur. Superest vt vitia argumentorum, quibus primam istam rationem fulciri Bellarminus putat, singillatim indicemus.

## C A P. XIV.

**Q**Uod igitur ad primam attinet, nego constanter talē ordinationem vel subordinationem finium harum potestatum esse, quatenus ipsæ potestates tales sunt. Nam finis Politicæ seu ciuilis potestatis, quatenus politica est, nihil aliud absolute complectitur quàm felicitatem temporalem, commune scilicet bonum, & vitæ degendæ ordinatam tranquillitatem, vt ipsemet alibi Bellarminus fatetur. *Politica potestas*, inquit, *habet suos Principes, leges, iudicia &c. & similiter Ecclesiastica suos Episcopos, Canones, iudicia. Illa habet pro fine temporalem pacem; ista salutem aternā.* Nec vltius progreditur hæc potestas ciuilis, nullumque aliū in finem refertur, vt talis est. Nam quod ad æternam felicitatem aspirat, id non à seipsa habet: non, inquam, quatenus politica est, eò tanquam in vltimum scopum conatus suos dirigit: sed quā spiritualis, siue ecclesiasticæ potestatis societate & consiliis adiuuatur. vt patet ex innumeris populis & ciuitatibus, apud quos ciuilis potestas seuerè viguit, licet exiguam vel planè nullam æternæ felicitatis, de qua loquimur, notionem habuerint. Hoc etiam indicat

2 1. ad Timot. 2. Apostolus <sup>2</sup>, cum iubeat orare pro Regibus, & omnibus qui in sublimitate sunt, *vt tranquillam vitam agamus in omni pietate & castitate*: tranquillitatem vitæ nimirum politicæ gubernationi, pietatem & castitatem Christianæ discipline

ciplinæ adscribens. Itaque, ut vno verbo dicam, sciendum est fines actionum humanarum in intentione esse, & non in intellectu, id est, non quod intellectus discursu rationis excogitare potest, id finis actionis est; sed quod voluntas agendo consequi cupit, dum animus actionem meditatur, id actionis finis est. Vnde Nauarrus<sup>1</sup> rectè ait, finem potestatis laicæ esse *vitam bonam, beatam, & quietam temporalem mortaliū, quæ & finis est legum ab ipsa emanantium. Potestatis verò ecclesiasticæ finem esse vitam æternam supernaturalem: eandemque esse finem legum ab ipsa emanantium.* Prosequeretur hæc pluribus, ni rem acutis hominibus, vel ex ipsa Philosophia satis perspectam iudicarem.

In relect. cap.  
nouit. num. 90.  
de iudic.

Secundum verò argumentum vsque adeo friuolum est & fallax, ut nihil inscius dici, aut vitiosius colligi possit, quàm quod eo concluditur. Ecqua enim anus tam excors est, ut nesciat non valere hanc consequutionem, *Sunt membra vnus corporis; ergo vnum ab alio pendet.* Nam neque pes a pede; neque brachium à brachio, neque humerus ab humero pendet, sed alicui tertio & medio connexa sunt per se, vel per alia membra quibus adhærent. An non eadem ratiocinandi forma, & eodem planè argumento colligitur: brachia vniuscuiusque hominis sunt membra vnus corporis: *at in omni corpore membra sunt, connexa & dependentia vnum ab alio: non autem rectè asseritur* dextrum pendere à sinistro: ergo sinistrum cuiuslibet hominis brachium pendet à dextro, eique subiicitur? Quis eiusmodi argumenta futilitatis plena non rideat? Ego miseras istas demonstrationes odi, quæ rem qua de agitur argutiis, præstigiis, & captionibus inuoluunt potius, quàm explanant. Ut enim brachia ad humeros, & humeri ad collum & caput annectuntur: nec dextrum brachium, dexterve humerus, sinistro, vel contrà, subiicitur: ita potestas spiritualis & temporalis, siue Ecclesiastica & Politica, licet membra sint vnus corporis politici, & partes vnus Reipublicæ atque Ecclesiæ Christianæ, neutra tamen alteri subiicitur; neutraque alterius fines & iurisdictionem sine scelere potest inuadere: sed ambæ, velut vnus corporis humeri, ad caput qui Christus est annectuntur. quarum hæc, Politica scilicet, vitæ degendæ præcepta, quibus societatis humanæ tranquillitas continetur, ciuibz & subditis præscribit & illa verò ad immortalitatis & felicitatis æternæ contemplationem supernatura-

lem ( quæ & cum politica tranquillitate, & sine ea interdum subsistit ) animos hominum erigit informatque. ex quibus sequitur, separatas esse has potestates in eadem Republica Christiana, ita vt neutra alteri, quatenus talis est, subiiciatur. Et verò nisi hoc ipse Bellarminus fateatur, sua eum doctrina alibi tradita redarguet. Nam libro tertio de Romano Pontifice, cap. 19. vbi nugas Synodi Smalchaldicæ Lutheranorum refutat, atque ad illud eorum argumentum respondet, quo dicunt *Papam se Deum facere cum nolit ab Ecclesia aut ab ullo iudicari*. ostendit vitiosam esse consequentiam, argumento ducto à Regibus, qui & ipsi quoque nullum in terris Iudicem habent quantum ad temporalia. *Reges terra*, inquit, *certè Iudicem in terris, quo ad res politicas attinet, nullum agnoscunt: Nihil igitur tot erunt Dij quot sunt Reges? Quid aliud est quæso Reges non habere iudicem in terris, quo ad res politicas, quam quod nos contendimus, separatam esse potestatem Politicam ab Ecclesiastica, & de illa summum Pontificem nullo modo disponere vel iudicare posse? Nam si posset, certè aut Reges haberent iudicem in terris etiam quo ad res politicas, aut Papa semper in caelestibus habitaret. Fieri ergo non potest, quin Bellarminus aut à seipso dissideat, aut immemoria lapsus sit, aut, quod non credo, veritatem variare studeat, cum alibi assumat pro certo & concessio, Reges nullum habere iudicem in terris quo ad res politicas; alibi verò Regibus & Principibus omnibus iudicem ferat Pontificem, qui eos iudicare & deponere, ac de regnis rebusque ipsorum omnibus arbitrari suo disponere possit. Nam quod in verbis istis, *directè, & indirectè*, discrimen statuit, id ad formam & modum procedendi tantum spectat, non autem ad vim & effectum iudicii: semper enim verum est, eum habere iudicem in terris quo ad temporalia, quem Papa quoquo modo, seu directè seu indirectè, in temporalibus iudicat. Et verò quid interest ad miseriam & calamitatem Regis à Papa iudicati & regno priuati, vtrum Papa directè id fecerit, veluti si in Siculum aut Neapolitanum Regem, tanquam directus dominus feudi in vasallum, sententiam ferat: an verò indirectè, vt in Reges alios, qui ei nullo clientelari iure subiecti sunt; si modò vtramque sententiam par poena sequatur? Et hæc quidem de secundo argumento satis. Nunc tertium quam vim habeat dispiciamus.*

С А Р. XV.

D      sole



solo gladio, non etiam visibili & temporali: quorum hic politica tantum & seculari potestati commissus est. unde quoties gladii temporalis auxilio spiritualis potestas indiget, fidem atque amicitiam solet sociæ civilis potestatis implorare. E contrario autem Principes & Prælatos Ecclesiasticos Principibus politicis in temporalibus esse subiectos, & non secus obedire debere in omnibus, quæ ad politicam dispensationem pertinent, quàm hi illis spiritualia imperantibus parere tenentur: dummodo talia sint, quæ neque fidei Catholicæ neque bonis moribus aduersentur. Quin imo nec ipsummet summum Pontificem alia ratione ab hac temporali subiectione excludi, quàm quoddam Regum beneficio Rex ipse factus sit, Princeps in quâ politicus, neminem in temporalibus superiorem agnoscens. idque fatetur acerrimus ille iurisdictionis Ecclesiasticæ assertor, quem plerique Bellarminum esse affirmât, in sua responsione ad præcipua capita *Apologiae* &c.<sup>1</sup> *Generalis*, inquit, & verissima est illa sententia, debere omnes omnino superiori potestati obtemperare. Sed quia potestas est duplex, spiritualis & temporalis, Ecclesiastica & Politica, quarum altera Episcoporum, altera Regum est: Episcopi Regibus in temporalibus rebus, & Reges Episcopis in spiritualibus subiecti esse debent, ut copiose disputant Gelasius primus in epist. ad Anastasium, & Nicolaus primus in epist. ad Michaellem. quoniam verò Roman. Episcopus non modo summus est Princeps Ecclesiasticus, cui omnes Christiani divino iure subijciuntur, sed est quoque in suis promissionibus Princeps temporalis; neque ullum in temporalibus superiorem agnoscit, ut neque reliqui absoluti ac supremi Principes in suis regnis & ditionibus, inde fit, ut ipse nullam supra se potestatem in terris habeat. Non ergo quia summus Pontifex est, & pater spiritualis omnium Christianorum, ideo à subiectione temporali liberatur, sed quia temporalem principatum nemini subiectum obtinet. In iis itaque quæ ad Reipublicæ salutem, & civilem societatem spectant, nec ordinationi divinæ refragantur, Clerici non minus summo Principi temporali parere, quam ceteri ciues tenentur: ut ipsemet Bellarminus egregiè ostendit, <sup>2</sup> addita etiam ratione, quia Clerici, præterquam quod Clerici sunt, sunt etiam ciues, & partes quadam Reipublicæ politica. Non sunt exempti clerici ullo modo, inquit, ab obligatione legum civilium, quæ non repugnant sacris Canonibus vel officio Clericali. & quamvis dicat se non de obligatione coactiva loqui, tamen verius est eos ad obsequiū legum

1 Pag. 114:

2 In lib. de Clericis cap. 28.

legum ubi causa postulat, à temporali Iudice cogi posse, vt nec in ea re exemptionis suæ beneficio gaudeant, quod ab Imperatorum & Principum legibus eos accepisse satis constat. Frustra enim legum auxilium inuocat qui contra eas committit.

Hinc est, ex hac inquam Clericorū & Laicorum in Republica societate, quodd in conuentibus publicis, Clerici de temporalibus negotiis consulturi, primo post Principem loco confidunt. Potestas itaque spiritualis (potestatis verbo potestate præditos significari tritum est) politicæ potestati, & hæc illi vicissim, pro suo vtraque imperio, imperat atque paret. Atq; hoc nimirum est de quo B. Gregorius Pontifex Mauricium Imperatorem admonet <sup>1</sup>. *Sacerdotibus, inquit, non ex terrena potestate dominus noster citius indignetur, sed excellenti consideratione, propter eū cuius serui sunt, eis ita dominetur, vt etiam debitam reuerentiam impendat* Dominetur nimirum quatenus ciues sunt, & partes Reipublicæ, reuerentiam impendat, quā Dei sacerdotes & patres spirituales, quibus ipse Imperator vt Ecclesiæ filius subiiicitur. Et has quidem inter vtramque potestatem parendi imperandique vices Salomon singulari exemplo demonstrauit, <sup>2</sup> qui summum Sacerdotem Abiatharē capitis reum pronunciare non timuit, quod coniuranti Adoniæ cōsensisset. Ait enim historia, *Abiathar quoque sacerdoti dixit Rex. Vade in Anathoth ad agrum tuum, & quidem vir mortis es: sed hodie te non interficiam, quia portasti Arcam Domini corā Dauid patre meo, & sustinisti laborem in omnib. qua laborauit pater meus. Eiecit ergo Salomon Abiathar, vt non esset sacerdos Domini.* En vt Salomon ostendit ius sibi in sacerdotes ex causa politica & temporali esse: cū tamen satis constet in veteri lege Sacerdotes præfuisse Regibus, eisque imperare ac resistere solitos, in omnib. quæ ad cultum diuinum & ministerium Sacerdotale pertinebant.

Quod autē Bellarminus cōtendit <sup>3</sup>. Salomonē non vt Regē hoc fecisse, sed vt Propheā & executorē Diuinę iustitiæ, eius ego interpretationis probationē aliquā requiro, cū id neutiquā ex Scripturis appareat: eoque mera diuinatione nitatur. Nam nulla ibi neque mandati speciatim à Domino dati, neque extraordinariæ potestatis Delegatæ mentio fit: quin planè contrā, Salomon ipse apertè satis indicat, se vt Regem, pro ordinaria imperii potestate, quod iure regni erat adeptus, iudiciū illud exercuisse, hac præfa-

D 5 tione

<sup>1</sup> Lib. 4. Epist.

75-

<sup>2</sup> Reg. 3. cap. 2.

<sup>3</sup> Li. 2. de Rom. Pontif. cap. 29.

tionem vsus. *Visit Dominus qui firmavit me, & collocavit me super solium David patris mei*, &c. Et verò non de re spirituali vel Ecclesiastica, sed de temporali & politico negotio agebatur, cuius iudicem legitimum & ordinarium esse Regem, ut Regem. Salomon non ignorabat: & ideo non alio iure in Adoniam, alio in Abiatharem sententiam pronuntiassse legitur. Deinde quod Bellarminus pro interpretationis suæ firmamento arripit, verba scilicet illa, *ut impleatur sermo Domini*. &c. leuissimum quidem est, ne dicam absurdum. quid hoc enim ad modum implendi pertinet? quis nescit eiusmodi Scripturæ dictum, tam de eo verificari, quod iure communi & ordinaria potestate perficitur, ut hoc loco; quam de eo quod vel extra ordinem mirabili quodam euentu, vel per hominum impietatem & tyrannidem completum est? Impii cum crucifixissent Salvatorem, *diuiserunt vestimenta eius, ut impleretur quod dictum est per Prophetam*. <sup>1</sup> siue, *ut Scriptura impleatur*. <sup>2</sup> Verba igitur eiusmodi in Scripturis apponi tantum solent, ad prædictionis & prophetiæ veritatem ostendendam, ut inde argumentum sumere ad aliud colligendum, planè ridiculum & puerile videatur. Erat quidem eo casu Salomon executor diuinæ iustitiæ, nihil moror erat & Propheta, esto, quid tum postea? At regia tamen autoritate, & iure communi, ne leuissima quidem specialis mandati mentione facta, id eum fecisse legitur. Nec ullus in Scripturis locus est, ex quo hanc ei iurisdictionem nominatim mandatam fuisse legamus: verisimile porrò non est, authorem historiæ diuino spiritu afflatum, tam differentes tantæ rei tantiq; momenti causas, sine vlllo indicio vel admonito præterire voluisse, si Rex alio iure & autoritate in Adoniam laicū, alio in Abiatharem Sacerdotem sententiam protulisset.

3 Eod. lib. & ca.

Æque fallitur vir idē doctissimus, <sup>3</sup> cum ait, *non mirum esse si in testamēto veteri, summa postea fuisset temporalis, in nouo spiritualis: quia in veteri testamento promissiones tantū tēporales fuerunt, & in nouo spirituales & aternæ*. Nā neq; in vetere Testamento summa potestas omnino temporalis fuit, neque in nouo spiritualis est: sed in suo vtraque regno, hoc est, in suæ potestatis iurisdictione, ut par est, tunc dominabatur, & adhuc imperat: Iam tunc, inquam, suis ambē finibus cōtentæ, alienis abstinebant, ut nec temporalis potestas spirituales iurisdictionem, & Sacerdotale munus, nec spiritualis temporalem pro suo iure inuaderet. <sup>4</sup> Ius autē quod

4 2. Paralip. 26.

in

in Clericos Salomon illa tempestate Principibus competere ostendit, à Regibus in noua lege, & Republica Christiana agnitum & retentum est. Inde priuilegia, quæ Principum nonnulli insignes pietate Ecclesiasticis personis concesserunt<sup>1</sup>: nam quorsum illis Priuilegia, si iure communi Regibus subiecti non fuissent? quando quidem communi auxilio, & mero iure munitis exemptisq; nullo priuilegio, vel extraordinario auxilio opus est<sup>2</sup>.

Et his quidem consentiunt, quæ ipsemet Bellarminus rectissime contra Canonistas asserit. <sup>3</sup> *Exemptionem nempe Clericorum in rebus politicis, tam quoad personas, quàm quoad bona, iure humano introductam esse, non diuino.* idque confirmat tum autoritate Apostoli ( cuius illud, *omnis anima potestatibus sublimioribus subdita sit*, <sup>4</sup> tam Clericos quam Laicos, teste Chrysostomo includit) tum testimonijs antiquorum Patrum: tum denique quod, vt ipse ait, *nullum proferri potest Dei verbum, quo ista exemptio confirmetur.* Addo ego, grauissimū eius rei argumentū esse, q; in florentissimo Ecclesiæ statu, & sub illis Principibus, qui summū Pontificē Pastore Ecclesiæ vniuersalis, & Christi vicariū agnoscebant, Imperialibus legibus constitutum & obseruatū fuerit, vt Clerici de criminibus ciuilibus responderent apud iudices seculares, & ab eisdem condemnarentur, si rei criminis essent inuenti<sup>5</sup>. Et verò, nequā erremus, sciendum est, non omnia ista libertatis personarum & rerum priuilegia, quibus nunc Clerici fruuntur, ab iisdem Principibus, neque eodem tempore, fuisse concessa. Nam primum Constantinus Magnus tantum illis singulari priuilegio indulgit, ne nominationibus & susceptionibus essent obnoxii, id est, ne nominati siue electi cogerentur magistratum gerere, aut tutelam aliquam administrare, vel annonis aut tributis colligendis & recipiendis præesse; cum antea aliorum ciuium more ad ea omnia sine excusatione vocarentur. Anno postea octauo vacationem & excusationem munerum omnium ciuiliū, eiusdem Principis beneficio acceperunt, vt patet ex illius Imperatoris constitutionibus. <sup>6</sup> in quibus hanc priuilegii sui rationē reddit. Ne scilicet Clerici *sacrilego linore quorundā à diuinis obsequijs auocentur.* Et quidem notatu digna res, aduersus ingratam quorundam Clericorum temeritatem, qui immunitatis suæ originē Principibus secularib. accepto ferre fastidiūt, quodd idem piissimus Princeps exemptiones illas priuile-

<sup>1</sup> Extant in Cod. & Decret. atque in Hist. Eccles.

<sup>2</sup> L. in causā 16. D. de minor. li. 1. de constit. Princ.  
<sup>3</sup> Tom. 1. Controu. 5. lib. 1. c. 28.

<sup>4</sup> Rom. 13.

<sup>5</sup> Nouell. vt Clerici 83. § Si tamē collat. 6.

<sup>6</sup> Li. 1. & 2. Cod. Theod. de Episc. & Cleric. lib. 16.



gia appellet, ita enim ille. *Hæreticorum factione conperimus Ecclesia Catholica Clericos ita vexari, ut nominationibus seu susceptionibus aliquibus, quas publicus mos exposcit, contra indulta sibi priuilegia pragrauentur.* Constantius deinde & Cōstans, anno circiter trigesimo sexto à primi priuilegii concessione, Arbitione & Lolliano Cōss. aliud Episcopus priuilegium indulserunt, ne de criminibus apud seculares iudices accusarentur. <sup>1</sup> Cæteri verò Ecclesiastici ordinis homines, Episcopis inferiores, Clerici scilicet & Monachi, sub magistratuum ciuiliū iurisdictione vsque ad Iustiniani tempora permanserunt. ob eamque causam Leo & Anthemius Impp. (ante Imperium Iustiniani annis plus minus sexaginta) beneficii loco sanxerunt, *ne Orthodoxa fidei sacerdotes & clerici, cuiuscumq; gradus, aut Monachi, in causis ciuilibus, extra prouinciam, aut locum, aut regionem quam habitant, ex ullius penitus maioris minorisve sententia iudicis, pertrahantur; sed apud suos iudices ordinarios, id est, Prouinciarum rectores, omnium contra se agentium excipiant actiones.* en ut isti, admodū pii & Catholici Principes ordinarios Clericorum & Monachorum Iudices, esse præsides prouinciarum affirmant. quos nemo tamen eius seculi Patrem Pontificūmve errare, aut nō verè, piè, & orthodoxè lequi professus est. Inde patet eos nimis peruersè de Iustiniano iudicare, qui asserunt eum aliquam in Ecclesiasticos iurisdictionem vsurpasse; cū gratias ei maximas habere debeant, quòd Imperatorum primus fuerit, qui Clericos ante eum diem politicis magistratibus omnino subiectos, seculari iudicio in ciuilibus causis exempt <sup>2</sup>. Quæ cū ita sint, satis patet Reges & Principes seculares summa potestate temporali præditos, iisque Clericos in rebus politicis esse subiectos. Alioqui profectò nec Reges potuissent hæc priuilegia concedere: nec viri sancti & sapientes, ita malè sibi & toti Ecclesiæ consulissent, ut liberos se suo iure solutosq; à vinculo temporalis potestatis, talibus beneficiis ac priuilegiis obligari paterentur. quippe esse se in ditione eorum fatebantur, à quibus poterant eiusmodi libertate donari. solui enim vel eximi non potest, quod non fuit colligatum vel conclusum. Præterea tantæ pietatis Principes toto orbe tunc erant, ut si iure diuino Clericos ab omni iurisdictione seculari exemptos esse, vel per se rescuissent, vel ab Episcopis & Principibus sacerdotum audiuissent, id statim in edicta & leges relaturi fuerint, nec si-

biius

<sup>1</sup> L. mansuetudinis 12. eod. tit.

<sup>2</sup> Dist. Nouell. 33.

bi ius vllum in ipforū corpora bonave vindicaturi. Si enim quæ sua propria credebant, solo pietatis zelo tam profusè largiebantur, quanto magis ab alienis & nullo iure debitis abstinuissent?

Exemptiones ergo & priuilegia, quæ Principes Christiani Ecclesiasticis personis, honestatis & reuerentiæ causa, concesserunt, sat ostendunt, imò conuincunt, eisdem Principes temporali potestate cunctis Sacerdotibus esse maiores: nec summum Pontificē & Principem Sacerdotū, atque aded Christi Vicarium, alia ratione eximi, & diuerso iure censi, quàm quòd ipse Princeps quoq; temporalis sit, & duplicem personam sustineat, successoris nimirū Petri in regimine Ecclesiæ, & Principis secularis in tēporali imperio, quod aliorum Principum largitate accepit.

## C A P. XVI.

**E**Adem opera refelli manifestè potest differentia, quā constituit inter Principes Ethnicos, & Principes Christianos, quantum ad dominationem temporalem in Ecclesiasticos attinet: qui locus præteriri hic sine vicio nequit. Ait enim <sup>1</sup> Pontificem fuisse subiectum ciuilitatē & de facto Ethnicis Principibus, quia lex Christiana neminem priuat suo iure & dominio: sicut ergo ante Christianam legem homines subiecti erant Imperatoribus & Regibus, ita etiam postea. At verò cum Principes Christiani facti sunt, & sponte leges Euāgelii susceperunt, continuò se, tanquam oues Pastori, & membra capiti, subiecerunt: prædidi Ecclesiastica Hierarchia; & proinde ab illo iudicari, non illum iudicare deinceps debent.

Lib. 2. de Rom.  
Pontif. cap. 29.

Maximum in differendo vitium est, ea quæ de vno aliquo certa de causa dicuntur, vel ab vno aliquo certa de causa remouentur, alii planè diuerso ac dissimili, & cui non eadem causa cohæret, attribuire, vel eripere: aut quæ distinctione aliqua secerni ac separari debent, ea indistinctè confuseque concludere. Quod vitium quis non in superiore hac Bellarmini ratiocinatione perspicuè deprehendat? in qua id generaliter & indefinitè de vtraque potestatis & iudicii specie concluditur, quod de altera tantum verè recteque dici debuit. Nam quod Principes ad Christum conuersi sese, tanquam oues Pastori & membra capiti, subiecerunt prædidi Ecclesiastica Hierarchia, id nō nisi de subiectione spiritali intelligi, citra calumniam, potest. Quandoquidē non alia ratione efficiebantur filii eius & oues, quàm quòd

ab eo spiritu regenerati in Christo Iesu erant, atque in fide Ecclesiæ gubernati. Proinde in omnibus quæ spiritualis iurisdictionis sunt, verum est eos ab illo, non illum ab iis debere iudicari. At hæc quid ad ciuile iudicium & temporalem iurisdictionem submissio? Nunquid tam diuerfas & separatas species permiscere & confundere oportuit? & quod de altera tantum verum fuit asserere, de vtraque generaliter & indefinitè pronunciare? Si dixisset, *ac proinde ab illo iudicari in spiritualibus, non illum iudicare deinceps debet*, rectè sane argumentum concludisset. At illud simpliciter & absolutè, *ab illo eos iudicari posse*, vitiosa collectio est. quippe duplex est iudicii species, quarum alterâ tantum possunt Principes à Pontifice iudicari, alterâ verò ab iis iudicarentur ipse, nisi temporale Imperium nulli alii subiectum fuisset adeptus. Nunquid veniente ad Ecclesiâ Constantino Magno, Imperium Romanum, quod ante baptismum eius erat, in ditionem ac potestatem Siluestri Pontificis ilico trāsīit? & Imperator tam audius gloriæ temporalem Papæ illius supra se potestatem agnouit? Nunquid aut Francicum Clodouæus, aut Scoticum Donaldus primus, aut alii sua regna, simul atque fidem amplexi sunt, in manum & potestatem temporalem Pontificis transtulerunt? Scitum est illud Pauli I. C. <sup>1</sup> *ante omnia animaduertendum est, ne conventio in aliare facta, aut cum alia persona, in aliare aliæve persona noceat*. Replicet igitur Bellarminus quantum volet annales omnium nationum; Scripturas, & Historias perlegat, nullum in iis locum inueniet, ex quo colligi possit, primos illos Principes Christianos, cum Ecclesiæ nomen darent, sceptrâ submisisse Pontifici, & summo se magistratu temporali specialiter & nominatim abdicasse. At verò constare oportet, Principes scientes prudentes concessisse in ditionem ac potestatem temporalem Pontificis; vel fatendum, ipsos eo iure & conditione, quantum ad regalem dignitatem attinet, post baptismum permansisse, quo fuerant antequam sacris Christianis initiarentur. Nam, vel ipso met teste, <sup>2</sup> *lex Christiana neminem priuat suo iure & dominio*. At verò antequam Christo nomen darent, ciuilitè de iure & de facto, ut ille ait, dominabantur Pontifici, & eum iudicare in temporalibus iure poterant: ergo similiter & post baptismum iure potuerunt. Quod si ita est, fieri nullo modo potest, ut ipsi ab illo in temporalibus iudicentur: cum sit impossibile aliquem esse superiorem & inferiorem in eodem

1 L. Si vnus 27.  
2 ante omnia. D.  
de past.

3 Lib. 2. de Rom.  
Pont. ca. 29.

dem potestatis genere, respectu vnus & eiusdem. Verum quidem est, Principes illos Christianos, ob reuerentiã qua non summum solum Pontificem, sed ceteros etiam Episcopos, atque aded Sacerdotes omnes prosequerantur, id iudicii perrarò sibi assumpsisse, Sed hoc voluntatis tantummodo, non etiam potestatis defectum arguit. Quapropter vt Consul, vel Præses, cum se in adoptionem dat, nihil eorū quæ iure magistratus ei competunt, in patris adoptiui familiam & potestatem transfert, vel transferre potest; sed integrè omnia, sibi reſeruat: ita Principes cum se initid in adoptionem spiritualem Hierarchæ Ecclesiastico traderunt, nihil eorum quæ ad ius regni, & statum publicum ciuilem pertinebant, amittere illo facto potuerunt: quodd harum potestatum separata natura sit, vt quamuis iugatæ in eadem Republica Christiana concinnè apteque cohæreant; tamen neutra, quæ talis est, alteri subiiciatur aut imperet, neutraque alteram necessariò comitet: sed alterutra tum acquiri sine altera, tum amitti vel retineri possit.

Iam vero quoniam eruditissimus Bellarminus similitudinibus plurimum delectatur: & præterea vulgarem istam *de indirecta potestate temporali summi Pontificis* opinionem, nullo vel sacrarū literarum, vel antiquorum Patrum testimonio probat: sed tantum argumentis quibusdam à simili petitis, (sublesto admodum & debili ad demonstrandum fundamento) operæpretium me facturum arbitror, si nostram quoque de ea re sententiam, similitudine multò accommodatissima confirmauero.

Filius familias, licet militet, vel magistratū gerat, & publica potestate fungatur, patri, in cuius sacris constitutus est, iure diuino atque humano subiicitur, ei que quatenus filius est parere debet: <sup>1</sup> & rursus pater, cui hæc in filium potestas est, ipsi filio, vt magistratui, subiicitur: alio tamē atque alio potestatis genere. Alter enim, quæ parens, Imperium sibi in filium vendicat, quo delinquentem & committentem in leges familiares, aut in se aliquid molientē, aut alioqui filio probo indigna facientē, multet, puniat, & coerceat, nō iure quidem magistratus, sed autoritate patriæ potestatis: nec pœnis quibuslibet, sed certis tantum à iure concessis. Itaque malè meritum exhæredare, domo eiicere, familiæ & agnationis iure priuare, aliisq; domesticis remediis coercere potest <sup>2</sup>. At neque magistratū ei abrogare, neq; castrensia bona auferre, neq; publico iudicio

<sup>1</sup> Eph. 6. Colos. 3.  
L. Si maritus 7.  
C. de patr. pot. §.  
filius familias in-  
stit. quibus mod.  
ius potest. soluit.

<sup>2</sup> L. 1. C. de patr.  
potest.

con-



condemnare, aut multam vel pœnam aliam lege ob scelus debitum irrogare, directè vel indirectè potest: quòd hæc patriæ potestatis modum & iurisdictionem excedant. Alter verò, quamvis filius, & nexu patris detentus, tamē quatenus est magistratus publico cum Imperio, in patrem dominatur, ei que in publicis negotiis potest, atque etiam in priuatis non domesticis, perinde ac cæteris ciuibus imperare. *Si quis filius familias est*, inquit Vlpianus, <sup>1</sup> & magistratum gerat, patrem suum, in cuius est potestate, cogere poterit, suspectam dicentem hereditatem, adire & restituere. hinc si Consul vel Praeses filius familias sit, poterit apud semetipsum vel emancipari, vel in adoptionem dari <sup>2</sup>. Qua de causa pater filio magistratum habenti, haud secus ac si esset extraneus, non solum obedire, sed etiam assurgere tenetur, & eum omni honore atque cultu qui magistratui debetur venerari <sup>3</sup>.

Eodem planè modo summus Pontifex, qui spiritualis omnium Christianorum pater est, Regibus & Principibus, perinde ac cæteris fidelibus, paterna potestate Ecclesiastica, vt Christi in ea re vicarius præsidet: ob eamque causam Reges, si quid in Deum vel Ecclesiam cõmiserint, spiritualibus pœnis acerbius castigare, & domo atque familiâ Dei eiicere, regni que cælestis exheredes facere potest (at quàm timenda & tremenda Christianis animis supplicia) quòd hæc omnia patriæ potestatis spiritualis propria sint. At neque principatum & dominationem temporalē auferre, neque pœnis ciuilibus eos afficere potest, quòd nullam in eos politicam & temporalem iurisdictionē nactus sit, per quam talis animaduersio expediri debeat: & patria illa potestas spiritualis, qua Pontifex præditus est, à politica & temporali finibus, officiis, etiam personis plurimum separatur. Vt enim spirituales Deus Pontifici, & cæteris Sacerdotibus, sic politicâ Regi, & qui sub eo sunt magistratibus, æterna dispensatione commisit. *Non est potestas nisi à Deo* <sup>4</sup>.

Huc pertinet antiqua illa glossa, quam Cardinalis de Cusa <sup>5</sup> scribit fuisse appositam ad Cano. Hadrianus Papa. dist. 63. in quo Canone traditur Papam cum vniuersa Synodo concessisse Patriciatus dignitatem Carolo Magno. dicebat enim glossa, Patricium fuisse patrem Papæ in temporalibus, sicut Papa eius pater in spiritualibus. Atq; idem Cardinalis eodem libro, <sup>6</sup> de Germanorum Imperatorum Electoribus loquens, *Vnde Electores*, inquit, *qui com-*

<sup>1</sup> L. ille à quo 13. in fin. D. ad Sc. Treb.

<sup>2</sup> L. 3. D. de adop.

<sup>3</sup> Liu. lib. 24. Valer. Max. li. 2. c. 2. Plut. in apothec. Rô. Gell. l. 2. c. 2.

<sup>4</sup> Rom. 13.

<sup>5</sup> L. 3. de concor. cathol. c. 3.

<sup>6</sup> Cap. 4.

*munis consensu omnium Alemanorum, & aliorum qui Imperio subiecti erant, tempore seculi Henrici constituti sunt, radicalem vim habent ab ipso communi omnium consensu, qui sibi naturali iure Imperatorem constituere poterant: non ab ipso Romano Pontifice, in cuius potestate non est, dare cuicunque prouincia per Mūdum Regē vel Imperatorem, ipsa non consentiente. Addit & alia ibidem Cardinalis ille, magnus quidem & Theologus & Philosophus, quibus distinctionem nostram confirmat, & Imperatores ac Reges tum præesse Pontifici, tum subesse declarat. Atque hæc de prima ratione Bellarmini, & argumentis ad eam demonstrandam adductis.*

## C A P. XVII.

**S**equitur secunda, quæ duplici argumēto concluditur: *Secunda ratio, inquit, Respublica Ecclesiastica debet esse perfecta, & sibi sufficiens in ordine ad finem suum. Tales enim sunt omnes Respublice bene institutæ. ergo debet habere omnem potestatem necessariam ad suum finem consequendum. sed necessaria est ad finem spiritualem potestas utendi & disponendi de temporalibus rebus: quia alioqui possent mali Principes impune fouere hæreticos, & euertere religionem. igitur & hanc potestatem habet. Item potest qualibet Respublica, quia perfecta & sibi sufficiens esse debet, imperare alteri Reipublice non sibi subiectæ, & eam cogere ad mutandam administrationem, imò etiam deponere eius Principem, & alium instituere, quando non potest aliter se defendere ab eius iniuriis: ergo multo magis poterit spiritualis Respublica imperare temporali Reipublice sibi subiectæ, & cogere ad mutandam administrationem, & deponere Principes, atq; alios instituere, quando aliter non potest bonum suum spirituale tueri.*

Respondeo, tam variè hic peccatum esse, vt verisimile sit authorē vel hoc totum quicquid est ex alio perfunctoriè & oscitanter transcripsisse, vel, si totum eius est, non satis eorum quæ prius dixerat meminisse. Nam paulò antè, cū niteretur alio argumento probare, politicam potestatem esse subiectam Ecclesiasticæ, asseruit has duas potestates esse partes tantum vnius Reipublicæ, & tantum vnā Rempublicam constituere. *Prima ratio, inquit, est eiusmodi; potestas civilis subiecta est potestati spirituali, quando vtraque pars est eiusdem Reipublice Christianæ. Et iterum, Secundo Reges & Pontifices, Clerici & Laici, non faciunt duas Respublicas, sed vnā. At hoc loco transmutat has duas Potestates, in duas Respublicas, quas proinde ita separari ac*

E.      disungi

disiungi oportet, vt Reges & Laici constituent politicam & temporalem Rempublicam, Pontifices & Clerici spirituales siue Ecclesiasticam. quo nihil absurdius, aut minus appositè, quantum ad præsens institutum, dici potest. Nam aut loquitur hîc de potestate Ecclesiastica separata prorsus à potestate ciuili, vt olim fuit tempore Apostolorum, & nunc est iis in locis, vbi Christiani inter Ethnicos aut infideles degunt: quo casu satis constat potestatem illam, siue Rempublicam Ecclesiasticam, vt ille vocat, aut eius Principem & Hierarchâ, nihil quicquam iuris, ne quidem spiritualis, habere in Principem politicum: quòd neutiquâ filius sit Ecclesiæ<sup>1</sup>. Aut loquitur de potestate Ecclesiastica coniuncta cum ciuili, vt in Republica Christiana: & tunc perperam facit duas Respublicas, vnâ Ecclesiasticam, & alteram Politicam: cùm sint duæ tantùm potestates vnus Reipublicæ Christianæ, vniusque Ecclesiæ & mystici corporis Christi partes & membra, vt ipsemet antea tradidit.

Deinde falsum est quod assumit, potestatem scilicet vtendi & disponendi de temporalibus rebus necessariam esse ad finem spirituales, &c. Nam ipse Princeps Apostolorum apertè docet, nullum sibi ius eiusmodi fuisse in res temporales Christianorum, præter illas quas ipsi sponte contulerant obtulerantque Ecclesiæ, cùm ait<sup>2</sup>, *Anania cur tentauit sathanas cor tuum, mentiri te Spiritui sancto, & fraudare de pretio agri? Nónne manens tibi manebat, & venundatum in tua erat potestate?* Si Apostolis facultas fuisset disponendi de rebus temporalibus Christianorum, non vtique dixisset Petrus, Nónne? &c. cùm ei statim reponere posset Ananias: imò verò tibi potestas est de rebus meis disponendi, & propterea veritus ne eas mihi fortè ex causa auferres, pretii partem ocului. sed quia Ecclesia hanc potestatem non habebat; ipse sine causa erat Spiritui sancto mentitus. Quid, quòd ex isto Bellarmini fundamento sequeretur, Ecclesiam *primeuam* siue *primitiuam* non habuisse omnem potestatem necessariam ad suum finem consequendum? Nam hac potestate disponendi de rebus temporalibus Christianorum, inuitis dominis, trecenis, & amplius, post Christi passionem annis, sub Ethnicis Principibus agēs, omnino caruit: quo tempore tamen infinitam hominum multitudinem, ac penè maximam Orbis partem, Christo nomen dedisse, & multò quàm vnquam seueriorè in Ecclesia disciplinam viguisse, satis constat: vt nefas sit dicere Eccle-

<sup>1</sup> 1. ad Cor. 5.

<sup>2</sup> Act. 5.

hiam tūc omnibus mediis necessariis iuris & facti ad finem suum adipiscendum instructam non fuisse. *Opera enim Dei perfecta sunt.* Et verò non mediocrem Christo iniuriam faciat, qui destitutam mediis necessariis Ecclesiam ab eo relictam, atque Apostolis traditam arbitretur. Quidquid Ecclesiæ necessarium fuit ad suum finem consequendum, id à Christo abundè collatum est Apostolis; cum dixit, *Ego dabo vobis os, & sapientiam, cui non poterunt resistere, & contradicere omnes aduersarii vestri.*<sup>1</sup> Quicunque igitur Dominum commendasse Ecclesiam suam Petro intelligit, & ei ter mandasse, ut agnos & oves suas pascat, <sup>2</sup> nec ei ad illos pascendos, & finem mandati explendum necessaria omnia & iuris & facti tribuisse existimat, is mihi Atheo similis videtur, & de diuina providentia, potentia, ac bonitate dubitare. Fingamus eum non dedisse omnem potestatem ad executionem tanti mandati necessariam; nunquid alia nõ dandi causa excogitari potest, quàm quòd aut ignorabat Dominus quid facto opus esset, aut eius dandi facultatem non habebat, aut, quod extremæ malitiæ est, seruos & amicos suos decipere volebat, id illis munus imperando, quod eos per impotentiam exequi non possit certò sciret? Ex his perspicuum est, temporale Imperium, & potestatem depnendi Principes, nullo modo necessariam esse Ecclesiæ ad finem suum consequendum: licet humana consideratione videri aliquando utile possit: Deus enim, qui *qua stulta sunt mundi elegit, ut confundat sapientes: & infirma mundi elegit, ut confundat fortia*<sup>4</sup>, sciens Ecclesiam nõ nisi spiritualibus armis indigere, eam illis ita ab initio instruxit, ut omnem humanam potentiam superaret, diciq̃ue verè potuerit, *à Domino factum est illud, & est mirabile in oculis nostris*<sup>5</sup>. Præclare ut cætera, D. Bernardus ad Eugenium Papam<sup>6</sup>. *Petrus hic est, qui nescitur processisse aliquando vel gemmis ornatus vel sericis, non textus auro, non vectus equo albo, nec stipatus milite, nec circumstrepentibus septus ministris. Absque his tamen credidit satis posse impleri salutare mandatũ. Si amas me pascere Oves meas: in his successisti non Petro sed Constantino. Quãuis itaque potestas temporalis, de qua nobis sermo, hominibus videri potuerit Ecclesiæ necessaria, Deo tamen neque necessaria neque utilis visa est, ob eam fortè rationem, quam rerum euentus atque experientia posteritatem docuit: ne humano scilicet Imperio freti Apostoli,*

1 Luc. 21.

2 Ioh. 21.

3 Apostolos Christi seruos &amp; amicos esse.

4 1. Cor. 1.

5 Psal. 117.

6 Lib. 4. c. 3.



& eorum successores, spiritualia segnius curarent, & quam in virtute verbi diuini, Deique auxilio singulari, spem ponere debebant, eam in armis & autoritate ac potestate temporali potissimum collocarent. Et verò si quis statum Ecclesiæ à Christo passo in hunc diem, oculis atque animo in historiis collustret, cernet omninò illam citò creuisse, ac diu floruisse, sub Pontificibus sua ditione, id est, spirituali iurisdictione contentis, qui Christi humilitatis discipuli, vnicum Ecclesiæ tuendæ præsidium in virtute prædicationis Euangelii, & sedula disciplinæ Ecclesiasticæ obseruatione, sine vlla potestatis temporalis mentione, esse positum iudicabant. Et rursus ex quo Pontifices quidam ad summū, quod habent, spirituale Imperium, summū quoq, temporale adiungere atque annectere conati sunt, Ecclesiam & numero credentium & moribus præsidentium indies defecisse; & remissa, seu verius omissa, illa antiquæ disciplinæ seueritate, multos Ecclesiæ ministros sua munera segnius & negligentius obiiisse.

Omitto, quòd, si ratio istorum bona esset, sequeretur e-contrario, Rempublicam temporalem, vt illi loquuntur, habere potestatem disponendi de rebus spiritualibus, & deponendi supremum Reipublicæ Ecclesiasticæ Principem: quia *debet esse perfecta & sibi sufficiens in ordine ad finem suum, & habere omnem potestatem necessariam ad suum finem consequendum.* Sed necessaria est ad finem temporalem potestas disponendi de rebus spiritualibus, & deponendi Principem Ecclesiasticum. quia alioqui possunt mali Principes Ecclesiastici turbare statum & quietem Reipublicæ temporalis, & impedire finem ciuilis gubernationis, vt de facto nōnulli summi Pontifices aliquando perturbarunt: igitur hanc potestatem habet Respub. temporalis. Consequens planè falsum est & absurdum. ( Nam Princeps temporalis, quatenus talis est, nullam habet potestatem spiritualem ) proinde & illud quoque falsum est, cui hoc est consequens.

Sed, vt dici solet, *dare absurdum, non est soluere argumentū.* Respondeo igitur aliter ad priorem partem huius secundæ rationis. Non esse scilicet hinc duas Respublicas, vt ille re-  
tur, sed vnā tantum; in qua sunt duæ potestates, siue duo Magistratus, Ecclesiasticus, & Politicus, quorum vterque habet ea quibus necessariò indiget ad suum finem obtinendum; alter nempe spiritualem, alter temporalem iurisdictionem; & neque hanc iurisdictionem illi potestati, neq;  
illam

illam huic prorsus esse necessariam. Alioqui fatendū est, vtramque potestatem mediis necessariis fuisse destitutam, tunc cum separata, vt olim, fuerunt: quod planè falsum esse iam ostēdi, tam ex fine temporalis siue politicæ gubernationis, quatenus talis est, <sup>1</sup> quàm ex statu Ecclesiæ sub <sup>2</sup> Su. cap. 14. Ethnicis infidelib. Principibus constitutæ <sup>2</sup>. Ad hunc mo- <sup>2</sup> Sum. hoc cap. dum in vna eademque *civili politia*, in vna inquam Ciuitate aut Regno, plures Magistratus distinctis officiis, potestate, atque Imperio, præditi inveniuntur, qui Rempub. in partibus sibi mandatam gubernant; quorum quilibet potestatem necessariam ad muneris sui finem consequendum, à Rege vel Repub. accipit; ita vt nemo eorum possit vel audeat alterius iurisdictionem atque Imperium inuadere, sibi bique arrogare. Non si Consulibus aliquid Tribunitiæ potestatis deest, vel contrà Tribunis abest Imperium Consulare, idcirco dici potest, vtrique alterius potestatem necessariam esse ad suum finem consequendum: Nam vterque magistratus, secundum suæ institutionis rationem, perfectus, atque omni potestate necessaria ad muneris sui executionem munitus est.

Vel vt notiora exempla proferamus. Quemadmodum in eodem regno, & sub vno Rege, duo amplissimi magistratus sunt, quorum alterum Cancellarius, alterum Conestabulus Rege mandante gerit. (Illi *νομοφυλακία* & iuris ac iudiciorum cura præcipua incumbit: huic armorum administratio ac totius disciplinæ militaris præfectura cōmittitur) & vterque pro ratione & qualitate sui officii perfectus est, atque omnem potestatem necessariam ad muneris sui executionem, finisque eius consequutionem à Rege obtinet. Nec, si alter fortè alterius exercitium vel incuria vel iniuria impediat, potest impeditus propria autoritate alteri magistratum abrogare, aut eius iurisdictionem vsurpare, aut eum denique ad peccati sui emendationem, nisi modis legitimis à Rege sibi cum officio concessis adigere: sed vtrumque de alterius commisso ad Regem, à quo ipsi distinctam officiis potestatem acceperūt, referre oportet; vt ipse læsum vlciscatur, & quid de causa statuendum sit, Imperio iudicioque suo arbitretur. Quādiu autem hi magistratus in regno concordēs sunt, alter alterius ius tuetur, & quod ei deest, de suo supplere consuevit. Vt si paganus, vt iudicium eludat, in castra ad exercitum proficiscatur, auxilio Præfecti militiæ implorato, ad eum vnde fugerat lo-

eum remitti soleat. & contra, si militiæ defertor ab exercitu in urbem se proripit, magistratus urbanus à militari rogatus, eum mox in castra puniendum releget. Ast ubi dissentiunt, ea statim Reipublicæ vulnera imponunt, quibus potest solus Princeps occurrere ac mederi; quod ipsis inter se ius fasque non sit alieno imperio uti: & huic solum arma tractare, illi iudicia tantum exercere liceat. Simili planè modo summi illi magistratus Reipub. Christianæ, Rex & Pontifex, potestatem aliam atque aliam, utramque in suo genere perfectam, à communi omnium Rege & Domino, Deo Opt. Max. accipiunt, & distinctis imperiis atque officiis populo præficiuntur. Atque hi quidem, donec consentiunt, ad utriusque potestatis tutelam, sibi inuicem de suo commodant: ut & potestas Ecclesiastica seditiosos & rebelles in Principem secularem subditos, cælesti & spiritali mucrone feriat: & vicissim potest temporalis & Politica Hæreticos, Schismaticos, & alios à fide deficientes, aut alioqui piæ matri Ecclesiæ non parentes, armata manu persequatur, <sup>1</sup> & temporalibus suppliciis, pœnisque ciuilibus acriter coerceat. Ast ubi sciinduntur in contraria studia, sibi inuicem aduersantur, tota Respublica Christiana vel protinus concidit, vel saltém grauissimè laciatur: quod nemo sit, nisi solus Deus, qui causæ illius cognitor, iniuriæque ultor legitimus esse possit.

## CAP. XVIII.

<sup>2</sup> Cap. proximo  
Sum.

**C**vpienti mihi ad alia transire, morulam iniecit dubitatio quædam de sensu posterioris argumenti secundæ rationis, his verbis ab authore concepti <sup>2</sup>. *Item potest qualibet Respublica, quia perfecta & sibi sufficiens esse debet, imperare alteri Reipublica non sibi subiecta, & eam cogere ad mutandum administrationem, imò etiam deponere eius Principem, & alium instituere, quando non potest aliter se defendere ab eius iniurijs.* Nam, ut ingenuè fatear, cum hæc primum apud eum legissem, subfisti aliquandiu, ut quis verborum istorum sensus, quantique ponderis & momenti esset argumentum, penitus intelligerem. videbatur enim non planè & explicatè illud proponere, quod modos nullos cogendæ vicinæ Reipub. & eius Principis deponendi, nobis patefaceret. Et cum diu omnia mente versassem, aut hoc ænigma esse statui, aut hunc verba eius sensum interpretationemque admittere; Quælibet Respub. contra aliam Rempu-



*Rempublicam*, armis animisque sibi infestam, cum aliter se ab eius iniuria tueri nequeat, bellum iustum indicere atque inferre potest, eamque præliis & armis victricibus ad pacis condiciones cogere: vel si non satis sibi adhuc prospectum ea cautione reretur (quia fortè cum populo natura confidit & rebeli negotium est) totam gentem in suam ditionem ac potestatem redigere, eique leges & iura dare, Principem abdicare, imperium auferre, totam denique Reipublicæ administrationem suo arbitrio in aliam formam commutare. Quod si hic verus sit, ut & esse arbitror, horum verborum intellectus, argumentum illud nequit, quam sane à Bellarmino adductum est; Nec enim inde colligitur quod ipse concludit, nempe *multò magis posse spirituales Rempublicas imperare temporali Reipublice sibi subiecta, & cogere ad mutandam administrationem, & deponere Principes atque alios instituere, &c.* tum quia non sunt hoc casu duæ Respublicæ, ut ille falsò assumit, sed vna tantum Christiana, duabus potestatibus nixa, quarum neutra alteri subicitur, ut estiam abunde in superioribus demonstratū: tum etiam quia si ei concedamus, esse duas Respublicas inter se distinctas, Ecclesiasticam siue spirituales & temporalem, necesse quidem est fateatur in illa tantum contineri Pontifices & Clericos, in hac verò Principes seculares & Laicos omnes; siue istam ex solis Ecclesiasticis, hanc ex solis laicis componi. licet enim Laici & Clerici simul vnam Ecclesiā, & vnam Rempublicam Christianam constituent, non tamen faciunt simul vnam Rempublicam Ecclesiasticam & spirituales, prout distinguitur à temporali; neque vnam Rempublicam temporales & secularem: sed secundū diuisionem & separationem supradictam, Laici temporalem, & Ecclesiastici spirituales, in casu quo temporalis à spirituali hoc modo distinguitur. Iam verò cum Respub. Ecclesiastica solos Clericos contineat, quorum arma non alia esse debent, nisi preces & lachrymæ, quæ fieri potest, ut illa inermis & imbecilla, armatam Rempublicam temporalem mutare administrationem nisi fortè per miraculum cogat?

Nihil ergo hac comparatione & confutatione Bellarmini ineptius, quando quidem à Rebus publicis simili armorum usu & apparatu instructis, ad Respublicas, quarum altera prorsus inermis est, ratiocinando procedit. Quoties n. vna Respub. alterius iniurias aut inferendas propulsat, aut acceptas vlciscitur, iis armis contendit quæ sibi concessa



sunt, & quibus iure rebeli vti potest: corporeis nimirum & visibilibus, quorū imperu corpora hostiū sternit, præsidia inuadit, ciuitates expugnat, ac totum Reipublicæ aduersantis statum euertit. At Respublica spiritualis quam vocat, toto hoc armorum genere deficitur, & quoniam ex Clericis tātum composita est, solis armis spiritualibus, precibus scilicet & lachrymis, pugnare illi fas est. *Talia enim sunt munimenta sacerdotum: aliter nec debent nec possunt resistere*<sup>1</sup>. Nam & materialem gladium omnes in persona

<sup>1</sup> Can. non. pila.  
can. conuenior.  
23. q. 8.

Petri iubentur recondere. Quo igitur modo spiritualis Respublica, Rempublicam temporalem, fulminum spiritualium contemptricem, vt *administrationis* suæ modum & formam *commutet*, cogere, aut *eius principem deponere, & alium instituere possit*? Quod si quis forte proponat, Rempub. Ecclesiasticam in rei tantæ executione profanis secularium hominum armis adiutum iri (Principes enim, & reliqui omnes Christiani, nutritii & defensores Ecclesiæ esse debent) ei statim respondebitur, Rempublicam Ecclesiasticam eo casu non cogere Rempub. temporalem, sed esse tantum causam, cur alia Respublica temporalis, cuius auxilio spiritualis illa defensa est & protecta, iniuriā Ecclesiæ factam vindicet. Non secus ac si iniuriæ vel cladis acceptæ in vnius ciuis persona, tota Respub. se vindicem præbeat: quo modo in omnes Beniamitas, ob stupratam vnius Leuitæ vxorem, à cæteris tribubus Israel acerbissimè sæuitum esse constat<sup>2</sup>. sic Græci olim Menelai iniuriam Troiano excidio vlti sunt: & Romani necem à Teuca Illyriorum Regina L. Coruncano allatam, durissimo bello vindicarunt, & Reginam Illyrico excedere, ac tributum quotannis pendere coegerunt<sup>3</sup>. Nunquis hîc Beniamitas, Troianos, Illyricos, à Leuita Menelao, aut Coruncano iam mortuo domitos & compressos esse dixerit, ac non potius ab iis qui istorum ergo bella susceperunt, hostesq; domuerunt? Nunquis similiter Ecclesiasticam Rempublicam esse dixerit, quæ temporalem iniuriam & lasciuientem, in ordinem cogat: ac non potius aliam Rempublicam temporalem, quæ Ecclesiasticæ Reipublicæ causa bellum suscipit, & sine cuius auxilio Ecclesia ipsa, atque omnes eius ordines protriti & conculcati iacerent? Quid si nulla temporalis Respub. sit, quæ velit vel audeat armis cū Republica Ecclesiasticæ inimica contendere? quib. tunc se modis vindicet? Quid multis? licet suam illis comparatio-

nom

<sup>2</sup> Iud. cap. pen.  
& vlt.

<sup>3</sup> Polyb. l. 2.

nem conclusionemque concedamus, nihil inde effici potest nisi Papam habere talem potestatem disponendi de rebus temporalibus Christianorum, & eorum Principes deponendi, qualem vel Rex Franciæ in Anglos, Hispanos, aliosque populos vicinos sibi iniurios, vel horum singuli in res Regesque Francorum ipsis infestos habere dignoscuntur: quæ qualis quantaque sit, ferro tantum cerni potest.

## CAP. XIX.

**H**Æc quanquam secundæ rationi refutandæ sufficiunt, tamen ne quid in hisce doctissimi viri scriptis præteream, quod intactum, aut negligentius tractatum, lectori errorem creare, scrupulumve iniicere possit, operæpretium est, id etiam quale sit excutere, quod ad rationis suæ firmamentum ex S. Bernardo in libris de consideratione ad Eugenium <sup>1</sup> affert. Monet quidem Bernardus, gladium materiale esse militis manu, ad nutum sacerdotis & iussu Imperatoris exercendum: quod nos certè fatemur. bella namq; & iustius suscipiuntur, & foelicius conficiuntur, quando Ecclesiastica sanctitas cum regali authoritate conspirat. Sed animaduertendum est, Doctorem illum tribuere tantummodo nutum sacerdoti, hoc est, belli gerendi consensum & voluntatem: iussu verò & imperium Imperatori. ex quo perspicuum est, non eum alia ratione dicere gladium materiale ad Ecclesiam pertinere, quàm quod in Repub. Christiana, licet imperium belli sit penes Imperatores, & Reges, ac Principes, tamen iustius bella gerantur, ubi Ecclesiasticæ potestatis consensus accessit, quæ potest Dei spiritu gubernata, inter æquū vel iniquum, pium vel impium, solertius iudicare. Sed quid si Imperator nolit ad nutum sacerdotis gladium stringere? imo quid si planè contra nutum sacerdotis strinxerit? Nunquid aliquam S. Bernardus hoc casu potestatem temporalem sacerdoti tribuit in Imperatorem? hoc enim est quod hic quærimus, & in quo tota nostra versatur disputatio. nullam sanè; quin potius nullam ei competere posse docet, cum dicat materiale gladium (quo verbo summa potestas temporalis significatur <sup>2</sup>) ab Ecclesia exerceri non posse: sed tantum manu militis & iussu Imperatoris. Quod idem apertius tradit Gratianus, <sup>3</sup> Bernardi ferè coætaneus. *Cum Petrus, inquit, qui primus Apostolorum à Domino fueras electus, materiale gladium exerceret, ut Magi-*

<sup>1</sup> Libr. 4. cap. 3.

<sup>2</sup> Imperium. D. de iurisd. Paul. c. 13. ad Rom.  
<sup>3</sup> 23. q. 2. in pa.

*Strum à Iudaorum iniuria defensaret, audiuit, Conuerte gladium tuum in vaginam, omnis enim qui gladium acceperit, gladio peribit: ac si apertè ei diceretur, Hactenus tibi, cuiusque prædecessoribus, inimicos Dei gladio temporalis licuit persequi: deinceps in exemplum patientia gladium tuum, id est, tibi hactenus concessum, in vaginam conuerte: & tamen spirituales gladium, quod est verbum Dei, in mactatione veteris vitæ exerce. Omnis enim præter illum, vel auctoritate eius, qui legitima potestate vititur, qui, ut ait Apostolus, <sup>1</sup> non sine causa gladium portat, cui etiam omnis anima subdita esse debet: omnis inquam, qui præter auctoritatem huiusmodi, gladium acceperit, gladio peribit.*

Si hæc Bernardi & Gratiani vera sunt, fieri nullo modo potest, ut Papa in Imperatorem, aut alios Principes seculares, temporalem potestatem vnquam iure exerceat: exerceri quippe nisi gladio nequit, & gladius non nisi horum iussu à milite stringi debet: atque ita potestas hæc temporalis, inanis prorsus & inutilis in persona Papæ esset, cum eius illi executio denegetur. nisi fortè Imperator aliquis tã fatali fatuitate laboret, ut milites contra se arma gestare iubeat, aut tanta sanctitate & iustitia præditus sit, ut ne sibi ipsi quidem parcendum, si deliquerit, edicto caueat. Huc pertinet quod D. Ambrosius scribit, <sup>2</sup>. *materialem scilicet gladium Sacerdotibus vsque ad Euangelium tantummodo fuisse concessum. Lex, inquit, ferire non vetat, & ideo fortasse Petro duos gladios offerenti, Sat est, dicit Christus, quasi licuerit vsq; ad Euangelium, ut sit in lege aequitatis eruditio, in Euangelio bonitatis perfectio.*

Præterea sciendum est, locum illum Euangelii de duob. gladiis, <sup>3</sup> quem nobis obiectant, non necessariò intelligendum esse de gladio spiritali & temporali: imò verò longè congruentius esse sermoni Saluatoris illic habito, ut intelligatur de gladio spiritali & de gladio passionis, sicut Ambrosius doctè pieque ibidem exponit. Nam Christus extremo illò ante passionem cum Discipulis colloquio, eos admonuit longè alia conditione mittendos esse ad prædicationem Euangelii, post ipsius mortem, cum mandatum hoc acceperint, *euntes in mundum uniuersum prædicate Euangelium omni creature* <sup>4</sup>, quã antea ab eo missi fuerant, dum adhuc in terris inter viuos ageret: quasi dixisset, hactenus vos ita misi, ut neq; sacculo, neq; perâ, neq; calceamētis indigeretis: at posthac mittā vos ad prædicationem Euangelii, & erit vobis

<sup>1</sup> Rom. 13.

<sup>2</sup> Lib. 10. comment. in Euan. Lucæ.

<sup>3</sup> Luc. 22.

<sup>4</sup> Marc. 16.



vobis facculo opus & perâ, sollicitudinis nimirum & pati-  
 tiæ: atque etiam duobus gladiis, spirituali scilicet & passio-  
 nis, de quo dictum est, <sup>1</sup> *tuam ipsius animam pertransibit gla-* 1 Luc. 2.  
*dus. Est enim gladius spiritualis*, inquit ibi D. Ambrosius, *ut*  
*vendas patrimonium, utas verbum quo nuda mentis penetralia*  
*vestiuntur. Est etiam gladius passionis, ut exuas corpus, & immo-*  
*lata carnis exuvias ematur tibi sacri corona martyris, quod ex be-*  
*nedictionibus dominicis colligere potes, qui summam omnium co-*  
*ronarum, si quis persecutionem patiatur pro iustitia, predicavit.*  
*Denique ut scias qua de passione locutus est, ne turbaret discipulo-*  
*rum animos, de se exemplum protulit dicens. Quoniam adhuc hoc*  
*quod scriptum est, oportet impleri in me: quod cum iniustus depu-*  
*tatus est* <sup>2</sup>. Hec ille. quibus postremò adiungam, quod ipse- 2 Esaiæ 53.  
 met Bellarminus, in libris de summo Pontifice, <sup>3</sup> contēdat 3 Lib. 5. cap. 1.  
 non eum sensum esse illius loci Euangelii, ut intelligatur  
 de spirituali & temporali gladio. Respondeo, inquit, *ad literâ,*  
*nullam fieri mentionem in eo loco Euangelii de gladio spirituali*  
*vel temporali Pontificis, sed solum Dominum illis verbis admo-*  
*nere voluisse discipulos, tēpore passionis suæ in iis angustiis, & metū*  
*ipso futuros fuisse, in quibus esse solent, qui tunicam vendunt ut e-*  
*mant gladium. Vnde asserit S. Bernardum & Bonifaciū VIII.*  
 Papam, mysticè tantum hunc locum, de duobus gladiis  
 interpretatos esse.

Quod cum ita sit, constetque tum ex interpretatione  
 Patrum, tum ex confessione ipsius Bellarmini, verba Sal-  
 uatoris non de gladiis istis, de quibus nos digladiamur,  
 verè, propriè, ac strictè esse accipienda, perperam sanè  
 allegatur scriptum illud Bernardi, ad probandum, Papam  
 habere potestatem temporalem vllò casu in Principes  
 Christianos, vel gladium temporalem esse sub gladio spi-  
 rituali; quod nec dicit ibi S. Bernardus, nec dicere sine  
 calumnia potuit. Quamvis igitur maximè concedamus,  
 locum illum Scripturæ, de spirituali & temporali gladio  
 esse mysticè accipiendum, tamen ad hoc tantum valebit  
 illa Bernardi expositio, ut intelligamus, Reges & Princi-  
 pes Christianos consilio Ecclesiæ, siue summi Pontificis,  
 bellum gerere debere pro Ecclesia: quod nemo sanus un-  
 quam negauerit. Atque ita Christus (si eius verba mysti-  
 cè eo modo interpretemur) ostensis duobus gladiis, dixit,  
*Satis est. non ut gladium alterum alteri subiiciendum, vel*  
*utrumq; in manu Pontificis & Sacerdotū futurū esse signi-*  
*ficaret (ea quippe expositio vitiosa est, & tū recte rationi, tū*  
 anti-



antiquorum Patrum doctrinæ repugnat, quæ traditur Reges & Imperatores solum Deum in temporalibus superiorem habere) sed ut admoneret vtriusque gladii, spiritualis & temporalis, concursum aliquando fore in Republica Christiana, Principibus ad fidem conuersis; & illis duobus Ecclesiam vndique ab iniuria tutum ad defensum iri.

Sed quoniam in hunc insignem D. Bernardi locum incidimus, velim perpendat mecum obiter in eo lector, quod nescio an ullus antehac animaduernerit. Quid est quod de gladio temporali ad Eugenium Papam scribens, primum dicat, *tuo forsitan nutu, et si non tua manu euaginandus*. Deinde, paucis interiectis, subiiciat, eundem gladium nutu sacerdotis esse exercendum, nec addat *forsitan*? Nunquid illud *forsitan*, aut abundat in priore sententia, aut in posteriore desideratur? Nempe id consultò vir sanctus ac prudens: ut personam Pontificis ab autoritate & officio Pontificali, siue sacerdotali, subtiliter distingueret, doceretq; permagni referre, vtrum Papa an Eugenius, licet idem & Papa & Eugenius sit, aliquid aut veret, aut iubeat: vtrum inquam Pontifex, ut homo animi perturbationibus obnoxius, gladium non pro Ecclesia ex officio debito, sed deprauatæ affectionis incitamento stringi cupiat: an verò ut Sacerdos, id est, vir bonus & pius, non suis sed publicis commodis seruiens, gladio exercendo & bello gerendo annuat abnuatve. Quasi diceret; Eugenii Pontifex Maxime, gladius temporalis non simpliciter & absolute tuo nutu euaginandus est, sed forsitan: tunc scilicet, cum ob euidentem Ecclesiæ utilitatem, id illis sobrio sanoque consilio suadebis, qui gladium in sua potestate habent: non autem tunc, cum aut veteres inimicitias cum aliquo exercere, aut recens odium effundere, aut ambitiosam dominandi cupiditatem explere cupiens, Principes & populos Christianos inter se committere, aut ipsorum vni bellum indicere atque inferre cogitabis. Illa enim sacerdotis, ista hominis: illa Pontificis, ista Eugenii, aut alterius Pontificatum tenentis, cogitatio actioque dicenda est. Atque hæc quidem verbis illis sensisse Bernardum, res gestæ à Pontificibus quibusdam impensè iracundis & superbis, haud obscure declararunt. Sed ad institutum reuertamur.

## C A P. XX.

**T**ertia apud Bellarminum ratio est. *Non licet Christianis tolerare Regem infidelem, aut Hæreticum, si ille conetur pertrahere subditos ad suam hæresin, vel infidelitatem: at iudicare an Rex pertrahat ad hæresin, necne, pertinet ad Pontificem, cui est commissæ cura religionis: ergo Pontificis est iudicare, Regem esse deponendum, vel non deponendum. & huius quidem rationis propositionem tribus argumentis probare conatur.*

Adeam igitur respondeo. Quod ait, *non licere Christianis tolerare Regem hæreticum vel infidelem, &c.* id adeo falsum esse, quàm quod falsissimum: alioqui damnanda tota antiquitas, quæ Reges Hæreticos & Infideles, Ecclesiam Dei destruere conantes, submissè pertulit; *non solum propter iram, sed propter conscientiam;* hoc est, non quod deficerentur viribus ad impios Principes exigendos, sed quod id sibi per Dei legem non licere iudicaret. Verùm quoniam hunc errorem perniciosissimum in libris contra Monarchomachos, <sup>1</sup> atque etiam superius hoc libro, <sup>2</sup> iam satis refu-

<sup>1</sup> Lib. 3. cap. 6. p.

<sup>2</sup> 9. & seqq. & li.

<sup>3</sup> 4. cap. 5. & 6.

<sup>4</sup> Cap. 7.

tauimus: non est quod eius falsitati arguendæ hîc amplius immoremur. Id tantùm superest, ut vitia argumentorum, quibus falsam suam propositionem probare nititur, breuiter indicemus.

Primum argumentum ducit ex Deuteronomio, <sup>3</sup> vbi <sup>3</sup> Cap. 17. prohibetur populus eligere Regem qui non sit de fratribus suis, id est, qui non sit Iudæus: ne videlicet pertrahat eos ad idololatriam: ergo etiam Christiani prohibentur eligere non Christianum. Hoc totum verum sit. Deinde ex his partibus concessis progreditur hoc modo. *Rursum, eiusdem periculi & damni est, eligere non Christianum, & non deponere non Christianum, ut notum est: ergo tenentur Christiani non pati supra se Regem non Christianum, si ille conetur auertere populum à fide.*

Respondeo, consequentiam hanc minimè bonam esse, & eiusmodi vitiosis ac fallacibus argumentis multos à veritate auocari. Captio autem in eo est, quòd statuat ac pro certo assumat, idem ius esse vbicunque est idem damnum vel periculum; quod plane falsum esse mox demonstrabitur. nec ei simile est quod tradunt Iurisconsulti, *vbi eadem*

*ratio est, ius idem esse debet* <sup>4</sup>. Animaduertendum igitur, eum <sup>4</sup> L. i. l. i. d. 32 D. non dicere, *eiusdem peccati esse eligere non Christianum, & non ad leg. Aquil.*

*deponere non Christianum.* quodd si id dixisset, negassem utique antecedens: sed dicit, *eiusdem periculi & damni esse.* ex quo perperam deinde colligit, Christianos teneri non patri supra se Regem non Christianum. Non enim sequitur, ubicunque idem damnum & periculum vertitur, eandem faciendi potestatem concedi debere ei qui in damno vel periculo versatur: nec ubicunque par damnum est & periculum, ibi par quoque peccatum meritumve subesse: idque exemplis facile probari potest. Qui plagas accipit, aut fortunis spoliatur, idem periculum & damnum subit, siue per vim à latrone, aut milite desertore, siue à magistratu per iniquam sententiam opprimatur: sed non idem aduersus vtrumque remedium comparatum est. in directorem irruere, & eum, se suaque tuendo, occidere ius fasque est<sup>1</sup>: seruato, vt aiunt, moderamine inculpatae tutelæ. At magistratui iniquam sententiam, pro potestate imperii, exequenti, propter rerum iudicatarum auctoritatem restare non licet<sup>2</sup>. Ecce quamuis vtrobiue idem damnum & iactura spoliari sit, tamen non idem ius vtrobiue obtinet. Rursus eiusdem periculi & damni est, in nauigium cogitatio conscendere, cuius carinam scis esse quassatam; & illud intrare quod putas esse probum, cum re vera rimosum ac dissolutum sit. eiusdem dico periculi est, sed non eiusdem peccati. priore casu tentas Deum, tibi que tua sponte necem paras: posteriore verò, si humanam diligentiam adhibuisti, nihil peccas qui ignarus tali te naui commiseris. Sic eiusdem periculi & damni est, mulierem, quam insigniter morosam & iurgiosam esse nosti, propter fortunas vel formam ducere: & in eam alias incidere quam nescias esse talem. & tamen qui sciens prudens in tam manifestum discrimen se coniecerit, haud leuiter peccare videtur, qui in vitæ degendæ modo, & ratione ineunda, Deum tentet. At qui sortis suæ, & mulieris malitiæ ignarus, talem duxerit, non modò in Numen non committit, sed quotidianis molestiis miseriisque, si eas forti & patienti animo perferat, velut specie quadam martyrii demeretur. Possem multa id genus exempla proferre, quibus argumentum istud Bellarmini captiosum esse conuincam. Quemadmodum ergo non sequitur, si is qui nouit mulierem esse impensè improbam, & ita peruersam, vt spes nulla sit cum ea tranquillè viuendi, non debet eam sibi vxorem asciscere (quod eo facto in apertum se discrimen coniiciat) vt is etiam qui

talem

1 L. vt vim D. de  
Iust. & iur. cap. 2.  
de homicid.  
L. 2. C. quand.  
liceat vnicuique  
siue indig.  
2 L. Seruo inui-  
to. 65. §. cum Præ-  
tor. D. ad Sc.  
Trebell.

talem mulierem fortuitò & imprudenter nactus est, debeat eam, non obstante matrimonii vinculo, deferere vel repudiare; quamvis eiusdem periculi & damni res sit, si eam retineat. Ita etiam non sequitur, Si Christiani teneantur nò eligere Regem non Christianum vel Hæreticum; vt teneantur quoque non pati iam electum, quia multa impediunt faciendum, quæ factum non dissoluunt, vt vberius alibi ostendimus. Atque hæc quidem ad argumenti istius vim enervandam satis.

## CAP. XXI.

**S**ed cogor tamen hîc diutius insistere, vt alium adhuc errorem indicem & conuellam, quem superiori argumento tanquam supplementum adiungit. Nam vt confirmet illud quod dixit, *Christianos teneri non pati super se Regem non Christianum. &c.* & ne quis de ea sententia dubitet, propterea quòd Christiani olim multos Principes partim Ethnicos, partim Hæreticos, sine vllò conscientie scrupulo, tolerarunt simul & coluerunt, eo ipso quòd Principes erant: vt inquam obiectionem hanc efficacissimam, & superioris sententie suæ peremptoriâ aliqua solutione præoccuparet statim subiicit. *Quod si Christiani olim non deposuerunt Neronem, & Diocletianum, & Iulianum Apostatam, ac Valentem Arianum, & similes, id fuit quia deerant vires temporales Christianis. Nam quòd aliqui iure potuissent id facere, patet ex Apostolo 1. Corinth. 6. ubi iubet constitui novos Iudices Christianis temporalium causarum, ne cogerentur Christiani causam dicere coram Iudice Christi persecutore. Sicut enim noui Iudices constitui potuerunt, ita & noui Principes, & Reges, propter eandem causam si vires adfuissent.*

Multa hic sunt reprehensione digna, & quæ miror equidem ab homine tam erudito, & in authoribus sacris profanisque exercitato, literis vnquam esse mandata. Nam primum quod ait, defectionem virium in causa fuisse, cur Christiani olim non deposuerint Neronem, Diocletianum, Iulianum, Valentem, & similes; id falsissimū esse, testimoniis perspicuis & indubitatis, in libris nostris, *De Regno*,<sup>1</sup> atque etiam supra hoc libro,<sup>2</sup> iam satis superq; ostēdimus: & mox etiā demonstrabimus ex principiis ab eo ipso positis atque concessis. Deinde nihil ineptius, aut magis à ratione alienum, imò verò, pace tanti viri dictū sit, nihil magis delusorium & captatorium, quàm ad illius falsæ sententie fidem

<sup>1</sup> Lib. 4. cap. 5. & lib. 3. cap. 10. cum seqq.

<sup>2</sup> Cap. 6. 7. 8.



dem faciendam, Apostoli Pauli auctoritatem *allegare*, in cuius scriptis ne verbum quidem est, quod vel ad literam, vt aiunt, vel figuratè & per interpretationem, talis sententiæ confirmandæ, sine calumnia & cauillatione, accommodari possit. Et verò, vt liberè loquar, licenter nimis doctrina Pauli abutitur, qui ex illa eius Epistola ad Corinth. prima <sup>1</sup>, colligunt licuisse Christianis, Principes Ethnicos vel Hæreticos deponere, & alios in eorum locum instituire. Reprehendit quidem Apostolus acriter eo loco Christianos, tum quia se inuicem litibus vexabant, & iudicia omninò habebant: tum etiam quia ad tribunalia Iudicum Ethnicorum & infidelium, quibus nomen omne Christianum erat exosum, alii alios pertrahebant. Sed hoc ille tamen, non vt ea reprehensione doceret aut significaret, nullam Magistratibus Ethnicis temporalem iurisdictionem in Christianos fuisse, aut potuisse Christianos vlla pactione efficere, ne Ethnici in ipsos politicè dominarentur. Verùm vt ostenderet, indignum esse religione & professione Christiana, eos qui recens in Christo regenerati erant, & in eius societatem vocati, <sup>2</sup> malle litigare apud Iudices infideles, quàm fratrum, id est, Christianorum arbitrio iudicioque, negotia, & controuersias obortas sopire atque cõponere.

Non itaque abrogat Apostolus imperium Ethnicis hoc sermone, nec indicat Christianos ab illis posse deficere: sed tantum improbat, & vitio vertit quorundam Christianorum procacitatem & pertinaciam, quòd cum haberet fratres, hoc est, eiusdem religionis homines, qui de communi consensu Iudices constituti, causas ipsorum iustè ac sapienter intra priuatos parietes, amica affectione disceptarent, iis non contenti, ad Iudices infideles & iniquos, & Christianis omnibus infensos, magno cum religionis scandalo, contentiosius prouocabant. Vnde in eum locum D. Thomas, *Sed videtur*, inquit, *esse contra id quod dicitur 1. Pet. 1. Subditi estote omni humana creatura propter Deum, siue Regi tanquam præcellenti, siue ducibus tanquam ab eo missis. Pertinet enim ad auctoritatem Principis iudicare de subditis. Est ergo contra ius diuinum prohibere quod eius iudicio non stetur, si sit infidelis. Sed dicendum, quòd Apostolus non prohibet, quin fideles sub infidelibus Principibus constituti, eorum iudicio compareant, si vocentur: hoc enim esset contra subiectionem qua debetur Principibus: sed prohibet quòd fideles non eligant voluntariè infidelium iudicium.* Idem ferè in eundem locum scribit Theodoretus, &

1 Cor. 6.

2 Corinth. 7.

tus. & Lyranus: *Apostolus, inquit, non prohibet hic fideles sub Principibus infidelibus constitutos comparere coram eis quando vocantur; hoc enim esset contra subiectionem qua Principibus debetur: sed prohibet ne voluntariè recurrant ad Iudices infideles in illis negotiis qua determinari possunt per fideles.* Nihil ergo iubet Apostolus eo loco, quod Iudicum infidelium iurisdictionem & imperium in Christianos aut tollat, aut minuat, aut ei aliquo modo præiudicet. imò verò nihil contra eiusmodi subiectionem iustè iubere potuit, cum sit iuris naturalis Dei autoritate confirmati, ut, teste D. Ambrosio, ipsemet Apostolus alibi docet <sup>1</sup>. Hæc igitur Iudicum constitutio, de qua loquimur, nullo modo eximebat Christianos à subiectione & iurisdictione magistratuum Ethnicorum, sed tantum auferebat illis necessitatem interpellandi iudices infideles, cum haberent iudices inter se communi consensu constitutos, quorum sententiis obortæ controuersiæ componi potuerunt. Erant autem hi Iudices re vera Arbitri sine imperio, sine prehensione, voluntariam tantum iurisdictionem exercentes; & ideo si vel refractarius Christianus, vel Ethnicus aliquis Christianum ad Iudicem infidelem vocasset, nihil vocato profuisset Iudicum illorum Christianorum autoritas, quo minus Ethnico tribunali se sistere teneretur; teneretur inquam in conscientia, propter subiectionem quam superioribus iure naturali debemus.

1 Rom. 13. cap.

Præterea si quis locum illum Apostoli non limis oculis percurrerit, animaduertet eum id ibi negotii sibi dare, ut ad Euangelicam perfectionem, quæ consilii magis quam præcepti est, Christianos animos erudiat; cum eos hortetur ut potius iniuriam ferant, & fraudem patiantur, quam ut iudicia inter se exerceant secundum illud Saluatoris <sup>2</sup>, si quis te percusserit in dexteram maxillam, præbe illi & alteram; & ei qui vult tecum in iudicio contendere, & tunicam tuam tollere, dimitte ei & pallium. Et ita Ecclesiæ Patres, Ambrosius, Primasius, Theodoretus, reliquique omnes locum illum intellexerunt. Nam quod ait, *Iam quidem omnino delictum est in vobis, quod iudicia habetis inter vos. quare non magis fraudem patimini?* &c. id nisi de vitæ perfectione, siue de perfectissimo vitæ statu intelligatur, vix est ut admitti possit: cum inter omnes constet, eos non delinquere, qui iniuriis & contumeliis oppressi, subleuari se atque iuuari à Iudice postulant. Facit igitur D. Paulus eo loco, sicut bonus mul-

2 Matth. 5.

torum liberorum parens, qui filios inter se dissidentes merito increpat, tum quòd fraternum amorem dissentionibus ac discordiis violent, tum etiam quòd exortas inter se controuersias, non de fratrum potius consilio transigere, quàm forensi strepitu inuoluere, & iudiciali calculo decidere ac terminare malint.

Hæc cum ita se habeant, Deum immortalem! quæ isthæc miserabilis cæcitas & inscitia, vel certè malitia, est, velle ex illis Pauli verbis colligere, ius fuisse Christianis deponere Imperatores & Magistratus omnes Ethnicos, si vires illis ad eam rem suppetissent? cum præsertim ipsemet Apostolus alibi <sup>1</sup> præcisè iubeat Christianos omnes *necessitate* subditos esse illis potestatibus Ethnicis, *non solum propter iram*, ne si defectionem scilicet molirentur, iratis & infensis potestatibus pœnas darent: *sed etiam propter conscientiam*, quòd nimirum sana & salua conscientia, subtrahere se eorum iurisdictioni & subiectioni, quæ Dei ordinatio est, aut eis resistere, nullo modo possent. hoc enim est, necessitate subditos esse propter conscientiam, siue *propter Deum*, ut præcipit D. Petrus <sup>2</sup>. Ad hæc quoque primi ab Apostolis Christiani omnes, Imperatorem, quamuis Ethnicum & persecutorem fidei, à Deo constitutum, & solo Deo minorem esse ingenuè fatebantur <sup>3</sup>. Si itaque Christiani propter conscientiam necesse habebant parere Ethnicis magistratibus, nonne certum est eos, non quia facti, sed quia iuris potestatem non habebant, omni rebellionis & defectionis molimine abstinuisse? Aut si Deo solo minor erat Imperator, & maiorem minor deponere non possit, quàm poterant eum subditi Christiani deponere? Nunquid aut Apostolus secum ipse pugnat, aut aliud Petrus, aliud Paulus docuerunt? aut nunquid prisci illi Patres qui Apostolis successerunt, ius suum omne erga Reges & Magistratus infideles vel hæreticos ignorabant? nam vires illis factò exequendo pares, & plusquam sufficientes fuisse, pluribus alibi demonstrauius <sup>4</sup>.

Ex his igitur perspicuum est, Apostoli Pauli auctoritatè nihil quicquam ad superiorem Bellarmini sententiam de Regibus deponendis pertinere, ac proinde largiter ab eo erratum esse, quod in re tam seria, tantique momenti, Apostolicæ auctoritatis tuco lectori imposuerit. Si constitutio siue creatio Iudicum, Apostoli iussu facta à Christianis, Iudicum infidelium auctoritatem, imperium, & iurisdictionem

<sup>1</sup> Rom. 13. 1

<sup>2</sup> 1. Petr. 2.

<sup>3</sup> Tertullian. ad Scapul. & in Apologet.

<sup>4</sup> Lib. 4. de Regno. cap. 10. 11. 12. 13. & li. 4. c. 5. & 6.

ditionem sustulisset, aut aliqua ex parte abrogasset, vel ab eorum subiectione Christianos exemisset, nihil fuisset Bel- larmini argumento validius; nihilque eius sententia veri- us. Sed quoniam illa iudicum constitutio non magis Po- testatibus Ethnicis præiudicabat, quam vel regum fabari- orum creatio in vigilia Epiphaniæ, vel Principum & iudi- cum à laseiuiente iuuentute in Bacchanalibus, vero Regi, Magistratibusque præiudicat, nullum inde pro eius senten- tia argumentum elici posse certum est.

Quoniam autem singula persequimur, admonere o- portet, D. Thomam alicubi in ea opinione esse <sup>1</sup>, vt existi- 1 22.q.10. art.10. metius domini; & prælationis Ethnicorum Principum ius- tæ ullus auferri posse, *per sententiam vel ordinationem Eccle- sia, auctoritatem Dei habentis*, vt ille ait. D. Thomæ magna apud me autoritas est, sed nō tanta, vt omnes eius dispu- tationes pro Canonicis Scripturis habeam; vel vt rationē vincat aut legem. eius ego Manes veneror, & doctrinam suspicio. Sed non est tamen cur illa eius opinione aliquis moueatur: tum quia nullam suæ sententiæ vel rationem i- doneam & efficacem, vel auctoritatem profert: tum etiam quia in explicatione epistolæ Pauli ad Corint. 1. <sup>2</sup> contra- 2 Cap.6. rium planè sentit: tum denique quia neminem secum an- tiquorum Patrum consentientem habet, & rationes mul- tæ, auctoritatesque in contrarium suppetunt. Ratio au- tem quam adfert est, *qua infideles merito sua infidelitatis me- rentur potestatem amittere super fideles, qui transferuntur in filios Dei*. Mala ratio, & tanto viro indigna: quasi verò si quis meretur priuari officio, beneficio, dignitate, auctoritate, aliove iure aliquo quod possidet, idcirco statim spoliari possit ab alio, quàm ab eo à quo id accepit, retinetque, vel ab alio expressum mandatum & potestatem ab ipso ha- bente. Quis nescit Cancellarium, Conestabulum, aliosque Magistratus à Rege datos, mereri quidem amittere digni- tatem suam, si qua in re suo officio abutantur? at eam ta- men nemo illis auferre potest, quamdiu eos Princeps, à quo solo pendent, dignitate sua fungi patitur. Simili modo Principes infideles, licet *merito sua infidelitatis mereantur po- testatem amittere*: tamen quia sunt à Deo constituti, & solo Deo minores, non possunt nisi à Deo destitui imperio ac deponi. Et verò idem Thomas, in expositione epistolæ Pauli superius hoc capite relata, satis aperte indicat, Ec- clesiam nō habere eam auctoritatem, qua possunt Ethnicos

F 2      depo-



deponere: ait enim esse contra ius diuinum, prohibere ne Principum infidelium iudicio stetur à subditis. Constat autem, Ecclesiam nihil contra ius diuinum, vel iubere, vel prohibere posse. Porro tollere Principibus infidelibus *ius Domini & Prælationis*, est re vera prohibere, ne ipsorum iudicio stetur: Ecclesia ergo eam potestatem non habet. Et verò peruoluat quisquis velit historias, nusquam inueniet Ecclesiam id sibi iuris assumpsisse, ut de Principibus Infidelibus siue Ethnicis iudicaret. Nec solum propter scandalum abstinuit, ut putat Thomas eo loco, sed propter defectum potestatis, quia non erat iudex infidelium, secundum illud Apostoli <sup>1</sup>, *quid mihi de iis, qui foris sunt, iudicare?* Et quia Principes à Deo constituti, solum Deum supra se iudicem habent, à quo solo deponi possunt. Nec ad rem pertinet, quòd Paulus, dum iubet seruos Christianos dominis suis infidelibus omnem honorem exhibere, illud solum addit, *ne nomen Domini & doctrina blasphemetur*. non enim id dixit, quasi ea sola de causa serui dominis obedire debeant, sed quòd præcipuè ea de causa. expressit itaque maximum malum quod inde oriri potuit, ut seruos à contemptu dominorum deterreret, nempe scandalum publicum totius Ecclesiæ Dei & doctrinæ Christianæ. Non vult ergo Apostolus iis verbis, seruos posse se licitè subtrahere iugo seruitutis, inuitis dominis, si id sine scandalo possent Ecclesiæ; furtum enim sui facerent <sup>2</sup>, iure gentium; sed vult ostendere eos non solum peccare, quod alibi apertè docet <sup>3</sup>, sed etiam publicum toti Ecclesiæ scandalum generare: quod singulorum peccatis longè grauius & perniciosius est, & super omnia cuitandum.

Reliquum igitur nunc est, ut, quod sumus polliciti, superiorem Bellarmini sententiam de iure abdicandorum siue deponendorum Regum & Principum Ethnicorū, falsam esse, ex principiis ab eo positis & concessis, demonstre-  
mus. Res est expedita, nec factu difficilis. Nam libro secundo de Romano Pontifice <sup>4</sup>, fatetur, Apostolos, & reliquos Christianos omnes, æquè subiectos fuisse Principib. Ethnicis, in ciuilibus omnibus causis, atque cæteros homines. verba eius hæc sunt. *Respondeo, primum dici posset Paulum appellasse ad Cæsarem, quia de facto erat iudex ipsius, et si non de iure: ita enim respondet Ioannes de Turrecremata lib. 2. cap. 96. summa de Ecclesia. Secundo dici potest, & melius, cum Alberto Pighio lib. 5. Hierarchia Ecclesiastica cap. 7. discrimen esse inter*

Prin-

1. Corint. 5.

2 L. ancilla 60.  
D. de furt. l. 1. C.  
de ser. fugit.

3 Rom. 13. ad  
Philip. 6. Co-  
loss. 3.

4 Cap. 29.

*Principes Ethnicos & Christianos. Nam quo tempore Principes erant Ethnici, non erat Pontifex iudex illorum, sed è contrario illis subiectus erat in ciuilibus omnibus causis, non minus quàm ceteri homines. Quòdenim non esset Pontifex iudex illorum, patet: quia non est iudex nisi fidelium, iuxta illud, 1 Corint. 6. Quid ad me de his, qui foris sunt. iudicare. Quòd verò è contrario esset ipse illis subiectus ciuilitè, de iure, & de facto, patet etiam. Nam lex Christiana neminem priuat suo iure & dominio. Sicut ergo ante Christianam legem homines subiecti erant Imperatoribus, & Regibus: ita etiam postea. Quare Petrus & Paulus passim hortantur fideles, ut subditi sint Principibus, ut patet ad Rom. 13. ad Titum 3. & 1. Pet. 2. Meritò itaque Paulus Cæsarem appellauit, eumque iudicem agnouit, cum accusaretur seditionis & tumultus in populo excitati. Hæc ille, ex quibus patet non solum defectum virium in causa fuisse, cur primi Christiani non deposuerint Principes Ethnicos, sed etiam quia ius omne, diuinum, & humanum, tali facto repugnabat. idque eodem libro, eodemque capite apertius docet, cum dicat iudicare, punire, deponere, ad superiorem tantum pertinere, quod verissimum est, & communi hominum iudicio extra controuersiam confirmatur.*

Iam verò ex his certissimis principiis, ab eo positis & concessis, quilibet ratiocinandi peritus facile colliget, Christianos, quantumuis numero & viribus potentes extitissent, non potuisse iure deponere Neronem, Diocletianum, & cæteros Ethnicos & impios Principes. idque hac firmissima & indissolubili demonstratione concluditur.

*Subiecti non possunt iure iudicare, punire, vel deponere superiorem:*

*Atqui omnes Christiani erant subiecti Neroni, Diocletiano,*

*Et cæteris Imperatoribus ac Regibus Ethnicis.*

*Ergo non poterant eiusmodi Imperatores vel Reges deponere.*

Propositio ab eo concessa est, itemque subsumptio, & certissima veritate nituntur. Conclusio autem ex antecedentibus necessaria consecutione pender, atque ex diametro opponitur ei quod dixit, *Christianos olim iure potuisse deponere Neronem, Diocletianum &c.* sed quia viribus temporalibus deficiebantur, eo consilio abstinuisse. Falsum igitur illud est, & reprehensione dignum; siquidem aientia & negantia simul vera esse nequeunt. Hinc etiam

patet falsitas opinionis D. Thomæ, quam suprà hoc capite refutaui-  
mus.

## C A P. XXII.

**D**ixi Bellarminum triplici argumento vsum esse, ad  
tertiæ rationis suæ confirmationem; quæ est, *non li-  
cere Christianis tolerare Regem infidelem vel hæreticum*  
*&c.* ex quibus primi iam vitia notavi: reliqua autem duo  
cuiusmodi sint, & quam vim habeant, hoc capite & se-  
quenti peruestigandum est. Secundum igitur argumen-  
tum hoc est. *Tolerare Regem hæreticum vel infidelem, conan-  
tem pertrahere homines ad suam sectam, est exponere religionem*  
*evidentissimo periculo. At non tenentur Christiani, imò nec de-  
bent, cum evidenti periculo religionis tolerare Regem infidelem.*  
*Nam quando ius diuinum & humanum pugnant, debet serua-  
ri ius diuinum, omisso humano. de iure autem diuino est ser-  
uare veram fidem & religionem, quæ una tantum est, non mul-  
ta: de iure autem humano est, quod hunc aut illum habeamus*  
*Regem.*

Ad hæc respondeo, Bellarminum & alios, vnde ipse ista  
acceperit, non rectè, neque ex arte hic ratiocinari: sed duo  
argumenta simul confuse & permixtim sine forma propo-  
nere. Nam pro eo quod assumit, *at non tenentur Christiani,*  
*imò, nec debent, cum evidenti periculo religionis tolerare Regem*  
*infidelem.* reponi debet in bona dialectica, *at non tenentur*  
*Christiani, imò nec debent, exponere religionem evidentissimo pe-  
riculo.* vt inde concludatur, *non licere Christianis tolerare Re-  
gem infidelem vel hæreticum.* Nam assumptio quam ipse po-  
nit, nihil ferè aliud est, quàm ipsa propositio controuersa.  
Sed vt aliquid ei largiamur, demus eum optima forma ra-  
tificationem confecisse, & ad vim argumenti respondeamus  
Dico igitur propositionem eius falsam esse, dico in-  
quam, non verum esse, quòd *tolerare Regem hæreticum, vel*  
*infidelem conantem pertrahere homines ad suam sectam, est expo-  
nere religionem evidentissimo periculo.* sed est tantum pati reli-  
gionem versari in periculo, in quod incidit vitio Regis hæ-  
retici aut infidelis, & cui iam sine culpa populi exposita est:  
cum nullum eius liberandæ iustum & legitimum remediū,  
præter constantiam & tolerantiam, populo super sit. Hoc  
autem Christianis vitio verti non potest, nisi eadem opera  
priscos illos Patres, & Christianos omnes acriter incuse-  
mus, qui Constantio, Iuliano, Valenti, & aliis Catholicæ religio-

religionis desertoribus, q̄ Imperiū legitimè essent adepti, sine vlla tergiuersatione, aut minimo rebellionis indicio, submissè paruerunt, & quos tollere de medio vel deponere facillimè potuerunt, eos, quia Imperatores & Reges erant, sunt omni honore, obsequio, & reuerentia prosequuti. Hi ergo sancti Patres, & optimi eo seculo Christiani, tolerarunt quidem Reges hæreticos & infideles, quanquam eos deponendi maxima facultas & opportunitas (si vires tantū temporales spectemus) ipsis suppeteret: at eos tamē nemo sani cerebri vnquam dixerit exposuisse religionem euidentissimo periculo, per eiusmodi patientiam & tolerantiam Christianam. De eo autem Rege tolerando loquor, qui vel Ethnicus ab Ethnicis est constitutus, vbi Christiani nō dominantur: vel qui cū inauguraretur, in Christianis est habitus. Nam eligere nullo iure cogente, super se Regem, quem sciunt esse hæreticum vel infidelem, est verè exponere religionem euidentissimo periculo, eoque grande Christianis piaculum: & qui id faciunt, digni sunt omnes qui malè pereant.

Iam verò ad illud quod deducit expugna iuris diuini & humani, respondeo breuiter, illum valde falli in eo, quod putet esse ibi concursum & conflictum diuini & humani iuris: non sunt enim pugnantia, seruare veram fidem & religionem, & tolerare Regem hæreticum vel infidelem, nec alterum de iure diuino est, alterum de iure humano. vt ille putat. Sed sunt duo præcepta iuris diuini, colere Deum vera religione, & seruire atque obedire Regi: quæ simul seruari & expleri possunt ac debent, vt ipsimet Iesuitæ asserunt<sup>1</sup>: & nos pluribus contra Monarchomachos lib. 3. ostendimus<sup>2</sup>. Itaque hoc casu non solū possunt subditi, sed etiā debent, Regem eiusmodi tolerare, & in vera interim religione constanter permanere; atque ita reddere Cæsari quæ sunt Cæsaris, & quæ sunt Dei Deo. Nā si quod alibi Bellarminus tradit,<sup>3</sup> non licet Concilio iudicare, punire, vel deponere Papam nitentem turbare & destruere Ecclesiam Dei, sed tantū *ei resistere non faciendo quod iubet, & impediendo ne exequatur voluntatem suam*: cur non similiter, & potiore etiam ratione, idem de Regibus censeamus? cū & ipsi sint populis, teste eodem<sup>4</sup> authore, superiores, & iudicem in terris nullum habeant: cūque præterea nonnullis magni nominis Theologis visum sit, Conciliū

<sup>1</sup> Contra Arnaud. pag. 69.

<sup>2</sup> Cap. 8.

<sup>3</sup> Lib. 2. de Rom. Pont. c. 29.

<sup>4</sup> Lib. 1. de Rom. Pont. cap. 9. & lib. 3. cap. 19.



quàm habeat populus in Principem? quod Ecclesia nimirum semper Dei spiritu regatur, nec temere quicquam faciat. Populus verò turbinibus seditionum frequenter agzatus multa sine consilio, sine iudicio, impiè, crudeliter, & iniustè molitur.


At difficile est Regem impium tolerare, & veram seruare religionem; reponet aliquis. Fateor equidem, sed impossibile non est. Impossibilitas (detur venia verbo) ab obseruatione mandatorum excusat; difficultas non item. Cæterum quod ait, *de iure diuino est seruare veram fidem & religionem: de iure autem humano est, quod hunc aut illum habeamus Regem*: id quidem totum verum est. sed caue tamen lector ne capiaris. Omisit Bellarminus quod est præcipuum: addere enim debuit, *at ubi hunc vel illum Regem semel habemus, de iure diuino est, ut ei in ciuilibus causis cum omni honore & reuerentia pareamus*. Hac adiectione, quam nemo Catholicus negare potest, illud eius argumentum prorsus eliditur. Nam in specie ab eo proposita non concurrunt ius diuinum & humanum, ut ille putat (quod si contingeret, æquum esset humanum diuino cedere) sed concurrunt duo capita iuris diuini, veram scilicet fidem & religionem seruare: & Regem honorare, eique in politicis obedire: quorum vtrumq; impleri potest & debet, reddendo ut dictum est, *Cæsari quæ sunt Cæsaris, & quæ sunt Dei, Deo*. ut in persona Papæ conantis Ecclesiam destruere, ex Bellarmini doctrina iam didicimus.

### C A P. XXIII.

**S**Vpereff postremum argumentum, quod subtili sed captiosa interrogatione hoc modo proponit. Denique *cur non potest liberari populus fidelis à iugo Regis infidelis, & pertrahentis ad infidelitatem, si coniunx fidelis liber est ab obligatione manendi cum coniuge infideli, quando ille non vult manere cum coniuge Christiana, siue iniuria fidei, ut apertè deducit ex Paulo 1. ad Corinth. 7. Innocentius III. cap. Gaudemus, extra de diuortis? non enim minor est Potestas coniugis in coniugè, quàm Regis in subditos: sed aliquantò etiam maior.*

Nihil hoc argumento frequentius est in ore omnium Monarchomachon, quòd eo facilè quàm plurimos fallant. est enim eiusmodi, quo non aliud aut primo aspectu magis moueat, aut penitus inspectum & intellectum minus urgeat. Ad id igitur respondeo, longè diuersa & dissimilia hæc

hæc esse liberari à iugo alicuius, & liberari ab obligatione manendi cum aliquo, & propterea haud rectè componi & comparari inter se: quandoquidem ne ipse quidem coniunx, cui obligatio manendi cum aliquo remittitur, protinus à iugo eius vnde decedit hoc ipso liberatur. cuius rei quotidie exempla nobis Ecclesia suppeditat, quæ coniuges ex variis causis, quo ad torum & mensam, vt aiunt, hoc est, quo ad conuersationem & obligationem manendi cum altero coniuge, liberat & absoluit, manente nihilominus matrimonii iugo, quod Christi & Ecclesiæ sacramentum est. Quapropter talis argumenti à coniugibus dicti vis nulla est, nisi à iugo maritali siue matrimoniali, ad iugum regale procedat, veluti si dixerit, *cur non potest liberari populus fidelis à iugo Regis infidelis & pertrahentis ad infidelitatem, si coniunx fidelis liber est à iugo coniugis infidelis.* Quod si placeat Reuerendissimo Domino Bellarmino, suum illud argumentum in hoc conuètere, vt ponderis & momenti plus habeat, tunc aliter ei respondebo. Nempe aut loqui eum de illis coniugibus, qui cum essent ambo fideles matrimonium contraxerunt, & alter ad hæresin vel infidelitatem postea delapsus est: aut de cōiugibus ethnicis & infidelibus, quorum alter ad fidem Christianam conuersus est, altero pertinaciùs in suam superstitionem paganicam incumbēte. Si de prioribus argumentum intelligit, male laudat authorē Innocentium, qui de tali coniugio ne verbum quidem in dicto cap. Gaudemus: & præterea falsum esset quod pro argumento nobis obtrudit; videlicet coniugem fidelem liberum esse à iugo coniugis infidelis, quando ille non vult manere cum coniuge Christiana sine iniuria fidei. vt idem Innocentius expressè docet in cap. Quanto §. si verò extra. de Diuort. Si vero, inquit, *alter fidelium coniugum vel labatur in Hæresin, vel transeat ad gētilitatis errorem, non credimus quod in hoc casu is qui relinquitur, viuente altero, possit ad secundas nuptias conuolare, licet in hoc casu maior appareat contumelia Creatoris.* Et rursus idem Innocentius in cap. ex parte extra. De conuers. coniugat. in eādē sententiam rescribit. Matrimonium scilicet inter legitimas personas contractum, & carnali copula consummatum, *in nullo casu posse dissolui, etiamsi vnus fidelium, inter quos est ratum coniugium, fieret Hæreticus, & nollet permanere cum altero sine contumelia creatoris.* En vt argumentum à coniugibus deductum non modo non pugnat pro istorum sententia, sed eam acriter oppu-

gnat: veluti si *αἰνέσις*  argumētum aliquis per interrogationem, hoc modo proponat. *Cur liberari debet populus fidelis à iugo Regis infidelis vel Hæretici corantis pertrahere subditos ad suam sectam, si coniunx fidelis non est liber à iugo coniugis infidelis, licet ille noluerit manere cum coniuge fidei sine iniuria fidei, & contumelia Creatoris.* Ut aperte docet Innocent. III. in cap. Quanto. §. si verò. De Diuor. & in cap. ex parte. De conuersi. coniugat. adeo vt Panorm. in illum. §. Si vero. dicat, ex ratione ibi posita sequi Ecclesiam non posse tale matrimonium dissoluere, & liberare coniugem fidelem à iugo coniugis infidelis: cum tamen multò facilius possit coniunx fidelis à coniuge infideli, quàm totus populus à Rege peruerti. Sed & vinculum subiectionis quo populus Regi astringitur, cum sit iuris naturalis & diuini, videtur difficilius dissolui posse, quàm illud coniugum inter se: vt inde quis facile contendat, non plus in vno quàm in altero Ecclesiam posse.

Quòd si de posterioribus coniugibus argumentum intelligat, in promptu responsio est, ex eadem Innocentii epistola Decretali: nimirum inter tales coniuges non esse ratum Matrimonium, quantum ad indissolubile coniunctionis vinculum attinet. & ideo eiusmodi coniuges plenam dissoluendi Matrimonii libertatem habent, vt vel mutuo consensu, & bona gratia, vel *cum ira sui animi* *& offensa* discedant: & alter inuito altero, vbi ei libitum sit, nexum illum coniugii per repudium & diuortium dissoluat: æquè enim mulier viro, ac vir mulieri repudium mittere solet. <sup>1</sup> Vnde idem Innocentius rationem differentia inter coniuges fideles & infideles in eodem capite, hanc tradit. *Nam etsi, inquit, Matrimonium verum inter infideles existat* (quia scilicet secundum præcepta legum coeunt <sup>2</sup>.) *non tamen est ratum: inter fideles autem verum & ratum existit, quia sacramentum fidei, quod semel est admissum, nunquam amittitur, sed ratum efficit coniugii sacramentum, vt ipsum in coniugibus illo durante perduret.* Non mirum ergo si coniunx ad fidem perductus, à coniugis in infidelitate manentis consortio & potestate liber sit: cum, etiam si ambo in infidelitate mansissent, æquè liberum alterutri eorum fuisset ab alto recedere, & Matrimonium repudio dissoluere: quia nullum initio inter eos ratum & firmum obligationis vinculum intercessit. Et ideo ne coniunx fidelis, ab infideli volente cū eo habitare, recedat, non præcipit <sup>3</sup> Apostolus sed

<sup>1</sup> I. Lucius 38.  
D. solut. matr.

<sup>2</sup> Inst. de nupt.

<sup>3</sup> I. Cor. 7.

sed consulit: vt doctè & eleganter docet. S. August. lib. 1. de adulterinis coniugiis, & sacri Canones inde desumpti nos admonent.

28. q. 1. can. 3 & 9.

Quæ cum ita sint, sequitur profectò, aduersarios nequicquam argumentum a coniugibus petere, vt populum à regali iugo posse liberari doceant, siue fidelium, siue infidelium coniugia spectent: quòd illi quidem arctissimo & indissolubili societatis nexu copulentur; cuius vinculum neque propter infidelitatem, neque propter Hæresin alterutrius infringi, ne quidem ab Ecclesia, potest: vt inde potius ad regalis Imperii firmitatem & perpetuitatem, quàm ad eius dissolutionem & diremptionem, argumentum nobis suppetat; Hiverò nulla prorsus obligationis necessitate astricti sint in facie Ecclesiæ, quin conuersus ad fidem maritus, si pars eius sine scandalo sequi nolit, aliam suo sibi arbitrio asciscat: & contra, mulier ad fidem perducta, marito renuente, cui volet in Christo nubat. Cum itaque nullum inter istos ratum coniugium existat, & subiectio politica, ac regalis dominatio, inter omnes gentes, & in omni lege, tam iure diuino quàm humano, rata & probata sit: quid absurdius aut ineptius dici potest, quàm illa inter se componere, & argumentum aliquod ab infidelium coniugum societate & iugo, quod excuti pro arbitrio potest, ad regalis Imperii iugum repellendum deducere, & idem de utroque, quasi de planè similibus, iudicare?

#### C A P. XXIV.

**A**dmonui Capite XIII. quinque apud Bellarminum rationes esse, quibus summum Pontificem in omnes Reges & Principes seculares Christianos temporale potestatem habere contendit. ex iis tres iam percurrimus, & quàm parum firmæ sint, quibusque vitiis laborent, indicauimus. Restat in duas reliquas inquirere, quæ neutiquàm meliore iure consistunt. earum prior his verbis ab eo proponitur.

*Quando Reges & Principes à Ecclesia veniunt, vt Christiani: fiant, recipiuntur cum pacto expresso vel tacito, vt sceptrum suum subiciant Christo; & polliceantur se Christo fidem seruaturum & defensurum, etiam sub pœna regni perdendi: ergo quando fiunt hæretici aut religioni obsunt, possunt ab Ecclesia iudicari, & etiam deponi à principatu: nec ulla eis iniuria fiet si deponantur.*

Huic rationi respondetur, negando consequentiam.

Nam



Nam licet verum sit, Principes ad Ecclesiam venientes se sceptraque sua Christo submittere, & vel vtrò ea promissa seu tacite seu expresse facere, quæ Bellarminus commemorat: non tamen verum est, nec inde sequitur, eos iudicari & deponi posse ab Ecclesia, vel summo Pontifice, si fidem fallant, & pactum ac iusiurandum negligant. quia summa illa Christi iurisdictio & potestas temporalis in Reges omnes & Mundum vniuersum, quam habet vt Dei filius, nõ competit Ecclesiæ vel Pontifici; sed tantum illa potestas quam Christus sibi assumptit, cum inter homines humano more versaretur, secundum quam Papa Christi vicarius est: vnde ipsemet Bellarminus <sup>2</sup> perbellè, *dicimus*, inquit, *Papam habere illud officium, quod habuit Christus, cum in terris inter homines humano more viueret. Neq; enim Pontifici possumus tribuere officia, quæ habet Christus, vt Deus, vel vt homo immortalis & gloriosus, sed solum ea, quæ habuit vt homo mortalis.* At Christus nullum temporale dominium & potestatem vsurpauit, dum in terris vt homo inter homines ageret, ac proinde neque Ecclesia, vt Ecclesia, neq; Papa vt caput Ecclesiæ, & vicarius Christi, vllam temporalem potestatem habere potest, vt pluribus explicat & probat idem vir doctissimus illo capite. Quapropter licet Reges & Principes, quando ad Ecclesiam veniunt, Christo Deo regnum subiiciant, & Christum iudicem habeant, à quo habent & Regnum: tamen quia de re temporali iudicium est, quando de regno commissio agitur, illum solum iudicem habent; non etiam Ecclesiam vel Papam. Ex quo facile apparet, quàm sint captiosæ illæ rationes & conclusiones, quas Saderus, à quo sua hæc Bellarminus accepit, ex eiusmodi promissis seu tacite seu expresse factis deducit. Nam quod ad illas interrogandi & respondendi formulas, quas inter Papam & Principes ad Ecclesiam accedentes, verbosè & virtuosè confingit: respondendum est, illas ineptè ab eo conceptas esse, & neque debere neque solere in Principum Ethnicorum ad Ecclesiam venientium receptione interuenire, ne Ecclesia aut suspectos eos habere, aut male de iis ominari videatur. Itaque ardens in Christum amor, & presens fidei confessio, vnà cum iis promissis, quibus generaliter spondent se Christo nomen daturus, & eius Ecclesiæ filios futuros, diabolo & eius operibus renunciaturus, Dei & Ecclesiæ mandata seruaturus, & id genus alia, vt recipiantur, abundè sufficiunt. Quæ omnia promittunt quidem

Chri-

Lib. 5. de Rom.  
Pont. c. 4.

Christo, acceptante promissionem Ecclesia, tanquam eius sponsa in cuius sinu regeneratur; aut ipso Pontifice non ut homine, sed ut Christi Dei ministro vicariam operam præbente; ac proinde ipsi Christo, per Ecclesiam vel Papam, obligatio principaliter acquiritur. unde licet alia quoque omnia sponderint, quæ Sanderus fictitiâ sua formulâ comprehendit, & pactum conuentum postea neglexerint, aut prorsus contempserint, ab eo solo puniri possunt, in cuius verba iurarunt, quique omnium rerum temporalium dominus est, & quem supra se iudicem in temporalibus solum habent: non autem ab eo cui rerum tantummodo spiritualium & recipiendæ promissionis cura commissa est.

Atque his quidem simillima sunt, quæ in gubernatione ciuili quotidie obseruari cernimus. Qui ad feudorum successionem aspirant, siue iure hæreditario, siue alio titulo vocentur, non aliter iis frui possunt, quàm si prius in clientelam eius qui feudi dominus est, fuerint recepti, id est, nisi prius sacramentum fidelitatis, quod vulgo *Homagium* siue *Hominium* vocant, conceptis verbis domino præstiterint. Quod si feudum regium sit, in quod succedunt, raro Rex ipse fidelitatis iurandum acceptat, sed ut plurimum per suum Cancellarium, aliûmve ad hoc specialiter delegatû, id operis exequitur. Cancellarius itaque, cum Magnates in verba Regis iurantes, ad feuda & dignitates admittit, eas in ciuili administratione & iurisdictione temporali sub Rege partes obit, quas Pontifex sub Christo in spirituali gubernatione Ecclesiæ, cum Principes ad eam venientes, interposito fidelitatis & pietatis erga Deum sacramento, recipit. Et ut ille quidem clienti semel recepto, (licet postea fidem frangat, crimenque committat quod feloniam vocant) ex nulla causâ feudum auferre potest, quod solius ius Regis sit, minimeque Cancellario concessum: ita neque hic receptos in Ecclesiam Principes, quantumuis grauius postea delinquant, fideique desertores fiant, regnis & ditionibus priuare, aut alio modo *temporaliter* punire potest: quod sit illud soli Deo reseruatum. Quanquam igitur Reges & Principes Christiani sunt in Ecclesia, & quatenus filii Ecclesiæ, sunt Ecclesiâ & Pontifice inferiores, tamen quatenus ipsi supremum magistratum temporalem in terris gerunt, inferiores non sunt, quin potius superiores: & ideo licet fortè regnum ex pacto tacito vel expresso commiserint, id illis tamen auferre neque populus, neque Pa-

pa, neque Ecclesia potest: sed solus Deus Opt. Max. à quo omnis potestas est, & quo solo in ciuili administratione minores sunt. Nec vnquam poterit vel Bellarminus, vel alius quispiam, efficax aliquod testimonium ex vllius seculi monumentis eruere, quò nobis planum faciat, Reges & Principes seculares, dum ab Ecclesia ad fidem reciperentur, ita iuri suo renunciasse, vt & Imperium temporale, quod à Deo acceperant, prorsus deponeret, & seipsos in negotiis politicis iudicandos, pœnaque temporali plectendos, Ecclesiæ subiicerent. Hoc autem si nemo eorum demonstrare possit, necesse est fateantur Reges & Principes eodem iure, eademque libertate & authoritate, regna atque Imperia sua post fidem susceptam retinuisse, quibus antequàm ad Ecclesiam venissent possidebant: quia, vt aduersarii fatentur, *Lex Christi neminem priuat iure suo*. Si ergo ante baptismum neminem super se iudicem in temporalibus, præter solum Deum, habebant; neminem quoque post baptismum habere potuerunt. Sed hac de re plura, in primæ rationis refutatione, diximus. Boziana deliria nihil hîc moror.

Quod autem huic quartæ rationi subiicit. *Nam non est idoneus sacramento baptismi, qui non est paratus Christo seruire, & propter ipsum amittere quicquid habet.* ait enim Dominus Luc. 14. *Si quis venit ad me, & non odit patrem, & matrem, & uxorem, & filios, adhuc autem & animam suam, nō potest meus esse discipulus;* id quorsum spectet non video. nemo certè hoc negat. Sed quid inde? talis ratio non magis ad institutum pertinet, quàm quod est remotissimum. vt nec illud quod ibi sequitur; *præterea*, inquit, *Ecclesia grauiter erraret, si admitteret aliquem Regem qui vellet impunè fouere quamlibet sectam, & defendere hæreticos, ac euertere religionem*. Est hoc sane verissimum. Sed, vt dixi, nihil ad institutum pertinet. Non enim de ea re hîc quæstio est; sed de potestate temporali Ecclesiæ, siue summi Pontificis, qui eius Vicarium sub Christo caput est: num eam scilicet potestatem habeat, quâ Reges & Principes ritè receptos, si postea fidem sefellerint, ac susceptum in lauacro regenerationis officium deseruerint, temporalibus pœnis coercere possit, necne. huius autem quæstionis neutra pars, hisce sequelis & appendicibus, vel probatur, vel improbatur: ob eamque causam missas facio.

## C A P. XXV.

**Q**uinta & postrema ratio est, ex cura & officio Pasto-  
rali. Cùm Petro dictum est, inquit, *pasce oves*, Ioan. ult.  
*data est illi facultas omnis, qua est Pastori necessaria ad gregē tu-*  
*endum. at pastori necessaria est potestas triplex, nimirum una cir-*  
*ca lupos, ut eos arceat omniratione qua poterit: altera circa arie-*  
*tes, ut si quando cornibus ladant gregem, possit eos recludere: ter-*  
*tia circa oves reliquas, ut singulis tribuat conuenientia pabula:*  
*ergo hanc triplicem potestatem habet summus Pontifex.*

Ex hoc principio & fundamento tria, ut illi videtur, ar-  
gumenta vrgentia deducuntur. Sed ne longius abeat, re-  
spondeo inprimis ad istud ipsum fundamentum, totum  
quidem verum esse, ac pro me stare, atque inde cōtrarium  
eius quod ipse asserit bellissimè colligi posse. colligi in-  
quam, summum Pontificem nullam omninò temporalem  
potestatem habere, aut exercere posse in Principes Chri-  
stianos, quatenus Christi vicarius, & D. Petri successor  
est: quinimo non esse necessariam eiusmodi potestatem  
Pontifici, ad munus suum pastoritium obeundum explen-  
dumque.

Id autem hoc argumento euidenter concluditur. Chri-  
stus commendando suas oves Petro, dedit ei omnem po-  
testatem necessariam ad tuendum gregem. Atqui non de-  
dit ei potestatem temporalem: ergo potestas temporalis  
non est necessaria ad tuendum gregem. Deinde progre-  
diemur hoc modo; Absurdum est summum Pontificem,  
quatenus successor est B Petri, habere plus potestatis, quā  
habuit ipse Petrus: at Petrus nō habuit vllam potestatem  
temporalem in Christianos: ergo nec summus nunc Pon-  
tifex, quatenus successor eius est.

Prioris ratiocinationis propositio, extra omnem con-  
trouersiam est. Assumptio autem probatur testimonio &  
confessione ipsius Bellarmini. Nam libro quinto de Rom.  
Pontif. <sup>1</sup> ubi suam de his rebus sententiā, similitudine car-  
nis & spiritus, stabilire conatur, sic scribit: *Vt enim se habent*  
*in homine spiritus & caro, ita se habent in Ecclesia dua illa pote-*  
*states. Nam caro & spiritus sunt quasi dua Respublica, quae & se-*  
*parata & coniuncta inueniri possunt. inuenitur spiritus sine carne*  
*in angelis. & paulò pòst. Ita prorsus politica potestas habet suos*  
*Principes, leges, iudicia, &c. similiter Ecclesiastica suos Episcopos,*  
*Cano-*

Cap. 6.



*Canones, Iudicia. Illa habet pro fine temporalem pacem; ista, salutem eternam. Inueniuntur quandoque separata, ut olim tempore Apostolorum: quandoque coniuncta, ut nunc.*

Si separata erant hæ potestates tempore Apostolorum, ut erant reuera, & de iure & de facto: consequitur necessario, D. Petrum nullam habuisse temporalem potestatem, alioqui falsum esset eas fuisse separatas. Nam si similitudini ab eo propositæ locus est, consequens erit, ut quemadmodum nihil carneum in angelis reperitur, nihilque in brutis spirituale: ita tempore Apostolorum, nihil temporalis potestatis in Ecclesia esset, aut spiritualis in humana politia. Ergo fatendum est, vel potestatem temporalem non esse necessariam summo Pastori Ecclesiæ, vel ipsum tunc Principem Apostolorum, & summum Pastorem D. Petrum, non omnibus rebus ad pastoralis officii curam necessariis munitum instructumque fuisse. Hoc autem ex diametro opponitur ei quod in sua ratione fundamētali, ut ita loquar, iam dixerat. *datam scilicet esse Petro facultatem omnem necessariam ad regem tuendum.*

Lib. 2. de Rom.  
Pont. cap. 29.

Idem etiam probatur ex eo, quod tota potestas politica & temporalis pendebat tunc ab Ethnicis Principibus, quibus ipsemet Petrus, teste Bellarmino<sup>1</sup>, quamuis Ecclesiæ caput, & Christi vicarius, de iure & de facto in temporalibus subiiciebatur: ex quo sequitur D. Petrum vel nulla potestate temporali præditum fuisse, vel eam ab Ethnicis Principibus accepisse: alioqui, ut modò diximus, falsum esset has potestates fuisse tunc separatas. At certum est eum nullam ab istis accepisse; proinde nec ullam habuisse. Et verò hæ rationes apertiores sunt, quàm quibus aliquis sine fraude reniti & repugnare possit. ut mirum sit, homines eruditos, cæteraque pios, ita zelo quodam inconsiderato occæcari, ut dubia pro certis, pro perspicuis obscura, pro rectis contorta, pro expeditis denique inuoluta & implicata multis controuersis & contradictionibus, amplecti & sequi non dubitent. At sedem Apostolicam huiusce potestatis & autoritatis accessione amplificare & ornare student. Ecquis verò Catholicus, propēsus in sedem illam animos, vnde fidei nostræ fundamentum & firmamentum est, non laudet? Quod sedem illam ornant, & efferunt, quā nemo satis pro dignitate laudare possit, eos equidem laudo: sed quod plus ei tribuunt quàm oporteat, idque magno cum multorum scādalo, id ego sane non laudo. Nam

& nos quoque non minus eam ipsam sedē veneramus, non minus amamus, suspicimus, admiramur: utpote quæ verē sedes Petri est, & in petra qui Christus est collocata, omnes hæreses superavit, atque in Ecclesia summum iure principatum obtinet. Sed ne eam isto potestatis incremento augeamus, verat veritas: testimonium nobis perhibente cōscientia, coram Deo & Domino Iesu, ante quem in die reuelationis iusti iudicii, & hæc nostra, & illa ipsorum scripta, suis signata meritis apparebunt.

Non est ergo quoddam superiorem pro se rationē adferant. Nam Christus quando Petro dixit: *Pasce oves meas*, constituit eum quidem pastorem gregis sui; sed pastorem spirituales, non temporales: deditque ei omnem facultatem ad id muneris necessariam: ex quo patet temporalē potestatem non esse Pontifici necessariam: quia Christus eam Petro non contulit. Nec usquam accepimus, aut D. Petrum, aut alium quemlibet Apostolorum, temporali potestate functum esse, cuius Imperio in Christianæ fidei desertores, seu directē seu indirectē (ne quis in verbis vim faciat) civilibus pœnis Magistratuum more animaduerteret. Verum quidem est, effectum esse aliquando, ut spirituales sententiæ pœna temporalis, veluti mors aut cruciatus, per miraculum sequeretur; indigente nimirum tūc signis ac prodigiis ad firmandam fidem Ecclesia. cuiusmodi supplicia longē maiorem Christianis animis metum incutiebant, quàm si humano more, pœnas Potestati civili pendissent. Atque hoc nimirum illud est, quod ad Corinthios scribit Apostolus <sup>1</sup>, *quid vultis? in virga veniam ad vos, an in charitate & spiritu mansuetudinis?* Virgam vocat hanc potestatem spirituales, quæ, Deo mirabiliter operante, temporales etiam effectus tunc temporis producebat: ut etiamnum aliquando, apud populos recens Christo luctifectos, pari de causa producit.

1. Corinth. 4.

## CAP. XXVI.

**H**Æc cum ita sint, facilius nobis via sternitur ad eorū argumentorum refutationem, quæ Bellarminus ex superiore suo fundamento, à nobis iam explicato, & in ipsum retorto, deducit. Concidunt enim, partim suo pre vitio, partim quoddam fundamento cui superstruuntur nō satis cohærent. Nam primū ex eo quoddam *pastori necessaria est potestas circa lipos, ut eos arceat omni ratione qua poterit*, ra-

G

tioci-

riocinatur hoc modo. *Lupi qui Ecclesiam Dei vastant, sunt heretici: ergo si Princeps aliquis ex oue aut ariete fiat lupus, id est, ex Christiano fiat hereticus, poterit pastor Ecclesie eum arcere per excommunicationem, & simul inbere populo, ne eum sequantur, ac proinde priuare eum dominio in subditos.*

Sed fallitur aut fallit, coniiciendo vera simul & falsa in eandem conclusionem. Nam quod ait, pastorem Ecclesie posse arcere Principem hæreticum per excommunicationem id quidem verum est, & ex principio illo necessaria consecutione deriuatum. Sed posse quidem, non etiam debere, nisi cum id sine scandalo, & Ecclesie detrimento, commodè facere possit: vt superius ostendi. <sup>1</sup> Nam vbi periculū est, ne pax Ecclesie dissoluatur: nève *membra Christi per sacrilega schismata lanientur*, diuina disciplina seuera misericordia necessaria est (id est, totum diuino iudicio & vltioni relinquendum est) *Nam consilia separationis* (id est excommunicationis) *& inania sunt & perniosa atque sacrilega quia & impia & superba sunt, & plura perturbant infirmos bonos, quā corrigunt animosos malos.* Hæc S. Augustini doctrina est <sup>2</sup>, cōmuni Ecclesie calculo approbata <sup>3</sup>: ex qua patet, quā temerè & imprudenter Pontifices quidam, Imperatores, & Reges potentissimos, cum magno totius orbis scandalo, & pacis Ecclesie dissolutione, per excommunicationē ab Ecclesia separarint, quos longè satius fuisset tollerasse, & eorum delicta indicasse tantū, atq; cum gemitu in Ecclesia luxillis, propter compensationem custodienda pacis & unitatis, & propter salutem infirmorum, & tanquam lacerantiū frumentorum, ne *membra corporis Christi per sacrilega schismata lanientur* <sup>4</sup>. Potuerunt igitur hoc facere Pontifices, sed nō debuerunt. *Non omne quod licet, honestum est.* Scitè Apostolus <sup>5</sup>, *omnia mihi licent, sed non omnia expediunt.* Prima igitur conclusionis pars vera est, posse scilicet pastorem Ecclesie arcere Principes hæreticos per excommunicationem.

Quod autem sequitur, *& simul inbere populo ne eum sequantur*: Duas habet anfas, vt cum Epicteto loquar, vnā integram, alterā fractā. Duplicem inquam intellectū; verum vnum, & vitiosum alterū. Nam si id eō dicat, quōd Pontificis sit præcipere subditis, ne Principem hæreticum in sua hæresi sequantur, ne vnā cum eo insaniant & damnatos errores combibant; nève corruptis eius moribus sese infici & inquinari patiantur: æquè verum est, & ex eodem principio

1 Cap. 9.

2 Lib. 3. c. 2. controuer. epist. Parmeniani.

3 23. qu. 4. can. non potest.

4 Aug. vbi Sup.

5 1. Cor. 6. & 10.

principio & fonte rectissimè deriuatum : estque hic verborum illorum sensus optimus. Nihil enim Pontificali dignitati, & Ecclesiastico ordini vniuerso, tam conueniens est & decorum, nihilque populis Christianis tam vtile & necessarium, quàm vt ad instar antiquorum Patrum Ecclesiæ, ipsemet in primis Pontifex Max. ceterique eius fratres omnes, prædicent verbum, & instent opportunè, importunè, arguant, obsecrent, increpent, in omni patientia & doctrina<sup>1</sup> : vt tanquam testes fideles, & serui boni, quos Dominus constituit super familiam suam, id agant verbo & exemplo, ne populus Regis sui errores sectetur, neu fidem Catholicam vllis aut minis, aut muneribus regiis dissimulet, deseratve. Quod quoniã plerique ipsorum aut omnino nunc non faciunt, aut segnius certe multò quàm oportet, & quam ipsimet prouinciam obire debent, mendicis quibuscumque fraterculis mandant : quid mirum si multi nostro seculo, à caulis dominicis in casses diabolicos, errorum velut turbine ac tempestate, abripiantur? Hic sensus, vt dixi, optimus est. At non eo tamè sensu loqui Bellarminum, cum causa ipsa quam agit, tum clausula hæc sequens, *ac proinde priuare eum dominio in subditos*, palàm demonstrat. Fractam igitur ansam nobis porrigit, sensum certè vitiosum, & planè pessimum. Pastorem scilicet Ecclesiæ, subditis iubere posse, ne vlla Principis eiusmodi mandata capestant, & ne vllum ei obsequium, reuerentiam, obedientiam, honorem, in iis quæ ad temporalem & politicam gubernationem pertinent, vllò modo exhibeant; *ac proinde priuare eum dominio in subditos*. hoc autem falsum est, & legi diuinæ ac præceptis Apostolicis contrarium. *time Dominum, fili mi, & Regem*<sup>2</sup>. *Admone illos Principibus & potestatibus subditos esse, dicto obedire*<sup>3</sup>. *Subiecti estote omni creatura propter Deum; siue Regi, quasi præcellenti. Deum time, Regem honorificate*:<sup>4</sup> & id genus alia. Quæ cum de Regibus impiis, & Ecclesiæ persecutoribus dicta sint (quippe non alii tunc rerum potiebantur) non possunt ad Reges pessimos non pertinere, hoc ergo est quod dixi, fallere eum, aut falli, coniiciendo vera simul & falsa in eandem conclusionem. Verum enim est, Pastorem Ecclesiæ posse arcere Principem hæreticum, per excommunicationem; falsum autem, posse priuare eum dominio in subditos. Nam obedientia Regibus, & superioribus omnibus debita, est iuris naturalis & diuini: qui possit igitur summus Pontifex, aduersus eam cum populis vllò modo dispensare?

1 2. Tim. 4.

2 Prou. 24.

3 Tit. 3.

4 1. Pet. 2. j



Nam qui Scripturas sacras diligentius & subtilius perscrutantur, duplex præceptorum Pauli genus animaduertunt: vnum eorum quibus ius diuinum, ad quod prædicandum missus erat, promulgat, & Dei voluntatem, in vetere aut noua lege comprehensam, proponit exponitque. cuiusmodi præceptis innumeris epistola eius refertæ sunt, in quibus & hæc sunt, quæ de obsequio & reuerentia Regibus ac Principibus exhibenda præcipit. Alterum verò genus eorum, quæ non a lege naturæ aut expresso Dei verbo pendunt; sed quæ per humanam prudentiam Dei gratia adiutam, ad ordinationem diuini cultus, ipsemet Apostolus propria authoritate constituit. veluti ne bigamo aut percussori mandetur episcopatus <sup>1</sup>. ne vidua non sexagenaria ad diaconissæ officium <sup>2</sup> eligatur, & similia. Atque inter hæc præcepta id interest, quod in iis quæ sunt posterioris generis, summus Pontifex ex causa dispensare possit: habet enim non minorem in dispositione & ordinatione Ecclesiæ potestatem, quam ipsemet Apostolus; quod ei, ut vicario Christi, & Petri successori, Ecclesia tota commissa sit: quodque decessorum suorum legibus non obligetur. In illis verò quæ priore genere continentur, nullam penitus habet dispensandi facultatem <sup>3</sup>: quia *non est discipulus super magistrum, neque seruus super dominum* <sup>4</sup>. Nec potest inferior superioris sui legem infringere, aut eius alicui gratiam facere. Quæ de causa Speculator negat, Papam posse aliquem à licito iuramento absolueret, <sup>5</sup> quod obligatio seruandi iurisiurandi, Deoque reddendi, sit iuris naturalis & diuini: Negant & alii, Papam posse dispensare cum aliquo teste, ut ei iniurato credatur in iudicio <sup>6</sup>. Et Innocentius III. Pontifex rescripto suo testatur, Papam non posse Monacho licentiam indulgere, ut aut rerum quarundam proprietatem habeat, aut uxorem <sup>7</sup>.

Non me latet quàm alienam & nugace explicatione, interpretes quidam Canonistæ, qui Papæ potestati omnia subiiciunt, locum illum Innocentii, reluctanter melioris notæ Theologis, à propria & genuina verborum significatione desleant. Facebat illis negotium credo, quod audierant Constantiam Rogerii Nortmāni filiam monialem, à Clemente III.eductam de monasterio Panormitano, ut Henrico VI. Friderici Ænobarbi filio nuptum traderetur (de qua Archiepiscopus Florétinus scribit <sup>8</sup>, eam, cum annum iam ageret quinquagesimum, & diu monasticam religio-

1 1. Tim. 3. Tit. 1.

2 1. Timoth. 5.

3 Ioan. de turre cremata in can. lector. dist. 34.

4 Matt. 10.

5 Tit. de legato. 5. nunc ostendendum. num. 24.

6 Hippolyt. de Marfil. sing. 214.

7 Cap. cum ad monast. de stat. monachor.

8 Part. 3. tit. 19. cap. 6.

religionem esset professa, peperisse Fridericum II. atque ut omnem de partu supposito suspensionem tolleretur, *in medio cuiusdam plateæ Panormi sub papilione*, publicè fuisse enixam: edicto antè proposito, ut fœminis omnibus adessè liceret, quæcunque ad spectaculum venire vellent. *Natus est ergo Fridericus isto*, inquit, *ex moniali iam quinquagenaria*) & quod etiam audierant alium Papam indulsisse Regi cuidam Aragoniæ, ut ex monacho maritus fieret. Quapropter homines isti, Canonistæ inquam, supra modum Pontificibus addicti, cum nollent talia facta reprehendere, ne ambitiosis Papis gratiam adimerent, & non ignorarent verba rescripti ab Innocentio III. emissi, contrarium prorsus asserere, ad illas interpretationis ineptias confugerunt, quas piget huc referre, ne lectorem nugis distineam. At multò illis facilius fuisset, rescripti veritatem & æquitatem tueri, quàm ex singularibus & iniquis Pontificum factis, velut ex quadam viuèdi regula, ius certum velle inducere. Sinamus Pontifices factorum suorum rationem Deo reddere, nec eos in omnibus imitemur. Quòd si quis fortè talia nobis facta ad exemplum proponat, respondebimus cum Ioan. de Turre crem. Syluestro, Soto, & aliis viris doctissimis: esse hæc tantùm facta Pontificum, non decreta; & *facta Pontificum non facere fidei articulum. & aliud esse facere de facto, aliud determinare quod ita possit fieri de iure*. Ego, inquit Syluester, etiam vidi Pontificem facientem maiora cum scandalo totius Christianitatis. & Ioan. de Turre crem. de illicitis dispensationibus loquens, *quod si ita aliquando fuerit factum*, inquit, *per aliquem summum Pontificem, aut ignarum in literis diuinis, aut excacatum cupiditate pecuniarum, qua pro talibus exorbitantibus dispensationibus solent offerri, aut ut complaceret hominibus: non sequitur quod potuerit iustè facere*. Ecclesia iuribus & legibus regitur, siue debet regi, non talibus actibus, siue exemplis.

## C A P. XXVII.

**M**ultorum igitur doctissimorum hominum sententia est, Papam non posse voti gratiam religioso facere, ut rerum quarundam proprietatem habeat, vel uxorem, secundum verum & simplicem verborum Innocentii intellectum. Et tamen, si quantum res à rebus distant diligentius perquirere, & eas inter se propriis differentiis & conuenientiis, recto iudicio componere velimus: erit certè cur fateamur, longè minorem absoluendi populum à

iurifurandi religione, qua fidem suam Principi libens volens licitè obstrinxit, quàm religioforum vota relaxandi, facultatem Pontifici esse tributam: vt quamuis in hoc fortassis, opinione quorundam, aliquid de plenitudine potestatis efficere posse videatur: in illo tamen planè nihil eum posse putandum sit. Tum quia totus ordo monachalis, aliiq; in Ecclesia ( vt quidam volunt ) ab humanis constitutionibus, & iurepositiuo profecti sunt, in quos idcirco plena & omnimoda Pontifici potestas est, vti superius paulò diximus. At submissio & obedientia Regibus ac Principibus, atq; omnibus omninò præpositis & superioribus debita, est iuris naturalis & diuini, vtroq; testamento confirmata. Nam licet de iure humano sit, vt hac aut illa Reipublicæ forma vtamur, vel hunc aut illum Principem habeamus: tamen vt eum quem semel accepimus reueremur, eique in omnibus, quæ Dei mandatis non repugnant, submissè pareamus, non humanæ solùm, sed naturalis & diuinæ ordinationis est: idque neminè arbitror negaturum. *qui potestati resistit, Dei ordinationi resistit.* inde fit, vt q̃ initidū arbitrii & voluntatis erat, id post datam de subiectione fidem, statim in obsequii necessitatem conuertatur.

1 Appellat vicarium caput, respectu Christi.

Tum etiam, quia ex voto religionis soli Deo & Ecclesiæ, cuius vicarium caput Papa est, obligatio acquiritur: ac proinde si Papa, cui libera negotiorum omnium Ecclesiæ procuratio dispensatioque permessa est, obligationem Ecclesiæ quasitam, velut genere quodam nouationis in aliâ obligationem transfuderit, simulque Domino Deo, qui principalis in eo negotio creditor est, satisfactum esse maioris boni promissione vel facto, interpretetur: haud absundè fortassis dici poterit, à prioris voti! & promissi nexu liberationem contingere: nisi id obstare quis putet, quod voti liciti transgressio, simpliciter & ex sua natura malum sit: malum autem nullius boni quantumuis magni, obtinendi causa facere permissum sit <sup>2</sup>. sed eius obiectionis dissolutio perfacilis est.

2 Rom. 3.

At longè secus res se habet de iureiurando, quod homines alterius obligationis confirmandæ causa, sponsonibus & pactis suis adhibere solent: tale siquidem iuramentum accessio quædam est illius obligationis, cui securitatis ergo adiicitur, sicut fideiussio, aut nexus pignoris: ac propterea licet iuramentum Deo reddi dicatur, tamen non Deo principaliter, sed homini cui iuratum est, acquiritur hoc casu

*casu obligatio: quia per iuramentum iurans non intendebat placere Deo, sed satisfacere proximo.* <sup>1</sup> quo fit, ut is cui iuratum est, multo plus iuris ex illo iureiurando nanciscatur, multoq; plus potestatis in eo vel retinendo, vel remittendo habeat, q̃ Ecclesiæ in voto concessum est. Ecclesia namq; siue Papa (ut ii etiam fatentur, qui eius arbitrio omnia subiiciunt) non sine magna & iusta causa disp̃sare in voto solenni religionis potest. At verò is cui alius fidem suã, ex causa dandi vel faciendi, iureiurando obstrinxit, potest & solus, & sine causa præter meram voluntatē, liberare in totū iurisiurandi religione promissorē; eiq; id quicquid est accepto ferre: ita ut eius solius veniã impetratã, neq; amplius Pontificia absolutione ei opus sit, neque si non præstiterit quod promisit, periurii reus coram Deo habeatur. Homo igitur est hoc casu, qui vel vinctum detinere, vel liberum dimittere, arbitrato suo potest. Quæ quoniam consensū omnium ita se habent: quĩ fieri potest, ut obligationē alicui iure optimo quæsitã, iure inquam naturali, diuino, & humano, per iusiurandum omni ex parte licitum, licito contractui appositum, summus Pontifex inuito creditori auferat? cū non sit in hac specie, sicut in superiore, interpretationi locus, per quam præsumatur satisfactū esse ei, cui principaliter fuit iuratum: contradicente nimirū & contrariū ostendēte creditori: quandoquidē præsumptio veritati <sup>2</sup> cedit.

Sed esto, auferre ex causa possit, & promissorem iurisiurandi vinculo liberare (ne de ea re amplius cum Canonistis hĩc contendam) auferat igitur: quid ei deinde facto consequens in nostro hoc negotio videtur? liberum fore populum, dices, ab Imperio & subiectione Principis, statim atque iurisiurandi nexu solutus est. itane verò? An non perspicis iusiurandum hoc, non esse nisi accessionem tantum confirmatricem illius obligationis, qua fides & obedientia Principi promissa est? an ignoras accessiones tolli & liberari posse, sine interitu principalis obligationis? non enim ut principali non consistente tolluntur accessiones, ita & sublati accessionibus interit principale. Manet ergo adhuc obligatio cui iusiurandum accesserat: quæ quoniam iuris naturalis & diuini est, non minùs tenet hominum mentes & conscientias apud Deum, quàm si esset iuramento sustentata. *quia Dominus inter iuramentum & loquelã nostram, nullam vult esse distantiam:* <sup>3</sup> quantum ad fidem pro-

<sup>1</sup> Panorm. in c. 1. nu. 4. de iureiur.

<sup>2</sup> L. ult. D. quod met. ca. l. continuus. 137. §. cum ita. D. de verb. oblig.

<sup>3</sup> Can. iuramentum 22. q. 5.



propter contemptum numinis; & licet in foro etiam exte-  
riore periurium, propter promissi solemnitatem, grauius  
vindictetur, quàm neglecta fides simplicis sponſionis.

Quod si & hanc quoque obligationem Pontifex *de A-  
postolica potestatis plenitudine*, rescindere, subditosque à Re-  
gis iugo liberare voluerit: atque iis præcipere, ne qua in re  
Principi suo, *eiusue monitis, mandatis, & legibus, sub poena  
anathematis audeant obedire*. Nonne huic præcepto Papæ  
obſistere videbitur expreſſum Dei mandatum de Regibus  
omni obsequio honorandis? Annon liceat facere, in eiuf-  
modi negotio & causa omnium maxima, quod Pontificii  
interpretes in leuioris momenti controuersis solent? Nē-  
pe, de hac plenitudine potestatis solerter inquirere, eōne  
vſque se extendat, vt quod Deus diſertè iubet, id per illam  
diſertè prohibeatur? aut quod Deus expreſſè fieri vetat, id  
per illam licitè iubeatur? Deus per Salomonem iubet me-  
timere Regem: & per Apostolos, Regem honorificare, eiq;  
subiectum eſſe, & obedire. Hoc certè & naturalis & diuini  
iuris præceptum eſt: vt inferior ſcilicet superiori pareat,  
quamdiu id non vetet ille, qui eſt vtroque superior in eo-  
dem potestatis genere: is autem in causa Principis & popu-  
li, siue inter populum & principem, quando de imperio &  
subiectione temporali agitur, eſt ſolus Deus, quo ſolo Rex  
in temporalibus minor eſt, vt in ſpiritualibus Pontifex.

Cū itaque nemo non ingenuè fateatur, plenitudi-  
nem Apostolicæ potestatis non tantam eſſe vt in iis, quæ  
expreſſo Dei verbo prohibita ſunt aut præcepta, Pontifex  
diſpensare vſlo modo poſſit (quo axiomate Bellarminus  
præcipuè nritur, dum vult oſtendere *Papam non poſſe  
subiicere ſeiſum ſententia coactiua Conciliorum*: <sup>1</sup> *Papa pote-  
ſtas ſuper omnes, eſt de iure diuino*, inquit, *at non poteſt Papa diſ-  
pensare in iure diuino*) nihil mirari oportet, ſi mandata di-  
uina de Rege timendo & honorando, multorum ſubdito-  
rum animis ita infideant, vt nullum contrariis præceptis  
locum præbeant, ſed omninò in id incumbant, ne aduer-  
ſantibus Pontificum edictis, abſolutoriis ſimul & prohibi-  
toriis, in ea re mos geratur. Sæpe mihi à Magnatibus, & vi-  
ris minimè malis dictum eſt, præceptum illud diuinum de  
Regibus honorandis, tanti apud ſe eſſe, & tam altas in ani-  
mum radices egiſſe, vt nullis bullis & indulgentiis con-  
trariis, leuari ſe poſſe conſcientiæ falſe & ſcrupulo atq; in  
interiore homine ſecuros eſſe, ſibi perſuadeant: quo mi-  
nus

nus tam clarum & manifestū iuris naturalis, & diuini mandatum exequantur, & promissum ac debitum suo Principi obsequium præstet. Atque hæc quidem causa est, cur pauci de Nobilitate ab Henrico I V. Imp. nulli à Philippo Pulchro, nulli item à Ludouico XII. Gall. Regibus, propter Bullas & censuras Pontificias, depositionis sententiam continentes, defecerunt. Nam ne quā erremus, tenendum est, Apostolicæ potestatis plenitudinem eam tantū potestatem complecti, quam Dominus Iesus Dei filius, cū in hoc mundo versaretur, vt homo inter homines habere voluit; & eatenus Papam referre nobis Christum, & eius esse Vicarium (vti suprà ex eruditissimi Bellarmini doctrina ostendimus) non autem potestatem illam, quam vt Dei filius, Deus ipse Patri æqualis ab æterno habuit, & diuinitatis suæ omnipotentia reseruauit: de qua ait, data est mihi omnis potestas in cælo & in terra.<sup>1</sup>

1 Matth. ult.

Quamquam video quosdam vsque adedò ineptire, aut potius insanire, vt hanc omnipotentiam Pontifici etiam tributam asserant, eiq; probando insigne vanitatis suæ argumentum hoc modo contexant. *Christus commisit summo Pontifici vices suas, vt habetur Matth. 16. & cap. 24. q. 1. can. quodcumque. Sed Christo data erat omnis potestas in cælo & in terra Matth. 28. Ergo summus Pontifex, qui est eius vicarius, habet hanc potestatem. extra de translat. cap. quanto.* Ita Petrus Bertrandus in suis additionibus ad gloss. extrauag. Vnam sanctā. de maior. & obed. qui & hoc præterea ausus est addere, quod parum à blasphemia abest. *Nam non videretur Dominus discretus fuisse (vt cum reuerentia eius loquar) nisi vnicum post se talem reliquisset, qui hac omnia posset.* Eratne huic homini cerebrum? Non mirum si Ioan. Gerson dixerit *puillos*, hoc est, Christianos simplices & ignaros, ab eiusmodi glossatoribus & postillatoribus imperitis deceptos, *estimare Papam vnum Deum qui habet potestatem omnem in cælo & in terra.* certè tales adulatores iudicium & mores multorum Pontificum corruperunt. Non mirum etiam, si Pius V. Pontifex Martino Aspilenetæ dixerit, *Iurisconsultos* (Canonistas, opinor, intellexit) *solitos esse plus satis potestatis tribuere Papa*<sup>2</sup>. De quibus Ioan. De Turre cremata,<sup>3</sup> *mirum est, inquit, quod summi Pontifices loquantur moderatè de potestate eis data: & quidam doctores, sine aliquo vero fundamento, volunt adulando eos quasi equiparare Deo.* quod pertinet, quod scribit Cardinalis de Cusa, vir in omni Philosophia diuina

2 Nauarr. in cōmen. can. non liceat Papæ. 12. quæst. 2.

3 In Can. conjunctiones. 35. quæst. 2.

& humana, atque etiã in historiis apprimè versatus, quosdam nempe scriptores *volentes Romanam sedem omni laudè dignam, plusquam Ecclesia sancta expedit, & decet, exaltare. fundare se in scriptis apocryphis* atque ita Papas populosque decere.

## C A P. XXVIII.

**E**Rror autem istorum hominum, quo potestatem omnem, & diuinam & humanam, Papæ tribuunt, partim ex scriptis apocryphis, vt dictum est: partim ex rescriptis quibusdam Pontificis, obscurius paulò quàm oportuit conceptis, & malè ad literam, vt aiunt, intellectis, creatus est. Nam, vt verè dicam, nihil nudis & meris Canonibus imperitus: quod nō de humaniorum literarum cognitione, & sermonis proprietate intelligi tantum volo: ferenda quippe in illis eiusmodi ignorantia est, tanquã cōmune seculi illius, quo scripserunt, malum: sed de artis etiã quam profitentur scientia, quam infinitis distinctionum & opinionum varietatibus obscurarunt. Maxima enim ipsorum pars in Canonibus & Constitutionibus Pontificis hærebant. nullum aut perexiguum extrinsecus adiumentum ex Theologia, & aliis scientiis, vt oportuit, quærentes. Rescripta illa de quibus loquor, & quæ hominibus istis errorum creauerunt, extant sub titulo, *de translatione Episcop.* In quibus Innocentius III. comparat Matrimonium spirituale, quod contrahitur inter Episcopum & Ecclesiã, cum Matrimonio carnali, quod est inter virum & mulierẽ: primum in eo, quod quemadmodum carnale matrimoniũ sumit initium a sponsalibus, & fit ratum per nuptias, & consummatum per corporum commisionem: sic & spirituale fœdus coniugij, quod est inter Episcopum & Ecclesiã, in electione initiatum, ratum in confirmatione, & in cōsecratione intelligitur consummatum. Deinde in eo, quòd sententia Domini & Saluatoris in Euangelio. *Quos Deus coniunxit, homo non separet:* de utroque Matrimonio, tam carnali quàm spirituali intelligenda sit. Cùm ergo fortius sit spirituale vinculum quàm carnale, inquit, dubitari non debet, quin Omnipotens Deus spirituale coniugium, quod est inter Episcopum & Ecclesiã, suo tantum iudicio reseruauerit dissoluendum, qui dissolutionem etiam carnalis coniugij, quod est inter virum & fœminam, suo tantum iudicio reseruauit, precipiens, vt quos Deus coniunxit homo non separet: & rursus, *Sicut legitimi Matrimonij vinculum, quod est inter virum & uxorem, homo dissoluere nequit.*

1. Cap. 2. 3. & 4.

quit, Domino dicente in Euangelio; <sup>1</sup> Quos Deus coniunxit, homo Matth. 19.  
non separet: sic & spirituale fœdus coniugii, quod est inter Episcopum & Ecclesiam, sine illius auctoritate solui non potest, qui successor est Petri, & vicarius Iesu Christi.

Ac ne quis obiiceret, Si Deus vtriusque coniugii, tam carnalis quàm spiritualis, dissolutionem suo tantùm iudicio referuauit, & vinculum spirituale fortius sit quàm carnale: quì fieri potest, vt summus Pontifex, quem constat hominem esse, vinculum illud spirituale possit dissoluere? respondet ibi Innocentius, id ea ratione fieri, quod nō humana sed diuina potestate separentur, qui auctoritate Romani Pontificis, per translationem, depositionem, aut cessionem, ab Ecclesia remouentur. Non enim homo, inquit, sed Deus separat, quos Romanus Pontifex (qui non puri hominis, sed veri Dei vicem gerit in terris) Ecclesiarum necessitate vel utilitate pensata, non humana sed diuina potius auctoritate dissoluit.

Hæc illa sunt, quibus homines isti in præcipientem errorem deferuntur; vt quicquid à Papa fiat, à Deo factum esse putent: quod verba nimirum Innocentii hunc sensum præseferant. Nullus est, fateor, in iure Pontificio locus, verbis quidem planior & apertior, intellectu autem difficilior: adeò vt in eo explicando, interpretum omnium ingenia concidant. Nam quid magis intelligenter, planè, & perspicuè dici potest, quàm Non hominem sed Deum separare, quos Romanus Pontifex separat seu dissoluit? aut quid cui magis consequens, quàm hoc illi, Romanum ergo Pontificem posse dissoluere matrimonium inter coniuges carnali copula consummatum? qua conclusionem tamen nihil falsius, ac proinde illud ex quo sequitur, falsum esse fatendum est: quandoquidem sequi falsum ex vero nunquam potest. Quod cum animaduertisset Hostiensis, cum inquam rationem illam tam alienam perpendisset: <sup>2</sup> Sed illa ratio, inquit, non  
est sufficiens, salua auctoritate & reuerentia reddentis, nisi aliter intelligatur: quia secundum illam sequeretur, quod etiam matrimonium carnale diuidere posset auctoritate sua. At Hostiensis tamen non aperit nobis, quomodo aliter intelligi debeat: nec potest se inde extricare, vt salua veritate sententiam sustineat. Nam quod arbitratur eam intelligi posse de matrimonio carnali, quod, vt ille ait, ante carnis copulam communi consensu, auctoritate Papa interueniente, dissolui possit: arg. cap. 2. & cap. ex publico. de conuers. coniugat. Illa certè interpretatio omni prorsus auctoritate & ratione deficitur.

<sup>2</sup> In summa de elect. nu. 25.

Nam



Nam quod attinet ad rescripta ab eo allegata, & si qua sunt similia, de illa matrimonii dissolutione loquuntur, quæ sit per electionem religionis, & Monasterii ingressum alterius coniugis, antequam corpora nuptialis thori amplexibus commissa sint, quo casu nihil autoritatis Papæ interuentu, aut dispensatione Pontificia opus est; quin mero iure, & communi legis auxilio muniti sunt, qui eo modo quærunt sibi separationem, & matrimonium dirimunt. <sup>1</sup>

<sup>1</sup> Cap. ex parte.  
<sup>24</sup> §. nos tamen.  
& d. cap. 2. de cō-  
uers. coniugat.

At matrimonium ratum & nondum consummatum dirimi posse ex alia causa, communi partium dissensu, per Papæ autoritatem, constanter cum doctissimis Theologis negandum est. Corporum enim coniunctio & commixtio, nihil quicquam substantiæ & *essentia*, siue essentiæ matrimonii, aut addit, aut adimit: quippe forma matrimonii consistit, in indiuiduæ animorū coniunctionis & consensus declaratione, qua se inuicem, alter alteri, mutuò tradunt. Liberos verò procreatio, & eius causa concubitus, nō ad constitutionem matrimonii refertur, sed ad finem <sup>2</sup>. Hinc ab Ethnicis dictum est, *nuptias non concubitus, sed consensus facit* <sup>3</sup>. idque sacris canonibus & constitutionibus confirmatur. <sup>4</sup> alioqui certè primum illud matrimonium, quod Deus in Paradiso instituit, matrimonium non fuit, donec coniuges inde deiectionis, liberis operam dare cœperunt; quo quid absurdius? Adhæc nulla Ecclesiæ constitutio aut traditio, nulla Patrum autoritas, nulla Pontificis Epistola Decretalis, nulla denique ratio certa & solida reperitur, quæ matrimonium ratum, licet non consummatum, ab illa Saluatoris sententia excipiat, *quos Deus coniunxit, homo non separet*. ac ne excipere quidem possit, nisi prius constet, eos qui Sacramento matrimonii, in facie Ecclesiæ contracti, copulantur, non esse à Deo coniunctos.

Sed est in hac re, sicut in cæteris, tanta interpretū quorundam iuris Pontificii, seu inscitia, seu blanditia, ut nō solum matrimonium ratum & nondum consummatum, contra communem Theologorum sententiam, sed etiam matrimonium ratum & carnali copula consummatum, à Pontifice, perinde atque à Deo, dissolui posse, non vereantur asserere: & quod si verum esset, quàm infirmum matrimonii vinculum futurum sit inter eos, qui gratia & autoritate apud Pontificem pollent, aut alioqui occæcatum cupiditate pecuniarum largitionibus possunt corrumpere, aliis iudicandum relinquo. Non est autem quod superiori-

bus

<sup>2</sup> D. Thom. 3. q.  
<sup>39</sup>. art. 2. in con-  
clus.

<sup>3</sup> L. nuptias D.  
de reg. iur.

<sup>4</sup> Can. sufficiat.  
can. cū initia-  
tur. 27. q. 2. c. cū  
locum. de spons.  
& matr.

<sup>5</sup> Vide Couar-  
zuuiam de ma-  
trim. part. 2. §. 4.  
vbi id notet &  
reprehendit.

bus Innocentii rescriptis sententiam suam firmari posse existiment: cùm Pontifex ille alibi expressè dicat, *matrimonium inter legitimas personas, verbis de præsentì, contractum, in nullo casu posse dissolui, nisi antequam matrimonium sit per carnalem copulam consummatum*, alter coniugum ad religionem transeat. neque enim credibile est, tam doctum piumque Pontificem, aut sui tam subito oblitum fuisse, aut scientem prudentem, tam pugnautes & dissidentes sententias euulgasse. alius ergo rescriptorum Innocentii sensus quærendus est.

i Cap. ex parte.  
14. § nos autem.  
& §. nos tamen.  
de conuers. coniugat.

## C A P. XXIX.

**Q**uod si quis meam de illis sententiam & interpretationem quærìt: haud verebor, ut in re obscurissima, dicere, subsisto: existimare me tamen pugnam in iis esse *πᾶν καὶ ἀγνοίας*, mentem scilicet optimi Pontificis, & sensum verborum, inter se discrepare: quod in aliorum legislatorum scriptis sæpè contingit, cùm aut verbis exprimendæ cogitationi minus aptis vtuntur, aut ad perspicuitatem & integritatem constitutionis, particulam aliquam necessariam, aut exceptionem omittunt. Nam alioquin nõ est verisimile, cum qui negat Papam posse licentiam monacho indulgere, ut proprietatem rerum habeat vel vxorẽ, velle affirmare Papam posse coniugii sacramentum, matrimonium inquam ratum & consummatum dissoluere. Quid ergo rei est? Dicam quod sentio. Animaduerti equidem Innocentium ita doctrinam suam in illis rescriptis subtiliter temperasse, ut quamuis vtrumque coniugium inter se componat & comparer in hoc, quòd Dei solius iudicio dissoluantur: tamen ubi de potestate summi Pontificis, & Vicarii *Iesu Christi* loquitur, non amplius ea coniungit, nec matrimonii carnalis mentionem facit, sed tantum spiritualis, quod non censetur ab homine separari, sed à Deo ipso, tunc cùm illud Rom. Pontifex *Ecclesiarum necessitate vel utilitate pensata, non humana, sed diuina potius auctoritate, per translationem, depositionem, aut cessionem, dissoluit*; quo silentio, & prætermissione carnalis matrimonii, satis innuit illud à matrimonio spirituali, in ratione separationis differre, & tacitè excipi: ut Pontificalis auctoritas ad eius dissolutionem non extendatur. quasi expressius hoc modo dixisset, Deus suo iudicio tam carnalis quàm spiritualis matrimonii dissolutionem reseruauit. Spirituale  
tamen

ramen Romanus Pontifex, qui Christi Vicarius & Petri successor est, *Ecclesiarum necessitate vel utilitate, &c.* solvere potest: quod cum facit, *non homo sed Deus separat*, cuius vicem Papa in terris gerit. Cur autem Pontifex spirituale coniugium solvere, & non item carnale possit, evidens atque in promptu ratio est. quod spirituale nimirum per se, & omni ex parte, ad Ecclesiæ ordinationem, regimen, & œconomiam pertineat, quam Christus totam Petro & eius successoribus commendavit. itaque non potest non videri concessisse illis hanc spiritualis coniugii dissolvendi potestatem, cum sine ea, munus sibi commissum exequi & expedire non possent. <sup>1</sup> ac proinde quicquid ipsi Pontifices, tanquam Hierarchæ, de singulis Ecclesiæ rebus ac personis disponunt, decernuntque; id Deum, qui hanc illis dispensationem & procurationem nominatim commisit, disponere ac decernere credendum est.

At matrimonium carnale, non ad ordinationem Ecclesiæ, sed tantum ad procreationem sobolis institutum est <sup>2</sup>: ob eamque causam dicitur esse iuris naturalis <sup>3</sup>, & gentium nationumque omnium commune: nec alia ratione ad Ecclesiæ notionem pertinet, quam quod in noua lege sacramentum sit, Dei & animæ, Christi & Ecclesiæ coniunctionis mysterium continens. & ideo nihil necesse fuit, eius solvendi facultatem, libertatemque, Petro & eius successoribus permittere. Sed habent prospicere & iudicare, an sit matrimonium, ut sciant an sit sacramentum. Quamvis igitur Pontifex in matrimonio contrahendo plurimum possit, omnium scilicet impedimentorum, quæ ex iure positivo & ecclesiasticis constitutionibus oriuntur, gratiam facere; atque efficere ut ritè & rectè contrahatur, quod aliàs non esset legitimum & ratum: tamen ubi vel iure communi permittente, vel Papâ in prohibitis dispensante, semel contractum est, nullam vlla ex causa habet eius relaxandi separandique potestatem. Nec ad rem pertinet, quod sæpe in foro & iudiciis ecclesiasticis, separationem fieri videamus earum personarum, quæ diu sub iugalis vinculi spe & specie conuixerunt. Non enim Papa eo casu, neque iudex autoritate Papæ, matrimonium aliquod dissolvit: sed matrimonium quod de facto contractum erat, & matrimonium esse falsò credebatur, non fuisse matrimonium sententia sua declarat: & personis non legitimè coniunctis, quod cubilia sociare sine scelere nequeant, à se abscedere,

&amp;

<sup>1</sup> L. 2. D. de iurif.

L. Si itor. D. de feruit.

L. 3. §. qui habet. D. de feruit.

p. ad rustic. cap.

3. de offic. iud.

dole.

<sup>2</sup> Aug. lib. 14. de

ciuit. Dei. cap. 18.

Tho. 2. 2. q. 154.

art. 2.

<sup>3</sup> L. 1. §. ius na-

turale. D. de iust.

& iur.

& solita consuetudine abstinere præcipit. Hoc autem non est solvere matrimonium, aut personas legitimè coniunctas, quoad vinculum, separare. Ex quo patet tam Innocentium interpretem, qui quartus postea eius nominis Pontifex fuit, quàm Ioan. Andr. qui fons & tuba iuris Canonici vocatur, ineptissimè partem istam rescripti Innocentii III. esse interpretatos, *Quos Deus coniunxit homo non separet. sua auctoritate*, inquit: *nor autem separat homo carnale matrimonium, cum episcopus, vel etiam archidiaconus, per constitutiones Papæ dissolvit, sed ipse Deus cuius auctoritate facta sunt.* quasi vero per constitutiones Papæ dissolui possit matrimonium? possunt certè constitutiones Papæ impedire, ne matrimonium inter certas personas iure contrahatur; & efficere ut sit nullum, quod contra illarum dispositionem contractum est. At iure contractum destrahere, & eius vinculum dirimere ac dissolvere, nulla neque Ecclesiæ neque Papæ constitutio potest. alioqui malè Apostolus, *mulier alligata est legi, quanto tempore vir eius vivit. quod si dormierit vir eius, liberata est* <sup>1. Corinth. 7.</sup> male inquam, mortis tantum mentionem fecit, si alio modo, per constitutiones scilicet Pontificias, soluto matrimonio liberari possit. Quæ cum ita sint, tempus nunc est ab hoc diuerticulo, in quod nimia Doctorum quorundam assentatio & ignorantia nos compulit, ad eam viam unde sumus digressi repedare.

## CAP. XXX.

**P**ositum iam hoc est, & omnium de rebus divinis rectè iudicantium consensione firmatum, Papam non posse alicui gratiam facere iuris naturalis & divini, siue, ut vulgò nunc loquimur, contra ius naturale & divinum dispensare: & concedere ut impunè fiat, quod Deus & Natura vetarunt; aut prohibere ne fiat, quod Deus fieri expressè imperavit: idque non solum Theologi, sed etiam melioris notæ Canonistæ asseueranter concludunt. Hoc igitur illud est axioma certissimum, circa quod totius huius disputationis cardo vertitur, & ex quo pendet vera solutio eius argumenti, quod ex Bellarmino transcripsimus, in principio capitis vigesimi quinti, supra. Admittimus quidem eius propositionem, *Pastori scilicet necessariam esse potestatem circa lupos, ut eos arceat omni ratione, quæ potest.* Admittimus & assumptionem. *Lupos nimirum qui Ecclesiam Dei vastant, esse hæreticos.* ex quibus concludit hoc modo.

Ergo



*Ergo si Princeps aliquis ex oue aut ariete fiat lupus, id est, ex Christiano fiat hæreticus, poterit pastor Ecclesia eum arcere per excommunicationem, & simul iubere populo, ne eum sequantur, ac proinde priuare eum dominio in subditos. Vitiosa collectio; cuius loco in bona dialectica reponendum est. Ergo si Princeps aliquis ex oue aut ariete fiat lupus, poterit pastor Ecclesia eum arcere omni ratione qua potest. Hoc enim ex propositis rectè efficitur, & ideo iis concessis, negari non potest. Hoc totum igitur verum est, & totum concedimus: sed istis tamen minimè cohæret aut consequens est, id quod annectit. Pastorem scilicet posse iubere populo. &c. Nam posse, vel non posse, vbi de iure & æquitate disputatur, non de mero facto, siue de potestate quæ facti est, sed de potestate quæ iure permissa est, quæque iuri & rationi congruit, intelligi debet: vt dicatur Pontifex hoc casu, id posse, quod iure atque honestè potest. Atque ita res eò redit, vt cogamur inquirere, an Pontifex, de Apostolicæ potestatis plenitudine, vt loquuntur, possit imperare & præcipere subditis, ne Principis sui monitis, mandatis, legibus, sub pœna anathematis audeant obedire. & si de facto id iusserit, an subditi teneantur præcepto eiusmodi Pontificio parere. Nullum certè, vt principiò admonui, pro affirmatiua parte argumentum efficax, vel ipsemet excogitare, vel ab alio excogitatum & propositum comperire, hætenus potui. Pars verò contraria validissimè sustentatur fundamento illo, quod iam iam retulimus. Papam videlicet non posse vllò modo contra ius naturale & diuinum dispensare: ex quo argumentum, vt videtur firmissimum, hac ratiocinandi forma concluditur.*

Summus Pontifex nihil præcipere vel dispensare potest contra ius naturale & diuinum.

Atqui subiectio & obedientia Principibus & superioribus debita, est de iure naturali & diuino.

Ergo summus Pontifex contra eam nihil præcipere vel dispensare potest. & per consequens non potest præcipere subditis, ne principi suo temporali obediant in eo, in quo Princeps est superior: & si de facto præceperit, licebit subditis ei, tanquam extra territorium ius dicenti, impunè non parere.

Vtrumque propositum est certo certius, ex quibus conclusio necessaria consecutione inducitur. Qui huius argumenti vim enervauerit, is magnâ mecum gratiam inibit.

ego

L. filius 15. D. de  
condit. institut.

ego mehercle, vt ingenii mei tenuitatem ingenuè fatear, non satis perspicio qua possit solida ratione elidi. Nam et si dicat aliquis, obedientiam superiori debitam prohiberi & impediri posse ab eo, qui est illo superiore superior; & Papam quidem, qui Christianorum omnium pater est, omnibus Regibus & Principibus Christianis, hoc ipso quòd pater est, esse superiorem; ac proinde eum posse iure suo prohibere, & impedire, ne subditi promissam Principi reuerentiam & obedientiam exhibeant: nihil quicquam hoc fucato argumento efficiet, quod superiori conclusioni contrariè officiat. Quandoquidem hoc quod dicitur, obedientiam superiori debitam minui, impediri, vel tolli posse, mandato eius qui est illo superiore superior: id tunc solum verum est, cum is qui prohibet est superior in eadem potestatis, & vt ita loquar, superioritatis specie, siue in iisdem rebus, in quibus debetur obedientia. Veluti exemplo gratia, Rex potest militiæ suæ Præfecto imperium abrogare, & præcipere ne exercitus ei amplius obtemperet: potest & Præfectus ex causa præcipere ne tribuno, & tribunus ne centurioni, & centurio ne decurioni miles pareat: quia omnes in eadem re, in regimine, inquam, & disciplina militari, sed alii aliis, secundum ordinem dignitatis superiores sunt. Idem de ordinibus cælestis militiæ, & Ecclesiasticæ Hierarchiæ est. At verò obedientia subditorum erga Principem, de qua loquimur, consistit in rebus temporalibus, in quibus ipsimet Pontifices fatentur, neminem esse Principem superiorem<sup>1</sup>. Quod si nemo ei in temporalibus superior est, sequitur profectò, neminem esse, qui prohibere vel impedire possit subiectionem & obedientiam, quæ à suis subditis in temporalibus illi debetur.

Ostendi supra, has potestates, spiritualem & temporalem, ita esse distinctas, vt neutra alteri, quatenus talis est, aut dominetur, aut pareat. Nec audiendos esse qui ad istas distinctionum & subtilitatum latebras, seu potius captio-num laqueos, *directè & indirectè*, confugiunt. Nam certum est, eum habere superiorem in temporalibus, cui alius quouis modo imperare temporalia potest, siue qui ab alio in temporalibus iudicari *directè* vel *indirectè* potest: quippe iudicium redditur etiam in inuitum<sup>2</sup>, & nemo nisi à superiore iudicatur. quia *par in parem non habet imperium*<sup>3</sup>. Et verò quantum ad effectum, & exitum rei attinet, nihil proprius interest, vtrum quis *directè* an *indirectè* imperium & po-

r Cap. per Ven.  
rabilem. qui fil.  
sunt legit.

2 L. inter stipu-  
lantem. 83. §. 1. D.  
de verb. obl.

3 L. 4. D. de re-  
cept. qui arbitr. l.  
ille à quo. §. tem-  
poraliū. D. ad

H

testa.

Sc. Treb.

reſtatem in alium obtineat. illis enim verbis, *directè & indi-*  
*rectè*, ſeu mauis, *directè & obliquè*, differentiã tantum in mo-  
do & via, ſeu ordine a piſcendæ poteſtatis, non autem in e-  
ius exercendæ & exequendæ libertate, vi, & effectu, nobis  
proponitur. Sed per Deum immortalem, quid dici poteſt  
abſurdus, aut ſecum magis pugnans, quàm Regem non  
habere aliquem ſuperiorem in temporalibus <sup>1</sup>. *ſed liberum*  
*eſſe à vinculis delictorum, nec ullis ad pœnam vocari legibus* <sup>2</sup>,  
quod tota ſemper antiquitas, totaque Eccleſia tenuit: &  
Papam ex cauſa, ſiue aliquo modo, hoc eſt, indirectè, eſſe  
in temporalibus Rege ſuperiorem, & cum pœnis tempo-  
ralibus, regno ſcilicet atque imperio, imò & morte poſſe  
mulrare? Nam poſtquam à Papa de ſolio deiectus eſt, at-  
que inter priuatos conſtitutus, quid ſuper eſt, niſi vt exitum  
inuidiæ ferat, & aut celeri fuga ſalutem quærat, miſeram-  
que procul patria vitam degat: aut ſi eo ſibi modo nõ pro-  
ſpexerit, mox publici iudicii reum carcer, vel carnifex ex-  
cipiat. In eſt autem in hac poteſtate, quam iſti homines tri-  
buunt Pontifici indirectè, ſumma, ſoluta, & impunita bo-  
nõs & immerentes Reges opprimendi, atque tyrannideat  
exercendi libertas. Nam in primis ſtatuunt, *Pontificis eſſe*  
*iudicare, Regem eſſe deponendum vel non deponendum*. Deinde  
ab ipſius iudicio nullam eſſe prouocationem, *quod ſolus ipſe*  
*omnes iudicet, & à nemine iudicetur*. Atque ita in maleuoli  
Papæ voluntate ſitum eſſet, quoties Regem aliquem, quã-  
libet bonum, priuato odio conſectatur, aliquam indirectæ  
poteſtatis cauſam prætexere, vt eum regno exuat, & priua-  
tum ex Principe reddat. Quod equidem hîc non dice-  
rem, (neque enim tam malè ominari de ſanctæ ſedis Re-  
ctoribus vellem) niſi id à Pontificibus quibuſdam, re vera  
factitatum eſſe, ſuperioribus ſeculis, omnes intelligerent:  
Et necdum tempus vitam longæui hominis ſuperauit, ex  
quo Iulius II. Ioanni Nauarra Regi, nullius ſcleris con-  
ſcio aut conuicto, ſed ſolùm quòd Ludouico Francorum  
Regi fauiſſet regnum per Ferdinandum Aragonium ho-  
Pontificiæ authoritatis prætextu, impiè atque iniuſtè eri-  
puit. Quod ſi talia facere, non eſt eſſe ſuperiorem in tem-  
poralibus; diſcere libenter ab iſtis Magiſtris cupio, quid ſit  
eſſe ſuperiorem. Vnum ſcio (ſi vera eſt hæc illorum ſenten-  
tia) Papam plus poſſe aduerſus Reges indirectè, quàm ſi di-  
rectè imperium in eos obtineret. quã de re ſupra <sup>3</sup> non ni-  
hil diximus.

<sup>1</sup> D. cap. per Ve-  
nerabilem.

<sup>2</sup> S. Ambroſ. in  
Apolog. Dauid.

Si igitur summus Pontifex, *de Apostolica potestatis plenitudine*, populum à Regis obsequio prohibere, decreto suo, sine Bulla præcipere conetur. An non statim populus uniuersus, aut singuli de populo possint Pontifici respondere; Pater sancte, nequaquam es Rege nostro in temporalibus superior: eoque non potes obsequium temporale, quod nos illi præstamus, impedire. Cur nos facere prohibes, quod Deus nos facere imperat? An quia tuum est, voluntatem Dei in lege diuina & Scripturis comprehensam interpretari? At non est tamen illa interpretatio adhibenda, quæ legem penitus euacuet; & mandatum omnino destruat ac dissoluat. Siquid dubii aut obscuri est in lege diuina, ad sedem Petri, id est, ad sedem quam tu nunc tenes, interpretationis veritatem accepturi confugimus: quod autem per se clarum est & perspicuum, id nulla interpretationis luce indiget. Cum itaque Dominus & Saluator noster iubeat nos *reddere Cæsari, quæ sunt Cæsaris, & quæ sunt Dei, Deo*; & deinde per Apostolum, *Principibus & Potestatibus subditos esse, & dicto obedire*: Tuum est nobis declarare quæ sunt Cæsaris, id est, quæ à nobis Regi nostro debentur, & quæ sunt Dei; ut sua utrique reddamus; & in ea rerum distinctione vocem tuam libenter audiemus. At cum dicis, nolite quicquam Cæsari, siue Principi vestro reddere, contraditis Christo, ac proinde vocem tuam non audimus. Fatemur quidem & profitemur, Sanctitatis tuæ expositioni atque interpretationi in legis diuinæ obseruatione locum esse: sed eam non admitti asserimus, quæ facit ut ius naturale & diuinum sit ludibrio, & penitus contemnatur. Veluti, ne à re qua de agitur aberremus: Iubemur Principibus & potestatibus obedire: tuas in huius mandati obseruatione explicationes, & restrictiones, quæ modò mandatum ipsum non extinguunt, tanquam filii obedientes libenter amplectimur. Veluti cum nullam inde obligationem parendi Regibus oriri dicas, nisi in iis quæ ad temporalem ipsorum iurisdictionem pertinent. Spiritualia omnia Vicario Christi, atque Ecclesiæ reservanda esse. Item cum admones, non esse Regi obediendum in eo, quod contra ius diuinum vel naturale imperat, aut quod alioqui bonis moribus aduersatur. At, quando simpliciter & absolute præcipis, *ne Principi nostro legitimo, eiusve monitis, mandatis, & legibus, ullo modo obediamus*: præcepto tuo parere non possumus, quia hoc non est mandatū Dei

Responsio populi ad Pontificem iubentem deficere à Rege.



interpretari, quod Sanctitati tuæ conceditur: sed penitus antiquare & abrogare, quod nullo modo potes. Christus cum claves regni cælestis Petro tradidit, non dedit ei pote-

- 1 Felin. in cap. si starem *faciendi de peccato non peccatum*<sup>1</sup>. Nos igitur com-  
quando. nu. 4. de munem Canonistarum doctrinam in hac parte sequemur,  
rescript. qui tradunt, *mandato Papa non esse parendum. si vel iniustum sit, vel ex eo multa mala, seu scandalum verisimiliter est futurum, aut turbatio status Ecclesiæ, & Reipublicæ Christianæ oritura*<sup>2</sup>: & ideo si Papa mandaret religionis aliquid, quod esset contra  
2 Innoc. in c. in- substantiam ordinis, id est, quod repugnaret regule ab iis professæ  
quisitioni. 44. de (ut interpretatur Felinus in cap. accepimus. de fid. instrum.  
sent. excomm. & cap. si quando. de rescript.) non tenentur ei obedire, ut idem  
Panorm. in cap. cum teneamur.  
6. de præben. Innocentius<sup>3</sup> alibi docet: quem refert & sequitur Marti-  
3 In cap. ne Dei. nus de Caraziis in tractatu de Principibus, quæstione 408.  
43. de Simon. & Felinus in d. cap. si quando. & d. cap. accepimus. Quan-  
to igitur minus debent Regum subditi, Pontificem eos ab  
obedientia, iure diuino & naturali, Regi suo debita, & ar-  
ctissimo iurisiurandi fœdere sancita, retrahere conantem  
audire? Si ob eam causam nos iubet Regis nostri iugum  
abiicere, quod per obedientiam illi exhibitam spirituale  
bonum impediatur: respondemus, id quicquid est mali,  
ex quodam accidente euenire, siue per accidens fieri. ma-  
lum enim ex bono, aut bonum ex malo, per se oriri non  
potest. Accidens autem illud dolenter fecimus, sed im-  
pedire non possumus. Nos officium Regi debitum, Dei  
iussu persoluimus. & secundum patientiam boni operis, glo-  
riam, honorem, & incorruptionem quarimus. 4 Ille si debi-  
to sibi obsequio, & tanto Dei beneficio abutatur, Deum  
supra se iudicem & vindicem acerrimum sentiet. Nobis  
non licet officium deserere, & Dei mandatum præterire,  
ut bonum inde quantumuis magnum consequatur: ne  
eam, quam Apostolus nunciat<sup>5</sup>, damnationem nobis  
ipsis acquiramus. Qui iubet nos Regibus obedire, &  
reddere Cæsari quæ sunt Cæsaris, nullam bonos inter &  
malos Principes distinctionem facit. ac proinde nec nos  
distinguere debemus<sup>6</sup>. Si, ut docet B. Augustinus, is qui con-  
4 Rom. 2. tinentiam Deo vouerit, nullo modo debet ista compensatione  
5 Rom. 3. peccare, ut ideo credat uxorem sibi esse ducendam, qua pro-  
misit quæ nuptiæ eius appetit, futuram se esse Christianam. at-  
que ita acquirat Christo animam in morte infidelitatis posita  
6 L. de pretio D. foemina, quæ parata est, si huic nupserit, fieri Christiana Qua  
de publ. in rem. nos apud Deum excusatione utemur, si ut speratū aliquid  
act. ba-

bonum eueniat, iurifurandi religionem & fidem violemus Deo Regique nostro datam? Nihil enim anima pretiosius, pro qua Dominus & Saluator mori dignatus est. Si ergo ut eam Christo lucremur, peccare non liceat, eccuius rei causa peccandum?

Quod autem præterea dicis, te nos ab huius officii vinculo absolueri, atque absolutos declarare: id non omnem conscientias nostris scrupulum adimit, sed animi pendere, ac dubitare magis de tua potestate facit. quòd sciamus præceptum, cuius tu nobis gratiam te facturum promittis, Dei & naturæ lege esse sancitum: Sanctitatem verò tuam non posse, ne quidem de plenitudine potestatis, legis naturalis & diuini gratiam cuiquam facere. Tibi igitur in spiritualibus, Regi in temporalibus obsequemur. Vtrumque Deus iubet, vtrumque præstabimus. Minas denique, quas mandato inferis, miramur quidem, & ex parte metuemus: sed non ita sumus meticulosi tamen, ut plus eas quàm oportet timeamus; aut ita iis terreamur, ut metu iniustæ excommunicationis, iustum ac iure debitum obsequium Regi nostro denegemus. Licet enim vulgò iactetur, omnem excommunicationem esse timendam <sup>1</sup>: Scire tamen oportet, iniustā excommunicationē non lædere eum in quem fertur, sed eum potius à quo fertur. <sup>2</sup> Si ideo nos anathematis mucrone ferias, quia nolumus mandatum Dei, te iubere, prætergredi, & *malum facere*: maledictio tua vertetur in benedictionem, ut quamuis ligati exterius videamur, interius soluti atque innocentes maneamus.

Hæc illa sunt, & his similia, quæ tam Cleri, quàm Nobilitatis, atque adeo totius populi Gallicani fidem erga suos Reges ita firmarunt, ut Pontificibus quibusdam, enixè conantibus eos à Regum suorum obsequio & obedientia auocare, viriliter restiterint; & Bullas Pontificias, depositionis, & priuationis regni sententiam continentes, pro nihilo duxerint, sed nec se vllis propterea censuris ecclesiasticis teneri, nullisque anathematis vel excommunicationis vinculis iustè inuolui posse haud vanè crediderunt. Equidem re vera non video, quid in superiore populi responsione & defensione reprehendi possit: nisi id illis vitio vertatur, satisque ad contumaciam sit, quod non quamlibet Papæ iussione, tanquam Dei Omnipotentis voce emissam, omniscuntatione & æquitatis peruestigatione remota, protinus exequantur. quod nemo vnquam sanus, opinor, iudicabit.

1 Can. sententia. can. qui iustas. 11. q. 3.

2 Can. quomodo can. illud 11. q. 3. can. cæcūm 24. q. 3.

Cætera enim firmissimis demonstrationibus, & solidissimis diuini & humani iuris rationibus, & argumentis nituntur. Dei scilicet mandatum esse, vt honos & obedientia Regibus & Principibus exhibeatur: nullo bonorum & malorum discrimine, in ea re, proposito. Omnē Papæ potestatem in spiritualibus consistere. Temporalia Regibus & Principibus secularibus esse relicta, Papam non esse Regibus superiorem in temporalibus, ac proinde eum non posse illos temporalibus pœnis afficere: multoque minus regnis atque imperiis priuare. Postremò, non posse Papā contra ius naturale & diuinum, quo ista subditis erga suos Principes obedientia præcipitur, vlllo modo dispensare: atque ob eam causam neque absoluerè subditos ab illa obligatione, neque in non parentes sibi legitimum obsequiū prohibēti, iusta excommunicatione animaduertere. Quæ omnia singillatim authoritatibus, testimoniis, & *ineluctabilibus*, vt videtur, argumentis superius conclusa sunt. Sed ea tamen Ecclesiæ æstimanda relinquam. Is enim ego sum, qui me, meaque omnia, sanctissimæ matris meæ arbitrio iudiciòque submitto.

## C A P. XXXI.

Quæ hætenus à nobis dicta sunt, de suprema Regum & Principum in rebus temporalibus dominatione, deque obsequio illis non denegando in omnib. quæ Dei mandatis & bonis moribus non repugnant: ea quidē, solemnī & diuturna antiquorum Patrum, & totius Ecclesiæ obseruatione confirmantur. Nam quanquam maximā opportunitatem & facultatem habebant deturbandi, & deiiciendi de solio malos Principes Christianos, à quibus erant multis priuatis publicisque iniuriis lacessiti, iis tamē de Principatu controuersiam nullo modo mouerunt: nullam humani obsequii particulam denegarunt, erroribus tantum ipsorum liberè, sapienter, & animosè resisterunt, atque ita multitudinem in officio erga Deum & Regem continentes, vtrumque præceptum de Deo & Regetimèdo honorandòque adimplerunt. Et verò hoc præcipuum remedium est conseruandi à lapsu, & reuocandi ab erratione animos: atque etiam via & ratio expeditissima Reges & Principes, insana hæresi efferatos, ab immanitate ad humanitatem, ab errore ad veritatem, ab hæresi ad fidem, reducendi: eamque rationem Patres antiqui in ciui-

in eiusmodi casibus semper inibant; quam si posterioribus seculis Pontifices alii fuissent secuti, ac non superbam illā & odiosam, in Reges & Imperatores, temporalem dominationem sibi arrogassent, melius quam nunc cum Republica Christiana ageretur, & forsitan hæreses istæ, quibus nunc premimur, fuissent in ipsis cunabulis suffocatae.

Nam & euentus rerum, in hunc diem, satis docent, parum aut nihil proficere Pontifices, dum hac sublimi, lubrica, & præcipite via incedunt: sed sæpius turbas, schismata, atque bella eo modo in Christianis gentibus excitare, quā fidem Christi propagare, vel Ecclesiæ utilitatem & libertatem augere. Quam fuerit inutilis & perniciosus Christianæ Reipub. Gregorii VII. (qui primus Pontificum hoc iter tentauit) in Henricum IV. conatus, satis iam superius demonstraui. Quis autem ignorat quā parum profuerit, imo quā multum obfuerit Ecclesiæ, Bonifacii VIII. impetus & censura in Philippum Pulchrum: similiter & Iulii II. in Ludouicum XII. Franciæ Reges: Clementis VII. & Pauli III. in Henricum VIII. & Pii V. in Elizabetham Angliæ Reges? Nonne hi omnes Principes Papale illud imperium, vltra spiritualis iurisdictionis fines protensum, tanquam meram arrogantiam, & usurpatam dominationem, non solum non agnouerunt, sed spreuerunt atque riserunt? De postremis duobus Pontificibus ausim liquidò affirmare, (est enim orbi notissimum) in causa eos fuisse perdendæ religionis in Anglia, quod istam tam inuidiosam, & latè patentem potestatem, in regni illius Principem & populum, sibi assumere & exercere conati sint. quanto igitur rectius & sapientius Clemens VIII. qui spirituali & paterna charitate, & virtute nomini suo idonea, nutantem regni Francici in religione statum erigere ac stabilire maluit, quā fastuosa & minace temporalis imperii autoritate contendere? quod sciret eam rarò, ac vix vnquam fœlices exitus habuisse.

Regibus quidem, & Principibus omnibus, qui soli Deo & gladio se regna & principatus debere, haud vanè gloriatur, innata quadam animi elatione peculiare est, velle potius gloriose occumbere, quam alieno imperio sceptrum submittere, & iudicem ac superiorem aliquem in temporalibus agnoscere. Ob eamque causam ne expedit quidem Ecclesiæ, & Reipub. Christianæ videtur, Papam ea in Principes seculares potestate præditum esse, propter varias



quæ inde oriuntur cædes, calamitates, & religionis, rerumque omnium miserrimas mutationes. quo magis mirari licet quorundam hominum, qui sibi sapere videntur, imbecille iudicium, qui ut tam odiose potestatis inuidiam à Pontifice remoueat; leniantque indignationem Regum, quibus illa tantoperè displicet; non verentur predicare & sparsis in vulgus libellis affirmare, temporalem istam Pontificis in Reges potestatem, ipsismet etiam Regibus apprimè utilem esse: quòd, ut illi dicunt, homines interdum magis retineantur in officio, metu amissionis temporalium, quàm spiritualium rerum. Egregia ratio scilicet, & iis digna qui Principes & priuatos nullo discrimine habent, omnesque vno pede metiuntur. faciunt nam homines illi intelligendo, ut nihil intelligant. quasi verò metus ille qui in priuatos cadit, Principum quoque animos occupare soleat, qui se aduersus omnem humanam potentiam, & vim, atque impetus externos, satis tutos & munitos esse, sola imperii potestate arbitrantur. Ad eos tantùm ratio illa referri debet, quos temporalis potestatis terror, & ordinariæ iurisdictionis seueritas, metu poenarum à delinquendo reuocant: hi enim (quia certum est eos, si quid deliquerint, pecuniaria vel corporali poena coercitum iri) maleficiis plerumque abstinent, non propter conscientiam, sed propter iram, & metum amissionis temporalium. At Reges non in eadem causa sunt, sed supra omnes leges humanas, omnesque ius positium, soli Deo administrationem reddituri, & quanto tardius, tãto seuerius puniendi. Aduersus priuatos executio parata est, quam nequeant nisi ex indulgentia Principis euitare. Aduersus Principes quæ potest fieri executio, cum nullis humanarum legum sanctionibus teneantur, nullisq; ad poenam vocentur legibus, tuti imperii potestate? Nam quod in iure expressum est: *Principē legibus esse solutum*: id Latini pariter & Græci interpretes, cum de omnibus legibus, tum maximè de poenariis intelligunt, ut iis Princeps etiã si delinquat, non coerceatur. siue ut Græci dicunt, ἡγεμὼ ἀμαρτήσας ἐκὼν ἔχειται. Quæ res facit, ut Reges amplitudine potestatis & armorum fiducia erecti, temporalium amissionem nihil timeant; quãdoquidem vix ullus eorum tam peruersus existit, quin partis suæ complurimos sectatores inueniat, quorum ope consilioq; siue arte siue armis agendum sit, solum & sceptrum tueri se posse arbitretur. ob eamque causam, tantum abest eos imperiosis Pontificum; de regnis auferen-

**I**n libello qui Gallicè inscribitur, La verité defendue cõtre le plaidoyé d'Antoine Arnauld:

ferendis, minationibus terreri, ut iis potius in pietatem & religionem accédantur. Et verò satis constat, temporalem hanc potestatem, quam Papa super omnes mortales ab aliquot retrò seculis sibi vendicat, Principibus vsque adeo esse exosam, ut ne ij quidem qui Petri sedem vel maximè venerantur, & summam successorum eius potestatem in spiritualibus agnoscunt, illius temporalis dominationis commemorationem haurire auribus, sine indignatione possint. quòd talis nimirum imperii Pontificalis nullum in sacris literis, vel traditionibus Apostolorum, vllius antiquorum Patrum scriptis, testimonium, ac ne vestigiū quidem appareat, & rem tanti momenti, tantam dico regnandi libertatem, euinci sibi sine manifesto Dei verbo, & euidente probatione, neque ipsi ferre possint, neque vlla iuris ratio, aut æquitatis benignitas patiatur.

Quapropter cordatis hominibus plerumque visum est, Pontifices tranquillitati Ecclesiæ, facilius consulturos, si more maiorum in spiritualis iurisdictionis finib. conquiescant, & pro sua Apostolica charitate precibus & lachrymis orādo, obsecrando, obtestando, humiliter à malis Regibus contendant, rectam ut in viam redeant: quàm si odiosa hac tēporalis potestatis interminatione (per quā nihil aut parum proficiunt) morum & fidei emendationem ab iisdē, velut per vim & metū conētur extorquere. Quod si tam sint obstinati in malo Principes, ut nullis moueri lachrymis, nullis precib. flecti possint, Dei auxiliū implorandū, Deiq; iudicio relinquendi. Sed ad cætera nūc pergamo.

## CAP. XXXII.

**S**ecundum argumentum quod Bellarminus ex quinta sua ratione, superius à nobis relata, deducit, his verbis ab eo proponitur. *Potest Pastor arietes furiosos destruentes ouile, separare & recludere: Princeps autem est aries furiosus destruens ouile, quando est Catholicus fide, sed aded malus ut multū obsit religioni & Ecclesiæ, ut si Episcopatus vendat, ecclesias diripiat, &c. Ergo poterit pastor Ecclesiæ eum recludere (dicendum potius excludere, recludere enim aperire est) vel redigere in ordinem cuium.*

Argumentum hoc quidem admittimus, & præterea quicquid inde necessaria consequutione inferitur: inferri autem nihil aliud potest, nisi Pastori Ecclesiæ, quo nomine Papam hic intelligamus, ius fasque esse expellere malū

Can. corripi-  
antur. 24. q. 3.

de Cle-  
2. 28.

Vide S. cap. 15.

Principē de ouili Domini & eum excludere, ne cū reliquo grege Christiano in caula Dominica conquiescat: id est, eum extra communionem Ecclesiæ & Sanctorum, per excommunicationem eicere, atque omnibus regenerationis in Christo commodis spoliare, ac tradere satanæ, vsque ad legitimam errati & contumaciæ satisfactionem. At hæc tota pœna spiritualis est & ecclesiastica, & maxima quidem omnium quas habet Ecclesiā<sup>1</sup>: vltra quam quod agat, vel contra priuarum, nihil est: nisi vt Principem politicum delinquentem superiorem adeat, & ei pro vindicanda piæ matris iniuria, supplicet: qui quoniam nutritius Ecclesiæ est, in eius desertores & rebelles animaduertere corporalibus & ciuilibus pœnis debet. At hoc auxilio temporali destituitur Ecclesiā, quando ipsemet summus Princeps est, qui committit propter quod meritò excommunicari possit, quia ipse nullum habet superiorem, nullisque ad pœnam legibus vocatur tutus imperii maiestate. licet igitur Pastor Ecclesiæ siue Papa, excludere eum ab ouili per excommunicationem possit, atque ita bonis omnibus spiritualibus priuare, nihil tamen eorum quæ ciuili & humana potestate possidentur, tollere & adimere ei potest: quia non Ecclesiasticis, sed politicis legibus, quæ in manu Regum sunt, res tales subiiciuntur, & sicut nemo Christianus potest siue Princeps, siue priuatus, Papæ iudicium in spiritualibus effugere: ita nec subditus aliquis quocunque ordine & loco sit, Regis seu Principis sui iudicium in temporalibus declinare. Nam quod clericorum causæ aliis quam politicis iudicibus committantur, id singulari Principum beneficio & priuilegio indultum est, quādoquidem iure communi non minus Clerici quam Laici imperio temporali secularium Principum subsunt. idque ea ratione constat, quam ipsemet Bellarminus tradit<sup>2</sup>. nēpē, *Clerici præterquam quod clerici sunt, sunt etiam ciues & partes quadam Reipublicæ politice.* inde est, q̃ olim, sub optimis & piissimis Principibus Christianis, causæ omnes Clericorū solitæ fuerint, tam ciuiles quàm criminales, modò nō Ecclesiasticæ, apud politicos & temporales magistratus agitari<sup>3</sup>. Suam igitur, quā nunc fruuntur, in hac re libertatem, Clerici omnes Principibus secularibus accepio ferre debent, vt capite 15. supra ostendimus. Vnde miror eundē Bellarminum asserere, Papam potuisse eximere simpliciter Clericos, propria authoritate, per legem canonicam,

à subie-

**A** subiectione temporalium Principum. Id enim, pace tanti viri dicam, est falso falsius. quia lex Christi neminem priuat iure dominioque suo: priuaret autem, si per eam ius & dominium temporale, quod Principes, antequam fierent Christiani, in Clericos habebant, ipsis inuitis auferret. Deinde cum ipsemet Papa exemptionem suam non alio iure, quam Principum largitate & beneficio nactus sit (nam ut aduersarii fatentur, subiectus erat de iure & de facto Ethnicis Principibus, sicut alii ciues) absurdum est dicere eum potuisse liberare alios ab illa subiectione. alioqui id in eum conueniret, quod impii Iudæi blasphemantes Christo Salvatore exprobrarunt: *alios saluos fecit, seipsum non potuit saluum facere.*

Matt. 27.

Nec maior in hac re Patrum in Conciliis, quam Papæ, authoritas esse potuit. quapropter locus hic postulat, ut alium etiam errorem coarguamus, qui ex quorundam Conciliorum decretis, non satis perpensè consideratis latissimè emanauit, & nunc nescio ad quos tandem non pertingit: Concilia nempe liberasse Clericos à potestate & iurisdictione magistratuum civilium; quo nihil quicquam magis à veritate alienum. Nusquam enim in aliquo Concilio reperitur, Patres id sibi authoritatis assumplisse, ut iudices seculares Imperio & iurisdictione in Clericos priuarent, aut villo modo prohiberent, ne de Clericorum causis apud se in iudicium deductis cognoscerent: nisi postquam singulari Principum beneficio, quod à Iustiniano incepit, id fori priuilegium Clericis concessum est. Nam cum ipsi met illi Antistites, qui Conciliis intererant & præerant, temporalibus potestatibus subditi essent (ut docet S. Augustin. in expositione cap. 13. epist. ad Roman.) fieri non potuit, ut aut seipso aut alios, propria authoritate, ab illa subiectione liberarent. Sciendum itaque est, priscos illos Ecclesiæ Patres, apud quos disciplina Ecclesiastica, cuius nunc neglectus nimis est, syncerè & seuerè viguit, omnē nauasse operam, ut Clerici non solum doctrinā, sed morum etiam probitate, & vitæ innocentia, populo prælucere. ob eamque causam Clericos omnes monuisse, & Conciliorum decretis siue canonib. sanxisse, ne ipsorum aliquis, aduersus alium, que-reas vllas ciuiles aut criminales ad secularē iudicē deferret: sed ut cōtrouersias suas omnes, vel inter se amicorū arbitrio cōponerent, vel, si id nollēt aut nequirēt, eas, Episcopi



Cap. 11.

pali saltem iudicio terminarēt. Atque hæc quidem eodem, aut certè non absimili consilio statuerunt, quo D. Paulus in epist. 1. Cor. prohibuit ne Christiani alii alios ad Ethnorum & infidelium iudicum tribitalia cogerent, ibique contenderent: de quo modò agebamus <sup>1</sup>. eo inquam consilio fecerunt id Patres isti, ut si quid humanitus Clericis contingeret, quod laicis scandalo esse potuit (veluti vitia quæ humanâ fragilitate committuntur) id rectius & occultius apud proprios Episcopos emendaretur, nec ad aures imperitæ multitudinis perveniret, quæ sæpè doctrinâ moribus metitur, & aut contemptui aut ludibrio eiusmodi Clericorum lapsus habere solet. & præterea ne Clerici, qui pacis & concordie studiosi esse debent, & charitatis ac patientiæ exemplum opere & sermone præbere, litium & discordiarum viam sternere secularia iudicia frequentando, viderentur.

His ergo decretis Conciliorum nihil iuri Laicorum detractum est, quo minus de causis Clericorû cognoscerent. Non enim vetuerunt Patres, imò nec vetare potuerunt, ne iudices seculares causas Clericorum ad se perductas disceptarent, definirentque (id enim fuisset Principibus & Magistratibus ius dominiumq; suum eripere, quod lex Christi nō permittit) sed vetuerūt ne Clerici alii alios ad eiusmodi iudices pertraherent, Canonicis siue Ecclesiasticis pœnis in non parētes constitutis. Hoc autem constituere rectè & legitimè sine cuiusquam iniuria potuerunt: quemadmodum bonus multorum liberorum pater, præcipere potest filiis, & sub pœnis domesticis prohibere, ne inter se de vllis controuersis apud iudicem contendant, sed ut de patris aut fratrum sententiâ litem omnem discordiamque consopiant: nec id liberis imperando, legitimorum iudicum potestati quicquam præiudicat. Ita planè Conciliorum Patres filiis suis, id est, clericis, actionum inter se apud seculares iudices exercitio interdixerunt, non auferendo quidem Laicis cognoscendi & iudicandi facultatem, sed adimendo Clericis pristinam ipsos impunè adeundi libertatem. Hoc autem non est eximere Clericos de potestate & iurisdictione magistratuum temporalium, sed tantum viam & modum inire, per quæ Clerici aduersus clericos negotium habentes, ius suum facilè consequantur, sine vlllo forensi strepitu Laicorum. Atque hæc ita prorsus se habere ne quis omnino dubitet, operæpretium esse existimaui,

ipsa

ipsa Conciliorum decreta subiicere, ex quibus malè intellectis error iste ortus est: vt inde Lector narrationis nostrę veritatem intelligat.

Primum ergo quod de hac re aliquid decreuit, fuit Concilium Carthaginense tertium, anno Domini 397. celebratum: cui interfuit S. Augustinus, & subscripsit. eius Concilii can. 9. sic scribitur. *Item placuit, vt quisquis Episcoporum, presbyterorum, & diaconorum seu clericorum, cum in Ecclesia ei crimen fuerit intentatum, vel ciuilis causa fuerit commota, si relicto ecclesiastico iudicio, publicis iudiciis purgari voluerit, etiam si pro ipso fuerit prolata sententia, locum suum amittat, & hoc in criminali iudicio. In ciuili verò perdat quod euicit, si locum suum obtinere voluerit.* Cui enim ad eligendos iudices vndique patet auctoritas, ipse se indignum fraterno consortio indicat, qui de vniuersa Ecclesia malè sentiendo, de iudicio seculari poscit auxilium: cum priuatorum Christianorum causas Apostolus ad Ecclesiam deferri, atque ibi determinari precipias. Ecquod hic verbum est, ex quo probabili aliqua ratione colligi possit, Concilium voluisse clericos magistratum secularium iurisdictione eximere? aut clericis laicos non esse legitimos iudices indicare? quin planè contrà ostendit, se non negare seculares iudices de causis clericorum rectè cognoscere & iudicare posse, nec se ipsorum sententias, quasi à non competente iudice latas improbare: sed tantum id agere, vt eorum clericorum leuitatem & procacitatem coerceat, qui post causam in Ecclesia tractari cœptam, spretis & relictis iudicibus ecclesiasticis, laicorum se arbitrio iudicioque committunt. quo casu, non improbat quidem Concilium sententiam à seculari iudice latam, nec eum non legitimum iudicem fuisse pronunciat, sed tantum pœnæ nomine priuat clericum fructu & emolumento talis sententię, propter eius improbitatem. Quod autem illius Concilii Patres tunc agnoscebant, Magistratus ciuiles esse legitimos iudices clericorū, ex eo satis intelligi potest, quod decretum hoc suum ad eum casum restrinxerunt, quo crimen clerico in Ecclesia fuerit intentatum, vel ciuilis causa fuerit commota. extra hos casus ergo, clericis licebat impunè, per hūc Canonē, in foro ciuili causa suas persequi, & coram iudice seculari litigare.

Sequitum deinde est celeberrimum Concilium Chalcodonense ann. Dom. 451. quod Can. itidem 9. sic statuit. *Si quis Clericus aduersus Clericum habeat negotium non derelinquat*

Cui enim ad eligēdos, &c. Hoc idē dicitur, quia tunc temporis magistratus solebant dare iudices priuatis causis disceptandis postulatu litigatorum, & de eorum consensu: & idē clericorum consortio indignum iudicabāt, qui iudicē potius Laicum quā Clericum postulabat.

linquat proprium episcopum, & ad secularia percurrant iudicia. Sed prius actio ventiletur apud proprium Episcopum, vel certò consilio eiusdem Episcopi, apud quos utraque partes voluerint, iudicium obtinebunt. Si quis præter hac fecerit, canonicis correptionibus subiacebit. Ecce ut Concilium hoc sermonem dirigit ad Clericos, ne propriis Episcopis relictis iudices adeant seculares: non autem ad Magistratus & iudices temporales, ne venientes ad se Clericos audiant, & causâ cognitâ pronuncient, ac iudicatum facere, iuris ordine compellant. nihil ergo potestati Laicorum hoc Canone detrahitur. quinimo verba illa Canonis siue decreti, *sed prius actio ventiletur apud proprium Episcopum*, satis ostêdunt Concilii Patres id solùm exigere, ut causæ omnes Clericorum in prima instantia apud episcopum ventilentur; deinde si opus fuerit, ad secularis iudicis examen deferatur: neque enim verisimile aut credibile est verbum illud *Primum* à tot summis & sapientibus viris otiosè & superflud posuitum fuisse: atque ita canon ille omninò conuenit cum Nouella Iustiniani constitutione 83. in Clericorum gratiam facta. *Ut Clerici apud proprios Episcopos primum conueniantur, & post hoc apud ciuiles iudices.* Non ergo infirmatur hoc canone, sed potius confirmatur iurisdictio seculariũ iudicum in Clericos.

Eodem modo in Concilio Agathensi, sub Alarico Rege, anno Dom. 506, Patres qui eo conuenerant, can. 32. statuerunt, *ne Clericus quenquam præsumat apud secularem iudicem, Episcopo non permittente pulsare.* quem canonem Gratianus in suum Decretum, mutata lectione, & sensu detorto, non sine flagitio transtulit. Nam quod dixerat Concilium, *Clericus ne quenquam præsumat*, & cap. id ille ad suam sententiam hoc modo corruptam traxit: *Clericum nullus præsumat apud secularem iudicem, Episcopo non permittente, pulsare.* Ut prohibitio etiam Laicos includat, ne Clericum coram iudice seculari conueniant: cum tamen solis Clericis facta sit, nulla de laicis habita mención. quinimo pars secunda illius canonis manifestè ostendit, Concilium ita demum laicis Clericos ad secularia iudicia trahentibus succensere, & pœnas Ecclesiasticas proponere; si per calumniam vexandi animo id egerint. Sequitur enim in eo Canone: *Si quis verò secularium per calumniam, Ecclesiâ aut Clericos fatigare tentauerit*, apud seculares iudices scilicet litigando, & conuictus fuerit ab Ecclesiâ liminibus, &

à Catho-

§ XI. q. 1. Can.  
Clericum.

*ad Catholicorum communionem, nisi dignè poenituerit, coerceatur.* Corripit autem Gratianus non solum huius Concilii sententiam, sed etiam epistolæ Marcellini Papæ, in eadē Caus. & quæst. can. 3. & pro *Clericus nullum*, posuit *Clericum nullum*. ut mirum non sit, Canonistas, qui Gratiani tantum collectanea perlegebant, falsa lectione deceptos, in hunc quem carpinus errorem incidisse. sed mirum est Bellarminum corruptam illam Gratiani lectionem utrobique sequutum esse, ac non potius veram & genuinam ipsorum authorum in suis Controuersis, lib. 1. de Clericis cap. 28.

In Matifconensi autem Concilio I. sub Guntramno Rege habitum, anno Dom. 576. Canon. 8. in hunc modum conscriptus est. *Vt nullus Clericus ad iudicem secularem, quemcunque alium fratrem de Clericis accusare, aut ad causam dicendam trahere, quocunque loco presumat: sed omne negotium Clericorum aut in Episcopi sui, aut in Presbyteri, aut Archidiaconi presentia finiatur.*

Et in tertio Concilio Toletano, quod Æra 627. hoc est, ann. Dom. 589. regnante Reccaredo Rege celebratum est, Canone 13. de Clericis similiter statuitur. *Diuturna indisciplinatio, & licentiæ inolita presumptio, usque adeo illicitis ausibus auctum patefecit, ut Clerici conclericos suos, relicto Pontifice suo, ad iudicia publica pertrahant. Proinde statuimus hoc de cætero non presumi. Si quis hoc presumpserit facere, & causam perdat, & à communionem efficiatur extraneus.*

Hæc illa sunt solennia & ferè sola sacrorum Canonum decreta, in quibus errorem suum fundant, qui falsò putant, Concilia potuisse eximere, & de facto exemisse, Clericos de potestate Laicorum: quos tamen ipsimet Canones adeò perspicuè redarguunt, ut nihil necesse sit alia, ad eam opinionem conuellendam, aliunde accersere. Atque hæc ego quidem, non eo animo & consilio, ut priuilegia Clericorum exagitem, aut quod ea illis inuideam, vel detrahi cupiam. Sciunt qui me norunt, quo semper loco Ecclesiasticos homines habuerim habeamque. Sacerdotes Dei, ut parentes, veneror, omni que honore dignos censeo. Sed eos, tanquam humilis filius moneo ne ingrati sint, nec benefactores dedignentur, à quibus tot illis priuilegia accesserunt. Principes temporales ut Patronos, & libertatis suæ vindicces, ac protectores, colere & suspicere tenentur: & non, ut quidam eorum nunc faciunt, negare ea se Principibus debere; sed libertatem & exemptionem omnem Pontificiis  
& Ca-



& Canonici constitutionibus accepto ferre; quo nihil ab ingratis animis proficisci potest ingratius. Non enim à Pontificibus sed à Principibus secularibus, nec à Canonibus sed à legibus, quicquid habent temporalis libertatis acceperunt.

## C A P. XXXIII.

**A**mplius dicam, & veritatem dicam, licet odium fortassis mihi parituram ab iis quibus omnia sunt inuidiosa, quæ suo studio & desiderio vel minimum aduersantur. Dicam ergo, & grande verbum proloquar, cuius fortè aut nondum meminit quisquam, aut, si meminit, saltem eos quorum intererat id scire, non ut debuit commonefecit. Clericos scilicet per totum orbem, quocumque ordine vel gradu sint, non esse adhuc vlllo modo exemptos & liberatos à potestate temporali Principum secularium, in quorum regnis & regionibus vitam degunt, sed perinde ac cæteri ciues iis subiectos esse in omnibus, quæ ad politicam & temporalem administrationem & iurisdictionem pertinent, inque eos ius vitæ ac necis, sicut in cæteros subditos ad eiusmodi Principes pertinere; ac proinde quidem posse Principem (de eo loquor qui superiorem in temporalibus non agnoscit) Clerico delictum quodlibet nõ Ecclesiasticum committendi, culpam vel clementia & indulgentia condonare, vel debitæ lege supplicii vindicare. Hoc etsi durum, & paradoxo simile iis fortè videatur, qui contrarię opinionis errore imbuti se in solius summi Pontificis ditione ac potestate constitutos arbitrantur, nec vllis præterea humanarum legum constitutionibus obligari: saxo tamen breuiter ut planè intelligant, nihil hoc verbo esse verius, dummodo faciles aures velint rectæ rationi aperire. Pendet autem eius veritas ex iis quæ suprà de melioris notæ Theologorum sententiâ posita sunt & probata: & inde necessaria atque euidenti conclusione mox demonstrabitur. Primum igitur positum est & concessum, atque etiam firmissimis rationibus & testimoniis confirmatum, Christianos omnes tam Clericos quàm Laicos in Regum & Imperatorum manu ac potestate fuisse, quamdiu Ecclesia sub Ethnicis Principibus militabat: Acq; hoc quidem demonstrationis nostræ fundamentum est: cui illud accedit, quod similiter positum est & concessum, nempe legem Christi neminem iure dominioq; suo priuare, quia non venit

venit solvere legē sed adimplere. ac proinde Principibus postea ad fidem perductis certū est Clericos omnes eodem ordine & loco mansisse, quantum ad subiectionē temporālē, quo prius erant, Principibus in infidelitate cōstitutis. quia lex Christi neminem priuat dominio suo, vt dictum est. atq; ea ratione priuilegia & exemptiones à piis Principibus Clericis sunt concessa, quibus neutiquam opus illis fuisset, si Clerici non pleno iure, vt antè, sub Principum potestate & iurisdictione mansissent. Hæc adeò clara sunt & aperta, & tam supra tot testimoniis, tot monimentis, probata & testata, vt ea repetere hoc loco, aut illis aliquid addere, opera superuacanea videatur. quod sequitur ergo videamus: videamus inquam, quo modo ex istis principiis superior sententia nostra, manifesta demonstratione, & concludēdi necessitate procedat. nempe hoc modo. Nusquam memoriæ proditum est ab vllō scriptore, Principes qui istis Clericos priuilegiis & exemptionibus donarunt, ita eos à se liberos dimisisse, vt sibi amplius non subessent, nec Maiestatem agnoscerent, imperiōve parerent (legantur quæ de priuilegiis illis scripta sunt, ne minimum quidem in iis tantæ libertatis testimonium reperietur.) Id tantū Clericis largiti sunt, ne apud magistratus seculares, sed apud proprios Episcopos & iudices Ecclesiasticos conueniātur: hoc autem non est eximere Clericos de potestate ipsorum Principū, aut eorum iurisdictioni iudicioque præiudicium facere, si quando illis libitum fuerit de causis Clericorum cognoscere, quæ modo merè spiritualia non sunt. imò nō potuerunt Principes, nec adhuc possunt, Clericos in suis regnis constitutos ea libertate donare, ne ipsis potestate temporali subsint, néve delinquentes ab iis iudicari & puniri possint, nisi eādem operā sese principatu atque Imperio abdicent. est enim proprium Principum inseparabile, animaduertere posse in delinquentes, & omnia Reipublicæ membra, ciues inquam omnes, pœnis & præmiis legitimè gubernare. Et sicut in corpore naturali mēbra omnia capiti subiiciuntur, atque ab eo reguntur, vt monstrosū planè corpus appareat, in quo superflua & à capitis Imperio aliena membra conspiciūtur: ita etiam in corpore politico, necesse est membra omnia Principi, seu capiti, esse subdita, & ab eo regi, hoc est præmiis vel pœnis affici secundum merita singulorum. Atqui Clerici (vt fatentur aduer-

1 Bellarm. libr. 1.  
de Cleric. cap. 28.

farrii) <sup>1</sup> *præterquam quod clerici sunt, sunt etiam ciues, & partes quadam Reipublicæ politica.* quod verum est; & eâ ratione inter regni ordines numerantur, primumq; locum obtinent. Ergo ut ciues & Reipublicæ politicæ partes, Principi sub- sunt; nec possunt ei in temporalibus, quamuis id ipse vel- let, non esse subiecti: alioqui verò aut ipse Princeps non es- set, aut non illi ciues. Stultum igitur est existimare Cleri- cam in quacunque causa conuentû (modò non merè spi- ritu- alis sit) posse summi Principis consistorium declinare, aut eius, cui ex certa sciëntia, Princeps causæ cognitionem specialiter madauit. Nam quod Principes perrad de cau- sis Clericorû cognoscunt, aut suis eas magistratibus man- dant, id non potestatis sed voluntatis defectû arguit. Hinc est, ex hoc inquam Principum secularium in Clericos Im- perio temporali, quòd nostro seculo Carolus V Imperator vocari in ius ad se fecit, Hermannum Archiepiscopû Co- loniensem, vnde de criminib. à clero & Vniuersitate ei obie- ctis se purgaret: <sup>2</sup> quodque multis in locis Principes sibi quædam Clericorum delicta specialiter vindicanda refer- uarunt: eaque suis magistratibus cognoscenda & iudican- da committunt. ut sunt illa crimina quæ privilegiata vo- cantur in Gallia, veluti maiestatis, gestationis armorum, adulterinæ monetæ, infractæ securitatis, & similia: neque per hoc vllam Clericis iniuriam fieri, aut Ecclesiasticam li- bertatem aliqua ex parte impediri, minui uè putandum est. Multi Ecclesiasticam libertatē in ore habent, qui prorsus, cuiusmodi illa sit, ignorant. nos eam alio loco <sup>3</sup>, quid sit, & in quibus consistat, vberius explicabimus.

2 Surius in com-  
ment. anno 1545

3 Infra cap. vlt.

Quæ cum ita sint, nemini, credo, obscurum esse potest, omnem Clericorum libertatem temporalem, tam quoad personas quàm quoad res, à secularibus Principibus esse profectam: non autem, ut quidam putant, vel iure diuino debitam, vel à summo Pontifice, aut Canonibus, iis tribu- tam. Nam quod Bellarminus pro supplemento & ratione adfert, <sup>4</sup> ut probet Papam & Concilia exemisse simpliciter Clericos de potestate temporali, *legem scilicet Imperialem cedere debere legi Canonica*, id non vniuersè verû est, sed tunc solum, quando lex Canonica de rebus merè spiritualibus & Ecclesiasticis lata est: subiectio autem vel libertas Cleri- corum in ciuilibus negotiis, non est res merè spiritualis & Ecclesiastica, sed potius politica & temporalis, quo casu facti

4 Dict. lib. 1. cap.  
28. de cleri.

sacri Canones non dedignatur imitari leges ciuiles. <sup>1</sup> Nec maior vis in eo est quod subiicit, *Papam posse Imperatoribus iubere in iis, quæ ad Ecclesiæ auctoritatem spectant.* quasi diceret, Papam potuisse cogere Imperatorem emittere Clericos de sua potestate, quia libertas Clericorum spectat ad Ecclesiæ auctoritatem. Nam hoc quoque falsum esse ex eo dignoscitur, quod nunquam maior fuerit Ecclesiæ auctoritas, quam tunc cum Clerici omnes Principibus Christianis, & Principum Magistratibus, temporali subiectione paruerunt. Nec ista quidem Clericis exemptio & libertas ad augendam Ecclesiæ auctoritatem concessa est, illa quippe non minor antea fuit; sed ad eos liberandos à vexatione & molestiis, quas sæpè secularium iudiciorum rigor & seueritas adferebant.

Hinc illa existit questio. Liceátne Principibus, in suo cuique territorio sine ullâ Ecclesiæ iniuria, priuilegium istud exemptionis Clericorum, à secularium iudicum cognitione, aliquo casu reuocare, atque ad ius commune & statum pristinum rem totam reducere? De qua non ita pridè cōsultus & interrogatus, nihil dum respōdi, nisi nouā eam mihi videri, & deliberationem difficilem: licet enim à nonnullis proposita sit; à nemine tamen pro dignitate tractata est. Mouebat consultores communis & vsitata adimendorum priuilegiorum ratio, quam solet ipsemet Pontifex, omnesque Principes obseruare: ea est, si aut Reipublicæ noxia esse incipiant, aut causa, propter quam concessa erant, defecerit, aut ipsis priuilegiarii ad malum & illicitum finem abutantur. Et causam quidem huius exemptionis concedendæ adhuc durare, semperque duraturam dicebant: reuerentiam nempe quam omnes ei hominum generi exhibere debent: tamen abusum, non sine magno totius ordinis Ecclesiastici scandalo, multis in locis adeò frequentem esse, ut id illis beneficium meritò adimi possit videatur. Hæc illi. Sed nos ea de re in libris, *de corruptione seculi*, si Deus vitam & vires dederit, vberius & explicatius disputabimus.

## C A P. XXXIV.

**A**D argumentum nunc igitur reuertor, quod capitis 32. initio propositum est, & respondeo, nihil illud ad bonorum quorumlibet tēporalium nedum ad regni ademptionē pertinere. Certū enim est, & certo certius, ex-



cōmunicationē, quā solā separātur & excludūtur perversi Christiani à consortio fidelium, & communione Ecclesię, nemini patrimonium & bona temporalia auferre; nisi ex eiusmodi causa procedat, quam Princeps temporalis, pœnā publicationis bonorum vindicandam, suis legibus nominatim sancierit. Quo casu non Papa sed Princeps, non excommunicatio sed legis civilis latio bona excommunicato adimit. Papa certè, ne clerico quidem à se excommunicato & deposito, siue degradato, bona patrimonialia auferre potest. Malè quidem ageretur cum gente Christiana, si per solam excommunicationem, latam à iure vel ab homine, excommunicatus rerum suarum dominio excideret: quandoquidem bona senel à fisco harpagata, vix unquam ad veterem dominum reuertuntur. atque ita excommunicatio quæ medicinalis esse debet, esset quodammodò exitialis: propterea quòd excommunicatus, licet culpam iusta pœnitentia eluendo, in pristinum statū gratiæ fuerit restitutus, bona à fisco occupata, & forsitan consumpta vel alii donata nunquā aut egrè recuperare posset.

Cap. cūm non ab  
homine de iudic.

Censuræ igitur Ecclesiasticæ, quarum grauissima est excommunicatio, in animas, non in opes Laicorum agunt. sicut è contrario, pœnis civilibus corpora, non animæ afficiuntur. Cū itaque non pontificali sed Principali auctoritate, fontes & facinorosi bonorū amissione plectantur: cū inquam non Pontifex sit, qui Ecclesiasticæ iurisdictionis potestate, & vi ac virtute excommunicationis, alteri iussu cēsuræ quantumlibet iustæ & grauis, bona temporalia alicui priuato adimit: sed Princeps tantum politicus, qui vt Ecclesiæ gratificetur, & ei factam iniuriam vindicet, nunc has nunc illas, arbitrato suo, pœnas in eius cōtemptores, legibus à se latis sancire consuevit: quā fieri potest, vt Papa ipsimet Principi, qui super se neminē in temporalibus iudicem habet, quiq̃ue legibus nullis civilibus tenetur, Regnum, Principatum, ditionem, dignitatem. omneq̃ue dominium, sola Pontificia & Ecclesiastica auctoritate eripiat? Nunquid plus ei potestatis in Principes, quā in priuatos, Dei lege, tributum esse constat? aut nunquid Principibus quā priuatis duriore & deteriore cōditione est viuendum, vt quod Ecclesiā in priuatum nequeat, id in Principem possit exercere?

Sed vt huius rei veritas aliā adhuc ratione euidentius appareat, quæro ab istis, vtrum Papa maiore nunc cum auctho-

thoritate Regibus & Imperatoribus præsideat, quàm quàm olim prædictus erat, antequam Constantini & aliorum Principum largitate, ad temporalem principatū esset euectus? an verò pari omnino; eā scilicet quam Christus Petro contulit, & quam nemo mortalium angustare vel amplificare potest, quamque, amisso omni principatu seculari, non eò minus ad finem vsque seculi retinebit? Et si maiore, unde illa tandem? à Deo ne, an ab hominibus? neutrum certè sine manifesta calumnia affirmari potest. Ecquis enim, cui sanum est cerebrum, vnquam dixerit, nouum aliquod Imperium in Reges & Principes Christianos à Deo Pontifici datum, ex eo quod ipse temporaliter quibusdam in locis regnare, & diadematus simul ac mitratus in oculos hominum prodire cœperit? aut si dicat, vlla id possit vel ratione vel autoritate comprobare? Multo autem minus talis ei ab hominibus autoritas accessit. quia vt vulgò dici solet, *actus agentium non operantur ultra ipsorum voluntatem.* <sup>1</sup> & L. non omnis 19. D. de reb. cred. quamuis Reges & Imperatores Christiani, suas Christi vicario ceruices in spiritualibus submiserint, & adhuc submitunt (qui modò fidem orthodoxam profiteretur) tamē nemo omnium in temporalem Papæ ditionem & potestatem concessit. nemo non liberam atque intactam suam iurisdictionē secularem sibi reseruauit. quod si fortè aliter ab aliquo factitatum inueniatur, id exceptionis loco habendum est, per quam regula in non exceptis solidius confirmetur. Ex hoc a. fundamento, q̄ certissima ratione nititur, argumentū optimum ad hanc formam redigi potest.

Summus Pontifex non habet nunc maius Imperium in Principes temporales, quàm habuit antequam ipse esset Princeps temporalis.

Atqui antequam esset Princeps temporalis, nullum in eos temporale Imperium vllō modo habuit.

Ergo nullum nunc quoque in eos vllō modo habet.

Propositionis veritas adeò est perspicua, vt eam aliis argumentis ostendere, nihil sit necesse. Assumptū autem probatur hoc modo.

Nemo inferior & subiectus habet Imperium in suum superiorem & Dominum, vt possit eum iudicare in eo ipso, in quo est ei subiectus.

Papa antequam fieret Princeps temporalis, erat Regibus & Imperatoribus, quantum ad temporalia, inferior & subiectus.

Ergo non habuit in eos temporale imperium, vt possit illos in temporalibus iudicare.

Huius quoque syllogismi propositio omnem extra cōtrouersiam est, cum nemo nisi à superiore iudicari possit, à superiore inquam in ea ipsa re de qua iudicium constitutum est. Nam, vt sæpius dictum est, *par in parem non habet imperium*. & per rerum naturam fieri non potest, vt vnus & idem sit simul inferior & superior, in eodem potestatis genere respectu vnus & eiusdem: non magis quàm vt idem sit pater & filius respectu vnus & eiusdem, eaque ratione vtitur Bellarminus, vt probet Papam *non posse submittere seipsum sententia coactiua Conciliorum* <sup>1</sup>. Assumptionem fatentur aduersarii, cum affirmant, & rationibus liquidò confirment, *exceptionem* (seu maius exemptionem) *Clericorum in rebus politicis, tam quoad personas, quàm quoad bona, iure humano introductam esse* <sup>2</sup>. Nam teste Augustino, *iur. & humana, sunt iura Imperatorum, quia ipsa iura humana, per Imperatores & Reges seculi, Deus distribuit generi humano* <sup>3</sup>. Ab Imperatoribus ergo & Regibus habent Clerici, quicquid exemptionis & libertatis est, quâ nunc in rebus politicis toto orbe perfruuntur, vt supra proximo cap. ostendimus: idque gratuitò: non enim vt ea Clericis beneficia concederent, cogi ab Ecclesia vllò modo potuerunt. quandoquidem nulla id lege diuina expressum & cautum reperitur: & lex Christi neminem iure dominiòque suo priuat, vt ipsi fatentur, & vos sæpius monuimus. Ideòque, vt ipsorum fert doctrina <sup>4</sup>, *Episcopi Regibus in temporalibus rebus, & Reges Episcopis in spiritualibus subiecti esse debent*. His omnibus consequens est, Clericos communi reliquorum ciuium iure in rebus politicis & temporalibus vsos fuisse, & secularium iudicum potestati æquè subiectos, atque ceteros ciuitatum incolas, antequam istis exemptionum priuilegiis a Piis Principibus donarentur: nec vllum in ea re inter episcopum Romanum, siue Papam, & alios Clericos discrimen fuisse, multi sancti Pontifices ingenuè fassi sunt. Quod ergo fieri potuit, factum esse fingamus: Pontificem scilicet nullo adhuc Principatu aut priuilegio temporali donatum, sed sicut eius coepiscopi & fratres in Gallia, Hispania, Britannia, aliisque in regnis, sub alieno imperio vitam degere. Nonne superioris argumenti necessitate euinceretur, non posse eum Principes, quibus temporaliter subiectus est, in temporalibus iudicare ac punire?

Aut

<sup>1</sup> Lib. 2. de Conciliis. cap. 18.

<sup>2</sup> Bell. lib. 1. de Cler. cap. vlt.

<sup>3</sup> Can. quo iure dist. 8.

<sup>4</sup> Author. respō. si ad præcip. cap. apologiæ, quem multi Bellarminum esse dicūt.

Aut ergo maius nunc Imperium in Reges & Imperatores nactus est, per exemptionem & priuilegia ab ipsis cōcessa, quam antea habuit; aut eos adhuc non poterit in temporalibus iudicare.

Quod si fortè aliquis tam sit ineptus, vt dicat, Papam semper hanc potestatem ab ipso Christianæ Ecclesiæ primordio habuisse, iudicandi scilicet ac deponendi malos Principes, sed iniuriâ temporū, ex accidente quodam impeditum fuisse, ne eam exerceret, quamdiu illis quoad tēporalia subiiciebatur: nunc verò, postquā temporali Principum iugo subtractus est, & Princeps temporalis effectus, nihil esse quod impediât quo minus iurisdictionem illam liberè exercent. si quis inquam hæc tam vana iactitet, non aliud ei respondendum est, nisi non solum falsa, sed etiam *aduersaria* esse quæ dicit, hoc posito quod aduersarii fatētur, quodq; verissimū est: Pontifices nimirū, antequam à piis Principibus temporali iurisdictione penitus eximerentur, fuisse ipsis de iure & de facto subiectos. Impossibile enim est eos tunc habuisse illam potestatem: quia non competit nisi iure superioritatis. implicat autem contradictionem, Papam fuisse iure superiore, & iure subiectū, eodem tempore, & in eadem potestatis specie, respectu vnus & eiusdē. & naturalis rerum ordo non patitur, vt inferior siue subiectus superiori & dominanti imperet. Cū itaq; absurdum sit, & impium, existimare Christum Saluatorem, *qui non venit soluere legem, sed adimplere*, aliquid contra legem naturalem, & sanctissimam viuendi normam statuuisse, necesse est magno eos in errore versari, qui asserunt Petro, & in eius persona cæteris Pontificibus ei succedentibus, supremam hanc, de qua sermo est, potestatem, à Christo fuisse collatam: cū nihil ad eius rei fidem faciendam adferant, præter rationes quasdam remotas, & parū firmas, ex similitudinibus, comparisonibus, allegoriis, & id genus aliis confarcinatas, vt ex iis quas iam refutauimus videre est: quæ omnes reiiciendæ sunt, & nihili faciendæ, quando ad eas positas & cōcessas absurdum aliquod, vt in proposito, consequitur; vel quando probabiliore, & fortiores rationes in Scripturarum & Patrum autoritate fundatæ contrariam sententiam propugnant.

Rom. 13;

Supereſt poſtremum Bellarmini argumentum, in quo refutando non multa opera opus eſt. *Tertium*, inquit, *argumentum eſt: Poſteſt paſtor, ac debet, omnes oues ita paſcere, vt*



*eis conueniat. Ergo potest ac debet Pontifex Christianis eniubere, atque ad ea cogere, ad qua quilibet eorum, secundum statum suum tenetur, id est, singulos cogere, ut eo modo Deo seruiant, quo secundum statum suum debent. debent autem Reges Deo seruire defendendo Ecclesiam, puniendoque hereticos & schismaticos. Ergo potest ac debet Regibus iubere, ut hoc faciant, & nisi fecerint, etiam cogere per excommunicationem, aliasque commodas rationes.*

Non video equidem quid hoc argumento contineatur, quod Pontificis auctoritatem & potestatem temporalem confirmet, infirmetue. Nam eius principium de pastu spirituali necessariò intelligendum est. facultates enim Pontificiæ, quamuis magnæ sint, reficiendis omnibus o- uibus pastu corporali non sufficerent. finis quoq; siue conclusio, de coercione & compulsionem spirituali intelligi debet: ait enim *cogere per excommunicationem, aliasque commodas rationes, subaudi Ecclesiasticas.* Papa enim est pastor Ecclesiasticus, non temporalis, nisi quatenus ipse nunc certis in locis temporalem principatum obtinet. Concedimus ergo totum istud argumentum, & vtrò fatemur, ac profitemur, Papam omnibus Principibus spirituali potestate imperare, illisque iubere posse, ut faciant quæ ad suam suorumque salutem pertinent, & ni faxint, *etiam cogere per excommunicationem, aliasque commodas rationes.* Commodæ autem rationes sunt omnes rationes spirituales, non autem temporales, nisi à temporali magistratu expendantur. Idque animaduertens Ioannes Driedo in libris de libertate Christiana<sup>1</sup>, postquam ostendit duas hasce potestates & iurisdictiones iure diuino in Ecclesia esse distinctas, & omnem potestatem secularem in spiritualibus subiectam esse Papali potestati, ita ut Paparatione cura pastoralis potestatem habeat in Imperatorem Christianum, perinde atque pater spiritualis in filium, & tanquam pastor in ouem suam, ut possit eum iudicare & corrigere, si laberetur in haresin, aut denegare publicam iustitiam pauperibus & oppressis, aut leges conderet in praiudicium Christianæ fidei (quæ omnia nos quoque asserimus) Nullam aliam iudicii & correctionis Papalis, in Imperatores sic delinquentes, pœnam, nisi solam excommunicationem ponit: quod sciret nimirum Pontificiam potestatem & iurisdictionem spiritualibus pœnis esse contentam, nec progredi vterius posse, nisi in temporalis potestatis fines excurrat, & alienam iurisdictionem iure diuino à sua disun-

distinctam & separatam inuadat. Non est autem commoda ratio & via, quam ineunt aduersarii, de malis Regib. imperio deponendis : quin potius omnibus modis incommodissima. tum quia vix vnquam ipsis Pontificibus aut Ecclesiæ feliciter succedit: sed infinitas in Ecclesiam & Rēpub. Christianā calamitates, ex intestinis discordiis, schismatis, & bellis ciuilibus, solet inuehere; tum etiam quia respectu Papæ cui spiritualia tantum commissa sunt, talis ratio non potest non videri prorsus aliena atque ex vsurpata iurisdictione procedere: ac proinde <sup>1</sup> neque commoda, <sup>2</sup> L. filius. 15. D. de cond. Instit. neque iusta neque possibilis est censenda. Hactenus rationes omnes, & ex rationibus argumenta, quibus Bellarminus conatur ostendere, Papam habere supremam in Principes seculares potestatem *indirectè*, pro ingenii mei tenuitate, trutina nudæ & apertæ veritatis expendi.

## C A P. XXXV.

**P**vtabam initio, cū hoc opus ordire, satis esse, rationes omnes quibus vir iste doctissimus vtitur, diligenter excutere. Sed quoniam remittit nos ad alia, quæ apud Nicolaum Sanderum extate dicit (*vide plura*, inquit, *apud Nicolaum Sanderum lib. 2. cap. 4. de visibili Monarchia, ubi etiam multa ex iis, quæ diximus, inuenies*) operæ pretium me facturum arbitror, si illa quoque Sanderi, quæ reliqua sunt, in medium protulero: ne nostræ scriptonis lector curiosus, aliquam aduersæ partis rationē omissam esse queratur: & ideo omissam putet, quod talis sit quæ faciliè conuelli nequeat. Constat quidem inter omnes, qui illos Sanderi libros non raptim & limis oculis percurrerunt, omnes eum mouisse lapidem, & plurima præter cæteros argumenta corrogasse, vt Papam ista, qua de agitur, temporali potestate in omnes Christianos præditum esse demonstraret. Sed verisimile tamen est, virum illum, aut acerbiorē in suam reginam Elisabetham odio, cuius ē regno exulabat, aut nimio in summum Pontificem Pium V. studio, cui multis nominibus erat deuinctus, aut alio, nescio quo, affectionis animi fumo vsque adeo fuisse occæcatum, vt nō viderit se multa, non solum falsa & aliena, sed etiā à communi sensu & rationis iudicio abhorrentia, pro certis & solidis argumentis vsurpare. Eius ergo reliqua argumenta à Bellarmino de industria, vt opinor, prætermissa, ad compendium huc transcribam.

## 1. Argumentū.

Vnum igitur ex eo deducit, quòd Sauli regnum ablatum fuerit, quia præcepta Domini, per Samuelis ministerium rei nunciata, non obseruauerat. Vnde sic colligit. Ergo cum post Spiritum Sanctum de cælo missum, non minor possit esse nunc in Ecclesia Christi spiritalis potestas, quàm in Synagoga olim fuit: etiam nunc fatendum est, eum Regem, qui Dominum per summi Pontificis os loquentem audire contempserit, regni iure ita priuari posse, ut alius interim ab eodem Pontifice in Regem ungatur, utque ab illo die is verè sit Rex, quem Pontifex ritè inunxit, aut aliàs consecrauit, & non is qui manu satellitum armatus regni solum occupauit.

## 2. Argumentum.

1. 2. Reg. 11.

Aliud ex eo, quòd Ahias Silonites, viuo adhuc Salomone, prædixit Iereboam decem tribubus præfuturum<sup>1</sup>. Ex quo intelligitur, inquit, vel totum regnum, vel partem aliquam, ab iniquo Rege per spiritalem Ecclesia potestatem auferri posse. Quæ enim potestas olim fuit in sacerdotibus & Prophetis, eadem nunc est in Pastoribus & Doctoribus Ecclesia, quorum est ita salutis animarum consulere, ut non patiantur, per impij Regis inobedientiam & tyrannidem, infinita multitudinis populum ad schisma & hæresin compelli & pertrahi.

## 3. Argumentum.

2. 3. Reg. 19.

Tertium ex eo, quòd Elias unxit Asael Regem super Syriam, & Iehu Regem super Israel, & Eliseum unxit in Prophetam pro se<sup>2</sup>, ut qui fugasset manus Asael, occideret eum Iehu, qui autem fugisset manus Iehu, interficeret eum Eliseus. Quæ figura, inquit, quid aliud significatum est, quàm complures potestates idcirco in Ecclesia Dei excitatas erectasque esse, ut quod per unam earum non fit, per alteram fiat: quarum potestatum ultima & suprema sit penes prophetas, hoc est, penes Ecclesia Dei pastores & doctores? Nam ut Elisei gladius ultimo loco enumeratur, velut quem nemo effugere possit, etiamsi gladium vel Asaelis, vel Iehu effugerit: sic spiritalis potestatis censura evitari nullo modo potest, etiamsi quis potestatis secularis gladium effugerit. Spiritalis enim potestas non utitur corporali aut visibili gladio, qui certis modis impediri potest, sed utitur gladio spiritus, qui pertransit omnia loca, & vsque ad animam illius pertingit quem petit.

His deinde Historiam Eliæ, variis notis & allegoriis a se excogitatis, prolixè interpolatam, argumenti loco attextit: ut ostendat materiale gladium parere spirituali: & non solum summum Pontificem, sed reliquos etiam Ecclesiæ Pastores, habere potestatem tam in corpora & bona, quàm in animas omnium Christianorum; quod ante

eum

cum nemo sanus, vel per somnium vnquam cogitauit. Id autem quàm inscitè, & parùm congruenter, ex propositis à se argumentis deducat, capite proximo patefaciam.

Argumentum autem ex Eliæ persona, & rebus ab eo gestis, ad suum institutum in hunc modum accommodat. *Elias per gladium spiritus, hoc est, per preces suas precepit igni, ut de celo descenderet, atque eos Quinquagenarios consumeret, qui despecta Prophetæ spirituali potestate, dicebant ad eum in terrena potestatis nomine: homo Dei. Rex precepit ut descendas* <sup>1</sup> &c. & præ <sup>4</sup> Reg. 1. *terrena potestate contemnebant illam spiritalem potestatem, quæ Elias præditus erat, & cum irrisione salutarunt eum, homo Dei. atque ita deinceps progreditur. Nonne potuisset Elias, ad cuius vocem ignis de cælo descendit, & Quinquagenarios deuorauit, dicere alicui Principi viro aut magistratui, si affuisset, quia isti milites me, & in me Deum, cuius propheta sum, contemnunt, irruere in eos, & occidere eos? aut quod ministerium ignis de cælo præbuit, id ipsum non poterat gladius terrenus præstitisse? Si ignis, inquit, nobilius elementum est, quàm terra, vel etiam ea metalla, quæ ex terra effodiuntur: non video quin is, qui ignem euocauit de cælo, qui imperio ipsius satisfaceret, multò magis potuerit Magistratui gladium portanti dixisse, ut eum gladium pro se contra quemcunque Regem exereret ac stringeret. Cuius sententiæ firmamentum hoc tantùm ab eo positum est, nihil apud prudentes viros referre, quid ex iis fiat, quæ eiusdem ponderis & momenti sunt. Non addam hîc quartum & quintum argumentum, quibus vtitur ex historiis sacris de Ozia <sup>2</sup>, & Athalia <sup>3</sup>. quòd ea nimirum Bellarmi- <sup>2</sup> Reg. 15. <sup>3</sup> Paral. 26. <sup>4</sup> Reg. 11. <sup>2</sup> Paral. 23.*

adeò scilicet nihil est eorum, quæ argumenti loco

in illis assumit, quod cum quæstione &

re controuersa cohæ-

reat.



r Primi argumē-  
ti refutatio.

**P**rimū itaque in eo fallitur, & errat largiter Sande-  
rus, quod aliquas Synagogæ partes fuisse in abdicando  
Saule autumet. est enim plusquam manifestum, id to-  
tum extraordinario Dei iudicio atque imperio, à quo o-  
mne regnum & potestas est, absque vlla sacerdotum, seu  
Synagogæ ordinaria iurisdictione, mandatum, denuncia-  
tum, & exitu rerum completum fuisse ac peractum: ex quo  
liquet, comparationem Ecclesiæ Christi & Synagogæ, vel  
Samuelis & Papæ, perperam & inscien-ter in hac re ab eo  
factam esse. Nam quanquam fateamur, quod res est, non  
minorem Ecclesiæ Christi, imò longè ma- iorem, quàm Sy-  
nagogæ, spiritua-lem potestatem esse: tamen non idcirco,  
non inquam ex comparatione potestatis & authoritatis v-  
triusque Ecclesiæ, consequitur, summum Pontificem pos-  
se Regem, Dei mandata aut negligentem aut contemnen-  
tem, iure regni priuare, & alium eius loco inaugurare: quo-  
niam Synagoga nunquam ea potestate prædita fuit. Nus-  
quam enim in vetere Testamento legitur, Synagogam lu-  
dæorū, aut eius pro tempore Pontificem, Regi alicui le- iti-  
mo Israelis vel Iudæ quantūlibet impio, peruerso, & crude-  
li, regnū abrogasse siue eum regni iure priuasse (vt ille ait)  
& alium eius loco substituisse. quo fit vt nullum inde ar-  
gumentū, nullumque exemp-um in noua lege sumi possit.

Prætereo quòd Samuel, licet magnus propheta fuerit,  
Pontifex tamen non fuit, ac ne sacerdos quidem, sed tantū  
Leuita 2: qui propterea nihil ordinaria (spiritualis iurisdic-  
tionis potestate aduersus Saulem facere potuit: nu- tunc  
minus secularis iudicii authoritate, quòd ea se antea, po-  
pulo Regem petente, publicitus abdicasset. Nul- lum igitur  
ministerium Samuel in hoc negotio exequendo, propè in-  
uitus, & precibus ac lachrymis reluctans, præbuit: & acce-  
pto speciali mandato, tanquam diuini iudicii nuncius à  
Domino missus, extraordinaria legatione functus est. Id-  
que ex eo patet, quòd vbi ad Regem venit, *Sine me*, inquit,  
& *indicabo tibi qualocutus sit Dominus ad me nocte*. Face-  
ssat igitur hoc argumentum ab extraordinario Samuelis mi-  
nisterio, & Saulis reiectione nequicquam peti- tum: vt pote  
cum quo ordinaria Ecclesiæ Christianæ, vel summi Ponti-  
ficis potestas, nullam comparationem aut proportionem,  
nullam conuenientiam vel similitudinem, vllò modo ha-  
beat.

z Hieronym. lib.  
i. ad ier. iouini-  
an. vide Gene-  
brat. in Psal. 93.

beat. Deus Saulem statim reiecit, & stirpi eius regnum ademit. At Reges alios, qui videbantur Saule nequiores, super populum suum regnare, & regnum ad filios transmittere, passus est. Ita placitum fuit in oculis eius. *Deus ultionum Dominus liberè egit* <sup>1</sup>. *Et omnia quaecumque voluit feci* <sup>2</sup>. nec alia quærenda ratio; cuius vult miseretur. *Et quem vult indurat*. <sup>3</sup> Nec ei quisquam dicere potest, *quid mihi fecisti sic* <sup>3</sup>. Nunquid idem de Ecclesia aut summo Pontifice credendum? sunt illis certi fines ac termini, quos prætereire non possunt. *Ecclesia iuribus & legibus regitur, sine debet regi*, ut ait Ioan. de Turre cremata <sup>4</sup>. Et idem neque Ecclesiæ, neque eius Rectori Pontifici, de regnis & rebus omnibus, absoluta libertate, & more diuino statuere, cunctaque pro arbitrio disponere, permissum est. id illis tantum licet, quod de ipsorum potestate sacris voluminibus, & ut traditionibus Apostolicis comprehensum est. Quæ cum ita sint, nemo rationandi peritus non statim videat, argumentum ex rebus à Samuele gestis deriuatum, non posse ad Pontificiam iurisdictionem stabiliendam villo modo concludi: nisi vel ab ordinaria Synagoga (in qua tamen Samuel primas non tenebat) ad ordinariam Ecclesiæ Christianæ potestatem, vel ab extraordinario Samuelis ministerio, ad extraordinarium similiter Papæ ministerium educatur: quorum illud à Synagoga ad Ecclesiam, licet in forma, ut aiunt, rectè concludi possit, inefficax tamen est quantum ad propositum, quia peccat in materia: quod si Synagoga nimirum nullam vnquam in Reges temporalem potestatem habuerit. Hoc verò, non nisi eo casu valet, quo idem nunc Papæ, quod olim Samueli contingat: ut scilicet et quemadmodum Dominus ad Samuelem de Saule locutus est, ita ad Pontificem aliquando nominatim de certo aliquo Rege abdicando, & alio in eius loco substituendo loquatur. tunc enim quin par Samuelis Papæ potestas sit, parque in exequendo Dei mandato ministerium, negari non potest. Sin minus, sin inquam nihil Pontifici in aurem expressim loquatur Dominus, quæ fieri potest quæso, ut, cum Regem aliquem de folio pellere propria authoritate cupiat, contédât se id facere exemplo Samueli, quem Deus cum speciali mandato, & extraordinaria missione, ad suum de Saulis abdicatione decretum nuntiandum delegauit? Samuel certò sciebat Dominum reieciisse Saulem & totam eius sobolem, ne regnaret, id enim Dominus indicauit. At Papa nescit

1 Psal. 93.

2 Psal. 135.

3 Rom. 9.

4 Ad Can. conjunctiones. 35.

q. 2.

Iob. 34.

nescit an Deus reiecerit eum necne, quem ipse cupit deponere, nisi hoc ei Deus speciatim reuelauerit. Quandoquidem nihil certius ex Scripturis, quàm Deum Reges malos, & verbi sui contemptores, variis de causis tolerare, atque ad tempus regnare facere: <sup>1</sup> quos ubi visum ei est, aut conuertit protinus aut euertit. & sæpe contingit, vt quos Papa, qui secundum faciem iudicat, regno indignos ex præsentis vitæ statu & moribus pronunciat; eos Dominus, cui omnia sunt præsentia, conuersis ad bonam frugem animis, regno dignissimos esse ostendat. cuius rei memorabile iam exemplum nostra ætate, nec ita pridem vidimus. Quis enim ignorat (ad laudem & gloriam tanti Regis hoc dicam) Henricum IV. qui regni Francici habenas fœlicissimè nunc moderatur, atque vtinam diutissimè moderetur, à Gregorio & Sixto Pontificibus, non solum excommunicatum & anathematizatum, sed ita reiectum & abdicatum fuisse, omni iure regni priuatum, vt eum etiam suis censuris, cuiuscunque regni vel principatus incapacem declararent: quorum iudicium re ipsa irritis Dominus, & Regem illum ab ipsis reprobaturum, regno amplissimo dignissimum esse ostendit. Hæc igitur cum ita se habeant, atque ad nutum diuinum varietur, quis scire possit, aut cognoscere voluntatem Dei Pontifex, nisi instar Samuelis fuerit præmonitus? Quod igitur ait Sanderus, *eum Regem, qui Dominum per summi Pontificis os loquentem.* &c. verum est in casu quo proponatur Pontifex ea exequi, quæ Dominus ei speciali reuelatione imperarit. Alioqui verò quid dicemus? Ergone Philippus Pulcher, quòd Bonifacium superbissima ambitione tumentem audire noluit, Dominum per summi Pontificis os loquentem audire contempsit? vt ob id regni iure priuari, & alius eius loco substitui à Bonifacio potuisse credatur? Ergone Ludouicus XII. quia Iulium II. lorricatum & militis magis quàm Pontificis partes obeuntē, audire noluit, Deum per os Pontificis loquentem ita contempsisse videtur, vt & ipse & eius factores damnari, & regnis exui, arbitrio hominis priuato odio æstuantis meruerint? talia credere, inscitiam, Deus bone, an insaniam appellem? Hæc de primo Sanderi argumento à nobis proposito satis.

Secundum eius argumentum (vt ingenii mei imbecillitatem ingenuè fatear) quorsum spectet vix satis intelligo. Nam vt ad id, de quo agitur, probandum aliqua eius vis & efficacia

efficientia sit, atque ei consequens quod concluditur, necesse est duas falsissimas suppositiones, tanquam veras & necessarias, prius admittere: quarum vna est, Eos qui vel aliquid euenturum, Deo reuelante, prædicebant; vel aliquid faciendum, eodem iubente, præcipiebant, potuisse id quicquid erat, suo iure, hoc est, propria autoritate, & ordinaria muneris sui potestate, sine vlla speciali reuelatione iussu diuino, mandare faciendum, aut aliàs per seipfos exequi ac perficere: quasi Ahias Silonetis, quem Deus singulari mandato ad Ieroboam miserat, vt ei nuntiaret se decem illi tribus de regno Salomonis daturum, his verbis. *Hac dicit Dominus Deus Israel: Ecce ego scindam regnum de manu Salomonis, & dabo tibi decem tribus.* quasi inquam Ahias, sine eiusmodi expresso Dei mandato, & sine vlla speciali reuelatione, potuisset vel Ieroboam, vel alium quemlibet, in regnum aut partem regni Salomonis vocare: quo nihil aut falsius aut absurdus dici potest. Altera verò suppositio est, Sacerdotes & Prophetas omnes, in veteri lege, dandi & auferendi regna, prout saluti populi expedire iudicassent, potestatem habuisse. quod & ipsum quoque falsissimum est: & cuius nullum neque exemplum, neque vestigium, aut indicium aliquod in Sacris literis reperitur. <sup>1</sup> Cum itaque huius secundi argumenti tota vis in his duabus falsis suppositionibus ita fundata sit, vt nisi iis concessis, rectè concludi nequeat: satisque constet, à potestate delegati à Principe, ad potestatem ordinarij, non esse firmam consequentiam: quis non innato quodam iudicio cernat, hoc totum quod ab Ahia prædictione traxit, tam ab eo quod probandum suscepit, quàm quod maximè esse remotum?

Tertium quoque argumentum est eiusdè generis: quid enim commune habet missio extraordinaria Eliæ, ad certa negotia specialiter exequenda, cum ordinario Pontificis officio? aut quæ cohærentia & connexio harum propositionum esse potest? Elias, Domino nominatim iubente (id enim omisit Sanderus, quod sine vitio tamen præteriri non potuit) *Vnixit Asael Regem super Syriam, & Iehu Regem super Israel, & Eliseum Prophetam pro se*: Ergo summus Pontifex potest regna, & principatus, quibuslibet auferre vel conferre, prout expedire censuerit? Coniungi enim hæc inter se nequeunt, nisi hoc posito & concessio medio, *tantum posse Papam, ordinariæ suæ iurisdictionis auctoritate, sine expresso Dei mandato, quantum Propheta, Domino*  
*specia-*

**Delegatus 3**  
 Principe, in causa sibi commissa, est maior ordinario & potest eum compellere



*specialiter & expressim iubente, potuerunt.* quod sine magnæ diuini Numinis iniuria dici non potest.

Quod autem ad gladium Eliæ attinet, de quo loquitur: eum doctè primùm, ac piè per allegoriam explicat, vt scilicet intelligatur de gladio spirituali, qui est in Ecclesia, & in manu summi Pontificis, quem nemo qualisqualis est, siue Rex siue Imperator, potest effugere: quiq; postremo loco recēsetur à Domino, tum quia ineuitabilis est, & propterea plus cæteris timendus: tum etiam quia illis solum corpora, hoc animæ occiduntur. At postea dum progreditur suo more, & locum illum Scripturæ, atque aliū de vindicta Eliæ in duos **Q**uinquagenarios & eorum milites, ad potestatem temporalem summi Pontificis, per interpretationem transfert, in fœdum illum errorem prolabitur quē suprà notauimus. Prophetas nimirum, sine vlla speciali delegatione vel reuelatione diuina, potuisse iure arbitrii quoque suo multare & punire, etiam capitali supplicio, eos omnes quos Deus, vel ad Maiestatis suæ gloriam manifestandam, vel ad seruorum suorum iniurias vindicandas, occulta dispensatione per miraculum, aut aliter vlcisci decreuerat: & quod Deus vno tantummodo faciendū præcepit, id ipsos aliis modis & mediis, vt libitum illis erat, exequi potuisse. Vt inde Papam, (cuius non minor, imò maior in noua lege, quàm fuerit olim Prophetarum & Sacerdotum in vetere, potestas est) authoritate Apostolica tantundem posse facere, velut necessaria consequutione ostendat.

At quis nesciat Deum multa precibus seruorum suorū concessisse, multa & sine precibus, eorum gratia mirabiliter operatum, quorum nihil illis, ipso non prius iubente, aggredi vel tentare, nedum exequi ac perficere, vllō modo aut medio licuisset? Cuius rei in personis Prophetarū perspicua atque in promptu ratio est. Siquidem inter omnes constat, neminem prophetarum, cum imperio & iurisdictione ordinaria, populo Hebræo præfuisse, præter admodū paucos, qui Prophetæ simul ac Principes populi & Iudices erant: vt Moyses, Iosua, Samuel, Dauid. Cæteri verò quantumlibet enthusiastici, in priuatis sine vlla temporali Dominatione agebant, ea solum nunciantes & exequentes, de quibus Dei spiritu admonebantur: eratque omnis eorum præscientia ita diuinitus temperata & coercita, vt neque omnia, neque omni tempore, sed quatenus quidque Dei spiritu cum illis communicabatur, cognoscere ac prædicere

dicere possent. Cuius rei testis est Iadon Propheta, qui cum à falso Propheta deciperetur, affirmante angelum sibi in sermone Domini esse locutum, non intellexit eum mentiri; quia id ei Dominus non reuelauerat: ac propterea fraudulenter seductus, atque ad interitum perductus est. <sup>1</sup> testis <sup>1</sup> 3. Reg. 13. & Elifæus, qui, misera Sunamitide ad eius pedes iacentem, dixit Giezi volenti eam amovere, *dimitte illam, anima enim eius in amaritudine est, & Dominus calauit à me, & non indicauit mihi* <sup>2</sup>.

<sup>2</sup> 4. Reg. 4.

Quod igitur querit Sanderus, An non potuerit Eliás dicere alicui Principi viro, aut magistratui si affuisset, *irruè in istos milites, & occide eos? & an peccasset illi Princeps, si ad verbum Elia, Regis subditos occidisset*: id non nisi cognito diuinæ iussionis tenore in singulis negotiis resolui potest. Itaque quod ad Eliam hoc casu attinet: Si Deus illi concessit, vt vel specialiter gladio, vel generaliter quoquo modo, in tales fontes animaduerteter, nemini dubium est, quin gladii potestatem & executionem cuiuslibet mandare sine culpa, & mandatum suscipere quilibet sine peccato, potuerit. Sin verò Dominus, vt est verisimile, hoc ei tantum reuelauerat, se impios illos derisores, igne cælitus demisso perditurum: id ei tantummodo expectandum erat, aliud autem nihil humano more in eos moliri, aut pœnas ciuiles suo arbitrio statuere, sine scelere licuit: quod nullam neque ordinariam, neque mandatam & delegatam, ad id faciendum, iurisdictionem à quoquam, Deo hominè, accepisset. Ob eamque causam peccasset ille quidem grauiter, si Principi viro aut Magistratui tale quid iussisset, aut suassisset: peccassent & hi, si eius iussa capescendo, Regis subditos interemissent <sup>3</sup>. Nihil certius, & apertius potest hac distinctione proponi: vt mirum sit tam absurdam Sanderi sententiam excidisse, qua putet Eliam potuisse simpliciter, & sine expresso Dei iussu, Regis militibus necem, quoquo modo libuisset, inferre. Rationes autem, quos firmandæ suæ sententiæ adhibet, friuolæ sunt, & prorsus indignæ quæ ab aërioris iudicii hominè, præsertim Theologo, ad eiusmodi quæstionis decisionem afferantur. *Quod ministerium ignis de cælo præbuit*, inquit, *id ipsum non poterat gladius terrenus præstitisse?* Sanè quidem poterat, & non solum gladius, sed telum aliud quodlibet, si Deo imperante fuisset adhibitum: nec vllus vnquam de eo dubitauit. At quoniam Dominus aduersus Quinquagenarios igne tantum vltionem

<sup>3</sup> L. non solum  
II. §. si mandato,  
D. de iniur. lib.  
reprehendenda.  
C. de instit. &  
substit.

1 Lyran. in illum locum.

2 L. aut damnū.  
3. §. i. de pœn.

3 L. diligenter.  
D. mandat.  
4 Psal. 118.

parabat, deque eo Prophetam in spiritu certum fecerat<sup>1</sup>; alio se vindicare instrumēto vel modo, neque debuit Elias neque potuit: nisi id ei pariter eodem spiritu fuisset indicatum. quia in non reuelatis, neque ordinarius neque extraordinarius iudex erat. Præterea si, quod leges humanæ statuunt, *cum damnatur aliquis, ut gladio in eum animaduertatur, animaduerti gladio oportet, non securi, vel telo, vel fusti, vel laqueo, vel quo alio modo*<sup>2</sup>: quis tam auersus à vero est, atque ab omni ratione, ut certum necis genus à Domino præscriptum, in aliam formam speciemque ab homine mutari posse credat? Cum enim in omnibus negotiis *finēs mandati diligenter custodiendi sint*<sup>3</sup>, tum maximè in diuinis iussionibus: Deus *mandauit mandata sua custodiri nimis*<sup>4</sup>.

Ex his patet, leuissimum esse quod firmamenti loco apponit, *nihil apud prudentes viros referre, quid ex iis fiat, quæ eiusdem ponderis & momenti sunt*. inque eo duplex eius error est; vnus, quòd proloquium illud nimis vniuersè & generaliter producat ad omnia, quæ vel natura, vel arte, vel manu fiūt: cum tamen quantum ad actiones humanas attinet, certum sit, sententiam illam in iis tantum locum habere, quæ homines vel sponte sua, vel accepto mandato cum libera agendi facultate, faciunt. veluti homicidam eum dici, qui mortis causam dolo malo homini, quouis modo vel instrumēto, præbuit: quòd in eiusmodi maleficio nihil refert, quid ex iis fiat, quæ eundem effectum producunt, siue, ut ille ait, *quæ eiusdem ponderis & momenti sunt*. Ast vbi quid fidei alicuius, certâ formâ, certoque modo peragendum, strictè & nominatim commendatur, id leges mandatario aliter exequi, non concedunt: ut ex loco quem superius retuli, aliisque Ciuilibus & Pontificiis iuris innumeris, satis patet. Alter eius error est, quòd nihil interesse putet, utrū impij homines cœlesti fulmine à Deo, an ab humana potentia telorum impetu feriantur, quòd dicat ea esse eiusdem ponderis & momenti. Nam licet vnus extremorum suppliciorum effectus sit, mors nimirum interitusque damnati: tamen permagni refert, quo illa modo & medie fontibus inferatur. quia sicut criminum, ita & pœnarum gradus sunt, & inde fit ut ex genere vltionis, seu grauitate vel leuitate supplicii, de sceleris indignitate, quanta sit, per pœnæ ad peccatum proportionem iudicemus.<sup>5</sup> Pœnarum quippe & præmiorum distributio, geometricam proportionem exigit. Scitè poeta<sup>6</sup>.

5 L. perspicendum. D. de pœn. lib. Pedius. D. de incend. rum. naufr.  
6 Horat. lib. i. Saty. 3.

— adfit

*Regula, peccatis qua pœnas irroget aquas:**Ne scutica dignum horribili sectere flagello.*

*Sed quem maior sequitur culpa, maiore plectatur vindicta.* <sup>1</sup> Greg. lib. 7. ep. 53. can. quia san-  
 Præclare vt cætera Augustinus: <sup>2</sup> *quis dubitauerit hoc esse sce-*  
*leratius commissum, quod est grauius vindicatum.* Imprudenter  
 ergo ille pœnas omnes, ferro, flamma, fame, alijsve modis  
 sumptas, eiusdem ponderis & inomenti esse statuit: vt offi-  
 cio suo functum prophetam fuisse concludat, si quos Deus  
 cælesti fulmine percussurum se indicauit, eos ipse terreno  
 gladio curasset trucidari. Quis nescit, in pœnis non hu-  
 mano more sumptis, sed calitùs & prodigiosè immis-  
 sis, Dei Omnipotentis iram & ultionem multò clarius eluce-  
 re? aut quis tam imperitus rerum æstimator, qui eiusdem  
 ponderis & inomenti suppliciiis periisse eos dicat, qui terræ  
 hiatu deglutiti, viui in infernum descenderunt, atque eos  
 qui sunt ordinariis, vel extraordinariis, humanarum legū  
 pœnis absumpti: Ac de his quidem Sanderi rationibus, à  
 Bellarmino non sine causa prætermis-  
 sus dixisse videor. Nunc igitur ex hoc diuerticulo ad Bel-  
 larminum reuertamur.

## C A P. XXXVII

**E**Xcussi huc vsque meam intelligentiam, vt in omnes  
 quæ apud Bellarminum vel Sanderū sunt, de tēporali  
 Pontificis potestate rationes diligentius inquirerem.  
 Reliquū igitur nunc est, vt ad exēpla à Bellarmino propo-  
 sita, infirmum & debile probationis genus, mentem & ma-  
 num pari studio conuertā. Ait enim suam sententiam du-  
 pliciter probari posse, rationibus & exemplis. Quàm vellē  
 equidem rationes firmiores protulisset. Amor sedis Apo-  
 stolice ita me afficit, vt potestatem omnem, quam author  
 iste ei tribuit, iure optimo tribui posse vehemēter cupiam.  
 Sed iam audiuimus rationes, audiamus & exempla.

*Primum est, inquit, 2. Paralip. 26. ubi legimus Oziam Re-*  
*gem, cū sacerdotum officium usurparet, à Pontifice fuisse de*  
*templo eiectum, & cū propter idem peccatum leprā à Deo percus-*  
*sus fuisset, coactum etiam fuisse ex vrbe discedere, & regnum filio*  
*renunciare.* Quod enim non sponte sua, sed ex sententia sa-  
 cerdotis vrbe & regni administratione priuatus fuerit, pa-  
 tet: Nam legimus Leuitici 13. Quicumque, inquit lex maculatus  
 fuerit leprā, & separatus est ad arbitrium sacerdotis, solus ha-



*bitabit extra castra. Cùm ergo hac fuerit lex in Israel, & simul legimus 2. Paralip. 26. Regem habitasse extra urbem in domo solitaria, & filium eius in urbe iudicasse populum terra, cogimur dicere, fuisse eum ad arbitrium sacerdotis separatum, & consequenter regnandi auctoritate priuatum. Si ergo propter lepram corporalem poterat sacerdos olim Regem iudicare, & regno priuare: quare id non poterit modo propter lepram spiritualem, id est, propter hæresin quæ per lepram figurabatur, ut Augustinus docet in questionibus Euangel. lib. 2. quest. 40. præsertim cùm 1. Corinth. 10. Paulus dicat, contigisse Iudeis omnia in figuris? Hæc ille.*

Miratus sum sæpenumero, nec adhuc mirari satis possum, homines doctrinæ opinione claros, tam supinè & oscitanter mentis suæ sensaliteris aliquando mandare, ut videantur aut non legisse authores quos laudant; aut quos legerint, planè non intellexisse; aut de industria ipsorum sensum adulterare voluisse. Quod vitium nostra ætate frequens est; in qua plerique scriptorum alienam fidem sequuti, non ex ipsis fontibus, sed ex riuulis & incilibus, aliorum incuria & culpa vitiosè deriuatis, assertionum suarum testimonia & auctoritates hauriunt: ita ut quæ primi seu malitiosè, seu negligenter, ad alienum sensum detorserunt, ea alii, ipsorum scrutinio & iudicio confisi, pro certis & indubitatis, in suos libros transcribant. Quod quanquam in Bellarmino perrarum est, utpote scriptore fideli & luculento, tamen negari non potest, quin Sanderum & alios temerè sequutus, in tribus capitibus de asserenda temporali Pontificis potestate, præsertim verò in superiore exemplo & sequenti proponendo, haud leuiter lapsus sit.

Lib. 5. cap. 17.

Ostendi iam pridem in libris aduersus Monarchomachos, <sup>1</sup> falsissimum esse *Oziam regnandi auctoritate ad arbitrium sacerdotis fuisse priuatum*. Etenim profectò nihil in tota Regum historia expressius continetur, quàm Oziam à sextodecimo ætatis anno, quo regnum iniit, in annum usque sexagesimum octauum, qui vitæ eius finis fuit, Regem perpetuò māsisse: nec vlllo vnquam tempore, regni auctoritate fuisse priuatum. *Habitabat quidem seorsum in domo libera*, ac proinde munia Regis, quæ facti sunt, per morbum obire non poterat. Sed id ei ius regni, siue regnandi auctoritatem non ademit. Alioqui & pueros inauguratos, ut olim Ioam <sup>2</sup> & Iosiam <sup>3</sup>, & legitimæ ætatis viros, si in mentis aut corporis morbos grauiore inciderint, Reges esse negan-

<sup>2</sup> 4. Reg. 11.

<sup>3</sup> 4. Reg. 22.

negandum est: cum illi moribus, hi morbo, à regni procur-  
 ratione, quæ in facto consistit, arceantur. Manebat certè  
 Rex Ozias quamdiu vixit. Ait enim Scriptura, <sup>1</sup> Anno vige- <sup>1</sup> 4. Reg. 15.  
*simo septimo Ieroboam Regis Israel, regnavit Azarias* (qui & O- <sup>2</sup> 2. Paral. 26.  
*zias & Zacharias dictus est) filius Amasia Regis Iuda. Sedecim*  
*annorum erat cùm regnare cœpisset, & quinquaginta duobus an-*  
*nis regnavit in Ierusalem.* & iterum eodem capite. Anno  
*quinquagesimo secundo Azaria Regis Iuda, regnavit Phacee fi-*  
*lius Romelia super Israel in Samaria.* Mortuum autem esse  
 hunc Azariam siue Oziam, sexagesimo octavo ætatis an-  
 no, regni vero sui quinquagesimo secundo, testatur Iose-  
 phus <sup>2</sup>. Si ergo Ozias annum agens decimum sextum re- <sup>2</sup> Lib. 9. antiq.  
 gnare cœpit, & annos quinquaginta duos regnavit, Scri- <sup>cap. 11.</sup>  
 ptura teste, obiitque annum agens sexagesimum octauum,  
 ecquod in eius vita momentum reperitur, quo iudicatus &  
 regni iure priuatus est? Fuit ei interea Curator filius, sicut  
*bis qui in ea causa sunt, ut superesserebus suis non possint,* adhibe-  
 ri solet <sup>3</sup>. Additur enim in ea historia, *Ioatham filius Regis* <sup>3</sup> L. his qui. 12.  
*gubernabat palatium, & rexit domum Regis, & iudicabat popu-* <sup>D. de tutor. &</sup>  
*lum terre.* En vt Ioatham, filius Regis vocatur, viuente & <sup>cur. dat. l. 2. D. de</sup>  
 ægrotante patre, & gubernator palatii, ac rector domus <sup>curat. furios.</sup>  
 Regis. Iudicabat autem populum, quia iudicia ad Regem  
 venire non poterant, propter vim morbi, & separationem  
 ex legis diuinæ præscripto, vt ibi docet Lyranus. Denique  
 ait Scriptura, *Dormiuitque Ozias cum patribus suis, & sepelie-*  
*runt eum in agro regalium sepulchrorum, eò quòd esset leprosus:*  
*regnavitque Ioatham filius eius pro eo.* En iterum vt Ioatham  
 non nisi à morte patris regnare cœpit. Quamuis itaque  
 verum sit, Oziam fuisse ad arbitrium sacerdotis separatum  
 propter lepram, quia id lege diuina disertè cautum erat:  
 non tamen verum est, eum regnandi autoritate fuisse pri-  
 uatum, aut coactum renunciarè regnum filio, vt isti falsò asse-  
 runt. Autoritas regnandi, & regni administratio pluri-  
 mum inter se differunt, & non minus quàm proprietas &  
 possessio. Autoritas est semper in persona Regis, & cum  
 iure regni coniuncta: administratio autem & procuratio,  
 siue gubernatio apud alios esse potest, ita vt vnus Rex  
 sit, alius regni administrator. Vnde qui in Regum in-  
 fantia, aut morbis grauioribus, præcipuam regni cu-  
 ram gerunt, gubernatoris, rectoris, tutoris, protecto-  
 ris, aliòve simili nomine insigniuntur: & publicum ni-  
 hil suo proprio nomine, sed Regis infantis, vel ægro-

tantis , nomine & authoritate proponunt , & pertrahant.

Hoc igitur exemplum de Ozia , tantum abest vt temporali Pontificis in Reges potestate aliquid faciat, vt ad eam impugnandam & euertendam plurimum valeat. Nam si , ( vt ille ex Apostolo refert , & nos facemur ) Iudæis omnia in figuris contingebant : si quæ lepra corporalis , ob quam separabatur aliquis à multitudine filiorum Israel , & extra castra solus habitabat , figura fuit lepræ spiritualis , id est , hæreseos , teste Augustino : Si denique sacerdotium Aaronicum , figura fuit sacerdotii nouæ legis. Ex his figuris duo argumenta , ad hanc quæstionem appositè deducuntur , quorum alterum , spirituales Papæ potestatem in Reges & Principes Christianos egregiè confirmat ; alterum verò hanc , qua de agitur temporalem eius potestatem , omninò fictitiam , usurpatam , atque à iure diuino alienam esse ostendit.

Prius igitur argumentum hoc modo cõtextitur. Quemadmodum sacerdotes olim Regem Oziam , leprâ per cussum , è templo expulerunt , vt extra ciuitatem habitaret : ita nunc summus Pontifex Regem hæresi infectum , quæ lepra est spiritualis , iudicare potest , & separare à communione fidelium per excommunicationem , atque ita cogere eum habitare extra ciuitatem Dei , id est , Ecclesiam Catholicam , donec fuerit à lepra mundatus , hoc est , donec hæresin abiurauerit . quod si lepra talis ad mortem vsque ei adhæreat , non est sepeliendus in sepulchris Regum , in Ecclesia nimirum , sed in agro , quia leprosus est , id est , hæreticus . Quod autem dixi Papam posse separare Regem hæreticū à communione fidelium per excommunicationem , de separatione spirituali animorum , non corporum intelligendum est . Subditi enim , Regi excommunicato obsequium denegare non debent .

Posterius verò argumentum hac forma rectè concludi potest . Sicut iudicium sacerdotis de lepra corporali , in veteri lege , nihil nisi separationem leprosi , & relegationem extra castra vel ciuitatem operabatur : & sicut iudicium sacerdotis de lepra Azariæ , siue Ozia , non potuit ei auferre ius regni , siue regnandi authoritatem , sed tantum necessitatem ei imposuit habitandi seorsum extra ciuitatem ( nam quòd actu , siue de facto , vt aiunt , regnum non administrabat , id non propter sententiam sacerdotalem , quæ le-

pram

pram indicabat, sed propter vim morbi perpetui corporalis accidit) Ita nunc quoque censura & sententia summi Pontificis, qua Regem aliquem hæreticum iudicat & declarat, quamuis faciat Regem manere extra civitatem Dei, id est, Ecclesiam Catholicam, vt dictum est: tamen non potest ei ius & auctoritatem regnandi auferre. atque ita figura cum figurato bellissimè conueniet. Est enim in his veteris testamenti figuris iuris & potestatis Papæ in Reges imago nō delineata modò, sed expressa: vt si ab umbra ad corpus, à figura ad figuratum, aliquod idoneum argumentum trahi possit: nullum his euidentius aut certius, ex antiquæ legis constitutione, ad nouæ legis obseruationem, à quoquam adaptetur. Quod si aduersarii ex omnibus veteris legis figuris, vnum aliquod tale, pro suæ sententiæ firmamento, concinnare poterunt, me iudice palinam ferent, certè me nunquam habebunt repugnantem. Secundum nunc igitur exemplum videamus.

## C A P. XXXVIII.

**S**ecundum est, inquit, 2. Paralipomen. 23. ubi cū Athalia tyrannicè occupasset regnum, & foueret cultum Baal, Ioiada Pontifex vocauit centuriones & milites, & iussit eis, vt Athalias interficerent: & pro ea Ioas Regem creauit. quod autem Pontifex non suaserit, sed iusserit, patet ex illis verbis 4. Reg. 11. Et fecerunt Centuriones iuxta omnia, quæ praeceperat eis Ioiada sacerdos. Item ex illis, 2. Paralip. 23. Egressus autem Ioiada Pontifex ad centuriones & Principes exercitus, dixit eis: Educite eam Athalias Reginam extra septa templi, & interficiatur foris gladio. Quod autem causa huius depositionis & occisionis Athaliae, non solum tyrannis eius fuerit, sed etiam quòd foueret cultum Baal, patet ex illis verbis quæ ponuntur immediatè post eius occisionem. Itaque, inquit Scriptura, ingressus est omnis populus domum Baal, & destruxerunt eam, & altaria, & simulachra eius confregerunt. Mathan quoque sacerdotem Baal interfecerunt ante aras.

Nescio equidem quid Bellarminum mouerit, vt hoc exemplum, tam remotum, & alienum, ab hac materia & controuersia, nobis obtruderet: nisi quia illud ante se ab aliis propositum animaduertat, veritus fortè ne, si id ipse prætermisset, indiligentiæ vel præuagationis apud Sixtum V. Pontificem ab æmulis accusaretur, qui supra modum imperiosus, ac Iesuitarum societati parùm fauens,



vt à pluribus eius societatis Patribus accepi, in animo habuit, totum illum ordinem ad arctiorem viuendi regulam & habitum religiosum cogere à Presbyteris secularib. colore, forma, vel signo aliquo exteriori distinctum, Itaque mirari licet, quo modo Bullam ab eo impetrarunt, vt Academicæ Pontimussanæ Dictaturam perpetuam occupent, id est, vt perpetuò Rectores sint, contra formam & constitutiones foundationis illius Vniuersitatis à Gregorii XIII. factæ. Sunt qui putant Bullam illam esse supposititiam, vel obreptitiam: certè quamuis vera sit, & à Sixto concessa, valere tamen non debet, nec vim vllam habere, quia statim ab eius creatione fuit impetrata, quo tēpore quicquid Pontifices concedunt, id non tam impetratum ab illis, quàm extortum esse censetur <sup>1</sup>. Sed ad rem.

Glos. in pro-  
cem. reg. Can-  
cell. Neuisa. in  
syl. nuptial. Re-  
buff. in tract. vt  
beneficia aut.  
vacat. nu. 9. & 10.

Exemplum de Ioiada & Athalia nihil ad hanc disputationem perfinere, ex eo liquet, quod omnis nostra quaestio in eo versetur, An Pontifex, tanta in legitimos Reges & Principes seculares potestate præditus sit, vt eos certis de causis de solio deicere, & iure regni priuare, atque alios eorum loco inungere, & inaugurare possit. Exemplum verò de Athalia, est de muliere quæ nullo iure regnum possidebat, sed immani tyrannide, per vim & scelus & cruentam regis sobolis necem: quæ propterea in ea causa fuit, vt iniussu Ioiadæ sacerdotis, cædi iustè à quolibet priuato potuerit. Sed quia tale quid tentatu periculosum, & factu difficile videbatur, aduersus eam, quæ defuncti Regis Ochosia mater erat; idèd Ioiadæ Pontificis consilio & auxilio erat opus: aut certè alterius cuiuspiam, qui similiter vel authoritatis suæ pondere, vel sanctitatis opinione, milites & multitudinem ad id facinus egregium conuocaret, atque aded concitaret.

Quod autem non tam imperio quàm suasu Ioiadæ id factum sit, patet ex eo, quod dicitur: *misit Ioiada Pontifex, & assumens centuriones & milites introduxit ad se in templum Domini, pepigitque cum eis fœdus.* idque ibi notant interpretes. Verba autem *iubere* vel *præcipere*, de quolibet dici solent, qui primas in factione vel societate obtinet. Nihil itaque in hoc exemplo reperitur, quod vel minimam conuenientiam aut similitudinem habeat cum assertione, quæ ab aduersariis probanda suscipitur. Assertio est legitimos Principes, hoc est, eos qui electionis vel successio-  
nis iure, regna & principatus obtinent, posse, ceris de  
ciuis,

causis, à summo Pontifice imperio deponi. quid ergo ad eam probandam attinet, exemplum de tyranno & tyrannonia proponere? Nunquid inter veros Dominos ac legitimos possessores, & prædatores atque alienarum possessionum inuafores, nihil interesse putant? An autem alia deponendi & interimendi Athaliam præter tyrannidem, causa fuerit, nihil curo. satis est eam fuisse tyrannum<sup>1</sup>, & violentam occupatricem regni. ad hoc ut nullum ex parte illius obstaculum vel impedimentum iuris esset, quo minus & præcipitari de folio, & à quolibet de multitudine excidi posset, quod de Rege legitimo dici similiter nequit, cuius personam, quantumuis impiam, ius regni atque imperii potestas ab omni iniuria, & pœna humana, protegere ac tueri semper debet. ut ex SS. Patrum scriptis alibi ostendimus. Sequitur nunc tertium.

Tyrannum hic in scemini-  
no genere posu-  
it, ut Thucydi-  
des, πόλις τυ-  
ραννος, lib. 1.

## CAP. XXXIX.

**T**ertium exemplum, inquit, est B. Ambrosii, qui cum Episcopus esset Mediolanensis, & proinde pastor & pater spiritualis Theodosii Imperatoris, qui Mediolani sedem suam ordinariè tenebat, primum excommunicauit eum propter eadem, quam Thessalonica à militibus fieri imperauerat. deinde præcepit ei, ut legem ferret, ne sententia lata de eade, vel bonorum publicatione, rata essent, nisi post triginta dies à sententia pronuntiatione, ut nimirum si quid per iracundiam precipitanter dictasset, intra tot dierum spatium reuocare posset. Atqui non potuit Ambrosius excommunicare Theodosium propter eadem illam, nisi prius causam illam cognouisset & diiudicasset, licet criminalis esset, & ad forum externum pertineret: non potuit autem cognoscere & iudicare eiusmodi causam, nisi etiam in foro externo legitimus iudex Theodosii fuisset.

Præterea cogere Imperatorem ad legem politicam ferendam, & præscribere ei formam legis, nonne manifestè ostendit posse Episcopum inter diuina temporalia potestate uti, etiam in eos qui potestatem super alios acceperunt? & si Episcopus quilibet id potest, quanta magis Princeps Episcoporum?

Est & hoc quoque exemplum prorsus à re qua de agitur alienum: utpote in quo nec mentio, nec vestigium aliquod temporalis potestatis Episcopi in Imperatorem cernitur: nec aliud quicquam, vnde talem potestatem Episcopo conuenire, probabili aliquo argumento concludatur.

sed totum ad illam spiritualem potestatem Episcopi per-  
 zinet, qua summum Pontificem in omnes Christianos, cu-  
 iuscunque sint ordinis vel dignitatis, præditum esse, & cor-  
 de agnoscimus & ore profiteamur. Ambrosius Imperato-  
 rem, propter peccatum ex iniusta multorum occisione  
 contractum excommunicauit. Nonne hoc ad spiritua-  
 lem Ecclesiæ iurisdictionem pertinet, quam tunc Ambro-  
 sius episcopali autoritate exercebat? At non potuit ex-  
 communicare, inquit, nisi prius causam illam cognouisset  
 & diiudicasset, licet esset criminalis, & ad forum externum  
 pertineret. De facto quidem potuit (vt faciunt inconside-  
 rati sacerdotes, quos ego vidi aliquando excommunica-  
 tionem ferre, incognita causa:) sed de iure non debuit, a-  
 lioqui certè iniquus iudex fuisset, si sine causæ cognitione  
 pœnas à reo expetisset. Sed esto, causam cognouit, & ani-  
 maduersio ac dignam iudicauit, eoque Imperatorem ex-  
 communicauit. quid inde? *Non potuit autem cognoscere &  
 iudicare eiusmodi causam*, inquit, *nisi etiam in foro externo le-  
 gitimus iudex Theodosius fuisset.* Huius capti sumus, nisi phi-  
 lina caueamus: latet in hac assertionem fallacia fallacissi-  
 ma, ex verbis *in foro externo*. Forum duplex est, politicum  
 seu ciuile: & Ecclesiasticum seu spirituale. Politicum fo-  
 rum omne est externum: Ecclesiasticum verò aliud exter-  
 num, aliud internum. Externum forum Ecclesiasticum  
 est, in quo, de causis ad Ecclesiæ notionem spectantibus,  
 palam tractatur & iudicatur: & si criminales sunt, vindicta  
 de his per excommunicationem, interdictionem, suspen-  
 sionem, depositionem, aut aliis modis secundum Cano-  
 nes pœnales, sumitur. Ac de eodem crimine cognoscunt  
 sœpè iudex temporalis & iudex spiritualis siue Ecclesiasti-  
 cus, etiam in foro exteriori: sed vterque in suo foro, & ad  
 diuersas pœnas imponendas. veluti de adulterio cognoscit  
 iudex politicus, *vt sacrilegi nuptiarum gladio feriantur.*<sup>1</sup> cog-  
 noscit & iudex Ecclesiasticus qui animæ curam gerit, vt  
 peccati moneat delinquentem, & perseuerantem peccare,  
 spiritualibus pœnis coerceat. Forum autem internum Ec-  
 clesiæ, (quod forum animæ, & forum pœnitentiæ, & forū  
 conscientiæ vocatur) illud est, in quo sacerdos de reuelat-  
 is sibi à confitente peccatis cognoscit & iudicat, & pœni-  
 tentiam pro modo delicti, arbitrato suo iniungit: vulgò e-  
 nim hodie receptum est, constitutiones pœnitentiales esse  
 arbitrarías, vt non solum Episcopus, sed quilibet confessa-  
 rius

L. quamuis. 30.  
 C. ad l. Iul. de a-  
 dul.

rius discretus, possit regulariter eas moderari, & in foro animæ<sup>1</sup> mitigare: Si ergo Bellarminus per *forum externum*, intelligat forum Ecclesiasticū, quod spiritualibus tantum pœnis contentum est, concedimus totum quod dicit. Erat enim Ambrosius legitimus Theodosii iudex in illo foro, idque ipso facto & effectu palam ostendit, cum eum excommunicaret. sed hoc posito & concessio, nihil inde ad temporalem Episcopi vel Papæ auctoritatem confirmandam elici potest. quia tam iudicium quam supplicium erat spirituale. Sin verò Bellarminus per *forum externum*, intelligat forum politicum, falsissimū est quod proponit. Quæ admodum enim distinctæ sunt a Deo potestates, Ecclesiastica & Politica, ita etiam distincta fora, distincta iudicia.

*Idem enim mediator Dei & hominum Christus Iesus actibus propriis, & dignitatibus distinctis, officia potestatis utriusque discrevit*<sup>2</sup>. Magnam certè Ambrosio iniuriam facit, si eum, post adeptum Episcopatum, cognovisse & iudicasse de causis criminalibus in foro civili arbitretur. Non erat ergo Ambrosius iudex legitimus Theodosii in foro externo politico, quod satis est ad probandum eum non potuisse iudicare, vel punire Imperatorem pœna aliqua temporali. At dicet, Ambrosius cognovit & iudicavit de cæde. Verum est;

sed non ut iudex politicus & temporalis, non inquam eo sine cognovit de crimine, quo iudex secularis. Scitum est ex Aristotele<sup>3</sup>, plures de vno & eodem subiecto variè, alio atque alio modo & fine, atque intentione cognoscere. Idem angulus rectus est, quem inuestigat geometra ut sciat, & quæ faber ut operetur. sic idē crimen est, de quo cognoscit iudex Laicus, ut reum morte, exilio, pecunia, vel qua alia temporali pœna multet: & de quo iudex Ecclesiasticus, ut pro modo delicti pœnā spirituale & pœnitentiam iniungat:

*At coegit Imperatorem ad legem politicam ferendam.* ergo temporali in eum potestate usus est. Nuga. Si coegit, quia potestate, & cuius rei metu coegit? id nos historia summa docebit, quæ est eiusmodi. Iniecerat Ambrosius Theodosio vinculum excommunicationis, cuius nexu cum liberari cuperet Imperator, negat Antistes se prius id facturum, quā aliquem in eo fructum pœnitentiæ videat. *quam*, inquit, *pœnitentiam ostendisti post tantum scelus, aut qua medicina curasti gravissima vulnera?* Respondit Imperator, Episcopi esse temperare & adhibere medelam vulneri, hoc est, pœnitentiam peccatori iniungere: pœnitentis verò iis

<sup>1</sup> Can. de his vbi gloss. ult. dist. 50. gloss. in can. mēsuram. ad verb. Sacerdotis de pœnit. dist. 1.

<sup>2</sup> Can. cum ad verum. 96. dist.

<sup>3</sup> Lib. 1. c. 7. Ethic.

quæ



quæ adhibentur vti, id est, iniunctam sibi pœnitentiâ peragere. Hoc audito, Ambrosius Imperatori ferendæ legis, de qua loquimur, necessitatem, pro pœnitentia & satisfactione imposuit: qua constituta (nam statim Imperator legem præscribi iussit) Ambrosius eum vinculis excommunicationis exoluit.

Cap. cùm nō ab  
homine de iud.

Nulla igitur Ambrosius temporali potestate, hoc casu in Theodosium usus est; sed totum quicquid est vi ac virtute spiritualis iurisdictionis præcepit. Nec Imperator, metu pœnæ temporalis, morem Antistiti gessit. Nam si nolisset parere, sed, vt mali interdum Principes faciunt, excommunicationem pariter & absolutionem contempsisset, nihil vltra quod ageret habuisset Ambrosius. Sed quia pius Princeps animæ suæ timuit, ne spirituali vinculo diutius ligata, squalorem sordesque ex longa carceratione cōtraheret, obsequutus est voluntati Pontificis, & vt absolutionis ab eo beneficium acciperet, temporale officium, quod è Republica esse videbatur, Episcopo admonente impendit. Vnde author historiæ; *tali tantaq; virtute & Pontifex & Imperator erāt illustres. Nam utrumq; ego admiror, illius quidem libertatem, huius verò obedientiam: itemq; feruoris flammam illius, & huius fidei puritatem.*

Coegit itaque Ambrosius Theodosium, quemadmodū nostri quotidie confessarii suos cogūt pœnitentes, quibus delicti veniam & absolutionem sæpe denegant, nisi munus vel onus, quod illis pœnitentiæ loco imponunt, seriò se executuros promittant: cum tamen nullam in eos temporalem iurisdictionē habeant. Coegit & eo modo, quo quisque nostrum solet vicinum vel conciuē suum cogere, cū id, quod à nobis sibi dari fieriue postulat, denegamus, nisi ille prius aliquid quod optamus, aut nostra aut amicorum gratiâ fecerit. Denique tritum est & vulgare, dici aliquem ratione, amore, dolore, iracundia, aliisque animi affectionibus & passionibus cogi, citra vllam seu temporalis seu spiritualis iurisdictionis potestatem.

Hæc cū ita sint, est quidem in hoc exemplo animaduersione dignum, Ecclesiasticam potestatem, metu pœnæ spiritualis, cogere homines sæpe ad temporalia peragēda, vt Ambrosius hīc Imperatorē. & econtrariò Ciuilem Potestatem, metu pœnæ temporalis, ad spiritualia non rarò adigere, vt cum Princeps hæreticos vel schismaticos, metu corporalis supplicii vel ademptionis bonorum, ad Eccle-

fiam

siam redire compellit. & tamen neq; illa temporalem, neque hæc spiritualem pœnam potest, nisi per accidens, irrogare. Sequitur quartum.

*Quartum est Gregorii I. inquit, in priuilegio quod cōcessit monasterio S. Medardi, & habetur in fine Epistolarum. Si quis, inquit, Regum, Antistitum, Iudicum, vel quarumcunq; personarum huius Apostolica auctoritatis, & nostra preceptionis decretis violauerit, cuiuscunque dignitatis vel sublimitatis sit, honore suo priuetur.*

Si uiueret hodie B. Gregorius, & superiora sua verba eo sensu accipi intelligeret, quasi ipse potestatem habuisset priuandi Reges suo honore & dignitate: exclamaret profecto calumniosam esse interpretationē, & se nunquam tale quid vel per somnium cogitasse; & verò quæ alibi scripta ab eo sunt, fidem planè abrogant huic expositioni. Sunt igitur ista non imperantis, sed imprecantis verba, quibus admonet & adiurat omne genus hominū, ne priuilegium à se datum violent, quodd si violauerint, Deum vindicem fore, qui eos suo honore priuet. quod genus admonitionis, & imprecationis, nunc semper addi solet extremis Bullarum & constitutionum Pontificiarum, hoc modo. *Nulli ergo omnium hominum liceat hanc paginam, &c. infringere, vel ei ausus temerario contraire. Si quis autem hoc attentare presumpserit, indignationem Omnipotentis Dei, ac beatorum Petri & Pauli Apostolorum eius incurrat, siue quod idem est, senouerit incursum.*

## C A P. XL.

**E**X his facilè cernet Lector, verum esse quod sæpius antè præmonui; Nullum vel in sacris literis, vel in sanctorum patrum scriptis, vestigium aut exemplū temporalis potestatis Pontificiæ reperiri. ac proinde haud rectè eos facere, imò grauiter peccare, qui sententiam per se falsissimam, argumentis & exemplis tam alienis & remotis, nituntur confirmare. Indoctos hoc modo decipiunt; à doctis deridentur. Ostendi iam planè vim nullam inesse exemplis superioribus, ad probandum id quod aduersarij affirmant. De sequētibus verò exemplis minus curo: Nam licet quædam eorum instituto aduersariorum congruant, & Pontifices temporali potestate, in postremis Ecclesiæ seculis, vsos aliquando esse indicent: tamen quia nihil nisi singularia quorundam Pontificum facta continent, quos ho-

homines fuisse, & humano more in rebus gerendis labi potuisse, nemo negat (ita ut, quod ante ex Soto retulimus, vulgari proverbio nunc iactetur, *factum Pontificum non facit fidei articulum.*) ideò de factis illorum, quibus talem potestatem exercere nisi sunt, iuris quaestio & disputatio adhuc superest. rectene an secus peracta sint. Nec illud nos movere debet, quod authores historiarum, qui facta illa Pontificum literis mandarunt, nullam reprehensionis notam adiecerint, sed potius probarint, laudarintque. Nam eius rei causas complures fuisse video. Primum quia omnes eius temporis scriptores aut Monachi erant, aut saltem Clerici, quibus præcipuè augere dignitatem Pontificiam curæ fuit: ideoque summo perè cauebant, nequa Pontificum facta sugillarent, atque iniustitiæ arguerent. Deinde quia tanta sanctitatis Papæ tunc temporis opinio fuit, ut gesta ab eo, tanquam à Deo facta, vulgus amplecteretur. Vnde non sine causa Io. Gerson dixit, *Vulgum existimare Papam esse unum Deum, qui habet omnē potestatem in caelo & in terra.* Vidi ego ante quinquaginta annos in Scotia, cum staret adhuc regnum fide & religione integrum, Papæ Romani nomen (ita enim Scotice loquebantur, *the Papa of Rome*) tanta in veneratione apud multitudinē fuisse, ut quicquid ab eo dictum factumve esse narrabatur, oraculi instar, & facti divini loco, ab omnibus haberetur. Denique quia præsens illis imminabat periculum, quod multorum adhuc manus ligat, linguamque occludit, ne si quid Papæ ingratum exarassent, & eius facta reprehendissent, tam scriptor quam scriptum diris Pontificiis statim percelleretur. quod minime mirum iis videri potest, qui Sixti V. iram & arrogantiam eò usque exarsisse norunt, ut, sicut antè admonui, illustres Belarmini disputationes delere atque extinguere in animo habuerit, quod non satis suæ ambitioni servitum esse ab illo Theologo iudicaret; cum tamen plus ei certè quam oportuit tribuisset. His accedit, quod præcipuum historici officium in narrando, non in iudicando consistit. Vnde multi, memoriâ magis quam iudicio pollentes, animos ad historicam narrationem appulerunt, & nudâ tantum ac simpliciter rerum gestarum relatione contenti, earum æquitatem omnibus æstimandam in medio reliquerunt.

Licet ergo scientiam, & fidem rerum gestarum, illis hominibus debeamus, qui eas scriptis suis posteritati reseruant: æquitatem tamen eorum quæ gesta sunt, non ab elo-

gio scriptorum, sed vel ex autoritate Scripturarum, vel ex traditionibus Apostolorū, vel ex antiquis Ecclesiæ decretis, vel denique ex rectâ naturalis rationis normâ addiscimus. Atque ita eò res semper redit, vt de cuiusque facti æquitate sit inquirendum, nec quid author historiæ laudauit vel vituperauit, sed quid iure meritoque laudari aut vituperari debuit, perscrutemur <sup>1</sup>. De exemplis itaque non laboro, quæ neque in Scripturis exstant & commendantur, neque aliquo saltem eorum quos diximus modo, laude digna demonstratur. Etenim profectò periculi plena res est, aliquem exempla, non hac statera hisque ponderibus examinata, ad imitandum proponere: quandoquidem ad antiquitatis monimenta accedentibus, mala quàm bona sæpius occurrent. Qua de causa Imperator iudices omnes sapienter admonet, *non exemplis sed legibus esse iudicandum*, atque in omnibus negotiis non id eos sequi oportere, quod ante ipsos à maximis Magistratibus factum est, *sed veritatem, & legum & iustitiæ vestigia* <sup>2</sup>. Hæc suadent, ne reliquis exemplis à Bellarmino productis, prolixius & exquisitius discutiendis immorer, nisi fortè aliquid subesse animaduertero, quo Lector incautus, veri specie & opinione, capi possit. eorum igitur aliqua, quæ & qualia sint, videamus.

<sup>1</sup> L. Sed licet 72.  
D. de off. Præsid.

<sup>2</sup> L. nemo iudex.  
13. C. de sent. &  
interloc.

*Quintum est Gregorij II. inquit, qui Leoni Imperatori Iconomacho à se excommunicato prohibuit vectigalia solui ab Italis, & proinde multauit eum parte Imperij.*

Equidem arbitror hoc exemplum rei gestæ veritatē non continere, quanquam id ita ab historicis quibusdam relatum esse scio. Vt ita credam facit tum singularis quædam illius Pontificis cum summa morum integritate cōiuncta eruditio, tum Platine de hac re testimonium, qui inter alia eius Pontificis facta egregia, illud commemorat, quòd sua autoritate obtiterit Italis volentibus ab illo impio Principe deficere, & alium sibi Imperatorem deligere. ita enim Platina. *Tum verò Leo tertius Imperator, cum apertè inuchi in Pontificem non posset, edictum proponit, vt omnes qui sub Imperio Romano essent, sanctorum omnium, Martyrum & Angelorum, statuas atq; imagines è templis abraderent & auferrent, tollenda (vt ipse dicebat) idololatria causa. qui verò secus fecisset, eum se pro hoste publico habiturū. Gregorius autem tantæ impietati nō modò nō obtemperat, verum etiam omnes Catholicos admonet, ne in tantum errorē timore vel edicto Principis villo modo dilabantur.* Quæ  
cohor-



*cohortatione adeò certè animati sunt Italia populi, ut paulum ab-  
fuerit quin sibi alium Imperatorem deligerent. Quo minus au-  
tem id fieret, auctoritate sua obflare Gregorius annixus est. Ad-  
dit autem, hunc Pontificem, ut sanctissimum virum decuit,  
litteris sæpius Imperatorem admonuisse, ut omisiss quorundam  
improborum erroribus, veram tandem amplecteretur fidem: &  
abolere sanctorum imagines desineret, quorum memoria & ex-  
emplari ad virtutis imitationem excitarentur homines.*

Huic ego auctori fidem in hac re potius quam aliis hi-  
storiciis etiam antiquioribus, maximè verò peregrinis, ad-  
hibeo: quòd is iussu Sixti IV. Pontificis aliorum Pontifi-  
cum vitas conscripserit, idque Romæ, ubi multa ei ex an-  
tiquis monumentis adiumenta suppetebant, ad indagatio-  
nem veritatis rerum in Vrbe atque in Italia gestarum: qui-  
bus alii, ut apparet, destituti, non nisi incertam famam, &  
sparsos hominum rumores (qui sæpe quòd factum volunt,  
factum narrant) pro certa & explorata veritate acceperunt.  
Si Platina superiorem historiæ particulam silentio præter-  
iisset, istorum certè, qui de Gregorio aliter scripserunt, sen-  
tentiam velut tacito consensu confirmasset: at cum ita eos  
scripsisse non ignoraret, (utpote homo multum in illis hi-  
storiis versatus) & nihilominus eorum sententiam mani-  
festa contradictione impugnet, verisimile est eum multo  
melioribus & certioribus testimoniis in rerum ab hoc Põ-  
tifice gestarum relatione usum esse. Quapropter humanius  
videtur, & veritati congruentius, Platinam in hac re sequi,  
atque in Zonaræ scriptis mendacium arguere (cùm satis  
experimento compertum sit, hallucinari frequenter eos,  
qui ex aliorum relatione, dicta factave populorum alibi  
degentium litteris complectuntur) quàm innocentem op-  
timum Pontificis vitam, fœda nota iniustitiæ & rebellionis  
maculare. Nam licet verum sit eum, pro sua in omnes spi-  
rituali potestate, Imperatorem hunc meritò excommuni-  
care potuisse: tamen prohibere ne populus, Romano Im-  
perio subiectus, censum daret Cæsari, siue vectigalia Impe-  
ratori penderet, quamdiu manebat Imperator, non sine  
manifesta legis diuinæ, & Euangelicæ doctrinæ præuari-  
catione potuit. Leonem autem hunc, quantumlibet im-  
pium, ad mortem usque Cæsarem mansisse, & neque à po-  
pulo neque à Pontifice ab Imperio depositum & abdicatū  
fuisse, satis inter omnes constat. Dico igitur falsam esse  
quod scribunt Centuriatores Magdeburgenses, hunc sci-  
licet

licet Pontificem, doctrinâ & moribus insignem, patriæ suę proditorē extitisse. Dico etiam falsum esse, quod superiore exemplo proponit Bellarminus, eundem nempe Pontificē multasse Leonem Isaurum Iconomachum parte Imperii. Nihil enim quicquam mali, vt & hac Platinæ historia liquet, neque in patriam, neque in Principem commolitus est. Sequitur nunc sextum.

## CAP. XLI.

**S**extū est Zacharia, inquit, qui rogatus à Primoribus Francorum Childericum deposuit, & in eius locum Pipinum Caroli Magni patrem Regem creari iussit.

Priusquam aliquid de hoc exēplo dicam, operæpretium est, inuolutā de eo historiam euoluere, & totum illud Zachariæ factum cum sentētia cui probandæ adhibetur, iunctis vtrinque circumstantiis, breuiter componere: vt inde facilius lectori appareat, quā parum efficacitatis ei insit, vt propositam aduersariorum sententiam confirmet.

Primum igitur in illa historia animaduersione dignum est, Childericum, & alios quosdam ante eum Reges Merovingios, omni prorsus regnandi authoritate destitutos, nihil nisi inane atque inutile Regis nomen habuisse. Nam & opes & potentia regni penes Palatii præfectos, qui Maiores domus dicebantur, & ad quos summa Imperii pertinebat, tenebātur: qui vsque ad eō Regibus superiores erant, iisque dominabātur, vt Rex præter inutile Regis nomen, & precarium vitæ stipēdium, quod ei præfectus, siue Maior Domus, prout videbatur, exhibebat, nihil aliud proprii possideret, quā vnā & eam perparui redditus villam, in qua domum, ex qua famulos sibi necessaria ministrantes, atque obsequia exhibentes, pauca numerositate habebat. Vt scribit Eginhartus in vita Caroli Magni.

Si quis igitur rem propius intueatur, inueniet binos tūc quodammodo Reges fuisse in Francia: vnum qui instar regis Scachorum, nomen tantū Regis, sed nullam potestatem regiam habebat. vt loquitur Aimoinus<sup>1</sup>. Alterum verò, cui Maior Domus siue præfectus aulæ nomen erat, apud quem summæ regni potestas consistebat. Hic nomine tenus quasi sub Rege erat, authoritate verò & potestate supra Regem: ita vt nihil ei deesset præter nomen ad plenam perfectamque regnandi maiestatem; quod etiam aliquando ei à populo deferrebat, vt summum illud quod gerebat Imperium, summæ dignitatis nomine significaretur. Itaq; Aimoinus

Lib. 4. cap. 61.

de Carolo Martello Pipini patre loquens, qui magnum Sarracenorum exercitum, ex Hispania in Gallias irruentem, fudit: *Deuictio, inquit, aduersariorum agmine, Christo in omnibus præfule & capite salutis & victoria, Rex Carolus salubriter remeavit ad propria in terram Francorum solium principatus sui.* En vt Maiorem Domus Regem vocat, propter eam ipsam, qua præditus erat, regalem potestatem.

Deinde in ea historia notandum est, Francorum proceres longam Regum suorum ignauiam pertælos, ad Maiorem Domus Pipinum Caroli filium, pacis bellicque artibus instructum, mira consensione oculos animosque cōuertisse: quæ res eum ita in spem regni erexit, *vt regium nomen non dissimulante affectarit*: quod vt facilius sine odio & scandalo multitudinis assequeretur, statuit in primis tentandum per legatos Pontificem Romanum, & eius consensum expetendum: ratus nimirum, quod res erat, Pontifice annuente, populum vniuersum, propter sedis Apostolicæ sanctitatem & reuerentiam, faciliè in eius sententia acquieturum.

Tertiò sciendum est Zachariam Papam generaliter consultum fuisse *de causa Regum qui in illo tempore fuerunt in Francia, vter potius Rex vocari debeat, isne qui nomen tantum Regis, sed nullam Potestatem regiam habebat, an verò qui industria virtuteque sua, negotia publica moderaretur.* & generaliter respondisse, *melius esse illum vocari Regem, apud quem summa potestas consisteret*: quo responso adducti Proceres, Pipinum sibi deligunt Regem. Non dubium tamen est, quin Pontifex de Hypothesi certior factus fuerit, Childericum nempe abdicandum, qui falso Regis nomine fungebatur, & Pipinum eius loco ad regni fastigium euehendū. Sed ita opinor eum generaliter respondisse, quia generalis sententia, nullius certæ personæ notam continebat, & integrum Franciæ Optimatibus iudicium, vt inde quod optabant colligerent, relinquebat. atq; ita Papa non simpliciter deposuit Childericum, sed deponentibus consensit. Verum quia eius consensus præcipuè spectabatur, dicitur præcisè ab historicis quibusdā Childericū deposuisse.

Postremò, in ea historia seriò & diligenter perpendendum est, quòd Zacharias Papa, auditis Pipini legatis de mutatione regni & Childerico deponendo, rem illam tam insolentem & arduam esse iudicabat, *vt initio minimè aude-  
ret tam magni momenti cogitationem suscipere*, tamen etiam sa-  
tis in-

vis intellexerat Merouingiorum socordiam ingens religioni & Reipublicæ Christianæ detrimentum afferre: donec compertum exploratumque habuisset, Proceres omnes Francorum à Pipino stare eumque Regem cupere: & præterea Childericum esse postremum Merouingiorum hominem sine liberis, aded stupidum, *ut ingenuo dolori amissum regnum ipse futurum non esset, nec usquam esse qui eius vicem quereveretur.* Hæc illa erant, quæ iuncta cum singulari studio & amore quo Pontifex Pipinum prosequabatur (ed quod ipse, & pater eius Carolus, multis Ecclesiam Romanam & sedem Apostolicam officiis essent demeriti) Zachariam mouebant, ut Francis, eam Regum mutationem cupientibus assentiretur.

Hæc quanquam ab historicis de hoc negotio ad hunc modum conscripta sunt, tamen magna nobis adhuc causa dubitandi de illius facti æquitate relinquitur. Scio Belarminum alibi, <sup>1</sup> nimia huius facti Zachariæ æquitatis fiducia, audacter affirmare, neminem sanæ mentis negaturum, factum illud fuisse iustum. At nihil proponit, cur non sapientissimus quisque iniustum id fuisse asseueret: nullam dico rationem probabilem & efficacem reddit, qua sapiens sibi persuadeat, Papam Francis in deponendo Childerico iuste consensisse. quandoquidem nullo casu licet malum facere, ut bonum inde quantumvis magnum consequatur. Deponi autem Regem legitimum à propriis subditis, aut deponentibus consentire, cum ille solum Deum supra se habeat, cui soli gestorum suorum rationem reddere tenetur, per se, & simpliciter malum esse, iam satis ostendimus. Argumenta autem duo quibus ad depositionis illius iustitiam probandam utitur, aded incerta sunt ac friuola, ut illa ab eo proposita esse mirer. Nā primū, quod facti Zachariæ æquitatem euentu rerum metitur, quasi ided, factum illud iustum censi debeat, quod illa regni mutatio prosperos & fœlices successus habuerit (*praesertim, inquit, cum euentus docuerit mutationem illam fœlicissimam fuisse*) id aded plebeium est & puerile, ut ne cogitari quidem à tanto viro, nedum scribi debuerit.

*Careat successibus opto,*

*Quisquis ab euentu facta notanda putet.*

Quid enim? Nonne postea in eodē regno Franciæ, mutatio à Carolouingiis ad Capeuingios, per summam iniustitiam facta est? Nam Hugo ille Capetus, animi magnitudine

Lib. 2. de Rom.  
Pontif. cap. 17.



*Et rebus potens, cum eius conatus nemo reprimeret, & i atque armie (vero herede capto & incarcerato) regni se diademate insigniri obtinuit. Vnde Gaguinus eum regni usurpatorem vocat. & tamen inter omnes constat, mutationem illam felicissimam fuisse, & ut quidam putant, occulto Dei iudicio factam, ut Pipinus, qui Merouingiis regnum per iniuriam eripuit, tandem aliquando parem in sua sobole iniuriam pateretur. Itaque Carolouingii non ita diu regno potiti sunt, si cum Capeuingiis conferantur. Capeuingii verò longe diuturnius stabilicum in sua gente imperium habent, & spero, in perpetuum habituros.*

Alterum quoque argumentum nihilo efficacius est, quod à Bonifacii episcopi sanctitate trahit, qui Pipinum, iussu Zachariæ, Regem vnxit & coronauit. *adde, inquit, quod qui iubente Pontifice Pipinum Regem inunxit & coronauit, vir sanctissimus fuit, B. videlicet Bonifacius Episcopus & Martyr, qui certè auctor iniustitiæ, & sceleris publici nunquam fuisset. leue inquam hoc est & nullius momenti argumentum. Nā Bonifacius nudas executoris mandati Apostolici partes in illo negotio obibat. idèdque nihil eius sanctitati detraxit, quod iubente Pontifice peregit: quippe tenebatur Papæ sententiam exequi, licet sciuisset eam esse iniustam<sup>1</sup>: & idèd licet reum fecisset Zachariam iniquitas imperandi, innocentē Bonifacium esse ostendisset ordo seruendi, & parendi necessitas.*

<sup>2</sup> illæsa igitur conscientia Bonifacius mandatum Zachariæ etiam iniustum explere potuit. At fuit Zacharias iste bonus Pontifex: fieri potest, nec id negamus. fuit quoque David bonus Rex & Sanctus: & Theodosius bonus Imperator: fuere Marcellinus & Liberius boni Pontifices: attamen nemo eorum non aliquid reprehensione dignum admisit. Quidni ergo Zacharias odio vel amor indulgere, & humano more iustitiam aliqua ex parte violare potuerit? Notum est Zachariam tunc Pipini auxilio, contra Aistulphi & Longobardorum iniurias, plurimum egiisse. an nō ingens illa erat ad expugnandam iustitiam machina? amor, odium, & proprium commodum, faciunt iudicem sæpè verum

<sup>3</sup> non cognoscere.

Sed ne quid vltra de huius facti Zachariæ æquitate contendamus, esto quod optant, demus factum illud fuisse iustissimum. Quid inde, quæso, roboris & firmamenti accedere potest ad probationem temporalis potestatis, quam Papæ in Principes tribuunt? Nunquid aliud, quàm ut eius facti

<sup>1</sup> Cap. Pastoralis. §. quia verò. de off. iud. deleg.

<sup>2</sup> Can. quid culpatur. 23. q. 1. ca. miles. 23. q. 5.

<sup>3</sup> Aristot. lib. 1. Rhet. ad Theodecten. cap. 1.

facti exemplo, Papa nunc faciat quod tunc fecit Zacharias? nempe ut alicui populo Regem suum, paribus de causis, abdicare cupienti consensum præbeat? hoc est, si Rex is sit qui nomen tantum habet, sine vlla regnandi autoritate, aut potestate regia: quiq; & liberis orbus, & animo adeo ignauo ac stupido est, ut sine cæde & sanguine deponi: & nemine eius vicem dolente, aut partes tutante, ex Principe priuatus reddi possit. Nam argumētum ab exemplo nihili est, nisi pares utrobique & casus & causæ sint. Hoc ergo exemplum Zachariæ quid ad immensam illam potestatem stabiliendam confert, qua sequentibus seculis freti Pontifices, interdum Reges potentissimos, & omnibus copiis florentes, animiq; & corporis viribus præstantes, non populorum rogatu vel consensu, sed proprio motu, per bella, per cædes, per schismata, per maximas Reipublicæ Christianæ calamitates, regnis priuare & sceptris spoliare se posse gloriati sunt, & conati? Nunquid facti Zachariæ exemplo id illis licere, quisquam sapiens iudicabit? Sed de hac refatis.

## C A P. XLII.

**H***Anc supremam partem libri nobis Authoris obitus inuidit.*

GVILIELMI BARCLAI

## ILLVSTRISSIMI

DVCIS LOTHARINGIÆ &amp;c.

CONSILIARII, SVPPPLICVM QVE

libellorum Magistri, atq; in celeberrima

Academia Pontimuffana I. V.

Professoris ac Decani,

## DE REGNO ET REGALI

POTESTATE ADVERSVS BVCHANA-


*sum, Brutum, Boucherium, & reliquos**Monarchomachos,*

## LIBRI SEX.

*Proverb. 24.*

Time Dominum, fili mi, & Regem : & cum detractoribus  
non commiscearis : quoniam repentè confurget perdi-  
tio eorum.

CHRI-



CHRISTIANIS-  
SIMO GALLIÆ ET NA-  
VARRÆ REGI HENRICO MA-  
gno, Pio, Sapienti, Incly-  
to, Augusto,

GVILIELMVS BARCLAVS S.



*Ntiquam olim eamque iustissi-  
mam apud Thraces legem fuisse, Athenaus libro quarto  
Deipnosophistarū memoria pra-  
didit (Hērice Magne Rex Chri-  
stianiissime) ut quibus facultates suppetere, it  
Regem munerarentur: qui verò nihil haberent,  
iis Rex munera daret. At illa tamen quantūlibet  
iusta & vetusta, neq; ab aliis nationibus recepta,  
neque ab ipsismet etiam Thracibus diu retēta, sed  
sensim & citò per desuetudinem oblitterata fuit:  
incertum an ob diuturnum haud libenter de suo lar-  
gentium tenacitatem, an verò propter nimiam  
pauperum multitudinem, quibus munerandis ga-  
za regia non sufficeret, an utraque de causa id ac-  
ciderit. Et verò si talis ubique lex adhuc vigeret,  
haud satis mihi nunc deliberatum & constitutum  
foret, utrum peterem an darem: sed cum nulla*



*eiusmodi amplius extet, nihil vetat quo minus v-*  
*trumque faciam, demque petamque. Tenuis*  
*mihi, fateor, ac parum lauta & magnifica supel-*  
*lex est: sed eam tamen cum perscrutarer, visus*  
*sum mihi munusculum Rege dignum inuenisse,*  
*& quo non aliud fortè in eo genere excellentius,*  
*atque ad Principis & populi maiestatem tran-*  
*quillitatemque tuendam & conseruandam ac-*  
*commodatius, ulli antehac Francorum Regi ob-*  
*latum sit: hos ipsos nempe libros de Regno, quos*  
*multis vigiliis lucubratos, ut Maiestati T. se-*  
*cundum Deum consecrem dedicemque, variis*  
*usque grauiissimis rationibus sum adductus. Pri-*  
*mum quod cum Regum & regnorum omnium,*  
*tum præcipuè Celsitud. T. & Francicæ Monar-*  
*chiæ causâ, cæpti à me sint & perfecti. Nam*  
*qui Regna & Monarchias demoliri, atque*  
*in Anarchias redigere conati sunt, ii in Franci-*  
*cum Imperium maximam certè impressionem*  
*fecerunt; rati nimirum fore, ut quemadmo-*  
*dum altum & amplum adificium, dum ruit, humi-*  
*liores ades contiguas mole & pondere suo cõqnas-*  
*sare solet: sic etiam conuulsis florentissimi regni*  
*Gallici fundamentis, quæ in summa, libera, &*  
*absoluta Regis potestate, populique obsequio po-*  
*sita sunt, vicina regna & principatus minus con-*  
*pli & opulenti eius casu & ruinâ perfacile nuta-*  
*rent. Deinde verò ut summam gentis meæ, Sco-*  
*torum omnium, inquam, erga Maiestatem T.*  
*regnumque, benenolentiam, fidem, & ani-*  
*citium,*

citiam, hoc qualiquali monimento testatam apud  
presentes posterósque relinquam: id enim virtus  
meritaque tua postulant, qui ictum inter Carolum  
Magnum & Achaium Francia & Scotia Reges,  
atque ad nostra hæc tempora religiosissimè custodi-  
tum fœdus, sapienter & sollicitè more maiorū con-  
servare & renouare studes. Accessit & illa quæ me  
plurimum mouit ratio, quòd regni scilicet amplis-  
simi, iure hereditario & bellicis sudoribus acquisi-  
ti, imperium eâ indole, eâque animi moderatione  
& prudentiâ tractes, quæ bonos in Maiestatis tuæ  
obsequium & amorem vel hoc solo nomine prouo-  
cant, ducunt, rapiunt, imò cogunt. Nam quæ vir-  
tutes & excellentes animi dotes Francia Regibus  
separatim, aliæ aliis, cognomina indiderunt, eæ si-  
mul omnes in tua vnius personâ coisse, & eâ, con-  
spirante consensu, cunctis superiorum Regum ti-  
tulis magnificentissimis certatim augere & orna-  
re velle videntur. Si Carolus I. rerum gestarum  
gloriâ Magni cognomentum adeptus est, quòd bel-  
lis prosperè confectis multos ad fidem Ethnicos cō-  
pulerit: cur eum Maiestati tuæ titulū denegemus,  
quandoquidem multis periculis & bellis tantò fu-  
nestioribus defunctus, quantò intestina discordiæ  
& motus ciuiles, quàm externorum hostium ar-  
ma, sceptris omnibus magis perniciose & exitia-  
les esse solent, non paucos tuo exemplo ad Ecclesiam  
Catholicam perduxisti: plurésque, ut spes est, breui  
adeandem vel hoc vel alio modo conuocabis. Et si  
eiusdem Caroli filius Ludonicus, Pii nomen leni-

tate & mansuetudine inuenit, quòd proprios filios coniuratos & eorum socios, postquam multa ad eius ignominiam & perniciem fuissent commoliti, magna facilitate in gratiam recepit: quis tuam in remittendis iniuriis, & meritis debitisque supplicis condonandis, facilitatem & clementiam, id nominis iure optimo vendicare non arbitrabitur? Nam illum quidem *ἑορῆ* communis, quadā velut natura vi, coegit, ut parens liberis eorūque cliētibus ignosceret: te verò, ut omnium discordiarum & iniuriarum memoriam obliuione sempiterna delendā censeret, nulla talis affectio, sed sola, summa, & singularis quaedam bonitas, atque erga patriam charitas adduxit. Ingens profectò & incōparabilis Maieitati T. ex hac temperata animi celsitate laus est: quòd non modò inimicorū omnium impetum armis, odium amore & beneuolentiā, inuidiam æquanimitate represseris, sed, quod planè heroicum est, proprios insuper animi motus atque adeò teipsum insita illa clementia superasti.

Ardua res vicisse alios, victoria maior

Est animi fluctus composuisse sui.

Iam verò Philippus à prospero rerum successu Augustus est appellatus. At illa tamen ipsa eius prosperitas, si cum fœlicitate tuā componatur, non ad eò magna & memorabilis apparebit: ut inde quis facile iudicet, quantò Henricus IV. quàm Philippus II. potiore ratione Augustus dici debeat. Sed nec Carolus cognomento Sapiens, tuam in regno administrando prouidentiam pace bellòve exaqua-

uit.

uit. Ille ut Dormantio Cancellario vita functo  
successorem daret, conuocatis multis Primoribus  
& Consiliariis, omniumque numeratis suffragiis,  
de maioris partis sententia Petrum Orgemontium  
in demortui locum suffecit. Ast T. Maestas non i-  
ta pridem, Philippo Cheuernio recens defuncto, ad  
Pomponium Bellieureum atate, ingenio, doctrina,  
pietate, iustitia, aliisque praeclaris animi dotibus, si  
quem Gallia habet, ornatissimum spectatissimum-  
que, nullis consiliariorum rogatis & expectatis  
sententiis, maximum illud sub Rege munus obe-  
undum, insigni prudentiae documento, sine cun-  
ctatione detulit. Sapiens quidem Carolus V. quia  
in sapientum monitis & consiliis acquieuit: at ma-  
gis Sapiens Henricus IV. cum quod sapientissimi  
quique suasissent, id suopte ingenio consilioque sit  
exequutus. Quid multa persequar, quid ve mo-  
rer in tuis & aliorum Regum factis componendis?  
singulos aliqua laudis & gloria particula vincis,  
cunctos exaequas. Inde factum arbitror, ut ad Ma-  
iestatis tuae excellentiam, & cumulum gloriae de-  
monstrandum, noua & inaudita epitheta ab eru-  
ditis & religiosis hominibus quaesita & excogitata  
sint, quibus Rex miraculorum, Regumque miracu-  
lum vocitère. Et verò magnum illud Reip. & Mo-  
narchiae Gallicanae corpus, tot intestinis bellorum  
motibus & crebra civilium morborum agitatione  
concussum, debilitatum, & languens, tantillo tem-  
pore pacatum, sanatum, ac plusquam pristinae va-  
letudini restitutum esse, miraculi instar est, summo  
Omni-



Omnipotentis Dei beneficio & singulari Maieſta-  
 tis T. tum prudentia tum felicitàſcribendum:  
 quippe tantam tam ſubitò mutationem vix quiſ-  
 quam fieri poſſe, nedum futuram eſſe credidiſſet,  
 quo minus mihi verendum ſit, ne adulandi ſtudio,  
 à quo longiſſimè abſum, magnificos ſuperiorū Re-  
 gū titulos ſingulares Celſitudinis Tuæ nomini ap-  
 poſuiſſe videar. Etenim proſectò is ſum, cui Solonis  
 magis quàm Aefopi ſententia ſemper placuit, ad  
 Principes ſcilicet vel non eſſe accedendū, vel cum  
 illis ſyncerè, candidè, & ſine diſſimulatione loquē-  
 dum, idque ipſum facit, vt in veras & ſolidas Ma-  
 ieſtatis Tuæ laudes ſim effuſus. Quæ quoniā ita ſe  
 habent, iſtis ego de cauſis, aliis que quas memorare  
 longum, hæſce meas de Regali poteſtate lucubrationes  
 Maieſtati T. offerri & dedicari debere, opti-  
 mo iure exiſtimaui, quòd poteſtatem maximam,  
 liberrimam, & ſolutiſſimam adeptæ, eam ita mo-  
 deretur vt humanitatis, iuſtitia, & honeſtatis ſi-  
 nes non excedat. Quæ ſi Celſ. T. grata fuerint, erit  
 cur egomet mihi gratuler. Deūque Regum o-  
 mnium Regem deprecet, vt Maieſtatem T. tran-  
 quillitati Reip. & Monarchiæ Gallicanæ quàm  
 diutiſſimè ſeruet incolumen, noménque tuum ex  
 Magno & Auguſto, Maximum & Auguſtiſ-  
 ſimum faciat, Vale. Pontimuſſi. Calend. Ianuar.  
 M. DC.

GVILIELMI BARCLAI,

ILLVSTRISSIMI DVCIS

LOTHARINGIÆ & C. CONSILIA-

rii supplicumq; libellorum ma-

gistri, atq; in celeberrima Academia

Pontimussana I. V. Professo-

ris ac Decani,

DE REGNO ET REGALI POTE-

*state aduersus Buchananum, Brutum, Bouche-*

*rium, & reliquos Monarchomachos,*

LIBER PRIMVS.



VM ante annos complusculos naucula  
Petri, multis diu procellis iactata, sedati-  
ore fluctu vehi cœpisset, propè que a des-  
set opinione multorum, vt ex alto in por-  
tum perueniret: procurante id gnauiter  
nauarcho non indiligente Gregorio XIII.  
& eius pios conatus iuuantibus multum

Principibus Christianis, spes ingens affulsit varia in Chri-  
stianis gentibus regna iam diu densissimis hæresum tene-  
bris circumfusa breui lucem Catholicæ & Apostolicæ reli-  
gionis iterum aspectura. Etenim profectò, qui præsens tûc  
rerum status erat, neminem non istæc benè sperare iube-  
bat: Vtpote collectam ex variis nationibus & variis in locis  
iuuentutem, religionis, doctrinæ, virtutis, totius denique  
honestatis seminarium alere & instituere in primis libe-  
liter Pontifex Maximus iam cæperat: optimum sanè, &  
propè dixerim vnicum, tantis incendiis extinguendis pa-  
ratum organum: vtq; Heroïnam illam, vtroque sceptro  
dignam, iniquo Anglorum carcere liberaret, enixius mo-  
lieba-

liebatur. Gallus in Catholica religionis præcepta & cæremonias ardentius incumberebat. Hispanus Belgium expurgare, & pristinam animaduersionis seueritatem in obstinatos hæreticos retinere videbatur. Lotharingus, auitæ pietatis & gloriæ exemplo, Ecclesiam omni nisu protegebat. Quæ res eum animos Catholicorum magna expectatione erigerent, hæreticorum verò, ita infringerent audaciam, ferocitatẽque comprimerent, vt neque effutire passim, neque profiteri palàm errores suos, vt antè, in regnis illis amplissimis auderent, Satanæ callidum mox cœpit consilium, quo laborantem exercitum suum nouo stratagemate subleuaret. Itaque Reges & Principes omnes seculares, quos aperto Marte superare nequierat, ex insidiis aggressus est. Emissarios enim accendit, non solum qui singulorum facta, virtutem, laudes, res gestas fictis famosisque libellis probrosè obscurarent: sed etiam qui vniuersis de summâ imperii litẽ intenderent, & libertatem regnandi, qua secundum Deum fruuntur maxima, velut temerè delatam, aut iniuste vsurpatam & iniquius retentam, in populi subiectionem & seruitutem, non liberali iudicio, sed illiberali conuitio, nec iustis vindictis, sed calumniosis indiciis assererent pertraherentque. Non contentus ergo iis quæ parens ille malorum & mendaciorum Lutherus, cæterique maledici conuiciatores, qui ab eius popina prodierunt, aduersus Principes Christianos infami ore & intolerabili petulantia euomuerat, emisit statim, & volitare ante oculos hominum fecit, Hotomani Francogalliam, Bruti Vindicias, Buchanani Dialogum de iure regni, libellos, si ab hominibus Catholica religionis exissent, non mediocrem in vulgo auctoritatem fortassis habituros. Nam & genus argumenti populare atq; plausibile continent, & argumenta ac rationes, quamuis impudẽter confictas, tamẽ ita ingeniosè & subtiliter excogitatas, vt cõmentahaud facillè ab imperitis deprehendi queant; eoque factam vt ambitiosis hominibus, vel nouarum rerum studiosis, turbandæ Reipublicę argumentum aliq; & adiumentum suppeditare videantur. Ex his Buchanani opusculum (paulò postquàm Edeimburgo prodiit typis excusum) obtulit mihi vir Nobilis & Reuerendus Pater Edmundus Hayus, rogans humaniter, & quæ eius apud me tunc erat authenticas, suo quodammodo iure imperans, vt ei scripto, per quod certissima Regibus, & Principibus omnibus exitia parantur,

eur, venena ciuitatum, excidia regnorum, gentium & populorum pestes atque interitus in toto orbe disseminantur & crescunt, memet veritatis tuendæ causa opponerem. Parui libenter, & quantum temporis suffurari necessariis meis studiis & penso publico mihi licuit, in eo authore redarguendo consumpsi. Sed cum opus illud festinato prope-  
randum iam essem aggressus, stitit nonnihil cursum illu-  
strissimus Princeps Dominus meus Serenissimus Dux Lo-  
tharingæ, certè gressus celeritatem conduplicato mune-  
ris mei onere retardauit. Nam cum in Academia sua Pon-  
timussana recens instituta me primum & vnicum tunc lu-  
ris professorem haberet, dum aliunde mihi collegas acci-  
ret, bis die vt profiterer, benignè & humaniter, vt solet o-  
mnia, inuitauit. Interea verò mihi relatum est ab eodem  
Reuer. Patre Hayo, popularem nostrum Adamum Blacuo-  
dæum, virum ornatissimum doctissimūque, Buchanani  
libello bellum indixisse, in aciem copias eduxisse, prælium  
secundo Marte commisisse, ac ita de hoste triumphasse, vt  
nullum amplius motum ciere posse vel ipse vel eius fauto-  
res crederentur. Quod vt intellexeram, exilui equidè gau-  
dio, atque istoc me fasce leuatum, & Poetam illum nostra-  
tem à suæ gentis homine potius quàm ab extero prostratū  
esse gratulatus sum. Etenim, vt ingenuè fatear, malui eru-  
dito cuiilibet, quàm mihi, laboriosam illam provinciam  
tradi, mihi verò quàm nemini. Sed & eodem ferè tempore  
perlatus est ad me liber Reuerendi Patris Niniani Winzeti  
Sanctæ Theologiæ Doctoris, & Abbatis Ratisponæ, ad-  
uersus eundem Buchananum conscriptus. Atque etiam  
Reuerendi in Christo Patris D. Cunerii Episcopi Leowar-  
diensis liber de officio Principis Christiani, non ita pridem  
ad compescendas eiusmodi seditiosorum hominum furias  
quibus Monarchiam insequuntur, piè doctèq; cōpositus.

Has igitur ob causas studium in ea re meum, quod mu-  
neris necessitate remisera, velut amplius non necessariū  
deposui: complicui chartam, & inter schedas condidi, nun-  
quam fore ratus, vt, quam pii Patres & viri docti magna cū  
laude & bonorum omnium assensu scriptis luculenter de-  
finierant, eius rei vlla inter Catholicos controuersia mo-  
ueretur. Verum multò aliter euenisse, non sine magno do-  
loris sensu, iam dudum intellexi: & hominē Ecclesiasticum,  
doctrina inter suos & religione vtunque spectabilē, aut a-  
que subnixum populari, id sibi argumēti denuò arripuisse,  
& in

Boucheriū in-  
telligit, de inst.  
Henr. III. abdic. 3  
Franc. regno.



& in vnus Regis necem, cuius odio exæstuabat, libros quatuor euulgasse, ad Principum omnium iniuriam & contumeliam redundantes: nihilque vel parum in iis effinxisse, nisi quod ab eorum, de quibus meminimus, hæreticorum scriptis emendicarit. Horum argumenta, rationes, testimonia, coniecturas, in suum opus transtulisse atque vsum pro suis: quæ hæretici scripserunt probasse, quæ Catholici damnarunt diuulgasse. Quod vt certò comperi, legique authorem, concidi primùm mente, me miserum ingemians quò me vertam? mène Deus Opt. Max. in tam corruptum seculum referuauit, vt virum Catholicum & concionatorem excolere inuenta hæreticorum, imitari *ψυδολογίας*, inducere seditiones, regnis & ciuitatibus exitiales, atque omnem de Monarchia & Regum imperio errorem recudere, ornare, & amplificare videam? res è si recidat fuisset quàm esse nimio mallet. Sed postquàm didici eius libri authorem ab iis stare, imò ex iis esse qui inconsiderato & planè infausto fœdere aduersus Regem coniurantes, in eas angustias compulsi sunt, ex quibus egredi honestè nequicerunt, nisi ad arbitrariam istam populorum in Principes potestatem confugissent: percussit illicò animum. At hoc illud est, hinc illæ Regibus insidiæ, hæc illa populum & populi concilium extollendi causa. Itaque desii vltèrius mirari hominem tantoperè Regi suo infensum, Reges alios improbâ styli libertate perstringere; amor enim, odium, & proprium commodum occæcant plerosque, & à veritatis cognitione dispellunt. Præclarè Manlius apud Liuium <sup>1</sup>, *Caca inuidia est, nec quicquam aliud scit quàm detestare virtutes, corrumpere honores & premia eorum.* Dolui tamen vehementer pro eo ac debui, tulique molestè vnus Regis odio cæteros omnes prægrauari, & quod indignius visum est, regalem potentiam non prærogatiua dignitatis & imperii amplitudine, sed multitudinis iudicio pro rebus gestis & vitæ meritis institutòque singulorum Regum esse dimensam: quo nihil fingi iniustius, aut dici ineptius possit. Ac illud in primis me sollicitum habuit & anxit maximè, quod præiudicata doctrinæ & religionis opinio, quas scriptor iste sibi tunc vendicabat, non mediocrè apud Catholicos auctoritatem iis libris conciliarat, multorumq; legentium animos ita præoccupauerat, vt eâ imbuti non rationum momenta, sed scriptoris commenta, nec quid de Regibus sentiendum, sed quid ipse senserit, attenderet,

Atque

Atq; ab his omnibus vna quidem ratio expectabatur, quæ mihi id operis improbanti homines minimè mali non raro obiectabant. Virum nempe eruditum, concionatorem, Theologum, & Doctorem Sorbonicum esse qui ista scripsisset, adque ea zelo religionis catholicæ esse impulsus: ac proinde nil nisi verum, & exploratum, atq; ad hominū societate conducibile māsuri cōmittere chartis voluisse.

Talibus responsis cū aures meæ frequēter caluissent, & non deferendam Regum, imò communem Reipublicæ causam iudicassem (quandoquidem populis isti æquè ac Regibus incommodant) diu multūque hæsi quibus tandem modis eam susciperem. Nam nec subcisiuis disputationibus (cuiusmodi multas cum multis, acres quidem illas & copiosas, institueram) proficere me posse satis ad eam rē existimaui: q̄ volumen illud Boucherii multorum iam manibus terebatur, quorum in cōgressum & colloquium nec venire mihi facile fuit, nec si venissem, opinionem, cui tanquam scopulo adhæserant, breui momento, & concisa, vt sit, oratione euellere animis atque eximere. Scriptum autē scripto refellere ingētis esse laboris homini præsertim aliis necessariis studiis occupato iudicabam. Etenim profectò id artificiosum in primis & laboriosum opus esse, & hominis nō solū ingenio, doctrina, eloquio, sapientia, atq; aliis animi dotibus, sed etiā otio abundantis videbatur: quæ omnia quā parū mihi suppetebant haud ipse ignorabā. Occurrebat & illud animo quod vulgari prouerbio, quo nihil verius, iactari solet, bonā causam bono patrono indigere: sæpeque contingere vt aduocati segnes & imperiti in optimis causis concidāt, cū docti & diligentes vel malas etiā obtineāt. Falsū quippe *dū nitet eloquio* cū voluptate auditur, & verum sine cultu orationis aures sæpe fastidiūt.

Has igitur ob causas, cū neque rei tantæ curam & cogitationem dimittere, neque eius palām suscipere patrociniū ausus essem, illinc vrgente mentem conscientia, hinc terrente & auertente rei magnitudine voluntatem: aduenit forte fortuna Pontimussius vir Nobilissimus African<sup>us</sup> Anglurius illustrissimi Principis nostri Castrorum tunc præfectus: qui vt erat suopte ingenio mansuetus & affabilis, ac literatorum hominum consortionis appetens, vbi me de Regum imperio leuiter differentem audisset, mirum quantum eo sermone delectatus est, se in fide Regum perpetuò māsisse dictitans: Viuo Rege Henrico iij. nulli se fa-

Etioni opem, consilium præbuisse: defuncto eo, laceratam  
 ciuilibus odiis patriam miseratam, ad Lotharingū transiisse:  
 nihil æquè cupere, ac benè defensam Regum causam ad-  
 uersus eos, quorum animos noua quædam libido incescit  
 cogendi Reges in ordinem: esse cacoethes regnis pernicio-  
 sissimum & insanabile si inoleseat: quòd multitudinē bre-  
 ui ita insolentem & efferatam reddet, vt nec Regibus nec  
 legibus parere amplius velint: semperque ambiciosi ho-  
 minibus, in quos vulgus inclinat, ad res nouas moliendas,  
 & sceptrā inuadenda, spe & specie melioris regiminis & in-  
 staurandæ Reipublicæ, ianuam aperiet. Cui ego suscepisse  
 me aliquando eam materiam tractandā, sed certis de cau-  
 sis ab instituto destituisse: quod vt audiit, rogat obnixè co-  
 gitationes meas literis mandem, aliisque communicem:  
 Haud rectè & è Republica facere me, qui rem comuni  
 hominum societati profuturam supprimerem. Non agi de  
 luminibus, stillicidiis, aut parietum iure: sed de summa re-  
 rum, & arctissimis concordia vinculis, quibus populus cū  
 Principe, & hic cum illo vicissim colligatur: & quæ reuelli  
 sine vitæ communis dissolutione & regnorum interitu ne-  
 queunt. Multò satius & præclarius mihi esse in id studium  
 incumbere, quod quanquam à paucis excolitur, plurimis  
 tamen prodesse possit, quàm in iure ciuili priuato explicā-  
 do, q̃ iam infinitis prope cōmentariis est illustratū, operā  
 curamq; collocare. Deniq; operæ preciū me facturum, &  
 rem Principibus iuxta ac populis (si sapiunt) gratissimam.

His me sermonibus fluctuantem prius animo firmauit,  
 fecitq; vt pollicerer lucubrationes aliquot *de Regno & Rega-  
 lis Imperii potestate*, propediè à me editum iri: cuius promissi  
 nexu citius multò me liberassem, si vires volūtati respōdere  
 per valetudinē, perque publicas occupationes potuissent.

Sed peregi tandem id operis quale quale est, atque in li-  
 bros sex digessi. Primi ea complectuntur, quæ aduersus Bu-  
 chananum de Monarchiæ præstantia & vtilitate, de coniu-  
 rationis & rebellionis incommodis, de legum ferendarum  
 origine & causis, de Regum, tam in capiendis consiliis quā  
 legibus dandis, arbitrio & potestate summa, & aliis id ge-  
 nus nonnullis, partim ex veteri meo scripto retexto nō ni-  
 hil & recognito, partim recenti meditatione in vnum cō-  
 pegi: sed ita tamen ne in primis illis duobus libris pristina  
 dialogi forma causaque immutarentur: ne fortè quæ ad-  
 uersus viuos scripseram in manes & vmbas demortuorum  
 exarasse

exarasse videar. Tertius verò libertatem Regum solutissimam, & solius imperantis voluntate finitā esse docet: eosq; non singulis modò, sed cunctis etiam superiores, vt nec in ordinem cogi possint, nec se populo submittere teneātur: Nihil in eos humanarum legum sanctiones, nihil iudicia ad vindictam valere: eam regiæ maiestatis prærogatiuā esse, vt vni tantum Deo, quem solum superiorem agnoscit, rerum à se gestarum factorumq; omnium rationē reddat. Nullam denique causam iustam reperiri, cur populus in Principem suum legitimum insurgere propriā auctoritate possit. Quartus autem aduersarias Bruti potissimum rationes refert refellitque. Quintus & sextus anacrisin librorū Boucherii contra Reges continent. Dabitur fortè aliquādo septimus qui officium Principis describet, cuius est immensam illam libertatem quam superioribus libris sibi vēdicat, atque aded omnem regalis imperii amplitudinem, consilio & ratione ita temperare, vt æquitatis, iustitiæ, & honestatis leges, quā potest minimè perfringat: ac perpetuò ante oculos habere quantum debeat, non quantum possit, subditis imperare: fixum etiam animo & illud à summo Rege & quæsitore iustissimo fortissimoque Deo Opt. M. qui malos malè perdit, exitium ei imminere dirissimum, si munus acceptum sæuiter, proteruè, aut negligenter obeat: nihil opes regias, nihil clientelas, nihil sceptrum sibi prodesse, vbi se summo iudicio stiterit. absoluta quippe hac atque exempta legibus humanis potestate inter homines fruitur, non vt ea abuti impunè ei liceat: quemadmodum nec liberum homini arbitrium datum est vt vitia sequatur & perditis moribus se coinquinet. Eum igitur liber ille ad regni habenas ritè moderandas magna ex parte informabit (quis enim omne Regis officium singularibus præceptis poterit absoluerè?) atque ea continebit quorū neglectus & incuria vitiosi Principis & vitiati regni signa sunt certissima. Ac superiora quidem illa, etsi, vt fateor, nō pro tantarum rerum dignitate tractauerim, ita tamen exposui, vt acutis hominib. & animi perturbationum vacuis facilè appareat, nostram de Regibus sententiam cum veterū iudicio, tū veritate ipsa, solidè & accuratè fundatam & fultā esse, eos verò q. cōtrā disputāt, magno licet artificio & cōquisitis elēchis rē inuoluāt, decipi planè vel decipere.

Illud equidem affirmare ausim me neq; odio in quemquam, neq; studio (quippe quorū causas procul habui) sed

De temporali  
subiectione in-  
telligit.



veritatis propugnandæ, & concordiæ inter Principem & populum confirmandæ desiderio, in hanc disputationem incubuisse. Nam & Ecclesiæ Catholicæ filium me esse profiteor, & corruptissimo seculo scribere: quo, si vlla veritatis occultandæ via veniâque daretur bonis, summam populi potestatem in Reges, quàm Regum in populos liberum atque solum imperium prædicare, magis è Republica fortassis atque Ecclesiâ quibusdam in regnis videretur. Sed vetat hoc veritas: nec scio quî faciunt id alii, mihi profectò nec licuit nec libuit vnquam; vtpote cui mentem & manû ab eiusmodi conatu auertit perpetuò sagax actionum omnium exploratrix conscientia, quam ego nec fallere nec fraudare possum. Maximoperè autem curasse me scio ne qua fidei Catholicæ repugnans sententia his libris contineatur: quòd si incogitanti mihi aliqua excidit, nec cogitam à me nec scriptam esse volo.

Illud præterea lectorem monere libuit, delegisse me personam Annæ Danielis Boutellerii, viri nobilitate & doctrinâ illustri: cui disputationis causa partes aduersas in hoc dialogo tribuam, quem viuo eo scripsi: non quod aliud ipse de Regibus senserit quàm nos, sed quòd sæpè inter nos de omnibus regiminis publici formis, & optimo Reip. statu ac omninò de his ipsis rebus quas nunc tractamus leniter & quietè sumus collocuti: quibus in disputationibus ipse semper tum animi gratia, tum veri inuestigandi studio, eorum partes obibat, quos redargui à nobis refellique solitos esse compererat. Erat certè in illo viro præter non vulgarem eruditionem tantus animi candor, tantâque comitas condita grauitate, vt bonos omnes, vel primo quoque cōgressu, in sui amorem pertraheret: qui propterea, & quoniam nemo nobis amicior, nemo charior fuerit, dignus visus est cuius memoriam duraturis, si fieri potest, in omne æuum monumentis ab obliuione vindicemus. Feci igitur sermonem inter nos habitum, in castro cui Candæo nomen est: quo tempore vir ille, ob raras atque eximias animi dotes, Illustrissimum Principem Franciscū Lotharingum, Comitem Vaudemontanum, tunc puerum, sibi commissum gubernabat: nòsque ad ædem D. Nicolao sacram, voti soluendi ergò, tendebamus. Illac enim cùm inter nobis esset, nihil antiquius habui, quàm vt summæ spei puerum, summa integritate virum, breui deflexu breuîque conspectu viserem & viderem. Aderat vnà mecum adole-

scens

scens nobilis, qui etiam magno eiusdem Principis videndi studio tenebatur. Itaque castrum ingressi à famulo statim obui accipimus, Boutellerium & eius Achatē Nicolaum Lombardum conferre inter se quædam : quæ ego arcana suspicatus, iussi narratorem subsistere paucillum, nec eos tam citò nostri aduentus nuncio interpellare. Sed illi è fenestra in aream contuentes, nihil nuncium expectant, ad salutationes statim properant & complexus. Ibi tum Boutellerius (postquam illi nos quædam de nostra, nos illos de sua sumus valetudine percontati) Subeamus testū, inquit, & igneis istis anhelantium equorum flatibus capita subducamus. Quod ubi fecissemus, confedissemusque, in eum sermonem incidimus, qui est à nobis iam literis commendatus. Haud inficior tamen complura me scripsisse, quæ nos tunc inter nos non sumus locuti; sed licere id mihi pro more dialogorum iure optimo existimaui, habeoque quos imiter in eo authores grauissimos, sed de his satis. Me autem sic affatus est Boutellerius.

**O**ptatò aduenisti, & haud scio an aliàs vnquam opportuniùs: nam ea res modo inter nos vertebatur, quæ ingens præsentia tuæ desiderium nobis peperit. **BARC.** At ego verebar ne non alias importunius, quòd institutum tibi cum Lombardo colloquium meo accessu derepentè abruperim. Sed res istæc quæ? **BOVT.** De Scotia nobis sermo erat, ut facile coniicias quàm tua nobis ope fuerit opus. **BARC.** Quam in retandem? **BOVT.** Ut antiquum rerum Scoticarum statum, & eius gentis mores, & quo ibi iure regnetur, regiaque authoritatis quæ vis sit atque in populum potestas, quæque eius maiestatis fastigium gloriæ securitas exornet, breuiter nobis exponas: quorū profectò nihil te non facilè præstare posse, multa ut credam efficiunt. in ea siquidem regione ortus cum sis & educatus, atque in aulam (ut ex te alias audiui) à Patruale iam tunc adolescens deductus paulò antè quàm Regina Darlæo nuberet, te huius ætatis mores institutâque latere non possunt. Pristinum quoque illius Reipublicæ statum (qui vel nascente Regno fuerit, vel interiectis etiam seculis ad nostram vsque memoriam peruenit) publicis monumentis consignatum non te arbitror ignorare. Neque enim in iis es, ut opinor, qui tempore & loco remotissima quæq; perscrutantur, & illa quæ propiùs absunt & penè præter oculos, longèque inuestigatu digniora, velut ad se parum atti-

mentia prorsus negligunt. Fac ergo nos voti compotes, & ad harum rerum narrationem non nihil temporis, dum æstus est, concedito, attentos multum habiturus auditores. **BARC.** Rem certè à me postulas factu quidem, si per oculum liceret, non iniucundam: quid enim malim quàm de ea quæ germana mihi patria est, & gentis eius domi militiæque rebus præclare gestis, si minus pro dignitate, at saltem ut possum, apud homines præsertim audiendi cupidos aliquid prædicare? Sed scis iter nobis nunc aliud constitutum, voto tenemur, ne nos detineat: ista tibi omnia in reditum libentius & liberius explicabo. **BOVR.** Excusationem tuam accipio, sed ex parte, non enim id ago ut quod voto nuncupasti omnino non soluas: sed ne tam citò soluas: cupio tibi huius dieculæ moram iniicere. Iurisconsultis vestris visum est, non esse

L. si debitori 27.  
D. de iud.

*magnum damnum in mora modici temporis.* An putas tibi adeò seueros esse creditores, ut si hodie fidem non liberes, cras debitum etiam ad sacra appensum absque scœnore non recipiant? **BARC.** Facetè tu quidem istuc, nec frustra tamen, quod cernis opinor multos nunc malo more scœnus agitare, & questum ex eo palam erectis superciliis vberimum facere, & perinde ac si nihil Deo, nihil cœlitibus, vsurario lucro esset gratius, imò ac si ipsi Superi scœnerarentur. Sed cum bonis mihi negotium est, qui tantum abest præter debitum aliquid exposcât, ut si quid ultro eis datum sit duplicatò restituant. **BOVR.** Quid igitur causæ est cur ortus tui patriam (quæ congruenter naturæ vitæ degenti non potest non dulcis esse atque amabilis) exigui temporis sermone non dignaris cohonestare? **BAR.** Quia videris mihi hanc honestam simul & iucundam moræ iniiciendæ occasionem compositò affectare, ut colloquio in multum diem protracto cogamur hic tecum pernoctare (scio te amicorum præsentiam nimio-perè delectari) & quia soles etiam frequenter alios interrogare de rebus tibi quàm illis notioribus, ut idemne quod tu, an aliud de iis sentiant explores: hæc suadent ut præsens de Scotia colloquium detrectem: quæ si absunt, mos tibi geretur, & dies nos citius, quàm sermo deficiet. **BOVR.** Absunt profectò longissimè: nam licet facere me aliquando quæ dicis non inficiat, tamen mihi crede veram nunc non fictam quærendi causam adfero. **BARC.** Quam? **BOVR.** Nimirum quotidianam illam communemque rerum scilicet ipsarum in quas inquirimus ignorationem. Nam cum aliæ apud alias gentes publici atque privati regiminis for-

ma obseruari soleant, Regibus imperio in quasdam concessio, nonnullis Magnatum principatu, aliis populari imperio Rempublicam administrantibus, scire cupio quodnā istorum apud Scotos imperium obtineat? BARC. Quodnam? rogas? an tu regni omnium quæ in Europa sunt si nō antiquissimi, at certē ex antiquissimis vnus, cuiusmodi forma imperii sit adhuc ignoras? cū nouem iam & nongentis supra mille annis perpetuā regum serie gubernatū ad nostra hæc tempora incolume peruenierit, quorum exteræ nationes arma nonnunquam, opem sæpe persenserunt: quorumque affinitates, & fœdera, complures luculentī scriptores ita literis expresserunt, vt mirum sit hominē in h istoriā haud mediocriter versatū, qualē te esse scio, hoc q̄ interrogas ignorare. Illud autem quid est, q̄ cum de potestate regia apud Scotos, & eius maiestatis imperii securitate, initio sis percontatus, nunc demū, velut eorū quē dixeras immemor, an sit apud eos regiū nomen in quæstionē reuocas? BOVR. Equidē nihil ex te de summi magistratus nomine apud Scotos sciscitor, Regē mne, Ducē, an Imperatorē cum vocitent: neq; n. sum nescius Imperium illud præ se ferre Monarchiā, & Reges ibi iam inde ab initio appellatos: Sed hoc tantū quæro, num Regibus apud eos Reip. administrandæ summa permissa sit? BARC. Atqui dū istud quæris, nonne hoc ipsum quærere videris an Regem habeant? BOVR. Nequaquā. BARC. Quid ita quæso? BOVR. Quia scis vt opinor Reges dici apud quasdā nationes, qui præter inanes titulos nomenq̄, nihil ferē regiū possideāt: quippe tam angustis plebiscitorū, seu maioris legum popularium repagulis coercentur, vt simul & imperium assumpsisse, & liberā de rebus publicis atq; priuatis statuendi facultatem deposuisse videantur. Scire igitur velim, vtrum Reges vestri cum istis censendi sint qui toti à multitudinis voce pēdent, an verò cum iis qui liberē & regali p̄fus more regni sibi commissi habenas moderantur. BARC. Cum iis profectò qui liberrimè: ita vt si omnia regna Christiana perlustres animo, vix vs̄p̄iam regnatū esse liberius, aut Reges in populum gratiores, populū m̄c regibus obtemperantiorem, quàm in Scotia deprehendas. Neque enim potuisset regnum illud tam diu stare, & tam potentibus aduersariis restare, nisi mutuis illis imperandi parendique officiis fuisset sustentatum. At tu cedo quid istuc tibi quærēdi causæ sit, & quē te ratio nūc primū in hac de libertate regnādi,



apud nostrates dubitationem impulerit? Nam cum aliàs frequenter honorificam de Regibus nostris gentèque tota mentionem faceres, non solebas de eiusmodi Regum libertate vel iure regni aliquid scrupulosius inquirere. BOVR. Dicam, & quo planius quid sentiam intelligas, dicam vberius. Quoties antehac de rebus Scoticis vel ipse mecum cogitabam, vel cum aliis sermonem instituebam, in ea semper eram sentètia, vt crederem Reges ibi antiqua & communi cæterorum Regum libertate frui solitos: idque cum neutiquam apud te popularèsque tuos dissimulassem, nec erroris ab vilo fuisset admonitus, putavi eundem tot hominum silentio, qui de iis rebus aliquid sibi sapere videbatur, firmatam iam satis & probatam opinionem meam. Sed didici iam ante paucos dies in magno me errore versatum, ac ne vmbram quidem veritatis in ea re attigisse: idque ab homine rerum Scoticarum haud vulgari perito cõmonefactus. Is enim Regib. vestris nihil libertatis in Reipublicæ administratione cõcessum esse docet: & hoc illis tantum reliqui esse, quod imperii gestè insignis, cuius gloriolę inanis splendore cæteris regni primoribus antecellunt. Nec illis permitti quicquam liberè & ex animi sententia statuere, vt Regibus alioqui mos est, aut veteribus sancitũ legibus mutare, imminuere, rescindere, abrogare: sed legum præscripto & strictis iudiciorum formulis, haud secus ac si pedanei iudices essent, alligari, vt, nõ quod illi populo, sed quod ipsis populus imperare malit, præcisè decernant. Denique Regem apud vestrates ex publicis priuatisque delictis reum fieri, & vt quemlibet è media multitudine & infimæ sortis hominibus in ius vocari, imò pertrahi ac pulsari posse contēdit. Quæ si ita sũt, eo mihi vestrorum Regum conditio inferior videtur, quo præstatius esset, si optio illis à natura daretur, vitam in obscuro, sed tranquillam, degere, quàm eiusmodi principatus fastigium appetere, in quo cum omnium ante oculos obuerlentur, nullibi in tuto consistent: quippe quos nec regiæ dignitatis splendor, nec imperii maiestas, nec summo magistratui debita reuerentia, à maleuolorum hominum iniuriis, ficta nonnunquam crimina obtendentium, possit asserere. BARC. Rem mihi hætenus inauditam naras, & quæ magnam me in admirationem trahit, quod diu iam patrii moris & legum nostratium obseruationem propius intuens, nihil vnquam tale in iis animaduereim: ac  
proinde

Buchanani de  
Scotis & eorum  
Regibus calu-  
mniosum men-  
dacium.

proinde ausim liquidò iurare, id totum quod ex illo auctore recitasti commentitium esse, & tam à vero alienum quàm quod maximè. Quapropter edas quæso nomē eius, quem laudasti, authoris: suspectus enim mihi est quisquis sit, & si quid rectè de illo auguror, aut exulcerato in Reges Scotorum animo, aut populum ad seditionem concitandi studio, aut ambitiosâ affectati regni cupiditate impulsus, hanc tam perniciosam, & diuini simul atque humani iuris corruptricem mutationem in illam Rempublicâ conatur inuehere: aut certè is est qui nihil vnquam de statu rerum Scoticarum *μὴδ' ὕπαρ μὴδ' ὄναρ* intellexit. BOVR.

Quo animo scripserit equidem nescio, sed vestratem esse sat scio, atque ob diuturnam in publicis ac priuatis negotiis experientiam, non videri res gestas popularium suorum penitus ignorare. Ac ne quis præterea ab inimiciore Regibus Scotiæ, & eorum felicitatem peroso homine, opus illud conscriptum existimet, contendit enixè omnibus, vbicunque terrarum sunt, Regibus ius idem cōpetere: omnēque in eundem ordinem esse cogendos, atque iisdem cancellis concludēdos, quibus suos in Scotia Reges teneri asserit: & hoc pacto cæterorum omnium, qui solutiùs nunc imperant, coangustari debere libertatem. Itaque licet inscriptio libri, in quo ista pertractat, sit, DE IVRE REGNI APVD SCOTOS. tamen de iure regni vniuersè illic disputat, & rationum momenta extendit latiùs, vt omnes omnino Reges comprehendant: & quod de vno illo Rege nominatim profert, id in reliquos omnes Monarchas conuenire docet, siue Reges illi, siue alio ad imperium apto nomine vocentur. Horum ego lectione ita sum affectus vt planè adhuc animi pendeam. Nam si vera sunt quæ scribit, ingēs mihi error huc vsque obiectus est, non solùm de modo regnandi apud Scotos, qui in facto consistit, sed de communi Regum omnium iure, quod latius ac liberius esse, quàm ille tradit egomet mihi semper persuasi. BARC. An non rectè dixi tuum mihi monitorem suspectum esse, hominem opinor vel ab inferis suscitatum, vel ad contradicendum natum, & res subinde nouas in populis excitandi studiosum, qui, vt gentium & nationum omnium ritè constituta imperia labefacēt, perpetuos seditionis, & in Regum capita coniurationis fomites, turbulentis eiusmodi orationibus subministrat. Sed quisnam ille sit quin tandem dicis? BOVR. Buchananus, vir multis vel sola poesi notus. Is

*lusu statum se  
psit, non metu  
vati, alia quæ  
non impune scrip  
set præsertim per  
alia Regia m  
Mariæ.*

enim in hoc quem vides libello *de iure regni apud Scotos* inscripto, omnem Regi Scotiae in subditos potestate aufert, nisi quā illi legis aliquo capite aliquid tributum est: id quē eo iure quod à primis eius regni cunabulis ad hęc vsq; tempora inualuit, si narrationi fides, satis videtur confirmare. Sed & ceteros Reges omnes, vt iam dixi, in eundem ordinem cogēdos variā ac multiplici ratione contēdit. **BARC.** Aliquid interea suspicabar mali, dum nomen tam diu celares. Nā tu mihi authorem narras pessimo libello nequiorē, & quod in Græcorum prouerbio est, *κακὴ κρῶσις κακῶν ἀνδρῶν*. hominem videlicet in quo, si multiugem eruditionem spectes, præclara multa inuenias: sin fidem vel mores edē vīs. quem equidem non demiror tales scripto

*hanc ang. alius & in  
quam scripto.*

1 Cassiod. in pro-  
cem. lib. 1.

2 Basil. Magn. ad  
Maximū Philo-  
sophum. Id est  
oratio est re vera  
animi imago.

excitasse Tragedias, vt sua vitæ verba faciat cōuenire: cum vix dispar moribus oratio reperiatur. <sup>1</sup> verē siquidem vir sanctus. <sup>2</sup> *εὐκρίτες ὄντως τῷ ψυχῶν εἶσιν οἱ λόγοι*. Neq; enim fieri potest vt qui proditorum ambitioni, quemadmodum ille, plurimum semper sit obsequutus, aliter atque ille de iure regni, & non violanda Imperii maiestate, scribere aut loqui, vel qui ita scribit aut loquitur, meliore in Reges quā ille animo esse possit. Quod quamuis graue sit & permolestum, hominem nempe tot Principum beneficiis deuinctū in Principum semper capita coniurare: & quibus vitā pro scelere meritō exposcendam debet, vitam vt eripiat nihil non obnixē machinari: ferendum tamē cō leuius est, quod minus lædere & citiūs præcaueri insidię patefactę possunt, quā illæ quæ tum primum cernuntur cum nec opinātes opprimunt. Sed de huius hominis improbitate nō est præsentis instituti plura commemorare, ne fortē in eius mores & vitam altius inquirentes, in personā multa, in rem pauca dixisse videamur. **BOYR.** Rectē: erit enim hoc pacto gratior nobis sermo, & ad veri inuestigationem accommodatior, si conuitiis, exprobrationibus, & cæteris id genus abstineatur, quæ liuoris suspicionem inducunt. Non enim is sum qui in alicuius verba ita sim iuratus, vt velut ex Pythagoreis aliquem sola dicentis præiudicata opinio atque autoritas me quocunq; velit pertrahat: aut qui vilius authoris improbitatem, & in omne sceleris ac flagiti genus immersum animum ita auerser, vt quæ ad vitam bene beateque degendam, honestē, sapienter, præclare dixerit, ea scribentis vitio meriar, protinusque asperner: nisi ex iis sit, quorum libris, & lectione, sagax & sancta mihi mater Ec-

clesia



desia interdixerit : cū sciam ex vasis aureis mistū aliquādo acōnitū, ex fictilibus verò potum effundi saluberrimū : & per canales putidos videam quotidie aquā purā putā diffuere : & verò *tantum gratia doctarum artium valet, ut scriptoribus ne sui mores quidem ad memoriam officiant.* <sup>1</sup> Id tamē citra reprehensionem dixeris quid illi causā fuisse suspicaris cur hoc opus nauarit. BARC. Duā illum præcipuē ad id efficiendum pellexerunt : vna cuius paulò antè memini, vt coniuratis quibusdam in Scotia gratificaretur (quorum scelero operiendo, in quod ipse semper summa voluntatis inclinatione propenderat, hoc veluti palliolū contexuit) & eos, quos perfidissimi illi perduelles facinoris atrocitate infensiores sibi reddiderant, aliqua æquitatis facti conficta ratione paulatim demulceret, fuit enim hic scriptor, vt intelligas, omnium quæ impiè, immaniter, & seditiosè, perpetrata sunt annis plus minus viginti in Scotia,

*Sator sartorque scelerum & messor maximus.*

Altera verò causa, vt Caluinum suæ sectæ Principem sequeretur, qui in eam curā obnixè incumberebat, vt non solum Ecclesiasticam Hierarchiam qua nihil speciosius aut preciosius ordinatum conspicitur, sed regna etiam omnia secularia dissolueret, euerteretque : ac propterea non erubuit falsò asserere, <sup>2</sup> Aristocratiam Regno præcellere. Bovr. Tu igitur ius regni apud Scotos aliud ab eo quod modò retuli ex Buchanano esse putas ? BARC. Equidem aliud, longèque diuersum ac dissimile esse scio.

Sed quia, vt video, non solius Regis Scotiæ, quem hic Monarchomastix singulari odio prosequitur, verum etiā reliquorum omnium qui cum purpura & sceptro sedent, causa mihi suscipienda est, cū & hic omnes eodem iure censeat : Necessè habeo de iure regni generaliter ac vniuersè prius differere, vt cum ius illud procul ab eius opinione remotum, & alios quàm ipse testetur Scotiæ gentis mores, probauerim, longè aliud quàm ipse de Scotorum imperio colligam. Bovr. Et verò hoc si feceris, magnam non à Regibus tantummodo, sed à bonis etiam omnibus gratiam inibis. Ad me autem quod attinet, non faciliè patiar hanc mihi opportunitatem eripi, quin ex te aliquid audiero, quonutantem in hac re animum confirmem meum. Visne igitur Buchanani & mentem, & rationes, in propriis dialogi sui verbis conspiciemus ? BARC. Equidem libens. Sed vereor ne nimix nos lectionis tedium subeat si eam multā noctē pducta, totū illum de iure regni dialogū per-

<sup>1</sup> Aurel. victor de Cæsaribus. in Seuero.

<sup>2</sup> Lib. 4. Instit. cap. 20. §. 8.



curramus. Quapropter cum sint in eo fortè nonnulla quæ nobis etiam probantur, operæpretium facies, si quæ ex omnibus velut summa rerum capita adnotasti, in quibus ad ius regni minuendum momenti plurimum inesse suspicatur, ea breuiter in medium proferas; ut velut cum ipso auctore verba ad compendium conferētes, quid ille sentiat, quidque contrà disputari possit videamus. BOVT. Rectè mones, haud enim alia ad id quod quærimus via apparet expeditior. Teneo propemodum recenti memoria, quicquid his de rebus auctor ille cōscripsit: & si quid mihi præterea in mentem venerit, quod possit accommodatè ad institutum adhiberi, velut auxiliariam cohortem in subsidium adducam. BARC. Istam quoque legem non recuso. Ordire igitur quamprimùm, ego hæc fallaciarum inuolutra euoluam, si potero, diligentius. BOVT. Primùm, ne in perspicuè notis hæreamus, illud esse in confesso arbitror, disputationē hanc de iure regni parum vel nihil ad bonum Principem attinere: quippe in cuius perniciem nihil vi, nihil insidiis, tentaturum populum, et si facile & sine periculo id posset, benignè credendum est. BARC. Itāne verò? quā vellem equidem id verum esse. Sed falleris dum tantam multitudinī constantiam attribuis, in qua nec ratio, nec discriminē aut delectus vllus est, ubi vanæ semel opinionis error animos peruaferit, quæque paucorum consilio ad quiduis audendum huc illuc facile impellitur: cuius etiam natura in id fertur, ut aut seruiat humiliter, aut superbè dominetur: libertatem, quæ media est, nec spernere modicè, nec habere sciunt: & non ferre desunt irarum indulgentes ministri, qui anidos atque intemperantes plebeiorum animos ad sanguinem & caedes irritant. <sup>1</sup> Itaque verendum est, ne si quando nimia mutandi Imperii libido, aut spes fallax libertatis eam incesse- rit, omnes vno ordine Principes habeat. Nulum enim profundum mare, nullum vastū fretum & procellosum tantos citi fluctus, quantos multitudo motus habet, utique si noua & breui duratura libertate luxuriat: pœnitetq; eam modò consilii, modò pœnitentie ipsius. <sup>2</sup> Tamen quia bonis Regibus, fauor, minus à multitudine timendum est, & quæcunq; ad dele- tendos è populari potestate in libertatem malo Prin-

Impe-

Imperium sibi commissum perperam administrant, an de omnibus vniuersè differamus. BOVR. Non ergo separabimus quos causa coniungit. Sed vísne Buchananani methodo, an aliâ potius singula prosequamur? BARC. Vtrâvis, nihil moror. Sed quam tu methodum mihi narras? BOVR. Tria apud eum argumentorum genera suis sedibus distincta obseruaui. In primo, rationes constituuntur quæ ex partium corporis humani collatione cum officio medici ad hanc causam traduci possunt: has enim, quia sensibus penè obuiæ sunt, & à singulis innato quodam iudicio deprehenduntur, tanquam velites in fronte collocat: in altero diuinæ Legis præcepta quibusdam iuris Romani capitibus permixta sunt, quæ, quoniam in illis spes tota victoriæ consistit, vt prioribus subsidio sint, tanquam cataphracti equites in medio agmine subsequuntur. In tertio denique, ad explendam aciem, Scotorum mores, leges, facta, res gestas cateruatim colligit: atque ita instructis ordinibus hostem vndiq; aggreditur, & manus cum eo acerrimè conferit. BARC. Non valdè mihi displicet hic rerum ordo: etsi non sim nescius quàm sint fallaces & ad vtramque sententiam vel constituendam, vel eleuandam parùm aptæ, quæ ex corporis humani, aut rerum aliarum similitudine petuntur rationes: idque ego in hoc negotio iam satis compertum habeo. Nam, ne quid ampliùs dissimulem, cùm in eum pestilentissimum libellum ante aliquot dies incidissem, complurimos ex ineptis eiusmodi comparationibus, & falsâ testimoniorum assertione natos errores deprehendi: atque etiam ordinem, quem sibi affingit, haud rarò eum interturbare, vt necessarium nobis non sit operoso & inani labore vestigiis eius insistere. BOVR. Tu igitur authorem istum perlegisti? BARC. Equidem percurri scriptum eius *de iure regni*, nec oscitâter, quantũ tunc per meum munus pensumque licebat. Atque alium etiam in eodem genere scriptorem qui Buchananum sequutus sacrosanctam & propè adorandam regiam maiestatem dignitatis suæ prerogatiuâ spoliata populari ludibrio exponit, & quasi subiicit proculcandam: vtque hoc sibi naturale in Reges odium, atque à maioribus trãmissum esse planius ostendat, se *Brutum*, librum *vindicias contra tyrannos* appellat: quasi ad Brutum illum libertatis vindicem (iure opinor adoptionis, quia sobolem eum nullam masculam ex se reliquisse verius est) nouitius iste vindiciarum author  
genus,

genus, & nomē oppidō q̃ arroganter referre vellet. **BOVR.** Quin tu igitur potius initio hęc mihi prędixisti, ne aut de ipso autore, aut eius libri periocha, tam longum tecū sermonem instituerem? **BARC.** Vt dum quę ignorare me putabas libentiū narrares, interea ego quas memorię commisi illius dialogi sentētiās, fideliter ab ea reposcerem. Idēd, ne te diutius nunc morer, proponam ante oculos quātis ille nebulis rem totam inuoluat, & quibus pręstigiis, atque captionibus, mentis intuentium aciem perstringens, cumulum quendam errorum congefferit: **BOVR.** Quid est quod malim, quām te talia differentem audire? ne dubites quin attentos, & si continente oratione delectaris, etiam sine interpellatione auscultatores sis habiturus. **BARC.** Imō verō & interpellare quoties volueris, & si quid displicet, reprehendere, & contrā disputare, atque omnes omnino scriptoris huius rationes mihi reponere arbitrato tuo poteris: eaque faxis non permitto tantū, sed precor. **BOVR.** Quoniam ita vis faciam.

Atque vnde ille orditur, vt nos quoque initium sumamus: Principio hoc mihi nec inuitus, arbitror, concedes, totius humanę societatis, si altius paulō eius originem repetamus, non aliam inueniri causam, quām virtutē illam vimque diuinam à Deo Optimo Maximo, hominum animis infusam, quam siue mentem, siue rationem, siue, quod plerique homines, naturā vocites, non valde repugnabo: modō fateare hoc, quicquid sit, tanquā diuinę facis scintillam ita in nobis prælucere, vt, quandiu deprauatę affectionis caligine non opprimitur, hominem ad id quod optimum est, quodque in vita maximē conducit, accendat. **BARC.** Istam cœtus hominum effectricem libens equidem agnosco: nec idēd tamen errasse eos arbitror, qui eius cōciliationis causam in vtilitate collocarunt: cū perreque, & quod mouet, & cuius gratia quid mouetur (alia licet ratione) motus causę nuncupentur. Itaque nunquam adducar vt credam aliud homini naturam pręcipere, aliud vtilitatem persuadere: sed cuncta illam huius causā operari, & sicubi inter se pugnare videantur, id non naturę & vtilitatis dissidio, quod nullum est, sed efferatę hominum libidini, quę aduersus naturam concitata, spreto ratiois imperio, vtilitatis tantū speciem amplectitur, esse tribuendum. **BOVR.** Non tu omnium in ea sententiā vnus es: eius enim grauissimi extiterunt assertores, quibus ipse libenter assen-

assentior. Itaque Socrates illum meritò execrari videtur, qui prius vtilitatem ab honestate seiunxit, quòd naturæ hoc modo fundamenta euertisset: ex quo facillè coniciēs, quantum eorum ingenium perhorruisset, qui honesta vtilibus cedere dixerunt <sup>1</sup>. Quæ cum ita sint, vim totam conciliationis hominum breuitatis causâ naturæ acceptâ referamus. **BARC.** Per me quidem, si libet, licebit. **BOVT.** Cum itaque hanc generis humani societatem, charitate, & communicatione vtilitatis hominum inter ipsos, firmissimè contineri, nullaquæ re magis quàm iuris æquabilitate ad sui tuitionem indigere ipsa eadem natura cerneret, leges mirum quàm ingeniosè adinuenit, easquæ, velut firmissima totius humanæ coniunctionis præsidia, in summâ arce collocauit: quarum præscripto continetur quod imperandi ius, quis parendi modus, quæ victus atq; vitæ communitas inter homines esse debeat, quod deniq; vel compescendo, vel expiando scelere, supplicium, aut claro facinori præmium constituatur. **BARC.** Non omninò hîc abs te dissentio, sed velim vberiùs paulò atque planiùs istud edisseras. An tu omnia omnium nationum iudicia ac leges, quas quisq; populus sibi constituit, à natura ortas esse putas? **BOVT.** Superior vt credam facit disputatio: quandoquidem ad vtilitatem honestatemquæ, quas modò concessimus naturæ præceptis contineri, quæcunque legibus cauta sunt diriguntur. **BARC.** At iidem etiam concessimus homines interdum quadam vtilitatis specie falli, &, velut in sole caligantes, vimbram pro corpore apprehendere <sup>2</sup>. **BOVT.** Concessimus. **BARC.** Quid igitur si qui eiusmodi cupiditatum tenebris inuoluti leges sibi pro arbitrio sancierint, earumve tu originem ad naturâ etiam referes? **BOVT.** Hîc facis vt hæream, meq; ipsum propè reuocè. Positum siquidè est in honestatis & vtilitatis delectu nò rarò perniciosè errari: q; nunquâ si naturam ducè sequeremur, contingeret. <sup>3</sup> Itaque eas demum leges à natura fluxisse dixero, quæ neutiquam à sola hominû voluntate pèdent, sed ita ad naturæ normam diriguntur, vt de ipsarum æquitate quærenti diligētius ratio aliqua probabilis reddi possit. Nam & Ciceronem audio dicentem stultissimum esse, omnia quæ in populorû institutis & legibus scita sūt iusta existimare. <sup>4</sup> **BARC.** Optimâ tu quidè in diiudicâdis legibus adhibes cautionē. Neq; enim primî illi Trismegistus,

1 Liu. lib. 12.

2 Plato. in Min.

3 Plutar. de Sto  
qui tardè à nu-  
mine corrip.4 Cic. lib. 2. de  
Leg.

Rha-



Rhadamantus, Minos, Solon, Lycurgus, cæteri que quorū in legibus ferendis prudentiam etiamnum suspicimus, & admiramur, aliam quam imitarentur sanctionum suarum ideam, nisi naturam ipsam, sibi proposuerūt, ex cuius fonte vberimas quoties opus fuit, æquitatis rationes hauserunt: eosque quanto studio sequuti sint viri summi, ex quorum responsis ius nostrū ciuile magna ex parte descriptum est, quid attinet hoc loco commemorare: cū illud peræque in omnes elogium conueniat, quod de vno C. Aquilio à Cicerone olim pronunciatum fuit, quod nempe iuris ciuilis rationem nunquam ab æquitate sciuixerit: ex quorum etiam schola vox illa optimi Imperatoris prodiit, *placere in omnibus rebus præcipuam esse iustitia æquitatisque, quàm stricti iuris rationem*<sup>1</sup>. Sed ad institutum reuertamur. Putasne in plerisque Imperiis atque ciuitatibus nonnullas leges inueniri, quæ non tam ex naturæ officinâ quàm prauarum cupiditatum sentinâ depromptæ sint? BOVT. Et si parciùs in aliorum instituta soleo inquirere, quod videam rem esse Principibus iuxta populoque interdum inuidiosam, qui vix patiuntur de legum suarū æquitate disceptari, nisi fortè, ad Locresium morem & institutum, laqueo collum circumdante quispiam in medium prodierit, quo sibi iugulum ilicò frangatur, ni legem populo suaserit abrogandam,<sup>2</sup> tamen quoties mihi in mentem venit earum legum, quæ frequentibus populorum comitiis rogatæ, & aliis nec ita diu post abrogatæ leguntur, quæque olim, & nostra etiam ætate in Imperiis alioqui benè cōstitutis deletæ, suppletæ, & emendatæ sunt, non aliam eius vicissitudinis causam deprehendo, quàm quod priores non æquè cum natura conuenerant, atque illæ quæ in earum locum successerunt, aut certè quia mutatio temporis morū mutationem inuexit, vt leges quoque mutare necesse esset: siquidem *δὲ πρῶται*, vt aiunt, *φρονίδες το φώπται*, eamque sententiam mirificè confirmat vox illa Prætorum in libris vestris frequens, qui cū iuris ciuilis custodes sint atque interpretes, edicunt se naturalem æquitatem seruaturos, neglecta interdum iuris ciuilis scrupulositate,<sup>3</sup> Sed cur tu hoc de ratione legum singularum ita curiosè perquiris: an id ad nostram de regno & potestate Imperii disputationē iudicas attinere? BARC. Imò non parum quidem. Nam hic noster *μισοβασίλης* qui, quantum in se est, omnium principum eludit simul atque elidit Imperia, vniuersum ius regni

2 Placuit. C. de  
Iud.

3 Demosth. in  
orat. contra Ti-  
mocrat.

1 L. 1. D. de pact.  
L. 1. D. de pec. cō-  
stit. l. posthumus  
D. de iniust. rupt.

regni ad leges populorum re ipsa examinat, quamuis seridè polliceatur se ex naturæ præceptis, & lege diuinâ ab initio rerum nobis insitâ, controuersiam hanc totam definiturû. Idq; tu fortassis etiam fecisses nisi tam celerem nactus fuisses monitorem: cùm nihil tamen minus aliquândo quàm populi iudicium in legibus imperii, & Regum libertate tuenda, sequendum sit. BOVT. Vereor vt istam omnibus sententiam persuadeas. BARC. Equidem persuasurum me non dubito iis, qui perspicuis rerum argumentis sese conuinci patiuntur: ac te quidem nisi sequentia in meam trahant sententiam, tota me causa cecidisse, sine ulla prouocatione fatebor. Interea abs te contendo, vt leges quarum modo meminimus, ab iis quævi naturæ & gentium penè omnium institutis obtinent, acutè subtiliterq; distinguas. BOVT. Quo sum? BARC. Ne cùm de iuris aliquo capite, quod Regum libertatem attingit, disceptauerimus, tu mihi plebiscitum aliquod obiicias, aut facti neutiquam imitandi exemplum, per quod de tota causa facias præiudicium. Ita namque homo scelerosus, & perfidus rerum malè gestarum exemplis, & scelerum atrocissimorum similitudine, non tam cautè quàm impudenter suam sententiam astruxit. BOVT. Bona verba: iam antè pollicitus es te nihil in personam dicturum, nec si maledictis hominem figere contendas, tam læseris benè linguacem quàm lacefferis: scis enim, vt est apud Comicum,

*Baccha bacchanti si velis aduersariet,*

*Ex insana insaniorem facies.*

Faceffat igitur istud in absentem probrum: & videamus quæ sit propositæ distinctionis efficientia, & qui poterit ad præsens institutum adaptari. BARC. Id facilius vt intelligas, eorû quæ diximus breui repetitione opus est: ita enim quid cuique consequens sit, quidque repugnans, apertiùs conspiciamur. BOVT. Tu igitur, quantum è re iudicas, ad summam collige. BARC. Faciam seduid. Dictum est in primis, naturam vi rationis hominem homini conciliaffe, & totius, quod inter eos est, commercii & communionis modum legibus, quas ipsa dedit, temperasse. BOVT. Id quidem à me dictum memini. BARC. Deinde nihil esse naturæ consentaneum, quod cum honestate & vtilitate pugnet, nec quicquam his congruens quod illi æquè non conueniat. BOVT. Et hoc quoque vt faterer optima ratione sum adductus. BARC. Non omnes etiam quid vtile, quidque honestû

N

lit, re-

fit, rectè dispicere: nec ullâ in re frequentius quàm in istorum delectu perniciosè errari.

*Fallit enim vitium specie virtutis & umbra,*

1 Iuvenal. Sat. 4.

*Cum sit triste habitu, vultuq; & veste seuerum.*<sup>1</sup>

BOV T. Id suo pleriq; malo experti, quoniam inficiari non possunt, ingenuè atq; apertè confitètur. BARC. Ex hoc demum efficienter id consequi, in quod postremò consensimus, nemo non videt: nempe apud nonnullas nationes leges quasdam reperiri, quæ tantùm abest vt a natura ortum trahant, vt ei quàm maximè aduersentur. BOV T. Sunt, fateor, qui cùm leges rationis statèra ponderant, de quarundam iniquitate queruntur. Sed vereor ne aliquid hac distinctione sit prætermisissim. BARC. Quid ita? BOV T. Videris enim mihi leges omnes in duas partes distribuere, in quarum altera eas collocas quæ ex puris putis naturæ fontibus hauriuntur: in alteram verò relictis quæcunque deprauato hominum iudicio, aut corruptis populi moribus introductæ sunt. *Ἐπεὶ δὲ ἀφ' ὧν* autem *ἡ μέν τιν* nullum adhuc verbum: cùm sint ex eo genere complures, quæ ad temporum, locorum, personarum varietatem in dies commutantur: quæque ferri iustè, & abrogari sine damno possunt. BARC. Rectè mones. Sed quia nemo istas contra naturam esse dixerit, idè non ineptè, meo quidem iudicio, omnes in primo ordine constituètur: non quòd eas natura ferri obseruariq; præcipiat, sed quia quo minus rogentur abrogètur, neutriquam disertè vetat.<sup>2</sup> Itaque legibus eiusmodi non secus parendum est, atque pactis standum conuentis, quæ neque dolo malo, neque aduersus leges, aut bonos mores inita sunt. *Quod neq; contra fidem catholicam neq; contra bonos mores iniungitur, indifferenter est habendum.* *Ἐπὶ pro eorum inter* quos *viuitur societate seruandum,*<sup>3</sup> inquit Augustinus. BOV T. Teneo, & assentior. Itaque licet trita in scholis disputatione, ius naturale à iure gentium atq; ciuili distinctū sæpius audierim, eamq; ipsam nunc partitionem à te expectarem, tamen rectius, vt apparet, & ad præsens institutum accommodatius, aliis ea finibus conclusisti. BARC. Est ita vt dicis. Aliter siquidem ab iis qui in umbra, vt aiunt, & otio subtilius omnia differunt, & ferè ad viuum refecant: aliter à nobis, qui ad vsum vitæ rem vulgi sensibus subiiciendam pinguius aliquatò tractamus, instituenda est disputatio<sup>4</sup>. Et verò vt illi rectè ius tripartitò diuidunt, si eius causam efficientè spectes, quæ vel naturæ vis est, vel gentiū omnium,

2 Vide Arist. ca. 7. lib. 5. Ethic.

3 Ad Ianu. epist. 12. ca. 2 & referuntur can. illa 12. distinct.

4 Cic. 2. offic.

vel

vel cinitatis consensio: ita bipertitam nostram distinctionē, quoties de legum æquitate quæritur, nemo iure reprehendet. BOV. Gaudeo te ista copiosius esse persequutum: ex iis enim colligere & quasi videre mihi videor, quò tota huc vsque pertineat de legibus disceptatio, & si velis dicā. BARC. Equidem te rogo. BOV. Nempe vt ex illis ius totū regni describatur & pendeat, habeantque Principes quo se aduersus populi inconstantiam legitimè tueantur: qui & Reges in ordinem redigere, & solio si visum est pellere, suis sibi comitiis fas esse putat. Superior enim sententia, quæ rationi maximè consentanea videtur, perspicuè nobis ostendit non legislatoris voluntatem, sed legum ipsarum æquitatem esse spectandam, quoties quid fieri debeat exquiritur: ac proinde nihil referre ad ius regni minuendū, nullis legibus popularibus multitudo sibi cauerit de Rege quoties ipsa voluerit, vel mutando, vel moderando: an verò iis quæ cum natura non conueniunt. Quod si ita est, facilis quidem nobis ad reliquam disputationem patefactus est aditus. BARC. Ita est profectò: ac me quidem inagnam onere leuasti, qui isthac interrogatus longiore fuisset oratione persequuturus, quæ te satis intelligere animaduerto.

Sit igitur hoc initio positum, quicquid corruptis populi moribus, & (vt cum Cello ingenii celsi homine dicā) non ratione introductum, sed errore primū, deinde consuetudine obtentum est, id Regibus, quo minus iure suo vtantur, fraudi esse non debere. Quæ cum ita sint, mittamus si placet istam, quam leuiter perstrinximus, societatis humanæ conciliandæ causam, de qua non magnoperè ab illo dissentio, & ad pugnam acriorem pergamus. Nam idem, vt scis, vbi hanc communionis vitæ causam effectricē absoluit, mox <sup>1</sup> gentem vniuersam seu ciuitatem humano cor-

Pag. 12. &amp; 13.

pori, inq; ea lites, seditiones, & motus cæteros, ciuiles, variis morborum generibus: postremò magistratum, qui æquabili legum temperamēto hæc turbas compescit, medico agrotum corpus curati simillimum esse pronunciat. BOV. Nec hinc quoque quod reprehēdas video, tam concinnè inter se omnia apteque cohærent. BARC. Expecta parumper, cætera vbi audieris facilius iudicabis. Ex harum rerum tam conueniente, vt tibi videtur, similitudine, homo argutulus per multos mæandros eò disputationem traducit, vt tandem velut quadam argumentatione



1 Pag. 18. 31. 32.  
35.

2 Pag. 32. 86.

probabili concludat, arbitrium nullum ferendarum legū, aut etiam interpretandarum, penes Regem<sup>1</sup> esse, & id genus alia auribus animisque hominum æquè absurda: cuiusmodi illud est, Regem legi, legem populo esse subiectā<sup>2</sup>. BOV. Mirum profectò hæc superioribus quo modo sint consequentia, quæ tamen scio illum velut arctiore rationationis vinculo, & quadam concludendi necessitate inter se annectere. BARC. Id inductionis flexibus est consequutus, ut ex adolescentis, quem ipse colloquentem fingit, imprudenti responsione impudenter ista colligat: sed vnde digressi sumus reuertamur.

Medicum inter & Regem quin multæ sint differentiæ, neminem tam hebeti reor esse ingenio qui planè nesciat: cum sit tritissimum, aded res inter se nullas esse similes, ut in nullo differant: quod cum ita sit, debuit profectò non istam modò nobis cōuenientiam exhibere, sed etiam quid inter eos dissimilitudinis reperiatur ostendere: idque nos, quibus eius errores refutandi negocium datum est, quæ commodum videbitur faciemus. Dabimus igitur, si ita vult, eas in Reipublicæ procuratione, & civilibus muniis obeundis, Regis partes esse, quæ in singulorum hominum vel tuenda vel restituenda valetudine medico tribuuntur: ut vterque scilicet ad *σπίρται* quam nactus est ornandam, omnem curam & diligentiam adhibeat. Id enim cum in omni vitæ genere exigitur, tùm præcipuè ab iis quorum operâ vel lædi homines maximè vel iuuari solent. Etenim profectò ut ei quisque medico suam corporis valetudinem tutissimè concedit, qui & artis medicæ præcepta scitè callet, & vsu rerum atque experientia iudicium de illis suū confirmavit, quique

*Est in præcipiti morbo celer atque fidelis.*

Ita singulorum civium incolumitatem, atque aded totius Reipublicæ salutem, haud frustra ab eo expectamus, qui pacis bellicque artibus instructus, id solùm in magistratu sibi licere putet, quod populo crediderit expedire. Neque tamen illud vetat, quo minus hominem non ita variè periclitatum ad depellendos morbos, cum non sit alius, adhibeamus: neque hoc postulat, ut imperii iugum multitudo protinus excutiat, cum foris arma, domi consilium, aut perperam capi, aut non ex voto succedere perspexerint. BOV. Id ita esse quamvis vulgò omnes fatentur, tamē sunt qui posteriorem partem in controuersiam vocat. BARC.

Scio.

Scio, in iis enim & hic noster est. Sed ut non licere subditis ullam vel pessimo Principi vim afferre, potest commodiore loco demonstrabitur: ita ne quidem expedire, etsi maxime liceret, hic paucis faciam ut intelligas. Cogita tecum quam sit homo præter cætera animal audax, acutum, multiplex, ac in primis imperandi quam parendi cupidius: quam facile præterea honoris, gloriæ, diuitiarum cupiditate accendatur, nihil non tentatum relinques, quo vel fortunas augere, vel ad posteritatis memoriam aliquam laudis commendatione reseruari se posse arbitretur: quam animi elatione, ut est in fabulis,

*Expertus vacuum Dædalus æra  
Pennis non homini dæcis,  
Perrupit Acheronta Hercules labor.  
Nil mortalibus arduum est:  
Cælum ipsum petimus stultitia.*

Iam verò cum nihil hominem ad quiduis audendum tam impellat, quam in alios homines dominandi libido, quæ multos mortales falsos fieri subegit: aliud clausum in pectore, aliud in lingua promptum habere: amicitias inimicitiasque, non ex re, sed ex commodo aestimare: magisque vultum quam ingenium bonum habere. Illud æquè credendum est, quantum quisque gratia, opibus, ingenio pollet, tantum per fas & nefas ut Imperio potiantur omnes contendere: potissimum ubi plures sunt, qui paribus animi dotibus, cæterisque rebus Imperio dignis, abundant. Notum enim tibi est, quod ex Euripide Cæsar usurpauit, *Si violandum est ius, regnandi causa esse violandū*. Finge itaque populū vel priuata Principis vitia exosum, vel publici regiminis formæ pertæsum, insignia sibi Imperii vindicare, & veluti publicam auctione ei addicere qui plurimorum iudicio Remp. optimè gubernare possit: quid hic futurum existimas? quas inquam hoc tam claro, ut videtur, facinore turbas non protinus concitabit: singulis sibi potius, quam aliis, ut is honos obtingat, quo iure quoque iniuriarum contententibus, & (ubi vnum aliquem rerum potitum viderint) his se præteritos, illis spretos querentibus, denique omnibus istius ius suam iniuriam tacite arbitranti- bus, ut quod sine summa multorum inuidia vni alicui non potuerit designari, id nec retineri quidem facile ab eo qui accepit sine eorundem odio atque dissidio queat? Ita miser populus dum Scyllam vnius tyrannidis euitare studet, in multarum tyrannidum Charybdin præceps dilaberetur: & qui

Salust,

priores ærarii hirudines cruore ad satietatem replebat & recentioribus, quos maior præmit *ὀπῆς*, exanguis penè totus atque exanimis reddetur.

Et ne tibi fabulas cōminisci videar, in mentem reuoca quas clades, quæ ciuitatum excidia, quos illustrium regnorum interitus, & nostra, & patrum memoria, eiusmodi præposteræ atque præcipites mutationes pepererunt. Sed libentius antiqua, quàm quæ recēs in ore animisque hominum adhuc hærent, exempla commemorem. Ex omnibus Græciæ populis num quem tu mihi vel bellicæ virtutis gloria, vel ciuilibus disciplinæ seueritate, Spartatis clariorem nominabis? BOYT. Equidem, quodd scio, nullum. BARC. At idem cū Regis sui Agis imperium, quod in tyrannidem vergere videbatur, non ferrent, eūque coniuratione facta palam aggressi necarēt, quos, putas ex eius tam infelici interitu fructus collegerunt? BOYT. Nempe insignem illam calamitatem quæ non modò Laconicam Rem publicam labefactauit, sed reliquam etiam Græciam eius contagione infectam euertit: <sup>1</sup> quandoquidem ab eo statim tempore vires Lacedæmoniorum minui cœperunt, & qui futuræ tranquillitatis spe velut malum sibi præciderant, in varios fluctus, atque rempestates delati omnes vitæ misærias, omnes ærumnas sunt perpeffi. Quamquam Lacedæmoniis fortallè iustiorẽ quàm cæteris gentibus in suos Reges animaduertendi causam aliquis tribuat: quodd Ephoros iam diu haberent, quorum propter autoritatem ius imperii, quod penes Reges esse debuit, flacceſcebat, vt nec ibi Rex nec regnum videretur. BARC. Hoc quantum me adiuues argumento, satis ipse ni fallor perspicis. Sed possum tibi alia id genus multa præter oculos constituere, quibus eò libētius hic superscedo quodd notiora tibi omnia ex historiis esse arbitror. Cū enim vix vlla reperiatur de legitima imperii successionẽ vel inter cognatos exorta cōtentio, quæ regni opes non grauiter affligerit, nemini potest esse obscurum quanto cum discrimine ciuium atque Reipublicæ certetur ab iis, qui summæ rerum potendi spe inflammati diuina simul & humana omnia ambitiosis seditionibus permiscent: vt merito populus Romanus quæ-

<sup>1</sup> Cic. offic.  
<sup>2</sup> Corn. Tacit. 1. Histor.

stus sit, *propè euerſum orbem, etiam cū de principatu inter nos certaretur* <sup>2</sup>. BOYT. Est hoc quodd dicis aliquid: sed non magni apud quosdam momenti, quodd se enumerare posse dicant seditiones non paucas & regnis & ciuitatib. non inu-

ceritum esse vesana hæc prodit in extremo eius libri scripta defensione <sup>1</sup>? Nisi ignoscendum ei putes, quòd aliis causæ fir- <sup>1</sup> Buchan. in fine. mamentis defectus ad hoc tandem præsidium, velut in cō- dialogi. iuratorum omnium portum, confugerit: Antonium imitatus, qui, cum hominē seditiosum, furiosumque defenderet, nō dubitauit ornare seditiones, & è Republicā esse profiteri. <sup>2</sup> Vtriusq; ratio eadem, par etiam causa fuit: quibus <sup>2</sup> Cic. 2. de Orat. is demum assentiet, qui vel ægrotis omnibus lauacra & potiones frigidas prodesse iudicauerit, ppter ea q; talib. Musa Augustū ex ācipite morbo sanitati restituit: aut posse quēlibet meracissimi vini potatione in ipso paroxysmo quartanā à se depellere, q; ea curatio nonnullis, in quorum ipse numero sum, feliciter successit. nihil enim tam ineptum & puerile, q̃ rarioribus & penè monstrosis euentis causas rerum metiri, & consequētia: vt ei merito imprecetur Poeta.

*Quisquis ab euentu facta notanda putet.*

Sed propius accedamus: quæ sunt istæ seditiones quas tantoperè regnis & ciuitatibus viles fuisse prædicat? ex multis vnam in eo genere commodissimā proferat. BOV T. Quid si illam qua Regibus eiectis Romani se in libertatē asseruerunt? BARC. Magnā me herculè, & quæ, siue initium & causam coniurationis spectes, siue audaciam & in perpetrando facinore celeritatē, siue felicitatē deniq; successus, reliquas omnes longè superat. Et tamen qui eius crescentis etiamnum Imperii pacem domi, foris arma, cum sequentiū temporum iniquitate contulerit, beatiorē in ea Regum superba dominatione ciuitatē fuisse, quàm in populari, qui subsequer<sup>9</sup> est, blando principatu cōperiet. Nisi fortè beatius non sit vnus, q̃ plurium, domini q̃ sociorū subire tyrannidem. Quis enim tam omnis iudicii experts, aut cōsiliū inops est, qui plebis cū patrib. seditiones, <sup>3</sup> Decemuirorū impo- <sup>3</sup> Vide Plutarch. in vita Pomp. rentiam, Tribunorū insolentē temeritatē, Censorum, Cōsulum, Dictatorum impunitā in populo grassandi audaciā secum reputans, non leuia, & propè nulla Regum cōmissa fuisse existimet? Omitto eas, quæ non rarò de summa Imperii ortæ sunt, contentiones: vt à Graccho, Sylla, Mario, Cinna, Cæsare, aliisq; occupatā tyrannidē ptereā: quos regni affectati ambitio in id certaminis concitauit, q; cum ferro & sanguine ciuiū dirimeretur, amplissimū secum Imperium ad interitū ferè traxit. Vides, vt opinor, quem ex ea rerum cōmutatione fructū populus Roma. sit consecutus.

Sed & cæteras etiam quisquis animo Respublicas per-



lustrauerit, vix vllam eiusmodi seditionē sine intertrimento coortam inueniet: quin potius vel optimam quamque fellis quàm mellis fuisse fecundiorē. Est enim nescio quo fato compertum, vt quemadmodum teste Poeta,

Παῦροι γὰρ οἱ παῖδες ὁμοῖοι πατρὶ πέλονται

1 Odyss. B.

Οἱ πλείονες κακίους παῦροι δὲ τι πατρὸς δρέουσιν,<sup>1</sup>

Ita etiam in Reipublicæ procuratione bonis saepe mali, rarò meliores succedant. Quo consilio, cùm Syracusani omnes exitum Dionysio quam citissimum propter nimiam morum eius acerbiteratem expeterent, anus quædam Deos quotidie pro eius salute & incolumitate orasse, atq; à Tyranno indebitā sibi beneuolentiam admirante interrogata, quid ita & quo suo merito id faceret, respondisse fertur: *quia puella cùm grauem tyrannum haberemus carere eo cupiebā: quo interfecto, aliquanto tetrior arcem occupauit: eius quoque finiri dominationem magni aestimabā: tertium te superioribus importuniorē habere cœpimus rectorē. Itaq; timens ne, si tu fueris assumptus, deterior in locū tuum succedat, caput meum pro tua salute deuoueo.*

2 Val. Max. lib. 6. cap. 2.

2 BOYT. Grauis profectò, nec inuliebriter dicta sententia, & digna quæ ad omnem posteritatis memoriam inter illustrissima quæq; apophthegmata referuetur. Ac me quidem (dicam quod sentio) nunquā studium illud nouandi omnia, quod in multorū animis insidet, magnoperè oblectauit: quod paucissimas viderim adhuc nationes ea sceleritate negotium confecisse, quæ non plurima secum incommoda aduexerit: plerasq; verò, quas vel paucorum gratia, vel licetiæ libertatisq; desiderium adegit, vt consuetum à se Imperium amolirētur, ita miserè afflictas, vt iis malis nulla non acerbissima anteponerent, atque omnibus id vsuuenisse, quod vir pius annotauit. 3 *Aliquando (inquit) pro malo regentium populus mouetur ad rebellionem & seditionem, ex quibus sequuntur maiora mala quàm fuerit regentium rapina.* Atq; vtinā hac ætate nō tot eius rei ob oculos exēpla versarētur. Nam Belgæ omnibus olim florescentes copiis, aliquam certè, quæ nunc nulla est, Rempublicā haberent: & suum Scoti Imperium (q̃ adulterini primū insidiis petītū, mox nobilitata Mortonii crudelitate grauiter vulneratum iam diu emarcuit) incolume atq; pacatum summa cum laude tenuissent. Sed de seditionis incōmodis hæc satis: quæ quanta sint multi non suo sine magno malo omnibus sæculis experiūtur. BARCL. Hæc vtinam illi solertiùs tecum perpenderent, qui vmbrā quadam & specie

Hæc ad id tēpus referenda sunt, quo author ea scripsit annum nempe 1581.

cic vtilitatis decepti, in ciendis tumultibus non mediocrē voluptatem capiunt: sed ad reliqua pergamus.

Proximus huic, ni fallor, locus est, de Regis cum medico similitudine: quorum ille ciuilis, hic corporis humani valetudinem curat. BOVT. Ita est. BARC. In his cū multiplex reperiatur dissimilitudo, conuenientia etiam nō pauca, quam tu inter eos omnibus numeris aptissimam similitudinē iudicas? BOVT. Mihi haud facile est ex tā variis vnā eligere: videtur tamen non minima, quæ in eorum præceptis vel tuendæ, vel recuperandæ valetudinis, cernitur: ad quorum præscriptum nil viuatur, corpora vel non omnino, vel difficiliter curari conseruarique possunt. BARC. Quin maximam hanc audacter dicis, aut vnā potius omnium collectionem? siquidem summatim hac responsione complexus es quicquid muneri Principis, cum medici officio cōmune est. Videsis igitur quam iniuriosē Nostros ille Reges tractauerit, quos ita violenter de præscriptorum artis suæ possessione deiecit, sua medicis libera atque integra relinquens. BOVT. Quo pacto? BARC. Scis illum longo orationis cursu aliud nihil conari, quam vt legum ferendarum potestatem Principibus adimat, & (quod relatu indignius, grauius etiam toleratū) ne quam in ambiguis legum sententiis interpretandis auctoritatem habeāt: quod cū ita sit, non satis intelligo, quorsum illa Regem inter & medicum similitudo ab eo proposita sit, quos in eo, in quo sunt similes, dissimilimos facit. BOVT. Istud velim vberius, si placet, edisleras. BARC. Faciam. Medicus si ad ægrotum accersatur, vtrum ipse ægrotanti pharmacorum quietis, ambulationis, victus, ac cæterorum quæ ad sanitatem conferunt rationem præscribere debeat, an verò cōtrā hic medico, quæ & quibus modis omnia componat, morbosus simul & morosus præcipere? BOVT. Quin hoc totum ad medici officium spectet nemo ambigit: ægroti quippe lethifera plerumque appetunt, salubrium fastidio tenentur. BARC. Quid si largitione, gratia aut odio corruptus, contra artis suæ præcepta fecerit, & cū certa sciat remedia, noxia medicamina supposuerit? BOVT. Dignus profectō cui iugulum frangatur, aut, vt Callidemides ille Lucianicus, qui quod alii parauit venenum, ipse exhauriat. BARC. Non id quæro, quodnam hoc scelere commercetur supplicium: sed num propter artis suæ visum hac parte contemptum medicus esse desinat? BOVT. Nequaquam. BARC.

Igitur quo minus & possit, & debeat quæ sunt medicorum promittere nihil impedit malitia ista, atque artis abusus, per quem alteri tetenderat insidias? BOV. Nihil certè neque enim quod ita perditè ac nequiter commisit, id ei aut peritiam rei medicæ ademit, aut nomen scientia comparatum extinxit, peccatum namque malum virum facit, non malum artificem: qua propter si cum eo ipso in gratiâ redierit, cuius vitæ insidiabatur, non minus censebitur idoneus, qui operam omnem curamq; in ipsius salutem conferat, modò absit de inimico reconciliato diffidentia, idq; neminem arbitror negaturum. BARC. Hic igitur cùm mentis aciem acrius intendis, annon vides quâta Regib. ab isto ciuilibus gubernationis cōcinnatore palam fiat iniuria? Medico vt in humani corporis curatione leges ægrotis præscribat, quæ modum normamque viuendi contineant, facile permittit: Regi verò cuius est corpus illud ciuile multis obnoxium morbis ad optimū redigere temperamentū, ac ne dissoluatur prospicere, omnē iubendarū legum denegat potestatē. Itaq; vel inanis prorsus & superuacanea sit tota hæc Regis & medici collatio, in qua ille ad nauseam multus est, vel suæ vtrique artis præscripta ex agro relinquatur oportet. Nec est quod puerilibus illis rationibus, quas huc congerit, moueamur: grauius nimiram esse periculum si ista Regibus in populum libertas concedatur, quàm si medico in ægrotantem. Age sis Buchananæ, quo pacto grauius: quia ægrotō, si præsenferit in caput suum strui insidias, licet vel alium accersere medicum, vel si nemo sit alius qui morbi causam intelligat, sese quibus potest modis consolari. Quæso Boutelleri hanc Buchananæ rationem <sup>2</sup> perpende mecum attentius, & ei quod deest ad concludendi necessitatem si potes adiecito. BOV. Haud factū difficile est, nam & ipsa orationis series, & sententiæ pondus, & argumentandi formula, satis indicant partem alteram quæ suppressa est eiusmodi esse. *At populo neque Regum mutare, neque aliunde solatium & auxilium petere nisi ab ipso met Regelicer.* Ita prior pars rationē cōtinet <sup>3</sup> cur medico prout voluerit curandi libertas concedatur: nempe quòd quilibet suspectum sibi medicum, aut alias non idoneum, remouere a se possit: posterior verò, cui talem Regibus libertatem permittere non expediat, & putò hanc illam tacuisse festinatò properantem quod facile cuiuis vel mediocriter erudito innotesceret. BARC. Falleris, si id putas; neque enim

¶ Videtur hoc argumentum ex Arist. sumptum li. 3. ca. vlt. Politic. reuera tamē non est Aristotelis: ille enim docet tantum fallacem esse similitudinem quæ sumitur ab artibus, ad probandum melius esse, Regibus quàm legibus gubernari.

<sup>2</sup> Pag. 29.

¶ loquor hic de humanis remediis.

enim breuitatis studio, cum cætera pertractet copiosius, hoc quicquid est præterit: sed consultò planè, ne suo se ludo lamberaret. Nam quod tota sua disputatione nititur astruere, id, vna hac admissa sententia, funditus euertitur. Si enim fas subditis non sit Regem ab imperio mouere, aut aliter quàm ad illius præscriptum viuere, frustrà de eo in ordinem redigendo consultant, & ei velint nolint legum ferendarum potestatem concedant necesse est. Sin verò eundem depellere, & eius edicta respuere liceat, nō erit vtique illa medicum inter & Regem dissimilitudo, quam ipse proponit: atque ita valebit hîc æquitas, quæ in parib; causis paria iura desiderat<sup>1</sup>. His cum se premi distringique angustis animaduertetet, callidè, vt elaberetur, amplius illic nihil de Rege dixit. BOVT. Astutè factum. nam ista in herclè ratio multo magis ei obest, quàm adest. Sed alia nunc animum subit, quæ huic nostro forsan, & aliis etiam penitus persuadet, leges è Regum manibus eripendas esse. quòd nempe si vel malas Rex sanciat, vel bonis perniciosè vtatur, maiora longè incommoda subsequantur quàm si quid medicus in singulorum corporum curanda valetudine commiserit: huius quippe facinus paucorū vitæ dispendio, illius verò totius Reipublicæ interitu nobilitatur. BARC. Videtur hoc certè aliquid, & quòd primo sui aspectu satis iustam ademptæ Regi libertatis causam contineat: sed est tamen in eo captio, quam vt refellam patere te pauca interrogari quæ istum nobis errorem aperient. BOVT. Libenter. BARC. Scis igitur quæ regis arti, quæque medicinæ materia substrata sit? BOVT. Huic nempe corpus humanum, illi hominum communitas, quod corpus ciuile iam sæpius est appellatū. BARC. Rectè. Scis etiam, opinor, earum artium quandam & inter se & ad sua subiecta comparisonem esse. BOVT. Scio: vt enim mensurarum omnium longè alia inter se ab ea quæ est singularum ad res dimensas proportio cernitur, (siquidem inter se collatæ vix vllæ inueniuntur æquales, cum tamen singulæ rebus quas metiuntur pares sint) sic etiam non solum in artibus atque ministeriis hominum, verum etiam in iis rebus quarum ortus sunt à natura, quidam veluti gradus existunt dignitatis, artificii, & perfectionis: licet vnaquæq; in suo genere & sit & videatur esse perfecta. Sed ista quid ad institutū distinctio? BARC. Mox, vbi ad sequentia responderis, intelligemus. Potestne quis sutoriam

1. illud. 32. D. ad leg. Aquil.



riam artem, aut ephippiariam, æquè ac fabrillem, vel citharèdicam ignorare? BOVT. Nemini arbitror hac de re esse dubium. BARC. Et medicinam etiam, perinde atque Iurisprudentiam & Theologiam? BOVT. Quidni? quorum enim perceptio non naturâ, sed studio quodam & labore sub hominum intelligentiam cadit, ea, nisi operâ curamq; adhibeamus, ignorentur necesse est. BARC. Quid igitur? si quis sutoriam, aut ephippiariam nesciens, quæ sutoris sunt vel ephippiarii partes obierit, videturne tibi perinde iis artibus, quantum ipsarum fert natura, iniuriam facere, ac musicæ, fabrilis, pictoriæ, & cæteris, quas earum similiter ignarus exercuerit? BOVT. Equidem omnibus in suo cuique genere parem fieri iniuriam autumo. BARC. Rebus præterea quas tractant, & in quibus versantur, utrû dispar, an æquale, pro artibus cuiusque ratione, damnum hoc modo contingere putas? BOVT. Æquale profectò. BARC. At non censes tamen vilissimarum artium ignoracionem tantum rebus humanis afferre detrimenti, quantum earû quæ ad hominum societatem, vitæque vsum, decus, & honestatem sunt comparatæ? BOVT. Non sanè. Neque enim aliquam inter artes simpliciter hîc æquabilitatem statuo (nulla enim anus tam excors est ut id faciat) quamuis in subiectorum complexione sint simillimæ. BARC. Iam verò nonne regnandi ars aliqua est, quam regiam in proposito ut antè licebit appellare? BOVT. Est certè: quæ, quoniam in rebus maximis versatur, meritò præclarissima iudicatur. BARC. Hæc si vel prorsus neglecta, vel ab eius imperito fuerit tractata, quanta sequuntur incommoda? BOVT. Rogas? quasi non tanta, quanta possunt inter homines maxima. BARC. Attamen si superiori orationi consentire volumus, necesse est fateamur, ex hoc regis artis neglectu nō maiora in suo genere quàm ex alicuius earum quæ infimi ordinis sunt, damna promanare. Quod si ita est, satis intelligent homines acuti, tûque in primis ipse, quàm sit sublesta & eneruis illa ratio, cuius nuper pro Buchananano meministi, ad constituendam inter Regem & medicum in libertate curandi differentiam. BOVT. Non possum hîc equidem quod res est non fateri. Itaque quoties utrumque, Regem, inquam, & medicum, comparatè specto inter se, maius profectò & excellentius multò Regis quàm medici officium comperior: ast ubi eosdem separatim ad ea reuoco, in quibus totum ipsorum studium curaque

quæ cernitur, ad artis suæ subiectum æqualiter se habere animaduerto. Ac planè mihi persuasissimum est, non posse Regem populo tantum incommodare, quantum singulis è multitudine medicus: quòd hic quemlibet vnum tollere aduersis medicamentis facillè possit, ille populum vniuersum delere, etsi vellet, nequeat, eoque facessere iubeam, quæ apud illum de Regis & medici comparatione reliqua sunt, utpote ex quibus parum, aut nihil, quod eius sententiâ fulciant, elici posse videam, quamuis momenti plurimum in iis principiò suspicarer.

Sed quia non satis est alienam opinionem euertere, nisi & suam quis liquidò confirmauerit, expecto ut quibus tandem rationibus tuum de Regibus sensum probes, intelligam. **BARC.** Subuereri te arbitror ne quod in Lactantio, scriptore alioqui grauissimo, D. Hieronymus desiderauit, <sup>1</sup> eius ego nomine in hac disputatione reprehèdar. Est enim fateor, hæc omnium, quæ in oratione sunt, pars longè difficillima, & in qua si quis vel tantillum à vero deflexerit, paratum aduersario ad inuadendam causæ arcem præsidium suppeditat. Cuius rei causam esse puto, quòd, ut Academicus ille Cotta de seipso testatur, <sup>2</sup> non tam facillè in mentem venire soleat hominibus quare verum sit aliquid, quàm quare falsum: ac proinde facilius reprehendere quod vitiosum est, quàm quod rectum defendere omnes possumus. Enitar tamen ne tuam in hac parte expectationem eludam. Sed erit huic rei locus, ubi quæ de utilitate reliqua sunt apud Buchananum, quam vim habeant breuiter excusserimus: nam ipse in eius commemoratione eò diuissiùs immoratur, quo plura inde ad fallendum argumenta suppetunt: habet enim nescio quid in se pellaciæ omnis vel simulata commoditas. Cùm itaque non mediocrem libelli sui partem iis de rebus conscripserit, operæpretium erit principes eius errores patefacere, ni id tibi molestum sit. **BOVVT.** Imò verò periucundum. **BARC.** Primùm igitur ex multis sūtēlis vna est quæ familiam ducit, cuius ad summam si memini hæc est sententia: legis neque lationem, neque interpretationem penes Regem esse debere, quòd homo sit ad omnem fauoris, & odii auram facillè mutabilis, quòd per ignorantiam labi, sponte, vel propè inuitus, aliquando peccare possit: tutius igitur esse rerum omnium arbitrium in populum conferri, quòd multitudo & videat acutius, & provideat diligentius, solertius etiam iudicet,

minus

<sup>1</sup> Tom. I. Ep. 13.

<sup>2</sup> Cic. lib. I. de natura Deorum.

minus denique istis, quæ singulos occæcant, perturbatio-  
nibus transuersa rapiatur. Quid hoc sermone delicatius?  
quid ad persuadendum vel excogitari subtilius, vel dici ve-  
hementius possit? quotus enim quisque est quem hæc illi-  
cò non permulceat, & ad se trahat illecebra? quæ nõ modo  
fortunas, & tranquillitatem, sed vitam, sed incolumitatẽ,  
sed salutem denique omnem adedò cunctis magnificè & ma-  
nifestè pollicetur? BOV T. Non paucos scio his rationi-  
bus commoueri. Itaque homines minimè seditiosi, & qui  
Regum imperiis libentissimè student, & obsequuntur, cæ-  
que non armis solùm foris, sed crebris etiam domi ad vul-  
gum sermonibus defendunt, cùm superiora animo cõspi-  
cantur, vix sibi ab isto nouarum rerum studio temperare  
possunt. BAR C. Hi omnes, si mecum paulò altius in ciui-  
lium rerum contemplationem descendant, satis multa in-  
uenient, quibus vnusquisque fluctuantem se animo expe-  
ditè colligat, osque occludat aduersariis.

Ac ne longum te demorer, omnes isti publicolæ, qui Re-  
gum principatum tantoperè detrectant, ingenuè farentur  
Regum initidò libera atque soluta fuisse imperia, eò quòd  
ad tantæ maiestatis fastigium nemo tunc nisi eximia qua-  
dam præstantia, & singulari præ cæteris æquitate ac iusti-  
tia, populi suffragiis eueheretur. Nam conuenientibus in-  
vnum hominibus, cùm nullis adhuc legum vinculis tene-  
rentur, & multa iracundè, libidinosè, auarè, sine metu cõ-  
mitterent, ad vnum aliquem omnes confugiebant, cuius &  
muniri potentiâ, & gubernari consilio se posse sperabant:  
huius pro lege arbitrium, pro ratione voluntas erat, qui in-  
de Regis appellationem sortitus est, quo nomine neq; san-  
ctius vllum, neque gentibus acceptius illa memoria reperi-  
ebatur. Itaq; Græci βασιλεῖς, q. nomen Regibus indiderūt,  
ex eo deductum putant, quòd basis sit populi & firmamen-  
tum, cuius religiosa quadã venerationis superstitione im-  
buti nonnulli regium genus ad Iouem & Deos retulerunt,  
1 aliis Reges Deos ipsos esse existimãtib; 2 quod ego po-  
stremum idedò commemoro, quia licet non vt illi ex Ioue  
satos heroas arbitramur, imperium tamen quod manu te-  
nent, & potestatem ex Deo esse, diuina id testante scr ptu-  
ra, 3 tam credimus quàm q. maximè. BOV T. Quæ hacten-  
us de Regum priscorũ libertate dicunt, vera esse arbitror.  
BAR C. Nec ego in eo sermone quicquam reprehende: nisi  
quòd Reges initidò iustitiæ tantum fruẽdæ causa expectos

1 po-

- 1 Hesiod. in  
Theog.  
2 Ethiopes &  
Egyptii Dio. li.  
3. cap. 1.  
3 Sap. 6. Rom. 13

à populis fuisse asserant, & non aliam potius abstrusorem, nec minus etiam Augustam Regū creandorum causam inuestigant. BOV. Neq; in eo errare videntur, cū habeant quos sequatur authores grauissimos. BARC. Errant certè largiter, & eorum astipulator Cicero: sed illi quā hic perniciōsiūs: verū is locus alibi vberius tractabitur, tu cogitationē ab eo tantisper auerte, dum quæ propiora sunt videamus, ea lege vt nisi abundè tibi, si Deo placet, satisfiat, nihil aduersariis hac nuda assertione detractum existimes. BOV. Mos tibi geretur: itaq; perge vt instituisti cetera ordine percensere. BARC. Postea, vt illi volunt, <sup>1</sup> statu rerū in peius prolabente, cū homines in potestate infinita & immoderata collocati sibi non temperarēt, sed multa gratiæ, multa odiis, multa priuatis cōmodis indulgerent: eaq; ipsi facerent, quorum ne cōmitterentur causa erant electi, leges à populis inuentæ sunt, quarū ope misera & pene ex pes multitudo, velut tabula quadam, ex illo secundo naufragio enataret, & quarum repagulis coarctati Reges atq; constricti tenerentur, ne quid liberè & ex animi sententia, sed ad earum præscriptum cuncta peragerent, neq; sua amplius in iudiciis licentia, sed eo tantū quod populus in se dedisset iure vterentur. BOV. Quid hic potissimum te offendit? BAR. Quin potius quid non offendat interrogas? adeò nihil non displicet. Quippe qui nec talia legum principia & causas hætenus agnouerim, nec quos isti iactitant vnquam authores laudauerim.

Sed quoniā proposita de vtilitate pars (à qua nostra iam non nihil deflexit oratio) prius nobis est examinanda, eò si placet sermonem reuocemus, quem hæc deinceps de legū origine mox excipiet disputatio. BOV. Imò verò perplacet: ita enim cōmodissimè fiet vt res singulæ serie quadam & ordine explicatæ, velut quandam intelligendi viam atque lucem animis afferant: quas ἀμείω plerumque densa confusionis nebula ac tenebris inuoluit. BAR. Vt igitur viri boni, qui istis in populari regimine vtilitatibus mouentur, quas blanda aduersariorum oratio complexa est, fucum sibi fieri perspiciant, & quæ pro multitudo facere videntur argumenta, ad regii imperii firmitatem potior ratione conuenire, eòque in fide Principum perpetuò maneant, ratione primū agamus, qua nihil hominem ducit, aut potius impellit, suauius. Qui Reges principio ab oppressa potentiorum viribus multitudo in spem solatii acci-

Buchan. pag. 204



accitos affirmant, satis aperte iudicāt in vno plus & ad cō-  
uendum concilii, & ad agendum auctoritatis, quā in to-  
ta turba, & cætu reliquo fuisse: quod cū ita sit, cur non  
nunc quoque in vno similiter hæc eadem inesse fateantur?

**BOV T.** Puto, quod nemo pari animi fortitudine & pru-  
dentia possit inueniri, qui tantam negociorum molem so-  
lus sustineat: rebus enim vt modò dictum est, in peius ruen-  
tibus, homines ab ista constantia & æquitate paulatim de-  
clinant, donec in hæc temporum fata recessum est, quæ  
nullis se vitis non mancipant, & vinci patiuntur. **BARC.**

**Lib. 3. cap. 11.**

Hæcne tibi potior videtur ratio quā quæ ab Aristotele in  
Politiciis tradita est <sup>1</sup>, quod nempe pauci tunc virtute præ-  
stantiores cæteris inuenirentur, in parua scilicet hominū  
multitudine & exiguis vrbibus, nunc verò multi similiter  
istis animi dotibus præditi sint, quibus olim freti homines  
Regum dominationem in Rempublicam conuerterunt.

**BOV T.** Potior certè: quo enim acriora hominibus vsu at-  
que experientiâ rerum ingenia accrescunt, eò elatiores fa-  
cti voracibus ambitionum flammis exardent, quæ, nisi ad  
culmen totius gubernationis peruaserint, extinguī neque-  
unt. Ac proinde non idèd nunc eam Regibus facultatē de-  
negarem, quod plurimis iam virtute florentibus videatur  
illa Regum creandorum causa deperiisse, quæ rudi tunc se-  
culo fuerit: etenim manet adhuc, & si vnquam aliàs, hæc  
ætate plurimū viget: sed quia rarus inuētu est, qui vt pri-  
mi illi Heroës, paterno in ciues amore gerat imperium.

**BARC.** Existimas igitur plebem non minus adhuc imbe-  
cillem esse atque obnoxia iniuriis, quā fuerit olim cū  
in Regum se clientelam recepit?

**BOV T.** Imò magis pro-  
fectò: crescit enim indies potentiorum & nobilium cum i-  
psis opibus audacia, proculcantur plebei, & quasi non ho-  
mines inhumaniter sæpè à patriciis tractari solent. **BARC.**

Ad eam ergo licentiam reprimendam, plebēque ab iniu-  
riā vindicandam, non minus potēti adhuc imperio, quā  
olim opus est: cuius metu coerciti qui viribus pollent, & ad  
scelera sunt promptiores, opprimendis tenuioribus absti-  
neant.

**BOV T.** O mi Barclai, hoc illud est, cuiusmodi  
sit, quod quærimus imperium, & quod vel maximè inter

homines est necessarium. **BARC.** Atqui hoc ipsum in v-  
no principe potentius, ac terroris pariter & amoris pleni-  
us quā in multitudine conspicitur. **BOV T.** Si ita est.

populari gubernationi regalis optimo iure antefrenda  
cense-

cenſebitur. Sed vereor vt id poſſis oſtendere, ſi eorū præſertim qui cū ſceptro nūc ſedent, & Regū antiquorū conſilia mores, facta & in ciuilibus muniis obeundis ſolicitudinē, acriter inter ſe contuleris. Permulti enim, dicam audacter, iam ſui obliui, & velut ſalutis populi curā obiiicientes, dū ſe in omni libidine ac viuendi licentia quā in temperantiſſimē effundunt, nihil æquē negligunt atque illā cuius cauſa Reges ſunt, muneris publici procuracionem: vt nō iniuria cordatis hominibus videantur populi querelas opem petentis haud ſecus audire atque olim Demetrius ille, qui πολιορκητής eſt nominatus, ſupplices Macedonū ad ſe venientium libellos fertur excepſſe. Is n. cum multos à multis porrectos tāquam ſolicitē custoditurus, in clamydere poſuiſſet, ſtatim ubi ad Axii fluminis pontem peruenit, ſpectantibus cunctis, atque vt reſponſa acciperent ingenti ſpe opperientibus omnes recluſo ſinu in profluentē abiecit. Ita hi, ubi ſemel ad cupedia, ſaltationes, & cætera (pudet proloqui) aulicæ peſtis condimenta ventum eſt, omnem regię artis recordationem animis excutiūt, vt velut in aliquo loci Selenno illud Poetę nonnihil παραποιέμενοι ſubinde poſſint decantare,

*Quis non bonarum regna quas curas habent*

*Hac inter obliuiſcitur:* <sup>2</sup>

**BARC.** Vide ne hoc parum opportuno loco & nimis vniuerſē protuleris. Sint n. licet quales tu narras nonnulli, alios tamen inuenies qui in Reip. curatione nullos non labores & moleſtias exantlant: nec debet eorum qui perperā magiſtratus obierint in eos qui rerum publicarum obnixē fatagunt vituperium redundare. Ac ne longius abeas, Carolum Lotharingię Principem noſtrum conſpice animo: in quo, ſi propius intueare, ita expreſſam auitæ pietatis ac iuſtitię imaginem deprehēdes, vt, q̄ rarum eſt, non tam eū in imperia, q̄ in virtutes maiorū ſuorū omnes hereditario iure cenſeas ſucceſſiſſe: cuius principatus nō niſi ambitioſis hominib. & publicæ tranquillitatis oſoribus, moleſtus eſſe poteſt. **BOVR.** Facis tu quidē hīc q̄ ſolent in Italia caupones, qui aduenis obuiam euntes, vinum ſi q̄ habent generoſiſſimum in occuſu pitiffandum propinant, ex eo ſe hoſpitibus abundē præbituros identidem pollicentes, quōd plures ad ſe pelliciant, cū tamen domum conductis parū aut nihil ex illā ſeriā ſubminiſtrent: ita tu, vt Monarchiam mihi ſuadeas, vnum omnium quos terra habet Principē o-

<sup>1</sup> In fabulis eſt Selennum fluiuium inducere amoris obliuionem. Pauſan. in Achaicis.

<sup>2</sup> Horat. Od. 2. Epod.

ptimum nominasti, & quo neq; nos optare, neque posteri sperare meliorem possunt: cuius si alii similes essent, a tureo planè seculo frueremur. Sed reprimo me, ne hæc tibi nimis importuna interpellatio videatur, aut saltem non necessaria à proposito sermone digressio: quapropter ad regalis imperii cōmoda demonstranda, in quo summum populi præsidium collocasti, orationem si placet conuertamus.

BARC. Non ita longè ab eo discessimus, vt difficile fuerit repedare. Nam & imbecilliorē esse quā olim plebem & nobilium creuisse audaciā, & potentissimo adhuc imperio opus esse ad plebem tuendā ab iniuriis & Summates in officio continendos, proximè dictum est, quib. sponte tua assensus es. BOVT. Haud muto sententiā. BARC. Iam verò vtrum tibi videtur equalis omnium, plebis, inquam, Optimatum, & Regis, à pristina morum & vitæ conditione deflexio, an vna potius aliā superare? BOVT. Subdilem hic improviso quæstionem affers, & q̃ acrioris ingenii sit expedire: mihi tamē q̃ in promptu est, quoniam ita vis, dicam. Magnates, quorum potētia in immensum iam aucta est, eò longius ab antiqua illa viuendi consuetudine videntur recessisse, quo propius ad Regum libertatem, insolentiam, & quos nos inculamus mores omnes se contulerunt: quæ omnia cū sibi ad imitationis exemplum proposuissent, plebem de suo statu plurimū deiecerūt. Reges verò, quib. populi omne suum imperium & potestātē initio tribuerunt, nullum nunc, fateor, nouum sibi ius arrogāt: nec aliis facere videntur iniuriā, si quasi trabali clauo in suæ potestatis culmine fixi permaneāt, nec patiantur se ab eo quē iustè occuparūt gradu præcipitari. Imperium tamen q̃ acceperūt, nouis subinde præsidiiis aduersus populi incōstantiam, ita munire, vt si simplicē illam, ac velut nudā priscorum Regū dominationis faciē cū præsentē regnādi forma cōponas, magnam Principib. nostris conseruandi imperii facultatē suppetere, quæ primis deerat, illicò cōperias. Et enim lecti principid, quorū mores temperati & suaues, cū sapientiā coniuncti, multitudinem in sui admirationē traxerant, iisdem facilè modis principatum retinebant quib. erant adepti, vt nec externo & ascititio ad eam rem auxilio iis opus videretur. Itaque præsidium regnandi totum in vitæ integritate, & seriā ac sedulā Reip. administratione positum habuerunt: idque illis abundè satis erat, nondū corruptis ciuium animis, minimèque accensis, quæ passim nunc ardent ambitionum facibus. At postquam desit

esse tuta inter homines innocentia, & optimi quique opprimi calumniis cœperunt, aliæ mox vires imperiis quæsitæ sunt: leges namque de Maiestate quâtas nunc videmus, Regem potentia stipari debere sancitæ, & ipsi Reges armorum potentia in omnem euentum stipati non solum dignitatis sublimitate spectabiles, tradit Arist. lib. 1. c. 11. Polit. sed satellitum etiam multitudine formidabiles se subditis præbuerunt, quod auctum indies munimentum id nunc securitatis præbet, qua confisi Reges negligentius aliquando se in administrando imperio gerunt, & propè quod libet licere sibi stulta persuasione rentur. **B A R C.** Argutè tu quidem istuc, & quasi præmeditatus. Quòd cùm ita sit, cur nò similiter eadem de causâ fateris aptissimum regendis populis imperium esse Monarchiam, eosq; perinde nunc Regum indigere, qui & opulentiorum virib. resistât, & tenuiorum iniurias vlciscantur, & totum deniq; populum in officio contineant, atque iis ipsis temporibus quib. cœperant primû homines eiusmodi procellis agitari? **Boy.** Quia, vt iam dictû est, minor tunc fuit Magnatû potentia, & prisca illi Reges tû vitæ integritate tum animi constantiâ & magnitudine, tum laborû patientiâ & corporis virib. cœuos nostros longè superauit. **B A R.** Hæc nihili ratio est: quâdoquidem ipse modò ingenuè fassus es, Reges nunc multis legum armorumq; præidiis aduersus populi inconstantiam, & Magnatum opes audaciâmq; munitos esse, quibus primi illi quos mihi obiectas caruerunt. Si igitur aucta est, vt dicis, nobilium & potentiorum hominum audacia: Regum e contrâ auctus est terror, auctæ pariter ad obfistendû vires. Ac proinde si ad Geometricam rationem ista dirigamus, quemadmodum eadem est sex cubitorû ad duos proportio comparatiôq; quam habent nouem ad tres: ita Regum antiquorum recentiumq; par & æqualis potestas inuenietur, si singulos ad sui sæculi statum & conditionē referamus. Quod autem præterea de Regum nostrorû molitie animi, & incuria adiecisti, id non genus imperii, sed genus imperantis culpat, cui nò facultas, sed volûtas deest: illa in virib. regni cōsistit, hæc in persona Regis: illa cōstans & perpetua regnum vsq; comitatur, hæc varia & mutabilis in eadem personâ, in diuersis tãdè eadem, Reges aliter atque aliter erga manus suum affectos reddit. Quapropter non si aliquis regno impotenter abutitur, idcirco regnum minus ipsum per se potens, & nobile, atque vtile iudicari debet. Scitum enim est, abusum rei naturam eius minimè



vitiare. Minus rget quod imbecilla Regum corpora nunc esse dicis, si cum iis conferantur qui regna primi tenuerunt: nam in primis id vitium commune est totius generis humani, ut, velut senescente Natura, sensim corpora minuantur: deinde in regnis & Rebus publicis obeundis, non tam corpus quàm consilium firmum requiritur. Et verò Herculem nunc aliquem, aut Anthæum, imò Sampsonem si produxeris, quo illi vires? nōne eum pumilio, aut claudus aliquis sartor, artificioso fulmine, cum volet, eminus prosternet? Vides ut tuæ nihil aduersus regnum rationes faciunt. **BOYR.** Videre mihi videor, & tque idè regiam potestatem, per se consideratam, multò maximam & augustissimam esse. Verumtamen ubi ad Regum vitia oculos conuerto, quorum deprauatis moribus, & ciuilis dispensationis neglectu, insignis illa potestas ita vitata est & corrupta, ut quæ laudari solent monarchiæ cōmoda, ea multis magnisque molestiis ab immani & intoleranda Principum licentia profectis sæpissimè compensentur, adducor ut credam non vanam Regis repudiandi causam populis dari, aliāmque publici regiminis formam quærendi mitiorem. **BARC.** Mitiores scilicet? quasi verò mitior, aut melior dari hominibus, vel optari possit. Sed ut hunc etiam tibi ex animo scrupulum euellam, idem hîc tibi, quod Marcus Tullius<sup>1</sup> olim Quinto Fratri tribunatus incōmoda acriter vrgenti, respondebo: Regum nempe vitia (quæ utinam non tanta essent) rectè tenes: ea enim quòd ab hominibus præter omniū oculos positis cōmittuntur, nullis non cognita esse possunt, cōque maiora videntur, quòd regiæ maiestatis amplitudo cæteris ordinibus insignior est atque præstantior: personæ namque dignitate sceleris semper augeatur indignitas, &

*Omne animi vitium tanto conspectius in se*

*Crimen habet, quanto maior qui peccat habetur.*

<sup>1</sup> Senec. in Agam. act. 2.

Verè tragicus<sup>2</sup> *Perlucet omne regia vitium domus.* Sed est, ut ille ait, iniqua in omni re accusanda prætermisiss bonis malorum enumeratio, vitiorumque selectio: nam ne nullus quidè isto modo magistratus vituperabilis non erit, simultorum qui eo funguntur peccata omnia collegeris. Quod igitur ille de tribunitia potestate dixit, id ego ad regii iure optimo transferam: ac fatebor quidem inesse in ea quiddā mali, à Regum vitiis atque negligentia promanans, sed bonum illud quod est in ea quæsitum, sine isto malo non habere.

beremus. Quisquis igitur Regum arguit insolentiam, libidinem, avaritiam, crudelitatem (quæ quantumvis exiguæ in eis sint, vt næuus in fronte, citò conspiciuntur) ac nò statim commoda, quæ à vinculo imperiù vnus Principis orta è regione pugnant, eodem animo perpenderit, næ illis similis est, qui optimè alioqui concionantis vocem, vulturn, & verba curiosius obseruant: vt si vel casu lapsum, vel consultò digressum ab optimo dicendi genere animaduertierint, id in circulis & conuiujs subinde vellicent, suppressis omnibus quæ laudem promerentur. Habent id miserū mortales, & nescio quo fato comparatum, vt erratis hominum vix vlla venia, rectè factis exigua laus, & ab inuitis expressa, proponatur <sup>1</sup>. Vt igitur haud rectè facit, qui damnum tantummodò computans, adiunctum ei lucrum non pari diligentia ad calculos reuocat: ita & qui proprias atque innatas regno vtilitates omittens, fortuita, & non perpetua eius incommoda, à malis Regibus inuenta commemorat. Rarò bona nobis in hac vitâ largitur Deus omnibus malis molestiis que vacua: haud malè quidam,

*Omnia cum quodam veniunt incommoda fructu:*

*Commoditas omnis sua fert incommoda secum.*

Quapropter vt regni fruamur commodis, ista incommoda toleremus. Nam aut hæc cum illis sunt habenda, aut illa cum his amittenda sunt <sup>2</sup>.

Sed quid? mali Reges multi existunt: regnum ergo repudiandum: vitiosa collectio est, & cuius exemplo non solum cuncti magistratus, sed scientiæ atque artes omnes, essent è Republica exigendæ. Nihil n. iniquius, vt ait Isocrates, ὅτι τῶν αὐτῶν ἀνθρώπων πολλοί τινες ἐπὶ τὸ πλεονέκτην μετὰ φόβου. Vc-  
lim præterea cogitent qui in diudicandis Principum moribus sese plusquam Minoes efferunt, num satius esse à pluribus, quàm ab vno proteri multitudinē & proculcaripotent: aut qui vnus dominatum, propter personę improbitatem, respuunt, posse eos multorum imperium parib. scitentium vitiis tolerare? Pleriq; enim, mihi crede, eorū ipsorum qui ista in Regib. vitia tantoperè reprehendunt, si clauum Reip. tenerent, non minus impotēter quàm Reges eā dignitate vterentur: atq; illa ipsa quæ reprehendunt & fortè etiam grauiora, perpetrarent. Sed fuit hæc omnib. sæculis, & adhuc est, ad occupandam tyrannidē ambiciosi hominibus expeditissima & quasi compendiaria quædā via, per quam (dum summo se amore ac pietate in patriam esse

<sup>1</sup> Cic. de leg. Agrar. cōtra Rull.

<sup>2</sup> Terent. in heaut. act. 2. Sce. 3.

<sup>3</sup> Malitiam hominum ad res ipsas transferre.

simulant.) Principum vitia & populi miseriam, apud suos primū, deinde palam queribunda voce lamentantur: non quod plebē, cuius solius cōmodis inferuire videri volūt, ab illo seruitutis iugo asserant in libertatē, sed quod populari aura subnixi, aditū sibi & ianuam ad eam ipsam dignitatē,

- 1 Lib. epist. 42. nequiora aliquando aufuri, patefaciant. Audi Senecam.<sup>1</sup> cuius verba literis aureis signanda in hanc sententiam hæc sunt. *At malè existimat de malis* (de quodā loquitur qui se virū bonum, cum nō esset, prædicabat.) *Hoc etiā mali faciunt, nec ulla maior pana nequitia est q̃ q̃ sibi ac suis displicet. At odit eos qui subita & magna potētia insolenter utuntur: Idē faciet, cū idē poterit. Multorum, quia imbecilli sunt latent vitia, nō minus ausura cū illis vires sua placuerint, quā illa qua iā foelicitas aperuit: instrumenta illis explicanda nequitia desunt. Sic tūtō serpens etiā pestifera tractatur, dū riget frigore. Non desunt tūc illi venena, sed torpent. Multorū crudelitas, & ambitio, & luxuria, ut paria pessimis audeat, fortuna favore deficitur. Eadem velle eos cognosces, da posse quantū volunt.* Verissima hæc quidē, & variis omnium seculorū exemplis confirmata. Athenionē ex ancilla natū, & literis heri liberalitate instructū, absq; Atheniēsis. donatū ciuitate, in eos ipsos imperiū aliquando obtinuisse scribit Posidonius Apamensis<sup>2</sup>. Atq; eo quidē quamdiu pauperē & priuatā adhuc vitam degebat rhetorices ac philosophiæ professione quæstū faciens, blandiorē aut obsequentiorē fuisse neminem. At postq̃ variā arte tyrānidem occupauit, erupisse statim affectionū in eo delitescentiū fontes, quibus, quis ei animus ante fuisset, deprehendebatur: cunctos n. qui vel antè vel post in ea Rep. imperitarunt, omni crudelitatis & auaritiæ genere longè superauit. Talem se Tarcensib. præstitit Lysias, qualē Atticis Athenion, ex philosopho quippe creatus Σπερμανφόρης, summo apud eos magistratui id erat nomen, habitū simul & mentē tyranni induit. Vides ut ne detritis quidē palliis, aut promissis barbis credendū sit, signis licet grauitatis animi & constantiæ, ac contemptus diuitiarū, gloriæ, voluptatis, cæterarumq; omniū, quæ ambitionē fouent, cupiditatū: quantò minus fidendū est inani & fictæ ostentationi eorū, quos & nataliū splendor, & facultatū copiarumq; magnitudo, feruor etiā ætatis, atq; ampla clientela cum gregib. amicorū, ad regni desiderii excitant & incendunt? Hos n. certum est proposita semel regnandi spe, nihil non dissimulatuos ingeniosè, & simulatuos, in quo adiuuentū aliquod sibi positū esse arbitrentur: atq; inprimis omnē animi improbitatē frōtis

integumēto, ne videat̃, callidè inuoluturos. Quis gratior, quæſo, Caligula aut acceptior antequā iniret principatū, quī ſve adepto eo viſus eſt atrocior toti populo & inhumanior? vt non immeritò de illo dictū ſit. <sup>1</sup> *Nec ſeruū meliorem ullum nec deteriorē dominū fuiſſe.* Ingens adēo res eſt ambitio, vt animi quantūuis vitioſi affectiones omnes, quibus ſua frangi minūiue conſilia putat, edomitas teneat ad tēpus & compreſſas, ac quaſi omnium regina ſingulas in ſui obſequium veluti ac ſeruitutem trahat, de qua haud malè quis uſurpet illud Poētæ, verbo tantū iminutato,

*Regni ſacra famēs quid non mortalia cogis*

*Pectora?*

Hæc illa ferè ſola eſt, quæ mancipatos ſibi homines, quiduis pati, quiduis audere, fas iuxta ac nefas ſacra ac profana obliuiſci pro arbitrio, & meminiffe facit. <sup>2</sup>

*Qua tradente dolos, geſtus, artēque nocendi*

*Ediſcunt ſimulare Fidem, ſenſūq; minaces*

*Protegere, & blando fraudem pratexere riſu.*

Præclare Innocentius <sup>3</sup>. *Ambitioſus ſemper eſt pauidus, ſemper attentus ne dicat quod diſpliceat: humilitatem ſimulat, honeſtatem meretur, affabilitatem exhibet, benignitatem oſtendit, ſubſequitur & obſequitur, cūctos honorat, vniuerſis inclinatur, frequētat curias, viſitat optimates, aſſurgit & amplexatur, applaudit & adulatur: promptus eſt & ſeruidus ubi placere cognouerit, remiſſus & tepidus ubi putauerit diſplicere: improbat mala, deteſtatur iniqua, ſed alia cum aliis probat, & improbat, vt iudicetur idoneus, vt reputetur acceptus, vt laudetur ab omnibus, vt à ſingulis approbetur. Sed ecce grauem intra ſe ſuſtinet pugnam, difficilēque conſlictum, dum iniquitas pulſat animum, ambitio continet manum, & quod illa ſurgerit hæc fieri non permittit. Colludunt adinuicem mater & filia, iniquitas & ambitio, hæc vendicat ſibi publicum illa ſecretum. At ſtatim vt eſt ad honorē promotus, in ſuperbiā extollitur, in iactantiam effertur: nō curat prodeſſe, ſed gloriatur præeſſe: præſumit ſe meliorē, quia cernit ſe ſuperiorem: priores dedignatur amicos, notos ignorat, externos comitatur, contemnit antiquos, vultū auertit, cernicē erigit, faſtum oſtendit, grandia loquitur, ſublimia meditat, ſubditis onerofus, omnib. infeſtus, præceps, moleſtus, arrogans, grauis & importunus. Quid multis? nō terrā non mari, non cælo ipſo clauditur ambitio: nam.*

<sup>4</sup> *Quod non poteſt vult poſſe qui nimium poteſt.*

Quorum omnium ſi Græcis forrè aut Romanis exemplis minus aliquis cōmoueatur, ſuæ ipſius gentis annaliū me-

<sup>1</sup> Suet. c. 10. Dio Caſſ. lib. 59.

<sup>2</sup> Claudian. in Ruſſin. lib. 2.

<sup>3</sup> De vilitate eōdit. humanæ.

<sup>4</sup> Senec. in Hippo- polito.



moriam replicet, & refertam, ni fallor, talium tragœdiarum monumentis historiam inueniet: quo magis mirari licet imbecillitatem iudicii consilii que multorum. Nam cum nullius ferè rei tot domestica exempla obuerfentur oculis animisque omnium, quot istiusmodi artium comparandi principatus, tamen non solum plebs, sed ipsa nobilitas subinde decipi se, & velut magico carmine irretiti blâdimentis atque illecebris talium hominum sinit, quasi non satis constet, neminem id dignitatis affectare, qui non statim, vt Melius alter, aut Manlius, populo permulcendo se totum dedat.

(sibi volunt,

*Nam ferè maxuma pars morem hunc homines habet: quod*

*Dum id impetrât, boni sunt: sed id ubi iam penes sese habet,*

*Ex bonis pessumi, & fraudulentissimi sunt.*

Plaut. in Capt.  
act. 2. Sc. 1.

Testis est nostra ætate insignis illa adulterini perfidia, qui postquam mitioris imperii spēs vana, & largitionū pollicitationibus plerisque ad defectionem incitasset. Mariâ Scotiæ Reginam, optimam sanè ac prudentissimam fœminam insidiis petitam regno exegit. Testis & illud omnium ordinum in Belgio rebellium, quorundam ei imperio inhiantium blâda persuasionem concitatum. Testis & illa hæresis, tyrannidis genus crudelissimum, quæ simili omnino delinitione Scotorum mentes peruagata est donec omnes in suam redegit potestatem.

Sed dicam (neque enim tanti momenti exemplum præterire possum) quibus illa me propè pubescente, illecebris vomitæ suam aperiens, regno, fide & religione nulli antea secundo, virus teterrimum instillauit. Erant in ea regione, præter varios episcopatus, & maximam secularium, vt vocant, Ecclesiasticorum ditionem, omnis ordinis amplissima & opulentissima monasteria. Non enim illic agrorum domini, vt hîc solent, vllam decimarum partem sibi retinebant: nec fas cuiquam fuit decimas, nisi ab Ecclesiasticis concessas possidere. Hinc illi Satanæ prodromi & mendaciorum ministri tragœdiæ suæ exordium ducentes, in sacerdotum auaritiam, libidinem, & alia id genus vitia, continuus clamoribus debacchati sunt: non Episcoporum, Abbatum, aut desidum canonicorum mensis instruendis, nec obesis Monachis, sed pauperibus, & verbi ministris alienis Deum ab initio decimas in Ecclesiam contulisse: se tenui victu, & vestitu mediocri contentos esse, hoc tantum petere, nec amplius vel oblatum quidē velle recipere: nullū

sibi

sibi in decimis ius arrogare, ipsorum agricolarum arbitrio quid dare, quid retinere velint esse permisso. Iis blandimentis & ista adiunxerunt: intolerandam esse Papistarū (ita Catholicos hæretici, vt scis, appellant) in laicos omnes tyrannidē, à quibus etiam inuitis fidei suæ professionem soleant extorquere: se verò Euangelii libertatē prædicare, nullam Christianis animis vim inferre, suam cuiq; conscientiam liberam relinquere, verbo ducere, non vi quemquā adigere: eam esse Euangelii doctrinam vt omnes conscientia fruantur libertate, sibi que vt id liceat votis omnib. postulare.

BOV. Perquam geminos profectò sermones apud nos etiam, sicubi audent, clandestinis colloquiis in vulgus disseminant; sed sapiunt credo nostrates, & ex vicinis iam malis didicere tales sumi venditores non esse auscultādos.

BARC. Faxit Deus Opt. Max. vt istuc diu sapiant. Sed audi huius tragoediæ catastrophem. Talia cum omnium aurib. frequentius inculcaentur, nemo non admiratus est tantā nouorum hominum sanctitatem, diuitiarum, gloriæ, voluptatum omnium contempticē. Itaque nō vulgi solum, sed etiam magnatum, qui ista nouæ religionis commoda spe & opinione deuorauerant, partem magnam quā citissimè ad se traxerunt. Interea communis ea omnib. cautio fuit, vt quamdiu incerto Marte, & æquis viribus certandum esse viderent, hypocrisi quā armis omnia potius experirentur. At vbi paulatim rerum potiti dominari in ceteros & velut in suo iam regno ius dicere cœperunt, Deus bone! quā subitò interiores versatilis suæ scenæ imagines ostenderunt. Omnibus antea supplices, omnibus statim imperiosi, & penè inexorabiles minitabantur: & qui libertatem, & nihil nisi libertatem initio prædicauerant, iidē viris bonis libertatem omnem adimebant: quique paulo antè peregrinæ & nouæ religionis fruendæ veniam à Catholicis humiliter exorarunt, ne veteris quidem & verę retinendæ facultatē iisdem supplicantibus permittere postea voluerunt.

BOV. O hominū imprudentiam! annon aut quā splendidè tunc mentiti sint, aut nunc hallucinentur vidēt? sed tēpori credo & foro ita seruiunt.

BARC. Nolo minutatim omnia persequi: longum enim esset enarrare quā variā & multiplicem personam continuò susceperint. Nam quęcunq; à vafri ingenii ad res suas amplificandas excogitari potuerunt, ea omnia vt quodque se offerebat sibi licere, & nouæ seu reformatæ, vt vocant, religionis leges esse

hominibus credulis persuadebāt. Ac in primis ministros tantæ audaciæ complures illic sibi ascisciebant, sed quos? pudet dicere, stigmaticos, profugas, sublingiones, superiumentarios, cerdones, scrospascos: vt quisque enim benè linguax, & paulò dicatior inuentus erat, statim Ministri titulo insignitus Ecclesiæ alicui præficietur: mox deinde in bona & census ecclesiasticos inuolabant, verbi Dei ministris eas res deberi asserentes. BOVT. Callidos mihi narras Retiarios, qui piscem se petere simulantes Mirmillonem apprehendunt. BARC. Imo verò vtrumque, vno enim casse & plebs & presbyteri capti sunt. Nam isti, ne quid amitterent, in beneficia simul & vitia omnia Sacerdotū successerunt, illa dissipant, hæc quantum possunt vario scelere aucta ad hæredes transmittunt, decimas cum fanore plusquam nautico exigunt, & gregem à Sacerdotibus tonderi solitū deglubunt crudelissimè. Nullis aut avaritia maior, aut profusior libido, aut sæuior arrogantia, aut perfidia denique versutior quàm his est: vt faciliè appareat nihil eos iā inde ab initio quæsisse, nisi

*Lucrum, ludum, iocum, festiuitatem, ferias,*

*Pompam, penum, potationem, saturnitatem, gaudium<sup>1</sup>.*

<sup>1</sup> Plaut. in Capt.  
act. 4. Sc. I.

Ecqua videtur tibi hæc tyrannis? BOVT. Permagna quidem, & eius occupandæ ars longè subtilissima. BARC. Non alius certè iis scopus est, qui cum potentes & gratiosi sint apud omnes Ordines, de Principum vitiis conqueruntur, quantumvis præclarum vinceris ista Specimen populari iudicio exhibeant. Reges enim contra quàm fas est in ordinem redigendos curant, vt ipsemet extra ordinem dominetur. Nam cum id appetere moliri & turpe & periculosum esse sciant, huiuscemodi inuolucra obtrendunt, & prætextu specioso *ἀρετῆς καὶ τῆς κοινῆς*<sup>2</sup>. Multos tibi possum enumerare, qui simili fraude sceptrum à Regibus nō ita malis erepta sibi vendicarunt. Aduerte igitur an munus, & cogita quàm sit res periculi plena, dolosis talium publicolarum suasionibus multitudinem commoueri, quorum consiliis si obsequatur, Hydram, quam necare fudet, secabit infœliciter. BOVT. Sint ista vt dicis, neque enim qui Reges à subditis coerceri volunt, eiusmodi vt arbitror, mutationū incommoda inficiantur: sed iis malis alia remedia inuenerunt. BARC. Quæ? BOVT. Neminem vnū sufficiunt, cui totius Reipublicæ portifculus committatur.

BARC.

<sup>2</sup> Aristoph. in  
Pluto.

BARC. Quid ergo? liber ſumne populū, atq; omni magiſtratus vinculo ſolutum eſſe volunt? BOVT. Minimè gentium. Sed ita ſtatuunt, melius ſe habere Rempublicam ſi conſilio Imperioque multorum gubernetur, quàm ſi ad vnius nutum & arbitrium tota fuerit compoſita. BARC. Quid ita? BOVT. Rogas? quaſi verò te lateat ſummum ſemper eſſe in plurium regimine temperamentum: in quo patientes ac lentī iracundis, timidi audacioribus, præci- pites cunſtabundis, & hi illis obſtunt: ex quorum con- curſu naſcitur illa moderatio & æquabilitas quæ in extre- morum mediis conſiſtit. BARC. Agnoſco Buchanani ratio- nem ab Ariſtotele mutuata<sup>1</sup>, qua premi valde nos putat<sup>2</sup>, & cogi vt fateamur publica negocia multitudi- nis iudicio pertractanda: ſed eam fucata<sup>3</sup> eſſe & minimè firmam faxo paucis intelligas. Coniungendus enim hic lo- cus eſt cum illo ſuperiore, qui ſimilem de vtilitate regimi- nis multorum ſententiam continet. Multitudinem nem- pe plus ſcire ac ſapere, quàm vnum aliquem, nec tam citò perturbationibus atque affectibus animi vitioſis commo- ueri, aut à debita Reipublicæ procuratore abduci poſſe. Poſſum his omnibus reſpondere, Buchanani opinionem communi omnium de Rebus publicis rectè philoſophan- tium conſenſione reprobari, ita vt totius antiquitatis iu- dicio huic cauſæ iam ſit factum præiudiciū. Quippe in- ter varias Reipublicæ formas Monarchiam præcellere, vi- ri graues, Philoſophi<sup>4</sup>, Oratores<sup>5</sup>, Poetæ<sup>6</sup>, Hiſtorici<sup>7</sup>, atque ipſi etiam Theologi<sup>8</sup>, & Iuriſconſulti tradiderunt (quo nuper imprudentior Caluinus, imò verò impuden- tior, cui tot ſanctorum & ſapientum virorum cōcors ſen- tentia diſplicuit. *Equidem ſi in ſe conſiderentur*, inquit, *tres illa, quas ponunt philoſophi, regiminis forma, minimè negaue- rim vel Ariſtocratiam, vel temperatum ex ipſa & politia ſtatum aliis omnibus longè excellere*<sup>9</sup>.) Quapropter mihi aduerſus eum nouo nūc iudicio experientem rei iudicatæ exceptio- ne vti licet. Verū ne iniquè iudicatum cauſetur, rationes eius referam refellamque.

Ac in primis falſum quidem illud eſt quod ſcribit: vbi multitudo ad Reipub. gubernacula coit, temperamentum quoddam & mediocritatem naſci ex commixtione & con- curſu contrariarum qualitatū, quæ aliis aliæ atque aliæ inſunt. Nam contra multorum nos authoritas, ipſaque rerum experientia docet, nihil periculoſius, imò pernicio- ſius

<sup>1</sup> L. 3. Pol. c. 7. & cap. 11.

<sup>2</sup> Pa. 33. Sup. p. 31.

<sup>3</sup> Plat. l. 16. Ariſt. l. 8. Eth. c. 10. Phi- lo Iudaus lib. de confuſione lin- guarum.

<sup>4</sup> Hoc. in Nicoc.

<sup>5</sup> Hom. Iliad. 2.

<sup>6</sup> Dio Caſſi. li. 44.

Plutar. libello de

trib. Reip. gene-

rib. Herodot. l. 3.

<sup>7</sup> S. Atha. in ora-

tione cōtra ido-

la. S. Chryſoſt.

homil. vlt. epiſt.

ad Hebr. S. Iuſti.

in orat. exhorta-

tor. ad gent. S.

Hier. To. 1. epi. 4.

<sup>8</sup> Li. 4. inſt. c. 20.

<sup>9</sup> Li. 4. inſt. c. 20.



Lib. 4.

sius esse tali commixtione & contétione aduersantiū inter  
 se voluntatum, si nemo sit qui pro Imperio dissidium eius-  
 modi possit componere. Itaque Liuius<sup>1</sup>. *Tribuni militū con-*  
*sulari potestate quatuor creati sunt* ( inquit ) *T. Quintius Pœnus*  
*ex consulari. C. Furius. M. Posthumius. A. Cornelius Cossus.*  
*ex iis Cossus præfuit urbi: tres delectū habito profecti sunt Veios,*  
*documentoq; fuere, quàm plurimum Imperium bello inutile esset.*  
*Tendendo ad sua quisq; consilia, cū aliud alijs videretur, aperue-*  
*runt ad occasionem locum hosti: incertam namq; aciem, signum*  
*alijs dari receptui, alijs cani iubentibus, inuasere oportune Veien-*  
*tes: castra propinqua turbatos, ac terga dantes accepere. Plus itaq;*  
*ignominia quàm cladis est acceptum. Mœsta ciuitas fuit, vinci in-*  
*sueti, odisse Tribunos, postulare dictatorem: in eo verti spes ciuitatis.*  
*Ratio autem qua vititur ex numero est τῶν ἀντιστροφῶν, vt*  
 faciliè in eum ipsum vnde prodiit retorqueri possit. BOVT.  
 Quo pacto? BARC. Scis stultorum quàm sapientum si-  
 ue prudentium numerum esse maiorem. BOVT. De per-  
 fectè sapientibus fortè loqueris. BARC. Imò verò de iis  
 qui vulgari illâ prudentiâ commendantur, quæ in quoti-  
 dianâ hominum consuetudine, & vitæ vsu, atque publicis  
 priuatisque negotiis est occupata. BOVT. Vulgarem vo-  
 cas hanc prudentiam? At ego homines neutiquam vulga-  
 res, qui ea præditi sunt existimo. BARC. Igitur vulgi quàm  
 horum maior est multitudo. BOVT. Sanè quidem. BARC.  
 Et maiorum etiam quàm bonorum. BOVT. Nec dubium  
 id quoque. *Rari quippe boni.* BARC. Et horum etiam ipso-  
 rum prudentium discordes animi, contrariaq; studia ple-  
 rumque existunt. BOVT. Nihil vsquam sapius. BARC.  
 Iam verò, nōne conuocatâ in vnum multitudine, vt vir-  
 tutum, ita & vitiorum, quæ in singulis sunt particulæ con-  
 gregabuntur? BOVT. Subsisto. neque enim vt certamen  
 vitiorum sit conueniunt: sed vt vnusquisque quantum in  
 se est prudentiæ in medium conferat. BARC. Quâ fine cō-  
 ueniant non quæro. Sed nōne singuli sua secum vitia pa-  
 riter & virtutes circumferunt? BOVT. Etiam profectò.  
 BARC. Hæc ergo cū ita se habeant, dispice nunc animo  
 & considera communem hominum φιλονεικίαν, & innatam  
 ad contradicendum propensionē: & erit cur existimes tur-  
 bamentum potius quàm temperamentū ex eiusmodi pu-  
 gnantium voluntatum dissidiis oriri: cōstat enim, vbi suf-  
 fragiis res deciditur, vt fit in publico populi conuentu, non  
 quod probissimis placuit, sed q̃ plurimis, obtinere, multo-  
 que

que facilius corrumpi bonum quàm malum corrigi. Quà de causâ prudenter Iustinianus Imperator adstringi noluit eos, quibus Pandectas nostros iuris ciuilis ex multis multorum authorum voluminibus componēdi negotium dederat, vt semper in maioris partis sententiam irent. *Sed neque* (inquit) *ex multitudine authorum quod melius & æquius est, iudicatote, cum possit forsitan deterioris sententia, & multos & maiores in aliqua parte superare* <sup>1</sup>. eo quæ fit vt in consiliis capiendis sæpe maior pars meliorem vincat <sup>2</sup>. Non referam hîc contentiones quæ frequenter eueniunt, cum plures & opibus & autoritate pares in varias sententias distrahantur, grauesque inde dimicationes quæ extremo cum Reipublicæ intertrimento oriuntur. Qua de causa Dio, vir vsu rerum & experientia literisque insigniter eruditus scribit <sup>3</sup> Rempublicam non potuisse diu incolumen stare si populi Imperio subiecta mansisset, quodd parum abfuisse, quin ipsis comitiis ac magistratibus creandis res ad tumultum perueniret. Et Cornel. Tacitus, eximius profectò historiæ scriptor, vbi occupatum ab Augusto imperium memorat, qui paulatim munia Senatus, magistratuum, legum in se nullo aduersante traxit, subiicit <sup>4</sup>. *Neque provincia illum rerum statum abnuebant, suspecto Senatu, populique Imperio, ob certamen potentium & auaritiâ magistratuum: inualido legum auxilio, qua vi, ambitu, postremò pecunia turbabantur: & rursus quàm perniciosus sit status popularis vbi suffragiis leges feruntur alibi ostendit* <sup>5</sup>. Sed & idem Dio alibi hæc <sup>6</sup>. *Populi quidem principatus nomen speciosum habet, verum re ipsa comprobatur nihil ei cum sua appellatione conuenire. Contrà verò Monarchia nomen auditu difficile, penes vnum tamen summâ esse Reipublica, vtilissimum est. Nam facilius reperitur vnus aliquis vir bonus, quàm multi; & si hunc inueniri difficulter quidam existimant, iidem coguntur omninò fateri impossibile esse multos bonos inueniri, quando virtute præditi osse multos cõsentaneum non est. Quo fit vt si quis summa rerum vitiosius præsit, tamen id satius sit, quàm à multis eius similibus Rempublicam administrari. Cuius rei fidem facere possunt res gesta Gracorum, barbarorumque, atque etiam ipsorum Romanorum: nimirum cum semper vrbes ipsæ, priuatiq; in iis ciues, longè præstâtiora & plura sub Regibus, quàm sub populari gubernatione, beneficia sint consecuti: longeq; minus rerum aduersarum sub vnius quàm multitudinis Imperio sustinuerunt. Ac si qua floruit aliquando sub populari Imperio Resp. id tantisper durauit dum non ad fastigium magnitudinis*

<sup>1</sup> De concept. ff. §. 1. Sed neque.

<sup>2</sup> Liuius lib. 21. in princ.

<sup>3</sup> Lib. 54.

<sup>4</sup> Lib. 1. Annal.

<sup>5</sup> Lib. 3. Annal.

<sup>6</sup> Lib. 44. in pr.

*tudinis & vires altiores peruenisset: tum enim ex rebus secundis libido, inuidia ex contentionibus apud eos exorta sunt.* Quæ etiam de causâ Plutar. <sup>1</sup> vbi cum optimarum Politicâ formas suis proprietatibus adornasset commedassetque, subiecit Monarchiam (si optio sapienti daretur) esse eligendam, utpote quæ sola perfectam illam & rectam virtutis rationem contineat.

Deinde speciosa quidē illa est ac blandiens sed minimè profectò vera ratio, quâ Buchananus populare regimen commendat, cum ait *multi plus vident ac sapiunt, quàm vnus, & multitudo ferè melius quàm singuli de rebus omnibus iudicat.* Nam qui res gestas populorum memoriæ prodiderunt, vnius sapientiam frequenter emicuisse præ tota multitudine variis exemplis demonstrarunt. Quod enim à tot Græciæ populis atque Principibus ut in maximâ omnium quæ ab hominum memoriâ narrantur expeditione vnus omnibus imperitaret electus est <sup>2</sup>.

<sup>2</sup> Dictys Creten.  
lib. Dares Phryg.

*Ille Myceneus magnorum ductor Achiuum,*

nisi quod ab eo vno quàm à reliquo exercitu quamuis numerofo facilius & foelicius prouideri posse omnia, & procurari quæ forent è re Græcorum, communi consilio iudicarunt? Itaque summus Poetarum Vlysem multorum principatum reprehendentem inducit & haudquaquam vtilem esse his verbis affirmantem <sup>3</sup>,

*Οὐ μὲν πᾶς πάντες βασιλεύσομεν ἐνθάδ' ἃ Ἀχαιοί-*

*Οὐκ ἂν γὰρ ὄν πολυκίρρον ἦν, εἰς Κοίρων ἔσω,*

Idque ipsum Nestor tot seculorum experientia doctus, Agamemnonē hortatur ne susceptum Imperium deponat <sup>4</sup>

*Ἀτρεΐδῃ, σὺ δὲ θ' ὥς πρὶν ἔχων ἀσμεφέα βέλῳ,*

*Ἀρχεὺ δὲ γείοισι καὶ κρατερὸς ὕμῃνας.*

Quantum autem Æneas, quantum Vlysses præter comites prudentiâ valueret? Sed peruectista hæc sunt & poetarum figmentis adulterata: certiora testimonia, nec ita remota petamus. Athenienses in eo exercitu, quem aduersus Darii præfectum Daten comparauerant, cum duces belli decem & polemarchum, æquato omnibus Imperio, constituissent: ut partitis temporibus singuli singulis diebus summum ius atque Imperium in milites haberent: solus Aristides id factum Atheniensibus parum feliciter cessurum maturè præuidit, omnibusque author fuit ut ad vnum Miltiadem totius belli gerendi summam deferrent, quo duce celebri illa ad Marathonē victoria, potiti sunt.

<sup>5</sup> Hæro. l. 6. Plut.  
in vita Aristidis.

Vides ut vnus plus omnibus vidit, eòq; plus sapuit quòd *μὴ  
παρῆν τῆς ἀεισηκροτίας ἰσχυρότερον* iudicauit. Sed perga-  
mus. Multitudo ducum, & Imperatorum quantum rebus  
gerendis detrimenti afferat, quantumq; in vnus Imperio  
fitum sit opis, res nobis Romanæ clarius patefaciunt. Fuso  
enim à Gallis exercitu, cui sex tribunos militum consulari  
potestate populus præfecerat, capta & concremata ciuita-  
te, obfesso Capitolio, Senatu ad deditionem coacto, hosti-  
umque ludibriis exposito, F. Camillus quâ vi & armis, quâ  
virtute, quâ consilio, urbem atq; Imperium domitis hosti-  
bus restituit, reseruauitque <sup>1</sup>. Deinde verò cum post pri-  
mam pugnam Tarentinam nonnihil afflictæ res Romanæ  
essent, inclinatis iam ad pacem omnium animis, ac de Pyr-  
rho iniquis conditionibus in urbem recipiendo consulenti-  
bus, nonne vnus Appius Claudius ille cæcus & senex le-  
ctica in Senatum vectus, Reipublicæ, & maiestati Populi  
Romani salubriter prospexit <sup>2</sup>, cuius autoritate nullam  
pacem, nullam cum Rege amicitiam fore, nisi ex Italia dis-  
cederet, decretum est? Sed & Q. Fabius cognomento Ma-  
ximus, nonne cæteris omnibus qui vel in vrbe vel in castris  
erāt, quis ciuitatis, quis hostium status esset planius intel-  
lexit <sup>3</sup>: & cum modico sequutus interuallo Luc. Æmilius  
Paulus, quem si Romani certamen cum Annibale detre-  
ctantem audiissent, prælium Cannensi clade nobilitatum-  
minimè commisissent. De P. Scipione Africano quid di-  
cam? recitare sat est quod alius dixit <sup>4</sup>. *In Africam ex Sici-  
lia exercitum senatu vetante traduxit, & nisi plus in ea re suo,  
quàm patrum conscriptorum consilio credidisset, secundi Punici  
belli finis inuentus non esset.* Quid quòd Epaminondas ea  
præ cæteris cum ciuilibus prudentiæ laude, tum militaris sci-  
entiæ gloria vsque adeò claruisse fertur, ut ipse vnus plu-  
ris quàm tota ciuitas fuisse iudicetur <sup>5</sup>: quippe Thebas &  
ante se natum & post se extinctum perpetuò alieno Impe-  
rio subiectas, aliarum Græciæ ciuitatum caput quoad ipse  
vixit dominamque constituit. Sed ad Athenienses reuer-  
tor: à quibus cum Alexander, euersis Thebis, Demosthe-  
nem, Lycurgum, aliosque primi ordinis homines sibi de-  
di poposcisset, tam ingens metus atque anceps cura o-  
mnium animos occupauit, ut nisi Phocium, in quem ve-  
lut in aram consiliorum suorum oculos conuerterant, hæ-  
sitantibus iam & obmutescantibus succurrisset, nihil  
quod responderent fuissent habituri <sup>6</sup>. Idem Phocion  
cum in concilio populi sententiam aliquando dixisset, ob

<sup>1</sup> Liu. lib. 5. Plut.  
in vita Camil.

<sup>2</sup> Cic. Phil. 1. Plut.  
in vita Pyrrh.  
Eutr. l. 2. Pomp.  
l. 2. §. Juris. D. de  
orig. iur.

<sup>3</sup> Tit. Liu. lib. 22.  
Polyb. lib. 3.

<sup>4</sup> Vale. Max. l. 1.  
c. 7.

<sup>5</sup> Æmil. Prob. in  
Epa.

<sup>6</sup> Plutar. in vita  
Phocionis.



quam ei ab omnibus statim applausum fuit, conuersus ad amicos, quid dixi? inquit: hei vereor nequa imprudenti atque inuito mihi mala sententia exciderit, quod ei tam citò omnes assensu sint: adeò ille multitudinem malè de rebus omnibus iudicare sensit. Quà ratione fertur Hippomachus quidam gymnastes discipulū virgā vt imperitum percussisse, quod esset multitudinis plausum canēdo asséquutus, hoc super indicto *κακῶς ἡήλυσας, & γὰρ ἔτοι σε ἐπλώσω*<sup>1</sup>. Quid hīc veterem populi Dei, aut recetiores aliorū historias commemorem, ex quibus innumera sententiæ monstræ confirmandæ argumenta suppetunt? d'es me deficeret atque vox, si omnium sæculorū exempla prosequeretur: Nulla enim gens tam barbara est, nulla ætas, quæ non huius rei monumenta præter oculos posita habeat.

Neque hæc tamen cū dico arbitrere me omnem capiendi consilii rationem atque vsum tollere de medio, vel inutilem iudicare velle. Nam consiliarii Principis, & quos Reipublicæ gerendæ administratos sibi constituit, pars corporis eius censentur<sup>2</sup>: aures scilicet atque oculi à quibus percepta persensaque ad ipsū tanquam ad sensum cōmunem deferuntur.

**B O V T.** Istis ego exemplis licet non parum mouear, tamen non planè ab eā quam impugnas sententia abducor, quod rationes illas non solū Buchananani, sed Aristotelis esse sciam<sup>3</sup>, cuius tanta apud plerosque authoritas est, vt difficulter eleuari possit: quapropter vt plenè mihi satisfacias, illum tibi philosophum non obstare doceas oportet. **BARC.** Nil factu facilius. Scito igitur rationes illas ab Aristotele quidem scriptas, sed approbatas non esse: id autē vt penitus intelligas, animaduerte in primis quo ordine quibusque de causis Aristoteles eas in medium adduxerit. Cū enim de omnibus Imperii formis disputationem iis libris instituisset, quæ quamque vel commoda vel incommoda sequi videbantur argumētis variè excogitatis more suo copiosè disseruit, quò planius & quæ optima sit eluceat, & quibus conseruetur aut euertatur mediis intelligatur. In relatione igitur popularis Imperii, quod cum paucorum, sed optimorum principatu confert, hoc eorum qui popularem gubernationem meliorem esse contēdunt, argumento vtitur. *Multi, quorum quilibet vir bonus & probatus non est, ubi in unum conueniunt, contingit vt paucis optimis sint meliores, non vt singuli quidem, sed vt vniuersi: nam singuli videntur*

<sup>1</sup> *Ælian. l. 14. c. 8.*  
id est, malè cecidisti, nā alioqui hi te non laudarent.

<sup>2</sup> *l. quisquis. C.*  
ad *l. iul. Maieft.*

<sup>3</sup> *l. lib. 3. Polit. c. 7.*  
& *ll.*

*videntur habere particulam quandam virtutis, & cum in unum congregantur, multitudo est velut unus homo cui multe sunt manus, multi pedes, multique sensus. Addere quidem debuit, & multe discordesque sententia: quæ quoniam nec procedunt, nec reguntur ab uno capite, dissidio, contentioni, & rixæ materiam dāt.*

*Velle summ cuique est, nec voto vituitur uno*<sup>1</sup>.

<sup>1</sup> Pers. Saty.

Et, ut ait tragicus, Ἀλλοιοῖσι ἄλλα θεῶν τε καὶ ἀνθρώπων μέλῃ<sup>2</sup>. Verum illa Aristoteles, non quò rectam nobis certamque popularis imperii confirmandi rationem traderet, sed quò argumenti prima specie verisimilis fallaciam obiter detegeret: idque ex eo intelligi potest, quod antequam illud argumentum efferret, præfatus est multitudinem potius quam paucos optimos imperare debere posse defendi. & habere aliquam verisimilitudinem, & fortassis, inquit, putes veritatem: ac rursus cum totam eius argumenti vim explicuisset, hanc mox sententiam subiecit, *An verò in omni populo, & in omni multitudine possit hoc discrimen inueniri inter multos numero, & paucos virtute præstantes, non liquet: equè verò manifestum est in quibusdam inueniri non posse.* Audis eundem, qui modò paucis optimis præstare dixit multitudinem, nunc an id verum sit dubitare, ac in nonnullis quidem omninò falsum esse asserere: ex quo patet, prius illud disputationis tantùm causa dictum esse: quemadmodum & illud, Regem facilius quam multitudinem corrumpi posse: cum còstet inter omnes vel mediocriter in historiarum lectione versatos nullum grauius in populari aut paucorum regimine incommodum, nullumque frequentius deprehensum esse, quam quòd in utroque largitionibus, gratia, odio, ambitioni, atque id genus corruptelarum illecebris datur citiùs lōcus, quam in regno: vnde etiam crebræ illæ suffragiorum nundinationes existunt, quibus sceleratissimi quique aditum sibi ad amplissimos honores facile & flagitiosè patefaciunt. Audi Iugurtham ab Roma redeuntem. *O urbem venalem, & maturè perituram, si emptorem inuenerit*<sup>4</sup>. Quoties enim ille Senatum, quoties populum, tentatis pecunia quorundam iudiciis à veri inuestigatione deflexit?

<sup>2</sup> Eurip. in Hippolito coronato.

<sup>3</sup> lib. 3. Poen. cap. II.

<sup>4</sup> Salust. de bel. Iugur.

Et verò quamuis nulla nos antiquitatis monumenta istiusmodi exemplis instruerent, nullaque quotidianæ vitæ experientia velut manu duceret in eius rei cognitionem: tamen ipsa ratio, qua præditi sumus, & cuius lumine per disputandi subtilitatem vera inuestigamus, coget nos fateri

P multi-

multitudinē facilius corruptum iri, quā Regem; vel ob id solum, quōd duæ illæ teterrimæ & irrequietæ belluæ, auaritia, & ambitio, quæ dum mentes hominum peruagantur, ad pessima quæq; stimulant, vrgent, impellunt, rarius Regem quā singulos è multitudine infestent. Alteram namque gaza regia, & collatio, cū opus fuerit, Regis arbitrio facienda, si non abercent penitus & excludunt, extenuant certē plurimum atque imminuunt. Vt enim ingens cibi copia apposita edendi cupiditatē homini ex parte tollit, ita potestas habendi quæ vult omnia, habendi minuit desiderium. Alteram verō regalis dignitatis fastigium, & quā maior sperari non potest, amplitudo Imperii residere in animo Regis aut inolescere non sinit: deprauari enim muneribus quī potest nullius rei indigus, aut ambitione duci, cui quod ambiat maius nihil est. Et tamen hæc illæ sunt machinæ quibus multitudo plurimum expugnatur, cū vt plerumq; fit, homines priuati ad quorum ductum se applicat, vel opibus augendis, vel honoribus inseruiunt: his enim quoniam multa absunt ad eum vitæ in quem feruntur statum, necesse est multa quoque eius gratia seu rectē seu perperam agant perferantque. Ferunt qui res Polonorum literis mandarunt, <sup>1</sup> postquam à primo eius gentis Rege Lecho, & eius posteritate, centum & quinquaginta circiter annos fuisse regnatum, deficiente tandem stirpe regiā summam gubernationis publicæ ad Duodecēuiros, vulgò Vayuodas dictos, fuisse delatam: qui licet initio susceptæ administrationis specimen aliquod egregium procurationis Reip. ediderant: tamen breui post muneris sui obliti, cū ambitionis, tūm res suas familiares amplificandi studio, ita discordibus inter se animis Rempubicā vexabant, vt nisi populus vniuersus de re ad regnum reuocanda conuentum celeriter indixisset, misera omnium ordinum confusio, belliq; ciuilis funesti exitus subsequuti fuissent: id enim regno sæpe, qd alii vix vlli rei accidit, vt quod imperium scilicet sub vno stare posset, dum à pluribus sustinetur ruat <sup>2</sup>. Sed hæc relinquo, vt cumulatē tibi in eo quod desideras ex ipso Aristotele satisfaciam.

Rationes igitur illas, quas Aristotelicas dicis, fallaces esse, & Aristoteli improbatas, vel ipsummet Aristotelē sibi contradicere, secumq; pugnare necesse est. Nam si verum est multitudinē acutius prospicere & prouidere, ac rectius etiam subtiliusq; de rebus omnibus iudicare, quā vnum ali-

<sup>1</sup> Ioan. Hertburt.  
l. 2. c. 3. & 4.

Hoc regnum Polonicum admissa initium & demissa Aristocratia defuit. unde esse verē regnū, licet nomen adhuc retineat.

<sup>2</sup> Q. Curt. lib. 10.

aliquem quisquis ille sit : corrumpi præterea difficilius atque illis animi perturbationib. vinci quæ singulos ad peccandum commouent, iis haud dubiò consequens erit, quod isti volunt, dominationem multorum regiâ præstatiorem vtilioremque esse. At hoc certè negat Aristoteles, dum eius contrarium manifestò asserit <sup>1</sup>. Ait enim tres esse bonæ Reipublicæ species, Monarchiam scilicet, Aristocratiam, & Timocratiam (à qua parum abest Democrati-  
*lib. 8. Eth. cap. 10.*  
 a) moxque subiungit, *harum omnium optima est regia potestas, pessima verò Timocratia*: ex quo planum est, argumenta illa, quibus Monarchiam Aristocratique vel Timocratiae posthabitam volunt, nunquam Aristotelis testimonio laudata esse, mirumque adeò quod proposita à se non illico dilue-  
 rit, ni forrè leuiora iudicauit quàm in quibus refutandis operam collocaret: certè constat Aristotelem nullibi mi-  
 nus quàm in politicis vim ingenii exercuisse. BOV T. Liberaisti fidem, & effecisti vt me tibi habeas assensorem. Sed ecce lint ista licet vt dicis, tamen valebunt tantum ad regalis imperii excellentiam præstantiamque demonstrandam, vbi eius cum plurium regimine inciderit comparatio: & propterea quis eorum vsus esse possit in hac tua cum Buchananano controuersia non satis intelligo. Ille enim non tolli prorsus aut aboleri regiam potestatem aut aliis inferiore iudicari cupit: sed multorum consilio, qui in partem laboris acciti onus gubernandi sustentent, iuuandam eam & inuiciendam esse censet. BARC. At hoc ipsum nihil est aliud, nisi forte non animaduertis, quàm suo Regem imperio spoliare, & ius dominandi illi ademptum in eosdem gubernandi socios transferre. BOV T. Quid ego audio? Principi hoc ipso auelli imperium, quod consiliarios & administratos rei gerendæ sibi asciscat? Vereor ne istam sententiam, si palàm exeat, oderint & perhorrescant omnes, quò enim tot senatus & curiæ, tot prouinciarum rectores, tot belli duces, tot celebres denique omnium ordinum conuentus & ex ordinibus sapientissimi, quibuscum Princeps quotidie seria & arcana omnia communicat? num tu istis auxiliis regiam potestatem minui putas? BARC. Nequaquam: quinimò plurimum ornari iis atque defendi assero <sup>2</sup>, esseque ad Rempublicam gubernandam ap-  
*suprà pag. 42.*  
 primè necessaria, dummodo talia sint, quæ Regi pareant, non quæ imperent: quæque non ineundi suffragii, aut sententiæ dicendæ sociū, sed potius publici concilii domi-



num eum & Principem agnoscant. Etenim profectò fieri oportet ingenuè quod res est, & cuius contrarium nemo nisi mentis prorsus & rationis inops tuebitur: regna & ciuitates tunc pulcherrimè ab vno aliquo Principe gubernari, cum is sibi peritos Reipublicæ administrandæ consiliarios adhibet: nec vllum ferè ex tot retrò seculorum memoria Principem vel rebus bello gestis clarum, vel ciuilibus dispensationis moderatione charum reperiri, qui Rempublicam ipse per se gerere semper voluerit, nullas in rebus magnis & memoriâ dignis aliorum sententias exquirens. Itaque si Philoni <sup>1</sup> credimus, factum illud Moyſis <sup>2</sup>, de eligendis sibi vicariis qui minora negocia tractarent, in sacra volumina relatum est, vt haberent quod imitarentur posterorum Principes, & eius exemplo assumât sibi spectatæ prudentiæ & iustitiæ viros, timentes Deum, atque ab omni auaritia & ambitione alienos, quorum consilio & operâ ingens illud onus regiæ sollicitudinis subleuetur. Rectè igitur Lucas de Penna <sup>3</sup>. *Licet Princeps habeat plenitudinem potestatis, melius tamen faciet circa regimen Reip. si eius onera cum aliis partiatur* <sup>4</sup>. Non est enim facile vnum prospicere multa. Oportebit igitur multos esse Principes constitutos sub ipso scilicet Principe. Quapropter cernere licet in ipsis rerum publicarum primordiis, Reges deligere sibi solitos senatû aliquem, tum ad miuendam curam & sollicitudinem, quæ in regno ritè moderando summa est, tum vt rebus arduis deliberandis gerendisque adiutores haberent. His sine perrarò, aut nunquam solebant prisca illi Reges alicuius momenti negocium peragere. Itaque Agamemnonem inducit Homerus concilio semper conuocato de summâ reum statuentem.

Βαλὺν δὲ παρὸν μεγαθύμων Ἰζε γερόντων.

Inquit <sup>5</sup>. quinetiam veterem illam Regum in capiendis consiliis consuetudinem sacra nobis scriptura certiore testimonio indicat. *Iratus Rex*, inquit <sup>6</sup>, *& nimio furore succensus, interrogauit sapientes, qui ex more regio semper ei aderant, & illorum faciebat cuncta consilio*. Atque vtinam pari studio nostri sæculi Principes populis sibi commissis imperarent, & nullas sine prudentium consilio rei bene gerendæ occasiones dirigerent: ratiùs profectò, in Deum & Remp. peccaretur. Nam simul atque incipiunt Reges senatus auctoritatem minuere, ordinum conuentus negligere, deliberationibus & consultationibus sapientum sua anteferre iudicia,

<sup>1</sup> Lib. de crea. Principis.

<sup>2</sup> Exo. c. 18.

<sup>3</sup> Ad. l. cōtra. nu. 6. C. de re milita. lib. 12.

<sup>4</sup> Cap. mandata de præsumpt.

<sup>5</sup> Iliad. β.

<sup>6</sup> Esth. c. 1.

dicia, exclusis denique primoribus regni incorruptis, obscuro loco natos & quos virtus & veritas oderunt ad summos honores prouehere omnia fatis

*In peius ruere, & retrò sublapsa referri.*

Virg. lib. 1. Geor.

Est tamen, prò Deus immortalis, hoc vitium Principibus nimis familiare, qui dum amplitudinē maiestatis suæ stultā quādā affectatione conseruare cupiunt, suo solū consilio niti suoque iudicio Rempublicam gubernare solent: quasi verò consiliorum communicatio regni consortium inducat, aut administrorū sagax cura Regiæ prudentiæ lucis aliquid ac splendoris detrahat: cū contrā tamen ac illi putāt, perpetuū eueniat. Etenim vel hoc ipso Rex sapiēs iudicatur, quod in sapientum monitis & consiliis acquiescat: ac penè fatuus & furibundus, si spretis hisce, tanquam si ei soli natura mentem largita sit, cuncta moderetur. Quæ res ferè sola Carolum Burgundum, Principem alioqui vita dignum longiore, non ita pridem immatura morte ad interitum traxit <sup>1</sup>. Et verò ingens gloriæ accessio Regibus est ex sapientum cōfessu, quod quæ in consiliis celebres sapienterque sententiæ dicuntur, licet ab aliis profectæ, ipsis semper Principibus ascribi soleant: quasi inuentorem priuatum, authorem Principem habeant. Itaque Polybius in narratione rerum gestarum à Philippo Demetrii filio Macedonum Rege adhuc puero: *Post omnes*, inquit <sup>2</sup>, *Rex sententiam dixit, si tamen Regis fuisse eam sententiam putandum est. Neque enim verisimile videtur puerum qui vix decimum septimum ætatis annum excessisset, de talibus tantisq; rebus potuisse iudicare. Sed scriptorem historia decet, firmatas in conciliis sententias, Principibus tribuere, quorum nutu omnia gubernantur.* Hoc idem tamen vitium, ne nostrā id ætate primū extitisse putes, Dionysius Halicarnasæus sui seculi Principibus exprobrat <sup>3</sup>. *Reges, inquit, qui hereditarium principatum ini-*

Phil. Commin.

2 Lib. 2.

3 Lib. 1.

Vides quātum ego Senatui, quantum ordinibus regni, quantum cōsiliariis tribuam, sine quibus haudquaquam benè administrari posse Imperium arbitror. BOVY. Rectè tu quidem isthuc: sed cū id ita statuis, nunquid in aduersarii tui sententiam transis, qui nihil à Regibus sine consilio tentandum statuit? B A R C. Minimè quidem: ego enim

P 3 cū

cum istos Regi consiliarios adhibeo, nihil eius libertati detractum volo, nullam ei parendi necessitatem impono: consiliis eum & tantum auxiliis instruo, quæ Regem semper & dominum agnoscant, & si cum pertinace ingenio confli-  
tandum esse viderint, precibus flectere, non minis fran-  
gere contentur. At ille multum dissimili ratione consilia-  
rios Regibus adiungit. Monarchia enim Buchanani, in-  
gestis Principi ut ille vult consiliariis, verè oligarchia est,  
aut si propius intueamur, Democratia: idque ni molestum  
tibi fuerit, breui momento patefaciam. BOV T. Molestum  
imò quidem volupe.

B A R C. Primum scis illum tantis Reges angustiis con-  
ciudere, ut non liberè, sed ad populi præscriptum & vo-  
luntatem imperent: ubi enim longa disputatione Re-  
gem legibus, ut quemuis è populo, subiiciendum tradidit,  
tandem, velut de hoste triumphans, hanc ad verbum à  
victo confessionem extorquet <sup>1</sup>. *Agnosco sententiam &  
veris vincor. Quando igitur Regem soluere legibus non licet,  
quis tandem erit legislator, quem ei tanquam Pedagogum da-  
bimus? Cui ille, omnem legum ferendarum potestatem  
penes populum esse docens, paucis interiectis in hunc  
modum respondet. Neminem ego ei dominum impono. Sed  
populo, qui ei imperiū in se dedit licere volo, ut eius imperii modū  
ei præscribat: eoque iure quod populus in se dederit, ut Rex v-  
ratur postulo. Et rursus paulò post quoniam totius populi  
convocationem difficilem esse & inutilem negare non au-  
sus est, ne eo vrgeretur incommodo, ego, inquit, nunquam  
existimaui uniuersi populi iudicio eam rem permitti debere: sed  
ut propè ad consuetudinem nostram, ex omnibus ordinibus selecti  
ad Regem in consilium coirent. Deinde ubi apud eos *αγορά & μὲν*  
factum esset, ad populi iudicium deferretur. Eho fidem hic tu-  
am atque iudicium imploro Boutelleri, per Deum nar-  
ra, num quod ineptius publici regiminis syntagma ab ho-  
mine nostræ ætatis sano & secum constante proditam di-  
diceris. Aut enim Aristotelicas <sup>2</sup> commissiones confu-  
sionesque Rerump. ( quas ratio & rerum vsus atque expe-  
rientia vel nullas vel valde nocuas esse docet ) in regna  
bene constituta loco Monarchiæ inducere conatur, aut  
si simplicem aliquam Reipublicæ formam animo concipit,  
eam certè ita obscurè & dissimulanter nobis propo-  
nit, ut quam ex omnibus velis obtinere, ne ipsam qui-  
dem*

<sup>1</sup> lib. 2. ca. 4. &  
lib. 4. ca. 2. Polit.

dem Apollinem ex suo tripode aureo diuinare potuisse arbitrer. Nam regnum esse & regiam potestatem, Regis illud quod semper prætendit nomen præ se fert: cui cum nihil de regni negociis statuere, nisi ex magnatum sententia conceditur. paucorum hic meritò censeri principatus debet. Cumque nec horum quidem consensus vim ullam habeat donec populi iudicio fuerit confirmata, quis non videt summum populi imperium hæc ratione stabiliri: Illud autem miror qua fronte adscripseris, *Sed ut prope ad consuetudinem nostram*, id est, Scotorum: cum nihil unquam à Scoticæ gentis moribus longius abfuerit. nunquam enim auditum est ab eius regni conditu decreta Regis ex procerum consensione facta suffragiis populi eguisse. BOVT. Rem certè absurdam mihi narras, eoque magis, quod primùm dicat se non existimare rem populi iudicio committi debere, mox deinde rem ad populi iudicium deferendam: quorum contradictione moueor deque ea aliquid abs te audire cupio. BARC. Opportunè quidem: inde enim non parum deprehendes, quorsum omnes eius conatus euadant.

Scis, opinor, cuiusmodi fuerit Reipublicæ status Romæ, post Tribuniariam potestatem constitutam, & lege Hortensia auctam. BOVT. Nempe popularis, debilitatâ iam fractaque per Tribunorum intercessionem Senatus auctoritate: qui vel ipsos consules & Censores in vincula conicere ausi sunt. Idque potestatis D. Curiatius, homo omnium infimus & sordidissimus, Tribunus plebis, in D. Brutum & P. Scipionem Coss. <sup>1</sup> alique Tribuni plebis in L. Licinium Lucullum & Aul. Posthumium Coss. <sup>2</sup> L. Flavius Trib. pleb. in Metellum Coss. <sup>3</sup> & P. Sempronius in Appium Claudium Censorem <sup>4</sup> exercuisse fertur. BARC. Scis etiam quem in legibus ferendis modum, in quibus rogandæ legis ius erat, ut plurimum obseruauerunt. BOVT. Scire mihi videor. Primùm enim is qui legem laturus erat, eam domi scriptam cum amicis & peritioribus communicabat: quâ ubi è Republ. esse intellexisset, de ea ad Senatum referebat, ut eius consilio & auctoritate promulgaretur, exceptis seditionosis magistratibus, qui spreto Senatu leges aliquando rogabant: promulgabant deinde populus post totum triduum arbitratu suo vel approbabat vel antiquabat: ita multitudo nullis nisi quas ipsa sancierat legibus tenebatur.

<sup>1</sup> Cic. lib. 3. de

legib.

<sup>2</sup> Flor. Epit. 42.<sup>3</sup> Dio Cass. li. 37.<sup>4</sup> Liu. lib. 2.



**BARC.** Distinctè & succinctè complexus es ea ex quibus Bucchanano quis animus sit & quis scopus faciliè dignosces. Confer igitur hunc iubendarum legum morem, cum illius opinione de legibus sub Regum dominatione condendis, & vel inuitus fatebere, Reges & Monarchas omnes eodem ordine & loco habitos ab eo, quo fuerunt Romæ consules & Prætores: ut si legem Rex ferre velit, eam communicet prius cum multitudine selectorum ex omnibus ordinibus qui Senatus instar erunt, deinde si visum est id inuentum populo expedire, horum autoritate promulgetur: hoc est, ut ille ait, ad populi iudicium deferatur, quo probante iubentè que vim legis sortietur quod antè tantum erat *ποβέλας*. Non igitur Rex, non Senatus, non optimates, nec si omnes consenserint, legem in Buchananani Republica ferre possunt: tantum illis *ποβούλας* facere licet, quæ ubi populo placuerint, fient leges. Quid me intueris: annon vides, quam in angustum contrahat non Regis modò (cui Regium quicquid est aufert) sed procerum & magnatum omnium potestatem? ecqua tibi hæc videtur alia Reipublicæ species, quam quæ sæpius iam nominata est democratia? **BOVR.** Ratione cogis me hic quod non cogitabam credere. Verum tamen putâsne eum tam Regibus esse iniquum, ut his annuos magistratus Romanos potestate exæquet? **BARC.** Imò Reges illis inferiores facit. Sed ordo huius disputationis id hoc loco non patitur demonstrari.

Ut cœpta igitur prosequamur, finge plures ex Buchananani sententia Regi à consiliis adesse, ut id demum in publicis negotiis ratum sit, quod horum consensu fuerit decretum: Regis hinc quæ erunt partes? **BOVR.** Sciscere quæcunq; à prudentioribus suggesta expedire compererit. **BARC.** Hoc autè qui faciat velim explices. Cum enim tanta ferè ingeniorum quanta facierum in hominibus varietas & dissimilitudo existat, difficillimum erit multos inuenire, qui in eadem simul omnes opinione semper acquiescant, ac non in diuersas potius sententias distrahantur: atque ita eueniet aliquando ut rebus arduis in deliberationem cadentibus, consiliariorum pars hoc, pars illud Regi suadeat: quid igitur hinc ei faciendum censes? **BOVR.** Non est obscurum: ma-

**L.** quod maior. ioris nempe partis nitetur suffragiis: id enim cum rationi  
**19.** ad Municip. l. tum iuri vestro civili consentaneum est, quo factum: ma-  
 aliud. 160. de reg. iore parte curiæ perinde habetur, ac si id omnes egissent.  
 iur.

**BARC.**

BARC. Papæ nūquid perspicis omnem Regi hoc pacto ad-  
 imi potestatem? positum siquidem est adhibendos in con-  
 siliū plures sine quibus publicum nihil peragatur, & ma-  
 ioris etiam partis sequendam sententiam. Quid igitur reli-  
 quum est nisi ut Rex assentiatur? quid si nolit assentiri? non  
 rata erunt, dices, quæ ab Ephoris acta sunt, ergo nū omnia  
 ex ipsorum sententia gerentur, cum quod illi volunt nolē-  
 te Rege, non habeat locum. At non hoc forte dicturus es.  
 Quid ergo? Nihil Regis voluntatem ob stare, quo minus  
 horum ~~consiliorum~~ *consiliorum* sua cōstet autoritas, si modo id ma-  
 iori consiliariorum parti placuerit. Quò igitur regia pote-  
 stas? quo inane hoc & sine viribus nomen? si invito Rege  
 id liceat, licebit & nesciente: nec etiam desiderabitur ab-  
 sens, qui præsens renitendo non proficiet hilum, poterit &  
 Rex furiosus esse, quod licet verum sit, ille tamen minimè  
 admittit. Nec quicquam intererit stolidusne & insanus, an  
 verò gnarus, & prudens rerum omnium sit, qui regio nomi-  
 ne titulòque insignitur: æquè enim hic ut ille multitudinis  
 libidini inferuiet: nisi in eo fortè sagacem insano præstare  
 dixerit, quod hic disceptantes non intelligere, nedum be-  
 nè decernentibus assentiri possit. Ille verò & perperam di-  
 cta reprehendere, & sapienter laudare, & sui quémque of-  
 ficii admonere, postremò ubi quid ceteris acutiùs animad-  
 uerterit, ratione cum omnibus agere ut veram & Reipubli-  
 cæ profuturam sententiam amplectantur. Aut idcirco non  
 valere scitū absente Rege factum, quia is præsens aliis aliud  
 statuendi author esse potuit <sup>1</sup>. At hæc tamen quid Regem  
 à quolibet consiliariorum secernunt? nonne itidem singu-  
 lis suam dicere sententiam, & eam si poterunt, cæteris per-  
 suadere fas est? At singuli cæteros cogere non possunt di-  
 ces. neque Rex etiam poterit, alioqui non libera erunt suf-  
 fragia. Quid reliquum igitur est, nisi ut Rex dicis causa in  
 cætum consultantium introducatur? Equidem non satis  
 assequi coniectura possum quæ Regi partes in hac Repu-  
 blica conueniant, nisi ex sint, quas mens nunc mihi sugge-  
 rit. Dabit nempe Regibus (ne nihil sibi relictum queratur)  
 eam in concionibus dignitatem, quam vel inter arbitros  
 habet, qui tertius, quintus, aut numero quouis simili velut  
 moderator superiorque electus est: ut si æquales vtrinque  
 dissentientium partes sint, ea obtineat, inquam suo Rex  
 suffragio propenderit: vel eam fortè quam incuria præses,  
 in cænobio Prior, in collegio is habet quem vulgò Decanū

L. Item. 17. §.  
 Celsus. D. de re-  
 cept. qui arb.

vocant, vt concilii vocandi, & comitiorum habendorum author sit, in quibus vbi quid animi habet exposuerit, quemlibet vnum autoritate vincat. O Principes terque quaterque beatos, quos ista Buchananus libertate atque honore dignatus est: grauiora metuebam, ac tantum non cætu & ciuitate pellendos expectaui. Rides, at sermo loquor: nam id eum animi habere post ex Bruto didici, qui magistratus omnes vrbano & prouinciales regii imperii consortes esse tradit, & hoc tantum à Rege differre, quod hic quasi præses inter eos sedeat primo loco, quorum sententiis ni libens acquieuerit parere cogatur. Ipsa eius verba, piis licet & probis auribus indigna, subiiciam. Is itaque Regem primum contemptus causa, regni officiarium appellat, ac eum deinde cum magistratibus, quos regni etiam officarios vocat componens ita fatur<sup>1</sup>. *Hi Regis in iure dicundo veluti assessores, regii imperii consortes, adeo vt omnes quidem illi Rempublicam administrare teneantur non secus ac Rex: is tamen inter eos quasi præses primum tantum eorum teneat: vt verò populus vniuersus Rege superior est, ita etiam hi, etsi singuli Rege inferiores sint, vniuersi tamen superiores sensendi sunt.*

Hæc eo retuli, vt intelligas quo loco istiusmodi sectæ homines Reges suos habere soleant: quorum cor insipiens ita est obscuratum, vt non probent Deum habere in notitia, ac proinde traditi sunt in reprobum sensum; repleti omni iniquitate & malitia, superbi, elati, contumeliosi; inuentores malorum, insipientes, incompositi, sine fædere aut affectione erga Deum & homines, id vnum affectantes, vt, quod proprium est superbiorum, superiorem non habeant: & sicut Ecclesiastici ordinis principem, velut ignominiosi desertores, iam pridem abnegarunt: ita Reges, quos Deus ciuiliū munerum dispensatores constituit, hoc nouo stratagemate illudant: inter hos Brutus æquè ac Buchananus præ cæteris impuratus est & scelestus, cuius os infame & mendax conuitiis neutiquam sat multis credi potest.

Sed demus illis quod optant, & animi gratia fateamur assessores istos regalis imperii consortes esse, & vniuersos Rege superiores (quod falsum tamen esse infra planissime demonstrabitur) qui poterunt, hoc semel admisso, monarchiam ab aristocratia aut democratia separare? aut si numero, non autoritate dicentium, sententias metiatur.

ea effu-

Quæst. 3. pag.

39.

ea effugere atque vitare incommoda, quæ popularem gubernationem euertunt? eueniet siquidem non rarò vt (quæ admodum dixi) in deliberationũ dissensu, pars maior melioris sententiam explodat. B O V T. Equidem non suspicabar eos tam inhumaniter & parum pie cum Regibus agere velle, vt non maiorem multò ipsis quàm assessorum pluribus auctoritatem tribuant: sed velle potius vt Rex auditis omnium sententiis, quod æquius melius est ex sanioris partis opinione statuatur: quem morem Alexander Imperator obseruasse fertur<sup>1</sup>: qui adhibitis in consilio viginti iuris peritis, aliisq; viris disertissimis non minus quinquaginta, nullam nisi iis auditis sacrauit constitutionem, *dato etiam spatio ad disquirendum cogitandumque priusquam dicerent, ne incogitati dicere cogerentur de rebus ingentibus.* BAR. Id isti si statuissem, ratione fortassis aliquâ orationem confirmassent, quasi non omnem licentiam libertatẽq; Regibus præcidere conarentur: atque etiam regnum ab aliis Reipublicæ formis hoc saltem discrimine seiunxissent: quòd cum non fecerint, nec regnum nec Rempub. attingere: hanc enim Regis nomen appositum, illud regia potestas adempta peruertit.

Sed quoniam rectè tibi visum est Regis esse in omnium sententias inquirere, & optimam ac Reipub. maximè salutarem suo decreto confirmare: peto à te, optima sententia quæ cognoscetur? B O V T. Multæ sunt coniecturæ, multa indicia, quæ tum imprudentiam, tum commotiones animorum & affectiones plerumque deregunt, vt homini earum perturbationum vacuo & diligenti non difficile fuerit quæ optima sit inuestigare. B A R C. Neque planus hic est, neque perfectus inuestigandi modus; nam qui prudentes & sedati habentur, sententiis nonnunquam & rationibus pugnant. Sed esto, errorem ab aliquo deprehendi posse: cui huius rei iudicium committes? Non enim consultis ipsis, qui sententiam rogati sunt, tribui potest, ne ex vna dissensione plures oriantur. Neque enim credibile est eos, qui initio citra reprehensionem conspirare potuerunt, postea, cum id sine aliqua inconstantia nota & hominum de se opinionis deminutione nequeunt, in contrariam sententiam facturos discessionem. Nam obstat primam commune illud nobilitatis malum superbia<sup>2</sup>: deinceps ingenita hominibus ad dissentendum procliuitas quædam, & animi altitudo quæ quiduis libetius vel inimi-

<sup>1</sup> Alius Lâprida  
in vita Alexan.

<sup>2</sup> Salust. de bel-  
lo lugurt. Vellei-  
Paterc. li. 2.



cis concedit, quàm de ingenio victoriam amicissimis.

*Aurum, & opes, & rura, frequens donabit amicus:*

*Qui velit ingenio cedere rarus erit.*

**BOVY.** Quid si has Regi partes demus? mihi certè widentur ei multum conuenienter tribui: non enim animaduerto quí poterint alia ratione componi dissensiones eiusmodi, quæ inter viros graues de Republica consultantes oriri solent: nam neque aleâ & sorte dirimi debent tantæ controuersiæ, ex quarum fine populi salus pendet (licet in priuatis negociis locus iis sit <sup>1</sup>) nec, si cum superiore oratione volumus consentire, multitudinis semper iudicio stādum est? **BARC.** Hoc Regi si concesseris, omnem ei, qua spoliatus ab istis est, velis nolis, potestatem restitues: ac tantam certè, quanta, si optio daretur, maiorem non expeteret. nam si ea iudicandi libertate fruatur, illam semper sententiam optimam esse censebit quæ sibi maximè arrideat, atque ita eius solius nutu publica, priuata, ciuilia, militaria omnia dirigetur; quippe cui liberum est in quam velit partem inclinare: nunquam enim deerunt ex consiliariis nonnulli, qui quod Regi gratius fore intellexerint libèter pronuncient. Aut igitur aristocratia, vel democratia sit, aut anarchia (ad quam isti citissimè tendunt, licet id prima specie minimè videatur) aut habenas Reipub. Princeps libèrè moderetur necesse est. Si enim de aliorum sententiis iudicandi facultatem ei detrahamus, res omnes, vt in populari gubernatione, maioris partis suffragio decidentur; sin eam ei concesserimus, quæcunque sunt regiæ libertatis reliqua facillimè consequetur. Hæc ubi dixissem ad cœnam vocati concessimus in triclinium, ibi, omisissis feriis, hilari & coniuiali colloquio reliquum lucis cum ipso Principe, adhuc puero, transigimus.

**FINIS LIBRI PRIML**

**GVIL.**

<sup>1</sup> L. Si quæ. s. D. fam. hercisl. ult.  
<sup>2</sup> Communia de leg. l. Sed cum. 14. D. de iud.

~~~~~

GVIL. BARCLAI I.C. DE  
REGNO ET REGALI POTESTA-  
te aduersus Monarchomachos, liber  
secundus, in Buchananum  
posterior.



**P**OSTERO manecum nos ad abitionem  
compositos ante solis ortum vidisset  
Boutellerius: quorsum hæc festinatio?  
inquit, non patiar vos abscedere ieiun-  
nos. te verò (me autem intuebatur) pa-  
rum abest quin retineam, dum aliqui  
adhuc de Regibus audiero: quos ex er-  
gastulis Buchananicis in lucem & libertatem educere, at-  
que supra omnes magistratus extollere hesternò sermone  
conatus es. **BARC.** Num satis non est, paritum tibi esse  
heri: vis nobis huius quoque diei moram iniicere? **BOVT.**  
Nequaquam abire sino, sed tantisper dum paratur ienta-  
culum indulge non nihil amici desiderio, & progressum lō-  
gius de regno & Regibus sermonem proseguere mecū pa-  
rumper, eum ubi volueris abrupturus. **BARC.** Desine ad  
ientandum hortari: certum enim nobis est non esse, prius-  
quam ad D. Nicolai fanum sacris & supplicationibus in-  
tersimus. Horam tamen vnam aut alteram, quoniam ita  
vis, & per solstitialis diei longitudinē licet, huic colloquio  
libens impertiar: ea lege vt prius ipse dicas qualiter affectū  
animo te heri dimiserim. **BOVT.** Erga te quidem opti-  
mè. **BARC.** De ea re nec dubito nec disputo. Sed erga Re-  
ges? **BOVT.** Vt hominem & iis antea beneuolum, & ar-  
gumentis ac rationibus à te allatis beneuolentiorē fa-  
ctum: quibus persuasisti penitus vt credam eos liberos o-  
mninò, hoc est nullis consiliariorum sententiis astrictos,  
esse oportere: non quòd regiæ maiestatis amplitudo per-  
spicaci consultorum prudentia non plurimùm adiuuetur:  
sed quòd admissis in consilium aliis, quibus ea parendi le-  
ge obnoxii sint, monarchiæ nomen & vim omnem tolli  
quam-

quamprimum & aboleri necesse sit. Itaque longè aliter Regibus & cæteris Monarchis consiliarios adesse, atque Consulibus senatores, aut assessores præsidibus existimarem: hi enim patrum sententiis alligantur, illi suorum in rebus arduis deliberationes exquirunt, quas sequi, nisi velint, non habent necesse. Nec est quod quisquam eo pacto consiliarios incassum adhiberi dicat, quasi *frustra iubeatur quod in arbitrio eius ponitur cui iussum est*<sup>1</sup>, nam id licet in obligationibus locum habeat, quæ sub hac conditione, *si volumus*, minimè contrahuntur<sup>2</sup> (& nos hîc nullam contrahi asserimus) in hac re tamen & aliis multis, arbitrii libertas non impedit vtilitatem: cùm nemo nisi ad extremum perditus, bonum consilium sciens prudens aspernetur. Et verò quantas nobis commoditates consilia afferant amicorum, quamvis iis non astringamur, vnusquisque non aliud de quàm à semetipso testimonium petat: ecquis enim grauioribus curis atque negotiis implicatus, non maximum sibi retur in consiliis amicorum positum esse adiumentum? quorum sequi tamen sententias in consultoris cuiusque situm est potestate. Cuius rei causâ quoties alicui quid cum aliorum consilio peragendum committitur, aduocasse consilium & sententias rogasse sat est, vt iis auditis ex animi sui sententiâ negotium exequatur is qui mandatum recepit, ni forte omnes eiusdem officii participes fuerint, vt pontificiis rescriptis est constitutū<sup>3</sup>. Reprehenditur Xerxes, nec iniuriâ, quod cōuocatis Asiæ Principibus, bellum indicturus Græciæ, *ne viderer, inquit, meo tantummodo usus consilio, vos contraxi. Caterum mementote parendum magis vobis quàm suadendum*<sup>4</sup>. Reprehenditur, inquam, quia iure suo insolenter abusus est: tamen enim ius fasque ei esset in tot populos dominari: tamen cùm res tanti momenti ageretur in cuius ancipiti euentu totum Persarum imperium erat periclitandum, non capere consilium, nec viris prudentibusque; aurem præbere & auscultare, hominis fuisse, non solum insolentis & temerarii, sed prorsus vesani, & Regis imprimis peruersi iudicandum est. Fecit itaque meo iudicio quod potuit Xerxes, non quod debuit; & propterea in eam merito reprehensionem incidit, qua & superiorum temporum, & nostræ ætatis Principes aliquot digni sunt. B A R C. Rectè censes, atque optimam in medium distinctionē profers, quæ quod a nonnullis neglecta, ab aliis non intellecta iacet, densissimam in hoc disputationis genere caliginem dispu-

<sup>1</sup> S. Hieron. lib.

1. aduer. Iouin.

<sup>2</sup> L. Sub hac D. de obl. & act.

<sup>3</sup> Cap. eum in veteri. 52. de elect. cap. cū olim. 3. & ibi Panorm. nu. 5. de arbit.

<sup>4</sup> Valer. Max. li. 9. cap. 5.

disputantibus offundit. Cùm enim translatitium sit & per-  
uulgare, posse hominem multa quæ non debet: id isti tamẽ  
in Principum rebus gestis non discernentes, nihil Regum  
potentiæ concedunt, quod priuatorum impotentia dene-  
gatur. Inde factum, vt cùm nostras ille in Regum libertatẽ  
acrius inueheretur, & argumento ex sacris Bibliis se premi-  
animaduerneret, eò, siue inscitia, siue malitia delapsus sit, vt  
tyrannum non Regem à Iudæis fuisse petatum cõtendat <sup>1</sup>,

<sup>1</sup> Bucha. pag. 78

eòque legem regni in primo Regum libro descriptam ne-  
quicquam ad Regem pertinere: quasi Deus ibi per Samue-  
lem, non Regum (vt ille vocat) legitimorum iura, sed tyran-  
norum iniurias populo exponeret: hac vna solùm de causa  
vt terror iniectus vniuersos à Rege expetendo auerteret.  
BOVT. Probabilis hæc videtur interpretatio; quam, ne so-  
lius Buchanani commentũ id esse putes, magnus ille The-  
ologus D. Thomas amplecti videtur <sup>2</sup>, eòq; magis arridet

<sup>2</sup> 1. 2. q. 105. art. 1. ad 5.

quòd (vt idem Buchananus ait) Regum iura multo ante  
præscripta fuerint à Moyse, contraria prorsus iis quæ à Sa-  
muele recensentur <sup>3</sup> quod idem quoque Ioan. Gersonem,  
magni nominis suo seculo Theologum, alicubi affirmasse  
video. <sup>4</sup> BAR. Fallacem tamen nihilominus eam esse, ac à  
mente S. Thomæ, atque etiam à veritate alienam hinc facile  
demonstrarem, ni id institutæ disputationis ordinem inter-  
feceret, ad quæ alia festinantes moraretur. BOVT. Istas a-  
page excusationes: planus enim hic est ad digressionem ex-  
itus, ipsaque per se quæstio est eiusmodi, cui nullus in hoc  
sermone locus non est idoneus. Perge igitur, nec sinas ob-  
latam hanc rei controuersæ agitandæ oportunitatem de  
manibus elabi: cupio enim ex te audire quibus illam sen-  
tentiam rationibus reprehendas.

<sup>3</sup> Deut. c. 17.

<sup>4</sup> Parte 4. Al-  
phab. 66. lit. E  
Considerat. 8.

BARC. Primùm fal-  
litur in eo Buchananus quòd tyrannum illic non Regem  
à populo petatum fuisse credat. Nam vt alia taceam mul-  
ta quæ eius errorem arguunt, inficiari nemo potest talem à  
Deo datum, qualem populus postulauit: id enim ipsa scri-  
ptura docet. Dominus enim cùm Samuelem iussisset con-  
testari filios Israel, & indicare iis quanta ex regio domina-  
tu mala perpeffuri essent nec ii tam salutaribus Prophetæ  
monitis aures patefecissent, sed Regẽ instanter vno omnes  
ore flagitassent, dixit ei tandem, *audi vocem eorum, & consti-  
tue super eos Regẽ* <sup>5</sup>: audire porrò vocẽ in diuinis literis, quid  
est aliud quam annuere postulatis? Constituit ergo Deus  
Regem eadẽ forma qua illi petierat: q; si ita est, vt certè est,

<sup>5</sup> 1. Reg. 10.



non tyrannum sed Regem petiere. Nam Saul qui primus à Domino datus est, & cum proximè sequutus Dauid, si tyranni ac non legitimi Reges dicantur, qui debeant legitimi Reges appellari prorsus ignoro. Atenim in ipsorum inauguratione, & imperio in populum occupando aliquid fortè quod tyrannidem sapit inueniri potest. Itane verò? Num suos fraude tribules circumueniunt? num terrent potètia? num ambitiosis flectunt largitionibus? nū gratia denique, & auræ popularis auxilio nixi viam sibi ad regalis honoris fastigium aperiunt? Nihil horum: ignari namque rerū quæ agerentur, & nec opinantes vñti sunt, tenuis fortunæ homines, simplices, obscuri, parere quàm imperare etiam tūc paratiores. At inuito populo obtrusi. Ne id quidem: *clamauit omnis populus, & ait uiuat Rex* <sup>1.</sup> pauci dissenserunt filii Belial, quos cū cetera multitudo eo nomine ad supplicium posceret Regis lenitas meliori fortunæ reseruauit <sup>2.</sup> Sed quid lucerna ipso meridie opus est? quid interpretationem adhibere rebus clavis? Nonquid tyrāni dici possunt quos Deus constituit Reges vt facerent iudicium & iustitiam <sup>3.</sup> cuiusmodi fuerunt omnes qui Domino iubente Hebræis imperarunt. *Viuit Dominus*, inquit Salomon <sup>4.</sup> *qui firmavit me & collocauit me super solium Dauid patris mei.* Aut nunquid Deus tyrannidis author vel fautor existimandus? qui quantum tyrannos aspernetur passim per se ipsum & per Prophetas Regibus populisque demonstrat: absit, absit talibus vltionem diuinam blasphemis laceffamus. Minatur Deus Salomoni <sup>5.</sup> ruinam imperii, & sceptri de domo Dauidis translationem, si legitima sua mandata & iudicia neglexerit. Absalonem verò & Adoniam affectantes tyrannidem, è vestigio perdidit <sup>6.</sup> Ieroboam, Baasan, Achab, cum sua quemque domo stirpis euertit: eò quòd accepto ritè imperio flagitiosè abuterentur. Quod si vñctos à se & regali in solio collocatos ita auersatus est Deus, cū primum tyrannicis moribus sese inquinauerāt, vt eos manifesto cunctis diuinæ vindictæ exemplo deleret, quanto magis à concedendis constituendisque initio tyrānis abhoruisse putandus est?

Sed ecce propius accedam, agamque cum eo ex iisdem illis libris, vt cū ostendero & Regum legitimorum, & tyrannorum in iis fieri mentionem, atque hos ab illis aperte distingui, mendacium ipsius nullo negotio redargui possit. **BOUR.** Quid ais? in Scripturis alios Reges, alios tyrānos

nos dici: id si monstaueris facile dignoscetur utri fuerint quos populus petierit dederitque initio Dominus: sed ve-  
reor ut commodè possis quandoquidem qui pessimè re-  
gnarūt in ea gente video Regum nominibus perpetuò ap-  
pellari. BARC. Regis quidem & regnandi verbum, ut fa-  
tear, in omnes vsurpatum, qui per fas aut nefas imperio in  
eum populum post regnum semel constitutum potiti sunt.  
ita etiam, certè quod dixi, tyrannorum & Regum ex iisdē  
libris peti potest distinctio. Res est tamen acriore iudicio  
pendenda quæ ut planius intelligatur, dic mihi, si placet  
quot ulex tibi in vniuersum ineundi regni via videtur?

BOVR. Multiplex profectò, alios arma alios amor, alios  
diuitiæ, alios blanditiæ ad id honoris euehunt. Nec quif-  
quam hactenus extitit in eam spem erectior,

*Qui non mille dolos mille & contexuit artes:*

BARC. Nec ego id à te quero, quibus modis viam sibi ho-  
mines ad eam dignitatem soleant patefacere: sed quot in  
summa principatus obtinendi vias seu formulas esse iudi-  
cas? BOVR. Teneo. Sunt, ni fallor, quatuor. Aut enim  
ab inuitis expressum, aut à volentibus delatum, aut à ma-  
ioribus iure sanguinis, & nascēdi lege acceptum, aut (quod  
rarum est) extraordinario Dei beneficio datum imperium,  
quicumque regnat possidet. BARC. Nunquid hos omnes  
acquirendi modos eodem iure censes? BOVR. Minimè  
verò: qui enim in libera ciuitate subactam vi multitudinē  
in suam potestatem redigunt, tyranni passim iudicantur.  
Ast quibus regna vel libero ciuium delectu offerri, vel ge-  
neris propinquitate deferri contingit, ii sanè Reges & sunt  
& appellantur: eòque respexit Iul. Capitolinus, cum Cæsa-  
res à tyrannis distinxit.

BARC. Iam verò perpende toti-  
dem modis apud Hebræos regnatum fuisse iisdem ex Scri-  
pturis colligi posse. Saul namq; Dauid Ieroboā, Iehu & alii  
nonnulli quorū familiæ præ ceteris non ita erant illustres,  
Deum populumq; sui imperii authores habuere.<sup>2</sup> Plerosq;  
autē naturæ ordo & ius gentiū in paterna regna suffecerūt:  
quosdam denique malis artibus, & vi armata, in regale so-  
lium irrupisse legimus, quorum in numero fuere Zambri,  
Sellum, Phacee, aliiq; quos illa refert historia: quæ cū ita  
sint, nōne postremis huiusce tyrāni nomē rectè impertimus?  
BOVR. Equidē arbitrarer si eisdem quoq; Scriptura Regū  
titulis non efferret. BAR. Id vsitato loquendi genere acci-  
piendū est, quo Reges vulgò oēs appellantur qui quo iure

<sup>1</sup> In principio  
vitæ Macrini.

<sup>2</sup> 1. Reg. 10. & 11.  
ca. 1. 2. Reg. 1. 3.  
Reg. 1. 11. 12. 1.  
Paral. 28. 4. 1. Reg. 9.

1 3.Reg. 16. 4.  
Reg. 15.

quæve iniuria dominatū occupant, & regia dignitate fruuntur.<sup>1</sup> Sed tamen, si satis meministi, iidem tyranni etiā nonne, vt certo ac proprio vocabulo, designari solēt: cuius differentia cum apud profanos scriptores aperta testimonia, tū in iis ipsis sacris annalib. nō obscura vestigia inueniūt.

Nam quamuis permulti Regum, qui Iudæis vel à Deo dati, vel populi suffragiis electi vel nascendi sorte oblati fuerunt, ab optima regnandi via deflexerint, ac nullo non crudelitatis genere populum sibi cōmissum auarē, superbē, libidinose oppressum tenuerint, eaque perpetrauerint omnia quæ ab immanibus tyrannis committuntur: tamē nemo eorum tyrannidis notatus, nemo tyrannus vocatus in ea historia legitur: idque admirabili quadam providentia, & diuini spiritus afflatu ab eorum librorū autore perpetuò seruatum est: vt intelligamus Reges initidò legitime constitutos, & potentatu subinde suo impotenter abutentes, neque multitudinis vindictæ subiici, neque cruentis ac nefariis singulorum telis obici vt tyrannos posse. At in relatione rerum gestarum ab iis qui imperium nullo iure sibi debitum inuaserunt, rebellii, tyrannidis, & coniurationis statim fit mentio. Adhæc nemo priuatus quemquam illorum Regum iniussu Dei occidit, qui non acerbas flagitii sui pœnas vindici coniurationis populo dederit: cum horū tamen cædes inulta semper fuerit, & aliquando etiā regno occupato, adque hæredem transmissa, velut mercede quadam studii in Rempublicam nauati, compensata. Qui se Saulem, quamuis derelictū à Domino, occidisse fassus est, nonne Dauidis iussu statim confoditur, quod ausus esset *mittere manum vt occideret Christum Domini*<sup>2</sup>? Nec proderant ei quicquam illa siue commiserationis siue necessitatis vela, quæ sceleri suo prætendebat: quod scilicet mortiferè vulneratum, quodque rogantem, ne viuus hostiū petitus ludibrio incircumcisis esset, vt homo officiosus & Regi obsequentior interemisset. Sed & eiusdem Dauidis mādatu pœnas similes pependerunt, qui Isboseth filium Saulis, quem mortuo patre Abner Princeps militiæ cum toto exercitu Regem elegerat, insidiosè occiderunt<sup>3</sup>. Nefaria verò Ioæ & Amonis cædes coniuratorum nece pariter ex-  
piata<sup>4</sup> est. Quid Elam prætereo filium Baasæ, patre nequissimo nequiores? hunc cum Zambri insidiis petitus occidisset, ac sese in regni solio collocasset, nonne tyrannus statim habitus est? nonne cōiurationis & regni per scelus occupati

2 2.Reg. 1.

3 2.Reg. 4.

4 4.Re. 14. & 21.  
2. Para. 33.

cupati supplicium intra paucos dies abominanda sui inter-  
 necione toti populo soluit? Nec ullus in sacra Scriptura  
 locus notatu dignior est, quantum ad præsens institutum  
 attinet: mos siquidem (vt nosti) est ei historiographo post  
 narrationem rerum præcipuè gestarum à Regibus, in fine  
 vt adiciat, reliqua sermonum cuiusque, & quæ fecerit, esse  
 scripta in libro verborum dierum Regum Israel vel Iuda,  
 sed in relatione imperii Zambri addit præterea: *reliqua an-  
 tem sermonum Zambri, & insidiarum eius & tyrannidis, nonne  
 hac scripta sunt in libro verborum dierum Regum Israel?* Quid  
 hoc testimonio clarius? quid ad occludendum os aduersa-  
 riis dici aptius vel excogitari potest? Tyrannidis accusatur  
 Zambri: quid ita? num quia Elam Regem cum totâ domo  
 & cognatione sustulit? at Baasa quoque tyrannus hac rati-  
 one dicitur, qui Nadab Rege cum integra stirpe Ieroboam  
 occidione occisis, regnum in suam familiam transtulit <sup>2</sup>. <sup>2</sup> 3. Reg. 15.  
 Dicitur & Iehu, qui Ioram Regem cum septuaginta fratri-  
 bus, & totam gentem regiam gladio extinxit <sup>3</sup>. At hæc cre- <sup>3</sup> 4. Reg. 9. & 10.  
 do non audent publicolæ isti affirmare: nam vtrumq; Deo  
 authore & adiutore cœptum est & peractum. Aut num id-  
 eo quia populû nimia seruitute oppressit, & publica regni  
 commoda ad priuatam vtilitatem trahens superbè crude-  
 litérq; imperauit? certè ne hoc quidem dici potest: siquidẽ  
 vnâ tantû hebdomadam regnasse, inque Elam solûm  
 & eius familiam sæuissè fertur. Num deniq; tyrannus Zâ-  
 bri, quod in desperationem actus mortem sibi cõseuerit,  
 & quas Regi eadẽ sibi manus sceleratas intulerit? At Saul  
 etiam, haud absimili agitur furiâ, proprio se gladio con-  
 fecit. Superest igitur, quod res est, tyrannidis & insidiarum  
 damnatum esse Zambri, quia seruus dominum, principem  
 priuatus, subiectus Regẽ, Dei iniussu crudeliter occidit: &  
 regnum ei per scelus ereptum tyrannicè occupauit. Perga-  
 mus porrò, & rursus in eodem genere ius idem conspiciamus.  
 Mox vbi Zacharias postrem⁹ ex sanguine Iehu, à Sello,  
 cõiuratione facta, per insidias occisus memoratur: nonne  
 id facinus paci nequitia: elogio consignatum est? Nam  
 & is vno non amplius mense sceptro potitus est, & rebelli-  
 onis ac tyrannidis pœnas à Manahen impunè interfectus  
 persoluit: cuius fini similiter ascriptum est, *Reliqua autem  
 verborû Sellum & coniuratio eius per quam tetendit insidias non-  
 ne hac scripta sunt in libro sermonum dierum Regum Israel?* Quæ  
 cum ita sint, q̃s est tã obtuso ingenio tãq; peruicaci animo



qui ex his similibus quæ sacra illa historia cōtinentur, discrimen tyrannum inter & Regem nō perspicuè agnoscat? cū alter iure acceptum, alter vi creptum imperium & ditionem teneat: cūque alterius interfectori supplicia, alterius impunitas & præmia decernantur.

Ut igitur aliquid effici longiore hac narratione demonstramus, reuertamur ad eum Buchanani locum, quem cœpimus reprehendere. Ait tyrannum, non Regem legitimū, à Iudæis fuisse expetitum: at libri illi longè Regem à tyranno, vt vides, discernunt: nec Deus vnquam tyrannidis author vel fautor, nisi per blasphemiam dici potest, qui talem tamen populo Hebræo Regem dedit qualem postulabat, vt est à nobis paulò antè certissima ratione demonstratum. Quid quodd, si verum scribit Buchananus, Christus Saluator noster Rex Regum, à nullo Rege secundum carnem, sed à tyrannis tantummodo censebitur oriundus: quo quid fœdius aut flagitiosius concipi animo vel efferri potest? Vah Buchananè, ecquid ista scriptis tuis consentanea & consequentia esse animo non aduertisti? quis ita tibi mentis oculos fascinauit, vt ista non prospiceres? tibi ratio, tibi historia, tibi gentium nationumque mores & cōsuetudo, tibi denique veritas ipsa, & fides Christiana aduerfatur. Mira mehercle & misera res est, Boutelleri, hominem qui vsu rerum multos antecedit, & varia ac multiplici lectione à paucis superatur, tam perniciosè ac turpiter in re aperta, simplici, & trita lapsus, vt ea sibi vera esse persuaderet, quæ nulla ratione possunt consistere. Sed peperit id ei in ingrato animo hæresis, aluit perfidia, & innatum in Reges odium, quibus assueta & stipata diu senectus, cū legitimæ dominationis sub Principe puero contemptrix, tum quorundā patriæ proditorū largitione & blandimētis corrupta, hominē suapte naturā fictorē audaculū ad quiduis comminiscendum in Regum perniciem sollicitauit.

Adhæc duo sūnt, vt video, quæ istum ei errorē crearunt, vel, quod verisimilius est, quibus ille sciens prudens nos in errorem trahere conatur Vnum ex collatione Regum qui vicinis Asiæ populis dominabantur: quos omnes tyrannos fuisse autumat. Alterum ex formula regnandi, à Deo per Moysen Regibus in Deuteronomio præscriptâ, depromptum.

Nam quod præterea de legitimo Rege scribit, id anigmatis instar mihi est: non quod nesciam quid legitimi verbo si-

bo significetur, id enim bonorum authorum lectione putome iam pridem assequutum; sed quo id ipse sensu extulerit haud facile possum coniecere. Si enim (quod velle videtur) legitimum Regem intelligit eum qui ius populo legitimè ex legum præscripto dicit, vt ille ait <sup>1</sup>, sine exemplo <sup>1</sup> Pag. 70. loquitur, & contrà ac verbi notatio, & latinè loquendi cōsuetudo patitur, Nec si eo verbo interpretetur Græcum illud νόμιμος siue νομικός, imò νομιμότης & vel νομιμότης, vnquam efficiet vt id vocabulum legibus subiectum significet, sed aut iustum & æquum, aut lege institutò que obseruatum, legi consentaneum, legum scientissimum, aut quid simile. Itaque Aristoteles, vbi ostendit in quibusdam ciuitatibus esse conciones ex legum præscripto statas & fixas, quæ paribus temporum interuallis aduocantur, in aliis verò incertas tantùm & repentiè indictas, prout res nouæ incidunt exiguntque, <sup>2</sup> & ἐκ ἐκκλησίας νομίζουσι, inquit: <sup>2</sup> Lib. 3. Politic. 2. quæ verba Strebæus vertit ad sensum, *neque habent legitimam concionem*: quia quod secundum legis ordinationem fit, id est legitimum. Illam præterea supposititiā legitimi significationem si admittamus, duo sequi oportet auribus animisque hominum absurdissima, quorum alterum ab eo positum est & concessum: alterum necessaria consecutione efficitur. Quod ille assumit, hoc est. Samuelem fuisse Regem legitimum: verba eius sunt <sup>3</sup>. *Regem petunt, at* <sup>3</sup> Pag. 76. *qualem? legitimum? ut habebant. Erat enim Samuel eis à Domino, penes quem ius præficiendi erat, datus, ius eis legitimè ex legum diuinarum præscripto multos annos dixerat.* Papæ, quo se homo præcipitat? Ergone Samuel Rex legitimus? qua ratione? num ob hoc solùm quòd à Deo iudex fuerit datus? an verò quia ex legum diuinarum præscripto ius dicebat? anve quia horum concursus in eius persona, vt Rex esset legitimus effecit? Primam, aut postremam si admisierit causam, duplex in promptu contradictio est: tum quia Iosue, Iudas, & alii duces iudicésque dati fuerunt à Deo <sup>4</sup>, <sup>4</sup> Exo. 18. Deut. quorum Regem fuisse neminem, ostendunt illa quæ de vlt. Iosue 1. Regibus multò post creandis Moyse ipse vaticinatus est: & de Regibus quidem legitimis, non tyrannis: cuius probandinecessitate ipse nos Buchananus sua confessione leuauit, qui eā formulā Regis legitimi iura contineri asserit. <sup>5</sup> Deut. 17. <sup>6</sup> Dixi raro, quia Elias mandatu Dei vnxit Hazael Regem Syriæ <sup>3</sup>. Reg. 19.

Hebræo iudicē nominatim dedisse. Ac proinde facessant quæcumque de legitimo Rege identidem nobis inculcat, ut prorsus superuacua, & quæ nullum apud alias nationes locum habere possunt: quibus Reges manifestis Dei iussis atque oraculis non præficiuntur. De Moyse autem an Rex fuerit, dubitandi causam præbuere nobis scriptores aliquot, qui cum regio nomine ac titulis ornarunt. Nam & popularis eius Philo Regem eum vocat. *Hæc est vita*, inquit, <sup>1</sup> *hic exitus Moysis*, Regis, legislatoris, Pontificis, Prophetæ. Et D. Greg. Nazianzenus dicit Moysen principum principem & Sacerdotum Sacerdotem Aaronis opera vsū fuisse tanquam linguam <sup>2</sup>: similiter S. Aug. scribit Moysen dedisse iudiciaria sublimitate solum, populo vniuerso stante: Sed hæc & similia in laudem Moysis dicta non miretur quisquis eum Deo insigniter dilectum, ac propè supra sortem humanam diuini velut consilii participem factū <sup>3</sup>, Hebræorum Rempub. legibus à Domino acceptis fundasse, inque ea Regis instar solum eminuisse norit: post quē nemo aliorum iudicum aut prophetarum cum eo conferendus extitit <sup>4</sup>: quippe populum illum, velut parens eductos à se & educatos, incredibili mansuetudine, studio, & sollicitudine gubernauit: <sup>5</sup> cuius illud extat elogium, *fuisse virum mitissimum super omnes homines qui morabantur in terra* <sup>6</sup>. Tamen reuera nec Rex fuit ipse nec regium sibi nomē vnquam arrogauit.

Siverò mediam causam Buchananus assumpserit, Reges vocantur omnes qui ex legum præscripto ius dicunt: neque enim vlla ratio probabilis afferri potest, cur quod nonnullis certa de causa nomē imponimus, id aliis qui in simili munere versantur, & quorum causa communis, ius idem est, denegemus. Reges ergo L. Lunius Brutus, & L. Tarquinius Collatinus fuere cæterique consules qui post eiectum Tarquinium Superbum populo Romano præerant, ut non tam exactos quàm mutatos Reges fuisse dicas. Nam & hi non minus quàm Reges, quæcumque in legum dispositione aut moribus ciuitatis posita erant penes se habebant. Quade causa Liuius <sup>7</sup> *libertatis*, inquit, *originem inde magis quia annuum imperium consulare factum est, quàm quòd diminutum quicquam sit ex regia potestate, numeres: omnia iura, omnia insignia primi consules tenuere: id modo cautum est, ne si ambo fasces haberent duplicatus terror videretur.* Quid quod Reges hac ratione fuerunt omnes Proconsu-

<sup>1</sup> Lib. 3. de vita Moysis in fine.

<sup>2</sup> In orat. 3. habitata coram D. Gregorio Nysseno. i. quæst. 68. in Exod.

<sup>3</sup> Exod. 19. & 31. & Num. 12.

<sup>4</sup> Deut. c. vlt.

<sup>5</sup> Num. 11. Exod. 32.

<sup>6</sup> Num. 12.

<sup>7</sup> Lib. 6.

<sup>8</sup> L. D. de Iurid.

les, <sup>1</sup> Præsides prouinciarum, Prætores, Præfecti Augu- <sup>1</sup> L. I. D. de iurid.  
 stales, ac reliqui magistratus, qui cum imperio præfuerunt,  
 quorum officium dicitur esse latissimum, si modo ex legū  
 præscripto ius dixerint. Et ne longius abeam, hoc argumē-  
 to Rex appellabitur quisquis in libera ciuitate summum  
 magistratum gerit: quod quàm vanum sit & absurdum re-  
 stantur ii omnes qui res populorum ab hominum memo-  
 ria literis prodiderunt, quique diuersas Reipublicæ for-  
 mas, & earum mutationes in singulis ciuitatibus & natio-  
 nibus docent: nam regiam, hoc est liberam, & legibus solu-  
 tam potestatem, ab imperio magistratum, quod legibus  
 seruit, omnes vno ore distinguunt: quos tamen, si huic cre-  
 dimus, necesse est fateamur ita pares esse, vt inter eos nihil  
 prorsus intersit, omnes nempe Reges legitimos.

Quod autē his consequens esse admonui, sic habeto. Si  
 Rex legitimus ideo dicitur, quia ex legum formulis pēdet,  
 & secundum earum præscriptum ius dicit: qui secus faxit,  
 Rex profectò legitimus vocari nequit. His autem proposi-  
 tis nonne hæc statim sunt consequentia: Vxorem non es-  
 se legitimam si maritum aliquando iurgationibus & im-  
 portuna garrulitate laceffit, si fribusculum fecerit, aliūdve  
 quod præceptorum connubialium cancellos vel mini-  
 mum transgrediatur. Nec filium esse legitimum, si officiū  
 erga parentem immemor sui patris mandata interdū ne-  
 gligat. Nec hæredem legitimum, si non ex voluntate de-  
 functi fideicommissum codicillis relictū statim persolue-  
 rit: multāque id genus alia ex eodem fonte promanantia, si  
 ea vis verbi est, efferri possunt, quæ quàm incondita sint &  
 ridicula tu ipse, fat scio, animaduertis. BOVT. Equidem  
 non arbitror virum illum, quem latini sermonis puritate  
 verborūque proprietate in suis scriptis delectatum esse  
 video, tam temerè, tamque alienā significatione abusum  
 esse verbo legitimi, vt ea dicat quæ Grammatici virgis, Iu-  
 risperiti irrisione & sibilo citra controuerfiam exciperent:  
 præsertim cum alibi in hoc suo dialogo legitimos aliā ra-  
 tione ab eo dictos animaduertierim <sup>2</sup> tyranni, inquit, <sup>2</sup> Pag. 521  
*legibus potentiores erant, legitimi autem quia populi consensu ele-*  
*cti.* BARC. Attamen quin ita scripserit vt recitavi nega-  
 ri non potest, licet an ita intellexerit, non nihil dubitari  
 propter alium illum locum à te recitatum possit, nisi ipse  
 met ita se legitimū Regem accipere docuisset. <sup>3</sup> Et Brutus <sup>3</sup> Pag. 19.  
 ēt deliriorū Buchanani vaser interpres, magistri sui sententiā



1 C. 3. p. 117.

dilatans, sic scripſiſſet. <sup>1</sup> *Inde verò factum eſt, vt cum primis temporibus Reges abſolutè imperarent, quorum arbitrium lex erat paulò poſt inter politiores & ciuiliores paſſim legitimi fierent, id eſt, legibus ſeruandis cuſtodiendiſque obligarentur.*

Sed demus aliter Buchananum intellexiſſe, & deſectæ ſenectutis hominem aliud ſcripſiſſe aliud voluiſſe: ſumamusque illam legitimi ſignificationem, quæ in planè ac latine loquentium vſu & obſeruatiſſe propria eſt & perpetua: vt legitimus Rex cenſeatur iſ qui ex aliquo legis capite aut more inſtitutoque maiorum ad imperium vocatus eſt: annon cõſtabit ſtatim nullis magis quàm Iudæorum Regibus eam laudem eſſe tribuendam? quorum plerique à Deo & populo aut à maioribus ſceptrum iure optimo ſibi delatum acceperunt. Neque enim arbitror quenkumque ita frontem perfricuiſſe, vt De. Opt. Max. voluntatem legẽ eſſe omnium firmiſſimam & antiquiſſimam, aut ſucceſſionis ordinem & rationem naturæ legi conſentaneam eſſe neget. Legitimi ergo Iſraelitici Reges, non quia munere ſuo probè & ſecundum leges functi ſunt, ſed quia ritè, & ex legum præſcripto facti: quo modo legitimus tutor <sup>2</sup> legitima vxor <sup>3</sup> legitimum tempus, <sup>4</sup> legitima ætas <sup>5</sup>, & alia quæ perſequi longum eſſet legitima intelliguntur. Vides vt iſtam eius ſententiã propria & genuina hæc legitimi ſignificatio euertat, vtque prior illa commentitia futilem proſus & ineptam reddat. His autè etſi redargui reſelliq; ſatis poſſit, tamen ( vt eſt hoc genus hominum, quod Deo & Eccleſiæ ſe ſubtrahit, impenſè in diſputando pertinax) quia errorem fortaſſe ſuum haud facile agnoſcet: addam præterea quedam ex ſacræ ſcripturæ libris teſtimonia, quibus Samuelem neque re ipſa neque titulo tenus Regem fuiſſe ita perſpicuè demonſtrabitur, vt ſi quis illi ſenſus eſt aut cogitatio veritatis victus vincuſq; in noſtram ſententiã trahatur.

Qui iudicandi munere in Iſrael functi ſunt, vt Samuel, ij dominationem in eum populum minimè habebāt, quæ regnum & Regem vſque adedò comitatur vt ſine ea ne fingi quidem aut concipi animi poſſint. *Reges gentium dominantur eorum* <sup>6</sup> ( inquit Saluator ) Hortari autem iudicibus & admonere conſilioque ſuo dirigere ac ducere multitudinẽ permiſſum fuit: niſi dum fortè ſingulari aliquo Dei præcepto ad certas res obeundas mandatum ſibi imperium recepiſſent. Inde erat quod filii Iſrael exultantes lætitiã recẽ-

1 l. 1. & l. 5. D. de leg. i. tit. 1.  
2 Lib. 1. & 8. D. de pot. hared. c. 4.  
3 D. de rit. aupt. D. l. 5. D. de vſu. l. 1. de his qui not. in ſa. l. 1.  
4 l. 3. D. de re iud. l. 1.  
5 l. 1. D. de p. l. 1. & l. 2.  
6 l. 1. D. de p. l. 1. & l. 2.

6 L. 1. c. 22.  
Mat. 10.

tis victoriæ per Gedeonem mirabiliter partæ ipsi Gedeoni  
 dixerunt, *Dominare nostri tu & filius tuus, & filius filii tui, quia*  
*liberasti nos de manu Madian* <sup>1</sup>, quibus ille. *Non dominabor*  
*vestri, nec dominabitur in vos filius meus, sed dominabitur vobis*  
*Dominus*. Si Samuel Rex fuit, Rex etiam & Gedeon: vterq;  
 enim pari autoritate iudex à Deo atque dux ei populo da-  
 tus est: nec quicquam Samueli in ea re suffragatur, quod  
 Gedeoni absit. Nam quod propheta fuerit, id quid ad re-  
 giam dignitatem? Certè pontificem non fuisse, eum neq;  
 sacerdotem, sed tantùm leuitam B. Hieronymus observa-  
 uit <sup>2</sup>: ob eamque causam David Rex & propheta Samue-  
 lem ab ordine sacerdotali separat <sup>3</sup>. At si rex fuit Gedeon,  
 quomodo rogatur à Iudæis vti in eos dominationem susci-  
 piat? aut si dominationem se non habere, nec velle suscipe-  
 re factus est & professus, qua fronte audeat aliquis Regem  
 illum appellare? Eadem Samuelis, & cæterorum, qui iis li-  
 bris continentur, iudicium conditio fuit: qui quantum à  
 Regum titulis & autoritate abhorruerint, id in primis  
 declarat, quòd tot seculorum curriculo ex omnibus vnus  
 repertus sit qui regium nomen vsurparit. Is est Abimelech  
 filius Gedeonis nothus ex concubina Sichimitide <sup>4</sup>, qui  
 occisis septuaginta fratribus suis, filiis Gedeonis legitimis,  
 & Republica per tyrannidem occupata, Regem se & nomi-  
 ne & imperio designari curauit: quo sublato de medio, re-  
 gium cum eo statim nomen concidit. *Post Abimelech*, in-  
 quit author historiæ, *surrexit dux in Israel Thola* <sup>5</sup>. Qua in  
 parte doctores summam scriptoris diligentiam obseruat,  
 qui iis verbis rem iterum ad duces rediisse docet, Vnde Ni-  
 colaus Lyranus interpres acutissimus, *Non dicit Rex* (in-  
 quit) *sicut de Abimelech, qui inique vsurpauit sibi nomen regi-*  
*um, iste autem rediit ad modum pristinum quo iudices præerant,*  
*scilicet per modum directionis & consilii, magis quàm per modum*  
*dominii*. Ostendat ergo Buchananus regium imperium Sa-  
 mueli iure aliquo speciali fuisse delatũ, vel eum haudqua-  
 quam fuisse Regem velit nolit fateatur necesse est: quando-  
 quidem id ei nomen, & quæ nomini coniuncta est autho-  
 ritas, iure communi cæterorum dueum tribui non po-  
 test.

Quæ cum ita sint, expendamus modò quàm vanæ sint  
 & nullius ponderis aut momenti duæ illæ rationes, quibus  
 persuadere nobis falsissimam opinionem suam & confir-  
 mare nititur. Aut tyrannum, non legitimum Regem à Iu-

2 47. 70.

dæis fuisse petitum hoc argumento doceri <sup>1</sup>, quod Regem petierint *qualem vicina gentes habebant*, qui domi iudex, foris imperator esset. Erant autem *re vera tyranni*, inquit, additque nescire se ab historicis mentionem fieri legitimi Regis in Asia. Hic rursus quo sensu *legitimum* proferat, prorsus ignoro. Nam si, ut antè, legitimum Regem intelligit eum qui regni habenas ita moderatur, ut ius perpetuò secundum leges dicat, cur Asiaticos ab Afris, aut Europæis in hoc distinguit non video. Quandoquidem multos Asiæ Reges commemorare possum, quos nemo eorum qui in Europa regnarunt, pietate vlla ac probitate in suos, iurisque diuini & humani obseruatione, non dicam superauit illa tempestate, sed ne æquauit quidem. Nam Ægyptii Reges omnes ex legum disciplina ius dixisse, & iis se sua sponte subiecisse feruntur <sup>2</sup>: quod miror ab illo prætermissum iis in locis, vbi legum vincula nostris Regibus iniicienda suadet. Sed & Aethiopum quoque Reges ex sacerdotum numero delectos, cæteroquin diuinis auctos honoribus, vitam degisse legibus conformem, & secundum patrios mœurs, scitaque maiorum ius in subditos dixisse literis proditum est <sup>3</sup>. Næ parum æquus ille rerum æstimator videtur, qui gentes illas Asiæ (a quibus omnem cultioris vitæ rationem Græci, cæteri que per Europam dispersi, velut ab ipso honestatis fonte haustam acceperunt) tam infortunato cœli solique statu natas fuisse arbitrat, nullos ut ex sese vnquam procrearent Reges legitimos. Nam quod subiicit, Asiæ incolas seruili præter cæteros animos fuisse, propterea que tyrannorum imperiis magis obnoxios, id ratione & rei veritate deficitur. Nam quamuis abundè iis suppetere quæcunque vel locorum amœnitates, vel aeris puri & tenuis afflatus, vel agrorum vbertates conferre possunt, ita ut talibus voluptatum illecebris ad vitam mollius paulò atque delicatius transigendam inuitarentur; tamen neque sapientiæ stadium, neque rerum agendarum prudentia, neque celsitas animi & magnitudo iis debeat: quæ omnia seruilibus haudquam ingeniis conueniunt. Nec Regum se arbitris dederunt inuiti, quasi adempta aliam aliquam regiminis formam constituendi facultate, sed omnibus propositis monarchiam semper reliquis prætulerunt: tum quia id illos edocuit vis naturæ & primorum parentum institutio, ut infra vberius demonstrabitur, tum quia satius esse vni

parere,

§ Diodor. lib. 1.  
Part. 2. cap. 3.

§ Diod. lib. 3. ca. 1.

parere, quàm premi à multis, sapienter & verè iudicarunt. Itaque cum S. P. Qu. Romanus Cappadoces & Paphlagon-  
 nes Regibus liberare voluisset, ac suæ potestatis constitue-  
 re, recusarunt eam libertatem Cappadoces, id potius sup-  
 plicium quàm beneficium esse rati; responderuntq; nul-  
 lam sine Rege gentem vivere posse <sup>1</sup>. Scio Aristotelem di-  
 cere Asiaticos esse patientiores seruitutis quàm Europæ-  
 os <sup>2</sup>. Sed eius testimonii fidem eleuat quod ipsemet ibidem  
 præmittit : nempe Barbaros esse patientiores seruitutis  
 quàm Græcos, quod profectò falsum est : quis enim no-  
 scit Græcos verè seruos esse, si cum Romanis, Francis, Ger-  
 manis, Scotis, aliisque, quos ille Barbaros vocasset, com-  
 parentur? Sed & illud æquè absurdum est quod eodem in  
 loco scribit, tyrannica regna esse Asiaticis, sed firma tamē,  
 propterea quod patrium morem legemque seruant; nam  
 si patriam legem seruant, cur non potius legitima & regia,  
 quàm tyrannica imperia dicentur? Quod si Asianos ideo  
 tyrannis paruisse Buchananus credit, quia imbecilliores  
 sunt, & minus animosi quàm qui plagam Septentrionalē  
 habitant: siquidem, ut ait Viteruius, qui sunt ad axem me-  
 ridianum, breuioribus corporibus, colore fusco, crispo  
 capillo, nigris oculis, cruribus invalidis, sanguine exiguo,  
 solis impetu perficiuntur. At qui sub Septentrionibus na-  
 scuntur & degunt, proceris corporibus, candido colore,  
 directo capillo & rufo, caësi oculis, & sanguine multo sūt.  
 Si hanc, inquam, Asiaticis causam parendi tyrannis arbi-  
 tratur, cogitare secum potuit, quòd licet ea ratione probe-  
 tur, non tantum virium iis esse ad exterarum gentium im-  
 petus propulsandos, quantum aliis qui axi Boreo propio-  
 res sunt: tamen non inde effici rectè, populos illos acumi-  
 ne ingenii præstātes, alicuius popularis sui tyrannidē facile  
 velle subire: & libertatē qua nihil amabilius, nihil in vitā  
 charius potest contingere, hominum apud senatorum li-  
 bidini contra rationem mancipare: cum id præsertim o-  
 mnibus à naturā benè informatis insitum sit, ut nemini  
 parere velint, nisi præcipienti, aut docenti, aut utilitatis  
 causā iuste & legitimè imperanti <sup>3</sup>. De Asiaticis ergo facilè  
 ab externa natione opprimendis fortè aliquid: de suorum  
 verò tyrannide ab ipsis subeunda, nihil omnino argu-  
 menti affert: eadem enim proportio Pygmarum inter  
 se est & gygantum. Et verò, si qua inde coniectura aut  
 ratio

1 Iust. lib. 38.

2 Lib. 3. Pol. c. 10.  
Aristoteles re-  
prehensus.

3 Cic. lib. 1. off.



9 Lib. 2. Tuscul.

ratio probabilis duci posset, ea etiã ad Græcos optimè ire transferetur. Nam Cicero testatur Græcos ita fuisse imbelles & parùm animosos, vt ne quidem aspicere hostem auderent <sup>1</sup>, quamuis prudentes, & omni disciplinarum genere satis excultos: & tamen constat eos fuisse semper tyrannis infensissimos, adeoque eorum impatientes, vt cum omnes initio Regibus parerent, plerique tandem democracias sibi & aristocracias constituerint paucis in Regum fide permanentibus. Non ergo sequitur ob corporum imbecillitatem, homines seruitutis aut tyrannidis suorum popularium tolerantes reddi, cum satis virium iis sit ad resistendum sui similibus, vt ante dixi, & animi etiam satis in exiguo corpore esse possit.

2 Iust. in princ.  
Diod. lib. 1. Part. 2.  
cap. 1.

Quæ cum ita sint, miror ipsum tam parùm verecundum esse narratorem, vt ea se scire dissimulet, quod nesciisse pudeat. *Neq; vsquam* (inquit) *quod sciam ab historicis mentio sit legitimi Regis in Asia*. At ego illi repono, passim ab historicis mentionem fieri legitimorum Regum in Asia: si modò legitimos admittat eos, qui Imperium quod virtutis commendatione, & summo populi consensu nacti erant, pari animi moderatione ac Iustitiæ temperamento retinuerunt: quiq; leges vel à maioribus acceptas, vel à se latas anxie custodierunt. Nam, si verum est quod tradunt probati historiarum auctores <sup>2</sup>, regna olim deferri solebāt ad eos, qui plurimùm de hominum vitâ meriti videbantur, quique rectis institutis, honestis moribus, aptis legum iudiciorumq; formulis, ornare & amplificare Rempublicam & posse & velle sperabantur. Audiūtne fando inclitum illud de Bocchore Ægyptio elogium, cuius summa iustitia locū dedit pro uerbo: vt cum hominem integrè & incorruptè iudicantē significare vellent, Bocchorē eum siue Bocchyrem appellarent <sup>3</sup>? An non meminit artes verè regias & Imperatorias illius, qui

3 Suid. Plutar. in  
vita Demetrii.  
Erasmus in Pro-  
uerb.  
4 Lucan.

*Venit ad occasum mundiq; extrema Sesostris:*

*Et Pharios currus Regum cernicibus agit* <sup>4</sup>?

5 Plut. in apoph.

Quantâ foris armorum, domi Iustitiæ, & rerum à se gestarum gloriâ vitam transegit? Annon illud Antiochi tertii, quod cunctis publicè ciuitatibus edixit, aut tyrannicam illam & non regiam vocem existimat, *Si quando legibus aduersum & repugnans aliquid iussero, ne pareatis: sed ignoratione me lapsum creditore* <sup>5</sup>. Vbi quæso terrarum gens vlla patrii moris obseruantior, vbi rigidiores legum antiquarum custodes,

Rodes, vbi additiores maiorum scitis Reges, quàm apud Medos, Persasque memorantur? Daniele, quamuis innocentem, quamuis amicum, leonibus obicere maluit <sup>1</sup> Dan. 9. Darius subtristis, ac penè inuitus, quàm eximere pœnis decreti sui, contra leges regnorum quibus imperauit. Caba- des Persarum Rex Scossem hominem amicissimum, & cui vitam atq; regnum debebat, calumniis oppressum & dam- natum maluit amittere, quàm de Persicâ obseruatione quicquam remittere <sup>2</sup>. Pacurium verò summus mæror la- 2 Procop. li. 1. de bello Pers. ceratit, quòd antiquam eius gentis legem ex euentu, pro- pter constantiam promissi, cogeretur dissoluere <sup>3</sup>. Dies me; Procop. lib. deficeret, si eorum qui in Asia regnarunt summam in leges obseruantiam, clementiam erga suos & humanitatem, in rebus denique publicis & priuatis diuinam propè animi constantiam, moderationemq; recitarem: v. mirum mi- hi videatur quid istum mouerit ad Asiaticos Reges è nu- mero legitimorum exigendos. Sed nunquid non meminit Melchisedec Regis Salem, <sup>4</sup> qui Rex simul & summi Dei 4 Gen. 14. sacerdos appellatus est, aut eum Regem fuisse legitimū ne- gabit? Certè neque historiæ fidem eleuare potest, neque quod respondeat habere: nisi resumpto vetere, & iam pri- dem expulso Origenis & Didymi errore, αὐτονομία aliquâ nobis somniet interpretationē, & angelum eum, aut Spiri- tum sanctum fuisse dicat. Nam nomenclatio ipsius, idem quod Rex iustitiæ significat, & Rex Salem, id est pacis, di- ctus est <sup>5</sup>: quem Diuus Hieronymus <sup>6</sup>, ex Hebræorum & 5 Apost. ea. 7. ad Græcorum scriptis, verè hominem fuisse docet, atq; eun- Hebr. dem qui & Sem filius Noe, trecentos iam & nonaginta an- 6 Tom. 3. ep. 120. nos natum quo tempore Abraham editus est. BOVR. For- tassiss in alia adhuc significatione legitimi verbo vsus est (idquæ te ista differente, modò mihi in mentem venit) legi- timos Reges intelligens eos, qui legibus obstricti, obnoxii iudiciis, moribus alligati, fasces populo primatibusve sub- mittunt. B A R C. Id quàm alienum sit ab eius vocis signi- ficatione nemo non videt. Ecquis enim latinè sciens ita vnquam locutus est? nam & eo sensu legitimus tutor di- cetur, quia legibus est subiectus: & hæres similiter legiti- mus quia legum vinculis astringitur: itane? testamētarius ergo tutor, & heres scriptus, quin legibus soluti sint negati non potest: nam horum appellationibus, differentia inter ipsos & diuersitates nobis indicantur. Quid quod iustum & legitimum hostem dicere solemus <sup>7</sup>? Sed hæc legitimi 7 Cic. lib. 3. offi. inter-

interpretatio nimis est puerilis & responsione indigna, siue ipse eam Buchananus cogitarit, siue alii ex eius grege post maleficiosè commenti sint: cum inter omnes constet legitimos dictos esse, quòd lege facti, testamentarios verò, & scriptos, quòd testamento dati scriptique fuerunt. Sic etiam legitima omnia, quia ex legum institutis & secundum leges fiunt, non quia legibus subiiciuntur, aut secundum leges viuunt. Et ut iam paulò ante dixi, legitimus Rex appellatur, quòd non vi & armis in regale solium inuito populo irrupit, sed more maiorum, & ex legis præscripto Rex factus est, licet postquam iam regnum inuit leges iudiciaque peruertat. Sed demus id eum cogitasse, idque ita se habere, ut legitimo significetur quod legibus est subiectum: quid ei consequens erit? Non fuisse legitimos Reges in Asia, dicit: addo, ac ne in Europa quidem vel Africa. Nam eos nego esse Reges, qui ita legibus vincti constrictique tenentur: nego Imperium & potestatem regiam in iis deprehendi, qui eo pacto imperant, licet Regis forte appellationem in blando ciuium sermone retineant. Proinde neque Agesilaum, neque ceteros Spartanos, post Ephorum creationem, inter Reges numerandos Æmilius Probus rectissime iudicauit <sup>1</sup>: propterea quod hi à Theopompo Regibus apppositi, imò oppositi, regiam prorsus auctoritatem infringebant: quam habuisse quidem priores Reges testatur Plutarchus <sup>2</sup>, & ex vno Lycurgi responso notum est: qui postulanti, ut populo administrationem Reipublica traderet: tu prior, inquit, domi tua Imperium domesticus tuus trade. Qua de causa Aristoteles <sup>3</sup> docet Lacones mixtum Reipublicæ genus habuisse, quamuis regnum id vocitatum sit: quia Reges non plenum perfectumque imperium, obstantibus, ut dictum est, Ephoris habuerunt. Et Plutarchus <sup>4</sup> Cleomenem post extinctos Ephoros Regem & nomine & re fuisse scribit: quibus verbis annon perspicue nobis indicat, alios qui cū Ephoris imperarunt nomine tantum fuisse Reges? Ac mihi quidem ista cogitanti venit in memoriam Polybii locus <sup>5</sup>, in quo, accuratè scribendi diligentia, verè Reges ab iis qui nomine tantum tales sunt illis ipsis temporibus distinctos fuisse indicat. Philippus, inquit, Demetrii filius, adhuc puer, iam Macedonia imperium susceperat. Achaia omni prouincia, que circa Taurum est, imperant, nò modo nomen sed vires quoque regias habebat. Antiochus, cui magno cognomen fuit, Seleuco fratri non multo ante defundo, in re-

<sup>1</sup> In vita Agessilai: & in breui ann. de Regib.

<sup>2</sup> In vita Lycur.

<sup>3</sup> Lib. 3. Polit. c. 30. & 11.

<sup>4</sup> Plut. in Apophthegm. Laco. In vita Agid. & Cleoph.

<sup>5</sup> Lib. 4.



gno Syria quamuis adolescens successerat. Ariarates quoque regnum Cappadocia inuaserat. Eodem tempore Ptolomeus Philopater Ægypti erat Imperium adeptus. Nec longè post Lycurgus Rex à Lacedæmoniis appellatus fuerat. Carthaginenses Annibalem, ad res quas supra commemorauimus gerendas ducem elegerant. Ecce ut alios nomen tantum, alios nomen & potestatem regiam habuisse tradit: nam Lycurgus iste, paulò ante Cleomenem, dominantibus adhuc Ephoris Lacedæmone Regis nomen sortitus est<sup>1</sup>. Frustra igitur Buchanani in has se latebras coniiciet, in quibus neque occultari diu, neque tutum perfugii locum inuenire possit.

<sup>1</sup> Ut patet collatione huius loci cum historia Plut. de Agid. & Cleom.

Sed altera tunc ratio quam vim habeat expendamus.

<sup>2</sup> Pag. 70.

*Tyrannum*<sup>2</sup>, inquit, non Regem hic describi vel ex eo facile apparet, quod in Deuteronomio formulam eis ante præscripserat, non modo ab hac diuersam, sed etiam planè aduersam: ex qua formula Samuel, ceteriq; iudices tot annos ius dixerant: quam cum reiecerent, Dominus se reiectum ab eis conqueritur. Hæc ille: cuius errorem ut planius faciliusque coarguamus, utrumque scripturæ locum committemus inter se, ut si qua in iis aut pugna sit, aut diuersitas & dissimilitudo appareat. Modò id præmunitionis loco ad ea quæ aggredimur teneamus: nihil regiæ dignitati, nihil Monarchiæ præstantiæ, hoc scripturæ testimonio detrahi. Neque enim Deus idcirco se infensum Iudæis prædicat, quòd regia sibi gubernatio displicuisset: quòdve Regem petere, res fuisset ipsa per se diuinæ maiestati ingrata aut inuisa: sed quia ipsemet eius populi tutelam singularem gesserat, & eum ex omnibus orbis nationibus in peculium sibi sumpterat<sup>3</sup>, atque insigni quadam prouidentia, & illustribus quoties opus fuit miraculis, multos iam annos antè rexerat. Eoque factum est, ut Dominus meritò vesanam illius gentis ingratitudinem ei exprobraret, seque ab ea reiectum cōqueratur: quæ tot misericordiarum oblita, tot beneficiorum immemor, tot mandatorum contemptrix, & miraculorū etiam negligens, eò prorupit audaciæ, ut cæteris se nationibus æquare atque assimilare voluerit, quibus ut dissimilis esset, diuina hæc dispensatio procuratioque specialis effecerat: Regemque sibi dari petierit, cum iam Regem haberet, non Samuelem quidem, ut est à nobis iam satis superque demonstratum, sed Deum ipsum præpotentē singulari propè cura eorum iam diu inuigilantē bono (quod nulli vnquam alii nationi obtigit) qui Samuelem, & cete-

<sup>3</sup> Exod. 19. Deut. 7. & 14.



1 L. 1. & l. 10. C. de  
legib. c. inter alia  
21. de sent. excō,

2 1. Reg. 12.

3 L. 4. in ff. ca. 20.  
§. 8.

4 In cap. 8. Prop.  
Osec.

5 Deut. 17.

6 3. Reg. 2. c.

ros retro Duces, seu regni vicarios, proreges, aut præfides iuri dicundo præfecerat: à quibus ipsemet Deus de rebus arduis & negotiis lege non definitis, velut Princeps à suis iuridicis<sup>1</sup>, consulebatur. Vnde haud mirari quidem oportet si in eo peccatum sit ab illis grauissimè, qui constitutā manifesta Dei ordinatione Reipublicæ formam mutare, ac præpositos sibi Duces reiicere, inconsulto Rege suo Deo Opt. Max. in animum induxerāt. Quin potius mirandum quod nō malos statim malè perdidit, quos tam aperto scelere maiestatis reos propria ipsorum confessione peregerat<sup>2</sup>. Atque hoc quidem illud est, quod ferunt Theologii alias gentes Regem sibi poscere & constituere sine peccato potuisse, Israeliticam verò ideo non potuisse, quod ordinatam aliter à Deo Rempublicam expressè accepisset: non quidem Aristocraticam, vt falsò scribit Calvinus<sup>3</sup>, sed monarchicam, Deo Rege & homine prorege (vt antea diximus) conseruatam. Atque hoc etiam illud est quod D. Hieronymus ait<sup>4</sup>: *Saul non ex voluntate Dei, sed ex populi errore Rex factus est.* Sed ad institutum redeamus.

Moyse prophético Dei spiritu vaticinatus est, fore vt populus Hebræus aliquando Regem sibi posceret: cuius rei dum eum monitum vellet ita fatur<sup>5</sup>: *Cum ingressus fueris terrā quam Dominus Deus tuus dabit tibi, & possideris eam, habitauerisq; in illa, & dixeris: constituam super me Regem, sicut habent omnes per circuitum nationes: eum constitues quem Dominus Deus tuus elegerit de numero fratrum tuorum. Cumq; fuerit constitutus, non multiplicabit sibi equos, nec reducet populū in Ægyptum, equitatus numero subleuatus, præsertim cū Dominus præceperit vobis vt nequaquam amplius per eandem viam reuertamini. Non habebit uxores plurimas qua alliciant animū eius, neq; argenti & auri immensa pondera. Nec eleuetur cor eius in superbiam super fratres suos, neq; declinet in partem dextrā vel sinistram, & discat timere Dominum Deum suum, & custodire verba & ceremonias eius, qua in lege præcepta sunt: vt longo tempore regnet ipse & filii eius super Israel.* Hæc regnandi lex est, quā Moyse futuris Iudæorū Regibus præscribit, quamq; Dauid filio suo Salomoni repetit & commendat<sup>6</sup>. At Samuel, petenti iam populo Regem cū non posset obistere, legem horrendi carminis, ius inquam Regis impensè crudele, & superbum, iubente Domino in hunc modum edixit. *Hoc erit ius Regis qui imperaturus est vobis. Filios vestros tollet & pones in curribus suis, facietq; sibi equites & præcursores*  
quadrt.

*quadrigarum suarum, & constituet sibi tribunos, & centuriones, & aratores agrorum suorum, & messores segetū, & fabros armorum & curruum suorum. Filias quoq; vestras faciet sibi vnguentarias, & focarias, & pannificas. Agros quoq; vestros, & vineas, & oliuetā optima tollet, & dabit seruis suis. Sed & segetes vestras & vinearū redditus addecimabit, vt det eunuchis & famulis suis. Seruos etiam vestros, & ancillas, & iuvenes optimos, & asinos auferet, & ponet in opere suo. Greges quoq; vestros decimabit, vosq; eritis ei serui. Et clamabitis in die illa à facie Regis vestri, quem elegistis vobis: & non exaudiet vos Dominus in die illa, quia peccastis vobis Regem.*

Considerandum in primis hîc est, de quibus Regibus loquatur Moyſes & de quibus Samuel: iisdemne an diuersis. Moyſes ait, *cum dixeris, constituam super me Regem, sicut habent omnes per circuitum nationes.* Hoc quando dixit populus Israeliticus? certè neque ante, neque post illud tempus, quo vniuersi natu maiores, exosi auaritiam & iniustitiam filiorum Samuelis, venerunt ad eum in Ramatha, dicentes, *ecce tu senuisti, & filii tui non ambulant in viis tuis: constitue nobis Regem, vt iudicet nos sicut & vniuersa habent nationes.* En quomodo non effectu solùm completur hîc vaticinium Moyſis, sed iisdem verbis quibus ille prædixerat: nec alibi vsquam proditū est Hebræos Regem sibi hac formulâ postulasse. Rogarunt quidem antea Gedeonem, vt ipse in eos Imperium suscipere, atque ad posteros transmitteret: sed neque tali eum sermone affati sunt, neque Regem eum constituerunt, id dignitatis humaniter recusantem. Addit Moyſes, *Eum constitues quem Dominus Deus tuus elegerit de numero fratrum tuorum.* Et hoc quoque eodem tempore perfectum est, cum Deus Saulem elegit, populus verò Regem ipsum constituit, & clamauit, *Vivat Rex.* De Saule igitur, & eum sequutis Regibus Moyſes procul dubio vaticinatus est. De iisdem similiter quin Samuelius regni promulgando cogitarit nemini potest esse obscurū. Vtrumq; ius regni est, & iisdem Regibus, populoque præscriptum: Dicet aliquis, qui ergo conuenire possunt? Nihil quicquā est magis extricabile, eius distinctionis ope, quā paulo antè retulimus. Regem Moyſes instruit legibus & instituit, quas obseruare perpetuū eum oporteat, si vel congruēter naturæ itam degere, vel rectam muneris accepti rationē Deo red lere vellet. Samuel id ipsum nō negat, sed hoc amplius Regem facere posse affirmat. Ille Regis officium, hic

potestatem & amplitudinem Imperii: illa quæ sunt bonis Principibus agenda, hic quæ populo à malis oppresso toleranda describit: ille ni recta fecerint, Deum, per quem regnant, ultorem certò habituros, hic si iniusta perperrauerint, ab iniuriâ populi, & humanâ vindictâ in priuatos legibus constituta, securos & protectos esse ostendit: ille ad Reges sermonem conuertit, & eos officii admonet, hic populum alloquitur, & præmonstrat quanta eum patientia Imperii iugum ferre oporteat, si quando in tyrânicum ingenium regius se animus induerit. Neque res ea tamen populum illum noui Regis desiderio flagratem quicquam perterrefecit: accepit conditiones, & Regem amplexus est cum omnibus quæ sequi possent incommodis. Audito enim iure regni peracerbo, quod Samuel recitauerat, responderunt omnes, *Rex erit super nos, & erimus nos quoq; sicut omnes gentes, & iudicabit nos Rex noster.* Nihil acutis hominibus facilius, nihil planius proponi potest. Moyses quid debeat Rex facere, Samuel quid possit <sup>1</sup> enunciat: hæc nemo mediocriter eruditus nescit diuersa quidem nō aduersa & contraria esse. B O V T. At si Iuriconsultos vestros audiamus, ne talia quidem facere posse Rex videtur. *Nam quæ facta adunt pietatem, ex estimationem, verecundiam nostram, & ut generaliter dicam, quæ contra bonos mores sunt, nec facere nos posse credendum est* <sup>2</sup>. BARC. Eius loci non is sensus est, quasi quæ turpia sunt & contra pietatem, sint factu impossibilia. Sed quo nemo ad talia facienda magis obligetur quàm ad impossibile. Non omne quod licet honestum est, inquit alius <sup>3</sup>: exempla nusquam non obuia sunt: Pater filium, vel filius patrem iudicem habere potest <sup>4</sup>: id tamē parum honestum esse, propter mutua affectionis, qua perpetuò laborant, suspicionem, indicat aliud iuris caput his verbis: *Qui iurisdictioni præest neque sibi ius dicere debet, neque uxori vel liberis suis, neque libertis vel ceteris quos secum habet* <sup>5</sup>. Ecce Africanus dicit patrē in causa filii iudicem esse posse, Vlpianus eundem ius dicere non debere: vterque rectè: potest enim, sed non debet, vt suspicionis occasionem à se remoueat. Rursus circumuenire se inuicem contrahentes in pretio emptionis possunt <sup>6</sup>: nec vllo eis remedio iuris succurritur, extra quàm si venditor fraudatum se queratur ultra dimidium iusti precii <sup>7</sup>. Lucrum itaque ex mendacio absque vllo pœnæ humanæ meru percipere quis potest. At id tamen per se turpe & perniciosum est: vt non sine causa dictum

<sup>1</sup> Potestatem hic intelligit, non eā quæ competit ex præcepto, neque eam etiam quæ ex permissu est, quatenus liberat à peccato: sed quatenus poenis legalibus eximit operantem, vt infra docetur.

<sup>2</sup> Papini. l. filius

<sup>3</sup> D. de cōd. Inst.

<sup>4</sup> Pau. l. nō omne

<sup>5</sup> 144. D. de reg. iu.

<sup>6</sup> L. in priuatis

<sup>7</sup> 77. de iud.

<sup>8</sup> L. 10. de iurisd.

<sup>9</sup> L. in causæ. D.

de minor. l. item

fi. 22. D. locat.

<sup>10</sup> L. 2. l. 8. Cod. de

resc. Vend.

dictum sit à Cicerone <sup>1</sup>, illiberalem & sordidum esse quæ-  
 stum, qui ex tenui mercatura percipitur, quia qui eam ex-  
 ercent parum proficiunt, nisi admodum mētiantur. Quid,  
 quod ne periuriū quidem leges nostræ pœnis vllis aut sup-  
 pliciis vindicarunt; quia diuinam in ea re vltionem suffi-  
 cere creditum est <sup>2</sup>; idque omnino ita esse, si per Deum iu-  
 ratur, viri docti annotarunt <sup>3</sup>: & nostris commentariis,  
 quos lucubratos habemus in responsa Iurisconsultorū de  
 iureiurando, planius atque vberius, diuini Numinis auspi-  
 cio, demonstrabitur <sup>4</sup>. Vnde Pacuius vocat iusiurandū,  
*mantile quo quotidiana noxa abstergūtur* <sup>5</sup>; & Laberius in Mi-  
 mis <sup>6</sup>, *emplastrum aris alieni*, faceret satis. Sed videamus an  
 aliqua nobis exempla in diuinis libris suppetant: firmiora  
 quippe illa sunt quæ humana ratione subuerti nequeunt,  
 ac ne reprehendi quidem. Et statim occurrit de repudio,  
 quo nullum huic disputationi magis aptum & cōueniens  
 afferri potest. Si acceperit homo uxorem, inquit Moyse <sup>7</sup>,  
*& habuerit eam, & non inuenerit gratiam ante oculos eius pro-*  
*pter aliquā fœditatem, scribet libellum repudii, & dabit in manu*  
*illius, & dimittet eam de domo sua.* Quasi dicat, hoc erit ius  
 mariti: qui uxorem duxerit, eam, cum volet, dato libello  
 repudii à se ablegato. En ius coniugii, seu maius legem  
 connubialem, multò iniquiorem in fœminas, quàm ius  
 illud Regis in populum, & qua nemo omnium, qui in sa-  
 cris literis sempiternæ gloriæ commendantur, vñs fuisse  
 legitur. Malis tamen iuxta ac bonis hanc libertatem lex  
 permisit, vt videatur spe quadam impunitatis velut an-  
 sam delinquendi peruersis hominibus præbuisse: sed id  
 ita, maioris multò & acerbioris mali declinandi cau-  
 sa, consultò permillum est: & proinde quàm parum gra-  
 tus Deo eius vñs fuerit, Saluator ipse in Euangelio præ-  
 dicat <sup>8</sup>. Simili de causa nunc alicubi in Christianis genti-  
 bus lustra & prostibula tolerantur. Sed & rursus in eodem  
 libro fœnerandi ius ac potestas, sine vllò pœnarum metu,  
 conceditur <sup>9</sup>: quod tamen homicidio simile esse, & cum  
 ipsa rerum natura pugnare, vel Ethnici tradiderunt <sup>10</sup>. Vi-  
 de quàm non sit insolens, multa legibus permitti, quæ sine  
 scelere committi nequeūt <sup>11</sup>. Quemadmodum ergo, neq;  
 mercatores, qui mēdaciorū decipulis emptores circumue-  
 niūt: neq; periuri, qui omni contēpta religione falsum per-  
 inde ac verū dicis execrationibus attestātur: neq; lucripetę

1 Lib. 1. off.

2 C. de reb. cred.

3 Cuiac. l. 2. obsi  
c. 19.4 In l. Si duo Pa-  
troni §. vlt. ill. tit.5 Fest. in verbo  
mantile.

6 Gell. l. 16. c. 7.

7 Deut. 24.

Vide supple-  
mentum ad 3.

Part. S. Thom. 9.

68. art. 3. vbi du-  
plex lex testatur

opinio de repu-

dio, quarum cō-

munior est, hand

permissione non

cūcusasse à pec-

cato, sed tantum

à pœna secundū

legem infligēda.

8 Matth. 19.

Marc. 10.

9 Deut. 23.

10 Vide Cic. lib.

2. off.

11 Vide S. Thom.

2. l. q. 78. art. 1. ad

2. &amp; 3.



1 Cato in pro-  
œm. de re rust.

2 Sap. 6.

3 Hanc interpre-  
tationem velut  
certam & indu-  
bitam ponit  
R. episcopus Cu-  
nerus. c. 7. de off.  
Princip.

sceneratores, quos, tanquam alienæ substantiæ hircines,  
Romani cliu grauius quàm fures multabant<sup>1</sup>: neq; scor-  
tatores, & prostibulæ, aut diuortii per repudium sine iustâ  
causâ authores, Hyminis Hyminæi, & Iouis *ὀργάνος καὶ ἀγ-  
ρεύς*, Dei, inquam, Opt. Max. iudicium effugient: quamuis  
ciuiles omnes leges eludant, aut nullas esse cōtigerit, qui-  
bus ad iudicium subfelliâ iis de causis accusari, & ad pœnam  
rapi possint. Sic etiam Reges, quibus omnia iure regni so-  
lutissima sunt, quantumuis licet inter homines emineant,  
& humanæ coertionis timore liberentur: Deum tamen,  
qui eos cū purpurâ & sceptro in regni folio collocauit in-  
iuriarum in populum, & tyrānidis, atq; adeo omnium ini-  
quitatum suarum & inuestigatorē acerrimum & ultorem  
habent, *data est* inquit Sapiens<sup>2</sup>, *à Domino potestas vobis, &  
virtus ab altissimo qui interrogabit opera vestra, & cogitationes  
scrutabitur: quia cū essetis ministri regni illius, non recte iudi-  
castis, nec custodistis legem iustitiæ, nequē secundum voluntatem  
Dei ambulastis: horrendū & citò apparebit vobis quoniam iudi-  
cium durissimum in his qui præsumunt fiet, exiguo enim conceditur  
misericordia. potentes autem potenter tormenta patientur: Non  
enim subtrahet personam cuiusquam Deus, nec verebitur magni-  
tudinem cuiusquam, quoniam pusillum & magnum ipse fecit, &  
equaliter cura est illi de omnibus, fortioribus autem fortior instat  
cruciatio.* Existimo equidem istiusmodi exēplis locum hūc  
fatis illustrari, vt nemini in dubium venire possit, cur Sa-  
muel, cū populo Regem postulanti multa proposuerit,  
quæ tyrannorum propria videntur, ea ius Regis siue legem  
regni esse dicat: id enim perinde est ac si dixisset: Regem pe-  
titis, at eius quanta sit potestas ignoratis: illam ego vobis  
ostēdam, vt intelligatis eum vobis dari, cuius ferre vos Im-  
perium oportet in omnibus & perferre: & si quando boni  
Regis officium deferēs in fortunas & opes singulorum in-  
uolauerit, nulla vobis in eum animaduersio relinquetur:  
quia vos ei, ille Deo subiectus est<sup>3</sup>. Fieri enim potest vt  
Rex, ceteroquin bonus, vno aut altero forte adulterio, &  
homicidio contaminetur, qui cū ob eam rem dici tyrā-  
nus nequeat, illâ defensione vtetur rectissimē, qua iure  
Regis siue lege regni posse se id impunē facere, sed non de-  
bere tamen, contendat: qua de re copiosior alibi institue-  
tur disputatio. Hæc igitur, & similia quæ Samuel profert,  
cū facere soleant tyrāni, possint verò Reges absque pœ-  
næ humanæ metu, nihil vetat quo minus & Regum legiti-  
morum

morum iura, & tyrannorum iniurias verbis prophetæ, alia licet atque alia ratione, contineri dicamus. BOVT. Quid? tyrannorum ergo iniuriæ Regum iura censebuntur? id si ita est, Regibus an tyrannis pareamus, et si opinione hominum fortassis aliquid, re ipsa nihil interest: nisi quod grauiiores populo videri possunt quæ à Regibus, quam quæ à tyrannis acceptæ sunt calamitates. Siquidem vnusquisque nostrum non tam iniuriis ab inimico, quàm ab amico illatis commouetur: nec quicquam in vita homini molestius, quàm deferri diripique ab eo in cuius præsidio spem vitæ & dignitatis tuendæ collocarit. Præclare Rex Theodericus <sup>1</sup>,

<sup>1</sup> Cassiod. lib. 4. var. epist. 27.

*Detestabilis est quidem omnis iniuria, & quicquid contra leges admittitur, iusta execratione damnatur: sed malorum omnium probatur extremum, inde detrimentum suscipere, unde credebantur auxilia prouenire: exaggerat enim culpam in contrarium versa crudelitas, & maius reatui pondus est inopinata deceptio.* Cauesis igitur tyrannorum iniurias Regum iura vocites. Calumniosa siquidem plerisque videri illa interpretatio potest, quæ, quantû agnus ab apro, ab accipitre columba, imò quantû homo distat à bellua, tantû pastorem à populatore, Regem, inquam, à tyranno differre iudicant. Iura autem Regis præterea quæ possunt ea dici, quæ Rex sine iniuria exercere nequit? Scis enim vetus illud esse & verum, *ius ex iniuria leges facere non posse* <sup>2</sup>. B A R C. Et tu quoque

<sup>2</sup> Cic. lib. 1. de leg.

scis, neque insolens illud esse neque recens, *Summum ius summa sæpe iniuria* <sup>3</sup>: vel, *summa crux*, vt ait Columella <sup>4</sup>, & ab Vlpiano dictum, *quod perquam durum est, sed ita lex scripta est*.

<sup>3</sup> Cic. lib. 1. off.

<sup>4</sup> Lib. 1. cap. 7. de re rust.

Sed nos in eo genere nunc non versamur: Non enim inficias imus, nihil eorum quæ lege illâ regni continetur, quæque boni Principis officium excedunt, à Regibus citra iniquitatem tentari posse: neque an ius istud Regum cum populi iniuria coniunctum sit, vel minimum digladiamur. Sed an, & qua ratione, ius Regis sit, vel dicatur, exquirimus excutimusque. Nemo itaque nostram sententiam reprehendet, nisi qui eam, quo sensu dicta est, mente non assequetur: ac in primis quidem iis displicere non potest, qui superioris filium orationis sedatè nec oscitanter percurrerint. Nam ius hoc perinde Regis esse diximus, atq; exteris fœnerari, & vxores repudiare Israelitidum iura fuisse proponuntur: quod nempe qui talia committunt,

*Nil pœnas metuunt, nulla quia <sup>5</sup> lege tenentur.*

<sup>5</sup> Intelligit de humana lege.

Tantû illud in eos exclamare licet:

*Si genus humanum, & mortalia temnitis arma,  
At sperate Deos memores fandi atque nefandi.*

Et, ut vno verbo dicam, iniuria tyranni in facto: ius Regis in facti impunitate versatur. Vnde B. Gregorius vocat hoc ius de quo agimus ius regium tyrannorum <sup>1</sup>. *Electus Rex David*, inquit, *cum ad edificandum altare Domino, Ornam Iebusai aream peteret, regio illo tyrannorum iure non uti voluit.* Facebant igitur quæ Peregrinus quidam Rossæus, qui se peregrinum vocat in libro quæ inscripsit, *de iusta Reip. Christiana in Reges impios & hæreticos auctoritate*, Valde peregrina de hoc iure scripsit <sup>2</sup>, asserens Samuelē iuris verbo nihil aliud nisi morem & consuetudinem aliorum Regum significare voluisse: quasi verò vel populus ille impotentem vicinorum Regum dominatum ignorasset, ut ea de re docendus videretur: vel inclytus Dei propheta, imò ipsemet Deus per prophetam, appellasset vnquam tyrannicas illas iniurias, ius Regis, nisi aliqua saltem ratione ius dici possent, non possunt autem nisi ratione impunitatis, ut iam iam dictum est, ac proinde de eo iure sensisse Prophetam nemini in dubium vocari debet.

Quam iuris appellandi causam & rationem cum Ioan. Gerson in suis *Considerationibus* <sup>3</sup> parum consideratè animaduertisset, perperam & inscitè, quod pace tanti Doctoris dictum sit, vel certè nimis præcisè & obscurè eundem Samuelis locum nobis exposuit, *Clericus ille*, inquit Gerson, *malè & peruersè textum Biblia intelligeret, qui ad prædictos errores verba scripta primi Reg. 8. cap. vertere vellet: ubi sermo fit de institutione Saulis: hoc erit ius Regis. Nam verus literalis sensus alibi est, & specialiter Deuteronomii capit. 17. omnino oppositus: & etiam naturalis bonum iudicium, cui naturalis rationis bonum non contrariatur ius diuinum. Dictio hæc ius, non significat semper iurisdictionem seu iustitiam: sed significat interdum potestatem qua non est iusta, Versus, ius æquum, ius rectum, ius dicitur esse potestas.*

Hæc ille, in quibus duplex eius erratum cernitur. Alterum in eo quòd locum illum Deuteronomii omnino oppositum, seu contrarium loco Samuelis de iure Regis esse putauerit: quod falsum esse, & diuersas tantum, non etiam oppositas sententias locis illis contineri, iam satis superq; monstrauius. Alterum verò in vocabuli *iuris* explicatione, quod non satis scienter & peritè interpretatus est, *ius*, inquit, *significat interdum potestatem qua non est iusta.* Fateor:

scd

lib. 4. c. 2. exp.  
posit. in 1. Reg.  
Tom. 2.

cap. 2. sect. 10.

tract. ne Prin-  
cipes facis adu-  
latorum decipi-  
antur assertio-  
nibus, parte 4.  
alp. 66. lit. l. con-  
sider. 2.

sed hoc tamen in re qua de agitur, non satis explicatè, intelligentè, & illuminatè dictum est. debuit adiicere de qua potestate iniusta loqueretur, vtrum scilicet nudam efficiendi facultatem, siue potestatem quæ facti tantùm est intelligat: veluti quam quisque potentior opprimendi debiliorem habet, an verò potestatem iniustam quæ legis permissione nititur. Priore modo si intellexit, maximus eius & sine excusatione error est, tum quod nulquã apud vllum probatum linguæ latinæ authorem *iuris* vocabulum in ea significatione vsurpatum reperiatur: tum etiam quia iuris nomine ita sumpto, non magis ius Regis hoc esset de quo Samuel, quàm ius latronis, aut cuiuslibet potentis & peruersi, qui re vera & defacto (vt loquuntur) potestatem habet alios opibus atque adeò ipsa vita spoliandi, quo nihil quicquã absurdius. Ecquis n. vnquã fando audiuit aut sane mentis vnquam dixit, latrones viatorum spoliandorum & iugulandorum ius habere? & tamen iniustam hanc iugulandi potestatem, quæ facti est habet. Sin posteriore modo intellexit, rectè quidem intellexit, & nobiscum cõsentit, qui non id aliter intelligimus. Et verò potestas nunquam dicitur esse ius, nisi lege aut iubente aut permittente competat. *Legis virtus hæc est, imperare, vetare, permittere, punire* <sup>1</sup>. Potestas quæ lege imperate exercetur, semper iusta est, quæ verò legis permissu indulgetur, sæpe etiam iusta est: interdum autem iniusta, cùm scilicet vel maioris boni conferuandi vel grauioris mali euitandi causa conceditur, vt variis iam supra exemplis patefecimus <sup>2</sup>. Ex his itaq; perspicitur, nihil hac Gersonis *Consideratione* dici inconsideratius. Nam licet verum sit *Clericum illum male & peruersè textum Biblia intelligere* (vt ille loquitur) qui ex isto Samuelis loco Regi persuadere conatur, eũ in corpora & fortunas subditorũ manus iustè pro arbitrio posse iniicere, q̃ facere sine iniuria & summa iniustitia nequit: tamẽ *non male & peruersè*, imò optimè & rectissimè *textum Biblia intelligeret*, qui Regem ita facientem nullis humanarum legum pœnis coerceri posse, propter eundem Samuelis locum, affirmaret: quòd iure Regis nimirum, hoc est lege regni permittente, id faciat: Sed Deo tamen per quem regnat, & quem solum super se iudicem habet, maximas & acerbissimas tantæ sceleris & iniustitiæ pœnas daturum. Quæ cùm ita sint, consequens profectò iis est, ipsummet Gersonem *malè* (non dicam *peruersè*, propter viri cum honore defuncti exi-

<sup>1</sup> L. virtus D. de leg. Can. omnis dist. 3.

<sup>2</sup> Vide glos. ord. in cap. 5. Matt. in ver. det illi. & gl. in dict. Can. omnis.



I Confid. 7.

stimationem) aliam eiusdem tractatus sui *considerationem* conclusisse<sup>1</sup>. Quamvis enim verum sit, ut est verissimum, quod in illius considerationis principio scribit: nempe *errorem esse dicere terrenum Principem in nullo suis subditis dominio durante obligari: quia secundum ius diuinum & naturalem aequitatem, & verum domini finem, quemadmodum subditi debent fidem, subsidium, & seruitium domino: sic etiam dominus subditis suis fidem debet & protectionem*, tamen falsissimum est quod ibidem subiicit, perperamque ex istis principiis colligitur: Principem scilicet à subditis occidi posse, si eos manifeste & cum obstinatione in iniuria & de facto persequatur. Idque nulla sacra autoritate confirmauit, imò nec confirmare potuit, tantum tragici Senecæ, & Ciceronis testimonio usus est, quorum hic quidem non de legitimis Principibus in tyrannidem lapsis, sed de tyrannis verè proprièque dictis, id est dominationis usurpatoribus scribit: ille verò æqua, iniqua, læta, tristia, bona, mala, pro personarum qualitatibus & affectibus, tragædiis inferit, præclara scilicet Christiani dogmatis stabiliendi fundamenta. Quantò rectius Cunerus Episcopus<sup>2</sup>. *Regia potestatis licet ex lege Dei simul & ex iuramentis & pactis sint in exercitio limites & cancelli: nulla tamen pacta vel contractus diuina ordinationi, qua Rex potestatem suam habet, præiudicare possunt, ut populus aliquando contra Regem suum ad arma conuolare queat*. Cuius quidem sententiæ veritatem nos alibi certissimis sacris & profanis testimoniis, rationibus, & exemplis fusissimè demonstrabimus. Sed redeo nunc eò vnde me reuocasti, ut alio adhuc argumento errorem Buchanani coarguam.

Legem igitur regni hanc esse de qua loquimur, & non solum ad timorem populo Hebræo propositam, ne miseræ tyrannorum dominationi seipsum temere concederet, testimonio sunt manifestissimo ea quæ in Rege postea inaugurando & eius imperio in subditos stabiliendo, fecisse Samuelem ipsa eadem historia refert. Cùm enim Saulem clam vinctum fors ducta per tribus iam Regem palam designasset, eumque multitudo ouans fuisset amplexa, Samuelis ad populum rursus hæc fertur oratio<sup>3</sup>, *Certe videtis quem elegit Dominus, quoniam non sit similis illi in omni populo (stetit enim, in medio populi, & altior fuit uniuerso populo ab humero & sursum)* quo audito, clamauit omnis populus, & ait, *viuat Rex*. Peractis deinde omnibus, quæ vel eius seculi cōsuetudo ferebat, vel Dei monitu Samuel instituerat:

2 lib. de offic.  
Principis Christi-  
iani cap. 5.

3 I. Reg. 10.

tuerat: cum iam tempus soluendis comitiis instaret, sequitur in ea historia. *Locutus est autem Samuel ad populum legem regni, & scripsit in libro, & reposuit coram Domino: & dimisit Samuel omnem populum, singulos in domum suam.* Ecce repetitâ, scriptam, & coram Domino, id est in arca fœderis repositam legem regni: at quam? eam ipsam profectò, quam rogantibus initio Regem proposuit. Id enim ex verbis historię deprehendi potest: ait namque, *locutus est ad populum:* non dicit ad Regem, non ad populum & Regem: ea ergo lex erat, cuius pręcepta parendi potius quam imperandi modum, & rationem pręscriberent: iis siquidem populus non Rex, imbuendus erat. Pręterea id etiam ex eo perspicuè apparet, quòd legem hanc scripserit, & reposuerit coram Domino: quę si de Regis officio intelligatur, constat Samuelem nihil noui eo factò pręstitisse, sed actum egisse: ita ut inanis prorsus & superuacanea illa eius opera censeretur. Nam, ut superius relatum est multis ante Samuelem seculis tradita fuit lex regni complectens ea quę regii sunt muneris <sup>1</sup>, & eo in libro perscripta quem Moy- <sup>1</sup> Deut. 17. ses in latere arcę fœderis collocari iussit; ut esset ibi perpetuò in testimonium contra legis transgressores <sup>2</sup>. At nihil <sup>2</sup> Deut. 31. quicquam antè de populi obsequio, & patientia sub malis Principibus sancitum fuit nisi id quod semel verbo tenuit ipse Samuel paulò prius enunciauerat: ob eamque causam de illa re meritò ei curę fuit, ut lex, quę populum sui semper officii admoneat, proposita iam & promulgata, literis immortalitati commendaretur. Quę cum ita sint, consequens iis est, eius legis capita non solum ad deterrendam à proposito multitudinem, sed ad cohortandam quoque & instruendam, ut Regi ultra quàm par est imperioso humaniter & demissè obsecundet principiò fuisse vulgata: alioqui quid attinuisset eam iterum legem recitasse, atque in sacris condidisse monumentis, eo pręsertim tempore quo nullus pœnitentię locus, nullum mutandi cõsiliij spaciũ, nullum remedium, nulla denique metus iniecti vel iniiciendi utilitas, amplius supererat iis, quibus consultum voluit.

Verum ne coniecturis tantum, aut argumētis, licet grauioribus, meo Marte adductis egisse videar, Iosephum pręterea integerrimum & religiosissimum testem accerso, qui Hebręorum monumenta, quę vel mandata literis, vel maiorum traditione, in animis hæserant, si quis alius, optimè

1 Li. 6. antiq. c. 5. calluit. Is enim disertè scribit<sup>1</sup>, Samuelem post inaugurationem à se Saulem, & faustis populi acclamationibus Regem salutatum, scripsisse in libro, & reposuisse coram Domino, vaticinationem suam de cruciamentis, & malis omnibus quæ populus erat sub Regibus perpeffurus. Hæc autem vaticinatio quæ potuit esse alia, quàm lex illa regni, seu ius Regis quod paulo antè descripserat, cum Regem postulanti-  
 bus varias oppressionis afflictiones, aduersa quæ omnia minitaretur? Id ipsum confirmat, etiam communis Ecclesiæ obseruatio, annotatioque, apposita margini vulgatæ editionis, ad collationem Scripturarum faciens, quæ legem secundò promulgatam eandem fuisse docet cum ea quam initio Samuel proposuit. Sed operæpretium est ipsa Iosephi verba adscribere, λέγει δὲ ὁ περὶ φήτης, inquit, τοῦτον ὁ μὲν ὁ θεὸς ἔδωκε βασιλεία: ὁρᾶτε δὲ ὡς καὶ κρείττων ἔσται πάντων, καὶ τῆς ἀρχῆς ἀξιῶ: ὡς δὲ ἐπεὶ φήμησε τῷ βασιλεῖ σωτηρίαν ὁ λαὸς, τὰ μέλλοντα συμβῆναι οὐκ ἀπαγγέλλας αὐτοῖς ὁ περὶ φήτης ἀνέγνω τοῦ βασιλείως ἀκρωμάτων, καὶ τὸ βιβλίον πῆψιν ἐν τῇ τοῦ θεοῦ σκηνῇ, ταῖς μετέπειτα χρόναις μαρτύριον ὧν περὶ ἐρχομένη. id est. *Ait autem Propheta; hunc vobis Deus Regem dedit. Aspicite quàm sit omnibus præstantior, & imperio dignus. Postquam autem populus salutem & fælicitatem Regi precatus esset, Propheta scripsit mala quæ illis euentura erant. & legit Rege audiente, librumque reposuit in arca Domini, ut esset apud posteros testimonium eorum quæ prædixerat. Quæ cum ita se habeant miror profectò summopere Stephanum Brutum duobus in locis<sup>2</sup> suarum vindiciarum indubitanter scripsisse, Samuelem, quem falsò sacerdotem summum vocat, eam ipsam legem regiam quæ Deuteron. 17. capite extat, Sauli electo & constituto descriptam in volumine tradidisse: id autem vnde Brutus accepit equidem non animaduerto: non enim ex scriptura diuina, sat scio, nisi alios ipse Samuelis & Regum libros vidit, quàm qui sacro Bibliorum volumine continentur, aut nisi, ut cæteri suæ sectæ homines, in somnia sua & opinionum commenta, pro sacræ scripturæ testimoniis accipienda putarit. At quantò melius modestiusque B. Gregorius<sup>3</sup>: *Dum ergo regni lex scribitur, inquit, perpetua memoria poena traditur, qua audaces puniantur: qui quia per Domini iustitiam lata fuerat, coram Domino reponi prohibetur. Sed fortasse ius illud aliud fuit, quàm lex ista quæ scribitur. Quod si verum est, hanc Samuel coram Rege ad populū loquitur, ut Rex**

2 Quæst. 3. pag. 157. & pag. 157.

3 Li. 4. ca. ult. exposit. in 1. Reg.

sciat

*sciat, à populo quid exquirat: sciat populus quid exhibere suis Regibus debeat.* En vt id verecundè & dubitanter proponit vir sanctus, quod euidente sacrarum literarum probatione deficiat: vtque audacter asserit Brutus, quod nulla coniectura, nullo probabili argumento sustinetur. Nam licet verum sit ( quod tamen verisimile non est ) legem hanc aliam fuisse, quam ius illud Regis prius à Samuele diuulgatum, tamen non fuisse illam quæ in Deuteronomio descripta est, ex eo patet, tum quòd nulla necessitas nullaque ratio suasisse videtur legem iam latam, scriptam, & repositam coram Domino, quam recitare fuisset satis, iterum ferre, scribere, & reponere coram Domino: tum etià quia lex ista, si alia fuit, ea complectebatur quæ vel Rex à populo exigere; vel populus Regi exhibere debeat, vt ait D. Gregorius, cum tamen lege in Deuteronomio posita solius Regis officium describatur.

Superest nunc moneare Buchanani opinionem D. Thomæ sententia nequicquam iuuari. Nam neque ipse, neque alius Sanctorum Patrum, quod sciam, vnquam scripsit vel sensit Israelitas petiisse tyrannum, aut Saulem, Dauidem, Salomonem, & cæteros ritè inauguratos non fuisse Reges legitimos: quin potius contrà, & verè, & optimo iure Reges fuisse, omnes vno ore prædicarunt. Quid multis? à Buchanano non solùm viri boni & veritatis amantes dissentiunt, sed eius etiam ipsius sequaces, homines licet periti & mirè populares, in hoc desciscunt. Nam Brutus, qui primas inter eos fert, Israeliticum regnum omnium optimè constitutum fuisse tradit. Deinde verò quod scribit sanctus Thomas <sup>1</sup>; *ius illud non debeatur Regi institutione diuina, sed magis prænuntiabatur usurpatio Regum, qui sibi ius iniquum constituunt in tyrannidem degenerantes, & subditos depradantes:* id totum à nobis stat, & cum nostra explanatione consentit: qui Deum non iccirco ius istud proposuisse dicimus, quòd eo Rex sine iniuria populi, sineque peccato vti possit, sed vt Regem, tyrannicis moribus inquinatum, talia facturum prænuntiet: pro quibus tamen, etsi priuatus pœnam lueret, ipse à populo plecti nequeat. Alioqui ius istud non magis ius Regis, quàm ius singulorum de populo diceretur: nam quilibet factiosus & potens, in alterius fortunas inuolare, agros, oliueta, vineas auferre, sed & filios quoque ac famulas vi eripere potest; vt si iniuriam facti tantùm spectemus, ac non

1.2. quæst. 19.  
art. 1. ad 5.

etiam



etiam ius impunitatis, quo Rex singulari beneficio gaudet, æquè dicatur hoc esse ius cuiuslibet diuitis & potentis, atque ipsius Regis. Sed quia illum talia committentem publici iudicii reum facere, & pœnis lege constitutis subiicere licet, hunc verò non licet, cùm directiue tantùm, vt a iunt, non etiam coactiue, legibus humanis subfit, ob eam rem meritò vocatur ius Regis, quòd eius factum perinde legibus impunitum maneat, ac si verè secundum leges factum fuisset. Rursus quòd ait D. Thomas, ius hoc à Samuele propositum ad terrendum Israelitas, ne Regem peteret, quod & ante eum D. Hieronymus <sup>1</sup>, & Gregorius <sup>2</sup> admonuerunt, id nos quoque fatemur: fatemur, inquam, hanc fuisse causam, sed nec solam fatemur, nec illi dicunt: plus igitur quàm illi, non verò pugnantia illis dicimus. Quod autem non solum ad terrorem proposuerit id Samuel, perspicuis rerum argumentis & rationibus abundè iam demonstratum est.

Vides quo pacto aliquot elenchorum eius acies, hac interpretationis veritate retunditur, quam eo pluribus sum prosecutus, vt sit hæc vna omnibus cautio, ne decipi se capiosis maleuolorum hominum argumentis in hoc disputandi genere patiantur: quorum plerosque inuidia, non nullos gloriæ & laudis ex ingenio comparandæ libido ad scribendum impellit: sed ita vt ab omnibus peccatum sit in eo grauiter, quòd cùm materiam omni iudicio illustrè iuxta ac vtilem tractandam susceperint, vel nolint, vel nesciant imperii potestatem ab officio imperantis distinguere: cùm tamen nihil aut in præceptis philosophorum, aut rerum gestarum exemplis ex omni seculorum memoria, planius certiusque intueri liceat, quàm hæc officii & potestatis distinctionem in personis tam publicis quàm priuatis. Scitum est illud Catonis <sup>3</sup>, *potentes parcè uti debere potestate sua, vt eam semper retinere possint*: & tamen nullum tempus tribuendi officii non est amplectendum.

Quo pertinet memorabile illud factum Clodouæi primi Francorum Regis Christiani, cuius animi moderatio Xerxis insolentiam in suo genere superauit. Id quoniam nunc animo occurrit, quibus relatum est verbis ab ipso auctore, recitabo <sup>4</sup>. *Exercitus Francorum multas Galliarum ecclesias inuadens, thesauros earum diripuit (Clodouæo nondum ad fidem conuerso) unde inter cetera spolia, de ecclesia Remensis vrceum miri ponderis simul & decoris assortauerunt: pro quo beatus*

*Remi-*

<sup>1</sup> In cap. 8. Osee.

<sup>2</sup> Lib. 4. c. 2. in l.

Reg.

<sup>3</sup> Plut. in apoph.

<sup>4</sup> Amoin. li. 1. c. 12. & Grego. Trist. lib. 2. hist. c. 27.

Remigius, ipsius urbis pontifex, legatum ad Clodouaum direxit, multa prece deposcens, ut si non aliud recipere mereretur, saltē urceus ille sibi redderetur. Tunc Rex legato praecepit dicens, sequere, inquit, me usque Sueffionis, ibi qua capta sorte missa diuidentur: Et si mihi fors iusta vas, pro quo oras, dederit, in recipiendo eo nulla tibi generabitur mora. Parens ille praecepto, iter Regis usque ad destinatum prosecutus est locum. Quò cum peruenissent, ex Regis edicto suppellex cuncta in medium desertur, sorte diuidentur. Porro Rex veritus ne sorte missa urceus ad alterius deueniret dominiū, conuocatis principibus hac eos alloquitur oratione. Cum rationis ordo exposcat Principem imperare potius subditis, quid velit quàm prece deposcere, ego tamen fortissimi commilitones malo cum gratia quàm cum austeritate quicquā à vobis exigere, Tyrannorum quippe est lenia quaque cum vi et feritate subiectis praeperere: bonorum verò Principum ad grauiam etiam ac difficilia toleranda, sola lenitate inuitare verborum. Regii itaque dignitas nominis, pii patris debet exempla sectari, ut plus reuerentia sibi ex benignitate, quàm timoris exigat ex crudelitate. Rectius igitur duxi mansueti animi beneuolentia id vos rogare, quod possum regia usus auctoritate inconsultis vobis praeperere. Vnde oratos vos omnes esse volo, ut vas istud (urceum demonstrans) vestra mihi munificentia extra sortis meae portionem tribuat, deque remunerationis premio nullus vestrum ambigat cum me retributorem profitear, si hoc cum bona quiuero impetrare gratia. Ad hac Franci, respondentes Regi, dixerunt. Nos ô inclyte Rex, sacramento olim tibi fidem promissere colimus: utque mortem pro corporis tui salute subire parati essemus, profiteri non erubimus. Si ergo vitam ipsam, qua cunctis charior est opibus, tibi vouimus, quid maius erit quod iussu negemus? Sanè ex his spoliis non partem, sed totum tue potestati cedimus; ut volueris fac: aut mergi fluminibus, aut flammis iubeas tradi voracibus, nil ad nos attinet, tantum ut tuo satisfiat desiderio. Tam deuotam totius erga se exercitus voluntatem Rege admirante, atque laudante, unus ex Francis lenitate animi commotus, gladio urceum percutiens ad Regem dixit. Tu inquam, Rex, hinc nihil accipies, nisi quod tibi vera fors auferre permiserit. Mirantibus ceteris, simulque audaciam viri incusantibus, Rex moleste id se ferre dissimulans, vas supra memoratum legato pontificis reddidit.

Emenso labentis anni curriculo, idem princeps exercitum adunari praecepit in campo qui Martius dicebatur: generale proponens edictum ut sic adessent armati, ac si contra hostes pugnaturi. Proce-  
cedit eo loco quo iussu fuerat exercitus gestis militia clarus, ac ar-

*morum nitore conspicuus: Progreditur & Rex Clodouæus ordinatum suorum aciem inspecturus: circuitoque agmine deuenit ad eum qui vrceum suo percusserat mucrone, quem intuitus taliter alloquitur. Vniuersum, inquit, perlustrans exercitum, ignauiores non reperi, nec inutiliora gerentem arma conspexi. Nam nec hasta aut clypeus, nec galea aut gladius alicuius sunt utilitatis. Et extensa manu Franciscam eius terra deiecit (que spata dicitur) ad quam recipiendam cum se ille inclinasset, Rex suam vagina exemit, eiusque cerniti valido conamine illisit dicens. Sic tu Sueffionis in vrteo illo mihi fecisti. Eo itaque mortuo, Rex unumquemque ad propria redire precepit. Grandis propter hoc factum Francos terror inuasit, & ne quis eius voluntati in posterum contraireret, coercuit. Inerat vultui eius grauitas mixta alacritati, ut & incunditate aspectus mulceret probos & seueritate terreret improbos.*

Libuit integram rei gestæ historiam referre, quamquæ particula ad id quod agimus sat esse videbatur: inest enim in ea boni Principis expressa imago, qui non tam quod potest, quam quod debet in imperio facit. Impetrat Clodouæus à volentibus, quod ab inuitis potuit extorquere: & datam sibi iure regni potestatem, honestatis & humanitatis legibus temperauit. Nam quod publico scelere violatum in Principe suo exercitum publicè expiarit, &, dissimulata ad tempus offensione, hominem ex multis milibus vnum audacem, refractarium, seditiosum, & maiestatis etiam contemptorem, tam insigniter & dexterè peremit: id tantum abest ut ei probo vertatur, ut reliquis eius heroicis laudibus annumerari debeat. Eam ipsam potestatem agnouit Cæsar<sup>1</sup> quidem, sed non exercuit: licenter nimis & arroganter eos facere dicens, qui de officio Imperatoris desperare, aut ei præscribere audeant: quæ plus se ipsos, quam Imperatorem, de victoria atque exitu rerum sentire existimant.

Sed nolo nunc plura in hanc sententiam dicere: Neque enim cum tuo hortatu in eam digrederer, tam multis mihi opus fore credidi, ad hunc Buchananani de Regibus Hebræis errorem refellendum. Cæterum de absolutâ Principum potestate, & commissis eorum à populo non puniendis, aptius & vberius alio loco dicitur<sup>2</sup>: tempus enim nunc instat abire hinc nos, & Vale dicere. BOYR. Nec morari te audeo diutius, nec libens discedere permitto. Quamuis enim fidem tuam egregiè liberaſti, & meum hac in re expleſti deſiderium: tamen ingens me adhuc libido tenet

<sup>1</sup> Lib. 1. de bell.  
 Gall. & li. 7.

<sup>2</sup> Tractatur hæc  
 infra, li. 3. & 4.

tenet audiendi ex te aliquid de legum origine, imperio & potestate: (quod disputationis caput, cum de illo antè mētio fieret, huius loco visus es referuare) aspice in æstuali signo surgentem iam solem: abunde tibi est antemeridianæ lucis ad ea quæ cupis: tuasque ego hodie preces & prandium tardare parum per volo, non tollere. Agedum ergo, legum fontes ortusque paucis scrutare, ut utrum iidem illi, quos aduersarius autumat, sint, necne videamus. Nam is Regibus duo iniecit vincula æctissima, consiliariorum nempe arbitria, assensionisque, & legum imperium: ex quorum altero nodis omnibus dissolutis eripuisti eos strenuè: altero verò similiter si iure nunc eos exuas, liberos tandem, atque solutos, in oculos hominum produces.

BARC. Quid non tuâ gratiâ fecero? innexum me habes vinculis multò grauioribus, quàm ille Reges: sanctissimâ videlicet amicitia lege, qua velut coactus aliquid temporis adhuc recidam, atque iis aculeis euellendis tribuam, quos isti, si Deo placet, philopatrides, falsis assertionibus, & deprauatis authorum locis in animos hominum mentisque infigunt.

Verum ne qua illis iniuria fieri videatur, si suppressa ipsorum sententia, refutationem tantum subiecero: lege breuiter, si placet, quæ Buchananus de legum origine præscripserit: ita enim commodissimè fiet ut obscuriores eius errores aduersantium argumentorum lumine deprehendantur. BOYT. Legum originem Regum ille temeritati ascribit: quippe gentes, Regum vitia pertasæ, leges sibi coeperunt constituere, quæ populum Principemque tenerent. Is enim ubi Reges initio tutandæ æquitatis causa constitutos fuisse dixisset, mox hæc ad verbum adiecit <sup>1</sup>. Id illi si tenere potuissent, imperium quale acceperant, tenere perpetuo potuissent: hoc est liberum & legibus solutum. Sed (ut humana sunt omnia) statu rerum in peius prolabente, quod publica utilitatis causa fuerat constitutum imperium, in superbam dominationem vertit. Nam cum libido Regum pro legibus esset, hominesque in potestate infinita & immoderata collocati sibi non temperarent, sed multa gratia, multa odiis, multa priuatis commoditatibus indulgeret, Regum insolentia, legum fecit desiderium. Leges igitur hac de causa inuenta sunt à populis, Regesque coacti non sua in iudicio licetia, sed quod populus in se dedisset iure uti. Et alio in loco <sup>2</sup>, Regis au-

1 Pag. 24.

2 Pag. 35.

tori-



toritatem à lege pendere eâ potissimum ratione nititur ostendere, *quia non Rex legi, inquit. sed lex Regi coercendo quaesita est: & à lege idipsum habet quod Rex est. Nam absque ea tyrannus esset.* BARC. VAH. BOVT. Quid mirare? BAR. Quæ fundit mera mendacia. Agedum ergo refer nunc animum sis, vt omnes inecum Reipublicæ formas volutando, legum in singulis constituendarum originem perquiras: & inuenies proculdubio earum ferendarum neque causam eandem, neque modum esse, qui ab isto perscriptus est. Nam primùm conuenientes in vnum homines, atque ab illo agresti & inculto viuendi genere ad communis vitæ societatem digressos cupido statim incessit vnus alicuius arbitrio se committendi eiûsque potissimum quem cœtus & societatis suæ authorem habuerant. Hunc, siue Ducem, siue Regem mauius appellare, satis constat multitudinem sibi commissam incerto iure, & sine lege variè suo arbitrato principio gubernasse: idque isti neutiquam inficiantur. Itaque regalem, siue monarchicam dominationem, antiquissimam esse, imò solam primis temporibus obtinuisse, illustrius est, quàm cui probando insuderur. Inde fit, vt tamen si in rerum gestarum monumentis perscriptum reperiatur, qui primi Democratias, aut Aristocratias in antiquissimas ciuitates inuexerint: tamen qui primi Reges fuerint, paucis compertum sit. Vel quia verisimile non est literas æquè ac primos Reges vetustas extitisse: vel si quis literas etiam tunc fuisse contendat, certerè rerum scriptores multo pòst tempore cœpisse fateatur necesse est<sup>1</sup>. Nam & Græciæ ciuitates, in quibus maxima fuit Reipublicæ administrandæ varietas, omnes initio Regibus paruerunt: <sup>2</sup> & Asiæ populi omnes (quos antiquissimos esse vel ipsa hominis in ea creatio satis indicat) Regum nutu olim gubernabantur. Principio, inquit Iustinus<sup>3</sup>, *rerum gentium nationumque imperium penes Reges erat, quos ad fastigium huius maiestatis non ambitio popularis, sed spectata inter bonos moderatio prouehebatur. Populus nullis legibus tenebatur: arbitria Principum pro legibus erant.* Idem testatur Cicero, qui omnes antiquas gentes Regibus quondam paruissè scribit<sup>4</sup>. Et Salustius<sup>5</sup>, *Igitur initio Reges (nam in terris nomen imperii id primum fuit) diuersi, pars ingenium, alii corpus exercebant.* Postea verò quàm displicuisset nonnullis hoc regiminis genus, siue quod persense-  
rant iniqua sibi à Regibus imperari, siue quod vt veritimi-  
lius

<sup>1</sup> Diod. li. I. c. I.

<sup>2</sup> Dion. Halicar. li. 5. antiq. Cic. li. 3. de Legib.

<sup>3</sup> In princ. hist.

<sup>4</sup> Li. 3. de Legib.

<sup>5</sup> Lib. de Coniur. Catilinæ.

lius est, ambitiosorum hominum instigatione odium illud in Reges conceperant: tum alii alias, ut quæque maxime arridebat, Reipublicæ formas sibi arripuerunt: nec vlla ferè reperta est ciuitas, quæ excusso Regum iugo, eadem semper administrandæ Reipublicæ formæ contenta fuerit. Adeo enim præceptum est via vitæque mortalium, ut ubi ab optima semel abscesserint, vix usquam consistent donec in pessimam prolabantur. Certè Populum Romanum omnes publici regiminis species pertentasse, si opus esset & otium, hic facile demonstrarem.

Videamus ergo quæ causa legum ferendarum, & quis modus tam in regia, quam aristocratica, & populari gubernatione fuerit. Ac ut à posterioribus prius ordiamur, quis non videt leges in istis ea potissimum de causa expetitas, quod cum permulti essent viribus & gratia pares, qui non vnius alicuius iusso parebant, necesse fuit tumultuantium discordes animos legum vinculis, & aliqua iuris æquabilitate continere? ac proinde,

*1 Iura inuenta metu iniusti fateare necesse est,*

*Tempora si fastosq; velis euoluere mundi.*

1 Hor. li. 1. Sat. 9.

Causam tenemus, modus peruestigandus. Legibus igitur eiusmodi constituendis, nunquid ipsi initio populi præfuerunt? nunquid ipsi eas suo iudicio sancierunt? minime gerunt. Sed vnum aliquem, cuius fidem & auctoritatem sequebantur, legum & sanctionum suarum latorem singuli deligebant. Nam, ut antiquissimas oligarchias aut democracias commemorem, nonne cum regnari desitum esset Athenis, siue post mortem Ægei, ut quidam existimant, siue, ut aliis placet, post Thesei & Menesthei genus extinctum <sup>2</sup>, Populus Atheniensis, qui tunc sine duce & sine capite incerto iure utebatur, Draconi legum ferendarum potestatem contulit? cuius scita, quamuis seuera & impendio acerbiora essent, utpote quæ ob leuiiores noxas, veluti pomi aut oleris furtum, capitale supplicium irrogarent <sup>3</sup>, & parem omnibus delictis pœnam constituerent <sup>4</sup> (ut non immeritò Demades dixerit eum sanguine non atramento leges suas scripsisse <sup>4</sup>) tamen eas populus nec grauatè amplexus est, nec oscitanter aut solutè coluit. Et quamuis scirent plerique dura quædam & diris legibus contineri, & quæ viuendi libertatem, qua prius usi fuerant, plurimum diminuerent: diu tamen hominis illius iudicio velut oraculo quodam sacrosancto contenti, iisdem legibus

2 Plut. in Thesei vita. Pausan. in Atticis.

3 Gell. li. 11. c. 18.

4 Plut. in Solo.

bus paruere. Ac rursus, ut est ingenium omnium hominum ab arctiore vitæ conditione ad libertatem proclive, vbi idem populus obseruationis dissuetudine velut tacito consensu, eas ipsas leges in totum ferè obliterasset: & Athenæ tribus grauitè factionibus premerentur, Epacriorum scilicet, Paralorum, & Pedæorum, qui omnes inter se discordes & animis abalienatis, legum & iudiciorum ordinem, atque adeò totum ciuitatis statum euertere videbantur: nonne communibus omnium suffragiis, adhibito etiam iureiurando, vnus electus est Solon, quem totius dissidii arbitrum, & legumlatorem constituerunt: sed quantum potestate, audi. Solonem, inquit Plutarchus<sup>1</sup>, Athenienses Reipublicæ emendatorem ac legislatorem designauerunt: nec verò potestatem ei vllis circumscriptam cancellis tribuerunt. Sed ut semel vniuersa, magistratus, iudicia, curiam, & horum cuiusque censum, numerum, & tempus definiret: utque præsentia instituta, pro arbitrio, vel abrogaret, vel confirmaret. Numquod hic sibi populus ius arrogauit? numqua eius alia autoritas hic conspicitur, præter illam qua sponte suâ se autoritate abdicauit, quaque ut rata forent quæ ab isto sciscerentur vniuersi statuerunt? ea enim rogatione perlata, ius omne & facultatem legum condendarum à se in legislatorem transulerunt.

1 in Solone.

2 Arist. lib. 2. Polit. c. 4. & c. ult.

Pari modo & autoritate Zaleucus Locrensis, Philodon Corinthiis, Androdamus, Philolaus, Charondas, Catreneus, & cæteri similes, alius aliis, leges tradiderunt<sup>2</sup>. Sic etiam Populus Romanus, Decemviris, quos legibus mutandis à Græcis præfecerat, summum & absolutum imperium, sine vlla prouocatione, tribuit: eo tantum à cæteris discrepans quod decem pro vno dominos habuerit. *Exactis deinde Regibus, inquit Pomponius, lege Tribunitia omnes leges hæc exoleuerunt: iterumque cepit Populus Romanus incerto magis iure, & consuetudine ali, quam per latam legem: idque prope viginti annis passus est. Postea, ne diutius hoc fieret, placuit publica auctoritate decem constitui viros, per quos præterentur leges à Græcis ciuitatibus, & ciuitas fundaretur legibus quas in tabulas eboreas perscriptas pro Rostris composuerunt, ut possint leges apertius percipi. Datumque est eis ius eo in anno ciuitate summum: uti leges & corrigerent, si opus esset, & interpretarentur: neque prouocatio ab eis, sicut à reliquis magistratibus, fieret.* Nemini itaque obscurum esse potest, legis in his Rerum-

Rerum publicarum generibus, non Regum in ordinem cogendorum, sed multitudinis in officio continendæ causa fuisse expetitas: neque populū vni alicui quem domitum voluit, sed vnum eas toti populo præstituisse. Nec aliud putes sensisse Ciceronem in officiis <sup>1</sup> cum <sup>1</sup> Lib. 2. dicat, eandem constituendarum legum causam fuisse quæ Regum, *iis enim, inquit, semper quasitum est æquabile.* quem locum, & quæ eum sequuntur apud Ciceronem, idem ille Buchananus ad suæ sententiæ confirmationem ineptissimè sine vlla ratione detorquet <sup>2</sup>. ne <sup>2</sup> Pag. 22. que enim quicquam iis verbis continetur, ex quo Regum coercendorum causa leges inuentas fuisse colligatur. BOVTR. At id tamen ab eo positum est, tanquam solidum totius disputationis fundamentum, vel vt eius verbis vtar, veluti fons quidam vnde istam suam doctrinam hauserit. BARC. Idem & Brutus facit, qui vt est Regibus infensor, ita etiam in comminiscendo impudentior, cum ex eodem Ciceronis loco bina, imò trina mendacia prauæ interpretationis subtilitate consuât. <sup>3</sup> Sape verò, inquit, dum arbitria Regum legum instar essent, <sup>3</sup> Quæst. 3. pag. 114. eueniebat, vt alia aliis loquerentur, leges tum, qua cum omnibus una eademque voce loquuntur, à prudentioribus & ceteris magistratibus proximè inuenta fuerunt. Regibus verò id præcipuè muneris commendatum, vt legum custodes, ministri, & conseruatores essent. Ne verò legi vim facerent, oppressores subinde Regibus à populo adiuncti fuerunt. Hæc ille. Cuiusmodi multa in istis scriptoribus queri omnes, mirari nemo debet: nisi qui eorum ingenia non satis cognita habet & perspecta. Nam is ei hominum generi mos est, vt vbi semel à veritate deflexerit veritatem se tueri, & veterum authorum vestigiis insistere, superba sententiæ obstinatione contendat. Quoniam igitur vtriusque, Buchanani, inquam, & Bruti error idem est, parque figmentum, in illius opinionis refutatione huius mendacia detegentur. Audiamus itaq; quantum istis astipuletur Ciceroni: ipsa eius verba hæc sunt. *Mihi quidem non apud Medos solum, vt ait Herodotus, sed etiam apud maiores nostros iustitiæ fruenda causa videntur olim bene morati Reges constituti. Nam cum premeretur initio multitudo ab iis qui maiores opes habebant, ad vnum aliquem confugiebant virtute præstantē, qui cum prohiberet iniuria tenuiores, aequitate constituēda summos cum infimis pari iure retinebat. Eadēq; constituendarū legum causa fuit. quæ*



*Regum, ius enim semper est quaesitum aquabile, neque enim aliter  
esset ius: id si ab uno & iusto viro consequerentur, eo erant cōten-  
ti, cum id minus contingebat, leges sunt inuenta, quæ cum omni-  
bus semper una atque eadem voce loquerentur. Ergo hoc quidem  
perspicuum est, eos ad imperandum deligi solitos, quorum de iusti-  
tia magna esset opinio multitudinis: adiuncto verò ut iidem pru-  
dentes haberentur, nihil erat, quod homines his auctoribus non  
posse consequi se arbitrarentur. Num quod vel minimum in  
his verbis indicium inest, ex quo ad Reges in ordinem co-  
gandos, leges inventas appareat? Audis Ciceronem dicen-  
tem eandem legum constituendarum causam fuisse, quæ  
Regum: non ergo Regis, sed populi cohibendi, & in officio  
continendi causâ leges latæ fuerunt: nam teste eodem,  
Reges initio electi sunt eius ipsius æquabilitatis fruendæ  
spe: Cum premeretur, inquit, multitudo ab iis qui maiores opes  
habebant, ad unum aliquem confugiebant, hoc est, ad Regem.  
Multitudinis igitur subleuandæ causâ desideratus Rex est.  
Postquam verò pertæsum fuerat Regum, & iterum populi  
sine ducibus esse cœperant, leges sibi aliæ alias, pro arbi-  
trio gentes constituebant, quibus Regum vice vniuersi si-  
mul parerent; delectis ad id munus viris, omnium opinio-  
ne, prudentia & auctoritate præstantibus, qui istis legum  
sanctionibus cunctorum vtilitati consulerent. Quid hoc  
ad Reges legibus subiiciendos? nunquid aut legum vincu-  
la iis iniecta à populo, aut sub eorum imperio multitudi-  
nem leges sibi tulisse, hoc argumento potest colligi? Equi-  
dem demiror hominem doctum vsque adeo oblitum sui,  
ut ea antecedentibus adiungeret atque annecteret conse-  
quentia, quæ nulla ratiocinandi formula inter se possunt  
congruere: vereorque ut fides potius quàm scientia in eo  
desideretur: nec enim quia ista eum fefellerunt, sed quia i-  
stis alios fallere cupiebat, talia ab eo scripta probabile est.  
Ad rem verò: quid multis? annon hac una ratione victi cō-  
ticeant, quod in democratico ciuitatis statu, & aliis extra  
monarchiam Reipublicæ formis, leges expeti ferrique  
Regum coercendorum causa non poterant, cum ibi Re-  
ges nulli essent. At cogitabant forte de Regibus recipien-  
dis, & ideo legibus latis sibi præcauebant: nugæ. regium  
nomen nonnulli eorum adeo perhorrescebant, ut ne hau-  
rire id quidem auribus sine odio & indignatione possent.  
Esto igitur, eandem legum constituendarum causam fuisse,  
quæ Regum, ut ait Cicero: ei tamen consequens haud  
erit,*

erit, quod isti inferunt, Regibus scilicet cogendis leges introductas : sed hoc tantum, æquitatis & iustitiæ fruendæ causâ, cuius ergo Reges, vt idem refert, initio fuerunt constituti.

Superest itaque de legum origine sub Regibus videamus, verum quoniam hesterno sermone pollicitus sum <sup>1</sup> *Suprà lib. 1.* me aliam præterea Regum constituendorum causam Ciceroni quidem ignotam, Buchananano inuisam tibi proponere, id prius hoc loco commodè absoluam.

Animus humanus, cum sit nihil aliud quàm quædam diuinæ mentis particula, vt ipsemet Cicero testatur <sup>2</sup> &, si <sup>2</sup> *Li. vlt. Tusc. q.* rectus est, veluti Deus quidam in humano corpore hospitans, vt ait Seneca <sup>3</sup>: vel certè, quod res est, opus Dei ad eius <sup>3</sup> *Epist. 3. li. 4.* ipsius similitudinem creatum <sup>4</sup>, ita suas actiones instituit <sup>4</sup> *Gen. 1. cap.* & componit, vt, quantum per terrestre hoc & turbidum inuolucrum possit, simplicissimam ideæ suæ naturam identidem referat. Quo fit, vt non modò ratio & iudicium (quæ, depulsa erroris nebula, docent atque explanant quid faciendum fugiendumve sit) verum etiam innata quædam in homine propensio, illam ei regiminis formam, quæ vnus principatu contenta est, vt optimam & antiquissimam commendat: tum quia diuinæ gubernationis, cuius instar habet, similitudo & velut imago quædam in ea emicat: tum etiam quia lenior est illa subiectio, quæ vnus, quàm quæ plurium iugum hominibus imponit. Quapropter licet regnorum quidem institutiones iuri gentium rectè tribuantur, quòd ea populi, dictante docentèque ratione, primitus amplexi sunt: tamen quæ homines occulto quodam naturæ instinctu ad ea inclinabantur, eatenus iuris naturalis dici possunt. Ac proinde, si quis rem altius reperat, inueniet regalia cum ipso humano genere cœpisse atque creuisse imperia. Deus enim in mundi constitutione vnum creauit Adamum ex quo omnes ortum traxerunt <sup>5</sup> *Act. 17.* nec mulierem de limo, sed de viro producere voluit: vt in ordine generis humani, omnes vnum caput vnūque communem parentem agnoscant: quod ideo fecisse Deum Chrysostomus ait <sup>6</sup>, vt regnum <sup>6</sup> *Homil. 34. in 1. ad Corint. c. 13.* democratiâ præstantius, & sibi gratius esse significaret. Certè post cataclysmum, Sem quamprimum in aliquot posteros suos regiam sibi dominationem assumpsit <sup>7</sup>. *Suprà demonstratum est, ex D. Hieronymo.* Abrahæ autem seculo, qui nondum effluxistrecenis post diluuium annis natus est, regulorum tanta multitudo fuit,

1 Genesis 14.

2 Iosue 12.

3 Iud. 1.

4 Dictys Cre-  
tenf. lib. 1. Dares  
Phry.5 Flavius Vopi-  
scus in vita Pro-  
bi.

vt nouem vno tempore in exigua Asiæ parte congressos fa-  
era nobis Scriptura referat <sup>1</sup>. Inque illa terræ plaga quam  
Dominus Israelitis concessit, Iosue triginta vnum Reges  
percuississe fertur <sup>2</sup>. Et iisdem temporibus Adoni-besee  
septuaginta Reges à se victos amputatis manuum ac pe-  
dum summitatibus, reliquias ciborum sub mensa sua  
collegisse fassus est. Transactis deinde aliquot seculis,  
triginta duos Reges auxilios ad Ben-adad Regem Sy-  
riæ cōuenisse sacra Regum historia memorat. <sup>3</sup> Quo mi-  
nus mirari oportet, quod antiqui scriptores tradiderunt <sup>4</sup>,  
Reges ex Græcia plus minus septuaginta ad suscipiendum  
in Troianos bellum conspirasse: vel, quod ante Cæsaris  
aduentum totidem, imò plures, in Gallia Reges imperita-  
rint, quàm quot ibidem nunc numerantur provinciæ:  
quoddque ex Germania nouem Reges ad Probum suppli-  
ces confluxerunt <sup>5</sup>. Inde illud tractum arbitror, quod ani-  
libus fabulis, quo pueri delectantur, velut condimentum  
quoddam aptari solet: homines nēpe errabundos & pere-  
grinos, quoquod versus se proriperent, alternis ferè diebus  
ad regiam aliquam diuertisse: quod prisca illius seculi sta-  
tum considerantibus, neque incredibile, neque difficile et-  
iamnum iudicabitur.

Hæc illa est creandorum Regum, & monarchiæ ample-  
ctendæ causa abstrusior sanctiorq; , ipsius diuinæ maiesta-  
tis referens vnitatem: ad cuius etiam instar æternitatis, nō  
annuum vel menstruum imperium, vt magistratibus qui-  
busdam, sed perpetuum & stabile, quoad spiritum ducunt  
tribui Regibus solet.

Et verò ne quis hanc Regum constituendorum cau-  
sam (vt vocant) impulsuam mente & ratione tantum  
positam existimet, ac non potius ei, quam diximus, vi oc-  
cultæ, & naturæ facilitati tribuendam: cætera animan-  
tia contempletur, quibus natura parem ingenuit monar-  
chiæ sectandæ cupiditatem. Nam quæ bruta faciunt con-  
citatione naturali, ea si ab hominibus concurrente et-  
iam ratione fiant, iure naturali fieri dicuntur <sup>6</sup>. *Muta ani-  
malia, & ferarum greges, duces suos sequuntur* <sup>7</sup>. In apibus  
Princeps & Rex vnus est, erga quem tanta cernitur fides, tā  
flagrans studium, vt

*Regem non sic Ægyptus, & ingens  
Lydia, nec populi Parthorum, aut Medus Hydaspes*

Obfer-

6 Vide Cuiac.  
in not. ad Tit. de  
iure nat. gent.  
Instit.7 D. Cypria. de  
idol. vani. D. Hie-  
ron. epi. 4. tom.  
1. Can. in apibus

7. q. 1.

*Obseruent. Rege incolumi mens omnibus una est:*

*Amisso, rupere fidem, constructaque mella.*

*Diripuerunt ipsa, & crates solvere fauorum.*

*Ille operum custos, illum admirantur, & omnes*

*Circumstant fremitu denso, stipantq; sequentes:*

*Et saepe attollunt humeris & corpora bello.*

*Obiectant, pulchramque petunt per vulnera mortem.*

Grues etiam vnā sequuntur ordine literato. Quid, quod in singulis ceruorum armentis ducem vnum, & velut principem cernere licet, ad cuius nutum progrediuntur, sistunt, & regrediuntur, non secus ac in bello milites. Idque ego notabili præter cætera spectaculo semel edoctus fui. Anno enim redemptionis nostræ sexagesimo tertio supra sesquimillesimum, Comes Atholiæ ex regio sanguine princeps, venationem ingenti apparatu, & magnis sumptibus, optimæ atque Illustrissimæ Reginæ Scotiæ exhibuit, cui ego tunc adolescens interfui (cuiusmodi venationem *regiam* nostrates appellare solent.) Habebat autem Comes ad duo millia Scotorum montanorum, quos vos hic Scotos syluestres appellatis, quibus negocium dedit ut Ceruos cogerent ex syluis & montibus Atholiæ, Badenachæ, Marriæ, Morauix, aliisque vicinis regionibus atque ad locum agerent venationi destinatum. Illi verò ut sunt valde pernices & expediti, ita dies noctesque concursarunt, & intra bimensis tempus amplius duo millia ceruorum cum damis & capreis vnum in locum compulerint: quos Reginæ, principibusque in valte confidentibus, & cæteris qui vna aderant omnibus, visendos venandosque proposuerunt. Sed ita mihi crede, omnes illi cerui velut agmine composito incedebant (hæret enim, hærebitque semper id animo spectaculum meo) ut ducem vnum & rectorem cerneret præuentem, quem alii quoquod iret subsequebantur: is autem

*Cervus erat forma præstanti & cornibus ingens.*

Virg. 7. *Æneidos.*

Qua ex re non mediocrem animo Regina cepit voluptatem: cepit mox & timorem ubi ad eam Atholius, qui talibus a pueritia venationibus assueuerat: Vides, inquit, ducem illum cornigerum qui turmam præit: periculum nobis ab illo est. Si enim aliquis eum furor timorue, ab isto montis dorso in hanc planiciem compulerit, nostrum sibi quisque prospiciat: nemo certè ab iniuria tutus erit.



quandoquidem cæteri eum sequentur confertim, & viam sibi ad hunc, qui à tergo est, montem nobis proculcatis statim aperient. Cuius sententię veritatem alius illico euentus patefecit. Laxatus enim Regine iussu atque immissus in lupum insignis admodum ac ferox canis, dum fugientem insequitur, ita ceruum illum ductorem exterruit, vt retro vnde venerat fugam capesseret: cunctique cum eo regressi eruperunt ea parte, qua montanorum corona arctissimè cingebantur: ipsis verò montanis nihil spei, nihil perfugii reliquum fuit, nisi vt strati in erica pronos se proculcari, aut præteriri paterentur: quorum nonnullos cerui transiliendo vulnerarunt, alterum quoque aut tertium peremerunt, vt statim Regine nunciatum fuit. Et verò ita glomerati euassissent omnes, ni homines illi venatus peritissimi ipsos euestigio sequuti, arte quadam exterremos ab ipso agmine distraxissent, qui mox Regine & nobilium canibus in prædam cessere. Confecti autem eodie fuerunt circiter trecenti sexaginta, cum quinque lupis, & capreis aliquot. Atque hanc quidem ceruorum naturam, scitè nobis poeta indicat, cum ait:

*Nauim in conspectu nullam, tres littore ceruos  
Prospicit errantes: hos tota armenta sequuntur  
A tergo, & longum per valles pascitur agmen.  
Constitit hic, arcumque manu celeresque sagittas  
Corripuit, fidus qua tela gerebat Achates.  
Ductoresq; ipsos primum, capita alta ferentes  
Cornibus arboreis, sternit: tum vulgus & omnem  
Miscet agens telis nemora inter frondea turbam.*<sup>1</sup>

Virg. I. Æneid.

Nam quod tres ductores dicat, id ita accipi potest, quasi triplex ibi ceruorū grex simul pasceretur, aut duo insignes ductorem errantem stiparent.

Quod si hæc Christiano homini non fecerint satis, diuini instituti exempla saltem sufficiant. Deus enim in suo peculiari populo hunc gubernandi modum expressit, vnum illis ducem iudicemque præficiens. Eiusdem sic & Christus typum nobis edidit, sacratissimam illam monarchiam in persona Petri instituens: cui cum plures essent Apostoli, quos omnes in administratione Ecclesiæ sciebat perpetuò fore concordēs (vt pote quibus visibili forma inuisibilem Spiritum Paracletum, omne ad id opus auxilium & consilium ministrantem, vno & loco, &

tem-

tempore post imperitus est) tamen ne formosissimū illud corpus mysticum, multicapitis alicuius monstri speciem præ se ferret: Neue in tam angusto perfectoque imperio imperfectam regiminis formam post se sineret inolescere: vnum omnium hierarcham esse voluit, quem tota vbiq̃ue Ecclesia principem agnoscat & pastorem. Quæ res satis declarat, quanto cæteris gubernandi speciebus, gravior sit vnius principatus, ad quem omnes ferè nationes, quantumvis barbaræ & feroces, occulta quadam naturæ vi, & primorum parentum exemplis, incitantur. Præclare D. Hieronymus <sup>1</sup>, *Imperator vnus, iudex vnus prouincia. Roma,* <sup>1</sup> Epist. 4. *ut condita est, duos fratres simul habere Reges non potuit, & par-* Tom. I. *ricidio dedicatur. In Rebecca vtero Esau & Iacob bella gesserunt. Singuli Ecclesiarum episcopi, singuli archipresbyteri, singuli archidiaconi: & omnis ordo Ecclesiasticus suis rectoribus nritur. In nati vnus gubernator: in domo vnus dominus: in quamuis grandi exercitu, vnus signum expectatur. Quid pluribus? monarchiæ præ cæteris diligendæ, diligendæque causa quædam mystica, atque in naturæ penetralibus recondita hæc est, vt regimen istud humanum & temporale ad Diuinum ac cælestee, quantum quidem fieri potest, conformetur.*

Sed ex hoc diuerticulo ad alteram nunc instituti partē redeamus, & quæ fuerit sub Regibus legum ferendarum causa, quis etiam modus, paucis, celeriterque intueamur.

Eit causas quidem plures commemorare possum generales, & communes tam regalis imperii quàm cæterorum. Nam vt regulæ quædam sint humanarum actionum, quibus iustum ab iniusto, æquum ab iniquo discernatur: & correctiones delictorum quæ sponte vel ignorantia contrahuntur <sup>2</sup>, leges hominibus præscribuntur. Idque in ea prima lege, quæ parenti nostro protoplasto data fuit, manifeste conspectum est. Vno namque præcepto quid fecisse, quid cauisse oportuit, quoue in delinquentem supplicio animaduertendum ostendebatur <sup>3</sup>. Vnde Apostolus, *Per legem* (inquit) *cognitio peccati* <sup>4</sup>. Sed inter alias vna est, quæ ad monarchiam & regiam administrationem speciatim referri debet. Vt scilicet, quoniam Regis vel bello occupati, vel publicis curis intenti distentiq̃ue, vox viua ad omnes peruenire non potuit, haberent singuli, quatumvis à Principis conspectu remoti voluntatem ipsius in tabulis delineatam: secundum quam suas inter se controuersias componerent, siue de re familiari disceptarent, siue publicas,

<sup>2</sup> Domest. Christ. Papin. l. i. & d. de legibus.

<sup>3</sup> Genesios 2.  
<sup>4</sup> ad Rom. 7.

1 Exod. 18.

2 I. nemo. 13. C. de sent. &amp; interloc.

3 De orig. iur. l. 2 §. cumque consules.

priuatasque iniurias persequerentur: & ne de vllis priuatis negociis Regem adire vel audire necessum esset, nisi siqua vel propter obscuritatem interpretatione, vel propter nouitatem supplemento legis egere viderentur. Quæ vna opera sapientissimè Rex sibi populoque prospexit: illo quidem per iudicii legisque dationem, magnis molestiis, & penè intolerabilibus, ad instar Moysis<sup>1</sup>, leuato: huic verò, lege velut monitrice quadam domestica, & regis vocis ac voluntatis interprete concessa: quæ in omnes regni partes diffusa, Regis vbique præsentiam potestatemque repræsentaret Sed & eadem cautione ei malo occursum est, quod à solutiore iudicum licentia timendum fuit, nam cum, vt dictum est, ipsimet Reges singulis adesse separatim, aut conueniendi sui copiam facere per publicas & grauiore occupationes non possent, ac proinde necesse haberent operæ suæ vicariam fidem priuatorum hominum in iudicando supponere, communibus hisce legum præscriptis effecerunt, ne istorum quisquam arbitrio suo ad alterius iniuriam liberè vteretur, cum sciat legibus, non exemplis, aut propria opinione iudicandum<sup>2</sup>: ne uereus quamlibet clientelæ & facultatum abundans, horum tribunalia despiceret: cum non ipsorum sed Regis & legis iudicium id esse videretur. Quemadmodum igitur cum Consules finitimis bellis auocati: iuri dicundo præesse nequissent, Prætorum origo coepit<sup>3</sup>, qui in vrbe ius dicerēt. Prætores verò controuersis priuatis disceptandis iudices dare soliti sunt: ita Reges, cum ipsimet obire omnia per se non possent, vicarios & ministros rei gerendæ constituebant, iisque legem veluti normam iudicandi adiungebant. Atque hæc quidem sunt legum sub Regibus constituendarum causæ: non autem illa, quam impius illæ author commentus est: nempe propter insolentiam Regum, vt cogerentur scilicet in ordinem, ne sua in iudiciis licentia, sed eo iure quod populus in se dedisset vterentur. Nam, vt cætera taceam argumenta quæ ad hunc errorem refellendum suppetunt, si ita res se haberet, necesse est vt quandiu boni Reges populo imperarunt tamdiu nullas fuisse leges fatcamur. Hoc autem quàm sit absurdum & incredibile declarant ea quæ de rebus gestis antiquorum Regum monumenta extant. Nam qui primi ad eam dignitatem euecti in singulis nationibus feruntur, simul atque à bellicis artibus ad pacis studia animum transferre li-  
 quisset,

cuiſſet, in eam curam & cogitationem enixè incumbabant, ut victricia foris arma domi legibus ſevinci paterentur: & qui in caſtris ad tubæ clangorem excitati ſpem omnem in militari fortitudine collocauerant, iidem in vrbe apparitoris voce citati in legum diſpoſitione victoriam ſcirent eſſe repositam. Itaque Nemrod, cuius imperium longè antiquiſſimum fuiſſe plerique ſcriptores tradiderunt, dicitur fuiſſe *robustus venator coram Domino* <sup>1</sup>, non quod corporis <sup>1</sup> Gen. 10. tantùm viribus eius ſeculi hominès ſuperarit (id enim non eſt venari coram Domino) ſed quia ſubactos à ſe, ciuili po- teſtate, quæ Dei ordinario eſt, primus omnium ſtrenuè gubernarit. Aliorum verò Regum, qui poſt huius exceſſum in Aſia imperium renuere, licet res geſtæ penuria ſcriptorum magna ex parte ignorentur, in iis tamen quæ extant hſtoriarum reliquiis non obſcurè cernimus, armorum ſimul & legum diſpoſitionem in ſua eos po- teſtate tenuiſſe. Etenim nobiliſſimus hſtoriæ ſcriptor Diodorus, eſſi nihil in Nini Regis vita de legum ab eo latione ſcribat, quòd totam, ampliſcandi regni ſtudio, bellis occupatam conſumpſit: eius tamen filium, quietis & otii amantiorem, càm ad pacis ſe- ſe voluptates conuerteret, omnia domi foriſque pro arbi- trio compoſuiſſe tradit. Hoc pacto, inquit, <sup>2</sup> *duces exercitus*, <sup>2</sup> Lib. 2. c. 6. *provinciarum præſides, domeſticarum rerum curatores, iudices in- ſuper ſingularum gentium, aliæq; pro regni cura diſponens, vitam agebat.* Si præſides iudicèſque conſtituit, aut leges iis for- mulæſque præſcripſiſſe eum oportet, ſecundum quas iudi- carent, aut ut regiâ ipſi libertate fruere- tur permiſſiſſe: quo- rum alterum veriſimile, alterum ab hominum opinione alieniſſimum eſt.

Ægyptii etiam, qui ſe mortalium omnium antiquiſſi- mos prædicant, & Deos apud ſe initio regnaſſe gloriantur, à Regibus, qui Diis illis patriis in adminiſtratione ſucceſ- ſerunt, leges & inſtituta accepiſſe neutiquam diffitentur <sup>3</sup>: <sup>3</sup> Diod. lib. 1. quibus formatum, firmatũque imperium, multis ſecu- lis ſtetit incolume. Quinetiâ primos Perſarum & Medorũ Reges, eandẽ in legibus condẽdis po- teſtatem habuiſſe in- dicat non ſolũ ipſorum apud ſuos virtute parta opinio exſtimatiõq; , qua maximè ſtipati regale ſolium aſcende- rant, verũ etiam ſuccedentiũ Regum in proponendis e- dictis libertas, in exequẽdis authoritas, in conſeruãdis ma- ieſtas, & in legib. deniq; antiquis, quas gẽtes illæ ſuperſtiti- oſa ſolicitudine cuſtodiebãt, p arbitrio interdũ abrogãdis diſſol.



1 *Exempla sunt in lib. Eſdr. Eſth. Dā. & apud Procop. lib. I. de bello Perſi.*

2 *Lib. I.*

3 *Lib. 2. anti.*

4 *Lib. 3. ann.*

5 *L. digna vox C. de leg.*

6 *Lib. I.*

7 *Iuſt. lib. 17. Plu. in Pyrrh.*

8 *Iuſt. l. 17. & 33.*

9 *Pauſa. in Corinth. Euſin Chr.*

diſſoluendiſque, ſingularis quædam & abſoluta facultas.<sup>1</sup> Quod ſi ab Aſianis ad Europæos animum oculosque tranſtuleris, occurret tibi creberrimè in Regum priſcorum vitis legum ab ipsis latorum mentio: eaſque non Regum libertati coarctandæ, ſed moderandis populis datas eſſe cognoſces. Aſpice Romulum ab ipsis vrbis primordiis in legibus ferendis occupatum. *Rebus diuinis ritè perpetratis*, inquit Liuius<sup>2</sup>, *vocatæq; ad concilium multitudine, qua coaleſcere in populi vnum corpus nulla re, præterquam legibus poterat, iura dedit: qua ita ſancta generi hominum agreſti fore ratuſ, ſi ſe ipſe venerabilem inſignibus imperii feciſſet, cum cætero habitu ſe auſtiores, tum maximè liſtoribus duodecim ſumptis fecit.* Prodi nunc Buchananè cum tuis illis legum cauſis, & Liuium mendacii vel inſcitie argue, aut errorem ipſe agnoſcas tuum, fatere, inquam, leges non ad compenſendam Regum inſolentiam principio fuiſſe deſideratas. Idem author eſt eum ipſum Romulum & Aſylum aperuiſſe, & ſenatores ſibi conſiliarioſque arbitrato ſuo ſine vllis populi ſuffragiis ſelegiſſe. Itaque non ſolum Regem eum ſed etiam legiſlatorem Romanorum Dionyſius Halicarnaſſæuſ appellat<sup>3</sup>: & Cornelius Tacituſ, *Nobis*, inquit, <sup>4</sup>, *Romuluſ vt libitum imperitauerat: dein Numæ religione, & diuino iure populum deuinxit, repertaq; quadam à Tullio & Anco. ſed præcipuus Seruiuſ Tulliuſ ſanctor legum fuit, quæ etiam Reges obtemperarent.* BOVR. Eho, tu mihi aduerſuſ te argumentam ſuppeditaſti ex hoc Taciti loco, vbi leges à Seruio Tullio ſancitæ fuiſſe traditur, quibus etiam Reges obtemperarent: cur ergo tu in eo tantopere inſudas vt eos legum vinculis exutos oſtēdas? an non Corneliuſ Tacituſ tibi penitus diſerteque aduerſatur? BARC. Nequaquam: non enim nego debere Reges legibus obtemperare, dignamque maiestate regnãtis vocem eſſe<sup>5</sup>, *alligatum ſe legibus Principem proſiteri*, ſed cogi poſſe nego: verum ea ſententia ad diſputationem de impunitate Principis in legem committentis, non ad præſentem de legum origine orationem pertinet: ideoque alibi excutienda. Pergamus ergo: Romulum ſecutuſ Numa, vt ait Liuiuſ<sup>6</sup>, *Vrbem nouam conditam vi & armis, iure tam legibusq; ac moribus de integro condere parat.* Sed & Tulli etiam Hoſtilii, & cæterorum ordine Regum leges & iura populo data, eorum temporum hitorias legenti obuia ſunt. Iam verò Epirotæ ab Aryimba & Tarrhita<sup>7</sup>, Macedones à Carano<sup>8</sup>, Argiui à Phoroneo<sup>9</sup>, leges, certiffima regnorum funda-

fundamenta, accepisse feruntur. Præterea quæ à Iano in Italia, Thubale apud Iberos, Samote in Gallia, Thuyfcone in Germania, leges & iudicia conscripta memorantur<sup>1</sup>. Nec usquam, quod scio, proditum est, regnâdi libertatem præscriptis à multitudine arctandi imperii legibus, ademptam, aut minutâ præco illo seculo fuisse, quominus Reges cuncta pro arbitrio moderarentur, legesque vel sciscerent vel abrogarent. Nam quod ad Lacedæmonios, & similes Reges attinet, quibus capistrum ex populi scitis iniiciebatur, ii neque inter præcos Reges, neque omnino inter reges numerandi sunt, vt superius probatum est.

Sed vt primos illos Reges nimio seculorum interuallo à nobis disunctos hîc mittamus, veluti de quibus nōnulli fabulosa quædam tradi suspicantur: lustremus animo, si placet, sequentium temporum curricula, quæ pluribus & certioribus nituntur testimoniis: & cuncta statim apparebunt exemplorum plena, non solum istiusmodi potestatis Principum in figendis & refigendis legibus, sed omnis omnino libertatis: vt facili mendacii conuincantur qui legum inuentionem Regum insolentiæ domadæ ascribunt.

Ac primùm quidem, de Asiæ Regibus omnem nobis dubitationem tollit disputatio illa trium adolescentium, qui Dario astabant sacris literis commendata<sup>2</sup>. Qui enim Regem omnibus rebus antecellere contendebat, ad suæ sententiæ confirmationē hac ratione usus est. O viri num præ-

tellunt homines qui terram & mare obtinent, & omnia quæ in eis sunt? Rex autem super omnia præcellit, & dominatur eorum, & omne quodcunq; dixerit illis faciunt. Et si miserit illos ad bellatores, vadunt, & demoliuntur montes & muros, & turres. Iugulantur & iugulant, & Regis verbum non prætereunt. Nam si vicerint, afferunt Regi omnia quacunque prædati fuerint. Similiter & alii omnes, & quotquot non militant, nec pugnant, sed colunt terram, rursus cū fuerint metentes, afferunt tributa Regi: & ipse vnus solus si dixerit, occidite, occidunt: si dixerit remittite, remittunt: dixerit percutite, percutiunt: dixerit exterminate, exterminant: dixerit adificate, adificant: dixerit excidite, excidunt: dixerit plantate, plantant: & omnis plebs & virtutes eum obaudiunt: & super hoc ipse recumbit, & bibit, & dormit. Hi autem custodiunt in circuitu eum, & non possunt ire singuli & facere opera sua, sed in dicto obaudentes sunt ei. En quanta fuerit Regum libertas omnia ex animi sententiâ moderandi, etiam tunc cū fastu tumescerent, & multæ grauesque de

<sup>1</sup> In Beroso Anni V Viterbensi.

<sup>2</sup> Lib. 3. Esdræ. c. 3. & 4.

<sup>3</sup> Id est Principes: vt patet Iud. 14. vbi dicitur, nullus audebat cubiculum virtutis Assyriorū, &c.

regno

regno contentiones exstarent, & postquam etiam populorum inconstantia, ambitionibusque magnatum imperia turbari cepissent. Atque hæc quidem ab eo dicta sunt, qui laudem & præmium à sapientia, non ab assentatione, querere nitebatur. Dicamus, inquit tres custodes regii, unusquisque nostrum sermonem qui præcellat, & cuiuscunque apparuerit sermo sapientior alterius, dabit illi Rex Darius dona magna, purpurâ cooperiri, & in auro bibere, super aurum dormire, & currum aureo frano, & cidarim byssinam, & torquem circa collum, & secundo loco sedebit à Dario propter sapientiam suam, & cognatus Darii vocabitur. Tunc scribentes singuli suum verbum signauerunt, & posuerunt subius cervical Darii Regis, & dixerunt: Cum surrexerit Rex, dabimus illi scripta nostra, & quodcunque indicauerit Rex è tribus, & magistratus Persidis, quoniam verbum eius sapientius est, ipsi dabitur victoria sicut scriptum est. Unus scripsit: Forte est vinum. Alius scripsit: Fortior est Rex. Tertius scripsit: Fortiores sunt mulieres, super omnia autem vincit veritas. Secundi argumentum illud est, quod retulimus, à regie potestatis amplitudine deriuatum, quam nec cæcellis popularibus circumscriptâ, nec angustatâ legibus, nec procerum libidini obnoxia, nec consiliariorum astrictâ sententiis, sed in ipsius vnus volûtate sitam esse, cui parere omnes teneatur, sine furo aut circuitione ostendit.

Neque verò dici potest istum Regem plura tribuisse, quàm quibus tunc fruebatur, quasi hoc aulico blandimento Darium Regem sibi demereri studuisset: ut nostri tunc adulatorum solent, qui Principes quotidie iugulat, dum vitia in iis simulatione fouent, mædaciis augent, & imitationis commendatione virtutum instar venerantur. Nam iudices disceptationis habuit magistratus omnes Persarum & Medorum, & purpuratos, & Prætores, & Præfectos: quos cum non lateret quæ regie tunc maiestatis essent, impudentis vel potius demeritis fuisset, in perspicue falsis totum causæ suæ firmamentum collocare. Præterea vir sanctus Zorobabel, qui tertio disseruit, huius secundi rationes veras esse neutiquam inficiatus est, imò verò approbavit: sed omnibus admisis, mulierum fortius, & veritatis fortissimum imperium esse docuit. Is ergo tunc erat status populorum Asiae, eaque Regum potestas, quam in celeberrimo Satraparum & Summarum confesso descriptam ab isto cernimus. Licet enim insaniens multitudo Regibus suis audacius aliquando tunc temporis insultabat, tamen sedato semel furore, Regis autoritas pro maiestate Imperii



rii semper agnita fuit, & seditionis authores suppliciiis exquisitoribus ultra est <sup>1</sup>. Et quidem φιλοδημοπραὶ isti Dan. c. 6. & c. vii. nihil quod hinc respondeant inuenire possunt, præterquam quod Reges illos tyrannos, & non legitimos Reges fuisse autumant. Cuius perfugii fundamentum etsi stirpitus iam à me excisum sit, cum legitimos in Asia Reges, id est, vel nascendi sorte datos, vel electionis iure Imperio admos, riteque & more maiorum, inauguratos, complures extitisse docuerim: qui non minus pie ac prudenter, imò verò sedatius quàm Principes Europæi subditis suis imperitarunt: Addere tamen & illud hinc volo, quod ipsorum defensionis iugulum confodiat: nempe, si legitimus Rex is demum vocari debeat, qui subiectus & adstrictus legibus est, (vt illi falsò, & contra omnem Latinè loquendi consuetudinem, & iuris diuini vel humani rationem somniant) Asianos alias omnes nationes in hoc genere superasse: quòd Reges habuerint patriarum legum, & moris maiorum longè obseruantissimos, quibus ita ad superstitionem addicti erant, vt extrema ferè citius pati, quàm antiqua gentis suæ scita dissoluere maluerint. Ad cuius rei fidem faciendam sacros & prophanos authores, si opus esset, laudare possem, & antè aliquot memorauim. Verùm enim uero quamuis suam illis rationem demus, videlicet plerosque Asiaticos Principes fuisse tyrannos: non video tamè quid adiumenti ex ea concessione nanciscantur, vt veritatis iudicium subterfugiant. Neque enim nostra hinc tumultum refert, Regesne fuerint isti, an tyranni, quos cum tanta potestate populis præfuisse contendimus, dummodo eos regio nomine & autoritate sceptrā tenuisse constet. Licet enim quidam eorum regiam dignitatem nacti (hoc est liberam & quantam maximam in populum potestatem) ea in populi perniciem aliquando abusi sint: nullum tamen eo facto cæteris Regibus præiudicium attulerunt, quo minus hi illis in regno succedentes eandem pro maiestate imperii facultatem reciperent. Hoc enim quicquid est libertatis, ita regiæ maiestati adhærescit & agglutinata est, vt ab ea diuelli aut disungi nequeat. Itaque quoties nonnulli regium animum exuunt, inque tyrannos degenerant, mutare eos tantum voluntatem, non etiam potestatem, dicendum est. Vt quemadmodum de Deo rectè sentientes, licet omnia in eo infinita esse credant, tamen scire eum & posse multa quæ non vult, verè sancteque



que profitentur : ita qui de Regibus humaniter & piè iudicant, istam iis libertatem non adimūt, sed immensam eius amplitudinem quodam veluti frēno consilii & rationis intra iustitiæ fines cohibendam esse censent. Hoc itaque tyrannus à Rege differt, quo homo malus à bono : suæ potestatis ambo sui que iuris sunt : at ille frænum erumpētibus cupiditatibus omninò adimit atque laxat, ille irretitos effernescētis animi impetus compede rationis vinculo que coercet, ne extra illius sapientissimæ restrictis limites volitent solutæ & religionis & pudoris curâ libidines. Atque de illâ quidem differentiâ bellissimè Seneca<sup>1</sup>, *Quid interest, inquit, inter tyrannum & Regem? species enim ipsa fortuna atque licentiæ par est : nisi quod tyranni ex voluptate sauiunt, Reges non nisi ex causa ac necessitate? Quid ergo, non Reges quoque occidere solent? sed quoties id fieri publica utilitas persuadet. Tyrannus sauitia cordi est. Tyrannus autem distat à Rege factis non nomine*. Huc pertinet quod in Bibliis dictum est<sup>2</sup>. *Rex insipiens perdet populum suum*. Perdere enim qui poterit, si non voluntatis suæ arbitratu, sed populi, sed senatus, sed optimatum iudicio & nutu omnia regni præsidia domi forisq; muniat atque mutet? imò quis Regi, ac non consiliariis potius eiusmodi, quorum sententiis astringitur, inflicta Reipublicæ ascribat vulnera, & neglecti muneris aspergat infamiâ? Iam verò quod Deus minatur peruersis gentibus Regem in furore suo se daturum<sup>3</sup>, nōne istam regnandi libertatem apertissimè demonstrat? Quemadmodum & illud<sup>4</sup>, *Dabo pueros Principes eorum, & effœminati dominabuntur eis*: &, *Va tibi terra cuius Rex puer est*<sup>5</sup> : id est puerili ingenio iudicioque regnum administrat. Pueros enim moribus non ætate ciuilis scientia dimetitur<sup>6</sup>. Hęc autem, & alia id genus multa quorsum, si populo Rex pareat, aut Regi senatus in administratione Imperii dominetur? An verò in aliis rebus vllis populo Princeps submittat fasces, alibi, si otium suppetat, accurata magis atque vbera instituetur disputatio. Id enim nobis hoc loco tantum curæ est, vt ostendamus indefinitam illam, & infinitam, in Republica administranda libertatem, quam vel aduersariis ipsis iudicibus, primi Reges habuerunt, ad reliquos etiam qui sequētibus seculis imperitarunt iugi subditorum consensu permanasse, ac post leges multas iam latas & inueteratas durasse: proindeque falsò asseri leges ad minuendam Regum libertatē initio fuisse desideratas. Etenim profectò absoluta hęc administratio

<sup>1</sup> Lib. 1. de Clem.  
c. 11. & 12.

<sup>2</sup> Eccl. 10.

<sup>3</sup> Osee 13.

<sup>4</sup> Isaia 3.

<sup>5</sup> Eccl. 10.

<sup>6</sup> Arist. Eth. c. 2.

ministrandi Imperii potestas libertasque velut perpetua quædam regis maiestatis comes & socia est, sine qua nec Rex nec regnum concipi animo & excogitari possit. Quod cum animaduertisset Aristoteles in libris de civili sciëntiâ <sup>1</sup>, Li. 3, Pol. ca. 11. ingenuè fassus est, Regem legis iugo obnoxium nullam regni speciem constituere. Quæ res etiam effecisse videtur, ut (quod mirabere fortassis) socordes & ignaui, perinde ac diligentes & frugi Reges, istam regnandi libertatem integram & intactam retinerent: videlicet quod Regem esse, & non ex animi sententia regni habenas moderari, laud satis inter se conuenire, imò pugnantia esse, tam excellentis tituli splendorem & dignitatem intuentibus videbantur.

Quâ de causâ Memmius, ut est apud Salustium <sup>2</sup>, cum De bello Jugur. populi Romani in puniendis malis ciuibus negligentiam inculasset, deteriores fore peccandi licentiâ, & spe impunitatis propositâ, ostendens, ita tandem concludit. *Quare moneo, hortorq; vos ne tantum scelus impunitum omittatis. Non peculatus ararij factus est, neq; per vim sociis erepta sunt pecunia: quæ quamquam grauiasunt, tamen consuetudine iam pro nihilo habentur. Hosti acerrimo prodita Senatus authoritas, proditum imperium vestrum est, domi, militiaq; Respublica venalis fuit: quæ nisi quesita erunt, nisi vindicatum innoxios, quid erit reliquum, nisi ut illis, qui ea fecerunt, obediunt viuiamus? Nam impunè qualibet facere, idest, Regem esse. Sed ecce huius rei proferam tibi testimonium illustrius, quod Athenæus ex Heraclidæ Cumæi scriptoris Persicorum historia nobis seruauit: quodque libro duodecimo Deipnosophistarum in hunc modum recitat: Heraclides Cumæus Persicorum author in libris quos Præparentes nuncupat, cum dixisset in Regione thurifera, voluntatem Regis esse pro lege, nec eum legibus ullis obstringi, addit perquam ignauum, negligentem, & luxuriosum esse, in balneis semper versari, summo sumptu mollem vitam agere: nihil rerum gerere, paucos in sui conspectum & familiaritatem admittere, iudices decernere ac constituere: quos si quis non rectè iudicasse putet fenestram in suprema palatii parte catena reuinctam apprehensa catena trahit, & reseat: tum Rex hoc ubi rescierit, eo qui conquestus est accersito, ius dicit. Et si malè à iudicibus pronunciatum est, occiduntur: sin rectè, qui fenestram mouit interficitur. Cernis, quod dixi, Regibus mollibus, effœminatis, negligētibus, iura regni integra relinqui: eo quod regnum alias nullum esset.*

1 Quæ conficiunt  
decem circiter  
millia aureorum  
solarium.

thor tradit impensam eius & vxorum & amicorum in dies singulos esse quindécim talenta Babylonica <sup>1</sup>. BOVT. Gentem sanè perquam stolidam mihi narras, cui tanta in tales Reges obseruantia: vel certè paribus vitiis inquinatam, vt quibus ipsa delectatur in Rege non reprehendat: nam

*Omibus esse lupos licet in regione luporum.*

*Inter Pigmaos non pudet esse breuem.*

BARC. Falleris coniecturâ: in neutro istorum posita est huius rei causa. Nam etsi mollem vtcunque, & voluptuariam vitam degant, qui illas terræ plagas incolunt: tamen quod Regibus suis voluntatem pro lege exercentibus, supraque modum imperiosis, tam facilè obsequantur, id neq; ex infractione & demissione animi neque ex consilii & rationis inopia, neque ex voluptatis tanquam summi boni cōmendatione natum est: vtpote quibus & roboris & animi satis fuit ad resistendum homini gentili & patriotæ: & aliquis etiam humanitatis & honestatis sensus, qui vitia in cōmune dissuadebat: Sed ex insita quadam à natura regalis tituli & dignitatis reuerentia, cuius maiestati, tanquā numini cuidam in terris, vel certè Dei omnipotētis imaginē quandam & potestatem præ se ferenti, vt omnes sine cunctatione & inuidia pareant, ipsemet Deus Optim. Maxim. naturalem animis propensionem indidit, brutorumque animantium exemplis docuit, vt paulò antè ostendimus. Quapropter Regis imperiū detrectantes, à communi hominum natura degenerare, & Dei ordinationi resistere videntur.

Quod si minus hæc cuiquam satisfaciunt, ita vt Arabū molliem in causa fuisse putet, cur tantam Regum tyrannidem passi sint: is trucissimas & bellicosissimas nationes, ac in primis alienæ dominationis impatientes cernere potest: quæ Reges suos maiore veneratione, quàm Arabes colere, & eorum crudelitatem perferre summissius cōsueuerunt. Et ne longius aliunde exempla quærat, vnum ego pro multis hîc adducam, memorabile quidem illud & mirabile, quod exstat apud eundem Athenæum <sup>2</sup> ex Posidonii libro quinto de Parthis. Cū Rex Parthorum, inquit, amicū aliquem ad cœnam vocat, is mensâ particeps nō est, sed humi subfidet, Rege in sublimi lecto recumbente, & quod à Rege preicitur,

sanis

*canis instar comest, ac sepe ob quamvis leuiculam causam ab ena  
cœna, qua humi pascitur, abreptus, virgis, lorisq; nodosis verbe-  
ratur, & cruore fœdatus Regem à quo cadi iussus est tanquam ac-  
cepto beneficio, in terram pronus ac procumbens veneratur. Et  
paulò inferius ex eiusdem Posidonii lib. 16 Rex Parthorum,  
cum canat, in altiore, quàm ceteri, lecto ab aliis separato, so-  
lus accumbit, eiq; soli tanquam Heroi mensa apponitur barbaris  
repleta ferculis.*

BOVT Quàm timeo quorsum euadas: quid enim superest, nisi vt Reges mihi tandem commemores, qui subditos suos agresti feritate instar pecudum mactent? Nil enim referre puto, viris generosis & bene natis Rex aliquis mortem inferat, an Parthicum eiusmodi conferat beneficium, nisi quòd internecione ignominiam luere vir nobilis optaret potius, quàm ita turpiter & abiectè viuus hospiti excipi: siquidem, vt ille ait, *in dedecore plus mali est, quàm in dolore*.<sup>1</sup>

Sed dic, amabo, credis vera esse hæc, quæ de barbari Regis immanitate, & abiectâ procerum eius gentis patientia retulisti? Mihi enim nec verum nec verisimile videtur, Reges vllos, quantumuis imperii maiestate elatos, ita humanæ conditionis suæque naturæ immemores exstitisse, vt talem plebeiis, nedum magnatibus, nedum familiaribus, nedum amicis, gratiam persoluerent: vel mortales vllos tam serui animo reperiri potuisse, vt homines se ab homine tam fœdè tamque indignè tractari paterentur. Nam quod nonnulli tyrannorum nimis prodigiosè superbientes crudelitatem insatiabilem, & carnificinam aliquando in subdito sibi populo exercuerint, id me parum mouet vt fidem Parthicæ historiæ habeam: quandoquidem homines eam tyrannidem neutiquâ sponte subibant: sed victi potentia, vique & armis oppressi, ferre ad tempus cogeabantur. Atque ob eam causam, facta eiusmodi neque ad argumentû regis libertatis, neque ad exemplum transducì possunt. Quis enim sanæ mentis monstruosum Caligulæ, aut Neronis imperium<sup>2</sup> huc pertinere dicat?

quo-  
rum alter optimis quibusq; multiplici clade sublatis, post-  
quam urbem imperiumque innocentum sanguine passim  
for lauerat, tot cædibus lassatus, sed non satius, optauit  
vnam toti populo ceruicem, vt totus vno ictu interiret.  
Alter verò & externorum occisione, & frequenti patri-  
cidio infamis, eò tandem crudelitatis & insanix proces-  
sit, vt incensione urbem, internecione ciues, ferarum la-  
mæ Senatum delere prorsus, & nouam imperii sedem

<sup>1</sup> Cic. li. 4. Tusc.

<sup>2</sup> Suet. cap. 30. &  
Sext. Aurel. Vict.  
de Cæsarib.



fibi quærere statueret. Aut quis acerbissimum illud seruitutis iugum, quod Sarmatæ subactis à se Moscis imposuerunt, & nostrâ ferè ætate excussum est, ad regiam dominationem trahat? quorum qui nuncius, vel tributî exactor ad Moscos mittebatur, ei Dux ipse Moscus obuiam prodire, & poculum in equo sedenti equino plenum lacte propinare, is enim Tartaris potus in deliciis est, & si, bibente barbaro, aliqua lactis guttula in iubas equi decidisset, eam Dux ipsemet elingere tenebatur<sup>1</sup>.

<sup>1</sup> Ioan. Herb. lib. 17. cap. 9. de reb. Polonicis.

Legenti deinde imperatoris Tartari literas, togam matribus egregiè pellitam, pro tapetè substernere, ac genibus nixus, vnà cum aulæ, & cōsiliî sui principibus imperata excipere. Hæc & similia mihi nunc in mentem veniunt, quæ faciunt ut credam vel Parthicum illud in Regem obsequium violentiâ extortum, non populi voluntate oblatum fuisse: vel scriptoris fidem in rerum gestarum narratione esse suspectam. BARCL. De priore habeo quod respondeam, ex aliis multis qui res Parthicas obiter memoriæ prodiderunt: nempe regnum apud eos summo populi consensu: gentemque illam sub Regibus, quæsito magnæ partis Asiæ imperio, nomen sibi & gloriam bellis secundè gestis comparasse: & variâ etiam fortunâ cum populo Romano terrarum Principe congressam, id laudis retulisse, quod exercitum eius fuisse sapius quàm fugisse memoretur. De posteriore verò, tu videris: ego enim sat habeo antiquum historiæ scriptorè tibi produxisse, cui credere par est, vel aduersarium laudare meliorem. Nam si *fama rerum standum est, ubi certam derogat vetustas fidem*<sup>2</sup>, quâto magis authorum testimonio, quos nemo falsi conuicit ac ne insimulauit quidem? Neque enim dubitare debemus permulta olim in vsu & vitâ communi posita fuisse quæ nobis portenti similia apparent, multaque nunc exstare, quæ posteris incredibilia videbuntur. An non constat Ruthenos & Moscos non ita pridem Basilium Ducem (qui regium sibi titulum primus assumpsit) ingenti beneuolentiâ & amore complexos: cum ipse eos interea proteruè, nequiter, auarè, ac nulla non barbaricæ feritatis crudelitate tractaret? An non apud eam gentem, quo magis cæduntur mulieres, eo amplius in maritorum amorem exardescunt? quod si cum nostrarum coniugum moribus componatur, minus profectò videtur credibile, quàm Parthica Posidonii historia. Mihi ergo tantisper fidem faciet, dum alium probatio-

<sup>2</sup> Liu. lib. 7.

Vide Surium in principio histor.

batio-

batiorem comperero, qui hunc in eo errorē, mendaciūm-  
 veredarguet. Nam vltra id quod de veterum autoritate  
 non temerē eleuanda dixi, alia etiam ratio suppetit, cur  
 eum veracem esse arbitrer: quod Parthis nimirum illud  
 peculiare fuisse didicerim, vt populus cætera ferox, & tru-  
 culentus, siue naturæ facilitate edoctus, siue barbaræ su-  
 perstitionis opinione imbutus, Reges suos velut Numina  
 quædam obseruaret, solis & lunæ fratres eos appellans: <sup>1</sup> *Ammianus*  
 vt mirum non sit, si in eius Regis amicitiam recepti, de quo *Marcel. lib. 32.*  
 præiudicatam diuinitatis opinionem iam imbibent, in-  
 flicta nonnunquam verbera æquanimiter tolerarent, do-  
 lorem delectatione, iniuriam amici nomine pensantes.  
 Vtut autem se res habuerit, nobis sat est ostendisse Regum  
 voluntatem pro lege habitam, simulque falsum esse quod  
 ab aduersariis asseritur: leges, scilicet, inuentum esse mul-  
 titudinis ad minuendam Regum libertatem. Id enim cū  
 illi nusquam apud veteres scriptores inuenire possint, &  
 nos contra ipsorum libros infinitis regiæ libertatis exem-  
 plis, etiam post leges latas, scatere demonstramus, e-  
 rit cur apud omnes æquos iudices victoriam in hac li-  
 berali causa certam nobis promittamus: sed progre-  
 diamur.

Reges Persarum quā soluta in suos potestate regna-  
 uerint, non obscurē indicat, quod vt supra dictum est, ter-  
 ror ille Græciæ, conuocatis omnium prouinciarum sa-  
 trapas, præfatus est se bellum Græciæ indicturum, & accer-  
 sitos eos esse, non vt suaderent, sed vt parerent: simul  
 etiam quod apud eos nulli fas esset aureum annulum,  
 vel zonam, vel monile, aliudue aliquod ornamentum  
 insigne, nisi regia liberalitate & gratia concessum gesta-  
 re <sup>2</sup>. Quæ res Aristotelem fortē mouit, vt imperium a-  
 pud Persas versum in tyrannidem putarit <sup>3</sup>, quod Rex o-  
 mnia suo arbitratu gereret, & tam submissē ac diuinis pro-  
 pē honoribus à populo coleretur. Sed alia eius rei causa  
 fuit, ab Aristotele quidem prætermissa: nempe illa legi diui-  
 næ consentanea quam Artabanus tribunus militum Regis  
 Persarum à Themistocle conuentus, vt se ad Regem per-  
 duceret, piē & sapienter exposuit: quamque refert Plutar-  
 chus, <sup>4</sup> his verbis, ἡμῖν δὲ πολλῶν νόμων καὶ καλῶν, ὄντων καὶ δι-  
 κῆς ἕκαστος ἐστὶ, τὸ πρῶτον βασιλεία, καὶ ἀποσκευαῖν εἰκὴνα θεῶν τοῦ πρῶ-  
 τῶν πάντων σώζοντος: id est, nobis inter multas & præclaras leges hac  
 est præclarissima, venerari Regem, & imaginem adorare omnia

<sup>2</sup> Proco. lib. 1. de  
 bel. Persi.

<sup>3</sup> Libr. 8. Eth.  
 cap. 10.

<sup>4</sup> in Themist.

*conseruantis Dei.* Quid Armeniæ, Syriæ, Cappadociæ, alioſque Reges memorem? quorum omnium conſimilis in regnando libertas fuit.

At Aſiatici hi omnes populi, molles quidem, & tyrānidē ferre aſſueti: itāne verò? Europæi ergo meliore iure vixerunt? imò quidem pari: nam paucis exceptis apud quos vel omnino regnatum non eſt, vel tantum nomine tenus, omnes in Regum poteſtatem conſeſſere, à quibus iura & leges acceperunt, non tam quæ populis quàm quæ Principibus placuerant. Cuius rei fidē, ne in antiquis Græciæ regnis recenſendis tempus conſumam, vel ſoli Romani nobis facient: qui cæteras omnes nationes, tum amplitudine imperii, tum firmitudine principatus & diuturnitate, tum rerū geſtarum gloria longē ſuperarunt: qui quæ ut incunabula imperii ſui à regio dominatu traxerunt, ita eiſdem perfectionem pari regiminis ſtatu ſunt adepti. Neque enim obſcurum eſt, rem ad regnum rediſſe, ſunulatque in vnius ditionem ſe dediderunt, exploſa populari gubernatione, ſub qua quingentos circiter annos imperii ſui fines longē lateque protulerant. Nam teſte Appiano Alexandrino. qui Adriani ſeculo vixit <sup>1</sup>, quotquot illud imperium poſt Cæſarem tenuerunt, ii nomen licet Imperatoris retinuerint, quo temporarii exercituum duces olim cenſebantur, tamen re vera omnino Reges erant: hoc eſt regali poteſtate ampliſſimam illa nō monarchiam regebant: ipſa Appiani verba ſunt <sup>2</sup>. *Καὶ ἐπὶν ἥδε ἐν δόχῃ μέλει νῦν ἐφ' ἐνὶ ἄρχοντι, ἔς βασιλείας μὲν ἔλθουσιν, ὡς ἐγὼ με νομίζω, τὸ ὄργανον αὐτῶν ἀνδρες τὸ πάλαι, αὐτοκράτορας ὃ νομαρίζουσιν, ὃ καὶ τὸ πρὸς καμάρων στρατηγῶν ὄνομα ἐστὶν, εἰσὶν ὃ ἐργαζομένη βασιλεία.* Qua de cauſa Dion <sup>3</sup> Caſſius de Romanis & Romani imperii forma ſub Auguſto & ſequentibus imperatoribus ſcribens, *τῶν δὲ τῆς πολιτείας τέλος ἐς αὐτὰς ἀνακαμάρους. ἐκ' ἐπὶν ὅπως ἐ βασιλεύοντι*, inquit. Id eſt, Porro deuoluta ad ipſos, ſcilicet imperatores, ſumma Reipublica, fieri non poteſt, quin Romani regio imperio ſubſiſt. Imò verò ne Regis quidem nomen in libellis ſupplicibus abhorrebant. Nam ita Antoninum compellat Eudæmō quidā Nicomediensis: *† Κύριε βασιλεῦς Ἀντωνίνα* Domine Rex Antonine. Certè poſteriores Imperatores id nominis libenter amplexi ſunt, eo quæ erga ipſos viri diui & docti frequenter utebantur. Cuius rei, quoniā ab homine haud vulgariſter erudito mihi ſemel fuit negata, quædam hic indubitata teſtimonia proferam. Iulius Capitoli-

<sup>1</sup> Ut ipſe teſtatur li. 7. de bell. ciuilib.

<sup>2</sup> in præfat. Hiſt.

<sup>3</sup> Lib. 53.

<sup>4</sup> L. 2. D. ad l. Rhod.

nus de M. Antonino Philosopho <sup>1</sup>. *Vbi autem comperit se in vita Antonini Philos.*  
*ab Adriano adoptatū magis est deterritus quā latatus. Quum-*  
*que ab eo domestici quærerent cur tristis in adoptionē regiam tran-*  
*siret, disputauit quæ mala se contineret imperium: D. autem Hi-*  
*larius in libello quem Constantio Imperatori tradidit, lo-*  
*cuturus sum tecum cum honore regni & fidei tue, inquit. Et in*  
*alio ad eundem de Arianis loquens. Auctoritate nominis sui,*  
*in errorem Imperatorem transducunt, rectum affirmantes ut sub*  
*specie timoris Dei, in hac peruersitate subditos sibi tradāt: quæstio-*  
*nes poscunt: iudiciorum subsidia desiderant, auctoritatem regiam*  
*implorant. Et in libello aduersus Auxentium Mediolanen-*  
*sem episcopum Arianum. Sed cū hoc mysterium impietatis*  
*diu occultatum iam non taceretur, diceremq; fingi omnia, fidem*  
*negari, Deum atq; homines illudi, iubor de Mediolano proficisci,*  
*cū consistendi mihi in ea inuito Rege (idest Imperatore Con-*  
*stantio) esset nulla libertas. Sed & alibi sæpe in eodem libro*  
*Imperatorem Constantium Regem vocat: cum edito graui*  
*sanctus Rex, inquit: &, continuò libellum Regi per quæstorem of-*  
*fero: & iterum, sed qui tum audiebant, de fide potius, ut Regi pla-*  
*cuerat, agendum esse decernunt. Sic etiam D. Hieronymus <sup>2</sup>: 2 In vita Hil-*  
*Constantius enim Rex, Arianorum fauens heresi: & alio in lo-*  
*co <sup>3</sup>. Omnes Reges Romani à primo Caio Cesare qui imperium*  
*occupauerat, Cæsares appellati sunt. Constantinum & Iulianū*  
*similiter Reges sæpe D. Greg. Nazianz. & Athan. <sup>4</sup> vocant. 4 Orat. I. in Iu-*  
*Eodem modo S. Ambrosius de Valentiniano filio <sup>5</sup>, pra-*  
*textitur Regis iniuria: & rursus, Pauci de familia regia. Qua ra-*  
*tione Iustinianus in quadam constitutione <sup>6</sup> ( dum eos re-*  
*prehendit, qui fiscum à priuato non secernunt ). Hoc eorum*  
*est, inquit, qui nec maiestatem imperialem agnoscunt, nec quan-*  
*tum inter priuatam fortunam, & regale culmen medium est: &*  
*in alia <sup>7</sup>. quid maius, quid sanctius imperiali est maiestate: vel*  
*quis tanta superbia fastidio tumidus est, ut regalem sensum con-*  
*temnat? Quid multis? Reges & Imperatores eodem sensu*  
*dictos, infinitis ex locis apparet <sup>8</sup>. 8 Lvl. C. de*  
*Assessor.*

Hunc igitur populum intueamur, quem ab ignauia  
 nota virtutis militaris laus, ab iuris verò & æquitatis igno-  
 ratione ingens legum ciuiliū gloria vindicat. In eo enim  
 cū multi excellentes viri, & acutissimis splendidissimis  
 quæ ingeniis præditi memorentur, nemo inuentus est, qui  
 publicè vel priuatim legis ferendæ ius Principi denegarit:  
 aut eum legis præscripto astrictum atque obnoxium  
 teneri, ut priuatum quemlibet, opinatus sit. Sed omnes



vno ore delatā lege regia potestatem agnoscētes, solutum legibus Principē, legis condendæ potestatē summā habere profitentur. Vnde Vlpianus <sup>1</sup>. *Quod Principi placuit legis habet vigorem, ut pote cum lege regia, quæ de imperio eius lata est, populus ei & in eum omne suum imperium & potestatem cōferat. Quodcunque igitur Imperator per epistolam vel subscriptionem statuit, vel cognoscens decrevit, vel de plano interlocutus est, vel edicto præcepit, legem esse constat.* Idem alibi de capite quodam

<sup>2</sup> 1. apud. 9. D. de iuris controuersi differens <sup>2</sup>, an filius nimirum apud hostes susceptus habeat postliminium. Nulla, inquit, dubitatio est post rescriptum Imperatoris Antonini & Diui patris eius. & a-

<sup>3</sup> Suspect. tutor. delegat. 2. l. 1. §. 2. D. de susp. tutel. <sup>3</sup>. *an autem apud legatum proconsulis suspectus postulari possit, dubiū fuit. Sed Imperator Antoninus cum Diuo Seuero, Bradne Maurico proconsuli Africa rescripsit posse.* Sic Scæuola <sup>4</sup>.

<sup>4</sup> 1. 3. D. de natal. rest. *Quæris, an ingenuitatis iure utatur is, quem sanctissimus & nobilissimus Imperator natalibus suis restituit: sed ea res nec dubitationem habet nec unquam habuit, quum exploratum sit, ad omnem ingenuitatis statum restitui eum qui isto beneficio Principis utatur.* Paulus item, de alia re consultus, respondit similiter <sup>5</sup>.

<sup>5</sup> 1. Titia. 87. §. Lucius. D. de legibus. 2. *Post literas Imperatoris nostri dubitari non oportet.* Extra controuersiam igitur tunc erat, edictis, decretis, rescriptis Imperatorum iura constitui: cui rei, ne ambigi amplius de ea possit, testimonio sunt infinita iuris capita quæ etiam nū libris nostris continentur. Nam ut eas omittam constitutiones quæ in duodecim Codicis libros congestæ sunt: quid, quæso, frequentius in Pandectarum voluminib. occurrit, quàm tales iuris decisiones, ex Imperatorum rescriptis vel decretis profectæ? Iurisconsulti ad confirmandas suas sententias horum autoritate nusquam non utuntur, velut regula certissima confirmissimaque, ad quam ius anceps in omnibus controuersiis dirigatur. Possum sexcenta tibi exempla proferre, sed ex plurimis pauca subiiciam. Vlpianus libro quartodecimo ad edictum <sup>6</sup>.

<sup>6</sup> 1. 7. D. qui factis. cog. *Si fideiussor non negetur esse idoneus. sed dicatur habere fori præscriptionem, & metuat petitor ne iure fori utatur: videndum quid iuris sit. & Diuus Pius (ut & Pompinianus libro epistolarum refert, & Marcellus lib. 3. Digestorum. & Papinianus libro tertio quaestionum) Cornelio Proculo rescripsit, merito petitorum recusare talem fideiussorem.* Idem libro decimo ad edictum <sup>7</sup>, *Pupillus sanè si negotia gesserit, post rescriptum Diui Pii etiam conueniri potest in id quod factus est locupletior.* Idem libro tertio ad Sabinum <sup>8</sup>. *Possumi per virilem sexum descendentes ad similitudinem filiorum nominari.*

nstima

tim exheredandi sunt, ne testamentum adgnascendo rumpant. ratio. Nam Diuus Marcus decreuit idem in postumo quod in filio seruandum. Idem libro decimo ad Sabinum <sup>1</sup>. Hi quorum testamenta irrita damnatione fieri diximus. si prouocauerint, capite non minuuntur, atque ideo neque testamenta quæ ante fecerunt irrita fiant: & tunc testari poterunt, quid tamen si appellationem eius præses non recipit, sed Imperatori scribendo pœnam remoratus est? puto hunc quoque suum statum interim retinere: nec testamentum irritum fieri, ratio. Nam ut est oratione Diui Marci expressum, tamen si prouocantis, vel eius pro quo prouocatur, appellatio non fuerit recepta: pœna tamen sustinenda est, quoad Princeps rescripserit ad literas præsidis & libellum rei cum literis missum: nisi forte latro manifestus, vel seditio prærupta, factioque cruenta, vel alia iusta causa, quam mox præses literis excusauit, moram non recipiant, non pœna festinatione, sed praueniendi periculi causa: tunc enim punire permittitur, deinde scribere. Idem lib. 4. disputationum <sup>2</sup>. Postumus præteritus uiuo testatore natus decessit, licet iuris scrupulositate, nimiaque subtilitate testamentum ruptum videatur, attamen si signatum fuerit testamentum, honorum possessionem secundum tabulas accipere hæres scriptus potest, remque obtinebit, ut & Diuus Adrianus & Imperator noster rescripserunt. Idem libro secundo fideicommissorum, <sup>3</sup> Si quis ita scripserit, illum tibi commendo: Diuus Pius rescripsit fideicommissum non deberi. Idem libro tertio fidem commissorum <sup>4</sup>. Fuit quaesitum, si ipse tutori rogatus sit restituere pupillas an ipso auctore restitutionem facere possit & est decretum à D. Seuero non posse tutori se auctore restituere hereditatem. Idem libro octauo disputationum <sup>5</sup>. queri potest an is qui de adulterio cognoscit, statuere in maritum oblenocinium possit, & puto posse, ratio. Nam Claudius Gorgius vir clarissimus, uxorem accusans, cum detectus esset uxorem in adulterio deprehensam retinuisse, & sine accusatore damnatus est à Diuo Seuero. Multa similia huius consultissimi viri testimonia omitto, quæ persequi singula longum esset <sup>6</sup>. Nihil enim huic auctori principalium constitutionum obseruatione antiquius: in quibus recensendis adeo frequens est, ut vno iuris capite, siue lege, ut vocant, vices ad earum auctoritatem recurrat. 7. Idem & cæteri sæpe faciunt, Papinianus libro quinto decimo responso-  
rum <sup>8</sup>. Sed Diuus Seuerus bonorum tacitè relictorum citra distinctionem temporis, fructus duntaxat deberi, non etiam usuras eorum benignè decreuit, quo iure utimur. Idem libro vigesimo nono quaestionum <sup>9</sup>. Imperator Marcus Antoninus

1. Si quis 6. §. 6.  
& 7. D. de iniust.  
rupt. test.

2. 1. Postumus  
D. de iniust. rupt.

3. legat. 3. l. 1. D.  
de regib. 3.

4. l. 1. §. 6. ad Sc.  
Treb.

5. l. 2. §. si publi-  
co. D. ad l. Iul. de  
adult.

6. Vt in l. 4. D. de  
leg. commiss. l.

7. §. 2. de don.  
int. vir. l. 2. §. vl.

Solut. Matr. l. 9.  
de excus. tutor.

l. 61. §. 1. de leg. 2.  
cum multis si-

milibus.

7. l. 1. D. de quest.

8. l. cum 19. D.  
de his quæ ut in-

dignis auf.

9. l. in ratione  
11. ad l. falc.

1 L. pen. qui sine manu ad libert. pertuen.  
 2 L. 38. ad l. Iul. de adult.  
 3 L. r. §. 1. D. de Censibus.  
 4 vt l. 78. §. 1. de leg. 2. l. 5. §. 3. D. vt legatorum l. vlt. Si a parent. quis manum. l. pen. qui sine manu. l. 33. de poen. l. 11. ad Municip. l. 8. de vac. & excusat. muner.  
 5 L. vlt. de dot. collat.  
 6 L. 41. §. 1. de testam. militis.  
 7 L. 7. de legat. præs. l. 12. de dist. pig. l. pen. de curat. furio.  
 8 L. 35. de seruit. præd. rust. l. 7. de vsuris. l. 9. de iur. & fact. igno. l. 20. de ritu nupt. l. 13. de reb. eorū qui sup. tut. l. vlt. de hæred. instit. l. 20. de statu li.  
 7. qui sine manu miss. l. 5. de his quæ vt indignis. l. 49. ad legem Falcid. l. vlt. de poenis. l. 25. de appell. &c. 9 L. 22. de vsu & habit. l. 21. de Statu. lib. l. 1. de interd. & releg. l. pen. de pollic. &c. 10 Tit. de excus. passim l. 7. de iure patr. l. 11. ad l. Corn. de fidei. l. 29 ad l. Corn. de fals. l. vlt. de requir. vel absent. dam. l. 16. de q. l. 11. de muner. l. 12. de pollicit. 11 L. 42. de fideicomm. libert. 12 L. 14. de seruit. vrb. præd. l. 17. de seruitute præd. rusticorum. l. 33. de re iud. l. 3. ad l. Iul. de annona. l. 18. ad Sc. Turpill. l. vlt. ad Municip. l. penult. de Decurio. l. vlt. de administ. rer. ad ciuit. 13 L. 16. de seruit. præd. rust. l. 3. de testib. l. vlt. ne de stat. defunct. l. 31. de re iud. l. 3. de abig. l. 2. de term. mot. l. pen. ad l. Iul. de vi priuat. l. 31. ad l. Corn. de fals. l. 6. ad l. Iul. de plagiar. l. 15. de q. &c. 14 L. 6. de pign. l. 1. quæ res. pig. l. 19. & 58. de rit. nupt. l. 16. de reb. dub. l. 1. & 3. de his quæ vt indignis. l. 89. & 91. ad leg. Falc. l. 3. & 31. ad Sc. Treb. l. 3. 4. 5. de iur. patron. l. 26. de manum. l. 6. qui sine manum. l. 1. de colleg. & corp. l. 10. ad l. Iul. peculat. &c. 15 L. 40. de iniur. l. 32. ad leg. Iul. de adult. l. 5. ad Sc. Turp. l. 2. de bon. eor. qui ante sent. l. 4. de appell. l. 1. si penden. appell. mors. l. 13. de re milit. &c. 16 L. 9. ad leg. Iul. maiest. 17 L. 15. de poen. 18 L. 4. 5. 6. de re milit. 19 L. 42. de iur. fisci. 20 L. 6. §. vlt. de neg. gest. l. vlt. de diu. 21 L. vlt. de seru. export. l. 13. §. 1. de alim. vel cib. leg. l. 29. de fid. insti. l. 24. ad Mun. 22 L. 57. de leg. 2. l. 23. de vsu & vsuf. & reditu. l. 15. de iur. fisci.

decreuit hæredes, quib. pars bonorū ablata est, nō in ampliōrē partē, quā pro ea parte quæ relicta est, legatorū nomine teneri. Idem libro nono responsorū<sup>1</sup> ex sententiā cōstitutionis Dni Marci libertates contingere matre consentiente respondit. Idem libro trigesimo sexto quæstionum<sup>2</sup>. Imperator Marcus Antoninus & Commodus filius rescripserunt, si maritus uxorem in adulterio deprehensam, impetu tractus doloris, interfecerit, non utique legis Cornelia de sicariis penam excipiet: nā & Diuus Pius in hac verba rescripsit, &c. & ibidem paulò post, ad alterius respōsi cōfirmationē infert. & hoc ita Tiberius Cæsar rescripsit. Idem lib. nonodecimo responsorum<sup>3</sup>, qui non habita ratione tributorum ex causa fideicommissi prædia restituit, actionem ex Diui Pii Antonini literis habent, quam legato quoque soluto locum habere voluit. Et alibi alia eiusmodi idētidem inculcat<sup>4</sup>. Sic Tryphonius libro sexto disputationum<sup>5</sup>. Fuit quæstionis, an si sua hæres filia patri cum fratribus contenta dote abstineat se bonis, cōpellatur eā conferre, & Diuus Marcus rescripsit, non cōpelli abstinētem se ab hereditate patris: ergo nō tantum data apud maritum remanebit, sed & promissa exigetur etiam à fratribus. Idē libro octauodecimo disputationum<sup>6</sup> Mulier in qua turpis suspicio cadere potest, nec ex testamento militis aliquid capere potest, vt Diuus Adrianus rescripsit. Idem libro sextodecimo disputationum, & alibi sæpe constitutionum & rescriptorū Imperialium auctoritatem laudat<sup>7</sup>. Sed dies me deficiet, si minutatim persequar singula quæ Paulus<sup>8</sup>, Pomponius<sup>9</sup>, Modestinus<sup>10</sup>, Mæcianus<sup>11</sup>, Papirius Iustus<sup>12</sup>, Callistatus<sup>13</sup> Marcianus<sup>14</sup>, Macer<sup>15</sup>, Hermogenianus<sup>16</sup>, Venuleius<sup>17</sup>, Arrius Menāder,<sup>18</sup> Valens<sup>19</sup>, Iulianus<sup>20</sup>, Scæuola<sup>21</sup>, Iunius Mauricianus<sup>22</sup>, at qui & quanti lu-



risconfulti, vno omnes cōsensu hac de re scripserint. Ac ne quis fortè existimet constitutiones istas, & earum similes, à Senatu vel concilio re verâ profectas esse, licet Imperatoribus ascribatur, multis præterea exemplis admonemur, Imperatores non rarò, pro potestate imperii, contra iuris cōmunis rationem & formam, contrâque sententias assidentium consiliariorum id iuris, quod adhuc obtinet, pronunciasse. Quinetiam quædam non iure facta, id est contrâ legis præscriptum, vt firma & rata, velut iure optimo, censerentur, suâ authoritate roborasse. *Adoptio non iure facta*, inquit, *Marcellus* <sup>1</sup>, à Principe confirmari potest. Et *Vlpianus* <sup>2</sup>, *nupta prius consulari viro impetrare solent à Principe, quamuis perrarò, vt nupta iterum minoris dignitatis viro nihilominus in consulari maneant dignitate: vt scio Antoninum Augustū Iulie Mammæe cōsobrina sua indulgisse*. Idem alio loco huius summx potestatis in iure & legib. dandis exemplū illustre profert <sup>3</sup>: & aliud *Arcadius* <sup>4</sup> *Charisius* his verbis. *His incunabulis Prefectorum authoritas initiata in tantum meruit augeri, vt appellari à Prefecto pratorio non possit. Nam cū antè quasitum fuisset, an liceret à Prefectis pratorio appellare, & iure liceret, & extarent exempla eorū qui prouocauerunt, postea publicè sententia principali lecta, appellandi facultas interdicta est*. *Paulus*. *Imperator cum seruū manumittit, nō vindictam imponit, sed cū voluit, fit liber is qui manumittitur, ex lege Augusti*. Idem <sup>5</sup>. *Solet à Principe impetrari, vt intra legitimū tēpus mulieri nubere liceat*. In his nemo non videt liberrimā Principum potestatem in condendis legibus apud Romanos, parē inque in conditis abrogandis etiam seculo illo magnanimatorum hominum feracissimo, quæ vsque eò creuit, vt contractus imperialis pro lege haberetur, & vt multa paucis complectar, authoritatis tantum in monarchia solus Imperator habuit, quantum in democratia populus vniuersus: siue leges iubere vel abolere, siue bellum indicare, aut pacem cum hostibus facere & fœdus icere, æquum bonum iudicaret. Quæ de causa *Symmachus* (ad *Valentinianum*, *Theodosium*, & *Archadium* Impp. scribens) vocat Imperatores publici iuris conditores: & *Iustinianus* <sup>6</sup>. *Quid maius, quid sanctius imperiali est maiestate? vel quis tanta superbia fastidio tumidus est, vt regalem senctū contemnat: cū & veteris iuris conditores constitutiones quæ ex imperiali decreto processerunt, legis vim obtrivere apertè dilucideq; definiant?* Quæ cū ita se habeant: nescio quid *Bruto* venit in mentem, vt absolutam regnandi potestatem penes *Barbarorum Reges* tantū mansisse

1 l. Adoptio 38.

D. de adoptio.

2 l. Nuptæ. 12. D.

de Senatoribus.

3 l. i. de testam. militis.

4 L. Vnica. De officio Prefecti pratorio.

5 l. Solet. 1. D. de iis qui notantur infamia.

6 l. ultim. C. de legib.



dicat. *Cum primis temporibus*, inquit, *Reges absolute imperarent, quorum arbitrium lex erat, paulo post interpolitiores & civiliores passim legitimi fierent, id est, legibus seruandis custodiendisque obligarentur: absoluta verò illa potestas penes Barbarorum Reges tantum maneret.* Nunquid Romanos Barbaros fuisse censet? nunquid Græcos? vel nunquid fidem sibi potius quam tot locupletissimis testibus haberi poscit? Haud scio equidem qui poterit hinc Brutus ab ignominiosâ calumnie suspicione semet vindicare: nisi forsitan nouæ religionis suæ patrocínio satis se protegi arbitretur, & quasi communi hæreticorum iure tutum, quibus solenne est nimia meritiendi licentia bonas & iustas causas ludificari, atque opprimere: malas autem phaleris & fucis verborum corruptas miris merisque mendaciis extollere. Sed est tamē peruersi ingenii aut ignota dicere, aut comperta tacere, quod periculum aliis intendas, vel damnum faxis.

Hactenus, Boutelleri, nostram de legibus ferendis sententiam, non ratione solum, quantum existimo, sed externis etiam testimoniis exemplisque satis confirmatam habuisti: non quòd domestica nos deficerent, suppetunt enim abundè, sed quòd illa, quoniam omnibus ferè nota sunt, haud accurata relatione egent, & cum his coniuncta liberio rem calumniandi ansam aduersariis præripiunt atque illud in primis commune perfugium obstruunt, quod in priscorum Regum institutis & moribus populorum isti nusquam non subdolè quæritant.

Quapropter expugnetur iam tandem quidquid præsidii reliquum habet Buchananus in patrio more positum. Ad eam igitur ipsam gentem venio, cuius causa stylus ille suum tam animosè tamque vehementer in Reges exacuit, populares inquam meos, quorum antiqua consuetudine se tueri nititur. Ac ne longius abeat, testes contra eum còplures ex clarissimis annalium monumentis excitare poterò, qui Scotiæ imperium, quo nullum ferè in Europa sub Regibus viguit diuturnius, principidè Regi summâ cum libertate regnandi fuisse commissum affirmant: legesque post, non à populo, sed à principibus, ut quisque eas expedire crediderat, latas fuisse & promulgatas. Nam primum populus ille ex variis collectus partibus, necdum vllis legum iurisque, vinculis inter se constrictus, à primo Rege suo Fergusio, cui omnem in se dederat potestatem, leges protinus

Hector Boet. l. i. accepit: <sup>1</sup> quas tertius ab eo Rex Dornadilla confirmasse,

& aliis à se latis cumulasse fertur. Sed & Mainus Fergusii filius consiliarios regno administrando, quos & quot vellet, suo sibi arbitrio delegit. Ac primus quidem Fannanus rex, ducentis plus minus postquam regnari cœptum est annis, sanxit vt regia publicæque negotia non nisi de patrū consilio tractarentur, quam legem, licet egregiam & Reip. salutarem, ipsius filius Durstus, vbi imperium iniit, quamprimum abrogauit. Nec vlla ferè in ea gente lex, nisi à Rege aliquo lata, memoratur. Idem iuris quoque in amplissimo & florentissimo regno Galliæ obtinere multi boni authores tradiderunt. Nam Baldus scribit <sup>1</sup>, regem Franciæ esse tanquam stellam matutinam in medio nebulæ meridionalis eminentem, & quo ad subditos suos esse tanquam quendam corporalem Deum, & esse legem animatam in regno suo, & alibi <sup>2</sup> testatur Regem solum facere constitutiones seu leges in regno Franciæ, quod idem & Barbatius asserit <sup>3</sup>. Boetius verò planissimè his verbis <sup>4</sup>. *Ex quibus patet dominos de Parlamento nec de iure nec de facto posse leges aut ordinationes facere, secundum communem & veram sententiam Doctorum in locis supra allegatis. Sed benè econtrà Princeps sine consilio procerum, vel Papa sine Cardinalibus potest condere leges decretales, non obstante clausula de qua in d.l. humanum, & illa, de fratrum nostrorum consilio, quia videtur magis decetia quàm necessitatis.* Cæterorum etiam regnorum, quæ verè regna sunt, si iura & mores animo perlustres, leges in iis à Regib. profectas manifestò comperies. Nam quod Baldus nominatim de Rege Galliæ, id prudentibus vniuersè visum est ad cæteros omnes pertinere: Principem scilicet esse legem animatam in regno suo, & iudicem iudicum, atque caput vnde omnes leges, omnes magistratus & potestates tanquā à fonte promanant <sup>5</sup>.

Quæ cum ita sint, perspicuum profectò ex iis est nihil, aut excogitari falsius aut dici inuerecundius posse, quàm leges initio ad coercendos cogendòsque in ordinem Reges à populis fuisse expetitas. En certissimas igitur & solas legum condendarum causas quas vel ipse ciuitates, liberi que populi suo arbitratu tulerunt, vel Reges pro maiestate imperii in subiectas sibi nationes sanxere: quas ego breuius quàm res tanti, vberius tamè quàm tempus exigat, hortatu tuo percurri. **B O V T.** Habeo gratias. Nihil superest quod te nunc velim, nisi vt valeas: id tamen in abscissu dicam. Videne hic tibi obiciant aduersarii, quod tu illis ini-

<sup>1</sup> Ad tit. de prohib. feud. alien. per Freder. in ult. col.

<sup>2</sup> Ad c. i. de constitut. in decret.

<sup>3</sup> Ad c. memini de off. leg.

<sup>4</sup> In tractat. de auth. magni consil. nu. 179.

<sup>5</sup> Specul. tit. de feriis. §. i. num. 9. Vide quæ post alios scribit Lucas de Penna ad l. prædia. C. de loc. præd. ciuil. li. 11. & ad l. contra C. de re mil. li. 12.

riò exprobasti: nempe facta neutiquam imitanda, & rerū malè gestarum exempla hæc esse quæ contulisti, ac proinde in iis omnibus aliud ab eo quod fieri debuit factum fuisse contendant. Scis enim nos non quid factum, sed quid factu optimum sit, in hac disputatione, atque adeò in cuiusque rei veritate inuestiganda, percontari. BARC. Rectè mones, neque enim alius in presentiarum nobis scopus fuit, quàm vt monstraremus facta esse quæ illi infecta, & infecta quæ illi facta fuisse contèdunt: vt q̃ huiusmodi falso fundamento superstruxerunt, ipso còuulso collabatur.

Quod & præstitisse nos nunc aliqua ex parte arbitramur, cum apud plerasque nationes legum originem, quam Regum insolentiæ perperam ascribunt, à Regum prudentiâ ortà esse: & quas in populi potestate leges fuisse prædicant, eas in manu Regū perpetuò sitas fuisse demonstrauerimus.

Quæ quanquam per se sufficiunt ad conuincendos mēdaciū scriptores istos maleuolos, qui spurcissimis libellis editis, non verètur asserere eā formā regnatum apud veteres, vt populus daret, nō acciperet leges, vtque lex Rege, populus lege esset superior: tamen ne homines impensè improbi, à quibus facti veritatem tot luculentis testimoniis extorsimus, de eius iniquitate querantur, & ad iuris defensionem recurrant, multas etiam in transcurso rationes grauissimas adduximus, quæ huius causæ æquitatē iure optimo sustinent, quas tamen omnes, arbitror, meministi. Ad quarum præterea confirmationem si quid amplius desideres, legitimam sanctissimi sapientissimiq̃ patris Augustini testimoniorum accessionē excipe, quæ nunc animo occurrunt. Is enim Donatistis iussu Regum, more nostrorum hæreticorum detrectantibus, ac villas Imperiali lege sibi ademptas conquerentibus, in hunc modum respondit <sup>1</sup>. *Vnde quisq̃ possidet quod possidet? nonne iure humano? nam iure diuino, Domini est terra & plenitudo eius, pauperes & diuites Deus de vno limo fecit, & pauperes & diuites vna terra supportat. Iure tamen humano dicitur, hac villa mea est, hac domus mea, hic seruus meus est. Iura autem humana iura Imperatorum sunt, quare? quia ipsa iura humana per Imperatores & Reges seculi Deus distribuit generi humano. Et post paucis interiectis. Tolle iura Imperatorum, & quis audeat dicere, mea est illa villa, aut meus est ille seruus, aut domus hac mea est? Si autem vt teneantur ista ab hominibus iura fecerint Regū, vultis vt reticeamus leges, vt gaudeatis? Et rursus ibidem paulò inferius. Leguntur leges ubi manifestè*

Tract. 6. ad ca.  
1. Ioan. & refer-  
tur dist. 8. can.  
quo iure.



nifestè præceperunt Imperatores, eos qui præter Ecclesia Catholica  
 communionem usurpant sibi nomen Christianum, nec volunt in  
 pace colere pacis authorem, nihil nomine Ecclesia possidere. Sed  
 quid nobis & Imperatori? inquit Donatistæ, quib. respō-  
 det ille beatus, sed iam dixi de iure humano agitur, & tamē A-  
 postolus voluit seruire Regibus, voluit honorari Reges. & dixit Re-  
 ges reuerimini. Nolite dicere quid mihi & Regi? quid tibi ergo &  
 possessioni? per iura Regū possidentur possessioni. Audis S. Augu-  
 stinum dicentem, Deum distribuisse leges generi humano  
 per Reges, & Imperatores, q̄ si verum est, falsum certè q̄ isti  
 iactant, leges populorum esse inuentū & à populis ad frē-  
 nandam Regum licentiā datas. Sed & idem rursus alio lo-  
 co in eandem sententiam sic scribit. <sup>1</sup> Res quæq; terrena recte  
 à quoquam possideri non potest, nisi vel iure diuino, quo cuncta iu-  
 storum sunt; vel iure humano quod in potestate est Regum terra.  
 Atque eam quidem potestatem non aliis finibus quàm so-  
 lius voluntatis principum coarctari solitam alibi clarè in-  
 dicat. <sup>2</sup> Quoties Imperatores in errore sunt (inquit) leges ad tu-  
 endum errorem contra veritatem condunt, per quas iusti exami-  
 nantur & coronantur dum non faciunt ea quæ legibus præcipiū-  
 tur, quia Deus ea fieri vetat. Idem quoque alibi vt ostendat  
 diuini iussioni parendum esse, argumentum à regio domi-  
 natu petens sic ait. <sup>3</sup> Si Regi licet in ciuitate in qua regnat iube-  
 re aliquid quod neque ante illum quisquam, nec ipse vnquam ius-  
 serat, & non contra societatem ciuitatis eius obtemperatur, imo  
 contra societatem non obtemperatur generale quippe factum est  
 societatis humana obedire Regibus suis: quanto magis Deo regna-  
 tori vniuersa creatura sue ad ea quæ iusserit, sine dubitatione ser-  
 uiendum est. Et alibi <sup>4</sup> iudicibus statutum est, inquit, ne liceat  
 in reum datā sententiā reuocare. Nunquid & ipse Imperator sub  
 hac erit lege? nam ipsi soli licet reuocare sententiā, & reum mor-  
 tis absolvere, & ipsi ignoscere. Et alibi scribit. Imperatorem non  
 esse subiectum legibus qui habet in potestate alias leges ferre. En  
 Reges legibus solutos, supràque leges esse ex Augustini  
 sententia: cui etiam libertas Regum in iubendis legib. aded  
 certa visa est, atque indubitata, vt axiomatis instar ei sit ad  
 aliarum rerum confirmationem.

Quid igitur, quæso, si publicolas istos audiisset hanc re-  
 galis officii partē, omnium penè gentium nationumq; cō-  
 sensu, & in omni memoria approbatam, non modò perti-  
 naciter repudiare, sed, ne quid ipsi nouare videātur, totius  
 antiquitatis consuetudinē malitiosè inficiari: nōne putat  
 eum,

1 Epist. 4. ad Vin-  
cent. & habetur  
23. q. 7. can. 1.

2 Epist. 166.

3 Lib. 3. confess.  
cap. 8. & habetur  
dist. 8. can. 2.

4 De Fato.



cum, qua valuit sanctitate scientiaque, eorum stylium velut diuino fulmine fuisse prosequuturum? Ergo certè beatissimum hunc Papam, velut colophonem, hic addidi, quod eius autoritas tanti est apud omnes bonos, ut vel sola sufficiat ad talem seditiosorum cætum in solas terras cum suo scelere deportandum. **BOVT.** Grauem inprimis testem veritatis produxisti, ut meritò videri possis, & verè & seuerè cum aduersariis egisse. Quapropter cum tuam de legibus ferendis, earumque origine, sententiam multis nunc teneam, non est, ut mihi videatur, cur à tam acri regalis potentie vindice, aliquid de earum interpretatione exquiram. Si enim Regi leges condere dederimus, earum quas condidit interpretationem denegare stultum est: quamuis è diuerso ambiguitatis & difficultatis legum explanatorem aliquè utcunque facere possimus, qui utique in nouis constitutendis nullum ius habeat. Ac propterea licet ii quidem, qui Reges tali legum ferendarum imperio non dignantur dubitare possint, an Regibus interpretatio committatur: nos tamen non item, cum non debeat cui plus licet quod minus est non licere <sup>1</sup>. **BARC.** Ita est profectò, nam is ipse contra quem disputauimus, non modò non latores, sed ne interpretes quidem legum Reges esse voluit <sup>2</sup>. Brutus verò quoniam callidius agere studet, colore quodam verborum Principibus interpretationem videtur concedere <sup>3</sup>, re vera autem non minus adimit, quàm qui apertè. Nam ita demum Regi licere interpretari legem ait, si & rationem, quæ anima legis est, adhibeat in consilium, & sapientum multitudinem prius consulat, sine quorum iudicio nihil ei liberum sit definire. Quis enim non videt Regis partes in explicanda lege hic propè nullas esse: cum post eius interpretationem quæstio eiusmodi adhuc supersit: num ratione rem finierit? num de consilio prudentium? quorum defectù obiciunt semper ii, qui se rentur hac interpretatione læsos: ut fatius multò sit interpretationem Principibus denegari, quàm iis conditionibus tribui, quæ lictum materiam augeant & multiplicent.

Sed vnum tamen est, quod in hoc hominum genere mirari possis, geniis eos & ingeniis ad fallendum paratis adeo miserè præditos, imò perditos esse, ut umbris quibuscumque rationum, seu ineptiis potius sophisticis capi ac deludi posse mortales omnes existiment: quasi verò in summa luce latere possit veritas, aut reuelatum non videri. Ecquis enim  
omnium

<sup>1</sup> L. non debet  
de regul. iur. cap.  
cui licet. de regu.  
iur. in sexto.

<sup>2</sup> Buchan. pag.  
34. & 35.

<sup>3</sup> Quæst. 3. pag.  
127.

omnium ante eos Theologorum, Iurisprudentum, Philosophorum, Sapientum, Historicorum, Poetarum, Oratorum, imò ecquis sanæ mentis Regi legis interpretandę potestatem denegauit? ecquis talium conditionum præscripto eius coangustauit libertatem? At isti primùm sapere cœperunt, sc. nec maiores nostri, quæ Principis, quæ populi partes essent intellexerunt, antequam isti ex Lutheri & Caluini eloacis abstrusa hæc sapiëntiæ suę dogmata hausissent.

Nemo veterum non fassus est Principes consilio & ratione omnia agere debere, vt suæ populique saluti rectè cōsulant. Nemo etiam, nisi qui ex horum schola prodierit, non censet illa quæ à Principib. sancita sunt & finita tantā habere constitutionis firmitatem, vt in ea priuato inquirere non liceat, nisi in hoc tantum, num Dei mādato expressè aduersentur. Parua eos mouere possunt aliis ignota, nec peruulganda multitudini. Annon pudeat eam Regi denegare, quam Curix sibi potestatem quotidie vendicāt, à quibus vbi decreta exeunt aliis in speciem contraria, id vnum pro ratione addi sat est, causas subesse speciales eius in iudicando veritatis, quas nec probare quidem litigantibus tenentur, nec omninò referre: vnde in regno Scotiæ eiusmodi causę vocantur simpliciter *the lords motives*, quasi dicas *motiua*, sc. causę, *Dominorum*.

Sed quàm longè diuersa sententia veterum ab istorum opinione fuerit, testantur quæ etiamnum extant ipsorum dicta illustrib. consignata monumentis, & bonorū omnium assensione comprobata. Nam vt omittam quæ Iuriscōsul. complura in eam sententiam retulerunt<sup>1</sup>: quis vocem illam Constantini Magni velut iniquam aut tyrannicā hætenus damnavit, quæ inter æquitatem & ius interpositam interpretationem sibi soli licere inspicere pronunciat<sup>2</sup>? ac non potius vt iustam, legitimam & summo Principe dignā laudauit? Vel quis Iustiniano, Innocentio, aliisve Principibus, aut Pontificib. obloquutus est vnquam, quod sibi solis & ferendæ & interpretandæ legis authoritatem, quā Principes, asseruerunt<sup>3</sup>? Prætereo hic iuris vtriusque interpretes, qui quotquot sincero ac subtili iudicio in ciuilib. sciētiæ cognitionem incubuerunt, fatentur ingenuè solum Principem posse leges condere & interpretari<sup>4</sup>. Eamque illi potestatem velut præcipuam, & propriam ipsius quanto modo, inter ea quæ regalis sunt dignitatis vnā omnes voce tribuunt<sup>5</sup>. Nam quas Senatus, quas præfectus præto-

1 Lib. 8. de off. præsid. l. pen. de off. eius cui l. 2. §. 11. §. ex facto de minorib. l. 37. §. 1. D. de relig. l. 11. de pact. dot. & alibi sæpè.

2 l. 1. C. de legib.

3 l. vlt. C. de legib. c. inter alia de sent. excom. c. in iis de verb. sign. c. cum venissent de iudic.

4 Ad d. l. 1. & vltim. C. de legib. & ad d. c. inter alia §. 1.

5 Vide quæ refert Lucas de Penna ad l. contra 13. C. de re militari.

rio facit, eas Rex facere dicitur, quia eo authore fiunt. Quæ cum ita sint, necesse profectò est, vel tot insignium virorū sententiam, in hanc usque ætatem productam & probatā, deleamus de libris nostris tanquam hæreticam, vel Buchananī & Bruti opinionem vt phreneticam explodamus. Sed Deus, vt spero, non ita nos infortunatos & infatuatos faciet, vt horum insomnia sapientum consiliis, delirationes totius antiquitatis prudentiæ, figmenta & fucum firmissimis rationibus, vanitatem veritati præferamus. Iam verò quoniam huc peruenimus operæ est, Buchananī de hac re inter alia responsum vnum referre, in quo aut falsum eum fuisse, aut fallacem denegari non potest! Iuueni enim postulanti vt Regibus saltem committatur legum pugnantiū vel obscurarum interpretatio hac ad verbum ratione resistit <sup>1</sup>. *Sed tui mihi Regum nomine plus postulare videris, quàm qui eorum imperiosissimi sunt sibi sumant. Scis enim ad iudices reuocari solere hoc genus questionis, cum aliud lex dicere aliud legis author voluisse videtur: perinde atq; illas quæ de ambiguo iure, aut legum inter se discordia oriuntur. Itaq; de his rebus grauissima sunt patronorum in foro contentiones, & Rhetorum præcepta diligentissimè tradita. Cui iuuenem ita respondentem inducit. Scio ista fieri quæ dicis, sed mihi in hac parte non minor iniuria fieri videtur legibus quàm Regibus: Satiùs enim puto ex vnius viri boni sententia statim litem finire, quàm ingeniosis hominibus, & interdum veteratoribus obscurande potius quàm interpretandi leges potestatem dari.* Hæc ille, quæ quidem vel per summā fraudem & malitiam ab eo conficta, vel per inscitiam temerè effutita esse oportet. Nam si aliud in lingua promptum, aliud in pectore clausum habuit, veterator & ipse improbus iudicandus. Sin verò quod elocutus est sensit, error quidē est non callentis scientiam in qua versatur. Nam quamuis iudices vel patroni ambiguam legis vocem, vel pluriū pugnantium sententias, ad suum quique sensum trahant & interpretentur: multum tamen interest, vtum ab illis an à Principe talis interpretatio procedat. Iudex enim haud aliis suo interpretamento præiudicat, quam quibus iudex datus est <sup>2</sup>, nec facit vt alii iudices eum sequi in iudicando teneantur, cum non exemplis, sed legibus sit iudicandū <sup>3</sup>. Sed nec ipsum qui interpretatus est ita astringit, vt ei non liceat ab illa expositione recedere in alio iudicio, si, vt saepe contingit, priorem suam interpretationem aliquo defectu laborare post solertiore ingenii acumine deprehendat <sup>4</sup>.

Præ-

1 Pag. 34.

2 Toto tit. C. res  
int. alios acta vel  
indi. l. Diui. 27. §.  
1. & l. si seruus 4. 2.  
D. de liber. cau.  
Innoc. ext. de ap-  
pellat. c. cum spe-  
ciali. & Arc. ii. q.  
1. c. sicut.  
3 l. nemo 13. C.  
de sent. & inter-  
loc.  
4 l. vlt §. sed cū  
C. de furt. & ser.  
corrup.

Præclare siquidem Innocentius <sup>1</sup>. *Non pudeat vos errorem vestrum corrigere, qui positi estis ut aliorum corrigatis errores.* Et Iustinianus <sup>2</sup>. *Non erubescimus, inquit, si quid melius iis quibus prius diximus adinueniamus, hoc facere, & competentem prioribus imponere correctionem.* Idipsum similiter de consultationibus & interpretamentis adhibitis à iuris doctoribus censeretur debet <sup>3</sup>.

At ubi princeps suam in explicanda lege sententiam interponit, ea generalis est & perpetua, atque ad omnes porrigitur, quos lex ipsa habebat obligatos: imò verò talis interpretatio censeretur pars ipsius legis, & ut lex ab omnibus observanda, à qua ne latum vnguem in iudicando liceat recedere <sup>4</sup>. Plinius ad Traianum, de Bithynis & Ponticis ciuitatibus <sup>5</sup>. *Ego inueni à plerisque proconsulibus concessam eis protopraxiam, eamque pro lege valuisse: existimo tamen tua providentia constituendum aliquid, & sancendum, per quod utilitatibus eorum in perpetuum consulatur.* Nam quæ sunt ab aliis instituta, sint licet sapienter indulta, brevia tamen & infirma sunt, nisi illis tua contingat auctoritas. Hæc trita sunt & peruulgata apud Iurisconsultos <sup>6</sup>, quorum libros si Buchananus diligentius etholuiſſet non commiſſet, fortè ut harum rerum longè disparium & diſiunctarum confusione falleretur aut falleret. Quinimò iudicantium arbitria principalibus oraculis æquare, aut ambitioſas patronorum contentiones specioſæ Regis intentioni tam inſcien- ter componere penitus erubiſſet. Verum mihi in hanc partem diutius incumbendi, neque animus nunc eſt, neque otium: ac ne opus quidem plura dicere. Nam quantumvis obnixè cõ- ſtitur huic materiæ in primis illuſtri & peruulgatæ, hominũque ſapientiſſimorum iudicio iam pridem deciſæ tenebras offundere: nunquam proſecto efficiant ne ab acutis hominibus videatur eius veritas, & vindicetur.

Hæc ubi dixiſſem totus iam ad iter compoſitus, atque inequum conſcendere paratus, datis utrinque dextris, ille me, ego illum valere iuſſimus.

LIBRI SECVNDI FINIS.

<sup>1</sup> c. qualiter 17. de accusa.

<sup>2</sup> Auth. de nup. in fi. præf. coll. 4.


<sup>3</sup> Bald. add. l. ult. C. de & ad e. ne imitaris. de constitut. Angel. ad l. labeo D. de seruit. præd. rust. Felin. ad d. c. qualiter. Bal. ad l. de tutela C. de in integr. restit. min. Vid. Ias. ad l. si ita. nu. 27. de leg. 1. fol. 24. & ad l. Prator. §. si alio quando nu. 5. de oper. non nunc.

<sup>4</sup> D. l. ult. C. de legib.

<sup>5</sup> Lib. 10. fol. 180. pag. 2.

<sup>6</sup> Bart. ad l. 1. C. de legib. Panor. ad d. c. inter alia de sent. excom.





GVIL. BARCLAII I.C. DE  
REGNO ET REGALI POTESTATE  
aduersus Monarchomachos  
Liber tertius, in Brutum  
prior.

*Institutum authoris hoc libro: cum quibus consli-  
etetur: quâ methodo: Buchananum & Bru-  
tum hæreticos esse.*

C A P. I.



VAM cæteris Reip. formis Monarchia antecellat, & quantam Reges libertatē in consiliis capiendis, in legib. dandis authoritatem habeant, superiorib. libris satis supérq;, ni fallor, est demonstratū. Nunc an populo fasces submittant; & quam se in singulos, eam populum vniuersum in ipsos animaduertendi potestatem & imperium habere agnoscant: aut legibus antè, vel à se latis, ita teneantur, vt non nisi ex earum præscripto ius dicant; eoq; q̃ aliis reddunt, vt ipsi quandoque vtantur conuenti: deq; aliis id genus quæstionib. sequēs nobis instituetur sermo: quem non modò viri boni audient, vt spero, libenter, sed prauit etiam & pertinaces, vel tanquam erroris sui emēdatorem amplexabuntur, vel certè monitorem officii, velint nolint, opportunum importunumq; habebunt, qui in abstrusiores cogitationum recessus penetrans efficiet, vt eos proprii sceleris conscientia stimulet, &

*Surdo verbere cadat*

*Occultum quatiente animo tortore flagellum.*

Et quāuis nonnullos fortè obstinatioꝝ voluntas ita cōcitatos atq; infensos in Reges detinet, vt ratione & oratione mol-

nē molliri nequeant; tamen id saltē consequemur, vt imbecilles, quos opinionum varietas torquet, aliquā inde lucem veritatis aspiciant, quā magnos illos errorum gurgites, & ingentem mendaciorū Charybdin, quib. aduersariorum scatent ppuscula, præuidere & præterire sine periculo possint. Quanquam autē certamen nobis est cum omnib. regalis potentix aduersariis, quotquot scripto tantā minuire maiestatem sunt conati: tamen in libris hisce nostris de regno, trium tantum, Buchanani, Bruti, & Boucherii errores præcipue & nominatim refellendos suscepimus. Ac Boucherii quidē reprehensioni postremus locus datus est, quem etiam à cæteris, librorum distinctione consultò separauimus, licet vnā in fronte confideant: non quod ipse melius quàm isti de Regibus senserit: est enim æquē, imò magis, in illos iniurius, sed quod rationum eius pars maxima ab istorum fontibus deriuata est, vt iis confutatis sat esse videatur reliquos huius errores leuiter indicare: addo etiam ne se Catholicum, & ecclesiasticæ dignitatis hominem (quem ego ordinem, ab ineunte ætate, obseruare semper, atque amare didici) cum impuris & manifestis hæreticis copulatum esse conqueratur, nē ve quos fides pietasque debent disiungere, eos vitiosæ opinionis societas (quæ tamen & ipsa pertinaciùs retenta, hæresis est) mutuā animorum consensione & communi scelere vinculo constringere & colligare videatur. Eius itaque libris, quamuis luce & lectione indignissimis, libros dedi singulares; vt aliquis nostræ in ordinem illum obseruantix symbolus, & arrepti veritatis patrocinii, Christianæque charitatis testimoniū extet: quod si fortē eius aliquando in his libris mentionem fecimus, id idē est, quia præteriri sine vitio, & magno causæ detrimento non potuit. Susceptum autem à nobis argumentum ita tractare libuit, vt nostra prius posita & stabilita hoc libro sententia (si modò nostra dici debeat, ac non potius optimorum authorum à quibus exiit, & quos etiamnum vindices & assertores habet, vt eius nos repetitores potius quàm repertores dici mereamur) aduersariorū rationes, quibus fallacia sua dogmata fulciunt, sequenti mox libro excutiantur. In quibus enucleandis *Ἀναλογικὸν* illud scribendi genus, quo superioribus libris vsus sum, cogitatō deserui, omnemque de rebus hisce controuersis dissertationem in capita quædam contractiora sine vllō in-

terpellatore digessi: vt si quem sermonis vltro citroq; habiti tedium aliquod ex præcedenti dialogo cœpit, id breuioribus curriculi spatiis hic leuetur, dum habeat lect. or vbi interquiescat paululum & respiret.

Sed quoniam supra commonui, omnem vobis hoc libro discepcionem contentionemque de regno cum hæreticis ferè hominibus esse Buchananò nimirum & Buto, operæpretium me facturum existimaui, si eos tales esse indubitatim aliquot testimoniis commonstrem, ne nos fortè in calumniæ suspicionem trahant, quib. istorum vel ignorata penitus religio, vel non æquè ac nobis cognita est & perspecta: agam equidem de vtroque tabellis obsignatis, vt fidem quam profitentur manifestem. Ac Buchananū quidem non solum deprauatis desperatisque moribus ex libro Liberi Venerisque mancipium factum sciunt omnes, quotquot eum probè nouerunt; sed & hæreticum insignè, & mēdacem historicum sacra iuxta ac profana audaci conatu temerantem, ostendit illud eius opus, cui, *Rerum Scotticarum historia*, titulum dedit, in quo præter cætera nominis sui memoriam hoc singulari elogio consecrauit <sup>1</sup>: *Initio anni proximi (inquit) qui fuit M. D. XXXIX. Lutheranismi suspecti complures capti sunt, sub finem Februarii quinque cremati nouem, recantarunt. complures exilio damnati: in his fuit Georgius Buchananus, qui sopitis custodibus, per cubiculi fenestram euaserat.* Hæc ille grauis suarum virtutum præco, cui sponte confesso credi par est: nihil enim eum de se mētutum pertinax in hæresi ad mortem animus acclamat. Quod cū ita sit, ecqui mirum videri possit, in egregium nequitiae artificem euasisse eum, qui in primis iuuentæ annis, scelere omnium maximo flagitiosæ vitæ rudimentum posuit? Iam verò historiam reliquam ea fide scripsit, q̃ in meo me pudet populari reperire: probissimos quosque lancinat maledictis, pios per calumniam opprimit: quò autem quisque sceleratior, & promptior ad malum manu, eò pluribus ille laudibus celebratur. quid multis? in illa eius historia, quæ ultra Boethii nobilis historiographi epitomen se profert, mihi mendacia occurrunt, vt cū vera videam, vix vera esse, nisi cunctanter, credam. Id ipsum & alii mecum queruntur gnari temporum, quæ res gestas postremis ab eo libris mandatas continent <sup>2</sup>. Sed erit spero veri, patriæque amātor aliquis, qui venenatum eius styli mucronem retunder,

1 Lib. 14.

2 Nempe septē postremis quos de industria in matris & filii Regum necem & ignominiam malitia mala composuit.

& fraudem fide solida patefaciēs incorruptos eorum temporum annales euulgabit.

Hoc igitur homine relicto, qui ut viri adhuc viuentes clarissimi norunt, ventri & Veneri obediens, multarum in principes coniurationum fautor, quarundam etiam author, hæreseos quā domi, quā foris, quā priuatim, quā publicè pertinax propugnator extitit: ad Stephanum Iuniū Brutum venio, qui & Iunium Stephanum alibi se vocat <sup>1</sup>, adeò ille varius est: is trino nomine ascititio caput, ne agnoscatur, obnupsit: nominis immutatio nihil habet vitii, ni astu fiat alterius fraudandi causa <sup>2</sup>. Sed voluit, credo, grauius iste vindictarum author, cū Brutina consilia de summittendis populo imperii insignibus capisset, familiæ etiam illius cognomen, velut gemina ipsum virtute meritis, deligere: ut eo insignior libertatis vindex in publicum prodiret: neque enim primi illius Regum exactoris deductum in hæc tempora genus verisimile est, quem soboli toti superstitem bello aduersus Veientes occidisse bonus in primis antiquitatis author tradit <sup>3</sup>. Verum fecit hac immutatione Brutus, ut quisnam ille sit, vbiue gentium, penitus ignoretur ab omnibus, qui eum defacie non cognoscunt. Nam quod nonnulli coniectura augurantur Hotomanum esse, qui sub ficto Iunii Bruti nomine latitās iura Regū adeò petulanter exagitat, eò quod multa in hisce vindictiis sparsim continentur, quæ in sua ipse Francogallia conscripserit; id aliā probabiliore cōiecturâ improbat. Brutus siquidem firmandi erroris sui causâ id asserit, quod Hotomanus in Francogallia ridet refutatque, ut inferius suo loco demonstrabitur <sup>4</sup>. Adhæc author iste supinos iuris civilis errores non semel atque iterum cōmittit, quos neuiquam verisimile est Hotomano excidisse, quem diu multumque in eā scientia versatum fuisse nemo ignorat. Et quidem parum absuit quin nesciremus etiam qui vir fuerit Brutus, (vnde enim id expiscari potuimus?) nisi ipse nobis fidei suæ vestigia in illis ipsis vindictiis reliquisset. Fœliciter itaque cessit, quòd homo vel sui oblitus, vel genio impulsus meliore, id de se apertè pròdiderit, quod vnicè studuit occultare, & ea religionis suæ testimonia reliquerit, quæ minimè orthodoxum esse arguāt: ut opus illud non homini catholico excidisse, sed ab hæretico quodam exiisse intelligamus: rex plurimis pauca subiiciam. Primum

<sup>1</sup> In præfatione quæ ipsius est, licet alieno nomine inscripta.

<sup>2</sup> l. vni. C. de mut. nom.

<sup>3</sup> Dionys. Halic. lib. 5.

<sup>4</sup> Lib. 4. c. 15.



† Pag. 18.

ex quaestione prima: vbi cum Reges Deo, diuinoq; cultui hostes factos, mortem miserè oppetiisse, vno aut altero exemplo ostendisset, mox Reges verè Christianos, quorum in tutela Ecclesiā Deus suam esse voluit, contumeliosè impetit, quasi eodem dignos supplicio, q̄ fidem Catholicam propugnent, propagentq̄: sed ne quid ipse de eo comminisci videar, en eius hæc sunt <sup>1</sup>: *Plena verò sunt superiorū seculorū historia consimilib. exemplis, qua nec nostro etiā seculo nobis defunt. Aliquot abhinc lustris plerique Reges Babylonicis poculis inebriati, Christi hosti aduersus Christum, lupo aduersus agnum militarunt, vt etiamnum plerique militant. Vidimus vero nonnullos in flagranti crimine, in ipsoque adeò, quod agitabāt, scelere perisse: quosdam etiam è triumpho in tumultum elatos fuisse: nec ceteros melior manet exitus. Stat nāpe perpetuò hæc sententia: coniurent licet oēs Reges terra aduersus Christum, & agnum nostrum diripere conentur, necesse est tandem illos manum cedere, pedibus Christi subiici, & agnū Regē regum & dominum dominātium, velint nolint, confiteri. Vt vehemens est & incensus? utinam non ad euertendā veritatē. At de catholicis hic principibus ne verbū, dices: aduersantibus tantū Christo, & cōtra eius Ecclesiā militantib. interminatur. Itane verò? expecta, alter tibi locus adest cum luculētiore testimonio quicū si prius illud contuleris, planè de catholicis sensisse Brutū, non erit cur ambigas. Locus is est in secunda quaestione <sup>2</sup>, vbi subditos assurgēdi & insurgendi Principib. suis causas & cautiones docet. Postquā n. primam & præcipuā, ac omninò necessariam secessionis causam in libertate religionis, & (vt ille loquitur) Dei purè colendi potestate asserenda constituit; atq; subditorum id esse officium ostendit, vt Regi istam diuini cultus libertatem abnuēti vim afferant, armis Ecclesiā vindicent (religiosos quippe non rebelles eo facto cēseri) tantisper arma gestēt dū Rex aduersum gerit animum, nec prius cedant, q̄ ipse libertatē concedat; atq; hæc omnia cū in laudib. subditorum pōuerit, & Davidis factum, quamuis falsò, ad huiusmodi rebellionis confirmationē adduxerit; tandem ne quid ad plenā probationem deesse videatur, simul etiā vt hæreticorum nostri sæculi mite ingeniū scilicet, & laudabilē in Regis coniurationē agnoscamus, hæc addit. *Nostro etiā tempore meminimus eos qui pro vera religione aduersus impietatē in Germania Galliaq; pugnarunt, quosiescunque Dei purè colendi potestas facta**

est.

a Pagina 61.

*est, arma ultro depofuisse, & plerunq; adeo, cū aut Saulē Philistini arma aliò vertere cogerent, aut Antiochū vicinorum impetus reuocarēt, aut alias bello cōtinuando opportuna essent omnia.* Quid lector satin hoc? Brutine religio tibi amplius obscura esse potest? cedo qui nostra ætate aduersus principes suos in Germania & Gallia regionis ergo rebellarunt? nonne Lutherami, Caluinistæ, & id genus alii, tenebrionū quorundā incantamenti velut circeis poculis infatuati? Qui libertatem colendi Deum arbitrato suo inuitis principibus exprimere conabantur? nonne iidem illi? quorum à primo sectæ suæ ortu cautio prima, imò & cautio hæc fuit, libertatem in religione omnibus esse concedendam: actum n. esse de se sciebant, incognitæ religionis semina spargentib, ni tale sycophantiis suis mantellum quæsiissent. Quib. denique permissum fuit nostro tempore religionem cui adheferant publicè profiteri? nonne iis ipsis nouatorib. quos Principes cæteroquin boni vel temporū iniuria adaçti, vel infœlicibus consiliis adducti, in Republica ad tempus tolerarunt: Catholici enim pacis conditiones in Germania & Gallia hætenus semper dare, non accipere consueuerūt. Et tamen Brutus ait istos, qui pactis de religione induciis, libertatem Dei suo more colendi à Principibus acceperūt, pro vera religione, aduersus impietatem Saulis & Antiochi<sup>1</sup>, in Germania & Gallia pugnasse: additque eos arma nonnunquam ultro depofuisse, cū continuando bello omnia opportuna haberent: quos tamen satis constat nūquam nisi cæsos cessisse, ac tunc solum opportuna pacis tempora captaffe, cū omnis belli gerendi apparatus deficeret: denique victos libertatem supplices petiisse impetrasseque, quam ipsi, si vicissent, supplicantibus denegassent. Vides hic, lector, Brutum sine fūco suam religionem profiteri quæ etiam priore testimonio non obscureprehendi potuit, ex eo quòd plerosque Reges aliquot abhinc lustris, inebriatos Babylonicis poculis Christi hosti aduersus Christum militasse scribit. Etenim profectò quis nescit Reges plerosque Christianos fuisse tunc catholicos, & Ecclesiæ catholicæ sartæ tectæ conseruandæ causa, in hæreticos alios iudicio publico animaduertisse, in alios vero legitimæ dominationis imperium detrectantes, & armis se tueri paratos, bellum sæpius mouisse: quo facto si Bruti sententiæ stetur, non Christo, sed aduersus Christum

<sup>1</sup> Per Saulem & Antiochum intelligere videtur Carolum V. Imperat. ac Philip-pum eius filiū, & Christianiss. Reges Galliæ.

militarunt. Sed ecce ἐμφανώτερον illud *Babyloniciis poculis inebriati*, nequibat vir bonus artis suæ vocabula obliuisci: peruulgare id hæreticis est, & familiare verbum, quo Ecclesiam catholicam contemptim designant. Hi loci quam satis per se ad fidem faciendam valent: tamen quo plenior numerus testimoniorum, & indubitata indicia sint in publici iudicii reum<sup>2</sup>, en tertium aduoco testem omni exceptione maiorem, qui post paucas lineas interiectas, in eadem quæstione residet<sup>3</sup>. *Actum quidem vniuersi* (inquit) *agnoscebant pontificem esse vicarium Dei in terra, & Ecclesiæ vniuersæ caput. Itaque quod vulgò dicunt, communis error iuris loco erat.* En rem iam apertè locutus est. nihil circuitione vsus: ait in communi errore versari eos, qui summum pontificem Dei vicarium in terra, & Ecclesiæ vniuersæ caput esse credunt: id si hæreticum non est, profiteor planè nullam me in orbe terrarū hæresin scire: neque enim aliud est fidei nostræ caput, in quod perfidi omnium sæculorum apostatæ, machinas plures pararint, eo enim labefactato, dispersum sine pastore gregem, membraque capite trunca, lupinis se rictibus voraturos facilè nec falsò crediderunt. Sed est cur Bruto hic gratias habeamus, quòd omnes olim Christianos in eo fidei dogmate conuenisse profiteatur, cui Brutus ipse ceterique hæretici, vt non solum tyrannico, sed mōstroso & diabolico rabiðe oblatrant: quid mul-  
tis? Euangelicam religionem Romanæ religioni opponit, quòd nemo vnquam nisi hæreticus fecerit. His igitur si adnectam alia, superuacaneus mihi labor futurus est: quando quidem eiusmodi opprobramenta fictitia in Dei Ecclesiā, & principem eius pastorem in terris, nusquam non obuia sunt legenti Brutum diligentius.

Quæ quamuis ita se habeant, tamen præfationem de laudibus huius scriptoris, & eius operis vtilitate ausus est affingere, & affigere quidam Cono Superantius, qui re vera non aliis quàm ipse Brutus est (oratio authorem vel me tacente indicat) sed appositè dictus Superantius, nam eo dum se sermone effert, seipsum mentiendo superat. Ait nulla quenquam insectandi cupiditate, aut vllarū patrium gratia scriptas esse quæstiones illas, sed solo veritatis ob oculos ponendæ desiderio, ex Gallicarum calamitatum necessitate & ruinis: quod q̄ verū sit facilè æstimabūt, qui eas ab hæretico homine scriptas norūt, & ea tēpē-  
state, qua soboles Calviniana Galliā, q̄ ciuili toties bello la-  
cesserat

2 L.vlt.C. de  
probat.

3 pag. 62.

cesserat & lassarat, armis animisq; infestâ sibi cernēs, omnē defectiōis suæ causam in religionis puræ putæ tuēdæ studio, atque officio collocabat. Bruti nunc de religione sensum tenemus: teneamus & de regno: sed prius est ut nostrū de eo iudicium confirmemus.

*Monarchia optimum imperii genus: diuinum inuentum: Reges non dari à Deo immediate: qui propriè dicantur: Dei iussu constitui ut intelligendum: populus causa Regis quo sensu dicatur.*

## C A P. II.

**M**onarchia, uti ego accepi ab iis qui politica seriò & sapienter tractarunt, optimum atque antiquissimū imperium est: quapropter iis assentio, qui firmissimum societatis humanæ, vitæque ciuilis præsidium à monarchia esse, in monarchia interire, credunt: nec ei sententiæ quenquam, cui sanum est synciput, aduersaturum arbitror. Hinc ipse Dominus <sup>1</sup> inenarrabilem beatitudinem cœlorum regnum appellauit, quòd eo nihil pulcrius, nihil nobilius, nihil vtilius inter homines reperiatur: Si enim aliud quippiam excellentius quàm regnum apud homines esset, per illud potissimū nomen animos audientium quasi alis additis erexisset, ad inexplicabilis, & inenodabilis beatitudinis studium atq; cupiditatem inquit D. Gregor. Nyssenus <sup>2</sup>. Ac nos quidem de Monarchiæ commodis, vetustate & primordio penè cœuo propaginis humanæ, haud pauca superiore libro diximus: iis hîc addere libet, non humani consilii institutum hanc formam regiminis esse: sed æternæ rerum conditoris Sapientiæ inuentum, ad communem hominum vtilitatem cum hominibus communicatum. *Ad vtilitatem gentilium terrenum regnum pos- situm est à Deo* (inquit vir sanctus) <sup>3</sup> *cuius enim iussu homi- nes nascuntur, huius iussu & Reges constituuntur, apti iis qui in illo tempore ab ipsis regnantur.* Et Tertullianus <sup>4</sup>. *Inde est Imperator, unde & homo antequam Imperator: inde potestas illi unde & spiritus*, restante scilicet Apostolo <sup>5</sup> nullam esse potestatem nisi à Deo. & paulò post: *Nos iudicium Dei suspici- mus in Imperatoribus, qui gentibus illos prefecit.* Nec hoc cum dico id volo tamen Deum semper Reges siue Monarchas populis dare immediate (vñs ei verbo nunc locum fecit) & quis cui imperet nominatim præscribere: id enim perrarò, & non nisi extraordinariæ tantum mutationis, rei que ingentis perficiendæ causâ, priscis

<sup>1</sup> Matth. 5.

<sup>2</sup> L. de Beatitud.

<sup>3</sup> Irenæus l. 5. ad- uersus hæreses Valent.

<sup>4</sup> In Apologet.

<sup>5</sup> Ad Rom. 13.

tem-



temporibus factum esse didici: nec eum quem Deus expressim destinat Imperio, antè Regē esse quam populi consensus accesserit, qui eum super se Regem constituat: & coronæ sceptrique regalis traditione velut in regni possessionē inducat. Nam & Saule electum à Domino, populi suffragiis postea Regem factum constat <sup>1</sup>: & Dauidem, Saule adhuc rerum potiente, vnctum & electum, nec Regem tamen nisi ab obitu Saulis, & voluntaria gentis suæ in eum consensione nouimus <sup>2</sup>: cui etiam rei testimonio est, quòd quamuis Helias propheta iussus sit vngere Hazaelem Regem super Syriam <sup>3</sup> viuente adhuc Rege Benadad, tamen anno post circiter octauodecimo, Rege Benadad morbo mortifero iam laborante, Elisæus propheta eundem Hazaelem sic affatus est. <sup>4</sup> *Ostendit mihi Dominus te Regem Syriæ fore.* Dixit regem fore, non fuisse, non esse licet eum Dominus ante tertium retrò lustrum legisset perque Heliam vngi præcepisset. Vult quippe Dominus, quos deligit Reges offerre populis, non obtrudere: & multitudinem spontis suæ ductu sub vnus imperium, & ditionem legitimam redigere: vt quem suo pte nutu super se constituit, ei non solum amorem, beneuolentiam, consilium, auxilium, & quicquid potis est officii, libenter deferat: verum etiam auctoritate diuina, & iure gentium subiectam se planè, & parendi necessitate constrictam esse sciat agnoscatque. Et hæc quidem cum ita se habeant, consequens profectò iis est, non nisi *κατ' ἐλπίδα*, id est secundum spem, Regem dici posse, quem Deus elegit, & designauit imperio, donec à populo, aut, populi totius nomine & cōsensu, primatibus qui multitudinem repræsentat, Rex constituatur: vt olim Dauid <sup>5</sup>, quem ob hanc spem & promissionem regni Regem vocat Athanasius <sup>6</sup>: quo modo & dominum aliquando dici eum, qui nōdum reuera dominus est, iuris ciuilis auctores tradiderunt <sup>7</sup>. Quapropter vt deberi talibus regnum aliquis rectissimè dixerit, ita eisdem interea esse, vel vocari iure Reges, nisi per anticipationē spe regni ineundi, perperam contendet, quod enim nobis debetur, id nostrum non esse prudentes definierunt <sup>8</sup>. Atque iis quidem quos beneficio singulari Deus nominatim hoc modo ad Imperium vocat, consimiles magna ex parte sunt filii Regū natu maximi, aliiq; in ordine successionis proximi, quibus natura simul & gentium iure paterna regna deferuntur: nam & ipsis etiam regnum debetur, sed Reges tamen non sunt,

ante-

1 1.Reg.10.

2 1.Reg.16.

2.Reg.2.& 5.

3 3.Reg.19.

4 4.Reg.8.

5 1.Reg.25. nu.  
25.& 30.

6 In epist.ad solitar. vitam agentes.

7 Paul. in l.in suis ff. de lib.& posth Alcia. li.2. parerg. c.15.

8 Q. Mutius Vlp. Pau. Scæu. l.27. §. 2. l.34. D. de aur. arg. leg. l.28. §.4. de lib. leg.

antequam ritu patrio, & more maiorum inaugurètur. Nisi fortè populus alicubi ius aliud in Regum suorum fauorè, vel expressa lege constituit, vel tacito & diuturno cōsensu, qui legem imitatur & pro lege custoditur <sup>1</sup>, introduxit. Quemadmodum apud Francos in more positum & obseruatum, atque etiam Amplissimi Ordinis decreto confirmatum <sup>2</sup> esse scio, vt qui ad sceptrum iure hereditario sine cōtroversia vocatus est, is ante solennem inaugurationem & consecrationem, pro consecrato & inaugurato quod ad ius & honorem regium habeatur: idque sapienter vt alia multa, & publicæ vtilitatis causa, ab illo Senatu constitutum est. Sed cū hoc fictione quadam quæ naturalem rationem commutare non potest <sup>3</sup>, & iure singulari sit introductum, generalem nostram de Regum successionem sententiam non tam eleuat quàm confirmat. Ex eodem rationis fonte manat, vt quisquis Dei permissu viam sibi ad imperium vi & armis munierit, quantumvis moderatè leniterque subactis à se populis dominetur, tyrannus & sit & habeatur, tantisper dum mitigatis & flexis in fauorè animis, Rex communi ordinum conspiratione atque consensu declaratur.

Quod igitur positum est, Regnum à Deo esse, Dei iussu Reges constitui, Reges per Deum regnare, & quæ sunt id genus summa beneficia Dei largitione consequi: id eò pertinet, vt intelligamus Deum Regibus, seu instinctu, seu permissu diuino ab hominibus legitimè constitutis, eam auctoritatis prærogatiuam impertiri, quæ omnem populi potestatem superet: & amplitudine maiestatis tanta ornare, vt Regis quàm populi celsius quoddam atque augustius imperium conspiciatur. Itaque hac ratione à Deo constituti esse, & potestatem accipere dicuntur, quod is potestatis à multitudine in ipsos collatæ, summus & autor & approbator sit: vt quamvis eius potentiæ largitor populus videatur, qui Regem super se constituit, & suum omne imperium & potestatem in eum transfert: tamen id donum, atque beneficium Dei frequentius quàm populi, in sacris literis nuncupetur. *Scidit Dominus regnum Israel à te hodie*, inquit Samuel <sup>4</sup>, & tradidit illud proximo tuo meliori te. Sic Deus per Nathan Dauidem alloquitur <sup>5</sup>: *Ego vni te in Regem super Israel, dedi; tibi domum Israel & Iuda. Et Salomon* <sup>6</sup>: *viuit Dominus qui firmavit me, & collocavit me super solium David patris mei*, & alibi Deus <sup>7</sup>: *Ecce ego scindam regnum*

<sup>1</sup> L. de quibus 32. & l. seq. D. de leg. 2 19. April. 1498. vide Papon. de Arest. lib. 4. tit. 2. Arest. 1.

<sup>3</sup> L. 2. D. de vsuf. ear. rer. quæ vsu. cons.

<sup>4</sup> 1. Reg. 15.

<sup>5</sup> 2. Reg. 12.

<sup>6</sup> 3. Reg. 2.

<sup>7</sup> 3. Reg. 11.

1 3. Reg. 14.

2 3. Reg. 16.

3 Deut. 17.

2 Paral. 22.

regnum de manu Salomonis, & dabo tibi decem tribus. & paulo post <sup>1</sup>. Quia exaltavi te de medio populi, & dedi te ducem super populum meum Israel, & scidi regnum domus David, & dedi illud tibi: Et rursus <sup>2</sup>: Pro eo quod exaltavi te de pulvere, & posui te ducem super populum meum Israël. Multaque alia his consimilia ex iis libris testimonia peti possunt. Sed ecce Deus etiam constituere Regē dicitur: ne quis putet id multitudinis esse proprium <sup>3</sup>. Sic enim Ahias propheta: *Constituet sibi Dominus Regem super Israel, qui percutiet domum Ieroboam in hac die*. Quid ita? quod nimirum Deus ipse Regis constituēdi princeps author est, populus verò velut instrumentum, causāve secunda: ut quamvis pro immensæ maiestatis suæ imperio, regnum in quemlibet, sine vllis populi suffragiis, vllōve delectu transferre possit: non secus ac Rex prætores, vel præsides, cum imperio in singulas regni prouincias mittere, vel mutare, prouincialium vel non rogatā, vel non expectatā sententiā: tamen, quæ sua est in rebus humanis disponendis & dirigendis benigna prouidentia, non, nisi isto Regis accipiendi ordine seruato, summam illam in populos potestatem cuiquam mādare velit. Quemadmodum igitur æternus ille rerum opifex Deus Opt. Max. à prima mundi origine, res à rebus, seu causis secundis, rato & perenni ordine oriri, ac procedere voluit: cum per se potis sit omnes rerum naturalium effectus, nullo intermedio procurare: ita Regem à populo & per populum fieri, quem ipse sine populo facere potest, ad illustriorem gloriæ suæ magnificentiam, mirabili hoc dispensationis artificio declarandam præcipit. Dicitur etiam constituere Regem Deus, quod potentiam Dominationis instituto Regi delatam ita confirmat, ut infringi à populo, aut infirmari amplius, nullā ratione possit. Neque enim ut Reges creare, ita & creatos abdicare, aut in ordinem cogere, populorum arbitrio commissum est, idque infra pluribus demonstrabitur.

Vt autem quæ dicimus planius intelligantur, in memoriam reuocare oportet vñtatam illam, ac tritam apud Philosophos causarum diuisionem <sup>4</sup>, qua nonnullis efficiētia quædam rerum, dum fiunt & producuntur tantum, aliis verò rerum quandiu fiunt manentque, & producendarum & conseruandarum vis ac potestas tribuitur: ut armarii domusque faber, ephippii stratorum artifex, donec iunt & toagmentantur, causæ sunt: vbi autem consummātū iam

atq;

<sup>4</sup> Vide Titelmā.  
l. 2. comp. na. phil.  
soph. cap. 15.

atque perfectū opus est, nihil horum operā egent, his sine consistunt, & esse suum retinent, adeò quidem, vt effectus dici amplius non soleant, cum nihil quicquam ab iis causis iam accipiant, à quibus initio perficiebantur: quinimò semotis & sublati talibus efficiendi causis, atq; etiam nolentibus vel retinentibus interdum, res semel factæ consistat: exēpli gratia, edificatore mortuo, prætorium, palatiumve nihilo magis concidit, aut id esse desinit, quod viuo artifice fuerat, quippe esse suum in se habet nullo iam externo cōditoris adiumento suffultū. At corpus luciferum, gignendi simul & conseruandi luminis in alio causa est: vt sol luce cœlo diffusa diem nobis producit, quamdiu per nostrum hemisphærium currit subiecta; terrarū plagas illustrat, & statim atq; abscedit, effectū defectū, cassum inquā, atq; orbatū lumine, corpus antè illustratū reddit, ob eamq; harum causarum differentiam, qui explicatiùs de iis tractare nituntur, has quidem secundū esse causas meritò vocitāt, quia nec sine iis produci effectus nec consistere producti possunt: illas verò causas secundū fieri (mos loquendi Philosophis) simili prorsus ratione nomināt, quòd scilicet ad componendum non item ad cōseruandum sint necessarię.

Quæ cum ita sint, in priore causarum genere populus, in posteriore Deus Omnipotens, quantum ad regnū attinet, iure optimo collocandus est: populi enim non vt in constituendo, ita in conseruando Rege consensus, conatusque necessarius est. Sed ne me fortè in hoc vel curiosus rerū obseruator aliquis inscitie arguat, vel inuidus mei, peruersa & calumniosa interpretatione, odio multitudinis subiiciat, me meæ explanatorem sententiæ, lector, auditor, habeto. Non inficior equidem infensum Regi suo populum regnū facile conquassare, & Regem non modò de solio deicere, sed totius etiam Reipublicæ statum turbare sæpe, atque euertere solere: nec me latet ad diuturnitatē imperii valere plurimū, diligi atque amari ab iis, quibus imperatur: scitum enim est, optimum regnandi præsidium esse ciuium beneuolentiam. Sed aio dissensum, defectionē, atq; rebellium populi, nihil pristini iuris Regi adimere, nec quo minus Rex sit efficere posse: & quin siue ciuilibus armis appetitus succumbat fortunæ, vique regno excludatur, retineat dominium, id est ius regnandi in se collatū, quamuis metu possessione cedat: siue compressa atque edomita subditorū quoquo pacto temeritate, inuitis dominari perseueret,

iure



iure suo, hoc est regni, in se collato vtatur: & vt vno verbo dicam, populus constituere Regem potest, sceptrum autem destituere minimè: nec quemadmodum consensu populi fit, ita contrariè consensu definit esse Rex, qui legitimè semel regno præfectus est: quippe post acceptum & imauguratum Regem, populo quod ei amplius det, iuris nihil est reliqui, quòdve adimat citra iniuriam, nihil. Igitur quod regnum adeptus sit aliquis, Deo simul & populo: quod autem rerum potitus regali in folio sedeat permaneatq; soli Deo constitutori & conseruatori acceptum ferre debet.

*Constituendi Reges facultatem omnibus gentibus esse tributam, eligendi paucissimis, hanc adimi iure successionis hereditaria, quam in regnis obtinendis naturali & gentium iure locum habere, multis testimoniis atq; exemplis sacris & prophanis demonstratur. Populi arbitrium de regno, etiam genere regio superstitè, qui casus inducant, eorum exempla quadam.*

### C A P. III.

**E**X duobus suprà propositis, alterius probandi necessitate liberamur, quòd ipsum aduersarii non modò nobis concedant, sed etiam contra nos in argumentum trahant ad popularem potestatem demonstrandam: quasi populum Principe superiorè esse, hoc ipso euincatur, quòd huius creandi penes illum potestas sit<sup>1</sup>: sed ea ratio quantum habeat momenti secretiùs inter alia aduersariorum argumenta suo loco dispiciemus. Alterum verò, quod est, Regem legitimè constitutū neque abdicari à populo, neq; in ordinem iure cogi posse, quoniam istorum sententiæ ex diametro (vt aiunt) opponitur probare sedulò, & confirmare exquisitis rationibus oportet: quod tamen priusquā aggrediamur, libet præterea nonnihil de hoc ipso quod concesserunt inquirere: Regem non propriè dici, antequā ei populus de regno assensus fuerit, imperiumque cōtulerit, & ipsi vtique affirmant, & nos falsi sumus. An ergo populus quem volet eligere, & Regem facere vel sufficere possit? id isti quoque admittunt<sup>2</sup>, & superiori sententiæ consentaneum, atque consequens essentur. Nos contrà, eligendi Regis facultatem à constituendi potestate, longo planè interuallo distinguimus: & hanc gentibus, suo cuique more, omnibus cōpetere profiteamur, iis ipsis de causis,

<sup>1</sup> Brut. quest. 3.  
pag. 65.

<sup>2</sup> Brut. pag. 83. in  
fin. & seq.

his, quæ superius à nobis relatæ sunt <sup>1</sup>, illam verò paucissi- <sup>1</sup> cap. 2.  
 mis, ac propè nullis, esse concessam: quandoquidem apud  
 omnes ferè nationes, quæ sub Regibus degunt, hæredita-  
 rio iure in regnum succeditur, quæ res omnem populo eli-  
 gēdi facultatem adimit: stabilitum enim in fam lia sceptrū  
 ad hæredes nascendi sorte, & iure gentium ita deuoluitur,  
 vt eripi iis, atque auferri, consensu arbitrioque multitudi-  
 nis nequeat, (de iure loquor, non de facto atque vi, quæ,  
 vt ille ait, *summas frangit, infirmatque opes*) nam vt antè dixi-  
 mus, talibus debetur regnum, licet Reges non sint antequā  
 volente populo inaugurentur.

Nec his aduersatur quod ex D. Hieronymo <sup>2</sup> inter Ca- <sup>2</sup> in cap. 1. epist.  
 nones relatum est de Moyse <sup>3</sup>. *Moyse*, inquit, *Amicus Dei* <sup>ad Tit.</sup>  
*cui facie ad faciem Deus locutus est potuit utque successores prin-* <sup>3</sup> Gan. Moy.  
*cipatus, filios suos facere, & posteris propriam relinquere dignitatē,* <sup>8. q. 1.</sup>  
*sed extraneus de alia Tribu eligitur Iesus, vt sciremus principatum*  
*in populos non sanguini deferendum esse, sed vitæ.* Nam de Eccle-  
 siastico eum principatu loqui, alia ab eo illic in eandem  
 rem scripta, quæ partim antecedunt, partim sequuntur,  
 perspicuè ostendunt. Quapropter apud veterem Dei popu-  
 lum res ita de regno compositiæ erant, vt Dei electio, mul-  
 titudinis constitutio Regis esset <sup>4</sup>. Itaque cū semel atq; <sup>4</sup> id Brutus fa-  
 iterum Dominus Regem nominasset, tandem velle se in <sup>tetur. p. 77.</sup>  
 dōmo Davidis regnum Iudæ perpetuò manere declarauit:  
 vt eo successionis ordine proposito, non solum elatos Iu-  
 deorum spiritus comprimeret, sed etiam contentiones ac  
 turbas illas maximas compesceret, quæ inter regni proce-  
 res, eò dignitatis aspirantes in tanta eligendi libertate exi-  
 stere potuerūt: simulque hereditariam in regno successio-  
 nem, rem nec iniquam nec inutilem esse declararet. Sed &  
 simili planè modo regnatum fuisse à Regibus Israel, nobi-  
 lis illa Regum historia testatur. Ac memorabile quidem  
 illud est, & profundioribus animi sensibus insigendum,  
 quod Deus nemini ita regnum contulisse fertur, vt personæ  
 id solum, non etiam posteritati legitimo successionis iure  
 tenendum daret, quin contra, sepe nos Scriptura docet  
 Deum, licet vni nominatim tribuebat imperium, voluisse  
 semper id beneficii ad sobolem quoque peruenire, quasi  
 satis patris persona comprehensam: quamuis donationē  
 nō rarò ob donatarii commissum reuocarit: quò pertinet <sup>5</sup> Celsus l. si pa-  
 quod Iurisprudentes, rationis tantum & ingenii lumine <sup>sum 9. D. de</sup>  
 ducti, tradiderūt <sup>5</sup>, nos nobis cauēdo hæredib. etiā cauere, probat.  
 etsi nullā de iis facta sit mentio. X Ac

Ac in regno quidem Iudaico (quod vel istorum senectū  
 2 Brut. q. 3. p. 90. optimè fuit institutum <sup>2</sup>) nullam electionis facultatē pe-  
 nes populum remansisse, testimonio est diadema cum sce-  
 ptro sæpius pueris, atque adeò infantibus traditum: Ioas  
 namque septem tantum erat annorū cum regnare cœpit,  
 3 4. Reg. 22. Manasses verò duodecimo, Iosias octavo ætatis anno Re-  
 2. Paral. 33. & 34. ges vincti sunt <sup>3</sup>: quos populus, si libera atq; soluta ei optio  
 Regem eligendi fuisset, nunquam posthabitis adultis, &  
 magnis corporum animorumq; dotibus ad Rempublicam  
 capellendam, vt in ea gente, instructis, Reges sibi asciuisset:  
 cū sciret præsertim puerile imperium vix sine magno  
 Reip. intertrimento posse consistere, id Deo per Salomo-  
 4 Eccl. 10. nem denunciante manifestò, cū ait 4: *Va tibi terra cuius*  
*Rex puer est.* Vt autem intelligamus populum illum legiti-  
 mo successionis iure, & non aliter, ad pueros Reges consti-  
 tuendos fuisse adductum, in eādē historiā expressum est,  
 pessimi & idolatræ Regis filium, infantem adhuc, cer tē in-  
 fantiæ proximum (qua ætate ingenii indoles, & flexibilis  
 in quoduis studium animus occulitur, inque patrios mo-  
 res timetur propensio) Rege à coniuratis interfecto, ad  
 5 4. Reg. 21. & 22. paternum regnum fuisse admissum <sup>5</sup>: cuius quidem iusti-  
 2. Paral. 33. & 34. tiæ religiosius sanctiusque seruata, maximam à Deo mer-  
 cedem populus ille videretur accepisse, eum nempe ipsum  
 Regem puerum, omnium qui in ea gente regnarunt, pie-  
 tate & iustitia, secundum Dauidem, optimum.

Iam verò ne quis talem successionis ordinem in eo tan-  
 tum populo inualuisse excipiat, facilè ostendi potest idem  
 iuris apud omnes nationes obtinuissè, exemplis eorum,  
 qui recens nati, ac ne nati quidem, tantum vtero conclusi,  
 extraneos omnes, atque adeo patruos suos, aliosque de  
 stirpe regia ab imperio hæreditatis iure excluderunt: quos  
 si multitudo nulla iuris necessitate coacta, sed suo pte con-  
 silio, viris iam ætate, ingenio, autoritate grauib; præ-  
 tulisset, cerita profectò & infatuata mirum in modum fu-  
 isset. Lycurgus, vbi accepit Polydecten fratrem uxorem  
 gtauidam reliquissè, statim Regis, quod antè assumpserat,  
 nomen deposuit <sup>6</sup>, interim *αἰσδικον*, id est tutorem, se esse  
 professus: sed & natum deinde posthumum primo lumine  
 6 Plut. in vita scitissè Lacedæmonis, ac dixissè fertur. *Βασίλεος ἡμῶν γάρ γε-  
 νεν, ὁ Σπυρτιάται.* (id est ὁ Lacedæmonii, Rex nobis natus  
 est) moxque infantem regiā in sellā deposuissè. Atque i-  
 terum in eādē Republica Pausanias Cleombroti filius  
 tutor

tutor fuit Pliftarcho, Aristodemus verò Ageſipolidi <sup>1</sup>, vter- <sup>1</sup> Pauſan. in La-  
 que regnum pro pupillis adminiſtrans : Aſcanio ad pube- conic.  
 rem ætatem regnum muliebri tutela reſeruatum fuit <sup>2</sup>. A- <sup>2</sup> Liui. lib. 1.  
 rimbæ pupillo cui regnum Epiri debebatur publicè tuto- <sup>3</sup> Juſtin. li. 17.  
 res conſtituti fuerunt <sup>3</sup>. Hermeas filii Antiocho nati tute- <sup>4</sup> Polyb. l. 5.  
 lam ſpe & opinione etiam viuo patre deuorabat <sup>4</sup>. Eume- <sup>5</sup> Plutarch.  
 nes Aſia minoris Rex Attalo filio, cui regnum adhuc pue- <sup>6</sup> Sed  
 ro tradidit, Attalum fratrè dedit tutorem <sup>5</sup>. Philippo De- <sup>7</sup> *φίλαδελ-*  
 metrii filio Macedonia, Ptolomæo Ægypti imperiū fideli *φίλος.*  
 tutorum opera in pubertatis annos ſeruatum fuit <sup>6</sup>. Sed <sup>8</sup> Liui. l. 40. & lib.  
 inter cætera memorabile illud eſt, quod de Macedoni- <sup>42.</sup>  
 bus refert Ammianus Marcellinus <sup>7</sup>. *Macedones cum Illy-*  
*riis dimicaturi* (inquit) *Regem adhuc infantem in cunis loca-*  
*uere poſt aciem, cuius metu ne traheretur captiuus, aduerſos for-*  
*tius oppreſſerunt.* Sed quid ego infinita huiuscemodi exem-  
 pla perſequar, & rei adeò vulgata teſtimonia externa con-  
 quiram? & qualia nemo in regno natus non ante oculos  
 poſita habebit, modò vel patrios gentis ſuæ mores recor-  
 detur, vel aliarum nationum quibus Reges dominati ſunt,  
 annales & monumenta perſcrutauerit.

At ſunt iſta tantum exempla; non iura, non leges popu-  
 lorum, dicer aliquis: & tamen, vbi de iuris quæſtione diſce-  
 ptatur, legibus non exemplis iudicandum eſt <sup>8</sup>. Imò verò <sup>8</sup> L. nemo. C. de  
 naturæ & gentium iuri tributam eſſe hanc in imperio ſuc- ſent. & interl.  
 ceſſionem, multis argumētis teſtimoniisſque probare poſ-  
 ſum. Ac in primis quidem grauiffimum & firmiſſimum ar-  
 gumētum huius naturalis ſucceſſionis illud eſt, quòd eam  
 Deus ipſe in Hebræorum regno non permiferit modò, ſed  
 præceperit obſeruari. Si enim verū eſt, vt veriſſimū, omnia  
 Dei iuſſa naturæ congruere, quis tranſmiſſionem regni ad  
 poſteros iure hereditario naturalem, certè non contra na-  
 turam eſſe, neget? Prætereo, quod in iſdem libris exſtat,  
 non vulgare argumentum, vbi ſcribitur Athaham interfe-  
 ciſſe totum genus ſeu ſtirpē regiam <sup>9</sup>, id enim inſcitè mul- <sup>9</sup> 4. Reg. 17.  
 tùm diceretur, ſi aliis quoque ad regale faſtigium aditus <sup>2. Parab. 22.</sup>  
 patuiſſet: aut populo quem voluerat regni ſucceſſorem de-  
 ſtinare, ius faſque fuiſſet. Neque enim quiſquam rectè, ni-  
 fallor, dixerit, totum genus conſulare vel prætorium ex-  
 ſtinctum in ea ciuitate eſſe in qua populi ſuſſi agis electus  
 quilibet eos magiſtratus inire ſolet, niſi caſa demum at-  
 que deleta tota multitudo: quinimò nec à conſulibus  
 nec à prætoribus oriundos, genus cōſulare vel prætorium



dicere cōsueuimus. Sed & alias etiam vbique nationes existimasse, proximum quemque ex sanguine regio procreatum, iure gentium communi debere in regno succedere, vel omnino credendum est, vel fides historicis abroganda. Qua de causa Etheocles fratrem suum iuniorem Polylicem, qui cum pactus erat de imperio alternis annis cōmunizando, in Thebani societatem non admisit <sup>1</sup>, sed illud petenti ex fœdere per legatos respōdit, ut est apud Poietā <sup>2</sup>.

*Qua sors iusta mihi, qua non indebitus annis*

*Sceptera dicens, teneo, aeternumq; tenebo.*

Sed ut eiusmodi antiquissimas regnorum successiones mittamus, quibus dubia propter vetustatem fides, ad eas quæ certiore veritatis notā signantur veniendū. Post mortem Alexandri Magni, orā de regni successore inter primores Macedonum contentione, omnibus visum fuit generi

<sup>3</sup> *Q. Curt. lib. 10.* regio deberi imperium iure gentium <sup>3</sup>: in eo tantum dissensio, postumūne Alexandri ex Roxane pregnantē expectarent, an Aridaum Alexandri fratrem in demortui locum sufficerent: quod imperii nondum in ea gente stabiliti præsens necessitas; simulque vota militum recentē Imperatoris amissi memoria flagrantium, ducem militaris scientiæ gnarum sine mora exposcere videbantur. Nam Herculem ex Barsine susceptū ideo non admittebant, q̄ ea fortē Alexandro iusta vxor non videretur, utpote haud solemni Macedonū ritu ducta, & ante mortē dimissa: eam enim ipse fastidians Eumeni desponsauerat <sup>4</sup>.

<sup>4</sup> *Plutar. in vita Eumenis.* Similiter ex duobus Philippi regis filiis, Perseus Demetrium fratrem ficto patricidii crimine apud patrē accusans (quia eius fauorem dignitatemq; indies apud multitudinē magis crescere quā suam senserat) id ei inter alia exprobrauit, q̄ regnū naturali & gentium iure seniori fratri debitū, ipse minor sceleratē affectasset; ad q̄ transcendere, nisi per meum sanguinem non potes, inquit <sup>5</sup>:

<sup>5</sup> *Li. lib. 40.* quo sermone nihil imprudentius, nihil impudentius, si populi tantum suffragiis, ac non potius iure sanguinis, & nascendi ordine, Perseo regnū fuisset obuenturum. Nam vel singulis conticentibus, nonne hæc totius velut populi vox vna, & patris & filiorū ipsius aures statim oppleuisset. Næ tu Perseu inuerecundē, arroganter, & nequicquā, de regno cum fratre contendis: mihiq; magnam facis iniuriam, qui de meo litigas, & id tuo tibi iure assumis quod meo tantum munere condonatur: regnum quod in hias meum est, id ego cui volo concedo, nec ulli mor-



*Leonidam, mox Cleombrotum. Mortuo Anaxandrida cum longè præstare consilio, & belli artibus Dorieum existimarent, Cleomeni tamen quod natu esset maximus, regnum inuicisti sanè detulerunt.* addit autem Paulanias ἐκ τῶν νόμων, id est, ex legum præscripto, quas ex naturæ & gentium iure fluxisse superiora nos testimonia docent. *Sic cum decessisset Archidamus (inquit) <sup>1</sup> relictis duobus filiis, Agis, quòd Agesilao maior natu erat, patri in imperio successit.* Atq; idem rursus in eodem libro, certamen de regno fuisse narrans inter Cleonymum patrum & Areum fratris senioris filium, illū patri hunc aucto succedere volentes, sic scribit. διὰ τὸ ζῆσιν οὐδὲ οἱ μέγας Ἀρὶ τῷ Ἀκροτάτῃ, καὶ ἔχει κλεωνύμου πατρώαν εἶναι τὸν ἡμέτερον, id est, senatus adiudicauit paternum imperium Areo, filio Acrotati, & non Cleonymo. Atqui Acrotatus iste nunquam imperio potius est nam patre suo Cleomene superstitē mortem obiit, relicto ex se Areo. quid tum inde? Acrotato naturæ lege, & communi successionis iure regnum, si vixisset, debebatur, de quo ius ei acquisitum fuit iam tunc viuo patre, quod morte sua in filium transfuderat: idque iuris Pontificii & Ciuilis interpretes vno omnes ore fatentur, atque ita in publico Francorum concilio fuit iudicatum inter Haimonem & Archenbaldum Borbonios Comites <sup>2</sup>, eoq;e amplius Iurisperitis visum est <sup>3</sup> filium natu maximum Regis, ducis, Marchionis, aut Comitis, viuentē patre censi quasi Regem, Ducem, Marchionem, vel Comitem. Itaque Philippus Continæus, vir integer, & candidus in primis historiæ scriptor, aulicisque adulatoribus infensissimus <sup>4</sup>, dum procerum, & aliorum quorundam Gallicani populi factiones statim ab excessu Ludouici xi. ortas narrat contra Carolum Ludouici filium adhuc puerum <sup>5</sup>, iuuenem eum Regem appellat, quòd regnum ei hæreditario sanguinis iure deberetur, quamuis nondum re vera Rex, more maiorum inauguratus esset. *Post obitum Regis nostri (inquit) defecit populus ab eo qui nunc regnat, itaque optimates cateriq; subditi arma in iuuenem suum Regem sumpserunt, aliumque sibi cōstituere voluerunt. Cupiebant omnem ei auctoritatem adimere & libertati frantum iniicere, ne regia potestate uti posset.* Deinde quærīt potuerintne hoc facere? *Certè non, inquit, quanquā nor. nulli usque adeo superbiebant, ut se posse dicerent.*

Multa breuitatis causa prætereo quæ communem de hac re omnium populorum consensum demonstrāt. Idem enim Atheniensibus de regno iudicium fuisse, quod Mace-

<sup>1</sup> dist. li. 3.

<sup>2</sup> Gaguin. & Paul. Æmyl. in vit. Lud. Crass.

<sup>3</sup> Lin suis. 15. D. de lib. & post.

<sup>4</sup> Vide Boerū in tract. de auth. mag. consul. nu. 106. C. et apparet ex. ca. 108. & 109.

<sup>5</sup> Cap. 110.



donibus, Messeniis, Epirotis, Spartiatis, ab eodem Pausania<sup>1</sup> discimus: idē Ægyptiis Liuius autor est<sup>2</sup>, idem & Persis testantur Herodotus<sup>3</sup>, Trogus<sup>4</sup>, Plutarchus<sup>5</sup>, Procopius<sup>6</sup>. Idē Gallis, Scotis, Anglis, Cimbris Hispanis, Gothis quoq; & Vandalis, atq; aliis plerisq; nationib. fuisse, notius est, quā quod probatione egeat. Ius namq; gentiū hoc est, quod in omnium se animos occulta naturā vi effundit, atq; omnes pertingit qui rationis rectā recordantur, etiam si ea rei nolint. Neque enim si populus vnus, itē & alter, huiuscemodi iuris aliquid respuerit, id continuō ius gentium esse desinit. vt incestum nemo iure gentium turpe esse negauerit, licet Persis probetur: aut furtum, quāuis id Lacedæmonii haud probrosum duxerint.

His autem omnibus vnum est consequens, nullam videlicet Regis eligendi potestatem penes multitudinem esse, quamdiu regiæ stirpis aliquis superest: nisi fortē sit is quem regno inhabilem natura reddidit, nam tunc series perinde habet quantum ad regnū, ac si omnino superstes non esset, vel nisi is casus incidat, qui obscuritate facti, aut iuris non præuisi & præcauti difficultate, pluriū de regno contendētium causam ancipitē reddat: tunc enim quin sit populi arbitrium cui litē addicat, haud equidē inficior, quē admodū cū plures in schismate Pontifices de cathedra Petri contendunt, omnes Concilio subsunt; & eius iudicium subeunt: licet alioqui verus Papa reuera supra Concilium sit, nec possit ab eo iudicari. Quā ratione Euphaes Messeniorum Rex, cū nullos ipse liberos haberet, optionem populo tribuit, vt ex Epitidis, id est regali genere Messeniorū, aliquem eligerent<sup>7</sup>, multis Epitidarum, vt est verisimile, id imperii suo sibi iure vindicantibus. Pari de causā populi arbitrium fuit inter Xerxem & Artabazanem siue Ariamenē Darii Persarū Regis filios<sup>8</sup>, cū hic, q̄ natu maximus esset, regnū ætatis priuilegio sibi vindicaret: ille verō q̄ Artabazanē Dario adhuc priuato natum, se autem Dario iam Regi primum prouenisse contenderet, ac proinde Artabazanem non ad regnum ab incunabulis natum, sed priuatum, priuatiq; hominis filium aliquando existisse, se verō rege patre in regia domo editum, atque ex vtero purpurā susceptū ferebat: ita vt a sole homo simul & Rex videretur (quemadmodum de seipso Commodus olim gloriatus est<sup>9</sup>). Sic Clotharius dum regnum Burgūdiæ sibi vindicat, Brunechilde id Theodorici liberis

1 Lib. 1.

2 Lib. 42.

3 Lib. 7.

4 Iustinus lib. 2.

5 Lib. *περὶ φιλadelphίας.*

6 Lib. 1. de bello Persico.

7 Pausan. lib. 4.

8 Iust. l. 2. Plutar. *περὶ φιλαδελφίας.*9 Herodian. l. 1. *ὁ μὲν δὲ μετ' εἶδ' ὁ ἅλιος αὐτῶν πῶ καὶ βασιλεύει.*

Id est, simul omnimē vidit sol hominē &amp; Regē.



deberi contendente; postulat ab ea vt in communi Francorum conuentu disceptatio illa terminetur, seque illorum iudicio pariturum ipse promittit <sup>1</sup>. Huius generis & illa de regno Scotiæ controuersia fuit annis abhinc circiter trecentis, Baluolo & Bruffio competitoribus: quæ Scotos & Anglos multis atrocibus & eruentis belli certaminibus inter se commisit. Nam cum vtrique competitori magnis amicorum clientelis nixos is animus esset vt si suffragus inferior decessisset, ferro cerneret: paucæq; illustres in Scotia familiæ reperirentur, quæ alterutrius partes non tenerent, & res aded ad seditionem, eamque proximam, spectaret: populus reliquus, etsi eius felitis arbitrum iure sciret, tamen quia factionibus optimatum compescendis impar erat, atque ex ipso iudicio in alterius statim odium incururus, Regem Angliæ (qui tum rebus Scoticis fauere plurimum, & tranquillitatis regni studiosissimus videbatur) totius controuersiæ disceptatorem de litigantium consensu fecit <sup>2</sup>: ratus nimirum, quod res non erat, suas se partes candido iudici commisisse, eumque & synctæ iudicandi libertate, & seuera iudicati authoritate, fidem in suscepto negotio suam egregiè liberaturum. At Anglus contra ad consuetos genii sui dolos conuersus, Scotos nequiter, incautos ab eius perfidia & fraude delusit. Exemplo namque pessimo arbitri illius inter Nolanos & Neapolitanos olim à S. P. Q. R. dati <sup>3</sup> regnum vt in suam ditio- nem redigeret, non omnem, vt dicitur, lapidem, sed omnia arma, omnesque artes mouit & admouit, vt nisi Deus altero velut Gedeone suscitato <sup>4</sup>, tam scelestæ machinationi occurrisset, ac rebus Scotorum penè desperatis succurrisset, ocyus id bellum Scotos omnes partim ciuilibus factionibus & dissidiis, partim Anglorum fraude & insidiis vndique petitos, vel seruire turpiter, vel miserè perire coegisset. Similis planè controuersia de regno Galliæ fuit (licet dissimilem sortita exitum) inter Philippum Valsium & Eduardum Anglum Isabellæ Galliæ filium, anno salutis 1328. quæ fecit vt populi Francici iudicio, arbitrioque res tota committeretur: qui in publico Ordinum & Optimatum conuentu, posthabitis Eduardi rationibus, regnum Philippo adiudicauit. Quod exemplum vt rectè hoc loco profertur ad probandum ius populo esse decernendide regno inter illos qui hæreditatis iure de eo contendunt: ita perperam allatum est ab Hotomano in sua Francogallia,

<sup>1</sup> Aimoïn. libr.  
4. cap. 1.

<sup>2</sup> Hector,  
Boeth. lib. 14.

<sup>3</sup> Cic. 1. offic.

<sup>4</sup> Guill. Valasio  
incredibili & a-  
nimi & corporis  
robore prædito.

ad demonstrandum populi siue Concilii publici, auctoritatem in Reges. Verba eius hæc sunt <sup>1</sup>: *que controuersia nulla neque maior neque illustrior ad publicum Concilium deferri potuit. Quinetiam quod ad publicum Concilium introducta est, perspicuo argumento esse potest maiorem Concilii quam Regis auctoritatem esse cum eius se iudicio atq; arbitrio ambo illi Reges subiecissent.* Duplex hic peccatum est Hotomani: vnum in eo quod eandem regni & interregni rationem esse putat. Nam licet Concilii auctoritas summa sit in interregno, potestate scilicet ad populum reuerfa, populusque legitimus iudex disceptationis de regno existat inter eos qui sceptrum sibi hæreditario iure asserunt; tamen nemo rectè ex illis principiis colliget, Rege superstite, maiorem esse auctoritatem Concilii quàm Regis, quandoquidem nullus manente interregno Rex est qui cum illa populi potestas conferatur: sed est tunc penes populum atque Concilium summa Reipublicæ: tantisper dum alium sibi Regem præfecerint: quo inaugurato, ius quod in interregno habuerunt statim amittunt. Alterum eius peccatum in eo est, quod scribat duos Reges se illi Francorum concilio subiecisse. Hoc enim si verum est, erat iam Philippus Rex antequam id ei regnum adiudicaretur, imo antequam eius causa in Concilium deduceretur, quod nemo non falsum esse nouit. Quinimò Eduardus etiam, quamuis tunc Angliæ Rex esset cum Gallicani Concilii iudicio se listeret, tamen non vt Rex, sed tanquam priuatus, respectu regni cuius erat competitor, illud iudicium subire coactus est.

His alia qui volet id genus exempla adnectito, nobis nunc sat est pauca hæc posuisse, queis indicemus populum idoneum atque legitimum iudicem esse, qui quæstioni de regno præsit inter plures obscuro & ancipiti iure contententes. Neque enim eo casu regnum stirpi denegatur, nec an successionem ad sceptrum aditus sit ambigitur: sed tantum cui ius succedendi potissimum competat, Iustitiæ trutina ponderatur: vt ei soli, quem naturæ lege, & more patrio cæteros anteire liquidò constiterit, imperium in subditos legitimum, sine vlllo ætatis, virium, cōsiliūve delectu, decernatur; omninoque hæreditarium censeatur: quod vsque eò moribus atque consensu populorum increbuit, ac extantum est, vt ne sexus quidem discrimen haberetur, quin regna etiam priscorum Regum temporibus ad fœmi-

Quod dico ætatis rationem non haberi, accipe de iis qui in eodem gradu non sunt.

nas peruenirent. Qua de causa cùm Harpagus mandatum ab Astyage de necando partu filiaë ipsiſ Astyagis recepiſſet, miſerationem inter metumque, quid faceret diu animo fluctuans, tandem conſtituit non à ſe ſuis-ſe, ſed ab aliquo ſeruorum Aſtyagiſ, necem puero afferendam. *Id-que veritus ſi ad filiam mortuo Rege veniſſet imperium eò quod nullum Aſtyageſ viriliſ ſexuſ genuerat, ne illa necari infantis vltionem, quam à patre non potuiſſet, à miniſtro exigeret.* Sic Eurotaë Regi ſine virili ſobole mortuo ſuccedit Lacedæmon, quod iſ Spartem Eurotaë filiam vxorem haberet: & Menelaus quia Tyndari, Oreſtes quia Menelai gener erat, ſoceri regnum adeptuſ eſt <sup>2</sup>. Atque ex innumeris ferè populis ſoli Franci muliebre imperium ſunt aſpernati. Et verò quod initio Franci lege lata de remouendis ſceptro ſcæminis enixè cauerūt, annon id perſpicuè nobiſ oſtendit earenuſ eoſ à communi aliarum gentium more & conſuetudine deſciuiſſe: & eam ſibi de regni ſucceſſione conſtitutionem, velut iuriſ omnium nationum communis exceptionem, ſeu iuſ quoddam ſingulare præſcripſiſſe? Alioqui quid attinuiſſet legem illam tanta celebritate latam, tam ſolemniter cuſtoditam, tot magnorum hominum ingeniis dextrique protectam, atque deſenſam, vlliſ publiciſ monumentiſ literiſue mandare? Quid quod cùm de ea abroganda, atque ad iuſ commune reuocanda. Angluſ oratione & armiſ diu multumque certafſet, eiſ contra iuſ gentium contraque naturam nequicquam cauſatuſ iniquitatem, aſſenſoreſ ſibi in Gallia, nec paucos quidem, nec paruoſ habuiſſe fertur <sup>3</sup>, licet ii quorum in animiſ antiquæ Francorum gloriæ, nominique memoria penituſ inſederat, bello premi diuturno, atq; extrema pari omnia, quam legem illam à maioribuſ, tam ſeuere ſanctæque ſeruata, ac per manuſ traditam, violari, velli que maluerint.

Vtteriſ in hoc campo procurrere haud libitum nunc eſt animo meo; ſat enim, vti reor, hiſce teſtimoniis, exemplique hæreditaria in regniſ ſucceſſio poſita eſt, atque probata: ademptaque populis eligendi Reges poteſtaſ, aliquo regii generiſ ſuperſtite qui ſine controuerſia deceſſori proximuſ ſit, & lege patria ad ſucceſſionem vocari poſſit. Quod tamen de iſ gentibuſ dictuſ ſit, apud quaſ ſceptra ſucceſſionis iure deſerri conſueuerunt: aliis ego iniuriſ

rius

1 Herodot. libr.  
1. Inſtin. ex Tro-  
2. lib. 1.

2 Pauſaniæ in  
Laconiciſ ſeu.  
lib. 1.

3 Gaguin. Æ-  
myl. & alii in vi-  
ta Philippi Va-  
leſii.



rius esse nolo, libertatem retineat suam, quæ facit illas sæpe duram seruire seruitutem.

*Reditio ad sententiam intermissam: Reges videlicet legitime constitutos neque abdicari à populo, neque in ordinem cogi posse. Ea, rationibus, auctoritate, exemplis, suscipitur probanda. Rationes à natura, & differentiis Rerump. à familia & regni comparatione, ab antiqua regnandi consuetudine, à Diuini & humani iuris ratio & constanti in puniendis flagitiis ordine iudiciorum, aliisque ex locis petite: Defensus ab Henrici Stephani calumnia Vlpianum: atque alia inibi scitu digna exponuntur.*

## C A P. IV.

**R**Edeoque nunc ad intermissam de Regibus superiore capite sententiam: ea est; legitime semel constitutos, & malo more extra numerum modumque bonorum Regum digressos, neque repudiari à populo, neque rectam ut in viam remeant cogi pro imperio posse, (iam prædixi de iure me, non de facto contendere.) Scio hanc visum iri duriusculam primo aspectu hominibus præiudicata opinione imbutis, quam ex iis opusculis hauserunt quæ de effræna populi libertate, atque imperio in Reges solutissimo, ab authoribus plurimum ignotis edita, ad patriæ perniciem circumferuntur. Sed eam ego (propitio numine) rationibus, auctoritate, exemplis, ita planè ac perspicuè veram esse ostendam, ut nulli non æquo rerum æstimatori probeatur, ac vel ipsis fortè arbitris, ad quorum aures animosque error iste penetrauit, fucatam aduersariorum opinionem peruincat. Exemplis tamen parcius utar, quòd ea nobis, non quid fieri debuerit, sed quid factum fuerit, ostendant: ac propterea locum iis secretum non tribuam, tantum reliquis intermixta argumentis, quædam obiter, ubi res postulauerit, recensebo, atque eò maximè, ne quis putet iuris à nobis propositi exempla nos deficere. Neque enim tam sumus insipidi, insulsi que, ut idcirco fieri aliquid debere, quia factum est, contendamus, sed quia id facere ius fasque erat ideo factum aliquando fuisse lectori proponimus.

Exordium autem à penitissimis Rerumpub. differentiis, & natura capiemus: Tres enim cum sint simplices, perfectique Reipubl. status, eorum inter se discrimen non in

Ignotos authores vocat quorū scriptis aut nulla aut falsa fictaque nomina præfiguntur.

impe-



imperii viribus, & potestate, sed in imperantium diuersitate, modisque imperandi dissimilib. positum est. Siue enim Democratiā spectemus, quæ generis nomine Respublica vocari solet, siue Aristocratiam, siue Monarchiam regnūque, vnum semper atque idem continendæ societatis humanæ vinculi genus apparebit; pacta nempe, & constituta imperandi facultas, ac parendi necessitudo, quæ pro eorū qui summæ rerum præsunt dissimilitudine sunt dissimillima, & aliud atque aliud imperiis nomen indiderunt. Nam aut vicissitudine administrationis inter omnes communicata, Rempubicam; aut bonorum quorundam ad totius regimen ciuitatis accessu, Aristocratiam; aut insignibus, atque insulis imperii ad vnum delatis, Monarchiam constituunt. In prima multitudo principatum tenet, & sui ipsa potens fert aufertque pro arbitrio iugum: in altera optimatibus subiaceret, quorum ductu omnia pacis bellique munia expediuntur: in vltima dominator & Princeps vnus est, cui populus regendi sui facultatem atque imperium omne commisit: & se, vrbes, agros, aquam, terminos, opes, vtenilia, & humani quicquid iuris est, eius in ditionem ac potestatem dedit. Vt igitur populo in democratia superior nemo; sic optimatibus in Aristocratia; sic Rege in monarchia nemo. Atque hoc quidem non de singulis tantum è populo intelligi volo, sed de ipso populo vniuerso: neque enim si singulos Regi subiectos, cunctum verò populū iure potestatis æquare, aut superare Regem fateamur, vnquam efficere poterimus, vt regnum inter & Rempubicam, atque aristocratiam, differentia conspiciantur, quæ species illas constituunt ac disiungunt. Nam & magistratui à multitudine creato, in singulos, prout id ei lege definitum fuerit, ius & potestas est: nec eo tamen cōstituto, extincta subinde democratia euersa que creditur: ac vt multa paucis dicam, populare imperium, seu democratia, semper est vbi summa penes populum potestas residet: hoc ratio, hoc res ipsa, hoc verbi notatio demonstrat. Quicumque igitur populi vim potentiāque extollunt, & regiam obterunt maiestatem calatis eam supponentes comitiis, ii aut Democratia cum regno confundant, aut non esse eam tunc, cum summum populus imperium obtinet, fateatur necesse est: quorum alterum peruersi, alterum inscientis, ne dicam insciti hominis esse constat. Triplex est ciuilis gubernatio, inquit Plato<sup>1</sup>, *Vnius, paucorum, & multorum*: id ipsum & Aristot-

Lib. 16. qui Cuius, siue de regno interibitur.

aristoteles <sup>1</sup>, *Neceſſe eſt, inquit, aut unum eſſe penes quem ſum-* <sup>1</sup> lib.3.c.5. Polit.  
*mum ſit imperium, aut paucos aut multos.* Ac de eo quidem om-  
 nes quotquot ciuilem nobis ſcientiam tradiderunt aliis  
 licet in rebus diſcordes, nullo excepto, & verbis & animis  
 conſentiunt. *Interdum populus eſt quem timere debeamus* (ait  
 Seneca <sup>2</sup>) *interdum ſi ea ciuitatis diſciplina eſt, vt plurima per* <sup>2</sup> epiſt.14.  
*Senatum tranſiguntur, gratioſi in ea timeantur viri: interdum*  
*ſinguli quibus poteſtas populi & in populum data eſt.* Hi autem  
 quibus iſta in populum poteſtas data eſt, ii ſunt quos de-  
 ſcribimus Reges, regalīve cum imperio Monarchæ. Sed &  
 Vlpianus, qui vir optimus & Iuriſconſultorum coryphæus  
 à Modeſtino <sup>3</sup> nuncupatur, neque rerum geſtarum à Ro- <sup>3</sup> l.2.in ſi.l.4. l.  
 manis immemor, neque iuris antiqui vſitati vel antiquati, <sup>14.5. in p.91 dē</sup>  
 aut moris etiam & conſuetudinis inſcius, *legem Regiam fu-* <sup>D.de excuſ. tut.</sup>  
*ſiſſe teſtatur* <sup>4</sup>, qua populi imperium omne, non in ſingulos <sup>4</sup> l.1.D.de conſt.  
 modò, ſed in ipſum populum, Regi tributum fuit: eaque <sup>Princip.</sup>  
 ſub Auguſto renouata <sup>5</sup>, lex imperii cœpit appellari <sup>6</sup>. <sup>5</sup> Dion.lib.53.  
 Hæc illa eſt (vt apparet) vetus lex regia, de qua Lucius Va- <sup>6</sup> l. ex imperfe-  
 lerius tribun. pleb. vt eſt apud Liuium <sup>7</sup>. *Ex utro tandem ge-* <sup>ſto C. de teſtam.</sup>  
*nere ea lex eſſe videtur quam abrogamus: an vetus regia lex ſimul* <sup>7</sup> lib.34. in orat.  
*cum ipſa urbe nata? Qua de cauſa Bartolus* <sup>8</sup> *tercio modo indi-* <sup>de lege Oppia</sup>  
*citur bellum publicum* (inquit) *quando indicitur à populo Roma-* <sup>abroganda.</sup>  
*no, vel ab Imperatore, in quem translata eſt omnis iuriſdictio po-* <sup>8</sup> ad l. hoſtes 24.  
*puli Rom.* <sup>D. de cap. & poſt.</sup>

At noui tamen iam tandem Critici exorti ſunt, qui legē  
 hanc, vt ſpuriam, expugnandam cēſent; adeò nihil eſt tam  
 vel probatum conſenſu, vel authoritate firmatum, vel an-  
 tiquitatis veneratione commendatum hominibus, quod,  
 his cenſoribus, in diſcrimen exiſtimationis non veniat. Nā  
 Henricus Stephanus (homo eruditus, & de literis ac litera-  
 tis benè meritus, atque vtinam æquē de religione) in ſua  
*Muſa monitrice*, <sup>9</sup> hanc legem, vt adulterinam, damnare au- <sup>9</sup> in Epimetro  
 ſus eſt; hāc formula. <sup>ad carmen 34.</sup>  
 pag.171.

— iam mihi reſpondeat

*Iuriſperitus quiſpiam (nam talium*

*Verſatur illa ſæpe lex in oribus)*

*Quando ſit, & à quo lata ſit, verbis quibus*

*Concepta ſi non & parentem nominant*

*Legiſloquentis adeo verba grandia.*

*Audebo pariter grande verbum proloqui,*

*Pro lege habendam potius eſſe ſpuria,*

*Legitima verò qua vocari, haud ſpuria*

*Poſſit,*

*Possit, reperta cuiuspiam si forte sit,  
Is magna dignus consequi sit pramia -  
A Principe omni.*

Sed heus Henrice, dic, amabo te, cur hanc pro spurcia legem habendam dicis? certòne in contrarium testimonio niteris, an tuâ solius opinione? Illud si habes profer, si non habes, hanc quæso ne effer. Nam audenti tibi tam grande verbum proloqui, audebit fortè grandiloquus aliquis respondere. Itane sapientum & grauium authorum scripta, sine vlla authoritate sine argumentis, sine testibus, sine *iudiciis ad probationem indubitatâ, & luce clarioribus*,<sup>1</sup> falsi condemnas? Tibine potius de rebus in antiquitatis memoria positis credi par sit, quam ipsismet antiquis tantò te fide dignioribus, quantò illis quàm tibi plura ad earum rerum veritatis cognitionem suppetebant, quarum ad nos tam longo pòst seculorum interuallo procreatos fama tantum, vel brevis commemoratio ab iis ipsis facta peruenit? Ecquis veterum talem calumniam effugiet, si omnibus hanc conditionem statuas nullam vt relationi rerum gestarum ab iis factæ fidem habeas, si non & alios ipsi authores laudent? Num vt ex mentione documenti facta in alio documento exactionem fieri lex verat<sup>2</sup>: ita etiam tu in laudatissimos quosque scriptores priscos imperii tantum tibi arrogas, vt fidem illis antiqua populorum scita memorantibus tuo iudicio abroges, nisi legum ipsarum authores, formulâsque proponant? Quid? qui Herodotum antiquissima & pene incredibilia narrantem, veracem esse longa nobis *apologia* conaris persuadere, alios magni nominis & non vera solum, sed & verisimilia tradentes, qua tu fronte tandem exagitas? Sed ecce legem hanc regiam ad suæ sententiæ firmamentum citat Vlpianus, & haud spuriam quidem sibi visam, sed planè legitimam, cuius ortum etiam ac parentes compertos habuisse creditur. Alioquin enîm quid attinisset eam illo præsertim seculo Iurisconsultorum feracissimo, in re tam seria prædicare? eandem & alii omnes qui post Vlpianum ius tractarunt, nemine, quod sciam, dissentiente, vt legitimam amplexi sunt. At vis tamen respondeamus quando, & à quo lata sit, & quibus verbis concepta? En respondemus, quod ad Vlpiani defensionem satis est, a senatu populoque Romana latam, seu potius renouatam, Augusto imperante, & ea formula, quam facile est hominibus Romanæ linguæ peritis

<sup>1</sup> l. vlt. C. de probat.

<sup>2</sup> Nouel. vt spons. largit. 119. cap. 3. l. vlt. D. de probat.



peritis: ex historia concipere. Scribit enim Dio <sup>1</sup>, Imperatores post Cæsarem nomen Imperatoris semper tenuisse, ad significandum plenam suam & perfectam potentiam, loco nominis Regii & Dictatoris, quæ sublata semel è Republica quamvis sibi non imponebant, tamen eorum vim ac rem ipsam Imperatorio titulo confirmabant. Qua ratione docet ius iis fuisse omnia agendi, quæcunque Consulari, Tribunitia, vel Dictatoria potestate expediri antè poterant, & senatu populoque volentibus, omnem eos totius Reipublicæ potestatem accepisse, atque etiam regiam, nisi quod inuidiam nominis vitabant. Quod si hæc tibi responsio non faciat satis, & in tua illa opinione accusationeque persistas: ad aliam iuris defensionem confugiemus: & quoniam tu nunc primum, Henrice, post tot ætates status ei controuersiam mouisti, nos, quod æquum est, contrà in omnem euentum vindicias secundum libertatem & ingenuitatem postulamus: tibi autem ipsi, si sapias, caue, ne rea nimirum aliquando absoluta, de tuo iudex incipiat consilio quærere, & vel non probasti, vel quid grauius in te pronunciet <sup>2</sup>. Interea verò dum quod intendis probes, probare autem numquam poteris, lex regia integri status vigeat. Ac propterea ipsum de ea Vlpianum audiamus. *Quod Principi placuit legis habet vigorem: utpote cum legeregia, qua de eius imperio lata est, populus ei & in eam omne suum imperium & potestatem conferat.* Vbi, ne quæ impetamur à grammaticis, relatiuum *eum*, positum esse pro reciproco *se*, peritissimi tum Græci tum latini affirmant interpretes <sup>3</sup>. Atque id ita esse præscriptus etiam Senecæ locus euincit, sed & antiquissimus regnandi mos, & monarchiæ nomen hominumque prudentissimorum consensus, id ipsum declarant.

Iosepho diuina præfagatione futuram vbertatem, sterilitatemque nuncianti, gratulatum primò Pharaonem, mox imminetia damna vitabundum, vices in regno suas commisisse, Moyses in hunc modum refert <sup>4</sup>. *Quia ostendit tibi Deus omnia quæ locutus es, nunquid sapientiores & consimilem tui inuenire potero? tu eris super domum meam, & ad tui oris imperium cunctus populus obediet: uno tantum regni solio te precedam.* Dixitque rursus Pharaos ad Ioseph: ecce constituam te super uniuersam terram Ægypti. & iterum: Dixit quoque rex Ægypti ad Ioseph: ego sum Pharaos: absque tuo imperio non

<sup>2</sup> L. ad Sc. Tus. pil.

<sup>3</sup> Theophil. de nat. gent. & ciuili. S. c. p. 1. p. 1. Duar. V. v. c. 1. b. Horom.

<sup>4</sup> Gen. 41. cap.



*monēbit quisquam manum aut pedem in omni terra Ægypti. Et ēe mandatum Iosepho imperium in cunctum populum, quod nisi fuisset in delegāte, qui poterat ad præfectū transire, cūm nemo plus iuris ad alium transferre possit quā ipse habeat* <sup>1</sup>? Neque verò solum illud est ex scripturis, quō Regē vniuerso populo superiorem esse doceamur. Nam & Moyses futurum præfagiens, vt Hebræi tandem aliquando Regem peterent, populum ipsum sic affatur <sup>2</sup>. *Cūm ingressus fueris terram, quam Dominus Deus tuus dabit tibi, & possideris eam, habitauerisque in illa, & dixeris: Constituam super me Regem, sicut habent omnes per circuitum nationes. En cunctos hīc, & non solum singulos Regi subiiciendos cernimus. Atque rursus idem populus post victoriam à Gedōne mirabiliter partam, regio eum cum imperio sibi præficere cupiens, hoc sermone vsus est. Dominare nostri tu & filius tuus, & filius filii tui; quia liberaisti nos de manu Madian. His alia præcedente libro consimilia recensui, quæ huc referre singula, non operæ est, per diutinos muneris mei labores, perque inualitudinem fatiscenti mihi & ad alia insuper festinanti. Nemo enim ante infelicissimam hanc nostram tēpestatem, non falsus est, Principē populo dominari, Principi verò Deum. Vetus est hæc cantilena* <sup>3</sup>.

*Regum timendorum in proprios greges,  
Reges in ipsos imperium est Iouis,  
Clari Gigantæo triumpho,  
Cuncta supercilio mouentis.*

Quam sententiam, ne quis eam leuitati, assentationique poeticæ ascribat, Agapetus Diaconus his verbis confirmat <sup>4</sup>. *Κύριος ὁ μὴ πάντων ἐστὶν ὁ βασιλεὺς δούλος ὁ μὴ πάντων ὑπάγχει Θεῷ. rex quidem est omnium dominus, seruus autē Dei sum omnibus. Quid, quod veritas ipsa verbum Dei Christus Iesus, contentionem de primatu inter discipulos ortam, hac sententia compescuit? Reges gentium dominantur eorum, & qui potestatem habent super eos benefici vocantur, vos autem non sic* <sup>5</sup>, vbi interpret sensus quā sermonis obseruantior Græcum αὐτῶν eorum reddidit, pro earum aut ipsarum, vt respiciat, referatque gentium: docet enim Saluator Reges, suæ quemque, gentibus dominari. Hinc est quodd liberæ ciuitates, liberi que populi, à locupletissimis quibusque authoribus nominantur, qui sine Rege viuunt: & contra seruientes, qui Regum sub imperio degūt: quod licet sit per se notius, quā cui probando diligentius incumbatur, tamen

vt le-

<sup>1</sup> d. l. nemo 54.  
de reg. iur.

<sup>2</sup> Deut. 17. cap.

<sup>3</sup> Hor. li. 3. Ode 1.

<sup>4</sup> Stob. serm. 37.

<sup>5</sup> Luc. 22. cap.

ut lectori minus in historiis versato etiam satisfiat, vnum aut alterum Liuii locum apponam <sup>1</sup>, in quo vtrunque cō- 1 Lib. 2.  
plexus est. C. Mutius adolescens nobilis cui indignum videbatur populum Romanum seruientem, cum sub Regibus esset, nullo bello, nec ab hostibus ullis obsessum esse, liberum eundem populum ab iisdem Etruscis obsideri, quorum sapè exercitus fuderit: & iterum in eodem libro, Porſenæ de reducendo in regnum Tarquinio agenti responsum fuisse scribit. Non in regno populum Romanum, sed in libertate esse, ita induxisse in animum, hostibus potius, quam Regibus, portas patefacere. eam esse voluntatem omnium, ut qui libertati erit in illa urbe finis, idem urbi sit. Proinde si saluam esse vellet Romam, ut patiatur liberam esse orare. Quod 2 li. 3. de leg.  
pertinet, quod Cicero <sup>2</sup>, aut exigendi Reges non suerunt, inquit, aut plebire, non verbo danda libertas. Hinc Bartolus omnium iuris interpretum facile primus, vbi quædam Principi reseruata esse ostendit, quæ ab inferioribus magistratibus expediti non possunt addit <sup>3</sup>: Ciuitates tamen quæ Principem 3 ad l. 3. D. de minorib.  
non recognoscunt in dominum, & sic earum populus liber est, possent hoc forte statuere, quia ipsa ciuitas sibi met Princeps est. Istam vero libertatem, seruitutemque, si quis singulorum, ac non totius populi esse credit, longè opinione fallitur: nam singuli quidem sub Regibus maiore multò libertate quam sub populari dominatione frui solent.

Etenim profectò si priuatos quosque in Democratia spectemus, grauem eos seruire seruitutem, ac, nisi spei honores: aliquando, ut in eo Reip. statu amplos, occipiendi dulcedine lactarentur, neutiquam animis benè à natura informatis toleradam, fatebimur: utpote qui pro vno innumeris, pistores, lanios, cerdones, atque adeò inconditam multitudinem, dominos habent. Sed hoc alias: mihi enim id ipse negotii hic solum dedi, ut populo aduersus Regem nullam animaduersionem aut coercionem esse doceam: cui probando argumenta, licet pauca, non parua tamè adhibui, quæ si quis Dialecticè ad institutum aptare velit, ei hicce paratus est syllogismus: Nemo par aut inferior habet imperium in parem aut superiorem. (hæc est certissima iuris regula <sup>4</sup>, cui nemo cum ratione restare potest) Atqui populus est Rege inferior. (& hoc quoque argumentis ostensum est.) Populus igitur aduersus Regem non habet imperium. Si non imperium, neque profecto animaduersionem, ab illo enim hæc procedit, & sine illo consistere ne momento quidem potest <sup>5</sup>. Porro ineptum planè, & ri- 4 l. 4. D. de recept. qui arbitr. recept. l. ille. à quo. §. tempestiuum D. ad Sc. Treb. c. innotuit. de elect. Syllogismus in quarto modo primæ figuræ.  
5 l. 3. D. de iurisd.  
Y      dicu-

diculum illud est, quod mihi quidam in illustri confessa insipidè olim respondit: populum nempe Regi, & hunc illi pariter esse subiectum. quasi verò possibile sit, ei te, in quem dominaris, eodem subiectionis genere esse obnoxium: quod nec ratio, nec iura, nec rerum natura atque ordo patiuntur: quamvis alio atque alio potestatis genere, & præesse, & subesse vni eidemque possis. Nam & pater filio magistratui subest, & eius iussa instar aliorum capeffit, paretque omnino quæ ad magistratus imperium attinent præcipienti:

1. filiusfam. D.  
de his qui sui. l.  
ille à quo. 13. §.  
vlt. D. ad Sc. Tre-  
bel. L. i. li. 24.  
Val. Max. li. 2. c. 2.  
Gell. li. 2. c. 2.

1: & filius, quæ parentum in liberos extra Rempublicam naturalis & domestica potestas est, patri obsequitur atque subiicitur. At nobis impræsentiarum de vnâ ciuili summâ potestate sermo est, quæ vel populus in Regem, vel Rex in populum, vel horum neuter in alterum, præditus sit oportet. quod enim quartum est, vt vterque in alterum scilicet dominetur, & potestatem exerceat, id fieri certè nullo pacto, ac ne concipi quidem animo vel cogitari commodè potest. Quod fieri ergo potest, factum esse fingamus, vt populo summa sit potestas in eum qui Rex nominatur (in eum enim qui Rex est, vlla esse nequit) nonne popularis hic erit Reip. status, nominis tantum sono à Democrazia distans? verè igitur liber hoc casu populus, nemini que subiectus, nulli nec legi, nec Regi parere necesse habet, extrâ quam si quas in se ipse tulerit. Sin verò summum Regi tribuamus imperium, non erit quod à populi animaduersione sibi timeat, cum summum id sit, quo nihil superius<sup>2</sup>.

2. Cic. li. 2. Tusc.  
quest. 5. & primo  
in procem. Di-  
gest. Arist. lib. 3.  
Polit. c. 5.

Quod si neutri in alterum id potestatis sit, aut alia ab antedictis Reipublicæ species, aut anarchia iam, atque totius humani conuictus dissolutio & discordia exoritur necesse est. Argumentum certè hoc, ex differentiis Reipubl. est ineluctabile: quod ipsum si quis contractius præter oculos positum velit, ita aliter efficit. *Necesse est vnum esse penes quem summum sit imperium, aut paucos, aut multos.* Axioma nulli non notum. Vnius autem imperium, Monarchia dicitur; isque vnus Monarcha, quem nos vel Regem, vel alio ad id apto nomine vocamus (vt eodem Aristoteles loco docet) Penes Regem ergo summum est imperium: Quod si summum, Tertulliani de hinc ratione iuuabimur, quæ, vt ille Marcionem, nos Monarchomachos prosterneamus: nimirum, eam esse summi conditionem, et nihil illud adæquet, nedum superet: cui consequens et necessariò, populi imperium in regno, aut nullum esse, aut, si quod

est,



est, regio planè submissius inferiusque esse.

Subit & alia nunc animum ratio, quæ ex recepta familiæ & regni, Regis item & patrisfamilias comparatione nascitur. Si enim verum illud est, quod dicuntur<sup>1</sup>: Regnū esse amplam familiam, & familiam paruum regnum, & patrem familias liberis suis regio principatu imperare<sup>2</sup>: ac suæ quemque domi Regem esse<sup>3</sup>. erit quoque & hoc Regē populo vniuerso præsidere, vt suis paterfamiliaribus. Atqui Paterfamilias tali suis cum imperio præsidet, vt ne totum quidem familiæ ius, ac potestas in eum sit. *Patri vel matri* (inquit Origenes<sup>4</sup>) *nullo modo contradicere debemus, dicant, ceterum ego domi nostræ Rex ero.* Hæc non ita intelligenda sunt, quasi idem sit regnum & familia, aut eodem planè munere fungantur paterfam. & Rex, (vt docet Arist. li. i. c. i. Polit.) sed quòd inter hos magna sit similitudo, & si qua patris potestas competat, ea multo magis Regi.

*4 Homil. ii. in Leuit.*

*5 l. i. D. de his qui sui sunt. l. in suis. ii. D. de li. & post. l. ult. C. de pat. pet.*

*6 d. l. i. D. de his qui. Senec. li. 3. de benef. cap. 22.*

*7 Liu. lib. 2. Omnis anima potestatibus sup. subdita sit, ad Rom. 13. cap.*

*1 Arist. lib. 3. Polit. cap. 11.*

*2 Idem li. 1. Polit. cap. 8.*

*3 Homer. Odyss. α. Αὐτὸς ἐν τῷ οἴκῳ αὐτοῦ ἐστὶν ἡμῖν πῶλος.*

*4 nullo modo contradicere debemus, dicant, ceterum ego domi nostræ Rex ero.*

*5 l. i. D. de his qui sui sunt. l. in suis. ii. D. de li. & post. l. ult. C. de pat. pet.*

*6 d. l. i. D. de his qui. Senec. li. 3. de benef. cap. 22.*

*7 Liu. lib. 2. Omnis anima potestatibus sup. subdita sit, ad Rom. 13. cap.*

Domini<sup>5</sup> potestatem in seruos suos illibatam esse oportet, nec cuiquam hominum ius suum detrahi. Quas enim nobilissimarum familiarum euerfiones, quas perturbationes, & confusiones omnium ordinum, quas denique, & quantas ciuitatum pestes, vna illa licentia pareret? Patrisfamilias itaque scelus vlciscuntur, nō ipsius seruitia, sed superiores; non mercenarii, sed magistratus; non proles, sed Princeps, & qui ab eo gladii potestatem in facinorosos acceperunt. Constans hic est, & perpetuus ius suum cuique tribuendi ordo. sine quo nulla nec componi Respubl. nec consistere vlllo modo possit.

Quod cum ita sit: nunquid Regem, si quod atrox, & reum facinus admiserit, pœnas meritas debitæque superiori suo soluere, par ratio iubet? An vero credibile est, Deum, à quo omnis ordo potestatisque promanat, cum res quasq; minimas mirabili quadam serie & sollicitudine curet, conseruetque, regna, rem inter Deos hominesq; pulcherrimam<sup>7</sup>, ita negligere, vt in Principe summo, atque adeo ipsius re-



gni capite plectendo, consuetum hunc, ratumque naturæ ordinem inuerti, ac peruerti velit? & quod priuato cuique diuina omnia humanaque iura impertiunt, ne rei capitalis scilicet iudicem ciuili potestate inferiorem se habeat, eo Regem beneficio spoliet, & libidini minorum subiectorūque dedat? Quapropter D. Hieronymus sacra iuxta ac ciuili sapientia clarissimus cum de Dauide poenitentiam post cumulatum adulterio homicidium, agente loquitur <sup>1</sup>, eum dixisse ait. *Tibi, ôli peccauit* <sup>2</sup> *quia Rex erat, & altum non timebat.* quod idem planius & prolixius S. Ambrosius in *Apoloogia* pro Dauide asserit <sup>3</sup>. Atque tam improbus nemo est, modò non ad extremum perditus, qui dominatoris potestatem, vindicem scelerum, non extimescat. Aut igitur Dauid quia Rex erat, nullum nisi Deum superiorem agnoscebat, cui supplicium dare deberet: aut falsè & arroganter Deo soli se peccasse iactitabat: hoc autem, viro cætera pio prudentique, & diuinitus etiam afflato, absit impingamus. Quid si Regi propheta hinc Regem philosophum adiungam? non ab simili fortè, neque absurda videbitur combinatio, is est Marcus Antoninus leni ac placido ingenio Princeps: qui, confecto à se maximo bello, cum insignem de Germanis, qui in Italiam irruperant, victoriam reportasset, rogatus à militibus pecuniam, negauit se daturum præter conductum stipendium. *Quia* (inquit <sup>4</sup>) *si plus quàm constitutum est vobis dederò: id ex sanguine parentum vestrorum propinquorumq; exigetur: nam nemo nisi solus Deus iudex principis esse potest.* Hæc Antoninus Philosophus, cuius imperium tamen ita mite ac temperatum fuit vt nullius non mali iudicis arbitrio subiici vereretur; ac proinde non tam suâ, quàm Principum vniuersè causâ, id militibus enunciasse credendus est, (quemadmodum de Paphnutio traditur <sup>5</sup>, eum, cum ipse coniugii expers esset, communem coniugatorum causam egisse.) Atque hanc quidem sententiam conspirans totius antiquitatis consensus approbauit. Rex ergo, cum Deum solum superiorem habeat, quomodo se populi iudicio sistere, nisi per iniuriam cogi possit? grauem habet scelerum vltorem, cuius nec declinare forum, nec eludere sententiam potest: est enim singularis Deo de Principibus cura, quos & protegit diligenter, & plectit acerbè. Inde est, quod genethliaci & astrologi nonnulli, quibus mos est ingenium prædictionibus magnificè venditare, negant astra in Principes vim habere, quæ in

(ceteros

<sup>1</sup> tom. 1. ep. 46.<sup>2</sup> Psal. 50.<sup>3</sup> cap. 4. & c. 10.<sup>4</sup> Xiphil. ex Dion. in vita M. Antonini Philos.<sup>5</sup> Socrat. Schol. li. 1. ca. 11. hist. Eccl. Sozom. li. 1. cap. 23.

ceteros homines dominantur<sup>1</sup>, cū in Dei solius gubernatione positi sint: secundum illud, *Cor Regis in manu Dei*. Vt ut est, Principe populus superior esse nequit, nisi & familiam Domino, & exercitum Imperatore, & omnino corporis reliquum capite superius esse concedamus. Quod si neque mancipio in Dominum necis conferui vindicandæ causâ, neque filio in patrem ad cædis fraternæ ultionem, neque militi in ducem & imperatorem, ob rem in exercitu malè gestam, ferrum stringere liceat.

*Quis furor ô populus, quæ tanta licentia feris?*

imò quæ perfidia, perditio & perniciēs Reipublicæ, singulos omnium ordinum, nobiles, plebeios, sacerdotes, seculares, monachos, milites, in Regem, etsi omnino improbus & nocens fuisset, armare, & (quod fieri sine ignominia, dici sine indignatione nequit) facinus turpissimum virtutis elogio commendare? hominem inquam perditissimū, quod Regem siue bonum siue malum trucidarit, pro nefanda proditoris mercede ut tyrannoctonum, & martyrem sanctum celebrare? ô tempora ô mores! Væ<sup>2</sup> hominibus qui dicunt bonum malum, & malum bonum. Sed ecquo tandem claret ille miraculo? nimirum Regem nihil sibi ab illo sacro hominum ordine metuentem, habitu venerabilis, vultu amicus, sermone pius, gestu denique corporis omni ad obsequium composito supplex adiit, & incautum à fraude sub specie secretioris colloquii vna confecit plaga. Hoc cene miraculum? perfidia ergo & audacia miracula gignent? tunc, credo, quando malitia mala & cōfusus dolis Dæmones fugabuntur. Sed seuera hæc nimis & parum sincera sanctimonia est, quæ sanos sauciat, nec sanat ægros: eiusmodi sanctos complures bellum hoc nobis ciuile largitum est, quibus qui fidem habent, ipsa sunt stultitia stultiores. Etenim profectò

*Antè leues summo pascentur in æthere cerui,*

*Et freta destituent nullo in litore pisces,*

quàm tales Dei Ecclesia indigetes agnoscat, & Sanctorum inscribat Pyctaciis. Et qui vsque adeo insaniunt, ut tam imitium hominum manes venerentur, mirum ni *Latrocinia* (nouæ rei nouum verbum) ut ethnici olim *Fugalia* tandem instituât. Sed hoc extra causam arreptum obiter misum facio, propter quæ alia sententiæ nostræ firmamenta in medium adducere.

<sup>1</sup> Iul. Firmicus Maternus lib. 2. cap. vii.

<sup>2</sup> Esaiæ s. cap.

Vide quæ de huius execrando monachi facto scripsimus ad Boncherū li. 4.

*Afferenti regiam libertatem plurima suppetere argumenta. eorum in animis hominum varii effectus. quadam præter iam dicta huc adferuntur: partim ex communi natura & gentium iure in regnis firmiter custodito: partim ex collatione magistratuum Regib. inferiorum, qui simili libertate impunitateque fructi sunt. exempla etiam nonnulla memorantur, & hæc à scriptoribus omnia luculentis. D. Ambrosii locus insignis tractatur.*

## CAPUT V.

**C**vpienti mihi ostendere, nihil iuris & imperii populo in Regem esse tot se offerunt, imò ingerant argumenta ut omnia efferre operosum, optima eligere difficile sit. Habent enim singula propriam quandam suadelâ quæ non omnibus æquè blanditur, non æquè omnibus apta est. Nam ut medicamenta quæ ad vsum hominum parantur, in corporibus aliter affectis, alios produunt effectus: ita quæ indifferendo aut deliberando rationes afferuntur, aliæ apud alios, pro ingeniorum varietate, ponderis & momenti plus habent; quo fit, ut quæ sensim ac leniter quorundam assensum petunt, eæ, quadam velut impressione facta, ipsam mentis aliorum arcem statim inuadant atque occupent. Quapropter expositis superiore capite argumentis, subiungam adhuc alia, quod variis ingeniis, feruire in hoc opere, & omnibus prodesse studeam: ac lectori quidem esse malo cur immissa superflua percurrat celeriter, quàm cur necessaria omissa & queratur & quærat.

Regem igitur à populi coercionem tueretur non solum gradus ille dignitatis, in quo positus est, qui cum summus sit, ut antea diximus, supra se alium habere, à quo iudicetur, nequit: Verum etiam ius nature, quod ab ipsis regnorum primordiis, summa gentium omnium consensione, obtinuit, ac iugi post observationem custoditum est, & retentum apud omnes nationes quæ Regibus paruerunt. Ius autem illud est, ne Reges ullam dictorum, factorumque, rationem reddere teneantur. Itaque Romani, postquam perniciosa libertatis dulcedine capti, regnum in Democratiam converterunt, licet summa voluntatis conspiratione legem de non admittendis iterum Regibus sanxissent: tamen quoties vel repens hostium aduentus, vel maior solito externi belli apparatus, vel tumultus urbani, & intestina coniurationes ingentem aliquam trepidationem afferebant, ad Monarchiam semper, tanquam spem salutis unicam, &  
sum.



summum atque vltimum auxilium confugere <sup>1</sup> : & qui Regum odio regium aspernabantur nomen ii dictatorem cum regia potestate atque imperio creabant : vt res eadem, appellatio diuersa esset. Dictatoris enim imperium nomine tantum, & circumscripto imperandi spacio, à regia gubernatione distabat, quippe qui omnibus primùm legum vinculis exsolutus esset, nec quicquam necesse haberet ad Senatum referre de iis, quæ domi forisue agere cuperet, aut vllis Patrum sententiis astringeretur. Nullus præterea ab eo ad populum prouocationi locus erat : sed summum liberumque imperium arbitrato suo in omnes exercebat, aded vt quemlibet, quantumuis nobilem & potentem, in carcerem conicere & morte multare, indicta causa posset. Et quod nostram maximè causam iuuat, nulla ab eo gesti magistratus ratio, ne finito quidem imperio, exposcebatur : ob eamque causam Eutropius <sup>2</sup>, haud perperam componit & æquat dictaturam cum potestate Imperatorum, qui post Cæsarem regnarunt. Ita enim ad Valentem Imperatorem. *Neque quicquam similis potest dici quam dictatura antiqua huic imperii potestati, quam nunc tranquillitas vestra habet.* Harum autem rerum Polybium, Liuium, Plutarchum, Dionysium Halicarnassæum, aliosque authores habeo, *Creato* (inquit Liuius <sup>3</sup>) *Dictatore primùm* <sup>3</sup> lib. 2. *Roma postquam præferri secures viderunt, magnus plebem metus incessit, vt intentiores essent ad dicto parendum. Neque enim vt in Consulibus, qui pari potestate essent, alterius auxilium, neque prouocatio erat, neque vllum vsquam nisi in cura parendi auxilium. Et post pauld. Ap. Claudius & natura immitis, & efferatus, hinc plebis odio, illinc patrum laudibus: non miseris, ait, sed licentia tantum concitum turbarum, & lasciuire magis plebem quàm seruire: id aded malū ex prouocatione natum: quippe minas esse cōsulum, non imperiam, vbi ad eos, qui vna peccauerint, prouocare liceat. Agedum, inquit, Dictatorem à quo prouocatio non est, creemus: iam hic quo nunc omnia ardent, contitescet furor: pulset tum mihi licetorem, qui sciet ius de terga, vitæque suæ, penes unum illum esse, cuius maiestatem violauit. Atq; idem rursus libr. 4. Tum T. Quintius Consules immeritò increpari ait: qui constricti legibus de prouocatione ad dissoluendum imperium latis, nequam tantum virium in magistratu ad eam rem pro atrocitate vindicandam, quantum animi haberent. Opus esse non forti solum viro, sed etiam libero exolutoque legum vinculis. Itaque se dictatorem L. Quintium dicturum &c. Polybius. 4 Dictator* <sup>4</sup> lib. 3.



1 in Marcell.

2 lib. 5.

3 lib. 2.

eo differt à Consule, quòd consulem duodecim secures precedunt: dictatorem verò quatuor & viginti. Præterea illos necesse est multatæ ferre ad senatum: at huius est summum liberumque imperium, sub quo mox ceteri magistratus cessant, exceptis tribunis. Plutarchus<sup>1</sup>. Dictatorem nominatum aiunt, quod neque ex senatus consilio, neque ex plebiscito, verum ex sua sententia quæ sibi placeant, imperet, & in Fabio Max. Cum Romani postrem infœliciter gestam ad Trasimenum summopere trepidarent, Conueniunt (inquit) in unam sententiam, libero & soluto Reip. opus esse imperio, quod vocant Dictaturam. Et in eiusdē Fabii vita, Καὶ γὰρ ἐξέειπεν τῷ δικτάτωρι καὶ θανάτωσιν αὐτοῦ διὰ τὴν ἐξουσίαν, id est, dictatori quidem in carcerem condere, & morte multare indicta causa licet. Dionysius Halicarnassicus<sup>2</sup>. In hoc rerum statu senatus dispiciens quo pacto effici posset, ne quas amplius res novas moliretur populus, decreuit, consulari potestate in præsens sublata, alium magistratum creare penes quē belli, pacisque, & omnium aliarum rerum plena potestas esset, & à quo consiliorum factorumque rationes reposcere non liceret. Et, paucis interiectis ait, Dictaturam opinione omnium esse, μέγαν βονήθειαν πάντος ἀνιάτου καὶ κακοῦ καὶ τελευταίαν σωτηρίαν ἀλλήλοισι ὅταν δατοῖν ῥαζῶσιν ἅπαντα. Ἀλλὰ καὶ ἐγὼς τινάς. Id est vnicum omnis insanabilis mali remedium, & extremam salutis spem, ubi reliquæ omnes inclinationibus temporum auulsæ fuerint. Cæterum quæ idem author de exēplo creandi Dictatoris à Græcis desumpto longa digressionem extra historicam narrationem scribit, certi nihil habent, nec ea ipse pro certis affert: coniecturis tantum suis ac opinione nititur. Nec mirum si hanc speciem gubernationis Græcis acceptam referat, cum & primam illam institutæ à Romulo Reipublicæ formam à Græcis mutuata tradat<sup>3</sup>, quo tempore aut nullum aut valde exiguum cum Græcis ciuitatibus commercium fuisse Romanis verisimile est, quasi verò aut non gemina mentis sensa hominibus, cœlo solo, seculoque disiectis esse possint: aut quæ id regiminis Græcis persuasit, ea Romanis simile quid suggerere rationem valeret: vt ut est talia Græco homini facillè condonanda, qui ea ad patriæ suæ gloriam ex seipso, historiam verò ex aliis fide dignis, nobis profert. Sed ad institutum.

Reges in iudicium à populo trahi non posse ostendit illa Dictatoris cum regia potestate creati libertas non singulos tantum, sed vniuersos, populum inquam totum, ordine & auctoritate legitima superantis, idque in ea ciuitate

te, quā nulla aut animosior, aut iniquæ dominationis impatientior, scelerumque vindex promptior vnquam extitit Cuius rei Liuius inter cætera, duo nobis illustria & memorabilia exempla suppeditat. Alterum A. Cornelii Cossi Dictatoris, quo M. Manlius delicias & corculum plebis in vincula duci iubente, spectantem & indignantem multitudinem sola autoritas Dictatoria continuit. Nullius, inquit <sup>1</sup>, *Nec oculi nec aures indignitatem ferebant: sed iniuncta sibi quædam patientissima iusti imperii ciuitas fecerat: nec aduersus dictatoriam vim, aut Tribuni plebis, aut ipsa plebs attollere oculos, aut hiscere audebat.* Alterū verò L. Papyrii in Q. Fabiū magistrum equitum, quod iniussu suo pugnasset, animaduvertere volentis, in quo Dictatoris imperium totius exercitus, Senatus populique autoritate potius atque superius fuisse perspicuè cernitur. *Stabat, inquit, cum Fabio senatus maiestas, fauor populi, tribunitium auxilium, memoria absentis exercitus. Ex parte altera, hoc est cum Dictatore, imperium iniunctum populi Romani, & disciplina rei militaris, & dictatoris edictum pro numine semper obseruatum, &c.* Ast vbi Dictator plenus iræ, & propositi tenax, perstiturū se in incepto, nec quicquam ex iusta pœna remissurum, aut de maiestate imperii Dictatoris diminuturū significasset: tribunos præterea officii, senatum populumque salutis suæ cōmonisset: omnes velut impetu legitimæ potestatis fracti debilitatiq; supplices statim, & morigeri facti sunt: sequitur enim. *Stupentes tribunos, & suam iam vicem, magis anxios, quàm eius cui auxilium ab se petebatur, liberauit onere consensu: populi Rom. ad preces & obtestationem versus, ut sibi pœnam magistri equitum dictator remitteret. Tribuni quoque inclinatam rem in preces subsequuti, orare Dictatorem insistant, ut veniam errori humano, veniam adolescentia Q. Fabii daret: satis enim pœnarum dedisse. Iam ipse adolescens, iam pater M. Fabius contentionis obliti, procumbere ad genua, & iram deprecari Dictatoris. Tum Dictator silentio facto, Bene habet inquit, Quirites, vicit disciplina militaris: vicit imperii maiestas: qua in discrimine fuerunt, an vlla post hanc diem essent, non noxe eximitur Q. Fabius, qui contra dictum Imperatoris pugnavit: sed noxe damnatus donatur populo Romano: donatur tribunitia potestati, precarium non iustum auxilium ferenti. Quo facto dictator animos militum non parum à se alienauit, tum quod implacabilem se Q. Fabio præbuisset, tum etiam quia quod suis precibus negasset, eius populo Romano veniam dedisset. En vt aduersus dictatoris imperiū nihil sen-*

Lib. 6.

natui, nihil tribunis, nihil populo, nihil militibus, præter preces & obtestationem iure supererit. Alia sunt apud eundem cōplura, quæ summæ huius & solutæ potestatis dictatoriæ in populum mentionē & fidē faciunt, ut mirum non sit eam Regibus tribui, quorum imperium summum atq; sanctissimum semper habitum est.

Sed & eam fuisse apud omnes gentes regalis fastigii libertatem, securitatemque, planè demonstrat Cicero, Deiotarū regem apud Cæsarem defensurus: ita enim ab insolentia & nouitate rei orditur. *Cum in omnibus causis grauioribus (Cæsar) initio dicendi commoueri soleam uehementius, quam videtur vel usus, vel ætas mea postulare: tum in hac causa ita me multa perturbant, ut, quantum mea fides studii mihi afferat ad salutem regis Deiotari defendendam, tantum facultati est timor detrahat. Primum dico pro capite, fortunisque regis: quod ipsum etsi non iniquum est, in tuo duntaxat periculo: tamen est ita inusitatum, Regem capitis reū esse, ut ante hoc tempus non sit auditū.* Sed apud quem ista Cicero? apud hominem fortasse in populorum ac nationum legibus moribusq; peregrinū? Imò verò apud Cæsarem in militaribus iuxta disciplinis & exterarum gentium factis institutisque versatum: quē propterea neque fallere in ea re & ludificari initio videtur voluisse, neq; si id maximè cupiisset, hominem variè periclitatum, inque negociis eiusmodi exercitatissimum, in claram ad eò fraudem apertamque inducere potuisset. Et verò ne quis Ciceronem hic, ut sæpe alias causæ potius inseruisse, quam veritatem asseruisse putet: en C. Memmii, viri popularis, & potentiæ nobilitatis infesti, eandem de ea re sententiam<sup>1</sup>: is enim in impunitam quorundam superbiam, auaritiam, insolentiam, eleganti oratione inuectus, tandem concludit: Nisi scelera illa quæ sita fuerint, & vindicata in noxios, nihil fore reliquum, nisi ut illis, qui ea fecere, populus obediens uiuat. & rationem addit. *Nam impune, quæ libet facere, id facere, id est Regem esse. Quæ res Æmylium Probū, seu Cornelium Nepotem, coætaneum ferè superiorū, impulit, ut reges Lacedæmonios nomine tantum, non autē re ipsa, hoc est, imperio & potestate Reges fuisse dicat<sup>2</sup>: postquā nempe iis coercendis, multandisque Ephori quæsi fuerunt, adeo nemo non sensit ea tempestate, Regis id esse proprium, ut vnus omnibus imperet, nulla rerum à se gestarum rationis reddendæ necessitate obstrictus. Quæ sententia tantum abest ut posterioribus seculis immutaretur, ut eam non solum ethnici, sed pii etiam Ecclesiæ*

Salust. de bel. Jugurt.

in vita Agest. in breui  
annor. de Regib.



patres, catholicique per orbem dispersi omnes, tanquam Christianæ disciplinæ & moribus maximè consentaneam, firmiter retinuerint. Cuius rei testimonium illud est, quod Valentinianus, vir bonus & principatu dignus, ubi ab exercitu toto faustis acclamationibus Imperator esset renunciatus, insigniaq; imperii accepisset: iisdem militibus paulò pòst magna vociferatione conclamantibus, vt alium quem piam imperii consortem sibi ascisceret, in hunc modum respondit <sup>1</sup>. *Vt me ad imperandum vobis eligeretis, in vestra sit um erat potestate, ô milites: at verò postquam me iam elegistis, quod petitis in meo est arbitrio, non vestro. Vobis tanquam subditis competit parere, mihi verò qua facienda sunt cogitare*, qua responsione audita, milites conticuêre, eam subditorum conditionem esse agnoscentes, vt Principem suppliciter compellare, non etiam compellere arroganter possint.

Est & istius præterea rei non dubium argumentum, quod D. Ambrosius de Valentino superioris filio scribit <sup>2</sup>, qui probi patris improbus successor, pulsus Catholicis, Arrianos, (quorum hæresi, matris Iustinæ suasu <sup>3</sup>, animum imbuerat) Ecclesiis præficere satagens, eundem Ambrosium exigere Mediolano annisus est. *Conuenior* (inquit Ambrosius) *à comitibus & tribunis, vt basilica fieret matura traditio, dicentibus Imperatorem iure suo uti, eò quod in potestate eius essent omnia. Respondi, si à me peteret quod meum esset, id est, fundum meum, ius huiusmodi meum, me non refragaturum, quanquã quæ mea sunt, essent pauperum. Verùm ea quæ diuina, imperatoria potestati non esse subiecta. Et iterum in eadem epistola inferius paulò. Mandatur denique, trade basilicam. Respondeo, nec mihi fas est tradere, nec tibi accipere, Imperator, expedit. Domum priuatam nullo potes iure temerare, domum Dei existimas auferendam? Allegatur, Imperatori licere omnia, ipsius esse vniuersa. Respondeo, noli te grauare Imperator, vs putes te in ea quæ diuina sunt, imperiale aliquod ius habere. Noli te extollere, sed si vis diutius imperare, esto Deo subditus. scriptum est, quæ Dei Deo, quæ Caesaris Caesari: ad Imperatorem palatia pertinent, ad sacerdotem Ecclesia: publicorum tibi munium ius commissum est, non sacrorum. Et in oratione hanc precedente, de eadẽ re sic ait. Si tributum petis, non negamus: agri Ecclesia soluunt tributum, si agros desiderat Imperator, potestatem habet vindicandorum, nemo nostrum interuenit, potest pauperibus collatio populi reddere. Non faciant de agris inuidiam, tollat eos si libitum est: Imperatori nõ dono, sed nõ nego. O diuinum antistitem verè Ambrosium, cuius ex dictis istis factisque, tanquam*

<sup>1</sup> Hermius Somen. l. hist. Eccl. c. 6.

<sup>2</sup> Lib. 5. epist. 33.

<sup>3</sup> Rufin. Eccl. histor. lib. 2. cap. 15. Theod. li. 5. ca. 12.



quam sacro quodam penario, tam suauē capimus Ambrosiam, euangelicæ, inquam, doctrine veritatem, qui cibus animæ est ad immortalitatem valens. Attende Lector, & intende animum. Docet te vir sanctus, quæ Christiani cuiusque erga Deum, ergaque Principem partes sint. Imperator tradi sibi templum impiè postulat: Ambrosius negat se id facturum, quòd ea domus Dei esset, sacerdoti commissa, non Regi: & ita quidem negat, vt se nec impietati Principis cessurum, nec maiestatem læsurum; non obscure denunciet: spe certa victoriæ scilicet non telis, sed tollerantia potiundæ. Itaque minitanti Calligono præfecto cubiculi se caput antistiti sublaturum, ni properè Imperatori audiret, respondit: *Deus permittat tibi vt impleas quod minaris: ego enim patiar quod Episcopi, tu facias quod Spadones.* Ecce vt neque Dei causam prodit, cùm eam capitis sui periculo fortiter tueatur: neque Principis maiestatem lædit, cùm pœnas quantumuis acerbis sufferre paratus sit. Hoc vno igitur facto Deum colit & Principem: illum quidem, pro quo mortem oppetere paratus est, dum ei potius quàm hominibus seruire studet: hunc verò quem etiam tyrannica iubentem obseruat comiter, ac debitâ reuerentiâ prosequitur. Is malis Principibus mos est, vt cùm illicita imperant, pœnâ annectant, quòd subditi vel imperata faciant, vel parata ferant supplicia: ex quibus qui posterius eligit, cùm non restet, rebellis dici non potest, tantùm non facit ea quæ iubet homo, ne faciat ea quæ vetat Deus: vt cùm crucietur ab homine, coronetur à Deo. Isthæ igitur quisquis agit, præclarum quid operatur, resistit enim simul & paret, & victus de victore triumphum reportat, resistit non faciendo, quæ Rex impius facta voluit, paret sufferendo equanimiter, quæ sanctionibus edicti continentur. Præclare beatus Augustinus<sup>1</sup>. *Quoties Imperatores in errore sunt, leges ad tuendum errorem contra veritatem condunt, per quas iusti examinantur, & coronantur. dum non faciunt ea, quæ legibus precipiuntur, quia Deus ea fieri vetat.* Potuit Sanctus Ambrosius armis Ecclesiam tueri, & vim vi repellere: nec idèd armis abstinuit, quòd armis esset inferior: ab eo namque populus stabat, ab eo pars maxima militum, ab eo (quod caput est) Christus Iesus, cælitescq; omnes. *Ante lucem* (inquit) *ubi pedem limine extuli, circumfuso milite occupatur basilica: idque à militibus Imperatori mandatum dicitur, vt si prodire vellet, haberet copiam: se tamen præsto futuros, si viderent eum cum*

Catho-

Callicè, ny frapper,  
ny fuir.

1 Epist. 166.

*Catholicis convenire, alioquin se ad eū cœtum, quē Ambrosius cogeret trāsituos. Prodire de Arrianis nullus audebat, quia nec quisquam de ciuibus erat, pauci de familia regia, nonnulli etiam Gothi, quibus ut olim plaustrum sedes erat, ita nunc plaustrū Ecclesia est. Quid multis? tantus undique ad Ambrosium defendendum ciuium militumque concursus fuit, ut aduersarii pium hunc animorū consensum, in tyrānidis suspicionem Ambrosio verterent. Ego tyrannus appellor, inquit, & plus etiam quā tyrannus. Nam cū Imperatorē comites obsecrarent, uti prodiret ad Ecclesiam, idq; petiti militum facere se dicerent, respondit: Si vobis iusserit Ambrosius, vincitum me tradetis. Omitto quæ aliundē subsidia sperare poterat, vel ex Asia à Theodosio consorte imperii orthodoxo, vel ex Gallia à Maximo res novas moliente, inque spem imperii erecto, ac iniuriæ Ambrosio illatæ vltro se vindicem offerente <sup>1</sup>. Sed neminem omnium vir sanctus ob Ecclesiæ tutelam in legitimum Principem concitare, atq; armare voluit; non quia non potuit, sed quia non debuit. Tradere basilicam non possum (inquit) sed pugnare non debeo, & alibi <sup>2</sup>. Paratum me esse, ut si ille faceret quod solet esse regis potestatis, ego subirem quod sacerdotis esse consuevit. Quid ergo turbamini? Volens nunquam ius deseram, coactus repugnare non novi. Dolere potero, potero flere, potero gemere, aduersus arma, milites Gothos quoq; lachryma mea arma sunt. Talia enim munimenta sunt sacerdotis: aliter nec debeo, nec possum resistere. Quinimò fassus est ingenuè, non esse officium sacerdotis, ut ea de causa populum in Principem concitet. Exigebatur à me, inquit, ut compecerem populum. Referebam in meo iure esse, ut non excitarem, in Dei manu ut mitigaret. An nō putes, sanctum Dei confessorem intrepidè dicturum fuisse, si id ei licuisset. meritò tumultuatur populus: & arma Imperatori tyrannidem exercenti iure optimo infert. Amplius Imperator non est. Iam excidit principatu. Populo in eum ius atque potestas est, Aliaque id genus, quæ nostra heu nimium infelix ætas, magno religionis regnorumque dispendio, intemperanter iacet.*

<sup>1</sup> Theod. hist. Eccl. l. 5. c. 14.

<sup>2</sup> In orat. ad suos contra Auxentiū lib. 5. epist.

Hæc autem eò à nobis hoc loco dicta sunt, ut ora nonnullis occludamus, qui veterem ecclesiam malos principes ideo tollerasse ferunt, quòd nondum satis ad resistendum potens esset: ob eamque causam è re eius fuisse, defectionibus & rebellis tantisper abstinere, dum vires ad eam rem idoneas contraxisset: ne fortè cū non valeret perficere quod

p Lib. 4. c. 6.

quod pararat, grauiores inde persecutiones orirentur. At verò, si liberè loqui liceat, affirmare equidem ausim, vnam Italiam, Galliàmve, plures tunc bonos Catholicos aluisse, quàm vniuersa nunc ferè Europa contineat. Sed hac de re inferius plura, inter nostras aduersariorum argumentorum solutiones <sup>1</sup>. Adhæc quoque Regem non nisi Dei iudicio subiectum esse, argūmento est, quod licet idem Ambrosius Imperatori audenter responderit, nullius eum priuati domum temerare sine iniuria posse, atque ita suum ei peccatum sacerdotali libertate denunciarit, metu etiam numinis ob oculos proposito, ( *Si vis diuinus imperare*, *esto Deo subditus* inquit ) tamen de humano iudicio nihil: tantum iniuste eum facere, ( quod verum est ) ostendit: qui si subditos populo Principes, abque eo in ordinem esse cogendos existimasset, neque id quoque omissuram fuisse credibile est: Sed tantò vehementius inoniturum, quantò facilius cruciatuum corporis quam animæ formidine sceleris à maleficiis absterrentur. At quoniam agnouit vir Dei quæ regiæ sunt dignitatis, & supremæ potestatis in populum, Scripturis sacris & gentium communi iure, ita fulta esse & firmata, vt inuerti sine flagitio nequeant: idèd eius minuendæ nullam penitus mentionē fecit. Quemadmodū nec vlli eius seculi Sanctorum Patrum, Catholicorumve omnium, quorum ad nos monumenta peruenerūt, quantūvis tyrannide Principum vexati, oppressiq;. Sed nec eam libertatē impunitatemq; Regibus adhuc inuidebunt, aut nostram de iis sententiam reprehendent, qui sedatè & consideratè summi imperii conditionē animis intuebuntur. simulq; parem licentiā magistratibus nonnullis, regio nec titulo nec dignitate insignitis, concessam fuisse meminerint. Nam, vt omitram Dictatores, q; ipsi proximè Regibus potētia magnitudine æquabantur, ac proinde à nullis coerceri poterant, nullis, ne populo quidem, rationem reddere tenebātur, vt est iam à nobis demonstratum: Tribunos plebis etiam in ea causa fuisse, vt à nullo in ordinem cogi possent, memoriæ proditum est. Itaque Plinius <sup>2</sup>. *Consulus an existimem te in Tribunatu causas agere debere. Plurimum refert, quid esse tribunatum putes: inanem umbram, & sine honore nomen, an potestatē sacrosanctam. & quam in ordinem cogi, vt à nullo, ita ne à se quidem deceat. Sed & Cosinos præterea in Creta, Ephoros Lacedæmone, Phylactas apud Cumæos, apud Cnidios Amaemo-*

nes,

p Lib. 7. epist. 22.



nes, aliosq; apud alias gentes omni metus sollicitudine obgestum à se magistratum liberatos fuisse legimus<sup>1</sup>. Quod ergo Dictatoribus, Tribunis plebis, Cosmis, Ephoris, Phylactis, Amnemonibus, & aliis id genus magistratibus tributum fuisse constat, ne corripì scilicet à populo plective possent, id Regibus & Monarchis denegare, qui splendore imperii, & amplitudine maiestatis, ac potentiae magnitudine, tanto ceteris magistratibus quàm astris sol reliquis, antecellunt: nam hominis esse videtur à recta rationis & naturae norma planè aberrantis, & perturbationibus atq; affectibus animi vitiosis occaecati. Ac de rationum quidem exemplorūq; momentis, satis nunc nobis videtur huc vsq; sermonem protraxisse, quibus alii alia, si volent, addunto. volentibus certè multa suppetunt, quae nos aut immemoriā, aut consultò praeiteriuimus.

<sup>1</sup> Arist. l. 2. Polit. cap. 7. & 8. Plur. in Hellenicis quaestionibus.

*Reges quantumvis malos populo superiores, & Dei iudicio relinquendos esse probatur ex sacris monumentis, scriptis Theologorum, & Iurisperitendium: quorum omnium auxilio defecti sunt aduersarii. Legis regia per Samuelem promulgata declaratio. Iniuriam Deo facere populum, qui iudicium in Reges sibi arrogat. Samuel ut regem pessimum & doctrina & exemplo honorandum monstravit. Ut eum imitati sint boni serui Regis. Laudabile subditorum officium, & execrabile aulicorum vitium depingitur.*

## CAP. VI.

**T**ertius nunc superest locus, qui in Scripturae auctoritate, & sanctorum hominum, sapientumque testimoniis consistit. Sed is prius quàm à nobis tractetur, lectori praedictum volo, quod vir in primis eruditus & religiosus, ac Sacrae Theologiae Doctor insignis nō ita pridem aduersus Monarchomachos scripsit.<sup>2</sup> videlicet. *Praclare nobiscum agi, quod prouida sua Deus benignitate cauerit ne quid sacro suorum bibliorū volumine, unde stabilire possent Regū hostes suum. siue populi regnū, aduersus tā sublimēs suos ministros, verbo vel exemplo consignaretur, & rursus<sup>3</sup>. Istius inauditi populorum in Reges iudicii, quod meditatur aduersarij, exemplum nullum in sacris literis extare, sed potius longè diuersum nobis ibidem commendari. Quo equidē viri pii testimonio, simul & aequitate causae erectior animo sum atque alacrior, qui cum aduersariis congrediar. Sed quid dixi congrediar? exiguū cum iis*

<sup>2</sup> Niuianus V. vii. zetus Abbas, in velitatione aduersus Buchan. p. 182.

<sup>3</sup> Ibid. pag. 173.



certamen esse potest, qui nullis contesti armis, nullo muniri praesidio sunt. Ita ut impetum incursumque; armatorum ferre nequeant. Tales profecto hac ex parte non sunt, contra quos disputamus: quandoquidem ex tam multis Sacrarum literarum libris, à Deo ad salutem & societatem hominum nobis traditis, ne locum quidem ullum proferre possunt, ubi vel praeepto vel exemplo disertè comprehensum sit, populo in Principem ius esse quo vel errantem delinquentemve in ordinem cogat, vel proterve & crudeliter imperantem, armis è regno exturbet, aut rei capitalis reum faciat atque damnet. Quod quamvis plerique ipsorum non ignorent, aliqui etiam fateantur<sup>1</sup>, tamen suis illis error ita placet, ut cum ei probando nullum certum ac solidum argumentum scriptura sancta suppeditet, simul & ipsi vereantur, ne sine eius auctoritate reiiciatur ab hominibus & collabascatur: quod ne veritas quidem (ut ille ait<sup>2</sup>) sine verisimilitudine fidem facere possit: fictas inde & fucatas rationes corraserint, ex allegoriis nescio quibus, & mystica seu potius misera interpretatione, rei quae propositae assue- runt: sed ita ut omnes eorum argumentationes materiae aut formae vitio laborent. Sancti autem Ecclesiae patres, Iurisque Civilis & Pontificii authores atque interpretes omnes, suum illis patrocinium denegarunt, qui iidem quam enixè nostram causam suscipiant ac tueantur, ex iis quae sequuntur mox patefcet.

Atque, ut à Sacris literis ordiamur, illud primum occurrit, quod Deus Regem Hebraeis daturus, ius regni siue Regis per prophetam iis praedixerit<sup>3</sup>, quo nihil aliud continetur, nisi suprema haec dominatio, & impunitas tributa Regibus; demissaque populi conditio, arbitria Regum acerbiora, cuiusmodi sunt quae ibi Samuel denunciat, sine coniuratione & rebellio tollerare debentis. Quae enim illic in iure Regis numerantur, ea neque ad boni Regis officium pertinere, neque à malo Rege sine iniuria fieri posse certum est. Nam ut ex S. Ambrosio antè retulimus, Rex nullius privati domum sine iniuria temerare potest, & tamen ad ius Regis eo loco reuocantur à Propheta, bonorum direptiones, abductorum liberorum seruitus, caeteraque libertatis oppressio, quaecumque sub malis Principibus possit contingere. Aut ergo delirat sanctus Dei propheta desipitque, aut haec aliqua saltem ratione ius Regis dici possunt (nam non fuisse haec ad terrorè solum proposita, superiore libro

<sup>1</sup> Buchan. pa. 79.

<sup>2</sup> Author ad He-  
zennum.

<sup>3</sup> 1. Reg. 1.

libro manifestè ostendimus <sup>1</sup>.) At non ea certè quæ ius nobis habendi, retinendi, possidendi, altius tollendi, vtendi fruendi, aliudne quid agendi vulgo dicere consueuimus: eo enim sensu si Samuelem intelligamus, non ius Regis, sed iniuria potius nominanda est. Nec idè etià ius Regis dici potest, quod satellitum multitudine ad complendam nequitiam stipato, resistere priuati nequeat: nam eo modo spoliare atque occidere homines, ius non solum latronis, sed cuiusque etiam potentioris diceretur, quod quàm ineptum sit & absurdum, nemo non videt. Vna igitur superest ratio, qua iure Regis talia ascribantur: nempe quod istiusmodi facinora admittēs, licet sceleratè faciat, peccetq; in Deum vehementius, tamen in eo, ne ab hominibus iudicari, plectique possit, perinde censetur, ac si iure suo vsus esset: quippe Deus suo eum iudicio reseruat, quod vtique naturali & ciuili rationi consentaneum est, quæ vnumquemque à sublimiori potestate iudicandum esse docet. Regali autem potestate cum celsior nulla inter homines reperiatur cuius iudicium subeat, vt est à nobis paulò antè demonstratum <sup>2</sup>, consequens profectò est, eum animaduersioni & censuræ diuinæ relinquendum esse, & velut ad suum iudicem remittendum, ne fori præscriptione vtatur. idque his diuini edicti verbis cautum satis, atque expressum videtur <sup>3</sup>. *Præbete aures vos qui contentinetis multitudines, & placetis vobis in turbis nationū: quoniā data est à Domino potestas vobis, & virtus ab Altissimo qui interrogabit opera vestra, & cogitationes scrutabitur: quoniam cū essetis ministri regni illius, non rectè iudicastis, nec custodistis legem iustitiæ, neque secundum voluntatem Dei ambulastis. Horrendè & citò apparabit vobis: quoniam iudicium durissimum in his qui præsumunt fieri.* *Ecce.* deinde additur. *Ad vos ergò Reges sunt hi sermones mei.* Nempe vt intelligamus, Regibus tantum & monarchis, siue Principib. quæ alienam dominationem non agnoscūt, id esse tributum, vt Dei solius iudicio reseruentur: ceteri omnes humanum subeant, quia homines supra se habent. Itaque magistratum, magnatum, & principum populi inferiorum, Rex seu Princeps summus, Regis verò Dominus ipse opera interrogabit. Hic soli Deo, illi Deo & homini pœnas meritas debitasque persolvere tenentur. Et verò populus magnam Deo iniuriam facit, qui de Rege viciatio ipsius, & summo secundum eum iudicem inter homines constituto, iudicandi sibi potestatem arrogat: non secus

Vide etià Abbat. VVinzetum aduersus Buchanannum pag. 190.

<sup>2</sup> cap. 4. 3.

<sup>3</sup> Sapient. 6.

(vt exemplo res illustretur) ac si prouinciales, Præsidis sui, quem rogatu ipsorum missum cum imperio à Rege acceperunt, furta, rapinas, homicidia, luxum, cæteraque flagitia, vi & manu vlciscantur. Licet enim ob magistratum auarè, crudeliter, & libidinosè gestum, grauissimas eum pœnas dare æquum sit: tamen neque istos pœnas sumere, neque eo modo æquum est. Quinimò quoddam in pœnas iniussu Regis consurrexerint, eius maiestatem in persona magistratus violasse iudicandi sunt, iustamque Regi causam præbuisse in eam prouinciam vel ciuitatem animaduertendi seuerius, tanquam & Regis & legis contemptri-

Huic sententiæ nō obstat, quod de propulanda iniuria, & vindicando se sine iudice legib. continetur, vt infra patebit.

cem: si talis præsertim Rex sit, qui subditorum querelas libenter audire, & scelera in noxios exquisitis suppliciis vindicare soleat. Verres cum Siciliam prætor administraret, publica omnia, priuata, profana, sacra violando, non singulos modò ciuium, sed totas etiam familias, fana, ciuitates, diripuit, prædatus est, spoliauit: præturamque suam ita latrociniiis, libidine, rapinis, atque omnium rerum cupiditate infestam cunctis & infamem reddidit, vt nihil ad acerbissimam tyrannidem deesse videretur: non in Siciliâ tamen sed in Italia, non Syracusis aut Messanæ sed Romæ, nō Siculo, sed senatu iudicante, repetundarum postulatûs est, & damnatus. Quod si ipsi prouinciales tantis calamitatibus afflictî, tot iniuriis affecti, tam variis vinculorum, verberum, atque omnis generis tormentorum doloribus cruciati, oppressique, in hunc ipsum prætorem coniurassent, siquæ se vlti manu fuissent: non dubium profectò quin S. P. Q. R. violatam in suo magistratu populi Romani maiestatem, contemptumque imperium, existimasset, & in auctores sceleris vel iudicium decreuisset, vel bellum. Tanta namque ordinis iudicandi apud omnes nationes ratio semper habita est, vt alterius inuadere iurisdictionem sine iniuria nemo posse creditus sit. Hoc enim naturæ lege ab ipso humanæ societatis ortu, hoc iure gentium, hoc ciuilibus singulorum populorum, atque urbium institutis moribusque præceptum, & constanti ac perpetua obseruatione, retentum esse constat. Imperium igitur & potestatem sibi datam; cum homines tam enixè tueantur & conseruent, ne ab aliis occupetur; suam Deus iurisdictionem negliget? & sibi soli competentem ab hominibus vsurpari nō indignabitur?

Sed ad Samuelem reuertamur: is legem regni, siue ius Regis

Regis ex Dei mandato præscribit : quod quia inhumana multa, sæuæque complectitur, & quæ à Regibus citra tyrannidem perpetrari non posse videntur, nonnullis suspicandi occasionem præbet, id totum ad tyrannos non Reges pertinere. Sed non ita est; Regis illic ius proponitur, non quo talia admittat (id enim tyrannicum esse non regium nemo dubitat) sed quo in nullam commissi pœnam vocari rapique ab hominibus possit : vt planius atque vberius secundo libro est demonstratum, quod nunc lectorem remitto. Talia igitur facere, iniuria tyranni est, factorum verò impunitate gaudere, vbi talia commiserit, ius Regis est à Deo per prophetam populo Iudaico promulgatum. Nec diu quidem id regnum sine huius iuris exemplo stetit: vix enim iam benè regnari cæptum erat, cùm populus istam regni legem, quam auribus antè hauferat, experimento seruare didicit. Nam Saul posteaquam Dominum dereliquit, multa facinorosè, multa tyrannicè perpetravit <sup>1</sup>, i- 1 D. Cyprian. li. 3. epist. 1.<sup>a</sup>.  
mò, si aduersariis credimus, in manifestum tyrannum degenerauit <sup>2</sup>, at hunc tamen donec vixit, non solum popu- 2 Boucher. lib. 1. c. 3. & li. 3. c. 18.  
lus, quem falsæ opinionis aut deprauatæ affectionis error seducere nonnunquam solet, sed ipsi celebres Dei propheta Samuel & Dauid, Regem agnouerunt, appellarunt, coluerunt, atque omnibus, quæ subditos decent, officiis, amore, beneuolentia, obsequio & obedientia complexi & prosequuti sunt: populoque vt prosequeretur persuasere. Nam de Samuele quidem testimonium extat adèd clarum & illustre <sup>3</sup>, vt eius fidem nulla contortæ inter- 3 1. Reg. 15.  
pretationis nebula inuoluere aut obscurare possit. Misus enim à Domino ad Saulem, vt suum ei peccatum pœnamque denunciaret cum legatione iam functus decessum pararet, rogat eum Saul, vt secum maneat, & reuertatur ad adorandum Deum. Negat id se facturum propheta, quia *proiecisti* (inquit) *sermonem Domini, & proiecit te Dominus ne sis Rex super Israel*. Instat Saul, & pallio arrepto abeuntem conatur retrahere: reuirit tamen vir Dei, & scisso pallio  

Z 2

*ab-* legitimum Regem quandiu vixit, secundum consentientem Catholicorum Patrum doctrinam, ita vt sententia in ipsius stirpe, & liberis regno priuatis tantum completa sit. Euseb. de præpar. evang. lib. 10. cap. ult. D. August. in Psal. 103. vers. qui regis. Ioseph lib. 6. Antiq. cap. penult. & vltim. Ioan. Bunder. tit. 9. artic. 11. V. Vinzetus aduersus Buchanan. pag. 176. Neque enim intolens est in sacris literis, vt quid præsentis fieri dicatur, quod multis post annis existit, quia omnes Deo tempus præ-

Scito lector, Saulem post hæc Domini sententiam manifeste nihilominus verum, vnicum &



abscedit; hoc superindicto. *Scidit Dominus regnum Israel à te hodie, & tradidit illud proximo tuo meliori te.* Cui iterum Saul. *Peccaui, sed nunc honora me coram senioribus populi mei, & coram Israel, & reuertere mecum, ut adorem Dominum Deum tuum.* Ad hanc vocem subsistit propheta, & iustâ petitione flectitur, regrediturque: ait namque scriptura. *Reuersus ergo Samuel secutus est Saulem, & adorauit Saul Dominum.* Altissime Deus, quam benigna mundum regis prouidentia! quam suauiter Ecclesiam iam inde ab initio præceptis Sanctorum instruis & exemplis! at hoc exemplum præter cætera insignne nobis relictum est, quo vno sacerdotis & subditi, priuati & propheta, ciuis & sancti, denique populi Deo parentis & Principi, coniuncta officia depinguntur. Samuel enim Saulem à se increpitum acriter & reprehensum, quodque deterius est, inuisum Deo, Regem nihilominus agnoscit, sequitur & honorat. Quamobrem? num quia Rex peccati confessione veniam erat promeritus? minime quidem, nam & antea peccatum confessus est, sed eam reprobi hominis confessionem flocci pendit Samuel; addiditque Triumphatorem in Israel non parsurum Sauli, nec simulata illa pœnitudine flexum iri. Num ergo quia Regem timuit? qui Regem sceleris arguit, qui impium eum atque reiectum a Domino declarat, qui abscissum ab eius familia regnum pronuntiat, is Regem timuit scilicet. Num quia Saul velle se Dominum adorare dixit? nihil minus: iam illam ante Samuel causam repulerat. At aliqua reuertendi fuit causa? Permagna quidem: si enim Samuel, quem Dei spiritu agitaturn, ac miraculis etiam clarum omnes cognouerant, Regem in conspectu populi & seniorum Israel neglexisset, res exemplo pernitiola & ad omnes statim peruentura, contempnitionem regiae maiestatis in animis aliorum ingenerasset: indeque rebellium, coniurationem, insidias, & noxia quæque maiestatis violanda, & abdicandi Regis irritamenta concitasset. reuersus igitur Samuel secutus est Regem, ut eius exemplo populus in officio contineretur, ne debitum Regi obsequium & honorem quamuis malo subtraheret, ne dum zelo non satis circumsperto Deum sibi placare studet, eundem in sprete Regis sui persona grauiter offenderet. Meminit quippe Samuel legis regni se præcone recens à Domino promulgata, qua Regum siue vitia, siue iniurias, siue damna esse toleranda præcipit. Sint enim ista licet mala à Regum negligentia & vitiis promanantia, tamen boni quæ  
sunt in

sunt in regno quæsitæ sine istis malis non haberemus. ut olim de Tribunatu dixit Cicero. Hæc enim tantò leuius toleranda sunt, quantò satius est vnius quàm plurium ferre tyrannidem. Propterea Regē Samuel quā vates reprehendit, quā ciuis & subditus reueretur & cum eodem tempore Regem ecclesiastica libertate corripit, ac ciuili suscit comitate, imperat simul & paret. Enitendum itaq; est nō modò singulis, sed etiam populo vniuerso, ne vitia Regis cōmunicent, aut aliquid pietatē, verecundiā, honestatem, lædens eius vel suasu vel iussu patrent, sed ita tamē vt Regem interea obseruent, ne dum peruersis eius obsequi studijs iustè detrectant, obseruantia tātā debitā maiestati iniustè eū fraudent: & vt paucis multa complectar, subditi egregio hoc Samuelis exemplo edocti, in ijs quorum periculosa cogitatio, assensus prauus, operatio turpis est, Regi obsequium sine insurrectione denegabunt: in alijs iussa capessent, & imperata sedulo exequentur.

Atque hanc parendi rationem exemplo Samuelis secuti sunt paulò post satellites, & domestici ipsius Saulis: cū enim Rex liuore & iracundia furens, Dei Sacerdotes neci destinasset, famulis circumstantibus dixit <sup>1</sup> *Conueriti* 1. Reg. cap. 22. *mini & interficite sacerdotes Domini, nam manus eorum cum Davide est scientes quod fugisset, & non indicauerunt mihi.* At illi tam funestum & lugubre mandatum suscipere, aut exequi recusarunt: sequitur enim. *noluerunt autem serui Regis extendere manus suas in sacerdotes Domini.* Vnus tamen inuentus est Doeg Idumæus sæuitiæ Regis sceleratus minister, qui cæde & sanguine, sacerdotum impias illicò manus polluit. Illi laudabile bonorum subditorum officium, hic nefariū & execrabile perditorum aulicorū vitium liquidò repræsentat: atque ille quidem aptè Doeg Idumæus appellatur quia de rebus terrenis sollicitus omnem de Deo, & rebus diuinis curam & cogitationē abiecit. quod & omnes solent, quibus id animi est, vt Principi potius terreno quàm cælesti, Regi gentium temporali, quam Regi regum sempiterno, homini mortali & caduco, quàm immortali hominum rerumque omnium opifici Deo Opt. Max. placeant pareantque. Sed de misera talium virorum conditione, si Deus volet, dicetur à nobis alio loco vberius, cæptum hîc opus texendum est.

*Idē probatur ex doctrina & rebus gestis Davidis simul & con-*

*sueta populi Hebrai in Reges sceleratissimos obseruantia, apud quem nullus omnino Regum sine expresso Dei mandato impunè coercitus est aut interemptus. Refellitur error eorum qui putant Dauidem parcendo & pariendo Sauli, non necessarij officij, sed tantum voluntaria perfectionis exemplum prabuisse.*

## CAP. VII.

**P**Rincipem legitimum, quantumuis scæuiter & impiè regnantem, ferendum tantisper, & Dei iudicio permittendum, vt Samuel doctrinâ & exemplis monstrauit, ita & Dauid: tantoque manifestius, quanto ei diuturnius cum Rege peruerso & desperato negocium fuit. Cuius rei testimonium inprimis illud est, quod quamuis sciret interitum sibi arte & marte parari a Saule: & sacerdotes Dei ac prophetas octoginta quinque vel si Iosepho <sup>1</sup>. credimus trecentos, vno die sua causa trucidatos <sup>2</sup>. inque alios immerentes tam inhumaniter & barbarè scæuitum esse, vt nec ætate confectis, nec morbo attritis, nec infantibus, nec mulieribus, imò nec brutis animantibus parcitum sit, quominus tota ciuitas Nobe ferro vastaretur, atque Regem tantæ cædis authorem, & acerbiora indies molientem, nullo negotio tollere de medio & populum eius tyrannide liberare posset: tamen vt alios in perfecto & necessario vitæ officio contineret ingenuè & serio prædicauit, haud sibi fas esse Regem suum, quamuis scelestum & crudelem, pro tantis calamitatibus & iniuriis acceptis vlcisci, quinimò ipsius personam tam sanctam & inuiolabilem esse, vt lædi a nullo aut peti sine grandi piaculo possit. Sed vt fidem faciat oratio, scripturam ipsam loquentem audiamus <sup>3</sup>. Cum reuersus esset Saul postquam persequutus est Philistæos, nuntiauerunt ei, dicentes. Ecce Dauid in deserto est Engaddi. Assumens ergo Saul tria milia electorum virorum ex omni Israel perrexit ad inuestigandum Dauid & viros eius, etiam super abruptissimas petras, quæ solis ibicibus peruia sunt: & venit ad caulæ ouium, quæ se offerebant vianti, erâtque ibi spelunca quam ingressus est Saul, vt purgaret ventrem: porro Dauid & viri eius in interiore parte spelunca latebant. Et dixerunt serui Dauid ad eum. Ecce dies de qua loquutus est Dominus ad te. Ego tradam tibi inimicum tuum, vt facias ei sicut placuerit in oculis tuis. Surrexit ergo Dauid, & pracidit oram chlamydæ Saul  
filen-

<sup>1</sup> li. 6. antiq. c. 14.  
<sup>2</sup> 1. Reg. 22.

<sup>3</sup> 1. Reg. 24.

*silenter. Posthac percussit cor suum David, eo quod abscidisset oram chlamydis Saul. Dixitque ad viros suos, Propitius sit mihi Dominus, ne faciam hanc rem domino meo Christo Domini, ut mittam manum meam in eum, quia Christus Domini est. vivit Dominus, quia nisi Dominus percussisset eum, aut dies eius venerit ut moriatur, aut descendens in praelium perierit: propitius mihi sit Dominus, ut non mittam manum meam in Christum Domini.* Expendant velim ista qui Principes suos priuatorum ordine quantum ad pœnas exigendas habent: qui regicidas laudibus & honore cumulant, qui pelli de solio, sceptro spoliari, extrudi è regno, suppliciis denique & neci malos Reges dedi posse, & debere, imprudenter nimis & impudenter asserunt. Saulem nequissimum Regem cum posset David occidere & etiam iure posset, propter singularem Dei permissum promissumque, tamen ut aliis perfectam divinæ legis doctrinam traderet, profiteretur se propter conscientiam non audere, *Propitius sit mihi Dominus* (inquit) *ne faciam hanc rem domino meo Christo Domini.* Ecce dominum eum vocat & Regem, tunc quum subicere eum sibi, vitæque simul & regno spoliare posset. Egredientem namque Saulem de spelunca secutus est clamitans à tergo, *Domine mi: Rex & respexit Saul post se: & inclinans se David pronus in terram, adoravit, dixitque ad Saul.* Ecce hodiè viderunt oculi tui, quod tradiderit te: *Dominus in manu mea in spelunca: & cogitavi ut occiderem te sed pepercit tibi oculus meus. Dixi enim non extendam manum meam in dominum meum, quia Christus Domini est.* En ut humiliter Regem consceleratum honorat, ut Dominum appellat, ut suppliciter & cū honore alloquitur, & cum quidem Regem cui tam horrenda sacerdotum & innocentium cæde, aliisque tyrannicis factis commaculato, non solum non assurgere, si novis istis theosophis auscultemus, sed planè insurgere, sed conuitia ingerere, sed omnibus viribus obistere, sed lucis usuram eripere, siue palam & vi aperta, siue machinatione & insidiis, tenebatur <sup>1</sup>. Cui consequens profectò est, Davidem, ut hominem pietatis negligentem & Reipublicæ hostem, certè necessarij officij desertorem, Sauli tunc tem, potis pepercisse, quo cum solum secretò tutoque extinguere potuisset: Atque ita contribules suos eo Rege tyranno liberare, à quo graubus iniuriis afflictì, & per omnes contumelias & pœnas calcari pressique tenebantur <sup>2</sup>. At nondum tales extiterant dogmatistæ,

<sup>1</sup> Brut. q. 3. pag. 210. & 212.

<sup>2</sup> D. Cyprian. l. 3. epist. 11.



qui perfecti huius officii rationem diligentius perscrutarē-  
tur, & eius Davidem admonerent, scilicet. At illum certò  
Deus cælesti sapientia ad iustitiam erudiuit: hos verò quis  
aliter instituerit ipsi viderint: quod ad me atinet, illius e-  
quidem æmulari exopto in Regem malum obseruatiam,  
quàm horum superbam insolentiam, illius circumspèctum  
in Rempublicâ affectum, quàm horum incòsideratâ à Re-  
gibus defectionē. Me siquidem vt istuc velim monet & mo-  
uet B. Ambrosius <sup>1</sup>. dum ait. *Quam honestum quod David  
cum potuisset Regi inimico nocere, maluit parcere. Quàm etiam  
utile, quia succèssari hoc profuit, ut discerent omnes fidem Regi pro-  
prio seruare, nec usurpare imperium sed vereri.* vnum igitur ab  
omnibus huius sectæ hominibus sciscitari velim: num sibi  
maius in suum Regem ius arrogent, quàm q̃ tunc David  
subditos in Saulē habere testatus est, cum ait *quis ex te deo  
manum suam in Christū Domini, & innocens erit?* vt q̃ ille sine  
peccato committi non posse dicebat, hi sine vlla sceleris  
cōscientia, & publicè omnes, & priuatim singuli, perpe-  
trare se posse arbitrentur: hoc si habent, ostendant velim,  
& me quò velint ducant: sum enim ita animo affectus atq;  
egregius ille Theologus, cuius laudati aduersus hæreticos  
libri circumferuntur, ex quorū vno ad verbum hæc sunt. <sup>2</sup>  
*Si veritatem gladio Princeps persequatur, eodem gladio populum  
veritatem defendere oportet.* (propositio hæc est hæretici,  
cum quo cōflictatur & certat, cui grauitè & eruditè præ-  
ter alia respondet) *Libenter cuperim istud expresso Dei man-  
dato, sine quo alias crebro docetis nihil in religione textandum,  
à te ostendi. Videor enim mihi animali saltè spiritū concitato  
aliquid tale probari posse, summopere velle. Sed occurrit mihi  
statim illa Domini sententia: sufficit discipulo vt sit sicut Ma-  
gister eius <sup>3</sup>, si me persecuti sunt, & vos persequentur. Multa sunt  
eiusmodi, qua vt cum Christo propter iustitiam patiamur, vt illi-  
us crucem ferendo tollamus, vtque postremò Euangelicam grati-  
am. Christique virtutes liberius confessione ad mortem vsque cō-  
stanter annunciemus: sed vt pro Christo gladium aduersus Ma-  
gistratum cum Petro tollamus, non lego. Creui hac lenius, atque  
conseruata semper, s̃t Ecclesia innocuo sanguine patientium, nun-  
quam vero gladiis hominum, maxime à x̃ĩo Παλῶν legitimo Prin-  
cipe & auctoritate dīstīnctorum, aut persequentiā aut defenden-  
tium Eandem & alii sancti Patres sententiam mordicus te-  
nuerunt, nec qui iis reluctaretur ante hanc nostrorum tē-  
porum perturbationem, & calamitosas in Religione &  
Repu-*

lib. 3. offic.  
cap. 9.

2 Nin. V Vin-  
zetus in flagel.  
Sectariorum.  
pag. 79.

3 Matth. 10

Republica dissensiones, inuentus est ferè quisquam, exceptis duobus pestilentissimis hæreticis Ioanne VVicleff, & Ioanne Hus quos frequens illa ad Constantiam synodus unanimi Patrum cōsensu damnauit. <sup>1</sup> Quocirca prefidii nobis ad restandum sat esse in his beatorum hominū sententiis remur: imò cunctis aduersariorum telis vel vnā hanc parmam obtendere sufficit. Regalem nempe prophetam commonere, vim Regi quamuis scelerato sine scelere afferri non posse. Si enim verum est quæcunque in Bibliis scripta sunt, ad nostram salutem scripta esse fieri non potest, vt præscriptam à Prophetis viuendi normam sectando, à veritatis tramite aberremus, vel itaque Dauidem accusent, vel nos excusent necesse est. Nam vt non omnia Sanctorum facta, nobis ad imitationem proposita esse in sacris literis, nemo sanus negauerit, ita vel omnem eorum de moribus doctrinam salutarem esse, vel Scripturam sanctam fallacem planè & lusoriam fateamur oportet. Hoc igitur argumentum qua responsione dissoluant, equidem non video, nec ipsismet scire arbitror. Nam quod ferunt qui ingeniosiores ad comminiscendū inter eos habentur <sup>2</sup>.

<sup>1</sup> Sess. 8. & 15. Cōcil. Constantien.

<sup>2</sup> Roucher. l. 3. cap. 18.

*perfectioris hic exemplum non necessariū officii esse intelligendum.* id licet in Dauide quidem locum habeat, cui Deus facultatem vlciscendi inimicum tribuit, in alio quouis tamē falsum esse, cū hic locus tū alius eiusdem libri perspicue demonstrat. Percussit enim illicd Dauidem cor suum, eo quod vindictam in Regem attentasset. Id est cor Dauidis tactum conscientia voluntatis eum pupugit, vt interpretatur Lyranus, cuius ipsa adscribam verba. *Percussit cor suum Dauid &c. id est conscientia sua eum reprehendit, & sic Dauid est accusatiui casus: quia hoc fecerat irreuerentiam ipsi Saul: quia honorandus erat, quandiu in regno tolerabatur à Deo. Propter quod dicunt Hebraei, quod Dauid circa mortem fuit punicus in simili, scilicet in vestibus, quibus opertus non calefiebat, vt plenius videbitur in tertio libro.* Deinde in explicatione cap. 31. libr. 3. Reg. hæc rursus apponit. *Cumque operiretur vestibus, &c. Alia etiam causa additur, quia ex visione Angeli tenentis gladium euaginatū supra modum terribius fuit. Aliam etiam causam assignat Rab. Salomon dicens quod hoc fuit in pœnam peccati, quo abscidit oram vestis Saul. vt habetur supra. 1. lib. cap. 24. Quod enim in hoc peccauerit videtur, quia ibidem subditur, Post hæc percussit cor suum Dauid, & quod abscidisset oram chlamydis Saul. Quandiu enim Saul in re-*

gno tolerabatur à Deo, Dauid debebat eum reuereri. Et quia in hoc irreuerenter se habuit ad ipsum, fuit punitus poena correspondente, scilicet ut vestibis non calefieret in senectute, secundum illud Sapient. 11. Per qua peccat quis. per hac & torquetur. Hæc itaque Hebræi & Christiani & Mosaii, quibus Dauidem officii necessitate, & grauioris peccati metu, à Rege cædendo absterritum fuisse volunt: Idipsum etiam ex eo deprehendi potest, quod hinc animi conscientia, illinc ardore vindicationis commotus, auxilium supplex, ac gratiam à Domino petiit, per quam tali molimine abstineret. *Propitius sit mihi Dominus* (inquit) *ne faciam hanc rem domino meo Christo Domini.* & addit rationem & causam, cur nolit in eum mittere manum suam, *quia Christus Domini est.* quo sermone satis ostendit se viturum fuisse Sauli, ni honos dignitæque regalis obstitisset, quam violare sine scelere nemo potest, cui consequens est, non perfectionis tantum, sed necessarij officij exemplum hoc esse. Necessarij officij exemplum dico, non actum: quia cum Dauid potestatem faciendi quicquid vellet Sauli à Deo sibi datam habuisset, quod acceptum in potestatem inimicum saluum dimiserit, quem potuit sine metu numinis interficere, id non debiti obsequij sed pietatis & perfectionis opus fuisse certum est: ut præclare docet sanctus Augustinus <sup>1</sup>. Ac idem tamen factum, aliis qui parem potestatem nominatim non acceperunt, necessarij officij, & debitæ subiectionis ac reuerentiæ exemplum præbet. quod ergo Regi inimico pepercit Dauid soli pietati & dilectioni tribuendum est: potuit enim iure non parcere cum ei quod vellet faciendi facultatem accepisset: quod verò alius quispiam idipsum fecit, necessitati officij, quia non parcere sine iniuriâ non potuit. Quod autem Brutus <sup>2</sup>. rationis loco adfert Dauidem scilicet pepercisse Sauli quod non esset ex optimatibus populi, annon id tale est, quod deridendum potius quam diluendum existimem, quid enim? vir pace belloque potens Regis gener, regno destinatus, quem omnis Israel & Iuda vnicè diligebat, qui ante eos ingrediebatur, & egrediebatur <sup>3</sup>. is non erat ex optimatibus. Sic eiusdem Regis armiger moribundum dominum suum & plagam vltimam precibus deposcentem ne viuus hostium potiretur ob tantæ maiestatis reuerentiam ferro tangere non est ausus <sup>4</sup>. Ac de Dauid quidem Optatus Afer in hunc modum <sup>5</sup>. *Innumerabiles*

Conscientiæ  
scrupulus facit  
hominem sæpe  
permisiss abstinere.

1 in lib. contra  
Adminantum.  
cap. 17.

2 pag 212.

3 1. Reg. 18.

4 Ioseph. lib. 8.  
antiq. ca. vlt.

5 lib. 2. aduers.  
Paimenianum.



antiquum Regem sequebantur exercitus: sed ipse Rex in potestatem venerat alienam. Occasionem victoria David habebat in manibus: incautum & securum aduersarium sine labore poterat iugulare, & sine sanguine & conflictu multorum poterat bellum mutare in eadem. Et pueri eius, & occasio suadebant. Ad victoriam opportunitas hortabatur. Stringere iam caperat ferrum: iam caperat armata manus hostiles in iugulos. Sed obstabat plena diuinorum memoria mandatorum: hortantibus se pueris & occasionibus contradicit, tanquam & hoc diceret: sine causa me victoria prouocas: frustra me victoria in triumphos inuitas. Volebam hostem vincere: sed prius est diuina precepta seruare. Nō, inquit, mittam manum in vnctum Domini. Repressit cum gladio manum: & dum timuit oleum, seruauit inimicum. Et cū compleret obseruantiam vindicauit occisum. & Beda<sup>1</sup>. Duas maxime ob causas David manum ab occidendo Saul, quamuis se inimicissime persequentem, continuisse declaratur: quia videlicet eum & dominum suum, & regali meminit Chrismate perunctum. Vbi primo regnum vel unguentum, quod & ipsum dominici, semper videlicet inuiolabilis, regni ac spiritualis unguenti nouerat praterdere figuram, digno veneratur honore. Deinde etiam nos moralibus instituit disciplinis, ne prepositos nobis, eos maxime qui sacris ordinibus insigniti sunt, quamuis nos iniuste persequentes, verbi austerioris ense scædare, & vel ultima superfine actionis eorum quasi fimbriam vituperando decerpere presumamus. Quod si cui forte necdum ista faciunt satis, is Dauidem ipsum audiat planius alibi & plenius quod sentiat eloquentem<sup>2</sup>. Cū<sup>2</sup> enim in castra Saulis vno Abisai comite clam ingressus Regem dormientem offendisset, & excubitores, militesq; cæros omnes altissimo somno consopitos ad caput Saulis accessit constititque quo hasta terræ infixæ erat, ibi tum Abisai peruersi Regis odio flagrans & tempus opportunum ratus, quo eius vnus cæde David magnis difficultatibus & periculis defungeretur, his Dauidem verbis alloquitur. Conclussit Deus inimicum tuum hodie in manus tuas. Nunc ergo perfodiam eum lancea in terra semel, & secundo opus non erit. Et dixit Dauid ad Abisai. Ne interficias eum: quis enim extendet manum suam in Christum Domini, & innocens erit? Nunc igitur tolle hastam quæ est ad caput eius, & scyphum aqua, & abeamus. Quid? opusne perfectionis hîc tantum ac non etiam necessarium viri boni officium prædicatur? David cælesti spiritu afflatus, verat cædere Regem peruersum, & tyrannica multa cōmittentē, hac ratione q̃ tale quid nemo facere

<sup>1</sup> lib. 4. expōsita  
in Samuel.

<sup>2</sup> 1. Reg. 26.



facere sine noxa & peccato possit: (is enim Davidicæ inter-  
rogationis sensus est manifestus) Non igitur ob id solum  
prohibuit, quod à perfecti viri officio abesset: nam inter  
non esse perfectum & peccare permultum interest. Neque  
enim si puella, quæ suam Deo virginitatem consecrarit,  
perfecta est, ea quæ in Christo nupta liberis dat operam, ic-  
circo peccabit. Nec si patrimonium totum pauperibus e-  
largiri, perfectionis opus est, id ipsum retinere, ad suum,  
coniugis, & liberorum vsum culpa censebitur. breuiter, v-  
nusquisque legis præcepto tenetur non peccare, perfectus  
verò esse non tenetur<sup>1</sup>. illud præcepti & necessitatis, hoc  
consilii & voluntatis finibus concluditur. Dicere itaque  
perfectionis tantum non autem necessarij officij exem-  
plum, imò præceptum hinc sumi, est Dauidem mendacii  
arguere, ac perinde Scripturam interpretari, ac si diceres,  
album, id est, nigrum. Sed audiamus quid præterea Dauid:  
sequitur, *Tulit igitur Dauid hastam & scyphum aquæ, qui erat  
ad caput Saul, & abierunt: & non erat quisquam qui videret &  
intelligeret, & euigilaret, sed omnes dormiebant, quia sopor Domi-  
ni irruerat super eos. Cumque transisset Dauid ex aduerso & ste-  
tisset in vertice montis de longè, & esset grande intervallum inter  
eos, clamauit Dauid ad populum, & ad Abner filium Ner, dicens.  
Nonne respondebis Abner? Et respondens Abner ait. Quis es tu qui  
clamas & inquietas Regem? Et ait Dauid ad Abner. Nunquid  
non vir tu es? & quis alius similis tui in Israel? quare ergo non cu-  
stodisti dominum tuum Regem: ingressus est enim vnus de turba,  
ut interficeret Regem dominum tuum. Non est bonum hoc quod  
fecisti: viuit Dominus quoniam filii mortis estis vos, qui non cu-  
stodistis dominum vestrum Christum Domini: nunc ergo vide v-  
bi sit hasta Regis, & ubi sit scyphus aquæ, qui erat ad caput eius.  
Cognouit autem Saul vocem Dauid, & dixit. Nunquid vox hæc  
tua fili mi Dauid? Et ait Dauid, vox mea domine mi Rex, &c.  
Benedictus Deus qui istæ nobis testimonia omni excepti-  
one maiora reliquit. Audiant *μισοβουλεις*, audiant Dau-  
idem increpantem Abner principem militiæ Saulis, & mili-  
tes reliquos qui circa Regem armati excubabant iuran-  
tem<sup>2</sup> supplicio omnes extremo dignos esse, quod Regem  
tam indiligenter custodissent. Hæc est antiqua illa Davidis  
Theologia, quæ recentium istam insanientem theosophiã  
corrigit, & condemnat: quippe cum alius doceat<sup>3</sup>. Saulẽ  
fuisse tyrannum manifestissimum, alius tyrannos omnes  
occidi à singulis quibus facultas suppetit non solum posse,*

sed

1 S. Thom. 2. 2.  
q. 186. art. 2.

2 Viuit Domi-  
nus, in veteri te-  
stamento iura-  
mentum est. D.  
Hieron. in ca. 4.  
Hier. Can. & iu-  
rabatur. 22. q. 1.  
3 Boucher. lib. 3.  
cap. 14.

sed debere<sup>1</sup>. Alius non cuilibet de populo id permitti, sed singulis Optimatum, & unicuique præfecto vrbis vel provincie<sup>2</sup>. (neque enim inter se conveniunt) Exiis necessario efficitur Saulem fuisse cædendum, ac proinde nullius patrociniò defendendum. At melior his magister David, docuit vel negligentes custodes peccasse, quo turpius & sceleratius impetentium crimen appareat. Si enim negligeret custodire malum Regem aut non defendere peccatum est, quàm nefarium quæso, & indignum facinus censetur inuadere? Aut si inuasisse, vitio & culpæ non detur, qui poterit, non defendisse, in crimen vocari? Quæ cum ita sint, desinant porrò velim aduersarii humilitatis & perfectionis tantum non etiam necessarij officij exemplum in hac modestiâ & pietate Davidicâ collocare. Nam nec consistere ea sententia cum Davidis doctrina, nec cum factis congruere potest, itaque aliam maturè causam prætexant, aliud quærant perfugium. Nam istud illis David ipse alio adhuc insigni & memorabili documento penitus interclusit. Accepto enim de obitu Saulis nuntio, mortuum imprimis flebiliter lamentatus est, & bellissimo epicedio decoravit: atque quod caput est, Amalecitam tantæ cladis nuncium, qui se mortem Regi suo ipsius rogatu, accelerasse dixerat, increpuit primùm his verbis. *Quare non timuisti mittere manum tuam, ut occideres Christum Domini?* Deinde supplicio eum ultimo dignum iudicans, quòd vel volenti manus Regi violentas intulerat, necari eum protinus iussit: eiusque sententiæ tam acerbæ in eum ferendæ causam se iustam habere declaravit. *Sanguis tuus* (inquit) *super caput tuum: os enim tuum locutum est aduersum te, dicens: ego interfeci Christum Domini.* Hoc cene voluntarium perfectionis opus, an iustitiæ necessarium? Si verum est Saulem iure cædi potuisse, & Davidem solius modestiæ & humanitatis seu perfectionis exemplum dedisse, quid commeruit, quæso, aut peccavit Amalecita? qui quamvis ab illa perfectione deflexit, fecit tamen quod ei per leges licitum fuit (si rationis istorum firma sunt fundamenta.) Nunquid si perfectus aliquis & plenè sapiens, legis beneficio ob rationem aliquâ probabilem vti nolit: ego, qui permissum id quicquid est amplector, scelus morte piandum fecisse propterea dicar? aut nunquid David humanitatem & clementiam, qua vnicè commendatur, in immanitatem & inclementiâ tam subito conuertit? Profectò si iusta Davidis sententia, iniustum

Non est audiendus perire volens. l. non tantum. 6. D. de appellat. & qui occidit hominem volentem, iniuriâ facit tam occiso, quàm Deo & Reip. D. Tho. 3. q. 47. ar. 6. ad. 2.

stum Amalecita factum : aut si Amalecita permissum legibus opus exegit, illicitum David commisit homicidium, vtriusque factum tueri nemo potest. Sed suum illud Davidi factum nemo hactenus vitio vertit : cum tamen nunquam vir ille sanctus grauioris peccati sordibus, quale fuisset istud, sese inquinari, quin statim criminis commonefactus, peccatum pœnitundine abluerit. At non licuit Amalecitæ dices. Idipsum & ego assero ( nec enim si id ei licuisset, facinus vtrique illud morte luisset Davide iudice ) Atque inde necessaria consecutione effici demonstro, neque ipsum Dauidem, neque alium quempiam moliri periculum aut necem Sauli sine maiestatis crimine potuisse nisi Dei iussu vel permissu id illi nominatim concessum tributumque fuisset, eoque omnia pertinere, quæ vel doctrina, vel factis in hac re monuit David, vt intelligamus Regem quamuis improbum, neque principatu & fastigio regali excidere, neque debita sibi subiectione obedientiaque priuari : talia quippe vt non boi ias, sed institutio ritè facta, hominibus tribuit, ita nec malitia eripere vel adimere potest, ( vt scribit Ioan. Bunderus aduersus hæreticos <sup>1</sup> ) ac proinde Regi honores, bono iuxta ac malo, quæ Rex est habendos esse : nec priuato cuiquam, ac ne populo quidem vniuerso, iuris quicquam in eum esse, quo vel errantem cogat in ordinem, vel tyrannicè imperantem exigat regno dignitate spoliaret, pœnisque subiiciat priuatorum. Vnde Abbas VVinzetus <sup>2</sup> hanc ipsam scripturæ partem tractans, *Audis* ( inquit ) *veram Dei veri Prophetæ, Theologiam. Regem videlicet quantumuis impium ipsius Dei iudicio & castigationi relinquendum esse. & paulò post, 3. Minus etenim malum prauiderat ipse pacis author regno futurum, si Rex immoderatius aliquando impune se erga populum gereret, quàm si populus iudex & ultor regia iniquitatis, pro sua libidine existeret.* Jam verò cum Hebræorum regnum optimè fuisse institutum vel ipsi fateantur aduersarii : illud præterea hîc adiciam, nullam in eo reperiri huius quod prætendunt iuris populi in Regem mentionem, nullumue exemplum quinimò licet multi in ea gente Reges impiissimi extiterint, populus tamen toleranter omnes passus est, nec vlli superbius restitisse, vel manus inieciisse, vllumue solio pepulisse, sine manifesto Dei iussu, legitur. Nam in coniuratione facta aduersus Amasiam ( de cuius solius cæde dubitari potest, Deo præcipiente facta fuerit necne ) verisimile est Dei mandatum

<sup>1</sup> in suo cõpend.  
concertationis  
tit. 9. art. II. & tit.  
II. art. 7.

<sup>2</sup> in veltatione  
aduers. Buchan.  
pa. 180.

<sup>3</sup> Bru. pag. 190.



datum interuenisse, idque ex eo rectissime colligitur, quod Propheta ad eum missus, Scio, inquit, quod cogitauerit Deus occidere te, quia fecisti hoc malum, & insuper non acquieuiisti consilio meo<sup>1</sup>. Aliorum vero Regum mortem iniussu Dei per insurrectionem iis oblatam, graui coniuratorum supplicio semper fuisse expiatam constat.

1 2. Paral. 25.  
VVinzet. pag.  
180. & pag. 276;

*Progressio ad euangelica legis testimonia. Vnum Christi maximum explicatur: quo docemur vim imperii, nec virtute, nec vitio regnantis metiendam. Deo simul & Regi obediendū. Discreta in utrumque officia, nec concursu impediri. Magnatibus in Regem quam minimis non liberiore iure potestatem. Omnes ad rebellionem aditus iure diuino populis obstructi & quare.*

## CAPVT VIII.

**S**ED ne sola veteris testamenti autoritate niti videamur, en nouæ legis, & sub ea Patrum testimonia: quæ præceptis & exemplis istæ nobis omnia planius confirmant. Ac in primis saluator ipse, cū Tiberii hominis obicæna fædaque libidine, cædibus etiam & periurio turpificati<sup>2</sup>, autoritatem approbarit (*Reddite inquit, quæ sunt Cæsaris, Cæsari, & quæ sunt Dei Deo*) manifestò nos docuit, Principum omnium dominatum, non vita regnatum, sed dignitatis & officii sublimitate metiendum esse, & non idèò populum debere malorum Regum detrectare imperia, aut obedientiæ iugum excutere, quòd impia eorum flagitia detestetur. Nec vllam ei *ἑστὶν ὁρμή* obstat, quo minus peruerfis Principibus obsequatur, & pareat in iis, quæ pro tantæ maiestatis imperio subditis iure regni imperari possunt. Hæc enim quia Cæsaris sunt, id est, Principis legitimè constituti, Cæsari reddi debent. Cætera verò quæ ad Dei cultum & pietatem spectant, ita sunt Deo sanctè & inuiolatè seruanda, vt præ iis cuncta Regum iussa, leuia prorsum, ac temnenda iudicentur. Vtrumque igitur subditi præstare debent (possunt enim proculdubio) id est quæ Dei sunt Deo reddere, & Principi quæ sunt Principis: neque enim vllus horum officiorum tam aduersus contrariusque concursus est, vt simul perfici absoluique à viro bono & Dei amante nequeant. Nam vt argentum, agros, ædificia, & pretiosæ quicquid est suppellectilis omittam: in quibus, vel iure imperatis, vel iniuria

2 Suet. in Tiber. cap. 44.  
Corn. Tacit. Annal. 6. Dio. lib. 58. Eutrop. lib. 7. de Tiberio.  
3 Matth. 22.



iuria sublati, vnusquisque Deo simul & Regi parere & placere potest, dum vel cōfert vel suffert. Ad illud venio, quod fluctuari quāplurimos, errare haud paucos facit. Si Regis iussum expresse Dei mandato in fide vel moribus aduersatur; quid hīc subditis faciendum? nonne Regi fortiter resistere tenentur; summi Regis præcepta violare cōtāti? cū obedire oporteat Deo magis quam hominibus<sup>1</sup>; & satis vtrique facere, in tam aperta voluntatum contradictione, non difficile modò, sed impossibile multis esse videatur. Iis ego: posse quidem, ac debere etiam, in hoc negotii genere virum bonum ita se gerere vt plenam atque perfectam Deo & Regi obedientiam exhibeat. Regem namque solū in fortunas & corpora subiectorum dominari, quibus si vtitur, virtutis præmio, si abutitur, pœna delicti afficiendus est ab eo Rege, qui Regum omnium opera interrogabit<sup>2</sup>. Cor autem & credentis animum Dominus sibi soli reservauit, soloque eo contentus est, & aliud offerenti nihil suppetit: sicut scriptum est. *Si voluntas prompta est; secundum id quod habet, accepta est, non secundum id quod non habet*<sup>3</sup>. & alibi. *præbe fili mi cor tuum mihi*<sup>4</sup>. Quapropter si me Rex facere iubeat, quod citra diuinæ legis transgressionem fieri nequit: haud equidem faciam, neque enim opus hoc est eiusmodi; quod officio subditi erga Regem contineatur, cū in omni sacramento fidelitatis, hæc ipso iure insit exceptio, *extra quam si Dei præceptis obuiatur*. At si pœnam in non parentes tam iniquæ iussioni apponat, exigatque crudelius; perferre iniuriam, & bonorum iacturam, atque aded omnem corporis cruciatum sine rebellio aut coniuratione tolerare debeo, vt hac rerum caducarum & mortalium veluti permutatione, inæstimabilis immortalisq; gloriæ fœlicitatē commercer. quæ ratione Deo, Regique satisfacio: illi quidē, quod eius mandata fortunis, fama, corpore, cariora habeo: huic verò, quod ei pœnam, & quasi redemptionis pretium persoluo: argumento eius quod dici solet. *Satisfactionem pœne æquiparari obseruantia contractus*<sup>5</sup>. Atque hoc nimirum illud est, quod Origenes<sup>6</sup>, *non hīc de illis potestatibus dicit quæ persecutionem inferunt fidei*, inquit, *ibi enim dictum est, Deo oportet obtemperare magis, quàm hominibus: sed de istis communibus dicit, quæ non sunt timori boni operis sē l mali*. Vbi ergo malus Princeps fidei persecutionem infert, non est ei in fidei abnegatione parendum, imò audacter in consensione resistendum,

1 Act. 5.

2 Sap. 8.

3 2. ad Cor. 8.

4 Prover. 23.

5 Pet. & Cyn. in l. petens. C. de pact. vid. Iason. ad l. cum proponas. num. 7. cod.

6 l. 9. in epist. ad Rom. in ca. 13. ad illa verba, qui resistit potestati &c.

dum, nec huic bono operi quantumvis sanus sit, timori esse potest: ut infra cap. 10. explicabitur. At ubi communia & humana imperat, cum propter conscientiam, tum etiam propter iram, ne minas mors sequatur, obtemperandum est. Sed in hypothese res erit illustrior: Idolis thus & odores incendere Ethnicus me Rex iubet, aut mortem exequi. Pari comminatione Princeps hæreticus insanos suos errores amplecti: aut Catholicus periurium, adulterium, vel aliud nefandum aliquod scelus admittere. Si pœnam subire atque ita alteram disjunctionis partem implere paratus sum, quis Regi me resistere dicet? imò quis non parere fatebitur? ne malum faciam, mortē subeo: hoc licet Rex minus vult quàm illud, vult tamen, & huic ego voluntati obsequor, cum eum sanguinis sitientem iniqui supplicii luitione exsatio. Iuris authores, quando illud aut illud debetur, electionem reo tribuunt, utrum præstare velit<sup>1</sup>: eaque disjunctionis natura est, ut ei per alterutrius partis expletionem cumulatè satisfiat<sup>2</sup>. Sed verius tamen est in specie proposita, non deberi illud aut illud, sed vnum tantum, dolorum nempe, & iniqui supplicii patientiam, altero extra omnem obligationem constituto, cum præstari non posse videatur quod pietatem lædit<sup>3</sup>: & impossibile, naturâ, iure, vel facto, nulla sit obligatio<sup>4</sup>. Et huic quidem sententiæ locum esse in priuatis, singulisque de populo, quilibet, ut arbitror, concedet, nisi tam impensè malitiosus sit, ut Reges singulorum telis exponat, Buchananum sequutus hoc vno vel feras immanitate superantem, qua in re tamē ipsi met eius sequaces, Brutus<sup>5</sup>, Bucheriusque<sup>6</sup>, ab eo dissentiant.

Sed quid de populo vniuerso, aut insigni eius aliqua parte velut magnatibus, aut magistratibus, qui prouincias oppidave moderantur; hinc pari iure censeri debent, in honore & obedientiâ malis Regibus exhibenda? Negant certè Brutus & Boucherius, atque istos omnes non tantum ab hac obseruantie & officii necessitate absoluunt, excluduntque: sed etiam Rege malo repugnare, & eius conatus vi comprimere, ac quanta possunt animorum armorumque contentione & impetu hostilem in modum vitam & imperium ei auferre, ipsorum cuilibet liberum, & laudabile esse prædicant. Sed errant largiter, & vel ex hac Saluatoris responsione, errorem faxo deprehendant suum, agnoscantque: ni veritatem velare quàm videre malint. Res

<sup>1</sup> l. 3. §. Scenola.  
D. de eo q. cert.

<sup>2</sup> l. si ita. 63. l. si quis  
ita. 129. D. de ver.  
obl.

<sup>3</sup> c. 4. de rescript.  
c. in alternatiuis  
de reg. iur. in 6.

<sup>4</sup> Filius. D. de  
cond. inst.

<sup>5</sup> l. impossibile  
D. de reg. iur. c.  
nemo potest, de  
reg. iur. in 6.

<sup>6</sup> Quæst. 3. pag.  
210.

lib. 3. ca. 16.

est certè expedita, si a quibus Christus consultus est solemter perpendamus; nempe à Principibus sacerdotum, Scribis, & Phariseis <sup>1</sup>, qui populum vniuersum repræsentabant. Miserunt enim ad eum *quosdam ex Phariseis & Herodianis dicentes. Magister licet censum dare Cæsari an non?* Scribæ igitur sunt & Pharisei, ad quos Iesus sermonem dirigit.

2 li. 17. antiq. c. 3. At hi quinam? Iosephus nobis dicet <sup>2</sup>. Erat enim (inquit) *quædam Iudæorum secta exactiorem patriæ legis cognitionem sibi vindicans, quibus tanquam Deo, ut videri volebant, caris, additum erat hoc mulierum sodalitiū. Hi Pharisei vocantur, genus hominum astutum, arrogans, & interdum Regibus quoque infestum, ut eos etiam apertè impugnare non vereatur: nam cum tota gens Iudæorum fidem suam iureiurando obligasset Regi & Cæsari, hi solum non iurauerunt, excedentes sex milium numerum: quibus hoc nomine à Rege multatis Pherora uxor pro iis multam persoluit. Hi ergo summates erant Iudæorum, & quidem præcipui: qui quamuis Christo vafre hac interrogatione insidiabantur, tamen re vera Cæsaris etiam dominatum perosi erant, à quo nouis & iniquis vectigalibus premebantur. Itaque Tacitus <sup>3</sup> per id tempus (inquit) Antiocho Comagenorum, Philopatre Cilicum Regibus defunctis, turbabantur nationes, plerisque Romanum, aliis regium imperium cupientibus. Et prouincia Syria atque Iudæa, fissa oneribus, diminutionem tributi orabant. qua de causa si Biuto credimus <sup>4</sup> à Rege malo deficere, & pœnas expetere, & renitentem vi coercere, si aliàs non poterant, ex officio tenebatur: sed profectò non credimus. Magis enim verbo Dei & veritati ipsi loquenti credimus Christo Iesu: qui huius vnius præcepti obligatione vniuersos constrinxit, ut reddat Cæsari quæ sunt Cæsaris, & iniqui tributi exactionem patiantur: ac proinde sibi nihil in eum licere putent, quod aliis de populo non permittitur. Hoc enim illi consequens est, si rem attentius perpendamus: quo responso, si flexibiles ad bonitatem fuissent Pharisei, insolentem suam elationem compescuissent, eorum tamen impræsentiarum calliditatem elusit Dominus, & sapiens, ut rebantur, insidiandi consilium penitus infatuauit. sequitur enim: Et audientes mirati sunt, & relicto eo abierunt. Putabant Pharisei cum discipulos mitterent, necessum fore Saluatori, vel negare tributum Cæsari soluendum esse, vel Mosaicæ legis libertatem minuere: quorum altero Herodiani eum ut manifestum seditionis authorem tenerent; altero populus ut assentato-*

rem

1 Matt. 21. & 22.  
Marc. 11. & 12.  
Luc. 20.

3 li. 2. annal.

4 Quæst. 3. pag.  
215.



rem Principum, & legis diuinæ patriæque violatorem aspernaretur. At ille vno verbo, nihil temporalem subiectionem spirituali, vel hanc illi impedimento esse docuit, quo minus in eadem persona consistent & conseruentur; suos utrique terminos esse sine ulla confusione distinctos, nihil earum iuri, vel mores dominatoris, vel ordines & gradus subditorum aducere, vel adinere posse. Nam & ipse hinc inter Tiberium & Phariseos iudicabat. *Reddite quæ sunt Cæsaris Cæsari: & quæ sunt Dei Deo.* quam summi Iudicis sententiam si Boucherius & eius synagonista tunc usurpassent, cum ei contrariam insipide protulerunt, arma scilicet capienda, & tela pro tributis Regi suo naturali & legitimo inferenda cui multis iam annis paruerant<sup>1</sup>, Stetisset nimirum Gallia suis nixa columnis, quæ nunc confusa vndique & oppressa calamitatibus Ecclesiasticorum, nobilitatis, plebis, acerbum nobis & lamentabile spectaculum præbet: cuius miseriam cum recolo mihi præ dolore lacrymæ præsiliunt. Stetisset & nobilis illa Franciæ Hierosolyma incolumis, quæ multis nunc ruinis est deformata. Sed hæc luctuosa nimis, & funesta tragicis relinquo. Redeo ad sententiæ propositæ apodexim. Vir malus fuit Tiberius: optimates verò Iudæorum Pharisei sanctitatis præterea & prudentiæ opinione usque adeò spectati, ut suis monitis populum in quoscunque animi habitus transformerent<sup>2</sup>. At hos tamen, Cæsaris dominatum agnoscere atque adeo ei obtemperare, ac quæ Principi deberentur præstare nulla morum regnantis, aut æquitatis mandatorum adhibita distinctione iussit Christus. Quod si Principi vectigalia vel tributa iniqua imperati, primates vel magistratus resistere possunt, imò ex officio debent & tenentur, ut Brutina fert opinio: an non Dominus id potestati Phariseorum indulgisset? An non aliquo, vel leui indicio huius reluctandi libertatis, si non Phariseis, saltem futuris populis Christianis consulisset? An ignorabat Caligulas subinde & Neronem mox successuros? An multos in Christianis gentibus Principes sæuiter & protërve regnaturos? Quid ergo est, quod hoc vno dogmate in æternum duraturo, cunctos sine distinctione comprehendit, si non par omnibus debeat obedientia, in iis quæ ad ius imperii siue regni spectant? Laudantur hoc nomine veteres Christiani, quod in utroque officii genere ita temperatè se gesserint, ut propter Deum Opt. dominis pessimis id est Re-

<sup>1</sup> Statim post  
Guisionum fratrum  
necem,

Scriptit hæc author in medio  
belli ciuilibis tumultu.

<sup>2</sup> Ioseph. lib. 3.  
Antiq. c. 23. & 24.



gibus tyrannis, inferuierint, & cùm possent eos armis ag-  
gredi, noluerint. Hinc Tertullianus ad Scapulam. *Sic &*  
*circa maiestatem Imperatoris infamamur* (inquit) *tamen nun-*  
*quam Albiniani, nec Nigriani, vel Cassiani inueniri potuerunt*  
*Christiani.* & D. Augustinus <sup>1</sup>. *Julianus exiit infidelis Impera-*  
*tor* (inquit) *Nonne exiit apostata, iniquus, idololatra? Milites*  
*Christiani seruierunt Imperatori infideli. ubi ueniebatur ad cau-*  
*sam Christi, non agnoscebant nisi illum qui in caelo erat. Quando*  
*uolebat, ut idola colerent, ut iherificarent, praeponabant illi Deū.*  
*Quando autem dicebat, producite aciem, ite contra illam gentem,*  
*statim obuium perabant. Distinguebant de minum aeternum à do-*  
*mino temporali. & tamen subditi erant propter dominum aeternū*  
*etiam domino temporali.* En Christianos milites, acies inte-  
gras, Regi iniquo, apostatae, idololatrae. & quid non impie-  
tatis spiranti, in iis quae humani imperii erant parentes, nō  
propter ultionis humanae metum, quam facile spernere &  
propulsare poterant, sed propter Dominum, vel, ut ait A-  
postolus, non solum propter iram, sed etiam propter con-  
scientiam. Quid de Thebana legione dicam à Mauricio  
decimata? si gloriosum militibus ad memoriae immortalitatem,  
pro fide, proque salute dimicare, cur se passi sunt decimari?  
nimirum quia Principi suo arma inferre noluerūt: idēdē  
martyrii passione maluerunt se videri hominibus in-  
glorios, quam ingratos Deo.

Addo non plenam & perfectam fuisse hanc Domini re-  
sponsonem, si aliter intelligatur. Nam Iudaei suā interro-  
gatione, non de Tiberii solum persona, sed generatim de  
quolibet Imperatore, manifestēdē quærebant. *Liceat censum*  
*dare Caesari an non?* Quibus Brutus & Boucherius si fuissent  
consulti, haud cunctanter respondissent. Vestrum est ex fa-  
cti circumstantiis id prospicere. Si vir bonus est Caesar, &  
iusta exigit, pendite quae petuntur. Sin malus, & noua at-  
que iniusta tributa & vestigalia imperat: reclamate, recu-  
sate, resistite, armis occurrите: alioquin peccabitis grauiter  
in Deum & Rempublicam, officium istoc vestrum deserentes  
<sup>2</sup>, & ita profectō fuisset respondendum, si in obediendi  
ratione talis Principum differentia cum Bruto constitua-  
tur. At melior magister Christus, ne ullam constituamus  
admonuit, cūm idem de omnibus indefinitē, ut aiunt, & in-  
discriminatim respondit. *Reddenda Caesari qui sunt Caesaris.*  
Nam nec de Tiberio solum quæsiere Pharisei, ut dictū est,  
sed vniuersē de Caesare. Nec Domini responso ad perfectā  
quæ-

1. in Psal. 124. ad  
verb. quoniam  
non derelinquis.  
& refertur. 11. q.  
1. can. Imperator  
91.

2. Hæc Bruti do-  
ctrina est quæst.  
9. pag. 215. & Bou-  
cher. passim lib.  
1. & 3.

quæstionis solutionem aliquid defuisse, nisi impius & impuratus existimare potest. Sed ecce, caput Ielus facere & docere<sup>1</sup>, quod enim hîc docuit, antè iam fecerat: vt credêtes: *Act. 1.* non solum formaret verbo, sed etiam firmaret exemplo. Nam cùm de censu soluendo ageretur, & publicani Petrû adeuntes clam interrogassent. *Magister vester non soluit didrachma*<sup>2</sup>? Primum ostendit se vectigalium vel census immunem esse, quia filius Regis erat, tam secundum carnem quàm secundum spiritum<sup>3</sup>: Deinde Petro edixit, vt tributum pro vtroque tamen soluat, eiûsq; rei causa, cùm æs signatum nullum præ inopiâ ad manum haberet, staterem insigni miraculo præsentauit. Si igitur Christus cùm & animâ & corpore liber esset, communi hominum legi subiici voluit, & tributum pendere, ne scandalizaret alios quanto magis nos, (qui, licet per animæ regenerationem filii Dei facti sumus<sup>4</sup> & eatenus libertate donati, corporis tamen adhuc seruitutem patimur, & eius redemptionem expectamus<sup>5</sup>.) Principibus vectigalia etiam grauiora & iniqua imponentibus obtemperare debemus? & si ille summi Regis filius tributum iniquum<sup>6</sup> exoluit, ne scandalizaret paucos exactores: qua fronte nos denegando tributum, nō publicanos modò, sed Regem ipsum & quotquot ab eo stant scandalizare, atque in vltionem spretæ maiestatis odia armæque ciuilia concire, regnum & Rempublicâ ferro, flammæque vastare, omnia denique diuina & humana turbare, miscere, confundere audemus? Næ præposterû hoc nimis est, & perniciosum Bruti consilium, quod funestas defectiōis & rebellii faces, simulata officii specie contextas subministrat. Ecquis enim optimatum à Rege desciscens, non isto statim fucato necessarii officii integumento suam nequitia facile inuoluet? ecqua ciuitas vel perniciosè libertatis cupida, vel in nobilis alicuius factiosi & potentis fidem & amicitiam inclinata, non similem ad rebellandû anam seu verè, seu fictè arripiet? talis ille fuit procerum quorundam aduersus Ludouicum XI. coniurationis color, cui nomen, bellum boni publici, indiderât<sup>7</sup>: quodd Regis & regni reformandi, ac populi in primis nouorum vectigaliû onere leuandi causa, cùm ei malo aliter mederi non possent, suscepisse se dictitabant: cùm tamen in ipsorum animis, aut nulla prorsus, aut certè postrema esset de Reip. commodis sollicitudo. Nam omnes ferè vel ad priuatas iniurias vlciscendas, vel ambitiosam dominandi libidinem explendam

1 Gaguinus lib. in id bellum incubuisse constat. De quibus scriptum est 2.  
20. cap. 7.

Condixerant autem illi qui arma aduersus Ludouicum parabant, se ideo conuenturos, ut populum vectigalibus pressum, & penè seruum in libertatem vindicarent. Adde solers est ma.è errantium cautio, ut iustitia velamen sue iniquitatis pratendant. Huic geminus eadem ferè tempestate ciuiliu armorum prætextus fuit. Nobilibus quibusdam Scotiæ, in Iacobum III. quamuis verè odium ex aliis causis conceptū id illis dissidiū pepererat, quas causas illustris Baro a Gartly Patricio Barclaius, auus meus (qui tū in fide Regis constanter mansit) parenti meo, mihiq; parens optimus, cum annum ferè octogesimū attingeret, sæpè & copiosè narrare solitus est. quid multis? Regū hostes, subditi, in quā, hostili in Regem animo, ubi certum deficiendi consilium occeperint, nunquam non bellulam iuuandæ Reip. speciem proponūt, populūq; imponunt. Quapropter ut filio puerulo, ne ipse sibi noceat, pater circumspēctus cultro quouis interdicit: ita Deus cui omnia omnium hominum perspecta sunt ingenia, cum procliuem ad res nouas multitudinem, à debita legitimo Principi obedientia in iniustum factorum hominum obsequium, spe & specie largioris boni frequenter abductum iri cerneret, si aliqua illi ad rebellionem aditus legis diuinæ præcepto permittē daretur vias ei omnes interclusit. multis parendi monitis, præceptis, exemplis, iam inde ab ortu mundi ad communem populorum utilitatem propositis: nulla prorsus obnitendi rebellandiq; vel leui addita notatione. Sed hac præter cæteras omnipotentis verbi definitione populi omnes arctissimè constringuntur. *Reddite quæ sunt Casaris Casari: & quæ sunt Dei Deo.* Id enim quī fiet, si officia Regi cælesti, Regique terreno debita non ita distinguantur ut vtraque simul persolui possint, utque debiti alterutrius præstatione, nulla ab alterius obligationis nexu contingat liberatio? At concursu molestiam aliquando & difficultatem afferunt, dices. Quid tum? Causæ difficultatis recedunt ab impedimento naturali, & ad incommodum promissoris, non ad impedimentum stipulatoris pertinent 2. Quæ cum ita sint. cum, inquam, horum mandatorum, de Deo & Rege adorando obseruandoque, neutrum alteri obstat, (ut ostendimus) perspicuum planè est explendum vtrumque 3, ne Deum, quem puritate interioris cultus placare nitimur, in exteriori Regis despicientia & contemptione offendamus. Seueri est, sed vera

2 1. continuus  
137 §. illud D. de  
verb. oblig.

3 13. §. si cum omnes. D. de Sc.  
Solan.



vera sententia<sup>1</sup>. Quicumque totam legem seruauerit, of-  
 fendat autem in vno: factus est omnium reus. Quod si quis  
 fortè dicat. Ergòne populus tyrannicæ crudelitati & furo-  
 ri iugulum semper præbebit? ergòne multitudo ciuitates  
 suas fame, ferro, & flamma vastari, sèque, coniuges, ac libe-  
 ros, fortunæ ludibrio & tyrāni libidini exponi, inq; omnia  
 vitæ pericula, omnesq; miseras & molestias à Rege de-  
 duci patientur? num illis, quod omni animantium generi  
 est à natura tributum, denegari debet? vt scilicet vim vi re-  
 pellant, sèsequè ab iniuria tucantur? Huic breuiter respon-  
 sum sit: populo vniuerso neque defensionem, quæ iuris na-  
 turalis est, adimi, neque vltionem, quæ præter naturam est,  
 aduersus Regem concedi debere. Quapropter si Rex non  
 in singulares tantum personas aliquot priuatum odium  
 exerceat, sed corpus etiam Reip. cuius ipse caput est, id est,  
 totum populum vel insignem aliquam eius partem, imma-  
 ni & intoleranda sæuitiâ seu tyrānide diuexet: populo qui-  
 dem hoc casu resistendi ac tuendi se ab iniuria potestas cõ-  
 petit: sed tuendi se tantum, non etiam in Principem inua-  
 dendi: & resistendi iniuriæ illatæ, non recedendi à debita  
 reuerentia propter acceptam iniuriam: præsentem deniq;  
 impetum propulsandi, non vim præteritam vlciscendi ius  
 habet. Horum enim alterum à naturâ est, vt vitam scilicet  
 corpusque tueamur: alterum verò contra naturam, vt in-  
 ferior de superiore supplicium sumat, quod itaque popu-  
 lus malum, antequam factum sit, impedire potest ne fiat.  
 id, postquam factum est, in Regem authorem sceleris vin-  
 dicare non potest: populus igitur hoc amplius quàm pri-  
 uatus quisquam habet: quòd huic, vel ipsis aduersariis iu-  
 dicibus excepto Buchanano, nullum nisi in patientia re-  
 medium superest: cùm ille si intolerabilis tyrannis est (mo-  
 dicam enim ferre omnino debet) resistere cum reuerentia  
 possit. Atque hoc nimirum illud est quod Dionysius Car-  
 thusianus<sup>2</sup>, *Cum tota communitas*, inquit, *sub vno Principe*  
*viuens sit quasi vnum corpus, ideo ciuitates eiusdem principatus*  
*debent mutuo esse confederate in bono, atq; succurrere mutuo, sic-*  
*ut in corpore naturali humano vnum membrum subuenit alteri.*  
*Idcirco si Princeps aut eius officarii seu nobiles exercent tyranni-*  
*dem nimiam, vrbes abusiui potestatis deberēt resistere, iura sua de-*  
*fendere, atq; oppressis aut opprimendis succurrere. Nec tamen ob*  
*hoc deberent se à Principe suo omnino auertere, nec contra eum in-*  
*ordinatè procedere.* Adhibenda est igitur aduersus omnes Prin-  
 cipes.

Vide ca. 4. lib. 4.  
 infra.

<sup>2</sup> lib. de regim.  
 Politic. art. 19.



cipes, malos iuxta ac bonos, summa reuerentia: quamuis resistere vtrisque non æqualiter liceat, bonis enim nullo modo: nulla quippe in bonos populo competit defensio.

*Apostolos idem docuisse. Præceptum D. Petri de Regibus honorandis tam bonos quàm malos Reges, quos tyrannos vocant complecti: impiam & ineptam esse contrà sententiam opinionem.*

#### C A P. IX.

**E**Andem Apostoli doctrinam enixè propagarunt: quibus licet rarior de humano principatu sermo, & tantum qua moribus recens in Christo regeneratorum componendis necessarius: eò quodd cælesti non terreno regno nunciando præcipuè studerent: tamen ita apertius in hanc partem, vt ad sententiæ nostræ confirmationem sufficienter efficax sit. Nam vt à Principe Apostolorum ordiar, quid planius efferrî potest, quàm quod ipse de Regib. scripsit? *Subiecti estote omni humana creatura propter Deum: siue Regi quasi præcellenti: siue ducibus tanquam ab eo missis ad vindictam malefactorum, laudem verò bonorum: quia sic est volûtas Dei, vt bene facientes obmutescere faciatu imprudentium hominum ignorantiam: quasi liberi, & non quasi velamen habentes malitia libertatem, sed sicut serui Dei. Omnes honorate. Fratemitatem diligite. Deum timete. Regem honorificate. Serui subditi estote in omni timore dominis: non tantum bonis & modestis, sed etiam dyscolis.* En præceptum Apostoli de Regibus honorandis, ex quo sequitur in bona Dialectica: Rex est, ergo honorandus. At hoc, vt nimis crudum, turbulentis & fastidiosis aduersariorum nostrorum stomachis innatat, quibus, dissipato humilitatis & obedientiæ calore, vis talium mandatorum concoctrix eneruata est, quod igitur metum digerere non possunt, id calidi admistione temperant: id est, callido commento interpretantur, vt de Regibus bonis, & frugi hominibus tantum intelligatur, quos solos regio honore dignantur: ceteros non ex populi voto rem gerentes, aut scelere aliquo grauiore & vitiiis contaminatos, quos tyrannos vocant, in vilibus & contemnendis esse, sede & solio deturbandos, imò deportandos aut decoilandos censent. At D. Petrus tamen simplex & purum dogma, de honore Regibus exhibendo, indiscriminatim proponit, nulla bonum inter & malum adhibita distinctione. Quocirca peterem libenter à talibus magistris,

1. Pet. 2. Per humanam creaturam, intelligit humanas potestates de quib. D. Paul. ad Rom. 13.

stris, unde illis ista interpretatio? locusne in libris sacris reperiatur, qui eos in illam cogat? num ita exponant, ne aliis in speciem contradicentibus aduersetur? num quoddam hæc alibi addita sit exceptio? Si vnum ex tot millibus locum proferre possint, quicum hic collatus eam necessario restrictionem admittat: non vicisse solum eos, sed triumphasse dicam neque ipsum impensè improbum & audacem, qui ad istud eos certamen prouocarim. Quod si non poterunt, cur talem Apostolo intellectum affingunt? cur eius sententiam coarctant? cur generali legis definitione speciem tantum includi volunt? hoc certè non est exponere sententias Scripturæ, sed expungere. Scitum enim est & tritum. *Vbi lex non distinguit, nec nos distinguere debemus.* ni quid exceptum aliubi reperiatur <sup>1</sup>. Sed pro Deo immortalis, hæc si detur interpretandi libertas, quo scripturæ loco deprauando abstinerebitur? quem non quisque ad suum sensum velut Lesbiam regulam detorquebit? Deus dixit. *Honora patrem tuum, & matrem tuam* <sup>2</sup>, & qui maledixerit patri aut matri morte moriatur <sup>3</sup>. An non licebit & hic, eodem spiritu suggerente, malos parentes ab hoc præcepto per interpretationem excludere? Patrem igitur si ebriosus, si luxuriosus, si patrimonium suum nequitia abliguriat & disperdat, si durus in me sit & crudelis, laceffam opprobriis, incessam maledictis nec accedenti assurgam, nec quæ patris sunt imperanti obsecundabo? Absit qua parēs est diligam & venerabor, ne legis maledictionem incurram <sup>4</sup> *Parentes suos non amare impietas est non agnoscere infamia* <sup>5</sup>, vitia parentis odisse par est, personam cum obserues. Attamen si eiusmodi Scripturarum expositioni locus est, quis non videt peruersis liberis magis quam subditis, in hac interpretatione & exceptione perfugium latere: quod Reges nusquam legamus despiciendos: licet de parentibus odio habendis alibi moneamur <sup>6</sup>. Sed odium illud amor est, & tale quo seipsum quisque bonus odisse debet, <sup>7</sup> quid multis? nullus est Scripturæ locus tam perspicuus & exploratus, quin eiusmodi calumniosam interpretatione peruertere possit. Ad negotium igitur redeo, ut ostendam Diui Petri sententiam, non solum de bonis Regibus esse intelligendam, sed de quibuslibet vniuersè tam bonis quam malis, quos isti tyrannos vocant, idque firmissimis argumentis. Primum, quoddam Apostolus generaliter iugeat nos *Reges honorificare*, nec usquam de honore malis Regibus denegando vel ipse, vel alius in

<sup>1</sup> 1. de pretio. & ibi gloss. Bart & alii D. de Publ. in rem act.

<sup>2</sup> Exod. 20. Matth. 15.

<sup>3</sup> Leuit. 20.

<sup>4</sup> Deut. 27.

<sup>5</sup> Senec. lib. 3. de Benef. cap. 1.

<sup>6</sup> Luc. 14.

<sup>7</sup> D. Greg. hom. 37. in Evangelia.

I. Argumentum

sacris literis mentionem fecerit: non liceat nobis id præceptum per interpretationem restringere, quandoquidem regulæ locus est, *Vbi lex non distinguit, nec nos distinguere debemus*. vt modo diximus.

## II.

De Pharnace filio Mithridatis qui patre interemit. Vide Dionem lib. 37. de iis & aliis. Vide etiam Ioseph. Tacit. & alios.

Deinde quia ipsa illa tempora, & conditio populorum, ad quos scripsit, satis arguunt eum hac sententia bonos & malos Reges iuxta complecti: tempora quidem, quod ipsa tyrannorum feracissima erant, utpote nondum veræ religionis gratia furibundum animorum æstum cohibente. Status verò populorum, quoniam ad Ponticos, Cappadoces, Bithynos, Galatas, cæterosque Asiaticos scripsit, (saltem ad Hebræos in iis regionibus commorantes) quibus plurimum sæuissimos Reges imperitasse fatebitur quisquis Mithridatis, Tygranis, Pharnacis, Antiochi & aliorum subinde Regum Asiæ mores ex historiis didicerit, quin ipse Buchananus omnes Asiæ Reges tyrannos fuisse scribit, quod tamen non vsquequaque verum esse libro superiore annotauimus. Quapropter cum ad Christianos in his gentibus scripserit, non potuit non sensisse de Regibus, quorum tunc in ditione ac potestate vivebant, & similibus alioqui tam præcisè locutum fuisse, indignum profectò videtur illo spiritu, quo tantus Apostolus agebatur quid enim? Regibus illis suis oppedere eos voluit, aut, si in orbe hoc diutius agere vellent, mutare sedes, atque in aliis terrarum plagis bonos Principes quæritare, inuentu difficiles, & vel coruo albo tunc rariore: quod si de eiusmodi Regibus senserit, quibus tunc recens facti Christiani subiiciebantur, sequitur necessariò honorem malis Regibus sine peccato denegari non posse: hoc enim non est consilium, sed præceptum vniuersæ Ecclesiæ in persona quorundam traditum: ac propterea ab omnibus vbicunque terrarum populis, firmiter, & inuiolatè custodiendum.

## III.

His accedit, quod, si Christianis eo loco præcepit bonos tantum Reges vt obseruent, & solis se probis morigeros præbeant, superuacaneum id præceptum fuerit, & instituto Apostoli formandis tunc animis tam occupati intentique parum conueniens: quippe geminata monitione aliud nihil inculcaret, quàm de quo inter omnes conuenerat. Ecquis enim mortalium tam vecors est & perditas, qui Regi bono nullum velit impertiri honorem? nullo ad id præcepto Evangelico opus fuit, omnes cò ducit, imò verò impellit congenita naturæ vis, & rationis imperium, quò



vitæ communis societas est introducta: ad malum dignari honore non itidem omnes solent, sed ij demum, qui Christiana hac sapientia imbuti, inimicos diligere, & virtia, non homines odisse norunt <sup>1</sup>: quique in malo Rege Deum cuius minister est venerantur. *Si praelati mali sunt* (inquit D. Thomas) <sup>2</sup> *non honorantur propter excellentiam propria virtutis. sed propter excellentiam dignitatis, secundum quam sunt Dei Ministri* aut igitur iussit malos Reges honorari, aut nihil nouū & eximiū, nihil diuinum & difficile, nihil Evangelicum & singulare, imò nihil non vulgare & humanum, atque vel ipsis ethnicis ratum & gratum hoc scripto complexus est. *Si dilexeritis diligentes vos*, inquit Dominus, *& salutaueritis tantum amicos vestros. quam mercedem habebitis? nonne Ethnici & Publicani hac faciunt?* <sup>3</sup> Qui amicos diligendos non censet, sensu communi caret. At inimicos amare sublimius est, quàm quòd sua homines natura pertingant. Omitto quòd cùm expressim iubeat seruos subditos esse in omni timore *δευότους πολλοῖς*; i. peruersis dominis satis ostendat velle se populum obedire Regi peruerso: propterea quod hi arctiore atque augustiore vinculo, quàm illi colligantur.

Illud tātummodò ad extremum hīc adiiciam, quo nulum aut certius aut clarius, ad rem aliquam afferri potest, nempe D. Paulum monstrasse præceptum hoc, *Principi populi tui non malè dices* <sup>4</sup> de quouis Principe vel pessimo intelligendum esse. Increpitus enim a circumstantibus Iudæis quòd principi Sacerdotum Ananiæ (à quo impiè iniusteque cædebatur) dixisset. *Percutiet te Deus paries dealbate: & tu sedens iudicas me secundum legem, & contra legem me iubes percuti*, respondit. <sup>5</sup> *Nesciebam fratres quia Princeps est Sacerdotum. Scriptum est enim: Principi populi tui nō maledices.* Quod responsum siue ita intelligamus, quasi Paulus reuera ignorasset hunc Ananiam eo ordine esse apud suos, siue quasi sciisset quidem eum gerere Pontificatum inter eos, sed non agnosceret tamen vt Pontificem, sublato iam tum pontificatu Aarōnico, atque adeo omni sacerdotali auctoritate ex lege per æternum Sacerdotem summumque Pontificem Iesum Christum <sup>6</sup>: & propterea diceret nescire se eum esse Pontificem, quod eum non esse Pontificem sciret (ei enim quod est scire non esse, consequens est nescire esse, licet contra illud ab hoc non pendeat) vt ro- nis, inquam, modo hoc responsum intelligamus, perspicuè nobis

<sup>1</sup> D. Augu. in Psal. 138. vers. perfecto odio oderam illos.  
<sup>2</sup> 2. 2. q. 103. art. 2.

<sup>3</sup> Matth. 5. I V. Perfectorum tantum est non odisse in peccatoribus nisi peccata D. August. contra Adimantum. c. 16.

V.

<sup>4</sup> Exod. 22.

<sup>5</sup> Act. 23.

<sup>6</sup> ad Heb. 5. 4. 5. 9.



nobis ostendit Apostolus, non licere obloqui malo & iniusto Principi, idque propter eam legis prohibitionem, *Principi populi tui non maledices*, quippe hoc ipso quod pro iusta culpæ excusatione afferebat, se nesciisse iustum esse Principem Sacerdotum, fatetur planè malitiam & iniustitiam, cuius eum arguerat, non eximere Principem è numero eorum, de quibus hoc præceptum datum est. Si igitur ex D. Pauli sententiâ, mandatum, quo vetamur Principi maledicere, non bonos solùm, sed etiam malos Principes includit: hoc quoque de Principe honorando non potest non similiter de bonis & malis Principibus intelligi. Quod & D. Augustinus non obscurè indicat, ubi hoc Apostoli præceptum eodem sensu Donatistis obiecit. Hi namq; villas sibi iniuste ademptas, & Ecclesiæ Catholicæ tributas questebantur: quibus ille, Regum & Imperatorum iure id factum: in quorum manu situm est, ut legibus à se latis possidendi causas, modum, formamque præscribât. Et ut æquiore id animo ferrent Donatistæ, nec regalibus edictis reluctarentur, hac D. Petri autoritate usus est. *Nolite dicere, inquit, quid tibi & Regi? Quid tibi ergo & possessioni? per iura Regum possidentur possessiones. De iure humano agitur: Et tamen Apostolus voluit serui Regibus. voluit honorari Reges, & dixit, Reges reueremini.* Quorsû hoc Apostoli testimoniû Augustin? Et enim pfectò nisi is eius loci intellectus sit, ut ad quoslibet vniuersè Reges pertineat, incassum Donatistis eû obiecit: utpote hominibus refractariis qui ei illicò reposuissent: eò se præcepto stringi obligarique bonos tantùm Reges ut obsequio & honore prosequantur, non improbos, non iniustos alienarum possessionum abreptores, ac proinde illud argumentum nulla in ipsos ratione concludi, remque eo reuoluissent ut in Regis vitam & mores inquirere prius necesse fuisset, atque adeo probare eum rectè & è Republica facere, quàm istos ad parendum obligatos pronunciare, quod cùm tam acer & sacer Christianæ fidei assertor non ignoraret, nunquam argumento tam sublesto contēdisset, & quod leui responso eludi ab aduersariis & elidi potuit. Sed sciuit nimirum B. Augustinus illud Apostoli præceptum nullam sine calumnia distinctionem admittere, nullamque Donatistas sententiæ adedò apertæ & simplici distinctionem adhibitueros firmiter nec falsò credidit.

Similiter & alii omnes Ecclesiæ patres eo seculo Apostolicum hoc præceptum ita sunt interpretati, ut ad Reges bo-

nos iuxta ac malos pertineat, cui rei testimonio sunt, quæ ipsi sæpe ad malos Reges, & de malis Regibus scripserunt. Itaque B. Fulgentius ad Trasimundum Arrianum Regem Vandalorum in Africa, <sup>1</sup> *Quocirca, inquit, cum pro nostra fide,* <sup>1</sup> *li. i. de myster.*  
*in quantum facultatem diuinitus accepimus, liberè respondemus,* <sup>2</sup> *mediatoris Christi*  
*nulla contumacia seu contumelia debemus suspitione notari, cū* <sup>3</sup> *si in princ.*  
*nec regia simus dignitatis infirmiores, sciamusque Deo timorem,*  
*honorem Regibus exhibendum; Apostolica ita nos pramonente*  
*doctrina. Reddite omnibus debita, cui timorē, timorem, cui hono-*  
*rē, honorē. Huius timoris honorisq; manifesta nobis beatus Petrus*  
*aperuit discretionē notitiā dicens, Sicut serui Dei omnes honorate,*  
*fraternitatē diligite, Deum timete, Regem autē honorificate, &c.*  
 En ut hic sanctus Ecclesiæ Doctor affirmat D. Petrum manifesta discretionē aperuisse nobis notitiā eius quod dixerat D. Paulus. *Cui timorem, timorem: cui honorem, honorem:* id si ita se habet, consequens profectò est, de omnibus Regibus locum esse intelligendum, manifesta quippe discretio non est, quæ distinctionibus non declaratis inuoluitur. Vtrum autem hoc scripserit D. Petrus, ut errorem depelleret, quem nonnulli ex Christiana libertate malè intellecta iam imberbant, existimantes (ut nostro seculo Anabaptistæ & Trinitarii) indignum esse, redemptos à Christo, atque adopratos in successionem regni cælestis <sup>2</sup>, humanæ pote- <sup>2</sup> *ad Rom. 8.*  
 stati subiici: an verò alia de causâ nihil moror. Sat superq; hominì Christiano est, scire Apostolicum præceptum esse, ut Regem honoremus, eiq; præcepto nullam nec distinctionem nec restrictionem in sacris literis aut Sanctorum scriptis esse adiectam.

*Eandem D. Paulo mentem esse. Bius præceptum de non resistē-*  
*do potestatibus ab aduersariorum calumniis vindicatum.*  
*Ex Orthodoxorum Patrum sententia ut intelligendum,*  
*atque inibi quadam non vulgaria.*

## CAPUT X.

**S**ED & huius etiam Principis Apostolorum Synagoni-  
 sta D. Paulus eandem sententiam inter præcipua Christi-  
 anæ institutionis dogmata vberius multò & seuerius  
 retulit. *Omnis anima potestatibus sublimioribus subdita sit,* in-  
 quit, <sup>3</sup>. *Quid ita? Non est enim potestas nisi à Deo.* Et ne breui- <sup>3</sup> *ad Rom. 13.*  
 tatem comiteretur obscuritas, his verbis eam explicat. *Quæ*  
*autem sunt,* (id est quæcunque sunt vsq; iam potestates in or-  
 be vniuerso) *à Deo ordinatæ sunt:* cui consequens est quod  
 subiicit.

subiicit. *Itaque qui resistit potestati, Dei ordinationi resistit. ex quibus & illud. Qui resistunt ipsi, sibi damnationem acquirunt.*

En præceptum, en causa, en commonitio, & comminatio horribilis in eos, qui secus faxint. Nec hisce contentus tamen Apostolus, procedit vltèrius, vt soletur simulque ad obedientiam & patientiam hortetur subditos. *Principes, inquit, non sunt timori boni operis, sed mali. Vis autem non timere potestatem? Bonum fac: & habebis laudem ex illa. Dei enim minister est tibi in bonum, Si autem male feceris, time non enim sine causa gladium portat. Dei enim minister est: vindex in irami ei qui male agit. Idèd necessitate subditi estote: non solum propter iram, sed etiam propter conscientiam. Idèd enim & tributa præstatis. ministri enim Dei sunt, in hoc ipsum seruientes. Reddite ergo omnibus debita: cui tributum, tribu: ù: cui vectigal vectigal: cui timorem timorè: cui honorem honorè &c.* Resumamus ista, & ad institutū accōmodemus: nihil enim æquè facit, ac tantiviritam perspicua autoritas. Iubet ergo D. Paulus animam omnium, id est omnes homines subditos esse sublimioribus potestatibus. *Sed potestatis* verbum quoniam multiplex est, & ambiguum, inde primam calumniandi ansam aduersarii captant, dicuntque ( quod & ante eos alii vt Theophylactus ) non agi hīc de iis qui magistratum gerunt, sed de ipso magistratu: hoc est de functione & officio eorum, qui aliis præsunt <sup>1</sup>. Ac proinde nihil effici hac autoritate putant, quo magis populum Principi subiectū esse demonstretur: quòque minus in ordinem cogi, coerceri & castigari posse malos Principes asseramus. Verūm hic error vel eo solo facilè refellitur, quòd ipsemet Paulus, nunc potestates nominet eos de quibus ei sermo est, nunc Principes & ministros Dei: vt plane ostendat se non solum de ipso munere publico & functione loqui, sed etiam de personis magistratuum, qui cum imperio & potestate præsumunt: queis ideo parendum, quia potestatem à Deo acceperunt. Non est potestas, inquit, nisi à Deo, & quæcunque sunt potestates, à Deo ordinatæ sunt. Quod autem à Deo ordinatum & datum est, id vtique homo homini auferre nequit <sup>2</sup>. Ex quo sequitur fieri non posse subditorum opera, vt ius potestatis legitimi magistratus minuatur: quòd eam non ex solo multitudinis consensu sed ex ipsius Dei omnipotentis autoritate, munificentia & constitutione sit assequutus. quo fit, vt qui rebellant, Dei ordinationi resistere dicantur. Qua de causa Cunerus Episcopus hunc

1 Buchan. pag.  
72.

2 Matth. 19.



hunc Pauli locum tractans <sup>1</sup>. De regum, inquit, & Principum auctoritate quidam differentes, putant eam solum ex placito, & consensu pendere subditorum, qui Principes eligant, vel recipiunt, vel saltem in eos acquiescunt: quoniam plenum iustitiae & aequitatis est, quem in caput assumunt, ei velut inferiora & subdita membra obtemperent. Caterum beatus Apostolus, qui spiritus scrutabatur profunda Dei, longe altius huius potestatis originem & fundamentum eruit. non est, inquit, potestas nisi à Deo, quibus ex verbis bene consideratis dilucide patet, quod non ex solo populi consensu, quasi tantum ex pacto inter populum & Principem inito, Rex potestatem & auctoritatem in subditos habet: sed etiam ex ipso diuino iure, & Dei videlicet constitutione: quoniam, inquit, potestas à Deo est, & quae sunt potestates à Deo ordinatae sunt: itaque qui resistit potestati, Dei ordinationi resistit: quod grauius & amplius est, quam solum pactum & foedus initum violare. Nam si ex sola in Principem consensione populus ei subesse teneretur, iam non obediendo, foederi quidem & pacto, sed non proprie ac directe Dei ordinationi resistere diceretur, quam Paulus in resistendo proximè & immediatè violari significat: quoniam potestas cui resistitur, à Deo ordinata est, sic ut rebellio iam nō contra hominē, sed contra Deum cēseri debeat. Quod igitur D. Paulus ἐξουσίας, id est, potestates de quibus loquitur mox ἀρχαίτες (id est, Principes) vocat: satis per se efficax est, ad huius erroris caliginē propellendam. Et verò suberat ratio, quæ id loquendi genus Apostolo suggereret. Scribebat enim ad Christianos Romæ commorantes, qui latinè potestates vocabant ipsos homines potestate præditos, in potestate constitutos: cuius rei testimonia latinè peritis notiora sunt quam quibus charta nostra debeatur <sup>2</sup>: & ita præcipui Ecclesiæ patres eo verbo vsi sunt; quo modo B. Augustinus dicit potestatem esse aliquando inimicam veritati <sup>3</sup>. quod certum est ad officium magistratus referri non posse.

Eundem præterea huius loci intellectum tuetur, quod Apostoli interpretes, cuius versione tota ubique sancta Dei Ecclesia eodem quo Paulus spiritus afflata vitur, potestatem dicat esse ministrum; vt planè doceat eum de ipsis populi rectoribus, seu personis magistratuum sensisse. Vis inquit, non timere potestatem? bonum fac, & habebis laudem ex illa. Dei enim minister est tibi in bonum, quod perperam & inscitè dictum esset, si non de ipsis Principibus locus iste intelligatur. Nam quamuis græcum ἀρχαί & verumque genus admittat, vt ἐξουσίαν εἶναι ἀρχαίων, potesta-

1 cap. 5. de off. Princip.

2 Vide Plin. l. 5. cap. 4. Inueniuntur in Claudiocæ 23. Modest. l. 27. de pignoribus. v. l. 17 §. pen. de Edict. Tertul. aduers. gent. 3 Epist. 48.



potestatem esse ministram dicas: tamen vt latine potestatis, quatenus imperium & non impetrandem significat, ministrum appellemus, neque sensus neque sermo latinus patitur.

Omitto quod potestatem, de qua loquitur, gladium ferre dicat non sine causa gladium portat, inquit: cum tamen nō officium, sed homo in officio constitutus gladium pro potestate imperii gesser.

Denique Paulus testatur de iis se potestatib. agere, quibus tributa & vectigalia pendi solent: *Ideo*, inquit, *tributa præstatis: ministri enim Dei sunt in hoc ipsum seruientes. vbi non Ἀρχοντες*, quod vt dixi in vtramque partem trahi potest, sed *Λειτουργοι* verbo vsus est, quod omnem ambiguitatem tollit, & manifestò declarat eum vocasse potestates, ipsos Principes & magistratus, qui cum imperio præfunt, quibus iure tributa præstantur: vt patet ex illo Saluatoris responso Iudæis interrogantibus, *licet censum dare Cesari an non* <sup>1</sup>: Sed quid opus est testibus? sua satis confessione vrgentur, imò conuincuntur. quippe Paulum ibi Regem definiisse aiunt: *ministerium scilicet, cui gladius à Deo sit traditus, vt malos puniat, ac bonos foueat*. Quod si ita est, negare non possunt potestatis verbo intelligi illic personam magistratus, seu Regem ipsum & non officium, quandoquidem id quod definitur, *ἰξυσία* siue potestas est. Frustra ergo ad vim verbi nos reuocant, cum ipsa eorum opinioni nihil opituletur.

Sequitur altera ipsorum interpretatio non minus calūniosa, cuius ope eundem locum peruertunt, fundamētum autem eius interpretationis in eo positum est quod scribit Apostolus, *Principes non sunt timori boni operis, sed mali, & Vis non timere potestatem? bonum fac & habebis laudem ex illa. Dei enim minister est tibi in bonum*. Quasi his verbis bonos tantum magistratus complectatur. Mali enim & quos tyrānos vocant, bonis viris non rarò se formidolosos præbent, eosq; lædunt sæpius quàm laudant. Ideoq; ex horum sententia ne magistratus quidem censendi sunt vlli, nisi qui bonos ab iniuria tueantur. Hunc igitur Apostolo sensum affingunt, vt de bonis tantum magistratibus differat, quos etiā aiunt eum prope ad dialecticam subtilitatem definiisse <sup>2</sup>. Atque his positis principiis in hunc modum ratiocinantur. Mali magistratus ad Pauli regulam examinati, omnino magistratus nō sunt: eoq; sub eius præceptum de magistratu honorando non cadunt. Atque ita cum præceptū

nihil

1 Matth. 22.

2 Buch. pa. 71.

nihil ad eos pertineat, consequens est, nos eius autoritate neque malis Principibus parere iuberi, neque resistere prohiberi. *Non si bono Principi parendum est, inquit, idè malo non erit resistendum.* Id pro consensu scilicet & concessio tenentes, bono tantum Principi ut pareamus Apostolico præcepto esse sancitum. Verum hanc interpretationem autoritas, exempla, ratio, erroris similiter & hæreseos conuincunt. Nam in primis Christus & ipsemet Tiberio paruit, & alios ad parendum instituit: Scribis etiam & Pharisæis auscultare iussit <sup>1</sup>. Et D. Petrus generaliter docuit <sup>2</sup> *Matt. 17. & 22.* magistratibus peruersis obediendum esse, ac Reges honorandos, nullâ boni & mali differentiâ eius præcepti modum determinans <sup>2</sup>: ut iam superius est demonstratum. <sup>2</sup> *1. Pet. 2.* Quapropter Haymo Episcopus Halberstattensis vir pius & cruditus, hunc ipsum Pauli locum enarrans abhinc septingentis quinquaginta circiter annis sic scribit: *Sive bona sit illa potestas sive mala, quicumque ei resistit subtrahendo seruitium ab ea, denegando tributum, & honorem non præbendo, quem ei debet præbere, Dei ordinationi resistit, & dispositioni, cuius ordinatione illi principantur.* Sed & gloss. ordin. omnium consensu approbata, docet tam ad bonos, quam malos Principes hoc præceptum pertinere, ad verb. *non sunt timori, &c.* Deinde quamuis verissimum quidem sit magistratus esse à Deo constitutos, ut sint ministri regni ipsius <sup>3</sup>, qui <sup>3</sup> *Sap. 6.* poenâ fontes, bonos præmio afficiant, & sanctam generis humani societatem iustitiâ & æquitate contineant. tamen certissimum pariter est, neque omnes magistratus id facere, cuius causa sunt constituti; neque cum non faciunt, sed planè contrarium faciunt, desinere statim esse magistratus. Alterum enim asserere hominis est nullam vitæ ciuilis societatem & communitatem experti, nullisque superiorum temporum annalibus eruditi. Alterum verò (quod aduersariis tantum placet) VVicleffianam & Hussiticam hæresim, vel ei affinem profitentis; cuius vnum caput hoc erat, *Nullum esse dominum ciuilem, nullum prælatum, nullum episcopum, dum est in peccato mortali, & aliud, Populares posse ad suum arbitrium dominos delinquentes corrigere.* Ex his enim duobus articulis, velut principio quodam necessario & inseparabili, omnis aduersariorum pendet & procedit oratio: ita ut neque ipsorum conclusiones sine pronunciatis istis VVicleffianis prius admissis oriri, neque pronunciata eiusmodi sine talibus sequelis consistere villo modo possint.

Haymo episc.  
Halberstattensis  
ordine tertius  
Alcuini auditor  
floruit sub Lu-  
dou. Pio.

sint. Ex priore enim necessaria consecutione efficitur me-  
 lum Regem & vitiosum non esse Regem, quia est im mor-  
 tali peccato: ex posteriore verò, populum Principe superi-  
 orem esse, alioqui enim non posset eum delinquentem co-  
 gere in ordinem, & corrigere: quandoquidem par aut su-  
 perior, à pari aut inferiore cogi iure nequit <sup>1</sup>. Hæc igitur  
 ubi asserunt aduersari, superiora putidæ & pestilentis hæ-  
 resis VVicieffiance capita exuscitant, quibus refutandis eo  
 libentius superfedo, quod in celeberrimo & frequentissi-  
 mo Patrum consensu iam pridem cunctis suffragiis damna-  
 ta sit & explosa <sup>2</sup>. Impius Saul & cadibus Sacerdotum  
 contaminatus: homicida & adulter Dauid: Salomon, Ioas  
 Amasias ad idola prolapsi: Roboam similiter & alii Davi-  
 dicæ sobolis iniusti, & diuini atque humani iuris trans-  
 gressores, Reges nihilominus manserunt, ac regnum inter-  
 ea & regimen populi, quia legitimi Reges, tenuerunt. Nec  
 ullis vnquam adhuc legibus cautum est, aut moribus rece-  
 ptum, imò nec caueri aut recipi, sine publica pernicie, po-  
 tuit, malitiam ipso iure magistratum alicui abrogare, aut  
 eundem ei præbere, vel prorogare bonitatem: non sunt hi  
 finiendæ potestatis modi legitimi, Quin planè contrà infi-  
 nitis rerum gestarum monumentis tota nos docet anti-  
 quitas, peruersis magistratibus parendum tantisper, dum  
 vel magistratu abierint, si ad tempus creati: vel fato con-  
 cesserint, si perpetuum inierint: aut superioris saltem iu-  
 dicis sententia moti ordine, in priuatis esse caperint. In-  
 de est quod Paulus Iuriconsultus <sup>3</sup>. *Prator, inquit, ius red-  
 dere dicitur etiam cum iniquè decernit: relatione scilicet facta,  
 non ad id quod ita prator fecit, sed ad illud, quod pratorem facere  
 conuenit.* Et Marcianus <sup>4</sup>, *Cum prator cognita causa per er-  
 rorem, vel etiam ambitiosè iuberet hereditatem vt ex fideicom-  
 misso restitui: etiam publice interest restitui propter rerum iudi-  
 catarum auctoritatem.* Huc accedit, non ignorasse Apo-  
 stolum Christianos tunc ubique terrarum sub impiis &  
 ethnicis magistratibus degere, à quibus iniquissima quo-  
 tidie patiebantur: ac proinde eiusmodi præceptum, non  
 tam vtile, quàm exitiosum illis ea tempestate fore, & pro-  
 cul dubio certissimam rebellii & defectionis causam o-  
 mnibus præbiturum, si de bonis benè magistratum geren-  
 tibus tantum intelligeretur. vtpote cuius auctoritate e-  
 recti homines, iustitia & pietate ardentes, & qui zelo reli-  
 gionis, studioque salutis ac tranquillitatis publicæ, & o-  
 dio

<sup>1</sup> l. 4. D. de re-  
 cept. qui arbit. l.  
 ille à quo. 13. §.  
 pen. ad Sc. Tre-  
 bell. c. innotuit.  
 de elect.

<sup>2</sup> Synod. Con-  
 stantien. sess. 8. &  
 16.

<sup>3</sup> l. pen. de iust.  
 & iure.

<sup>4</sup> l. seruo. 65. §.  
 cum prator. ad  
 Sc. Trebel.

dio malorum iam antè mirum in modum tenebantur, omnes tollendi malos magistratus vias clam & palam quæfissent. Quotus enim quisque illorum, qui animi magnitudine Horatios, Mutios, Curtios; temperatâ verò rerum humanarum contemptione ac despicientiâ Xenocratem, & cunctos Philosophos longè superabant non acerbiſſimis conditionibus caput fortunæque ſuas pro communibus patriæ commodis deuouiſſet? quæ non ſubiſſent discrimina? quos perhorruiffent cruciatus, vt impios & malos magistratus, ſeu Principes tyrannidem exercentes, vbique extinguerent? an non eiufmodi operam egregie nauatam Reipub. vel inter eximios Chriſtianæ religionis, fructus retuliſſent, ſi id modo per euangelium licere ſibi certò comperiſſent? cùm tamen è diuerſo id eius religionis perfectioni & ſanctitati inprimis tributû ſit, quòd nemo omnium Chriſtianorum eius ſæculi, vllius in Principem coniurationis particeps, vel conſcius fuerit inuentus. Circa maiestatem imperatoris inſamamur, inquit Tertullianus, <sup>1</sup> tamen nunquam Albiani, nec Nigriani, vel Caſſiani inueniri potuerunt Chriſtiani. 1 ad Scapulam.

Hæc igitur ipſorum interpretatio, per quam volunt D. Paulum Chriſtianos neceſſitate parendi bonis tantùm magistratibus obligari, cùm non ſolum omni & ratione, & authoritate deficiatur, ſed etiam a perſis euangelii monitis moribus Chriſtianis, doctrinæ Patrum, totiufque eccleſiæ decretis aduerſetur, vicioſa prorfus & hæretica cenſenda eſt: aliufque Apoſtoli ſenſus cum his omnibus congruens amplectendus. Is autem ille eſt, quem magnum eccleſiæ lumen S. Auguſtinus ſuccinctè, ſed clarè nobis indicat. ſue, inquit, <sup>2</sup> poteſtas veritati fauens aliquem corrigit, 2 epist. 49. laudem habet ex illa qui fuerit emendatus: ſue inimica veritati in aliquem ſeuat, laudem habet ex illa qui fuerit coronatus. Et Auguſtinum ſequutus Haymo copioſius paulò & enodatus exponit <sup>3</sup>. *Vis non timere poteſtatē? bonum fac, & habebis laudem ex illa. Non dicis laudabit te poteſtas,* inquit, *quia multa poteſtates ſunt, quæ in ſubditis magis malum, quàm bonum diligunt: ſed habebis laudem ex illa poteſtate, id eſt, ipſa erit occaſio vt laude dignus ſis. Quia ſi tuo exemplo ad fidem vel iuſtitiam opera fuerit perducta, laudaberis tam ab illa, quàm etiam ab aliis, & apud Deum quoque laude dignus eris. Aliter ſi poteſtas illa uſque ad mortem poenis te afflixerit, tu quoque legitime deſertando mortē aut aliquam iniuriā patienter pertuleris, habebis* 3 in cap. 13. ad Rom.



*ex illa potestate laudem: id est ipsa praebebit occasionem, ut in lauderis, quia percipies pro persecutionibus tibi irrogatis perpetuam beatitudinem, & laudaberis apud Deum & homines.*

Quod itaque iubet Apostolus omnem animam potestatibus sublimioribus subditam esse, quodque monet, eos qui potestati resistunt, Dei ordinationi resistere, id eo pertinet, ne magistratibus ullis siue bonis siue malis obluetmur. Et ideo licet incidant saepe causae, propter quas magistratus iussa capescere non tenemur, ubi scilicet Dei mandatis prorsus contraria imperat, ut cap. 8. est explicatum, tamen nulla potest existere cur iniustam damnationis sententiam exequenti, & poenas obtentu potestatis malitiosius exigenti, vi obstitamus: quia ipse potestatem à Deo ordinatam habet, qua si abutitur, legitimis modis non impressione subditorum coercendus est. Si enim superiorem habet, improbitas eius & petulantia prouocatione comprimitur, cuius remedio cōdemnationis extinguitur pronuntiatio <sup>1</sup>. Sin autem in altissimo dignitatis gradu collocatus est, ut sunt qui regnorum legitimè potiuntur, cum nemo inueniatur ad quem possit appellari <sup>2</sup>, nihil reo superest, nisi ut Dei omnipotentis cognitioni causam committat, & eius iudicium expectet, qui Rex regum & iudicum omnium iudex, humanæ sententiæ iniquitatem æternæ iustitiæ seueritate, quamuis non sit prouocatum, indubitatè castigabit & corriget. Qui verò non satis sibi prospectum hac cautione rentur, & ob id suis se viribus tueri malunt, ac iniquæ potestati æquam, ut illis videtur, pro corpore, pro salute, pro fortunis, defensionem armis munitam opponere, ii sunt qui Dei ordinationi resistunt, & resistendo damnationem sibi acquirunt: quia cum eius iudicium interdicta celeritate prauertunt, fixum & constantem iustitiæ ordinem sceleratè peruertunt. At iugum hoc subiectionis peracerbum est & graue toleratu viris bonis, quos malorum Principum sauitia & diritas ad iniquissima supplicia frequenter rapit. Verum est neque id S. Paulum latuit, qui eam tamen Dei voluntatem esse, per Dei spiritum nobis retulit. Et quamuis satis ei fuisset præcepto recitato, dicere, ut de humana lege Iurisconsultus. *quod quidem perquam durum est: sed ita lex scripta est* <sup>3</sup>. &, *Domine mandauit mandata sua custodiri* <sup>4</sup>. nimis. tamen ut eius asperitatem aliqua suauitate leniret, solatur omnes, & ingentis mercedis sponso ad illius obseruationem inuitat: *laudis*

<sup>1</sup> l. i. in fi. D. ad Sc. Turpil.

<sup>2</sup> l. i. D. à qui. ap. pel. non lic.

<sup>3</sup> Vlp. l. prospexit. D. qui & à quib. manum.

<sup>4</sup> Gal. 118.

laudis scilicet & gloriæ, cuius spe & specie cum plerique, tum generosi in primis animi facile adducuntur, ut omnes vitæ molestias, omnem corporis dolorem, ferant libenter & perferant. Primum igitur brevis sed certissima ratione, ex ipsa hominis naturâ & penetrati Philosophia, ostendit, non tantam difficultatem huic mandato custodiendo inesse quantam primo aspectu præ se ferat: propterea quod *Principes non sunt timori boni operis, sed mali.* quasi diceret, mali hominis est, & pusilli animi timere Principes: viro bono nullus magistratus, quantumvis impius & iniquus, formidabilis esse potest. *ex conscientia peccatorum timor nascitur.* <sup>1</sup> Nihil metuit, qui nihil commeruit. Sed aduer-

<sup>1</sup> Cic. Paradox.

sus omnes impetus ahenæ conscientie muro septus, stabilis & intrepidus consistit. Hoc illud est innocentie propugnaculum, hoc illud vallum, quod eam Prophetæ securitatem præstitit, quâ fretus dixit. *Si consistant aduersum me castra, non timebit cor meum* <sup>2</sup>. Contrâ verò nequitia omnis timida est, ut ait sapiens, & condemnationi præbet testi-

<sup>2</sup> Psal. 26.

monium. *Semper enim præsumit sua, perturbata conscientia* <sup>3</sup>. Nec ea res magis ethnicos, quam Christianos fefellit. Bias enim interrogatus τί αὐτὸν τῶν κατὰ τὸν βίον ἀφοβόν. id est quidnam omnium in vita esset metus expers, respondit ὁρθὴ συνείδησις. recta conscientia. & Menander ὁ πωροῦντων αὐτὸν τὴν κατὰ τὴν θεοσύνην, ἢ σωΐσις αὐτὸν δειλότατον εἶναι ποιεῖ. id est qui aliquid sibi conscius est, etiam si fuerit audacissimus, conscientia facit eum timidissimum <sup>4</sup>.

<sup>3</sup> Sapient. 17.

Et Cicero <sup>5</sup>. *Magna vis est conscientia, & magna in utramque partem, ut neque timeant, qui nihil commiserint: & penam semper ante oculos versari putent, qui peccarint.* Vnam igitur nobis viam proponit Paulus, quam si carpsimus, nullo magistratus metu tenebimur, *Vis non timere magistratum? bonum fac*, inquit. At non ferendis doloribus cruciabor tamen, dices at spoliabor facultatibus, at neci dedar. ec-

<sup>4</sup> Stobæus de Conscientia.

f. 106.

<sup>5</sup> pro Milone.

cui non ab his metus? Si simpliciter nudæque ista spectes, magna sunt inquam: & quæ vel constantissimum quemque territent. Sin comparatè, & cum præmii magnitudine ac fine, cuius causa res tam arduæ subeuntur, contuleris, adeo sunt exigua, ut præ his nihili videantur. Iam is prædixerat in eadem epistola, <sup>6</sup> *passiones huius temporis indignas esse, & res parui momenti, si cum futuri seculi gloria componantur, quæ clarebunt illi, qui Deo fideliter serui-*

<sup>6</sup> ca. 3. ad Rom.

*unt ac illius præcepta seruant, ideoque hic addidit, & ha-*

*bebis laudem ex illa. Dei enim minister est tibi in bonum.* quod idē est, ac si dixisset, quicquid tibi fecerit magistratus, laudi tibi erit, tuo bono & commodo cedit, vt in superiore Patrum explicatione proditum est. An non hoc verissimum esse cernitur, dum quos impii superbē calcarunt, nos summis colimus, & quos illi vt sacrilegos, perduelles, nefarios, publicatis bonis omnibus, perdidērunt, iis nos, & in eorum honorem, vt seruis fidelibus & amicis Dei, opulenta paramus templa, donaria suspendimus, preces & vota, vt ipsi salutem nobis à Deo precentur, quotidie fundimus. Bono peruersus cum vitam adimit, vitam dat. Molestiæ huius seculi, & mors ipsa, spinæ sunt, per quas ad felicitatem necessarius nobis est transitus. *Per multas tribulationes oportet nos intrare in regnum Dei* <sup>1</sup>. Cohæredes Christi sunt qui iniqua æquanimiter eius exemplo tolerant. *Si tamen compatimur*, inquit, *vt & conglorificemur* <sup>2</sup>. Si vis ergo perpeti gloria coronari, talibus primum coronere & spinis. Præclare, vt alia D. Augustinus <sup>3</sup>: *tu inquit, qui veram requiem, qua post hanc vitam Christianis promittitur, quæris, eam inter amarissimas huius vitæ molestias degustabis: iucundiusq; ex bona conscientia inter arumnas letaberis, quàm ex mala inter delicias.* Præmium igitur, quod D. Paulus propter obedientiam magistratibus præstitam pollicetur nobis laus est, non humana quidem solum, nam ea fluxa est ac plerumque falsa: sed diuina, solida, æterna, admirabilis, incomparabilis, quæ nec sensu percipi, nec concipi animo in hac vitâ potest <sup>4</sup>; cuius potiendi spe, vt quis per fidem viam semel accensus fuerit, mirum quàm humana ei omnia sordescunt, & toleratu facilia videbuntur: At qui præsentia tantum, & quæ præter oculos sunt, huius mundi commoda intuentur, dicent statim cum discipulis quibusdam Saluatoris nonadum perfectè ad cælestem vitam eruditis. *Durus est hic sermo, & quis potest eum audire* <sup>5</sup>? & cum Petro adhuc dimissum nescio & terrestre quid spirante. *absit à te Domine, non erit tibi hoc* <sup>6</sup>. Atque ita (quod factu facilius est) inferre quàm ferre iniuriam paratiores, magistratibus & Principibus suis insultare & in ordinem redigere, fictæ utilitatis: & publici iuris tuendi specie, non verebuntur. Sed qui talia audent, pœnam audiant. *Qui resistunt potestati ipsi sibi damnationem acquirunt.* Cauendum ergo summoperè, ne nostris nimium ingeniis confisi, imo confusi, hunc Apostoli locum maligna interpretatione ita intelligamus, ac si ipse de bonis tantum

1 Act. 14.

2 ad Rom. 8.

3 de Catechumenis.

4 1. ad Cor. 2.

5 Ioan. 6.

6 Matth. 16.

tantum

tantum magistratibus sensisset: cum satis iam superq; monstratum sit, eam explicationem, neq; cum spiritu illo Pauli, neque cum aliis Scripturæ locis, neque cum sanctorum Patrum expositione, & ecclesiastica catholica doctrina, congruere.

Quæ cum ita sint, evidens inde argumentum ad causæ nostræ equitatem demonstrandam suppetit, quod hac certissima ratiocinandi formula ei breuiter accomodemus. Omnis inferior sublimiori potestati subditus esse debet, & ei non resistere (Apostolicum hoc est pronunciatum, quod negari non potest) At in omni regno & Monarchiâ Princeps est potestas superior vniuerso populo ( assumptionis veritatem, veritas ipsa testatur. *Reges gentium dominantur earum*, inquit, alioqui nulla esset Monarchia, vt ostensum est huius libri Cap. 4. ) Ergo in omni Monarchia totus populus Principi subditus esse, & non resistere debet. Conclusio ex præmissis necessaria : cui & illud deinde consequens est. Populum pœnas à Rege ob delictum expetere non posse : cum nemo sit mortalis, ad cuius tribunal Rex publici iudicii reus peragatur ( quoniam superior nemo est ) & indemnato multam vel mortem irrogare, omni & æquitati, & rationi repugnet <sup>1</sup>. Si vllam aduersarii ex tam certis & manifestis principiis efficacem conclusionem protulissent, qua populum Rege superiorem, ei que in Regem ius esse demonstrarent, vix profectò qui aduersaretur vllum habuissent, eccui enim, nisi vel impio vel impudenti os illa non protinus occlusisset? eius ego me assertorem in primis ac defensorem, si opus fuisset, præbuissem. Sed quoniam nihil tale adferre possunt, & tantum vitiosas ac fallaces ex similitudine, comparatione, notatione verbi, exemplis, & allegoriis, nescio quibus perperam intellectis, rationes sine ratione petitas, ad infirmum vulgi iudicium obscurandum & obruendum cumulant, satius est ex illis salutaribus Scripturæ fontibus per Ecclesiam Catholicam reclusis haurire, quàm riuulos ex cisternarum nescio qua face deriuatos, ducibus istis, sectari. Nobis igitur ne succenseant, si veritatis propugnandæ causâ acrius illis aduersemur.

Iam verò, vt finem tandem huic capiti faciam, operæ est, aliam adhuc, & postremam, ni fallor, eorum rationem offerre, qua hunc D. Pauli locum non ob stare dicunt,

Intellige nisi lege cautum sit, vt indemnatum occidere liceat.



quo minus Rex in legem committens, legum pœnis more priuatorum subiiciatur. Ea inde est quòd de potestatibus vniuersè illic præceptum detur. Ac proinde inquiunt si Regi ex illo Pauli edicto scelerum impunitas competit, competit similiter & omnibus aliis magistratibus, quos tamen pœnis obnoxios esse, si quid peccauerint, nemo nescit, nemoque negat. Atque ita hoc nos vrgeri putant incommodo: vt vel necesse sit Reges eodem cum aliis iure censerifate amur, vel solos Reges potestatis nomine illic intelligi, & ista præ cæteris impunitate donatos esse, ostendamus. I-

1 Buchanan.ca.74. ta enim ille *δεχμίσσας ἰδὲς* <sup>1</sup> *Quid præfecti urbium? inquit, quid castrorum? Quid prætores? quid ipsi consules? Isne etiam Paulus nos subditos esse iubet? an pro priuatis habet? At ab omnibus non modò minoribus magistratibus, sed ab eis etiam qui sunt Regibus æquales, ratio male obiti imperii solet exigi. Velim ergo qui ex Pauli verbis tantam Regibus potestatem datam somniant, aut ostendant ex eodem Paulo solos Reges potestatis nomine hic accipiendos, ideòque solos legum pœnis eximendos: aut si cùm potestates dicimus, intelligantur etiam alii magistratus, ab eodem auctore Deo in eundem usum instituti: illud quoque velim ostendant, ubi omnes magistratus legibus soluti, & à pœnarum metu liberi pronuncientur: aut solis Regibus ista immunitas sit concessa, cæteris qui in potestate constituti sunt negata. O argutam completionem scilicet, & prisco Arcade dignum dilemma, vbi verò id somniauit Buchananus? neque enim verisimile est hominem sanum & sobrium & qualis ille erat, arte, ingenio, ætate, experientia egregiè præditum tam inepta nisi somno oppressum effutisse. Petit vtj ostendamus, vel potestatis nomine solos Reges contineri, vel, si generatim omnes magistratus accipiendos fateamur, Regibus solis istam impunitatem esse concessam: quorsum hoc quidem? neutrum certè necessarium est ad id quod astruimus, neque vt solos, inquam, Reges potestatis verbo significari (quamuis D. Ambrosius locum illum Apostoli de Regibus tantum interpretetur <sup>2</sup>) neque vt à communi aliorum iure nominatim exceptos doceamus. Nam Regum facta ideò impunita manere dicimus, quia iudex idoneus in terris nullus est, à quo reprimantur: at non ita res se habet in aliis magistratibus: suum quisque superiorem agnoscit: itaque cùm gradus quidam & ordines sint potestatum in omni politia tam ecclesiastica quàm ciuili, infimæ mediis, primis mediæ subiiciuntur, simulque vni velut supremo capiti*

2 in commēt.

capiti omnes. Caput autem illud in Democratia est populus vniuersus, in Monarchia ecclesiastica Pontifex maximus, in seculari & ciuili Rex & Princeps summus, in quē populus omne suum ius & potestatem transtulit. Huic igitur alii rationem gesti magistratus reddunt: muneris malè obiti & scelerum omnium pœnas persoluunt quia ipse est sublimior potestas, cui ex Apostoli sententia parendum est. At contrà hic aliis rationem reddere non tenetur, cum nullum inferioribus in superiorem ius sit, vt sapè iam dictum est. Quod igitur scribit eo loco D. Paulus, non ita accipi debet, ne magistratus delinquentes legitimis pœnis, sed ne ab iis quibus præsunt coerceantur veluti ne à manipulariis decuriones, à decurionibus centuriones, à centurionibus tribuni, à tribunis magister equitum vel legatus, à magistro aut legato dictator vel imperator, sed contrà illi ab his vt cuique in inferiorem potestas data est, puniantur: & in ecclesiastica Hierarchia similiter Religiosi suis Prioribus vt, vocant, Priores Prouincialibus, Prouinciales Generali, Generalis summo Pontifici, non contrà, parent & pœnas dant, vbi aliquid commeruerunt. Videmus itaque ius idem ab Apostolo de Rege & cæteris magistratibus constitutum, & vnâ omnes homines regula comprehensos, vt omnis scilicet anima potestatibus sublimioribus subdita sit, & Regem idèd humanæ pœnæ metu solutum, quia ipse supremus est, soli Deo subiectus, à quo solo & iudicandus. Nihil naturæ & rationi conuenientius, nihil intellectu facilius dici potuit: quod nō animaduertisse dormitantis vel obtusi ingenii, non probasse, malitiosi & peruicacis fuisse negari non potest. Illud autem quid? quod ait rationem malè obiti imperii solere exigi à magistratibus, qui Regibus, sunt æquales Vigilansne Buchananus an dormiens, insanus an somnians hoc exco- gitauit? Nam nullus vsquam magistratus extra monarchiam Regi æqualis reperitur, nullus etiam monarcha qui Regi par sit reddendæ rationi administrationis obnoxius. Dictatura apud Romanos nihil aliud fuit quàm semestris Monarchia, proindeque Dictatoris summum & liberum erat imperium, nec vllam consiliorum factorum- que rationem reddere tenebatur, <sup>1</sup> eiusque adeo dicta pro numine obseruabantur. <sup>2</sup> Quinimo magistratus multi Regibus inferiores ea libertate fructi sunt, ne rerum gestarum ratio ab iis reposceretur, vt suprà hoc ipso libro com-

<sup>1</sup> Vide quæ sc̃pti  
psi cap. 5.

<sup>2</sup> Lilius lib. 2.

monui 7. mittam igitur hoc somniantis delirium, ridendum sanè potius quam refellendum, vt seria quæ me hinc vocant sequar.

*Eandem sententiam confirmari doctrina antiquorum Patrum, tam nascentis Ecclesiæ, quàm sequentium seculorum: & œcumenici concilii auctoritate. Idem VViclefsum & recentes Monarchomachos docuisse: hos erus esse discipulos, & interpretes, qui damnatum iam pridem in eo dogma ab inferis reuocarunt.*

## C A P. XI.

**Q**Uæ hætenus, de summa liberaque regnandi potestate Principibus in populos data, ex bibliis sacris vbertim protulimus, ea toti Ecclesiæ Catholicæ rata & grata semper fuisse, testatur iugis illa Patrum, & diuini atque humani iuris interpretum omnium assensio. Quæ in re admirabilis quædam Dei prouidentia elucet: Nā quamquam neque prima nascentis Ecclesiæ tempora, neque iis continuo plurium seculorum ordine succedentia, vsque ad has deploratas, & penè desperatas ætatis nostræ calamitates, vllum vix habuerint Christianum, qui Regum auctoritatem, atque adeo illum D. Pauli locum, & similes Scripturæ sententias in apertam controuersiam vocaret, aut Reges legum pœnis obnoxios esse contenderet. Tamen vt certum nobis fidei testimoniū reseruetur aduersus eos, qui hisce mundi senescentis temporibus Scripturæ sensum mutare, atque omnem excidere veritatem connituntur, nonnulli primæ, mediæ, postremæ ætatis Ecclesiæ grauissimi scriptores (Deo id ad nostram vtilitatem suggerente) hunc articulum perpetuis monumentis clarum atque testatum reliquerunt.

Ac in primis quidem Tertullianus apertè & sæpe docet, quæ fuerit ecclesiæ ab Apostolis institutæ, & nouo adhuc martyrum sanguine in dies rutilantis, de Principum dignitate sententia. Nam Christianorum innocentia defensionem suscipiens, quos variis delatorum calumniis oppressos, & non solum homicidii, sacrilegii, atque adedò omnis generis infamiæ falsa suspitione laborantes, sed etiam maiestatis accusatos viderat, eò maximè quòd per genium Principis non deierarent, inter ceteras diluendorum crimi-

Dixit. vixi propter Mulsitas.

criminum rationes sic scribit<sup>1</sup>. *Idè ergo committimus in ma-*  
*iestatem Imperatorum, quia illos non subiicimus rebus suis? quia*  
*non ludimus de officio salutis eorum, qui eam non putamus in ma-*  
*nibus esse plumbatis? Sed vos religiosi qui eam queritis ubi nō est,*  
*petitis à quibus dari nō potest praterito eo in cuius potestate est. In-*  
*super eos debellatis, qui eam sciunt petere, qui etiam possunt impe-*  
*trare dum sciunt petere. Nos enim pro salute Imperatorum Deum*  
*inuocamus æternum, Deum verum, & Deum viuum, quem &*  
*ipsi Imperatores propitium sibi prater ceteros malunt. Sciunt quis*  
*illis dederit imperium, sciunt quis homines, quis & animas: senti-*  
*unt Deum esse solum, in cuius solius potestate sunt, à quo sunt se-*  
*cundi, post quem primi ante omnes deos & super omnes homines.*  
*Qui utique viuunt & mortuis antistant, recogitant quousq; vires*  
*imperii valeant, & ita Deum intelligunt, aduersus quem valere,*  
*non possunt, per eum se valere cognoscant. Calum denique debellet*  
*Imperator, calum captiuum triumpho suo inuehat. Non potest: id-*  
*eo magnus est, quia ca' o minor est. Illius enim est ipse, cuius est ca-*  
*lum omnis creatura. Indè est Imperator, unde & homo, ante-*  
*quam Imperator: inde potestas illi, unde & spiritus. Et paulò*  
*inferius<sup>2</sup>. Nos iudicium Dei suspicimus in Imperatoribus, qui*  
*gentibus illos prefecit. Et mox. Sed quid ego amplius de religione*  
*atque pietate Christiana in Imperatorem, quem necesse est suspi-*  
*ciamus, ut eum quem Dominus noster elegerit, ut merito dixerim,*  
*noster est magis Caesar, ut à nostro Deo constitutus. itaque ut meo*  
*plus ego illi operor in salutem. siquidem non solum ab eo postulo*  
*qui merear impetrare, sed etiam quod temperans maiestatem Cæ-*  
*saris infra Deum, magis illum commendo Deo, cui soli subiicio:*  
*subiicio autem cui non adæquo. Et rursus alibi<sup>3</sup>. Colimus ergo*  
*& Imperatorem sic, quomodo & nobis licet, & ipsi expedit ut*  
*hominem à Deo secundum, & quicquid est à Deo consecutum,*  
*solo Deo minorem. Hoc & ipse volet. Sic enim omnibus maior*  
*est dum solo vero Deo minor est. En quo ordine Christiani om-*  
*nes in veteri & vera Ecclesia Reges & Imperatores su-*  
*os habuerunt. Hanc enim Tertullianus non suo nomi-*  
*ne, & pro seipso tantum, sed pro vniuerso Christianorum*  
*cœtu, & omnibus Ecclesiæ membris apologiam conte-*  
*xuit, quam à multis quidem firma consensione lauda-*  
*ram, à nemine verò reprehensam animaduertimus. Quod*  
*si prisca illi Christiani, tam manifesto Dei spiritu acti, e-*  
*am fidei professionem dederint, qua se credere Reges solo*  
*Deo minores, Deo soli subiectos esse, protestabantur:*  
*quo istos spiritu ductos censebimus qui contrarium*  

nunc

<sup>1</sup> in Apolget. ad  
uerfus gentes.

<sup>2</sup> ibidem.

<sup>3</sup> ad Scapulam  
Præsid. Carthag.



nunc sentiunt? Nam si cùm veteribus conuenire se dicant: sciscitabor ab iis, quemnam ei iud cem ferant qui solo vero Deo minor est? cuius dignitatem suspicere, cuiusq; ue authoritati parere velint hominem à Deo secundum, in solius Dei potestate constitutum? Nunquid aut diuinæ potestatis consortem aliquem, aut Deo vero superiorem nominabunt, qui Regi legitimo legis multam vel pœnam irroget? Næ magna hæc est animi vel peruerfitas vel cæcitas quâ nolunt aut nequeunt causas rerum atque momenta ad fidei & rationis normam à maioribus præscriptam dirigere. Neque verò dici potest talia Christianos tunc temporis elocutos, vt iis velut blandimentis Imperatores suos aucupandæ gratiæ & beneuolentiæ studio demererentur. eam enim obiectionem aduertens Tertullianus & anteuertens, eos de adulationis suspitione grauissimis rationibus purgat. *Adulati nunc sumus Imperatori* (inquit) *& mentiti vota quæ diximus ad euadendum scilicet, &c.* Tertulliano astipulatur Origenes. <sup>1</sup> qui licet in commentariis ad cap. xiiii. epistolæ Pauli ad Rom. varias eius loci mysticas & allegatoricas expositiones proponat, tamen vulgarem & cõmunem hanc ipse fatetur, vt Regibus ac potestatibus publicis simpliciter & vniuersè subditi simus. *Caterũ* (inquit) *quatenus salua pietate licet, non ita insanimus, vt in nos irriteremus Reges, aut potestates publicas sauituras, per tormenta & supplicia. legimus enim in nostris literis, omnis anima potestatibus sublimioribus subdita sit: non est enim potestas nisi à Deo. Itaque qui resistit potestati, Dei ordinationi resistit. Qui autem resistunt ipsi sibi damnationem acquirunt. Quæ verba in commentariis super epistolam ad Romanos, vt potuimus, non vno modo enarrauimus: nunc verò simpliciter iuxta vulgarem sensum, ad præsens negotium citauimus, quandoquidem Celsus negat eis dignitatem contigisse absque fauore demonum.* Deinde (vt erat feracis & facundi ingenii, multumque indifferendo subtilis) addit *Et quoniam multa dicenda essent de Regum & Principum statu, quòd res disquisitione non careat, propter aliquot Principum suam tyrannidem, & alios licentiæ potestatis prolapsos indelicias & nequitiam, ideo hunc locum impresentiarum super sedimus excutere. Nèpe præuidit quàm longè lateq; cauillationes hæreticorũ se soleant diffundere, nihil vt tam certum, tam sacrum, tamque sincerum sit, quod suis illi argumentis non impetant, profanent sacrilegiis, spurcitiâ ludent, & quamuis non possint, conentur tamen audacter euertere. Prouidit inquam*

blan-

blandas illas, sed fucatas, & venenatas rationes oblici posse aduersus vulgarem & verum præcepti Apostolici intellectum, quibus nostro nunc primùm seculo homines apostatae & quidam alii nimis populares & cæcâ inuidiâ ducti, velut flabris seditionum vtuntur ad ventilandam multitudinem aduersus Reges & Principes suos legitimos, & ideo monuit rem illam non carere disquisitione, sed eius interea examine supersedendum; vel quod de ea tunc inter omnes Christianos satis conuenerat, vel quia Celsus, contra quem disputat, nullam de ea fecerat mentionem: & ipse si omnibus aduersariis argumentis recensendis, refellendisq; fuisset immoratus, in nimis longam, nec ad institutum necessariam digressionem excurrisset.

Huc accedit quodd B. Augustinus summa pacis bellique munia Regibus tribuat; legum scilicet ferendarum <sup>1</sup>, & belli indicendi gerendique arbitrium <sup>2</sup>, & vt ait Iustinianus <sup>3</sup>, τὴν τῆς πλεμείνης καὶ ἐπὶ τὴν ἀγρίαν ἐξουσίαν, id est bellandi & pacificandi auctoritatem: quæ cum supremæ tantum potestatis sint, & non ad singulorum vtilitatem, sed ad communem totius Reipublicæ salutem spectent, planum nobis facit censere se nullam in regno auctoritatem regiâ subliorem esse. Nam vbi populus sui potens est, nullum neq; bellum neque fœdus, nisi se authore fieri aut feriri patitur: nec vlli id vniuersè permittit, nisi cui imperiū supra se dedit, & in cuius ditione ac potestate se ipsum esse agnoscit, ob eamque causam Reges Spartani, quia non sui prorsus arbitrii, ac proinde non verè Reges erant sed in Ephororū, & populi potestate, (vt antè ostendimus <sup>4</sup>) nihil de bello vel pace, nisi iubete speciatim atq; mandate populo decernere audebant <sup>5</sup> Si igitur suscipiendi belli auctoritas, atque consilium penes principem sit, vt ait D. Augustinus, idque summæ potestati coniunctum, atque annexum officium sit, nec summo celsius reperiatur, quomodo poterit aliquem Republica iudicem habere is, qui caput ipse Reipublicæ est, & penes quem summa totius residet. Num quid membris caput, superius inferiori, contra naturam supponemus? Idem alibi. *Ita à plebibus Principes, & à seruis domini ferendi sunt, vt sub exercitatione tolerantia sustineantur temporalia, & sperentur æterna.*

Prætereo hîc luculentum D. Hieronymi testimonium, est enim a nobis superius relatum <sup>6</sup>, quo Regem nemini nemini nisi Deo subiectū esse monet. Idque ipsum B. Ambrosius

<sup>1</sup> Vid. s. d. pag. 67. lib. 2.

<sup>2</sup> lib. 22. cap. 75. aduers. Faust. Manich.

<sup>3</sup> Nouel. de Cōsul. 105. coll. 8.

<sup>4</sup> Plutarch. in Agesilao.

<sup>6</sup> cap. 40.

1 in apolog. Dauid. cap. 4. & ca. 10.

brofius apertius & prolixius docet <sup>1</sup>. *Peccauit David quod folent Reges, inquit, sed poenitentiam gessit, fleuit, ingemuit, quod nō folent Reges. Quod erubescunt facere priuati, Rex non erubuit confiteri. Qui tenentur legibus, audent suum negare peccatum, dedignantur rogare indulgentiam, quam petebat qui nullis tenebatur legibus humanis Rex utiq; erat, nullis ipse legibus tenebatur: quia liberi sunt Reges à vinculis delictorum. Neque enim ullis ad poenā vocantur legibus, tuti imperij potestate. homini ergo non peccauit, cui non tenebatur obnoxius. Nec minus disertè id exprimit B. Gregor. Turon. <sup>2</sup>: ita enim ad Regem Chilpericum. Si quis de nobis o Rex iustitia tramites transcendere voluerit, a te corripitur potest: si verò tu excesseris, quis te corripiet? loquimur enim tibi, sed, si volueris, audis: si autem nolueris, quis te damnabit, nisi is qui se pronunciauit esse iustitiam? quibus verbis monet Regē officii, ne summa hac potestate libertateque ad iniuriam subditorum abutatur, Deum iudicem verum & seuerum, si quid perperam fecerit habiturus.*

3 in epist. ad Frederic. Oenobarbum, præfixa Chronico.

Sic Otto Episcopus Frisingensis <sup>3</sup>: *Præterea, inquit, cum nulla inueniatur persona mundialis, qua mundi legibus non subiacet, subiacendo coerceatur, soli Reges, utpote cōstituti supra leges, diuino examini reſeruati, ſeculi legibus non cohibentur. Vnde est illud tām Regis quàm Prophetæ testimoniū, Tibi ſoli peccati. Detet ergo Regem non ſolum animi magnanimitate nobilitatum, ſed & ad cognoscendum creatorem ſuum diuina gratia illuminatum, Regem regum, Dominum dominantium Deum præ mente habere, & ne in manus eius incidat quantum poteſt, modis omnib. præcauere. Cum enim iuxta Apoſtolum omni mortali horrendum ſit incidere in manus Dei viuientis: Regibus tamen, qui nullum præter ipſum ſupra ſe habent quem metuāt, eò erit horribilius quòd ipſi cæteris poſſunt peccare liberius. Hinc Ciuilis & Pontifici iuris periti, vno omnes ore affirmant, Principem ſoli Deo habere de peccato reddere rationem <sup>4</sup>, & ſoli calo debere innocentia rationem <sup>5</sup>, nec poſſe cogi ſtare in iudicio alicuius, ſed poſſe ſemper excipere dicendo: Dominus eſt qui me iudicat. vt docet Barbat. <sup>6</sup>.*

4 can. totam. de poen. diſt. 3.

5 can. aliorum.

9. q. 3.

6 in ca. cum veniſſent. col. 4. de iudic. Vid. Chafſan. part. 5. catal. auſt. 72.

Hæc autem & his ſimilia antiqui Patres non præſenti aliqua errorum confutandorum neceſſitate coacti ( nam idem tunc omnibus de Regibus ſenſus fuit ) ſed prouiderum futurarum ſpiritu aſſati, Chriſtianis animis præmonendis & præoccupandis tradiderunt. Poſtquam verò Sathan VVicleſſum & Huſſum magiſtratibus Eccleſiaſticis & ſecularibus inuſitata rabie inuadendis exuſcitaret; non iam ſinguli ſed vniuerſi ad commune illud Reipub. Chri-

Christianæ incendium extinguendum concurrerunt. Itaque inter alios VVicleffianæ hæresis articulos, damnatus hic est & explosus in synodo Constantiensi <sup>1</sup>: *Populares possunt ad suum arbitrium Dominos relinquentes corrigere.* Cuius concilii celeberrimi autoritatem sequutus paulò post Gaguinus, & ipse vir Ecclesiasticus religiosus in descriptione rerum gestarum Clotarii II <sup>2</sup>. (qui, ut ille ait, <sup>2</sup> Lib. 3. ca. 2. *Rex fuit non mediocriter literatus, patiens admodum, erga Deum timoratus, ad inopes liberalis, clero populoque acceptus*) postquam retulit eius iussu, ut fama est, missos satellites, qui Godinum nobilem Burgundum indemnatum necarent, addidit. *Regibus enim, quandoquidem licentia ut volunt viuendi permissa est, vita quoque & necis potestate ad se traducta, nunc hos nunc illos pro suo arbitrio occidere, fas esse videtur.* Licentiam autem viuendi ut volunt Regibus permissam, & videri fas esse quod faciunt, proculdubio adscripsit, propterea quia inter homines delictorum impunitatem gaudent. Non quòd nullum iustitia alienum, vel aduersum legibus faciens, patrent, sed quòd pœnas commissæ humana coercionem non luant. Alioquin profectò haud quaquam verisimile est, tantum virum, vel per doctrinam ignorasse, vel per religionem, fidem, & Ecclesiasticam libertatem dissimulare potuisse, talia sine scelere non committi, eam quæ viuendi licentiam efficere, ut omnia Regum arbitria sana & sancta esse putentur.

Hoc igitur ad nos dogma, velut per manus traditum, à maioribus peruenit, quod cum à multis lōgo seculorū ordine promulgatum sit & propagatum, atque interim à nemine probo & prudente reprehensum, non potest non videri ab omnibus tam expressa docentium volūtate, quàm tacito audientium consensu approbatum. Proinde necesse est, vel antiquitatem totam in eo errasse fateamur, vel re diuinis legibus consentaneam, regnoque in primis & Reipub. salutarem ea sententia contineri. Itaque quod asserit Philippus Cominaus <sup>3</sup>, Regibus in subditos imperium esse, à quibus arbitrarij suo pœnas exigant: Deo autem in Reges, qui prout visum est, in eos animaduertit: propterea quod alios supra se nullos habent; non dubium quidem, quin id à sui seculi Theologis acceperit, quos se in rebus arduis consulere solitum, alibi satis indicat <sup>4</sup>. Nam ipsum quidem ab aulica assentatione alienissimum esse, & Principū vitia liberius perstringere solitum nemo nescit, nisi qui eū non legerit.

<sup>1</sup> Sess. 8.

<sup>2</sup> Lib. 3. ca. 2.

<sup>3</sup> de gest. Carol. VIII. ca. 50. in fin.

<sup>4</sup> vbi tractat de imper. Carol. VIII. & de Hieronymo Florentino.

Sed



Loquitur de ea  
tempestate qua  
hoc scribebat.  
Boucherius.

1 Brut. quæst. 3.  
pag. 210. & 212.

2 l. in ambigua.  
19. D. de legib. l.  
quoties. D. de  
reb. dub. c. in pæ-  
nis. de reg. iur. in  
§. cum similib.

Sed bone Deus quàm mutati hominum mores quàm in deterius actę sunt res mortalium, si quispiam tale quid hac tempestate in Gallia scriberet aut diceret, quantis illum obstrepitationibus turba furens, & plebicolę omnes exciperent? Politicus est, impius est, atheus est Regis mancipium est, & quid non iniuriarum statim audiret? sed nondum tunc Lutherana vel Calviniana pestis mentes hominum inuaserat, quę diuina simul & humana omnia peruerit: nondum serpsierant hæ morum contagiones, quibus Catholici quidam exemplo insanientium hæreticorum nunc insolescunt, & ad tuendam rationibus rebellionem excitantur. Vim & impressionem populorum aliquando in Principes legimus, audiuius, vidimus: sed licere id populis, pro suo in Principes imperio, neminem ex tot retrò seculorum memoria scripsisse aut dixisse commemini, exceptis iis, quos olim concors illa Patrum orthodoxorū sententia damnauit: cū isti tamen aduersarii nostri non solum toti populo, sed vni alicui ciuitati, imò vni homini præfecto provincię vel vrbi id iuris largiantur, id quę potestatis tribuant vt aduersus Regem crudelius imperantem arma moueat, eum quę vt hostem persequatur<sup>1</sup>. Qua in sententia VVicleffum ipsum dogmatis impuritate non æquant modo, sed superant. Ille enim præcisè dixit, Principem seu Dominum delinquentem à popularibus corrigi posse: quo nomine ipsum populum vniuersum intellexisse putandus est, ne si aliter id verbum interpretemur, vel Synodus VVicleffo, vel nos sanctę Synodo, calumniam struere videamur. Nam cū in ambigua voce ea significatio accipienda sit, quę vitio caret, & rei causam sustinet potius quàm subuertit<sup>2</sup>, sit vt si concilium per vocabulum, *populares*, intellexerit aliquos, vel singulos de populo tantum, atque ideo pronunciatum illud execrata sit, reum iniqua & inuidiosa vocis interpretatione grauarit (cū æquē totum ac pars eo nomine cōtineatur.) quod nec putare quisquam, nec affirmare sine piaculo potest. Sin verò & ipse VVicleffus de toto populo sensit & ita sentientem damnauit synodus: æquē nos sanctis illis Patribus iniuriam facimus, si quod illi de toto decreuerint, nos de parte, quod illi de toto decreuerint, nos de parte, quod illi de vniuersis, nos de singulis tantum accipiamus. Omitto celeberrimū illum Patrum confessum, si eam VVicleffū doctrinam improbasset, non quia idi vniuerso populo nō liceat, sed quia

non

non singulis de populo, ne per eiusmodi licentiam insidiandi Principibus via aperiat, id cum pro sua prudentia, tum astantis Dei Spiritus gratia & sapientia indicaturū procul dubio fuisse, ut scirent saltem Christiani; utrum illud pronunciatum simpliciter: atque omnino, an verò quadam ex parte, & vno tantum sensu intellectum reiiceretur. q̄ cum factu facilimū esset rebus ad amissum & peniculatē examinatis, nec factum tamen ab iis sit qui ut orbi consulerent conuenerunt: Purum id fuisse iudicium, atq; illam VVicleffi enunciationē generaliter utroque modo intelligatur fuisse damnatam, fateri sanè par est.

Quod cum ita sit, cum inquam hunc VVicleffianæ hæresis articulum, & alios eiusdem farinae multos, Patres illi vno omnes ore condemnarint, quorum sententiam Pontifex maximus suā potest authoritate ratam esse voluit (alia enim eius synodi decreta, quæ summum Pontificem neque authorem, neque comprobatores habent, exiguo ad persuadendum, ad cogendum planè nullo in Ecclesia momento sunt) Quis non vel miræ temeritatis, meræque malitiæ, vel inscientiæ & amentię miserabilis esse dixerit, assertionem illius iam pridem explosæ: non similem modò, & maximè geminam, sed sensu prorsus eandem, nunc iterum terendam vulgo atque tenendam proponere? Quid enim interest, dicas cum VVicleffo, *Populares possunt ad suum arbitrium Dominos delinquentes corrigere*: an cum nostris Monarchomachis, populo vitæ ac necis potestas est in Principes suos, ita ut delinquentes in ordinem cogere, plectere, pelle-re folio & abdicare, planeque in ipsos ut in cæteros criminum reos, capitis iudicium constituere possit? nam nō dubium quidem quin quamlibet Regi pœnam vel multam suo arbitratu irrogaturus sit, si cætera concedamus: eccuius enim alterius arbitrio ea res committatur si populus Rege, populo nemo sit superior? Quid igitur isti aliud quam VVicleffus? Nempe quod sectatores & discipuli diligentes solent, magistri sententiam dilatant, & vatis sui mentem breuitate sermonis obscuram, & inuolutam, euoluunt atque explanant. Ac ne ipsi parum profecisse explicando, & interpretes tantum egisse videantur, addūt præterea de suo; non id populo solum vniuerso iuris esse in Principem, sed cuilibet etiam prouinciæ: vel vrbi quæ regni partem constituit: aut ciuitatum rectoribus, cæterisque magnatibus & ministris singulis, quos regni officia-

Monarchomachi sunt discipuli & interpretes VVicleffi.

x Brut. quæst. 3.  
pag. 198. & 210.  
2 cap. 7. supra.

a quæst. 3. p. 212.

4 2. quæst. 7. can.  
non potest.

rios vocant, quibus non secus ac Regi conceditam esse Rempublicam falsò gloriatur <sup>1</sup>. Qua ratione Brutus (cuius delirium antè derisimus <sup>2</sup>) non erubuit affirmare Dauidem pèpercisse Sauli, & fuga sibi salutem quæsisse, cum nullo eum negotio interimere posset *Quia non erat ex optimatibus populi* <sup>3</sup>. Hoc igitur impedimento sublato, consequens est secundum eum à quolibet vno summatum Saullem impunè iurèque cædi potuisse. Atque ita Regem tot supra se iudices, vindicèsq; legitimos habere, quo t infra se & à se constitutos magistratus & administratos habeat. Hæc illa sunt præclara Calvinistarum interpretamenta, hæc ipsorum additiones in vesanū & detestabile illud VVicleffi dogma, quod ab inferis reuocatum furialibus commentariis illustrarunt. Sed qui hærescos vim norunt, talia in eius alumnis nō magnoperè admirantur: cui enim spernax imperii Ecclesiastici animus non clarum de se iudiciū despiciētiae & illusionis civilis Monarchiæ hoc ipso statim præbeat <sup>4</sup>? Illud valdè miror & vehementer etiā doleo, repectos esse ex nostris, qui siue odio in Regem legitimum acerbiore concitati, siue paucorū desideriis obsequendi studio pellecti, tam inconsideratè & intemperanter se recēns ad hanc sectam applicuerunt, vt in ea re Bruti discipulos potius, quam Doctores Catholicos esse credas. Verum iis alias responsa parabimus: cæpta nūc ordine prosequemur.

*Superiorem sententiam de Regum libertate, impunitate, ac supremā in populum potestate, Catholicam & Apostolicam esse, atque perpetuā in Ecclesiæ sententiam. Probat ur etiam ex scriptis Patrum & Theologorum huius ætatis, quæ firma orthodoxorum consensione laudantur.*

## C A P. XII.

**A**Ntiquis istis Patribus (quorum ductu atque doctrina Ecclesiam suam Deus regere, & illustrare ad hæc tempora dignatus est) recentiores nunc & coætaneos nostros, pietate iuxta & eruditione insignes, ac graues inprimis hæreticorum aduersarios, hic adiungam: vt quā nos de Regibus sententiam tuemur continuatam & retentam perpetuā à Catholicis hominibus fuisse cōuincamus. Nam hæretici vbi primū animaduertent infelix illud & pestilens lolium quod Christianis animis infeminabāt, opinione lentius crescere, & serpere tantum, nec se attolle-

re &

re & propagare radices suas per Reges & Principes Catholicos posse, bellum ipsis clanculum & dissimulanter inferre, atque hanc ipsam de summa imperii litem intendere protinus occæperunt: ut abdicatis scilicet Regibus, summum ius atque imperium populis addiceretur, simul etiam pronuntiaretur illos in horum esse mancipio, & ab his posse vi & armis, si secus nolint, ad faciendum vel patiendum compelli. Quorum calumniam religioni & Reip. exitiosam, cum alii, cum duo sacre Theologiae Doctores eximii detexere, Cunerus Episcopus Leouardiensis, & V Vinzetus Abbas S. Iacobi Ratissponæ: atque arcere procul Christianis finibus conati sunt libris laudatissimis, & omnium orthodoxorum calculo approbatis, in eam rem editis. Sed Cunerus quidem pressius & leuius id egit, quia nondum prodierant in lucem recentiores istorum libri, in quibus intolerabilia in Principes opprobria & maledicta postea euomuerunt: ut solent semper esse hæreticorum *δὲ πρὸς τὴν παλαιὰν* *ἡγεσίαν* *ἡγεσίαν* <sup>1</sup>: V Vinzetus verò vberius, & ut res tum exigebat acrius paulò causam illam Regum iustissimam perorauit. Ex horum igitur libris quædam nec verbis mutata, nec interpretatione detorta, huc transcribam, ut Lector Christianus Catholicus si non mihi (qui etsi nihili sum, humilis tamen Ecclesiæ filius sum) magnis saltem Theologis & patribus Ecclesiæ, quorum memoria est in benedictione, fidem habeat. Cunerus itaque <sup>2</sup>. *De Regum & Principum auctoritate*, inquit, *quidam differentes putant eam solum ex placito, ac consensu pendere subditorum, qui Principes eligunt, vel recipiunt, vel saltem in eos acquiescunt: quoniam plenum iustitia & aequitatis est: quem in caput assumunt, ei velut inferiora & subdita membra obtemperent. Cæterum beatus Apostolus qui spiritu scrutabatur profunda Dei, longè altius huius potestatis originem & fundamentum eruit. Non est, inquit, potestas nisi à Deo. &c. quibus ex verbis benè consideratis dilucide patet, quod non ex solo populi consensu, quasi tantum ex pacto inter Principem & populum inito, Rex potestatem & auctoritatem in subditos habet, sed etiam ex ipso diuino iure, & Dei videlicet constitutione: quoniam, inquit, potestas à Deo est, & quæ sunt potestates à Deo ordinatæ sunt: itaque qui resistit potestati, Dei ordinationi resistit, quod grauius & amplius est, quàm solum pactum & fœdus initum violare. Nam si ex sola in Principem consensione populus ei subesse teneretur, iam non obediendo fœderi quidem & pacto, sed non propriè ac directè Dei ordinationi, resistere diceretur, quod Paulus in resistendo proxime & im-*

<sup>1</sup> id est posteriores cogitationes infaniores.

<sup>2</sup> lib. de offic. Princip. Christiani. cap. 5.



diatè violari significat, quoniam potestas cui resistitur à Deo ordinata est: sic ut rebellio non iam contra hominem, sed contra Deum censeri debeat. Et post<sup>1</sup>. Nam ut istis etiam & illud addamus, cum Ioas verus Rex Iuda, ad idola impie relicto Deo declinaret, & Zachariam Prophetam filium Ioiada crudeliter interfecisset, serui quidam Zelo commoti insidiati sunt Regi, & occiderunt eum in lectulo suo: sed iussu ab Amasia sequente Rege ingulati sunt. Scriptura nobis semper & ubique testante, Regibus, licet peccent, per nullam vim vel arma repugnandum esse peccant enim gravissimè si potestatis hac amplitudine abutantur, & vel iuramenta Prouinciis prestita non seruent, vel nimium cupiditatibus indulgeant. Sed pro his criminibus iudicabit eos, quæ Regibus omnibus maior est veritas, & sapientia<sup>2</sup>, quæ ad impios Reges clamans ait<sup>3</sup> Audite Reges & intelligite, &c. Et iterum eodem capite de regia potestate loquens. Cuius quidem potestatis, inquit, licet ex lege Dei simul, & ex iuramentis & pactis sint in exercitio limites & cancelli: nulla tamen pacta vel contractus diuina ordinationi, quæ Rex potestatem suam habet, præiudicare possunt, ut populus aliquando contra Regem suum ad arma conuolare queat. In Principe igitur autoritas à populo solo non est, ei que propterea solus populus ipsam illam autoritatem auferre nequit, indèq; est quod quamuis solutus & liberatus promissione sua videatur populus, tunc cum Princeps fidem ei datam fefellit fregitque: tamen maneat adhuc vinculo diuinæ potestatis astrictus, cuius numen in Principe suo venerari tenetur, quem cum violat, Dei ipsius maiestatem à quo Princeps potestatem accepit violare & contemnere proculdubio censendus est.

Nunc ex VVinzeto quæ sequuntur. *Ais quod ego minimè reiicio*, inquit<sup>4</sup> quoniam suauiter spirat: Regem tuenda humana societatis causâ creari: attamen si ea non præstat propter quæ Rex creatus est, sed potius ea nonnunquam perpetrat quæ Regem minimè decent, indè & quæ humanam societatem dissoluunt, ut malus Rex iure appellari possit: tamen ut continuò propterea quod vrget, tyrannus morte dignus habeatur, nulla ratione tibi concedam. Deinde in eundem Buchananum<sup>5</sup> Reges populi iudicio subiicere conantem ita concludit. Quoniam igitur istius inauditi tui in Reges iudicii, quod meditaris, exemplum nullum in sacris literis extat, sed potius longè diuersum nobis ibidem commendatur, deinde & bezzè informatæ naturæ planè est aduersum, pro nefario & scelesto illud meritò habemus. Et pag. 180. recitato scripturæ loco, in quo Dauid prohibuisse Abisai lanceâ Saulem

1 cap. 7.

2 Esd 3. c. 4.

3 Sap. 6.

4 in lib. qui inscribitur velitatio in Georg. Buchananum.

5 pag. 175.

Saulem perfodere conantem traditur, statim subiicit: *Audis veram Dei veri Prophetæ Theologiam, Regem videlicet quantumuis impium, ipsius Dei iudicio & castigationi relinquendum esse. Nisi Deus inquit percusserit eum, &c. Adeone temerarium putemus fuisse insigni pietate Regem, ut si sciisset sui fuisse muneris, Saulem non minori impietate cominaculatum, & sibi quoque diuina quasi prouidentia in manus traditum, supplicio protinus afficere, ab omni eum supplicio liberum dimissurus fuisset? Minime profectò. Non enim ignorabat ille quàm fuerat iustum & aequum, licet multò postea scriptum, quod de temeraria Regis Achabii indulgentia erga Syrorum Regem Benedadum facta scriptum est. Quia dimisisti virum morte dignum, erit anima tua pro anima ipsius. Qui enim ignorare potuit, cum non ignorauit Saulè ipsum pari de prauaricationis flagitio regno deiectum, seq̃ eo, unde ille deiectus erat, vocante Deo assumptum? Quibus locis quid aliud rectè colligi potest, quam in Regem fidelem quantumuis non dico iniquum, sed & impium manus iniicere nemini licere, nisi à Deo peculiari fortassis accepto mandato (quod interfectoribus Regis Amasia vero simile est contigisse) id se posse confidat: tam reuerenda atque timenda in Dei populo est regia maiestas. Et mox pag. seq. per anthypophoram annectit. At dices forsàn, quod fecerat, Dauid modestia nobis esse exemplo, non autem precepti vim præferre. Ineptis, quæ, te quæso, ratione in Dauide censebitur modestia, quod in ipso Achabo Rege summa habita est impietas? Est enim quasi scelus idololatria Deo monenti nolle acquiescere. Porro quis credat iustissimum & verè clementissimum Regem, quod ipse forsàn modestia & lenitatis ergo inultum in hoste dimiserat, in paupere illo Amalechita alienigena, tam crudeliter vindicaturum fuisse, nisi putasset non licere in Christum Domini violentiã ullam, etiamsi præcepisset, inferre?*

Rursus pagina 190. Etenim duriore iugo pro Regum libidine populum premere, oneribus & exactionibus, cum neque regia dignitas, nec tuendi regni necessitas id postulat, eundem onerare, ut quandam tyrannidem, esse ingenue fateor eam tamen tyrannidem qua iustam causam populus sibi credat rebellionem in Regem excitandi, eumq̃ è suo throno deturbandi, ceteraq̃ tentandi (quæ toties repetere me valde tuo nomine & pudet & piget,) uti ego nunquam fatebor, ita tu nunquam rationem vel auctoritatem, qua quis tantam temeritatem sibi iure aggrediendam fateri debeat, ostendes. Qui enim id fieri posset, cum Spiritus Dei dicat hoc esse ius Regis? de quo nimirum Rex, non populus iudicium feret, si aqua moderatione populo imponantur ea tantum, quæ ad regiam digni-

Qua ratione dicatur hoc esse ius Regis li. 2. ostendimus, & cap. 6. hoc lib.

tatem populi, regniq; libertatem tuendam sint satis. Minus enim malum prouiderat ipse pacis auctor regno futurum, si Rex immoderatus aliquando impune se erga populum gereret, quam si populus iudex & ultor regia iniquitatis, pro sua libidine existeret. Quare prouida benignitate Calvinico spiritui occurrere voluit, contestando hoc esse ius Regis in populum non populi in Regē: atq; ita propter eiusmodi onera nemini in Regem rebellionē excitare licere.

1 ibid. pag. 192.

Quæret <sup>1</sup> hic quispiam à me, quid interesse putem inter ius illud Regis de quo iam egimus, & inter ea quæ de creando Rege, Regisq; munere prius scripta erant in Deuteronomii libro. Quæstio ex verbis utrobique scriptis mihi quidem videtur esse facilissima & hac esse utriusque rei summa: in historia quippe Regum senerè populo interdici, ne propter onera illa, quæ ibidem commemorantur, aut similia, immitiūs aliquando licet sibi imposita, in Regem aliquando, quem sibi petierunt, fiant rebelles: in Deuteronomio autem ne Rex superbiat, & sic in populum durior euadat, tum si peccet rebellionē in Regem populus, Regem esse iudicem: si verò Rex in populum, Deum futurum ultorem.

2 pag. 202.

Et mox eadem pag. Regem autem si suo muneri non satisficiat, non furori populi, sed ipsius Dei iudicio committendum esse, sicut colligo ex senectis supradictis, ita & ex lege in Deuteronomio de ipso Rege lata &c. Et paucis interiectis <sup>2</sup> Certum est, omnem prauaricationem & inobedientiam accepturam esse iustam mercedis retributionem: non tamen ordinante Deo, nisi à legitimo iudice. Hunc Regibus esse solum Deum, modò ex diuinis literis litem definiri studeas, donec tu aliud ostendes, esse asserimus.

Deinde pag. 266. Quid pluribus insisto? cum tu nescire nō potes in regno esse solum Regem, à quo tanquam à fonte, omnis in politicis rebus potestas dimanat, omnesq; dignitates & magistratus profluunt. Neque quisquam, nisi tuo spiritu, certum est, inflatus, Regem in seculari administratione negabit, quamdiu Rex manet, iudicem esse iudicum, nec eum in illā alicuius praterquam solius Dei iudicio subiectum esse.

Et pag. 272. Caterum cum bona leges omnes, vel diuinitus vel humanitus datae, ad hoc spectant maximè, ut in Repub. tranquille, pacifice, & pie inter ciues viuatur, eaq; vitentur maximè, quæ maximum periculum ipsi Reip. important. vide mihi si patienter ferre unius hominis improbitatem, mœchiam, auaritiā, ebrietatem & rapacitatem, addo & idololatriam (qualem sustinuisse ostendimus Hebræos in Salomone) ac etiam apostasiam, qualem itidem iam docuimus Christianum exercitum pertulisse in Iuliano, sit melius, tutius, & securius, quam omnia Reip. membra inter se

commit-



*committere, & rerum summa summis obicere periculis. Nō enim tam perdit a vita poterit esse Rex, quin plurimos ex omnibus regni ordinibus sibi habeat satis coniunctos, quorū ope adiutus, sine cruentis cadibus in ordinem redigi non poterit. Atque hæc quidem & similia eo in libro cui censorium hoc Decani Theologice facultatis elogium in fine adscriptum est.*

*Scriptum hoc tanquam Catholicum, pium & eruditum typis dignum esse censeo.*

Ex altero verò, cui Flagello Sectariorum nomen, quique aliorum similiter Theologorum commendatione diuulgatus est, sequentia ad verbum descripta sunt I.

I pag. 35.

Seruiunt Deo Reges, atque alii Principes homines, duplici quidem ratione: vel quatenus ipsi sunt Christiani, vel quatenus Principes Christiani populi: priore certè modo in seruanda nimirum sana illa orthodoxa & Catholica fide, quam ad sacrum baptismi lacuum fuerant professi, cum totius vitæ innocentia, non minus ipsi Deo seruire tenentur, quam quicvis alii. Nam sicut qui seruus ad Euangelii gratiam in Domino vocatus est, seruus est Domini: similiter qui liber vocatus est, seruus est Christi. Verum si Princeps hac parte non plenè seruit Deo, sed committit forsitan priuatim vel palam, quicquam diuina lege prohibitum, atque ita quidem Deo aduersatur, & cum facto negat: an continuo sibi subditi propterea obedientia iugum excutere possunt? Non opinor, nisi miseram & seruilem magis Regū conditionem ineptè credamus, quàm illorum de quibus scribit Dominus: Quodcunque dixerint vobis facite: secundum opera verò illorum nolite facere. Quod si aliter

Alludit ad fontem anserinum Hui.

Satan i. reus sentit, ostendit se Hussitam esse, & anseris sui strepitum magis, quàm hæc clara voce Domini oblectari.

Et infra ibidem cum hæretico conflictans<sup>2</sup>. Deinde quod<sup>2</sup> pag. 99. addis, inquit, si verò dolis agat Princeps aduersus veritatem serpentinā prudentiā, rursus est ipsi resistendum, utrisque vbius amplexor. Nam verò Christiani non minus prudentes in bono, quàm simplices in malo esse conuenit. Sed quod tandem de gladio asseris. Si veritatem inquires, gladio Princeps persequatur, eodem gladio populum veritatem defendere oportet. Libenter cuperem istud expresso Dei mandato (sine quo aliàs crebrò docetis nihil in religione tentandum) à te ostendi. Videor enim mihi animali saltem spiritu concitato, aliquid tale probari posse, summo perè velle: sed occurrit mihi statim illa Domini sententia<sup>3</sup> suff. 3 Matt. 10. facit discipulo, ut sit sicut magister eius: si me persecuti sunt & vos persequentur. Multa sunt eiusmodi, quæ ut cū Christo propter iustitiā



patiamur, ut illius crucem ferendo tollamus, atq; postremò Euan-  
gelicam gratiam, Christi q; virtutes liberius confessione ad mor-  
tem usque constanter annunciemus: Sed ut pro Christo gladium  
aduersus magistratum cum Petro tollamus non lego. Et pag. 89.  
Dum regni tuendi vrget necessitas, potest absolut à suâ libertate  
Rex quacunque in regno habentur, ad regni (cuius ipse, ut à Deo  
sibi dati verè Dominus est) defensionem conuertere: neq; tunc, ne-  
que aliàs uquam populus Regi, sed semper Rex populo est à Deo  
iudex constitutus.

Et pag. 93. Porro fingamus ita esse, quod deliri isti iam somni-  
ant Christianum aliquem Regem in nonnullam idololatriam, ad-  
do etiam in apostasiam delabi. Et subditos quoq; pro virili, in ea  
scelera secum pertrahere studere: licet ne continuo subditis bello ta-  
lem Regem aggredi, regno eicere, aut morti tradere: licet profectò,  
si Dei verbo precipitur: licet, si idem ius populo in Regem hoc casu  
concedi probetur à Deo, quod Regi in populum. licet postremò, mea  
quidem sententia, si aliquo probato exemplo, vel in vetere, vel in  
noua lege, ostendatur hoc foeliciter & cum laude factum aliquan-  
do fuisse. Sed cum nihil horum, nisi fallor, ostendi possit, quid ob-  
stat quo minus tutiorem, & propinquiorem viam saluti & no-  
stra & patria potiùs inquiramus, quàm cadibus & sanguine o-  
mnia funestemus: quam direptionibus & spoliis terram in solitu-  
dinem redigamus? Nunquam enim contingit, ut à legitimo Rege  
quantumuis improbo, & tyrannicè imperante regnum ita dissipe-  
tur, ut intestino bello, maximè autem subditorum in Regem re-  
bellione dissipari solet.

Deinde paucis lineis interiectis addit. At quid dixi ego  
eam rem esse in religione dubiam, de qua aduersarius nihil ad su-  
um institutum proferre valet è Scripturis? Si populo potestas est  
castigandi Regis à Deo concessa, è qua Scriptura? Taceo ego, quod  
repugnet natura & ordini rerum, ut corpus dominetur in caput,  
ut pedes oculo monstrent viam. Sed adduxit scripturam de sac-  
dere illo quod Dei sacerdos in coronatione Regis loas inierat, inter  
Deum, Regem, & populum. Quid multa? si nihil aliud habet,  
nihil omninò pro se habet: imò contra se, quod habere putat, im-  
putenter in medium adfert. Nam si accepisse se populus in Regem  
potestatem existimasset, an non aliquando, & tunc maximè cum  
idololatriam loas ipsemet manifestum se prodidit, illud ipsum ar-  
gumento aliquo significasset? aut si populus Hebraeus quouis  
tempore à Moyse ipso, ad Christum Dominum hominem fa-  
ctum, penes se hoc ius esse credidisset, cum tot essent idolola-  
tra Reges, & in Iuda, & in Israel, an verisimile est eos perpe-  
tuo

Quis sit eius  
foederis sensus,  
& quomodo im-  
pleri debuit, &  
potuit eruditè  
explicat, eodem  
lib. pag. 77.

*tuò sua iura dissimulasse? At dices ipsum Ioas Regem à servis suis percussum fuisse. Ita est. sed à quibus servis, an à statibus regni, an à ducibus provinciarum, an à populo suo? Nequaquam, sed à duob. proditoribus, non quidem genere Israelitis, sed alienigenis, Iozachar Moabita, & Iozabath Ammonita.*

Et mox pag. 96. postquā ostendit ex Apostoli præcepto, populum Regi subditum esse oportere, non solum propter iram, sed etiam propter conscientiam. Si dicas, inquit, *ita resistendo te non malè agere, sed rectè, pie, & sanctè sinceram Dei Religionem vindicare, vel tuo spreto sanguine studere. Sed id negat Rex qui tibi iudex est non tu illi: negant & Dei Sacerdotes, qui non minus Regi in religionis negotio iudices sunt, quàm tibi: negat & tota fidelium antiquitas proinde & Dei Ecclesia, quibus palā convinceris esse rebellis Deo, Ecclesie, & Regi, atque idèò eternam damnationem tibi, nisi maturè resipiscas acquirere. Verum finge ita esse ut iam dictum est, Regem esse iniquissimum, impium, imò & idololatram, addo & Apostatam, ostēde tibi gladium aduersus illū à Deo concessum esse: Nam si gladio percutias, iterum dico, nisi gladii potestate sis donatus, gladio te iustè periturum declaras.*

Quid plura? talium plenus est liber ille, qui totos iam sedecim annos & amplius per vrbes & ora hominum volitās Euangelicam veritatem continere, & ad religionis Christianæ, & fidei Catholicæ propugnationem propagationēque pertinere, atque ipsorum in primis hæreticorum furibundis conatibus & coniurationibus obuiam ire, & incōmodare creditus est: ita ut priusquàm exiret in publicū, hæc aliorum Theologorum testificatione sit commendatus.

*Cum liber iste non modò nihil contineat, quod Catholice doctrina repugnet: sed pleraque subditorum erga suos Principes officio: item de Ministrorum doctrina & vocatione doctissime explicet, dignissimum iudico, qui prelo committatur. Ita testor ego.*

GEORGIUS LAVTHERIVS.

*Nihil habet tractatus iste sancta Romana Ecclesia contrariū Reip. Christiana offensuum: sed multis de causis dignus est, qui typis mandetur, & ad multorum manus perveniat. Ita testor.*

Ego GASPAR FRANCIVS D. Collegii Theologici  
pro tempore Decanus Ingolstadtij.

CC 5

Addu.

*Adducuntur alia quedā memorabilia ex eodē Doctoris VVinzeti libro, quibus Ecclesia iudicium & praxim hac de re luculenter & sciūt nobis ostendit.*

## CAPVT XIII.

**Q**uanquam superiore cap. modum mihi & finem describendi R. Patris VVinzeti testimonia fecisse visus sum, quatenus ad eam rem quam tractamus necessaria videbantur, nec in iis recensendis vltius progredi hoc libro cupiebam. Tamen cū hinc eius viri autoritas, qui donec spiritum communem duxit multos vitæ integritate & pietate anteibat, à paucis etiam doctrinæ studio, & sacramentorum literarum cognitione, atque rerum experientia superabatur: illinc verò hominum cum quibus conflictamur partim malitia, partim inscitia animo & oculis obserarentur, è re esse existimaui quedam alia adhuc ex eodem libro in hunc locum transferre, vt Christianis omnibus illustri sint documento, vel non Catholicum & Apostolicū esse, quod de Principibus in ordinem cogendis, deque populi in eos iure & potestate homines temerarii ne dicā temeratores, recens commenti sunt: vel ad vnius aut alterius Principis mutati ingenium, mutatam Ecclesiæ Dei & verbi cælestis æternam doctrinam, nefas dictu fateamur. Quippe huius S. Patris scripta antequam emitterentur, publicis, vt ostensum est, ad sinceritatis fidem faciendam testimoniis ornata nulli Catholico non grata in primis & rata fuisse constat: quæ ita tamen istis publicolarum scriptis ex diametro opponuntur, vt veritas in vtrisque, ni secum ipsa pugnet residere non possit. Equidem arbitror neminem sani & integri sensus Catholicum, tam esse auersum à vero & salutis negligentem, vt cū ista seridè & sedatè perpendit, non malit pium Archimandritam & peritum Theologum (imò multos peritos probosque quibuscum ille cōspirat) huius rei ducem sequi, quàm aut Buchananum & Brutum contra quos ille nō alia de causā, quam fidei Christianæ & Catholicæ Religionis tuendæ studio, vt manifestos hæreticos differuit: aut Boucherium qui vel hoc ipso cunctis suspectus esse debet, quod in medio belli ciuili ardore, tumultuosis concionibus tumultuosos, imò famosos libellos adiecerit, in quibus aliquo honestatis & necessarii officii, atque etiam publicæ vtilitatis integumento scelera & coniurationes populares ad quas ipse se adiunxit,

inuoluere

inuoluere conatus est: vt mirum non sit, si quarum ipse excitandarum velut turba, & alendarum nutritius exitit, de iis protegendis summam curam & sollicitudinē adhibuerit: & qui se in Maiestatis crimen cum cæteris suæ factionis incurrisse certò cognouit, Maiestatem ipsam, verbis extenuare, atq; infra multitudinis potestatem constituere laborarit.

Illum igitur Theologum audiamus, qui postquam ostendit nihil vnquam à Christianis in Principes suos ethnicos tentatum, quod coniurationis & rebellii speciem haberet, nec inde tamen rectè colligi, bello aduersus Turcas desistendum, in quod & separatim singuli & coniunctim omnes Principes Christiani totis viribus incumbere debent, non vt ad fidem cogant infideles, id enim à Catholica religione alienum est<sup>1</sup>, sed vt eos Christianis sedibus, quas iniuria occuparunt, iure deiciant, atque ita iugi & iusto bello, iustam fidei amplectendæ occasionem præbeant. Sequentia de Principibus qui Christo nomen dederunt, & in hæresin post, vel apostasiam delapsi sunt, ad verbum subiicit<sup>2</sup>.

<sup>1</sup> C. Maiores. §. item quæritur ext. de baptismo. cap. ad fidem 2. 3. q. 5. can. de Iudeis. 45. dist. 2 pag. 100.

*Sed ommissis iam infidelibus, paganis seu Mahumetanis Principibus, cum ostendi ab aduersario non possit, Christiano populo aduersus Regem, Casarem aut vllum Principem Christi semel mysteriis initialum à Deo ipso (cuius solius propria est hac ordinatio) vlla in re gladium commissum esse, asserat tamen ille Dei verbo id clarè doceri: an non addere Dei verbo propterea arguitur? an non iuxta scripturas mendax, & dignus his plagis, quas minantur Sacra litera iis, qui Dei verbo addunt aut detrahunt conuincitur? Si verò Ecclesia iudicium & praxim hac de re examinare libeat, non poterit id opinor nobis clarius constare, quàm primum ex duob. illis Cesaribus Constantio & Valète: qui à Catholica religione, in qua fuerant à teneris educati, ad Arianismū, (quo errore nescio si quis alius extiterit aliquando tetrior, aut Ecclesia pestilentior) fadissimè aberrarunt. Quid interea aduersus istos consilii pii Christiani cœpere ex Ecclesiastica historia patet: ex qua nemo colliget Catholicos incubuisse, vt virtute bellica errantes Principes in viam renouarent, sed multo magis vt singulari quadam modestia inuictaq; constantia in se Deum veritatemque habitare docerent. Sed forsā nullis iniuriis fuerant ab erroneis illis prouocati. Plurimis profecto atque in grauissimis. Legitur enim Constantius ille, vt ad cōsensum Ariana hæreseos Catholicos cogeret, strenuam nauasse operam: & cum conuocato Mediolani concilio, incautorum plurimos fraudib. inestasset, fortioresq; atq; eruditiores cum nō posset, in exilium*



lium trusse interea eorum precipuos, sanctissimos nimirum Episcopos, Dionysium, Eusebium Paulinum, & inter alios magnum ipsum Ecclesie lumen Hilarium. Et de valente quidem ibide paulo postea ita scribitur: Sed Valens fauens Hæreticis, abiit in viam Patrum suorum. Nam & Episcopos egit in exilium: & Presbyteros ac Diaconos & Monachos (Taziano Alexandria presidente) usq; ad tormenta deduxit, & ignibus tradidit: imò Monachos, ut alio loco traditur, militare nolentes, fustibus interfici iubet, multaque nefanda & crudelia in Ecclesiam molitus est. Huius denique tyrannide protecti Arrianorum Episcopi non aliter deservire in Catholicos, arctiore potissimum religionis vinculo astrictos, sacratas utique Deo virgines & monachos, quàm hac nostra tempestate Sacramentariorum ministri &c.

Deinde multis ex historia Ecclesiastica de Valentis crudelitate, & Catholicorum patientiâ, enumeratis ita concludit. Recenset & alia ibidem in huius spiritus testimonium, magis forsan admiranda, quibus tamen enarrandis brevitatis iam causa supersedeo: sed hac lege, ut concedat mihi aduersarius, si fuerat in piis illis Patribus spiritus Dei, esse in ipso & in Sacramentariis regnorum iam eversoribus spiritum impurissimum Ariatorum, aut potius Mahumetis, qui se huius exemplo missos esse, non obscure innuunt: ut gladio nimirum furoris, religionis veritatem, nobis quasi postliminii iure tandem restituant. Moxque istis sine intercapedine subnectit.

Omissis nunc Ariatorum: siue in oriente siue in Africa, immanibus & cruentis saepe tragediis, dicet fortassis quispiam, tamen si orthodoxis subditis in suos Reges & Principes hæreticos, nulla vel Scriptura autoritate, vel piorum veterum exemplo, insurgere licet: in eosdem tamen vel crudeles persecutores, vel idololatrias vel apostatas, id licet maximè. Et certe huius rei veritas, si praxim Dei Ecclesia (nam è Scripturis perspicui adferunt isti nihil) spectemus, facilius iudicari non poterit, quàm ex uno illo Iuliano gloriosissimi Constantini ultimo dedecore (erat enim is illius familia in principatu ultimus) Hic enim humanis siue Philosophicis, aut Diabolicis potius studiis dementatus, incidit in illud barathrum impietatis & Apostasia (cuius infami nomine in hunc usque diem notatur) in quod nullus Imperatorum, sed nec aliorum Christianorum Principum, ante vel post eum incidisse traditur. Quid verò tunc Christiani subditi? ad qua arma sese proripuerunt? non utique ad alia quàm qua sunt Christianorū propria. In carne enim cum ambularent, non secundum carnem militauere. Et militauerunt tamen felicissimè, tamen si non induti arma militia, quibus solent iā

*Sacramentarii : non carnalia quidem ista , sed qua Deo & diuina virtute potentia essent ad destructionem munitio-  
num , quas hostis humani generis , in cordibus vel infideli-  
um , vel haereticorum , ac etiam apostatarum , extruere solet .  
His certè tunc armis consilia & cogitationes impii Iuliani , sine  
sudore & sanguine , vel suo vel alieno , facillimè dissipauere : sicut  
solet semper Dei Ecclesia gladio spiritus scuto fidei & precum , &  
reliqua spiritali panoplia , subito prater hostium opinionem humi-  
liare omnem altitudinem extollentem se aduersus scientiam Dei .  
Nam ille , cum in altissimo huius mundi throno positus , horrendè  
in modum aduersus scientiam & veritatem Dei Ecclesia manife-  
statam , & ipsi aliquando probatam se extulisset , contra Christia-  
nos multa impiè subdole , neque minus aliquando crudeliter , tam-  
etsi clementissimus dici voluit , designasset : honoribus eos exuens ,  
scholas habere prohibens , Clericos & Pastores ad militiam , ut grex  
dispergeretur , pertrahens Paganis ubique templa rursus sua , suaq;  
gymnasia aperiens , nec non & Iudaos postremò , in Christi Chri-  
stianorumque contemptum ad restituendum Ierosolymis semel di-  
rutum templum , munificentia magna , licet frustrarenuocans : dum  
Alexander ille Macedo , fastu elatus dici vellet , fidelium precibus ,  
non sclopetis , miserrimus inter suos hasta confossus extinctus est .  
Instituit enim aduersus eius impietatem Ecclesia suam firmissimam  
quidem militiam . solemnes utique supplicationes : quarum robore  
ita de hoste immanissimo triumphauit , ut nesciret exercitus , à quo  
irucidari sui Ducis reposcere ultionem : quo factum est , ut Calix-  
tus eius familiaris , qui illius historiam heroico versu conscripsit , nō  
abs re à Damone eum vulneratum interiisse existimauerit .*

*Nunc superesse disquirendum solum modo videtur , si Christia-  
ni ubique terrarum tunc temporis solo timore , & diffidentia sua-  
rum virium , sibi & sancta nostra religioni tam detestanda fieri ab  
Apostata homine , quantumuis alioqui prepotente permiscrint , an  
diuino potius metu , ne gladium tollerent in eum qui potestate pu-  
blica , ac Dei proinde ordinatione gladium ipse portaret : cum nihil  
sibi de iure gladii traditum diuinitus intellexerint . Si quantum  
Christiani numero & viribus , tempore etiam martyrum , nedum  
atate Iuliani voluissent , modo Calvinico spiritu fuissent accensi ,  
testimonio coaceruare placeret , ingens inde volumen excreceret :  
paucula quaedam igitur ex multis in medium afferam . Quid sen-  
serit D. Aurelius Augustinus , qui paulò post Iuliani exitum fletu-  
it , ea de re non nihil supra innuimus , qui alio loco asserit <sup>I</sup> , vix quē-  
quam suo seculo usquam inueniri , qui de Christo male loqueretur .  
Sed de tempore Martyrum vnum aut alterum testimonium ad-  
feremus .*

Tract. 27. in Io-  
an.

r lib. 9. ca. 6.

a in Apol. ca. 37.

feremus. Primum igitur Eusebius<sup>1</sup>, ex oratione Luciani martyris probat, mediam partē orbis, superata iam tum immanissima Diocletiani persecutione, Doctrina Evangelica astipulatam fuisse. Deinde Tertullianus<sup>2</sup> multò antea, tempore nimirum Seueri Principis, circa annum salutis 220. in defensionē innocentie Christianorum describit, quod si ipsi læsi parem vicem hostibus, quod illis prohibebatur, referre voluissent: quantam internecionem illis & cladem inferre numero & viribus, nonnunquā & clandestino igni potuissent. Sed absit, inquit, ut igni humano vindicetur diuina secta, aut doleat pati, in quo probatur. Si enim hostes extraneos, non tantum vindices occultos agere vellemus, deesset nobis vis numerorum & copiarum? Plures nimirum Mauri & Marcomani ipsique Parthi, vel quanta cumque unius tamen loci & suorum finium gentes quàm totius orbis? externi sumus & vstra omnia impleuimus vrbes, insulas, castella, municipia, conciliabula, castra ipsa, tribus, decurias, palatiū, senatum, forum. Sola vobis reiinquimus templa. Cui bello non idonei, non prompti fuissetus, etiam impares copiis, qui tam libenter trucidamur: si non apud istam disciplinam magis occidi liceret, quam occidere. hac ille. Ex quibus verbis licet colligere aliud Euangelium iam mundo illatum esse, quàm initio fuerat annunciatum. Nā quod prius omnia propter Christum etiā à quibuscumq; perferre docuit: posterius verò nullas nō clades etiam supremis potestatib. moliri & inferre dolis & armis, non solū eos qui aliter de religione sentiunt, sed & Malcontentos aliquādo istos perdocet: nam & hiore huius pestifera gratia sunt perfusi. Sed ad Iulianū ipsum redeo qui tā numerosum in Persiā dēclarat exercitū: suspicari non immeritò iam posset quispian potuerintne tunc temporis Christiani armorum virtute quicquam in Apostatā tentare? Qui scrupulus facile depellitur, si quis sibi persuadeat quod res erat, quodq; hic obseruatu dignissimum est, exercitum istum non fuisse perfidia Iulianum, sed religione Christianum. Nam cū impius per triennium tantū imperium tenuisset, Constantini Constantique exercitu ducendo successit potius, quàm suo ipsius prefuit, id quod diuina quadam providentia factum esse, erigq; constatum voluisse videtur supremus ipse orbis moderator, ne faciliē seditiones populus, quauis præfisa causa in legitimum Principem in summā Reip. perniciem bellum mouere iussu se putaret. Nam si contra tam insignem omni impietate virum, Christianus exercitus nihil imperiosè sit molitus, quis nunc sibi in animum inducat, ut quouis præfeso errore, aut vitio, licere vasallis & subditis in suum Regē aut Principem rebellionem concitare, eiusue detrectare imperium? Sed de his quæ à nobis asserta sunt audiat gravissimi authoris D. Theodo-



vari testimoniū, qui de electione optimi Imperatoris Iouiniani verba faciens, disertè quidem hac omnia contexit.

Post interfectum, ait, Iulianum, Duces una cum Praefectis in unum coacti, iniungere consilium, quis ad regendum imperium diligendus esset, & quis tum ad militum salutem in hostili solo sapientia & consilio providendum, tum ad recreandum statum Reip. Rom. in acie nouacula, ut dicitur, ob Iuliani iam mortui temeritatē positum maximè idoneus videretur. A quibus uero de hac re deliberatum erat, exercitus in unum congregatus Iouinianum postulat Imperatorem, qui neque Dux, neque ex eorum numero, qui secundas post Duces obtinebant, fuerat: sed tamen vir apprimè nobilis, illustris, & multarum rerum causa insignis. Nam corpore robustissimo fuit, animoque excelsio, quin etiam in bello gerendo solebat & in acrioribus certaminibus facile primas ferre. Porro contra impietatem libere loquebatur, tyranni potentiam contemnebat, animi propensione seruatoris Martyribus coniungebatur. Itaque Duces consensum exercitus uelut suffragationem arbitrati, producunt in medium praestantissimum illum virum celeberrimè primo iuggesto constructo, in eo collocant. Deinde cum omnes nomina, quae sunt Imperatorum propria, ei tribuissent, & Augustum ac Caesarem appellassent, vir ille admirabilis, sua consuetudine loquendi, uisus est libertate & neque magistratus, neque milites, ut ad deteriorem partem deflecteret omnino ueritus. Non possum, inquit, cum sim Christianus eiusmodi hominibus imperare, neque regere Iuliani exercitum, qui tam pestifera doctrina praeceptis imbutus sit. Nam qui sunt ista instituti, hi diuina destituti prouidentia, tum ab hostibus facile expugnari, tum iisdem materiam ad latitiam praebere solent. Quibus uerbis auditis milites cōclamare uno ore, ac dicere: ne animus tibi Imperator ulla est uet dubitatione, neque nostri imperium, tanquam improbum, deuites. Nam & Christianis hominibus, & disciplina uera pietatis educatis imperabis. Siquidem qui sunt inter nos aetate prouectiores, hi à Constantino eruditi erant: qui autem adolescentiores, illi praeceptis Constantii instruebantur. Tempus certè Iuliani imperii, qui iam morte occubuit, ut perexiguum, ita non satis ad erroris perniciem, animis eorum, qui eadem infecti erant, altius infigendum fuit.

Quo loco obseruandum est hic Christianum exercitum nihil fecisse aliud in noua lege, quàm quod typo quaedam adumbratū erat olim in uetere. Nam ut impius Rex ille Saul sauebat olim iniquissimè in Dei Sacerdotes: ita Iulianus in Christi fideles, gentem sanctam regaleque Sacerdotium: sed ille cruentis cadibus, hic autem dolis, & iniquarum legū tyrannide: non quod abhorreret hic magis



à sanguine, quàm cruentus ille, sed quod sciret Ecclesiam, quàm extinctam summopere sitiebat, martyrum sanguine crescere magis, & corroborari, quàm infirmari, aut excindi: & sicut ille suis servis Deum timentibus frustra præcepit, ut sacerdotes Dei ipsi interficerent: sic Iulianus frustra suo fideli exercitui, suasisit ut Christianos uspiam opprimerent. Verùm ut serui illi regio mandato nulla vi armorum obstitere, quo minus Doeg Idumæus, præcipiente Rege, Dei sacerdotes interficeret: ita nec exercitus Christianorum ulla rebellionem Casari, licet idololatra & apostata, in fidelium fratrum defensionem sese opposuere. Existimauere enim illi Christi agnelli satius multò esse, ut iusti iniuste à Casare propter veram iustitiam paterentur, quàm ut ipsi Casaris auctoritati vim ullam, licet impie agenti, ullius fucata iustitiæ prætextu inferrent. Quid quæso secum cogitare potuere fideles illi de suo Casare aliud quàm fidelis Dauid de iniquissimo Saule cùm diceret? Absit hoc à me, ut mittam manum meam in Christum Domini. Et nisi venerit dies eius, ut moriatur, aut descendens in prælium, & cætera quæ iam commemorauimus? Eat igitur nunc aduersarius & querat, quando? quibus? & quousque Principi contra ipsorum Euangelicam legem agenti, vel ipsorum Ecclesias vastanti, vel quo minus extruantur impediendi, resistere concessum sit? Hactenus ille pietate, & scientia clarus, atque exul religionis ergo: cuius doctrinam cùm antiqui Patres Ecclesiæ, Martyres & confessores, tum primitiæ Martyrum Anglicorum sub Henrico VIII. verbis factisque mirificè confirmarunt. Hi enim cùm ab illius infestissimi Ecclesiæ hostis satellitibus crudeliter ad supplicium raperentur, conuersi ad circumstantem nobilitatis & vulgi multitudinem, hortamur, inquirunt, vos, & rogamus suppliciter, ut in fide & religione constanter, dum vita vobis suppetit permaneat, Regique fideliter seruiatis, & obtemperetis in omnibus quæ Dei Ecclesiæ Catholicæ præceptis non aduersantur.

Audis Boucheri, te enim hîc appello, audis non hæreticos, non aulicos, non ut tecum loquar, politicos; sed Doctores Theologos, & sanctos Dei sacerdotes, partim seculares, partim vitæ monasticæ deditos, rei que publicæ, & tranquillitatis Ecclesiæ apprimè studiosos, huius noui dogmatis tui capita, Ecclesiæ Catholicæ iudicio & praxi, atque antiquorum Patrum exemplis doctrinaque conuellent, atque eo quidem tempore, quo nullum ad rebellionem opportunius, vel si per Dei mandata licuisset, magis necessarium Ecclesiæ Catholicæ ab eius primordio vnquam extitit,

titit. Quo magis miror te hominem vulgi opinione non vulgariter eruditum, & quod maius est, Christianos homines catholicè docendi munus adeptum, ab hoc Ecclesiæ calle, sine causa, & sine exemplo, in hæreticorum semitam diuertisse. Nam tu primus omnium in Ecclesia Dei, populis in suos Principes ius ac potestatem summam tribuere conatus es libris in eam rem editis, nullâ nec ratione nec auctoritate suffultis, idque faxo videant omnes, ubi ad tuorum librorum anacrisin fuerit peruentum. Cæterum neque sancti illi patres, quorum iam dicta retulimus, neque nos his libris quicquam aduersus summi Pontificis auctoritatem, potestatemque spiritualem differimus, quem vnicum totius Ecclesiæ Dei in terris caput, & Hierarcham, inque eo principatu verum, vnicū & legitimum B. Petri successorem esse, constante fidei professione asseuero.

*Iuris interpretum de hac re sententia. explicata quaestio, an Reges non nisi ex legum præscripto ius dicere possint, & quod aliis dicunt, id in se cogantur admittere. Nihil tam simplex & apertum, quod à vafriis hominibus per interpretationem non obscuratur. Jacob. Cuiacius & Henr. Stephanus reprehensi.*

## CAP. XIV.

**R**eliquum nunc est, ut ciuiliſ scientiæ peritos, iuris vtriusque nimirum interpretes & Doctores, de hac re percontemur, quidque ipsi de ea senserint audiamus: non quòd sententiæ tot diuinis, Propheticis, Apostolicis, atque ecclesiasticis præceptis, institutisque traditæ & corroboratæ aliquid ad perfectam confirmationem deesse videatur, neque etiam quòd obscurum sit, quantâ animorum & voluntatum consensione iurisconsulti omnes ad eius defensionem accurrant. Sed ut lector intelligat nullum genus hominum in Repub. honestioribus disciplinis excultum reperiri, quod non hanc doctrinam vel tradiderit, vel traditam libenter sit amplexum: ac ne festinantem demo-

remur, dum singulos ei ordine recenseamus, quæ sit Iuris Doctorum hac in parte sententia, ex Speculatore, <sup>1</sup>. Bartolo, <sup>2</sup>. Baldo, <sup>3</sup>. Paulo Castrensi, <sup>4</sup>. Ludou. Rom. <sup>5</sup>. Alex. <sup>6</sup>. Chas-  
1 li. i. ti. de legib. §. nunc ostendē- dum. & li. 2. ti. de fer §. i. in fin. 2 in repet. l. oēs populi D. de iust. 3 in præm. feud. & 4 cōf. 282.  
**Dd**  
 & iur. l. digna vox C. de legib. l. omnes C. si cont. ius vel vtil. in c. Eccles. s. Maria vt lit. pend. & c. cum super de caus. possell. & propr. 5 in l. imperium. D. de iurisdic. 6 li. i. cōsil 2.

1 de glor. mundi san. 1 Felin. 2 Alber. 3 aliisque magni nominis interpretibus facile discet. Papam scilicet & Principem ex certa scientia supra ius, contra ius & extra ius omnia posse. Atque in Principe quidem esse plenitudinem potestatis, & postquam aliquid vult ex certa scientia, neminem posse ei dicere, cur ita facis? Et solum Principem constituere legem uniuersalem, populum verò legem particularem. Et quod cum Princeps sit causa causarum, non est de eius potestate inquirendum, cum prima causa nulla sit causa: quoniam id quod primum est, aliud ante se habere non potest. Et esse crimen sacri regii instar, disputare de potestate Principis 4. Et principem esse legem animatam in terris. Et Principem solum posse condere statuta, licet humanum sit, quod consilio Procerum utatur. Denique Principem posse tollere leges posituias, quia illis non subiicitur, sed illa sibi. & Deum Principi leges subiecisse, & nullam legem eius Celsitudini imponi posse. Et licet de iure aliquid non valeat, si tamen Princeps de facto mandat seruari, perinde est, ac si de iure valeret quo ad subditos. Et solum Principem soli Deo habere de peccato reddere rationem, & soli cælo debere innocentia rationem. Et temerarium esse velle maiestatem regiam ullis terminis limitare. Et Principem re vera esse solum legibus. aliaque id genus plurima, quorum pleni sunt Iurisperitorum libri, ut inde liquidius quisque iudicet quàm enixè Prudentes illi Regum causam susceperint & quantoperè vana hæc, imo velana turbulentissimorum hominum de Regibus in ordinem cogendis psephismata atque sophismata sint execrati.

4 l. disputat. C. de crim. Sacril.

Sed quoniam dictum est, Principem re vera legibus solutum esse, locus postulat ut id plenius examinemus quod ex tribus propositis initio huius libri est extremum. Sintne Reges videlicet legibus ita deuincti, ut non nisi ex earum præscripto ius dicant, idque ipsum quod aliis reddunt, in se admittere compellantur? Quæ quæstio etsi ex iis quæ lib. II. & sparsim alibi supra retuli, magna ex parte sit definita, tamen ne obliuione prætermissa videatur, breuem hic tractatum, seorsus & speciatim recipiet. Ac primum quidem animaduertendum est, duas huius quæstionis partes, vel si mauis, binas hic quæstiones iunctas esse. Ad quarum priorem breuiter respondemus, Regem perpetuò legibus solutum esse, in hoc ut mutet, vel mitiget legis sententiam pro arbitrio dum ipse iudicat: utque iudicatum ab aliis omnibus etiam secundum leges ratum vel irritum cognitione sua faciat nec habeat necesse præscriptas iure ciuili

eiuli formulas aut duram & inflexibilem legis vocem in  
 suis rescriptis, interlocutionibus, decretis: vel edictis se-  
 qui & obseruare: quæ omnia ita sunt Regum propria, vt  
 nulli infra eam Maiestatem iure competant <sup>1</sup>. Atque hæc  
 quidem in Principe si quis locum habere negauerit eum  
 ipsa legum testimonia, & sacra ac profana exempla faci-  
 le redarguent. res notior est, quam in qua demonstnan-  
 da multum elaboremus. Vetabat olim lex, ne post quin-  
 quennium à die manumissionis liceret manumisso in in-  
 genuitatem proclamare, idque sine vlla aut causâ, aut  
 personæ exceptione. at ea tamen nihilo magis coangusta-  
 tum est & arctatum Principis arbitrium quin ipse postea  
 querentem audire, & sententiâ pro ingenuitate ferre pos-  
 sit <sup>2</sup>. *Præses provincie eum quem damnauit, restituere non potest*  
 (inquit Vlpianus <sup>3</sup>). cum nec pecuniariam sententiam suam re-  
 uocare possit, quid igitur? Principi eum scribere oportet. si quando e-  
 ius qui nocens videbatur, postea ratio innocentia constitit. Stabi-  
 lis est & certa legum sententia fontes pœnis esse afficien-  
 dos: & maleficia non debere manere impunita <sup>4</sup>. At Prin-  
 ceptis tamen pro potestate imperii, noxam remittere, & re-  
 um, legis iudicisque sententiâ neci destinatum, supplicio  
 eximere, & famæ, ac fortunis omnibus restituere, & sine  
 exemplo iuuare potest <sup>5</sup>. Hinc illud Augustini. *Iudicibus*  
*statutum est, inquit, ne liceat in reum datam sententiam reuo-*  
*care Nunquid & ipse Imperator sub hac erit lege: nam ipsi soli licet*  
*reuocare sententiam, & reum mortis absolueret. & ipsi ignoscere.*  
 Quid multis? omnes inferiores Principe leges in iudicando  
 sequi tenentur, ipse solus sibi lex est, vbi vel leues asperare  
 vel asperas lenire vult: ita vt quod magistratibus vitio da-  
 tur, & muneris perperam obiti suspicionem secum trahit,  
 id summam Principi laudem, vel ex clementiâ, & miseri-  
 cordia vel iusta seueritate pariat. *Alia est conditio magistra-*  
*tuum* (inquit Symmachus) <sup>7</sup> *quorum corrupta videntur esse*  
*sententia, si sint legibus mitiores: alia Diuorum Principum pote-*  
*stas, quos decet acrimoniam seueritatis inficere.* Ob eamque  
 causam Rebuffus <sup>8</sup> ait: *Notandum est quod licet Imperator*  
*statuat aliquem non esse restituendum, vt in l. prouidendum. §.*  
*si quis verò. C. de postul. & beneficium principale non valere l.*  
*mancipia. C. de ser. fugit.* Tamen adhuc poterit Princeps illum  
 ex causa restituere, non obstante illa prohibitione, & illius facti  
 mentione. l. fin. C. si contra ius. quia nō potest sibi imponere legē.  
 qua nō liceat recedere. l. Princeps. ff. de legib. Et stolidi quidē vidē-

<sup>1</sup> l. prospexit D.  
 qui & à quibus  
 manum. l. nemo  
 C. de sent. & in-  
 terl.

<sup>2</sup> l. 2. §. vi. & l. 4.  
 D. si ingon. esse  
 dicit.

<sup>3</sup> l. i in fin. D. de  
 quaest.

<sup>4</sup> l. ita vulnera-  
 tis si. D. ad legi  
 Aquil.

<sup>5</sup> l. ad bestias §. 3.  
 D. de n. n. l. i §. 1.  
 & posim. C. de  
 sent. pass. l. i §.  
 plane D. de cont.  
 sit. Princ.

<sup>6</sup> lib. de fate,

<sup>7</sup> lib. 10. epist. 83.

<sup>8</sup> in tract. de res  
 titut. num. 6.



tur legum compilatores, qui ei potestatem auferre volunt: quod facit ad intellectum multarum ordinationum, ex publicatis anno 1539 ubi hoc statuitur, ut Princeps hoc non possit concedere, & si concedat, non valeat, sed opus est derogatione illius ordinationis: quia non potest esse Princeps qui ex causa non possit suis legibus derogare. cap. dudum. de prabend. in sexto. l. 1. & l. leges sacratissime. C. de legib.

Idem in tract. de euocationib. num. 58. Sed ego non impono legem Principi, unde quando vult, hoc potest: tamen de honestate non debet euocare sine causa &c. & mox num. 59. *U. de Alberic.* & Iacob. concludunt. in d. l. iudicium. & Iacob. de tractat. de feud. in verbo vicarius. col. 1. Principem cum causa, vel sine, causas in Parliamentis quibusque pendentes euocare posse: quia vani capitis est existimare superiorem non posse precipere, nec euocare sine causa cognitione: ut inquit Innoc. in c. ad aures. de temporib. ord. per text. in can. quia frater. 7. q. 1. & Barbat. docet in c. si quando. per illum text. col. 2. de rescript. & quod Rex Francia causas in Parliament. Paris. pendentes euocare possit, consuluit Iaso cor. sil. 144. circa primum in 1. quast. volum. 2. sed sicut Princeps non debet alicui auferre dominium sine causa l. 2. C. de precib. Imper. offer. ita nec propriam iurisdictionem l. qui furere ff. de stati. hom. Bald. in l. 1. col. ultim. ff. de constit. l. Principi. alioqui instar pueri esset. qui nunc daret, & statim auferret. Hoc ille. Scitum est illud Pauli Iu-

1. 1. pen. ff. de iust. & iur.

2. Auth. de incest. nup. 12. §. ult. coll. 2.

3. 3. Reg. c. 2.

4. 1. Reg. 17.

risconsulti 1. Pratorem dici ius reddere etiam cum inique decernit: relatione scilicet facta, non ad id, quod ita prator fecit, sed ad illud quod pratorem facere conuenit. Id igitur Principi quanto magis tribuendum? ut cum ipse legis pater sit, 2. & veluti fons quidam, ex quo omnes leges, omnesque honorum & potestatum gradus, in cuncta Reipublicæ membra dimanant, legibus in iudicando non sit subiectus. innumera sunt de hac Principum libertate testimonia, ex quibus non pauca de iure ciuili deprompta in librum 2. congeffi, eoque nunc lectorem remitto. At neque nos sacra etiam exempla deficiunt. Nam Salomon Adoniam fratrem, sine vlla solemnium iudiciorum obseruatione iussit interfici, & Abiathar eiusdem coniurationis reum & socium, capitis pœna soluit, & pro sua indulgentia domum remisit. Vade, inquit, 3 in Anathoth ad agrum tuum, & quidem vir mortis es: sed hodie te non interficiam, quia portasti arcam Domini Dei coram Dauid patre meo. &c. Alibi etiam ex iisdem libris cognoscitur 4, licere Principi oneribus vectigalium & tributorum quos velit eximere. Regem igitur qua ius dicit, qua

qua iudicat, solum planè legibus esse, nemo, quod sciam, ex tot sapientissimis omnium bonarum artium, & scientiarum scriptoribus, ante Buchananum & Brutum unquam negauit.

Qua propter, hâc relictâ, partem alteram dispiciamus: teneatur ne scilicet suis legibus Princeps, vt conueniri, & cogi instar aliorum possit, necne? Et quidem videtur primo aspectu omnis de hac re dubitandi causa sublata, tum quia naturalis & ciuilis ratio suadet, vt quis eo iure utatur, quod in alios statuerit <sup>1</sup>. *quis enim aspernabitur idem* 1. i. d. q. quis-  
*ius sibi dici, quod ipse aliis dixit?* inquit Vlpianus tum etiam quæ iur.  
 quæ a legibus in eam sententiam perscriptis, & inagnorum virorum exemplis, iudiciisque tantum, & obseruatum id esse animaduertimus, ex quibus illud profertur celeberrimum. *Eum qui leges facit pari maiestate legibus obtemperare conuenit.* <sup>2</sup> Item & illud. *Digna vox est maiestate regnantis,* 2 Paul. li. 4. sen-  
*legibus alligatum se Principem profiteri. Ad eò de auctoritate ius-* tent. tit. 5.  
*ris nostra pendet auctoritas, & reuera maius imperio est submit-*  
*tere legibus principatum.* Et oraculo presentis edicti, *quod in bis*  
*licere non patimur aliis indicamus* <sup>3</sup>. Et illud ex Iudoro pa- 3 l. digna vox. C.  
 trum decretis insertum <sup>4</sup>. *Iustum est Principem legibus ob-* de legib.  
*temperare suis, Principes legibus teneri suis, nec in se conuenit pos-* 4 can. 2. dist. 9.  
*se damnare iura quæ in subiectis constituunt.* Et illud sapientis ab Innocentio <sup>5</sup> III. *vsurpatum Patere legem quam tu i-* 5 c. c. omnes. 6.  
*psetuleris.* Quò pertinet quod Græci scribunt. *Καὶ κατὰ* de Constitut.  
*βασιλέως οἱ ῥυτικοὶ κατέτιπτον νόμοι* <sup>6</sup>, id est leges genera- 6 lib. 2. βασιλι-  
 les imperium etiam in Regem obtinento. Hæc illa sunt καὶ.  
 rationum fundamenta, quibus homines nimium popula-  
 res adducuntur, vt legum vincula Regibus innectant: quo-  
 rum tamen si ea mens est, vt eatenus Principem legibus a-  
 strictum velint quatenus honestatis & vt litatis imperium  
 se extendit, non autem quatenus legum sanctionibus in-  
 legitimas pœnæ constituuntur, rectè quidem, & animo id  
 faciunt bono. Quid enim honestius, quid utilius, quàm  
 vt Princeps legibus utatur, & iis sponte se subiiciat, quarum  
 ipse autor est, & quarum vna cum regno tutelam suscepit?  
 Etenim profectò nihil æquè subditos in officio continet,  
 nihil æquè morigeros reddit & legi & Regi, atque hac le-  
 gum obseruantia Rex ipse conspicuus. Id què pulchrè Clau-  
 dianus <sup>7</sup>.

*In commune iubes si quid, censesq. tenendum,*

*Primus iussa subi: tunc obseruantior aequi*

<sup>7</sup> in 4. consulat.  
 Honorii.

*Fit populus, nec ferre negat cum viderit ipsum  
Autorem parere sibi. Componitur orbis  
Regis ad exemplum. Nec sic inflectere sensus  
Humanos edicta valent, ut vita regentis.*

Sin verò is aduersariis animus est, ut Principem planè legibus subiectum & in earum obseruationem compelli posse arbitrentur: errant sanè vehementer, & non solum scriptis legibus, sed ipsi etiam rationi, bonarum legum matri, & perfectrici, reluctantur. Nam in legibus quid magis discretè scriptum est, quam quod hac de re Paulus? *Ex imperfecto testamento legata vel fideicommissa Imperatorem vindicare, inuerecundum est. decet enim tanta maiestati eas seruare leges, quibus ipse solutus esse videtur*<sup>1</sup>. Et quod Imp. Seuerus & Antoninus scriptissimè rescripserunt: *Licet legibus soluti sumus, attamen legibus viuimus*<sup>2</sup>. quodque Alexander. *Licet lex imperi solennibus iuris Imperatorem soluerit, nihil tamen tam proprium imperii est, quam legibus viuere*<sup>3</sup>. quod denique Vlpianus. *Princeps legibus solutus est*<sup>4</sup>.

En leges ita perspicuas & euidentes, ut perplexi vel ambigui nihil habere videantur, quibus monemur Principem legibus solutum esse, omnibus quidem, præcipuè vero pœnalibus: nam ita postremam hanc legem Constantinus Harmenopolus Græcus interpretæ exponit. *ὁ Βασιλεὺς νόμους ἔχει ὑποκείται ἡ ζωὴ ἀμαρτίας οὐ κολάζεται*. id est, *Rex legibus non subicitur, videlicet si delinquat non punitur*. idque Regum proprium esse testatur S. Ambrosius<sup>6</sup>, ut nullis legibus humanis teneantur sed liberi sint à vinculis delictorum. Neque enim ullis ad pœnam vocantur legibus tuti imperii potestate. Sed quid ego dixi perspicuas? an aliquid ita perspicuum esse potest, cui non hominum nunc, siue diligens curiositas, siue curiosa nimis diligentia tenebras offundat? aut ita planum & simplex, ut nullum in eo anfractum solers ingenii acumen differendi subtilitate comperire se glorietur? Omnes nunc passim scripturiunt, sed quod scripturi sunt, id nec omnes quidem diu prius animo versant, nec ubi scripserint cognito errore consilium facile mutant; adeo nimirum cæca eos *φιλαντία* decipit miscrè & detinet: adeoque suus quemque inuentus delectat, ut multi non solum abire magistratu vel episcopatu instar Heliodori Thessali, <sup>7</sup> sed fortunas, amicos, existimationem, salutem denique ipsam periclitari malint quàm mædatis literis cogitationes, quo iure, quaque iniuria non

1. Lex imperfecto. 23. D. de leg.

2. Instit. quibus mod. test. infr. §. ult.

3. Lex imperfecto. 31. C. de testam.

4. 1. Princeps. 3. D. de legib.

5. lib. 4. Epitom. tit. 1.

6. in Apolog. David. c. 4. & c. 10.

7. Heliodorus Thessaliensis episcopus in Thessalia composuit amatorios libros iuuenis, quos inscripsit Æthiopica, alii post charicleiam vocarunt, quorum lectione cum multi iuuenes corrumperentur statuit Synodus ut vel author librorum eos supprime. et vel episcopatu se abdicaret, ille vero ita opus suum complectebatur ut hoc quam illud eligere maluit. Nicephor. Callixt. li. 12. c. 34.

defensa

defendere. Cui rei testimonio sunt tot luculentæ, simplices & tiritæ sacrarum literarum sententiæ captiosis hæreticorum interpretamentis & cauillationibus deprauatæ: Atque etiam hæc Vlpiani sententia quæ & verbis ipsis, & conspirante veterum omnium iudicio Regem legibus solutum esse tradit, quam nonnulli tamen ita tractant, vt velle auctorem quod nolit, & nolle quod velit, leuitantùm coniectura freti, ostendere conentur. Sed de diuinis alii, & mos alias, si vita sensusque durauerint, iuuante Deo differemus: Nunc quod instituti est, verborum Vlpiani veram vulgaremque sententiam, aduersus nouum Henrici Stephani, & à quo ille accepit, Cuiacii <sup>1</sup> commentarium Li. 15. obseruat. cap. 30. tueamur.

*Stephani & Cuiacii opinio refutata. Verborum Vlpiani vulgaris, vetus, & communis intellectus defensio. Princeps quomodo solui vel teneri legibus dicatur, legum de ea concordia.*

## C A P. XV.

**S**tephanus igitur a smate xxxiii. Musæ Monitricis dum contendit falsum esse quod aiunt, Principem legib. solutum esse, superiorem ex Vlpiano obiectionem præoccupat, & nouo sensu dissoluit, his verbis.

*At Vlpiani id (inquiunt) sententia  
Euincere potest ipse quod nobis negas:  
PRINCEPS (ait ille) LEGIBVS SOLVTVS EST.  
Leges ad omnes ista verba qui refert,  
Is Vlpiani vel sciens vel insciens  
Detorquet aliò verba, dura causa sua  
Seruire vult hæc. de duabus namque sunt  
Scripta hæc ab illo legibus tantummodo.  
Quas titulus oculis ipse subiicit ruis,  
Proponat illis ista verba quàm prius.  
Nam Papia ibi fit mentio atque Iulia.  
Nec Vlpianus ergo iam fiducia  
Illius auctor Principi dicendus est.  
Rideret immò, si redux ad nos foret,  
Et sicne verbis vos meis abutiur?  
Clamaret ille.*

Dd      Nec



1 in præfat. ad  
lector.

Nec his ille contentus, quasi non satis apertè Vlpiani mē-  
tem aut suum potius commentum his versibus explanas-  
set, lectorem iterum monet, <sup>1</sup> quod id sensu Vlpiani dictum  
accipiat. *Vbi, inquit, de loco illo Vlpiani loquor, in quo scribit.*  
*Princeps solutus est legibus, quod versibus non soluta oratione*  
*questio illa tractaretur, de eo monere non potui, de quo nunc mo-*  
*nendus es: perinde esse ac si dixisset Vlpianus, Princeps his legibus*  
*solutus est, vel istis legibus.* intelligit nimirum leges caduca-  
rias Iuliam & Papiam, ad quas Vlpianus viginti libros scri-  
pisse fertur, è quorum decimotertio caput illud contro-  
uersum depromitur. Illi igitur ita colligunt: pertrahat eo  
loco Vlpianus legem Iuliam & Papiam, vt ex inscriptione  
patet. ergo de iis tantum legibus ea sententia accipiēda est.  
Grauissimum profectò argumentum, & quod certa ratio-  
ne concluderetur, si constaret Iurisconsultos specialibus  
tantum sententiis, & ad rem de qua agitur solū accom-  
modandis vbique vsos esse: At cū id eos perpetuò obser-  
uasse non constet, imò verò non obseruasse constet. ac non  
rarò communes iuris regulas, & axiomata, siue proloquia  
vniuersalia, ad aliorum rationem, confirmationemque  
adhibuisse, quid vanius, quàm hoc vnico argumento tam  
sublesto, & ex fallacibus indiciis orto nouum Vlpiano sen-  
sum affingere? quod nec ipse vt apparet vnquam animo  
complexus est nec ex istis eius verbis post eum aliquis in  
tanta interpretum & sapientum virorum multitudine ha-  
ctenus intellexit. Cur igitur à communi, recepto, & vetere  
horum verborum intellectu recedemus? cū alia lex di-  
cat, *Minimè sunt mutanda, quæ interpretationem certam semper*  
*habuerunt.* <sup>2</sup> At isti interpretationem certiorē adferunt,  
scilicet. Si ita est, de priore illa antiquanda non recusamus.  
sin viciosam planè vel obscuriorem esse hanc quam adfe-  
runt monstremus, vt ipsi itidem nostram sequantur beni-  
gnè ab iis contendimus.

2 l. minimè. 23.  
D. de legib.

Vlpianus ergo ad legem Iuliam & Papiam scribit, *Prin-*  
*ceps legibus solutus est.* Si extarent quidem integra eius scri-  
pta, certam rei fidem nobis facerent, sed cū non extent;  
nulla nos ratio cogit, vt de caducariis tantum legibus sen-  
tentiam illam intelligamus: imò verò si coniecturæ locus  
est, coniectura vicimus, cū verisimilius multo sit Vlpia-  
num de iure Principis vniuersè illic locutum esse: atque in-  
de deducto ex genere argumento, (vt alias solet) id quod  
in specie obtinebat, hac vel simili forma comprobasse.

Prin-

*Princeps legibus solutus est*, & ideo si quid Principi relictum fuerit, qui vivo testatore, vel, eo mortuo, antequam dies legati cedat, ab hominibus ereptus sit, id neque caducum, neque in causa caduci est, sed successori eius debetur. <sup>1</sup> vel breuius hoc modo. *Lex Iulia & Papia de caducis non pertinet ad ea quæ Principi relinquuntur, quia Princeps legibus solutus est.* Mos hic est Iurisconsultis, ut breui aliqua sententia rationem responsi reddant: unde Pandectarum congestores, multas iuris regulas desumpserunt, quas & sub diuersis titulis sparsim, ut res postulabat, & sub vno nominatim nobis proposuerunt (tit. de reg. iur.) in quibus est hæc sub titulo de legibus. *Princeps legibus solutus est.* Hanc autem coniecturam nostram, si coniectura, ac non potius testata veritas dici debeat, alius eiusdem Vlpiani locus, ex libro primo, ad eandem legem Iuliam & Papiam confirmat & probat. *Ingenuum, inquit, accipere debemus etiam eum, de quo sententia lata est, quamvis fuerit libertinus. quia res iudicata pro veritate accipitur.* videmus hic generalem ab Vlpiano rationem subiectam speciali de ingenuitate responso, quæ quidem rationem, quia ad omnes res iudicatas pertinet, iidem Pandectarum collectores separatam ab hac quaestione & responsione inter iuris regulas iisdem verbis collocarunt, nempe, *Res iudicata pro veritate accipitur.* <sup>3</sup> Fin- gamus ergo non extare legem illam de stat. hom. & hanc sententiam positam esse in solo illo capite de reg. iuris, an propterea ad res iudicatas in materia legis Iulæ & Papiæ tantum pertinebit? nam titulus ei idem est, qui superiori sententiæ de Principe, quam illi nouæ interpretationis restrictione peruertunt. vtræque enim sententia est Vlpiani, & ex iis libris desumpta, quos ad l. Iuliam & Papiam scripserat. At ex istis Vlpiani reliquiis constat hanc generalem esse, & pro ratione ac regula positam, quæ res ex quacunque causa iudicatas complectitur: cur non ergo similiter & illam, *Princeps legibus solutus est*, ut communem iuris regulam accipiemus? an quia sub rubrica de regulis iuris, repetita non est? at constat, inter omnes permultas sparsim regulas extare apud iuris auctores, quæ titulo illo non continentur. veluti *ex pacto non nascitur actio*, vocatur regula iuris l. 7. §. quinimodò. D. de pactis. Sic, in contrahendo quod agitur pro cauto habendum est. regula iuris certissima est l. 3. D. de rebus cred. cur illam igitur magis certæ rei & causæ finibus concludemus? hoc

<sup>1</sup> l. quod Principi.  
Pi. 56. D. de leg. 2.

<sup>2</sup> l. ingenuum,  
25. D. de statu  
hom.

<sup>3</sup> l. 207. D. de  
reg. iur.

solo præferim argumento quod titulus siue inscriptio indicat, eam descriptam esse ex libris Vlpiani ad legem Iuliam & Papiam, cum fallax & futile id argumentum esse, locus hic alter à nobis citatus planissime demonstret. Quemadmodum igitur ex his responsi verbis. *quia res iudicata pro veritate accipitur.* regula iuris (abiecta particula causali) nobis alibi proposita est, scilicet, *res iudicata pro veritate accipitur*, ita etiam ex illa. *quia Princeps legibus solutus est.* hæc iuris regula simpliciter refertur. *Princeps legibus solutus est.* Et hæc quidem quamuis ita se habeant, quamuis inquam nostra hæc coniectura probabilior sit illa Stephani, & eius interpretationis rationem prorsus euertat: tamen ut eius error ab ipso met, vel aliis saltem, apertius conspiciatur, en certa & indubitata argumēta, quibus ostenditur sensum verborum Vlpiani, non esse positum in coniectura, qua nihil incertius, sed clarum, perspicuum, & vniusmodi esse, atque ad leges æqualiter omnes referendum.

I. Argum.

Vid. Corn. Tacit. li. II. in princ.

Ac primum occurrit argumentum illud ineluctabile, ex Dione Vlpiani coætaneo, qui de Imperatorum summa liberaque potestate scribens, postquam longa narratione docuit eos, munia senatus, magistratuum, legum, Senatu populoque volente & concedente, in se traxisse, ita ut illis ius esset, arbitrato suo exercitum conscribere, pecuniam conficere, bellum suscipere, pacem inire, res tam peregrinas quam vrbanas componere, atque etiam intra pomerium equites & senatores necare, census agere, in equestrem ac Senatorium ordinem quos vellent adscribere, & alios ab eo remouere, aliaque omnia facere, quæ consules, cæteri que magistratus cum pleno imperio possent, translata nimirum in eos omni Senatus populi que potestate, idque tanta cum maiestatis veneratione, ut si ab aliquo se laesos verbo vel opere existiment, eum indemnatum, tanquam scelestum, sacrum & piacularem occidere possint; mox subiecit <sup>1</sup>, ἡ δὲ ἡ καὶ ἐπεὶ οὐκ ὁ μὴ ἐν τῷ πάλαι Ρωμαίων ἐς πάντα αὐτὸν ἐδόθη παρρησιάζεσθαι, ὅφ' ἔως καὶ μακροῦ καὶ ἐκείνα αὐτὸ καὶ παῖδα αὐτοῖς πράττειν ἐξέω. λείπονται γὰρ δὲ τῶ νόμων, ὡς αὐτὰ τὰ Λατνικὰ ῥήματα λέγει. Τουτέστιν ἐπὶ τῷ περὶ τῆς πείσης ἀνὰ τὴν καὶ νομίσσεως εἰσὶ καὶ ἐδὲν τῶν χρηματῶν ἐνέχονται. id est. *Iam verò & aliud quoddam ius obtri-*

Nota Xylandrū  
in hoc loco ver-

tendo magis agere paraphrastem quàm interpretem, ut & in loco proxime sequenti eiusdem Dionis: & ideo author eum hic non est sequutus.

ΒΙΒΛΙΟΝ,

nuerunt, nulli Romanorum antiquitus in omnibus rebus apertè concessum, quo vel solo & illa quæ diximus, & alia iis facereliceret. Soluti enim sunt legibus, ut verba ipsa latina sonant: hoc est ab omni legum necessitate, siue necessaria legum obseruatione, liberi sunt, nec ulli scriptis legibus obstringuntur.

Quid ad hæc Stephanus? num huic etiam auctori legis Iuliae & Papiae cancellos circundabit? non audebit opinor præ verecundia: apertius enim loquitur Dio, quam cui cōtortæ interpretationis nebula tenebras offundat: ac planè docet inter omnes conuenisse Vlpiani sæculo Principem cunctis legibus esse solutum. Quamobrem miror Cuiac. ū, virum multa subtiliter perquirere solitum, ita supinè & oscitanter Dionem lectitasse, ut hunc eius locum non de omnibus legibus accipiendum putet, cum ipsemet de omnibus se loqui, disertissimè hīc testetur, & paulò pòst eodem libro idipsum confirmet verbis itidem apertissimis. ἡ βασιλεὺς, inquit. πείσθησεν αὐτῇ τῆς τῶν νόμων ἀνάγκης, ἀπήλλαξεν, ἐν ᾧ ὡς εἴρηται μετὰ καὶ αὐτοτελὲς ὄντως καὶ αὐτοκράτωρ καὶ ἑαυτῇ καὶ τῶν νόμων, πείνται τέσσα βέλους ποιῶν, καὶ πείνθ' ὅσα αὐτὸ μὴ βέλονται, καὶ πρὸς τῇ ταῦτα μὴ δόξω, μετὰ πρὸς αὐτῇ ἐφ' ἡφ' ἰδῆ. id est, *senatus eum (de Augusto loquitur) omni legum necessitate liberauit, ut, quemadmodum à me dictum est, re vera sui iuris & absolutæ potestatis, tam respectu sui ipsius quam legū, omnia quacunque vellet faceret quacunque nollet non faceret. hæc qui dem ipsi adhuc ab æni decreta sunt.* Vtri potius, Dion: scipsum, an Cuiacio Dionem explicanti fides adhibenda? Si vnus aut alterius tantum legis obseruatione eum soluit senatus, neque magnum aded beneficiū ei contulit, neq; verum est quod scribit Dio, id eum iuris adquisiisse, quod nulli vnquam Romanorum antea datum fuit ideoque dixit ei concessum esse, ut liber sit ἀπὸ πείσθησεν αὐτῇ τῆς τῶν νόμων ἀνάγκης. Quid ergo magis ridiculum, quam tam leui & inani coniectura adduci, ut non idem voluisse Vlpianum iis verbis arbitremur. *Princeps legibus solutus est.* n. si vel desciuisse eum à communi aliorum omnium opinione, vel quod vulgò notum fuit nesciisse, prius demonstretur. Nam quod præterea dicit Cuiacius Dionem fateri se ex latino sermone transferre hæc verba ἀλῶνται τῶν νόμων, id nihil ad rem: vult enim Dio solum ostendere, se verbum verbo reddere, eius quod dicitur latinè *Princeps solutus est legibus.*

Alterum argumentum inde suppetit, quod viri illi prudentes



dentes quibus negotium datum fuit, vt leges Digestis comprehensas ex omnibus Iurisconsultorum libris colligeret, cum Vlpiani mentem ex integris eius scriptis antecedentibus & consequentibus optimè calluissent, verba illa *Princeps legibus solutus est* sine vlla restrictione, inter regulas siue sententias genera es de legibus retulerint.

III.

Cuiac. li. 15.  
bfer. cap. 30.  
id est durus  
monarcha re-  
nat non reddē-  
æ rationi ob-  
noxius.  
d. l. minime D.  
e legibus.  
lib. 2.  
ασιλικῶν.

Accedit conspiratio consensuque omnium latinorum, qui, nemine excepto, de quibushbet legibus sententiam Vlpiani acceperunt; idque fateatur ipse noui huius commēti autor. *Græci* <sup>1</sup> ( inquit ) *de legibus pœnariis interpretantur*, ἡ γὰρ ἀμαρτία ἐκολάζεται. vt illud *Æschylæ de Ione*, τὰ γὰρ ἐμὸν ἀρχὸν ἐδ' ἐπ' αὐτῶν κρεατὶ <sup>2</sup>. quia scilicet *iudices non habet, latini de quibuscunque legibus*. rectè: atque ita aduersus eum illud refutamus. nō esse mutandā quā interpretationem certam semper habuerunt <sup>3</sup>.

IV.  
V.

§. ult. Inst. qui-  
us mod. test. in-  
rim.

Quid; quod Græci sententiam illam Vlpiani in suos libros & linguam transtulerunt generaliter. & sine vlla exceptione, sineque vllō titulo, præterquam *τῆ βασιλείας* <sup>4</sup>. id est, de Rege siue Principe: an non ea res argumento est, eos non de caducariis, imò non de pœnalibus tantum, sed de cunctis vniuerse legibus, illam intellexisse? quamuis maxime, fateor, atque optimo iure ad leges pœnarias referri possit.

Omitto quod præcipuum est, Iustinianum testari Imperatores frequenter rescripsisse, se legibus esse solutos, & legibus tamen viuere <sup>5</sup>, atque illum præcipue Imperatorē, cui magnum illud iuris asyllum Papinianus, atque hic etiā Papiniani discipulus & assessor Vlpianus, aliique insignes Iurisconsulti erant à consiliis.

Quæ cum ita sint, ecquis rectæ rationis & iudicii tam inops est, vt tot illustribus testimoniis & argumentis certissimis, vnā obscuram, fallacem, & penè dixerim ineptam coniecturam plus momenti & ponderis ad fidem faciendam habere credat? vt igitur facessat argumentum illud ex inscriptione, ac ne cui in posterum imponat, his rationibus effectum esse arbitror.

Sed quoniam Cuiacius præter coniecturam illam, quā ex legis inscriptione sumit, duo alia argumēta adfert, quorum non meminit Stephanus, quibus probari putat Vlpiani verba in d. l. Princeps. non de omnibus legibus esse intelligenda: operæ pretium est ea quoque hoc loco referre, ac refutare paucis, ne prætermissa nouum lectori scrupulum,

pro-

propter viri auctoritatem, vel veri speciem iniiciant. Prius est; quia, ut ille vult Princeps lege Falcidia, Glicia, Voconia, & aliis plerisque tenetur. *Qua de causa, inquit, veniam legis Voconia à Senatu Augustus petit apud Dionem.* Ad quod breuiter respondemus, Principem quidem omnibus legibus re vera solutum esse, sed eum tamen, quæ sua est humanitas, mansuetudo, & modestia, libentem volentem suis se legibus subicere, præsertim iis quæ ad iustitiam commutativam referuntur: idque ipsi Imperatores ostendunt ubi dicunt: *licet legibus soluti sumus, attamen legibus vivimus.* Id etiam Paulus Iurisc. docet, cum ait: *Decet tanta maiestati eas servare leges quibus ipse solutus esse videtur.* Paucis admodum se excimi volunt Principes ex quibus erat olim lex Papia de caducis, quæ ut rectè Cuiacius per se satis odiosa erat aliis autem se suaque sponte submittunt, at hoc non est teneri legibus, non est obnoxium esse, quatenus hic de legum imperio in priuatos differimus, qui legibus etiam inuiti obstringuntur, inuiti iudicia ex legibus subeunt <sup>1</sup>, quo pertinet tam laudatum illud, atque tritum ab aduersariis, rescriptum Theodosii iunioris. *Digna vox est maiestate regnantis legibus allegatum se Principem profiteri*, ut quamuis posset scilicet, nolit tamen legum imperia detrectare. Hinc laudi datum est Antiocho <sup>2</sup> III. & Tiberio Cæsari <sup>3</sup>, Principibus cæteroquin valdè licentiosis, quod vterque ciuitatibus ac populis scriberet, *si quid contrarium legibus per epistolam iussero, nolite parere, sed me ignoracione lapsi creditote.* Quod autem de venia legis Voconia ab Augusto petita scribit, id eodem etiam referendum est, ad humanitatem scilicet & voluntariam submissionem Augusti. non autem subiectionis necessitatem, quandoquidem ipse plenum imperium plenamque potestatem habebat eximendi legibus quemcunque voluerat, seque in primis liberum ab illa iuris obseruatione sciebat. Vnde vulgò ab interpretib. dici solet, Principem solutum esse legibus in actu quem ipse Princeps facit. Atque, ut idem Dio autor est <sup>4</sup>, sua pro-

<sup>1</sup> I. inter stipulatem 23. §. 1. D. de verb. oblig.

<sup>2</sup> Plutar. in apophth.

<sup>3</sup> Nicephor. li. x. histor. cccl. ca. 17.

<sup>4</sup> lib. 56.

<sup>5</sup> Xiphil. ex Dion. in M. Anton. Philos.

Ὁ δὲ μάρτυς καὶ χημάτις ἐν τῷ δημοσίῳ ἤθησι τὴν βουλὴν, ἐχὼς μὴ ἔκριντο ἐπὶ τῇ τοῦ κρατοῦσιν ἐξουσίᾳ, ἀλλ' ὅτι ὁ

μάρ-

μαρξ<sup>ο</sup> πάντα τῆς βουλῆς καὶ τοῦ δήμου καὶ αὐτὰ καὶ πάντα  
 λαβὼν εἶναι. Ἡμεῖς γὰρ, ἔφη, (ὡς τὸν βασιλὺν λέγων) ἔπος εἰδέναι  
 οἱ ἐχόμενοι. ὥστε καὶ ἐν τῇ ὑμετέρᾳ οἰκίᾳ οἰκῶμεθα. id est, vt ele-  
 ganter vertit Gulielmus Blancus, Tum Marcus pecuniam ex  
 arario petiuit à senatu, non quòd ea non esset in Principis potestate,  
 sed quòd diceret eam, ceteraque omnia esse Senatus, populi que Ro-  
 mani. Nos enim inquit ( id dicebat in senatu ) v'que adeo nihil  
 habemus proprium, v'etiam vestras ades habitamus. Similitet  
 Augustus veniam legis Voconiae petiit à senatu, non quòd  
 ea indigeret, qui leges omnes & iudicia in sua potestate  
 continebat, sed quòd adeò popularis haberi voluit, vt ni-  
 hil nisi à senatu datum assumere sibi videretur. Sic Rex Gal-  
 liæ curiarum assensum in publicandis edictis suis exigere  
 solet, nō quod sine iis regium edictum nullum sit, sed quòd  
 humanius Rex eo modo faciat, & vt edictum æquius at-  
 que vtilius populo appareat, cū illud nō prius valere sta-  
 tuit, quàm tot sapientum virorum consilio iudicioque pō-  
 deratum fuerit, & promulgatum, vt pluribus libro sequē-  
 ti demonstrabitur. Hæc & similia quæ Principes humili-  
 ter de se efferunt, beneuolentiam quidem & amorem sub-  
 ditorum ipsis cōciliant, ius autem populo nullum in ipsos  
 largiuntur. siquidem, vt dici solet iactationis verba ius  
 non faciunt<sup>1</sup>, quod dictum scite callent aulici in primis,  
 alii que nimis multi, quibus nunc mos est, sua omnibus vl-  
 trò polliceri, atque obuio etiam cuique profiteri, se esse  
 soldurios, vt eiusmodi effusis & magnificis promissis alios  
 demereantur, ad quorum præstationem, non nisi solā vo-  
 luntatis propensione adigi se posse sciunt. Et hæc quidem  
 de priore illo Cuiacii argumento.

Sequitur alterum. Quinimo vt populus ipse suis legibus tene-  
 batur, inquit, ita Princeps, cui & in quem populus omne suū im-  
 perium contulerat, adèd vt potestas Principis, & in ipsum Principē  
 esset. l. 4. C. de legib. Dicam quod sentio: verè Cuiacius mihi  
 non videtur hic esse Cuiacius: tum quia secum ipse disidet,  
 ait enim alibi. Nec vero ullo alio distat populus à Principe, quàm  
 quod populus suis legibus teneatur. Princeps legibus solutus est: ca-  
 terum vt suis ita & Principis legibus populus tenetur<sup>2</sup> tum etiā  
 quia tam aduersario argumento ad causæ suæ firmamentū  
 vsus est, vt inde contrarium prorsus sententiæ ab eo positæ  
 consequēs eliciatur. Admitto igitur & amplector libenti-  
 simè hoc quicquid est argumenti ab eo hic positi, atque ita  
 colligo. Princeps legibus perinde nūc tenetur vt populus

olim

1. vlt. D. qui  
 test. fac. poss.

2. ad Instit. tit.  
 de iur. nat. gent.

olim suis. At populus nūquam tenebatur inuitus; ergo nec Princeps quoq; tenetur. Assumptionis veritas inde liquet, quòd leges nulla aliā ex causa locum haberent; quāmq; iudicio populi receptæ essent, & contrā nō alia de causa vim suam amitterent quā quòd expresso vel tacito consensu populi abrogarentur <sup>1</sup>. Itaq; licet in populari imperio leges singulos de multitudine etiam inuitos tenerent, multitudinem tamen totam siue populum vniuersum non nisi volentem tenere poterant, cum ipsas populus suo nutu figere, refigere, arctare, extendere, vel abolere potis esset. Id enim veluti basis & stabilimentum legum omnium erat. *quodcunque postremum populus iussit, id ius ratumque esto.* Non igitur in populum vniuersum nolentem & inuitum vlla legis erat potestas: sed ipsemet sponte tantum, quando, quādiu, & quomodo ei libitum erat, legis in se imperium admittebat. At hoc est non subiici, non teneri; non obligari legibus. *Pro non dicto est,* inquit Pomponius <sup>2</sup>, *quod dare nisi velis, cogi nō possis:* & Iauolenus *nulla promissio potest consistere, qua ex voluntate promittentis statum capit* <sup>3</sup>. Quapropter si (q̃ vult Cuiacius quodque verum est) populus in Principem omne suum imperium & potestatem contulit: non alias Princeps tenetur legibus, exemplo populi, quam si velit: Velle autem vel nolle, cum ipse sui sit arbitrii, liberum ei est; nec cogi potest, quia iudices non habet, vt ipse etiam Cuiacius ingenuè fatetur. Proinde ratio hæc ex populi comparatione perita, tantum abest, vt nostræ causæ aduersetur, vt ei maximo sit adiumento. Rectè ergo Vlpianus.

*Princeps legibus solutus est. & quicumque*

*Leges ad omnes ista verba non refert*

*Is Vlpiani vel sciens, vel insciens,*

*Detorquet aliò verba, dum causa sua*

*Seruare vult hæc.*

Multa ad hanc rem suppetunt, quæ ego nunc, ne longior sim, prætermitto, simulque vt ostendam leges à nobis in vtramque partem allatas, inter se neutiquam dissidere, sed esse concordissimas. Sciendum itaque est vim duplicem in legibus considerari: vnā quæ hominum actiones ad iuris normam componit dirigitq; alterā quæ insolentes animos suppliciorum metu frænât, & vel iuri constituto parere cogit, vel pœnas in renitentes & refractarios constitutas persolvere: illam propterea directiuam, hanc coactiuam, diuini & humani iuris interpretes vocare solēt.

*Qua-*

<sup>1</sup> l. de quibus 31.  
D. de leg.

<sup>2</sup> l. sub hac §. D.  
de obl. & act. l.  
centesimis. 46. §.  
vlt. D. de verb.  
obl.

<sup>3</sup> l. à Titio. 108.  
§. vlt. D. de verb.  
obl.



Quatenus igitur leges vim directiuam habent, (verbis vtat vulgaribus) verum est Principem suis legibus subditum esse, & alligatum: debet enim legibus viuere, & exemplo Zaleuci, quas fert in alios seipsum admittre. Atque ita intelligenda sunt illa iuris axiomata, quæ Principem legibus obnoxium esse tradunt. Sed quantum ad vim coactiuam attinet, ea in Principem non extenditur, ac proinde non subiicitur hac ratione legibus. Neque enim cogi à seipso potest, nisi quæ voluntatis imperio ducitur: neque ab alio, cum nullum in terris iudicem, vel superiorem habeat, vt copiose & sæpius iam demonstratum est, quod pertinent ea quæ de Principe legibus soluto, partim supra à nobis, partim ab aliis alibi referuntur. Atque hæc quidem ita se habere Theologi pariter & Iurisconsulti summa consensione statuunt <sup>1</sup>.

<sup>1</sup> Bellarm. to. 1.  
cont. 3. lib. 2. cap.  
27. ad 3. obiect.  
<sup>2</sup> volum. 3. No-  
tar. li. 5. tit. de la  
clause car ainfi  
nous plaist. §.  
Vlpian.  
<sup>3</sup> l. 4. C. de legib.

Vnde miror Paponem tam inconsideratè & negligenter locum istum Vlpiani tractasse <sup>2</sup>, vt prætermittit superiore distinctione, atque adeò ipsius Budæi, quem laudat, & aliorum interpretatione, affirmet simpliciter dictum illud nimis crudum esse, ita enim Gallicè loquitur, & contrarium rescripto Imperatorum Theodos. & Valent <sup>3</sup>. cum tamen nihil in iuriconsultissimi hominis animo melius cōcoctum efferri potuerit, nihilque minus aduersarium illi Imperatorum sententiæ, si non verba tantum, sed quo ipse ea sensu protulit, expendamus: quod ni fecerimus, vix vllus antiquus author calumniam effugiet, *Scire leges non hoc est verba earum tenere, sed vim ac potestatem* <sup>4</sup>. Non ignorabat Vlpianus Principem debere secundum leges viuere, & illis parere, quas aliis seruandas præscribit, sed ita tamen legibus solutum esse; vt quamuis in eo peccet grauiter, neminẽ habeat superiorem, a quo cogi possit: vtumque autẽ Paulus Vlpiani coætaneus & familiaris scitè expressit, vt de Vlpiani mente nemini dubium esse possit. *Decet tantæ Maiestati, inquit, eas seruare leges, quibus ipse solutus esse videtur* <sup>5</sup>. Idipsum rescripserat Alexan. Imp. qui Vlpianum consiliarium, & Præfectum Prætorio habuit <sup>6</sup>. Et verò Papon qui se Budæũ sequi in illo Vlpiani capite interpretande profitetur, vel ipsius Budæi mentem non est assequutus, vel eam nobis ininus apertè & enucleatè Gallico sermone expressit. Budæus enim <sup>7</sup> Vlpianum de quinto & perfectissimo regni genere loqui docet quod instar œconomice gubernationis est institutum, quodque *παμβασιλεια* dicitur, *quasi*

<sup>4</sup> I. seire D. de legib.

<sup>5</sup> Lex imperfecto. 23. D. de leg. 3.

<sup>6</sup> Lex imperfecto. C. de testam.

<sup>7</sup> ad l. Princeps. D. de legibus.

quasi dicas, inquit, regnum numeris omnibus dominationis absolutum: cuiusmodi erant Reges, Principes Romani Vlpiani Iurisc. tempore, nihil iam prisca ciuitatis retinentes, omnia arbitrio suo statuentes: ut & nunc Reges nostri sunt, qui omnia in potestate habent, quique (ut Homericus ille Iupiter) quoquò se verterint, omnia circumagunt, nati etiam solo omnia quatièrès. Deniq; humani Ioues, ut inquit Plautus in Casina, sed qui tamen hominum more emoriuntur. Hoc autem regni genus est, inquit Aristoteles, cum vnus omnium potestatem habet, cum communium, tum publicarum rerum, non aliter atque ciuitas vna, aut populus vnus habent. Hæc autem species quinta æconomica est ratione instituta. Vt enim æconomia regnum est domesticum, sic regnum æconomia est ciuitatis, aut populi vnius, aut plurium, id est domestica dispensatio. Ex quibus deinde concludit in hunc modum. Ex supradictis igitur demonstrari potest, ut arbitror Principem non modo legibus esse solutum, id quod Vlpianus dixit, sed etiam legibus non teneri, & iterum. Ad hæc cum nullum ius ciuile inter patrem & liberos inter dominum & familiam intercedat, ut Aristoteles docet libro quinto Ethicorum, & nos alibi diximus. si autem eadem ratio inter Principem & populum: satis ut arbitror effectum est id quod efficere meditabamur: Augustum & Principem non modo legibus solutum esse, sed etiam non teneri. Hæc Budæus, aliaque ornatè & sapienter in Vlpiani sententiam philosophatus est, quæ Papon partim suppressit, partim decurtata per interpretationem obscurauit, atque ad eleuandum huius generis regni laudem, ab authoris intentione deflexit. Ita enim Gallicè scribit. *Par tels propos & autres plus iers dudit Aristotel ne se peut prendre cas certain, auquel la responce dudit Vlpian puisse estre verifiee & soutenue, qui de vray repugne à ce qui tât saintement à esté dict par lesdicts Empereurs Theodos. & Valent. en la Loy Dignavox sus alleguee. Aquoy l'on ne peut dire autre chose, que ce que dit Budée sur ladicte Loy, Princes, que Vlpian à voulu parler des Empereurs, Roys, & Princes de son tēps, qui continuant de laisser l'ancienne ciuilité, comme aucuns de leurs predecesseurs auoient commencé de faire, regnoient selon leurs plaisirs, & vouloient viure en Dieux, ores qu'ils deussent mourir en hōmes, ainsi que dit Plaut en sa Casine. Ceste sorte est estrange à la bien prendre, comme elle est conduite. C'est comme dit Aristotel, quand vn seul à la puissance de tous, sur tous, & de toutes choses à son plaisir. Qui vtriusque linguæ, Latinæ inquam & Francicæ periti sunt, vident, ut arbitror, Paponem non ex sententia Budæi respondere, quantumque inter eos interfit facilè*

diudicant. Budæus enim per verbum *civilitatis*, popularem gubernationem intelligit quod Gallicè sic planius vertendum fuit, *Ne retenant plus rien de l'ancienne forme du gouvernement populaire*, & non ut Papon loquitur, *continuant de laisser l'ancienne civilité*, nam vocabulum illud *civilité* in Gallicorū hominum acribus, comitatem & honestatem sonat, non autem certam regiminis publici formam & speciem. Deinde quod scribit, *C'este sorte est estrange à la bien prendre comme elle est conduite*, id est, hoc genus regni est insolens & peregrinum si illud ita accipiamus prout administratur, id de suo addit, Budæo reclamante, & contrarium asserente, nempe Reges nostros ita regnare, omnia arbitrio suo statuantes, ut id minimè peregrinum atque insolens videri possit. Et verò ipsemet Papon alibi fatetur ingenuè Reges non solum legibus solutos, sed etiam supra omnes leges positivas esse <sup>1</sup>, *combien qu'ils se vissent dispenser de la Loy & sur le droit positif* (inquit) Atqui, *estre dispenser de la Loy*, idem est, quod solui legibus, ut Budæus ad dictam I Princeps, docet adnotavit. Sed hæc Paponi condonanda sunt, viro cætera bono, & qui, ut arbitror, non maleuolo ea animo scripserit. Multos enim libros ad vsum & praxim forensē accommodatos composuit, in quibus nonnulla nimis oscitanter conscripta reperiuntur: cuiusmodi illud est <sup>2</sup>, Vlpianum proponere verba rescripti Imp̃p. Theodosii & Valentiniāni, qui ducentis circiter annis post Vlpiani mortem imperarunt: Item illud, Populum Romanum, cum eius Romæ authoritas plurimum valeret, nullam legem tulisse nisi de qua prius ad Senatum retulisset: quod falsum esse ostēdi <sup>3</sup>, aliāq; non pauca, quæ diligēs lector suo Marte adnotabit.

*Regem legibus obnoxium esse, & populi iudicium subire, nec ratio, nec regni & Reipublicæ commoda patiuntur: an & quo casu subditi ditione & imperio legitimi Principis liberentur.*

#### C A P. XVI.

**Q**Uod ferunt Monarchomachi, Regem legibus subiectum esse, & in earum observationem cogi posse, id cum scriptis legibus diuinis & humanis pugnare, iam planum fecimus. Ac ne rationi quidem consentaneū, nec e Republica id esse, facile etiam fuerit demonstrare: Nam prioris partis multa iam firma passim à nobis posita sunt hoc libro argumenta, quæ ratiocinādi peritis ad eam pro-

pro-

<sup>1</sup> in prolog. lib. de insignib. Arest.

<sup>2</sup> tom. 3. Notar. lib. 5. tit. des termes en rescripts. &c.

<sup>3</sup> l. li. 4. cap. 4.

probendam vltro se offerūt: cuiusmodi illud est, ex nostris simul & aduersariorum fontibus deriuatum, quod populus in Principem omne suum imperium & potestatem cōtulit, vt paulò antè demonstratum est: atqui populus legibus potentior ex aduersariorum sententia iudicatur °, vnde Principem profectò legibus potentiorē esse necessaria consecutione effici nemo Dialecticæ callens inficiabitur, cui & illud deinde consequens est, non posse eum à populo iudicari, vel in legum obseruationem adigi, cū ius populi iam omne in se pertraxerit, nec ipsis etiam astringi legibus cū iis ipse potentior sit, quippe quas in populi iure sitas, vnā cum imperio & potestate populi in suam ditionem recipit. Contra enim rationem est, contrāque naturam, superiorem ab inferiore iudicari. Inferior autē semper populus est, si Monarchia est: neque enim monarchia dici potest, si socium aut superiorem in imperio habeat, vt vberius suprà docuimus 1.

o Buchan. pa. 16.

Huc accedit & illa ratio, quod neque suis legibus teneri possit, cū nemo sit seipso superior, nemo à seipso cogi possit 2, & leges à superiore tantum sciscantur, denturque inferioribus 3: neque antecedentium Principum, cū par in patem non habeat imperium: 4 neque populi, cum ipse populo superior sit, (quod clarissimis documentis iam testatum est) & quicquid est superiore superius, sit & inferiore quoque (vt recepto Philosophorum axiomate vtar.) Inde est quod B. Augustinus dicit, *Imperatorem non esse subiectū legibus, qui habet in potestate alias leges ferre.* Alia ex antedictis comp'ura suppetunt legenti, quæ ego repetendis chartā, & chartā cariorem operam non tribuo.

1 cap. 4.

2 L. ille à quo. 13. 9. tempestiuum.

D. ad Sc. Trebel.

3 Vid. Bellarm. tom. 1. controu. 3. c. 27. inf.

4 14. D. de recept. qui arb.

Iam vero nec expedire quidem nec vtile esse Reipublicæ Principem legum vinculis instar priuatorum illigari aut iudicium populi subire si deliquerit, res est, vt mihi videtur, non in opinione dubia, sed cognita & explorata, & velut ante oculos constituta iis, qui vulgi leuitatem, inuidentiam, mutabilitatem, inconsiderantiam, ingratitude nemq; perpensam habent & perspectam, quæ omnia quàm vigeant in eo, multū summi viri sententiis alii aliis testantur, cuiusmodi sunt illæ quas pereruditus Lipsius *de p'lo* *ouie* § 19 in suis Politicis reduxit 5 eoque minus hīc necessum habeo, rem illam in veterum iuxta & recentiorū autorum monumentis celeberrimam replicare. Id tantū dicam ex iis malis malum hoc ortū, vt optimè de patria & populo

5 li. 4. c. 9.



meriti, insigni saepe iniuriâ pessimè à popularibus tra-  
 rentur: testes ex historiis Coriolanum, Camillum, Themis-  
 tocleum, Phocionem, & alios cōplures excitare possum, vt  
 inuidiosam recentium factorum memoriam silentio præ-  
 teream: ea enim semper est multitudinis nouarum rerū cu-  
 pidæ natura, vt in alia subinde atque alia se inclinet prom-  
 ptissimè, & mutationibus noxiis, inodò non expertis, miri-  
 ficè delectetur: ac omninò propter spes quasdam inanes spēs  
 nouas res molientiū prouehere soleat, eorumq; tantisper  
 studiis obsequi dum vel se delusam planè, vel maioris cō-  
 modi accessione in aduersarias partes inuitatam cernat <sup>1</sup>.  
 Ac propterea si multitudini aut ex multitudine delectis,  
 hoc in Reges ius tribueretur, profectò æquè bonis ac ma-  
 lis Principibus exitium præsens immineret. Id nos Epho-  
 rorum in suos Reges insolentia docet, quibus parū fuit eos  
 grauiorum criminum condemnare, nisi & leuia in iis com-  
 missa, inodò commissi leuissimam speciem vindicaret. Nam  
 vt ex Theophrasto Plutarchus <sup>2</sup>, & Ἀρχιδάμου ἐξ ἡπυλώου  
 ἡμίγαντα γυναικὸς περὶ παύ, i. Archidamum Regem multatū,  
 eo quod paruam uxorem duxerat: & Gotthorū in Hispan-  
 ia, qui hoc in consuetudinem vertisse dicuntur, vt quoties  
 proprius illis Rex displiceret, à suis interimeretur <sup>3</sup>. Quin-  
 imo si ea Principis conditio esset, vt à populo iudicaretur, in-  
 finitis proculdubio calumniis suppositus, infinitis insidiis  
 expositus, perpetuò viueret, cui id vnum nempe ad conde-  
 mnationem sat esset, populo quòd displiceret, in cuius o-  
 dium fortè & offensionem nullo suo merito, sed nobilis a-  
 licuius popularis & ambitiosi operâ, vt sit non rarò, incur-  
 risset. Et verò res ea bonis quàm malis Principibus tantò  
 esset periculi plenior, quantò citiùs mali in bonos, quàm  
 boni in malos, animantur armanturque. difficile siquidem  
 est, Principem, ea animi moderatione & fœlicitate res ge-  
 rere, vt in amore cunctis, in odio nulli sit. Si tenuiores sub-  
 leuet, & plebem ab iniuriâ magnatū tueatur, insensam sibi  
 atque inimicam nobilitatem plerunque habebit, quo ni-  
 hil regnanti periculosius. Cresphontem Messeniorum Re-  
 gem cum tota pene sobole interfecerunt potētiores, quod  
 plebem nimis populariter esset amplexus <sup>4</sup>, nostra verò æ-  
 tate Iacobus V. Scotorum Rex insigni & pietate & iustitia  
 præditus, cum plebem magnâ legum & iudiciorum seueri-  
 tate aduersus potentiorum impetus defenderet, plurimos  
 ab se nobiles ea sola administrationis specie alienauit,  
 quòd

Vid. Dion. li. 39

in Agesilao in  
 princ.

Aimoin. li. 27.  
 ca. 20.

Testis est Maria  
 regina Scotiæ &  
 alii quos nomi-  
 nare possum.

Pausan. in  
 Messenicis l. 2.  
 ue lib. 4.

quod dicerent eum vernacula gentis lingua *the Carolis King*, id est Regem ignobilium. Qua de causa cum eius obitum plures simul viri boni lamentarentur, quidam inter eos illustribus, Regi carus, & alienatae voluntatis nobilium ex multis iudiciis haud dubius coniecto, quid dicam? inquit, optimum amisimus Principem, sed commodum morbo absumptus est, & ad gloriam gentis nostrae, ne forte si longius spiritum duxisset, ipsa eum nobilitas interemisset.

Sin Rex huic ordini indulgetior ipsum in regno proposita ei superbia paulò liberius versari permitteret, vulgus pressum hoc ipso & affectum nihil non in Regis perniciem machinabitur: quod & si videatur contemni posse intidum imbellis, pauidum, & secors dum consiliis corporibusque dispersum, & sine certo capite voces tantum fundit, miseras suas querelis deplorat: tamen ubi rectorem aliquem & ducem seditionis natum fuerit, nihil eo ad quidvis audendum concitatus, nihil regno, & Reipublicae exitiosius formidolosusque: nam posito statim omni & modo & metu, ex abiecta servitute in superbam dominationem contendit, praesertim si ei optimatum aliquis se adiungat, ut solent interdum qui occultis in Regem odiis ex priuata causa vel ambitiosa regnandi cupiditate incenduntur. Etenim raro contingit, ut plebs non aliquos de nobilitate in suas partes pretio, vel precibus alliciat, aut contra nobilitas, non vulgi partem aliquam vanis promissis ad se pertrahat.

Deinde verò una omnibus rebellis causa praetextitur, culpa regnantis. Vnus etiam scopus, labantem scilicet Reipublicae statum, ac vel priuatis Regis moribus, vel peruersa administratione vitiatum reficere, corrigere & emendare: licet illam aliquando vera non habeant, & hunc vix unquam assequantur. Equidem memorare possum multas atque adeò magnas subditorum in Principes bonos coniurationes: sed paucas vel aduersus improbos eo rerum successu confectas inuenio, ut non principiis, quantumlibet speciosis, ærumnosos progressus, & exitus infelices annecterent: & multitudinem, cuius subleuanda causa inibantur, in miseras multò maximas non conlicerent: ut quæ ante insurrectionem grauius plerisque videbantur: ea praesequentibus molestiis leuia, & prope nulla, ipsemet populus, suo sapiens malo, iudicaret.

Ut coniurationem populi cum Absalone contra Dauidem cum notho aduersus Mariam Scotam.

Esto igitur Principem in iudicio ad populi tribunal sisti

debere, & eius vt legitimi iudicis sententia damnari, vel absolui: An non statim id iuris sibi vindicabunt, qui regni & Reipublicæ reformandæ causa defectionem moliantur, & coitione hominum aperta rem tentant? quod si nolit se Rex sistere, an non absentem & contumacem sceptro & folio regali indignum, & hostem Reipublicæ iudicabunt? An non percussorem, qui latus ei vel iugulum hauriat, tanquam carnificem, & publici iudicii ministrum, si poterunt, immittent? vel quod tanto facinori peragendo commodius videtur, cui libet de multitudine id potestatis tribuent, præmio etiam exsequentibus constituto? Etenim profectò si primum illud iure iis comperat, cætera hoc ipso consequentur: si inquam legitimi quæsitores & iudices in Regem fuerint, fas illis erit damnatum capitis, si quibus velint nequeant, quibuscunque poterunt modis extinguere, idque ante pauculos annos in Principis Aurengii persona observatum vidimus: qui cùm maiestatis iudicatus ita armis restitisset, vt trahi se ad supplicium more reorum publici iudicii non pateretur, à pio & animoso iuvene interceptus iure optimo, pœnas Deo, Regi, & Reipublicæ meritas debitâsque persoluit. Inde igitur eueniet vt rebelles, qui se ad defectionem coactos, morbis Reipublicæ medendi necessitate aiunt (nam suo id omnes scelerei velamē prætendunt) Regem semper vt superiores, & abdicandi imperio, & condemnandi capitis, pro sua in eum potestate ius habeant: ad quorum sententiam exequendam, nō possunt non incitari iustitiæ amore qui eam iustam esse rentur. Atque ita temerarium aliquem percussorem inuenient simulato hoc in patriam affectu deceptum, qui quod ipsi vi aperta nequierant, arte & insidiis perpetrabit.

Quæ si admittamus, quis non videt quàm perturbata, incerta & infida futura sint omnia, quantâque mala non Regibus modò sed Regnis ipsis populisque dissoluta hæc & immoderata licentia aduectura sit? Sed dicet forte plebicola, & *μισοκρατορ* aliquis non factiosorum hominū, aut quorundam de populo, sed totius populi aut maioris partis iudicium Regis authoritati præferendum? Cui ego abi, mi homine neptis. Ecquando tu populum ita à Rege ad rebelles descivisse comperisti, vt non aliqua eius pars à Rege staret? nisi Rex adeo fuerit ignavus & vecors, vt pro sua ipse salutē & dignitate pugnare noller. Et tuæ sectæ homines, non morari partem maiorem, si antè nesciebas, nūc discē ex recenti Gallorum in Henricum III. coniuratione:

in quem post illustrissimos Principes Guisios fratres ab eo trucidatos, quorum mortem doleo, & desleo, quamuis aliquot tantum ciuitates insurrexissent, paucis de nobilitate adiunctis, & Regem contra tota ferè nobilitas, ac ciuitates plurimæ sequerentur, ita vt qui defecerant & multitudine & authoritate longè viderentur inferiores, tamen quia ob publica regni commoda, & communem Reipublicæ salutem tyranno se opponere aiebant, non dubitarunt huiusmodi sententiæ dicendæ ius sibi arrogare, eamque velut ex periculo recitare cum hac epigraphe. *De iusta Henrici tertii abdicatione à Francorum regno*; moxque vetare, ne quis inter eos amplius Regem eum appellare auderet, cunctisq; permittere, vt omnibus eum conuitiis, probris, maledictis incesserent. Horum igitur si doctrinam exemplaque sectemur, non totius populi, neque maioris partis iudicium in Rege condemnando, spectandum est vel expectandum. Quod si ita est, eò semper reuoluemur, vt demus fas esse rebellibus, qui causam publicam prætendunt (prætendunt autem omnes) Regem perduellem & reum mortis iudicare. At reponit Monarchomachus meliorem saltem partem sufficere, & eos qui ab illa parte non stant, in ciuium numero non esse habendos <sup>1</sup>. Amice, sitne melior pars illa quæ à Rege deficit, facti quæstio est, & valde obscuris testimoniis nititur: quæ enim iustæ causæ speciem initio præ se ferebat, ea aliquando progressu rerum exituque detecta, iniustam se planè atque infructuosam Reipublicæ demonstrat. Interea tamen dum contenditur de meritis & æquitate causæ, totum vndique regnum concutitur: & populus nefario ciuilique bello in sua ipse viscera defæuiens, calamitates infinitis partibus plures grauiorésque haurit, quam vnquam sub legitimo Principe quamlibet tyranno, imperii patiens & quietus acceperet. Rursus alius: Si neque fastigio deicere, neque in ordinem cogere malum Regem liceat: satius populo est viuere sine Rege, inque regno non esse. Iudiciis forsitan malè sanis ita videtur, quemadmodum discipulis nondum perfectè ad salutem eruditis, qui responderant Saluatori <sup>2</sup>. *Si ita est causa hominis cum uxore, non expedit nubere*. Nam quamuis nō liceat viro uxorem propter alia ab adulterio vitia dimittere, atq; ita pergrauis & dura connubii lex hominib. præscripta videatur: tamen quia plura ex matrimonio bona proueniūt, soboles legitima, charitas coniugalis, designatio coniun-

<sup>1</sup> Buchan. pag. 89. & 90.

<sup>2</sup> Matth. 19.



ctionis Christi & Ecclesiæ, Dei & animæ fidelis, aliæque sacramenti huius gratiam & benedictionem consequentia, quæ & certiora sunt, & longè antecellunt fortuitis illis molestiis, quæ non omnia coniugia comitantur: non debet ei iniquum videri, qui horum spe ductus uxorem ducit, si iugum quod sciens prudens libenter subiit, ferre cogatur & perferre, ut quamuis eum pœniteat, quod,

*Stultus maritali porrexerit ora capistro.*

tamen quia non de singulis & raris euentis leges constituntur<sup>1</sup>, & matrimonium per se bonum est, atque etiam alias, ut diximus, utilitates parit non permittitur indiuiduū illud vitæ consortium dissoluere. Ita populis quamuis durum certè atque amarum videatur imperia Regum acerbiora ferre, tamen quia commodis regni fruuntur maximis, & Reges etiam frequenter minimè malos nanciscuntur, expedit iis omni in Regem priuari autoritate, quàm arbitrato suo quoslibet, prout cōcitata multitudinis furor, aut ambitiosæ nobilitatis feruor causas suggesserit, imperio atque omni ditione spoliandi potestatem habere. In quam sententiam repetenda sunt illa sancti patris à me supra laudati verba<sup>2</sup>. *Minus etenim malum, inquit, prouiderat ipse pacis author regno futurum, si Rex immoderatius aliquando impune se erga populum gereret, quàm si populus index & ultor regia iniquitatis pro sua libidine existeret. Quare prouida sua benignitate Calvinico spiritui occurrere voluit, contestando hoc esse ius Regis in populum, non populi in Regem: atque ita propter eiusmodi genera, nemini in Regem rebellionem excitare licere.*

Quid ergo? nulline casus incidere possunt, quibus populo sese erigere, atque in Regem impotentius dominantem arma capere, & inuadere iure suo suæque autoritate liceat? Nulli certe. quandiu Rex manet. Semper enim ex diuinis id obstat: *Regem honorificate. & qui potestati resistit Dei ordinationi resistit.* Non alias igitur populo in eum potestas est; quàm si id committat, propter quod ipso iure Rex esse desinat; tunc enim quia se ipse principatu exiit, atque in priuatis constituit, liber hoc modo populus, & superior efficitur, reuerso ad eum scilicet iure illo, quod ante Regem inauguratum in interregno habuit. At sunt paucorum generum commissa eiusmodi, quæ hunc effectum pariant & ego cum plurima animo perlustrem, duo tantum inuenio, duos inquam casus, quibus Rex ipso facto, ex Rege non Regem se facit, & omni honore, at dignitate regali at-

<sup>1</sup> 1. 3. 4. 5. 6. D. de legib.

<sup>2</sup> Abbas VVin-  
etius aduers. Bu-  
chanan. pag. 190.

li atque in subditos potestate destituit, quorum etiam meminit VVinzetus <sup>1</sup>. Horum vnus est, si regnum & Rempubli-  
cam euertere conetur, hoc est, si id ei propo-  
situm, eaque intentio fuerit vt regnum disperdat, quem-  
admodum de Nerone fertur, quod is nempe Senatum  
populumque Romanum, atque adeò urbem ipsam ferro  
flammaque vastare, ac nouas sibi sedes quarere de-  
creuisset <sup>2</sup>, & de Caligula, quod palam denunciaret, se  
*neque ciuem, neque Principem senatui amplius fore*, inque  
animo habuerit, *interempto vtriusque ordinis electissimo quo-*  
*que Alexandriam commigrare* <sup>3</sup>, ac vt totum populum vno  
ictu interimeret, vnam ei ceruicem optarit <sup>4</sup>. Talia cum  
Rex aliquis meditatur & molitur seridò, omnem regnan-  
di curam & animum illicò abiicit, ac proinde imperium  
in subditos amittit, vt dominus serui pro derelicto habiti  
dominium <sup>5</sup>.

Alter casus est, si Rex in alicuius clientelam se contule-  
rit, ac regnum quod li-  
erum à maioribus & populo tradi-  
tum accepit, alienæ diuioni mancipauerit: nam tunc quam-  
uis fortè non ea mente id egit, populo planè vt incommo-  
det, tamen quia quod præcipuum est regie dignitatis, ami-  
sit vt summus scilicet in regno secundum Deum sit, & solo  
Deo inferior <sup>6</sup>, atque populum etiam totum ignorantem  
vel inuitum, cuius libertatem factam & tectam ab exterarum  
nationum seruitute conseruare debuit, in alterius  
gentis ditionem & potestatem dedit, hanc velut quadam  
regni abalienatione effecit, vt nec quod ipse in regno im-  
perium habuit, retineat, nec in eum, cui collatum voluit  
iuris quicquam transferat, atque ita Rex eo facto liberum  
iam & suæ potestatis populum relinquit; cuius rei exem-  
plum vnum annales Scotici suppeditant. Post mortem enim  
Alexandri III. cum ingens de regno centrouersia orta  
esset inter Robertum Bruffium, & Ioannem Baliolum, at-  
que eius componendæ arbiter electus Eduardus I. Anglo-  
rum Rex, à tibiæ longitudine *Langschanx* appellatus.  
Anglus fidei famæque negligens, vt abiudicatum vtrique  
regnum ad seipsum quo iure quaque iniuriâ pertraheret,  
animos Scotorum leuiter pertentare, multisque pollicita-  
tionibus ac spe vana sollicitare primùm cœpit, vt vtroque  
contententium excluso, in suam ditionem concederent;  
quod cum cerneret parùm fœliciter procedere, Scotis cū  
rerum statum constanter recusantibus, alia sibi fraude  
pro-

<sup>1</sup> aduers. Buchan. pag. 275. & 269.

<sup>2</sup> Aurel. Victor de Cæsarib.

<sup>3</sup> Suet. cap. 49.

<sup>4</sup> Idem cap. 30.

<sup>5</sup> h. i. & vltim. D. pro derel.

<sup>6</sup> intelligit de temporalibus.

prospexit, vtrumque scilicet competitorum seorsus conuenit: ac Brussio prius denunciat se pro illo iudicaturum si ipse cum primum regnum inierit, se Regis Anglici clientem. & beneficiarium profiteri velle promittat. Ille verò, vt erat fortis & magni animi, intrepidè respondit, male se scriptum quamuis optimo iure sibi debitum amittere, quàm ea lege nancisci, quæ regni hætenus liberrimi dignitatem libertatemque imminueret, ac proinde vel Regem se more maiorum in nullius clientelâ, vel non omnino Regem futurum decreuisse. Hanc à Brussio repulsam ferens mox Baliolum eâdem machina aggreditur atque expugnat: is enim cæcâ regnandi cupiditate impulsus accepit conditionem, ac si Rex declararetur, in eius verba se iuraturum clam sponndit. Atque hinc digredi paxillum ab instituto mihi liceat, vt moneam hoc me vnum inter Scotos exemplum reperire. Nam quod Angli nunquam non in suas laudes effusi, dicunt ante id tempus Cōstantinum III. Scotiæ Regem fuisse beneficiarium Athelstani, siue Adelstani Angli, id si regni Scotici ratione intelligatur, planè falsum est, & Angelicis tantùm scriptoribus accepto ferendū, quos constat gentis suæ efferendæ studio in historiâ impēsē mendaces esse, vt ille qui Arthuro totius ferè orbis imperium tribuit. Non inficior quin vt Anglici Reges Francorum Regum beneficiarii fuerunt pro his quos in Gallia Ducatus Comitatusue habebant, ita & Scotici Reges aliquando pro iis quas in Anglia prouincias habebant, Anglicis Regibus fidem dederint: quæ res Bodinum aliquando fefellit<sup>1</sup>. Sed ad id nunc quod agitur redeamus. Si præter hos duos casus, alius alios memorare possit, rem certè non minùs, mihi gratam, quàm vtilem Reipublicæ faciet. Ego enim alium scio nullum, quo Rex ipso iure, ipsòue facto regiam dignitatem perdat (eiurationem spontalem excipio, de qua nulla inter mortales dubitatio.) Nō enim si adulter, si homicida, si periurus, si, quod damnosius & derestabilius est, hæreticus fuerit; nec si populum iniquis vectigalibus premat, vel in ciuitates quasdam seuerius & iniustius animaduertens aratrum inducat, aut nobiles, quibuscum obscuras vel apertas simultates gerit, mortē, fortunis, exilio intemperanter multet, idcirco Rex esse definit, vel imperium in subditos & annexum maiestati honorem protinus amittit. Quis enim Saulem sacerdotū cadi-





fidissimè tribus iam libris sum profecutus. ordinis & instituti ratio exigit, vt in posterioris tractationem hoc libro incumbam. Eaquè mihi opera tantò magis necessaria videtur, quantò tenaciùs errores in præoccupatis opinionũ peruerſitate mentibus inhærescunt. fit enim sæpe vt multi leuibus argumentis, & fictis fucatisque rationibus, abduci se à recto faciliè patiantur: siue quia in id quod asseritur ad eò propendunt sua sponte, vt quod verum fingitur verum esse velint: siue quia ingenio non ita prompto sunt, & mēte ad diiudicandum acuta & perspicace, vt vitia argumentorum statim videant vitentque. Quibus omnibus sola veritatis demonstratio, quamlibet simplex & aperta, non satis est ad eam qua semel imbuti sunt opinionis prauitatem reuellendam, nisi etiam contrariæ argumentationes, quarum laqueis irretiti sunt, diluantur. Perstringam igitur magna ex parte quæ sunt eius generis, vt imperitis & incautis hominibus faciliè imponant: ac præcipuè ad Bruti rationes refellendas memet accommodabo, Buchananicis quibusdam adiunctis: tum quòd de Buchanano vir eruditus iam pridem victoriam reportauit, & nos etiam complures eius errores primis libris carpsimus conuicimusque, vt necessum non sit eos hoc loco repetere: tum etiam quia Bruti oratio corrasis vndique argumentis fuit liberius, & errores veri specie contextos cum quadam suauitate lectoribus instillat.

Vt itaque à capite quæstionum Bruti, atque ad eò ab ipsius libri titulo & præfatione ordiamur (nam eius quidē ista sunt cuius & reliquum opus <sup>1</sup>) quod ait. *De legitimo & vero Principis in populum, & populi in Principem iure & potestate*: id doctis hominibus vsusque & disciplinæ ciuilis peritis, admirabile videtur: non tamen inter Stoicorum paradoxa, sed inter stolidorum deliria *ad dēōtatem* <sup>4</sup> reponendū. Si quidem necesse est populum Principe superiore esse, vel inferiorem, aut pari vtrumque imperio præditum: quartū quod demus nihil est in eodē potestatis genere. Atqui certissima iuris definitione, & solidissimā etiam ratione constat nulli ius & potestatem esse in parem aut superiorem: quapropter fieri non potest vt vterq; alteri subiiciatur, domineturue. Brutus ergo cū libri sui frontem ea inscriptione ornet, atque ab eā præfationis quoque initium ducat, polliceri videtur se non modo incredibilia, verum etiam impossibilia nobis explicaturum: incertū an quia in-

<sup>1</sup> Autor præfationis appellat illas quæstiones suas pag. 7. sect. 3.

<sup>4</sup> *ad dēōtē*, inopinabile, infame. Gell. li. 17. cap. 12.

scitia cūilis scientiæ id ei monstrum in cerebro peperit, an quia ratus est inscriptionē illam vulgo gratiorem fore, & fraudem non faciliē deprehensum iri, populi & Principis imperium ita coniungit, vt neutri quodammodo & vtrique principatus tribuatur. Vnum scio, nullam Regis in populi potestatem eo libro contineri: quin potius omnem ei abrogatam esse. Nam quæstione 3. pag. 89. De regni Officiariis, quos vocat, differens, hæc ad verbum scribit. *Hi Regis in iure dicundo velut assessores regii imperii consortes, addeō vt omnes quidem illi Rempub. administrare teneantur, non secus ac Rex: is tamen inter eos quasi præses primum tantum locum teneat. Vt verò populus vniversus Rege superior est, ita etiam hi, etsi singuli Rege inferiores sint, vniuersi tamen superiores censendi sunt.* Et pagina 86. *In Repub. inquit, quæ nauis comparari solet, Rex gubernatoris, populus domini loco est.* Gubernator autem, vt ille ait, *nauis seruus est, domino nauis subiectus, ex quo Regem Reipublicæ seruum populoque subiectum esse colligit: quem viri ad vnum omnes boni sponsum Reipub. & populi caput esse contendunt.* En vt Brutus, verè brutus, regiam dignitatem non solum infra populi potestatem constituit, sed pauculis hominibus populo inferioribus etiam supponit. Quid igitur est quod *de Principis in populum legitima potestate, & de vero Principis in populum iure & potestate* se disserturū iactat? Quid est quod in eadem præfatione scribit disputationes suas, *differere de verâ Principis & Regum tuenda maiestate?* An non aperta nimis hæc est, & haud ferenda ludificatio? an non mirum merumque mendacium? Si is Regum maiestatem tuetur qui eam proculcat, & infimo loco habet: qui Reges ipsos Cōsulibus, & aliis magistratib. democraticis pares vel inferiores facit: qui eos quasi cōcilio Præfides tantum censet, & Reip. seruos ab aliis nullâ re differētes: peregregius Regum defensor Brutus est. Sin minus, alius iis tutor maturè quærendus, qui hunc suspectum postulet. Sed mitto libri frontem, ingens enim mihi campus peragrandus est: ideoque sat habeo imposturam in titulo latentem indicasse, vt quid spei reliquum sit de Bruti disputationibus tam inauspicatō cœptis lector prudens conii-  
ciat.

Sequitur in præfatione, *omnes peramanter ob elegantiam doctrinæ, æquitatemque causæ, etiam obuiis vlnis eas dissertationes excipient.*

Addeō scilicet suus illi error placet, vt æquè omnibus acceptum

ptum fore credat. Et verò nulla in iis æquitas causæ subest, sed iniquitas maxima, orationis non vsque adedè comptæ, sed nec elegantis tamen, cultu phalerata.

Addit deinde, *nulla quemquã insectandi cupiditate, aut vllarum partium gratia scriptas esse dissertationes illas: sed solo veritatis ob oculos ponendæ desiderio, ex Gallicarum calamitatum necessitate ac ruinis: quod omnes, inquit, qui eas attentè legent, cuiuscunque partis ii sint, aut nationis conditionisue, modo tamen Christianam religionem, vel quam Pontificiam, vel quam Reformatam appellant, profiteantur facillè certoque perspicient.*

At hoc etiam falsum esse ex variis earum quæstionum locis facillè deprehenditur. Nam in primis constat autorem esse hæreticum ex iis quæ scribit pag. 18. & pag. 60. 61. 62. 163. 204. & alibi: atque ex hoc ipso loco, vbi Pontificiam reformatam religionem nominat: Christianus enim orthodoxus Catholicam religionem dixisset non Pontificiam, præsertim vbi eam hæreticæ, quam vocant reformatam, verius deformatam, opponat. Tum verò illud quoque certum est scriptas fuisse quæstiones istas eo tempore, quo hæretici Galliam infestantes rebellionis suæ colorem, imò causam omnē, prætendebant esse religionis puræ putæ retinendæ & propagandæ desiderium: obq; eam licere sibi deficere à Principe libertatem colendi Deum, vt velint, denegante, eiq; & animis & armis resistere, atque sceptrum adimere, tam seditiosis concionibus, quàm sceleratis conatibus contendebant, vt nemini talia reputanti obscurum esse possit, quæstiones illas hæreticorum gratiâ scriptas esse, nisi qui hæreticam astutiam prorsus ignorat.

1 §. 2.

Idem de eo iudicium est, quod in eadem præfatione scribit <sup>1</sup>. *præclare equidem Iunius Stephanus qui nihil antiquius habuit, quàm vt has quæstiones publici commodi gratia, Christianæque religionis sartæ tectæ tuendæ causa, magnis laboribus studiisque perficeret.*

Puduit præmonitorem dicere, hæreticæ, seu Lutheranæ vel Calvinisticæ religionis: & Catholicæ religionis dicere non potuit: quippe hæc quæstionibus illis palam oppugnatur: idedò dixit generaliter Christianæ vt lectores sibi aliquot hoc saltem elogio conciliaret. Deinde pergens in eius scripti laudibus.

2 §. 3.

*Quacunque, inquit, <sup>2</sup> in iis quæstionibus adseruntur, eclaris equidem non verò detortis Sacrarum literarum testimoniis esse certa demon-*

*ta demonstrantur: ex Morali Politicisque scientia doctrina, & Naturæ ac legum iussis Iurisconsultorum responsis, Imperatorumque rescriptis confirmantur: diuersarum Gentium moribus & institutis astruuntur: in illustribus ac variis variorum historicorum exemplis, tanquam in speculo, spectanda proponuntur.*

Magna hæc est commendatio, quæ si vera esset, quem non in illius libri lectionem, inque autoris eius sententiam pertraheret: Sed nihil eorum præstat Brutus, quæ iste de illo, vel ipse potius de se, pollicetur. Nam quæ adfert pleraque sunt falsissima, & detortis deprauatisque Sacræ Scripturæ testimoniis fucata potius quàm firmata. Moralem verò & Civilem scientiam, atque adeo ipsum Naturæ & gentium ius ita peruertit; vt ea quæ scribit legere, nemo doctus sine indignatione queat. Sed nec in Iurisconsultorum scriptis Principumue rescriptis, meliore fide versatur. Ludit etiam non rarè in historiis, non secus ac si speculo imagines rerum inuersas repræsentante vteretur: vt post suis locis plenissimè declarabimus.

Quod autem reliqua præfatione exaggerat, propositæ laudationis sequela est: nempe Brutum perscrutandæ veritati magnam operam impendisse, & eam tanquam ex profundo putei eruisse. Quæstiones illas nullis, nisi tyrannorum mancipiis, displicere. Per eas Machiauellii doctrinam funditus euerti. Non nisi Machiauellianos in Brutum insurrecturos, & id genus alia, quæ nec miror, nec moror: pendent enim ex eo quod dixit omnia à se allata in iis quæstionibus demonstrari esse certa, *Sacrarum literarum testimoniiis &c.* Nam si hoc verum est, cætera necessariò consequentur: at non verum esse faxo cuncti perspiciant. In Machiauellianos verò q̃ inuehitur, laudādus, nisi ipse doctrinā Machiauellianā nō minus peruersam fabricasset: tātoq; magis exitiabilem regnis, quanto in peiore statu res sunt tumultuante & furente populo, bellisque omnia miscente ciuilibus, quàm legitimi Principis etiam insigniter trucis & maligni, dominatum æquanimiter sustinente. nunquam enim Regis alicuius tanta scruitia vel rapacitas extitit, quæ cum ciuilibus discordiæ miseriis ex rebellio nata comparata non multis partibus minor sit. Impia igitur Machiauellii & detestabilis doctrina est æquè & Brutum aduersis vitiis laborant.

*Dum vitant stulti vitia, in contraria currunt.*

Sed de præfatione satis, ipsas nūc quæstiones expēdamus.

*Cal.*



*Calliditas Bruti in tractatione prima quaestionis, eius in ea stupus, malignitas, & iuris in scitia, argumentorum ex Regis & vasalli comparatione dissolutio.*

## CAP. II.

**E**X quatuor quaestionibus in quas Brutus opus suum distinxit, (quod inscripsit, *Vindicta contra Tyrannos siue de Principis in populum, populi que in Principem legitima potestate*) prima his verbis enunciatur.

*An subditi teneantur aut debeant Principibus obedire, si quid contra legem Dei imperent?*

Difficile dictu est quam fuerit autor iste in huius quaestionis tractatione vaser. Nam in primis ipsam non satis clarè & enucleatè nobis proponit: est enim ambiguitas quadà eius verbis comprehensa, quæ facit vt duobus modis possit intelligi an scilicet subditi teneantur & debeant obedire Principi in eo quod imperat contra legem Dei: an verò vllam ei obedientiam amplius præstare in rebus aliis teneantur, si semel aliquid contra legem Dei imperet. Et quamuis initid ipse quaestionem priore modo intelligere se simulet, cum dicat, *eam videri prima fronte planè otiosam & inutilem, qua nempe Christianorum axioma certissimum, quasi etiamnum controuersum, in dubium vocari videatur.* Atque iterum vbi admonens scopum illius quaestionis esse, vt sciant Principes quatenus imperare debeant, & subditi quatenus parere, eam repetit his verbis. *Queritur, an subditi teneantur Regibus obedire, si quid aduersus legem Dei imperent? id est utri potius, Deo, an Regi obediendum sit.* Qua interpretatione non obscurè indicat se quaestionem eo sensu proponere, quasi dubium sit, an subditi debeant parere Principi in eo ipso quod contra legem Dei iusserit: quamuis id extra omnem controuersiam Christiano homini esse debeat. Tamen paulò post longè aliam sibi mentem esse aperit: & perspicuè ostendit de posteriore illo quaestionis intellectu se potius sensisse vt perquiratur nimirum, an Rege aliquid contra legem Dei præcipiente, ac proinde in legem Dei committente, populus statim eius potestatis & obedientiæ nexu liberatus sit, vt nulla in re amplius ei obsequi teneatur. In cuius explicatione omnibus ingenii neruis contendit & elaborat, vt nobis persuaदेат Reges qui Dei legem non obseruant, vel obseruantes impediunt & persequuntur, quique, vt vno verbo dicam,

dicam, non ex legis diuinæ præscripto imperant, ipso iure regnum committere, & omni honoris ac dignitatis prerogatiua sese nudare: cui consequens est, populum iis nō amplius esse obstrictum, eò quòd Reges iam esse desierint. Hic Brutus scopus est, huc omnes eius conatus tendunt in primæ quæstionis tractatione: nec mirum, nam ad confirmandos fratrum, id est hæreticorum animos, qui religionis causa rebellarunt, quasi id optimo iure fecerint, susceptam ab eo & exaratam fuisse, certum est. Hæc igitur de primâ quæstione generaliter dicta sint, vt Brutus quid animi habeat intelligatur. nunc expendendæ singillatim rationes eius, erroresque indicandi.

Brutus ait. <sup>1</sup> *Videtur fortasse prima fronte hac quæstio plane* pag. 1.  
*ociosa & inutilis, qua nempe Christianorum axioma certissimum*  
*et tot Scriptura sacra testimoniis, tot seculorum exemplis, tot piorum*  
*Martyrum rogis comprobatur, quasi etiamnum controuersum in*  
*dubium vocari videatur. Quorsum verò aliqui Apostolorum*  
*responsum, Deo magis quàm hominibus parendum esse?*

Est ita vt dicis, Brute: sed cùm ita sit, cur tu doctrinam tam ratam & constantem hac inani quæstione concutere, & anticipem reddere conaris? Cur rem de qua nemo bene à naturâ informatus, nedum à Christo & Christianis institutus, hætenus dubitarit, vt dubiam & incertam peruulgas? Cur quæstionem omni indignam responsione proponis? & cui neque rationibus, neque coniecturis, neque argumentis aut testimoniis satis facendum est: nisi tali fortè responsione, qualem Celsus Domitio Labeoni rescripsit <sup>2</sup> 2 l. Domitius  
*nempe, aut ego nō intelligo quid sit de qua queris, aut valde stul-* 27. D. qui test.  
*ta est quæstio tua: plus enim quàm ridiculum est dubitare, an Deo* fac. poss.  
*potius quàm Regi sit obediendum. Quin similiter quæris an*  
*Diaboli iussa capienda sint, vel ei quàm Deo magis pa-*  
*rendum? nam & ipse princeps huius mundi nominatur: &*  
*quod Princeps contra legem Dei imperat, id diabolico*  
*spiritu imperat, vt perinde sit, ac si Diabolus ipse impera-*  
*ret. Nemo, inquit Philosophus, proponit quod nullis vi-*  
*detur, vel quod omnibus est manifestum. At Brutus ta-*  
*men non inanem, imò necessariam hanc quæstionem esse*  
*reter.*

*At certè, inquit, cùm hodie multi Principes existant, et si Christi*  
*nomen ii iactitant, qui immensam potentiam ne ab ipso quidem*  
*Deo pendunt: sibi audacter arrogant, multi adulator es, qui qua-*  
*si Deo: terrenos eos adorant, multi etiam qui, seu meru occupati,*

*seu alia vi coacti, nulla in re denegandum Principibus obsequium aut censeant, aut censere videri velint: & vitium præterea nostrorum temporum hoc esse videatur, ut nil tam firmum sit, quod non conuellatur, nil tam certum quod non cōtrouertatur, nil tam sanctum quod non violetur: vereor sanè, ne cuius rem accuratè perpendenti, non modo non inutilis hæc quæstio, sed planè necessaria, nostro præsertim seculo videatur.*

Non verum est quod de principibus narras, nec si verum esset, satis iustam tibi causam præberet tam firmum Christianæ religionis dogma in disquisitionem adducēdi Nam Principum quidem perpauci, imò vix vlli qui Christo nomen dederunt, vsque eo se extulerunt insolenter, ut non à Deo se suâque pendere fateantur: nisi hæreticis fortè opinionibus infecti, quodd ex hæreticis Athei facillè fiant. Cum illis igitur (quia se hominibus, sibi Deum imperare sciunt) non dubia interrogatione agendum, *Veri potius, Deo an Regi obediendum sit?* sed affirmatè, *Deo potius quàm Regi.* Nisi fortè existimes tuas rationes plus apud eos momenti habituras, quàm vel ipsam Sacræ Scripturæ auctoritatem. Cum his verò qui ad vestræ disciplinæ perfectionem perueniunt, id est, nihil credendi securitatem, quoniam ad extremum perditæ sunt, & omnem de Deo cogitationem, imò omnem eius notionem abiecerunt, multo magis inanis & superuacanea tibi disputatio est, eoque magis lubrica, quodd axioma certissimum, ut ais in cōtrouersiam vocas: tuis enim argumentis ex Scripturâ petitis quo pacto credent, qui ne Scripturis quidem ipsis credunt, & te etiam non nisi dubitanter credere animaduertei int. An putas eiusmodi Atheos, qui Moysen habent & Prophetas, imò Dei filium Saluatorem, atque Apostolos & eorum successores, nec eos audiunt, tibi vel tuo Caluino, etiam si ab Erebo reuertatur, de Deo aliquid credituros? Æthiopem lauat qui Atheum luet, & bonam de eo spem fouet, & quidem multos eiusmodi vestra genuit religio, sed neminem vnquam ab extremo illo interitū reuocauit. Vide sis ergo ne hæc tua quæstio viris bonis odiosa, malis prorsus inutilis & superuacanea sit. Quisquis enim tibi propter argumenta ex Scripturis ducta assentitur, is Scripturis ipsis ut magis assentiat necesse est: ac proinde sine omni quæstione, vel dubitatione, vel disputatione, *Deo magis quàm hominibus obediendum esse credet.* idque omnes Christiani Catholici sincrerè simplicitérque profitentur.

Quæ res, arbitror, cum nec te lateret, causa fuit cur sensum ab hoc sensu digressus, in alterum illum quæ supra notauimus prolaberere: quasi non ad eum finem hæc à te proposita quæstio, & instituta disputatio sit, vt intelligamus Principi, in eo quod iubet contra legem Dei, obsequium penitus esse denegandum; cum id certo certius sit, & tam illustri Scripturæ autoritate fixum fundatumq; , vt Christianum de eo ambigere nefas iudicetur. Sed vt doceas subditos ab eiusmodi Principe statim posse deficere, & non solum ei non parere in eo quod aduersus Dei verbū imperat; sed nec ullā in realiā, vt qui eius ditione ac potestate non amplius teneantur. Hæc illa est pestilens & nefaria quam duabus primis quæstionibus doctrinam tradidisti: & quæ vestri Protestantes omnes multò antè in Gallia, Germania, Scotia, Belgio, & alibi, rebus gestis miserè & mirificè comprobauerunt. Verissimè igitur à te dictum est, vitium nostrorum temporum esse, *vt nihil tam firmum sit quod non conuelatur, nihil tam certum quod non controuertatur, nihil tam sanctum quod non violetur*: idque in te optimè conuenit, qui res certas & sanctas falsis captiosisque argumentis ita dextrè inuoluisti, vt aliter se habere quam reuera se habeant, lectoribus parum cautis & eruditis videantur.

Ad illa igitur ipsa nunc venio, quæ apud te, imò à te, sunt eiusmodi, vt errorem imperitis facile creare possint. Neque enim opus est ea recensere, quæ de Dei omnipotentis æterno summoque imperio, quod omnem humanū principatum immenso atque infinito intervallo superat, verbosè congelessisti. Mihi tecum conuenit omnes Principes à Deo potestatem accipere, omnes à Deo pendere, & vt tecū dicam, quamuis non propriè dicam, omnes Dei clientes & vasallos esse, quin potius dicam, præ Maiestatis eius ineffabili celsitate, omnes huius mundi Reges vermes esse, & puluerem quem proicit ventus à facie terræ. Neque tamen, quod tu vis, inde effici concedimus, Regem, si Deum negligat, aut eius legem perfringat, si Naturæ vel Gentium ius aliqua ex parte violet, regno & regali potestate ipso iure priuari: sed planè contrà, quæ regis dignitatis sunt integra ei omnia atque intacta permanere: vt est à nobis libro tertio solidissimis rationibus demonstratum. Tuæ autem quàm infirmæ sint, quàm futiles ac commentitiæ aggredior declarare: ex quibus prima hæc est <sup>1</sup> sæpius à te repetita.



Vasallus sese domino superiori iureiurando deuincit, fidemque & obsequium promittit. Rex pariter ex legis diuina prescripto sese imperaturum iurat. Vasallus denique ni iusiurandum seruet, feudum committit, ipsoque iure sese omni prerogatiua priuat. Rex quoque si Deum negligat, si ad eius hostes transfugiat, si feloniam aduersus Dominum committat, & ipso iure regnum committit, & ex facto plerumque amittit. Et paulò post <sup>1</sup>. Perspicuum ergo est Reges, tanquam Vasallos, in legem Dei, tanquam superioris omnium Domini iurare. At verò, quod antea attigimus, si fidem non seruant, si legem violant, ut illos feudum propter feloniam, sic hos regnum committere legimus. Et rursus <sup>2</sup>. In summa, ut vasalli rebelles, regnum ve affectantes, & supplicium extremum merentur, & feudum ipso iure committunt: ita & hi qui aut legem Dei ex pacto obseruare nolunt, aut obseruare volentes inaudit a causa persequuntur.

Hoc illud est tuum præcipuum ex Iure Ciuili argumentum in huius primæ quæstionis explicatione, quod quidem si verum est, nemo nescit eius efficientiam ex differendi ratione talem esse, quæ firma consecutione probet Reges Deum negligentes, aut eius legem non obseruantes, statim desinere esse Reges, nec vllam in Republica dignitatem & prerogatiuam retinere: eoque populum iure regni non amplius iis esse deuinctum. Ita enim in bona dialectica ex tuis principiis est colligendum. Vasalli erga dominum, & Regis erga Deum, par similisque conditio est. At ille ni iusiurandum in inuestitura præstitum seruet, ipso iure feudum committit, & se omni prerogatiua priuat. Ergo & Rex quoque si iusiurandum, quod dum inauguraretur præstitit, non seruet, ipso iure regnum committit, & se omni prerogatiua priuat. His positis, aliud ex eadem iuris disciplina consequens annectitur. Vasallus cum primum feudum committit, & se omni prerogatiua priuat, ipso iure definit statim esse beneficiarius siue feudatarius, sine vlla accusatione, cognitione causæ, aut condemnatione aduersus eum facta. Nam ipso iure dicitur aliquis committere feudum, incidere in pœnam, priuari officio vel beneficio, quando ex eo ipso quod aliquid fecit, sola legis auctoritate censetur illico iudicatus, perinde ac si causa cognita sententiam iudex competens protulisset. Vnde ipso iure aliquid fieri, & per sententiam fieri, ut opposita, referuntur <sup>3</sup> & in effectu idem esse dicere, ipso iure, & dicere, ipso facto. Bartolus post glossam author est <sup>4</sup>: ut sit, ipso facto, idem quod

1 pag. 15.

2 pag. 21.

3 gl. in lictus. D. de his qui not. inf.

4 ad l. r. num. 4. D. de his qui not. inf.

quod propter factum, vel statim atque factum est: ipso iure  
verò, quasi iure statuyente, seu sententiente, vt ille loquitur;  
quali dicat, sine vlla mora, & sine vlla cognitione aut facto  
iudicis, ipsa iuris constituti potestas authoritasque tale  
quid operatur: ad summam, vtroque verbo significatur,  
nihil iudicio iudicisve sententia opus esse. Hinc deinde ex  
eadem Vasalli & Regis similitudine, & effectu regni com-  
missi, necessariò colligitur, Regem, vbi semel regnum ipso  
iure commiserit, desinere esse Regem, siue Vasallum & be-  
neficiarium Dei: ipsoque facto ius omne quod habuit in il-  
lo feudo, id est, in regno, amisisse. Atque ita in eum, vt ex  
Principe priuatum, ex Rege rebellem, ex summo & augu-  
stissimo Magistratu miserum & sordidatum reum tam in-  
digni facinoris crimine factum, populo ius esse sicut in ali-  
um quemlibet de multitudine.

Hæc omnia, Brute, principiis à te propositis sunt con-  
sequentia: quapropter si illa vera sunt, vicisti, nec nobis  
quod respondeamus quicquam superest. Sed vel error re  
duplex tenet, vel tu sciens prudens lectorem duplici errore  
distines. Ideoque refer animum sis, & recognosce falsum  
esse principiū illud quod pro vero assumis, & vnde sequen-  
tes omnes conclusiones tanquam ex fonte manant; Nempe  
Vasallum, ni iusiurandum seruet, feudum committere,  
ipsoque iure sese omni prærogatiua priuare: falsum, inquā,  
hoc est, & per seueranter denegandum.

Nam vasallus qui noxam committit, quam Oberrus &  
Feudistæ feloniam vocant, tantum abest vt priuet se ipso  
iure omni prærogatiua, vt non prius feudum amittat, aut  
prærogatiua spoliatur, quam sententia feratur, & iudicio  
Parium, id est, conuasallorum, victus damnatusque sit: vt  
variis in locis est apertissimè definitum<sup>1</sup>. Quod cum tam  
sepe & tam disertè scriptum sit, perpendant velim omnes,  
& quid spei de hoc authore reliquum sit coniectent: an  
scilicet qui tam manifesto iuris errore suatum conclusio-  
num fundamenta iacit, Theologiam fide meliore quàm  
Iurisprudentiam sit tractaturus. Siccine Brutus Superantii  
ad promissoris sui fidem liberat? Spondet Superantius o-  
mnia quæ adferuntur in his quæstionum *decursibus*, clavis  
ff 3

1 ff. 1. Feud. tit.  
21. de feud. sine  
culp. non amitt.  
& titu. 22. quo  
uest. per. deb. 6.  
ult. & Constit.  
Imp. Cōradi. de  
beneficiis & Cō-  
& sit. Imp. Henr.  
de caus. amitt.

feudi. glos. in tit. de prohib. feud. al. per Fredericum li. 2. tit. 55. in verb. reuertatur. A-  
lex. li. 1. Consil. 124 Baro. lib. 3. methodi de beneficiis cap. 4. cap. grauem. 15. vbi gloss.  
in verb. abscondatis ea de excess. prælat. Jacobus Cuiac. lib. 5. de Feud. tit. 1. & 2.

& non detortis Sacrarum literarum testimoniis, ac Iurifconsultorum responsis, Imperatorumque rescriptis, Gentium denique moribus & institutis demonstratū iri & confirmatum: & ecce Brutus vix dum occæpit decurrere, imò vix limine pedem extulit, cū magnum ei mendacium excidit, vel certè supinus iuris error: qui tamen si vnicus apud eū extaret, condonandus ei facilè, ac planè inducendus esset, ne posteris appareat. Sed cū sit multorū mendaciorū quæ sequuntur velut arra quædam, præteriri sine vitio nequit: siquidem arra pars pretii est, & in pretiū imputatur<sup>1</sup>. Verissimè dictum est, minimum errorem in principio tandem in maximum excrecere: & vno inconueniente admissō vt loquuntur, absurda multa consequi. Negamus igitur, Brute, & vt falsum reiicimus quod ais, Vassallum ipso iure Feudum committere, ni iussurandum domino præstitum seruet: quo vno responso, velut septo validissimo, sistuntur rui argumentorum ex illa scatebra decurrentium.

Sed vt quod verum non est verum esse concedamus, Vassallum nempe iis de causis feudum ipso iure committere, tamen non inde rectè colligitur quod de rege inferas. Nam erras vehementer in eo quod Deum domino, Regem vassallo, quantum ad feudi & regni amissionem attinet, omni ex parte confers, quasi verò infinita illa diuinæ Maiestatis potentia, atque immensa bonitas consuetudines istas feudales, multis nationibus incognitas, ab aliis aliter atque aliter immutatas, in auferendo vel conferendo beneficio imitetur aut seruet. An nescis beneficia de quibus loqueris, quamuis initio potuerint reuocari arbitrio domini, tanquam à temporariis & precariis possessoribus: tamen hoc iure quod tu in medium adducis de feudo committendo, perpetua esse, & ita ad clientes pertinere, vt dominus ea auferre illis, quamuis maximè velit, nequeat<sup>2</sup>. An verò idem de Deo statuis, vt nec ipse quod dedit, adimere, vel prorogare beneficium placito voluntatis suæ possit? An ignoras institutis feudalibus comprehensum esse, dominum posse noxam siue feloniam committere aduersus vassallum, propter quam priuetur feudi dominio: <sup>3</sup> quod nemo nisi insigniter βλάσφημο Deo attribuat? Perperam igitur Regem cum vassallo, Deum cum domino composuisti: rectius autem initio scripseras<sup>4</sup>, Deum suapte authoritate regnare Reges quasi precario. Deum per se, Reges per Deum. Deum iurisdictione sua uti, Reges delegata tantum. ex quo

<sup>1</sup> l. ult. D. de lege commiss.

Alter Bruti error.

<sup>2</sup> l. i. Feud. tit. i.  
<sup>3</sup> l. i. tit. 7. tit. 21. tit. 32. §. ult.

<sup>3</sup> lib. 2. Feud. tit. 26. §. domino & tit 47.

<sup>4</sup> pag. 5.



quo apparet te, cum postea Regem Dei vasallum esse aie-  
bas, & certis de causis feudum committere, vel eorum quæ  
prius dixeras non meminisse, vel inter vasallum, & precari-  
um possessorem quantum intersit non intellexisse, vel quod  
extremum est, res longè discretas, ut facilius nos falleres  
fraudulenter confudisse. Vt est, neque Princeps cum Deo  
collatus vasalli instar habet, neque populus cum Principe:  
ac proinde contra nec hi quidem ad illos comparati, do-  
minorum loco censendi sunt, quatenus non ita vetus ista  
feudorum consuetudo, dominorum & vasallorum iura  
describit: idque ex his quæ tute ipse tradidisti, si minus mi-  
hi fidem habes, apertissimè colligitur. Nam primum si  
Deus suapte autoritate regnat, & Reges precar. d. (quod  
tu vis & verum est) sequitur frustra quæri de regno comit-  
tendo, & Reges non rectè dici regnum committere respectu  
diuinæ Maiestatis, cum illud semper pendeat ex solâ Dei  
voluntate, & quoties ei collibitum est auferri iure precarii  
possit, perinde ac si esset commissum <sup>1</sup> atque ita nec Deus <sup>1</sup> li. 1. 2. & passim  
ut dominus feudi, nec Rex ut cliens & vasallus, regnum <sup>2</sup> D. de preca.  
propriè aufert, retinétve.

Deinde si Reges per Deum, & delegata à Deo iurisdic-  
tione regnant (quod itidem tu asseris, & rectè quidem asse-  
ris) consequens est, quod causæ tuæ iugulum premit & con-  
fodit, populum non posse Regi illam iurisdictionem adime-  
re, quin eo facto gravem ipsi Deo iniuriam faciat eius iur-  
isdictionem inuadendo: non secus ac si ciuitas aliqua ma-  
gistratum à Rege sibi suo petitu datum, inconsulto Rege,  
eiusque iniussu, honore, officio, iurisdictione, omniq; im-  
perio spoliauerit.

Ad hæc si verum est quod scribis, *Regem si Deum negligat,*  
*si ad eius hostes transfugiat, si feloniam aduersus Deum commi-*  
*rat, ipso iure regnum committere.* necessaria consecutione effi-  
citur, Regem si homicidium, si adulterium, fornicationē,  
aliudve peccatum mortale admiserit, regnum ipso iure com-  
mittere, atque ita ne Regem quidem amplius esse, nec præ-  
esse populo: quando quidem ex amico factus est per pecca-  
tum inimicus Dei & verè transfuga, atque cliens diaboli, <sup>2</sup> 2. *epist. Ioan. 1. 2.*  
etque in Deum rebellis: est enim mortale peccatum felo-  
nia grauis, quæ non sine Maiestatis diuinæ seu neglectu seu  
contemptu admittitur. At hoc quid aliud est, quàm fœdū  
illum & fœtidum VVicleffi errorē iam pridem sepultum ab  
inferis reuocari?



Quod si forte te non aliud superiore sermone intellexisse dicas, nisi quod quemadmodum Vassallus, nisi iusiurandum seruet, indignus est qui beneficio gaudeat, qui que feudum retineat: ita & Rex qui Deum negligit, aut fel onia aduersus eum committit, & vno verbo, qui iusiurandum quod præstitit nõ seruat, indignus est imperio, & solio sceptroque regali: si ea inquam tibi mens fuit, verbis vltus es impropriis, & quæ cogitationes tuas non satis enucleatè nobis proderent: tamen sensus ille tuus optimus est, & ego tibi valde assentior. Sed Deus, vt scis, multa indignis largitur, multa condonat, multa vt retineant benigne permittit: auaros, homicidas, mæchos, fortunis, honoribus, potestati cumulat: nec potest ei quisquam dicere, cur ita facis? *Domini est terra & plenitudo eius.* quicquid possidemus, ab ipso possidemus non vi, non clam, sed precario. Cum igitur vtcæterarum rerum, ita & regni largitor Dominus sit: nec fieri possit vt verè Rex & Monarcha iudicem in regno superiorem agnoscat (cùm ipse, vt ais, delegatam à Deo iurisdictionem habeat) æquissimum est eum regno frui tantisper, quamuis regno indignum, dum ei Deus precarium abstulerit, in cuius manu sunt & corda & corpora Regum omnium: quique vbi sibi visum est malos celeri & mirabili interitu opprimit, quo fit, vt cùm Dei iudicio non expectato, sua se manu vlcisci populus aggreditur, eas meritò calamitates accipiat, quæ rebellantium & diuina atque humana iudicia peruerterentium culpæ debentur. Sed vereor vt me tibi optimam istam sententiam de Rege indigno affinxisse clamites, cùm eius ne vestigium quidem in tuo libro reperiatur: & priorem de regno committendo ipso iure constanter, verbisque difertis, prosequare. Pergam igitur ad cætera.

*Nihil Bruto opitulari quod de fœdere inter Deum, Regem, & populum, in Scripturis habetur. argumenta eius inde ducta non concludere. ipso iure aliquid fieri, vel pœnam committi, vt intelligendum. Dei iudicium inuerti & prauerti ab iis qui eo non expectato aliquid in Regem tentant. & alia obiter de Bruti malitia.*

## CAPVT III.

**S**Vperiozem tuam sententiam, quod Rex nimirum legis Dei negligentior, aut fidem iureiurando datam nõ seruans,

uans, ipso iure regnum committat, demonstraturū te pol-  
liceris ex fœdere inter Deum & Regem iniri solito.

*Hæc, inquis, ex fœdere, inter Deum & Regem fieri solito perspi-  
cua erunt.*

At id minime tamē præstas: qui enim præstare possis, cum  
nihil quicquam in eo fœdere comprehensum sit, ex quo id  
rectè colligatur? & verò tale quid frustra ei fœderi esset ad-  
ditum. vel te iudice, qui Reges precariò regnare dicis vt ab  
iis subinde Dominus tanquam precariis possessoribus re-  
gnum possit repetere. quin potius contra, & fœderis ver-  
ba quæ proponis, & interpretatio quam supponis, osten-  
dunt Regem in ea scelera delapsum, quæ tu iustas regnum  
ipso iure committendi causas arbitrare, non ipso iure siue  
ipso facto, regnum committere: sed tandiu verè Regē per-  
manere post admissum scelus quando ei Deus regnum a-  
pertè, re vera, & de facto, vt aiunt, non abstulerit quod vt  
omnibus liquidò appareat, en tua ex illo fœdere argumen-  
ta proferemus.

Ais te duplex fœdus in Regum inauguratione legere.

*Primum inter Deum Regem & populum, vt esset populus, Dei po-  
pulus. Secundum verò inter Regem & populum, vt bene imperan-*

*ti bene obtemperetur. & de primo tantum te hic agere, de se-  
cundo postea. Deinde scribis capita huius fœderis inter*

*Deum, & Regem, & populum, hæc fuisse in summa. Vt tum*

*Rex ipse, tum etiam populus vniuersus, Deum ex legis sue præscri-  
pto, & singuli colerent, & vniuersi colendum curarent. Si facerent,*

*Deum ipsis affuturum, rei que publica illorum profuturum. Sin  
minus, missos facturum & disperditurū. Exempla deinde subii-*

*cis<sup>1</sup> de iudiciis Moyse & Iosue, qui eas fœderis conditio-  
nes populo proposuerunt, quorum hic, vt ais, legem coram*

*vniuerso populo legit, moxque mira, si iis pactis starent, pollicitus,  
dixit, si negligenter, minatus. In summa, si legem seruarent, prospe-*

*rè rem gesturos: sin secus disiectum ac pessundatum iri obtestatur.*

*Sed & sub Regibus similiter & cum Regibus idem fœdus i-  
ctum esse, atque illud quod cum Dauide initū fuit, his ver-*

*bis in libro Paralipomenon extare ais<sup>2</sup>. Nunquam auelle-  
tur à facie mea successor ex tua stirpe in solio Israelis, modò filii tui*

*obseruent legem meam tuo exemplo. Sin verò idolis seruiant, ex-  
pollam v<sup>is</sup> e terra, quàm vobis possidendam dedi.*

Non dicam hæc nō esse ipsa fœderis verba, quæ in Scri-  
ptura sacra referūtur, eoq, te nobis imponere, cum fœdus  
illud verbis istis à te relatis in eo libro extare dicis. Verum

ff § quia

<sup>1</sup> pag. 12.

<sup>2</sup> 2. Paral. cap. 6.  
vers. 16. c. 7. vers. 2.

quia sententiis non discrepant, res in præsentia parui est sed praua tamen consuetudo, sua pro sacris verba supponere.

Hæc illa sunt conclusionis tuæ firmamenta, hæc sunt, inquam, argumenta illa tua solida, & sola, quibus probas Regem ipso iure regnum committere, si quid eorū neglexerit aut despexerit quæ pactis cum Deo initis continerentur. Sed tu qui iuris peritum frequenter agis in tuo illo opusculo, agedum considera & recale verba hæc quæ proposuisti: ac dispice num id eis consequens sit quod intendis. Verba autem sunt, Deum peccantes *missos facturum & disperditurum: eos disiectum ac pessundatum iri. Deum illos expulsurum de terra quam iis possidendam dedit.* At hæc & similia quam vim habent ex iuris disciplina, si iuris utique consultus es, non ignoras. Nempe ea non ita esse intelligenda, ut priuatione & ademptionem officii vel beneficii ipso iure significant, utque rem gestam pœna iure sequatur. Neque (si de actibus & contractibus mentio fiat) ut actus ipso iure infirmetur & nullus sit: sed ut res notionem pronuntiationemque iudicis requirat, qua delinquenti multa vel pœna legibus constituta irrogetur, aut contractus irritus esse iubeatur. Exempla nusquam non obuia sunt iuris Ciuilis & Pontificii libros lectitantibus: ex plurimis pauca subiiciam. Decreto Synodi Mileuitanæ (quæ Carthaginiensis octaua vocatur, <sup>1</sup> quod in ea primas inter Afros teneret Aurelius Carthaginiensis episcopus) cautum est ne clericus à clerico publici iudicii reus apud Imperatorem fiat his verbis <sup>2</sup>. *Placuit ut quicumque ab Imperatore cognitionem iudiciorum publicorum petierit, honore proprio priuetur.* At eum tamen qui aduersus Canonem deliquerit, non confestim, siue ipso iure, honorem & dignitatem amittere satis constat <sup>3</sup>. Sic etiā quamuis scriptum sit, *Clerici arma portantes, & usurarii excommunicentur.* non intelliguntur tamen Clerici arma gestantes ipso facto excommunicari <sup>4</sup>. Nisi sint Monachi de quibus diserte constitutum est <sup>5</sup>, ut ipso facto excommunicationis pœnam subeant, si intra septa monasteriorum sine licentia Abbatum suorum arma tenuerint. Item prætor ait, *Quod metus causa gestum erit, ratum non habeo* <sup>6</sup>. At id edictum non facit quo minus ea quæ metu fiunt ipso iure valeant, & tantisper durent, dum per in integrum restitutionem rescindantur. Itaque contractus metu initus non est ipso iure nullus, quamuis Prætor edixerit se eum non seruaturum. Neque quod sancitum est, ut actor nō lēs sacramentum

<sup>1</sup> à Gratiano cau. si quis 12. q. 1

<sup>2</sup> ca. 19. Concil. Mileuitani & refertur 11. quæst. 1. Can. placuit.

<sup>3</sup> Can. inolita eadē quæst. si diligenti, de foro comp.

<sup>4</sup> ca. 2. de vita & hom. cleric. & ibi Panor. nu. 8.

<sup>5</sup> Clemens. 1. de stat. monach. lib. 8. titu. 10. § quia verò in si.

<sup>6</sup> l. 1. D. de met. caus. l. 1. §. de actor, & ibi gl. C. de iureiur. propter cal. dan.

mentum calumniæ subire, *cadat ab instituta actione ut improbus litigator*, causam ipso iure amissam denotat. Et ut vniuersè dicam, quæ verba pœnis imponendis adhibita futurum tempus respiciunt, veluti *deponitor, excommunicetur, amittat*, & similia, ea pœnas non ipso iure, sed per iudicis cognoscentis & condemnatis sententiam, irrogandas demonstrant nisi verbum *ipso iure*, vel, quod idem sonat *ipso facto*, non sit additum sanctioni <sup>1</sup>. Quod cum ita sit, quæ nos ratio cogit fateri per verba *Disperdendum, disiectum iri, expellendum*, & similia, quæ tu fœderis esse ais, pœnam ipso iure, ipsouæ facto infligi? Næ tu mihi parum memor videris regulæ iuris, quæ pœnas legum interpretatione molliendas potius quàm asperandas esse docet <sup>2</sup>. quandoquidem du-riore interpretatione auferis reo q̃ ei leges sine interpretatione commodum indulgent. Si Dominus eo fœdere, Regē post scelus admissum ipso iure regnum committere, aut nō amplius esse Regem, aut regni iure priuatum esse, deue solio regali statim excidere, vel quid simile declarasset: iam tuæ sententiæ locus, iam vestris seditionibus & rebellis occasio idonea, & honesta ratio fuisset quæsitæ. Sed cum tantummodo minetur Deus se Reges puniturum, si mandata deseruerint, ut ex formula fœderis à te prolata iam satis superque constat, nec vllum eis nominatim inter mortales iudicem ferat: quæ, malum, vesania hæc est, Dei iurisdictionem inuadere? præuerrere iudicium? sententiam non expectare? At Rex improbus est, & regno indignus: quid tum inde? Deus improbum & indignum vita dignatur, dignatur imperio <sup>3</sup>: & quem bonis eiicere potest, eiicere non vult: sed cum vincere possit iudicio, vincere solet beneficio. Tu autem quis es qui Dei ordinationi resistis? licetne ei quod vult de suo facere? Auarus est quispiam, eo-que numis congestis indignus: nunquid propterea eripi ei ab alio possunt? nunquid familiæ licet eum dominio earū rerum exuere demoque expellere? Obligandi & liberandi, acquirendi & amittendi, certi sunt modi & causæ, quos qui è Republica sustulerit, *an̄ gl̄ia* & confusionem rerum omnium inducat necesse est.

Vides ut conantem docere, ex iuris dispositione Reges ipso iure regnum committere, ipsa te iura deficiunt. At tu nihilominus ita concludis <sup>4</sup>. *Perspicuum ergo est, Reges tanquam vasallos, in legem Dei, tanquam superioris omnium domini iurare. At verò, quod antea attigimus, si fidem non seruant*

<sup>1</sup> Panor. in de cleric. non resistentibus c. Clericos. 17. in fin. de piab.

<sup>2</sup> Lpen. D. de poen.

<sup>3</sup> Matth. 23.



*seruant, si legem violant, ut illos feudum propter feloniam, sic hæc regnum committere legimus. intelligis autem, ipso iure, id n. est quod antea attrigisti. Sed vbi hoc legeris, indica nobis quæso: alias vix est vt nudæ assertioni tuæ credamus: quandoquidem nos contra, neque ob feloniam committi feudum ipso iure, secundum iuris disciplinam neque dici posse regnum committi, cū precario tantum possideatur perspicuis & euidentibus argumentis iam planum fecimus.*

2 pag. 17.

Quod autem postea scribis. *Est igitur causa hæc & frequens, & idonea, propter quam Rex feudo à Deo accepto priuetur, si legem Dei oppugnat, & à Deo, ad ipsius hostes, ad deos, inquam, gentium transfugiat.* id verissimum quidem est & à nemine vnquam sanæ mentis negatum. Deus enim vindex scelerum iustissimus, deponit potentes de sede & exaltat humiles. Sed (cogor iterum quærere) cur ergo eius iudicium nunc expectas: nunquid alios iudices legitimos vindicandis Regum noxis à summo illo iudice constitutos didicisti? An vsipiam legisti Deum dedisse populo potestatem cogendi Reges in ordinem atque in eorum capita animaduertendi? eius rei nullum, non dicam apertum testimonium, sed ne leue quidem indicium in sacris literis reperitur. Veteres Christiani Regem solo Deo minorem definierunt: tu cum cum infimæ sortis hominibus exæquas. Illi Deum solum iudicem Regibus esse dixerunt: tu populum, vel populi partem atque adeo singularum prouinciarum vel urbium Præfectos & Magistratus, iudicare Regem, & ei vim inferre posse censes. Sed pro hoc tuo iniquo iudicio in Reges, iudicabit te Deus, cuius iudiciorum ordinem inuertis peruertisque.

Redeo ad duplex illud fœdus de quo loqueris, quorum alterum inter Regem & populum hoc fuisse tradis, *Vt bene imperati bene obtemperaretur.* Superius verba fœderis finxisti, nunc sententiam, & vnde quæso istam eius fœderis pactionem conditionemque expiscatus es? nam in primis certum est non esse eam verbis historię comprehensam, ac ne quidem linguâ nuncupatam & expressam à populo fuisse verisimile est. Quandoquidem, vt à Dauide incipiam, de eo fœdere sic scriptum est <sup>1</sup>. *Et venerunt vniuersa tribus Israel ad David in Hebron, dicentes. Ecce nos os tuum & caro tua sumus. Sed & heri & nudius tertius cū esset Saul rex super nos, tu eras du-rens & reducens Israel: dixit autem Dominus ad te, tu pascas populum meum Israel, & tu vis domus super Israel. Venerunt quoque*

1 Reg. 8.

&

*& seniores Israel ad Regem in Hebron, & percussit cum eis rex David fœderis in Hebron coram domino: unxeruntque David in Regem super Israel. En verba fœderis, quæ & alibi totidem penè syllabis repetuntur<sup>1</sup>, in quibus nulla cernitur fœderis conditio, qualem tu nobis exhibes Et verò nullâ in eo fœdere conditionem adhibitam fuisse, tum Davidis animi magnitudo, constantia, & moderatio incredibilis, in rebus secundis iuxta & aduersis nulli non cognita atque perspecta: tum etiam populi de eo piè & prosperè regnatura spes ingens diuinis oraculis confirmata, faciunt vt credamus. Nam illud tuum, vt bene imperasti bene obtemperetur, conditionale est, & perinde ac si dicas, si bene imperet bene obtemperetur. quod homini tantâ vitæ integritate & innocentia opinione florenti, quis vnquam crediderit Iudæos tunc temporis fuisse ominaturos?*

*2 Paralip. vii.*

Cùm itaque fœderis quod David Rex cum populo icifse fertur, nulla certa lex & pactio sacris monimentis prodita sit, nulla, inquam, conditio Regis libertatem minuens: an non potius existimandum est, eodem iure assumptum eum in Regem fuisse, quo prius Saul, in cuius locum à Domino vnctus erat, atque à populo cōstitutus: hoc est, cum libera regnandi potestate nullis pactiōum cancellis circumscriptâ & coangustatâ: idque vel tu mihi fateare, vel mutatam populi voluntatem, causamue in personâ Davidis specialem obortam, cur ita factum sit, ex illa historia demonstres. Alioquin quam rationem tibi contrariū sine teste asserenti fidem haberi velis? Audies illud Saluatoris, *Ex te ipso dicis analius tibi narravit?* Vt autem in fœdere inter Davidem & populum inito nullam eiusmodi conditionem adhibitam fuisse legimus, ita neque in aliorū quoque Regum, qui secuti sunt apud Iudæos, inaugurationes: cùm tamen in tam varia Regum fortunâ, & disparibus succedentium vitiis non sit credibile autorem Sacræ historiæ diuinitus afflatum, rem tanti momenti voluisse prætermittere, si non dicam vsitata, sed vel semel aut iterum vsurpata, aut in deliberationem deducta, gesta que fuisset.

*Inanem Bruti tractationem reliquam esse huius questionis, nec quicquam Regum causam ledere. eos Dei legi seruanda obligatos, ipsique soli intemporalibus subiectos: in spiritualibus summo Pontifici vt Christi vicario & Petri successori. Catholicis Principibus fas esse hæreticos, ni ad Ecclesiam rede-*

*redeant, honore fortuna, morte multare: hæreticis Catholicos non item. ridiculos esse Ministros hæreticorum qui Catholicos excommunicant, cur libertas religionis tribui hæreticis non debeat: quæ eadem Catholicis est concedenda.*

## CAPVT. IV.

**Q**Uæ apud te reliqua sunt in hac tua primæ quæstionis tractatione, perparum aut nihil Regum illam, quam tuemur, causam lædunt: eoque non serio & industriè à nobis agitanda, sed carptim quæ rectè aut perperam dicta sunt indicanda. Nam in primis fatemur Reges omnes arctissimis, & naturæ & iurificandi, vinculis astrictos ut Dei mandata seruent: ut eum piè colant: ut omni studio incumbant in eam curam, ne subditi à verâ religione declinent, & ad idololatriam, Iudaismum, aut hæresin prolabantur. Sed hæc tamen si segniùs vel secius egerint, à Deo solo posse iudicari, quia soli Deo subiecti sunt: de temporali iudicio & subiectione loquimur<sup>1</sup>. nam quæ Ecclesiæ filii, quæ Christiani quæ oues Dominici gregis, omnes Principes terræ summum Pontificem Petri successorem, Dei quæ vicarium agnoscere debent tantò se superiorem, quantò ipsi singulis de populo sunt: ut quemadmodum rebelles, aut alioqui capitalis criminis reos iudicare, & licetoribus ad supplicium tradere possint: ita supremus ille Ecclesiæ Princeps & Pastor vniuersalis, hos in Deum delinquentes spiritali iudicio condemnare, & tortoribus inuisibilibus, inuisibili spiritus flagello, gladioque ancipiti excommunicationis, plectendos tradere: quem licet vos nunc hæretici non timetis, imò ridetis, eius tamen aciem & mucronem, animarum vestrarum viscera lancinantem ringentes aliquando persentietis.

Fatemur quoque imò proclamamus & protestamur, nihil eorum quæ Deus fieri vetat, Regis iussu, quantumvis seuerè præcipientis, faciendum sed perferendam potius omnem ignominiam, & dolorè, atque adeò mortem ipsam diris cruciatibus oppetendam, quàm vel tantillum in leges diuinas committendum. *Melius est absque opere incedere in manus hominum, quàm peccare in conspectu Domini*<sup>2</sup>. At non inde tamen effici, eos, quibus impia & iniqua imperantur, arma capere, inque Regem inuadere posse nemo nõ summè imperitus, dissitebitur, quippe aliud recusare,

et ea. pervenerabilis qui filii sunt legit.

casare, aliud rebellare, aliud resistere & obluſtari moderatè, aliud impetere; aliud non aſſurgere, aliud inſurgere: aliud non parere, aliud in præcipientem irruere: aliud denique operas illicitas non exhibere, aliud edere, iubentem conuiciis & maledictis inceſſere, vel armis atque omnibus nocendi artibus petere pulſareque. hæc in faciendo illa plurimum in non faciendo conſiſtunt. Præclare D. Gregorius <sup>1</sup>. *Si Magiſtrorum vita iure reprehenditur, oportet ut eos ſubditi etiam cùm diſplicant venerentur. Sed hoc eſt ſolenter intue-*  
*dum, ne aut quem venerari neceſſe eſt, imitari appetas: aut quem imitari deſpicias, venerari contemnas. Subtilis enim via tenenda eſt rectitudinis & humilitatis, ut ſic reprehendiſſima Magiſtrorum facta diſpliceant, quatenus ſubditorum mens à ſeruanda Magiſteri reuerentia non recedat.* Sed plura de hac re ſuprà <sup>2</sup>. Quapropter inanis planè & ſuperuacaneus eſt ille tuus labor, quem inſumpſiſti ut copioſâ oratione, & multis argumentis doceas, quod nemo Chriſtianus orthodoxus ſit negaturus, nempe Deo potius parendum eſſe quàm hominibus & ſi Deus hoc præcipit, Rex contra: ut nemo Regi aduerſus Deum obſequium denegantem, rebellem iudicet <sup>3</sup>. & quod non modo non tenemur obedire Regi contra legem Dei qu' d imperanti, verum etiam ſi obediamus, rebelles ſumus, non ſecus ac ſi aduerſus Regem colonus, pro ſeniore Regis vaſallo, arma ſumeret, aut edicto ſuperioris quam inferioris mendum eſt, ſed culpa fortè typographi, ſcriptum oportuit, inferioris quam ſuperioris vicarii quàm Principis, miniſtri quàm Regis obedire mallet. His nihil, fateor, melius aut moderatius dici poteſt, & ſi iſtis re ſinibus continuiſſes, laudatores complutimos, reprehenſorem nullum inueniſſes. Nec tamen opus fuit ad eſus rei probationem tot paginas compleuiſſe. quis eam enim vnquam in dubium vocauit? nemo ſanè Eccleſiæ Catholicæ alumnus: tuque adeo non rectè facis, qui quod apud omnes Chriſtianos certum & indubitatum fuit in controverſiam vocas. Nam quod ais aſſentatores aulicos tibi fortè obiecturos <sup>4</sup>. Deum ſuam omnem in Reges auctoritatem conſuliſſe, cælum ſibi retinuiſſe, terram agendam ſerendamque pro libito Regibus tradidiſſe: Caſarem denique diuiſum cum Ioue imperium habere nemo ſanus hætenus obiecit, nec niſi inſanus obiiciet vnquam: ſed tute leuiculam illam obiectionem tibi met oppoſuiſti, ut aliquid ſaltem apud imperitos egiſſe videare.

Sed nec illud melioris notæ, aut maioris momenti eſt, quod

<sup>1</sup> lib. 25. Moral.  
expof. in Iob.  
cap. 22.

<sup>2</sup> Lib. 3. cap. 8.

<sup>3</sup> Pag. 24.

<sup>4</sup> Pag. 24.



quod in extremo huius tractatus impios tibi obiicere aſs. in iis etiam qua ad conſcientiam pertinent Regibus obediendū eſſe, & Petrum Paulumque, quaſi huius impia ſententia autores, obtrudere. Indeque quacumque legem ſanciat Rex, parendum quacumque religionem ſuperſtitionemue ſectetur, obſequendum ſtatunt. Quam aut ineptè, aut impiè, nemo eſt qui non videt.

Cur non huius impia obiectiōis autorem aliquem laudasti? an nullum potueris inuenire? certè Catholicum ſaſcio neminem. At tuæ ſectę homines fortassis aliquot: nam id eis inſolens non eſt, ſuam ſubinde religionem mutare, & vbi ſemel à vera deſlexerint, nunquam diu in eadem cōquieſcere: quo fit vt, ſi non doctrinæ profeſſione, ſaltem vitæ inſtituto & conſuetudine, ſatis oſtendant id ſe animi habere, vt eam ſectam ſequendam putent, ad quam Princeps animum appulerit. teſtimonio eſt Lutheraniſmi in Caluiniſmum, & huius viciffim in illum, breui tempore ad arbitrium quorundam Principum in Germania, ſæpius facta commutatio. eiufmodi homines nihil niſi reſctum reſpuunt, à nulla, inquam, niſi à Catholica religione magnopere abhorrent. Faceſſat igitur & hæc obiectio. quam nemo niſi tu ipſe, vel ex tuis aliquis tibi opponet.

Sed aliam tibi querelæ cauſam fuiſſe perſentiſco, quam etiam quilibet percipere poteſt, qui tua non oſcitanter legerit: nempe quòd Reges tunc Catholici vos ad veram religionem & fidem Catholicam, quæ pœnis, quæ præmio reuocare niterentur. Hinc illæ tuæ vindiciæ contra Tyrannos: hinc ſordes illæ quæſtionum queis Reges inſicere conaris: hinc iniuriarum illa colluies, quam velut rabioſi canes in pios Principes Chriſtianos euomiſtis: hinc denique calumniæ, ignominia, & falſa crimina, quæ Regibus vos in Eccleſiam reducere volentibus obiectaſtis: nunc idololatrias, nunc tyrannos, nunc Babyloniciſ poſculis inebriatos, & ſi quid excogitari iniurioſius poteſt, appellantes. Quaſi verò aliquid commune habeat pius iſte Princeps Catholicorum conatus cum veſana & deteſtabili impiorum crudelitate, Chriſtianos ad idololatriam vel hæreſin pertrahere conantium. Vos enim quia exiſtis de nobis, retrahit à nobis vt perſiti & profugi liber, ad patriam & patrem, ipſamque aded matrem Eccleſiam è cuius ſinu auſugiſtis, aut ſi benignè reuerti nolueritis, pleſti iure optimo vt perfidi & profuge poteſtis atque debetis.

betis. Nos contra, quoniam inter vos nullum vnquam numerum tenuimus: nunquam coitionibus vestris interfuimus: nunquam religionis & rebellionis vestræ participes facti sumus, compelli ad nefariosactus vestros non debemus. Nec si Catholicis pœnas grauissimas ob defectionem debetis, idcirco vobis in Catholicos etiam numero & viribus inferiores, vllum ius competit: quippe quos nec vestræ militiæ nomen dedisse, nec à vobis exuisse constat. Quod cum ita sit, quis non rideat fanaticos vestros Superintendentes (id illis nomen magis placet quàm Episcopi, quia sonat in fine *dentes*, scilicet lupinos, Dominico gregi deuorando accommodatos) qui cum vsurpatam suam iurisdictionem pœnali iudicio defendunt, ad corporum supplicia, quorum sunt prodigi, excommunicationis etiam sententiam in Catholicos non parentes addunt, scil. vt eos de sua Ecclesia pellant, qui in ea nunquam fuerunt: sed mori extrâ quàm inibi viuere multò malunt. quod quàm ridiculum sit & ineptum nemo non videt. Non solet Ecclesia Catholica Iudæos vel Ethnicos pœnis ad fidē directò adigere<sup>1</sup>, multò minus excommunicare, quod nullo se vnquam Christianæ militiæ sacramento diserte obligarunt. At hæreticos, vt proditores & transfugas, rectè persequitur: quia in numeros relati fidem datam sefellerunt. Illos, quod foris semper fuerunt inuitat tantum, non etiam cogit Ecclesia: hos verò, quoniam ingressi semel foras iterum sunt euagati, reuocat pro suo in eos imperio, & compellit intrare<sup>2</sup>. Cui rei summo semper auxilio fuerunt Principes Christiani, idque vel in præcipuis eorum laudibus est positum. Videsis ergo, Brute, quàm impudèter, imò quàm impiè Principes Christianos carpas, & summo illis vitio veritas, quod subditos in fide Catholica contineant, & eius desertores animaduersionis seueritate coerceant, ac non potius libertatem religionis cuique tribuant, quàm vos, vbi seruitis iustissimā esse conclamatis suppliciterq; exposceitis: vbi verò imperiū tenetis, eandem vt iniquissimam execramini, nulliq; conceditis: adeò rectū non rectum & non rectum rectum est, vestro si cadat animo. De Principibus autē Catholicis te loqui perspicuū est ex his quæ adscribis<sup>3</sup>.

*Aliquot ab hinc lustris pleriq; Reges Babylonis poculis inbricati, Christi hosti aduersus Christum lupo aduersus agnum militarunt, vt etiamnum plerique militant. Vidimus vero nonnullos in flagranti crimine, in ipsoque adeo quod agitabāt scelere, periissi:*

G g

quof-

<sup>1</sup> toto tit. C. de Iudæ. can. de Iudæis. 45. dist. 1. Christianis 6. C. de pag. Dixi directò quia oblique quodāmodo coguntur. vt. l. i. C. eod. & l. vi. de Iudæ. atque ita intelligendus est can. 41. 23. q. 4. in fi.

<sup>2</sup> Luc. 14. 23. q. 4

<sup>3</sup> pag. 18.

quosdam etiam è triumpho in tumultum elatos fuisse. Nec ceteros melior manet exitus &c.

Nam si ad tempus quo hoc vel scripsisti vel emisisti, aliquot retro lustra addideris, vix duos ea tempestate Reges hæreticos in Europa extitisse inuenies: quod cum sit ita apertum & manifestum, ut nihil supra, necesse est iis verbis Reges Catholicos indicari, quos eo nomine quod matrè contra meretrices, Ecclesià aduersus hæreses iuuerint, non dissimulantes vellicas. Sed nec obscurum est, quos tu Reges istis inopinatæ mortis casibus designes<sup>1</sup>: Lutheranis certè & Calvinistis, atque adeo omnis generis hæreticis infensissimos, quos Deus non ideo abstulit ut vobis gratificaretur, sed ut regnum florentissimum ob populi peccata affligeret.

1 intelligit Henricum II. qui in celebri nuptiarum pompa seu triumpho læsus interit, & Franciscum II. & Carolum IX. fratres, quos constat hæreticis fuisse infensissimos.

Nolo autem hic prætermittere quod tu præcipuum argumentum ad hanc conscientiæ libertatem vindicandam affers, & quo Reges, qui hæreticos in Ecclesiam cogunt, Maiestatis diuinæ & regni cælestis affectati reos esse contendis: nam id ipsum Ministros vestros Calvinistas crebro intonuisse ipsemet adolescens audiui. Nempe corpora fortunatæque in Regum manu sitas, animas soli Deo deberi: in eas Regibus ius non esse.

2 pag. 10.

Si Deus liberaliter indulget Regibus, inquis<sup>2</sup>, ut subditorum corporibus bonisque, ad eorum tamen conseruationem, uti possint: meminisse sanè debent, usum, non abusum, concedi. In primis verò nihil quod anima, tributum nomine imperent, habere se, qui suam ipsi Deo tributariam profiteri teneantur. Rex capit tributum censumve à corpore, inique, qua corporis ministerio acquiruntur volunturve. Deus ab anima præcipue, qua suas etiam functiones per corpus exercet. Quapropter si Reges ipsi qui Dei munere & beneficio regnant, tributum eo nomine Deo persolvere minuscurent: saltem quod Deo à subditis debetur, intercipere & auertere ne tentent, aut vlla alia in re diuinam sibi iurisdictionem arrogant: Id verò propriè affectati regni crimen est, quod Deus in ipsos Reges Ethnicos grauissimè ultus est. Et paulò post<sup>3</sup>. Quod si utrumque tributum sibi vendicat Princeps, perinde ac si Gygantum more, celum petere & scandere conentur, regni affectati reus est, & non secus ac vasallus, qui regalia iura inuadit, feudum committit, ac eo sapissimè spoliatur &c.

3 pag. 11.

Bellè tu quidem istac & rectè concionaris: nec verius his quicquam est nec certius. Sed quid inde contra Reges Catholicos? perge & argumentationem perfice. En cum dixeris, inquis. Quisquis intercipere & auertere conatur tribu-

tributum quod Deo ab hominibus debetur, is diuinam sibi iurisdictionem arrogat, & regni affectati reus est. Atqui Reges & Principes qui libertatem religionis, & potestatem colendi Deum, vt velint, Lutheranis, Caluinistis, & id genus aliis, non permittunt, tributum Deo debitum intercipere & auertere conantur. Ergo diuinam sibi iurisdictionem arrogant, & regni affectati rei sunt. Apage te *παράλογος*, & veterator quisquis es, falsum assumis vt falsum cōcludas. Principes Catholici, cūm vos ad fidem reuocant, cūm trudent ad Ecclesiam, cūm ad fidei professionem adigunt, cūm religionis deformatæ libertatem denegant, & legum sanctionibus inhihent, tantum abest vt Deum tributo sibi soli debito interuertant, vt illud ei à vobis pensitandum hac operâ diligentissime curent. Vos enim estis hoc casu, qui illud tributum subtrahitis, quod & maiores vestros verè pependisse, & vos etiam solemniter spondidisse constat. Proptereaque cūm id Rex vos inferre cogit, Dei iurisdictionem tuetur, non secus ac bonus minister & procurator dum colonos originarios & adscriptitios domini interpellat, atque vrget ad solutionem debiti quam detrectant. Nemo, nisi nauiter impudens, inficiabitur maiores vestros, & vestrum etiam complures, ad eius tributii pensitationem, sese, dato conceptis verbis iureiurando, Ecclesiæ Catholicæ obligasse. Princeps Catholicus, cūm sit minister regni Dei <sup>1</sup>, iure potestatis vos cogere tenetur; idque ni fecerit, & vos vt censiti fugitiui plectemini, & ille vt negligens minister indiligentiæ pœnas dabit: nec vllā vos, aut liberos vestros, longissimi temporis præscriptio ab hac subiectione liberat <sup>2</sup>. At contrā nihil tale à Catholicis, nisi per summam iniuriam & tyrannidem, exigere potestis: nūquam enim in vinea vestra laborarūt, nunquam agros coluerunt, nunquam capitis censum præstiterunt, nullum, inquam, obsequium, nullum dominium, nullam fidem ecclesiæ vestræ vnquam promiserunt.

Ex his perspicuum est, & quæstionem hanc tuam esse inanem, *an subditi teneantur Regibus obedire, si quid aduersus legem Dei imperent?* cūm de ea re inter Christianos nulla vnquam orta sit dubitatio: & rationes partim falsas & fallaces, partim futes, quibus Reges in legem Dei committentes ipso iure regnum committere, cōque de folio & sede regali deturbandos esse contendis, vt necessum mihi non sit ulterius in eas inquirere.

<sup>1</sup> Sap. 7.

<sup>2</sup> I. cum satis C. de agric. & cens. lib. II.



*Secunda questio principalis vindiciarum Bruti, quam ab Ecclesia Doctoribus non nisi leuiscule tactam falsò asseris. Quia de ea antiquorum Patrum sententia, verbis atq; exemplis testata, & praxi totius Ecclesia confirmata fuerit. testimonio & exempla quadam illustria.*

## C A P. V.

**S**equitur nunc altera questio principalis Vindiciarum Bruti, nihilo foeliciùs ab eo tractata,

*An liceat resistere Principi legem Dei violanti, & Ecclesiam Dei vastanti: quibus, quomodo, & quatenus?*

ad cuius explicationem priusquam accedit, subdifficilem eam & arduam esse præfatur. At certè contrarium præfari debuit, si sibi ipse constaret; nempe facilem eam esse & planam, atque iam antè in superioris questionis tractatione, si non disertè, saltem efficienter & per consequentias, à se decisam & definitam esse. Nam si, quod ille statuit, Rex cum primùm Dei legem violauerit, regnum ipso iure committit, consequens est eum non amplius esse Regem, ac proinde resisti ei, ut cui libet alii priuato posse. atque ita sensisse eum arbitror, sed noluisse tam præcisè & paucis rem definire, ne libertatem & locum latiùs euagandi in noua doctrina disseminanda perderet.

*Hac questio, inquit, prima fronte difficilis & ardua videtur, eò quidem magis, quod cum sub piis Principibus superuacua, sub impiis periculosa videretur, vix quisquam eam nisi leuiscule attigerit.*

Bene est, Brute; Ecclesia Dei post mille quingentos annos tandem nacta est, qui tam difficilem & vtilem questionem illustrares. O nos fortunatos ergo, & miseros Maiores nostros scilicet, qui hac veritatis luce caruerunt. Sed cur antiqui Patres non nisi leuiscule questionem istam attigerunt? quia sub impiis principibus periculosa videbatur, sub piis superuacua, inquis. Intelligo: nempe vis dicere sanctos Dei Martyres, & martyrii apperentes Confessores (quorum omnis cura in eo versabatur, ut Ecclesiam doctrinis cœlestibus erudirent illustrarentque) adedò fuisse ignauos & timidos, ut metu malorum Principum de hac re scitu necessaria siluerint: vel tam parum prouidos rerum futurarum, ut bonis Principibus malos & Ecclesiæ vastatores aliquando succedere posse non cogitarint, id enim est non nisi leuiscule attigisse, quia periculosa videbatur sub

im-

impiis Principibus, & sub piis superuacua. At hanc rationem nemo nisi à mente desertus admittet: imò nec audiet quidem, quin protinus aut ringatur aut rideat. At tu tamen prorsus ita esse tibi persuades, credo: eaque, vt arbitror, causa fuit, cur, vt isto communi periculo defungerere, cautionem initidò adhibueris, nimirum alieno nomine ascito proprium tuum occulisti, ne te operis eius authorem esse aliquis suspiceretur. An non potuerunt similiter & prisci Ecclesiæ pastores talia excudere, si ea Catholica fidei propugnandę conducibilia existimassent? An non omnem animi metum abstergere, & sola suppressione nominis securitatem sibi parere potuerunt? Sed per Deum immortalem dic nobis, Brute, quæ res tot & tantos viros ab huius ruæ quæstionis explanatione absterruit? nam quod de ista impendentis periculi formidine hîc refers, adeo vanum est & à vero alienum, vt nihil eo futilius aut falsius dici possit. An igitur operâ hac abstinerunt, quòd illis temporibus quibus ipsi floruerunt nemo Principum inuentus sit à fide & religione Catholica alienus, vel qui Ecclesiam vastare & excidere conaretur? Imò verò permulti: nec enim solùm Ethnici & idololatræ Christianos omnes exosi erant, sed etiam ex iis qui Christiani nomen præ se ferebant, nonnulli Catholicos, hæreticorum gratiâ, ferro flammâque persequebantur. An quia nondum satis tunc potens Ecclesia quæ impios Principes vi aggrederetur, ac proinde legitima ultione superfedere tantisper voluit, dum neruos & vires ad eos in ordinem redigendos colligeret? Ne hoc quidem. Nam regnantibus adhuc Ethnicis, Tertullianus quidem author est, tam ingentem multitudinem ex omnibus nationibus Christo nomen dedisse<sup>1</sup> vt, si armis certare voluissent, totum imperiũ Romanum faciliè concussissent: vel si inermes abscessissent in aliquem orbis locum secretum, vrbes, insulas, castella, municipia, castraque ipsa penè deserta & sine incolis reliquissent, deinde addit, *cui bello non idonei, non prompti fuissetus, etiam impares copiis, qui tam libenter trucidamur: si non apud istam disciplinam magis occidiliceret quàm occidere.* & alibi<sup>2</sup> testatur tantam tũ Christianorum multitudinem fuisse, vt maiorem cuiusque ciuitatis partem occuparent.

<sup>1</sup> in Apolog.

<sup>2</sup> in lib. ad Scapulam.

Perducto deinde ad fidem Constantino Magno, quantus vbique terrarum eius vel exemplo vel hortatu ad Ecclesiam conuersus fuerit, ex eo intelligi potest, quod breui res

Euseb. lib. 3. de  
 vita Constantini.  
 Niceph. li. 8. c. 25.  
 Orat. 1. in Iu-  
 lianum. Ironia;  
 nec enim prudēs  
 nec bonus fuit.

3 Hoc non ad-  
 tersatur iis quæ  
 ex Tertulliano  
 supra recitanti-  
 bus nam quod dicit  
 hic Gregorius,  
 veritatem tunc  
 in paucis consti-  
 tisse, verum qui-  
 dem est, respectu  
 multitudinis in-  
 finita sub Chri-  
 stianis Principib.  
 Constantino &  
 filiis ad fidem  
 conuersis.

Christianorum eò creuerit, vt penes ipsos, opes, Imperiū,  
 & quicquid humani iuris reliquum est consisteret. Ita que  
 non aliās vnquam florentior Ecclesia fuisse videtur, siue  
 præsulū eruditionem, vigilantiam, sedulitatem, siue cre-  
 dentium multitudinem & mores laudabiles cum pietate  
 coniūctos intueamur: adeoque per vniuersum orbem dif-  
 fusa, vt cū de Paschate celebrando consultaretur, Con-  
 stantinus ipse gratulatus sit Synodo quod patres diem vnū  
 ab instituto Iudaico alienum decreuissent, quo sanctū pa-  
 scha in vrbe, totaque Italia, Hispania, Galliis, Britanniiis,  
 Africa, Ægypto, Lybia, Græcia cuncta, Asiana diœcesis, ac  
 Pontica, Cilicia, aliisque per orbem locis concorditer per-  
 agatur <sup>1</sup>. Nunquam igitur maiores Christianorum vires,  
 quàm tunc erant: ob eamque causam ridetur merito Apo-  
 stata ille Iulianus à D. Gregorio Nazianzeno <sup>2</sup>, quod res  
 Christianorum mutare & euertere conaretur. *Due res, in-  
 quit, Iulianum præcipuè stimulabant, Galilæi nempe, ita enim  
 Christianos contumelia causa appellabat, ac Persæ, qui in bello  
 fortiter perseverabant. Caterum res nostra adeo illi maiores, ac  
 curâ digniores videbantur, vt bellum contra Persas nugas ac lu-  
 dum putaret. Verum id haud manifestè ostendebat, sed magnâ ca-  
 labat curâ: persecutionem autem nostram (in tantum enim insa-  
 niebat) semper & coram omnibus iactitare non desinebat. Verum  
 nequaquam intelligebat, omnium prudentissimus & optimus re-  
 rum publicarum administrator, quod in persecutionibus prioribus  
 minutum erat id quod confunderetur & commoueretur, quum  
 dogma nostrum nondum ad multos peruenisset, sed veritas adhuc  
 consisteret in paucis, cuius tamē splendorem elucescere oportebat <sup>3</sup>,  
 nunc verò salutis sermone iam effuso, & inter nos admodum po-  
 tentiâ sua vigente tentare res Christianorum immutare & com-  
 mouere nihil aliud erat quàm Romanorum perturbare Imperiū,  
 & Rempublicam omnino subiicere periculis.*

Quid ergo? si neque error, neque terror antiquos Patres  
 impediuit, quo minus lumen aliquod clarum huic quæsti-  
 oni illustrandæ præferrent, & eius præterea tractandæ cau-  
 sas complures, non minus graues & necessarias quàm nos,  
 ex Principum peruerfitate obortas acceperunt: cur eam, vt  
 ais, non nisi leuiusculè attigerunt? estne verisimile? nō. cer-  
 tē non. Quinimo totam rem illam & verbis & exemplis  
 perspicuè definitam ab iis esse, quantum quidem satis est  
 ad Christianæ vitæ modum, ex ipsorum scriptis manifestò  
 colligimus. Nempe tolerandas esse iniurias legitimo-

rum Principum : nec subditis licere vlla de causa rebellare, Deique solius notionem esse cum quid tale inciderit, qui iustis afflictorum querelis aures patefaciens multis mirisque modis impietatem Principum vleiscitur, nec vivere eos diutius finit quam populi sceleribus expiandis sat est: frustra que multitudinem conari per rebellionem sibi aduersus legitimum Principem consulere: quin imò sceleri scelus addere, diuinam iurisdictionem inuadendo: Deumque propterea permittere, vt malo Principi per coniurationem sublato longè tetrior plerumque succedat. Quia, vt ait beatus Gregorius <sup>1</sup>, *dignè indigniorem recipiunt, qui indignum indignè eiicere præsumpserunt*. Nam cum duo simul præcepta legis, *Deum scilicet timere, & Regem honorare*, seu Deum pure mente colere, & Regi humana imperanti obtemperare, si facile obseruare possint, qui quid Regi debetur, quidque Deo cognoscunt: non arbitrati sunt prisca illi Patres debitum Regibus obsequium, vlla mitioris regiminis subsecuturi spe, vel religionis retinenda aut restauranda prætextu, per rebellium & coniurationem subtrahi debere.

Cuius rei inprimis testimonium est, quod idem Nazianzenus <sup>2</sup> increpat eos, qui in rationibus diuinæ providentiæ non incedunt, & impiorum pacem iniquo animo ferentes, non expectant Dei consilium in Principibus puniendis: sed quasi præsentium & visibilium rerum serui, ad id quod adest impetu quodam animi, deferuntur. Est enim verisimile permultos tunc Christianorum ita grauitè Iuliani Apostasia indignatos vt sua mox capita pro Ecclesia deuouissent, sustulissentque hominem illum nefarium, vel vi aperta, vel ex insidiis, ni tantus animorum ardor à Præsulibus & Præsidibus, Ecclesiæ fuisset repressus: & hi quidē, vt moræ impatientes, & cælestis dispensationis oblitī, ab Episcopo illo sancto increpiti sunt.

Deinde idem rursus in eadem oratione asserit nullum Christianis suppetisse remedium aduersus Iulianum, præter lachrymas. *Hæc*, inquit, *Iulianus deliberabat* (de iis loquens, quæ crudelis Apostata animo agitarat) *quemadmodum seætorum illius sodales & testes propalarunt: coercitus tamen est Dei clementia, ac lachrymis Christianorum, quæ multa iam, & à multis erant effusa, quum solum hoc contra persecutorem haberent remedium.*

Quod si sanctum hunc virum fuisses percõtatus: ecquid



pater mi, sola ne Christianis lamenta & precatio supererant? Nonne totus penè Iuliani exercitus ex Christianis erat conflatus? Nonne innumeri viri fortes in agris & vrbibus agebant, qui nihil nisi Christum spirabant, nullamq; pro Christo mortem recusassent? quiq; ad bellum contra Dei hostem ( si subditis cum superiore bellum gerere licet) velleo solo animari amariq; facile potuerunt, quòd sciarent se omni casu, hoc est, etiam prælio superatos, victoriam ab ipso victore, per Martyrii triumphum reportaturos? Iam Oriens, iam Occidens, Septentrio etiam & Meridies, Christo nomen dederat: & tu lachrymarum tantummodo remedium superfuisse clamitas? Adeone leuia & temnenda illa tyrannidis extinguendæ præsidia? Respondisset haud dubiè vir ille sanctissimus, ecclesiasticam disciplinam non ferre, vt serui in dominos, subditi in Principes insurgant & tumultuentur, occasione religionis. Idque ab Ecclesiæ Christianæ exordio, non solum communi consensu, velut tacitâ lege, obseruatum: sed expresso Gangrensis Concilii decreto, à multis Patribus orthodoxis sub Constantino fuisse sancitum <sup>1</sup>: Deum tantarum iniuriarum vindicem fore, si modò ipsi eas patienter ferant: esse Principem solo Deo inferiorem, & solum Deum iudicem habere, vt ante eum de communi Christianorum sententia Tertullianus <sup>2</sup> docuerat. Alioqui verò ( si iure tunc subditis licuisse affirmemus Imperatorem illum tam immanem & deuotum Christiani nominis hostem impetere) facillimum iis fuisset, Ecclesiam eius interitu ex magnis angustiis & periculis eripere: nam siue id aperto Marte, siue ex insidiis perfecissent, ad iusticiam nihil intererat. <sup>3</sup> Atque ita cum debuerint & potuerint iniuriam ab Ecclesia propulsare, nec fecerint tamen, tam erant in vitio quàm si ipsi eam intulissent <sup>4</sup>, grauiusq; in primis errabant & peccabant Pastores Ecclesiæ, qui populum ad id sedulo non hortabantur, cum & facultas maxima, & opportunitas, imò & vt quibusdam videbatur, necessitas iuccurrendi Ecclesiæ, ad hoc remedium allecassent inuitassentq;.

Sed operæ pretium est huc adferre, quod de militibus quibusdam illius imperatoris testatum nobis reliquit idem Nazianzenus <sup>5</sup>. Iulianus enim cum nihil non machinatus esset, quo Christianos in idololatriâ pertraheret, tandem hoc commento vsus est. Adesse iussit exercitum, vt

mi-

<sup>1</sup> cap. 3. & habetur. 17. q. 4. can. si quis alienum.

<sup>2</sup> ad Scapulam, & in Apologet.

<sup>3</sup> 23. q. 2. can. Dominus.

<sup>4</sup> Cic. offic. 1.

<sup>5</sup> orat. 1. in Iulian. v. de etiam Theodoret. li. 3. c. 17.

milites statuto die donatium acciperent: conuenientibus autem illis, vt, pro suo quisque ordine & dignitate, imperialis munificentia participes fierent ipse sublimi in folio regalibus ornamentis fulgens sedebat, habens apud se, hinc quidem ignem accensum thusque propositum, illinc verò aurum, edicente præcone, vt singuli prætereundo, thure prius adorent Imperatorem, mox donatium accipiant. hac fraude capti complures, quorum animos occuparat vel avaritia, vel ambitio, vel infensi Principis metus, si recusassent, vel iuris ignorantia quæ in militib. maxima est, qua se fidemque suam, tã leui & perfunctoria adoratione, haud inquinatum ita existimabant.

Peraçtâ deinde tethifera illa largitione, *quidam*, inquit, qui ignorantia fuerant capti, postquam in hanc incidissent calamitatem. ac domum reuersi cum sodalibus ad mensæ participationem consedis-*sent*, inde bibendi consuetudo ad frigidam processisset, compotationem, tanquam nihil molesti fuissent perpesti, ad frigidi calicis haustum Christum inuocabant, ac crucis signatione in altum aspiciebant: hic cum quidam conturbernalis admiratione captus dixisset, quid hoc rei est? Christum post abnegationem inuocatis? ipsique semimortui respondissent & quo pacto negauimus? ac quid noui audimus? ille verò, quoniam per ignem, inquit, sacrificasti: cumque id esse Christum abnegare docuisset, confestim è symposio tanquam insani & attoniti exilierunt, zeloque & irâ excandescentes, ac per forum discurrentes, clamabant ac dicebant: Christiani, Christiani animo sumus: nequaquam tibi mentiti sumus Christe Saluator, hauit tuam beatam abnegauimus confessionem: nam si manus in re aliqua errauit, animus tamen neutiquam cõsensu Imperator nobis imposuit, cuius auro sumus vulnerati: emendabimus impietatem sanguine expurgabimus. Inde ad Regem currentes vociferabantur, ac aurum admodum puerili: er abiicientes: Non dona, Imperator, suscepimus, sed morti sumus adiudicati: nõ honoris causa sumus vocati, sed planè ignominia damnati: gratiam tuis concede militibus, Christo nos signato, cuius solius subsistimus imperio pro igne ignem retribue: pro cinere illo in cinerem nos redigito: manus quas malè porreximus detruncato, necnon pedes quibus peruerse cucurrimus. Alios auro tuo honorato, quos accepisse haud pœniteat: nobis sat est Christus, quem præ omnibus habemus. hac cum dixissent pariter & alios deceptionem agnoscere, ab ebrietaque respiscere, ac Christo per sanguinem respondere iuebant. &c.

En ardor & candor animi verè Christiani. præ diuinis

humana negligunt, sed ita tamen, vt humanum imperiū quia Dei ordinatio est non prorsus despiciuntur: suam Apostatæ imposturam audacter impropertant, sed imperialem interea dignitatem agnoscunt, quā ipse mortalium omnium indignissimusungebatur: personæ impietatem execrantur, sed maiestatem ipsam, & Dei in ea relucētem imaginem suspiciunt, & supplices venerantur: denique hominem illum leniter & honorificè compellant, in quem summa animorum contentione tanquam Sceuolę inuasissent, si mens conscia reuerentiæ vel pessimis principibus debite non obstitisset.

Nihil dicam de statu Ecclesiæ, & magna Catholicorum patientia, humilitate, & obedientia sub Constantio in Arianismum delapso, quem tamen defectionis suæ ante mortem pœnituit, simulque quoddam Iulianum Imperio destinasset: ob eamque causam magnis à Nazianzeno laudibus cumulatur<sup>1</sup>. Ad Valentē accedo, qui totus Ariana hæresi infectus Catholicos omnes crudeliter & impiè diuexabat. Nam & Episcopos cum Nicæna Synodo consentientes ab Ecclesiis eiciebat, suspectis Arianis: & ne Catholici illos supplicandi vel concionandi gratia conuentus agerent interdixit. Sed & Monachos militare cœgit, ceditque fustibus stipedium facere nolentes (in quibus cum plurimi confessores, nō pauci etiam Martyres extitissent, nemo tamen qui Iacobi inclementis Monachi spiritu ageretur in tot millibus Monachorum inuentus est.) Octoginta etiam presbyteros nauim vnā conscendere, inq; ea subiectis ignibus miserè cremari iussit: breuiter, omnes Catholicos, quos homouianos vocabat Ariano furore persequēbatur, quorum haud paucos exilio, fortunis, vel morte multabat. In his tamen angustiis nihil interea Catholici aduersus Imperatorem, neque aperto Marte, neque clandestinis coniurationibus moliebantur: cum tamē, si id per Dei mādātum subditis licuisset, nec Ecclesiæ idoneos & promptos ad rem gerendam milites, nec egregios militibus duces tūc defuturos fuisse certum est.

Sed nemo tunc Patrum concionabundus propalam se buccinatorem seditionis præbuit, nemo rebellionem concitare, imō non impedire nemo studuit: isque omnibus sensus fuit, ferre Christianos, non facere iniurias nec oportere: haud subditis in Principes imperium datū, eoq; insultandi potestatem: Deum eos habere iudicem, eique si deli-

in iisdem orationibus contra Iulianum.

deliquerint pœnas pensuros : expeditissimam ad debellandos & delendos malos Principes, & quasi compendiariam viam esse si subditi Deum assiduè precentur, ac pœnitentia, aliisque bonis operibus demereantur & placent: eo pacto rem facilius confici, quàm si multis armatorum millibus gereretur. Idque de Iuliano, paulò antè mirabiliter extincto, in hunc modũ explanat. B. Gregorius Nazianzenus <sup>1</sup>. *Quanam armorum preparationes, & machinationum excogitationes hac perficere potuissent? quantus hominum numerus & phalanges? quæ solum precationibus nostris, & Dei nutu peracta* (unt. Idem & de Valente dici potest, cuius impietatem breuius ultus est Deus, vt quod immerentibus sacerdotibus suppliciũ intulerat, id ipse meritò toti Ecclesiæ in casa successa tostus persoluerit.

Orat. 2. in Iulian.  
an.

Quid de Valentiniano iuniore? quantam ei, quamvis homini Ariano omnes Ecclesiæ ordines reuerentiam & obedientiã, quã Princeps legitimus erat, exhibuerũt? Quid plures annumerem? replicetur memoria temporum ab excessu Saluatoris in annos plus mille: peruestigentur omnium sanctorum Patrum scripta, nullum in iis argumentum, nullum vestigium reperietur huius nouæ & inauditiæ potestatis populi in Principem, quam seditiosi & insanientes Plebicolæ, magno cum Reipublicæ intertrimento, nostra ætate comminiscuntur: quin potius contrà, vel ex iis quæ diximus, satis apparet clarissima illa Ecclesiæ lumina, Catholicorum sui seculi mentes iis doctrinæ radiis illustrasse, quibus intelligerent Principem legitimum, & more maiorum inauguratum, quamvis Reip. funestum, & Ecclesiæ infestum, debere à subditis æquanimiter tolerari, dum illum Deus, qui solus eius iudex est, vel resipere faciat, vel à vita recedere. Nam id omnes certò sibi persuadeant, est enim verissimum, Deum (cui res humanæ curæ sunt, & sine cuius scientia, prouidentiaque ne passer quidẽ in terram cadit) nunquam nisi peccatis populi lacescitum, permittit, vt perditus aliquis rerum potiatur: ac tunc quidem frustra multitudinem conniti, vt sibi per rebellionem consulat, vtpote nequicquam oppressoris sui cade liberandam, sed mox sub acerbioris domini iugum recasurã: Deo ita vindictã tẽperante & continuãte, vt non prius populum castigare, quàm ipse populus peccare, desinat: & vnã cum malorum multitudine probos etiam affligi patiatur, sed ita vt illis ad dedecus & ignominiã sempiternã, his



Ais ad amplificationem laudis & gloriæ, ac perpetis vitæ præmium afflictio procedat.

Quæ cum ita se habeant, Brute, & ipso sole clariora & illustriora sint, negari non potest quæstionem istam à te propositam satis luculenter ab antiquis Patribus esse definitam: atque ita quidem definitam, vt nulla amplius de ea inter sanctos & probatos Catholicæ fidei Doctores controuersia vel dubitatio superesse possit. Cuius rei præclarū nobis testimonium dederunt insignes illi Martyres quos Henricus VIII. Anglus, libidinosa hæresi<sup>1</sup> furens, crudeliter necari fecit. Nam in mediis cruciatibus rogabant *Principes, & reliquos circumstantes omnes vt constanter ad supremum usque spiritum bene uiuerent, Regi fideliter seruirent, & obtemperarent in omnibus, quæ non essent à Dei & Catholica Ecclesia placitis aliena*<sup>2</sup>. En fortes Christi milites, en prudentes & fideles magni Patris familias seruos, nullis non priscorum Martyrum comparandos, qui cū in maximis tormentis animas pro Dei Ecclesia agerent, eandem nobis quæstionem, veterum more, egregie definierunt: Deo scilicet magis quàm Regi, & Regi tamen propter Deum parere oportere, verbo & exemplo docuerunt.

*Superiorem sanctorum patrum definitionem Bruto displicere Aliam ex peruersa Scripturarum interpretatione ab eo inuestitam VVicleffiane hæresi consonam. Argumenta, quæ ex scripturis ducit, partim ad hanc quæstionem nihil pertinere, partim iuri Regis in populum, non autem populi in Regem, patrocinari.*

#### C A P V T. VI.

**S**Ed nimirum Christiana hæc patientia Calviniano spiritui planè sordet, cuius afflatu ductuq; , vt nouam nobis doctrinam obtendas, noua ratione hanc quæstionē explicas: atque ita explicas, vt videre interim totus in sacra Scriptura acquiescere, quod solemne iis est qui callido consilio aliquid innouant. Quapropter si tuam spectemus opinionem, tuamque sententiam sequamur, fatebimur quidem verum esse quod initio dixeris, veteres scilicet non nisi leuiusculè hanc quæstionem attigisse: hoc est nihil aut parum de ea dixisse, quod cum tua opinione cōueniat: teq; adeo ab illorum monitis simul & morib. longè distorcere.

Ais igitur sacram Scripturā nobis definire, anquomo-

do,

<sup>1</sup> libidinosas  
hæreses dico, vt  
Cic. libidinosas  
scientias.

<sup>2</sup> Surius in  
Chronic. anni  
1535.

do, & quatenus resistere liceat Principi legem Dei violanti, & Ecclesiam vastanti. fateor quidem, sed Scripturam piè & Catholicè intellectam, & neque vestris laniatam deliriis, neque adulterinæ interpretationis fuco vitiatam & corruptam.

Sed age, quomodo tandem id nobis Scriptura, te interprete atque explanatore definit? Nempe populo vniuerso, vel vni etiam cuilibet Magistratui in aliqua prouincia aut vrbe, ius fasque esse à Principe legem Dei violante, hoc est, vel im pia iubente vel pia vetante, deficere, & capitale de eo supplicium sumere vt de priuato quolibet Maiestatis reo <sup>1</sup>. & (q. V Vicleffianâ & Hussiticâ insanîâ penitus redolet) subditos teneri non obedire nisi iusto Principi, quasi Princeps iniustus, siue, vt illi dicebant, in peccato mortali constitutus, amplius Princeps non sit. hanc enim tibi mentem esse illud satis arguit, quod in præcepto de obedientia Principibus exhibenda, iustos tantum complecteris. *vt enim, inquis, omnes omnino subditi iusti Principis, cuiuscunque tandem gradus sint, tenentur ei obedire* <sup>2</sup>. &c. Quid multis? tuos in hac <sup>2</sup> pag. 39. & 64. quæstione pertractanda conatus omnes cō parasti, vt mōstres non solum non esse parendum malo Principi in eo quod contra legem Dei imperat (quod Catholici omnes constanter asserunt) sed nec vlla in re amplius ei obtemperandum, nullumque tributum aut vectigal pendendum, ex quo legem Dei semel violauerit: quinimo subditis licere eum ad neglecti vel deserti cultus diuini pœnas rapere, & fortunis, exilio, vinculis, vel morte multare. Atque in hunc modum, te iudice, sacra Scriptura hanc quæstionem definit: tuque ex Scripturis ista more tuo deducis, quamuis ipsæ nihil minus doceant: imò contrarium prorsus doceāt. Quapropter argumenta & rationes tuas ad summam repetemus vt omnes mortales videant qui volent, te ad sacram Scripturâ fulciendæ doctrinæ tuæ causa nequicquid cōfugisse.

Omnium igitur rationum tuarum fundamentum ponis in eo fœdere, quod in vetere testamento, primū inter Deum & populum, deinde inter Deum populum & Regē, factum fuisse legitur, ex cuius fœderis pactioibus colligis Deū nō modò permisisse populo Iudaico sed percepisse fœnerius, vt Regi impio resistent, & cū superiorib. cæterisq; omnibus, quibus possunt, modis & mediis coerceant <sup>3</sup>: eiusque gentis exemplo eandem esse populo Christiano in suos Principes potestatem. <sup>3</sup> pag. 32. & 64.

1 Pag. 33.

*Considerandum est* <sup>1</sup>, *hic in primis, Deum electo ex omnibus populo Israelitico, ut esset sibi peculiaris populus, fœdus cum eodē pepigisse, ut esset is populus Dei. Extat id passim in Deuteronomio. Vis autem huius pactionis erat hæc, ut curarent uniuersi, ut Deus à singulis tribubus, & singulorum contribulibus in terra Chanaan purè coleretur, Ecclesiamq; suam in medio eorum perpetuo constitutam haberet, quod cum è multis aliis locis tum disertè Deuter. vigesimo septimo apparet. Ibi Moses & Leuitæ, quasi Dei nomine stipulantes, uniuersum populum congregant, hisque verbis affantur: Hodie ò Israel. pópulus Domini Dei tui sis: obsequere ergo Deo tuo &c. Hinc animaduertimus, uniuersum populum obligatū esse legi Dei curande, Ecclesiæq; tuenda, ut è contrario idolis gentitium exterminandis è terra Chanaan quæ stipulatio ad singulos pertinere non potest, sed ad uniuersos tantum.*

Deinde verò, ut vsum huius pactionis ostendas, proponis nobis bellum ab vndecim tribubus decretum in Beniamitas, ad vlciscendum scelus illud nefarium, quod in constituprata Leuitæ vxore patrauerant. At nos respondemus, neque superioris fœderis pactiones, neque exemplum illud belli gestis in Beniamitas, vllum omnino ius populo tribuisse in Reges, imò nihil quicquam ad hanc quæstionem pertinere: quippe ad id tempus referuntur quod dominatū regiū inter Hebræos antecessit, & quo res ferè omnes à populo illo sui potente, cōmunibus consiliis atque suffragiis, sine Duce vel Principe gerebantur: vt ipsa illa nos historia sapius admonet <sup>2</sup>. Itaque Leuites ille, cuius vxori Beniamitæ ciuitatis Gabaa stuprum necemque intulerant, missis ad omnes tribus nunciis, qui singulos de indignitate sceleris docerent, iussit eos sententiam ferre & in commune decernere, quid facto opus esset. Ipsi verò tam crudele flagitium detestati properatò in Maspha omnes conuenerunt, ibique vno ore, vt assolet in democratia, bellum prius indixerunt tribui Beniamin, quàm vllum ductorem exercitus & belli Ducem à Domino petiissent. & addit scriptor historiæ rationem: *in diebus illis, inquit, non erat Rex in Israel, sed vnusquisque quod sibi rectū videbatur, hoc faciebat.* Non mirum ergo si Moyse quid hanc democratiam aliquando futuram inter Hebræos afflatu diuino præuiderat, fœdus eiusmodi cum illis sancierit, de Deo purè colendo, idolisque exterminandis, quo fœdere & coniunctim omnes, & separatim singuli obstringebantur: rebus scilicet  
in eum

2 Iud. ca. 7. &  
18. & 21. in fin.

in eum statum delapsis quo vnusquisque arbitrato suo se suaque gubernabat. falsum igitur quod ais, pactiones illas foederis non potuisse ad singulos pertinere, sed ad vniuersos tantum.

Iam verò quod attinet ad alterum foedus istum sub Regibus, inter Deum Regem, & populum, satis superque responsum est iam pridè ab optimo viro & eruditissimo Theologo<sup>1</sup>, vt necesse mihi non sit aliam nunc tibi parare responsionem. Accipe igitur quæ prius ille Abbas de secunda tua quaestione aduersus te scribit: quibus ego, propter eius viri auctoritatem, quàm meis in hac re vti malo.

Niniano VVin-  
zeto. in Flagello  
Sectar. pag. 77.  
& 94.

Addit & secundam quaestionem in hunc modum, inquit, utri Principi alicui contra legem Euangelicam agenti, Ecclesias vastanti, vel etiam impediendi quo minus extruantur, resisti possit? item quando quibus, & quousque concessum est. Expectabam, vt hic nostri orbis reformatior aliquid eorum, in quibus Princeps quem tacite corrodit, agat, vel agere precipiat, contra legem Euangelicam ostenderet: aut magnificas aliquot Ecclesias à Nouatoribus, noua quadam & inaudita liberalitate, adificare inceptas, quas vel Caesar vastaret, vel extrui prohiberet: At nihil scire audio prater veterem coccysmum: obtemperandum esse nimirum Dei verbo & sacra Scriptura potius quam Principi (quod nemo vnquam negauit) deinde tam licet populo Regem in officio, in iis qua religionis sunt, quàm Regi populum retinere: Posteriores partem confirmare pluribus verbis molitur ex foedere illo, quod pepigit Ioiada sacerdos inter Deum, Regem & populum, cuius iam meminimus, in quo nulla prorsus mentio sit de potestate populi in Regem, sed quod fidelis Regi populus esset futurus, vt supra est explicatum. urget tamen, qua solent eius farina commentatores, magna audacia: idque vna atque altera auctoritate. Priore quidem quod Prophetæ coarguentes idololatriam crimen, non tantum Regem, sed & populum alloquuntur, vt idololatriam extirpent: & quare, inquit, hoc à populo peterent, si apud istos non esset potestas? Deinde quod propter hoc & eiusmodi scelera, nō solus Rex à Deo punitur sed & populus, & aliquando populus solus propter Regē: at q, id qua ratione quarit.

Ad utrunque facilis est responsio: quia potuit bene populus primum sibi ab illo scelere temperare. Deinde non consentire Regi nefanda vel patranti vel precipienti. Non autem quod non statim congregato exercitu in Regem bellum mouerent, eum morti traderet, aut solio deiceret, & aliū quēquā in eius thronū protinus eueherent. Vbi verò quod tale vnquam Dei populo in sacris literis clare praeceptum sit, aut in vetere aut nouo populo, contra suū Regē

quasi-



Proverb. 20.

quantumuis impium, cum laude factum sit, non inuitus ab istis discerem. Quod cum monstrare, opinor, non possint, nemo miretur, quod aduersarius initio huius questionis, sicut & prioris, sibi concitanda rebellionis conscius excusari se cupit à crimine laesa Maiestatis: meminit forsàn quod sapiens ille rex scribit <sup>1</sup>. Sicut rugitus leonis, ita & terror Regis, qui prouocat eum peccat in animam suam.

Et paulò post. Porro fingamus ita esse, quod deliri isti iam somniant, Christianum aliquem Regem in nonnullam idololatriã, addo etiam, in apostasiam, delabi, & subditos quoque pro virili in ea scelera secum pertrahere studere: licetne continuò subditis bello talem Regem aggredi, regno eiicere, aut morti tradere? licet profectò si Dei verbo precipitur licet, si idem ius populo in Regem hoc casu concedi probetur à Deo quod Reges in populum: licet postremo, mea quidem sententia, si aliquo probato exemplo, vel in vetere, vel in noua lege ostendatur hoc feliciter & cum laude factum aliquando fuisse. Sed cum nihil horum, ni fallor, ostendi possit, quid obstat quo minus tutiorem & propinquiorem viam saluti & nostra, & patria potius inquiramus, quàm cadibus & sanguine omnia funestemus, quàm direptionibus & spoliis terram in solitudinem redigamus. Nunquam enim contigit, ut à legitimo Rege, quantumuis improbo & tyrannicè imperante regnum ita dissipetur, ut intestino bello, maximè autem subditorum in Regem, dissipari solet. In rebus dubiis & incertis maximè si summis cum periculis sint coniuncta, per tutiorem viam omni homini, nisi insipienti & temerario, incedendum est. At quid dixi ego eam rem esse in religione dubiam, de qua aduersarius nihil ad suum institutum proferre valet ex Scripturis? Si populo potestas est castigandi Regis à Deo concessa, è qua Scriptura? Taceo ego quod repugnet natura & ordini rerum, ut corpus dominetur in caput, ut pedes oculo monstrent viam: sed adduxit Scripturam de fœdere illo, quod Dei sacerdos in coronatione Regis Ioas inierat inter Deum Regem & populum Quid multa? si nihil aliud habet nihil omnino pro se habet: imò contra se, quod habere putat, imprudenter in medium adfert. Nam si accepisse se populus in Regem potestatem existimasset, an non aliquando, & tunc maximè cum idololatriam Ioas ipsemet manifestum se prodidit, illud ipsum argumento aliquo significasset? aut si populus ille Hebraus quouis tẽpore à Mose ipso ad Christum Dominum hominem factum penes se hoc ius esse credidisset, cum tot essent idololatra Reges, & in Iuda & in Israel, an vero simile est eos perpetuò sua iura dissimulasse? At Dices ipsum Ioas Regè à seruis percussum fuisse. Ita est sed à quibus seruis, an à Scatibus

*tribus regni, an à Ducibus prouinciarum, an à populo suo? Nequaquam, sed à duobus proditoribus, non quidem genere Israelitis, sed alienigenis, Iozachar Moabita, & Iozabath Ammonita. verum de facto non quarimus sed de iure. Occiderunt impii Iudai suum omniumq; Regem, ipsum Dei filium sed quia innocentem, & de ipsis optime meritum, ideo iniquitatis sue iure dedere poenas. Occiderunt & illi suum dominum, non quidem innocentem, sed impiū & crudelem, sed quia ipsi non habebant eam in rem potestatem ullam sibi de super datam, licet fortasse non impium zelum habuerint, luere & ipsi sua temeritatis satis acres poenas, idq; vero iudicio, testante Scriptura quæ Amasiam Regem commēdat, qui cum illos occiderit, non tamen occidit eorum filios. Occiderunt idololatram Amon Regem Iuda eius serui, sed quid scriptum est? percussit autem populus terra, ait, omnes qui coniurauerant contra Regem Amon, & constituerunt sibi Regem Iosiam filium eius pro eo.* 4. Reg. 22

Hæc ille pius & doctus Theologus: quibus nos addemus & illud, quod cum multi inter Iudæos prophetæ essent, à quibus sæpe populus officii admonebatur, & increpabatur audacter quoddam malo more malos Regum mores aliquando imbibere & imitaretur, tamen nusquam inuenitur populus ab ullo Propheta reprehensus, quod in Regē impium non insurrexerit, nec eum ab idololatria vi & armis reuocarit. Ex quo perspicuum planè est, nihil isto fœdere comprehensum fuisse, quod populo in Principem, quantumuis impium & sceleratum, ius aliquod contulerit concesseritve.

*Catholicos quosdam, seu odio, seu amore occacatos, cum Hæreticis consensisse: in iis esse Rossium Peregrinum, cuius argumenta quedam ex Scripturis perperam deducta ad populi potestatem confirmandam, diluuntur.*

## CAPUT VII.

**Q**Uæ cum ita sint, mirum profectò est & prodigio simile, exortos repente nonnullos, qui se Catholicos, atque adeo Magistros populo profitentur, quibus hæc tam constans & consona Theologorum omnium & totius antiquitatis sententia usque eò displicet, ut non vereantur ad fœdum istum errorem, imò futorem Hæreticorum, seipsos appellere: & propter odium quod in vnum Regem animo conceperant, vel cæcum potius amorem quo rebelles quosdā amplexabantur, conniti & elaborare ut omniū

Hh

Re.

Regum iura & auctoritatem libris editis labefactem: in quorum scriptis tamen nihil solidæ rationis inest: nihil acutè, sapienter, & argutè, dictum reperitur. Quippe omnia vel ab hæreticis, contra quos disputamus, mutati sunt: vel, quod perinde est, nouis captiosisarum probabilitatū laqueis suo Marte compositis inuoluerunt: vt Boucherius ille cuius scripta seorsim libro sequenti excussimus, & Rosæus quidam Peregrinus, qui librum scripsit, cui titulus est ingentis cuiusdam illecebræ ad legendum,

*De iusta scilicet Reipublica Christiana in Reges impios & Hæreticos auctoritate.*

vbi, vt rebellandi in Reges impios libertatem omnibus populis concessam esse prober, ad res gestas Hebræorum, peculiari Dei populi, nos vocat: in quibus cum videat se vera exempla inuenire non posse, falsa confingit. Ait enim Hebræos non solum contra Reges externos bellum pro religione gerere solitos, sed etiam contra proprios suos Reges à Davidica stirpe procreatos<sup>1</sup>, quod falsum utique est, & nullo Scripturæ exemplo comprobatum. Itaque pii Patres & insignes Theologi negant aliquod in sacris literis, nedum in vetere illa Regum Historia, exemplum posse inueniri, quo populi in Regem legitimum coniuratio, rebellio-ve, vllâ de causâ commendetur: ita enim reuerendus Episcopus Cuperus<sup>2</sup>, cuius memoria est in benedictione. Cum Ioas verus Rex Iuda ad idola impiè, relicto Deo, declinaret, & Zachariam Prophetam filium Ioiada crudeliter interfecisset, serui quidam zelo commoti insidiati sunt Regi, & occiderunt eum in lectulo suo: sed iuste ab Amasia sequente Rege ingulati sunt. Scripturâ ubique testante, Regibus, licet peccent, per nullam vim vel arma repugnandum esse: peccant enim grauissimè si potestatis hac amplitudine abutantur, & vel iuramenta prouinciis præstita non seruent, vel nimium cupiditatibus indulgeant. Sed pro iis criminibus indicabit eos, quæ Regibus omnibus maior est Veritas &

<sup>3</sup> Sapientia<sup>3</sup>, quæ ad impios Reges clamans ait<sup>4</sup>. Audite Reges & intelligite. &c. Episcopo Abbatem addamus, vt in ore duorum testium stet veritas. VVinzetus ergo, de admirabili illa Danidis Saulem semper venerantis pietate, & facti ratione disputans, sic scribit<sup>5</sup>. Audis veram Dei veri Prophetæ the-

ologiam. Regem videlicet, quantumuis impium, ipsius Dei iudicio & castigationi relinquendum. & paulò post<sup>6</sup>, præclare nobiscum iam agitur, quod prouida sua Deus benignitate cauerit, ne quid sacro suo Bibliorum volumine, unde stabilire possent Regum ho-

stas

<sup>2</sup> Lib. de offic. Principis Christiani cap. 7.

<sup>3</sup> Esdræ 3. cap. 4.  
<sup>4</sup> Sap. 6.

<sup>5</sup> Contra Buchanan. pag. 150.  
<sup>6</sup> pag. 182.



*ites suum sine populi regnum, aduersus tam sublimes suos ministros, verbo vel exemplo consignaretur.* Addit & alia in eandem sententiam (quæ nos alibi <sup>1</sup> retulimus) quibus ostenditur nullum neque exempli neque præcepti vestigium in sacris literis extare, cuius imitatione vel obseruatione populus Christianus aliquam rebellandi ansam aut excusationem aduersus Reges, quamlibet impios & idololatrias, prætendat. Atque hæc quidem in iis libris, qui, antequam euulgarentur, magnorum Theologorum elogiis commendati sunt, & ubi in lucem prodierunt, communibus omnium Catholicorum suffragiis veritatem cōtinere iudicati. Ego verò, quamquam sæpius à primis adolescentiæ annis multos doctrina & pietate insignes Theologos, & sanctos Dei Confessores, de Regum populorumque officiis & iure, grauius & copiosè differentes audiui, nunquam tamen ab ullo eorum accepi populo fas esse in Regem aliqua de causa rebellare, aut eum folio sceptroque priuare: sed planè contra, nullum casum existere posse qui iustam populo in Principem legitimam rebellandi causam propria autoritate præbeat: qua in sententia omnes omnium Catholicorum animi acquiescebant, atque hæreticos eo nomine execrabantur quòd contradicerent, cum nullum in Scripturis, aut scriptis Patrum antiquorū, eiusmodi rebellionis præceptum vel exemplum reperiretur.

At iste tamen Peregrinus haud peregrinum, ut ipse re-  
tur, coniurationis & rebellii exemplum in sacra illa Regū  
historia inuenit: idq; ad concitandos in Regē subditos, vel  
ut prototypon quoddam instituendarum actionū nostrarum  
omnibus proponit: verba eius hæc sunt <sup>2</sup>, *Neque er-*  
*ga Reges externos tantum ita se gesserunt Iudæi* (loquitur de re-  
bellione & bellis gestis pro religione à Iudæis contra Prin-  
cipes externos)

*sed contra ipsos etiam Reges Hebræos, qui è Davidica stirpe pro-*  
*creati, Dei ipsius præscriptione populo illi præfuerunt.* Nam cum  
Iosaphati optimi Regis filius Ioramus, per uxorem suam Go-  
holiam Achabii filium seductus, ambularet in viis Regum Israel, &  
faceret malum in conspectu Domini, populumq; cogeret lucos in-  
editis montibus conscendere, & aliena numina colere (quod tam  
expresse lege Dei interdictum erat) Idumæi qui fideliter Iosaphato  
patri paruerunt, filium eius Ioramum Regem abiecerunt, nouum-  
que sibi elegerunt <sup>3</sup>.

Si hoc non est lectori imponere, haud scio equidem



quæ poterit impostura alia excogitari: etenim profectò ex multis lectorum millibus vix pauci fortè centeni viciū huius exempli, quamuis maximum sit, & stellionatus pœnâ coercendum, nisi admoniti deprehendent. Nam cum propositæ defectionis & rebellionis populi Iudaici exemplum aliquod requiri, nec vllum in eius gentis historia inueniri posse Peregrinus iste animaduerneret, pro Iudæis Idumæos nobis callidè supposuit, qui neque Iudæi erant, neque religionis ergo ab Ioramī Iudæorum Regis imperio se subtraxerunt. Non fuisse autem de Iudæorum gente Idumæos, notius esse arbitror quàm in quo probando multum defudetur: quippe non a Iacobo sed ab Esau ortum traxerant, locaque & sedes inter Arabiam & Iudæam incolebant, eoque Arabum non sine alibi significantur <sup>1</sup>: atque armis à Dauide primùm subacti, & in ditionem ac potestatem Regum Hebræorum redacti sunt <sup>2</sup>: vt diuinæ prædictionis veritas videretur, qua, cum gemini illi fratres adhuc in aluo gestarentur, Rebeckæ matri nunciatum fuit, *duæ gentes sunt in utero tuo, & duo populi ex ventre tuo diuidentur, populusque populum superabit, & maior seruiet minori* <sup>3</sup>. Seruiuit autem à tempore Dauidis vsque ad eum diem quo ab Ioramō defecit. De Idumæis itaque Moyse in hunc modum populo Hebræo præcepit <sup>4</sup>. *Non abominaberis Idumæum, quia frater tuus est: nec Ægyptium, quia aduena fuisti in terra eius. Qui nati fuerint ex eis, tertia generatione intrabunt in Ecclesiam Domini.* En vt Moyse Idumæos cum Ægyptiis exæquat Idumæi ergo non erant Iudæi. Quid multis idem Peregrinus, siue immemor eorum quæ dixerat, siue genio impulsus meliore, paulò pòst eodem capite & paragrapho, recenset Idumæos inter peregrinos & externos hostes Iudæorum, & rectè quidem scriptum est enim, *In tempore illo restituit Rasin rex Syria Ailam Syria, & eiecit Iudæos de Aila, & Idumæi venerunt in Ailam, & habitauerunt ibi vsque in diem hanc* <sup>5</sup>. Nihil itaque ab homine vasto excogitari potuit fraudulentius ad decipiendos lectores incautos (quales permulti sunt latine quidem periti, sed in sacris ac profanis historiis, aliisque veritatis indagandæ adminiculis parum exercitati) quàm pro rebus gestis Iudæorum res gestas Idumæorum, diuersas quidem & dissimilimas, subiicere. Adhæc certum est Idumæos non rebellasse in Ioramum, religionis Mosaicæ factæ rectæ tuendæ causâ: quod enim illis stadium, quæ cura aut sollicitudo de ea religione esse

potuit,

1 Paral. 17.

2 2. Reg. 8.

3 Genes. 25.

4 Deut. 23.

5 4. Reg. c. 16.

potuit, cuius ipsi cultum planè vel nesciebant, vel negligebant? Multi eorum, inquit D. Hieronymus, qui regiones habitabant Iudææ Palestinæque confines, & præcipuè Ægyptii, Idumæi, Ammonitæ, & Moabitæ, circumcidebantur, quamvis legis mandata non obseruarent, sed ignorarent. Non igitur religionis conseruandæ, quam nihili faciebant, sed libertatis recuperandæ studio, quam per Dauidem amiserant, in hanc defectionem incubuerunt. Si enim verè Iudæi, siquæ ipsis religio, ac non potius libertas curæ fuisset, personæ tantum Regis, non regni etiam imperio se subtraxissent, bonisque Principibus in regnum postea succedentibus submissè paruissent: atqui de illis scriptum est <sup>2.</sup> *Rebellauit Edom ne esset sub Iuda usque ad diem hanc.* & significanter quidem, *sub Iuda*, non *in Iuda*: quia non ex Iudæis erant Idumæi, sed sub Iudæis. Haud rectè ergo facit Peregrinus, qui actiones nostras ad populi ex legis factum, tanquam ad certam sacræque normam, in re maxima dirigendas esse suadet. At Lobna etiam eodem tempore defecit à Rege: quid tum postea? ciuitas erat contermina Idumæis, eoquæ ab illis inducta ut se sociam in hac rebellionem adiungeret <sup>3.</sup>

<sup>1</sup> in comment.  
ad cap. 9.  
Ierem. in fi.  
  
<sup>2</sup> 4. Reg. 8.  
2. Paral. 25.  
  
<sup>3</sup> Nicol. Lyran.  
in 4. Reg. cap. 8.

Sed audiamus adhuc Peregrinum, qui ne nihil nudis exemplis egisse videatur, (de iure enim non de facto quaritur) superiorem hanc Idumæorum Lobnensiumque rebellionem, Dei spiritu commendatam, atque ad imitandum nobis propositam, falso Scripturæ sensu, & fallacibus argumentis conatur demonstrare.

*Et veriusque populi, inquit, sic deficientis & rebellantis causam approbat Spiritus sanctus. simulque omnium fidelium siue Hebræorum, siue Christianorum à Regibus infidelibus, hereticis, & apostatis, similes defectiones & contra eos rebelliones commendat, quando historiam describens, hanc facti eius grauissimam iustissimamque rationem assignat, ad æternam posteritatis memoriam & doctrinam. Dereliquerat enim Ioramus Dominum Deum patrum suorum, ac fornicari fecit habitatores Hierusalem, & prauaricari Iudam.*

Hic ego omnes ratiocinandi peritos, & in sacræ Scripturæ lectione vel mediocriter versatos, istius tam infcitæ collectionis Peregrini arbitros & testes abhibeo. Non enim si Iorami impietas & idololatria suppliciiis eum dignum, regnòque indignissimum fecit, consequitur inde continuò, ut eos, à quibus Deus iustè permittit eum impeti & puniri,

Hh 3 iustè

iuste ac recte fecisse fateamur. Dei quippe indignatio vindicatioque iustissimam semper causam habet: in pœnis tamen exigendis improbissimorum hominum ministerio frequenter vtitur, qui nihil minus quam Dei causam agere, & iniurias in Numen illatas vlcers cogitant: sed suis tantum commodis & cupiditatibus inferuire student, i. s. q; omnia metiuntur. Quid enim? nonne idololatria & abominations pessime Manassis. & aliorum Regum Hebræorum, quibus subditos suos præuaricari, & Dominum in se prouocare fecerant, causa Deo iustissima fuit cur illos ab Ægyptiis, Assyriis, Babylonisque Regibus inuadi, & ipsorum vrbes, agros, ædificia, ferro flammaque vastari fecerit: ut quocunque oculos Iudæus intenderet, cædes, incendium, captiuitas, direptioque aspectui obuersarentur? Et tamen negare non possumus Reges illos, Pharaonem Nechao, Salmanaferem, Nabuchodonosorem, & alios, iniuste & per summum scelus regnum illud nullo iure sibi debitum occupasse, nisi ipsam pariter Scripturam negauerimus: quod vel ex vno Isaia loco patet <sup>2</sup>, per quem Deus Regem Assyriorum sic affatur. *Va Assur virga furoris mei & baculus ipse est, in manu eorum indignatio mea. Ad gentem fallacem mittam eum, & contra populum furoris mei mandabo illi, ut auferat spolia, & diripiat prædā, & quæ sequuntur.* Deus sæpe vtitur peruersa quorundam voluntate, cuius ipse author non est, ad aliorum scelera vindicanda: &, ut est in proverbio, *malum nodum malo cuneo findit* <sup>3</sup>. Vindicabo me de inimicis meis per inimicos meos. Quod igitur Scriptura dicit, *Dereliquerat enim Dominum Deum patrum suorum.* &c. id nō rebellantium Idumæorum & Lobnensium facti æquitatem indicat, commendatve, ut falsò putat Peregrinus: sed tantum iustam ultionis diuinæ causam designat, commeneruisse videlicet Ioramum propter quod Dominus eum iuste in tales angustias coniecerit, & acerbissimis etiā suppliciis excruciatit.

An non Ioas itidem Dominum dereliquit, & sese idolorum spurcitiis, ac cæde summi sacerdotis scdissimè contaminauit; populūque à vera religione auertit? An non etiam iusto Dei iudicio prius hostium potitus, mox à seruis occisus, tot tantorumque flagitiorum meritis debitaque pœnas exoluit <sup>4</sup>? An non & ratio quoque adscribitur per similes ei quæ de Ioramo allata est? quod nimirum dereliquerat Dominum Deum patrum suorum. Ergo, secundum pere-

<sup>1</sup> 4. Reg. 17. & 23.  
& 24.

<sup>2</sup> Isa. 10.

<sup>3</sup> S. Hieron. ad  
Oceanū. epi. 83.

<sup>4</sup> 2. Paral. 24.



peregrinam huius Peregrini theologiam, concludendum est, Assyriorum exercitum, diripiendo Iudam & Hierusalem, & Principes populi occidendo: atque adeo ipsos Regis illius interfectores, iustè fecisse: *quando, ut loquitur Peregrinus, Spiritus sanctus historiam describens, hanc facti eius gravissimam iustissimamq; rationem assignat. eò quod dereliquisset Dominum Deum patrum suorum.* At hanc interpretationem fallacem esse, falsamque sententiam, perspicuè demonstrat superior illa apud Isaiam comminatio: simulque iustū de coniuratoribus ab Amasia sequente Rege sumptum supplicium. An non & Amon similiter Deum patrum suorum dereliquit, idolisque omnibus servivit & immolavit quæ pater eius Manasses fabricauerat: & multo quam pater nequiora perpetravit? *nec est reueritus faciem Domini, sicut reueritus est Manasses pater eius* 1. ob quæ flagitia permisit Deus propriis ipsius servis, ut eum, coniuratione factâ, iugularent. Nemo hîc non videt iustissimam Deo malum malè perdendi causam fuisse: nemo etiam, nisi insigniter impudens, negabit Regis illius interfectores iniustè fecisse, ac proinde iustas & graves sceleris sui pœnas Reipub. persoluisse. *percussit populus terra omnes qui coniurauerunt contra Regem Amon.* Et tamen, si firma est & non fallax superior Peregrini consequentia, fateri oportet servos istos iustè in Regis necem conspirasse, eò quod ipse Apostata esset & idololatra, haberetque Deus pœnas ab eo repetendi causam iustissimam. Quid multis? si ubique iusta vindictæ diuinæ causa est, ibi etiam homines per quos Deus crimina vlciscitur, iustè facere statuamus, infinita consequentur absurda, quibus unusquisque, velit no' it, assentiatur necesse est. Nam & Cainum iustè à Lamecho interemptum fatebimur, quoniam iustissima Deo causa fuit reum fraternalis cædis simili pœnâ afficiendi? & Amalecitam, qui se Saulem Regem occidisse, licet falsò, asseuerabat, iniustè condemnatum à Dauide 2, qui non ignorabat Saulem multo scelere Dominum irritasse, causamque iustam præbuisse cur mortem ei Deus tam infœlicem atque infamem præstitueret. Similiter Mauriciū Imperatorem à Phoca primipilo iustè vita & imperio spoliatum, quodd militū Christianorum, quos hostipum potitos modico sumptu potuit redimere, effundi potius sanguinem, quam pauculos in redemptionem aureos profundere maluerit. Sed & Reges etiam ac Principes, atque omnes ubique iudices errare

1 4. Reg. 21.  
2. Paral. 33.

2 2. Reg. 1.



Gen. 9.  
 Math. 26.

grauiter & peccare, qui sicarios & homicidas puniunt, si ii, quos occiderunt, alios antè occiderant: cùm sint isti quidè diuinæ sententiæ executores, ac proinde iustè se facere cõtendant: quia iusta Deo causa est cur vitam illis eripi faciat, qui vitæ vñsuram aliis eripuerunt. *quicumque effuderit humanum sanguinem, fundetur sanguis illius; Et omnes qui acceperint gladium, gladio peribunt* <sup>1</sup>. Denique Turcas regna & imperia Christiana iustè occupare, quòd illis Deus ad vindicanda peccata nostra, tanquam iræ suæ ministris, iustè vñtatur. Hæc illa sunt & similia nouæ Theologiæ Peregrini, præclara scilicet consequentia, quæ nemo, nisi impius aut insanus, vnquam concesserit. hoc si animaduertisset Peregrinus, numquam nobis, vt arbitror, tam futilem & commentitiæ sententiæ suæ rationem proposuisset.

4. Reg. 9.

Eiusdem generis sunt argumenta alia quæ illic subiicit, quid enim illo vanius, quod de indignitate Iorami verbosissimè exaggerat: quidquæ sublestius ad probandam Idumæorum & Lobnensium facti æquitatem? quandoquidè nemo negat ea fuisse Regis illius scelera, propter quæ Deus Regnum ei totum, stirpique eius, meritò ademisset, nisi, quæ sua erat clementia, ob Davidis serui sui memoriã patetique cum eo initi conseruationem, iræ suæ modum adhibuisset. At hoc quid ad Idumæos & Lobnenses? quibus neque ordinariæ iurisdictionis potestas erat in Regē, cùm ipsi eius subditi essent, neque expressæ iussionis Dei auctoritas, qua in illum, vt Iehu olim in Ioramum <sup>2</sup> Regē Israel, insurgerent animaduertenterique.

2. Paral. 21.

li. 9. ca. 3.

Quod autem postremo loco tractat, de Regis illius caduere, quod adeo despectum populo fuit, vt illud neq; paterno monumento intulerint, neque regalibus exequiis more Maiorum honorarint <sup>3</sup>, satis eo contemptu indicantes quàm Deo fuerit inuisus nefarius ille homo dum viveret, vt ait Iosephus <sup>4</sup>, id certè ne minimum quidè eius sententiæ patrocinator: quippe Ioramus post mortē nec Rex erat, nec homo, vt dominationis iure honos ei aliquis haberetur. Iusta autem cur fecissent, quæ nemo nisi bene de se in vitâ merito soluere tenetur? Et verò si Peregrinus hanc historiæ particulam acutè & subtiliter perpendisset, nunquam eam ad suæ sententiæ confirmationem adduxisset, cui tantum abest vt opituleretur, vt planè contrà, firmissimum solidissimumque nobis argumentum ad eam conuellendam suppeditet. Nam cùm iidem fuerint, qui post

Iorami

Iorami mortem cadaueri eius insultauerunt, & qui ei uiuo obsequiebantur, ac regios honores impertiebant, quamuis sat scirent eum fratricidam & idololatram, atque omnino sceleratum ac nefarium hominem, Deoque inuisum: nec ullam mutatae affectionis ipsorum nouam aliquam certā expressamque causam Scriptura designet; an non id satis demonstrat eos Regem illum nequissimum vel idèd tolerasse, quod iudicarent fas nō esse subditis, nisi speciali mādātu Dei commonitis, in Regem consurgere; vel quod sciarent se viribus inferiores, & Regi cogendo impares esse? At hoc posterius dici non potest, cum vniuersus populus Rege semper potentior sit, si de facto ac non de iure certetur, & tali potissimum Rege qui lue tabida confectus erat, cunctisque exosus.

Quapropter si Peregrino visum est ad Iudæorum facta nos reuocare, vt eorum exemplo nostras erga Regem actiones dirigamus; ac non potius ad Idumæorum scelera imitanda pertrahere: necesse profectō est vt vel ex hac vnica historiae particula agnoscat & fateatur contrarium eius quod asseruit: nempe Deum à quo omnis potestas est, coniurationes & rebellia iniussu suo excitata: nō Principes legitimos, quantumuis impios & scelestos, improbare, sibi que soli pœnæ exigendæ potestatem reseruare: quando Spiritus sanctus historiam describens ostendit Iudæos, populum duræ ceruicis & seruitutis impatientem, Regi pessimo paruissē, & ei Regi cuius impietatem & nequitiam vsq; adeo execrabantur, vt quem viuum vlciſci propter Regiæ Maiestatis reuerentiam non audebant, eius cadauer, ad perpetuam defuncti ignominiam, regia sepultura prohiberent. Si igitur exemplis rerum gestarum ab Hebræis commonentur Christiani quo erga Reges animo esse debeant (vt ipsemet arbitratur Peregrinus) nihil hoc exemplo illustrius, nihil memorabilius, aut magis efficax ad subditos in officio continendos, & omnem illis aditum ad defectiones & rebellia præcludendum, reperietur. Sed pro Deus bone, id huic scriptori cæterisque similibus accidisse video, quod præ iracundia sæuientibus vsuuenire solet: nempe obuia omnia sine delectu arripiunt, quæcunque feruor aut furor comministrat: & prius tela in hostem coniiciunt, quàm vtrum firma sint an fracta præuideant. idque in superiore exemplo de Ioramo elucet, quod nemo eruditus, nisi inuidentiæ aut alterius prauæ affectionis stimulo con-

citatus atque occæcatus, vnquam pro populo contra Reges protulisset: quippe Regum causam euidenter iuuat sustinetque.

Eiusdem temeritatis & imprudentiæ est, exemplum de Amasia ad populi imperium stabiliendum proferre: quandoquidem coniuratio aduersus eum facta nullo Scripturæ testimonio laudata est. Nam licet Deus illi mortem minatus fuerit per prophetam, propter nimiam impietatem & idololatriam: tamen Hierosolymitæ qui necem ei intulerunt, non ob Dei legem derelictam, & religionem sartam rectam seruandam coniurabant, sed ob dirutam atque direptam suam ciuitatem, bello infelicitè gesto cum loâ Rege Israel. At hoc non legitimam populi potestatem in Reges, quæ nulla est: sed impetum & iniquitatem quorundam subditorum, quæ utinam non tam frequens esset, demonstrat. Itaque scriptum est; *tulit autem vnuerfus populus Iudæ Azariam annos natum sedecim, & constituerunt eum Regem pro patre eius Amazia* 2. vt intelligamus non ab vniuersa tribu Iudæ initam fuisse coniurationem, sed tantum à Hierosolymitis quibusdam facta est, inquit, *contra eum coniuratio in Ierusalem*. vel, vt alibi extat 3. *tenderunt ei insidias in Ierusalem*. Quorsum igitur Peregrinus hoc exemplum? difficile dictum est: nec ego coniectura allequi possum. Non enim arbitror eum velle id libertatis populo concedi, vt Regem, barbara Gotthorum feritate, trucident, quandoque illis collibitum est. *Gotthi*, inquit Aimoinus 4. *iam olim vitium hoc in consuetudinem vertere, vt cum eis Rex proprius displicuerit, à suis interimatur*. vel, qui priscis Burgundionibus mos erat 5, Regem solio & sede pellant, *si sub eo fortuna tibi bauerit belli, vel segetum copiam negauerit terra*. Sed qua mente hæc scripsit ipse viderit: quam parum verò ad institutū accommodatè, ego iam ostendi. Alios autem Peregrini errores aliis, vel mihi met alias ipsi, indicandos relinquam: atque ad Brutum interea à quo digressus sum reuertar.

*Percurruntur, & excutiuntur insigniores Bruti cæpiones, in hac secunda sua quaestione: cuiusmodi sunt quas ex fœdere superius relato, inter Deum, Regem & populum, item ex naturâ obligationis duorum reorum promittendi: & ex altero fœdere, quod Asa Rex monitu Azariæ sanxit, magis subdole quam subtiliter deducit.*

¶ Nicol. Lyr. in  
c. 14. li. 4. Reg.

¶ 4. Reg. 14.

¶ 2. Para. 26.

¶ li. 2. c. 20. & li.  
4. ca. 35.

¶ Ammia. Mar-  
pell. lib. 27.

## CAPUT VIII.

**Q**uamuis superiora prudentibus quibusque & circum-  
spectis rerum aestimatoribus faciant satis: tamen ne  
lector curiosus fraudulentis Bruti fallaciis capiatur,  
percurram breuiter loca insigniora apud eum in hac quæ-  
stione: & præcipuas eius captiones singillatim excutiam.  
Primum igitur ex fœdere superius relato, quod inter Deū,  
Regem, & populum feriebatur, colligit populo potestatem  
fuisse in Reges, hac ratione, quia finis eius fuit, inquit <sup>1</sup>.

Pag. 36

*Vt populus esset populus Dei, id est, ut is populus Ecclesia Dei esset;  
at certissimum est Deum non frustra hoc egisse. Ni enim aliqua  
authoritas & promittendi, & promissa præstandi populo superfu-  
isset, fœdus planè superuacuum fuisset. Videtur ergo Deus fecis-  
se, quod in dubiis nominibus creditores facere solent, ut plures in  
eandem summam obligentur, ut eiusdem rei duo pluresue rei pro-  
mittendi constituentur, à quorum vnoquoque, tanquam princi-  
palireo solidum peti possit. Ecclesiam unico homuncioni commit-  
tere lubricum erat. Nam si aq̃te uniuerso populo commendat,  
atque committit. Poterat Rex in tam lubrico gradu constitutus,  
facile in impietatem delabi. Ne itaque colloberetur Ecclesia, popu-  
lum interuenire voluit. In ea, de qua agit̃ur, stipulatione Deus,  
vel eius vice summus sacerdos, est reus stipulandi: Rex & populus  
uniuersus, puta Israel, sunt rei promittendi, ambo ex vna eadem-  
que causa. & quidem ex voluntate coniunctim obligati. Stipula-  
tur sacerdos, an non promittant, populum fore populum Dei: an nō  
operam se duros ut Deus templum suum Ecclesiam suam in me-  
dio eorum perpetuo habeat, ubi ritè colatur? Spondet Rex, spondet  
Israel (uniuersitas enim hominum vnius persona vicem sustinet)  
& quidem coniunctim, non diuisim, ut ex ipsis verbis apparet: in-  
continenti, non ex intervallo. Constituuntur ergo hic duo rei, Rex  
& Israel, idque aequaliter in solidum obligantur.*

Speciosus hic fallaciæ fucus est, sed absterfu facilis: dispi-  
ce igitur Brute, quam parū tibi hæc omnia opitulentur  
ad obtinendum id quod animo intendisti, quamuis ea ve-  
ra esse concedamus. Quis enim dubitat fuisse auctoritatem  
promittendi populo, & efficiendi promissum facultatem,  
cū vel priuato cuique par in eiusmodi re potestas com-  
petat? Vt enim populus non declinando à lege Domini,  
neque obtinperando Regi in iis quæ contra Dei legē præ-  
cipit, stat conuentis, facitque promissum: ita etiam qui-  
libet



libet è populo id ipsum promittere & præstare potest: se ne-  
pe in vero Dei veri cultu & seruitio perstiturū. Non enim ex  
fœderis pactiones id exigunt, vt populus Regem impium,  
vel iniqua iubentem, imperat: sed ne iussa eius, diuinis in-  
stitutis aduersantia, capeſſat & exequatur: neue ab ipso ad  
idolorum cultum recedente, abduci se sinat quoquo pacto  
ad alienos deos. Atq; hoc quidem cū populus facit, præ-  
stat vtique quod promisit, & Ecclesiam Dei in se perpetuū  
sartam tectam conseruat. Hæc itaque sponsionis illius vis  
est, hic effectus, quantum ad populi partes attinet: denique  
fœdus hoc quod toties & tanto opere iactas, nullum per se,  
neque populo in Regem, neq; Regi in populum, ius & im-  
perium tribuit: sed solum vni Deo vtrosque debitores con-  
stituit, Regem scilicet & populum: ille imperium in subdi-  
tos, iure Gentium communi diuina lege approbato, iam  
ante obtinebat: & ideo non frustra eum Deus hoc fœdere  
astrinxit multitudini illi in officio continendæ, cui domi-  
nabatur: hic verò vt nullà ante in Principem potestate præ-  
ditus erat, ita nullam nouam hoc fœdere potestatem acce-  
pit, quippe nulla ei opus erat ad eam rem persoluendam,  
quam promiserat, vt planè iam ostendimus.

Ac ne illa quidem instituto tuo vel minimū fauent, quæ  
de duobus reis promittendi à iure Romano mutuatus es:  
quippe in duobus reis id obseruatur, vt vno soluente quod  
promisit, alter liberetur<sup>1</sup>. At in proposito longè aliter se  
res habet: finge populum omnem nauasse operam, atque  
effecisse omnino vt populus Dei esset, nihilo magis libera-  
tur Rex, nisi ipse quoque summa diligentia & solitudine  
id ipsum curauerit: & contrà, si Rex proponatur id egisse q̃  
in se est, vt populus Deo fideliter seruiat, populo vel renitē-  
te, vel Regis mandatum segnius exequente: non dubium  
quin ipse quidem exoluisse promissum iure optimo cēſea-  
tur, eoq̃ue ab obligatione liberatus: & tamen populus in-  
terea permanet, ex sua sponsione obſtrictus, donec & ipse  
etiam id præstiterit quod promisit. Hæc igitur cū repu-  
gnent naturæ obligationum, quæ in personis reorum pro-  
mittendi consistunt, perspicuum est non rectè & ex iur's  
disciplina te affirmare Regem & Israel, in illo fœdere, reos  
promittendi factos fuisse. Et quidem re vera duo rei pro-  
mittendi non erant, sed diuersi diuersorum factorum debi-  
tores: cuiusmodi inquam debitores, quorum alter alterius  
obligationem suo facto dissoluere nequiret. Mirum igitur  
quæ

§. Ex huiusmo-  
di Inst. de duob.  
reis l. 2. §. v. D.  
cod.

quæ ratio impulerit, ut duos hac stipulatione reos debendi factos esse arbitrare: nam quod tanquam certum eius rei argumentum adfers, id manifestum erroris tui indicium nobis præbet. Ais enim <sup>1</sup>.

1 Pag. 38.

*Quod verò ea stipulatio, de qua agimus, eius generis sit, ex aliis scriptura locis apparet. Saule Rege Israelis constituto, Samuel sacerdos & propheta Domini his verbis Israellem affatur: tam vos quam Rex vester qui est super vos sequimini Dominum Deum vestrum: quod si perseveraueritis in malitia, tam vos quam Rex vester peritis. Addit verò rationem: quia placuit Deo vos facere populum suum. Hic vides duos reos manifestè coniungi in eiusdem pœna stipulatione.*

At ego hic manifestè video non coniungi duos reos in hac stipulatione: quin potius tuam inscitiam vel malitiam manifestè video. Nam si cognitam & perspectam habes naturam obligationis duorum reorum hoc ipso nobis imponis, quòd tale quid sciens prudens proponas: sin verò existimas ipse duos reos hac stipulatione constitui, intolerabili iuris inscitia laboras: cum sit certum, ex stipulatione pœnali duorum reorū, pœna ab vno exacta alterum liberari, quod neutiquam in hac stipulatione obtinet, ex qua suam quisque pœnam luit, nec alius alium liberare potest. Denique perperam colligis stipulationem aliquam contractam esse verbis Samuelis: ipse enim tantummodo hortatur populū & Regem ut seruiant Deo, & eius vocem audiant, & ne exasperent os eius, declinentque ad vana, quæ nec opem illis ferre, nec eruere eos de malis possent. quod si fecerint Deū illis ad futurum, sin ipsi Deum dereliquerint, à Deo pariter derelinquendos, & miseris malisque omnibus inuolvendos esse pronunciat. At hoc non maiorum convenientiam habet cum stipulatione per quam duo rei debendi constituuntur, quàm ceteræ legum sanctiones comminationesque, aut Principum edicta, quæ subditis in officio continendis quotidie proponuntur: quæ nemo nisi iuris imperitus stipulationes esse dixerit.

Sed ut tibi aliquid benignè largiamur, & quod non est, esse concedamus, esto duos hoc federe reos promittendi fuisse constitutos, Regem & populū quid inde ad tuæ sententiæ confirmationem? populo, inquires, hoc ipso ius fuisse Regem quasi fuga retrahendi, & coercendi, si ad alienos deos transfugisset <sup>2</sup>. itane vero? dic nobis bone iurisper-  
propter

2 Pag. 38.

2 L. 2. C. de duobus reis.

propter coniunctam reorum debendi obligationem alteri in alterum potestas sit extorquendi totum, vel partem debiti propria auctoritate? id ne vspiam legibus Romanis, aut aliarum nationum institutis, quæ modo congruenter naturæ vitam degunt, inuenitur permissum? Scimus eum qui totum debitum exoluit, portionem virilem à correo recuperaturum<sup>1</sup>: at per iudicem, nō autem per manus eiectionem & prehensionē sine iudice. Tu igitur qui exemplo correorum tribuis actionem vtilem Regi in Israël, & Israël in Regem, si quando hic vel ille idolis sese mancipauerit, nonne fateris iudicio contendendum esse vbi is casus inciderit, *actio enim est ius persequendi in iudicio*. atque ita alium à populo vel Rege iudicem quærendum, ne ipsi in sua causa iudicent. At dic quæso, quem Regi quæsitorem, & iudicem feres? an non eum qui Rege superior est (par enim in parem, multoque minus inferior in superiore, non habet Imperiū) is autem solus Deus est, vt superioribus libris iam fulissimè & apertissimè demonstrauimus: cui cōsequēs est id remediū tantum populo superesse, vt cum Rege correo suo coram Deo expostulet de iis quæ contra legem Dei vel ipse facit, vel ab aliis faciendum curat. Vides, opinor, vt inanis prorsus, & sine pondere, tota hæc ratio sit, quam ex tractatu de duobus reis in tuas vindicias transtulisti: cum licet fateamur Regem & populum esse duos reos promittendi, quod tamen falsum est, nō inde tamen consequatur ius aliquod populo in Principem esse tributum, sed hoc rātum, posse populum in iudicio aduersus Regem consistere, atque per eum, cuius vterq; iurisdictioni suppositus est, partē virilem, & quod sua interest, consequi.

Pergamus nunc igitur ad illud fœdus, quod Afa Rex Iudæ, monitu Azariæ prophetæ sanxit: nam inde tu quoq; aliud argumentum, imò aliam fallaciam contextis, qua populo in Regem ius vitæ ac necis esse contendis.

Tu verò, inquis<sup>2</sup>, *sacrificiis ritè peractis sancitur fœdus, his tanquam conceptis verbis. Quicumque non inuocauerit Dominum Deum Israel, seu minimus, seu maximus, morte moriatur. Cum maximum dicit, ne Regem quidem ipsum huic pœna eximi vides. Quis vero hanc à Rege pœnam reposcere possit (de temporali enim hic agitur) nisi vniuersus populus, cui ipse iurat, non secus ac populus ipsi?*

At certè palam est hunc locum minus tecum facere, quàm vllum superiorum. Nā ipse Rex Afa fuit, nisi non animad-

uertis,

uertis, qui hæc ad populum locutus est. Ait enim Scriptura <sup>1</sup>, quod cum audisset Asa, verba scilicet & prophetiam Azariae, <sup>2</sup> x. parali 19. filii Obed propheta, confortatus est, & abstulit idola de omni terra Iuda, & de Ben-iamin, & ex urbibus, quas ceperat, mōtis Ephraim, & edicauit altare Domini, quod erat ante porticum Domini, congregauitque uniuersum Iudam & Ben-iamin. &c. & intrauit ex more ad corroborandum fœdus, ut quærerēt Dominum Deum patrum suorum, in toto corde, & in tota anima sua. Si quis autem, inquit, non quaesierit Dominum Deum Israel, moriatur à minimo vsque ad maximum, à viro vsque ad mulierem. Iurauerūtque Domino voce magna in iubilo, & in clangore tubæ. &c.

En ipsa Scripturæ verba, quæ planum faciunt quod tua nobis paraphrasi obscurius reddidisti. Regem enim hic cernimus fœdus cum populo ex Dei persona renouantem, & pro potestate imperii mortis pœnam in fœderis ruptores ascribentem, ut corporalis supplicii metu, homines natura ad idololatriam procliues in Dei cultu contineret: estque perinde ac si dixisset, Si quis vestrum non quaesierit Dominum Deum Israel, eum ego morte multabo, cuiuscunque aut sexus, aut dignitatis, & conditionis vitæ is fuerit. Estque huic simile si paterfamilias his verbis familiam alloquatur. Si quis hodie domo fuerit egressus, vapulabit largiter à minimo vsque ad maximum, à viro vsque ad mulierem, à puero vsque ad senem. Nemo enim non mentis inops, vnquam existimabit potestatem puniendi ipsum patremfamilias, si exierit, seruitiis esse tributam. Qui Christo subiecit omnia Pater, seipsum vtique excepit <sup>2</sup>. <sup>2</sup> 1. Corinth. De Rege ergo à subditis iudicando si deliquerit, ne verbum hic quidem, ac ne per consequentias tale quid colligi potest ex hoc fœdere, non magis quàm ex alijs aliarum legum sanctionibus, quas Reges in Diuini vel humani iuris violatores quotidie proponunt, nisi planè cauilemur, & calumniemur verba sensusque Scripturarum.

Omitto alia firmamenta, imò figmenta, quæ huic pestilenti tuæ sententiæ aspersisti: cuiusmodi illud est, Quorsum fœdus cum populo, ut sit populus Dei, si sese ad alienos deos per Regem abduci patiatur, aut pati tenetur? Si denique non licet ei operam dare, ut id, quod promissit, præstetur, Deusne cum eo fœdus sanxit, qui neque promittendi, neque rem promissam præstandi ius habuerit? Si videmus & actione submouemus, qui cum seruo filione familias contraxerit: an non impudētes sumus, qui tale quid Deo tribuere velimus?



Apagē istas muscipulas, non nisi cæcos forices capiunt. Ecquis vnquam tam impius vel impudens exitit, si modò religione aliqua tenebatur, qui populum ita Regibus deuinctum atque obstrictum credidit, vt teneatur pati se per Reges abduci ad alienos deos? vel negauit licere ei operam dare, vt præster quod promissit? Nemo sanus non proclamāt, populum & posse & debere promissum facere & fœderis cū Deo isti pactiones omnes adimplere. Sed nihil vtique ad eam rem populo opus est potestate & iurisdictione in Principem: non enim fœdere comprehensum est, neque id etiam Deus exigit, vt populus Regem deuium & insanos errores sectantem, vi & armis in viam reducat: sed ne ipse eum sequatur, vel abduci ab eo, atque infici iisdem erroribus se sinat, vt est à nobis suprā hoc capite annotatum. Quod autem præterea addidisti, *Si videmus & actione sum- mouemus eum, qui cum seruo filiove familias contraxerit, &c.* id te valde ridiculum, & iurisprudentiæ prorsus expertem atque ignarum, esse arguit. Tuos iam aliquot non leues iuris errores ante indicauit: at hic præ cæteris insignis, & nimis supinus est, ac vix Iustinianeis nouis <sup>1</sup> condonandus *filius familias*, inquit Caius <sup>2</sup>, *ex omnibus causis tanquam pater familias obligatur. & ob id agi cum eo tanquam cum patre familias potest*, & Vlpianus: *Siquis cum filio familias contraxerit. duos habet debitores: filium in solidum, & patrem duntaxat de peculio.* l. si quis 44. D. de peculio. & idem alibi, *tam ex contractibus quam ex delictis in filium familias competit actio* <sup>3</sup>. ( excipitur sola mutui datio contra Sc. Macedonianum ) duratque contra eum actio etiam postquam sui iuris factus est, siue emancipatione, siue morte patris, exeat de potestate <sup>4</sup>. tantum leges hoc ei largiuntur, ne vltra id quod facere potest conueniatur, si emancipatus, vel exhæredatus fuerit, aut paterna hæreditate alioqui abstinuerit <sup>5</sup>. Sed & contractus etiam cum seruis initi, non prorsus inanes sunt: nam ex iis quoque complures iure prætorio actiones in dominos tribuuntur <sup>6</sup>. Si itaque rides cum qui cum filio familias vel seruo contrahit, rides quæ recta, quæque à iuris conditoribus præclarè & sapienter constituta sunt, quod quamuis secundum religionis tuæ regulas laudetur fortasse, per se quidem tamen non est laudabile. An non igitur vel vnicus hic locus satis suadet, diligente nobis prouisione cauendū esse, ne tibi de iure publico, hoc est, de religione & regno differenti, fidem habeamus, qui in perspicuis & indubitatis iuris

<sup>1</sup> ita vocantur iuris studiosi primo anno.

<sup>2</sup> l. 39. de ob. & ac.

<sup>3</sup> l. tam ex. 57. D. de iud.

<sup>4</sup> l. 2. D. de cap. minut.

<sup>5</sup> l. 2. & passim. D. quod cum eo qui in al. pot.

<sup>6</sup> Instit quod cum eo qui in al. pot. & toto lib. 24. & 15. Digest.

iuris priuati capitibus tam fœdè hallucinaris? Sed hæc mihi facio, vt quæ reliqua sunt apud te hic raptim percurram: iam enim animus in tertiam tuam quæstionem velis plenius passisque deferretur.

*Deteguntur alia Bruti mendacia & captiones, quibus, contra fidem, contraque mentem Scripturarum, ad falsa sue sententia confirmationem, tanquam veris scriptura testimoniis, utitur: cetera etiam præcipua eius argumenta in hac 2. quæstione dissoluntur.*

## C A P. IX.

**A** Is hinc esse id est, ex potestate populi in Principem, i Pag. 41. quam somnias, quod Regibus fœdus violentibus, propheta Iudam, domum Iacob, Samariam perpetuò alloquuntur; vt eos officii sui admoneant: nec id tantum ne Baali sacrificent, sed vt Baalem etiam, eiusque sacerdotes, Rege inuito & reclamante, deturbent & exterminent. Quin prophetæ, populum sui sæpe officii admonuerint, neu sponte, nec impiis Regum suasionibus vel minis spiritu fornicaretur, nō dubium quidem est. At vt Rege inuito & reclamante, Regis idolum demoliretur, sacrificulosque perimeret, id nusquam legimus prophetarum monitis disertè comprehensum. Tu tamen ita esse exemplo contendis.

Sic, inquis, cum Achab occidisset prophetas Dei, Elias propheta congregat populum, & quasi concilium indicit, corripit, coarguit, conuincit. Populus verò eius hortatu, sacerdotes Baal morte multat. Nempe officium suum deserente Rege, est quod suo fungatur Israel: nec tumultuariè aut temerè, sed publica auctoritate, concilio habito, causâ ordine cognitâ.

Deum restor Omnipotentem, Brute, mirari me, quid sit, quod tam manifesta Scripturæ loca, tam nequiter ad tuum sensum detorqueas. Nam in primis falsum est quod asseris, Eliam congregasse populum, & concilium indixisse, cum Achab prophetas Dei occidisset. Ipse enim Rex Achab fuit, qui populum Eliæ monitu congregauit, quippe Scriptura refert Eliam Regi dixisse <sup>2</sup>. Veruntamen nunc mihi te & congrega ad me vniuersum Israel in monte Carmeli, & prophetas Baal quadringentes quinquaginta: prophetasque lucorum quadringentos, qui comediant de mensa Iezabel. Misit Achab ad omnes filios Israel, & congregauit prophetas in monte Carmeli. Nonne perspicuum est Regem esse qui Israelem hic congregat? quem-

Lib. 8. Antiq.  
cap. 7.

vt id faciat, idcirco propheta rogat quòd sine Regis iussu atque imperio haud coituram fuisse multitudinem sat sciebat. Itaque Iosephus eandem historiam referens <sup>1.</sup> *vt verò omnes acciti à Rege ad constitutum locum confluerunt*, inquit. Deinde quod ais populum Eliæ hortatu sacerdotes Baal morte multasse, verum est, sed nihil tecum facit, imò contra te facit plurimum. Non enim inuito & reclamante Rege id egit populus, vt tu falsò existimas, falsoq; nobis persuadere conaris, sed Rege præsente, & ob tanti miraculi magnitudinem, consentiente, certè neutiquam contradicente, vt ipsa illa historia plusquam disertè testatur. Nam comprehensis omnibus prophetis Baal, atque occisis ad torrentem Cison, Elias dixit ad Achab. *ascende, comede, & bibe, quia sonus multa pluuia est, ascenditq; Achab vt comedoresq; biberet*. In quem locum Lyranus. *Videbat Elias populum feruentem ad honorem Dei propter recentiam miraculi visi: & ideo voluit accelerare mortem sacerdotum, qui deceperant populum, ne Iezabel induceret Regem maritum suum, & Rex populum ad seruandum vitam ipsorum*. Et verò si non ex Regis voluntate id factum fuisset, sed eo inuito & reclamante, vt rudicis, credibile non est authorem historiæ diuino spiritu afflatum, circumstantiam illam, vti que tam memorabilem, silentio prætermittere voluisse.

Præterea si populus aliquod in Regem ius habuit, an id Elias in re tanti momenti dissimulasset? An non id aliquando summus iste post Moysem propheta contra Regem implorasset? An non tunc cum vidisset eum omnibus decessoribus suis nequitia superiorem, eiusque vxorem Iezabel, cæde & sanguine prophetarum idolorum suorum cultum stabilire conantem, & quotquot Deum Israel inuocabant gladio seuerissimè persequentem? Aut tunc cum post falsorum prophetarum occisionem Iezabel præsentem ei perniciem quærebat, & ipse populum, vt est verisimile, propter recentis miraculi memoriam ad quiduis audendum facilè induxisset. Quapropter si hunc Scripturæ locum solerter expendamus fatebimur ingenuè maximo eū argumento esse, populum de quo loquimur nullam potestatem habuisse in Regem, quamuis crudelem, quamuis impium & idololatram: aut certè Eliam vt communis salutis desertorem, & propè dixero, maiestatis diuinæ reum, valde culpandum fuisse, quòd suam istam populo potestatem, suumque officium non indicarit. Non enim ignora-

bat

bat Elias Regem esse, qui hæc Baalis sacrificia in eam gentem inuexerat, ipsoque uiuo cum sua parte Iezabel idololatriam in Israel haud extinctum iniquippe in primo congressu suam ei nequitiam & idololatriam prophetica libertate impropetauerat, *tu*, inquit, *& domus patris tui conturbabis Israel, qui dereliquisti mandata Domini, & sequuti estis Baalem*. Et tamen nihil quicquam ad populum de Rege isto scelestissimo vel abdicando, vel in ordinem cogendo, neque tunc cum falsos prophetas Rege inspiciente occidit curarit, populumque habuerit sibi in omnibus obsequentissimum, neque alias vnquam locutus esse inuenitur. Ac ne de Iezabel quidem tollenda, quod ipsa Regis vxor esset, eoque regalis honoris particeps, ne populus Principis sui Maiestatem in coniugis persona violaret: quo nos exemplo monemur nihil populo iuris esse in Principem, nisi id ei Dominus speciali mandato concesserit, ut olim regnante Ioram o filio huius Achabi contigit <sup>I</sup>.

Quæ sequuntur apud te in hac quæstione, leuiora sunt quam quæ accurata responsione egent. Nihil enim nisi apertas captiunculas continent. Nam ut ostendas populi partes esse Regi legem Dei violanti resistere, & eum coercere si obstinatius in errore permanserit. Dicis non alia de causa fustum delerumque Israelis exercitum vna cum Saulle Regè, quam quod populus Sauli legem Dei violanti non resistebat: & pios impiè persequenti applaudebat: idque ea ratione confirmas,

*quod filius non portabit iniquitatem patris: sed anima qua peccauerit ipsa morietur. An Deus ulciscitur peccata Principis in populum?* inquis, *an patris in filium? Absit à te, qui indicas vniuersam terram, ut occidas iustum cum impio,*

inquit Abraham. vnde colligis non alia ratione cæsum esse populum, quam quod Regi malo non resistebat. Sed vno verbo respondemus aliud esse non resistere, aliud applaudere, hoc improborum est & in faciendo, illud subditorum & in patiendo consistit. Deinde constare quidem inter omnes qui Scripturam lectitant, & qui de rebus diuinis rectè sentiunt, eam fuisse populi Hebræi conditionem ut vnius etiam priuati impietas & peccatum in omnes aliquando vindicaretur, idque à Deo factum, esse; ut duræ cervicis populum facilius in officio contineret: exèpla legenti obuia sunt: constat quoque & illud, subditos aliquando regi peccati pœnas luere, & propter Principem puniri

<sup>I</sup> Iosue 7. & 24.  
1. Reg. 14.

Pag. 42.



1 in cap. 18. l. 1.  
Reg. in ver. & da-  
bit Dominus et-  
iam Israel tecum  
in manu Philis-  
tim.

2 Ioan 9.  
3 listi. 8. D. p  
met. caus.  
4 pag. 44.  
5 1. Paral. 21.  
in cap. 12.

6 Exod.

7 1. qui fundum  
7. §. si tutor. D.  
pro empt.

pœna temporali, & etiã morte corporali, vt ait Lyranus <sup>1</sup>: quemadmodum & filios propter peccata parentum. Vnde discipuli Dominum interrogarunt, *Rabbi quis peccauit, hic aut parentes eius, vt cecus nasceretur?* <sup>2</sup> Quia Rex in populo afflicto, vt & pater <sup>3</sup> in persona filii, grauius torquetur.

Idem tibi responsum volumus ad id quod de Dauidis facto populum numerantis profers <sup>4</sup>. Nam quod vniuersum populum eo facto peccasse affirmas, id falsum esse Dauidis pro populo deprecantis oratio satis ostendit <sup>5</sup>. *Nonne ego sum, inquit, qui iussi vt numeraretur populus? ego qui peccaui, ego qui malum feci: iste grex quid commertuit?* & alibi (2. Reg. 24.) *Ego sum qui peccaui, ego inique egi: isti qui oues sunt quid fecerunt?* Quo pertinet quod scribit D. Ambrosius in Apologia Dauidis (ca. 7. & refert. de pœnit. dist. 3. can. illud) & B. Gregor. (lib. 25. in Iob.) cap. 20. *Dauid propheta a timore repentina elationis inflatus populum numerando peccauit & tamẽ in vindictam populus Dauid peccante suscepit.* Itaque innocentem hũc populum ab angelo bono percussum esse testatur Lyranus <sup>6</sup>. Adhuc, si rationi tuæ locus est, neminem scilicet alieni sceleris pœnam pati, ac proinde Deum non vlscisci peccata principis in populum: cedo cur populus ille recens, morbo tam mortifero plexus est? nunquid omnes ea contagione absumptos, sibi ipsis numerandis auctores fuisse putas? Nam quod tu præfectos populi (quos falsò consortes imperii Dauidis nominas) consensisse aut segnius repugnasse dicis, eo quod populum totum peccasse, quem illi repræsentabant, id profectò tale est, nisi non animaduertis, quod rationis tuæ fundamentum penitus conuellat: quandoquidem non ita populum repræsentabant isti, siue præfecti siue seniores Israel, quin reuerã aliæ repræsentantium, aliæ repræsentatorum personæ fuerint, ac proinde nõ potuerunt populum sceleri obligare; nisi nominatim id eis populus mandasset perpetrandum, cum neque ad id electi & constituti fuissent, vt Deum offenderent: neque officium suum & mandatum prætergressi, populum in eo quod malo multitudinis moliebatur dici possent iure repræsentasse <sup>7</sup>. Quapropter si, vt tu dicis, alieni sceleris pœnam nemo sustinet, non erat cur ob consensum vel conuiuentiã præfectorum innocens multitudo supplicium tam acerbum persolueret: atque ita vel Regis peccatum in populo vindicatum, vel omnes ab angelo percussos ad id facinoris nominatim conspirasse, fateamur, necesse est. Cæterum multi  
ta præ-

ta prætereo, quib. hanc solius Dauidis noxâ fuisse cōvincitur veluti quod ei soli optio pœnæ data sit, quodque eius solius pœnitentiæ & deprecationis mentionē faciat Scriptura, & alia id genus quæ in illa historia memorantur.

Quod autem subiicis, *Manasse Rege templum Dei polluerete, Deum non ipsum modò Manassem, sed vniuersum populum alloquutum esse, non alia de causa quàm vt Israelẽ tanquam alterum promittendi reum admoneret, ni Regem in officio contineret, suo damno futurum,*

Id similiter falsum est, & satis superque iam suprà refutatum<sup>1</sup>. Non enim populus ille à prophetis increpitus est, 1 cap. 6. quod Reges suos impios & idololatrias non coecerneret: sed quod ipsorum flagitiis turpiter assentiret, & se iisdem, quibus illi, peccatis inuolueret.

Verùm vt facilius nos fallas, & tuum hunc Scripturæ sensum pertinacius tuearis, Augustini & Ambrosii auctoritatem subinde nobis obtrudis.

*Propterea, inquis, Augustinus & Ambrosius: Herodes & Pilatus condemnant Christum, Sacerdotes neci tradunt: populus ferè illachrymatur, vniuersi tamen puniuntur. Cur ita? Quia quem è manibus impiorum eripere poterant, quia non fecerunt occiderunt.*

Bella ratio, scilicet, quæ populum Regibus resistere, & eos coercere posse contendas, quod nunquam tamen cogitarunt, nedum asseruerunt, beati isti Patres, quos tuarum partium astipulatores esse autumas. Nam quod ad D. Ambrosium attinet, ex cuius libris de Officiis ista te excerptisse indicas, is ne verbū quidem in eam sententiam iis libris conscripsit: & quamuis scripsisset quod eum scripsisse fingis, nihilo magis tuam iuuarer opinionem, vt mox constabit. B. verò Augustinus, quem in psalmos allegasti, hoc tantum habet<sup>2</sup>. *Hac dicta sunt, vt sciretur in eo populo, in quo natus &* 2 Psal. 81. vers. auferte ergo in opem. *occisus est Christus, nec illos fuisse immunes à tanto scelere, qui cum essent tantæ multitudinis, vt eos, sicut euangelium loquitur, timerent Iudæi, & propterea in Christum manus mittere non auderent, postea conniuerunt, eumque interimi à malignis & inuidis Iudæorum principibus permiserunt, qui si voluissent, tuerentur semper, & nunquam in eum sceleratorum praualerent manus. At locus iste quid ad Reges? quid inquam, vel contra Reges pro populo, vel pro Regibus contra populum facit? Adeò ne te inuidia regalis fortunæ, vel despiciatio Maiestatis obcæcauit, vt apertissima quæque non cernas, sed velut ubi latis è medio perspicuis rerum omnium differentiis, res*

inter se dissimillimas inepta similitudine comparatione-  
que confundas? Scito igitur primum, qui in scitè nimis id  
Hebræorum factum ad hanc disputationem traduxisti,  
neminem tunc inter Iudæos fuisse regia autoritate præ-  
ditum, translato iam antè ad Romanos imperio: *non habemus Regem*, inquit, *nisi Casarem*: ac proinde multitudinè  
nulla parendi necessitate obstrictam fuisse Scribis & Pha-  
risæis & Principibus sacerdotum, qui Christum neci dedi-  
derunt. Itaque populus ille sine vlllo Maiestatis & rebellio-  
nis crimine, & sine vlllo scelere, in iis quæ publicam admi-  
nistrationem spectabant, obiicere se potuit, imò debuit, in-  
uidis sacerdotum conatibus Christum opprimere cupien-  
tium: quod nullo politice potestatis & obedientiæ vinculo  
illis teneretur. Deinde verò, vt concedamus Principes illos  
sacerdotum, & seniores populi, imperio simili & planè ge-  
mino regie potestatis functos, atque ob eam causam mul-  
titudini non licuisse vi & armis aduersus eos contendere:  
tamen certum est multitudinem illam, alia ratione, in cul-  
pa fuisse, perinde ac si ipsa Christum occidisset? non quia  
Scribis & Pharisæis pro virili non restitit, sed quia horum  
pellecta blanditiis, eidem cum ipsis sceleri assensa est: &  
quem solo dissensu: & verbo vno liberare poterat, vindi-  
cando sibi Saluatorem, consensu peruerso, & redemptis  
suffragiis, petendo Barrabam, malitiosè perdidit. Ait enim  
Scripturà. *Congregatis illis dixit Pilatus, quem vultis dimit-  
tam vocis? Barrabam aut Iesum qui dicitur Christus. Princi-  
pes autem sacerdotum & seniores persuaferunt populo, vt peterent  
Barrabam, Iesum verò perderent*<sup>1</sup>. Non mirum igitur, si non  
solum cum Augustino dicamus eos *non fuisse immunes à ta-  
to scelere*, sed etiam sceleris illius quodammodo principes,  
certè socios præcipuos: quod vbi sola voce pauperem a  
potente, & innocentem ex impiorum manibus eripere  
potuerint, non neglexerunt modo salutem Iusti, sed prodi-  
derunt. Itaque peccassent illi quidem hoc casu, etiam si sub  
Rege Christum peroso & taliter perimente tunc degissent:  
non quod Regi tam ingens scelus paranti violenter resi-  
stere, nisi expressè iussi, sed quod non consentire teneren-  
tur: vt Euangelium in Petro defensionem Magistri suscipi-  
ente admonet.

Non persequar hinc cætera commenta quæ in tuū istum  
tractatū coniecisti, vt sunt illa de magistratib. à populo de-  
lectis & constitutis, quos falsò imperii consortes, & Regū  
Ephoros

Matth. 27.  
Marc. 15.



Ephoros nominas: cùm satis iam constet inter omnes, sitque notissimum, magistratus in omni Monarchia & regno ritè ordinato, non à populo, sed à Principe deligi & constitui solitos, à quo in ipsos, tanquam à fonte seu radice & summo capite, iurisdictio atque imperium omne dimanat. Et illa similiter quæ de expeditionibus Principū Christianorum in Turcas, Saracenos, & alios Dei hostes commemoras. Nam hæc quorsum? Non improbamus, imò approbamus & laudamus, bella Regum & summorū Principum iussu in infideles & hæreticos gesta: utque in illa omnes incumbant strenuè tuminis à Domino votis contēdimus. Sed reprehendimus & execramur rebellia subditorum in suos Principes: Nec aliquem adeo insanire arbitror, ut illa bella & hæc rebellia inter se perfecta similitudine conuenire, aut alterum alteri consequens esse putet. Illud enim, cum infidelibus inquam bellum gerere, laudabile in primis, atque in sacris ac profanis historiis sempiternæ gloriæ datum esse legitur: hoc verò nunquam ab hominum memoria, à piis & peritis hominibus, vllò iustitiæ & honestatis elogio fuisse commendatum. Sed hæc, & alia id genus, vel supra à nobis confutata sunt, vel in tertiæ quæstionis examine commodius refellentur, ad quam ipsam nunc aggredior.

*Tertia Bruti quæstio præclara: sed perperam ab eo tractata. Tyranni nomen nimis ambiguè in ea positum. Argumenti à Regis constitutione ad Regum subiectionem pertractati refutatio.*

## CAPVT X.

**Q**uæ tertia à te subiicitur quæstio, ea quidem præclara est, Brute, sed perperam, ac peruersè à te tractata.

*An, scilicet, & quatenus Principi Rempublicam aut opprimenti, aut perdenti, resistere liceat: item quibus id, & quo modo, & quo iure permissum sit.*

Nam id tuum de hac quæstione iudicium est, eamque ita explicas, ut Rex non solum toti populo, quique populum repræsentant patriciis, Palatinis, & communi ordinum regni concilio; sed Curiis etiam, quæ vulgo Parlamenta Galli vocant, & quod indignissimum est, singularum urbium vel prouinciarum rectoribus subiiciatur; usque rerum à se gestarum rationē reddat. Pag. 89. 194. 196. 197. & 210.



piam & pestilentem, & regnis ac ciuitatibus exitiosam esse, quoniam sæpius ante monuimus, & nunc seridè ac religiosè protestamur: nostramque de Regum summa & libera potestate sententiam tuam prorsus contrariam, superioribus libris copiosè & accuratè descriptam comprehendimus; reliquum nunc est, ut quam infirmis rationum momentis fundamentisque opiniones tuæ nitantur, demonstramus.

Quod antequam aggrediamur, principidè monendus est quisquis vel tua vel nostra legerit, tyranni nomen in huius tertiæ tuæ quaestionis præfatione nimis ambiguè positum, & haud accommodatè Regibus esse oppositum. Nam si hanc ei verbo subiectam vis esse notionem, ut is intelligatur qui principatum, quem vel iure hæreditario à Maioribus delatum, vel multitudinis suffragio oblatum adeptus est, insipienter & insolenter gerit: falsum est quod scribis,

*Tyrannum Regi è diametro opponi.*

Rex enim manet qui antè Rex fuit, quanquam impotenter dominetur. Ut enim probitas & iustitia regiam dignitatem non conferunt, sed legitima successio electioque, ita nec vitia istis contraria eam ritè institutis auferre possunt. Licet igitur verum sit Tyrannos, in hac verbi significatione, bonis & iustis Regibus opponi, quatenus tales sunt: non tamen verum est eos simpliciter & absolutè Regibus opponi. Nisi eadem forma & malos Episcopos non esse Episcopos, & malos coniuges non esse coniuges, & quicquid ab alio qualitate aliqua separatur, id ab eo in totum & simpliciter remoueri iudicemus. Sed sunt quidem eiusmodi fallaciæ notiores, quàm quibus refellendis aliquam otii nostri partem impertiamur. Sin Tyranni nomine cum intelligis, qui in libera ciuitate, liberòque populo dominatum in cæteros vi & armis occupat, aut principatum alteri delatum vel debitum inuadit, rectè quidem Tyrannum Regi opponis: sed frustra tamen quantum ad præsens institutum attinet. Nam de Tyrannis eiusmodi nulla est inter mortales controuersia: quippe quos, ut hostes publicos, non solum ab vniuerso populo, sed à singulis etiam impeti cadique iure optimo posse tota antiquitas censuit, & iugi assuetudine consentiens subsequentiū seculorum probauit autoritas. Reges verò legitimè constitutos, licet in sæuitiā ac proteruitatē Tyrannorum delabatur, ut sacrosanctos tamē, & supra omnes leges & iudicia

humana

Ioan. Boudierius  
in compendio  
concert. tit. 9. ar-  
tic. 11. & titu. 11.  
art. 7.

humana constitutos, in nullo & a nullo lædi posse sine publica iniuriâ & Maiestatis crimine, omnibus ferè ante vestram sectam, & miserimas horum temporum misérias, tã diuini quàm humani iuris peritis visum est. Sed de præfatione satis. Ad argumenta igitur & rationes tuas reuertamur.

Primã ex eo ducis, quòd Reges à populo constituentur, & sine populo Rex ne mente quidem concipi possit, sine Rege verò innumeri populi viuant & regantur : & quamuis Deum peculiari suo populo Reges elegerit, dederitve, tamen non ante voluerit eos regnare, quam populi suffragio & consensu Reges constituerentur. idque variis exemplis & argumentis per totas octo paginas verbosissimè produxisti, hanc ei conclusionem subiicis <sup>1</sup>. *Iam verò cum Reges à populo constituentur, omnino sequi videtur, populum uniuersum Rege potiore esse. Ea enim vis verbi est, ut qui ab aliquo constituitur, eo minor habeatur: qui ab aliquo auctoritatem accepit, suo auctore inferior sit. Putiphar Ægyptius constituit Iosephum super familiam suam. Nabuchodonosor Danielem super Babylo- nicam prouinciã. Darius præfides centum & viginti super regnũ nempe domini seruos, Reges ministros constitui dicuntur. Sic etiam populus Regem tanquam ministrum Reip. constituit.* Pag. 85.

Quod de regnum electione & constitutione adfers, leuius nunc percurro : neque enim necesse est de eo pluribus hic disserere, cū sit à nobis superiore libro fusissimè disputatum, totaque ratio illa refutata <sup>2</sup>. Itaque sic habeto, populus Regem constituit, Deus constituto dat auctoritatem. *Data est à Domino potestas vobis* <sup>3</sup>. Quod autem annectis, innumeros sine Rege populos viuere, Regem verò sine populo ne quidem animo concipi posse: id quorsum? ine illico consequens est, Regem populo esse inferiorem? fallit te captiosa probabilitas, si id arbitraris: quid enim? an non similiter ratiocinabere? complures pupilli viuunt sine tutore, innumeri minores sine curatore: at tutor sine pupillo, curator sine minore, ne cogitatione quidem comprehendi potest. ergo tutor & curator pupillo & minore sunt inferiores, & horum quàm illorum maior autoritas. Vider iam vitium tui argumenti quisquis non cæcus est. Nunc ad conclusionem tuam venio.

Ais populum Rege potiore esse, quia Rex à populo constituitur, & generaliter, eum qui constitutus est & auctoritatem ab aliquo capit, esse minorem constituyente: idque pro-

bas inductione, seu verius exemplis Putipharis, Nabuchodonozoris, Darii, & aliorum qui sub se præfides vel præfectos constituerunt. Sed dic mihi per Deum, Brute, an ignorabas, cum istoc scriberes, exempla eiusmodi non sate quadrare conclusioni, quatenus Reges complectitur? Certè id non animaduertisse, inscitia, scripsisse autem ubi animaduertèris, mera malitia est. Nam exempla perspicue demonstrant te conclusionem intelligere, de iis qui sub se alios constituent, ut Putiphar Iosephum, Nabuchodonozor Danielem, Darius præfectos sub se constituit. At sermo tibi ante fuit de Rege, quem populus constituit, non sub se quidem, ut Pharaon vel Putiphar Iosephum, & alii quos commemoras, sed super se planè, ei; se parituum spondit. An vquam memoriæ proditum didicisti, gentem aliquam constituisse sub se Regem? An non semper in sacris & prophetis historiis legitur Reges super populum esse constitutos? *Cum ingressus fueris terram*<sup>1</sup>, inquit Moyses ad populum, *quæ Dominus Deus tuus dabit tibi, & possederis eam, habitauerisq; in illa & dixeris: constituam super me Regem, sicut habent omnes per circuitum nationes.* Et populus ad Samuelem à regio eos imperio dehortantem<sup>2</sup>. *Nequaquam: Rex enim erit super nos, & erimus nos quoque sicut omnes gentes: & iterum*<sup>3</sup>. *Nequaquam: sed Regem constitue super nos. Quid multis?* innumera extant loca in Scripturis, quæ Regem constitui super populum manifestè testantur. *Vnges*<sup>4</sup>, inquit Dominus ad Eliam, *Haziel regem super Syriam, & Iehu filium.* Nam si vnges regem super Israel. Quid quod Christus. *Reges gentium dominantur eorum*<sup>5</sup>, & principes eorum potestatem habent ipsorum. Præesse autem & subesse, subiici & dominari, habere potestatem in aliquè & esse in eius potestate, omnino sunt contraria. quapropter si Rex est super populum, ut ait Scriptura, non est sub populo: si populo dominatur, ut Christus auctor est, non utique eidem subiicitur. Si vis ergo exempla à te proposita quadrare conclusioni, & aliquid aduersus Reges facere, ea sic inducere oportet. Putiphar constituit Iosephum super se. Nabuchodonozor super se Danielem. Darius centum & viginti præfectos super se: quæ omnia cum sint manifestè falsa, nullam efficiendi vim habent: ac proinde perperam ad Regum auctoritatem minuendam à te adducta, quos constat super populum esse constitutos. scitè poeta<sup>6</sup>.

— Tum primum, Gracia vires

Contemplata suas tunc sparsa, ac dissona moles

In cor-

Deut. 17.

1. Reg. 2.

1. Reg. 10.

2. Reg. 19.

3. Marc. 10. Luc. 22.

4. Stat. 1. Athl.



*In corpus, vultumque coit, & rege sub uno*

*Disposita est.*

Sub Rege itaque populus idque tu ipse fateare, vel tibi-  
miet planè contradicas necesse est. Nam vbi de Tyrannis  
tollendis vel tolerandis disputas, doces apertè, populum &  
Rempublicam transferre omnem suam potestatem in Re-  
gem, ei que seipsum tanquam victos iureiurando deuincire.  
*At certe, inquis<sup>1</sup>, si semel ita rerum potiat, ut populus victus<sup>1</sup>* pag. 187.  
*se se iureiurando ei denunciat, Respublica oppressa suam in eum po-*  
*testatem transferat, regnum in suarum legum mutationem ritè*  
*consentiat: tum sanè quia titulum, quem antea nullum habebat,*  
*adeptus est, nec ex facto tantum, sed iure possidere videtur, et si po-*  
*populus ex ων ἀναγορῇ ἰσαριῶν, id iugum recepit: aquum tamen est, ut*  
*obtemperet & Dei voluntati, qui regna de gente in gentem suo arbi-*  
*trio transfert, placide acquiescat.* Sana profectò, & salutaris do-  
ctrina, quam si vbique fuisses sequutus, nobis nihil hoc  
scriptionis genere opus fuisset. Nec minus laudabile quod  
subiicis<sup>2</sup>. certè seditiosus fuit Cinnus qui lege regia iam lata, qua<sup>2</sup> pag. 189.  
populus suam in Augustum omnem potestatem contulerat, in eum  
conspirasse legitur. Benedictus Deus qui veritatem ab inuitis  
non rarè exprimit. Si populus suam in Augustum potesta-  
tem transtulit, atque aded in quemlibet Tyrannum trans-  
fert, cui se iureiurando deuincit, quamuis talis cōsensus vi  
& metu initio expressus sit (voluntas enim coacta voluntas  
est<sup>3</sup>) Si inquam, suam in eum potestatem transfert, quoti-  
es ei titulum tribuit, id est, in eum ut Rex sit ritè consentit.  
An non sequitur Regem super populum esse constitutum,  
ac proinde populo superiorem? Nisi fortè Tyrannis cū ti-  
tulo, plus iuris in regno, quàm legitimis Principibus, id est,  
sanguinis vel electionis iure ad regnum vocatis, tribuendū  
putes: quod nemo nisi rationis expers vnquam arbitrabi-  
tur. Quamuis igitur qui sub se aliquem constituit, ut Puti-  
phar, Pharaon, Darius, maior sit eo quem constituit: tamen  
qui super se aliquem constituit (ut populus Regem, Cardina-  
les Pontificem, Clerus Episcopum, Monachi Abba-  
tē) tantū abest ut cōstituto superior sit, ut ei statim inferior  
efficiatur. Id & ratio naturalis, & vera verbi notatio cōuin-  
cit. Qua de causa<sup>4</sup> B. Gregorius hortatur Clerum, ut in eli-  
gēdo Episcopo summā adhibeat diligentiam: quia postquā  
electus est, nō amplius ab eligentibus iudicari potest: quia  
nimitū superior ab inferiore iudicari non debet. Et de hac  
quidē cōstituēdi ratione & forma est, q̄ scite Panormitan<sup>9</sup>.

(in cap.

<sup>1</sup> l. si mulier 26.  
<sup>2</sup> vlt. d. quod  
met. caus.

<sup>4</sup> li. 2. epist. cap.  
68. & refertur 2.  
q. 2. can. vlt.



(in cap. 4. de cler. non resid.) *Nota, inquit, quod habens potestatem conferendi non habet potestatem destituendi etiam propter delictum* & doctissimus Bellarminus (to. 1. Contr. 3. li. 2. ca. 17.) Regem esse supra populum licet à populo constitutur, affirmat. Qua regia autoritate fretus Imp. Valentinianus, militibus, magnâ vociferatione conclamantibus ut aliquem sibi consortem imperii ascisceret, respondisse fertur. *Vt me ad imperandum eligeretis, in vestra situm erat potestate, ô milites. At verò postquam me iam elegistis, quod petitis in meo est arbitrio, non vestro. Vobis tanquam subditis convenit parere, mihi verò quæ faciendæ sunt cogitare.* Noli ergo simpliciter asserere, eum qui constituitur ab aliquo, minorem esse eo qui constituit: sed adhibe distinctionem, sitne sub constituyente an super eum constitutus. Alioqui quid vetat hoc pacto colligere; vir à muliere maritus constituitur, mulier enim nisi vellet, non eum sibi virum assumeret: ergo maritus muliere inferior est. Et hoc si conceptis verbis expressisses, maiorem credo à mulieribus gratiam iniisses, quàm nunc à populo.

Distinctio autem quam protulimus, facilè exemplis illustratur. Nabuchodonozor constituit Sedeciam Regem super Iudam & Ierusalem<sup>1</sup>, Cæsar<sup>2</sup> Tasgetium super Carnum, Comitum super Trebates. Cauarinum super Senones. Nero Teridatem super Armenios<sup>3</sup>. Non dubium quidè quin minor Nabuchodonozor Sedecias Cæsare Tasgetius Comius & Ganarinus, Nerone Teridates, quia sub ipsis non super ipsos constituti erant; at iidem tamen populis dignitate & autoritate longè antecellebant, si cum eo quisque populo conferatur, cui Rex datus erat, & à quo etiam dici poterat aliqua ratione constitutus, quatenus scilicet populi in eos consenserunt: quia super populos non sub populis, constituebantur.

Iam verò non minor captio est in ea collectione, quam paulò post adfers<sup>4</sup>. *Cum itaque Rex per populum*, inquis, *propter populum existat, nec absque populo consistere possit: cui mirum videatur, si populum Rege potius esse concludamus?* Imò cui non mirum? sed si de potestate & autoritate administrandi Imperii conclusionem intelligis: ut est à nobis superiore libro fusissimè demonstratum. Alioqui sequeretur: cum curator per minorem, & propter minorem existat, nec absque minore possit consistere (non enim cogitur minor accipere curatorem præterquam in litem<sup>5</sup>.) ut minorem curatore potius

1 2. paral. 36. Ierem. 37.  
2 li. 4. & 5. de bell. Gall.  
3 Xiphil. ex Dion. in vita Neron.

4 Pag. 88.

5 Inst. de Curat.

potiorem esse in rerum suarum administratione concludamus: quod nemo nisi insanus, vnquam admiserit. Vides vt ex paribus præmissis planè falsum colligitur: eoque argumenti tui vim nullam esse. Sed ad alia pergamus.

*Commentum Bruti de Ephrone & Hemore refellitur: de Saulle etiam qui Ionatham roganti obnoxius populo, & precibus non imperio contendenti permisit. Nihil ei denique auxiliū esse in Ieremia historia ex unanimi interpretum consensu docetur.*

C A P V T X I:

**A** B argumentis ad exempla transis, vt iis regiam nobis subiectionem depingas. Primòrum ferè Regum quàm lata, inquis <sup>1</sup>, potestas fuerit; ex eo satis apparet, quod Ephron Rex Hetheorum ius sepulchri Abrahamo, inconsulto populo concedere non audet: neque Hemôr Henius (voluisti credo dicere, Heuæus) Rex Sichem, fœdus cum Iacobo ferire: nempe grauiora negocia ad populum referri solita.

Mira canis, si vera canis. Et vnde tibi constat, quæso, Ephronem fuisse Regem? certè ex historia sacra non cõstat, imò contrarium potius constat, Ephronem scilicet non fuisse Regem, sed vnum de populo, sed ciuem, sed priuatum, atque ideo non potuisse locum humanæ Saræ; Abrahamo qui peregrinus erat concedere: nisi prius Abraham ius sepulturæ à populo impetrasset. Ait enim Scriptura <sup>2</sup>. Cũ: <sup>3</sup> Gen. 23. que surrexisset Abrahã de officio funeris, locutus est ad filios Hethe, dicens: advena sum & peregrinus apud vos, date mihi ius sepulchri vobiscum, vt sepeliã mortuum meum. Responderunt filii Hethe, dicentes: audi nos domine: princeps Dei es apud nos, in electis sepulchris nostris sepeli mortuum tuum: nullusque te prohibere poterit, quin in monumento eius sepelias mortuum tuum. Surrexit Abraham, & adorauit populum terræ. filios videlicet Hethe: dixitque ad eos, si placet anima vestra vt sepeliã mortuū meum, audite me, & intercedite pro me apud Ephron filium Seor: vt det mihi spelūcam duplicem, quam habet in extrema parte agri sui: pecunia digna tradat eam mihi coram vobis in possessionem sepulchri. Habebat autem Ephron in medio filiorum Hethe. Responditque Ephron ad Abraham cunctis audientibus, qui ingrediebantur portam ciuitatis illius, dicens: Nequaquam ita fiet, domine mi, sed tua ma: is ausculta quod loquor: agrum trado tibi, & speluncam que in eo est, presentibus filiis populi mei, sepeli mortuum tuum. Adorauit

*tauit Abraham coram populo terre, & loquutus est ad Ephron circumstante plebe: quæso ut audius me &c. Respondit Ephron: domine mi, audi me &c.*

Quod hic verbum reperitur, ex quo intelligi possit Ephronem fuisse Regem? An quia appellauit populum Hethæum populum suum; cum dixit se tradere agrum & speculantem quæ in eo est Abrahamo, præsentibus filiis populi sui? ergo Booz Rex Bethlehem, quia de eo similiter scriptum est, quod dixerit, cognato suo <sup>1</sup>, *quod audire te volui, & tibi dicere coram cunctis sedentibus, & maioribus natis de populo meo.* ergo Daniel Rex Israël, quia dixit <sup>2</sup>, *cum confiterer peccata mea, & peccata populi mei.* Communis hæc est & vñtata loquendi consuetudo, qua quis populum suum, aut ciues suos vocat eos qui sunt populares & conciuēs <sup>3</sup>. An quia Abraham supplicauit populo, vr pro se apud Ephronem intercederet? Certè hoc non arguit Ephronem fuisse Regem: priuatus enim ipsius ager petebatur, vr mirum non sit Abraham existimasse intercessione aliqua opus esse, tum quòd aduena ipse esset, tum quòd Ephron agri dominus rem suam inuitus vendere nō cogeretur. Nihil igitur aliud ex illis verbis colligi potest, quàm quòd populus, vr assolet in democratia, ius sepulchri Abrahamo concesserit, & Ephron rogatu populi, vel potius sponte sua, agrum suum priuatum Abrahamo vendiderit. An quia scriptum est, Ephronem habitasse in medio filiorum Heth? ergo Rex erat Ieremias, quia dicitur ambulasse in medio populi <sup>4</sup>: ergo Regina erat Sunamitis illa, ad quam diuertere solebat elisæus, ait enim *In medio populi mei habito* <sup>5</sup>.

Sed quid ego moror in manifestè falsis refellendis? Nā quòd priuatus & ciuis Hebronensis tantum fuerit Ephrō, testatur Iosephus his verbis <sup>6</sup>. *Ἀπὸ τοῦ δὲ ὀνόματος τοῦ τοῦ ἐκείνου τοῦ τετρακισίων, παρ' Εφρέμου πνὸς ἐκ τῆς χεῖρος* .id est, ad verbum, Abrahamo quidem emente agrum quadringentis siclis ab Ephremo quodam Hebronensi, vel, vr interpres Græcæ linguæ peritissimus vertit, Abrahamus tamen maluit sepulturæ locum quadringentis siclis emere de Ephremo quodam Hebronensi ciue: & doctissimus Genebrardus in Gallica interpretatione *Mais Abraham aymamieulx en achepter un d' un citoien d' Hebron, nommè Ephren.* Si Rex fuisset Ephremus, non nisi ineptè vocasset eum Iosephus quendam Hebrouensem, & perinde ac si quis Franciæ, Hispaniæ, Scotiæ, Angliæ Reges,

Gallum

<sup>1</sup> Ruth. 4.

<sup>2</sup> Daniel. 9.

<sup>3</sup> I. Lucius. 88. §. 1.  
huius de leg. 2.

<sup>4</sup> Jerem. 37. 4.  
Reg. cap. 4.  
§ li. 1. antiq.  
cap. 15.

<sup>6</sup> li. 1. antiq. cap. 15.



Gallum quendam, Hispanum quendam, Scorum aut Anglum quendam vocitaret. Cum itaque nec Regem fuisse Ephronem, nec de iure sepulturæ apud eum actum, sed tantum de priuato agro vendendo appareat: inconsultè, imò stultè tu quidem ad regiam potestatem & libertatem metiendam, exemplum ab Ephrone adfers: nisi fortè Reges & priuatos eodem iure censes.

Quod autem de Hemore Sichæmitarum Rege scribis, id cum sit perspicuè falsum, refutatione non eget: ipsa enim historia disertè narrat, Regem sine vilo populi cōsensu, imò antequam populi animum tentasset, fœdus cum Iacobo, & Dinæ fratribus icisse.

Sed accidisse iam video, quod ante sum auguratus <sup>1</sup>, te <sup>1</sup> cap. 2. sup. hoc lib. scilicet in ipso limine ius ciuile peruertentem, non meliore fide sacra quàm profana tractaturum. Idque non ex eo solum patet, quod in superiore exemplo de Ephrone scripsisti sed etiam ex tribus exemplis sequentibus, quæ fallaciis mendaciisque construuntur. Nam primum quod de Ionatha Regis Saulis filio proponis, quem populus Regis sententia damnatum liberauit, id neutiquam auctoritati populi supra Regem tribuendum est, sed Regis ipsius facilitati, qui, populo instantè deprecante, animaduersionem & supplicium iuratò statutum, Ionathæ condonauit. Itaque B. Gregorius <sup>2</sup>, explicans illum Scripturæ locum. *Liberauit ergo Ionatham populus ne moreretur* <sup>3</sup>. 2 li. 5. exop. fia in 1. Reg. cap. 4. 3 1. Reg. 14. Quo in loco notandum est, inquit, quia Rex bis iusiurandum in-  
terfectionis Ionathæ superius protulit: quem tamen victus populi instantia non occidit. deinde addit, quid est quod iurauit, & iuramenti assertionem nequaquam seruauit? Sed ex hac re duo nobis documenta proueniunt, ut cauti scilicet & discreti esse debeamus. cauti quidem ne iuremus, discreti si agere peruersa iuramus. qui enim iurare cauet, priuare omnino non potest. Sed cum male iuratur, iustus iusiurandum dimittitur, quàm compleantur crimina quæ iurantur. Cauti ergo in nostris dispositionibus esse debemus, sed si cauti esse negligimus, pratermittenda sunt proposita, nō implēda. Sic quippe à proposito desistere, non est vitii leuitatis, sed virtus discretionis. tamē iurare quæ renocāda sunt & detestāda omnino cauendū est, & vehemēter horrendū: quia cū tale iusiurandū nō impletur, nō omnino culpa vitatur, sed minor eligitur. Hęc & alia de illo Saulis iureiurando Gregorius, quæ frustra tamen, & sine vilo rationis fundamēto deducerentur ex illo sacre historię loco, si populus non demissa supplicationis remedio



remedio, sed legitimæ potestatis suæ imperio Ionatham liberasset, si inquam, Sauli liberum non fuisset exequi iusurandum, & posthabitis populi precibus Ionatham neci dedere vti promiserat: quippe qui ab externa causa impeditur, ne promissum possit efficere, is votū mutasse, aut promissi negligens fideique desertor dici non potest. Quæ cum ita sint, perperam tu quidem ex illa historia colligis appellationem fuisse à Rege ad populum, quod nec inde colligi potest, nec alibi in Scripturis reperitur.

In altero autem exemplo, quod ex Bibliis adfers, manifestius mendacium apparet & ne calumniam tibi struere videar, en tua ad verbum scripta transcribam <sup>1</sup>.

*Ex quo regnum propter Roboami superbiam scissum fuit, Synedrium Hierosolymitanum septuaginta & unius virorum, ea auctoritate fuisse videtur, ut non secus ac Rex singulos, hi Regem iudicare possent. Exemplis res dilucidior fiet. Ieremias missus à Deo qui urbi Hierosolymitana excidium nunciaret, ea propter damnatur primū à sacerdotibus & prophetis, id est à iudicio seu senatu Ecclesiastico: demum ab uniuerso populo urbis, hoc est ab ordinariis urbis iudicibus, Chiliarchis nempe & Centurionibus. Tandem à principibus Iehuda, id est, lxxi. viris assidentibus ad nouā portam templi, causa cognita absoluitur. It vero in eo ipso iudicio diseritē damnat Regem Iehorabin qui Vriam prophetam paulò antè similia comminantem, crudelissimè trucidasset.*

Primū nusquam in sacris Scripturis apparet eam fuisse Synedrii Hierosolymitani auctoritatem, ut Regem iudicaret: quin potius infinitis in locis apparet Regem liberum & solum legibus vixisse, ac ne quidem totius populi, nedum Synedrii, iudicio fuisse subiectum. Deinde non inuenio quenquam inter Reges Iudæ vocatum Iehorabin. Vriā autem prophetam à Rege Ioakim fuisse occisum Scriptura nobis euidenter testatur <sup>2</sup>. Denique nihil falsius, q̃ Regem illum, à quo Vriæ nex allata est, damnatum fuisse à principibus ad nouam portam templi congregatis. Nihil enim aliud in eo confesso fecisse dicuntur principes qui Ieremiā liberarunt, nisi admonuisse populum officii & salutis suæ, atque de cæde Ieremiæ dissuasisse. Nec omnes etiam Principes qui à regia in portam templi ascenderāt, ab eius causa steterisse videntur. Nam ut scribit Rabbi Salomon, cuius interpretationem comendat & sequitur Lyranus, Principes illi in contrarias sententiās distrahebantur. Probis visum fuit demittendum Ieremiam & placandum pœnitentia De-

um ex-

<sup>1</sup> Pag. 91.

<sup>2</sup> Ierem. 26.

um exemplo boni Regis Ezechia, qui Michæam de Morastu prophetam, similia his quæ Jeremias, & etiam grauiora comminantem, non occidit: malis verò contraria sententia placuit, morte scilicet multandum Ieremiam, exemplo Vriæ filii Semei de Cariathiarim, quem paulò antè idem Rex Ioakim neci dederat eò quod eadè quæ Jeremias prædixisset. Principes itaque qui pro Ieremia dicebant, nullà Vriæ & Ioakim Regis mentionem faciebant, neque enim id illis exemplum opitulabatur. Sed qui contrà disputabant, ii pro se ad exemplum trahebant factum illud Regis Ioakim, qui paulò antè Vriam ab Ægypto reductum gladio percusserat. Tantùm igitur abest vt in hoc Principum concessu Rex Ioakim damnatus fuerit, vt eius factum, quamuis per se quidem vituperabile, à quibusdam eorum fuerit laudatum, & ad imitationis rationem pertractum. *Non est verisimile*, inquit Lyranus, *quod Principes Regis actus regnantis, ex eius malitiâ facerent argumentum ad liberationem Ieremia.*

Sed vt huius rei fidem Scriptura ipsa faciat subiiciam integrè quidquid de ea re scriptum est, ne lectorem, cui ad manum Biblia non sunt, suspensum teneam. Cogor enim sæpe integra authorum loca, licet prolixa, in medium proferre, quæ tu, Brute, vel non castè citas, vel peruersa & malitiosa interpretatione ad tuum sensum detorques. In Bibliis igitur sic scriptum est <sup>1</sup>. *Cumque compleisset Ieremias loquens, omnia quæ praeceperat ei Dominus, vt loqueretur ad vniuersum populum, apprehenderunt eum sacerdotes, & propheta, & omnis populus, dicens: morte moriatur. Quare prophetauit in nomine Domini, dicens: sicut Silo erit domus hac: & vrbs ista desolabitur, eò quod non sit habitator? Et congregatus est omnis populus aduersus Ieremiam in domo Domini. Et audierunt Principes Iuda verba hac: & ascenderunt de domo Regis in domum Domini, & sederunt in introitu portæ domus Domini nouæ. Et locuti sunt sacerdotes & propheta ad principes, & ad omnem populum dicentes: iudicium mortis est viro huic: quia prophetauit aduersus ciuitatem istam sicut audistis auribus vestris. Et ait Ieremias ad omnes Principes & ad vniuersum populum, dicens: Dominus misit me vt prophetarem ad domum istam, & ad ciuitatem hanc omnia verba quæ audistis. Nunc ergo bonas facite vias vestras, & studia vestra, audite vocem Domini Dei vestri: & pœnitabit Dominum mali, quod locutus est aduersum vos. Ego autem ecce in manibus vestris sum: facite mihi quod bonum & rectum est in o-*

Ierem. 26.

Accusatio Ieremias.

Defensio.

*culis vestris: veruntamen scitote & cognoscite quod si occideritis me sanguinem innocentem tradetis contra vosmetipsos, & contra civitatem istam, & habitatores eius: in veritate enim misit me Dominus ad vos, ut loquerer in auribus vestris omnia verba hac. Et dixerunt Principes & omnis populus ad sacerdotes & ad prophetas: non est viro huic iudicium mortis quia in nomine Domini Dei nostri locutus est ad nos. Surrexerunt ergo viri de senioribus terra: & dixerunt ad omnem cœtum populi, loquentes. Michæas de Morast-*

Populus iudicium in melius commutat. Qui stant à Jeremia argumentum ab exemplo ducit.

*hi fuit propheta in diebus Ezechia Regis Iuda, & ait ad omnem populum Iuda, dicens. Hac dicit Dominus exercituum: Sion quasi ager arabitur, & Ierusalem in acervum lapidum erit: & mons domus in excelsa sylvarum. Nunquid morte condemnauit eum Ezechias Rex Iuda, & omnis Iuda? Nunquid non timuerunt Dominum, & deprecati sunt faciem Domini: & pœnituit Dominum mali, quod locutus fuerat aduersum eos? Itaque nos facimus malum grande contra animas nostras. Fuit quoque vir prophetans in nomine Domini, Vrias filius Semei de Cariatiharim: & prophetauit aduersus civitatem istam, & aduersus terram hanc, iuxta omnia verba Jeremia. Et audiuit Rex Ioakim, & omnes potentiores, & principes eius verba hac: & quesivit Rex interficere eum. Et audiuit Vrias, & timuit, fugitque in Ægyptum. Et misit Rex Ioakim viros in Ægyptum Elnathan filium Achobor, & viros cum eo in Ægyptum. Et eduxerunt Vriam de Ægypto: & adduxerunt eum ad Regem Ioakim, & percussit eum gladio: & proiecit cadaver eius in sepulchris vulgi ignobilis. Igitur manus Ahicam filii Saphan fuit cum Jeremia, ut non traderetur in manus populi & interficerent eum.*

Aduersarii Jeremia suam exemplo contrario sententiam mutant.

Obrinuit bonorum sententia quorū princeps erat Ahicam.

En historia tota, in qua ne verbum quidē de Rege Ioakim reo constituto, vel cōdemnato: de Iehorabin verò nec ibi nec alibi, quod sciam, mentio in Scripturis est: ut mirum sit, te tam aperto mendacio conari probare Regem in populi, & eorum qui populum repræsentant, esse potestate. Nam quamvis superiorem interpretationem Rabbi Salomonis, & Lyrani, non admittas: sed omnes vno ore principes causam Jeremiæ suscepisse, & Ezechiaæ atque Ioakim Regum facta contraria populo proposuisse contendas: ut illius commendatione facti, huius verò reprehensione, populus officii sui in præsentē negotio admoneretur: tamen nullum inde argumentum afferri potest, quo principes illos Rege superiores fuisse, nedum Regem illo iudicio condemnasse, existimemus. Id tantū inde colligeretur, non placuisse Principibus factum illud Regis Ioakim, quo V-

riam

riam ex Ægypto reuocatum interemit, eoque illud impro-  
basse. At hoc non est Regem iudicare, vel Regi imperare.  
Non est, inquam, Regem, vt publici iudicii reum, vel con-  
demnare vel absolueret, quod tu tibi probandum sumpse-  
ras. Eo etenim pacto seruus dominum, filius patrem, pri-  
uatus quisque Principem, iudicare & condemnare posse  
probabitur. Nam & herile factum seruo plerumque dis-  
plicet: & filio prudenti res à patre imprudenter gesta non  
rarò improbat: & subditus sæpe Principis sui malos mo-  
res & malefacta vituperat. At istis tamen in Dominos, pa-  
rètes, vel principes, nemo iudicium tribuet, nisi qui omnis  
iudicii & sensus communis expers est.

*Ex eadem Ieremiæ historia doceri, Regi in Synedrium potesta-  
tem fuisse Sedeciam non coactum, vt putat Brutus, sed cæ-  
to aulicorum affectu ductum, eundem Prophetam inimicis  
ad mortem tradidisse.*

## CAPUT XII.

**S**ed magnam habeo tibi gratiam, Brute, quod nos ad Ie-  
remiæ historiam deduxisti, vnde non tale quidem regiæ  
subiectionis exemplum quale tu obscura & falsa inter-  
pretatione comminisceris, sed perspicuum planè atque e-  
uidens regalis imperii in omnes regni Principes testimo-  
nium deprehenditur. Vt igitur errorem agnoscas tuum,  
aut ne alios in errorem pertrahas, en alium ex illa historia  
locum, qui nihil iuris neque Synedrio isti, quod extol-  
lis, neque principibus aut populo vniuerso in Regem fuisse  
docet. Cum enim Ieremias ab eodem Ioachim in carce-  
rem contrusus non potuisset ipse ea quæ prophetici spiri-  
tus dono acceperat ad aures multitudinis perferre, Baruch  
scribæ negocium dedit, vt illa omnia se dictante exciperet,  
populòq; promulgaret. Ego clausus sum, inquit, nec valeo in-  
gredi domum Domini, ingredi ergo tu. & lege de volumine, in quo  
scripsisti ex ore meo verba Domini: audiet populo in domo Domi-  
ni in die ieiunii: insuper & audiente vniuerso Iuda qui veniunt de  
ciuitatibus suis, leges eis. Baruch verò perscriptos ex ore Iere-  
miæ sermones Domini, mox vbi commodum fuit perlegit  
in domo Domini audiète multitudine tota, quæ indicti ie-  
iunii causa in Ierusalē cōfluxerat, Cūq; audisset Michæas filius  
Gamaria filii Saphan omnes sermones Domini ex libro, descendit in

Ierem. 36.



domum Regis ad Gazophylacium scriba & ecce ibi omnes Principes sedebant: Elisama scriba, & Dala as filius Semeia, & Eluathan filius Achobor, & Gamarias filius Saphan, & Sedecias filius Hanania, & uniuersi Principes. Et nunciauit eis Michas omnia verba, quae audiuit legente Baruch ex volumine in auribus populi. Miserunt itaque omnes Principes ad Baruch, Iudi filium Nathanania filii Selemia, filii Chusi, dicentes: volumen, ex quo legisti audiente populo, sume in manu tua, & veni. Tulit ergo Baruch filius Neria volumen in manu sua, & venit ad eos. Et dixerunt ad eum: Sede, & lege hac in auribus nostris. Et legit Baruch in auribus eorum. Igitur cum audissent omnia verba obstupuerunt unusquisque ad proximum suum, & dixerunt ad Baruch: Nunciare debemus Regi omnes sermones istos? Et dixerunt Principes ad Baruch: vade, & abscondere tu & Ieremias, & nemo sciat ubi sitis. Et ingressi sunt ad Regem in atrium. Porro volumen commendauerunt in Gazophylacio Elisamae scribae: & nunciauerunt audiente Rege omnes sermones. Misit Rex Iudi ut sumeret volumen, qui tollens de Gazophylacio Elisamae scribae, legit audiente Rege, & uniuersis principibus qui stabant circa Regem. Rex autem sedebat in domo hiemali mense nono: & posita erat arula coram eo plena prunis. Cumque legisset Iudi tres pagellas vel quatuor, scidit illud scalpello scribae, & proiecit in ignem, qui erat super arulam donec consumeretur omne volumen igni qui erat in arula. Et non timuerunt neque sciderunt vestimenta sua Rex & omnes serui eius, qui audierunt uniuersos sermones istos. Veruntamen Elnathan, & Danaias, & Gamarias contradixerunt Regi ne combureret librū: & non audiuit eos. Et praecepit rex Ieremiel filio Awelech, & Saraia filio Ezriel, & Selemia filio Abdeel ut comprehenderent Baruch scribam & Ieremiam Prophetam: abscondit autem eos Dominus, &c. Vbi illud nunc, Brute, Synedrii tui in Reges imperium? Vbi illa Regem iudicandi authoritas atque potestas? An non hic cernis eosdem illos principes omnes, quibus synedrium constabat, in Gazophylacium conuenientes, quamuis lectione libri Ieremiae obstupescerent, non auctores tamen fuisse vel palam emittere Ieremiam ex carcere, vel Baruch scribam apud se retinere, vel vllum iis denique salutis praesidium, inuito Rege ferre: excepto consilio, quod pauperes æquè ac potentes impertiri solent, Vade, inquit, & abscondere tu & Ieremias, & nemo sciat ubi sitis. Indigna certe synedrio vox, si ut tu ais, Principes illi non secus Regem, ac Rex singulos iudicare potuissent. Quid enim? latitare viros sanctos voluerunt, quos pro imperio ex latebris in lucem producere-

ducere, & Rege condemnato, ab omni periculo carceris & calumniæ liberare potuerunt? estne verisimile? Nunquid putes eos se suamque authoritatem irrideri & contemni à Rege in libro prophetiæ comburēdo fuisse passuros? Nam quod scriptum est. *Elnathan, & Dalaïas, & Gamarias, Principes, contradixerunt Regi ne combureret librum*, id non de cōtradictione contentiosa, sed de ea quæ verbis precariis fit, intelligendum est, inquit Lyranus, *Vnde in Hebræo habetur deprecatisunt Regem*. Cū itaq; iidem Principes hic essent, qui ad nouam portam templi paulò antè de Ieremiæ causa à sacerdotib. & populo ad necem rapti cognouissent: idēq; Rex Ioakim, cuius in illo concessu atrox in Vriam Propheetam crudelitas memoratur: idē denique negociū, Ieremiæ nimirum salus & conseruatio, verteretur: an non, si aliquā Regis coercendi potestatem habuissent, officio tunc maxime functuros suo fuisse autumas, cū Rex ille impius, presentibus & contuentibus ipsis, volumen sacrum conscidit, atque cōbussit: & sanctos Dei Prophetas, de quorum salute erant solliciti, ad supplicium furens poposcit? Superest postremum tuum exemplum de Sedecia, quem scribis <sup>1</sup> huius pag. 92. synedrii authoritatem adēdō reueritum esse, vt Ieremiam à 71. viris in tetrum carcerem detrusum, non modo nō liberare, verum etiā vix in mitiorem carcerem transferre auderet: iisdēq; suadentibus vt in Ieremiæ mortem consentiret, respondisse, Ieremiā in ipsorum manibus esse, seq; ipsis contradicere in nulla re posse: & addis. *Quin & veritus idē, ne in sermones, quos cum Propheta habuerat, inquirerent, quasi rationem eorū, quæ dixisset, redditurus mendaciū comminiscitur.*

Ordiam ab vltimo, & hysteron proteron, fallacias has refellam. Si Rex Sedecias mendacium comminiscitur, Ieremias vtique mendacium dicendum sciens prudens suscipit, vt Regis mandatum diuino prius contrariū exequatur. Scriptum est enim *venerunt ergo omnes Principes ad Ieremiam, & interrogauerunt eum: & locutus est eis iuxta omnia verba, quæ praeceperat ei Rex, & cessauerunt ab eo*. Næ tu impurus homo es, qui tantum Prophetam, vocatum & sanctificatū in vtero matris, vt Regi mox perituro placeat, Diabolica voce loquutum esse contendis <sup>2</sup>. Erras, Brute, erras vehementer, qui id putas: neque enim Rex vllum illic mendacium confinxit, neque Propheta confictum suscepit Principibus recitandum quippe verum erat Ieremiam in eo colloquio supplicasse Sedecia, ne se iterum in tetrum illum &

<sup>2</sup> Ioan. 8.

cœnosum carcerem, vbi citò moriturus esset, detrudi pate-  
retur: vt ex præcedente Regis responso facillè colligitur: ait  
enim Scriptura, *Iurauit ergo Rex Sedecias Ieremiæ clam, dicens.*  
*Vixit Dominus, qui fecit nobis animam hanc. si occidero te, & si*  
*tradidero te in manus virorum istorum, qui querunt animam tu-*  
*am.* Igitur Rex, cum nollet omnes sermones, quos ipse &  
Propheta inter se contulerant, principibus renunciari, ro-  
gat vt partem reticeat: hoc autè si mentiri est, vide sis quæ-  
so, ne ipsam veritatem Christum Dominum mendacii insi-  
mules <sup>1</sup> quod nefas est tartareis suppliciis expiandum.

Quod ad cætera attinet, Sedecias non quia se synedrio  
inferiorem putabat, aut eius authoritatem reuerbatur, vt  
tu somnias, Ieremiam principibus puniendum tradidit:  
sed quia (vt malis Regibus mos est) viris populi & aulæ pri-  
mariis gratificari cupiebat, vnius iniuriæ consensit vt mul-  
torum votis obsequeretur. Idque tum ex principum peti-  
tione patet. *Dixerunt principes Regi: Rogamus vt occidatur ho-*  
*mo iste:* tum ex eo, quod, vbi libitum Regi fuit, vnius serui  
monitu Prophetam miserati, deduci illū ex tetro illo car-  
cere, in conspectu proceribus, & ad se adduci propria autho-  
ritate præcepit: tum denique ex iureiurando à Rege præsti-  
to Ieremiæ, quo promisit se non traditurum eum principi-  
bus illis inimicis qui mortem ei machinabantur, vt suprà  
retulimus. Vnde perspicuum est Sedeciam non liberæ &  
absolutæ potestatis defectu, sed cæco, nimis in suos aulicos  
affectu impulsū, vt votis principum iniusta petentium  
indulgeret. Nam quodd respondit principibus ad necem  
poscētibus Ieremiam. *Ecce ipse in manibus vestris est: nec enim*  
*fals est Regem vobis quidquam negare,* id blandientis sermo est,  
nō Regibus modo, sed priuatis etiam familiaris, quo ami-  
cos & gratiosos apud se homines demerētur, ex cuius pro-  
latione nulla nascitur obligatio: iactationis enim verba  
ius non faciunt <sup>2</sup>. Hinc illud est quod glossa <sup>3</sup>, vt vocant,  
ordinaria in eum locum ait. *Sedeciam sine puro affectu Ieremia*  
*impendisse misericordiam, si enim verè eum dilexisset, non eū prin-*  
*cipibus tradidisset.* Peccauit itaque Sedecias in dedendo Iere-  
mia, quod minimè fecisset, si eum conseruandi & retinen-  
di, atque adeo principibus illis reluctandi potestatem non  
habuisset. Falsum igitur quod concludis, nempe in eo re-  
gno, regni officarios fuisse Regē superiores.

Hæc cum ita sint, non est, Brute, quod brutinam tuā de  
Regibus opprimendis sententiam, exemplis è sacra Scri-  
ptura

1 Matth. 17.  
Luc. 9.

2 I. vltim. D. qui  
est. fac. poss.  
3 in c. 38. Ierem.

ptura petitis iuuari existimes, cum nullū illic sit quod pro te faciat; multa verò, quæ tibi maximè aduersentur.

*Nihil Bruto presidii esse in his quæ ex Persarum monumentis affert. Inepta eius ἐγρήμων interpretatio. Roma tam à Regibus quàm ab Imperatoribus liberrimè fuisse regnatū. Nihil Venetorum aut Polonorum formas Reipub. iuri Regum derogare.*

## CAPUT XIII.

**M**VLTO quidem minus illa tibi patrocinantur, quæ ex aliarum nationum rebus gestis, legibus, & institutis, subdolè & versutè mixtis mendaciis consarcinas, Ex quibus ea tantum recitabo quæ fraudes & fallacias rectiores continent: cuiusmodi illud est, quo niteris persuadere Regum apud Persas eam fuisse conditionem, vt populo, & qui populum repræsentabant, Magis & Magnatibus subii-  
cerentur<sup>1</sup>.

pag 22.

*Tales erant* (id est regni officarii Rege superiores) *inquis, in Persico imperio septem Magi, seu Sapientes, item ὀνόμυγι quasi honoris regii consortes, & qui Regum aures & oculi nuncupabantur, quorum iudicio Reges acquiescere legimus.*

Ac ne id a tuo cerebro profectum confectumque arbitremur, locum in margine adscribis, vnde illud te sumpsisse indicas, Esther 1. scilicet. vbi tamen nihil simile, vel ex quo tale quid colligi possit, reperitur: quin prorsus contrarium historia illa sacra continet, ceteræque omnes quæ de rebus Persicis circumferuntur. Ex quibus facile est coniectare te vel non omnino, vel admodum oscitanter Persica monumenta oculis collustrasse: aut, quod extremæ stultitiæ est, arbitratum fuisse neminem, nisi rudem & inexercitatum in Historia, tuas istas virulentas vindicias esse lecturū. Quid enim? an non vnicum illud Persarum Regis responsum satis indicat summa eos & libera ac soluta regnandi potestate frui solitos, qui expeditionem in Græcos moliens, omnibus imperii sui Satrapis & Principibus conuocatis, *ne viderer*, inquit, *meo tantummodo vsus consilio, vos contra-*  
*xi: Ceterum mementote, parendum magis vobis esse, quam suadē-*  
*dum*<sup>2</sup>. A quo bello Græcis inferendo cum eum Artabanus<sup>2</sup> Val. Max. li. 9. omnium Persarum Principum primus, idemque Regis pa- cap. 5. truus, benigna & supplici oratione dehortari conaretur, parū absuit quin acerbis irato Regi poenas illicò dedisset<sup>3</sup>.<sup>3</sup> Herodot. li. 7.



1 Exempla sunt in libris Esdræ, Danielis, Esther, Herodot. Procop. & aliorum & quædã à nobis proposita sunt supra li. 2.

2 Nō enim passi fuissent principes alienigenam sibi præferri.

Darii, Cyri, Cambyfis, & aliorum Regum similiter res gestæ parem potestatem redolent<sup>1</sup>. Ac ne longius abeas, illam ipsam Estheris historiam euoluito, plenam eam summi & solutissimi imperii regii exemplis inuenies. Rex enim Assuerus, siue Xerxes ille fuerit siue Artaxerxes, Aman, quāuis alienigenam & Macedonem, ad id honoris euexit, ut cunctis Persarum & Medorum Principibus anteferreretur, & post Regem adorari ab omnibus, & Regis pater vocari solitus sit: eundemque mox, ut Regina gratificaretur, de tanto dignitatis fastigio in ignominiosam crucem deiecit: & Mardochæum, cui Aman patibulum paulò antè paraauerat, totius honoris & dignitatis eius successorem cōstituit, quorum omnium nihil facillè effecisset, si non arbitrato suo, sed de procerū sententia, imperi sui habenas rexisset<sup>2</sup>.

Quod autem adiicis ὁμοτίμους vocatos quasi honoris regii consortes, id vnde hauseris per Deum nobis edicito. Nam nec Xenophon, nec alius ex veteribus vllus, quod sciam, id verbum ita interpretatus est. Et verò peruersa hæc est, & calumniosa interpretatio, ὁμότιμοι enim dicti fuerunt, quod qui tales erant eodem honore censerentur, quasi honore pares & æquales inter se, Rege licet inferiores: qua ratione Plutarchus Senatores Romæ, ὁμοτίμων nomine significat.

Et quia Senatorum Romanorum mentionem fecimus, operæ precium est, argumentum quod ab eorum & aliorū magistratuum Romanorum potestate adfers recitare. Ais itaque,

*In Romano imperio hunc locum (scilicet Regem iudicandi & in ordinem cogendi) obtinebant Senatores. Et Magistratus per populum creati soliti, Tribunus Celerum, Præfectus urbi, Et ceteri, adeo- ut à Rege ad populū prouocatio esset: q̃ Seneca è libris Ciceronis de Republica citat, Et historia Horatii tergemini ob eadē sororis, à regis iudicibus damnati, Et à populo absoluti, satis indicat. Imperitiam hic tibi obiciam, Brute, an impudentiā, equidem non satis scio: id certè scio, non posse te vtriusque notam effugere. Nam nisi omnibus Historicis, qui res Romanas literis mandarunt, fidem abroges, cōstabit manifestò, imperantibus Romæ Regibus, nullum à populo neque Senatum, neque Magistratum deligi vel creati solitum, sed omnes à Rege, pro sua in populum potestate, fuisse creatos. Liuium<sup>3</sup>, Dionysium<sup>4</sup>, Plutarchum<sup>5</sup>, & alios antiquitatis scriptores testes adhibeo. Quod autē scribis, à Rege ad*

po-

3 lib. 5.

4 li. 2.3. & 4.

5 in vita Romuli.

li.

populum fuisse prouocationem, falsum similiter est, & ab antiquitatis ignoratione profectum, ac neque ex loco illo Senecæ in epistolis <sup>1</sup>, neque ex historia Horatii fororicidæ, <sup>1</sup> lib. 19. epist. 1. aut a his eius seculi monumentis rectè colligitur. Sed huius erroris tui refutatione hic supersedebo, quod eum plurib. & certissimis argumentis, in mea Boucherianorum librorum anacrisi coargui <sup>2</sup>. Longum esset errores singulos persequi, quos de Romana Republica comminisceris, inter quos ille est non ferendus <sup>3</sup>. Præfectum prætorio magistratum populi Romani fuisse appellatū: magistratus quidem Romanus, & secundum Principem maximus fuit, sed non populi Romani: nulla enim tunc populi potestas erat, redactâ in vnius ditionē Republicâ <sup>4</sup> idque vel ex vno Imperatoris Adriani dicto intelligi potest, qui populo aliquid enixè roganti non modò non concessit, quod peteret, sed illud insuper imperari iussit, *Silete*, & iisdem alio tempore magno clamore contendentibus, vt aurigæ cuidam libertatem daret, respondit se non facturum, hoc addito. nō decere populum Rom. ab se petere, vt aut ipse alienū seruū donaret libertate, aut vt dominum ad id faciendum compelleret <sup>5</sup>.

<sup>2</sup> ad li. 1. ca. 21. de abdicat. Henr.

<sup>3</sup> pag. 93.

<sup>4</sup> l. vnic. D. de off. præf. prætor.

<sup>5</sup> Xiphilin. in vita Adriani.

Ab Romanis ad Germanos, deinde ad Polonos transis, vt eorum etiam exemplis popularem in Reges potestatem à te descriptam confirmes. Quod ad Germanicum Imperium attinet, ausim liquidò affirmare illud initidò ita cōparatum, vt solius Imperatoris nutu gubernaretur, ad instar Imperii Romani sub Cæsaribus, quod assumptum à Germanis, & continuatum potius quàm mutatum fuisse videtur. Non est enim credibile Imperium illud Romanum deteriore iure in Carolum Magnum fuisse translatum, quàm antea ab Romanis Græcisque Imperatoribus tenebatur. Quod si aliquid ei progressu temporum fuit detractum, id Cæsaribus quidem Germanis, & Imperii Romani dignitati, non autem communi cæterorum Regum libertati præiudicare oportet. Sed non arbitror illustres Principes populumque Germaniæ, qui Imperium illud Romanū in sua gente iam stabilitum haud vanè gloriantur, inficias ituros Imperium illud Monarchia contineri, & Maiestatem Imperialem penes Cæsarem esse: quod neutiquam tamen verum esset, si Imperatore populus esset superior.

De Polonis autem friuolum est q̃ proponis: ais enim <sup>6</sup>. <sup>6</sup> pag. 95.

*Apud Polonos verò, qui disputet, vter potior sit, Rex, an vniuersus*

*ſus regni populus per optimates repræſentatus, perinde faciet, ac qui Venetiis diſputet, utrum Dux Republica ſuperior ſit.*

Egregia ratio, ſcil cet. Si Rex apud Polonoſeum ordinem tenet, quem Dux apud Venetoſ, & hic quidem nõ niſi nomen Ducis tantum obtineat, ſine vlla imperandi facultate, quod verum eſt, imperiumque totum (vt in Aſtocratia ſolet) in ſenatu reſideat: nõne ei conſequens eſt, Polonicos Reges non niſi nomine tantum Reges eſſe, imperio re vera penes optimates conſiſtente? Hoc autem quid ad Monarchiam? quid, inquam, ad eoſ qui non inani Regum titulo, vt Rex Polonicus, ſed vi ac poteſtate regia in florentiſſimis regnis præfulgent? hoc illud fortæſſis eſt quod ſoli mortalium Poloni ex regionibus longinquis Reges ſibi aſciſcunt, quaſi nulli apud eoſ imperio digni naſcerentur, vel quod verius eſt, quod nemo, niſi peregrinus & ignarus rerum Polonicarum, velit ſub regii nominis velamento ſplendidam ſeruire ſeruitutem. Poloni itaque, ſi rem propius intueare, nec regnum habent, nec Regem, ſed Oligarchicum regiminis genus fucata regni ſpecie & inani Regis titulo adumbratum. Nulli ego nationi iniuriuſ eſſe volo, quod fortè videret, ſi quæ Polonorum vicinuſ Ditmaruſ Epicoſpus Merſepurgenſiſ ex illuſtri Saxonicoꝝ Principum familia ortuſ, & non minus virtute quàm genere claruſ ante quingentoſ annoſ, de Poloniſ ſcripſit, in hunc locum transferrem. Nam populuſ illuſ & more bonuſ eſſe paſcenduſ, & tarduſ rituſ a ſini caſtiganduſ, & ſine poena graui non poſſe cum ſalute Principiſ tractari, ait.

*Regni Francici laudeſ. Illud verè Monarchiam præ ſe ferre. Nihil Curie ſiue Parlamenti auctoritateſ Regiſ imperio detrahete. Eiſdem Parlamenti origo, auctor, cauſa, laudeſ: cui Brutuſ cum patrocinari ſe putat, plurimuſ incommodat.*

#### C A P. XIV.

**V**Eniſ tandem ad Francicuſ Imperiuſ, regnoꝝ omnium quæ terris continetur, meo iudicio, pulcherriſ: ex quæ eo ad tuæ ſententiæ firmamentuſ argumenta trahete conariſ. Aſt ego niſi inanem illuſ & irrituſ conatuſ eſſe oſtendero, non ſatiſ officio meo feciſſe videar erga ſuauiſſimam illam, & velut Germanam ſcotiſ omnibuſ patriam. Franciam igitur omniſ humani-

tatiſ

Lib. 3. Chronic.  
in princ.

Francia velut  
Germana patria  
ſcotiſ.

tatis & honestatis matrem, literarum & literatorum hominum alumnā, speculum religionis, summā Iustitiæ cultricem, armatorum decus & delicias togatorum, tunc unus eximes de Monarchia? Non patiar, Brute, non patiar hanc ei regno iniuriā inferri: imò nō patientur ii qui nuper legem Salicā non ære aut marmore incisā, neq; exaratā in pictis calamo monumentis: sed in ipsis Francorū cordibus Naturæ digito sculptā esse responderunt <sup>1</sup>.

Francorum  
laus.

<sup>1</sup> in publico ordinum conventu Parisiis, anno Domini 1593.

In quibus autem Francici Imperii Maiestatem lædis, hæc sunt. Primum Regi nullam neque iubendā, neque abrogandā legis potestatem esse: Senatū, siue Curiam Parisiensem, Rege potiorē esse, eique præferri. Magistrum equitum, qui vulgò Conestabulus dicitur, Cancellarium, Mari Præfectum siue Amirallum, Marechallos, Secretarios, Quæstores, & cæteros non pendere à Rege, nec eius officarios esse <sup>2</sup>: sed regni tantummodo: ac neque creati à Rege neque exautorari posse. Pares Franciæ dici tanquā Regis consortes, & esse Rege superiores. quæ omnia quam sint vana, falsa & absurda, ac non nisi per fugā & perditō homine digna mox patefaciam.

<sup>2</sup> Pag. 88. in fin. & 96.

Ad primum igitur redeo, de quo sic scribis <sup>3</sup>. *In Francico regno ubi tamen amplissima vulgò censetur Regum auctoritas, ferebantur olim leges in triū ordinū conventu, regione consilio ambulatorio. Ex quo verò Parlamentum statarium est frustra sunt omnia Regum edicta, ni Senatus ille comprobet, cum tamen Senatus seu Parlamenti Aresla, si lex desit, legis vim passim obtrineat.*

Pag. 124

Hæc qui legit incautiùs, vix poterit non statim summa voluntatis inclinatione in huius tam illustis, ut videtur, testimoniū fidem propendere: cum non sit verisimile quēquam, nisi extremæ stultitiæ hominē, tanti momenti controuersiam, argumentis planè friuolis, & perspicuè falsis, vestire velle aut ornare. At è contrario, qui in muneris publici administrationis partem aliquā vocatus est, vel ciuilibus scientiæ studio operam curamque nauauit, & vel leuem regni Gallici notitiā habet, cum hæc eadem intuetur, non potest non execrari improbitatem scriptoris tam insigniter mentientis. Sed heus Brute, dic sodes, quēnam huius tuæ tam immitis sententiæ autorem laudas? quibus ex annalibus aut monumentis eam eruisti? quos ab vltima antiquitate, exceptis tui similibus, in hunc vsq; diē habueris astipulatores? quæ enim dicis si vera sunt vicisti: meq; nec reluctantem nec inuitum pertrahes in tuam opinionē: sin  
falsa.



falsa, ne nobis succenseto, qui veritatem vanitati, certa suspēctis futilib. fide digna antepōnimus. Etenim profectō vt aliquam hicingas fallaciam,

*rursus ad ingenium vetus versutum te recipis tuum.*

& rem non vsquequaque vulgo notam, sed in vmbraculis historiarum delitescētem ita præcisè & corruptè profers, vt faciliè appareat te decipere quàm docere lectores maluisse. Ais namque frustra esse omnia Regum edicta, ni Senatus ea comprobet: id est Regi necessariò opus esse Senatus consensu, vt lex ab eo lata valeat: cū tamen Senatus, seu Parlamentū Aresta, si lex desit, legis vim passim obtineant: hoc est, etsi regiæ Maiestatis autoritas non accedat, pro legibus obseruentur: id enim aduersatiua illa, *cū tamen*, satis indicat, iunctis iis quæ sententiā illam præcedunt & sequuntur in tuis illis vindiciis. Aut enim hoc dicis, aut nihil dicis quod proposito tuo faueat & opituletur.

At ego tibi repono, Curiam siue Parlamentum sine Regem nihil: Regem verò sine Parlamento, quæcumque è Repub. esse viderit, edictis, decretis, legibus, sancire posse: ita vt Curix perpetuo necessaria sit Regis autoritas, Regi verò Curix consensus nunquam. Hæc mea sententia tuæ, ni fallor, ex diametro opponitur, quam si luce dignam probauero, tua ad noctuas commigrabit. Neminem iudicem recuso, qui non singulari in Reges odio exarsuet. Age ergo huius Curix perennis & statariæ originem, & qua de causa, quibus temporibus, quo autore instituta fuerit videamus.

Ac in primis quidem meminisse oportet, quod antè à nobis dictum est: primos illos Reges qui virtutis opinione, meritoque suo sceptris potiebantur, & si omnia pro arbitrio disponendi libertatem nacti fuissent, sibi tamen peritos rei gerendæ consiliarios & administratos statim ascuissse: eosque potissimum tam ex Optimatibus, quàm ex reliquo populo delegisse, qui & in consulendo prudentia, & in agendo opibus Rempublicam iuuare posse putabantur: ac ubi res arduæ flagitabant, pluribus ex omni multitudine conuocatis, quæ ad communem vtilitatem pertinerēt, communi consilio expediissse. Qui mos deinde in posteros iugi obseruatione deriuatus, ad hunc vsque diem retentus est. Inde tu aliique perduelles regiam potentiam exosi, ista prisca consuetudinis exempla, nouo calumniandi artificio, apud imperitum antiquitatis vulgum identidem & iactanter

Stanter extollitis: ad opprimendos scilicet Reges, & libidini subdendos populari: quasi verò huius consilii accessus effecerit, vt Reges iure suo decederent, vel eos haberent perdendi regni autores, quos eiusdem tuendi amplificandique studio, in partem solitudinis sponte accierat: perderetur enim ab istis regnum, si ipsorum accessus regiam libertatem tolleret impediretue: cum nec regnum sine Rege, nec Regem sine summo solutoque imperandi iure dici verè ac propriè posse satis superque sit demonstratum.

Iam verò hanc consilii capiendi rationem Franciæ Regibus præter ceteros omnes fuisse solemnem, nemo est in eius gentis historia vel mediocriter versatus qui ignoret. In eo enim consilio Reges, non modò res publicas, & pacis bellique causas ac leges tractare consueuerunt sed singulas etiam priuatorum querelas audire, controuersias componere, pœnas & præmia, cæteraque in quibus nunc Curia occupantur, decernere: ita vt quotannis supremum hoc tribunal, summumque iudicium ciuibus & incolis omnibus sæpius patefceret vocabaturque *Parlamentum*: vt vel ex vno Speculatoris loco patet. (tit. de feriis. §. i.) *nulla lex potest curiam Principis coartare, inquit, quum possit quolibet tempore ius reddere. etiam diebus feriatis. Nam ipse est lex animata in terris. Et per hoc potest excusari consuetudo Curia Regis Francia que tempore Parlamentorum omni die ius reddit, vt venientes de longinquis partibus citius expediatur.* Verùm cum esset hoc consilium siue parlamentum indictiuum, nullaque nec loci nec temporis definitione statum coeuntibus neque ad nutum Regis proceribus eò loci, qui ei commodior pro tempore videretur: tandem post multas ætates, instituta est à Philippo Pulchro Curia seu Parlamentum hoc statarium, de quo tu hic tãtopere gloriaris: & verè quidem gloriari posses, si suas ei tantùm laudes tribueres, quæ tot & tantæ sunt, vt numerandis iis nominandisque imparem me esse profitear: neque enim si quis omnes terræ plagas lustrauerit,

— à Gadibus vsque

*Auroram & Gangem,*

Honorificentiorẽ concessum inueniet, aut qui maiore cum gloria dignitatem suam, innumeris virtutum documentis, curatus sit: vt non immeritò totius orbis ocellus iustitiæ & æquitatis lucem semper aspiciens dici possit Eius autem instituendi causam & rationem, quotquot ea de re

dere scripserunt; omnes vnam prodidere: nempe quod Rege in amplissimi regni aliis subinde atque aliis partibus occupato, Consilium eiusmodi indictuum & ambulatorium, siue magnis coeuntium laboribus sumptibusque; peragi nequiret. Itaque ne vel indicto contentu consiliorum ex longo itinere molestiam traherent, vel eo penitus cessante viri boni iure suo fraudarentur, Parisiis, ubi regia est Franciæ<sup>1</sup>, statarium ac perpetuum Parliamentum esse voluit. Positum ergo hoc est, & omnium consensione firmatum, Parliamenti huius autorem fuisse Regem Philippum pulchrum, anno, ut traditur, Saluatoris 1302: cuius filius Rex Ludouicus, cui agnomen Huttinus, illas ei quas nunc in Palatio habet sedes assignauit.

Originem itaque, causas, tempora, auctores tenemus. De eius potestate & imperio, non quæ dici possunt omnia; sed quæ ad institutū necessaria sunt nunc paucis cōplectemur: de quibus nihil verius vel breuius dici potest, quàm quod omni eruditione & antiquitatis studio insignis Budæus, inter alia quæ de Curia illa gratiter & copiosè disserit, in hunc modum effert<sup>2</sup>, *In ea curia, in qua summa iurisdictionis Gallica, atque etiam iuridicalis imperii sita est, omnia inesse mihi videntur, quæ & in Senatu, & in Centumvirsatu, & in Areopago erant: duntaxat quod ad iurisdictionem; imperiumque iuridicale attinet.* Habet ergo Curia ista ingens imperium, & de omnibus rebus cognoscit, ita ut ab ea prouocari non possit: estque sola in qua de fortunis & capitibus Parium Franciæ iudicia constituuntur. At vnde ista ei potestas? id eiusdem Philippi Regis, qui eam ordinauit, pars constitutionis docebit: quam idem Budæus latinam fecit his verbis. *Sancimus etiam, & statutimus, ut iudicia, arresta, sententia, quæque à Curia nostra, quæque à communi consilio nostro exierint, rata sint domino, idque ad quos ea res pertinebit exequi ea possint, prouocatione sublata.* A Rege ergo Curia autoritas est, idque amplissimus ille ordo agnouit semper agnosceretque donec humanissimus Gallia populus Regibus parebit suis. Cuius clarissimum testimonium est, quod ex quo instituta fuit multo tempore instaurari soletet, anniuersario Regis edicto postridie S. Martini: *quo ad hanc ita pridem*, inquit Budæus<sup>3</sup>, *indulgentiorum cōnscientia Principum perpetuus ille magistratus nedum perennit esse coepit: etiamsi quotannis, diplomate nonnunquam ut fama est, instaurari hodie quoque in more sit Curia.* Et ante Budæum

Gagui.

<sup>1</sup> auctor historiæ adiectæ Aimoino, in vita Ludouici iunioris filii Ludouici Ctsi.

<sup>2</sup> ad l. ult. D. de Senator.

<sup>3</sup> in d. l. ult.



Gaguinus de Parlamento loquens <sup>1</sup>, *Atque ut huius sacro-* <sup>1</sup> li. 3. in vita Pi-  
*sancta concionis*, inquit, *Regem autorem esse certum sit: regia*  
*singulis quibusque annis rescripta eduntur, quibus ad diui Marti-*  
*ni diem festum, id est, 11. Idus Nouembris, Parlamentum incho-*  
*andi iudicibus à Rege autoritus datur.* Denique ut intelligas,  
 Brute, Regem Parlamento superiorem esse, ac summam  
 semper penes se potestatem retinuisse; tam de rebus aliis  
 regni sui, quam de ipsa Curia iudicandi, accipe quæ in ea  
 Philippina constitutione sequuntur, & superioribus an-  
 necte. *Quod si quid in iis* (iudiciis, sententiis, arrestis scili-  
 cet) *extiterit vel ambiguitatis vel erroris, quod modò momentū*  
*aliquod habere videatur, volumus & sancimus, ut eorum enar-*  
*ratio, emendatio, & interpretatio, atque etiam, si opus sit, indu-*  
*ctio, ad nos ac consilium nostrum commune, ad maioremve par-*  
*tem eius pertineat: Qua tamen omnia cum ingenti animaduer-*  
*sione, nec iniussu nostro, nec citra rescriptū nostrum fieri volumus,*  
*iubemusque.*

Ecquid tibi videtur hac constitutione effectum? posi-  
 tane satis fitma nostræ sententiæ fundamenta? Vides Re-  
 gem solum inter omnes eminere, & non tantum amplif-  
 simæ Curia, sed etiam magno & communi Consilio pro  
 potestate Maiestatis imperare. Quid quod Francorum  
 Rex Curia iudicium de quibus vult causis dissoluit? &  
 non solum coeptas in ea tractari, arbitrato suo, ad se e-  
 uocat, verum etiam Arrestis definitas atque decisas, in  
 pristinum statum reponi, & retractari vel executionem in  
 tempus sibi placitum differri, sola rescripti sui autorita-  
 te facit: nonne id satis locuples nobis testimonium re-  
 galis imperii in senatum præbet, & aliud nullum extaret  
 argumentum <sup>2</sup>? Omitto quod tam aduersus Curia quam  
 magni Consilii sententias Regi frequenter supplicetur: à  
 Regis vtrò cognitione & sententia ad Curiam & con-  
 silium nunquam: quodque horum, iubente Rege, au-  
 geatur potestas, atque iterum contraria voluntate arde-  
 tur: quæ omnia nemo nisi peregrinus in Gallia nescit esse  
 vera <sup>3</sup>. Hæc quamuis per se satis sint, tamen & illud ad-  
 dam, quod nouo Rege inaugurato, omnes ciuitates, colle-  
 gia, vniuersitates, ac supremæ illæ Curia seu Parlamenta,  
 Priuilegiatorum, iurisdictionis, & autoritatis suæ confir-  
 mationem ab eo petant <sup>4</sup>. Quo pertinet quod Bodinus  
 scribit, <sup>5</sup>, de immensa & absoluta potestate data senatui  
 Mediolanensi & Neapolitano à Carolo V. Imperatore, quæ

<sup>2</sup> Iudiciū sol-  
 uitur. 58. D. de  
 iud. Rebuff.  
 tract. de supplic.  
 num. 41.

<sup>3</sup> Rebuff. tract.  
 de euocat. num.  
 36. 46. 58. 59. &  
 in tract. de liter.  
 ciuil. gloss. 2. n. 35.  
 Duaren. ad tit.  
 de iudic. & ad  
 tit. de restit. Pa-  
 pon lib. 4. de A-  
 rest. tit. 6. art. 2.  
 in fin.

<sup>4</sup> Bodin. li. 1. de  
 Repub. tit. 8. Pa-  
 pon lib. 4. de A-  
 rest. tit. 2. art. 4.

<sup>5</sup> Ibidem.

tamen



tamen non ideo concessa est, vt minuatur maiestas Regis Hispaniæ: sed vt curâ & mole tantarum rerum non nihil leuetur, & ideo eam potestatem Rex arbitratu suo reuocare potest. Eiusdem quoque rei, regalis scilicet in Curiam potestatis, præclarum illud est & non vulgare testimoniū, quodd cum olim iudices vectigalium in quadam solemnī supplicatione à Rege indicta senatorū Parlamenti insignia sibi vsurpassent, atque ea deponere iussi fuissent autoritate Curiae, responderunt, nihil autoritatis & potestatis habere Curiam præsentē Rege, eoquē Regis solius esse, non curiæ, id prohibere vel permittere, seque ornamenta illa nō positu-  
 x Papon. li. 4. ti. 6. artic. 17.

ros, nisi Rex deponi iusserit <sup>1</sup>. Nolo infinita persequi, quibus regia potestas in populum, atque adeo Parlamentum Parisiense, cæterasque supremas Francici regni Curias demonstratur.

Tuæ autem sententiæ quæ suffragantur? primū, credo, quod non vno in loco scriptum <sup>2</sup>, sit huius parlamenti decreta, siue Aresta, tantæ apud omnes autoritatis esse, vt pro legibus obseruentur: faciantq; res iudicatas & præiudicatas in omne æuum, cunctique iis acquiescere ac parere necesse habeant: ita vt pro ratione sat esse credatur respondere, *curia ipsa ita censuit*: vt illud αὐτὸς ἔφα, Pythagoreorum. Hæc sanè magna habent momenta ad tuendū errorem tuum, si per se considerentur: sed tamen id quicquid est argumenti, satis iam attritum est & eneruatum, cum planè constet illam potestatis Curiae amplitudinem regiis constitutionibus formatam esse & firmatam: ac omnino à Principis autoritate pēdere, qui ei insignia & imperium contulit. Ac proinde non mirum si quæ ab illo ordine amplissimo decreta sunt, qui Regis iussu & regali voce loquitur, talem vim & potestatem habeāt, qualem modò descripsimus. An ignoras in priuatis negotiis si quis mandatu nostro aliquid fecerit, id à nobis factum videri, causamque nostram lædere vel iuuare <sup>3</sup>? Sed audi Curiae supremæ Burdegalensis primariū præsidē, virum certè prudentissimū consultissimūq;: *Sed Parlamenta*, inquit, <sup>4</sup> *fuerunt instituta per Reges Francia ad iura partib. reddendū, & non profecto ad alia regia maiestatis reseruata, & per populū in ipsum principem translata faciendum*. Ex his nemo non videt magnos illos viros, qui de Curiae amplitudine scripserunt, id solum sibi animo proposuisse, vt & dignitatem ordinis, & autoritatem iudicii, & firmitatem Arrestorum aliaq; tam illu-

Parlamentum loquitur voce Regis & eius iussu.

<sup>3</sup> Bart. in opuscul. quæst. 5. nu. 4.

<sup>4</sup> in addit. ad tract. Ioan.

Mont. de autorit. mag. consil. num. 177. in fin.

Illustris concessus dotes, suo quisque elogio ad æternitatis memoriam consecraret: non autem vt tuo more Principibus eam cognitionibus soluerent, aut Regi suo æqualem, nedum superiorem profiterentur.

Sed tu istuc quidem parum verecundè ac sapienter agis, ex eo enim homines coniecturam facere possunt quid animi habeas, quaque fraude non Regibus modo, sed ordini illi amplissimo insidieris; neq; enim hac tua sententia tam incommodas Regibus, quàm ipsius Parlamenti splendore & dignitatem exagitas: & cum apertè sceptrum oppugnas, in arcem Curie tectos agis cuniculos, vt verisimile sit te non tam odio Monarchiæ, quàm studio Anarchiæ flagrare: & vna cum Rege magistratus omnes insignes regno velle exigere. Fac enim vera esse quæ dicis, & Curiam regali auctoritate priuata, imperio exime, nuda subsidiis: ac suis tantum quantæ quantæ fuerint, viribus vt consistat effice: cernes quæprimum, neque iussis pondus, neque Arrestis firmitatē, neque ordini decus, neque personis singulis pristinum honorem ac dignitatem remanere: multosque nunc concessum illum suspicere, qui tunc naso suspenderent.

Ferunt Iordanem Insulanum Aquitanicum, hominem in primis nobilem, & opibus ac clientela haud multis in Gallia inferiorem, in ipsa prope statarii Parlamenti infantia iudicatum fuisse à Curia, atque in furcam sublatum <sup>1</sup>. <sup>1</sup> Gaguin. li. 8. in princ.  
Et non multò post, Carolum Regem Nauarrum eidem Curie se sistere coactum, & veniam cædis Ioânis Hispani Magistri equitum, præsentem Rege, deprecari <sup>2</sup>. <sup>2</sup> idem lib. 9. in princ.  
Quæ putas auctoritas, quod parendi vinculum, cuius imperii maiestas hosce potentissimos regni proceres edomitos tenuit, tantumque illis iudiciorum metum incussit, vt se suaque Curie submitterent? Num senatorum quos iuri dicundo Rex præfecerat? dici non potest. Principes enim Gallie, cæteri que illustriores nobiles, qui nisi Regi, aut eius personam representanti, parere nollent, nunquam profectò à pauculis hominibus, & eorum fortè aliquot etiam obscuro genere editis, iudicium de fortunis & capite suo constitui pateretur, constitutumve subirent, nisi id Regis iudicium esse intelligerent: cum ipsi amplas ditiones possideant, atque in regno se, non in Republica esse norint.

En quo pacto Curie siue Parlamento, cuius dignitatem exaggerare velle videbaris, parum sceleratè es patrocinatus, quippe cui & Maiestatem sedendi in iudicio, & iubendi im-

perium, & iussa exequendi vires, hoc ipso subtraxisti, quod Regiam non subieceris. Quapropter si quando ad Senatum illum amplissimum cum tuis istis Vindiciis veneris, scis, Stephane Iuni, quemnam laboris *et* *quoniam* ferēs? si nescis dicam. Patroni causarum disertissimi, quos locus ille complures habet, te illico maiestatis reum peragent: Curia damnabit: lictores ad patibulum trahent, & ut perduellum perditē excarnificabunt. Fieri enim non potest, ut aliter ab illa Curia trahearis: fieri, inquam, non potest, quin Arestum incunctanter de sacrandō cum fortunis omnibus capite tuo pronunciet, quæ centum & octoginta circiter ab hinc annis, publico & solemni decreto censuit, læsæ Maiestatis reos esse, qui à Rege, aut eius ordinationib. ad concilium appellant <sup>1</sup>. Sed ad alteram partem tuæ sententiæ nunc reuertar.

<sup>1</sup> Rebuff tract.  
de supplicat. nu.

33.

*Bruti in proponenda Curia auctoritate calliditas. Reges Senatuum iudicium sponte subire voluisse, quo augustiorem concessum illum subditis redderent: eorum in legibus condendis libera potestas. Paponis geminus error.*

#### C A P V T X V.

<sup>2</sup> pag. 124.

**E**X quo Parlamentum statarium est, inquis <sup>2</sup>, frustra sunt omnia Regum edicta, ni Senatus ille comprobet.

Scio veterem esse apud didascalos vestros pseudotheologos cautelam, non Cæpolicam quidem aduocatorum, sed diabolicam Ministrorum, qua Patrum testimonia vel truncata, vel detorta, ad causæ suæ defensionem proferunt: quorum solertiam imitando satis te consecutum vnicius iste locus demonstrat. Nam quanquam rei de qua agitur veritatem, perspicuè & aperte à multis traditam, licuerat tibi proponere: tamen hoc quicquid est concisè scriptum ab vno vel altero maluisti arripere, ut sententiæ tuæ inprimis falsæ, quam solidum omnē firmamentum defecerat, adumbratum aliquod argumentum affingeres. Licet enim nonnulli ex iis qui res gestas Francorum literis mandarūt talia quædam obiter & succinctè in laudem Curie cōscripserint <sup>3</sup>, ita ut verbis tecum conuenire videantur: tamen re & sententia longè à te dissentiunt, & exitiabile hoc tuū de regnis & Regibus commentum pariter execrantur: quorum iudicium, si te candidum dogmatisten præbuissets, non ex particula aliqua conicere, sed ex omnibus eorum scriptis

<sup>3</sup> veluti Caguin.  
in vita Pipini.



pris colligere debuisti, adiectis etiam aliis luculentis autoribus qui rem eandem pertractarunt. *Incivile est*, inquit Celsus <sup>1</sup>, nisi tota lege perspecta, una aliqua particula eius proposita

<sup>1</sup> l. incivile. 24  
D. de legib:

indicare, vel respondere.  
Quid ergo rei est? dices. Sic accipe, Reges Curia à se instituta facultatem cognoscendi de regis edictis, atque etiam iudicandi, ingentis beneficii loco tribuerunt; nō quò se inuitos in Curia potestatem dederent, pristinoque priuarent imperio: sed quò ipsam Curiam insigni aliquo dignitatis privilegio honestatam populo spectabiliorem formidabilioremque redderent: existimantes quod res erat, neminem quamuis Nobilem, quamuis elatum, quamuis potentem, quamuis apud vulgus gratiosum, non ei ordini submissè pariturum, ad cuius notionem, & velut censorium iudicium; Rex ipse rerum à se gestarum rationem deferri statuisset. Itaque Budæus dum eius Curia amplitudinem authoritatemque describit <sup>2</sup>, his verbis utitur. *Huius authoritate rata irrita vè Principum acta, ne ipsis quidem re-*

<sup>2</sup> in d. l. vl. de Senator.

*cusantibus, fiant. Vna hac Curia est, à qua sibi ius dici Principes legibus soluti, civili animo ferant: quàm aut horem fieri sacrandis promulgandisque, sanctionibus suis velint: cuius consilis censura constitutiones eximi, edictaq; sua nolunt: imò cuius decretis huiusmodi sua facta consecrari eternitati velint: id quod senatui Romano Probus Imperator honoris ingentis loco indulgit.*  
Idem ferè apud Paponem, sed vulgari sermone, reperies <sup>3</sup>: verba eius hæc sunt: *A laquelle les Rois, priuatiuement sur-*

<sup>3</sup> in prologo librorum des Arrets notables &c.

*soutés autres, ont tant deferé, que combien qu'ils se vissent dispenser de la loy, & sur le droit positif, ce neansmoins ont bien voulu soy souzmettre à ladite Court, pour y auoir iustice, à l'exemple d'Antigonus Roy, qui ayant toute puissance, la voulut limiter & croire estre seulement toute en te que nature, honneur, & le droit luy permettoient d'en user, sans entreprendre d'auantage.* Id est, cui quidem Curia Reges tantum supra ceteras omnes speciatim detulerunt, ut quanquam viderent se legibus solutos, & omni iure humano superiores, tamen libenter se ei submittere, & sibi ab ea ius dici voluerint: exemplo Regis Antigoni, qui cum omnem penes se potestatem haberet, eam ita definire voluit, ut totam arbitretur consistere in eo quod natura, honestatis, & legum ratio permittebat, nihil sibi ulterius vindicando.

Atque idem rursus alio loco planius <sup>4</sup>. *Combien que nos Rois*

<sup>4</sup> li. 4. tit. 1. art. 1.

*faisent dispenser de l'observation de la loy, & soyent sur la loy, cōme*



ne recognoissans aucun superieur, si est ce que pour mouuoir & entretenir leurs subiects à continuer l'obeissance qu'ils leur doiuent, & à leur iustice, ils ont bien voulu tousiours se souzmettre de leurs differens au Parlement de Paris, ainsi qu'on trouue par infinis Arrests, tant du vísant de saint Loys, qu'autre temps. hoc est, Et si Reges nostri sint immunes & liberi ab obseruatione legis, & supra legem constituti, vt qui nullum agnoscunt superiorem: tamen quo facilius subditos suos ad debitam sibi, iustitiæque suæ obedientiam perpetuandam excitent, Parlamenti Parisiensis iudicio se libentes subiicere in suis cõtrouersis voluerunt, vt videre est in multis Parlamenti Arrestis, tam diui Ludouici quàm Regum aliorum temporibus, factis. Et iterum eodem libro <sup>1.</sup> le Prince estant sur la loy & sur la coustume, en a peu faire comme il luy plaist. id est, Princeps cum sit lege & consuetudine superior, quod sibi visum est potuit statuere.

His authoribus si Baldum, Barbatium, Boerium, Lucam de Penna, aliosque tam recentes quàm antiquos iuris interpretes addidero, quibus & ius Regis, & Curia authoritas, & regni Francici consuetudo perspectiora fuerunt, quàm tibi inquam: opprimere testimoniis, ni tuum errorem fatearis quàm ocysimè Baldus enim scribit <sup>2.</sup> Regem Franciæ esse tanquam stellam matutinam in medio nebulae meridionalis eminentem, &, quo ad subditos suos, esse tanquam quendam corporalem Deum, & esse legem animatam in regno suo. Atque ita quæ facit in regno, non tanquam ipse, id est homo, sed tanquam Deus facit, cuius vicarius est in temporalibus <sup>3.</sup> Alibi etiam testatur Baldus, Regem solū facere constitutiones, seu leges in regno Franciæ <sup>4.</sup> Quod idem & Barbatius asserit <sup>5.</sup> Lucas de penna, in his, inquit <sup>6.</sup> quæ Rex agit causa non requiritur, quia quod ei placet lex est, est enim lex animata in terris <sup>7.</sup> Et licet regnans inutiliter dicitur quodammodo non regnare, tamen hoc decernere non est subditorum <sup>8.</sup> Boerius autem id ipsum planius adhuc atque expressius enunciat <sup>1.</sup> dum multis rationibus propositis, hoc ad verbum sermone concludit <sup>9.</sup> Ex quibus patet dominos de Parlamento nec de iure nec de facto posse leges aut ordinationes facere, secundum communem & veram sententiam Doctorum in locis supra allegatis: & Albericum in rubr. de legib. & in d. l. humanum. & sic debent intelligi hic per socium meum in quarta ratione pro magno consilio & Parlamento simul adducta. Sed bene econtra Princeps sine consilio procerum, vel Papæ sine

1 tit. 8. Arrest. 1.

2 ad tit. de prohib. feud. alien. per Freder. in ult. col.

3 gl. ad initium Auth. de hære. & falcid.

4 ad cap. 1. extra de constit.

5 ad ca. nemini de offic. legati.

6 in l. 4. C. de Castrensiis.

7 idem ad l. 1. C. de vend. res. fisc.

8 ad l. in sacris C. de prox. sacr. serini.

9 in tractat. de Auth. magni consil. nu. 179.

*Cardinalibus, potest condere leges decretales, non obstante clausula, de qua in d. l. humanum: Et illa, pontificia, de fratrum nostrorum consilio; quia videtur magis decentia quam necessitatis, maxime in materia non ardua. Quid denique illud in constitutionibus apponi solitum, de nostre certaine science, pleine puissance, Et autorité Royale, an non plenam & absolutam Regum potestatem in legibus condendis demonstrant? Itaque lapsus est haud leuiter Ioannes Papon<sup>1</sup>, geminoque errore se inuoluit (incertum an ignoratione antiquitatis, an rerum à Romanis gestarum immemoriâ) dum ait, populum Romanum, stante Republica, nullam legem sanxisse, quam non prius cum senatu communicasset, ut Patres Conscripti suum de ea consilium atque auctoritatem interponerent: ac proinde nec Principem aliter legem ferre posse, cum id tantum iuris in eum translatum sit quod populus habuit, & eo modo quo populus habuit. Nam primum satis constat inter omnes antiquitatis Romanæ peritos, Magistratum qui legis ferendæ potestatem habebat, eam aliquando sine senatus auctoritate, imò contra senatus auctoritatem rogasse. Neque enim ideo ad senatum referebatur lex promulganda, quod populus eam sine senatus auctoritate constituere non posset (scitum enim illud est, quod de Democrazia scribitur. *Iussus populi Et suffragia sunt, quodcumque postremum populus iussit, id ius ratumque esto*) Sed quod rogator Comitiorum, legem quam suadere cupiebat, senatus commendatione gratiorem populo, atque acceptiorem fore speraret. Deinde constat etiam non solum populi ius, quod supremum erat, sed etiam munia omnia magistratuum, quæ in populari statu Reipublicæ plurimum valuerunt, cum ipsis nominibus, excepta dictatura, in Imperatores, senatu populoque volentibus, fuisse translata<sup>2</sup>.*

li. 5. Not tit. de la clause, car ain-si nous plaist. Papon reprehensus.

2 Dion. li. 53.

Longum esset, nec necessarium, infinitas prope sapientissimorum hominum in eandem rem sententias concordissimas singillatim percensere, qui seculis, ætatibus, locis, ordine, officiis disiuncti, conspirante consensu, & velut vno omnes ore, Regi in Senatum, atque adeo regnum vniuersum, eam, quæ in figendis & refingendis legibus sita est, potestatem derulerunt: quorum de ea re iudicium, nemo, nisi vestris furiis concitatus, hætenus reprehendit. Cum tamen contra, Senatus ipse, ut est apud Gaguinum, insigni & laudabili responso, Regis supra se auctoritatem & iubendi

2 in vita Ludou.  
XII.

potestatem publicè confessus sit 1. Nam cum Ludouicus XII. initio regni sui ad iudiciorum abusus corrigendos animum intendisset, & scholasticorum priuilegia per interpretationem restrinxisset: Parisiensis Academia vt pristinam suam libertatem tueretur, missis in Curiam oratoribus, petiit ab Amplissimo Ordine, *qua constituta à Rege erāt, benignius explanari: neque sinerent iudices, apud quos iudiciorum potestas erat, turbare scholasticorum quietem, qui & Parisius maximo commodo essent, & Christiano orbi luminis atque fidei stabilimentum afferrent. Ad hæc Senatus respondit, se à Rege iussos promulgare quas tulerat leges. Apud illum auctoritatem esse abusiones tollendi, & corrigendi errata, qua à suis committi subditis comperisset.*

2 Rebuff. in tra-  
stat. de pan. aur.  
& arg. in gloss.  
Sciendum.

Regum igitur Franciæ edicta, leges, & constitutiones in senatu illo Parisiensi amplissimo nobilissimoque recitari, expendi, & promulgari solent: non quod hoc ordine prætermisso populum non teneant, sed vt regeſtis & actis publicis mandata constitutiones singulis facilius innotescant, & ad posteritatis memoriam referuentur 2, id Rege humaniter volente, & nominatim præcipiente: ne cui res tot sapientissimorum hominum iudicio trutinata, laudataque consensu, videri possit aliquid præter æquum bonum continere, aut ipse Princeps contra ius fasque subditis imperare. Verum tu, calumpniosa interpretatione, hanc iubendi potestatem in parendi necessitatem conuertis; & spontaneæ submissionis arbitrio legitimæ subiectionis vinculum perperam conaris inuoluere: quod inscitè facis, & perinde ac si dominum tuum hoc ipso tibi obnoxium esse contendas, quod pro amore erga te suo, multis magnisque beneficiis reditu solitus fuerit cumulare. Atque hoc cum dico, in memoriam redit quod paucis abhinc annis in serenissimi Principis nostri ditione solemniter obseruatum animaduerti: ne quæstorum videlicet quispiam, mandato principali de erogandis pecuniis ad se delato pareret, si præter subscriptionem Principis & secretarii, manus quoque præfecti arario non adesset. At id singulari quadam ratione ab Illustriſſ. Duce constitutum si malè feriatuſ aliquis tui similis in argumentum subiectionis, & minuti imperii Principis traxisset, non ridiculum modò eum, sed plane ceritum, & commotæ mentis hominem Lotharingia tota iudicasset.

Ere-



Etenim profectò nemo, nisi ciuiliū rerum planè in-  
 se us, ignorat Principes interdum, ne suis rescriptis parca-  
 tur, certis de causis prohibere: ac velut sibi ipsis imperii am-  
 plius ualidē præcidentes, non quod volunt, sed quod uelle  
 debent, apud magistratus ceterosque iudices locum ut  
 obtineat præstituerē. Qua ratione Rex apud Ægyptios  
 solebat magistratus & iudices à se constitutos iureiuran-  
 do astringere, ne sibi iniustam de aliquo sententiam flagi-  
 tanti morem gererent <sup>1</sup>. Vetuit Constantinus, ne impe-  
 trato lenitatis suæ iudicio de pupillis, uiduis, debilibus, aut  
 diuturno morbo fatigatis, extra prouinciam litis causa  
 trahendis, vllō modo obtemperetur <sup>2</sup>. Non quòd non  
 potuerit Imperator eos ad suum comitatum accire, & in  
 eo causarum momenta trutinare (Est enim uani capitis, in-  
 quit Innocentius, ex stimare superiorem non posse præci-  
 pere, nec euocare, sine causæ cognitione <sup>3</sup>) sed quòd no-  
 luerit optimus Princeps istiusmodi personas à gratiosis &  
 potentibus aduersariis, se auctore, tantis molestiis diuexa-  
 ri. Multa huius generis exempla tam ex iuris Romani vo-  
 lūminibus, quam aliarum gentium, maximè Francorum  
 regalibus edictis, peti possunt <sup>4</sup>. Itaque quemadmodum  
 testatoris uoluntas facit, ut prior scriptura posteriore po-  
 tior sit, cum clausulam, ut dicunt, sequentium derogatori-  
 am apponit, ueluti, si quid Titio infra legauero, id neque  
 do, neque lego: ita ubi Princeps se nolle largiri quæ con-  
 cessurus est edictis propalam denunciat, prioris uolunta-  
 tis potestate sequentis auctoritas infringitur. Sed quid ista  
 Regum libertatem minuunt? an non potius summam  
 & absolutam in Principe potestatem demonstrant? omni-  
 bus nempe quacunque forma emissis rescriptis parendum  
 esse, nisi quorum sententiam tales derogatoriæ sanctiones  
 præoccupauerint. Nam uetat incassum, cui uel iubēti resi-  
 stitur: frustra quæ iubetur, quod in arbitrio eius ponitur cui  
 iussum est <sup>5</sup>.

<sup>1</sup> Plut. in Apo-  
 phtheg.

<sup>2</sup> l. vnic. C. quā-  
 do Imp. inter  
 pupill.

<sup>3</sup> in cap. ad au-  
 res. de temp. ord.

<sup>4</sup> Rebuff. tr. de  
 supplic. nu. 41.

<sup>42</sup>.

<sup>5</sup> S. Hieron. li. i.  
 aduers. Iouini.

*Conestabulum, Cancellarium, & ceteros, Regis officarios es-  
 se: quod ex iurisiurandi formula ab illis præstari solita  
 euincitur. Eosdem à Rege constitui & auctoritatem ac-  
 cipere multis exemplis demonstratur. In interregno dunta-  
 xat, aut Regum infantia eos ab ordinibus deligi solitos, al-  
 liaque nonnulla.*



## CAP. XVI.

**Q**Uod autem de Conestablo, Cancellario, Secretario & cæteris, non minus falsò quam fraudulèter adducis <sup>1</sup>, eos scilicet non Regis, sed Regni officarios esse, atque olim quidem non nisi in concilio publico trium ordinum, Cleri, Nobilitatis, & Populi, creari solitos, & ex quo Parlamentum Lutetianum statarium factum est, non prius censei in eo gradu constitutos, quam à senatu Lutetiano recepti & comprobati sint, & neque etiam absque eiusdem consensu & auctoritate destitui posse. id non longa cõfutatione indiget. Regis enim vera sunt, quamvis & regni etiam aliquo modo dicantur: Regis, inquam, quatenus Rex est, hi omnes sunt ministri & officarii, quos sub se procurandis regni commodis, in suo quemque ordine & munere, instituit. Beatus Andoenus (qui & Dado dictus est) Referendarius fuit Regis Dagoberti, inquit Aimoinus <sup>2</sup>. Sic Gregorius Turon. de Agroecula Episcopo Cabillonensi loquens <sup>3</sup>. obiit episcopatus anno 48. sui autem 83. inquit, cui Flavius referendarius Gunthramni Regis successit. Referendarium autem eas partes obiisse quas nunc Cancellarius, superior Aimoini locus demonstrat. Qui referendarius ideo est dictus, inquit, quod ad eum uniuersa publica deferrentur conscriptiones, ipseque eas annullo Regis, siue ab eo sigillo sibi commissio muniret seu firmaret. Et hi quidem non alia ratione regni officarii dici possunt, nisi quia ipsorum ministerium, quod Regi exhibent, in cura Reipublicæ, & grauioribus regni negociis versatur. Itaque Cancellarius regni siue Franciæ dicitur, quòd non aliqua regni parte officium eius circumscriptum sit, sed totius regni negotia, quæ ad eius officium spectant, tractare soleat. Idem vero Cancellarius Regis siue regius dicitur, quia à Rege habet quod sit Cancellarius, & quicquid ad officium suum spectans agit, id Regis auctoritate in se collata agit: quem propterea Rex, ubi eius mentionem facit, in suis edictis & constitutionibus, hac formula nominare solet, *Nostre tres-amé & feal Chancellier*. quod Francis omnibus notius est, quam ut probatione egeat. Idem de Conestablo, Amirallo, Mareichallis, cæterisque similibus intelligendum est. Atque hic quidem animaduersione dignum videtur, hos Magistratus, quia pro potestate generaliter sibi cõcessa res multas in variis regni partib. exequi sine speciali Regis mādato possunt, non solùm Regis sed regni etiam

<sup>1</sup> pag. 88. in fi. & 96.

<sup>2</sup> lib. 4. cap. 47.  
<sup>3</sup> li. 5. cap. 45.

etiam officarios, & quidem frequentius, vulgò nominari; veluti cum dicimus. *Conneſtable de France, Mareſchal de France, Chancelier de France*. Alios vero officarios de quibus loquitur Brutus, vt Secretarios & Quæſtores, quòd iis ad ſingula ferè negotia ſpeciali iuſſu Principis opus ſit, perrarò regni, ſed Regis vbique officarios vocari: veluti *Secrétaire du Roy, Threſorier du Roy*. Vtut eſt, regni & Regis omnes dici poſſunt, cùm regnum ſine Rege ne cogitari quidem & concipi animo valeat: ob eamque cauſam, rege mortuo, ad interregnum res redit tãtiſper dum alius conſtituatur. Sed à Rege tamen habent quod tales ſunt: quippe à quo Rempubicam in partibus gubernãdam acceperunt. quòd pertinet quod Aimoinus (li. 4. cap. 74.) Maiorem domus, ſiue Comitem Palatii, qui ſecundum Regem ſummus in regno erat, Regis miniſtrum appellat.

Quamuis autem hæc ita ſe habeant, tamen vt Bruti ſeu malitia ſeu inſcitia planius detegatur, operæ precium eſt præcipuum eius argumentum referre. quo ſuperiores omnes non Regis, ſed regni tantum, officarios eſſe docet. Iſti verò omnes, inquit, primùm regno, id eſt, vniuerſo populo, deinde Regi, tanquam eius curatori fidem dant. quod vel ex ipſa iuriſiurandi formula perſpicuum eſt. At ego illi oſtendo vſitam iuriſiurandi formulam, ex qua perſpicuum eſt eum mentiri, formula autem his verbis concipiebatur. *Vous iurez que vous ſerez treſobeiſſant au Roy. Que de bonne foy vous luy conſeillerez ce que vous cognoiſſerez eſtre commode & digne de ſa Maieſté, & au prouiſſit de luy & de la choſe publique. Que vous conſeruerez de tout voſtre pouueir ſon patrimoine & la choſe publique. Que iamais vous ne vous mettez ſous obeiſſance ny ſeruiſſez d' autre que de luy. Que iamais vous ne prendrez ny accepterez ſinon de ſon conſentement, robbe, manteau, ſolde, ou gages, preſtè, ny prouiſſit aucun, d' autre que de luy. Que par faueur, grace, ou haine, vous ne ferez iamais rien. Et qu' à preſent, ſi vous auez quelque ſerment à Seigneur ou Dame, ou auez eu à iceux, vous quittez & renoncez le tout* <sup>1.</sup> id eſt. Iuras te Regi fore obſequentiſſimum, ei que candidè & bona fide conſulturum, quicquid vtile, & eius Maieſtate dignum, atque è Republica eſſe cognoueris. Eius patrimonium remque publicã totis viribus conſeruaturum. In nullius vnquam alterius clientelam & obſequium, niſi ſolius Regis, tranſiturum. A nemine, ſine eius conſenſu, præterquam ab ipſo ſolo, togam, pallium, ſtipendium, mercedem, munus, donum,

Vide Papon. li. 4. tit. 3. art. 1.

vel emolumentum aliquod vnquam accepturum. Nihil gratiâ, odio, vel amore acturum; & si alicui alii Principi viro, aut fœminæ sacramento aliquo obstrictus es, id totum te hodie dissoluere, eique renūciare. En verborum pactiōnem, qua magni isti ministri, quos Brutus regni officarios vocat, suum olim iusiurandum comprehendebant: atque iis quidem temporibus comprehendebant, quibus modestissimi Principes imperarunt, & Optimatum atque Ordinum regni valde, si vnquam alias, vigebar autoritas.

Illud etiam inter alia Bruti mendacia non minimum est, quod scribit hosce regni officarios creati, & autoritatem capere à populo, nec sine eo posse exautorari<sup>1</sup>. Cuius contrarium ab initio regni Francici, ab illo inquam tempore, quo tales in eo regno extitisse memorantur, usque in hunc diem, obseruatum fuisse, tot luculentis testimoniis, & rerum gestarum exemplis probatur, ut nullum operiendo huic mendacio mantellum inuenire queat: è plurimis autem pauca subiiciam. Rex Francorū Clotharius, inquit Aimoinus<sup>2</sup>, *trigesimo regni sui anno postquam regnare cœperat, patre defuncto Monarchiam regni adeptus VVarnatium, cuius instantia regnum Burgundie fuerat adeptus, Maiorem domus in ipso constituit regno.* En ut Clotharius VVarnatii erga se fidem hoc dignitatis beneficio remuneratus est. Et iterum<sup>3</sup>. *Post hac autem Sigebertus Rex Austrasiorum Pipino defuncto, Grimoaldum filium eius maiorem domus instituit.* quod Ado totidem fere verbis cōmemorat<sup>4</sup>. Ac ne dubitemus hanc aulæ præfecturam à solo Rege concedi solitam, velut obsequii & beneuolentiæ remunerationem, facit alius adhuc eiusdem autoris locus<sup>5</sup>, ubi scribit Othonem quandam sperasse Comitem se palatii fieri posse, eò quod *bailulus fuerat Regis Sigeberti in eius tenera ætate.* Ado Viennensis in breuiario Chroni.<sup>6</sup> *Gundolandes maior domus moritur: cuius loco Herthenoldus à Dagoberto constituitur.* Maior autem domus, siue Comes Palatii, vulgò le Maire du Palais, inter regni officarios Regisque ministros quin summus fuerit ea tempestate, nemo ut reor, ambigit. Itaque Brunichildes inter alia flagitiosa facinora, Protadium quandam stupri causâ sibi familiarem, hac præfecturæ dignitate ornare cupiens, *presumpsit nepotem orare suum, id est, Regem Theodoricum, ut interficeret Bertoaldum, & Maiorem totius regia domus cōstitueret Protadium,* inquit Aimoinus<sup>7</sup>, quod frustra fecisset Brunichildes si, ut Brutus somniat,

non

1 Pag. 88.

2 lib. 4. cap. 6.

3 cap. 42. eiusdē libri.

4 stat. 6.

5 lib. 4. cap. 38.

6 stat. 6.

7 lib. 3. cap. 97.



non à Rege, sed à populo magistratus ille mandari, & auctoritatem capere potuisset. Ac ne inanem Brunichildis conatum, & sine effectu fuisse arbitremur, subdit mox idem autor <sup>1</sup>, anno decimo regni Theodorici iuxta voluntatem Brunichildis ex praecepto Theodorici Protadius Maior domus constituitur. 1 cap. 92.

Ac illud quidem memorabile est in hac specie, quod idem autor scribit <sup>2</sup>. Reginam matrem, cui tutela & edu- 2 lib. 4. cap. 39.

catio filii concredita erat, Praefectum Palatii, siue Maiorem domus regiae creasse de consilio quorundam optimatum qui Regis visendi gratia ad ipsam venerant. Verba eius haec sunt. *Anno quarto regni sui Chlodoueus cum Mantilde matre Aurelianos, caput regni Burgundia petiit: ubi aduenientes Pontifices ac Optimates ipsius gentis, & se dominio Clodouei tradentes, Mantildes humanissime tractauit: utque filio suo fidem seruarent ammonuit. Quorum consilio Flaucatum Francia oriundum, Praefectum instituit Palatii, sociata ei nepte sua Ragnobera in matrimonium.* qui locus satis ostendit hunc magistratum à Rege, vel saltem Regis auctoritate,

mandari solitum. Item alter eiusdem libri <sup>3</sup>. *Franci, inquit,* 3 cap. 46.

*consilium pertractantes VVaratonem virum illustrem, cū iussione Regis, Maiorem domus Palatii constituunt.* Atque eam quidem fuisse priscorum Regum Franciae in creandis magnis istis magistratibus auctoritatem, praeter rerum scriptores, testatur etiam perpetua sequentium seculorum consuetudo, quae iugi obseruatione ad posteros transmissa est. Qua ratione cum post excessum Caroli V. Francorum Regis, frater eius Ludouicus Andegavorum Dux, publica regni negocia, nepotis sui Caroli. VI. impuberis nomine obiret, & Conestabulum instituere vellet, restiterunt ei Burgundus Borboniusque, solius Regis esse id muneris tribuere contententes. Itaque *ad Oliuerium Clissonum dignitas illa, Rege puero tribuente, delata est* <sup>4</sup>. Nec desunt etiam ex- 4 Guaguin. lib. 9. cap. 3.

empla quibus monemur Reges non solum haec Conestabli Cancellarii, & aliorum magnorum Magistratuum officia: sed & Parium Franciae praeterea nomen & dignitatem aliis subinde atque aliis, pro arbitrio esse largitos <sup>5</sup>. Idemque iuris in mandandis magistratibus apud alias nationes quae regale iugum patiuntur, obseruatum esse, ex antiquis populorum monumentis & annalibus, cui- 5 Vide Papon. li. 4. Arest. tit. 4.

ut cum



ut cum annos bis mille circiter sub Regibus vixerint, nullum vnquam super se alienigenam regnare passi sint, hæperantiquæ de Regis imperio leges, conceptis verbis recensentur <sup>1</sup>,

<sup>1</sup> Hæctor. Boet.  
lib. 12. hist. Scot.

*In profanis rebus nemo ius dicit, nisi quem iuri dicundo  
maiestas regia præfecerit.*

*Solius Regis nomine ius omne redditor, conuentus indicitor,  
concilia conuocantur.*

*Ne quis alia quàm regia auctoritate magistratum obti-  
nato.*

Ex his igitur perspicuum est, suam Brutum sententiã manifesto mendacio fulcire.

Sed errorem ei forsitan creauit, quòd apud Aimoinum, & alios, non vno loco legitur, Francos aliquando Maiorẽ domus regiã, siue Comitem Palatii elegisse & constituisse. Sed id quicquid est, si non oscitanter secum perpendisset, facilẽ intellexisset vel in Regis infantia factum esse à Concilio, cum ipse nondum per ætatem suo pte iudicio talia expedire potuerit: vel Regis iussu & auctoritate factum ab iis quibus id negocii datum erat: vel certè in discordiis ciuilibus, aut in interregno, cum Regem sibi, & præfectum Palatii eius simul eligerent. Veluti cum dicitur <sup>2</sup>, *in infantia Sigeberti omnes Franci de regno eius Chrodinum Maiorem domus elegerunt. & Franci Clotharium, seniore puerum ex tribus, Regem sibi statuunt, cum ipsa Regina matre regnaturum: defunctoque Erchinoaldo Maiore domus, Franci in incertum vacillantes, præfinito consilio Ebroinum in huius honoris altitudine Maiorem domus statuunt* <sup>3</sup>. & paulò post <sup>4</sup>. *Franci autem Le-desum filium Erchinoaldi in maiorem domus Palatii erigunt:* in interregno scilicet, inter Childericũ occisum & Theodoricum, quem paulò antè totonderant truserantque in monasterium. Sic Ado Viennen <sup>5</sup>: *Childericum super se Regem leuant, Maiorem domus VVilfoldum.* Occurrunt & alia id genus exempla nõ pauca in historiis Francorum: sed quæ, si rectè considerentur, ex superioribus causis pendent: ita ut Regum in hac re nec tollant nec minuant potestatem.

Et tamen hæc sunt, hisque similia exempla, quibus scriptores isti monarchomachi nituntur, & Reges apud imperitam multitudinem, libris editis, exagitant: præcipuè vero Hotomanus in sua Francogallia, vbi quamuis omnia vndique exempla corroget, quibus demonstrari putat Regem & regnum à concilio regi, nulla tamen profert, nec proferre

<sup>2</sup> Aimoin. 3. c. 4.

<sup>3</sup> lib. 4. cap. 44.  
<sup>4</sup> eod. cap.

<sup>5</sup> in Chronic.

proferre potest, nisi quæ ad imbecillam Regis ætatem, vel alios temporum casus, de quibus dictum est, referantur.

Sed ingens mihi labor consumendus esset, si fraudes & fallacias omnes persequeretur, quibus suam isti perniciosam opinionem infucant: sat habeo magna ex parte indicasse, monuisseque lectores ne sibi imponi fucata talium argumentorum fronte patiantur: excutiant singula diligenter, & vitium in vnoquoque deprehendent. Nam ut cætera taceam quæ Hotomanus in sua illa Francogallia retulit<sup>1</sup>, & quorum facilis refutatio est ex iis quæ suprâ à nobis dicta sunt: quid magis à ratione alienum vel absurdum dici potest, quàm inde velle colligere, Regi non esse facultatem creandi ministros & officarios regni, quod procures Francorum reprehenderint Carolum Galuum nondum Regem inauguratum, eò quod Præfectos & officarios eiusmodi, cum ipse nondum Rex esset, arbitrari suo creavit. Nam cum nemo Rex sit ( ut superioris libri initio diximus ) antequàm populi consensus accesserit, quamvis ei regnum hæreditatis iure debeat, non potuit ille quidem, nec debuit, ante inaugurationem, quæ regii muneris sunt exequi. Sed hoc quid ad eos qui postquam Reges à populo designati declaratique sunt, talia pro potestate imperii exequentur?

Regibus itaque non aduersantur quæ vel Brutus hoc loco, vel Hotomanus in illa Francogallia, de Concilii publici autoritate iactat. Nam quamvis fateamur Reges ut plurimum res magni momenti, communicato cum Optimatibus regni consilio, in cætu publico pertractare solitos: atque adeo magnos illos magistratus ibidem creare id tamen non necessarium deminutæ potestatis regiar, sed tantum regni prudenter administrati probabile argumentum nobis præbet. Quemadmodum enim magistratuum Romanorum creatio ad curam Principis pertinebat, non ad populi fauorem, ut ait Modestinus<sup>2</sup>, licet in ea re consiliariorum opera persæpe vteretur: ita in cæteris regniis, quæ verè regna sunt magistratus arbitrio Regum, sine vllis populi suffragiis constituuntur: licet in iis eligendis, ne malis hominibus magnos honores mandent, probos & prudentes viros consulere interdum soleant. Etenim profecto nemo negat, & est verissimum, omnia quæ ad publicum regni statum pertinent, multo facilius & foelicius componi à Regibus in concilio publico, ubi sapientum virorum & consiliariorum magna est copia, quàm alibi de aulico-

cap. II. & seq.

<sup>2</sup> l. vnic. D. ad l. Iul. de amb.

rum quorundam sententia, qui se candidos Regi monitores raro præbent. Itaque Carolus, V. cognomento Sapiens, cum post excessum Cancellarii nomine d' Ornant, de alio creando alius cogitasset, multos regni optimares & fidos consiliarios priuatis nunciis ad se accersuit, idque non indicata causa, priusquam à singulis seorsum admissis, interposito solemnī iureiurando exquisisset, quemnam omnium totius Gallia maximè idoneum ad id munus obendum iudicaret: lectis deinde ac numeratis suffragiis (quæ à scriba excipiebantur ut quisque consiliarius ad Regem solus introibat) competit primū Curia Præsidem, cui nomen d' Orgemont, omnium ferè consensu dignissimum habitum, cui magistratus ille mandaretur: quem Rex idcirco statim inuitum propè ac reluctantem, creauit Cancellarium<sup>1</sup>. En ut Rex prudentissimus Cancellarium sibi non in concilio publico, nec sine consilio tamen, elegit constituitque. Nihil itaque vanius, quàm ex eo colligere tales regni officarios non nisi in Concilio publico creari posse, quod Reges sæpe id soliti sint obseruare, cū id vltro pro sua in subditos humanitate fecerint, nec æquum sit aliquem ex benignitatis consuetudine ad præstationis necessitatem compelli.

Sed esto, Regem non nisi de consilio optimatum quæ populum repræsentant, siue in concilio publico, creare posse eiusmodi officarios: Nunquid ei consequens est quod vult Brutus: à populo scilicet eos creari & auctoritatem capere? minime quidem. Nam aliud est creare aliud creandi consilium dare ut ipsimet aduersariorum didascoli fatentur. Qua ratione Hotomanus, Pipinum non summi Pontificis Zachariæ, sed concilii Francici auctoritate, Regem factum esse contendit<sup>2</sup>, verba eius sunt. *Ex quibus omnibus facile intellectu est. Non si Francici Pipinum exquisita Papæ sententia Regem creauerunt, idcirco illum Papæ imperio atque auctoritate creatum fuisse. Aliud est enim Regem creare, aliud creandi consilium dare. Aliud ius creandi habere, aliud ius consilii dandi: quanquam consilii in huiusmodi rebus dandi ius nemo habet, nisi à quo petitur. Aequissima lex est quæ iubet unumquemque ius illud aduersus se admittere, quod ipsemet in alium statuit<sup>3</sup> hoc igitur argumento in Brutum & Hotomanum uti nobis liceat.*

*Dignitates officiariorum in Gallia olim non fuisse perpetuas.*  
Non

<sup>1</sup> Vide Papon.  
lib. 4. de Arest.  
tit. 8.

<sup>2</sup> In Francogal.  
cap. 13.

<sup>3</sup> tit. quod quisque  
iur. Dig.



*Non verum esse quod quidam putant Maiorem Palatii vocatum fuisse postea Conestabulum. Argumentum à Paribus Francia desumptum refutatur. Harum Vindictarum Bruti Hotomanum, ni secum ipse dissideat, non esse auctorem. Caroli. VI. inter Britannia Regulum & Clifsonum Conestabulum iudicium.*

## CAP. XVII.

**H**Æc de creandis regni Francici officariis satis, quantum ad præsens quidem institutum attinet. Sed est tamen obiter notandum, neque illam Præfecturæ Palatii dignitatem, de qua supra, neque alias publicorum ministeriorum perpetuas tunc fuisse in Gallia: sed nutu Regis concedi, adimique solitas. Qua de causâ Rex Clotharius vt VVaruarij erga se studium fidemque magno aliquo munere compensaret, eum aulæ suæ præfectum fecit, adhibito iureiurando se non daturum ei successorem quamdiu viueret<sup>1</sup>. Eaque ratio dandi magistratibus successores arbitrio Principis vtilissima est Reipublicæ, & ab antiquis Imperatoribus obseruata, vt ex Lampridio<sup>2</sup>. Capitolino<sup>3</sup>, & alijs rei Romanæ scriptoribus patet. Itemque illud admonitione dignum, non verum esse quod Brutus scribit<sup>4</sup>, & alij etiam nonnulli opinantur, Maiorem Palatii scilicet, siue præfectum domus regiæ, fuisse postea vocatum Comitem vocabuli aut hunc in illius locum vndiquaque successisse: idque vel ex eo intelligi potest, quod ambæ illæ dignitates simul in regia viguerunt, & illa quidem maior fuerit, in qua vniuersa quædam totius regni procuratio sub Rege residebat: hæc verò ad particularem quandam de regijs equis & stabulis sollicitudinem pertinebat: eique similis erat, quam nunc geritis qui vulgò nominatur grand Escuyer du Roy. ac propterea neque ductandi exercitum, neque imperandi militibus potestatem habebat, nisi eam à Rege speciali aliquo mandato accepisset. Aimoinus<sup>5</sup>. *Lendegislus*, inquit, *regalium præpositus equorum, quem vulgò Comistabilem vocant, quemque Rex ei præfecerat expeditioni.* Itaque nonnunquam Comes stabuli, & Comes Palatii, siue Maior domus vnà ad bellum mittebantur. Idem de Carolo Magno loquens<sup>6</sup>, *qui statim accitis ad se tribus ministris suis, Adalviso Camera-*

<sup>1</sup> Aimon. lib. 4.  
cap. 6.

<sup>2</sup> in vita Alex.  
<sup>3</sup> in vita Anton.  
pii.

<sup>4</sup> Pag. 96.

<sup>5</sup> li. 3. cap. 76.

<sup>6</sup> lib. 4. cap. 74.



*macium Sclauorum audaciam, quanta possent celeritate, comprimerent.* Vbi videmus Comitem Palatii vocatum ministrū Regis, quod Bruti distinctionem inter Regis & regni officarios, falsam, futilem, & ineptam esse declarat: vt est à nobis superiore capite demonstratum. Sed postquam pertæsum est Reges tantæ dignitatis sub se in aula, cuius potentiam non poterant non suspectam habere, post Martelli & Pipini res gestas in eo magistratu: videntur illius Præfecturæ officiū diuississe in duas partes, & quæ ad belli apparatus & militarem disciplinam pertinent, Conestabulo & qui sub eo sunt Mareschallis, quæ verò reliqua sūt, ei quem Magnum Magistrum vocamus assignasse. & vero Magni Magistri nomen ad illam Maioris domus appellationem propius accedit. Sed de his satis.

Nunc illud argumentum videamus, quod Brutus ex denominatione. . . oritate Parium Franciæ desumit: nam hos quoque Reg. . . opponit, & velut Ephoros quosdam, nō æquat modò sed præfert. At verò quàm insidiosè & fallaciter id faciat, faciliè apparebit. Ait igitur <sup>1</sup>. *Habet præterea regnum Francicum suos siue Pares tanquam Regis consortes siue Patritios, tanquam Reip. patres, singulos à singulis regni prouinciis dominatos quibus Rex inaugurandus, tanquam vniuerso regno fidem dare solet. Ex quo illos Rege superiores esse liquet.* Plausibile quidem hoc est, & aptum ad capiendos imbecilles animos argumentum, sed nullius momenti, & planè spernendum, vbi eius vitium detegitur. Duplex igitur hic error est: alter quidem quòd Pares Fraciæ dictos putet, quasi Regis consortes. Nam, vt superius paulò de *ὁμοτίμοις* Persicis diximus <sup>2</sup>, non ideo vocati sunt Pares, quia Regi pares erant: id enim vetat ipsa vis Monarchiæ, & regni cōstituti natura. Sed quia pares inter se erant, id est, pari honore & dignitate apud Regem censebantur: id quæ ipsemet Hotomanus, quamuis Regibus alioqui parum æquus iudex, ita disertè testatur, vt etiam rideat eos qui aliter sentiunt. *Magnum eorum iudicium requirere cogimur*, inquit <sup>3</sup>, *qui propterea Pares Francia appellatos scribunt, quod Regi pares essent: cūm Paritas non ad regiam, sed ad communem ipsorum dignitatem atque auctoritatem referretur.* Atque hic locus quidem satis ostendit Hotomanum vel harum vindiciarū autorem non esse, vel pugnantly loqui, & sibimet contradicere <sup>4</sup>. Alter Bruti error in eo est quod putet rectè colligi Pares Rege superiores esse, eò quòd Rex, dum inaugura-

Tag. 96.

<sup>2</sup> cap. 13. huius libri.

<sup>3</sup> cap. 14. Franc. cog.

<sup>4</sup> vide quod scripsi lib. 1. ca. 1.

tur,

tur, fidem illis, tanquam vniuerso regno, spondet: cum tamen id huic nullo modo sit consequens. Quandoquidem Rex, cum sit maritus Reipublicæ, & regni sibi concediti caput,<sup>1</sup> tantum abest vt fidem dando Paribus, aut toti populo simul congregato, & vicissim ab iis accipiendo, sese illis inferiorem faciat: vt planè contrà, dominum se atque rectorem omnium hoc ipso constituat: ad instar sponsi, cui fides data acceptaque imperium in puellam tribuit. Regem itaque non potest hac ratione Paribus inferiorem esse concludere, nisi & maritum vxori, & ducem militibus, & monachis Abbatem, & Canonicis Episcopum, & summum Pontificem Cardinalibus & omnino caput membris subiiciat.

<sup>1</sup> Luc. de Pen. ad l. quicumque nu. 8. c. de omni agro deser. lib. 11.

Quod autem confirmandæ sententiæ suæ argumentum profert, adeo infirmum & leue est, vt nullo negotio retundatur. Videmus, inquit, etiam hosce patritios inter Regem & subditos sæpe diiudicasse. Quid tum postea? Rex vult sibi ius dici ab omnibus Curis regni sui & quotidie inter eum & priuatos controuersia per eius procuratorem in iudiciis agitantur: an Rex idcirco Curis subiicitur? nugæ. Quicquid potestatis habet Curia, id totum à Rege habet, vt paulo antè ostendimus. Instat tamen Brutus, & potestatis huius Parium siue patritiorum praxim nobis exemplo proponit. adeo quidem, inquit, vt cum Carolus VI. in Ducem Britannia sententiam ferre vellet, obstarent illi, dicerentque, non Regis. sed Parium esse eiusmodi iudicium, quorum auctoritati nihil derogare possit. Suspectum mihi valde est hoc exemplum, & vellem aliquem laudasset authorem: quod cum non faciat, commenti sui coniecturam nobis præbet. Nam ego in contrarium habeo scriptores luculentos, qui iudicium hoc de regulo Britannia in consilio Regis coëptum & terminatum fuisse, atque sententiam pro Clifsono Conestabulo in Ducem, à Regis Cancellario latam, nullo Parium nec repugnante nec contradicente, tradunt. Guaguinus enim de eo sic scribit<sup>2</sup>. In communi Regis consilio causam agi, & prudentum sententia eam definiri, Clifsonus acquieuit. Acta causa est, ab utraque parte, magno certamine: Demum dicente ius Cancellario, Dux arces rupis Ariana, & Ioselini cum tota ablata inde suppellectili, Clifsono restituit damnatu est centum millium francorum pœna adiecta. Author verò operis quod inscribitur. la mer des histoires & chroniques de France, de ea controuersia sic scribit. Et semblablement Clif-

<sup>2</sup> lib. 9. in vita Caroli VI.

1 Car il insistoit  
 toujours à pro-  
 uoquer le Bre-  
 ton de leuer le  
 gage du duel  
 qu'il auoit ietté  
 en la presence du  
 Roy, pour com-  
 battre en champ  
 de bataille.

son fust d'accord que le parties ouyes le Roy en son conseil luy fist ius-  
 tice & raison, & fust fort à esmouuoir & se consentir à ce<sup>1</sup>, non  
 obstant que aultre chose ne pouuoit il requirer raisonnablement.  
 Et l'autre cause si estoit, car il auoit sciu, que le Roy, à la requeste  
 desditz deux seigneurs ses oncles, auoit touz pardonné, en tant que  
 luy touchoit, l'effence & le cas commis par le Duc, & en auoit eu  
 remission: & apperceuoit qu'il n'en auoit que son interest ciuil. Si  
 vindrent en la presence du Roy & de son conseil, & fist proposer  
 Clisson les excez que le Duc luy auoit faits, en la forme, qu'il estoit  
 pour le Duc bien deshonorable, dessus declaree. Par le conseil du  
 Duc fust defendu en proposant excusations plus tendant à doller  
 sa fault que autrement. Et les parties ouyes fust appointé & dit par  
 le Chancelier, que le Roy les auoit ouyes, & qu'il feroit tout ce  
 qu'il appartiendroit par raison: Et fust le conseil par plusieurs & di-  
 uerses fois assemblé tant en la pr. sence du Roy que autrement. Et  
 finablement jüst la sentence pronceee par le Chancellier, par la-  
 quelle le Duc de Bretagne fust condanné à liurer les places de la  
 Roche d'Arien, de Ioffelin, & autres meubles dedans lesdictes pla-  
 ces: & en faisant du criminel ciuil. fust cōdanné en cent mil frācs.  
 Et par ce moien fust la paix faicte entre le Duc & le sire de Clisson,  
 laquelle ne dura gueres. Id est, Assensus est tandem Clissonus,  
 vt Rex vtraque parte audita ins de iniuria sibi illata in con-  
 silio diceret: quod tamen vt admitteret ægrè adductus est,  
 2 quamquam aliud non poterat iure postulare. Mouit &  
 Clissonum alia causa, acceperat enim certò Regem, inter-  
 uentu & rogatu suorum patruelium (Burgundiæ nimirum  
 & Borboniæ Ducum) omnem Britoni culpam, quantum  
 ad Maiestatis offensionem pertinebat, condonasse: vnde  
 se nihil aliud, nisi quod sua ciuilitè intererat, habiturum  
 perspexit. Ambo itaque se Regi in consilio sistunt  
 ibi ex parte Clissoni proponebantur iniuriæ à Duce fa-  
 ctæ, & ita exaggerabantur, vt in Ducis ignominiam  
 valde redundarent. Ille contrà per suos aduocatos ex-  
 cusionibus vsus est, quæ ad pœnitentiam & culpæ de-  
 precationem, quàm facti defensionem, magis accede-  
 bant. Auditis omnibus, Cancellarius respondit Regem eos  
 audisse, facturumque quod ratio postularet. Inde consili-  
 um de ea re sapius habitum, tam præsentè quàm absente  
 Rege: tandem Cancellarius sententiam pronunciauit, qua  
 Dux Britanniæ condemnatus fuit restituere Clissono ar-  
 ces Rupis Ariane & Ioffelini, & omnem quæ in iis erat, sup-  
 pellectilem: & criminali iudicio in ciuile commutato, cen-  
 tum

2 quia scilicet  
 pugna & mono-  
 machia litem di-  
 rimi cupiebat, ad  
 quam sæpe Bri-  
 tonem coram  
 Rege, proiecto  
 in terram duelli  
 pignore, prouo-  
 cauerat.

tum millia francorum pœnæ nomine persolvere: Atque ira inter Ducem & Clifsonum facta pax est nō multum duratura.

Rex igitur, si his authoribus fides; inter Britonē & Clifsonum iudicavit. Quod si ita est, & ut ille dicit, obstabant Pares, ac sūm illud non Regis iudicium esse dicebant; apparet profectō non iure eos restitisse: magnumque adeo hac ratione præiudicium in perpetuum factum est ei iurī quod prætendebant, cūm Rex nihilominus de sententiā optimatum & consiliariorum, neglecta seu potius reiecta illa Parium interpellatione, suum illud iudicium esse, ordine iudicii atque exitu comprobavit. Itaque tantū abest ut hoc exemplo Parium iuri patrocinetur, aut Regis in subditos minuat potestatem, ut illud graviter lædat, & hanc confirmet plurimū:

*Cetera quibus Brutus Francicam Monarchiam impetit dissolvuntur. Regia rescripta à Senatu examinari quomodo accipiendum. Regem posse reum mortis absolvere, testimoniis & exemplis contra Brutum probatur.*

## CAPUT XVIII.

**C**Ætera quibus Monarchiam Francicam impugnas; leviora sunt. Nam quod scribis <sup>1.</sup>

† Pag. 98. & pag. 129.

*literæ Regis nisi à secretario regni subscribantur & rescriptæ nisi à Cancellario (qui cancellandi potestatem habet) obsignentur, nullam auctoritatem habent,*  
vix dignum responsione est: propterea quod, ut suprà de Curia auctoritate diximus, quicquid isti potestatis habent, à Rege proficiscitur. Itaque non alia de causa literis quidem ille subscribit, nisi ut testetur eas à Rege profectas esse: hic verò rescripta obsignare aliquando recusat, non ut Regis voluntati resistat, vel regie clementiæ & largitatis censorem & moderatorem se præbeat: sed ut pro potestate sibi à Rege concessa, tanquam summus Regis officarius, caueat ne quod rescriptum eliciatur ab occupato gravioribus negociis Rege vel non satis attento, per obreptionem supplicantium, aut inuerecundam & importunam petentium inhiationē, qua plerumque ita cōstringitur Princeps (ut aiunt Imp̃p.<sup>2</sup>) ut etiam non concedenda concedat. Quod igitur in ea re facit Cancellarius;

z l. i. C. de pet. bon. subli. l. 10.



quando examinata & patefacta fraude cancellat rescriptū, id Rex fieri velle creditur, qui fraudis admonitus idem fecisset<sup>1</sup>, vel omnino postulationi non concessisset.

<sup>1</sup> C. si contrarius  
vel vtil. publ.

<sup>2</sup> Pag. 128. & seq.

Simili planè responso refellitur quod alibi<sup>2</sup> de Regionum diplomatum examinatione à Senatu fieri solita, oppidò calumniosè & intemperanter confingis. Nunquam enim Senatus in Regis diplomata inquit, vt regiae clementiae aut seueritati modum adhibeat, quemadmodum tu falsò definis: sed vt ex antecedentibus, consequentibus, aliisque facti circumstantiis, cum narratione reorum & Regis diplomate absolutorio collatis, an ea Regis voluntas sit exquirat. Fieri enim potest vt scriptum, à Rege signatum, producat: sed fraude elicium, sed importunitate extortum: sed ignoratione concessum, aut alio quopiam vitio laborans, quod si Rex scisset, non vtique indulgisset reo. Hæc & similia rectè examinant Senatores, quibus ab ipso Rege talis potestas data est, mandatumque nec ei rescripto pareant, quod quid legibus repugnans continet: sed Regem ignoracione lapsum existiment, eoque rem illam adiuris communis normam exigant: vt olim Antiochus III.<sup>3</sup> & Tiberius Cæsar<sup>4</sup> rescripserunt. Hæc nimirum regalis sapientiae prouisio est, vt proborum hominum & pro Republica nauiter sudantium opera vtatur: qui quoniam ad hoc à Rege constituti sunt, vt eius ministri sint, legumque custodes, nihil illis antiquius esse debet, quàm vt sollicitè & solerter perquirant quæ Regis in rescripto vel diplomate voluntas fuerit: ne vel, Rege non iubente, à lege recedant: vel eo gratiam criminis alicui faciente, legis seueritatem exequantur. Hæc Senatui causa est inquirendi in Regis diplomata, & codicillos veniales, quos vocas; non autem illa, quam tu ad inuidiam & cōtemptum regiae Maiestatis, contra omnem diuini & humani iuris rationem, fraudulenter excogitasti: vt scilicet modum Regis seueritatis & clementiae statuant.

Sed quia nullus in istis vindiciis locus est, qui rebellem spiritum, & insigniter mendacem, proiectæque audaciæ & perfrixtæ frontis impostorem magis redoleat, transcribam quod scribis de hac re, quanquam tuæ me pudet impudentiæ. Ais igitur<sup>5</sup>. *An non verò sortè, quia vitæ causa fauorabilior est, quos lex damnauit, absoluerè saltem Rex poterit? Nihilò sanè magis. At quia interdum ea accidere possunt, in quibus lex muta, lege loquente: legis ratio Regis oratione, quasi interprete,*

*opus*

<sup>3</sup> Plut. in Apophtheg.

<sup>4</sup> Niceph. lib. 1. cap. 17.

<sup>5</sup> Pag. 126. & seq.

opus habet, licebit Regi, ne summum ius summa iniuria fiat, adhibita in consilium ratione, quæ legis anima est, legem interpretari. Ne tamen perturbatio vlla sedem rationis occupet, inconsultis sapientibus nihil planè definitum putabit. Hoc modo homicidam quidem seuerè punit: ei tamen indulgebit, qui excussa è manibus securi, transeuntem fortè aliquem occiderit. Grassatorem morte multabit: qui grassatorem, vim vi repellendo interfecerit, absoluet. Itaque ut Regi, tanquam custodi legis, verba interpretari interdum liceat: ita & Senatui, in omnibus regnis bene constitutis, iniunctum est & ex officio conuenit, tum interpretationem Regis examinare, tum etiam eiusdem seueritati clementiæue modum adhibere. Quod si verò hominum corruptelâ factum est, ut hac minus re ipsâ obseruentur: idem tamen perpetuò ius est, quod in libertatem vindicari oportet. Ne plura exempla in re manifesta accumulemus, in Francico regno ita obseruatum fuit. Quos enim Rex absoluerat capite plecti, & quos occisos voluerat, absolui sæpe vidimus. Interdum etiam scelera, teste Rege commissa, impunita fuerunt, quia plures testes non succurrebant: quod sub Henrico II. in cuiusdam extranei, grauissimi criminis à Rege ipso accusati, persona accidit. Cum quis verò reus amicorum precibus veniam à Rege impetrauit, Cancellarius, causa cognita, recusare potest. Sin & hic conuiet, ad iudices nihilominus veniat oportet: qui quidem non modo an obreptitia venia sit, sed etiam an ciuilis & legitima, diligenter examinare debent. Reus verò qui codicillos illos veniales impetrauit, non prius iis uti & niti potest, quàm sese coram iudicibus stiterit, capite aperto, genibus flexis, carceresque ultro subierit, interim dum causa, qua Regem impulerunt, pensantur. Ha si minus idoneæ sunt, multatur reus, perinde ac si Rex non condonarit. Si contrà: est sanè quod non Regi, sed legi, eiusque aequitati vitam acceptam ferat.

Hæc tua sunt, & his similia, figmenta & incantamenta, quibus imperitæ multitudinis aures & animos, in suam ipsius Regumque perniciem, velut magico carmine effascinas: quæ tamen ex tam apertis & manifestis mendaciis constant, ut mirum sit inueniri quosdam, usu rerum & eruditione non nihil præstantes, qui talibus imposturis aures accommodent. Quid enim falsius, quid impudentius dici potest, quàm quod scribis, Regem non posse absolvere quos lex damnarit? Contrarium enim, non de factò solum (ut loquuntur) sed etiam de iure, obseruatum perpetuò fuisse in omnibus regnis bene constitutis, historiæ

tam sacræ quàm profanæ perspicuè demonstrant. Quid enim? Abiatharo sacerdoti Maiestatis reo, an non ignouit Salomon, & quem legis sententia morte multandum iudicauit, regia clementia legum pœnis absolutum dimisit? *Equidem vir mortis es, inquit 1, sed hodie te nō interficiam, quia portasti arcam Domini coram David patre meo. Vade in Anathoth ad agrum tuum.* Hinc D Augustinus 2. *Iudicibus statutum est, ne liceat in reum datam, sententiam reuocare. Nunquid & ipse Imperator sub hac erit lege? nam ipsi soli licet reuocare sententiam, & reum mortis absoluerit & ipsi ignoscere.* Et Theodericus apud Cassiodorum 3. *fas est Principi maculosas notas viri atque opinionis abstergere.*

Possum facile ex omni memoria & monumentis populorum, qui Regibus & Monarchis vsquam paruerunt, innumera huius rei documenta proferre, quibus ostenditur, Principem, pro potestate imperii, gratiam delicti quantumuis magni reus facere; & legitimè condemnatos legum pœnis posse eximere, sed eum in re perspicua laborem inutilem plane & superuacaneum esse arbitror. Etenim profectò hæc facultas ignoscendi iure condemnatis, vsque adeo cohaeret cum monarchico imperio, vt etiam Dictatura apud Romanos, quæ nihil aliud nisi semestris Monarchia fuit, id potestatis annexum habuerit: quod illustri, præter cætera, exemplo in L. Papyrii dictatura emicuit. Is enim Q. Fabium magistrum equitum capitis condemnatum (quod contra disciplinam militarem, dictatore verante & absente, ausus esset cum hostibus signa conferre) Tribunus pleb. populoque iram deprecantibus condonauit. *Tum dictator silentio facto. Bene habet, inquit, Quirites, vicit disciplina militaris: vicit imperii maiestas: qua in discrimine fuerunt, an vlla post hanc diem essent. non noxa eximitur.* Q. Fabius, qui contra edictum imperatoris pugnavit: sed noxa dampnatus donatur populo Romano: donatur tribunitia potestati, precarium, non iussu auxilium ferenti. *Vive Q. Fabi, felicior hoc consensu ciuitatis ad tuendum te, quàm qua paulo ante exultabas victoria: vive id facinus ausus, cuius tibi ne parens quidem, si eodem loco fuisset, quo L. Papyrius, veniam dedisset.* 4.

At istam Principes potestatem vsurparunt dicis, non iure delatam acceperunt. Imò verò iuris authores atque interpretes omnes, eam Principibus sine vlla controuersia, iisque solis, iure optimo competere, tam firmo atque vnanimi consensu tradiderunt, vt necesse sit fateamur vel il-

los

1 Reg. 3. cap. 2.

2 lib. de fat.

3 lib. 3. Variar. cap. 46.

4 Liu. lib. 8.

5 I. relegati. 4. in

fi. l. Diui fratres.

27. &amp; l. ad bestias

31. D. de pœn. to-

to tit. de sent.

passis. D. &amp; C.

los omnes errare, vel te mirum in modum delirare atque delipere, qui contrariam sententiam astruis. Itaque inter legitimas defensiones illa numeratur, qua reus condonatum tibi à Principe crimen esse proponit. Quia, ut vno omnes ore affirmant <sup>1</sup>. *Summus Princeps potest pœnas delictorū delinquentibus remittere & indulgere: & potest omnes pœnas remittere, tam corporales quam pecuniarias, etiam per sententiam & condemnationem inflictas, etiam si talis sententia in rem iudicatam transierit.* Hinc Baldus dicit <sup>2</sup>, Principem in eo honorari, quod apud eum omnis pœna est arbitraria, idque in Gallia obseruatum esse inter omnes constat. adeo ut Regis ignoscentia etiam domino feudi præiudicet, ad quem damnati bona propter delictum peruenissent, si ex Regis indulgentia culpæ veniam non impetrasset <sup>3</sup>. Quid opus est multis? sententia planè falsa, reprehensione tantum, nō refutatione indiget.

<sup>1</sup> vide Iul. Clar. §. fi. Pract. Crim. q. 9 & Ant. Pe-regin. li. 5. de iur. fide. tit. 2.

<sup>2</sup> in l. cunctos populos. col. 8. C. de summa Trin. & fid.

<sup>3</sup> Papon lib. 24. tit. ult. de Areff.

*Quæ sit Parliamentorum in Regia diplomata inquisitio. Reges sponte aliquando se legibus subiicere. Resoluta Bruti capiti ex antiqua Gallorum regnandi consuetudine. Inter Principatum & Regnum differentia.*

## C A P. XIX.

**P**ARIMPUDENTIA in eo est quod scribis, Senatus partes esse Regis interpretationem examinare, & eiusdem severitati vel clementiæ modum adhibere. Nam quamquam (ut modo diximus) Senatus officium est, regia rescripta, & diplomata examinare ad Regis voluntatem intelligendam; ne velle eum quod nolit falsò existimet. Nunquam tamen ab hominum memoria auditum est in regnis benè ordinatis, legis interpretationem à Rege factam, à Senatu reiectam vel correctam fuisse: ut neque de eius clementia in condonandis suppliciis, vel rigore in puniendis, detractum quicquam vel remissum, ubi Regis semel voluntatem Senatus certò intellexit. quippe talis senatoria potestas regni naturæ prorsus repugnaret, nec cū eo consistere vlllo modo posset: sed aliam induceret regiminis speciē, ut est à nobis superioribus libris satis superque demonstratū. An nescis illud Constantini Magni ad Bassum Præfectū vrbis rescriptū? *Inter aequitatem usq; interpositam interpretationē nobis solis & oportet & licet inspicere* <sup>4</sup>. aut iniquum & tyrannum.

<sup>4</sup> l. r. ca. de legi. vide quæ scripsimus sup. li. 2. cit. ca. fir.



nicum esse arbitraris? aut non Regibus & Monarchis cæteris æquè ac Imperatoribus convenire iudicas? ludis Brute, ludis. Nam quos tu dicis à Rege absolutos fuisse & capite tamen plexos, iure vera non erant à Rege absoluti, sed subreptitio tantùm diplomate liberati; quos propterea Senatus, detecta fraude, ut nullo modo absolutos, meritò supplicii debitis destinavit. & contra, si quos fortè Rex errore facti deceptus iudicibus puniendos mandavit, iudices, comperta innocentia, liberos atque absolutos demiserunt, de Regis sententia & voluntate id factum esse creditur, qui illos eo animo iudicibus tradidit, ut secundum leges iudicarent. Hæc igitur si quando contingunt, Regis auctoritatem nullo modo minuunt, imò confirmant plurimùm: quod utrobique secundum eius voluntatem absolutio damnatioque contingat. Nam id semper velle præsumitur, quod iuris rationi congruit, atque uti potius ordinaria quàm absoluta potestate, nisi contrarium manifestè constet <sup>1</sup>.

Iam verò quod de criminibus Rege teste commissis adfers, id nihil ad tuam perniciosam opinionem proficit. Ita enim à Regibus lege lata constitutum est, ne vnus testimonium in vlla causa admittatur <sup>2</sup>, eam si ipsimet Reges legē observare volunt, quid tum postea? *deceat tanta maiestati, eas servare leges, quibus ipse solutus esse videtur* <sup>3</sup>. maximè verò in hac re, quia hominis iudicium, Dei iudicium esse dicitur <sup>4</sup>. At neque Christus in seculari iudicio, ream sine accusatore & testibus cōdemnare voluit, quamvis cerò scisset eam deliquisse: neque etiam Deus quemquam spiritali sententia, sine accusatore & teste, condemnabit. Non mirum igitur si Reges à Deo constituti ut sint ministri regni eius, Dei modum in iudicando, quantum quidem per humanā imbecillitatem consequi possunt, piè & inviolatè custodiant: præsertim Reges tales, quales permulti in Gallia extitisse memorantur, inter quos ille fuit, vnde exemplū sumpisti, Henricus II. quem subditi omnes ita amanter & studiosè observabant, ut eius nomen quod erat, *Henry de Valois*, per anagrammatismum mutarint in illud, *Roy de nul hayé*, id est, *Rex nulli inuisus*. Fecit igitur Rex ille quod facere debuit, qui (ut olim excellentissimus vir Q. Scævola) ita de mun suo testimonio credi voluit, si alii inveniuntur qui idem asseuerassent: quique (ut Africanus posterior) accusatoris, testis, & iudicis partes in reum agere noluit <sup>6</sup>. Quod itaque asseris reū cui Rex ignovit, non Regi, sed Legi, eiusque æqui-

<sup>1</sup> Bald. & alii in l. ex facto. D. de vulg. & pupill. & in l. omnes populi D. de iust. & iur. & in ca. licet. de off. ord.

<sup>2</sup> l. iur. iurandi C. de test.

<sup>3</sup> l. ex imperfecto 23. D. de leg.

<sup>4</sup> l. ex imperfecto c. de testam.

<sup>5</sup> Deut. cap. i.

<sup>6</sup> Ioan. cap. 8.

<sup>6</sup> Val. Max. li. 4. cap. i.

æquitati salutē acceptam ferre debere: id te nō summā solū impudentiæ, sed extremæ etiam dementiæ hominem conuincit tum q̄ vbi aliquis mero iure & communi legis auxilio satis iuuatur, nihil Regis venia & extraordinario remedio indiget: tū etiā quia quos lex damnauit, Rex absoluerē potest, vt certissimis suprà testimoniis probatū est.

Vides nunc, Brute, quā nequiter in Reges Galliæ insultes: & contra fidem historiæ, rerumque gestarum exempla, florentissimi regni fundamenta conuellas: vt in perniciem subditorum ex regno Reipublicam, si non potius ex Monarchia Anarchiam, tibi si auscultetur, magno totius orbis malo efficias. Doleo equidem ita te intemperanter ingenio abuti tuo, vt omnem tibi à Natura largitam rationis & orationis facultatem, odio Regum & Reip. ad calumnias & mendacia conuertas: quasi id tibi solū negotiū datum sit populo vt imponas.

Quod si subtilitas in maleficiis laudanda sit, magnatu quidem laude dignus es, qui mendacia ex mendaciis pendere, & quasi consequi se mutuo, tam subtiliter facis, vt veri speciem præ se ferre videantur. Nam licet quæ ad Regis Francorum maiestatem minuendam cōfinxisti planè falsa sint, tamen ea tanto artificio cōcinnas, vt ex antiquis Gallorum institutis manasse ad Francos, & ab iis iugi obseruatione retenta, pari impostura coneris persuadere.

*Nimirum habebant fortè hoc à Gallis Franci, inquis <sup>1</sup>, authore <sup>1</sup> Pag. 100. Casare libro quin: o de bello Gallico. Fatetur enim Ambiorix Rex Eburonum ea fuisse tum Regum Gallia imperia, vt nō minus populus riè conuocatus in Regem, quā Rex in populum, auctoritatis haberet. Quod etiam in Vercingetorige apparet, qui coram populi cœtu causam suam agit.*

At mentitum fuisse Ambiorigē partim sui excusandi, partim hostis circumueniendi causa, ipsius rei status atque exitus comprobauit: itaque quod ille finxit dolosè, tu pro vero hic assumis mendosè. Quod autem ad Vercingetorigem attinet, non erat ille quidem Rex constitutus super omnes populos, quibus in suspicionem prodicionis venerat, tantū belli gerendi dux ab iis delectus fuit, & imperium ei ad id bellum administrandum datum: Rex verò Aruernorum tantummodo ab sua factione appellatus est, idque non legitimo modo, & concordii ciuium voluntate, sed per vim & scelus, vt ex eisdem Cæsaris commentariis li. 2 li. 7. de bello

1 Ibidem.

2 Arist. li. 3. cap.  
10. polit.3 li. 1. diuin. In-  
Bit. cap. 13.

4 li. 1. cap. 16.

5 li. 1. de Repub.  
cap. 18.6 li. 1. de Repub.  
cap. 8.

aliud erat quàm obtinere regnum, siue Regem esse. *Celtillus* eiusdem Vercingetorigis pater, *Principatum Gallia totius obtinuerat*, inquit Cæsar <sup>1</sup>, & ob eam causam quod regnum appetebat, ab ciuitate erat interfectus. Quod autem Vercingetorigi non fuerit Rex, sed tantùm imperator ad id bellum gerendum lectus, ex contentione inter eum & Æduos ab eodem Cæsare relata manifestè patet <sup>2</sup>: Agamemnō, belli ad Troiam gerēdi causa Græcorum omnium Princeps & Dux factus est, in quos, cùm ad prælium exirent, vitæ & necis potestatem habebat: licet alioqui in concionibus redargui, reprehendi, & cohiberi sæpe solitus sit: quod non Regem eum, sed belli ducem super se constituisset. Longè igitur aliud regnum est, aliud principatus. Itaque Lactantius Firmianus de Vrano & Saturno loquens <sup>3</sup>, de quibus contentio est inter priscos authores, vter prior summum in terris imperium habuerit. *Nō magna dissensio*, inquit, *siquidem maximorum authorum de filio, ac patre, dubitatio est: sed tamen vtrumque fieri potest, ut & primus Vranus eminere inter ceteros potentia cœperit, & Principatum habere non regnum*. Postea Saturnus maiores sibi opes comparauerit, ac regium nomē asciuerit. Eodē pertinet quod Krantzius in V Vandalicis scribit <sup>4</sup>. Boemos vbi aliquandiu sub ducibus & annuis magistratib. vixissent, tandem sibi Regem asciuisse. *Zethus*, inquit, *ordinato regno, primus in gente dominatus libera potestate, cùm alii vel annui, vel menstrui, vel ad bella essent duces, & mox* <sup>5</sup>. *Iam Regem habuere Boemi, iam legitimo illis iure imperabat vir non postremi ingenii, &c.* In Scotia similiter, Anglia, Dania, aliisque nationibus, apud quas imperia verè regia vigent, parem Regum libertatem videre licet, cuius rei insigne, sed triste nobis documentum reliquit Henricus VIII. Anglus, qui si non tanta potestate à Deo populoque sibi concessa, fuisset abusus, ac leges pro arbitrio tulisset, vestris, Brute, hominibus, Hæreticis inquam, nullus ibi locus patuisset. Quod autem de regnis Hispaniæ & Iusticia Arragonica scribis, id iam pridem Bodinus ita doctè & eleganter diluit <sup>6</sup>, vt nostra hic refutatione non sit opus,

*Detectus Bruti animus, cuius scopus Anarchia est, eicū reliquis Hæreticis communis. Lutheri in Principes maledicta funestum & acre rusticorum bellum excitasse: tale quid moliri Brutum, atque inibi alia de Hæreticorum malitia.*

## CAPVT. XX.

**I**N Bruti errores de regno Franciæ confutandos eo diutius incubui, quod regnum illud ipse, eiusque sequaces, pulchrè & sapienter, cæterisque omnibus rectius constitutum esse fateantur: ac proinde cum iam conitet Regis ibi imperium summum & liberrimum esse, abque eo pendere quicquid vsquam potestatis & iurisdictionis in toto regno exercetur: non potest non iniurius videri aliarum nationum imperiis, qui hanc illis Regum libertatem inducet, sine qua nec Rex, nec regnum propriè dici possit. Ad reliquas nunc igitur huius populorum præstigiatoris fallacias refellendas pergamus: quæ ut superioribus sunt leuiiores ita tenuioribus indiciis facilius detegentur. Sed vna tamen præ cæteris insignis est, & digna quæ plena manu tractetur: ex ea enim lector Bruti consilium, & quod animo facinus mediteretur agnoscer. Ait itaque<sup>1</sup>.

Pag. 106.

*Si populus Romanus Imperatores suos noxa dedit, qui ad Furtas Caudinas indecorè cū hostibus pepigerant, coacti licet, & in summas angustias redacti, nec ea se pactione ullatenus teneri iudicauit: an non multo minus tenebitur populus id iugum pati, quod non vi sed ultrò, non mortis metu sed lucri cupidine, aut si qui excutere debebant, imposuerint, aut qui poterant tolerarint.*

Videbatur initio Brutus infinitam & immoderatam Regum libertatem velle tantummodo cohibere, non autem suum optimatibus ius auferre; quorum legitimam potentiam vsque adeo extollit, ut eos regni Ephoros, & regalis imperii consortes, Rege ipso superiores, appelleret: ob eamque causam videtur illis qui cum non attentè legunt summa voluntatis inclinatione in Aristocratiam propendere, eoque nomine magnam ab ambiosis hominibus gratiam consequitur (qui sub specie reuocandi in ordinem Reges suos, re vera autem affectati regni cupiditate, seditionis & defectionis duces sese populo præbent) quod suam illius patrocinio causam satis defensum ac protectum iri existimât. Sed longè alius Bruto scopus: non ei regnū, non Aristocratia, non Democratia curæ est: Anarchiā amat & optat, quod in ea nullus libertati & libidini terminus sit, sed infinita utique & impunita licentia: eoque ut nos cautè & pedetentim ducat, regnum primò in Aristocratiam mox hanc in popularem dominationem commutandi consilium tribuit: sed tanto tamen artificio, ut neutrius ius lædere,



lædere, neutriue iniuriam facere se velle simulet, quo deinde progressurus sit vbi è regno in Rempublic. peruenierit, non obscurum arbitror iis esse qui furibunda Hæreticorū ingenia paulò sagacius odorantur, quorum princeps & parens Lutherus Euangelii sui initium, talibus stratagematis longè lateque propagauit: tantumque oris sui perulantia & infamibus iniuriis in Cæsare, & Reges, ac Principes alios iactis effecit, vt ingens ille in Germania rusticorum cōtra dominos tumultus exciretur, qui plebeiorum hominū circiter cētum millium cede expiatus est, quos omnes perditus ille apostata suis incantamentis velut Circæis poculis infatuauit. Nam Principum autoritatem aded vilem & contemnendam, multis maledictis & iniurijs nominib. apud imperitam multitudinem reddidit: vt se talibus subiici nec æquum, nec vtile esse iudicarent. Quod si rustici illi, vt victi erant, vicissent: non dubium quin nouus iste Euangelii restaurator, se statim ad nefariam illam societatem, quam verbis pepererat, factis & opere adiunxisset: atque ingentem de Principibus & tota Nobilitate triumphū egisset moxque anarchiam, & communionem rerum multis encomiis celebrasset. Sed quia spem suam frustratam sensit, consilium ex tempore & euentu rerum cepit, atque à Principibus se stare simulans, huius rebellionis rusticorū vindicandæ, cuius ipsemet autor erat, acerrimum se suaforem præbuit: idque tanta immanitate, quantam vix credibile est in Scythico, nedum Christiano pectore latitare: adeo ille versutus in omnes partes, & mirum in modum impudens erat <sup>1</sup>. Lutherum in hoc sequuti sunt posterius omnes, licet in multis aliis vehementer ab eo dissentiant, in iis hic noster est, qui, cuiuscunque tandem sectæ fuerit, magnum illum magistrum vestigijs directè & dextrè in virulentis istis Vindicijs cōsequitur. Lutherus enim, vt Reges & Principes per ora ciuium traduceret, dicebat eos esse vel perditissimos nebulones, vel præcipuos moriones <sup>2</sup>: stolidos præterea, insanos, fatuos, furiosos, ipsoque Turca decies peiores, & id genus aliis quæcunque ad summam ignominiam excogitari poterant nominibus appellabat <sup>3</sup>. Eosdem Brutus ( ne nihil ad magistrum de suo addidisse videatur ) Homunciones, seruos Reipublicæ & multitudinis, nihil à priuatis impunitate differentes, esse, tradit <sup>4</sup>. Sed & nobiles ac primarios viros, quorum vicaria fide Reges in varijs regni negotiis & Republica administranda

Vide Surium  
ab anni 1523. ini-  
tio vsque ad  
1546.

lib. de seculari  
potest.

Contra duo  
mandata Cæsa-  
ris.

4. Pag. 123. &  
124. & 126. &  
130.

nistranda

nistranda ut solent, canina sua facundia nequiter & calumniosè allatrat. Ait. n. eos nihil esse, nisi Regum assentatores & illusores populi, imò nihil nisi larvas, & velut antiqua in tragœdiis paludamenta, quorum prævaricatione & ignavia factum esse dicit, ut Reges eam, qua hodie insolent, licentiam, quadam quasi longi temporis præscriptione vsuceperint: proinde non debere id populus præiudicare, quo minus ipsi se in libertatem vindicent<sup>1</sup>.

Pag. 102

Quæso per Deum quid istiusmodi sermonibus, vel ad invidiam huius ordinis acerbius, vel ad seditiones concitandas vehementius dici aut excogitari possit? An non pravi & perversi animi in Bruto testimoniū locuples nobis præbent? Ex iis certè perspicuum est, eum non in Reges tantum, & Monarchas styllum acuisse, sed in omnes omnino quid dignitate & potestate aliqua præditi sunt: eoq; conatus suos omnes parasse, ut credulæ & incōstanti multitudini persuadeat eam prorsus liberam esse, & nullius ductu atque imperio regendam, nisi quatenus, & quamdiu ipsa voluerit: ac proinde nullo iuris vinculo teneri illis, præmissis stare, quæ eius nomine Optimates in concilio publico, vel alias Regi quoquo modo faciunt: penes eam ius totum esse ferendi, firmadi, frangendique fœdera & promissa omnia, prout è re sua esse arbitretur. Quo consilio nihil turbulētius, nihil pestilentius & magis exitiosum societati humanæ ab ipsomet Diabolo, nedum ab homine, hominibus proponi potuit, eo enim admissio quid superest nisi ut regnorum omnium, & aristocratiarum fundamenta protinus conuellantur? quandoquidem certum est intemperantes plebeiorum hominum animos, tam fera & effrenata libertate luxuriantes, nullum sibi modum daturus: neque ad summam in Deum, & Magistratus omnes, insolentiam aliquid omisuros. Sed & ipsamet etiam Democratia, quam regno velit succedere, tabifica huius morbi contagione vehementer laborabit: & tandem infecta penitus & confecta insolentis libertatis intemperie, velut corpus aliquod graue, luxatis membris concidet, atque in meram Anarchiam dissoluetur. Hæc illa Bruti est præclara doctrina, scilicet, præclara, inquam, Reipublicæ forma, quam suis hisce Vindiciis stabilire conatur: quæ si ullam apud homines gratiam inuenerit, motus longè maiores per totum orbem metuendi sunt, quàm vnquam illi fuerunt, ex Germanorum rusticorum seditione concitati. Perierūt in il-

in illo tumultu centum circiter milia plebis; at centies cē-  
tena milia peribunt, si Bruto auscultetur. Nam proculdu-  
bio maior pars populi, vbi hac debita sibi libertatis opi-  
nione fuerit imbuta, atque eiusdem potiunde spe accensa,  
nullo se discrimini non committet, vt ius suum vel ab in-  
iuris exprimat, vel ā volentibus consequatur. Et contra  
Magnates, qui plurimum vulgo elatiores animos gerunt,  
neutiquam permittent se de statu & ordine suo deiici, quin  
potius extrema quæquē pati, ac se non esse multo malint,  
quā in tantas tamque ignominiosas calamitates & mi-  
serias (vt ipsis videtur) incidere. Illi igitur, quoniā ad eam,  
quam spe deuorant, libertatem, nisi his protrititis & con-  
culcatis, penetrare non possunt: necesse habebunt ferro  
statim & flamma viam sibi aperire. Et hi similiter quod in  
se periculum intendi sciunt, non segnius conabuntur præ-  
sidiis aduersus tot hostes domesticos se munire, atque adi-  
tus omnes præcludere, per quos in sua castra perrūpi pos-  
sit: Denique & arte & armis decernere, quibuscunque di-  
gnitatem suā tueri poterunt: quō fiet, vt has discordias  
bella cruenta & plusquam ciuilia, bellorumque funesti  
& miserabiles exitus consequantur. Mirabitur fortē po-  
steritas (ad quam, vt spero, Bruti libellus luce & lectione  
indignus non perueniet) Christianum, ac sani cerebri ho-  
minem, eō audaciā prorupisse, vt ausit tam ardentes dis-  
cordiarum & seditionum scintillas, ne dicam faces & flā-  
mas, in populum dispergere. Sed mirari desinet, vbi Luthe-  
ri Caluiniq; consilium agnouerit; quorum alterutrius  
discipulum esse hunc Reip. incendiarium, ex propriis eius  
scriptis, nō obscureprehenditur: cuius rei lectorem su-  
prā commonui<sup>1</sup>. Nam cum Hæretici mortifera sectæ suæ  
dogmata proponere & propagare vnicē studeant: eaque li-  
berius, & sine legum iudiciorumque metu, in mediis sedi-  
tionibus, & turbata Repub. disseminari posse sciant: nihil  
non machinantur, quo Principes populosque inter se cō-  
mitti posse putant: vt his vtrinque arma tractantibus, atq;  
in tetto & periculoso bello administrando occupatis, illis  
idonea grassandi in omnium animas, & venenatū suæ hæ-  
reseos mucronem in penitissimis cordium recessibus figē-  
di opportunitas tribuatur:

lib. 3. cap. 1.

*Brutum tum metu Numinis, tum moris Maiorum obseruan-  
tia plebem solvere, quo facilius omnia in Anarchiam reci-  
dant.*

*dant. Eius de populi & Optimatum auctoritate inconstans iudicium: de Rebellio & rebellii causis fuitiles & pernicio-sa sententia.*

## CAPVT XXI.

**S**ed ne quis fortè arbitretur me Bruto aliquid per calu-  
mniã affingere: en aliqua eius libri loca annotabo, qui-  
bus istam, quam ei ascripsimus, doctrinam, non obscu-  
rè & dissimulanter, sed apertè planeque complexus est: id-  
que cùm facit nonnulla, à vero non abhorrentia tractatui  
suo sparsim inferit, atque immiscec ita vt verã illa ex falsis  
principiis ab eo positis, vel hæc ex illis oriri & pendere le-  
ctoribus incautis & ineruditis videantur. Sed ego id ei vix  
vitio vertam, siquidem ex artis suæ præscripto facit. Hære-  
ticis enim omnibus antiquum est & solene, fraudes & fal-  
lacias suas verarum sententiarum permissione condire. Ita-  
que quod de meretricibus olim Iurisperiti<sup>1</sup>, id paucis  
commutatis, in istos non ineptè conueniet. *turpiter eos fa-  
cere quòd sunt Hæretici, sed non turpiter imposturis mendaciisque  
viti, cum sint Hæretici.* Est enim hæresis prostitutio quædam  
spiritualis, quæ quot animas occupat, tot facit esse prosti-  
bulas. Sed hoc ageretur alio loco: ad institutũ reuertor. Ait i-  
gitur<sup>2</sup>.

Dices verò fortasse. Tu mihi Patritios, Optimates, regni officiari-  
os narras. Ego verò contra, nil præter larvas, & antiqua tanquã  
in iragædiis paludameta video: antiqua verò libertatis & aucto-  
ritatis vix vlla usquam vestigia cerno. Denique plerosque palã sua  
curare, Regibus assentari, populo illudere videas: vix usquam qui  
populi cuiuscerat i misereatur, in dum qui misero opem ferat, inue-  
nire possis. Quod si qui verò eo animo aut sunt aut esse putantur,  
rebelles & perduelles iudicantur, exulant, ac tantum non victum  
queritare coguntur. Quid? ita res se habet. Tant a se ferè semper, & v-  
biq; locorum fuisse videtur aut Regum audacia, aut Optimatum  
partim præuaticatio, partim ingravia, vt Reges quidem eam, quã  
hodie plerique inolescunt, licentiam quadam quasi longi temporis  
præscriptione, vñcepisse: Populi verò auctoritatem suam aut ta-  
citè cessisse, aut non viendo amisisse videantur. Nihilominus tamẽ  
aduersus populum neque præscriptio, neque præuaticatio ista quid-  
quam facit. Vulgatũ est, nullam fisco præscriptionem nocere, mul-  
to verò minus populo vniuerso, qui Rege potior est cuiusque gratia  
Princeps id priuilegium habet, &c.

Consiste paululum lector, & dolos ad circumscribendũ  
populũ, maiore impudentia quã artificioso confutos, mecu  
dili-

<sup>1</sup> Labeo Mar-  
cellus, Vlpianus  
l. 4. §. 2. D. de cõ-  
dem. ob turp.  
caus.

<sup>2</sup> Pag. 103



diligentius perpende. Cum enim duæ potissimum res sint, quæ multitudinem arctioribus vinculis in officio retineant, ei quæ magnam aduersus Principes suos obseruantiam & reuerentiam ingenerent: metus scilicet Numinis, mosque Maiorum: Brutus eam sua sententia, vtriusque obligationis nexu soluit liberamque dimittit. Nam quod ad legis diuinæ præceptum attinet, quo *omnis anima sublimioribus potestatibus subdita esse iubetur, non solum propter iram, sed etiam propter conscientiam*, id hac ratione eludit, quod populi, quam Regis celsiorem & sublimiorem esse dignitatem potestatemque contendat: idque in suis vindictis pro certo ac solido totius doctrinæ suæ fundamento nobis obtrudat: atque Apostolum eo loco, non magistratum aut populi officium describere, sed tantum singulorum Christianorum, ob eamque causam ipsi etiam Neroni obediendum esse docere<sup>1</sup>: quibus consequens est, alia similiter omnia de Rege honorando præcepta, ad singulos tantum de populo non ad ipsum populum aut maiores magistratus pertinere, quæ sententia, quamuis tota planè falsa sit & futilis, ac non nisi meris mendaciis & captiosis rationibus nixa (vt est à nobis iam satis superque demonstratum) tamen quosdam adeò leues & inconsideratos inuenit, vt illo interpretationis fucō metum omnem sibi abstergant, qui ex religiosa mandatorum Dei obseruatione, mentibus hominum in hoc negotio incuti solet. Alterum verò impedimentum, quod ex inueterata regnorum consuetudine, & patrio cuiusque gentis more natum animaduertit, ea fraude hic remouet, quæ serpentinum cum prima muliere congressum, colloquiumque, in memoriam mihi reducit: quasi Brutus in cœtu populari multitudinem interrogaret: cur patimini Reges vestros tanta in vos libertate dominari: cur iis immensam hanc licentiam vestra auctoritate non præciditis? Cur non efficitis vt in ordinem redeant, & communi ciuium iure, legibus subiiciantur? hisque respondentibus id se ideo tentare non ausos, quòd populus ab ipso regni primordio in Regum ditionem concesserit, inque eos suum omne imperium & potestatem contulerit: ista mox, quæ superius hoc capite retulimus aliaque in eam sententiam subiiceret. Nequaquam scilicet rem ita se habere, vt illa arbitratur: esse hunc errorem imperitæ multitudinis ius suum ignorantis, in quo versari eā diutius non oporteat. Reges liberiores istam, qua hodie fruun-

fruuntur, licentiam, non populi concessu accepisse, sed vel sua audacia, vel *Optimatum partim prauaricatione, partim ingnauia, quadam quasi longi temporis prescriptione vsutepisse*: eamque rem populo fraudi esse non debere, nec villo modo præiudicare: quippe in quo summa semper potestas, atque imperium residet, cui nullo tempore, quantumuis diuturno, præscribi possit. Ac ne quis ei reponeret, nihil nunc populo ad pristinam auctoritatem imperiumque recuperandum, iuris reliquum esse: quoniam per suos optimates, qui (vt dictum iam sæpius) populum vniuersum repræsentant, potestatem omnem suam in Reges transtulit, vnde immensa hæc illis libertas obuenerit. Statim it obuiam illi obiectioni, asseritque non populi voluntate, sed optimatū perfidia id factum esse, quorum inita cum Regib. conspiratio, coniuratioque, ius populi mutare vel minuire non potest: ideoq; Magnates legum pœnis, vt prauaricatores, esse subiiciendos, quod populi causam prodiderint: populum verò nihilo magis iure suo cecidisse, ac proinde nō teneri id iugum pati, quod Optimates perfidis pactationibus, & collusioni cum Regibus facta, ei imposuerunt. Ita enim ille.

*Quid si Optimates ipsi cum Principe collusere, &c.*

mox respondet <sup>1</sup>. *Non potest sanè ista quasi Magnatum in da-* Pag. 106.  
*mmum necemque populi inita conspiratio quidquam eius iuri detrahere. Verùm & illi in pœnam legis, quæ in prauaricatores lata est, incident & his ac si res omnino integra esset, & patronum alium eligere, & ius suum denuo persequi lex permetteret.* quibus addit, quod ante retulimus. Etenim si populus Romanus imperatores suos noxa dedit, qui ad Furcas Caudinas indecorè cum hostibus pepigerant, coacti licet & in summas angustias redacti, nec ea se pactatione vllatenus teneri iudicauit: an non multo minus tenebitur populus id iugum pati, quod non vi, sed ultro, non mortis metu, sed lucri cupidine, aut si, qui excutere debebāt, imposuerint, aut qui poterant tolerarint.

En vt apertè his locis, & sine vlla circuitione loquitur, atque imperium populi supra Reges & Magnates omnes ita extollere & stabilire conatur, vt solius multitudinis arbitrio iudicium de ipsoꝝ innocentia, deque fortunis & capite fiat; in quo ipsa sola, & accusatoris, & testis, & iudicis, partes obibit. Sed idem tamen postea, vt hominem ridiculè inconstantem agnoscas, hanc tam immitem in Optimates legem, seu studio permulcendi nobilitatem, quam contumeliosa hac sententia offenderat, seu vulgi impo-

gentes animos cohibendi gratia, seu immemoria lapsus, aliave de causa, nouo decreto suo refixit. Nam ubi multa ficta & commentitia vndique corrasit; eaque per fallaces & captiosas confectiones, ad Regem de liberissimo & amplissimo vitæ suæ statu deiciendum, veri quadam specie adumbravit: tandem ad finem tractatus sui iterum de iure populi percontatur, & querit num singulis vindicandi Rempublicam à tyrannide ius falque sit (singulorum autem nomine quin ipsum sine Optimatibus populum intelligat, dubium non est: id enim subiecta ad questionem responsio perspicue demonstrat) Respondet autem,

*minimè verò, sed eorum qui vniuersos in regno, regione, urbeve, qua regni partem faciat, representant (qui sunt Optimates, ut ipse milies iam fassus est) iussum expectent oportet, aut vnius saltem ex illis, antequam aduersus Principem quidquam moliantur, idque ducto à similitudine argumento confirmat. Etenim ut pupillus, inquit, non nisi tutore auctore, actionem intendere potest, & si pupillus quidem dominus verè est, tutor verò pro domino tantum, quantum ad pupillarem providentiâ attinet, habetur, ita neque populus, nisi his auctoribus in quos suam auctoritatem & potestatem transtulit siue ii ordinarii magistratus sint, siue in conuentu publico extra ordinem creati: quos, inquam, gladio suo in eam rem accinxit, quibus se regendum, curandumque tradidit: qui denique non secus ac prator ille Roma, qui inter seruos & dominos ius dicebat, eo loco verè constituti sunt, ut si qua lis inter Regem & subditos oboriatur, iudices & vindices se præstent, ne ipsi subditi in sua ipsorum causa sententiam pronuncient. Itaque si vectigalia & tributa iniqua imperari, si qua contra pacta in ve fraudem fieri videantur, nec tamen optimatum ullus reclamet, aut repugnet, conquiescendum sibi putent. & paulò post, Si manifesta tyrannide faueant Optimates ipsi, aut saltem non repugnent: recordentur, reliqui de populo, propter peccata populi, Deo permittente, regnare hypocritas: qui nisi se ad Deum ipsi ex corde conuertant, nullis machinis euertere possint. Itaque non pedibus, non manibus, sed genibus flexis opus esse. Denique malos Principes ferant, meliores optent: & non secus ac grandinem, alluviones tempestates, ceterasque naturales calamitates, tyrannidem illam sibi a quo animo ferendam, aut sedes mutandas putent. & mox. At si Optimates omnes, aut plerique, aut unus saltem aliquis manifestam tyrannidem coercere, aut magistratus ab ea regni parte, quæ sibi commissæ fuerit, arcere conetur, & ita quidem, ut is sit, qui eius expellenda prætextu aliam non inue-*

*hat:*

bat: tum sanè, tanquam agmine factò, certatim ad delectum concurrant, obnixè pedibus manibusque opem ferant, ac tanquam Deus ipse calitus signum pugna aduersus tyrannos dederit, Rem-pub. regnumque à tyrannide vindicare conentur. Etenim ut populum per tyrannos, ita & tyrannos per populum puni & casti-gat Deus.

Quo teneam vultus mutantem Protea nodos? quid enim hoc homine inconstantius, quem modò consilii pœnitet, modò pœnitentiæ ipsius? Omnem initio potestatem tri-buit populo tam in Regem quàm in Optimates <sup>1</sup>. Postea <sup>1</sup> pag. 103. & 105. verò eandem illi potestatem aufert, atque in ipsos iterum transfert Magnates <sup>2</sup>: nihilque tentandum populo censeat, <sup>2</sup> pag. 210. 211. & etiam in manifesta tyrannide, si Optimates cum Rege con-<sup>212.</sup> spirant. Postremo, ut ademptam multitudini superiore sententia libertatem, ei iterum restituat, facilemque se di-tiosis hominibus viam sternat ad defectiones & rebellia, concludit <sup>3</sup> sat populo esse, si vnus magistratus, cæteris si- <sup>3</sup> pag. 212. & 213; lentibus & coniuuentibus, aut etiam repugnantibus, se Re-gis tyrannidi opponat, ad hoc ut omnes, *tanquam agmine factò, certatim ad delectum concurrant &c.* Effecit profectò Brutus postrema hac sententia, ne sicut populus aliquid sibi ademptū queratur: & ne Reges vel Optimates, in quo-rum perniciem hoc opus conscripsit, vilo potestatis suæ cominodo frui, vllaque imperii securitate gaudere, nisi ad multitudinis arbitrium possint. Quippe nullum regnum tam exiguis finibus conclusum est, ut non in eo factiosus aut ambitiosus aliquis magistratus reperiatur, qui se facile præconem, imò principem, ac ducem secessionis populo in Regem inenso præbeat. Itaque nihil illis obstat vn-quam, quo minus Principem suum, & cum eo primores omnes, vnus turbulenti hominis ductu atq; imperio, in igno-miniosam seruitutē dedant. Cautio autem quæ adhibet, ita demum sc. vnus magistratus iussu omnibus ad arma con-currendum, si is sit, qui tyrannidis *expellenda prætenu aliam nō inuehat*, ridicula planè est & superuacanea: nam & vulgū ipsum eius rei arbitriū facit, qui plurimū corruptè iudi-cat: & cōditionē adeò incertā apponit, ut nihil supra: Quā-doquidē res nulla inter mortales reperitur, quæ hominē a-quæ cuncta simulare & dissimulare omnesq; animi affecti-ones vitiosas cōprimere & occultare ad tēpus faciat, ac ipsa ambitio, ut difficile, imò impossibile sit, præserire an is qui ad arma vocat suo potius quā populi cōmodo moueatur.



ut est à nobis libro primo multis & autoritatibus & exemplis abundè demonstratum. Quapropter temerarii & inconsiderati hominis est, ac Principem simul & populū furibunda audacia perdere conantis, suadere ut populus certatim, iubente vno ex Optimatibus, arma capiat, atque in Regem & reliquos Optimates omnes hostiliter inuadat: ac rupto denique illo patientiæ & concordiæ vinculo, propter quod ferendam tyrannidem esse monuit cum omnes à Rege Optimates stant, cuncta seditionibus & bellis intestinis ac domesticis, ad vnius magistratus nutum compleat. Sed mirum est Brutum non animaduertisse quàm acriter & euidenter ipse secum in huius rei definitione pugnet, & non solum non cohærentia inter se dicat, sed maximè disiuncta atque contraria. Si enim populo licet in optimates suos, qui seruitutis iugum à Rege impositum aut tolerarunt aut non repulerunt, pœnis præuicatorum animaduerrere; vel eos noxæ dedere, ut olim populus Romanus duces suos, qui exercitum ad saltus Caudinos interceptū, sub iugum traduci patiebantur; cur non similiter ei licebit eosdem Optimates manifestæ tyrannidi fauentes de ordine atque officio suo deiicere, & tanquam sceleris tyranni socios ac participes, eiusdem quibus ipsum tyrannum, armis & artibus persequi perdereque? cur non se sine illis Magnatibus in libertatem vindicare? cur omnium eorum, aut vnius saltem, iussum expectare teneatur, antequam collū manifestæ tyrannidis iugo subtrahat; aut aliquid contra Principem moliat? Vel si nihil, nisi Optimatibus istis autoribus, iubentibusque, populus aduersus Principem moliri debet; qui fieri potest ut eorundem Optimatum cum Principe conspiratio non detrahat quidquam iuri & libertati populi? Et, si dum omnes Optimates manifestæ tyrannidi fauent, aut saltem non repugnant, populus quiescere tenetur, ac tyrannidem illam æquo animo ferendam, aut sedes mutandas putare: qua ratione concludetur eum posse, spreto atque reiectis Optimatibus qui in aperta Principis tyrannide conuiuent, alios tuendæ libertati patronos asciscere? An non adeo pugnantes hæ sunt discordesque sententiæ, ut altera posita atque concessa, alteram tolli necesse sit. Nam quod locis & lineis in illo libello distent, id syllabarum, non sententiarum, controuersias dirimit: nec tam mentē in deprehendēdo & iudicando contrariè scripta, quàm memoriā in retinendo perturbat præpeditque.

Videat, nūc igitur Cono Superantius quisquis est, qui præfationem de Bruti laudibus, & eius Vindictiarum constanti certa ac perfecta doctrina contexuit, quàm miserè in eo legendo fallatur, vel quàm turpiter cum eo deliret. Nihil enim inconstantius, nihil incertius aut obscurius, quàm de totius quæstionis & controuersia capite ac summa, nunc hoc, nunc illud, contrariè statuere; atque ita quidem statuere, vt quam ex contrariis sententiis velit obtinere, non apertè definiat, sed dicendi quodam artificio inuoluat, quasi aut neutram aut vtramque sensisse videatur.

*Brutina iuris inscitia. Dilutum ex Romana historia argumentum. Eius in ambiguitate verbi, Imperator, calliditas. De populi insurrectione ductu Magnatis alicuius, quam proponit, exagitata & reprehensive sententia.*

## CAPVT XXII.

**H**Æc cum ita se habeant, reliquum est vt vitia elêchorum, quibus vtitur hic author in locis ex illo in superioribus caput translatis, cursim strictimque aperiam. Primum igitur quod scribit,

*Reges eam, qua hodie pleriq; insciscunt, licentiam, quadam quasi longi temporis præscriptione, vñcepisse: partim per suam ipsorum audaciam, partim per præuaricationem & ignauiam optimatum. Id, etsi non omnibus videatur, splendidum vtrique mendacium est: quandoquidem satis constat inter omnes, qui in historiis & veri inuestigatione versantur, Regibus initid concessum à populis fuisse, vt solutissima & liberrima potestate in subditos fruerentur: cuius rei si quis certam & indubitatam sibi fidem fieri postulet, is, ne actum nunc agam, permulta in superioribus libris passim inueniet quæ ad eam rem satis sunt. Deinde quod pro certo iuris axiomate profert, nullam fisco præscriptionem nocere. id quoque magna ex parte falsum est. Nam & actiones tam in rem, quàm in personam, atque etiam hypothecaria fisco competentes, triginta vel quadraginta annorum curriculo perinde extinguuntur, ac si essent priuatorum & ipsa Regalia, soli Principi & fisco reseruata, amittuntur præscriptione temporis, cuius initii non extat memoria<sup>2</sup>. Quinetiam præscriptioni locum esse tradunt aduersus supremam dominationem Imperatoris, si Reges & Respublicæ, per tempus memoriam hominum excedens, eum non*

<sup>1</sup> gl. in §. res fisci. Instit. de vlucap. & ibi Fabe. Angel. & alii. Bart. Iud. l. in omnib. D. de diuersi t. p. præscrip. Bal. & Salic. ad l. i. C. de quadr. præsc. <sup>2</sup> DD. ad tit. quæ sunt regalia. li. 2. feud. Chassan de glor. mundi in §. parte.

Bart. in l. hostes  
D. de cap. & post.  
teuerf. Bal. in l. r.  
ru. 22. & 25. C. de  
seruit. & in l. r. C.  
de rei domini-  
ca. Felin. in cap.  
cum non liceat.  
de p. scrip.

agnouerit superiorem : vt inde potius argumentum con-  
tra Brutum rectè aliquis ducat: cum Reges multis nunc se-  
culis, non vt subditos, sed vt solutos & superiores populo se-  
gesserint.

Rursus quod ab exemplo authoritat'is populi Romani  
argumentum trahit, id nulla ratione cõcludit. Nam quod  
populus ille suos belli duces, qui ignominiosæ pacis cum  
Samnitibus ad Caudium authores erant, noxæ damnari  
dederitque id iure suo fecit: quippe popularis tunc rei Ro-  
manæ status erat, ita vt in populo imperii potestas omnis  
resideret: cuius iniussu neque Consules, neque Tribuni, aut  
ylli alii magistratus vrbanî vel militares, fœdus aliquod fe-  
rire, bellumve indicere poterant. At nobis de Regno &  
Monarchia sermo est, in quibus populus imperium & ius  
omne suum a se abdicauit atque in Principem transtulit: ita  
vt omnis imperii exors sit, ac proinde ius nullum anim-  
aduertendi neque in Optimates vniuersè, neque in singu-  
los, Rege id totum sibi vindicante, habeat. Quod igitur  
Brutus ex democratico illo Romanæ Reipublicæ statu ad  
regalis imperii vim extenuandam adducit, id inscitè qui-  
dem facit. & perinde ac si dixeris. Si populus in democratiâ  
liber magistratibus à se & infra se constitutis multam di-  
cere, atque omnem abrogare authoritatem potest, vt o-  
lim post exactos Reges populus Romanus: An non in Re-  
gno similiter populus imperio exutus eandem aduersus  
Reges & alios magistratus supra se positos potestatem ex-  
ercere poterit? hæc autem vitiosa nimis & inscitâ atque ab-  
surda collectio est: plus enim quam manifestum est, nihil  
efficacitatis habere argumentum à populi liberi potesta-  
te, ad populum sub regalis imperii iugo scepti & que degen-  
tem.

Sed & illud non insubtiliter facilioris fallaciæ causa  
scripsisse videretur, *Si populus Romanus Imperatores suos* nimi-  
rum vtrvno lectorem verbo caperet. propterea quod no-  
mē illud Imperatoris, dignitatem nunc maximam, & sum-  
mi imperii Principem designat: quasi hac ratione colligi  
possit populi in Reges ius esse, cum populus Romanus in  
Imperatores suos liberrima potestate dominatus sit: Sed  
captio est in verbo. Imperatores enim stante Republica  
dicebantur ii, quos populus belli duces exercitibus præfi-  
ciebat: qui ipsi, & exercitus omnes, in populi erant pote-  
state. Inter illos igitur, & posteriorum seculorum Impe-  
rato-

Fatores ac Reges, nulla proportio comparatioque æqualis reperitur.

Præterea statuere ut vnus magistratus, vnâve regni ciuitas, cæteris omnib. nec consentientib. nec conniuentibus, imò contradicentibus, Regis se imperio subducere, & eum bello persequi possit, non solum iuris disciplinæ repugnat, quæ ciuitates singulas, in comparatione & respectu totius Reipublicæ, priuatorum loco habet †, & neutiquam per-  
 mittit, ut vnus ex pluribus eiusdem dignitatis sociis, inuicis  
 cæteris, aliquid innouet. quæ ratione vnus Tribunorum  
 intercessio reliquorum omnium in re noua introducenda conatus irritos & inanes faciebat. Sed naturali etiam  
 æquitari, atque adeo communibus regni commodis. &  
 publicæ tranquillitati aduersatur, quæ nunquam non assiduus rebellis euerterentur, si & cuilibet Magistratum fas  
 esset multitudinem cogere, atque armare in Principem insolita atque tyrannica imperantem: & ipsa multitudo necessitate constringeretur ad eiusmodi Magistratus vocem, tanquam ad Dei ipsius classicum canentis, concurrere, ut author hic falsè nititur nobis persuadere. Accidit enim frequenter ut satius sit manifestam tyrannidem ipsosque Tyrannos, certè Reges tyrannicis moribus inquinatos, tolerare, (etiam si daremus eos iure tolli posse) quàm commouere ad rebellionem subditos, & totum ubique regnum intestinis ac domesticis odiis, bellisque ciuilibus comple-  
 re. Quod cum ita sit, quid quæso miserius & Reipublicæ perniciosius, quàm tantarum rerum discrimen ac delectum, non sapientum consiliis, non Optumatum sententiis, non populi suffragiis, sed vnus perditæ hominis, temerarii, inquam ac seditiosi magistratus arbitrio, secundum Bruti sententiam, velle committere? ut populus scilicet ad apertam, sed tolerabilem tyrannidem vindicandam, in inolestias & calamitates intollerabiles, vnus ambitiosus vel fanatici, imò phrenetici hominis, nec summum in eos imperium habentis, iussu se præceps coniciat. Postrema denique impostura in eo est, quod rationis loco adscribit.

l. eum qui ve-  
 stigal. 16. D. de  
 verb. sig.

*Etenim ut populum per Tyrannos, ita & Tyrannos per populum punit & castigat Deus:*

quasi verò aut iuste faciant Tyranni, quos Deus patitur in populum peruersum & legis diuinæ negligentiores seuire: aut populus, quem furens & fatalis imperus in Principis



& Superioris sui necem propriæ iniuriæ vindicandæ ergo concitat. Scitum est quod suprâ diximus, *malum nodū malo cuneo findendum*. Vtrique igitur peccant grauiter : illi quidem quod iure suo abutuntur, & supra modum proteſtæ ac crudeliter imperant, eoſque tantarum iniuriarum reos ſua ipſorum conſcientia, & ſolos quidem & nudos, ad inflexibilis Iudicis tribunal tandem aliquando conſtituet: hi verò quod contra omnem iuris rationem, & ratum humanarum rerum ordinem, ſubditi in ſuperiores & diuina atque humana lege inuiolabiles magiſtratus cum ferro inuadunt. Non itaque, ſi Deus punit & caſtigat Tyrannos per populum, continuò ſequitur populo in Tyrannos ius eſſe (quod Brutus hic probandum ſuſcepit) tantum id ſequitur, variis Deum modis, malos è medio tollere, & inimicorum ſuorum alios per alios vlcifci: alioqui eadem ratiocinandi formula concludetur priuato cuique licere peruerſos Reges trucidare, quando quidem per priuatos aliquando, & infimæ ſortis homines, Deus malis Regibus mortem offert.

*Reges propriè legumlatores eſſe : Bruti de ea re mendacia perſtringuntur. Ab eius calumnia vindicati aulici, Regum in condemnando & ignoſcendo poteſtas & facultas ſolutiſſima.*

## C A P. XXIII.

**L**ongum eſſet, minimeque neceſſariū, cæteras omnes huius viri ineptias perſequi, quas partim mendaciis partim conſequutionum fallaciis, velut phaleris quibusdam, ornat & ordinat: complures tamen in tranſcurſu attingam.

*Regibus id præcipuè muneris commendatum ait<sup>1</sup>, vt legum custodes, miniſtri & conſeruatores eſſent: & inferiùs paulò<sup>2</sup>, leges in regni incolas, vita neciſq; poteſtatem habere, non Reges, qui legum tantum miniſtri & custodes ſunt.*

Cur non addidit, & legumlatores, quod præcipuum & maximè proprium Regis officium eſt? certè id ſingularia Regum munia explicantem præteriſſe non oportuit. Sed nimirum cauſæ ſuæ iugulum proprietas illa vehementer premebat, quando quidem neque legiſlationem neque interpretationem Regibus concedit. Id igitur aſtutè reticuit, quia cauſæ ſuæ tantopere aduerſatur, vt ei verbo *lumbos fractos eſſe velit*. At meminiſſe debuit proditorem veritatis.

ratis esse, non solum qui mendacium dicit, sed etiam qui veritatem vafre & malitiosè occultat <sup>1</sup>. Itaque illud Caracallæ dictum, ut tyrannicum, reprehendit <sup>2</sup>. *Imperatores leges dare, non accipere*: quo tamen nec iustius quicquam, nec magis regium dici potest, dummodo non perperam intelligatur: & si quidem deterius nihil dixisset aut fecisset Bassianus ille Caracalla, eū Papinianus legalis doctrinæ thesaurus non excusasset modo, sed laudasset. Nam vera Imperatoris est leges populo dare, non à populo accipere, ut conpluribus euidentissimis argumentis atque exemplis passim his libris demonstratum est. Sed Bruti mendacia persequamur.

*Ne verò legi vim facerent, inquit, Optimates, de quibus antea subinde Regibus à populo adiuncti fuerunt.*

Et hoc merum quoque mendacium est. Satis enim constat inter omnes, qui gentium nationumque historias regnorum initia & progressus non oscitanter perscrutati sunt, Optimates, quos noster iste passim regni officarios nominat, non Regibus à populo datos, sed à Regibus ipsis sponte sua in consilium fuisse ascitos, ut scilicet eorum vicaria in regno gubernando fide & opera vterentur, ut inquam epi in maximis curis, quæ regno plurimum iunctæ sunt, haberent sibi ope consilio adiutores. Romulus enim distributa in ordines multitudine, compositoque totius Reipublicæ statu, consiliarios de Patribus sibi delegit, ut haberet quorum consilio Rempublicam administraret, quorum vni præcipuam rerum urbanarum curam commisit, quoties ipse exercitum foras ducebat. <sup>3</sup> *ὁ δὲ Ρώμῳ*

*λϙ*, inquit Dion. Halicarnassæus <sup>4</sup> *ἐπὶ δὲ τοῖς διεκόσμοις, βουλευτὴς ὁρῶς ἐγνωκασθῆναι μεθ' ὧν πράττειν τὰ κοινὰ ἔμελλε, ἐν τῷ πατρικίῳ αὐδρας ἔχοντ' ἐπιλεξιμῶν*. In Scotia verò per nouem Reges ducentis circiter annis regnatum fuit, sine vlla consilij publici mentione: ac tandem Finnanus Rex decimus legem tulit, populo nihil tale aut rogante aut expectante, ne publica regni negotia sine procerum consultatione & consilio tractarentur <sup>5</sup>. Hanc igitur necessitatem Rex ipse sibi imposuit, non à populo obtrusam pertulit, non ex conuentione & cōtractu accepit: ob eamque causam nec ipse, nec eius posterī, illa lege ita astringebantur, ut ipsis liberum non esset ab ea recedere: est enim generali definitione proditum, neminem eam sibi legem dicere posse, à qua recedere ei non liceat <sup>6</sup>, & successorem

<sup>1</sup> Can. quisquis.  
Can. Nolite. xi.  
quæst. iiii.  
<sup>2</sup> Pag. 119.

lib. 2. antiq.

<sup>4</sup> Hector Boethius in hist. Scot.

<sup>5</sup> l. si quis. 22. D.  
de leg. 3.

cap. innotuit.  
20. de elect. cap.  
licet. de spons.  
duor.

lib. 2. sup.

Pag. 176.

4 Psalm. 81.  
o in Ezech. cap.  
44.

Exod. 22.

6 Exod. 7.

in dignitate decessoris sui legibus non alligari <sup>1</sup>. Sed illud  
Bruti quàm ridiculum? *ne legi vim facerent*. quasi verò qui  
legis ferendæ arbitrium habet, is legi vim inferre, nisi  
*καταρρηξαι* dicatur, cùm ei, quod sine legis diuinæ præ-  
iudicio fiat, legem civilem, vbi libuerit abrogare liceat, vt  
satis superque probatum est <sup>2</sup>. Itaque melior magister B.  
Augustinus *Imperator*, inquit, *non est subiectus legibus, qui ha-*  
*bet in potestate alias leges ferre*. Sed Brutus tantam Regibus  
inuidet libertatem nec mirum, inuidet & honorem. Ita-  
que sibi temperare non potest, quin inuehatur in eos, qui  
Reges iis nominibus & titulis efferunt, quibus eos diuinæ  
& humanæ leges, legumque ipsarum sancti interpretes  
summa consensione ornarunt.

*Valeant ergo*, inquit, <sup>3</sup> *aulicorum assentatorum impia nugari-*  
*ta, qui Reges numina, Regum responsa oracula vocant*.

Valeat ergo, vt impius nugax & nugator, Dauid, quia  
dixit, *Deus sterit in synagoga Deorum*: & rursus, *Ego dixi quia*  
*Dii estis* <sup>4</sup>. Deos appellans qui habent de hominibus iudicandi po-  
testatē, inquit D Hieronymus <sup>5</sup> quasi diceret Deus, vt scri-  
bit doctissimus Genebrardus ( *Ego vos dignatus sum mea ap-*  
*pellatione præ reliquis hominibus, ob officii dignitatem quo fungi-*  
*mini, vt non homines, sed Dii quidam terrestres esse videamini*.  
Valeat & Moyses vt impius assentator, qui omnes iudices  
Deus vocat <sup>6</sup>. *Si latet fur*, inquit, *dominus domus applicabit ur-*  
*ad deos, & iurabit quod non extenderit manum in rem proximi*  
*sui*. Quia Deus ipse nonne Moysi dixit, *Ecce constitui te Deū*  
*Pharaonis* <sup>6</sup>. Non sunt igitur assentatores aulici, qui Regi-  
bus ea tribuunt quæ ipsis iure diuino atque humano de-  
bentur. Sed calumniator Brutus, qui aulicis falsa crimina  
intendit, & vitio vertit, quod virtutitribuendum est. Quod  
autem præterea adiicit, eisdem.

*Non vereri Regibus suadere, nil per se iustum esse, sed vt Rex ita*  
*vel seus iusserit, iustum iniustumue fieri, quasi Deus ipse sit qui*  
*peccare nullo modo possit*.

Id quoque calumniam esse reor: quanquam si de indif-  
ferentibus (cuiusmodi multa in hominum societate repe-  
riuntur, quæ Græci *ἀδιάφοροι* vocant) aulici ita loquan-  
tur, recte quidem loquantur & sentiant. ea enim Rex ar-  
bitratu suo, vt iusta vel iniusta sint, legibus latis efficere  
potest <sup>7</sup>. In cæteris verò quæ vel sui natura, vel sacrarum  
legum præscripto, æqua iniquaue censentur, neque Reges  
Christianos verisimile est putare: eam sibi potestatem cō-  
petere,

vide sup. lib. 1.

petere, neque aulicos id illis conari persuadere: nisi forte perditissimus aliquis fuerit ne dicam Bruto similis, qui fas ac nefas iuxta aestimat.

Sequitur apud istū <sup>1</sup> *In omnib. regnis bene constitutis dicitur Regem à populo leges, quas tueatur, quasque intueatur, accipere.* 1 Pag. 119.

Ostendimus iam ante nihil hac assertionem falsius. Ipsa iura humana per Imperatores & Reges seculi, Deus distribuit generi humano, inquit Augustinus <sup>2</sup>, nec eam, quod 2 Can. 1. dist. 5. refutatione iam amplius egeat, huc retulimus: sed ut hominis imprudentiam, vel certè impudentiam, in ea comprobada redarguamus. Probat igitur exemplis hoc modo. *Hac exemplis demonstrari possunt, inquit, Antequam Rex esset in Israele Deus illi legem per Moysen præscripserat, tum sacramtū cuius, quam perpetuò ante oculos haberet. Vbi verò Saul electus est, & à populo constitutus, Samuel eam ipsi descriptam tradidit quā diligenter custodiat nec prius ceteri Reges, quam in ipsius v. b. iurati, recipiuntur.*

Næ Brutus illustre nobis exemplum profert, quo suum prodat dolum, non quò probet sententiam. Nam leges istæ ut hic fatetur, non à populo latæ erant, sed à Deo; nec has Saul cum inauguraretur accepit à populo, sed à Deo per eius Prophetam Samuelem, nullasque in ea re populi partes fuisse constat, nisi quod in Rege expetendo constituendoque consenserint. At quæ, precor consequentia? Saul initio principatus sui leges à Deo per prophetam accepit, ergo eas accepit à populo: si hoc non est ineptire, & imponere, aliis iudicandum relinquo, interim pergamus.

Alterum exemplum. *Reges Sparta, inquit, quos legitimos vocat Aristoteles, iureiurando singulis mensibus renouari solito. Ephoris regni nomine stipulantibus, se iuxta leges patriæ à Lycurgolatas, regnatos iurabant.*

Huius exempli vim nullam esse tum ex eo patet, quod Lacedæmone diu ante Ephoros constitutos regnatum fuerit more regio, id est liberum: tum etiam quia Spartiata post Ephoros creatos, nec regnum habebant nec Regem, nisi nomine tenus: sed mixtum quoddam Reipublicæ genus ex Oligarchia, Monarchia & Democratia constans, ut in Politicis tradit Aristoteles <sup>3</sup>, & nos 3 li. 1. ca. 4. & li. 3. ca. 10. & 12. supra cōmonuimus <sup>4</sup>. ut inde quis facillè intelligat iusurandum illud, non iure regni introductum debitumque, 4 li. 2. & li. 3. ca. 5. sed,



sed Ephorum audacia (quorum magistratus teste Aristotele malè fuit institutus lib. 2. polit. cap. 7.) ab oppressis Regibus fuisse extortum,

Sequitur tertium, *Ægyptiorum Reges omnia agebant iuxta legum decreta, seque legibus parendo beatos fore profitebantur.* Rectè quidem, nihil enim Principes magis decet, quam legum suarum præcepta seruare. At illud hic non est in questione, nec probandum suscipitur, sed hoc tantum Reges non esse legumlatores, sed eas à populo accipere: hoc autem nulla ratione colligi potest ex eo quod ipsi legibus se submittant. licet enim, iure regni legibus soluti sint: tamen nihil tam proprium imperii est, quam legibus viuere <sup>1</sup>. Hoc igitur exemplum perinde ad Bruti institutū facit, ac si quis dum vult probare pisces extra aquam viuere posse, exemplum proferat de auibus quæ in aere volitant.

Quartum. *Romulus Romanum regnum instituens, cum senatu ita paciscitur, ut populus leges ferat, ipsa ne rumpantur prouideat, legumque custos habeatur.* & alibi <sup>2</sup>, *Consimiliter in regno Romanorum Romulus cum senatu & populo hoc pactum facit, Populus leges ferret, ipse Rex latas custodiret: bellum populus decerneret, ipse gereret.* Hoc exemplum momenti aliquid haberet, si verum esset, sed falsum cum sit, eo nos decipimur, non docemur. Et unde quæso hæc Bruto historia? ex Dionysii Halicarnassensis libro. 1. inquit, voluit fortè dicere. 2. nam libro primo nihil de Romanæ Reipublicæ ordinatione autor ille tractat. Ego certe Dionysium non raptim aut oscitanter perlegi nec tamen apud eum aliquid de pactis Romuli cum populo factis inuenio. Largitionem quandam Romuli video: beneficium eius in populum video: liberalitatem in senatum video: pactum non video: non video, inquam, pactum quale Brutus intelligit, id est vltro citroque conuentionem, seu stipulationem & confæderationem, ut ille loquitur. Nam quod ad pactum de non petendo attinet, quam donationem esse fateor, de eo hic nobis sermo non est. apud Halicarnassæum igitur hoc tantum habetur <sup>3</sup>. Romulum Reipublicæ Romanæ formam præscripsisse, honores & potestates in singulos ordines distribuisse, munia sibi quæ placuerant reseruasse, alia senatui piebique pro arbitrio commississe. Quæ omnia summæ & libertinæ regnandi potestatis, non autem minuti & coarctati imperii, argumenta & signa sunt certissima. Quid quod Corn. Tacitus (tertio Annal.) *Nobis Romulus*, inquit,

1. Princeps. D.  
de leg. 1. 3. C. de  
testam. l. ex im-  
perfecto. 23. de  
legat. 3.

2. Pag. 161.

lib. 2.

quit, *ut libitum, imperitauerat.* & Pomponius (l. 2. §. quod ad Magistratus D. de orig. iur.) *Quod ad magistratus attinet,* inquit, *initio ciuitatis huius constat Regis omnem potestatem habuisse & in eiusdem legis initio sic scribit, Postea aucta ad aliquem modum ciuitate, ipsum Romulum traditur populum in triginta partes diuississe: quas partes Curias appellauit propterea quod tunc Reipublica curam per sententias partium earum expediebat. Et ita leges quasdam & ipse curiatas ad populum tulit. tulerunt & sequentes Reges, quae omnes conscriptae extant in libro Sexti Papirii.* &c. Si non Regi sed populo leges ferendi potestas fuisset, nunquid hoc tactuisset Pomponius, qui iuris Romani originem & processum, de industria exponendū suscepit?

Denique Plutarchus in vita Romuli manifestè tradit, nullam planè neque Senatus neque populi auctoritatem & imperium eo regnante extitisse. *Senatores qui Patritii vocabantur,* inquit, *Reipublica gerenda participes non erant, nec aliquid nisi nomen & habitus honorificus illis supererat: ac pro more potius, quàm sententia dicenda causa in senatum cogebantur, ubi Regi imperanti auscultabant & postea recedebant hoc solo à plebe differentes, quod ipsi priores quae acta erant intelligebant.* Quid ad hæc Brutus? nunquid cum eius istis figmentis consistere possunt? Non eum talia docuit Halicarnassæus qualia illi ascribit. Audiet ab eo, si aures habet Regem præscribere, Regem disponere, Regem distribuere, Regem permittere, Regem committere: nihil ab eo extortum cernes, nihil pactis ademptum, nihil populi auctoritate ereptum: ut mirum sit Brutum in narratione tam perspicua caligare, vel nobis caliginem offundere. Nam quod præterea autor ille de suo tradit hanc scilicet Romani imperii formam ex laconica Republica fuisse desumptam, in qua Reges non fuierant arbitrii, ut quicquid vellent facerent: id homini peregrino, & Græco scriptori extra historiam differenti condonandum est, qui instituta Romanorum ad Græcorum consuetudinem & imitationem traducere passim nititur. Sed ut maximè concedamus Romulum ad instar Laconicæ Reipublicæ suam composuisse, tamen, nisi illi ipsi historię fidem abrogemus, necesse est fateamur populum, gratuito Romuli beneficio, legis ferendæ potestatem accepisse, non autem minis, metu, vel factionibus ullis ab eo expressisse. Huc accedit, quod primorum Regum Spartanorum liberimum fuerit arbitrium, nulla

neque multitudinis, neque senatus, neque Ephorum auctoritate coangustatum: donec Rex Eurition, seu nimia socordia emollicus, seu populari aura seductus, aliquid de summa & absoluta regi. dominatus potestate, contra quam debuit, ciuibus relaxauit: quæ mox indulgentia populum illum breui tam efferrum & insotentem reddidit, vt inde ad Lycurgum nulla nec Regum nec legum reuerentia & metu amplius tenerentur <sup>1</sup>, insignem mortalibus documentum, nullam posse legibus florere ciuitatem quæ summæ magistratus metum exiit. Sed ad Halicarnassensem redeo, is alibi perspicue demonstrat omnem constituendi & moderandi regni Romani potestatem penes Reges fuisse, cum de Seruio Tullio sic scribit <sup>2</sup>.

Plutarch. in  
vita Lycurgi.

l. 4. Antiq.

ὅς τῳ πάλιν ὅτι ἐκ ἐν μόνοις τέτρῃς τοῖς πολιτέμασι δημοκρὸς ὡν ἐδήλωσεν ἐν οἷς ἐδόκει τῷ πῶ βουλῆς ἐξουσίαν καὶ τῷ τῷ πατρικίῳ δυνατείαν ἱλατοῦν, ἀλλὰ καὶ ἐν οἷς τῷ βασιλικῷ δόχῳ ἐμίωσεν τῷ ἡμίσειαν τῆς ἐξουσίας αὐτὸς ἀφελόμενος. τῷ γὰρ πρὸ αὐτῶ βασιλείῳ ἀπάσας ἀξιουμάτων ἐφ' ἑαυτοῦ ἀγῶν τὰς δίκας, καὶ πάντε τι ἐγκλήματα τί τι ἴδιον καὶ τῷ κρινὰ πρὸς τῷ ἑαυτῷ τρόπον διακρίντων, οὐκ ἐν ὁ δὲ δὲ δὲ ἀπὸ τῷ ἰδιώτικῳ τῷ δημοσίῳ, τῷ μὲν τὸ κοινὸν φερόντων ἀδικημάτων αὐτὸς ἐπιείκοις τῷ ἀγνώσεις, τῷ δὲ ἰδιώτικῳ ἰδιώτικῳ ἐπέκεινται δίκας, ὅρῳ αὐτῶς καὶ κρινόμενος τὰς αὐτὸς ἐξαφ' ἐν νόμοις: id est, Tullius verò popularem se esse pra se ferebat, non solum in his Reipublica moderanda consiliis, quibus senatus auctoritatem & patritiorum potentiam imminuere videbatur: sed etiam quibus regum imperium deteriore conditione fecit, mediam ei potestatis partem detrahendo. Nam cum alii ante ipsum Reges iudicia omnia per se obire causasq; & controuersias omnes tam priuatas quàm publicas suo more iudicare, æquum dignum censuissent: ille publica à priuatis distinxit, & criminum quæ in Rempublicam committuntur penes se cognitionem retinuit: priuatorum autem priuatos iudices constituit, iisq; limites & regulas in iudicando legibus à se latus præscripsit.

Ecquid hoc testimonio clarius ad primorum Regū Romanorum summam & absolutam in omnes ordines & vniuersum populum potestatem declarandam, memorari vel scribi potest? Quicquid enim senatus, nobilitas, plebs, auctoritatis, dignitatis, potestatis habebat, id Regis beneficio qui ea omnia prout sibi visum erat, augendo, minuendo, mutando, vel abrogando moderabatur vt hic locus cū superioribus coniunctus locupletissimum regiæ libertatis apud Romanos testimonium nobis præbeat.

Quin.



Quintum de Theodosio iuniore exemplum, non magis ad rem pertinet quam illud Regum Ægyptiorum. Est certe digna vox maiestatis e regnantis, legibus allegatum se principem profiteri<sup>1</sup>. Interea tamen ita legibus solutus est, ut ad earum observationem inuitus adigi nequeat. Rectorem te posuerit, noli extolli, sed esto in aliis quasi unus ex illis<sup>2</sup>, leges itaque in Principem dominantur y directiua, non compulsiua, ut loquuntur interpretes. Reliqua huius rei exempla ab eo proposita, superius refutata sunt<sup>3</sup>.

Iam verò ex falsis principiis à se positis, duas falsas conclusiones infert<sup>4</sup>, quarum altera est, Principem non posse stringere gladium, nisi in eos quos legis vox damnaverit. Altera Principem non posse absolvere eum quem lex damnavit.

Posterioris falsitatem iam patefecimus<sup>5</sup>. Prioris verò mendacium vno Davidis facto refellitur: cuius iussu Amalecita, qui Saulcm se occidisse fassus est, nulla legis expectata sententia, illicò confoditur. Nec dici potest hunc propria confessione satis fuisse convictum, quasi legalis in ea re vox præcesserit. Nam quanquam in ciuilibus iudiciis confessi pro iudicatis habentur<sup>6</sup>: in criminalibus tamen, quæ capitis pœnam irrogant, ei rationi locus non est<sup>7</sup>. Fecit igitur hoc David regia autoritate, quæ ordinariis iudiciorum formulis non constringitur. Itaque iuris Ciuilis & Pontificii interpretes pro regula nobis tradunt. Principem in hoc privilegiari & honorari, quod non tenetur seruare ordinem iudicarium<sup>8</sup>: atque etiam in eo, quod omni apud eum pœna est arbitraria<sup>9</sup>: ipseque solus secundum conscientiam iudicare potest<sup>10</sup>: & augere vel minnere pœnam legibus statutam, etiam sine causa, quia eius voluntas habetur causa sufficiens<sup>11</sup>. quo pertinet illud D. Augustini iam sepius repetitum, Iudicibus statutum est, ne liceat in reum datam sententiam reuocare: Nunquid Imperator sub hac erit lege? nam ipsi soli licet reuocare sententiam, & reum mortis absolvere, & ipsi ignoscere<sup>12</sup>. Cum itaque Brutus dicat, Principem non posse absolvere, quem lex damnavit. S. verò Augustinus contra asserat eum posse, sintque hæc aientia & negantia, alterum hallucinari necesse est. At Augustinum & vitæ sanctitas, & sciētia Scripturarum, & legū cognitio, ab erroris suspicione liberant: Brutum verò quæ tueantur non video, præter Archididascali scilicet Lutheri proptanti defensionem, mille scilicet Augustinos, aut Cyprianos, nihil eum præ se ducere: errasse Papas, errasse Concilia, se autē errare non posse. Nā q̃ ad illam

1 l. digna vox. de leg.

2 Eccles. 32.

3 Hoc li. ca. 19. cum s. seq.

4 pag. 126.

5 su. hoc l. ca. 19.

6 l. 1. & passim. D. de confes. l. v. nic. C. eod.

7 l. 1. § Diuus & c.

8 si quis ultro D. de quæst. l. non tantum 6. D. de appell.

9 Jacobin. de S. Georgio in tract. feud. in ver. Princeps. Fe-

lin. in ca. in cau-

sis de re iud. & in c. ad petitionem de accus. Chassā.

in s. par. catal. glo. mundi n. 27.

9 Bald. in l. cum etos populos col. 8. C. de sum-

ma Tri.

10 Bart. in l. 1. C. vt quæ def. ad-

uoc. part. Barb. confil. 24. lib. 2.

Franc. Luca. in tra. de priuil.

fisc. priu. 39. Fel. in d. c. p. in cau-

sis.

11 Chassan. s. par. cat. glori. A.

47. & in conf. Burg. ti. des iusti-

ces. 9. s. in glo. & Parbitrage.

12 l. de factis



illam rationem attinet, quam ex causa constituendorum Regum depromis, nullius ponderis & momenti est.

*Reges, nimirū, utilitatis publica causa constitutos fuisse: ac proinde non esse verisimile homines quæsisse Regem, qui, quotiescunq; collibitum esset, quos vellet, temere necare posset. &c.*

Esto, is fuit scopus Regis constituendi, quid tum postea? euentus expectationem fefellit: abdicandus igitur & expellendus illicò, qui paulò ante fuit electus? minimè verò. Iam enim res integra non est, nec amplius pœnitentiæ locus: Deus constituto dedit autoritatem: proinde quem semel regni caput, & supra se constituerunt, loco & ordine mouere postea, nisi per iniuriam, nequeunt. Quod si de regno & Rege aliter statuamus, par captio in matrimoniis obtinebit. Nunquis enim vxorem quæsisse putandus est, quæ, quoties vellet, maritum opprobriis & iurgiis laceffat, aut totam turbet familiam? nemo, arbitror, iis conditionibus sociam diuini & humani iuris sibi asciscet. Longè alia conciliandis nuptiis blandimenta: nec fas cuiquā tam malè de procis & puellis ominari. Si ergo coniux in matrimonii leges delinquat (non de illa loquor, quæ sola repudii causa legitima est) sequeretur ex Brutina ratiocinandi formula, pelli eam domo, atque eiici familia posse, quam sententiam si inter reliquas nouæ religionis suæ libertates suadere poterit, magnam ab illis, quibus mulieres molestæ sunt, gratiam inibit.

*Bruti de Pontifice commentum. Episcopi Romani summum per vniuersalem Ecclesiam imperium. Cur Vniuersalis appellari noluerit: deque illo honorifica iuris interpretum sententiâ.*

#### C A P V T XXIV.

**H**Aud maiore difficultate retūdi possunt rationes reliquæ in speciem probabiles, quas Brutus & Buchananus vel à causa constituendorum Regum, vel ab utilitate Reipublicæ, atque exemplis rerum gestarum, corrogarunt. Etenim sua singulis vitia insunt, quæ lector, superioribus scriptis nostris<sup>1</sup> commonitus & communitus, citò deprehender. Quapropter vt tandem refellendi huius hominis argutias finem faciam, vnus adhuc assertio-num eius adnotatione opus absoluam.

*Enimverò, inquit<sup>2</sup>, non est, ut diximus, vniuersa regni administratio*

<sup>1</sup> lib. 1. & lib. 2. c.

<sup>2</sup> 3. 4. & hoc libr.

cap. 10. & alibi

pæssim.

<sup>2</sup> Pag. 206.

*Ratio Regi à populo commendata: ut nec Pōtifici vniuersalis Ecclesia episcopatus (aiunt) sed Optimatum cuique pro virili.*

Vetus est & verum, oportere eum qui semel verecundiæ fines transiit, postea nauiter esse impudentem: eam Brutus cautionem minimè neglexit. Nam ex quo cœpit apertè Monarchiam impugnare, & suam Regibus dignitatem potestatemque detrahere, eò inuerecundiæ deuectus est, ut nihil sibi non licere comminisci putarit, quo sua nobis portenta persuadeat. Cuius rei cum alia multa, tum vnicus iste locus testimonio locupletari esse potest: in quo pauculis verbis duo impudentissima mendacia complexus est: quorum alterum totius orbis, gentium, inquam, & nationum omnium quæ sub Regibus degunt, viuendi ratio redarguit: alterum verò Christiana fides Catholica, tanquam religionis pestem execratur. Nam, ut à posteriore prius ordiar, Christiani orthodoxi omnes summam semper Pontificis Romani in omnes Ecclesias potestatem agnouerunt: eumque ut D. Petri successorē, ac proinde vniuersi cætus Christianorum principem pastorem venerati sunt: à cuius fide & communione quotquot dissidebant decedebantque, omnes hæreticorum vel schismaticorum numero censebatur, abque iis, tanquam spiritum pestilentem exhalantibus, Catholici continuò abstinebant. Cuius rei testimoniis exemplisque plena sunt antiquorum Patrum monimenta: quorum ego plurima hic articulatim recensere, ni multi pietate & doctrina excellentes viri, eam rem totam non ita pridem, accuratè, eleganter, fuseque pertractassent<sup>1</sup>. Itaque non est cur diutius in hoc errore confutando laboremus: sat erit eius originem succinctè & quasi per indicem explicare, ut vnde ista Bruti impostura emanat lectori sit in promptu, nec habeat necesse alios eius rei causa libros euoluere.

Omnes vbique Ecclesiarum Præsules, suam semper in Episcopum Romanum obseruantiam non obscuris aut dubiis reuerentiæ argumentis, sed manifestis rerum gestarum testimoniis, declarabant: eique, utpote Principis Apostolorum successori, curam totius Ecclesiæ à Christo demandatam, ingenuè & palam profitebantur: adeo ut ad eius, velut vniuersalis ecclesiæ pastoris, iudicium causas omnium episcoporum deferri debere, publico generalis Concilii ferè antiquissimi decreto statuerint<sup>2</sup>. Atque ea de causa prisca illi Patres, variis eum honoris titulis ornabant:

<sup>1</sup> Bellarm. tom. 1. contr. 3. & alii quos recenset in præfat. illius cōtrouersia.

<sup>2</sup> Sardin. Conc. can. 3. & can. 7. anno Dom. 349.

multisque nominibus efferebant, quæ ipsius in omnes Christianos auctoritatem potestatemque significarent, in quibus illud erat frequens. *Vniuersalis Episcopus*, siue, *Archiepiscopus*, ut vel ex illo Iſchyronis Diaconi libello contra Dioscorum, & rebus aliis in Chalcedonenſi ſynodo <sup>1</sup> geſtis perſpicuè patet. Verùm Pontifex Romanus id nomen per humilitatem modèſtè ſemper reſuſabat, quamuis ſat ſciret appellationem illam muneri ſuo curæque congruere. Cauſam autem reſuſationis duplicem inuenio. Alteram, ne videretur glorioſis & magnificis titulis, ſecularium Principum more, delectari. Itaque non Principis, aut Pontificis Maximi, aliſve ſupremum dominatum præ ſe ferentibus epithetis in ſuorum diplomatum præſationibus uti ſolet: ſed Episcopi tantùm nomine, quod ei cum cæteris commune eſt, ad unctò inſimæ ſubmiſſionis verbo, quo ſe Seruum ſeruorum Dei eſſe omnibus enunciat. Qua re vna, poteſtatis dignitatſque ſuæ amplitudinem, velut quadam inſignis humilitatis admiſſione, temperat: memor ſcilicet præcepti illius euangelici <sup>2</sup>, *qui maior eſt in vobis ſiet ſicut minor: & qui præceſſor, ſicut miniſtrator & quicumque voluerit in vobis primus eſſe, erit omnium ſeruus*. Alteram verò cauſam, ne qua per vniuerſalis episcopi appellationem, aliis episcopis iniuria fieri videretur, quaſi vnus ille ſolus in orbe episcopus eſſet, cæteri autem vel vicarii ipſius, vel nullo modo episcopi, cenſendi: tale enim quid, prima facie, vniuerſalis episcopi nomen, notatioque, vulgi ſenſibus ingerit <sup>3</sup>. Quamuis igitur episcopus Romanus, vniuerſalis episcopus re vera & ſit, & dici poſſit, ea ratione, qua ipſum generalis de tota Eccleſia, atque adeo episcopis omnibus, cura & ſolicitudo paſtoralis attingit (cæteris interea nihilominus, in ſua ſingulis diœceſi, & nomen & officium nulla ex parte imminutum retinentibus) Chriſtus enim cùm dixerit Petro, *paſce oues meas*, Apoſtolos vtique non excepit. Tamen propter hanc ambiguam vniuerſalis episcopi ſignificationem, (quæ alia atque alia interpretatione, bonum malumque ſenſum mentibus ingenerat) omnes qui in ampliffimo illo dignitatis gradu, Petri, inquam, ſede collocabantur, ſatius eſſe duxerunt, eo nomine prorſus abſtinere, quàm ſcandali occaſionem aliis præbere, quod, ut ſit plerumque, ex dubii ſermonis acceptione oritur. Qua de cauſa beatus Gregorius, ubi reſcierat Ioannem Conſtantinopolitanum episcopum illud idem nomen,

<sup>1</sup> Anno 453.

<sup>2</sup> Luc. 22.  
Marc. 10.

<sup>3</sup> S. Greg. lib. 7.  
epiſt. 30. indiç. 1.

men, quod D. Petri successores debitum ipsis ultroque de-  
latum <sup>1</sup> modestissimè repudiarent, magna animi conten-  
tione ambiisse, & oppido quàm arroganter sibi assumpsis-  
se retinuisseque, ægrè admodum tulit, & hominem per li-  
teras sæpius conuenit, ac grauissimè questus est, eum contra  
Deum, contra pacem Ecclesiæ, in omnium despectum & iniuriam  
sacerdotum, modestia ac mensura sua terminos excessisse: & illicitè  
superbum ac pestiferum Oecumenicum, hoc est vniuersalis sibi  
vocabulum usurpasse. Monet præterea, & amicè horta-  
tur, vt in viam redeat, & amoto superbia vocabulo, cordis sui e-  
lationem ad humilitatem, quam magister & Dominus noster do-  
cuit, inclinaret <sup>2</sup>. Vniuersalis igitur vocabulum, hæc iniu-  
ria vir ille sanctus, vt pestiferum, auersabatur, imo execra-  
batur; quatenus scilicet superbæ dominationis titulū præ  
se ferret, suumque cæteris ius auferret: & quatenus illi epi-  
scopo tribueretur, in cuius personam atque officium nul-  
lo iure, nullaque significationis interpretatione, conueni-  
re potuit. Id ipsum similiter Gregorii decessor Pelagius. 2.  
fecit; & eius præterea Synodi, quæ nomen illud; Vniuersa-  
lis, Ioanni tribuerat, acta omnia, autoritate Apostolica  
relicidit, & cassauit, districtissima illum increpatione corripuens,  
vt se à nouo & temerario superstitionis nomine cohiberet: adeo vt  
suum illi Diaconum, nisi tantum nefas emendaret, procedere pro-  
hiberet <sup>3</sup>. Scripsit & epistolam ad Episcopos à Ioanne in il-  
lam synodum non legitimè, & more maiorum conuoca-  
tos, cuius pars à Gratiano, inter aliâ sanctorum Patrum  
decreta, his verbis relata est <sup>4</sup>. Nullus Patriarcharum vniuer-  
sitalis vocabulo unquam utatur: quia si vnus Patriarcha vni-  
uersalis dicitur. Patriarcharum nomen cæteris derogatur. Sed ab-  
sit hoc, absit à fidei cuiusquam mente, hoc sibi vel velle quempia  
arripere, vnde honorem fratrum suorum imminuere ex quantu-  
lacumque parte videatur. Quapropter charitas vestra neminem  
unquam suis in epistolis vniuersalem nominet: ne sibi debitū sub-  
trahat, cum alteri honorem defert indebitum.

Ex hac rerum gestarum serie, & his fontibus limpidissi-  
mis, Brutus, vt & alii ante eum Hæretici erroris sui riuulos,  
malitiosè interpretationis cæno turbatos, deriuauit. Ita-  
que Romanum Pontificem vniuersali Ecclesiæ non præci-  
se hoc argumento cōcludit, quod neque B. Gregorius, ne-  
que vltus ante eum illius sedis Episcopus, vniuersalis Epi-  
scopi nomen admiserit, sed vt profanum & sacrilegū dam-  
narit potius ac reiecerit <sup>5</sup>. At qua ratione ipse, eiusque de-

in Cōcil. Chal-  
cedon.

2 li. 4. ep. 34. alias  
78. & li. 7. indict.  
2. epist. 69.

3 dict. epist. 69.

4 Can. nullus  
dict. 79.

5 Greg. lib. 7. 30.  
indict. 1.



cēssores id fecerint, iam satis ostendimus. Non enim ideo vniuersalis appellari noluit, quod summam & generalem de vniuersa Ecclesia curam à Christo commendatam non accepisset, aut id illi nomen tribui iure non potuisset, cum, ut ipsemet testatur, sacrosancta & vniuersalis synodus, quā alibi Euangelio comparat<sup>1</sup>, honorem illum Romano Episcopo decreuerit, seu verius à Salvatore decretum renūciarit, obtuleritque: sed quodd verbum illud, in quādam significatione, aliorum Episcoporum muneri dignitatique non nihil detrahare videbatur: simulque ut non tolerandā Constantinopolitani Episcopi insolētiā, tam illustri humilitatis documento, reprimeret, qui propterea quodd verbum imperiali sede decoratam, & nouam Romam appellatam incolebat, eō se cupiditate glorię extulerāt, ut antiquę Romę, id est sedis Apostolicę Episcopo, sese æquare, & quod huic vni à Domino datum erat, id ei eripere, ac per fas & nefas ad se pertrahere conaretur. Sed per Deum Omnipotentem, quę isthęc est consecutio? Pontifex Romanus non vult appellari Episcopus vniuersalis: ergo Episcopatus, siue cura vniuersalis Ecclesię non est ei commendata. An nō constat inter omnes, id vsu sæpē venire in omni vitę genere, ut nominibus rem verē & propriē significantibus, certis de causis, interdum abstineatur? veluti cum propter inuidiam nominis, aut contemptum, vel etiam arrogantię suspicionem, aliquis iis uti nolit. Exemplis res erit illustrior: Qui Romanę Reipublicę summam post Iulium Cæsarem tenuerunt, ii re vera Reges erant, at Reges tamen diu vocari noluerunt (quamuis nonnulli, blandē id illis nomen tribuerint<sup>2</sup>) propter inuisum senatui populoque Romano regium nomen & de Regibus non recipiendis iusiurandum<sup>3</sup>: ut ex Appiano Alexandrino, & Dione Cassio superius ostendimus<sup>4</sup>: Magistri nomen olim valde fuit honorificum & dignitatis causa impositum in aliqua scientia laureatis: eoque non solum plebei, sed antiquę etiam nobilitatis viri docti, libentissimē censerī voluerunt, ut etiam nū in Scotia & Anglia moris est: attamen in Gallia, ex quo vilissimarum rerum artifices, imo etiā carnifices nescio qua sermonis indulgentia, ac proprietatis loquendi neglectu & confusione, Magistri vocabulum vsurparunt<sup>5</sup> adeo obfouit id verbum, ut vix quisquam ibi nunc meliorib. scientiis excultus, nemo certē nobilis, Magistri titulum nomini suo præferri ac præponi patienter serat? quid quod

Poli-

1 lib. i. epist. 34.  
in fine. Can. sic.  
ut. 15. dist.

2 A. G. 1015  
3 D. de leg. Rod.  
de iact.

4 Liu. lib. 2.

5 lib. 1.

6 Vulgò Maistre  
Claude, Maistre  
Estien, Maistre  
Nicolas, &c.

Politici nomen, quo nullum omnibus seculis honestius visum est, cepit ante paucos annos per seditiosorum quorundam interpretationem, pro Atheo usurpari: sed spero fore, ut suum id nomen splendorem, decusque recipiat. Possum alia id genus exempla multa proferre, quibus ut minimè necessariis nunc superse debo.

Quæ cum ita sint, quid mirum, si viri sancti, & D. Petri successores, ab illis vocabulis abhorrebant, quæ aliquam arrogantiae suspicionem quamlibet exiguam, gignere posse audientibus credebantur.

Hæc quamvis Bruti calumniam liquidò patefaciant, tamen operæ precium erit ipsius præterea in hoc errore nobis obtrudendo artificium perpendere. Nam cum sciret aliquo sibi antiquitatis testimonio ad tantæ sententiæ, imò tam insignis mendacii, firmamentum opus esse, eam ita proponit, ut lectori videatur non ipsius esse, sed antiquorum Patrum, quibus credi sine contradictione par est. Nam ubi superiorem suam de Rege sententiam tulit his verbis. *Enimuerà non est, ut diximus, vniuersa regni administratio Regi à populo commendata*, mox subiecit, *ut nec Pontifici vniuersalis Ecclesiæ Episcopatus (aiunt)* & addidit in libri margine, sicut nonnullis nunc mos est authoritates adscribere, *Can. nullus in Carthagin. Concil. Doctores Pontificii*: quod perinde est: ac si dixisset vniuersalis Ecclesiæ Episcopatus non est à Deo commendatus Pontifici, ut aiunt Ecclesiæ Patres in canone, Nullus, & in Carthaginienſi Concilio, & Doctores Pontificii. Atque ita prius illud sigmentum suum, non vno tantum, sed tribus splendidissimis mendaciis ornare & confirmare voluit, ne testiū scilicet numero deficeretur. Sed neque in Can. Nullus, 99. dist. (quem certum est ab illo ibi intelligi) neque in vllò Carthaginienſi Concilio (septem enim fuerūt) tale quid habetur; multo quæ minus apud interpretes iuris Pontificii. Nam in Can. Nullus, quem integrum supra hoc capite retulimus, ne verbum quidem est de non commendata vniuersalis Ecclesiæ cura, siue Episcopatu Pontifici Romano. Prohibentur tantum in eo Canone Orientales Patriarchæ ne quis eorum vniuersalis vocabulum sibi assumat, ut paulò ante fecerat Ioannes Constantinopolitanus, & ne inter illos alii alium eo nomine saluterent: & prohibentur quidē ab Episcopo Romano, q̃ argumenti satis est, illi in eos imperium fuisse, & generalis de Ecclesia vniuersali cura. Similiter in Cōcilio Carthaginienſi 3.

I. Iurifurandū  
C. de testib. cap.  
vltiens 10. in f.  
& cap. licet ext.  
eod.

Can. 26.

(ex cæteris enim nihil quicquam afferri potest) hoc solum decretum est, *ut prima sedis Episcopus* (Prouinciæ Africanæ scilicet, nam cum esset prouinciale concilium non potuit totius Ecclesiæ Episcopos obligare) *non appelletur Princeps Sacerdotum, aut summus Sacerdas, aut aliquid huiusmodi, sed tantum prima sedis Episcopus.* Ecce ut de nomine tantum utrobique fit mentio, quod utari interdum cæcis de causis solet, ut supra ostendimus. Quod autem attinet ad Doctores Pontificos, quos vocat, quam vellem aliquem in illorum scriptis locum adnotasset: equidem non arbitror id illum fuisse prætermisurum, si quem vel memoria suggere, vel mendax animus adulterare faciliè potuisset. Sed horum illustriora & clariora sunt testimonia de hac re, quam quibus Brutinæ interpretationis nebula aliquid caliginis & tenebrarum offundere possit. Et verò si illorum libros non per somnium, sed vigilans euoluisset, mirum quin perdisisset eum, si ullus in eo pudor erat, tam fœda & ignominiosa mendacii labe sese conspurcare quandoquidem ab omnibus vno ore subiectas hic de Romano Pontifice sententias, iisque alias confimiles, didicisset. *Ipse sedet in sede illa, quam Dominus sibi in persona beati Petri specialiter elegit. Ipse est successor Petri, & vicarius Iesu Christi, vicem non puri hominis, sed veri Dei gerens in terris: unde omnia regit & disponit & iudicat prout sibi placet. Ideo licet quilibet Episcopus sit, quoad quædam, vicarius Christi: habet etiam Papa plenitudinem potestatis ad quam vocatus est, alii verò in partem sollicitudinis sunt vocati* <sup>1</sup>. *Tota Ecclesia militans est in potestate Papa* <sup>2</sup>. *Dei & Papa idem est consistorium* <sup>3</sup>. *Omnia beneficia mundi sunt obedientialia & manualia respectu Papalis potestatis* <sup>4</sup>. *Nemo est inter creaturas qui possit declinare, seu eximere se à iurisdictione Papa, cum sit Vicarius Dei, & quilibet est subiectus Deo* <sup>5</sup>. *Papa licet sit caput Ecclesiæ vniuersalis, & fideles singuli sunt membra generalia: tamen Papa est speciale caput Cardinalium* <sup>6</sup>. Quid plures eiusmodi sententias persequar? siquidem in Iuris interpretum scriptis adeo sunt crebræ, ut eas ignorare nemo possit, nisi qui libros eorum non legerit. Aut igitur ista non vidit Brutus, & tanquam cæcus de coloribus iudicauit: aut si vidit, planè hoc subtili artificio lectores simplices & credulos, inque iuris disciplina minimè versatos, decipere, atque in errorem pertrahere conatus est.

*Altera Brutini elenchi pars dissoluitur, qua Regi non vniuersa Re-*

<sup>1</sup> Specul. tit. de leg. §. nunc ostendendum.

Num. 62. & 89.

<sup>2</sup> Innoc. in c. q. super. de voto.

<sup>3</sup> Hostien. in c. quanto de transl. epist.

<sup>4</sup> Bal. in l. rescripta. C. de præc. Imper. offer.

<sup>5</sup> Felin. in rubr. de cõstit. Panor. in cap. quoniam nu. 1. & 5. ibid.

<sup>6</sup> Boer. in tract. de author. mag. consil. nu. 58.

*sa Regni negotia committi putat. Quod Rex per officarios facit, per seipsum facere videri. Regum iuri nihil praeiudicare populorum non in vera Monarchia degentium instituta. Epilogus.*

## CAPUT XXV.

**D**E Rege autem non est tanta difficultas: nam licet Ecclesia Dei multos habeat Episcopos, qui in Apostolorum locum atque officium succedunt, quos omnes ideo Pontifex Romanus fratrum nomine appellat <sup>1</sup> ut <sup>1</sup> cap. quàm gra- inde aliquam aduersarii occasionem captarint calumni- ui. de crim. fals. andi sedem Petri, atque adeo Episcopum Romanum iisdem omnino dignitatis ac potestatis cancellis, quibus ceteros concludendi: tamē cum vnum regnum vno plurimum Rege contentum sit, nec plures summæ simul dignitatis socios vel ipsa perfecti regni natura, vel regnantium genius ferre queat: & sit, ut primo proximus Poeta ait,

— summo dulcius unum

*Stare loco, sociisq; comes discordia regnis ?.*

<sup>2</sup> Statius lib. 1. Theb.

fit enim sæpe ut regnandi cupido cōcordissimos in discordiam trahat. &

*Ambitiosa pios collidat gloria fratres ?.*

<sup>3</sup> idem lib. 6.

Nulla ratio probabilis reddi potest, qua, si non verè & ex arte, saltem verisimiliter concludatur, non vniuersam regni curationem & administrationem Regi esse cōmissam. Contra verò plurimæ suppetunt, quibus & recta demonstrari, & obliquè per contrarias consequentias absurdas conuinci potest, integram totius regni procurationem penes Regem esse: quas ego prolixius hoc loco persequer, si eas non omnibus, partim innato iudicio, partim experientia, cognitæ ac perspectas esse existimarem. Nam ut alias mittam, quid vulgarius & manifestius iis qui in regno degunt, quàm Regis nomine & auctoritate, cuncta quæ ad statum Reipublicæ pertinent, pace belloque administrari? Quod si quis Bruto similis tam perfrixæ frontis fuerit, ut ista audeat denegare, non aliis aduersus eum testimoniis opus est, quàm eorum ipsorum qui Rempublicam in partib. gubernandam acceperunt. Nam ut in regno Franciæ videre licet, quod omnium optimè constitutum ipsumet aduersarii prædicant, togatorum princeps Cancellarius, & Ordo ille amplissimus, quod Parlamentum vocant, cæterique per vniuersum regnum Magistratus omnes, programmata



constitutiones, decreta, & quicquid priuatis publicisque iudiciis obeundis necessarium est, Regis nomine & auctoritate valere, & promulgare populo solent. Inde illa supremis Curiis olim dubitatio iniecta, quam Papon in Arestis à se collectis memorat<sup>1</sup>, cuius scilicet auctoritate munus suum à morte Regis exequi debeant, antequam is, qui ad regni successionem vocatus est, more Maiorum fuerit inauguratus: quinetiam an iudicia omnia per id tempus omnino cessare & quiescere quasi acephala, an verò procedere ac progredi sub noui Regis tutela debeant, fuit dubitatum. Quod si à pacis ornamentis, & integerrimis istis legum custodibus, ad rei militaris disciplinam, & belli gerendi in eodem regno ductores præcipuos transeamus, idem ab ipsis responsum feremus: se nempe Regis nomine & auctoritate militem conscribere, ducere exercitus, sub vexillis progredi ac regredi, cum hoste manum conferere, pacisci inducias, pacem foederaque ferire: in summa, eius iussu atque imperio arma capere vel ponere, omnes ingenuè fatebuntur. Hæc militiae Principes, Connestabulus & Marschalli, hæc Tribuni militum & Centuriones, hæc duces turmarum & Decuriones totusque ordo militaris Bruto minitabundi occinent. Sed & qui præcipuis regni Prouinciis, vel munitissimis ciuitatibus præficiuntur, si se illas Regis nomine gubernare & custodire asserunt: idque sibi in primis gloriosum, adque familiaris suæ decus, & memoriæ immortalitatem spectare putant, quod Regis vicarii, seu locumtenentes, vt vocant, appellentur.

Quæ cum ita sint: cumque peruulgata iuris regula nos moneat, id vnumquemque videri per seipsum facere, quod per alium facit<sup>2</sup>. Nónne consequens iis est, vniuersam regni curam & adinistrationem à Rege suscipi absoluique? *Omnia meritò nostra facimus*, inquit Imperator<sup>3</sup>. *quia ex nobis omnis eis impertitur auctoritas*. Deinde verò cum populus in Principem omne ius suum ac potestatem contulerit (alias enim non Regnum & Monarchiam, sed mixtum quoddam Reipublicæ genus effecissent) sequitur profectò nihil iuris populo reliquum esse, quo alios postea magistratus creare & constituere possit: ac proinde qui singulas regni partes moderantur, si neque honoris in se collati beneficium populo ferre acceptum, neque rerum à se gestarum & muneris obiti rationem reddere tenentur, aut solent:

<sup>2</sup> L. q. iussu. D. de reg. iur. cap. qui facit de reg. iur. in 6.

<sup>3</sup> L. i. C. de ver. iur. enucl.

lent: sed Regi tantum, in quo, & à quo sunt & manant omnia omnium, quotquot in regno sunt, magistratum iura atque imperia.

Hæc igitur & his similia cum sint eiusmodi, quæ vix vilius in regno illo pulcherrimo natus aut nescit aut negat, lectori profectò ad magnum & impudens istud Bruti mendacium conuincendum sat esse possunt: quin & ipsis eius astipulatoribus etiam ut se reuocent, si non tantæ maiestatis inuidia penitus occæcantur. Nam quod gentes nonnullæ, apud quas Regni Regisque nomen usurpatur, ab hac regali & monarchica regiminis forma non parum deflexerint, & imperandi libertatem Principibus à se constitutis lege populari seu plebiscito aliquo ademerint, id sententiam nostram, id inquam, perfecti Regni, & veræ Monarchiæ ius neutiquam euerit. Neque enim tam hebetes & inscii rerum sumus, ut ignoremus nationes per orbem dispersas, alias aliis atque aliis, moribus & legibus gubernari: nec tam iniqui æstimatores, ut suam illis politiam & inueteratam consuetudinem, modò malà non sit, auferre, & regiam gubernationem præscribere atque obtrudere cupiamus. Sed iis omnibus, siue aliquam regni speciem & nomen sine vera monarchia habent, ut Poloni & eorum si miles: siue aliis administrandæ Reipublicæ modis & mediis delectantur, ius suum saluum habere eoque uti liberrimè per nos quidem, si libet, licebit: nec verbo villo repugnamus, quo minus & in publicis & in priuatis negociis, quo cœperint more institutòque pergant: id tantum contendimus, non ab istis argumenta atque exempla sumi debere ad legitimum veræ Monarchiæ ius labefactandum, & eos populos in sui perniciem concitandos, qui summo Dei Omnipotentis munere & beneficio in Regum tutelâ concessere; quo nullum aliud nec diuinius, nec diuturnius imperium in terris conspici potest.

Non progrediar vterius in Bruti captionibus conuclendis: sunt enim præcipuæ quas iam resoluiimus. Cæteræ partim ex his pendent, & cum iis vnà stantque caduntque: partim in nostris ad Boucherium notis sequenti libro fusiùs discutientur.

Abi nunc igitur, Brute, abi cum tuis istis seditionum flabris, & buccinis rebellionum, abi, inquam, cum virulentis istis *Vindictis* ad Sauromatas hamaxobios, aut si quos ipsis  
ma-

magis barbaros poteris inuenire, qui fucatis tuis fallaciis capiantur. Desine populis Christianis, qui sub Principum imperio, quos tu Tyrannos vocas, iam diu & multum pace belloque floruerunt, ista Anarchiæ rudimenta persuadere. Ne putes te amplius posse trāquillos ciuium animos furialibus vocibus ad perturbationem concitare, atque in tam plenum pertrahere furorem, vt Dei maiestatem, in Principis à Deo dati persona, violent. Tuæ iam tandē notæ sunt artes, detectæ insidiæ, impostura & fraudes cognitæ atque perspectæ: sed serius tamen quam oportuit. Neque enim tot nefariæ & insolentes in Regum capita conirationes, tamque miserandæ ex coniurationibus clades, & interitus magnorum virorum, ( quos nunc Respublica crudelissimis funeribus extinctos lugeat) atque etiā multitudinis in Gallia, Belgio, & alibi superioribus annis extitissent, si tu & tui similes, non summam rei gerendæ æquitatem, spemque perficiendæ maximam, credulis, ah nimium credulis hominibus falsò & fraudulenter proposuissetis. At iidem illi, quos vestris tunc præstigiis fascinaastis, quotquot, tabulis de periculoso Reipublicæ naufragio arreptis, salutem sibi quærere potuerunt, vestram nunc perfidiam magna ex parte non minus execrantur quàm qui in fide Regum, & debito illis obsequio, constanter & perpetuò remanserunt. Sciunt iam, &, quod doleo, suo damno sciunt, vnam regnis omnibus salutem vnumque tranquillitatis Reipublicæ præsidium superesse: si populi nempe Regum & principum suorum vitia leuiora dissimulēt, grauiora verò ita ferant, & perferant vt humilitatis & patientiæ moderatione, vel principes mitiores reddant, vel alios meliores à Regum omnium Rege promercātur, Deo. Opt.

Max. cui laus, honor, gloria, & potestas  
in æternum & yltrà.

Amen.

FINIS LIBRI QVARTI.

GVIL.

## LIBER QVINTVS.

*Boucherii, de iusta, imò iniustâ, Henrici*

III. abdicatione è Francorum regno.

os cum ministrant nefariæ dementiæ, procul-  
dubio prodigiosum aliquod scelus perpe-  
trant. Philo Iudæus lib. III. de

vita Mosis.

C A P. I.



I verum est, quod D. Ambrosius <sup>1</sup>, & <sup>1</sup> lib. 1. Offic. ante eum Marcus Tullius in opere illo lectissimo de Officiis scripsit, eos qui, cum possunt, non propulsant iniuriā ab iis quibus inferitur, tam esse in vitio quā si ipsi inferrent, imò quā si parentes, amicos, aut patriam desererēt: cap. 36.

quodque iuris asylum Papinianus <sup>2</sup>, hominis interesse <sup>2</sup> l. Servus. 7. D.  
hominem affici beneficio: non erit, Boucheri, cur vel tu, de ser. export.  
vel alius quispiam iure meritoque mihi succenseat, aut vi-  
tio vertat quod Reges & Principes Christianos (qui, si sū-  
mam in terris potestatem à Deo ipsis tributam spectes, su-  
pra hominum sortem constituti quodammodo videntur)  
multis ignominiiis atque iniuriis à te in duorum Regum  
personis appetitos, omnibus nervis omni que studio pro-  
pugnem: atque illa discordiarum semina, illas, inquam,  
cōiurationis & rebellii furiales & funestas faces, quas non  
ira



ita pridem colloquiis, consiliis, concionibus, scriptisque tuis, in sinum multitudinis magno totius orbis malo cō-  
iecisti, restinguere pro virili, atque ciues & subditos à  
communi isto Reip. incendio flammaque liberare & exi-  
mere connitar. Quin tute potius ipse in eandem nobis-  
cum curam & cogitationem incumbere, & totam qua  
polles dicendi differendique facultatem, ad regia dignita-  
tis tutelam conferre debuisti. Quod quoniam non fece-  
ris, imò contrā feceris, & turbas illas ciuiles prioribus tu-  
is libris & concionibus excitatas, accensaque in Reges  
odia, posteriore scripto, quod patria lingua sub Francisci  
Veronensis Constantini nomine diuulgasti, non modò  
non mitigare & compescere, sed nouo artificio fouere &  
propagare de industria nifus es: patere me tecum vehemē-  
tius paulò, sed lenius tamen quàm rei indignitas flagitat,  
Regum & regnorum omnium nomine, de hac iniuria ex-  
postulare. Etenim profectò is sum, qui vitia & malos Sa-  
cerdotum mores velare potius quàm vulgare studeo. Sed  
nimia tuorum in Reges commissorum acerbitas, ac non  
ferenda sceleris audacia facit, vt vix vllus tecum agere pos-  
sit modestius, qui nō erroribus tuis assentiri, aut conniue-  
re velle videatur.

Quapropter si quid à nobis durius & asperius in te dictū  
his libris reperies, id causæ pōderi, vel tuæ potius culpæ ad-  
scribas; qui Christianam eloquentiam in caninam facun-  
diam, & libertatem sacerdotalem in scurrilem licentiam,  
vt Regib. liberius oblatres, cōuertisti. Scis depulsionem in-  
iuriæ nō esse iniuriam. Vt nostras igitur iustissimas repre-  
hensiones equiore animo ferre discas, memento quāris tu  
alios, non conciuies solū & socios, sed regni proceres, sed  
Reges ipsos, sed Reges tuos spirantes & regnantes, conui-  
tiis, opprobriis, maledictis, non Frācieam quidem huma-  
nitatem toto orbe laudatam, sed barbaram quandam fe-  
ritatem redolentibus, fixisti: aded vt si omnibus conuitiis  
lacerere, quæcunque à petulantissimis scurris excogitari  
solent, tuo tibi merito id accidisse permulti iudicarent.  
Quod alii feceris ab alio vt expectes, Naturæ lex est. Nec  
est curillo, te præsidio munitum putes, quod in loquendi  
libertate concionatoribus verbi Dei concessa collocaſti.  
Nam vt Dei verbum prædicandi, vitiaque reprehendendi  
summam sacerdotibus libertatem omnibus seculis tribu-  
tam esse fatemur: ita famosos libellos componendi, op-  
probria

probria, & conuitia ingerendi, calumniasque struendi artificium & exercitium cum omni hominum generi per se inhonestum, turpe, & ignominiosum, tum sacris Dei ministris præter ceteros turpissimum esse iudicamus: earumque rerum apud omnes nationes non modò non concessam libertatem, sed omnem prorsus ademptam facultatē semper fuisse constat.

Scriptura Reges pessimos Regum nomine & titulis ubique effert: cum Sauli David, Antiocho Machabæi honorem tribuerunt: tu Henricum III. Regem Christianissimum, ne semel quidem Regis nomine dignaris, imò *criminis loco futurum* statuis si quis eum Regem dicat<sup>1</sup>. Sed pro illo summæ dignitatis nomine summæ indignitatis epitheta, profanum, Cyclopem, prototypon nequitiae, & id genus alia, quæ Regis & regni famam Maiestatemque scelerare omni grauissimo violant, substituis. An ignorabas Clericos æquè ac laicos Maiestatis crimine teneri<sup>2</sup>? Deinde Reginam Angliæ non aliò quàm Anglicanæ meretricis nomine designas. quo sermone tum reuerentiæ Principibus quamuis impiis debita oblitum, tum significatio- nis verbi, meretricis, ignarum te esse ostendis.

Quid quod ne mortui quidem magna cum laude Principes morsus istos tuos, calumnias, dico, & vituperationes possunt effugere? adeò nimirum acerbioris tuæ virus in omnes se effudit, quorum vitæ instituta, & mores disciplinæque nefariis illis tuis evertendi regni artibus resistere & repugnare videbatur. Testis est Ludouicus XI. quem non solum tyrannum, sed tyrannidis architectum vocas<sup>3</sup>, & perfidum præterea, qui *omnibus fucò & larua sua illius ad Virginem Clericam deuotionis illuserit*. quibus nihil, si probatis authoribus fides, dici vel scribi falsius possit. Nam veram quidem & puram, non fucatam & laruatam, eius ad D. Virginem deuotionem, testatur sincerissimus rerum ab illo gestarum scriptor<sup>4</sup>, his verbis, *il disoit qu'il n'esteroit à mourir qu'un Samedi, & nostre Dame luy procura ceste grace, en qui tousiours auoit eu fiance, & grande deuotion & priere*: id est, sperare dicebat se non moriturum aliò quàm sabbathi die, eamque illi Diua Virgo gratiam impetrauit, in qua firmè semper auxilii spem precibus & deuotione magna posuerat. Quis tu es qui alienum seruum iudicas: adeo perspicax humanarum actionum obseruator arque arbiter es, ut etiam ad penitissimos cogitationum recessus penetres, vnde omnes

<sup>1</sup> li. 2. c. 5. in fine.

<sup>2</sup> gloss. in Clement. Pastoralis de re iudic.

<sup>3</sup> li. 1. ca. 22.

<sup>4</sup> Philip. Commin. in eius vita. cap. 136.

mentis

mentis & voluntatis fines tanquā è specula possis intueri? vel adeo arrogās, vt quod præpotens illa Imperatrix Christi sponsa Ecclesia iudicium sibi nō audet assumere, id tuo quodammodo iure tibi vindices? Externa enim si spectemus, cū diuturnum illius Regis imperium & multa prosperè ab eo gesta, tum eius pio & Christiano homine digna mors, non obscura veræ deuotionis signa atque argumenta nobis præbent. Sed nec tyrannum aut tyrannidis architectum fuisse grauiſſimo eiusdem scriptoris testimonio, qui omnium optimè atque intus & in cute, vt aiunt, Regem illum nouerat, non semel atque iterum disertè comprobatur. Nam vbi eius Imperii amplitudinem & potentiam, deque sanitate & vita ipsius propaganda magnam summi Pontificis Sixti IV. & aliorum Principum curam describit<sup>1</sup>, hac tandem conclusione narrationem absoluit. *Par toutes les choses dessusdictes, l'on peut cognoistre le sens & grandeur de nostre Roy, & comme il estoit estimé & honoré par le monde, & comme les choses qui sont spirituelles de deuotion & de religion, estoient employées pour luy allonger sa vie, aussi bien que les choses temporelles: toutesfois le tout n'y fist rien, il faillloit, qu'il passast par la où les aultres sont passz. Vne grace luy feist Dieu: car comme il l'auoit crée plus sage plus libera' plus vertueux en toutes choses, que les Princes qui regnoient avec luy & de son temps, & qui estoient de ses ennemis voisins, avec ce qu'il les passa en toute choses, aussi les passa il en longueur de vie: mais ce ne fut de guerres. id. est. Ex omnibus que iam dicta sunt, quanta fuerit animi magnitudo & gloria Regis nostri, quantumque ei laudis & honoris ab omnibus per orbem habitum sit, facile intelligi potest: & quæ admodum spiritualia equè ac temporalia remedia eius vitæ producenda ergo quesita sunt: at nihil ei omnia profuere quo minus viam vniuersæ carnis ingrederetur. Vnum tamen ei Deus beneficium largitus est. Nam vt eum sapientia, liberalitate, & ceteris omnibus virtutibus ornatiorē quàm alios sui seculi Principes vicinos & hostes fecit, sic etiam aliquanto, non tamen multo, longius ei quàm illis vitæ spatium tribuit. Atque idem rursus author hunc Regem ingrauescente ætate timidiorem & suspiciosiorem quàm oportuit in suos factum fuisse docens, hæc ad verbum subiicit. *On pourroit dire que d'autres ont esté plus suspectieux que luy, mais ce n'a pas esté de nostre temps, ne par aduventure homme si sage que luy, ne qui eust si bons subiects: & auoient ceux la par aduventure esté cruels & tyrans: mais cestuy cy il n'a fait mal à nul qui ne luy en eust fait quelque offense.**

offense. id est. Dici possit, alios illo suspiciosiores extitisse: at non nostro quidem seculo, quin nemo forte unquam, qui aequè ac ille sapiens esset, & subditis adeo bonis imperaret. Et verò illi fortassis crudèles & tyranni fuerant: at hic nullum cuiquam malum intulit à quo prius non fuisset offensus. En ut Regem hunc, quem tyrannidis architectum vocas, omni tyrannidis suspicio- neliberat: imò verò nihil non planè regium in eo fuisse prædicat, siue iustitiam, siue liberalitatem, munificenti- am, castitatem, temperantiam, aliasque præclaras & Rege dignas animi dotes intucare. Nam quod subditos maiorem in modum presserit vectigalibus, id à se ingruentium bel- lorum necessitate factum, in sua ad filium admonitione paulò ante obitum declarauit: eumque, ut illos, ubi regnū inierit, quantum posset hoc onere leuaret, adhortatus est<sup>1</sup>. Possum & alia de hoc Principe fusius: sed hæc satis vi- fa sunt, ut inde aliquis coniecturam faciat quanta animi perturbatione, quantoque furore in viuorum fama & ex- istimatione grasseris, qui Regis ante te natum defuncti honorem & gloriam tam impudenter depeculari non es veritus: nihil ut necesse sit in hunc locum proferre intole- randas illas omnis generis verborum contumelias, quib. Illustres & superillustres regni procures bacchantium mo- re lacerasti, quorū ego hic nomina tacere, ne noua te in- uidia premam satius esse duxi. Etenim profectò tam es in maledicēdo petulans, ut quoties tuos illos libros peruol- uo, videre mihi opus illud totum conuiciandi studio lu- cubrasse. Quid enim ad dedecus Amplissimi ordinis addi potest iis iniuriis, quas in Clarissimos quosque summæ Curiae Præsides & Assessores velut ex quadam cōuitorum crapula eructas<sup>2</sup>, quod in fide Regi data firmiter & con-

2 I. 4. cap. 14.

stanter permanentes sceleratis tuis conatibus obstiterūt? Nobiles verò, ut quisque tibi displicuerat, tam spurcis in- famiæ notis à te confictis actiter turpiterque compungis, ut Nobilitatem ludibrio, Senatum contemptui, Maiesta- tem ipsam summo tibi despectui esse, haud obscurè & dis- simulanter ostendas. Quo exemplo, Spartacus ille tuus ad omnem nequitiam eruditus, fractis omnibus modestiæ, honestatis, & legum vinculis, non dubitauit in Senatum armata manu perrumpere, & sacrum illum concessum, quem summi & optimi quique suspiciunt & venerantur, diuulsis inde atque abductis latronum more Senatoribus, incredibili temeritate atque immani audacia violare: quo nullum

1 Guaguin. in  
cuius vita.



nullum indignius nec visum antè nec auditum ab hominum memoria in eo genere facinus est. Quæ cum ita sint, quis læsam tuis libris Imperii Maiestatem, contemptum Senatum, Nobilitatis ordinem violatum, delusam plebē, totius denique regni statum turbatum & concussum non indignetur?

Reprehendam igitur, & acriter reprehendam, quæ perperam, & contra omnem iuris diuini atque humani rationem, in Regem & regnorum perniciem à te scripta sunt. Vellem equidem (quod & futurum aliquando speravi) nullam mihi cum tui ordinis viro tam grauem controuersiam incidisse, sed quoniam ita res tulit, ut aut in publica causa præuaricari, aut tibi fortiter resistere & repugnare necesse habeam, *Publica commoda, priuata pietate, potiora iudicavi.*

Quod si forte nostra hæc arguendi libertas tui stomachi non est, sed, ut alias optima solent medicamenta, exulceratum adhuc in Reges animum comordet: meditare tecum & cogita, *meliora esse vulnera diligentis, quam fraudulenta oscula odientis*: & ut Phocion ad Antipatrum, te non posse Barclaiō simul amico uti & adulatorem. bonis quippe vitia non viros odisse mos est.

Ac in primis quidem dissimulare non possum, illud mihi in te non mediocriter displicere quod quamquam te ipsum Catholicum & Theologum proferis, & ea doctrinæ existimatione apud tuos florebas, cum opus istud aggrederere, quæ spem omnib. maximā, & ex præiudicata de te opinione, attulit, fore ut causam rebellatorum, quæ aduersus Reges susceperas, argumentis, rationibus, testimoniisq; certis & fide dignis, iustissimam esse demonstrares: tamen vix vlla, certè pauca, in eam rem protuleris, quæ non ab hæreticis per captiones & sophismata, ad Principum Catholicorum exitium ante pauculos annos excogitata & exarata sunt: quorum & libros & loca, ut res postulat, infra adnotabimus. Quod cum ita sit, cum, inquam, te non puduerit fallaces rationes ab hæreticis malo more mutuari: ego quid grauabor aut cunctabor solutiones à piis Patribus Catholicis accipere commodatio? Sed tempus est ad operis tui titulum accedere.

#### C A P. II.

**B**oucherius. *De iusta Henr. III. abdicatione à Francorum Regno, libri quatuor.*

Per-

Per multos sanè hic titulus, meque inter alios, tum nouitate ipsa, tum rei insolentis magnitudine, inuitauit ad legendum. Sed scire tamen ex te vehementer cupio (nam alius id mihi narrare nequit) quamnam hic abdicationem intelligas, factamne an faciendam? nam tutemet videris non nihil dubitare<sup>1</sup>. Si enim de facta tractas, de re nulla tractas: eoque incondita prorsus, & nimium mendax est quæ libris tuis præponitur inscriptio. Henricus enim tertius non prius regnum Francorum, quam lucis huius vsuram amisit. Quòd si abdicatum proponas: cedo vbi, quando, à quibus, & qua forma res tanti peracta est. Nam vt demus tibi & concedamus, quod nec dare debemus, nec dabimus vnquam, Maiestatem Imperii in regno penes populum consistere, ei que ius esse, Regem legitimè constitutum regali sceptro solioque priuandi: tamen non inde efficitur, ius illud in pauculis seditiosis, regio se imperio per rebellionem subtrahentibus, sed vel in toto populo, vel eius saltem maiore parte, residere. An non extremæ dementiæ est existimare vrbes aliquot in amplissimo regno posse, vbi ipsis placuerit, totum Regi imperium abrogare? Nullusne ergo reliquus Nobilitati locus? nullane cæteris ciuitatibus constabit authoritas? Nonne tota ferè Nobilitas Galliæ, pleræque etiam ciuitates, Henrici tertii authoritatem atque imperium sequutæ sunt: ei que, vt Regi suo legitimo, armis, opibus, consilio, ad vltimum eius vitæ spiritum ita fideliter & constanter insenuerunt, vt sua erga eum fide, & obseruantia satis testatum reliquerint, nihil illi, dum vixit, de regia maiestate dignitatēque decidisse? Iuris authoribus visum est, quod & naturalis ratio suadet, nihil in re communi innouandum sine omnium sociorum consensu, & semper potiores partes esse prohibentis<sup>2</sup>: quod enim omnes tangit debet ab omnibus approbari<sup>3</sup>: vel certè à maiore parte, cæteris præsentibus, aut saltem legitimè commonitis & conuocatis<sup>4</sup>. quando tale quid est, quod omnibus vt vniuersis, non vt singulis commune est. Ex nouem Tribunalis plebis apud Romanos vnus intercessio reliquos octonos, ne quid seiscerent, impendebat<sup>5</sup>: & vos intercessio tot Prælatorum & Optimatum, tot ciuium & sociorum, tot millium armatorum hominum, quo minus ius publicum & regni leges dementissima temeritate perfringeretis, euerteretisque, non impediret? Si ergo tota ferè Nobilitas Franciæ, quæ primum, vel certè primo proximum, in po-

<sup>1</sup> in Præfatione statim initio.

<sup>2</sup> I. Sabinus committit

<sup>3</sup> ceterique omnes de in 6.

<sup>4</sup> I. quod in 19. vbi Bart. lii DD. ad M. ci.

<sup>5</sup> Plutar. in Tib. & C. Gr. c. & in vita Caton. vti.

pulo gradum obtinet: si ciuitates plurimae: si Praelati & Ecclesiastici ordinis non pauci: si infinitus denique Francorum numerus & multitudo, non verbis solum & sententiis, sed magno & forti exercitu, sceleratis vestris conatibus obuiam ire, & Regis ac Reipublicae maiestatem a vobis indigno facinore violatam vlcisci nitebantur: quare tu fronte Henricum Regem dicis abdicatum? An Regis vel constitutionem, vel repudiationem non putas ad communem Regni causam fortemque attinere? An furentium & scelus anhelantium potiores partes in excutiendo regalis imperii iugo, quam moderatè & sapienter obtemperantium in eo retinendo fuisse iudicas? benignior sententia illa dicitur quae pro reo facit: eaque tum publicis tum priuatis in iudiciis obtinere debet, humaniora suffragia quae contingendi, quam quae dissoluendi imperii, viam parant: quaeque pacis & tranquillitatis publicae modum ineunt, quam quae discordiarum, dissensionum, bellorumque civilium occasionem praebent. Quae cum ita sint, haud scio equidè quo pacto hic libri tui titulus veritatem obtineat, si de abdicatione iam facta intelligatur. Sin verò de facienda: ingentis profectò temeritatis, & proiectae audaciae opus esse ostendit, quod quatuor illis libris complexus es: ob eamque rem tibi, quod valde doleo, causam de grauissimis criminibus esse dicendam, id autem qua ratione fiat dicam equidem paulò pòst.

## CAPVT III.

2 ad lectorem:

**B**OVCHER.<sup>2</sup> *Animus erat (studiose lector) non mortis* Henrico (quis enim diuinaret?) sed *tristis & furente adhuc, imò ingulis nostris imminente, opus hoc euulgare. Quod nisi ita esset, non comminatorius ad eum hic toties sermo, non presaga futuri oratio esset. Ne id quidem foret, quod iuratissimi testes affirmare possunt, duobus minimum, antequam ille caderet, mensibus excudi hoc ceptum esset: usque eò, ut ad eum libri huius codices perlatos extis: se, nouique in nos furore exarsisse grauissimorum hominum iudiciis ad nos etiam eo viuo pridem delatum sit.*

Adeone tibi magnifica & gloriosa hae styli tui libertas visa est, ut de ea lectorem admoneras? ita nimirum te fortem & animosum esse, ut nec regiae indignationis formido, nec amor & reuerentia Maiestatis, potuerit te vel tantulum

sulū ab instituto desistere. Præclara, fateor, & laudabilis constantiæ prædicatio, si ipsum per se propositum non esset nefarium. At enim tu eam hic rem tractabas, in qua tale quid monuisse: non honesta virtutis prædicatio, sed probrosa simul & periculosa inconsultæ temeritatis iactatio potius existimanda est. Et verò nihil à te dici vel scribi potuit, hoc voluntatis tuæ testimonio inconsideratius: nihilque quod opus istud tuum magis reddat infame. Illaqueatus es verbis oris tui, & propria confessione victus: idēque iuratissimos in hanc rem testes producere nihil necesse est: sat enim tibi etiam iniurato credimus. Etenim profectò ea tunc erant tempora, quibus Regis autoritas, per vestras seditiosas conciones adeò despecta & contempnenda populo facta est, adeoque iniustum nomen, ut ne illud quidem efferre quisquam, sine aliquo iniurioso epitheto, & ignominia nota, publice ausus esset: quo minus mirari oportet, si, quæ in Principem populi tui nimis iracundè & intemperanter, ne dicam petulanter, concionando euomuisi, ea mox, pari audacia, scripto mandaueris.

Animus igitur tibi erat, hoc opus viuo Rege Henrico euulgare: itane verò? & quo iure, quæso, quòve nomine id te facturum constituisti? Nam in primis tuus hic toties ad eum comminatorius sermo, & præsaga futuri oratio, de quibus gloriaris, testantur satis, ac planum toti mundo faciunt, te non candidum historiæ scriptorem, id est simplicem rerum gestarum narratorem his libris egisse: ac ne denunciatoris quidem officio functum ex eo patet <sup>1</sup>, quod *non ad Regis tui correctionem, sed ad depositionem*, omnes ingenii tui nervos in hoc opere contulisti. Aut ergo, quod superest, ut accusator Regis ad populum, aut ut famosorum libellorum clandestinus <sup>2</sup> fabricator hoc quicquid est machinatus es: neutrius certè personam, sine fœda estimationis tuæ labe, suscipere potuisti. Nam clericos quidem ab accusatione laicorum sacræ constitutiones abeherent <sup>3</sup>: & author famosi carminis præterquam quoddam improbus & intestabilis efficitur <sup>4</sup>, anathematis, atque etiam capitis, pœnam subit <sup>5</sup>. Cum itaque ne priuatam quidem personam accusare tibi per Canones licuerit: qua tandem ratione ipsum Regem non de vno solū crimine, sed de infinitis grauissimis quorum animus meminisse horret, publici iudicii reum facere ausus es? & facere quidem contra omnem iuris Pontificii & Ciuilis rationem <sup>6</sup>, quod

<sup>1</sup> cap. super his  
16. de accusat.

<sup>2</sup> clandestinus  
ideo, quia nomē  
suum suppressit  
sed eius tamen  
id opus esse ne-  
mo nesciebat.

<sup>3</sup> Can. Sicut. 2.  
4. 7.

<sup>4</sup> I. is cui. 18. §. si  
quis. D. qui test.  
fa. post.

<sup>5</sup> I. vnica. C. de  
fam. libell. Can.  
si qui. 5. §. 1.

<sup>6</sup> Can. quisquis.  
2. q. 8. l. qui cri-  
men. Cod. de his  
qui accus. non  
poss.



neque nomen tuum libello inferueris, neque in crimen subscriperis, neque, quod caput est, obiecta reo scelera, vilo, præterquam tuæ vocis, testimonio vera esse conuiceris. *Qui crimen obicit, scribat se probaturum: & qui non probauerit quod obiecit, pœnam, quam intulerit, ipse patiatur*<sup>1</sup>. *Inscriptio igitur primò semper fiat, ut talionem calumniator recipiat*<sup>2</sup>.

1 Can. qui crimen. 2 q. 8.

2 Can. Nullus.

4. q. 4.

3 l. ult. Cod. de prob.

4 in vita M. Anton. Phil.

Quæ, malum, fiducia, imò audacia, & barbara ac dissoluta calumniæ licentia hæc est: vitam & mores, non dico Regum & summorum Principum, sed vel infimorum hominum superstitum publicè, & impunè, ad libidinem sugillare? insque omnia inferre crimina, quæcunque possis vel tenui auditione accipere, vel ex improborum & inuidorum hominum rumusculis aucupari, & quæ nullis in eam rem certis & idoneis testibus, vel testimoniis, indicisve ad probationem indubitatam & luce clarioribus<sup>3</sup> vera esse demonstrantur. Si ista omnes criminandi libertas & consuetudo in Republica toleretur, neminem profectò sua vitæ tuebitur innocentia: nulli non maleuolorum hominum temerariis accusationibus impetentur: maxime verò Principes, qui, quoniam ante omnium oculos obuerfantur, & cum paucis tantum arcana communicant, magnam sermonum & calumniæ materiam, etiam inuiti, dant illis, qui consilia ex euentu, non ex voluntate, metiuntur. *Nemo est Principum*, inquit Iulius Capitolinus<sup>4</sup>, *quem non grauis fama perstringit, usque adeo ut Marcus (qui, ut idem scribit, sanctitate vita omnibus Principibus antecelluit) in sermonem venerit, quod verum vel veneno ita sustulerit, ut parte cultri venenolita vuluam inciderit, venenatam partem fratri edendam propinans, & sibi innoxiam reseruans: vel certè per medicum Posidippum, qui ei sanguinem intempestiuè dicitur emisisse. cum interea tamen Antoninus nullius sibi culpæ esset conscius, Gordianum verò Imperatorem, quo meliorem & nobiliorem vix vnquam vidit Roma, Philippus, homo Arabs & humili loco natus, sed per omnes militiæ gradus ad præfecturam prætorii ab ipso met Gordiano euectus, sparsis in exercitu calumniis, & crebra dictorum factorumque ipsius ad milites sugillatione, ita oppressit breui, ut eum tandem & vita & imperio exuerit. Vix vllus Scotorum Regum vel aliarum etiam nationum. doctrina, pietate, iustitia, cæterisque virtutibus verè regiis, instructior fuit, quàm Iacobus 1. At tamen, quia nobilium quorundam scelera & insolentiam ac-*

acri-

acriter compescebat, non defuerunt audaces & mendaces qui eius famam infami dicto conuellere & perstringere conarentur, vt totius in eum Nobilitatis odium concitarent: fingebant nempe ab eo dictum esse vxori, se neminem in Scotia nobilem relicturum, nisi qui cum Regina concubaret!

1 Ioan. Maior. de  
gest. Scot. l. 6. ca.

Sed nihil necesse est antiqua vel externa huius rei exemplum conquirere, recentia & domestica nimis multa suppetunt: ex quibus, quod ipse viderim, vnum præ cæteris insigni memorabo. Maria Scotiæ Regina, eximiis tum corporis tum animi dotibus ornata scœmina, quamquam ea vitæ integritate vixit, quæ non modò populares & subditos, sed exteræ etiam nationes in eius admirationem atque amorem pertraheret; tamen maleuolorum hominum, virtuti simul & vitæ suæ insidiantium, calumnias & vituperationem effugere non potuit, quin, falsis tandem criminationibus afflicta & prostrata innocentia, primùm regno, deinde vita cederet inimicis. Res hoc modo peracta est. Erat illi frater nothus, si tamen frater, Iacobus nomine, in quem beneficia & officia complura contulit: adè vt ditiores & dignitates, legitimis Regum filiis concedi solitas, ei tribueret. Ex Priore enim monasterii Canonicorum regularium, Mariæ primùm, deinde Moraniæ Comitem eum creauit, eaque apud se authoritatē esse voluit, vt nullum ferè neque publicum, neque priuatum alicuius momenti negotium, sine ipsius consilio & consensu perageret: rata nimirum hominem eodem patre, vt fama erat, genitum, partim sanguinis communione, partim beneficiorum multitudine, adductum iri, vt pari fide & beneuolentia curam de salute & Maiestatis sororis susceperet. At ille non contentus hac fortunæ suæ & beneficiorum gloria, vt vidit eo se loco constitutum, in quo faciliè quicquid vellet, Regina permittente, faceret: statim regnum appetere, insidias parare, clàm omnia moliri, quibus Reginæ inuidiam, sibi auram popularem venari posset. Eoque rem breui perduxit, vt quicquid è Republica sancitum decretumve fuit, id Domini Iacobi (ita enim initio vocabatur<sup>2</sup>) opera & consilio factum esse putaretur: quod verò secùs, id Reginæ leuitati, & impotentis muliebri omnes adscriberent. Res illi eo magis erat in procliui, quòd hæresis iam Scotiam paulò antè occupauerat, cuius ipse & plantandæ, & propagandæ, in illa gente author præcipuus extitit: Regi-

2 Scoticè, Lord.  
Iames.

na verò contrà, auita & orthodoxa religionis tenacissima, vt pestem illam Calvinianam regno expelleret nihil non obnixè conabatur, in eo ferè solo peccans, quòd cæca cognationis affectione ducta tanti incendii facem, tunc cum primum ardere cœpit, non ilicò extinxerat. Datum itaque Ministris Calvinianis negotium est, vt multitudinem tentet, quo animo sceptri mutationem ferret, simulque Reginae famam & honorem quanto possent artificio depeculentur: id illi, vt sunt procaces, alacriter susceperunt, atque in suis ad populum concionibus, muliebris aulae luxum, & ficta Reginae vitia, obscure primum & leuiter carpere: Comitibus autem Moraviae (id enim nomen Reginae munificentia iam erat adeptus) regiam indolem, dotisque animi singulares & propè diuinas prædicare cœperunt. Deinde verò vbi auditorum flexibiles ad nouitatem animos, & superioribus sermonibus nonnihil commotos animaduertissent, iam in apertam iniuriam prorumpere, & tyrannidem, idololatriam, stupra, adulteria, patricidia, nullum denique non flagitii genus Reginae, optimæ & innocentissimæ scimmiae, exprobrare ausi sunt ita vt relicto Dei verbo, cuius se ministros oppidò gloriòse mentiebantur, totas ferè conciones suas in eiusmodi vitis recensendis & exaggerandis (vt tu olim, aliquæ Parisiis Regi Henrico infensi) consumerent. Sed nec famosis etiam libellis abstentum: scripti complures, & in varias terrarum plagas dimissi, vt per eos Princeps innocens in omnium odium & offensionem incurreret, & fœdæ improborum hominum coniurationi aliquis æquitatis fucus prætenderetur: ex quibus vnus quidem mendacissimus, magna cum authoris ignominia, sub historiae titulo multorum adhuc manibus circumfertur <sup>1</sup>. Quid multis? trita hæc est, & quasi compendiarie Principes opprimendi via: quam cum te inisse Rex Henricus sensisset, non mirum si nouo vt scribis, in te furore exarserit. *Sicut rugiens leonis, ita & terror Regis: qui prouocat eum peccat in animam suam* <sup>2</sup>. Non est propositi quidem mei, nefanda illa quæ Regi tuo crimina intulisti diluere ac propulsare: quippe pleraque sunt eiusmodi, in quibus nullo ei ad victoriam patrono opus est (accusatore enim non probante, reus, etsi nihil præstiterit, obtinere debet <sup>3</sup>.) Sed ea tantum tractare quæ ad communem Regum causam pertinent: quorum illud est, haudquaquam tibi licuisse Principi populi tui maledicere, vel commina-

1 Georgii Buchananii libri quatuor postremini, quos proditor nefarius & ingratiſſimus ad Dominæ suæ inuidiam & ignominiam composuit.

2 Prou. 20.

3 I. qui accusare. C. de eden.

ri: mul-

ri: multoque minus, non modò famam & existimationem, sed sceptrum & vitam conari eripere Sed quoniam tu contrà falsò habes persuasum, saltem aliis persuadere cupis, hoc scriptiois genus officio & munere tuo non esse alienum: operæ precium est, antequam alia attingam, eius te erroris commonere, & ut resipias adhortari.

C A P. IV.

**B**OUCHER I. *Qua in re si quid erit quod acerbè nimium* In Præfatione  
*audenter factum à prudenti illo & varia utilissimo The- fol. 3.*  
*ologorum concessu primùm, mox à nobis qui scribimus, è Po-*  
*liticorum lacunis gratiosissimi homines quiritantur, indignumq;*  
*facinus clament contra Henricum sic mutire, si si clara illa Eccle-*  
*sia lumina apud Gracos, Nazianzenos, Athanasios, Chrysosto-*  
*mos, apud nostros, Hilarios, Lucifricos contra Principes fidei deser-*  
*tore ac tyrannos fulminantes, tonantes, calum terra permittentes*  
*legerint, habebunt quod ut in illis in re minori iucitatum, vehe-*  
*mens, austerum ac seuerum admirari debeant, sic in nostris in ma-*  
*iori longè nequitia, imò quantam sol iste neque nostra neq; patrum*  
*memoria vidit, remissum, tardum, molle ac lenè pra illis esse con-*  
*querantur.*

Imò verò quisquis antiquorum Patrum scripta non oscitanter perlegerit, tua hæc protinus execrabitur, damna- bitque. Nam quamvis illustres illi Euangelii præcones, quorum mentionem facis, aliique complures, Principum impietatem, nequitiam, tyrannidem, & cætera quæ in homines cadunt vitia, grauib & copiosis orationibus, pro suo in eos imperio spirituali, & quæ viros sanctos decet, ecclesiastica libertate, acerrimè reprehenderint: tamen nemo eorum rebellia & coniurationes laudare: nemo popularibus factionibus & defectionibus studere: nemo subditorum animos ab obsequio & honore Regibus debito auertere: nemo non quæ Cæsaris sunt Cæsari, & quæ Dei Deo tribuenda esse, atque iniquioris imperii iugum ferendum potius, quàm excutiendum prædica- uit: nemo denique in eiusmodi malis, quæ te malè in Reges tuos animatum redderunt, non expectandam Dei misericordiam, qui iustè propter iniquitates nostras, iniustos in nobis grassari Principes facit, quorum ipse corda regit, & paulo momento format ac transformat pro meritis subditorum: ut vel in vnius Constantii persona patet, qui ante mortem pœnitentia ductus vehementer inge-



S. Gregor. Naz.  
Orat. 18. quæ est  
oratio funebris  
in Athanasium  
& orat. 1. in Iuli-  
anum. Theodor.  
Eccl. hist. li. 2. ca.  
fi. & li. 3. cap. 1.

mult, quod à paterna, id est, catholica fide descinuisset. Sed omnes contra Principum mores ea pietate & prudentia carpebant, ne Maiestatem offenderent: ita sua Regibus vitia exprobrabant, ut personæ interea dignitatem, exemplo Samuelis, Nathani, Eliæ, Elisæi, cæterorumque veteris testamenti prophetarum, comiter obseruarent, & venerarentur: cauere quoque in primis ne quid turbidè, insolenter, cōtemptim, vel iniuriosè effutirent, quod populus sibi ad iustam defectionis & rebellii defensionem iure posset arripere. In summa vnum id omnibus propositum erat, ex hominum mentibus scelera, non ex Regum manibus sceptrā euellere. Hunc tibi scopum si delegisses, & post Regis tui Henrici à scelestissimo monacho perempti cadem, libros tuos velut quædam epinicia, & funebres conciones euulgasses: aut eo etiam adhuc superstitè, mores eius, & vitia, quæcunque regno & religioni detrimentum afferre videbantur, ea quæ concionatorem decet modestia: vituperasses, præsentem vel liberius paulò & acrius inculcasses: esset quod merito fortassis gloriare, te aliquid simile iis, quæ præci illi Patres factitarunt, præstitisse. At cum totus in his libris sis, ut Regis tui legitimi vitam omnibus turpitudinis & infamiæ notis conspurces: ut eum contumeliis, imprecationibus, & maledictis lancines: ut inuisum atque exosum populo reddas: ut honore, dignitate, imperio, & vita spoliēs: ut multitudinem recenti ira feruentem, & conscientie repagulis coercitam metu Numinis liberes, atque in plenum pertrahas furorem, ac, Rege cæso, acephalam constituas: non est cur iactites te tam peruersis studiis clarissima illa Ecclesiæ lumina imitatum.

Hocne non est viris bonis imponere? Sanctos nimirum & antiquos Patres Ecclesiæ, quorum fidem sequimur, pietatem laudamus, admiramur constantiam, vitam, & mores, ut regulam & exemplum actionum nostrarum, ad imitandum proponimus, in hanc tecum doctrinæ societatem, in hanc, inquam, sceleris communionem falsò vellemus pertrahere? & quod illi nunquam cogitarunt, nedum scripserunt, eius te eos habere auctores & astipulatores asserere? Sed audi (cogor enim quod celatum volui seuerius exprimere, ne cum dignitati & existimationi tuæ nimis consulo, meam ipsius in discrimen coniciam) audi, inquā, magnam tuam in hac re vel imprudentiā, vel impudentiā. Nam si cum hæc scriberes, ea te tenuit opinio, neminem in viuis esse, præter te solum, qui horum autho-

rum scripta legit vnquam, lectururus ſue ſit: aut ſi legerit, ita animo vigeat, vt eos non ſolum non à te ſtare, ſed planè contrate ab aduerſariis ſtare, tuamq̃ue damnare ſententiam intelligat: inſigni imprudentia lapſus es. Sin verò & fore qui eos lectitent, & nihil tuis ſimile legendo inueniant, ſed contrà prorsum omnia, præuidiſti: audacter nimis & impudenter eos doctrinæ tuæ autores laudaſti, qui palam & vno omnes ore teſtes ſe tui erroris profitentur.

Quapropter ne vllam hac in re calumniã adhibere videar, percurramus, ſi placet, & cum tuis iſtis componamus eorum ipſorum ſcripta quos cauſæ tuę patronos delegiſti.

D. Gregorius Nazianzenus, B. Hieronymi præceptor, ob ſingularem Scripturarum cognitionem Theologus καὶ ἱερός, nominatus, in ea tempora incidit, quibus Eccleſia Dei, per quatuor Imperatorum ordine ſuccedentium, Conſtantii, Iuliani, Valentis, & Valētiniani iunioris, impietatem & nequitiam, maximis, ſi vnquam alias, tempeſtatum & procellarum fluctibus iactata & agitata fuit <sup>1</sup>: at ille tamen cuius ex ore ſermo melle dulcior fluebat, nihil quicquam in vllum eorum viuētem dixit vel ſcripſit iniurioſus. Duas in Iulianum orationes infamatrices cōpoſuit, & alibi etiam in eum acriter inuectus eſt <sup>2</sup>. quem admodum & in Valentem <sup>3</sup>: ſed totum hoc poſt eorum mortem, quo tempore metuendum non fuit, ne iuſtæ illæ ſclerum vituperationes aliquam in populo ſeditionem concitarent: ſed potius ſperandum Principes præſentes futurosque, atque adedò totam poſteritatem, tam immanium monſtrorum & flagitiorum recordatione, cauiores fore, & à tam horrenda impietate deterritum iri. Et verò in omnibus Nazianzeni ſcriptis, ne verbum quidem de rebellionē ſubditorum, & malo ac perfido Principe exigendo, deſine aliqua in eum coniurandi licentia reperies: quin potius ad obedientiam & patientiam compoſitas adhortationes, increpitosque illos qui Dei iudiciū in malis Principibus puniendis præuenire ſtudent <sup>4</sup>: quique nīmio feruore, & zelo inconfiderato, vt tu, res magnas moluntur aggrediunturq̃ <sup>5</sup>: qua de re libro quarto diximus <sup>6</sup>.

Magnum verò Eccleſiæ columnen, & flagellum Ariano- rum, S. Athanaſius Imperatorem Conſtantium, à quo ſæpius in exilium pulſus fuit, vaſtataq̃ue Eccleſia, parricidii, hæreſeos, periurii, & aliorum multorum criminum inſimulauit. Sed quomodo & apud quos? propalamne in cō-

<sup>1</sup> Sub his omni-  
bus rexit Eccle-  
ſiam, & mortuus  
eſt imperante  
Theodoſio Hie-  
ron. in catal.

ſcript.

<sup>2</sup> Orat. 18. 22,  
24. 25. & 27.

<sup>3</sup> Orat. 8. 24. &  
27.

<sup>4</sup> Orat. 1. in Iu-  
lian.

<sup>5</sup> Orat. 21.

<sup>6</sup> cap. 4.

Epist. ad Sera-  
pionem. in fine.

cionibus apud populum, aut libris ad ignominiam com-  
positis & promulgatis? minimè verò. sed tantum in epi-  
stolis quibusdam ad Serapionem, & Monachos solitariam  
vitam colentes, ut eos consolaretur, & in fide orthodoxa  
confirmaret: easque ipsas epistolas ita oculi & abscondi  
voluit ne in aliorum manus peruenirent, ut legi tantum ab  
iis ad quos mittebantur, non etiam retineri, transcribi, vel  
publicari pateretur: idque tanta cautione & prouisione  
fecit, ut suas autographas ad se remitti non transcriptas  
aut editas præceperit. Nemini, inquit <sup>1</sup>, *harum literarum ex-  
emplar edas, aut tibi ipsi transcribas: nam hoc ipsum monachis  
quoque iniunxi. Sed pro tuo candore si quid scriptis deest, addas,  
atque ita ea ad nos quamprimum remittas. Ex epistola mea ad  
fratres cognoscere poteris, quid in scriptis meis sum passus: quapro-  
pter tutum non est scripta edi idiotæ, præsertim de summis & præ-  
cipuis dogmatibus: ne si quid per imbecillitatem & obscuritatem  
sermonis minus plenè sit dictum, noxam id lectoribus adferat. Ple-  
rique enim non fidem aut intentionem scribentis respiciunt, sed  
aut per inuidiam, aut per contentionem sua iam ante ea concepta in  
animo opinionis, prout volunt, verba accipiunt, & scripta pro sua  
libidine inmutant.* Quod autem huic viro sancto is animus  
fuerit, ne quid publicè aduersus maiestatem Principis, aut  
ad eius ignominiam, lingua vel scripto effunderet, satis  
præterea ex eo patet, quod & in epistolis ad Constantium  
missis, & in orationibus ad Episcopos, reuerenter & hono-  
rificè semper de eo Imperatore locutus sit, etiam postquam  
sciuit quanto se furore ad supplicium quæsisset, quanta-  
que impietate ecclesias Arianis *negationis*, ut ille loqui-  
tur, tradidisset, Liberio, Hosio, cæterisque orthodoxis Epi-  
scopis exulare iussis, quod in Athanasii condemnationem  
subscribere noluisent. Nihil hæc omnia virum Dei moue-  
re poterant, ut Principis legitimi Maiestatem despiceret, ut  
imperium minueret, ut dignitatē & existimationē protere-  
ret, ut nomē multitudini odiosum redderet, ut in eū hostes  
concitaret, omniaq; mala induceret, quibus aut regno de-  
iici, aut tolli de medio posset. Itaque quamuis vera essent  
quæ in occultioribus illis epistolis perscribebat, & multis  
etiam nota: tamen ut subditos in officio contineret, qui ex-  
emplo tanti Antistitis ab obsequio in omnes faciliè iniuri-  
as, & ab iniuriis in apertam defectionem prorupissent, ho-  
noricam de eo mentionem publicè semper fecit. testis O-  
ratio eius prima ad Episcopos Ægypti & Lybiæ contra  
Aria-

Arianos. *Siquidem illi, inquit, (de Arianis loquitur) prater mentem Constantii Imperatoris humani & pii, pro libidine, quæ volunt, promulgant. & faciunt ea quæ libet. &c.* testis & Apologia ad eundem Imperatorem, in qua sapius proficitur se eius obsequii imperio, nec vnquam mandatis imperialibus resistisse: piuum eum & optimum Imperatorem vocans, atque amicum Danielis, id est, viri boni & oppressi calūniis: sed & religiosissimum Imperatorem vocat: deniq, ita scribit, vt lamentari vicem Constantii, cuius nomine tot mala perpetrata sunt, non illa ei impropere videatur: & impiis ministris, non Imperatori ascribere.

Veniamus nunc ad decus & lumen Ecclesiæ Gallicanæ D. Hilarium: nam & hic quoque in Constantium scripsit, sed in Constantium vita functum, vt testatur S. Hieronymus: quo in libello suam illi impietatem, ac si viueret, maxima dicendi libertate exprobrauit: eadem prorsus mente qua Nazianzenum in Iulianum & Valentē mortuos inuectum fuisse diximus. Et quamquam ibi de multis blasphemis, & atrocissimis iniuriis Dei filio Domino nostro factis cum Imperatore expostulat: tamen ne minimam quidem de abrogando ei imperio, vel pœnis humanis priuatorum more infligendis mentionem facit, ne id nimirum ad aliorum Principum viuientium iniuriam redundaret: alioquin enim & Valentem, quo imperante obiit, immaniolem multò & capitaliorem Ecclesiæ hostem, pari aut certè grauiore reprehensionis stylo perstrinxisset. Quapropter idem vir sanctus eundem Constantium quamdiu vixit, summa in verbis & scriptis obseruantia coluit: didicerat enim Principi populi non esse male dicendū: Cui rei testimonio sunt alii eius libri duo ad eundem Imperatorem pro libertate Ecclesiæ, in quibus agnoscit eum legitimum Principem licet Ariana peste haud leuiter infectum: ita enim priorem orditur. *Benignifica natura tua, domine beatissime Auguste, cum benigna voluntate concordat, & paulò post, intelligit singularis & admirabilis sapientia tua, &c.* Et iterum. *Æquum debet videri sanctitati tue, gloriosissime Auguste.* Alterius vero initium est. *Non sum nescius, piissime Imperator, deinde sequitur Hæc autem dignantissimo Imperator, arbitrio tuo derelinquo & post, in quantum ego nunc beatæ religio sæ, voluntatis verè te domine Cōstanti Imperator admiror.* Deinde vbi magis seriò de Christianæ fidei dogmatis cū hoc Ariano Principe sermonē cōferre statuit, sic infit. *Audi,*

in catalog.  
script. eccles.



*rogo, ea quæ de Christo sunt scripta, ne sub eis ea quæ non scripta sunt prædicentur: locutus sum tecum cum honore regni & fidei tuæ, omnia ad Orientis & Occidentis pacem profutura similiter & in libro contra Auxentium, vocat eundem Constantiū Sanctum Regem: sanctum quidem non vitæ & fidei integritate, quippe Arianæ Hæresis fautorem manifestum, sed inuiolabili muneris dignitate, ob reuerentiam scilicet personæ quam gerebat in terris: sciebat enim à Deo constitutū, ut ait Tertullianus, cui dictorum factorumque omnium rationem erat redditurus.*

Nec minor Patrum omnium orthodoxorum eius seculi erga Imperatorem obseruantia Nam & magnus ille Hosius, cum iam centesimum annum ageret, & Confessoris munus in grauissimis persecutionibus egregie obiiisset, ad eundem Constantium Episcopos Catholicos exiliis inhumaniter vexatē & multantem sic scribit <sup>1</sup>. *Tibi Deus imperium commisit. nobis quæ sunt Ecclesiastica, concedidit: & quæ admodum, qui tuum imperium malignis oculis carpit, contradicit ordinationi diuinæ, ita & tu caue ne quæ sunt Ecclesia ad te trahens, magno crimini obnoxius fias. Datæ scriptum est, quæ sunt Caesaris Casari: & quæ Dei Deo. Neque igitur fas est nobis in terris imperium tenere: neque tu thymiamatum & sacrorum potestatem habes Imperator.* Et patres orthodoxi, qui Arimini conuenerant plusquam quadringenti, ad eundem Constantium submissæ & reuerenter scripserunt cum viginti Episcopis legatis ad eum missis <sup>2</sup>. Prætereo quantam D. Basilii <sup>3</sup> apostatæ Iuliano quæ Imperatori: & D. Ambrosii <sup>4</sup>, Valentiniano Hæretico, etiam tunc cum facile eū opprimere & imperio morteque multare possit, obedientiam & reuerentiam exhibuit. Adeo nec singuli, nec vniuersi eius ætatis sancti exemplum nobis vllum reliquerūt, libellos famosos & accusatorios in Principem viuentem & regnantem conscribendi, edendi, publicandi, vulgoque ad dedecus & ignominiam committendi, quod superioribus in Brutum libris latius patefecimus.

Nam quod ad Luciferum attinet, quem tibi imitandum proponis, fuit ille quidem, ut ex historiis & rebus ab eo gestis colligitur, tui haud absimilis: id est feruente & inconsiderato zelo accensus, cætera morosus, arrogans, iracundus: quæ illò eum vitia pertraxerunt, ut ab Episcoporum Catholicorum communione *hoc est Romana Ecclesia*, inquit Ambrosius <sup>5</sup> miserè decesserit, & nouam suam doctrinam

<sup>1</sup> Hæc Hosii epistola refertur ab Athanasio in epistola ad solitariam vitam agentes.

<sup>2</sup> Athanas. de Synodo Ariminensis. Sozomē. li. 4. hist. Eccles. ca. 17. & 18.

<sup>3</sup> in vita Basilii Magni.

<sup>4</sup> D. Ambro. li. 5. epi. 30. 31. 32. 33.

<sup>5</sup> in orat. de obitu fratris sui Satyri.

viperarum progeniē pepererit, Luciferianos scilicet Hæreticos, *qui cum ipso Lucifero auctore suo, qui mane oribatur, cedere meruerunt* <sup>1</sup>. Hic, fateor, cum neque dicendi facultate, neque doctrina & sanctitate vitæ cum diuinis illis, quorum mentionem feci, Ecclesiæ patribus esset cōferendus, libellos quosdam in Constantium Imp. valde stomachosos edidit, quib. suam ei impietatem asperrimis verbis exprobrauit, & ultionem diuinam seuerissimè comminatus est. Sed in eo tamen mitiorem & meliorem se præbuit quā tu: quodd nihil extra Dei causam, id est Hæresin Principi suo impropèrarit, nullumque ei conuitium nisi huius solius causa fecit: nullum ei scelus affinxit, nullum obiecit crimen, quod non luce clarius toti orbi innotuisset: Denique licet eum iniuriosissimis verbis propter hæresin insectaretur, & latronem, carnificem, sacrilegum, homicidā, idololatram & aliis id genus nominibus appellaret: tamen nullas ei insidias struere vel mortes parare, nullas seditiones & rebellia contra eum, quamuis Hæreticum manifestum cōcitare, augere, fouere, vel laudare nissus est. Tu verò cōtrā, omnes nocendi, addo & mentiendi, artes peruestigasti, omnes ingenii neruos contendisti, omne studium curamque contulisti, vt Regem Catholicum & Christianissimum, nulla Hæreseos macula notatum, non solū Hæreticum esse multitudini falsò persuaderes: sed infinitis præterea omnis generis flagitiis contaminatum & cōspurcatum, quæ nec admisit, nec admittere in animo habuit vnquam: & qui extremus inuidiæ & scriptionis tuæ scopus est, vt omnes in eum imperum faciant, & quo iure quaque iniuria imperium ei vitamque rebellibus armis eripiant, adhortatus es. Quæ cum ita sint, licet multa tibi cum Lucifero communia inueniantur, veluti arrogantia, iracundia, morositas: tamen haud rectè iactas te illum in hoc scriptionis genere esse imitatum.

<sup>1</sup> 24. q. 3. can. quidam. Vide Ruff. li. 1. cap. 30. Socrat. li. 3. c. 9. Sozom. li. 5. c. 13. hist. Eccle. S. August. de hæresib. ad Quod vult. Deum.

C A P V T. V.

**O** Stendi iam paucis quid, & qua mente, antiqui illi veritatis propugnatores, ad quorum sanctitatis exemplum te opus hoc tuum elaborasse cōtendis, in Principes Catholicæ Religionis proditores vel desertores exararunt. Reliquum igitur nūc est, vt cum illorum dictis tua componamus: ita enim fiet, vt nihil te illis simile effecisse, sed planè ab illorum instituto defecisse, ac rem ordine tuo prorsus

protus indignam egisse, cunctis perspicuè & euidenter appareat.

Nazianzenus & Hilarius in mortuorum tantum Principum impietatem & tyrannidem inuecti sunt. quod magno populi, Principumque succedentium commodo, & sine ulla multitudinis concitatione & seditione facere potuerunt. Boucherius verò Regem sceptrā tenentem, & armis, opibus, ingenio, clientela, omnibusque Maiestatis copiis florentem, quantis maximis conuiciis, maledictis, opprobriis, generisque omnis iniuriis contemptim & petulāter lancinat & laceffit.

Athanasius viuentem Constantium Imperatorem parricidij, hæreseos, periurij seu perfidiæ, & aliorum criminū inculcauit: sed apud paucos tantum Monachos per epistolam, & ita occulte, vt neque ab ipsis Monachis id scriptum retineri, neque cum vllō alio communicari, sed sibi quamprimum remitti voluerit. Boucherius Regem Henricum his omnibus & infinitis aliis sceleribus inquinatum esse publicè vociferatur, edicit, concionatur, scriptisq; famosis libellis, & ad mille exemplaria in vulgus emanare iussis, vt id ad omnium mortalium aures animosque perueniat, obnixè dat operam.

Hosius asseruit neminem posse Constantij hæretici imperium malignis oculis carpere, quin diuinæ ordinationi contradicat. Boucherius, neminem posse Henrici (quem hæreseos falsissimè in simulat) imperio parere, quin eo ipso Maiestatem diuinā committat. Hosius regnū Ariano Principi, qui hæresi parricidium, & vtrumque periurio cumulauerat non sine grandi piaculo abrogari posse docet. Boucherius, licere cunctis in Regem Christianissimum & Catholicum, ob quædam non rectè facta insurgere, & vt in terram atque horrendam belluam vel monstrum aliquod, omni impetu irruere, & vitam ei vnā cum imperio eripere: imò qui id non conantur, omnes patriæ hostes, & magni sceleris obnoxios esse denunciat.

**In vita Basilii.** Basilus Magnus Iuliano, Cæsareā Cappadociæ venienti obuiam processit<sup>1</sup>, & pandi ei ciuitatis portas omniaque subditorum officia exhiberi suasis: sed & munera etiam ei obtulit. & vt odium in Christianos conceptum mitigaret supplex deprecatus est: quamquā poterat se vallo & muris sine vllō periculo continere, cū sciret cū Iuliano exercitū contra Persas militare, qui aduersus Christianos i. o  
rebellē

rebelles ne gladium quidem pro Imperatore stringerent. Boucherius Henrico Regi cum maximo exercitu ad seditiones & rebelles coercendos Lutetiam proficiscenti portas occludi, milites in praefidiis apponi. ciues cum armis & omnia apparatu bellico qua viribus qua insidiis, resistere & repugnare iubet. Omnes antiqui Patres quorum iam mentio facta est, Principes illos pessimos siue ad ipsos, siue de ipsis, aliquid publicè scribebant, nunc Reges, nunc Imperatores, honoris gratia nominabant. Boucherius ne semel quidem Regis nomine dignatur Henricum III. nisi forte *εἰς ὀνόμαϊν*. Cum tamen Sixtus Papa V. in sua de hoc Principe Bulla semper eum Regem, honoris causa nominet, hoc modo. *Quod Henricus III. Francorum Rex*, & paulò post: *Nos dictum Henricum Regem paterna charitate* &c. & iterum dumque expectabamus quod idem Henricus Rex, & mox, pro eiusdem Henrici Regis anima salute & conseruatione, qua nobis praerebus omnibus charior & antiquior semper fuit, quid persequar singula? quisquis diploma illud legerit, horum nominum coniunctorum inflectionem per omnes casus inueniet. *Henricus Rex, Henrici Regis, Henrico Regi, Henricū Regē, Henrico Rege*, vt nusquam alterum sine altero reperiatur: ex qua Pontificis Maximi humanitate & ciuilitate, suam Boucherius insulsiatē, inciuilitatē volui dicere, detur verba verbo, agnoscere & emendare potuit.

Athanasius vocat Constantium Imperatorem humanum & pium <sup>1</sup>, quia etsi talis non esset, talis esse debebat, adeo vt id nominis etiam minus pio tribuendum sit (quodmodum Prator, vt ait Iuriconsultus <sup>2</sup>, *ius reddere dicitur etiam cum inique decernit relatione scilicet facta non ad id, quod ita Prator fecit, sed ad illud, quod Pratorem facere conuenit*) Boucherius Henricum nec humanum, nec hominem, sed belluā, nec pium sed impium & prototypon nequitiae appellat <sup>3</sup>. Ille Constantium Arianum, ob reuerentiam Marcellis, pium & optimum Imperatorem nominat: hic vero Henricū Catholicum, ad despectum & ignominiam regalis dignitatis, magnum & crudelem Draconem in rapinarum & libidinum fluminibus cubantem <sup>4</sup>, veteratorem, perfidum, mendacem abiectum, vilem, barbarum aliisque id genus nominibus (pro linguam sacerdotis effranem) passim pronunciat.

Helarius librorū suorū ad Constantiū initia hisce mitissimis epichetis ornat, *domine beatissime Auguste, gloriosissime*

*An-*

<sup>1</sup> in orat. 1. ad Episc. Egypt. & Lybia.

<sup>2</sup> Paul. I. pen. D. de iust. & iure.

<sup>3</sup> li. 2. c. 9.

<sup>4</sup> in epistola ad vniuersos ecclesiae orbe Christi.  
<sup>5</sup> lib. 4. ca. 13.



*Auguste piissime Imperator. dignatissime Imperator. & similibus* Boucherius principium Apostrophes suæ ad Henricum hocce dedecoro & infami titulo conspurcat. *At tu prophane, qui peior Cyclopibus &c.*

Nemo istorum antiquorum Patrum id egit, ut multitudinem Principi infensam redderet, & ad rebellionem concitaret, ut intestinis odiis & ciuili dissensione Rempublicam vexaret, ut subditi spe & specie melioris regiminis ad arma in Principem legitimum conuolarent, ut ipsum etiam si possent (facti potestatem intelligo) Imperialibus & regalibus ornamentis atque insignibus spoliarent. Boucherio autem vnicus, certè præcipuus scopus est, Henrico Regi imperium abrogare, inque eum omnes regni ordines infestis signis commouere, quod vel sola Boucheriani operis inscriptio præfatioque demonstrat. Illi nihil quod famam grauius perfringeret ad Principes scripserunt: huius libri tam crebris scatent infamię notis, ut vnus tantum famosus libellus esse videantur. Illorum libri ad Principis emendationem & regni conseruationem spectant: huius verò, ad Regis abdicationem & Monarchiæ destructionem recta tendunt. Illi *cum honore regni* profitentur se locuturos cum Principe *omnia ad Orientis & Occidentis pacem profutura*: hic sine vlllo honore regni & Maiestatis, cum Principe tanquam cum vilissimo cerdone vel serospasco congregitur, & ea loquitur quæ ad dissidium, & florentissimi regni dissolutionem atque interitum videntur plurimum valitura. Illi acutos ad reuocandum ab errore Principem syllogismos, piè humaniter, & artificiosè excogitarunt: hic totis ferè duobus libris<sup>1</sup> continenter syllogizat, seu verius paralogizat, ut imperitis errorem incutiat, Regi verò non errorem, sed imperium detrahat. Si enim verum est quod quidam affirmant, cōclusionem non esse partem syllogismi, integros semper syllogismos binorū capitum inscriptione conficit ad hūc modum, *periurus regno indignus est* (notā vniuersi generis veluti, *omnis*, hic satis intelligimus) *Henricus est periurus. Excutiendi regno schismatici: Henricus schismaticus reus est. Hæretici sceptro amouendi: Henricus hæreticus est, &c.* En scitos quidem syllogismos, sed parum tamē firmos, quia rei veritate deficiuntur.

Nemo illorum quos memoraui reprehendit vnquā eos qui cum Principibus pessimis manserunt, & ea illis officia impertiebant, quæ Cæsari, qua Cæsar erat debebantur, alioqui,

liquoque nec Iouianus & Valentinianus viri nobiles, & tribuni militum, qui confessorum munia iam obierant: nec Terentius, Traianus, Arintheus, Victor, fortissimi Duces exercitus, qui suam Imperatori hæresin & *ῥευσίαν* in os exprobrabant, aliique complures, vnquam in Constantii, Iuliani, Valentis, aut Valentiniani iunioris aula vel castris habitassent: nisi, quod dictu absurdum, defuisse tunc Catholicis Basilios, Athanasios, Gregorios, Ambrosios, qui eos errantes officii admonerent, stulta persuasione arbitremur. Boucherius omnes qui Henrico Regi, suo aduersus rebelles opem ferunt, Ecclesiasticos, Nobiles, Senatores, Patricios, Plebeios, obiurgat, increpat, execratur, anathematizat, atque ad infernum viuos cum Core, Dathan, & Abyron ablegat & amandat <sup>1</sup>, nisi statim Rege relicto in coniuratorum societatem se recipiant: idque eo tempore, quoniam nondum Summus Pontifex de causa aliquid erat interlocutus Nam nisi Boucherius de seipso mentitur <sup>2</sup>, quod non credo, hoc ipsius opus *duobus minimùm antequam Rex caderet, mensibus excudi captum est*. Aliis autem duobus minimùm vel tribus, antequam prælo subiiceretur, mensibus, quin ei lucubrando transcribendūque opus fuisset, nemini reor obsecrum esse, qui alicuius momenti cogitationes literis mādare solet. Sixti autem Papæ bulla commonitoria seu maius comminatoria & citatoria, 3. Nonas Maii id est, non tribus ante Regis interitum mensibus, Romæ data fuit. Atque ita Boucherius Regem spernens, Papam præueniens, ipse sibi & Pontifex Maximus, & Princeps supremus, diuinas & humanas sanctiones, tanquam alter Moyse, in manu tenens, omnibus regni ordinibus multas & mortes arbitratu suo ininitatur. Heu nouam & dissimilem antiquorum Patrum doctrinæ disciplinam! Heu apertissimam turbandis imperiis ianuam, vāque facillimam! Heu pestem reguorum, & ciuiliū dissensionum discordiarūque solum & solidum fundamentum!

An ignorabas, Boucheri, cū talia scriberes, summos Pontifices, qui patres sunt & pastores Christianorum, pro sua in filios pietate, sententiam excommunicationis etiam grauiissimæ ita temperasse, vt excommunicato communi-  
care possint omnes quotquot ante sententiam excommunicationis ei se subdiderunt, aut alioqui naturali lege subiecti sunt <sup>2</sup> quo in genere Vasalli & Subditi, quorum fides ad obsequium sanctissimo iurifurandi vinculo Regib. ob-

1 li. 4. cā. 13. cū septem seq.

2 ad lectorem.

3 Can. quoniam multos. 11. q. 3. c. inter alia. de sen. excom. S. Thom. supp. q. 23. art. 1.

stricta est, merito censeri debent: dummodo ne flagitia & scelera quae itam Ecclesiae commoerentur etiam excommunicato communicent. Itaque Reuer. Pater Edmundus Hayus; quem magnum in primis Theologum, & ciuiliſ etiam moderationis haud mediocriter peritum fuisse plurimi sciunt, margini eius libri quæſi mihi ad respondendum Buchananio tradidit, hoc sua manu adscripserat. *Ecclesiae sententia est ut excommunicatorum subditi non solum in eos non insurgant, sed eis pareant.* Et uide sancti illi cymbæ Petri Nauarchi, regnis & imperiis hac prouisione diligenter cauerunt: quibus alioqui malum ingens & frequens magno cum Ecclesiae detrimento impenderet, si Principe nimirum in excommunicatione incurrete, decedere ab eo ac deficere illico subditi omnes tenerentur, cum uix ullus Principum tam peccatus sit, cuius defensionem quantumuis iniquam non plurimi suscipiant: & maior sæpe pars meliorem vincat. Quapropter ipsi Pontifices huius rei notionem declarationemque sibi solis referuant, ut causa cognita quid subditis faciendum sit pronuncient. Cur ergo tu omnes, quorum obligatio subiectioque legitima Bullam Sixti publicatam antecessit, hoc ipso excommunicatos denunciaſ, quod Regi suo aduersus rebelles opem ferant? tunc summi Pontificis partes, atque in omnes Gallicanæ Ecclesiae Prælatos imperium tibi arrogasti? Quæſiui à multis, & perſerutatus sum tantæ præſumptionis, ne dicam temeritatis, causam. Alii in odio tibi fuisse Regem: alii animû tuum flauis pharmacis Indiciſ, malum ingens mortalibus, corruptum & deprauatum fuisse retulerunt. *Caca quidem res est inuidia, nec quicquam aliud ſcit, quam detractare uirtutes, corrumpere honores, & præmia earum*<sup>1</sup>. Sed cur Regi tuo inuideres non video: flaua autem illa Orientis pharmaça ad quiduis audendum mortalia pectora cogunt, sed an eius veneni mali poculum tibi porrectum fuerit, quamuis id multi pro certo habeant, non audeo affirmare. Alii, quorum probabilis opinio est, nisi tute nobis aliud suadeas, zelum inconsideratum tibi hos errores peperisse: qui certe periculosus est, & multis malorum causa fuit. Moyses zelo occidit Aegyptium, & peccauit<sup>2</sup>; Oſa arcam Domini nutantem zelo tetigit, & interiit<sup>3</sup>; Petrus zelo percussit Malchum, & reprehensus est. Iudæi zelum habebant, sed non secundum scientiam<sup>4</sup>: zelus plurimum sine scientia in scelus conuertitur. Sed mitto hæc alias commodius pertractanda. Videre nō

que

<sup>1</sup> Liu. li. 38.

<sup>2</sup> Exod. 2. epist.

Judæ

<sup>3</sup> 2. Reg. 21.

<sup>4</sup> ad Rom. 7.

Antipophora.

que mihi videor te hoc modo reponentem: Quod dixi flā-  
tes ab Henrico esse excommunicatos, id ab eo tempore  
intelligendum est, quo ipse Henricus Apostolico de emit-  
tendis e carcere personis Ecclesiasticis, mandato non pa-  
ruit, hoc est, vno ante mortem mense: vt est in ipso illo Pon-  
tificis Diplomate comprehensum. Admitterem libenter  
responsionem, si non idem semper a Blasenſi eade in pul-  
pitis & compitis, in circulis, & cōiuijs, in Academia scho-  
lis & vrbis palatio, in omnibus deniq; locis publicis & pri-  
uatis, summa contentione, docendo, disserendo, concio-  
nando, colloquendo, tam clara voce intonuisses, vt rē tam  
āpertam & manifestam, neque tibi negare honestum, neq;  
mihi probare necessum sit.

## C A P. VI.

**E**X relatione rerum gestarum ab antiquis Patribus ad-  
uersus malos Principes, & eorum quæ ab illis, quæq; a  
te scripta sunt, collatione, perspicuum iam est te neq;  
verbis, neque sententiis, neque instituto & fine, cum ma-  
gis illis Ecclesiæ luminibus convenire, quod facit vt du-  
bitem, istisne viris sanctis maiorem iniuriam feceris, cū n-  
te illos imitari & tam prauæ opinionis authores habere  
indicares: an multis libri tui lectoribus, quos falsa hac per-  
suasione decépisti. Et verò doctrinæ tuæ apud varios homi-  
nes, opinio re plurimū in hac re onerat, & propè est vt con-  
demnet. Quandoquidem non est verisimile hominē The-  
ologiae professione clarum non istos ad vnguem Doctores  
calluisse. Scire autem quid senserint, & nihilominus eorum  
mentem aliò detorquere, id certè existimationem pulsat.  
Nulla subtilior & ad capiendos imbecilles animos fraus a-  
prior est, quàm quæ in eumentis sanctorum vjorum sus-  
fragijs lateret: Ringas vsque licet, veritatem tamen dicam &  
liberè loquar, causa enim cogit, nempe te non raro Autho-  
rum testimonia ad sententiæ tuæ cōfirmationem, vel in-  
scienter, vel mala fide nobis obtrudere: ex multis vnum tā-  
tū in hunc locum transducam: cætera, vt quodque oc-  
curreret, annotabo. In tractatu de tyranno, quem re vera ty-  
rannicè explicas<sup>1</sup>, Regem legitimum, si tyrannicum an-  
tum induerit, *a Republica iuste enici* posse doces: ad cuius fir-  
mamentum, post concordem Protestantium Hæreticorū  
sententiam ( quorum opinionem laudas, & ad illos acce-  
dis, non illi ad te) & graue scilicet boni Buchanani testimo-

Lib. 3. cap. 13. &  
sex sequentib.



nani testimonium, Bodini etiam auctoritatem, viri certè in Politicis acuti, his verbis adcumulas.

*Nec longè discrepat Bodini opinio, cùm ait in Tyrannum qui praesidia, arces, & munita loca occuparit, apertumq; se hostem praeberit, lege Valeria utendum esse, quæ Tyrannum vel indicta causa cadi iubet. Sin minus, & tyrannidis ita suspectus sit, ut à vi tamen manifesta abstineat. Solonis potius legem audiendum esse, ut iure primum in eum agatur, ac deinde pœna irrogetur. Quid enim est aliud indicta causa Tyrannum, quàm à privato quous, cùm dabitur, interfici posse? Nam si id in inuasorẽ principatus licet tanto magis in religionis & patria oppressorem, quantumvis aliqui legitimum Principem. licere debet, quanto deterius est, malum in eo videre presens, quod in altero tantum futurum timebatur.*

Bodinum igitur tecum consentire doces, licere nimirum cuilibet de populo Principem quantumvis legitimum interficere, si tyrannicis moribus se coinquinet: ac ne quid lector de ea re dubitet, citati testimonii locum in Bodini de Repub. libris designas<sup>1</sup>. At author ille in eodem capite verbis adeo disertis tibi contradicit, ut, quæ Francis maxima iniuria est duellóq; decernitur, de eius te iudicio apertè mentiri ipsa illa verba denuntient. Nam postquam de verè Tyrannis disseruit, id est de iis qui in libera ciuitate, liberoque populo, summum in omnes dominatum inuadunt & occupant, quos semper cuilibet occidere licuit, semperque licebit: cuius iuris exẽpla sacra & profana passim suppetunt: ad alterum genus Tyrannorum accedit, hoc est, ad eos qui vel successionis iure, vel electionis beneficio, regna & monarchias adepti tyrannicè imperant, de quibus sic

2 eod. cap. 5. li. 2. scribit<sup>2</sup>. *Mais si le Prince est absolument souverain, comme sont les vrais Monarques de France, d'Espagne, d'Angleterre, d'Ecosse, d'Ethiopie, de Turquie, de Moschonie, desquels la puissance n'est point reuoquee en doute, ny la souveraineté mespartie avec les subiects: en ce cas il n'appartient à pas un des subiects en particulier, ny à tous en general d'attenter à l'honneur, ny à la vie du Monarque, soit par voye de faict, soit par voye de iustice. ores qu'il eust commis toutes les meschanttez, impietez, & cruantez qu'on pourroit dire: car quant à la voye de iustice, le subiect n'a point de iurisdiction sur son Prince duquel depend toute puissance & authorité de commander, & qui peut non seulement reuoquer tout le pouuoir de ses Magistrats, ains aussi en presence duquel cesse toute la puissance & iurisdiction de tous les Magistrats, corps & colleges, estats & communantez, comme nous auons dit & dirons encores plus ample-*

ment

ment en son lieu. Id est ( reddam enim vt potero Latinè , eorum causa qui Gallicè nesciunt , ) *At si Princeps absolute supremus est , vt sunt Francia , Hispania , Anglia , Scotia , Æthiopia , Turcia , Persia , Moschouia veri Monarcha , quorum nec potestas in dubium vocatur , nec summum imperium cum subditis partitum est : hoc casu , neque singulis separatim , neque omnibus vniuersè fas est contra Principis seu Monarcha honorem , vel vitam , siue de facto , siue iuris ordine aliquid tentare , etiam si omne quod lingua nuncupari possit , impietatis , flagitii , & crudelitatis genus pertraherit . Nam quod ad iuris ordinem attinet , subditi nullam habent iurisdictionem in Principem , à quo pendet omnis iubendi potestas atque authoritas : quique non solum Magistratibus suis mandati iudicandi facultatem omnem renunciare potest , sed etiam quo presente , omnium Magistratum , Corporum , Collegiorum , ordinum & Communitatum potestas & iurisdiction cessat , quemadmodum diximus , & adhuc suo loco dicemus vberius .*

Nempe li. i. c. 3.  
& lib. 3. cap. 6.

Quis , malum , hic modus est tractandi authores , vt quæ aliquis de vna specie scripserit , senseritque , id ad aliam longè diuersam & dissimilem authore repugnante & contradicente , palam , accommodes ? Bodinus primi generis Tyrannum , qui propriè Tyrannus est , optimo iure à quolibet de populo interfici posse verè & prudenter iudicat : eam tu sententiam arripis , quasi de legitimo Principe in tyrannidem lapsò dictam , & conicis inter alia eiusdem planè generis , id est falsa & friuola argumenta , vt doceas ex Bodini sententia , Henricum III. Franciæ Regem interficiendi ius cuilibet priuato competere , quòd sit , te iudice , Tyrannus : cum tamen Bodinus , neque singulis neque vniuersis aliquid contra eius honorem vitamque licere , quantumuis tyrannicè regnet , superiore sententia concludat . Estne hoc viros bonos circumscribere ? estne , inquam lectori imponere fallacia fallacissima ? Nonne satius multò fuisset Bodini contrariam tibi sententiam proposuisse ac refutasse , si id aliqua ratione potuisti , aut eum penitus silentio præteriisse , cum scires illius sententiæ veritate tuarum rationum vanitatem argui : quàm tam euidentem & manifestam calumniam adhibere ? Quid in veterum scriptis facere potes , qui in recentis & viuentis scriptoris atque etiam popularis tui libris tantum tibi licere putas ? Cum hanc olim captiorem viro docto , & à tuis studiis non abhorrenti ostenderem , isque eam aliquandiu perpendisset , substitit non nihil , moxque velut è somno excitatus se vbi esset nescire , & mi-

rari plurimum tantam in libris tuis imposturam inueniri, seque antea magnam tibi in laudandis authoribus fidem tribuisse, quam nē in posterum adhibeat se huius tam aperta calumniæ recordatione impeditum iri dicebat. At nesciebas hanc apud Bodinum sententiam extare, quod eius forte opus non legeras, sed a scio lo quodam particulam illam transcriptam accepisti, credo equidem: nam ita te a multis adiutum in opere illo consarcinando tradis. *Quæ cum non unius hominum generis, sed omnino omnium causa communis sit*, inquis, mirum profecto esse non debet, si quæ a singulis de eare didicimus, hac in unum compacta simul coniungamus. Multa hic nos Theologi, multa Iurisperiti, multa rationum publicarum magistri, multa vel aulici ipsi, multa & alii ex quouis ordine homines docuerunt. Sed peiperam docuerunt, & te deciperunt, si hoc illis acceptum fers. Et verò ut demus superiorem errorem, aliosque multos, quos in fra suis locis indicabimus, ab istorum nonnullis fuisse suggestos, id licet malitiam malam abesse a te declaret, eoque notam calumniæ inducat & abstergat, tamen expressa vanitatis, incuriæ, & temeritatis tuæ vestigia omnibus intueâda proponit: quod leuem scilicet auditionem pro re cōperta habueris: quodque non ex Scriptorum fontibus, sed ex flexuosis incilibus falso & fallaci sepro conclusis haurire voluisti: quod denique in causæ omnium grauissimæ disquisitione, quorumlibet hominum susurros, rumusculos, calumnias, criminationes, diueria, & quicquid omnino ad aures peruenit, tãquam in ludis scenicis vel Bacchanalibus, intermiscere ausus es. Sed ista hic admonuisse sat est.

Decederem hinc, nisi illud me iterum renocaret, quod scribis. *Si quid erit quod acerbè nimium & auidenter factum à prudenti illo & patriæ utilissimo Theologorum concessu primùm, mox à nobis qui scribimus è Politicorum lacunis gratiosissimi homines quiruntur.* Concessum illum Theologorum intelligis nimirum, quos in quarto tui operis libro 2 tradis rogatos priuatim sapius, tum publicè à populo, Procuratoris visibis voce, ob signatoq; publico sigillo libello, ut dicerent. Num Franci propter ea que ab Henrico publicà si te violata Blasphæmæ acta erant, securè ab eo desicere, atque armis in eum contendere, ob idq; pecunias colligere possent. qui, ut vno verbo dicam, responderunt posse. Quod utilem scilicet patriæ concessum. An non rubore suffunderis, & totus sudore manas, quoties huius tui dicti venit tibi in mentem? Si compages & neruos omnes Reipublicæ

ex dissolui: si cædibus, incendiis, & direptionibus patriam repleri: si religionem catholicam & cultum diuinum ab aliis negligi, ab aliis proteri & conculcari: si concipies & socios, cognatos & affines, parentes & liberos armis & animis hostilibus inter se dimicare: si amplissimas regni ciuitates obsideri, & ferro, fame, flammaque vastari: si denique regnum ipsum externis hostibus prodi, ac ne amplius ostendat hac regnum esset in discrimen vocari (nam de Gallia provinciis ad Regulos deferendis, vulgò, *de Cantoner la France*, crebrior inter multos sermo auditus est) si inquam hæc omnia, quibus ille primùm conuentus, mox tua scripta & seditiosæ conciones causam dederunt, Gallia laboranti fuerunt vtilia, quin vtilissimus fuerit ille concessus non equidem inficiar. Sed quoniam de hoc Theologorum cætu scholæ Sorbonicæ, quam honoris causa nomino, mentio mihi incidit, dicam apertè, non fuisse hanc omnium eius scholæ Doctorum noxam, sed paucorum quarundam in quibus tu primas tenuisti: alii quia in summo vitæ discrimine versabantur si repugnassent, furente iam vt alibi ais, & grassante multitudine in omnes quos tenuissima suspicio erat in fide Regis mansuros, vel minimo eum verbo adiuturos, inuiti planè & coacti, vt præsentè periculo defungerentur (nam non quilibet semper ad Martyrium paratus est) assensionem adhibuerunt. neque enim alicui tunc ad vitæ præsidium & securitatem Parisiis sat erat Regem non laudare, vel alienatum ab eo animum tacito aliquo signo indicare: sed hoc amplius necessarium, proscindere eum conuiitiis, figere maledictis, petulantissimis verborum contumeliis lacerare, suppliciis & diris omnibus deuouere: vsque adeo nimirum exarsit plebs iracundia, vt qui non talia stomachosius profunderet, is omnium iudicio hæreticus esset & politicus (id enim nomen pro Atheo tunc vsurpabant) dignusque cuius membra in crucem, bona in fiscum illico raperentur. At huic furibundæ animorum cæcitati lucem aliquam obtulit tandem solers illa stultorum Magistra, *Experientia*, licet seriùs multò quam oportuit. Vtilissimus igitur ille Theologorum concessus, tantarum cladum & calamitatum parens: vtilissimæ illæ tuæ conciones & descriptiones, discordiarum & rebellionum pestilentissimæ nutrices. Vtilissima denique seditio illa quæ Monarchiam omnium in Europa pulcherrimam ad interitum ferè traxit. Audax.



Alludit ad id qd  
Boucherius di-  
cit: Aulicorum  
vitam Cyclopigā  
Æ. li. 2. c. 33.

Boucheri, & nimium audax, sceleris & perfidiæ facinus id fuit, contra Henricum Regem sic *mutire*: & hoc tibi dictum accipe ab homine non ex *Politicorum lacunis*, vel ex *Cyclopigis aulicorum antris* ? prodeunte, si politicos peruersè tuo sensu explices: sed ex eorum hominum consortio, qui diuina humanis, fidem saluti, religionem rebus omnibus anteponunt. ab eo, inquam, homine, qui nullis vnquam vel factionibus addictus, vel affectionibus abductus, addicendum, scribendumve accessit: quique nunquam temporis opportunitatem & hominum fortunam secutus est vt mutaret aut moderaretur sententiam, & quod postremum est, qui nulla Principum largitione & munificentia corruptus fuit, vt illis in mala causa adesset. Idem itaque mihi de hoc negotio semper iudicium fuit, quod nunc est, idque à patre, Nobilissimo & sapientissimo viro, & multis qui ad eum frequenter conueniebant summis Theologis (erat enim non solum doctus, sed doctorum, & præcipue ecclesiasticorum hominum adeò amans, vt à vicinis Nobilibus religiosorum mendicantium pater diceretur) re sapius in disceptationem vocata accepi, ea ætate quæ tenacissimam omnium ad se perductorum memoriam habet. Quæ res profectò effecit, simulque multa Scripturæ & scriptorum ecclesiasticorum, atque adeò omnis generis authorum lectio vt vestras in Regem coniurationes semper sim execratus. Et quamquam plerosque in istis turbarum initiis videbam ita animo siue à natura, siue malo more, & seditiosorum hominum suasu doctrinaque, compositos, vt toti ab hominum potentia penderent, & rebellionem religionis causa, pulcher enim prætextus, magnis encomiis celebrarent: existimantes nimirum fidem catholicam in Gallia, vt dicebant, nutantem sustentari, in Scotia verò & Anglia collabefactam restaurari bellica virtute posse: sanctamque Dei Ecclesiam, tantis classibus, tot equestribus & pedestribus copiis, tot militum armis dextisque satis defensum iri: aliis thesauros & opes Pontificias, aliis Hispani potentiam & gentis eius corpora atque ingenia in rebus bellicis exercitatissima, aliis ciuitatū Galliarū vnionem & fœderis firmitatem, aliis hæc omnia, aliaque humanæ prouisionis multa, iunctim iactantibus & considerantibus: tamen in mea semper ratione fui constās. Deum scilicet religioni per rebellionem non prospecturum, quòd mala ab hominibus fieri nō vult, vt bona consequatur

tur <sup>1</sup> : fidem in nationibus prædicatione & patientia, non <sup>1</sup> ad Rom. 3.  
 armis fuisse plantatam : & Ecclesiam, quamvis armis sæpe  
 ad sui defensionem egeat, sæpeque armis aucta sit & pro-  
 tecta, non à rebellibus & coniuratis solere opem petere,  
 sed à Principibus & Magistratibus legitimis, quos Deus ci <sup>2</sup> Esaiæ 49.  
 nutritios dedit <sup>2</sup>, quique belli indicendi ius, & gladii po-  
 testatem habent. Quapropter quod vulgo tunc plerique  
 insignem rei gerendæ prudentiam vocabant, id ego sum-  
 mam rei perdendæ dementiam iudicabam : & multis in sua  
 illa spefictis, imò defixis. spes suas fallaces, & cogitationes  
 inanes futuras manifestò prædixi : atque id semper egi in  
 hunc diem, ut ipsorum mihi rationes displicere vel apertis  
 contradictionibus, vel mœsto silentio demonstrarem. Ne-  
 que enim semper tutum fuit verbis verba obiicere, & cur-  
 renti furori occurrere, præsertim ubi torrentis instar præ-  
 ceptis deiatus, obuia quæque, armis & metu, secum rapie-  
 bat. Sed his relictis ad te reuertor,

## CAPUT VII.

**I**Am libri tui limen, inferum superumque, salutaui: lice-  
 at tectum subire ut intus te audiam quid ergo primum  
 dices?

**BOUCHERIVS** <sup>3</sup>. *Dicturis de iusta Henrici III. à Franco-* <sup>3</sup> lib. I. c. r.  
*rum sceptro abdicatione tria omnino exponenda videntur, Primū*  
*an iusta omnino causa esse possit, maximè autem in Gallia, Reges*  
*abdicandi. Deinde, an causa legitima in Henrico III. subsit, pro-*  
*pter quam abdicetur, Postremò an premente negotio iudiciorum*  
*formulam hic expectari oporteat, ut non protinus abdicetur, aut*  
*ad arma conuoletur. Quæ tria eo diligentius explicanda sunt, quod*  
*triplex hic à certis hominibus dubitatio occurrit, vel quòd dicant*  
*soli Dei non hominum iudicio Reges subiacere, populo non aliud*  
*quàm ut oret & patienter ferat relictum esse: vel quòd Henrici a-*  
*cta nonnulli excusent: vel quòd denique iudiciorum formulam hic*  
*expectari velint, antequam quid decernatur.*

Ex tribus istis à te propositis satis fuisset exposuisse pri-  
 mum, si modò catholicè, & orthodoxè, ad normam scili-  
 cet Scripturæ, & doctrinam Patrum atque etiam nostri se-  
 culi sanctissimorum hominum & insignium Theologorū  
 modum id explicuisses. Nam posito semel & idoneis ra-  
 tionibus stabilito ac fixo. Nullam iustā causam esse posse, ma-  
 ximè autem in Gallia Reges abdicandi (quæ Catholicorum

omnium concors est & conspirans sententia, ut iam superius ostensum est. quod te si vacat<sup>2</sup>, remittimus) consequens profectò est frustra quari, *an causa legitima in Henrico III. subsit, propter quam abdicetur*, vel an protinus contra eum *ad arma conuoletur*, id est, seditiosè, tumultuosè, procaciter, crudeliter, & perfidiosè de interficiendo Rege coniuretur: hæc enim sola via superest subditis Regem abdicare conantibus quod iusta nimirum causa, & iuris auxilio deficiunt. Sed cum ab hac antiqua Patrum institutione descueris, & ad Buchanani, Brutique, hominum hæreticorum & Regibus insensibiliorum, disciplinam in hoc negotio adhærere pessimo exemplo volueris, minimè quidem mirum est, te quæstiones istas ordine proposuisse, atque ita primam definiisse, ut post illam tuo iudicio decisam, integra de reliquis duabus disceptandi materia superesset: alioqui stomachus tuus, seu flauis illis pharmacis Indicis, quorum meminimus, seu atra bili, seu quo alio veneno iactatus & nauiseans, non habuisset in quem tot sordidas & virulentas iniurias euomisset. Ut igitur pulchram aliquam exonerando stomacho peluim nancisceris, primam quæstionem ita explicas<sup>2</sup>,

*qui secus faciat, id est, qui non iuste & legitime imperet ac qd agat, maxime vero qui religionis aut populi oppressionem siue interitum meditetur, hunc coerceri primum omni honesta ratione oportere, & si aliter res succedere non valeat, sceptro amouendum esse sine controuersia profitemur.*

Hic duplex erratum tuum est, alterum quidè in eo quod parem Regis populum opprimētis, aut non iuste & legitime imperantis, & eius qui populi interitum meditatur, conditionem facis: cum tamen hic quidem eo ipso quod populi perdendi animum habet, ex Rege non Regem se faciat, omnique regali honore & dignitate, atque in subditos potestate priuet, ut tutemet alibi fateris<sup>3</sup> & pluribus libro tertio admonui<sup>4</sup>: ille verò quamuis dure & leniter imperet, Regis interea & nomine & dignitate fruatur, vel teipso iudice, qui eum primum coercendum, & si aliter res succedere non valeat, sceptro amouendum esse sine controuersia profiteris. Alterum autem in eo est, quod populo Regem non iuste & legitime imperantem, coercendi & abdicandi ius tribuis, cuius contrarium verum esse, tum naturali ratione & iure gentium communi, tum Scripturæ authoritate & exemplis, tum veterum & recentiorum Theologorum ac Iurisperitorum doctri-

lib. 2.

a cap. 25

a lib. 2 cap. 16.  
4 cap. ultimo.

na & testimoniis planè & perspicuè iam ostendimus <sup>1</sup>. Itaque plures nostra ætate magni nominis Theologi, in terminis (ut dicitur) tibi contradicunt. Nam Cunerus Episcopus Leouardienſis <sup>2</sup>, *Scripturam: bis semper & ubique testare*, inquit, *Regibus licet peccent, per nullam vim vel arma repugnandum esse: peccant enim grauissimè si potestatis hac amplitudine abutantur. & vel iuramenta prouinciis prestita non seruent, vel nimium cupiditatibus indulgeant. Sed pro his criminibus indubitanter eos, quæ Regibus omnibus maior est veritas & Sapientia* <sup>3</sup>, *quæ ad impios Reges clamans ait* <sup>4</sup> *Audi o Reges & intelligite, & eius & cuius* <sup>5</sup>, *Cuius quidem potestatis, de regibus loquitur, licet ex lege Dei si nul & ex iuramentis & pactis sint in exercitum iolimites & cancelli: nulla tamen pacta vel contractus diuina ordinatione, qua Rex potestatem suam habet, præiudicare possunt, ut populus aliquando contra Regem suum ad arma conuolare queat. Episcopo Abbatem iungamus. Ninianum V Vinzerum, qui inter alia aduersus Buchananum & Brutum quibus in hac re præceptoribus usus es, Audis* <sup>6</sup>, inquit, *verum Dei veri Prophetæ theologiam: Regem videlicet quantumvis impium ipsius Dei iudicio & castigationi relinquendum esse, & alibi, Sed quod tandem de gladio asseris. nempe, Si veritatem gladio Princeps persequatur, eodem gladio per alium veritatem defendere oportet. Libenter, inquit, cuperem istud expresso Dei mandato (sine quo alias crebro docetis nihil in religione tentandum) à vobis ostendi. Videor enim mihi animali saltem spiritu concitato, aliquid tale probari posse, summopere velle. Sed occurrit mihi statim illa Domini sententia, sufficit discipulo ut sit sicut magister eius: si me persecuti sunt, & vos persequentur. Multa sunt eiusmodi, quæ ut cum Christo propter iustitiam patiamur, ut illius crucem ferendo tollamus, utque postremo Euangelicam gratiâ Christi quæ virtutes liberius confessione ad mortem usque constanter annunciemus: sed ut pro Christo gladium aduersus Magistratum cum Petro tollamus, non lego. Nec his contentus vir iste sanctus & religiosus, inque libris sacris diu multumque versatus, addit Per id fingamus ita esse, quod deliri isti iam somniant, Christianum aliquem Regem in nonnullam idololatriam, addo etiam in apostasi in delabi: & subditos quoque pro virili in ea scelera secum pertrahere studere: licetne continuo subditis bello talè Regem aggredi, regno eicere aut morti tradere licet profecto si Dei verbo precipitur: licet si idem ius populo in Regem hoc casu concedi probetur à Deo, quod Regi in populum: licet postremo, mea quidem sententia, si aliquo probato exemplo, vel inuicere, vel in*

1 lib. 9.

2 lib. de o. Eccl. Princ. Christi. nica. 5.

3 Esdr. 3. c. 4.

4 Sapi 6. 5 eodem ca.

6 in libr. qui inscribitur, venerationi in Georg. Buchan. Pag. 180. & in altero qui inscribitur, flagellum sectariorum pa. 79. & 93.



*noua lege, ostenditur hoc feliciter & cum laude factum aliquando fuisse. Sed cum nihil horum, ni fallor, ostendi possit, quid obstat quo minus tutiorem & propinquiorem viam salutis & nostræ & patriæ potius inquiramus, quàm cadibus & sanguine omnia fustemur, quàm direptionibus & spoliis terram in solitudinem rodigamus? Si populo potestas est castigandi Regis à Deo concessa, è qua Scriptura? Taceo ego, quod repugnet naturæ & ordini rerum, ut corpus dominetur in caput, ut pedes oculo monstrent viam. Hæc patres isti: & alia multa quæ libro tertio à nobis relata sunt, & tuæ definitioni ex diametro opponuntur. Cum illis igitur negotium tibi est, quos & scientia Scripturarum, & vitæ sanctitas, & multarum rerum experientia posteritati commendarunt: & quorum libri, antequam vulgarentur, ab aliis multis Theologis recogniti sunt & approbati, & ubi in lucem prodierunt, magnum Catholicis hominibus adiuumentum aduersus insana hæreticorum deliria afferre crediti. Et verò illi eam ipsam hæreticorum opinionem oppugnant, quam tu hic, cōtrā quā par est, magno totius Ecclesiæ scandalo propugnas. At mihi quidem, & multis, certò persuasum est, hosce Theologos Scripturam sanctam, scriptaque Patrum longè clarius quàm te inspicisse: de intellectu loquor, non de aspectu, ne in re seria cauillam mihi culpæ des: quasi naturæ vitium casumve in contumeliam vertens *ἐλεγοφθαλμῶν* & luscum te vocem? id nec facere me, nec arbitrari te æquum est: quippe qui non coclites modò, ut Paphnutium, Maximum, & alios à Galeatio eluscatos: sed etiam cæcos, ut Didimum, in sciētia Scripturarum excelluisse sciam.*

Quoniam igitur sententiæ nostræ veritatem, *Populo scilicet non aliud quàm ut oret & patienter ferat*, Deique iudicium expectet, *relictum esse* pluribus iam libris sumus prosequuti: superest tantum ut refutatis primum argutiis, imò ineptiis, quas ad contraria quædam argumenta dissoluēda adhibes: tuæ mox sententiæ fundamenta perscrutemur, & quam sint tanto oneri ferendo imparia, infirma, friuola, & subiecta demonstremus. Atque interim admonere libet te nimis fidenter & apertè Regum omnium sceptris illudere, in eo quod scribis, *nihil bonis & catholicis Regibus à te metuendum esse*. Nam, si verum est, ut est verissimum, honorem & dignitatem generosis animis, viris bonis, in quā, & bene natis, summæ in primis curæ esse: quis non videt maximam vel optimis Regibus metuendi sibi à te causam  
libris

librishisce tuis esse oblatam. quodd eos nimirum & populo subiicere <sup>1</sup>, & regni Maieſtate priuare <sup>2</sup>, & capitalium criminum reos, pœniſque priuatorum more obnoxios <sup>3</sup>, facere conaris. Si boni Reges ab eiufmodi homine metuendum ſibi non rentur, propriæ ſalutis nimis prodigi, & dignitatis à Deo ſibi collatæ negligētes ſunt. Quod ſi fortè dixeris, metuendum illis à te non eſſe, ne populum in eos ſeditioſis cōcionibus ad rebellium excites: neue fanatico ſeu phrenetico cuidam monacho vt eos iugulet perſuadeas reſpondeo ne hoc quidem certum eſſe propter incertum tuum & fallax de bono Rege iudicium, vt ex funeſta defuncti Regis cæde apparet: cū tamen virum bonū ſimul neci dedere, & ſuo Rempub. ſponſo optimo viduare, nefarii p̄torſus & ſupra modum ſclerati hominis profeſſo ſit. Sed cū honor vita charior Magnatibus eſſe ſoleat: adeo vt Regina Frāciæ, Crotildis nepotum ſuorum capita quā comas amputari maluerit <sup>4</sup>, vt vitæ nimirum ſuæ interitu, honoris amittendi ignominiam redimerent, cur ſibi à te non timeant Reges, qui iſpis libertatem, maieſtatem, & quicquid verè regium eſt niſu vehementi & furibundo extorquere atque eripere conaris? Neque enim verum eſt quod quidam putant, nullum in bonos Principes periculum à populo intendi, vt à me ſuprà libro primo vberius oſenſum eſt, idque vtinam ætas noſtra non tam euidenter in optimæ Principis perſona aſpexiſſet.

<sup>1</sup> cap. 9. & ſequentib. vſque ad finem li. 1.  
<sup>2</sup> l. 3. c. 8. & 9.  
<sup>3</sup> paſſim. li. 2. & 3.

<sup>4</sup> Gregor. Turon. lib. 3. c. 18. Aimoin. lib. 2. cap. 12.

C A P V T VIII.

**B**OVCHER <sup>5</sup>. Neque verò nos illa mouent quæ à multis in contrariam partem afferuntur, Cuiusmodi illud eſt quod B. <sup>6</sup>

Petrus <sup>6</sup> dominis non tantum bonis & modēſtis, verum etiā dyſcolis obedire iubet, quod aliud ſit δύσκολον ſiue, vt in Græco exemplari eſt σκόλιον (quod durum, præfractum, difficile, moroſum, modēſto denique contrarium ſignificat) aliud apertum inſtitia aut pietatis oppreſſorem eſſe. Aliud etiam non modēſtum aut commodum, aliud impium & iniquum eſſe.

At certè plurimum te mouere debent: tum quod à multis (vt ipſe ais) afferuntur, quorum ſententia antiqua, certa, & comuni potius, quā noua & nutante hac opinione tua, ſtandum eſt: tum etiam quia nihil dignum Theologo ad eorum diſſolutionem adducis: tum denique quod ne centeſimam quidem partem eorum quæ in contrarium afferri poſſunt, in tuos libros tranſtulisti, cū ſint tamen

eiufmo-

eiusmodi, quibus, si fuissent a te producta, nunquam cū ratione restare potuisses. eas liber tertius noster lectori sup-  
 pedabit. Sed miror equidem valde te tam grauem tanti  
 Apostoli auctoritatē tam leui & friuola responsione esse  
 dignatum. Nam quæ præcedunt & quæ sequuntur apud  
 D. Petrum illo loco, satis manifeste ostendunt eum loqui  
 non solum de duris, præfractis, difficilibus & morosis, ve-  
 tu interpretaris, sed omnino de peruersis & malis dominis.  
 Ait enim, *Serui subditi estote in omni timore dominus, non tantū  
 bonis & modestis, sed etiam dyscolis.* vbi verbum illud, dysco-  
 lis siue *σκολιῶς*, vt est in Græco, opposuit bonis & mode-  
 stis: bono autem solum malum opponitur. ergo malis &  
 immodestis dominis seruos in omni timore subditos esse  
 iubet. Deinde quod subiicit, *Hac est enim gratia si propter  
 Dei conscientiam sustinet quā tristitias, patiens iniuste.* Quæ est e-  
 nim gloria, si peccantes colaphizati sufferis? (quasi diceret, nul-  
 la: quia merito plectimini) *Sed si bene facientes patienter susti-  
 netis: hæc est gratia apud Deum.* id adeo perspicue & euidenter  
 monstrat loquem superiorem intelligendum esse de domi-  
 nis impiis, iniquis, & iustitiæ vel pietatis oppressoribus, vt  
 qui id non videt, plane cæcus sit. quid enim est iniuste pa-  
 ti, si non ab iniusto? Sed quoniam ad vim verbi Græci nos  
 vocas, & certam tibi ex ea victoriam polliceris: inde ego  
 te ad Prætorem manu confertum, reuoco, vt illud quoque  
 tibi de manib. telum extorqueam. Ais igitur, *quod aliud sit  
 δυσκολον siue ut in Græco exemplari est σκολιον.* Et hic que que  
 falleris aut fallis: in Græco enim exemplari nō est *σκολιον*,  
 id enim verbum cantilenam conuiualem significat, quæ  
 ad Apostolicum præceptum nihil pertinet: sed *σκολιον*,  
 vel potius *σκολιῶς*, vnde *σκολιῶς* quod refertur ad *διαπότῃς*  
 superius positum, quod nomen inter cætera *Prauium*, id est  
 malum & vitiosum significat, vnde non solum modesto, sed  
 etiam bono opponitur: ob eamque causam Ben. Arias  
 Montanus, vir in Scripturis & linguarum cognitione ex-  
 exercitissimus, illa Apostoli verba *ἀλλὰ καὶ τοῖς σκολιῶς*, ad  
 Verbum transfert, *sed etiam prauis* <sup>1</sup>.

2. in nouo te-  
 stam. græcæ &  
 latine excuspo.  
 Antwerp. 1533.

3. cap. 4.

Quæ cum ita sint, an nō erubescis tam frigido & enerui  
 ac pene ridiculo argumento, ex conuiuali cantilena con-  
 suto, receptum & vsitatum Apostolici dogmatis sensum,  
 conari euertere? præsertim cū non illud solum, sed alia  
 etiam eiusdem Apostoli diserta & aperta in eam rem testi-  
 monia extent, quæ libro tertio conscripsimus <sup>2</sup>. An non  
 sciebas

ſciebas libros tuos non eo loco fore, quo tu ipſe eras cū iſta ad populum concionareris? ibi vox tua, velut hominis oracula fundentis, omnibus intonabat: contradicere, reſpondere, vel replicare auſus eſt nemo: ſed Pythagoriciſm ſilentium; & illud *ἀὐτὸς ἔφα*, ſcilicet, *Noſtre Maieſtatis Monſieur Bouchier l'adit*, ſatis erat ad credendum. At non eadem fortuna & conditio; neque idem genius librorum eſt: exanſinantur, agitantur, approbantur vel impugnantur, ut quidquid in illis recte vel ſecus comprehenſum eſt & concludum; ad ſtrictam denique rationis & iuſtiæ normā exiguntur, & totidem ſortiuntur iudices, quot inuenerint lectores: ſed pergamus.

*Boucherius* <sup>1</sup>. Multo etiam minus nos mouet Politicorum deteſtabilis illa vox, Regem nullis legibus ſubiici ſed ſupra legem eſſe. Quod ut de poſitiuis legibus priuatoque iure apud Iuriſconſultos aliquando dicitur, ita qui de iure comuni, aut omnino de omni lege intelligat, quā nihil aliud quam recta ratio eſt, non hominem nobis ſed terribiſſimam quandam belluam ſingat. Adde quod ne diuine quidem legi ſit pariturus, qui omnem legem excutiat. Quod in Principe qui admittat, omni ſcleri ac nequitia contra Deum & omne ius fenestrā ſit aperturus.

Hui, quid audio? deteſtabiliſne poteſt eſſe vox illa, quæ tot iam retro ſeculis à tam multis ſapientiſſimis hominibus, Græcis & Latinis, in ſcholis, in roſtris, in ſenatu, in curia, in foro & iudiciis toties decantata, celebrata, approbata, laudataque fuerit: nemine interim excellentium virorum eam damnanſe vel vituperante, ſed potius contra omnibus eam ut præclaram, piam, & catholicis hominibus dignam amplectentibus? Si deteſtabilis vox eſt, cur ea vtitur B. Auguſtinus? ſcribit enim Imperatorem non eſſe ſubiectum legibus, qui habet in poteſtate alias leges ferre. Si deteſtabilis vox eſt, cur de Dauidè dixit D. Ambroſius <sup>2</sup>, *Quod erubescunt facere priuati, Rex non erubuit conſideri. Qui tenentur legibus audent ſuum negare peccatum, dedignant rogare indulgentiam, quam petebat qui nullis tenebatur legibus humanis.* & paulò poſt <sup>3</sup>, ad illud, *tibi ſoli peccauit Rex utiq; erat, inquit, nullis ipſe legibus tenebatur: quia liberi ſunt Reges à vinculis delictorum.* Neque enim ullis ad pœnam vocantur legibus tui imperii poteſtate homini ergo non peccauit, cui nō tenebatur obnoxius. Si deteſtabilis vox eſt, cur eam nemo ante te talem eſſe denūciauit? an quia id nesciebāt, an verò quia quod ſcirent eloqui non audebāt? doctus es, facior,

<sup>1</sup> Eod. cap.

<sup>2</sup> in Apolog. Dauid. capite. 4.

<sup>3</sup> cap. 10.



fateor, at multos multo te doctiores præcessisse non dubito. forti etiam animo es, sed, vt videtur, ad rebellium quàm ad martyrium paratiore, & proinde non conferendo cum illorum constantia, quibus vox ista, quam reprehendis, grata & rata semper fuit. Quæ res facit vt improbus & intestabilis censendus sit quisquis tam gratam & acceptam Maioribus nostris vocem, tuo more, detestatur.

Sed vt liberè dicam, aut non satis assequutus es quo sensu viri boni vocem illam, quam detestabilem vocas, pronunciant, aut eam peruersè nimis & calumniosè aliò detorques. Sciendum igitur est, eos qui solutum legibus. Principem asserunt, non intelligere de vi directrice siue directiua, vt loquuntur <sup>1</sup>, qua lex suæ obseruationis vinculum omnibus hominibus iungit: nam eo modo Rex non minus quàm priuatus quilibet legi subiicitur. Sed de vi cogente seu coactiua, quæ in Regem idèd non cadit, quòd neque à seipso cogi possit, cum nihil sit seipso superius, semperque voluntas libera, neque ab alio, cum non habeat in temporalibus superiorem <sup>2</sup>. Qua ratione legem illam, *Princeps legibus solutus est* <sup>3</sup>. Constantinus Harmenopolus <sup>4</sup>. ita exponit. ὁ Βασιλεὺς νόμοις ἐχ' ὑποκείται, ἢ γοῶν ἀμαρτήσας οὐ κολάζεται id est, *Rex legibus non subiicitur, videlicet si delinquat non punitur*. Atque hanc quidem distinctionem, cum omnes & Theologi & Iurisperiti haecenus probarint, tum ex recentioribus clarissimus Theologus Robertus Bellarminus tanquam solidum cuiusdam responsionis suæ fundamentum amplectitur <sup>5</sup>. Quod cum ita sit, næ tu in viros pios & eruditos iniuriosus es, quos voce hac, quam detestabilem nominas, vfos esse constat. Hæc ego iudicandi erroris tui causa velut in transcurso adnoto. Nam locum istum supra copiosè tractaui <sup>6</sup>: eo igitur nunc, ne actum agam, supersedebo. Tantum illud admonere libet, te ineptè & ridicule ius commune à iure priuato distinxisse, cum scribis,

*Quod vt de posituius legibus priuatoque iure apud iurisperitos aliquando dicitur, ita qui de iure communi, aut omnino de omni lege intelligat. &c.*

Quali verò aliud sit ius priuatum, aliud ius commune. Voluisti nimirum nouæ tuæ Theologiæ nouam Iurisprudentiam annectere: sed neutram admittimus. Ius commune est illud ipsum ius priuatum quo ciues omnes vtuntur, quod & commune auxilium & ius merum <sup>7</sup> vocatur & op-

ponitur

<sup>1</sup> Rebuff. in pro-  
ueni. comment.  
in const. reg. nu.  
54.

<sup>2</sup> cap. per vene-  
rabilem. qui fil.  
sunt legit.

<sup>3</sup> l. Princeps. D.  
de leg.

<sup>4</sup> l. i. epist. tit. i.

<sup>5</sup> tom. i. Contr.  
3. li. 2. c. 27. ad 3.  
obiect.

<sup>6</sup> li. 3. c. 14. & 15.

<sup>7</sup> in causa 16.  
D. de minor.

ponitur iuri singulari, priuilegio, vel extraordinario auxilio: nunquam autem iuri priuato. Ius publicum si dixisset, in firmione quidem non peccasset, quippe in Sacris, Sacerdotibus, & Magistratibus consistit<sup>2</sup>, & priuato iuri opponitur: in sententia tamen nihilominus error refeditur. Sed parum, credo, aut nihil de bono brodio iuris gustasti, vt eiusmodi falsa & insulsa discernas. Reliqua nunc videamus.

*BOUCHER. N que etiam quod dicunt solius Dei iudicio, praterea nullius subiectum Regem esse Quod vt nullo scripture testimonio probatur, ita ab eadem manifestissime refellitur, quæ ait*  
*3 omnem animam potestatibus sublimioribus subditam esse, & 4,*  
*quodcumque super terram Ecclesia ligauerit ( nulla enim hic Regis exceptio qui & terra nomine continetur ) in cælo quoque ligatum esse.*

Regem solius Dei iudicio relictum esse, & soli cælo debere innocentie rationem, superioribus libris abundè & vanè demonstratum est, quorū<sup>5</sup> repetitione non est quod hic lectorem distineam. Ea res siquidem apud maiores nostros, ab ipsis Christianæ Ecclesiæ cunabulis, nulli vnquam orthodoxo dubia fuit, nec sunt mutanda quæ interpretationem certam semper habuerunt. Nam & Tertullianus author<sup>6</sup> eū sui seculi Christianos omnes sensisse Reges in solius Dei potestate esse, solo. Deo secundos solo Deo minores, & post Deum primos. Et Otto Episcopus Frisingensis ad Imperatorem Fredericum Oenobarbum<sup>7</sup>. Cum nulla inueniatur persona mundialis quæ mundi legibus non subiaceat subiacendo coerceatur soli Reges, vt pote constituti supra leges, diuino examini reſeruati, seculi legibus non cohibentur. Vnde est illud tam Regis quàm propheta testimonium. Tibi soli peccauit. Decet ergo Regem non solum animi magnanimitate nobilitatum, sed & ad cognoscendum creatorem suum diuina gratia illuminatum, Regem Regum, Dominum dominantium Deum præ mente habere, & ne in manus eius incidat, quantum potest modis omnibus precauere. Cum enim iuxta Apostolum, omni mortali horrendum sit incidere in manus Dei viuentis: Regibus, tamen, qui nullum præter ipsum, supra se habent quem meruant, eo erit horribilius, quousque ceteri possint peccare liberius. Quare miror te sententiam perpetuò in Ecclesia laudatam probatam, & retentam, tō modò vt ancipitem, dubiam, & controuerſam agitare, sed vt planè falsam & vitiosam, sine vlla, non dico vera & firma, sed ne leui quidem & probabili aliqua ratione vel au-

<sup>1</sup> I. Centurio 15.  
<sup>2</sup> D. de vul. & pup.  
 sub. lius singulari  
 D. de legib.  
<sup>3</sup> I. 1. §. D. de iust.  
 & iur.

<sup>3</sup> Rom. 13.  
<sup>4</sup> Matt. 16. & 18.

<sup>5</sup> lib. 3. & 4.

<sup>6</sup> in Apologet.  
 & ad Scapulam  
 vide sup. li. 3. c. 11.

<sup>7</sup> in epist. præfixa  
 Chronic. sup.  
 li. 3. c. 11.

thoritate, reicere & condemnare. Nam quod ex Scripturis affert, id adeo est ab instituto alienum, vt omnino sententiam de qua agitur neque oppugnet neque propugnet. Nobis de civili & temporali subiectione quaestio est, quam non cadere in Regem ideo asserimus, quia superiorem in temporalibus non habet: tu argumentum de spiritali & ecclesiastica potestate ingeris: quid ad rem? aliud hoc est potestatis genus. Iam diximus<sup>1</sup>. Reges omnes summo Pontifici, qui Christi vicarius & D. Petri successor est, non minus spiritali iurisdictione subiectos esse, quam ceteros quoque Christianos. At argumentum inde deductum ad probandum temporalem subiectionem Regis, perinde concludit, ac si diceret, factum esse lunam noctu splendere, quia sole lucente non cernitur. vt enim hoc argumentum vitiosum est, quia solis & lunæ tempora confundit<sup>2</sup>: ita & tuum illud, quia distinctas potestatis species ineptissime permiscet. Quid enim? si filium Dictatorem haberes, is omnibus, & tibi inter ceteros, qua Dictator est, imperaret, neminique esset subiectus. At qua filius est in sacris patris constitutus (nam olim<sup>3</sup> nulla dignitas filium neru patriæ potestatis soluebat) tibi perinde subditus esset atque alii quos habes in potestate, liberi. Apage ergo eiusmodi fallacem & captiosam rationem, quæ res dispariles & diuersas in vnius naturæ similitudinem, ipsa repugnante natura, cogit. *non oportet ius civile calumniari, neque verba captari*<sup>4</sup>, non oportet, inquam, sententias veterum de vna re dictas, ad aliam planè dissimilem transferri: *sed qua mente quid diceretur animaduertere conuenit*. Quod dicunt Regem solius Dei iudicio subiectum esse, id ita intelligunt, si inter illum & populum res agatur: nam quibus civiliter preest, iisdem vt civiliter simul sub sit per rerum naturam fieri non potest: & nemo, vt tu ipse fateris, iudicari vel puniri nisi per superiorem potest. Quod igitur tu de Ecclesiastica potestate profers ad hanc sententiam nihil pertinet.

## C A P. IX.

**E**iusdem generis, id est, fallax & captiosum, est quod subicis. *Et mortem quidem pro seruanda fidei integritate toleratam ac tolerandam esse didicimus, pro seruanda autem Tyranni aut persecutoris vitâ & obedientiâ nondum didicimus. Non enim in exercitu alicuius tyranni militant eius subdi-*  
ti vi-

<sup>1</sup> li. 4. cap. 4.<sup>2</sup> Gen. 1.  
Psal. 135.<sup>3</sup> Dionys. Halicarn. li. 2. antiq.<sup>4</sup> leg. pen. D. ad exhib.

I viri boni, pro ipsius vita seruanda, sed pro sua ipsorum salute, & vita aeterna obtinenda. Id est, non is illis scopus est vt tyrannidem foueant, vel vitam tyranni, quatenus tyrannus est, tueantur & conseruent: sed vt potestati a Deo constitutæ propter Deum obtemperent in iis quæ diuino iussui contraria non sunt. Hoc autem facere eos debere si nō idum didicisti, discere nunc tandem: non à me quidem, sed à magnis illis Magistris, Petro, Paulo, Hieronymo, Augustino, & aliis. Ac B. Petri quidem sententiam proximo supra capite, & alibi <sup>1</sup> vberius exposui. D. Paulus vero. *Admone illos, inquit <sup>2</sup>, Principibus, & potestatibus subditos esse, dicto obedire, ad omne opus bonum paratos esse.* En vt Apostolus non Principis imperantis, sed operis imperari qualitatem distinguit: bonum sit opus an malum. Quapropter neque si Princeps, cæteroquin optimus, malum imperauerit faciendum, eius iussum capescere: neque si pessimus bonum præceperit, eius imperium de rectate vllō modo licet. Sub bono autem, in hac specie, à *Ag. Greg.* siue indifferens, vt Cicero vocat, comprehendimus: id enim, quia malum non est, boni rationem induit, quatenus à superiore præcipitur. Itaque D. Hieronymus superiorem Apostoli sententiam, & illud item præceptum <sup>3</sup>. *Serui domini suis subditi sint in omnibus*, ita interpretatur. *Subditi sint dominis suis in omnibus quæ non sunt contraria Deo: vt si dominus ea iubeat, quæ non sunt aduersa Scripturis sanctis, subiiciatur seruus domino.* Quod si dominus seruis, vel Princeps subditis ea imperet quæ Dei mandatis aduersantur: respondeant illud de actibus Apostolorum. *Obedire oportet Deo magis quàm hominibus <sup>4</sup>.* non dicit, conuolent ad arma, impetum in iubentem faciant, scelestum è mediō tollant, & similia nouæ tuæ Theologiæ decreta, quæ nemo non execrandus ante te docuit. *Imperatores, inquit D. Augustinus <sup>5</sup>, si in errore essent (quod absit) pro errore suo contra veritatem leges darent; per quas iusti & probarentur, & coronarentur, non faciendo quod illi iuberent, quia Deus prohiberet.* non dicit, probarentur & coronarentur, icendo fœdus, & coniurando aduersus eiusmodi Imperatores impios, & leges contra veritatem condentes, quemadmodum tu his libris, qui iustitiæ Francorum probationem in eo solo statuisti, si castra Regis desererent, & arma quæ pro eo aduersus rebelles ferebant in ipsum conuerterent. Tibi bonus, tibi iustus, tibi pius, & vir Dei tunc videbatur, quisquis manum extendere in Chri-

1 li. 3. cap. 9.

2 ad Tit. c. 1.

3 ad Tit. c. 3.

4 idem in eōdem c. 3. ad Tit. & refertur can. Si dominus ti. q. 4.

5 epist. 166. can. Imperatores it.

7. 3.



1 in psalmū 124.  
& refertur dict.  
can. Imperatores  
11. q. 3.

stum Domini, & non solum chlamydem, sed caput ei præcidere, nec clam dormienti hastam auferre, sed sicam vigilantem palam in latus inferre, paratus erat, id autem unde didiceris, nisi fortè à Buchananano & Bruto, haud equidè coniectura assequi possum. Nam D. Augustinus <sup>1</sup>. *Julianus extitit infidelis Imperator*, inquit, *Nonne extitit apostata, iniquus, idololatra? Milites Christiani seruierunt Imperatori infideli. Vbi veniebat ad causam Christi, non agnoscebant nisi illum qui in cælo erat. Quando volebat, ut idola colerent, ut iherificarent, præponebant illi Deum. Quando autem dicebat, producite aciem, ite contra illam gentem, statim obtemperabant. Distinguebant dominum æternum à domino temporali: & tamen subditi erant propter dominum æternum etiam domino temporali.* Hinc ego didici, obtemperandum esse Regi quantumuis impio & iniquo (qualis fuit Iulianus) in omnibus quæ legi diuinæ non repugnant: & subditos, ni id faciant, Maiestatis reos esse, grauiterque in Deum peccare à quo Regi potestas est: ac proinde illos, qui in Regis Henrici exercitu militabant, quorumque ministeriis usus est, dum ciuitates à sceptro deficientes in ditionem reduceret, improbo styli naso iniuste & immerenter, à te esse perstrictos. Sed hunc locum iam antè longius sum prosequutus <sup>2</sup>.

2 li. 3. cap. 8 cum  
sequentibus & lib.  
4 c. 5. & sequen-  
tibus.

3 Matt. 17.

BOUCHER. *Non etiam id nos mouet quod dicunt Christum tributa Cæsari pendisse* <sup>3</sup> *cum magnum sit discriminè inter ius regium, quod Romanis in Iudeos vel ipsorum iam consensu quasi-  
tum erat, atque inter tyrannidem, quæ inuitis obtruditur, qualis  
hodie omnis illa potestas est, quæ religioni ac pietati aduersatur ut  
nec illud omittatur, quod Christus in ea re priuati hominis exemplum,  
non regni ac populi videtur præbuisse.*

Estne tibi cerebrum, Boucheri? Multas equidem de causis differentibus rationes à multis traditas legi, audiui, didici, percepi: at, Deum testor, tam ineptam, absonam, & absurdam, ab homine erudito proditam, nunquam ex quo natus sum memini me aspexisse. Nisi fortè abstrusa quædam in responso tuo mysteria insunt, ad quæ mens mea penetrare non potest. Nam quod ad obiectionem attinet, eius quidem hic sensus est. Principes etiam impios & iniustos honorandos esse, hoc ipso quod Principes sunt, iisque tributa pendenda, & cætera regii iuris impertienda, eò quod Christus, cuius actio omnis est nostra instructio, tributum Cæsari persoluit. Tu ut huius argumenti vim eleues & elidas, discrimen: obis proponis inter ius regium quod Ro-

ma-

manis in Iudæos quæsitum erat, & ius regium quod Rex Galliæ, cæteri que per orbem Christiani Principes in suos subditos habent: quasi maius & potentius fuerit ius illud Romanorum in Iudæos, quàm Regum Christianorum in populos sibi subiectos: ita ut Iudæis quidem fas non esset resistere, vel tributum denegare Regi suo Cæsari (sic enim eum appellabant <sup>1</sup> quantūvis improbo & peruerso: Chri- <sup>1</sup> Ioan. 19. stianis verò Reges suos in ordinem cogere, vel abdicare, & (ut tecum loquar <sup>2</sup>, quamuis ineptè) exauthorare, atque <sup>2</sup> in Præfatione etiam occidere liceat. Hoc illud nimirum est quod mihi videris hac responsione velle: ut ius regium scilicet cum iure regio vel tyrannidem cum tyrannide componas. Nam ius regium consensu populi acquisitum, cum tyrannide inuitis obtrusa, vel contrā, comparare: non est obiectionem propositam dissoluere, sed eam inani & contorto sophismate penitus inuoluere, & nobis illudere. Nemo nescit longè aliud esse ius regium consensu populi acquisitum, aliud tyrannidem in reluctantes & inuitos occupatam: iam enim diximus, & pōst dicemus, eum qui per vim & scelus, sine populi consensu, imperium occupat à singulis quoquo modo iustè interfici posse: eum verò quem populus sibi Regem præfecit neque à singulis neque ab vniuersis impeti occidive, quamlibet flagitiosè vixerit, sine flagitio posse. Si igitur diuersitatis rationem in hac specie reddis, quòd aliud sit ius regium consensu multitudinis acquisitum aliud tyrannis *qua inuitis obtruditur*. absurda planè & ab instituto aliena ratio est: quippe Reges Christiani ius regium quod habent, non ab inuitis expresserunt, sed à Scientibus & volentibus summo omnium consensu oblatum acceperunt. Quo fit, ut si Dominus & Salvator, Tiberium, hominem periurio, cædibus, & varia libidine turpificatum, dignatus est tributo, propter ius regium quod in Iudæos obtinebat: tanto magis Christiani Regibus suis, pari vel maiore nequitia præditis, vectigalia & tributa pensitare teneantur, quanto arctioribus obedientiæ vinculis astringuntur, quantoque omnes homines Christo, sine comparatione, minores sunt. Ille enim Regis Regum filius immunis erat, & indebitum tamen voluit soluere, ut nos ad debiti solutionem hoc illustri exemplo erudiret.

Sin verò discrimen in eo ponis, quòd ius regium Imperatoribus in Iudæos quæsitum firmitus & potentius fuerit,

quàm ius regium quo nunc Principes in populos sibi subiectos potiuntur: non dubium quidem quin illa sanè mentis hominibus insanissima ratio videatur. Nam constat inter omnes Iudæam bello domitam & subactam in ditionē atque imperium populi Romani cecidisse: eoque non sua sponte Regem sibi Cæsarem elegisse, sed tantum metu & coactu dominatoris in verba & leges Imperii Romani iurasse <sup>1</sup>. Reges verò Christianos, siue hereditario iure, siue electionis beneficio, ad sceptrum vocantur, libero & libenti populorum consensu regna inire. Deinde & illud etiam constar, obligationem vi aut metu contractam non tam efficacem esse ad præstationis necessitatem, atque illam quæ libero contrahentium consensu inita est. licet enim voluntas coacta voluntas sit <sup>2</sup>, tamen quia iniquum est quemquam adigi in alterius verba, iuris authores in integrum restitutionem ex bono & equo, aduersus consensum vi & metu extortum compararunt. An non igitur vesani hominis est existimare ius regium Tiberii in Iudæos excellentius & sanctius fuisse, quàm ius regium Henrici III. in Francos? quandoquidem eo ipso argumento concluderetur Iudæos arctioribus parendi vinculis Tiberio, qui eos domitos & compressos tenebat, quàm Sauli, Dauidi, Salomoni, cæterisque Hebræis, quos sponte sua sibi Reges constituerant, fuisse obstrictos: quo nihil aut excogitari falsius, aut dici absurdius potest. Sed, ut illud etiam abs te petam, dic mihi per Deum, Boucheri: Si Galliam exhaustam & penè confectam superiore bello civili à te tuique similibus excitato, Hispanus exercitus in Regis sui ditionem redegisset: Francique in eum quàm minis & metu, quàm largitionibus & promissis consensissent, magisne illi fuissent deuincti, quàm Regi suo Henrico, quem summa animorum consensione super se constituerunt? Certè id rationi tuæ consequens est. Nescio an tam sinistram & funestum tunc patriæ tuæ casum augurabas (sunt enim qui id opinantur) atque ita ut ab illo Rege gratiam tempestiuè inires, hoc fœderatis tuis conscientie frænum iniiciebas: ne scilicet, qui à Rege proprio sine iusta causa defecerant, Regis externi imperium quoquo modo detrectarent. Vides igitur ut nihil responsione tua vanius & ineptius sit, siue iuri regio, siue tyrannidi ius regium Romanorum conferas, quandoquidem utroque modo Henricum non paritantum, sed etiam meliore apud Francos conditione, quàm

<sup>1</sup> Joseph. lib. 17.  
antig. cap. 3.

<sup>2</sup> 1. Si mulier 21.  
§ si metu, D. q.  
in et. causa.

quam Tiberium apud Iudæos fuisse constat.

Quod autem præterea adiicis, Christum videri in hac re *privati hominis exemplum, non regni ac populi præbuisse*, id alio Scripturæ loco refellitur, in quo Dominus idipsum Principibus sacerdotum, Scribis, & Pharisæis, qui totum populum representabant, faciendum præcepit: de quo alibi fufius dictum est \*. Quæ cum ita se habeant, alia profectò ti- 1 li. 3. c. 8. sup.  
bi aduersus has & similes Scripturæ oppugnationes munimenta querenda sunt, aut, castris relictis, inaturius fuga consulendum.

## CAPUT X.

**A**T te nihilominus tanta opinionis tuæ fiducia tenuit, ut horum omnium securus & negligens, quasi nihil contra te possint, relictis iis ad alia instituti tui capita pertransieris, ais enim \*, *Quæ ( obiectiones, & argumenta 2 cap. 4<sup>o</sup>*  
*superius proposita) cum sint eiusmodi, ut aduersus illud quod*  
*quarimus ius Reges abdicandi nihil efficiant, id quale sit sequi ur*  
*ut probemus.*

At vides nunc, ut opinor, si rem totam planè & plenè intuearis, magnam eorum efficientiam esse ad illud quod quæris ius Reges abdicandi, tanquam summam iniuriam & nequitiam, tollendum, & è regno ac Republica explodendum. Sed aptè tu quidem, *quarimus*, dixisti, quia ius illud nondum a quoquam inuentum est, nec etiam à te, quantumuis omnia percurrendo perlustrandoque anheles, sudes, algeas, vnquam inuenietur. Deinde ius istud duplex esse statuis.

*Ius porro illud cum duplex sit, inquis, Ecclesia vnum quod peculiare est Christianorum: populi seu Reip. alterum, quod est commune omnium gentium, populorum ac religionum &c.*

Propositum mihi non est de iure & potestate Ecclesiæ in suos filios Principes, sed tantum de iure Regum in populos, his libris disserere: atque illa errorum portenta, quæ non ita pridè ex hæreticis procreata, & à te alta ac defensa sunt, pro meo erga omnes Principes & populos Christianos studio & amore, ne in perniciem Reip. crescant, refutare, extinguere, suffocare. Quapropter de priore isto iure quod proponis, nihil mihi tecum controuersiæ erit; nisi in iis tantum, quæ, dum Ecclesiæ dignitatem potestatemque tueri conaris, partim contra communem ac receptam in Ecclesiæ doctrinam, partim contra sacræ historię veritatem,



partim à re de qua agitur planè remota & aliena perperam ad eius confirmationem adfers; ea ego breuiter obiterque adnotabo.

Sed operæ-precium est tamen prius quàm ad id aggrediar, admonere magnam tibi ab omnis generis hæreticis, magnam etiam à Turcis, atque adeo à barbaris & ethnicis omnibus nationibus, propter hoc tuum scriptum, gratiam deberi. Quod enim tradis alterum ius abdicandi Reges esse commune omnium gentium, populorum ac religionum, an non idem est ac si diceres, vnamquamque gentem & nationem, religionis suæ sarræ rectæ seruandæ causâ, Regem ab ea deficientem, vel eam euertere conantem, abdicare iure posse? profectò latinè scientibus res clara est & expedita. Scenimi, quod iam paulò antè docuisti<sup>1</sup>, Regem qui religionis aut populi oppressionem in sine interitum meditetur, si aliter res succedere non valeat, sceptro amouendum esse sine controuersia profiteris; & hoc ius commune omnium populorum ac religionum est, ut hic astruis: consequitur necessariò in bona dialectica, quælibet Regem à quouis populo cuiuslibet religionis auitæ tuendæ causâ, si aliter res succedere non valeat, sceptro amouendum esse sine controuersia. quæ doctrina quantum Reipublicæ Christianæ incommodet, quantumque Ecclesiam Catholicam, non modò non defendat, sed offendat & lædat grauitèr, aliis æstimandum (neque enim res factu difficilis est) relinquo. Quid enim? si Mustapha Solymàni filius, quæ pater anno Dom. 1555. crudeliter interfecit, quòd nimium Christianis fauere videbatur, quodq; in suspitione affectati regni callidis noueræ consiliis esset perductus, ad Turcicum imperium patre mortuo peruenisset, atq; religionē Christianā, à qua non valde abhorrebat, apertè fuisset amplexus, subditosq; in eam omni conatu pertraxisset, iustène ob iustissimū illud factum sceptro Turcico fuisset amouendus? iustène in eum Turcæ omnes, Mahumeranę religionis tuendæ causâ, imperiū facere, & vltimo supplicio animaduertere potuissent? Ergòne Constantinū Magnū Romani, Clodouæum Franci, Donaldum i. Scoti, quia Christo nomina dederāt, & auitæ religionis cultum reliquerant, atq; extinguere conabantur, regnis & imperiis exigere, ac morte etiā multare, pro sua in eos potestate iure optimo poterunt? Nā tu ius hoc abdicandi Reges omniū populorū & religionū vis esse cōmune: & alibi scribis, *licere auitæ religionis defendendæ causâ principi cuius resistere*<sup>2</sup>. Itaq; in hac re tuo

in

in te argumento vtemur <sup>1</sup>. Nulla hic religionis exceptio à te proposita est ( & de pluribus te religionibus loqui, inò de cunctis, nota illa vniuersi generis, *omnium* demonstrat) ergo siue vera religio sit, siue falsa, cuiusmodi erat ethi-  
corum, & nunc Mahumetana, atque hæretica omnis, ius-  
tam causam populo præbet Regem abdicandi, si eam op-  
primere conatur. Quid n aliud est, ius Regem abdicadi esse  
commune omnium nationum & religionum, nisi omnes  
nationes, propter suam qualque, Regem religionis causa  
posse abdicare? Quid ergo? si ( quod aliquando futurum  
speramus) in Scotia, Dania, Saxonia, Anglia, Principes hæ-  
resin, in qua educati sunt & edocti, diuina gratia abiuraue-  
rint, adque Ecclesiam Catholicam, in qua sola salus est, se  
receperint: eritne tuæ sententiæ locus? erit profectò, si ve-  
ra est. Nam quod inferius paulò huic vulneri emplastrum  
adhibes <sup>2</sup>, id eius sanandi vim nullam habet: nempe,

<sup>1</sup> quod propo-  
nit cap. 3. ibi  
( nulla enim hic  
Regis exceptio )

<sup>2</sup> cap. 26. li. 1.

*Hic primum Evangelicos nouatores monitos volumus, ne vel suã causam agi, vel commune quid illis ac nobis dici putent, quippe qui ut sensu atque fide, ita causa merito toto calo discrepamus. Licet autem religionis defendenda causa Principi cõsistere resistere: nouita-  
tis vero studiosis una sit merces, ut quos & traque maiestas reos te-  
net, iis vita ut æquum est, iudicio adimatur.* Quandoquidem harum regionum hæreticis in promptu ex tua doctrina & ratione responsio est. Si fidei scilicet & religionis discrepantiam, causæque meritum spectes, nulla causa est cur eos hoc iure abdicandi Reges religionis ergo magis exclu-  
das, quàm Turcas, & reliquos populos aliarum religionũ causa, quæ si non peiores, saltem meliores non sunt ( nam re vera nulla bona est ) præsertim cùm ipse fatearis ius il-  
lud commune esse omnium populorum & religionum. Sin verò nouitatem obicias, discriminẽque in eo ponas quòd nouatores sunt: reponent illicò, se stabilita iam & firmata in suis religionibus regna habere, nec amplius dici posse nouatores, cùm eas à parentibus religiones acceperint, in quibus & nati & nutriti sunt ( primorum enim huius seculi hæreticorum pauci supersunt: pœnas perfidiæ iam apud Plutonẽ dant ) quin potius nos esse nouatores & maiestatis reos, ut falsò quotidie affirmant, qui hæreses illas tur-  
bare, perdere, & pessundare conamur, ac proinde eodem se iure censendos, quo reliquæ per orbem gentes, quibus re-  
ligionis retinendæ cura est.

Vides igitur ut harum nationum causam iniustissimã,

magno cum Ecclesiæ Catholicæ detrimento & iniuria, seu volens seu nolens agis orasque. Quanto melius a impij & crudeli nullū ius populo in Regem auita sacra deferentē esse voluerunt. Sed cō nunc vnde digressi sumus reuertamur.

## CAP. XI.

Lib. I. cap. 6.

**B**OVCHERIVS<sup>1</sup>. Ac primum occurrent illa quæ de veteri instrumento deprompta ius illud Ecclesiæ in Reges iam ab illo tempore extitisse docuerunt. Sic Samuel Saulē Regem à se institutum prius, quia spiritualem functionem usurpasset, quia mandata Dei transgressus esset quasi excommunicatum regni iure priuauit, & in Dauidem illud transtulit. Prorsus ut ab eo tempore quicquid Saul gessit, ut quod sacerdotes Nobæ numero octoginta, imò octoginta quinque, per Doeg Idumæū interfecit, quod Samueli ac Dauidi vitam adimere conatus est, tyrannum non Regē se præbuerit, manifesta quoque ademptæ regaliæ gratia signa ostenderit. Sic Hieroboam cum vitulos aureos posuisset, contra eum & domū eius totam propheta diuinum iudicium pronunciauit, & ne mingentē quidem ad parietē de ea reliquum futurū esse prædixit. Sic Oziam Azarias sacerdos de templo primū, mox etiam de regno eiecit, Sic Athaliā Ioiada sacerdos regno simul & vita priuauit.

Nō ignoro ius esse Ecclesiæ in Reges & Principes Christianos, nec quale ius sit ignoro: sed id tam alienis argumentis ostendi prorsus ignoro, imò non ostendi planè scio. Nā ut ab ultimo primū ordiar, & ὅτι οὐκ ἔστιν ἡ βασιλεία τοῦ Θεοῦ, ad primum perueniam: quid, quæso, crudelissimæ mulieris Athaliæ interitus, quæ regnum per scelus & eadem regiæ sobolis immani tyrannide occuparat, cōmune habet cum legitimorum Principum iure atque imperio? Athalia quidem in ea causā fuit, ut etiā iniussu Ioiadæ sacerdotis à quolibet priuato iustè interfici potuisset. quemadmodum de verè tyranno supra diximus: sed quia tale quid & tētare periculosum, & perficere arduum ac difficile erat, contra illam quæ defuncti Regis Ochosiæ mater fuit, ideo Ioiadæ Pontificis quippe fuit opus, aut certè alterius alicuius, qui tū similiter auctoritatis pondere, rum sanctitatis opinione, milites ad id facinus egregium inducere & impellere potuisset.

Quod autem de Ozia scribis, qui & Azarias & Zacharias dictus est, id ipsa in primis biblia, historici etiam atque interpretes, falsitatis arguunt. Nunquam enim de regno eiectus fuit Ozias, sed tamdiu regnauit quamdiu vixit, nempe totos quinquaginta duos annos, ex quo regnum ætatis

anno

anno decimo sexto inierat. Ait enim Scriptura *1. Anno vi- 4. Reg. 15. 20*  
*gesimo septimo Ieroboam Regis Israel regnavit Azarias filius A-* Paral. 26.  
*masia Regis Iuda. Sedecum annorum erat cum regnare cœpisset,*  
*& quinquaginta duobus annis regnavit in Ierusalem: & iterum*  
*codem capite. Anno quinquagesimo secundo Azaria Regis Iu-*  
*da regnavit Phacee filius Romelia super Israel in Samaria. Mo-*  
*rtuus est autem Azarias, siue Ozias anno ætatis sexagesimo*  
*octavo, regni verò sui quinquagesimo secundo, inquit Io-*  
*sephus 2. Si ergo decimum sexum annum agebat cum re-* 2 li. 2. antiq. cap.  
*gnare cœpit, & quinquaginta duos annos regnavit, scri-* 11.  
*ptura teste, eundemq. annum agens sexagesimum octavum:*  
*ostende, si potes, quo & quanto tempore eiectus de regno*  
*fuerit. Magna certe imprudentia vel impudentia est ea*  
*scriptis mādare, quæ manifestis Scripturæ testimoniis re-*  
*darguantur. Videris non satis attentè Ozie historiam le-*  
*gisse ( malo enim te negligentie quam acquirere reum fa-*  
*cere. ) Nā quod Rex ille, postquam lepra percussus à Do-*  
*mino fuit, in domo libera seorsum habitavit. id quid ad iuris*  
*regni ademptionem? morbi qualitas & natura ut ex legis*  
*divinæ præscripto id faceret eum coegit 3. Sed ut sciamus 3 Leuit. 13. Nō.*  
*separationem illam nihil iuri regni quod habebat præiu-* 5.  
*dicasse, nihil, inquā impediisse quo minus penes eū ius re-*  
*gni & regalis dignitas remaneret, scriptum est. Ioathā fili-*  
*us Regis gubernabat interea Palatiū & rexit domū Regis, & iu-*  
*dicabat populū terre. En ut Ioathā viuentē & ægrotate patre*  
*filius Regis vocatur, & gubernator ac rector domus Regis,*  
*& iudex populi, quia iudicia ad Regem non poterant veni-*  
*re propter vim morbi & separationē, ut docet Lyranus 4. 4 in 4. Reg-*  
*Denique Ozian de regno nunquam fuisse eiectum, eo quæ* cap. 15.  
*viuo filium regni tantum administratorem seu curatorem*  
*egisse, ut in Regum infantia vel nimia senectute, animi et-*  
*iam vel corporis morbo graviore fieri solet (nam filius pa-*  
*tri curator dari potest, dominio rerum interea penes patrē*  
*manente 5) testatur ibidem Scriptura, cum ait Dormiuitq. 5 1. his qui 12.*  
*Ozias cum patribus suis, & sepelierunt eum in agro regaliū sepul-* D. de tutor. &  
*chrorum, eo quod esset leprosus: regnavitque Ioatham filius eius* curat. dat. l. 1. 2. 20  
*pro eo. Falsissimum ergo est quod scribis Oziam ab Azaria* 4. D. de curat. fu-  
*sacerdote de regno fuisse deiectum.* riosi.

De Hieroboam verò exemplum à te propositum quor-  
 sum spectat? adeone quemquam ratiocinandi peritum  
 tam hebetis ingenii esse reris, ut nō statim percipiat id esse  
 alienū prorsus ab eo quod probandū susceperas? Deus p-  
 phetam



1 3. Reg. 13.

2 li. 2. antiq. c. 3.

3 3. Reg. 14.

4 Hiero. lib. 1.  
ad Luc. 11. ou.5 D. D. Iulianus.  
lib. 3. epist. 9.

6 in Psal. 98.

phetam ad Hieroboam misit <sup>1</sup>, (cuius nomen in scriptura supprimitur, sed Iosephus <sup>2</sup>. Iadon appellatum fuisse scribit) vt suam ei impietatem & idololatriam exprobraret: & alium quoque *durum nuncium* Ahiam prophetam <sup>3</sup>, qui euerfionem atque interitum totius domus & stirpis Hieroboam ei significaret. Sed quæ istæ, bone Deus, consequentia? *propheta diuinum iudicium pronunciauit contra Hieroboam & domum eius, & ne mingentem quidem ad parietem de ea reliquum futurum esse prædixit.* Ergo Ecclesia habet ius in Reges: nil infcitius. Haud equidem infcior Ecclesiam habere ius in Reges: sed id hoc argumento & similibus rectè ostendi nego: & verò superior hæc collectio duobus manifestis vitiis laborat. Nam primùm nemo in Scripturis exercitatus nescit multos prophetarum nulla Ecclesiastica dignitate præditos, ac ne sacerdotes quidem fuisse: quosdã etiam non Leuitici generis extitisse. Deus enim sacerdotium, non donum prophetiæ in Aaronis familia concluserat. Itaq; Samuel ipse non sacerdos, sed tantùm leuita fuit <sup>4</sup>, licet sacerdotis munere per dispensationem functus sit (ob quod antiquorum Patrum nonnulli sacerdotem eũ vocant <sup>5</sup>,) quemadmodum & Gedeon qui ex tribu Manasse ortum traxit: vt doctè & eleganter declarat eruditissimus Genebrardus <sup>6</sup>. Deinde licet verũ esset omnes prophetas fuisse sacerdotes, imò pontifices, tamen quia nudũ tantùm denũciandi ministerium in his casibus præbebãt, missi nimirum à Deo extraordinaria legatione, vt Samuel, Ahias, Nathan, & alii, argumentum ab illorum prædictionibus deriuatum, à delegata, inquam, illis ad certam speciem potestate, ad probandum ordinariam in Reges iurisdictionem nulla consecutionis necessitate concludit. Superiori itaque collectioni tuæ hanc similitinam subiiciam. Pedissequus Regis denunciauit Conestabulo & aliis quibusdam de prima nobilitate, Regẽ illis esse insensum, & fore breui vt irato Regi pœnas dent: ergo regii pedissequi habent ius in Conestabulum & totam nobilitatẽ. Confero autem hic non personas prophetarum, & pedissequorum, sed consequentias inter se. an non ridiculus esset qui ita ratiocinaretur? quid ergo tibi in mentem venit, vt tam remota & aliena, ne dicam inepta, corrogares? Sed chartã aliquo replere oportuit.

Venio nunc ad Saulem: de quo exemplum quod proponis eadem, qua superius, ratione alienum ab instituto esse

esse ostenditur. Nam nec sacerdos fuit Samuel, ut dictum est, nec ordinariæ iurisdictionis potestate quicquam contra Saulem fecit: à quo ut meritam vindictam auerteret, Dei iram diu multumque deprecatus est, donec audiit Dominum dicentem. *usquequo tulus es Saul, cum ego proiecerim eum ne regnet super Israel* <sup>1</sup> ? Samuel ergo, tanquam grauius <sup>1</sup> 1. Reg. 10. diuini iudicii nuncius, speciale Dei mandatum hoc casu exequitur: scriptum est enim <sup>2</sup>. *Ait autem Samuel ad Saul:* <sup>2</sup> 1. Reg. 15. *Sine me, & indicabo tibi quæ locutus sit Dominus ad me nescire, &c.* Nec ad rem pertinet quod adiciis *prorsus ut ab eo tempore quicquid Saul gessit.* &c. id enim perinde est ac si dixisses: Saul ex quo Deus illum abiecit, & gratia sua priuauit, manifesta ademptæ regalis gratiæ signa ostendit. quis dubitat, aut cui id mirum esse potest? quin potius permirum videretur si se res aliter habuisset: id est, si nullum ablatæ gratiæ diuinæ indicium dedisset: Sed hoc quid ad rem? Deus ipse est qui disertè & nominatim iussu suo id faciendū Samueli mandat. Nemo sanæ mētis, ut arbitror, tam stupidus est, ut nesciat aliud esse extraordinariā legationem obire, lōgè aliud ordinariā iurisdictionem exercere. Cæterum verba illa tua, *prorsus ut ab eo tempore quicquid Saul gessit, Tyrannum non Regem se præbuerit*, ambiguitatem ex duplici intellectu lectori afferunt, dum nescit quo tu ea sensu protuleris, an ut de appositis à te exemplis & similibus tantum intelligantur: an verò vniuersè & generaliter, quasi ab eo tempore Saul desierit esse Rex. Priore modo si intelligas, parū aut nihil illa instituto tuo sententia patrocinator: quòd facta eiusmodi natura sua talia sunt, ut ea Rex nullus nisi per tyrannidem, perpetrare possit: eoque Saul talia committendo se tyrannum præbuisse, etiam si illud Dei iudicium per prophetam non audisset. Quemadmodum Dauid in occidendo Vria tyrannum præstitit non Regem: sed interea tamen Rex erat: sicut & Saul re vera Rex erat, quādo per summam iniuriam Dei sacerdotes occidebat. Sape Reges multa crudeliter, auarè, libidinosè, iracundè faciunt, quæ nemo tyrannicè fieri negabit, licet à Regibus fiant, quorum omnium scelerum acerbissimas iudici suo Deo Opt. Max. pœnas luent. Sin posterior tibi intellectus placerit, ea, inquam, tibi mens est, ut iis verbis significare velis Saulem ab eo tempore nō amplius fuisse Regem: falsum est quòd scribis, & cōtra recepram in Ecclesia doctrinam. Nam primū ipsemet Dauid Saulem quandiu vixit

Re-

1. Reg. 24. 2.  
Reg. 1. & 2.

2 Act. 12.

3 lib. 1. aduers.  
Parmenianum.

4 glos. ordin.  
ad. verb. Scidit.  
1. Reg. 15.

5 vt docet Ab-  
bas VVinzetus  
contra Buchan.  
pag. 176.

6 Compendiū  
concertationis  
contra Luthe-  
ranos. tit. 9. art.  
11.

Regem suum & dominum agnouit 1. Deinde Apostolus Paulus testatur Deum dedisse Hæbræis Saulem Regē quadraginta annis. *Et exinde postularunt Regem*, inquit 2. *Et dedit illos Deus Saul filiū Cis virum de tribu Benjamin annis quadraginta.* Hinc Optatus Afer 3. *Oleum sacerdoti à Deo collatum, nō debuisse vos tangere, à puero Dei David discere debuistis; qui sic per Samuel ungitur ut Sauli quod iam ludum datum fuerat minime tolleretur.* Quid multis? communis Catholicorum omnium sententia est Saulem post illam transferendū regni denuntiationem, quæ licet nominatim in ipsius personam concepta fuerit, in stirpe tamen effectum sortita est 4, verum, vnicum, & legitimum Regem toto vitæ tempore mansisse in Israel 5. Idq; vir pius in primis, & præclarus Theologus, atque hæreticæ prauitatis inquisitor, Ioannes Bunderius à Gandauo, tanquam firmissimum orthodoxæ religionis asserendæ argumentum arripit in eo libro, qui ab vniuersa Theologorum Parisiensium schola ante annos quinquaginta lectus & laudatus est 6. Illud postremo hic scire velim, quo tu testimonio didicisti Saulem Samueli vitā adimere conatum: certè nullum eius rei vestigiū in Scripturis extat: nec verisimile est eum in Samuelis necem aliquid fuisse molitum, cuius non solum viuētis personam, sed defuncti etiam manes veneratus est: quæque ex omnibus prophetis, vt amantiissimum, suscitari sibi à Pythonissa postulauit. Sed hoc vtro te modo habeat nihil moror: neque enim mea interest, cum nostræ causæ æquitatem nec iuuet nec lædat.

Hac itaque breui errorum & incuriæ tuæ annotatione, in pauculis illis quæ de iure Ecclesiæ proposuisti, in præsentia contentus, ad id quod instituti nostri proprium est tūc accedam: nempe ad argutias tuas indicandas (quamuis sint magna ex parte in libris contra Buchananum & Brutum supra refutatæ) quibus iūs populi in Regem per summam iniuriam stabilire conaris.

#### C A P V T XII.

**I**N primis igitur vt firmum aliquod, opinione tua, fallacis & sophisnatis tuis fundamentum substernerēs, duplicem initio præmunitionem, seu maius præmonitionem, adhibuisti 7. Alteram quidem hoc modo *Quod antequam exponimus, intelligendum populi nomine isto loco non inconditam & confusam turbam, quæ bellua multorum capitum est sed procerum, senatorum ac præcipua virtutis, probitatis in-*

*dicitque*

7 lib. 1. cap. 9.

*Altitque ac dignitatis auctoritate hominum prudentem ac iure  
tractam multitudinem sumi. Quae publicam regni potestatem  
refert. Alteram vero his verbis si a eo sensu cum de iure populi in  
Regem dicemus, usurpatri populi nomen perpetuò sumus, ut po-  
pulum ac Remp: seu regnum (quod idem esse constet) propterea cõ-  
iunctim proferamus.*

Prioris quidem auctores habes Buchananum <sup>1</sup> & Bru-  
rum <sup>2</sup>, quos iam superioribus libris satis superque redar-  
guimus. Sed an non animaduertis naturam regni & mo-  
narchiæ id non pati, ut penes multos summa rerum sit &  
potestas? an non vides te vnâ cum illis tuis præceptoribus  
regnum hac sententia abolere & super injecta seu demo-  
cratia, seu aristocratia, penitus extinguere? Multa profe-  
ctò sententiam tuam absurda necessariò consequuntur,  
quæ vnusquisque medioeriter peritus & ingeniosus faci-  
le sine vllò indice deprehendet. Nam, vt alia omittam,  
qua ratione cætus ille procerum & senatorum ad publica  
regni negocia cocuntium, Rege, vt tu definis, superior est,  
eadem ratione turba illa confusa, quam tu vt monstro-  
sam, abiectam belluam à regni gubernatione excludis, su-  
perior & auctoritate potior illis ipsis proceribus esse  
conuincitur. Agantur, exempli gratia, in Gallia comi-  
tia, mittanturque eò vt moris est, ex singulis vel ciuitati-  
bus, vel prouinciis, legati, qui Cleri, qui Nobilitatis, qui  
plebis quærelas ad concilium deferant, causas agant, vti-  
litati & saluti communi prospiciant, denique omnia  
quæcunque in deliberationem ceciderint, vt quodque &  
regno & Republica esse videtur, suffragiis scitisque suis  
definiant & concludant. Hi sunt, vt opinor, quos hac  
fictitia tua populi descriptione complexus es. At vnde  
illi tantam de rebus publicis statuendi potestatem accipi-  
unt. nonne à suis singuli ciuitatibus, ab illa ipsa, inquam,  
ciuium turba quam belluam multorum capitum vocas?  
quæ, quòd ipsi toti in comitium per hominum multitu-  
dinem, per expensas, per fatigationem, per curam & cu-  
stodiam ciuitatum, aliaque impedimenta proficisci non  
licet, quosdam selectos cum mandatis mittit, qui ea to-  
tius ciuitatis, aut prouinciæ nomine exequantur, quæ vel  
nominatim illis ante processionem imperata sunt, vel ge-  
nerali mādato ad quasq; res necessarias obeundas, co-  
rum fidei commendata sunt & cõcredita. Fingamus itaq;  
neq; n. est impossibile, legatos hosce, quos vulgò triū ordi-

pag. 72.

Quæst. 4.



num deputatos vocant, quosque tu *publicam regni potestatem* referre ais, vel maiorem ipsorum partem, largitionibus, gratia, odio vel inuidia corruptam, magno populi dispendio & detrimento aliquid sciuisse: peto abs te num id scitum multitudinem, populum, inquam, vniuersum, velit nolit, obligabit? An non liceat ei quod ita perperam gestum est ab iis quibus talem regni dispensationem mandauit, ratum non habere, & eis qui scitum fecerint, tanquam proditoribus potius quam procuratoribus, contrario imperio potestatem abrogare, & mandati iudicio reos facere? Hic Labyrinthus plusquam Creticus te excipiet, vnde exitum inuenire nullo artificio queas. Si enim infinitam illam Nobilium, Ecclesiasticorum, & plebeiorum hominum multitudinem, quæ domi remansit, & suas pauculis istis partes commisit, impositum ab iis onus posse recusare, & alios Reip. curatores in priorum locum nouis suffragiis deligere concedis: negare non poteris summam semper in multitudine, seu turba illa quantumuis incondita & confusa, de qua loqueris, potestatem residere, & popularem Reipublicæ formam, quæ à regni specie multum abest, prorsus obtinere. Sin verò vniuersum populum inferiorem esse, ac scitis & sententiis istorum procerum & senatorum, quibus Reipublicæ tutela mandata est, ita vinctum & obstrictum dicis, ut illorum defugere auctoritatem nullo ei pacto liceat, tuo te mucrone iugulas, tuis, inquam, argumentis, quæ aduersus Reges adfers, sententiæ illius iugulum petis, & eius veritatem euertis Nam, ne longius abeas, in proximo capite sequenti hoc doctrinæ tuæ axioma proponis. *Potiores semper sunt constituentes quam constituti partes. Et ut minor sine contradictione à maiori benedicatur, sic & constituitur.* vnde Regem populo inferiorem colligis quod à populo constituitur: id autem si verum est, nonne eodem planè argumento rectè concluditur, proceres & senatores reliquosq; de quibus loqueris, multitudine semper inferiores & minores esse, quoniam ab ea ad id muneris eliguntur, constituuntur, & cum mandatis mittuntur? Enitere, elabora, quantum poteris, nunquam hac te difficultate expedies, quæ tuos in hac disciplina magistros vsque adeo torfit, ut alterum, quidem coegerit fateri prudentem illam & iure coactam multitudinem, de qua scribis, necesse habere *αὐτοκρατορία* à se factum ad populi iudicium deferre antequam legis vim obtineat. Populum autem latinè & propriè, ut patritios si-

mul & plebeios contineat <sup>1</sup>, non, vt tu, ineptè & improprie intelligit. Alterum <sup>2</sup> verò ita vacillare, vt sepius mutet sententiam, & dum fallere lectorem studet, vtri potius accedat eum reddat incertum, quæ si minus tibi nota sunt nostra in illos scripta excutito <sup>3</sup>. Ita nimirum natura comparatum est, vt quem vnus aliquis error delectat, is eius tuendi ergo in alios infinitos incurrat: & vt primum mendacium reddat probabile, alia subiade atque alia comminiscatur.

Posterior autem præmunio tua perquam sanè inepta est & vana; nec scio equidem an vllus tibi vnquam in ea re astipulator extiterit. Quod enim ais te populi nomen perpetuò vsurpaturum pro hominum prudenti & iure coacta multitudine, id quo Latini authoris exemplo facis? An tantum tibi iuris in latium arrogas, vt vsitatas & proprias vocabulorum significationes arbitratu tuo mutes, cōtrahas, vel dilates? certum est populi nomine omnes qui in eadem Republica communi ciuium iure inter se sociantur, cuiuscunque tandem aut ordinis, aut ætatis, aut prudentiæ, virtutisque dignitatis fuerint, intelligi: tu ad paucos tantum id nomen vis pertinere: quo id iure? An vlla te vt hoc faceres coegit & compulit necessitas? quasi verò in tam diuite & fecundo verborum idiomate propria nulla suppeterent, quibus collectum illum hominum prudentium cœtum significares. Deinde quod scribis,

*Constare, populum ac Rempubl. seu regnum idem esse.*

id tam perspicuè falsum est, vt ab homine in bonorum authorum lectione versato sine magna malitia, vel non mediocri inscitia proponi nequeat. Si constat, populum, regnum & Rempublicam idem esse, vbicunque populus aliquis, ibi & regnum esse necesse est. Si regnum, ergo & Rex: nam Rege extincto, res ad interregnum recidit, vt historici & politici omnes asserunt, tantisper dum alius in memoratui locum sufficiatur. At huic penitus contrarium est quod tutemet fateris <sup>4</sup>, populos multos Regibus carere, & vel Aristocratia vel Democratia delectari. non idem igitur populus & regnum. Et verò regnū nihil aliud est nisi Monarchica populi gubernatio, siue Monarchicus dominatus, quod licet sine populo esse nequeat, tamen populus & esse potest, & est frequenter sine regno. Omnis igitur Monarchia regnū est, quocunque nomine apud alias & alias gentes cēseatur. Hinc Appianus Alexandrinus <sup>5</sup> scitissimè nos admonet, omnes, qui Romanum Imperium post Cæsarem

<sup>1</sup> Instit. de iure nat. gent. & ciuil. §. constat.

<sup>2</sup> Brutum q. 3.

<sup>3</sup> li. 1. & li. 4. c. 21.

<sup>4</sup> lib. 1. c. 17.

<sup>5</sup> in præfat. historiæ,

tenuerunt, se vera Reges fuisse licet Imperatoris nomen quo belli duces olim cohonestabantur, sibi tantum assumptis: cuius rei supra libro secundo meminimus. Iam vero Rempublicam & regnum non idem esse notius est quam cum probando incumbatur. An putas Romanos nullam post Tarquintos exactos usque ad Augustum Rempu. habuisse? At idem, teste Livi<sup>o</sup> 1, negabant se regnum habere, siue in regno degere. Quid quod Cicero 2 testatur, *ex compositione magistratum, quod cuiusq; Reip. genus sit, intelligi*. Non igitur Resp. omnis vni<sup>us</sup> generis est, nec idem omnino regnum & Resp. Sed an adeo iniquus es, ut Aristocracias & Democracias 2 Reip. notione excludas? quod certe necesse est, si idē simpliciter Regnum & Resp. statuarur. Quod enim alterutri eorum quæ sunt idem inter se conuenit aut remouetur, id alteri similiter conuenire vel remoueri, in Philosophorum scholis iam pridem didicimus.

Regnum autem in Repub. esse fateor, latissimè sumpto vocabulo, sicut speciem in genere: sed quemadmodum non idem esse homo & esse animal, licet in animali homo insit, ita non idem est esse regnum & esse Rempublicam quamuis verè dici possit, regnum est Respublica, ut homo est animal. At vero quoties Reipublicæ verbum strictius pro ciuili gubernationis specie, ut sit plerumque, accipitur: neque in Republica regnum, neque idem quod Respublica, sed distinctum prorsus & diuersum atque oppositum politici regiminis genus est. Inepta igitur & vanæ est, ut dixi, hæc tua præmunitione siue præmonitione: & non minus te ridiculum reddit, quam si præfatus esses te perpetuè in libris tuis equum pro asino, lanionem pro lictore, coclitem pro Cyclope, luscum pro cæco, superstitiosum pro religioso, seditiosum pro sedato, & reliqua id genus seu sono, seu sensu, leuem aliquam similitudinem referenti usurpaturum. At enim res tanti non est, dices, ut tam curiosam & acrem observationem animaduersionemque mereatur. In d. verò multo grauiore digna: nec aliud ferè quicquam lectori librorum tuorum scitu magis necessarium: quippe multas huc falso tuo fundamento superstruis capriones, quæ illo euerso vnâ corruunt. Nam quoties ad populi ius atq; imperium in Reges legitimos demonstrandum argumentis tibi opus esse perspicis (cùm neque verum sit neque verisimile membra in caput, subditos in Principem dominari) leges, facta & res gestas populorum in Democratia degen-

1 lib. 2.

2 lib. 3. de Legib.

tim passim ad tuæ sententiæ confirmationem producis: quæ quamquam re vera sunt à Regni naturâ & ratione penitus remota & aliena, tamen politis & concessis tuis principibus, talso scilicet isto fundamento, quod populum, Rempublicam, & regnum idem esse statuit, negari non potest cæ omnia ad potestatem populi in Regem vel confirmandam vel infirmandam rectissime accommodari. Non levis itaque momenti neque mediocris malitiæ res est eam præfationem adhibuisse, quæ ordinem & differentias Rerum, quibus notius & illustrius nihil est, fraudulentè cõfundit, tollitque de medio, vt errores ad impugnandam Monarchiam & Reges opprimendos facilius obicias imperitis.

Sed singula nunc tua argumenta, imò captiones & sophismata videamus, quibus ius ac maiestatem populi (vt ais) in Reges esse contendis. Sequitur ergo primum, ex eò deductum quoddam Reges à populis constituantur.

## CAP. XIII.

**B**OVCHER<sup>1</sup>. *Potiores semper sunt constituentis, quam constituti partes. Et vt minor sine contradictione à maiori benedicatur sic & constituitur. Sic enim Putiphar Ægyptius Iosephum supra domum suam constituit. Et Daniele Nabuchodonosor super Babylonem. Et Darius centum & viginti optimates super regnum. Omninoq; serui à dominis & ministri à Regibus constituuntur.* li. i. c. 10.

Admonui iam sæpius pauca te in hoc opere argumenta & rationes aduersus Reges proferre, quæ non ex Bruto & Buchananano transcripseris: eoque redarguendi tui laborem mihi minui, quoddam sint iam satis in nostris cõtra illos libris refutata. Id prima hæc ratio tua testatur, quam integram, & ferè ad verbum, à Bruto<sup>2</sup> mutuatus in hunc locum transtulisti quæ quam sit fallax & captiosa ex nostris ad eum scriptis<sup>3</sup> quilibet facillè intelliget. Eò igitur oculum si cõuertas manifestum huius rationis vitium primo aspectu videre poteris. Illud certè miror, quoddam licet omnia præcipua tua argumenta ex Bruto nõ obscure desumpseris, nulla tamen librorum tuorum parte eum vnquã laudaris authorẽ. Si is tibi dicere, & plagii vel suppilati foetus crimen intendere voluerit, aut qd mitius est, tecum de ingrati tudine tantum expostulare, quia non professus es per quem profecisti, quo te iure defendes? An quia Catholicus hæreticũ imitari & laudare palã erubescabas? At tantò certè nequior es, qui adulterinæ doctrinæ iudicium suppressione nominis



authoris occulisti, & hæreticos errores specie Catholica vestitos populo proposuisti. Sed pergamus.

1 li. i. cap. ii.

BOUCHER<sup>2</sup>. *Populus sine Rege, non Rex sine populo seu Repub. esse potest.*

2 q. 3. pag. 85. &

87.

3 cap. 10.

Hoc quoque, & magnam partem totius capitis ex Bruto<sup>2</sup> penè ad verbum descripsisti, quorum refutationem superius lib. 4. inuenies<sup>3</sup>. Quæ autem cap. 12. & 13. scribis, nihil sunt. Nam nec concessa Regum ius lædunt, nec quicquam civilis disciplinæ peritus leuia & friuola illa vnquam opponeret, quæ tute met tibi obiectas, vt in contrariis dissoluendis aliquid egisse videaris.

4 li. i. cap. 14.

BOUCHER<sup>4</sup>. *Adeo quippe penes populum Regis constitutio est, vt tamen si Rex Israel à Deo dilectus esset, à populo tamen constitui iubeatur, &c.*

5 q. 3. pag. 77. 78.

79. & 80.

Et hæc similiter ex misomonarcha Bruto deprompta sunt<sup>5</sup>, estque totum hoc caput tuum nihil aliud nisi partis disputationis Brutinæ compendium: quod nostræ minimum sententiæ aduersatur. Superfluous igitur & inanis tibi Brutoque labor est, quem in eo probando consumpsistis quod non grauati concedimus.

6 li. 3. ca. 2. & 3.

Fatemur, neque enim negari potest, constituendi Reges facultatem omnibus nationibus esse tributam, eligendi verò paucissimis: quod hæc plurimum hæreditariæ successionis iure, quo sceptrum in familia stabilitum ad posteros transmittitur, adimi populo in omnibus ferè regnis soleat: qua de re superius copiosè disserui<sup>6</sup>. Quod si fortè aliquando populus semel atque iterum, posthabito legitimo regni successore, alium sibi elegerit constitueritque: id non tam ius potestatis populi in Principe eligendo, quàm facti iniuriam & effrænata violentiam in legitimo regni hærede reiiciendo demonstrat. Nos autem de iure non de facto contendimus: legibus enim non exemplis est iudicandum<sup>7</sup>. Itaque Philippus Cominæus, vir prudens, & sincerus si quis vnquam in Gallia exitit historiæ scriptor, atque ab aulica assentatione alienissimus, negat planè id iuris populo esse, vt Regem sibi arbitrato suo eligat, superstiti eo qui nascendi sorte & iure sanguinis ad regnum vocatus est, verba eius sunt<sup>8</sup>.

7 l. nemo C. de sentent. & interloc. i. cap. de reb. gest.

8 Ludo. 11. c. 110.

*En ce Royaume tant foible & tant oppressé en mainte sorte, apres la mort de nostre Roy, il y eust diuision du peuple contre celuy qui regne. Les Princes & les subiects se mirent en armes contre leur ieune Roy, & en voulurent faire un autre. Ils luy voulurent oster son authorité, & le voulurent brider qu'il*

*qu'il ne peust user d'autorité de Roy. Et comment: le pouuoient-ils faire? Certes nō. Si en y a-il eu d'assez glorieux pour dire qu'ouy. Toutesfois ils firent l'opposite de tout ce que ie demande: car tous vindrent deuers luy, tant les Princes & les Seigneurs, que ceux des bonnes villes: tous le recogneurent pour le Roy, & luy firent sermēt & hommage. Et firent les Princes & Seigneurs leur foy humblement les genoux à terre, en baillant par requeste ce qu'ils demandoient, dresserent conseil, où ils y firent compagnie de douze qui y furent nommez, deslors de Roy commandoit qui n'auoit que treze ans, à la relation de ce dict Conseil.*

Quapropter quæ de electione & constitutione Regum totis septem primi tui libri capitibus, quasi magnum causæ tuæ firmamentum, complexus es <sup>1</sup>, parum ponderis & momenti in hac controuersia obtinent, eo quæ tacita mihi hoc loco, ne operam in re parum necessaria collocem, prætereunda sunt: vno excepto quod de Curia obiter intertexis, ais enim <sup>2</sup>.

<sup>1</sup> ab initio ca. 11. vsque ad cap. 18.

<sup>2</sup> cap. 17

*Falluntur omnino, qui quòd Rege mortuo Curia Regis nomine agere non desinit, de successore intelligi volunt, quasi aut sine successore Resp. esse ne momentum quidem possit, aut non potius de regno & corona intelligi id debeat qua tantisper sola regnat, donec successor à populo admissus atq; probatus sit.*

De amplissimæ Curia authoritate dignitateque & in rebus gerendis modo ac ratione, iam supra in Brutii erroribus refellendis, quantum instituto nostro sat est, fusè lateq; tractaui <sup>3</sup>. Quod autem hic de ea scribis, id mihi adeò perplexum est, vt quamquam latinè intelligo, non satis tamen animi tui sensum intelligam. Nam si Reipublicæ nomen hic pro regno vsurpas, quod te facturum paulò antè præmonueras, falsum est quod indicas: Rempub. scilicet, id est regnum, sine successore, sine Rege dico, esse posse: quippe regnum sine Rege ne cogitari quidem & concipi animo poterit. Vnde sit vt id temporis interstitium, quod inter Regis defuncti mortem & successoris creationem intercedit, Latinis authoribus Interregnum: & qui interea Rempublicam gubernant Interreges nominentur: quòd nimium sine Rege regnum non nisi *ἡγεμονία* dici possit. Sin verò Rempublicam hic generaliter accipi velis pro qualibet politicæ gubernationis forma: verum quidem est Rempub. posse non solum momentum, vt tu dicis, sed mille annos esse sine successore regni, quia potest esse sine ipso regno: veluti Democratia aut Aristocratia, quo casu ine-

<sup>3</sup> li. 4. cap. 14. & sequen.

ptissimè loquitur quisquis Reip. attribuit successorem. Id itaque non magis ad hanc disputationem nostram pertinet, quam maritima negotiatio ad agriculturam. Curia igitur inter alia multa, illud etià prudentiæ suæ documentum insigne dedit, quòd cùm olim dubitaretur, an post Regis excessum usque ad successoris inaugurationem, rebus agendis tanquam acephala abstineret, quoniam omnis ei à Rege auctoritas est (ut supra ad Brutum libro 4. ostendimus) sapienter decreuit progrediendum interea, sub Regis nomine defuncti, cuius mandata morte non extinguuntur propter publicani vtilitatem receptum est, seu nomine successoris, licet nondum regio diademate coronati, dummodo is sit cui nemo iure sanguinis controuersiam de regno mouere potest, & qui propediem inaugurandus est: id nimirum utroque casu obnixè satagens ne regnum pulcherrimum ad interregnum corruat, sed fictione aliqua ciuili potius sustentetur, ut aut nondum obiisse qui defunctus est, aut regnum perfectè adeptus qui nondum more maiorum factis ritè peractis illud obtinuit, ad subditorum commodum & Monarchiæ conseruationem, intelligatur. Quò pertinet quod Comminæus, in eo quem citauimus loco, Carolum VIII. adhuc impuberem, & nondum regalibus insulis ornatum, iuuenem Regem vocat, quòd paternum ei regnum iure hæreditario debebatur. Sed nos de ratione, vi, & ordine succedendi in regnis multa libro tertio conscripsimus: ex quo, si quid eius rei amplius desideres, plura potes decerpere.

His igitur relictis, ad cap. 18. accedamus, in quo temerè admodum probare nisus es Reip. id est populo, ut tu ait, ius, potestatem, & maiestatem supra Regem constitutum remanere, quo nec falsius, nec regnis etiam perniciosius, quicquam dici vel excogitari potest.

## C A P. XIV.

**B**OUCHER<sup>3</sup>. *Iam quia parum est institutos esse à populis Reges, nisi suam Reipub. (id est populo) supra eos vel constitutos potestatem ac maiestatem remanere constet (non enim desunt qui dicant populum Rege constituto maiestate se omnino priuare atque exuere) quale id sit, scripturâ, legibus, exemplis comprobemus.*

Artis hoc fuit adiiungere, non enim desunt &c. quasi paucorum tantum ac non potius communis Theologorum &

Iurisprudentium sententia esset, quam vellicas: id enim illis verbis, non desunt, & similibus indicari solet. Cum tamen contra, neque ex Ethnicis, neque ex Christianis Catholicis ulli, quod sciam, ante te, non istam quam reicis sententiam tenuerint, populum nempe in Regem legitimè constitutum ius omne suum ac potestatem trāsferre, nullum ut sibi amplius imperium reseruet. Huiusmodi autem, VVicleffianis, & Calvinistis illis quos imitatus es, atque id genus pestib. dogma istud tuum dignum censebatur. Videndum igitur est num fidem tuam in eius veritate, Scriptura, legibus, exemplis, asserenda egregiè liberaris: an verò alienis & inanibus tantum nec necessariò concludētibus argumentis, incautum lectorem potius circumscripseris:

BOUCHER<sup>1</sup>. At q<sup>2</sup>, id primum quidem docet sacrificiorum i<sup>3</sup> cap. 18. ordo qui in Levitico describitur, pro sacerdote, pro populo, pro Principe, pro priuato ciue: addito etiam, quod inaequalitatem magis exprimat, victimarum discrimine. Ita ut pro Sacerdotis peccato vitulus immaculatus, pro omni turba filiorum Israel vitulus, pro Principe hircus immaculatus (qui minor utique vitulo est) pro anima denique id est priuato siue idiota quouis capra offeratur. Ex quo constas ut populo Sacerdotem & priuato Principem, sic Principe populum seu regnum priore loco esset.

Nihil minus docet hic sacrificiorum ordo, victimarumque discrimen, quam quod ijs doceri falsò nobis persuades: populo videlicet in Regem legitimè constitutum potestatem & maiestatem remanere. Quinimo nihil profusum locus ille neque ad popularem, neque ad regalem potestatem confirmandam pertinet.

Sciendum igitur est ordinem illic descriptum & hostiarum differentias non tam personæ in Dei legem committentis dignitatem, quàm sceleris expiandi indignitatem respicere. Ob eamque causam sacerdotis peccatum primo loco ponitur, & pro eo hostiæ pretiosioris oblatio: quia cum ipse grauissimo scelere contaminetur, quòd non per ignorantiam, sed sciens prudens Domini voluntatem legemque transgrediatur, atque ideò vapulare debeat plagis multis, meritò quidem ad eius expiationē maximo sacrificio opus est. Hinc antiqui & Patres subtiliter animaduertunt Moysen, licet initio descriptionis harum oblationum dixerat, *anima que peccauerit per ignorantiam*, omisisse postea particulā, *per ignorantiam*, vbi de peccato sacerdotis siue Pontificis egit, quòd ignorantia in eum cadere non potest. (vnde

<sup>2</sup> Orig. hom. 2. in Leuit. in prin. Elicius li. 2. c. 4. in Leuit.



scilicet excusationem trahat) *qui ut doceret ceteros prouectus est*: quemadmodum nec illud sacerdoti adscripsit Moyses, *& postea intellexerit peccatum suum*. quamuis id multitudini, principi, vel priuato peccanti adiecerit: quod sacerdos nimirum non potuit non satis suum peccatum intelligere tunc cum deliquit. Non mirum igitur si & primo loco & præstantissima hostia pro sacerdotis peccato, quod grauissimum est, offerri iussa sit. Eadem planè ordinis & expiationis cæterorum ratio est. Nam cum delictum omne aut multitudinis sit aut singulorum: multitudinis autem maius & grauius, eoque præstantioris sacrificii indigeat, ipsius primo loco, secundum sacerdotis expurgationem, fit inètio. Deinde quia ut publicæ quàm priuæ personæ delictum perniciosius est, propter exemplum: ita maioris hostiæ sacrificio diluitur. Atque hæc quidem ratio ordinis & differentiæ victimarum est eo loco haudquaquam difficilis & perplexa.

Illud præterea argumentum istud tuum penitus enervat atque elidit, quòd Principis nomine in illo Leuitici loco, non Rex, sed singuli Procerum magnatumque intelliguntur: quos Moyses paulò antè ex Iethronis soceri sui consilio principes populi constituit: scriptum est enim <sup>1</sup>. *Quibus auditis, Moyses fecit omnia quæ ille suggesserat. Et electis viris strenuis de cuncto Israel, constituit eos Principes populi, tribunos, & centuriones, & quinquagenarios, & decanos*: ex quibus iterum septuaginta electi sunt, in quos Deus, Moysè id enixius poscente, partem curæ & sollicitudinis, atq; adeo spiritus Moisaici transfudit <sup>2</sup>. Hi sunt Principes populi, de quib. Moyses ibi loquitur: qui etiam sub Regibus nomen illud semper retinuerunt, non quòd summa potestate præditi, sed quòd præcipui in populo essent, *& populi onus sustentarent*, id est, Rempublicam in partibus sibi creditam gubernarèt. Nam & Moysè hic, & multos postea duces, & tandè Reges superiores habebant. Horum itaque Principum si omnes per ignorantiam peccassent, multitudinis holocausto opus erat, quia ipsi totum populum repræsentabant. Si verò vnus tantum peccati reus esset, tunc, quia Princeps erat & malo cæteris exemplo præibat, suum hirci victima piaculum resoluebat.

Quod ergo dicit Moyses, *si peccauerit Princeps*, idem est, ac si dixisset, Si peccauerit Tribunus vel Centurio, &c. qui iam Principes populi erant constituti, alioqui fatendū est præ-

<sup>1</sup> Exod. 18.  
Deuter. 1,

<sup>2</sup> Num. 11,

præceptum illud ad præsentem tunc populi statum nihil pertinuisse: eiusque per totos trecentos quinquaginta annos, quibus Hebræi post Moysen sine legitimo Rege vixerunt<sup>1</sup>, nullum vsum praximque fuisse.

Denique vt concederetur tibi quod falsum est, de Rege scilicet Moysen loqui, tamen cum de peccatorum expiatione illic tantum agatur, aliud nihil inde colligi poterit, nisi populi totius delictum grauius, salutem verò pluris esse apud Deum quàm solius Regis, quod & nos fatemur: nō autem illius quàm huius maiorem esse authoritatem. Salus ab authoritate distinguenda est: sæpe enim contingit vt multo pluris intersit pupillum quàm tutorem incolumem esse licet huius in illum authoritas sit<sup>2</sup>, sine qua nihil de bonis propriis, quorum Dominus est, disponere potest. Quæ cum ita sint, primæ huius tuæ rationis, atque ad eo conclusionis, vanitas doctis pariter & indoctis cognita & perspecta esse potest: vt inde faciliè ominari liceat, reliquas parum firmas fore, &  $\delta\epsilon\chi\eta\varsigma\ \kappa\alpha\kappa\eta\varsigma\ \tau\epsilon\lambda\epsilon\ \kappa\alpha\chi\delta\iota$ <sup>3</sup>, vt est in Prouerbio. Sed eas ego, ne prætermittas & neglectas esse queraris, in medium producā. adest ergo secunda.

**BOUCHER.** Eiusmodi est illud quod pepigit Ioiada scædus inter se, vniuersumque populum & Regem, vt esset populus Domini<sup>4</sup>. Nam tibi idem ordo seruatur: vt Sacerdos populum precedat, & populus Regem. Imò, quod amplius est, populi nomine Rex etiā comprehenditur, cum dicitur vt esset populus Domini. Vt ex eo intelligas in populo Regem, non in Rege populum esse: nec separatim à Rege & populo, sed simul, ab utroque factum scædus cum Deo esse. Et quod ait Samuel ad populum. Si timueritis Dominum, & seruiueritis ei, & audieritis vocem eius, & non exasperaueritis os Domini, eritis & vos & rex qui imperat vobis sequentes Dominū Deum vestrum. Et rursum, Quod si perseveraueritis in malitia, & vos & Rex vester pariter peribitis. Vtrobique enim hic populus ante Regem nominatur.

Quid iuvat, quæso Boucheri, tam friuolis argumentis, tamque leuibus & longè petitis indiciis & coniecturis, ad tantæ rei probationem abuti? Leges ciuiles rem mediocrē quinci sine clara probatione non patiuntur<sup>6</sup>: & tu non vereris summam à Rege authoritatem, qua non maius quicquam aut excellentius in rebus humanis reperitur, puerilibus quibusdam, atque incertis, & fallacibus indiciis vindicare. Sed esto quod optas, ordinem scilicet nominandi in Scripturis ad ordinem dignitatis & excellentiæ pertine-

<sup>1</sup> Dixit legitimo Rege, propter Abimelech filium Ierobaal qui regium nomen usurpauit. Iudic. 9.

<sup>2</sup> ad Gal. 4.

<sup>3</sup> id est malū Principii malum finem.

<sup>4</sup> 2. Paral. 23.

<sup>5</sup> 1. Reg. 10.

<sup>6</sup> 1. testium 161 C. de Prob.

re (licet id utique perpetuū verum non sit) certius profectū  
 & multo firmitus argumentum pro Regibus ex eodem illo  
 nominandi ordine suppetit. Nam primum Ecclesia Chri-  
 stiana, quæ spiritu Dei regitur, hunc in suis litanis & sup-  
 plicationibus ordinem seruat, ut primo loco Dominum A-  
 postolicum, id est, summum Pontificem, qui Christianorū  
 omnium pater est, deinde Reges & Principes: ac postremo  
 populos nominet. Sed & Scriptura veteris testamenti, cu-  
 ius tu hic testimonio abuteris, Regem populo præponit  
 sapius multo quam postponit; ut mirum sit hominem in  
 Bibliorum lectione versatum id non animaduertisse, aut si  
 animaduertit, non maluisse potius honori & existimati-  
 oni suæ consulere, quam ea proponere ex quibus in mani-  
 festam fraudis vel inscitie (alterum enim necesse est) suspi-  
 cionem incurrat. Quid enim? An non in Paralipomenis  
 1 iubentur sacerdotes orare pro Rege, & pro Reliquiis Israel  
 & Iuda: & alibi 2, *Ite & consulite Dominum super me, & super*  
*populo.* & alio in loco 3, *Azarias factus in se spiritu Dei dixit*  
*Regi Asæ: Audite me Asæ. & omnis Iuda & Benjamin.* sic et-  
 iam, *Dauid autem & omnis Israel* 4, & alibi. *Rex autem Sala-*  
*mon, & omnis multitudo Israel* 5. Sed & Dauid ipse, omnium  
 qui unquam imperarunt Regem humilimus, Reges ante  
 populos nominat 6. *Reges terra & omnes populi, Principes &*  
*omnes iudices terra.* Ex his igitur perspicuum est, argumen-  
 tum istud tuum in te optimo iure posse retorqueri, ut uni-  
 uersum populum Regē inferiorem ex nominandi ordine  
 concludamus. Nam quod tu de fœdere icto a Ioiade pro-  
 fers ex libro secundo Paralipomenon, id vix nullam ha-  
 bere ostenditur ex eodem fœdere in libris Regum 7 relato,  
 ubi Rex ante populum nominatur, his verbis. *Pepigit ergo*  
*Ioiada fœdus inter Dominum, & inter Regem, & inter popu-*  
*lum, ut esset populus Domini, & inter Regem & populum.* Ea  
 ut in hoc ipso fœdere pangendo Rex bis ante populum no-  
 minatur. Nunquid libri Regum non adeo Authentici  
 sunt atque Paralipomenon? Nunquid discordes & con-  
 trarii? Si utrorumque par fides est & auctoritas: & illi  
 non minus mihi suffragantur, quam hi tibi, nonne æ-  
 quum videtur qua ratione Regem populo inferiorem ex  
 istis colligas, eadem ego ratione Regem populo superi-  
 orem ex illis concludam? Sed non est, ut dixi, ordo di-  
 gnitatis ex ordine denominationis ubiq; in Scripturis pe-  
 tendus. Alioqui filium patre superiore & digniore

esse

1 li. 2. c. 34.

2 4. Reg. 22.

3 2. Paralip. 15.

4 2. Reg. 6.

5 3. Reg. 9.

6 Psal. 148.

7 4. Reg. 11.



esse simili Scripturæ testimonio conuinceretur. Scriptum est enim <sup>1</sup>, *Responderunt filii Iacob Sichem & patri eius.* <sup>2</sup> Genes. 34. Cur autem Samuel in loco à te citato populum ante Regem nominauit, ratio est, quia ipse ad populum, & de causa populi loquebatur: quod locus ille satis per se demonstrat. Harum ego duarum rationum, duorum, inquam, sophismatum tuorum enodationem vberius paulò & fustius sum prosequutus, quòd tuum vtrumq; inuentum est. Cæterorum verò argumentorum quæ sequuntur inuentionem Brutino cerebro debes: vt vetus illud in te conueniat, *mutasse stylum est fecisse librum.* Eorum igitur vitia leuiter attingere, & quibus in locis ad Brutum refutata sunt indicare sat est.

## CAPVT XV.

**B**OVCHER<sup>2</sup>. Sed & in superioribus quòd populus ad paciscendum fœdusque cum Deo ineundum inuitatur, cum illud suam populi Maiestatem notat (non enim aliter pactum cum eo factum valeret, nisi aliquid per se suapte auctoritate posset) tum illud significat potiores populi quàm Regis in pacto esse partes, quanto scilicet securius multitudini vniuersa, quàm vni alicui seruanda fidei integritas committitur. Id enim propterea factum, vt quod in contractibus de mutuo data pecunia & in emptionibus censualium sit, vt plures in solidum vades securitatis causa obligentur, qui alii alios ad soluendum debiti summam cogant, id quoque hic accideret, vt esset qui Rege à fide discedente pactum impleret nihilominus, & vel Regem ipsum ad id præstandum adigeret, aut poenas debitas reposceret. Scilicet vt quod Rex in priuatos potest, vt eos cogat fidem seruare Deo & proximo, poenisque ad id eos adigat, idem quoque populus in Regem possit.

Hoc totum ex Bruto est<sup>3</sup>, quem si vt sententia ita verbis fuisses imitatus, magis propriè, succinctè, & eleganter hic fuisses loquutus. Ille enim. *Videtur ergo Deus fecisse*, inquit, *quod in dubiis nominibus creditores facere solent, vt plures in eadem summam obligentur, vt eiusdem rei duo pluresque rei promittendi constituentur, à quorum unoquoque, tanquam principali reo solidum peti possit.* Hoc propriè quidem & more Iurisconsultorum: quam tu sententiam, cum Brucini studii æmulus & imitator videri nolles, in opus hoc tuum verbis hisce minus aptis transtulisti. Id enim propterea factum, vt & in contractibus de mutuo data pecunia & in emptionibus censuum sit, vt plures in solidum vades securitatis causa obligentur, q. alii alios

ad sol-



*ad soluendam debiti summam cogant.* Nam nec vades propriè pro rebus dantur, sed tantùm pro personis iudicio sistendi causa: nec in emptionib. censuum fideiussoribus opus est, cum census ex solo pendatur, (censualis quippe contractus prædium obligat ad quemcumq; transeat possessore) nec deniq; consponsores alii alios propria autoritate ad solutione cogere possunt. Sed mitto λογμαχίαν: sententiis enim non verbis pugnandum. Quoniam igitur Brutum argumentum est quod hic pro tuo vsurpasti, & paulò quidẽ subtilius quàm sunt tua illa inuenta quę resolui, eius in superiore ad Brutum libro solutionem inuenies <sup>1</sup>.

1 li. 4. ca. 8.

2 eodem ca. 18.

3 lib. 2. cap. 15.

**BOUCHER** <sup>2</sup>. Nam id populo ut liceat, imò etiam impertitur, ac propterea Rege sit superior, id vel maximè indicat, quod in fœdere cum populo sub Asa Rege diuinitus factò in libris Paralipomenon <sup>3</sup>, dixit Deus (imò Asa Rex) Si quis (inquit) non quaesierit Dominum Deum Israel, moriatur à minimo vsque ad maximum. Nam cum maximus ille proculdubio sit Rex, & mori iubeatur si à Dei cultu recesserit, nec verò puniri morte nisi per populum & procures regni possit, nec fas sit puniri rursum nisi per superiorem, quid sequitur, nisi populum supra Regem vel ex eo constitui, qui pœnas sumere vel iubente Deo de impio Rege possit?

4 Quæst. 2. pag. 39.

Nihil hic nisi Brutinæ doctrinæ paraphrastem agis. Nā ita ille <sup>4</sup>, de fœdere isto sub Asa Rege icto. Tum verò sacrificiis rite peractis, sancitur fœdus, his tanquam conceptis verbis: quicumque nō inuocauerit Dominum Deum Israel, seu minimus, seu maximus, morte moriatur. Cum maximum dicit, ne Regem quidem ipsum huic pœna eximi vides. Quis vero hanc à Rege pœnam rescire possit, nisi vniuersus populus, cui ipse iurat non secus ac populus ipsi? Hanc igitur fraudem & fallaciam in iisdem nostris ad Brutum libris excussam, detectam, & retusam habes <sup>5</sup>, ut de ea nihil hic amplius disputare necesse sit. Illud certè malè me habet quod homo Theologus vel tam indiligenter & oscitanter Scripturas lectitarit, vel rãta cum lectionis ipsarum ceperit obliuio, ut quod Rex, Dei purè colendi zelo commotus, dixit & præcepit, id Deū dixisse & præcepisse simpliciter asserat. Verba enim quæ ex libris Paralipomenon recitasti, Asæ Regis sunt, non Dei per prophetam loquentis: qua in re tamen incautū lectorem capis: falsum est itaque quod scribis dixit Deus. & qui pœnas sumere vel iubente Deo &c.

5 dict. cap. 2.

6 dict. cap. 18.

**BOUCHER** <sup>6</sup>. Sic olim populus Israel cum Saule occiderat, quod eius furias in Dauidem & sacerdotes sequi, quàm ei resistere legem Dei violanti maluisset.

Non

Non opus fuit authoris tui verba mutare: nam ipse non minus eleganter & significanter hoc ipsum expressit, ita enim Brutus. *Cur, quaso, fufum deletumque Israelis exercitum, una cum Saule Rege putemus? an non, quia populus Sauli legem Dei violanti non resislebat, & pios impiè persequenti, Davidem scilicet & sacerdotes Domini, applaudebat. Quid multis? tuum ferè nihil est neque in superiore hoc argumento, neque in sequëtibus à te prolatis illo libri tui capite. Omnia ex Bruti fontibus hausta sunt*<sup>1</sup>, cuius furias & fallacias ad Reges inique opprimendos sequi & imitari, quàm sanam, synceram, & exquisitam Scripturæ sacræ & sanctorum Patrum doctrinam contra hominis astuti insidias tueri & propugnare maluisti. Cuiusmodi sunt captiunculæ illæ omnes, quas ad populorum in suos Reges imperium & potestatem probandam ex pœnis à populo Hebræo, Rege delinquente persolutis, ab eodem Bruto mutuatus es: addita etiam ipsius ratione, seu verius techna Brutino quidem genio digna, sed homine Catholico & Theologo prorsus indignissima: nempe,

*Cur enim populus Pharaonis, Saulis, Davidis, Achabi, Manassis, denique sacerdotum pœna sociuseffet, nisi esset & sceleris? Cum scriptum sit*<sup>2</sup>, *anima que peccaverit ipsa morietur, filius non portabit iniquitatem patris, nec pater iniquitatem filii.*

Nam satis constat inter omnes qui sacris literis legendis operam nauarunt, liberos nō raro pœna temporali ob parentum scelera plexos esse, & locum hunc prophetæ, quem citas, de pœna spirituali, vel corporali æterna, esse intelligendum, ne aliis Scripturæ locis<sup>3</sup>, in speciem contrariis, re vera repugnet: imo verò (quod Israeliticum fuit peculiare) propter vnus priuati hominis noxam, alios pœnæ factos fuisse obnoxios. Alioqui enim, si vitia parētū nō vindicentur hoc modo in liberos, cur tot infantes, qui paternorum scelerum participes per ætatem fieri non poterant, & tot animati in vtero fœtus cataclysmo perierunt? Cur inter priuogenitos Ægyptiorum, infantes etiam ab Angelo sunt percussi? Cur dictum est Dauidi, *quoniam blasphemare fecisti inimicos, propter verbum hoc filius, qui natus est tibi morte morietur*<sup>4</sup>? Cur scribit summus Pontifex, bona hæreticorum condemnatorum liberis etiam catholicis esse auferenda, ea ratione quod *in multis casibus etiam secundum diuinū iudicium, filii pro patribus temporaliter puniantur*<sup>5</sup>? Quid an non scriptū est<sup>6</sup>, *Nonne Achan filius Zare prateriit*

<sup>1</sup> Quæst. 2. pag. 42. 43. 44. & 45.

<sup>2</sup> Ezech. 18.

<sup>3</sup> Exod. 20. Deut. 5.

<sup>4</sup> 2. Ræg. 12.

<sup>5</sup> c. vergentis. 10. de hæret.

<sup>6</sup> Iosue. 22.

1 Ioan. 9.

1 Cap. 6. &amp; ca. 9.

*mandatum Domini, & super omnem populum Israel ira eius intubuit? Quo pertinet illa Apostolorum interrogatio, Rabbi, quis peccauit, hic, aut parentes eius, ut catus nasceretur? Non est igitur tñ hęc bona ratio, sed apertā ludificationis cuius vberiore refutationem, simul & aliarum sequentium, quas ex Bruto in primum illud caput transtulisti, liber quartus noster cōtinet. quò te lectorem que remittimus. Nos interea vltimum tuum ex Scripturis argumentum ex-  
tutiemus.*

1 Genes. 49.

*BOUCHER. Sed id clarè maiestatem illam populi supra Regem notat, quod non aliter prophetia Iacob (non auferetur sceptrum de Iuda, & dux de femore eius, donec veniat qui mittendus est) intelligi potest, quàm si sceptrum non de Regis persona, sed publico regni senatu atque Concilio sumatur, cum scilicet annò trigésimo occupata ab Herode tyrannidis natus sit Christus, quo toto tempore ablatum de Iuda sceptrum non fuit, donec senatus ille septuaginta duorum à Mose constitutus, qui Synedrium dicebatur, & de tribu Iuda totus aut magnam partem erat omnibus, vno Sameo excepto, interfectis ab Herode sublatus est. Quod ab eo propterea factum est, quod senatu isto superstiti agere ei pro arbitratu non liceret, & in eius saepe reprehensionem incurveret. Sed neque etiam illud fortasse minus, quod cum à Sedechia, qui captiuus in Babylonem abductus est, usque ad Aristobulum Ioannis Hircani principis, filii Simonis Machabai filium (qui primus se post transmigrationem Regem nominauit) Reges in Iudæa annis circiter quadringentis & sexaginta non fuerint, sceptrum nihilominus minimè auferendum Iacob vaticinatur, prorsus ut sceptrum alibi quàm in Rege esse intelligas. Adèò scilicet maiestas in regno ac populo potius quàm in Regis persona est, ut eo extincto vel sublato eam non desinere esse vel ex Scriptura ipsa constet.*

*Cedo per Deum, Boucheri, quæ istac est consequentia? Quando Rex nullus est, sceptrum seu maiestas & potestas omnis Imperii est penes populum, vel publicum concilium, siue, ut nunc loquuntur, regni ordines & status, ergo populus est supra Regem? An non eodem paralogismo colliges, domus impetium habet vxor mortuo marito, ergo mulier est supra virum? Piget me tuas istas refellere ineptias, te quantum pudeat eas proposuisse.*

*Verum ne quid præsidii aduersus Reges in illa Iacobi prophetia tibi amplius superesse videatur, respondemus breuiter cum doctissimo Lyrano, Iacobum nō dixisse sim-*

pliciter.



placiter, nō auferetur sceptrum de Iuda, sed dixisse cōiunctim, non auferetur sceptrum de Iuda, & dux de scēmore eius: ut sit sensus, utrumque nōn auferetur; & regnum scilicet & datus. Atque ita licet interfecto Sedechia in captiuitate Babylonica regnum utique defecit vsque ad Aristobulum Hyrcani filium<sup>1</sup>, tamen quia gens illa à Ducibus & Pontificibus interea gubernabatur, qui erant de tribu Iuda, quique, ut scribit Dio Cassius<sup>2</sup>, Regis simul & Pontificis nomen obtinebant, cōstabat veritas prophetiæ Iacob: quippe Duces de scēmore Iudæ manserunt vsque ad Herodem alienigenam Idumæum, quo rerum potente venit in mundum qui mittendus erat, Christus Saluator noster benedictus in secula.

1 Ioseph. li. 13.  
antiq. cap. 19.

2 Lib. 37.

Videmus iam primam exercitus tui aciem totam planā à te iniustum bellum inferēte ad hostes defecisse: primam, inquam, probationis tuæ speciem, quam ad iniquæ causæ firmamentum ex Scripturis attulisti, suum tibi apud bonos & peritos iudices testimonium denegare. Videamus deinceps quem partes reliquæ tuarum copiarum auxilium sociorum nudatæ, exitum sint habituræ.

C A P V T XVI:

**B**OUCHER<sup>3</sup>. Iuris populi in Regem ex civili iure seu legib. inductio. 3 Cap. 10.

Id Vero nec præter ius aut æquum esse lex ipsa civilis (nam hoc tertium probationis genus erat) docet. Est enim hæc velut *ἰσχυρὸν* indigenaq; lex regnorum innataq; sceptris (ait Aristoteles) ut ea ipsa Rempub. ac populi sui iura Rex labefactans publicis sceleribus, tyrannicaque administratione, corona mulctetur. Cur enim si Romanis legibus tutor qui in re pupilli grassatur officioq; abutitur, remoueri potest accusatione suspecti, Rex qui regni populiq; tutor publicus est, si malè in officio versetur, eo ipso suturari regimine regnoq; non abdicetur? Cur si legē, 12. tabularum patronus qui clienti fratrem fecerit sacer esse iubetur, non id tantò firmitus in Rege obtineat, quanto verius ille patroni locū gerit, & priuata totius populi causæ prestat? Iam feudistica lege cōstat quibus causis feudum à vasallo amittitur, iisdem de causis amitti à patrōno, quod clientela feudalis scilicet pari utrinque fide, & beneuolentia nitatur, dominusque in omnibus vicem suo fideli reddere debeat, ne si non fecerit censeatur malefidus. Et si Claudii Imperatoris rescripto peraq; ius patronatus amittitur, denegatis à patrōno alimentis liberto, ut libertus iniuria facta patrōno in seru-

sut em



*autem reuocatur, cur non pari iure hac in Rege locum habeant, quem iuramenti sacramentum, ut ei populum, sic vicissim populo obligauit. Quod si ita est, & lege teneris Regem constat, neque vero lege coerceri quisquam nisi per superiorem potestatem valet, & potestas qua lege agat alia non est q̃ populi atque regni, id profecto sequitur lege subiici populi ac regni maiestati Regē, huius ut subire decreta, non modo si quid publicè agendum sit, sed & si quid deliquerit, contraue Remp. commiserit, eundem oporteat.*

Hæc sola sunt quæ ex iure ciuili & legibus ad populi imperium stabiliendum proferens, quib. nihil partim mendosius, partim puerilius in re seria dici vel fingi potest. Ea ego integra hic retuli, non quodd accurata & subtili tractatione egeant, sed quodd librorum tuorum lectores vnicus iste locus admonere possit, ab argumentis & rationibus tuis, ut omnino captiosis & fallacibus, assensum esse cohibendum. An hæc sunt quæ te Iurisperiti, ut ais <sup>1</sup>, docuerunt? nõ equidem arbitror: nam id non docere est, sed decipere: quo modo Iurisperiti quidam Romani Ferdinando Daualo responderunt <sup>2</sup>, eum iussu Pontificis sine Maiestatis crimine arma in Carolum. V. Imperatorem ferre posse. Iuris enim valde imperitus est, qui non primo quoque aspectu cernat ponderis & momēti nihil ad opinionis tuæ defensionem habere illa iuris & legum capita quæ produxeris. Nam quod ad Aristotelem, è cuius libro. V. Politicorum (ita enim in margine annotasti) indigenam quandam legem & sceptris innatam, & de Regib. corona mulctandis, inuenisse te indicas, is quidē nihil tale vel eo libro, vel alibi, quod sciam, tradit: tantum commemorat insidias & coniurationes per quas Monarchia dissoluitur, variis ex causis seu principiis oriri, veluti ex fastu, iniustitia, atq; iniuriis, vel etiam ignauia Principum; & ex contemptu Optimatum eorum qui potentes & gratiosi apud multitudinē sperant se posse, deiectis Regibus, principatum obtinere: & id genus aliis. Quæ omnia quidem verissima esse, vsus rerū & experientia docet. Admonet itaque talia interdum euenire, legis autem nullius meminit, per quam subditi talia in Regem iustè commoliantur. De facto igitur tantum illic, nõ de iure facti tractat Aristoteles, ut inde nihil quod causæ tuæ patrocinetur, nisi per calumniam, possis elicere.

De tutore autem & suspecti accusatione quod scribis, id eiusmodi est cuius mentionem nullam, si iuris ciuilis discipli-

3 in præfat.

2 Arnoldus Ferronus li. 8. rer. Gallic.

disciplinam calluisses, in hoc negotio vnquam fecisses: quippe nihil tibi magis aduersarium leges continent, & quod te premat vehementius, quàm illud ipsum ex tutoris & Regis, pupilli & populi similitudine depromptum argumentum. Tui ita ratiocinaris. Si Romanis legibus tutor qui in re pupilli grassatur, officioq; abutitur, remoueri potest accusatione suspecti, Cur non similiter Rex qui regni populiq; tutor publicus est, si male in officio versetur, eo ipso tutelari regimine regnoque abdicetur? Scire in primis hic cupio quid istis verbis eo ipso, significari velis? an vt idem sonent quod, ipso facto siue ipso iure, quasi Rex hoc ipso quod male regnum administrat, ipso iure, inquam, sine vlla aduersus eum querela abdicetur, seu Rex esse desinat: id certè cum in tutorem non cadat, Regi ex tutoris similitudine tribui non potest. An verò vt causam designent propter quam Rex exigatur, sitque sensus hoc ipso, id est, propter hanc ipsam malam regni administrationem dignus est qui tutelari regimine regnoque priuetur. Quod si posterior hic tibi intellectus placet, admitto libenter quod colligis, ea tamen lege, vt tu mihi vicissim non deneges quod ex iisdem legibus Romanis, eademque similitudine, ad Regum præsidium & defensionem: non minus firma & necessaria consequutione protulero, æquissimam tibi conditionem fero, quam non, nisi valde iniqtus, repudiare possis. Sic igitur ex Romanis legibus & principiis à te concessis colligo, Rex tutori, populus pupillo similis est: Quemadmodum ergo non permittitur pupillo legibus Romanis vt tutorem suum suspectum faciat, licet grassetur in tutela, & sordide, vel perniciosè pupillo egerit, facultatesque eius depeculetur: ita nec populo permittendum est vt tutorem suum, id est Regem, suspectum postulet. Deinde quemadmodum suspecti accusatio pro tribunali tantum examinari potest, & apud eum iudicem, qui in tutorem pariter & pupillum imperium habet: ita Regis accusatio non nisi ad eius iudicis tribunal institui debet, qui vtroque, Rege scilicet & populo, superior est. is autem solus est Deus Opt. Maxim. qui populum Principis nequitia nunc opprimi & in miseriis morari finit, nunc oppressos reficit & recreat, prout peccatis eorum expiandis vtile visum ei sit & conducibile. Præclare D. Irenæus. Cuius iussu homines nascuntur, huius iussu & Reges constituntur aptius qui in illo tempore ab ipsis regnantur. Quidam enim illorum ad correctionem & utilitatem subditorum

1 l. Impuberem;  
7. D. de suspecti  
tutor. l. Pietatis  
6. in fi. C. cod. §.  
Impuberes. In-  
stit. cod.  
2 l. i. §. suspecti.  
D. ad Sc. Turpill.  
1 §. damus. D. de  
susp. tut.

3 li. s. aduers. ha-  
res. Valentini. &  
simil.

dantur, & conseruationem iustitiæ. Quidam autem ad tumorem, & poenam, & interpositionem. Quidam autem ad illusionem & contumeliam, & superbiam, quemadmodum & digni sunt Dei iusto iudicio! sicut prædiximus, in omnibus superueniente. Denique cum totus populus, te iudice, pupilli loco inque tutela Regis sit, consequens ei est ex legibus Romanis, ut sicut pupillus tutorem, quantumuis suspectum, remouere propria autoritate nequit: ita nec populus Regem, quamlibet nequiter & proteruè imperantem, regno expellere, regali, inquam, officio & munere priuare possit. Alioqui eundem & accusatoris, & testis, & iudicis partes agere posse fateamur necesse est: à quo non humani solùm, verùm etiam diuini

1 Ioan. 8. & 1. Io.  
an. 3. 2. ad Co-  
rint. 1. Val. Max.  
li. 4. c. 1. exemp. 10

iudicii ratio ordoque vehementer abhorret<sup>1</sup>. En ut tuo te ludo lamberamus, ut ista, inquam tutoris & Regis similitudo, in qua victoriæ spem magnam collocasti, suum omne tibi patrocinium abnuat, totaque à nobis stat ad irruptionem in tua castra multis machinis faciendam paratissima. Argumenti tui dissolutionem igitur sic habeto: fatemur quidem Regem, æquè ac tutorem, officio suo abutentem indignum esse qui tanto munere fungatur, & iure meritoque remoueri ab administratione posse: sed ut tutor nisi per iudicem remoueri non potest, ita nec Regem nisi per iudicem, quem solum Deum habet, publica regni tutela, & regali solio sceproque priuari posse pari æquitatis ratione concluditur. Et sicut Prætor vel Præses suspectum tutorem sine vlla accusatione repellere potest, si ei liqueat ex apertissimis rerum argumentis suspectum eum esse<sup>2</sup>. Ita Deus cui omnia nuda sunt & aperta, Regem in suos proteruius dominantem, populo id iugum æquanimiter tolerante, & quiescente, non ratò priuare scepro simul & vita solet.

2 1. 3. c. Prætereā.  
D. de suspect.

Illud autem quis non ridear, quod ex feudistica, ut ais, lege colligis? Quasi verò ius Monarchiæ, quod ferè cum ipso genere humano ortum traxit, ad incertas Langobardorum feudales consuetudines, à Iurisconsultis quibusdam Mediolanensibus collectas, quæ apud alias gètes partim incognitæ, & partim aliter atque aliter obseruatæ sunt, exigatur contrahaturque. Quis nescit Feudorum ius & consuetudinem non valde antiquam esse, & omnia primùm feuda precariò concedi solita, ut ubi dominis visum esset, renocarentur. Deinde vsu obtinuisse ut ea domini non intra annum, ex quo concesserant repetere possent. Pòst verò

ut be-



ut beneficia eiusmodi ad totum vitæ tempus clientis beneficiarii protenderentur. Mox etiam ut vnus ex beneficiarii filius, quem dominus nominaret, patri in beneficio succederet. Tandem denique moribus inoleuit, ut feuda essent perpetua, & ad posteros in infinitum transmitterentur. Nihil itaque iniquius, imò ineptius, quàm Regum ius & libertatem dubia Langobardorum de feudis consuetudine vellemetiri. Nam ipsemet Obertus de Otto testatur illud ipsum ius de feudi dominio amittendo, quod allegas, multis dubium & controuersum fuisse. *Quidam dicunt, inquit, ex omni felonia qua vasallus feudo priuatur, & dominus proprietate priuatur. Alii non nisi ex magna felonia. Alii ex nulla. Quid quod si ad mores & consuetudines feudales ius regni pertraxeris, & Regem exemplo domini proprietatē feudi propter feloniam amittentis coerceri statuas, illud consequetur absurdissimum, ut scilicet quemadmodum vasallus cui dominus noxam, quam feloniam vocant, fecerit, veluti uxoris filiaeue pudicitiam attentarit, omni clientelari obsequio, & homagii siue hominii præstatione liberatur, sibiq; ius totum quod habuit dominus in illo feudo acquirit: ita etiam Rex si nobilis alicuius aut etiam plebei hominis filiae pudicitiam sollicitarit, regio in patrem puellæ eiusque hæredes imperio spoliabitur, idque imperium pleno iure ad illos transibit, ita ut ipsi neminem postea superiorem agnoscant, cum Regis in locum iusque successerint.*

Denique quod de iure patronatus adfers; id æquè ridiculum est: tum quia ex Principis constitutione pendet, quæ neque sibi ipsi, neque Principibus aliis in quos non dominabatur, legem imponere potuit: tum etiam quia de eo iure apud iudicem patrono libertoque superiore disceptatur, ut de tutela diximus, qualis nemo Rege populoque ciuili iudicio contendentibus inter mortales reperitur. Cæterum obiter admonendus es, errare te in eo quod Alexandri Seueri Imperatoris rescriptum Claudio Imperatori attribuis. Error autem tibi, vel certè illi sciolo qui ista te docuit; ex legis principio vnde illud sumptum est, obiectus esse videtur, initio enim illius capituli sic scriptum est, *Diuus Claudius libertum &c.* deinde in §. primo, *Imperatoris nostri rescripto cæuetur, ut si patronus libertum suum non aluerit, in patroni perdat.* Atqui caput illud Marciani Iurisconsulti est, qui Alexandro Seuero fuit à consiliis: cum ergo ait, *Imperatoris nostri*, non de Claudio cuius

li. 2. feud. c. 17.

2 l. Diuus Claudius §. D. de iur. patr.

3 Lamprid. in vita Alex.



initio mentionem fecerat, sed de Alexandro intelligit.

Ex his, arbitror, perspicuum est leuem quidem, & ad probandum valde infirmam, nugatoriamque esse hanc tuam *ex civili iure seu legibus inductionem*.

Quod cum ita sit, superest tantum ad plenam victoriam, ut postremam exercitus tui aciem profigemus, quæ cum tota ex gregariis militibus constet, exemplis inquam hinc illinc corrasis, ne primum quidem impetum sustinere poterit, sed sola sociorum aduersa fortuna se protinus in desperationem fugamque coniciet. Illud igitur in primis tenere oportet, in omni iuris quæstione non quid factum, sed quid faciendum sit, esse inquirendum. Exempla autem quoniam facta tantum continent, non iuris æquitatem, sed rerum gestarum veritatem seriemque declarant. Etenim profecto nihil ferè tam impium tamque iniquum & absurdum proponi potest, cuius non exempla quædam ex gentium nationumque monumentis erui posse certum sit. Quin etiam si quis res gestas populorum diligentius perscrutetur, crebriora vitorum quam virtutum exempla ex deprauatis hominum moribus nata, in historiis inueniet. Quæ res fecit ut facilem inde occasionem, vberioremq; decipiendis lectoribus materiam traxeris. nam cum iuris diuini & humani testimonia omnia, quæcunque ad assertionis tuæ probationem valere videbantur, duobus capitibus à te comprehensa sint & conclusa: exèpla tamen adeò fuse lateque prosequutus es, ut tota nouem capita, atque adeò maximam primi tui libri partem occuparint. Quæ omnia, quoniam non ius, ut dixi, sed factum explicant, percurram celeriter, & tectiores tantum fraudes annotabo.

## C A P V T XVII.

1 li. 1. cap. 20.

**B**OUCHER<sup>1</sup>. Postremum est ut exemplis istud tum sacris, tum profanis declaratur. Ac primum illa occurrent quæ sua vetustate ius meritò honorandum ac firmum esse præferunt. Eiusmodi illud est quod Hephron (rectius Ephron) Hethæorum Rex petenti Abrahæ locum sepultura, dare non ausus est in iussu populi<sup>2</sup>. Sed neque Hemor Rex Sichem pacisci cum filiis Iacob potuit, nisi populus vnusversus conuexisset<sup>3</sup>.

2 Genes. 23.

3 Genes. 34.

4 Quæst. 3. p. 39.

Nugas nugaris. Bruti hæc sunt deliria, cuius æmulari vanitatem & mendacia, quam scripturæ sacræ veritatem, & sanctorum Patrum testimonia maluisti. Ita enim Brutus<sup>4</sup>

Pri-

*Primorum ferè Regum quàm lata potestas fuerit, ex eo satis apparet, quod Ephron Rex Het haorum, ius sepulchri Abrahamo, incõsulto populo, concedere non audet: neque Hemor Hanius Rex Sichem, fœdus cum Iacobo ferire. En magistri verba, quæ licet paulum à re mutata sint, tamen cùm nihil ad sensum adieceris, vt aliquam auctori tuo gratiam referres, & ne videre alterius lucubrationes suppilasse (quamquam eiusmodi furta non merentur furcam) humanius fuisset addere, vt ait Brutus, vel quid simile. Quoniam igitur hæc tua nõ sunt, sed Bruti, sicut & reliqua quæ tuo isto capite continentur, eorum omnium refutationem in superiore contra Brutū libro reperies.*

Li. 4. c. 7. in A. C.  
9. & C. II.

Illud tantum animaduersione præterea dignum est quod in fine capitis de tua tuique similitum pietate & constantia cum Eliæ laudibus comparanda iactanter & falsò prædicas.

*Nam & propterea, inquis, ipsi Elia Achab exprobrauit conturbari ab eo Israel: quod scilicet eo prædicante & causam Dei agente, populus, vt sit, Dei verbo incitatus acta Regis impii improbaret. Quod perinde prædicatoribus in Gallia accidit, vt quia zelum Dei præ se ferrent, quaque impiè gerebantur strenuè reprehendendo populum eodem zelo inflammarent, propterea turbare Israel, ab iis scilicet, à quibus verò turbatus est, dicerentur.*

Intelligo: Ciuiliū scilicet bellorum in Gallia, & calamitatum quæ inde secutæ sunt causas, hoc pietatis officio & ecclesiastici muneris necessitate à seditiosis concionatoribus quibusdam remouere, & in ipsum Regem, exemplo Eliæ reiicere conaris. At neque Rex ille, quem tantis flagitiis calumniosè oneras, Achabi nequitia quid simile fecit: neque vos, qui specie officii vitæ eius insidias parastis, Eliam in eo estis imitati. Achab enim relicta vera Dei veri religione ad apertum idolorum cultum defecit, sacerdotes & prophetas Domini eiecit, afflixit, interfecit, subditosque palam à Deo ad idola pertrahere modis & mediis omnibus conabatur. Rex verò Henricus ad auitam, id est, catholicam & orthodoxam religionem in toto regno retinendam, Dei que sacerdotes summissè venerandos, populum suæ fidei commissum non modò seueris Edictorum sanctionibus adegit, sed singulari quodam viuendi exemplo præter cæteros magnopere hortatus est: vt nemini dubium esse possit, maximam te illi calumniam struere, cùm inter cæteras falsas criminationes, hærescos etiam, à qua

longissimè aberat, impietatem ei affingis. Iam verò EElias Regem & populum ab idololatria tantùm reuocare, inque vera religione confirmare studuit: nec animos imperitorum, quos non monitis solùm sed etiam miraculis imorigeros fecerat, aliquo religionis conseruandæ prætextu excitare & inflammare in illius ipsius scelerati Regis perniciem, vilo aut verbo aut facto voluit. Sed neque Aabdiam virum bonum, Achabi dispensatorem, neque arium vllum subditorum, vt Regis confortio & communione abstineret, vnquam admonuit. At tu cum quibusdam synagognistis contra religionem parum, rebellionē plurimum promouistis. Vidi ego tempus in Gallia cùm prædicatores liberrimè vitia carperent, nec eos quisquam eo nomine reprehenderet, sed potius vno omnes ore laudarent, quod rem ordine & officio suo dignam Eliæ instar exequerentur. At vbi nonnulli inter quos tu primas tenuisti, ira, odio, amore, vel muneribus occæcati & corrupti, concionibus ad seditionem compositis vt, virtutes per inuidiam detrectare, mores, & facta Regum fugillare, & rectè vvel fecus pro libidine ad populum concionando interpretari, funestas defectionis & coniurationis faces accendere, Principi denique suo infesta omnia parare, necem quæ moliri cæperant: tum demum hi quidem viris bonis, præter consuetudinem præterque officium agere, & pacatum sub legitimo Rege imperium æstuosis seditionum ac reboellionum turbinibus agitare & concutere, non iniuria visi sunt. Non igitur quodd Eliæ exemplo Dei zelum præ se ferebant, & strenuè reprehendebant quæ impiè gerebantur, & populumque eodem zelo inflammanabant, sed quodd inconsiderato seu feruore seu furore, contra quàm Elias, membra in caput, populum, inquam, in Principem armare, totumque intestino bello regnum vastare, & ciuitates cæde ac sanguine complere nitebantur, in tam graues reprehensiones incurrerunt. Nec tamen deerant tunc ex aduerso pii & patriæ amantes concionatores, qui se perditis istorum conatibus opponebant, atque omnia ad pacem & tranquillitatem populo persuadentes, in pristinam concordiam reducere, quos isti iniquè distraxerant, summo studio maximoque labore nitebantur: vnde non mediocrem sunt laudem consequuti.

Atque hoc quidem insigni mortalibus documento esse potest, quod quemadmodum nihil est regnis & Reipublice

Chri-

Christianæ doctis & modestis prædicatoribus vtilius & magnis necessarium, ita nihil inquietis, seditiosis, ac turbulentius calamitosius & magis exitiabile possit existere. ut quod de bono & malo vicino Hesiodus<sup>1</sup>, in istos optimo iure conveniat.

in li. *ἑξων καὶ ἑπτων.*

*ἡμεῖς καὶ οἱ ἄλλοι, ὅσοι ἐν τῷ ἀγαθῷ μετ' ὀνείαμεν.*

Nam qui dicendi facultate pollent, ut ait Aristoteles<sup>2</sup>, 2. li. 5. Polit. c. 5. plebeculam quocunque illis libitum est ducunt, & seducunt: maxime verò si tales sunt, quorum aut non vulgaris prudentia, aut vitæ institutum, aut sanctitatis opinio, auctoritatem & fidem orationi afferat, atque aliquam secundioris fortunæ spem inclinatis ad novitatem animis iniciat. Inter quos primus semper locus apud omnes gentes merito tributus est iis qui rebus diuinis præsent, quod hominum vtilitati & posse facilius propter scientiam, & velle libentius propter sanctitatem prospicere & providere iudicentur. Hi ergo in utramque partem plurimum possunt, seu mitigandis & sedandis, seu excitandis & commovendis hominum mentibus incubuerint. Ad cuius rei fidem, quamquam neque argumentis, neque testimoniis, rerumque gestarum exemplis, cuiusmodi multa sunt sacra & profana, sed nostri tantum sæculi experientia opus est, tamen opere precium me facturum arbitror si vnum lectori exemplum proponam, quo non aliud, ni fallor, in hoc genere illustrius & memorabilius vllis in historiis vel annalibus continetur. Iannæus Alexander Rex, frater & successor illius Aristobuli, qui primus à captivitate Babylonica post quadringentos circiter annos regium in Hebræos imperium suscepit, odium populi sui acerbissimum in se concitavit, cum quo & bellum gessit, & non minus quam quinquaginta millia Iudæorum sexennio interfecit. Ita ut *Cum eos tandem hortaretur ad reconciliationem, adhuc magis accenderit eorum odia: dum roganti quid se vellent facere, core uno responsum est, ut se ipsum interficiat*: quos ille tandem victos & domitos ut pro tanta pertinacia & obstinatione vlcisceretur, ex præcipuis & potentissimis ostingentos cruciibus suffigi iussit, vxoribus eorum & liberis prius in parentum & maritorum præsentia iugulatis: ipso interea cum pallacis epulante in loco editiore, vnde tam inhumani & crudele spectaculum intueri poterat. Exinde annos plures per vim regnavit tanto in odio cum sacerdotum & Phariseorum, tum multitudinis totius, ut Thracidæ no-



men propter crudelitatem inuenerit. Ad hunc autem, cum castellum quoddam Ragaba nomine ultra Iordanem situm obsideret, ac morbo graui & mortifero laboraret, accedens Regina Alexandra magno fletu seipsam plangebat, suamque simul & liberorum desolationem lamentabatur. Cui me, inquit, & hos filios relinquis, alieno indigentes auxilio? precipue cum non ignores quam insensu sit tibi totus populus. Tum ille constituit ei ut suis monitis pareat, si velit secure cum filiis regnum obtinere. Primum ut apud milites celet suam mortem, tantisper dum castellum illud capiat. Deinde postquam victrix magnifice Hierosolyma reuersa fuerit, Phariseis nonnihil licentia permittat: hos enim pro habito sibi honore laudaturos eam & commendaturos apud populum: posse enim plurimum apud Iudeos, siue exosum aliquem cupiant ladere, siue amicum iuuare. Vulde enim his fidem habere vulgus, etiamsi per inuidiam de quopiam male loquatur: nec se ob aliam causam incurrisse totius gentis odium, quam quia hoc genus offenderit. Ergo, inquit, ubi Hierosolyma perueneris, accersitis eorum primoribus, ostende illis meum corpus, & verbis quam proximè veritatem simulatis permitte ut eo utantur arbitratus suo, siue insepulto & proiecto cadaueri velint illudere propter antiquas iniurias; siue alio quolibet modo in id scire: & pollicere nihil te nisi ex illorum sententia gesturam in administrando imperio. Alexandra verò, post mortem Regis, capto castello, iuxta mariti monita Phariseos allocuta est, & omnia illorum arbitrii faciens, quæ ad cadauer vel ad regnum pertinerent, ex insensis beneuolos eos sibi reddidit. Tum illi progressi ad plebem concionabantur, res gestas Alexandri celebrantes, & Regem ipsum se amisisse conquerentes, populum ad eum luctum & maestitiam prouocauerunt, ut nullum antehac Regem funerauerint sum-

11. 22. 23. & 24.

ptuosius. Hæc Flavius Iosephus 1, quæ ego in hunc locum idcirco transtuli, quod nemo gnarus causarum superioris belli ciuilis in Gallia, cum ista legerit non statim cernat eas te in illa rebellionem partes egisse, quas in exemplo proposito Pharisei, nisi quod non, ut illi, Regem, quem viuum per ora hominum calumniose traduxeras, defunctum postea omni laudum genere apud populum celebrare, sed probris, conuitiis, & maledictis omnibus proscindere & infamare magis magisque conatus es. Id igitur in posterum sciant omnes (verum enim loquor) non tam res gestas ab Henrico III. quas in illi seditiosas conciones, quibus populo miserè imposuisti, exosum cum Parisiensibus, & aliis urbium quarundam

ciu-

ciuibus reddidisse: te autem cum dico, synagonistas tuos omnes intelligo. Quod si post extinctos crudeli funere generosissimos Principes Guyssios (quorum eadem semper dolui) cum nulla iam ope humana reuocari ad vitam potuissent, commotam facinoris atrocitate multitudinem pacare voluisses ac non potius admotis iracundiae flabris in tam effrenatum & precipitem furorem coniecere, ut post preclara illa membra amputata, in caput Reipublicae inuadere & sauire ausa fuerit: sterisset regnum non tot ciuitatum ruinis deformatum, neque tantis agrorum depopulationibus exhaustum, nec tam frequentibus latrociniis vexatum, & luctuosa optimorum ciuium caede & sanguine funestatum, ceteris denique miseriis & malis omnibus repletum, quae intestinas seditiones & bellum civile diuturnum consequi & comitari solent. Quae cum ita se habeant, cumque; ut (tradunt philosophi) causa causae, causati causa sit, horum tu omnium malorum causa iure censendus es. Quis igitur tot caedes, incendia, direptiones in Gallia fecit? Boucherius, dicet aliquis: quia praedicauit multitudinem posse & debere arma in Regem capere, atque ita bellum civile concitauit. Quis Regem Henricum Manibus dedit? Boucherius: quia docuit & scripsit eum merito eiici de solio, & non solum posse, sed etiam debere a quolibet, ut publicum regni hostem, occidi. Quis florentissimam urbem fame atque inedia prope confecit? Boucherius, quod ciues omnes in illas angustias, per rebellionem quam initio suaserat, imprudenter, ne dicam impie compulit. Quis haeresin semimortuam & penè extinctam in Gallia reuiuiscere non nihil & respirare fecit? Boucherius: quia Regem illum vexari primum seditionibus, deinde tolli de medio curauit, quo uiuo honores, dignitates, officia, beneficia, manifestis haereticis omnino denegabantur: & qui externo uiuendi exemplo omnes ad Catholicam religionem inuitauit. Quid persequar singula? omnium ærumnarum & calamitarum, quas Gallia proximis bellis perpeffa est, causam Boucherianae linguae tribuendam merito iudicabunt. Si hoc non est conturbare Israel, quid sit conturbare non satis intelligo: Sed ad alia nunc pergendum.

## CAPUT XVIII.

**B**OUCHER. Hic non absimilia sunt quae inter gentiles lib. 1. cap. 2.  
moderata per publicum concilium Regum potestatis exem-  
pla

*pla extiterunt. Sic enim Persarum Reges Magorum qui pari Regibus dignitate erant: Regumq; aures & oca dicebantur, iudicio saepe subiacerunt. Sic Lacedaemoni Reges Ephorum à quibus etiam Reges iudicatos fuisse Aristoteles refert. Et Seneca in epistolis testatur legisse se in Ciceronis de Repub. libris à Regum sententia ad populi iudicium promouari solitum fuisse.*

Et hæc quoq; exempla ex Bruto <sup>1</sup> & Buchananano <sup>2</sup> sunt, atque in nostris ad eos libris redarguta & refutata <sup>3</sup>, excepto eo quod de prouocatione à Regibus ad populum scribis: de quo sic habeto: Ciceronem libros de Repub. composuisse, in quibus nouam Reipublicæ formam arbitratus suo, ut olim Plato, constituit: eique leges quàm poterat convenientissimas, eundem Platonem imitatus, alibi perscripsisse <sup>4</sup>: cuius rei ipsemet nobis locuples testimonium tribuit. Ita enim ad eum Atticus <sup>5</sup>, *Si quæres ego quid expectem. quoniam scriptum est à te satis de optimo Reip. statu, consequens esse videtur, ut scribas tu idè de legibus. sic enim fecisse video Platonem illum tuum, quem tu admiraris, quem omnibus anteponis, quem maximè diligis. cui Cicero, Visno igitur ut ille Creta cum Clinia, & cum Lacedaemonio Megillo, æstiuo, quemadmodum describit, die in cupresseris Cnossiorum & spatii syluestribus, crebrò insistsens, interdum acquiescens, de institutis Rerum publicarum, ac de optimis legibus disputat: sic nos inter has procerissimas populos, in viridi, opacâq; ripa inambulantes, tum autem residèes, quæramus iisdem de reb. aliquid vberius, quàm forensis usus desiderat.*

Reip. igitur statum describit Cicero, non eum quidem qui in usu tunc erat populorum, sed qui omnium optimus, & victrice ciuitate maximoque imperio dignus sibi videbatur: eum autem popularem esse voluit, ut perspicuum est ex iis ipsis libris de legibus, ubi sic scribit <sup>6</sup>. *Nos autem quoniam leges damus liberis populis: quaq; de optima Republica sentiremus, in sex libris antè diximus: accommodabimus hoc tempore leges ad illum, quem probamus, ciuitatis statum. deinde primam ferè hanc legem ponit. Magistratus nec-obedientem, & noxiū ciuem multa, vinculis, verberibusq; coercento, ni par, maiorve potestas, populûsq; prohibessit, ad quem prouocatio esto. item hanc, Cùm magistratus iudicassit, inrogassit ve per populum multa poenæ certatio esto. & pauld post, Plebes quos pro se contra vim, auxilii ergo decem creassit, tribuni eius sunt, quodque ii prohibessint, quodq; plebem rogassint, ratum esto. aliaque multas ad popularem Rempublicam seu democratiā pertinentes.*

Quod igitur in illis de Republic. libris scripsit Cicero

pro-



*promocationem ad populum à Regibus fuisse*, id præter fidem historię & antiquitatis obseruationem, ad cõstituta & composita à se Reipublicę rationem suo more accõmodauit. Nemo enim vel mediocriter in ipsius scriptis versatus nescit eum semper negotio à se suscepto inseruisse, & falsa pro veris asserere solitum, vt malas causas obtineret; vnde & gloriatus est aliquando se tribunalibus iudicum tenebras offudisse<sup>1</sup>. Ex libris itaque Ciceronis non vt latini sermo-<sup>1</sup> Plutarc. in vi-  
nis elegantiam, puritatem, eloquentiam, sic etiam rerum ta Cicer.  
gestarum historicam fidem haurire licet; præsens id locus demonstrat: *prouocationem* quippe à Regibus nullam fuisse, tot luculentis aliorum authorum testimoniis, quibus historię veritas curæ fuit, euidentissimè comprobatur, vt Ciceronē aliter asserentē fides narrationis planè deficiat.

Nam primùm T. Liuius author est<sup>2</sup>, P. Valerium Pu-<sup>2</sup> Lib. 2.  
blicolam Consulem, cùm post Reges exactos in affectati regni suspicionem venisset, leges tulisse, *non solum quæ regni suspicionem eum absoluerent, sed quæ adeo in contrarium vertere-  
rent, vt popularem etiam facerent*, ex quibus prima & præcipua fuit *de prouocatione aduersus magistratus* (id est, Consules) *ad populum*. Quod idem scribit Plutarchus in vita Publicolę. At lex illa quid Valeriū ad remouendam à se regni suspicionem iuuisset, aut qua ratione eum fecisset popularem, si idem populo ius antea sub Regibus fuisset? Deinde idem Liuius<sup>3</sup>, testatur nullam à Dictatore prouocationē<sup>3</sup> Lib. 2.  
fuisse. *Creato Dictatore primùm Roma*, inquit, *postquam præferri secures viderunt, magnus plebem metus incessit, vt intentiones essent ad dicto parendum: neque enim, vt in Coss. qui pari potestati essent alterius auxilium, neque prouocatio erat: neque vllum vsquam nisi in cura parendi auxilium*, & rursus eodem libro vbi seditionem plebis aduersus Consules, & Patrum de ea sedanda sententias describit. Appius Claudius, & natura immis, & efferratus hinc plebis odio, illinc Patrum laudibus, nō miseris ait sed licentia tantum concitum turbarum & lasciuire magis plebem quàm seuire, id ad eò malum ex prouocatione natum: quippe minas esse consulum, non imperium, vbi ad eos, qui vna prouocauerint prouocare liceat. Agedum, inquit, Dictatorem, à quo prouocatio non est, creemus: iam hic, quo nunc omnia ardent, contitescet furor. Pulset tūc nihil licetorem, qui sciat detergo vitæq; sua penes vnū illū esse, cuius maiestatem violauit, & alibi<sup>4</sup>, tū T. Quintius, Consules immeritò increpari ait: qui con-<sup>4</sup> Lib. 4.  
*Aridi legib. de prouocatione ad dissoluendū imperiū latis nequaquā tantum*



*tantum virium in magistratu ad eam rem pro atrocitate vindicandam, quantum animi haberent: opus esse non fortisolum viro, sed etiam libero exolutoque legum vinculis. Itaque se Dictatorem L. Quintium dicturum. Quo pertinet quod Plutarchus<sup>1</sup>. Dictatori licuisse in carcerem condere, & morte multare, in dicta causa, tradit: Hæc quamquam antè à me scripta sunt de Dictatore<sup>2</sup>, quoniam huic etiam controuersia lucem adferunt, haud abs re visum est hic repetere: à Dictatore enim idcirco prouocari non potuit, quòd ipse monarchica & planè regia potestate præesset, nomine tantum, & circumscripto ad imperandum spacio, à Rege differens.*

*Sunt quidem hæc clara & aperta erroris tui, seu Bruti potius & Buchanani, quos secutus es, testimonia: quibus vnum adhuc omni exceptione maius adiungam, & celebri illa Pomponii historia, iuris Romani originem atq; processum demonstratis<sup>3</sup>. Exactus deinde Regibus, inquit, Consules constituti sunt duo penes quos summum ius uti esset, lege rogatum est dicti sunt ab eo, quod plurimum Reipublica consulerent, qui tamen ne per omnia regiam potestatem sibi vindicarent, lege lata factum est, ut ab eis prouocatio esset: neque possent in caput ciuis Romani animaduertere iniussu populi. Rex ergo & sine prouocatione omnia facere, & iniussu populi animaduertere in caput ciuis Romani poterat. At Horatius sororicida, dicis, à regis iudiciis condemnatus ad populum prouocauit<sup>4</sup>. Quid tum postea? id rege ipso authore factum est, prudenter quidem, & eo consilio, ut tam insolentis iudicii inuidiam in feroce & rudi adhuc populo declinaret: ne vel noxæ eximendo patricidii reum, iniustitiæ, vel liberatori ciuitatis capitale supplicium irrogando crudelitatis opinione premeretur. Fuit itaque singulare hoc Tulli Hostilii factum, nulla neque antè neque post legem vel exemplo comprobatum; estque tale, si rectè subtiliterque animaduertis, quo regis potestatis amplitudo dilatari potius quàm coarctari videatur.*

*Quid igitur est, quòd Seneca monet id in Ciceronis de Rep. libris esse notandum? nimirum Ciceronem reprehendit, & arguit tum iniustitiæ, tum mendacii in iis libris. Philosophus, inquit, ubi ad eorum librorum lectionem accessisset admiratur, contra iustitiam dici tam multa potuisse. Cum ad hanc eandem lectionem philologus accessit, notat prouocationem ad populum etiam à Regibus fuisse. At cur id notat philologus? quia est contra veritatem historiarum, nec vllum eius rei Cice-*

in vita Fabii  
Max.

lib. 3. cap. 5.

1. 2 §. quod ad  
Magistratus D.  
de orig. iur.

Linus lib. 7.

to autorem laudare potest: neque enim si aperta eius rei testimonia in historiis extitissent, id apud Ciceronem, ac non potius apud ipsos historiae scriptores à quibus id Cicerone desumpsit annotasset. Nam ipsemet Seneca hic lectori intelligendus est, Philosophus simul & philologus, æquitatis, & veritatis acer & diligens seruator, qui, ut ipsemet asserit <sup>1</sup>, Ciceronem audire potuit. Quod ergo Seneca tanquam philologus id in libris illis notat, satis ostendit Ciceronem illud præter fidem historiae, præterq; communem hominum opinionem, ad Reip. suae formam & rationem confirmandam, in suos illos libros coniecisse. <sup>2</sup>

<sup>1</sup> in proem. controuers.

Quæ cum ita sint, nihil hoc Ciceronis testimonium neque tibi neque Bruto <sup>2</sup>, ad victoriam prodest.

<sup>2</sup> quest. 3. pag. 93.

BOUCHER <sup>3</sup>. *Quin à Romulo ipso cum Reip. formam describeret, nihil aliud Regi præter sacrorum ac legum custodiam mandatum fuisse refert Halicarnassæus <sup>4</sup>, ita ut penes populum, id est corpus Reip. uniuersum ordinibus, videlicet patritio, equestri, & plebeio constans, magistratus creandi, leges condendi, bellum decernendi, potestas summa esset.*

<sup>3</sup> eodem. ca. 37.

<sup>4</sup> lib. 2.

Hoc splendidum mendacium est non tuum tamen inuentum, sed Bruti, qui id bis malitiosè inculcat <sup>5</sup>. Verum nimis tu quidem facilis, ne quid grauius dicam, qui homini hæretico fidem in re maxima sæpius mentienti tam temerè & leuiter adhibuisti. Falsitatem autem huius tuæ, seu potius Brutinæ sententiæ, libro superiore ad Brutum patefecimus <sup>6</sup>.

<sup>5</sup> Quest. 3. pag. 120. & 161.

BOUCHER <sup>7</sup>. *Quod apud Medos & Persas perinde fuisse ex historia Danielis colligi potest, cum ibi decretum à Rege ex magistratuum & seniorum consilio factum memoretur, cui Rex vel inuitus parere coactus est, ut Danielè in lacum Leonum mitti permitteret <sup>8</sup>.*

<sup>6</sup> lib. 4. cap. 25.

<sup>7</sup> ibidem.

<sup>8</sup> Daniel. 6.

Falleris: non idè Daniele permittit Darius voluntati inimicorum quodd legum necessitate coactus non potuerit eum, si voluisset, pro potestate imperii liberat: quandoquidem nullibi liberius quàm apud Medos & Persas regnatum est, ut vel ex vnico Xerxis dicto sæpius iam relato perspicuum est. Sed quia Darius & cæteri ferè omnes Persarum Reges, moris & legum patriarum aded natura sua obseruantes erāt, ut extrema ferè omnia pati, quàm leges antiquas & instituta maiorum violare maluissent. Qua de causa Cabades Persarum Rex hominem sibi amicissimum summeque dilectum, & cui vitam simul & regnū debebat,

Scotsem

Scotem nomine, calumniis oppressum & damnatum maluit amittere, quam de Persicarum legum obseruatione aliquid remittere<sup>1</sup>, quo nihil Danielis historię similis. Verum hoc etiam in Pacurio Rege manifestius apparet, qui quoniam propter constantiam promissi necesse habuit antiq̃ regni legem tollere, magno mœrore affectus est<sup>2</sup>, sustulit tamen & propria auctoritate sustulit, vt promissi fidem exolueret. Falsum igitur quod colligis, ex hac scilicet Danielis historia *sole clarius apparere legi regni Regem ipsi subici*. Nescio quē tu solem mihi narras: vnum scio, id non magis ex tuis scriptis, quam in Cimmeriis tenebris nigros lapillos apparere: eoque Danieli non consilio publico vt tu putas, sed regis solius benignitate, inuitis regni Senatoribus & Principibus, fuisse liberatum.

<sup>1</sup> Procop. li. 1. de bello Persico.

<sup>2</sup> Procop. ibid.

<sup>3</sup> dicto capite.

*BOVCHE*<sup>3</sup>. *Ius idem apud veteres Gallos Reges fuisse ex Casare constat. Apud quem Ambiorix Eburonum seu Leodiorum Rex testatur tum populo non minus in Regem quam Regi in populum potestatis extitisse.*

<sup>4</sup> Quest. 3. pag. 100.

<sup>5</sup> lib. 4. cap. 19.

<sup>6</sup> Quest. 3. pag. 93. 94. 95. & 100.

<sup>7</sup> li. 4. c. 13. & 19.

Ex Bruto<sup>4</sup>, & in superiore ad illum libro refutatum<sup>5</sup>. Cetera similiter quę huic capiti exempla inseruisti, à Bruto ferē ad verbum mutuatus<sup>6</sup>: quib. refellēdis omnino hic supersedendum quod singillatim de vnoquoque iactum sit, & nullam eorum aduersus Reges efficacitatem esse demonstratum<sup>7</sup>.

## C A P V T XIX.

**Q**Uod primi tui libri reliquum est, totum in exemplis versatur, quę ego ne minutatim persequar duo me impediunt: Alterum, quod parum in exemplis viriū sit, siue confirmandi siue infirmandi propositi tui causa, producantur: alterum, ne dū redarguam ea quę ex Bruti vindiiciis descripsisti, quęque in nostris ad illum libris refutata sunt, tempus in non necessaria repetitione consumam. quod itaque de regni Gallię constitutione, & eius officariis, scribis<sup>8</sup>, totum à Bruto accepisti<sup>9</sup>: cuius in ea re imposturarum fontes & frontes, vt oculis omnium cerneretur, iam clarē & perspicuē aperuimus<sup>10</sup>.

<sup>8</sup> cap. 22.

<sup>9</sup> Quest. 3. pag. 88. in li. 96. 124. & 129.

<sup>10</sup> lib. 4. c. 14. 35. 36. 17. 18. & 19.

Haud maioris momenti est quod capite 23. & 24. libri tui tractas de Regibus aliquot à populo eiectis vel neglectis. Exempli enim cum sint, rei gestę tantum veritatem, non etiam facti æquitatem (vt paulò antè dixi) demonstrant, nec quia populus aliquid fecit, ideo iure factum esse

farenz



fatendum est. Sæpe multitudo per vim & iniuriam multa patrat, quæ nō ad imitationem, sed ad cautionem proponi debeant. Populus Romanus in Fabium Maximum Dictatorem imperium vsurpauit <sup>1</sup>, quamuis id ei nullo modo licuisset, vnde L. Iulius scribit Fabium, *qua gravitate animi criminantes se ad multitudinem inimicos tulerat, eadem & populi ni se sauentis iniuriã tulisse*. Populus sæpe occæcatur, ægrotat, insanit, fas ac nefas iuxta æstimat. An nō scribis i. se <sup>2</sup>, populum Parisiensem furore percitum, ciuitate sua Regē expulisse atque occidere etiam voluisse, nisi Guyfilius oblitisset? in quo certè haud benè de conciuius tuis meritis es, qui istam illis populo alioqui placido & Regum suorum peramanti, notam inuissisti: cū tuæ præsertim conciones ad eam illos insaniam adegerint. Quid ergo si, quod Deus auerrat, posteris nostri, aliquot abhinc seculis, tale facinus ausi, ad iuris sui & æquitatis causæ defensionem confugiant, atque superioris istius facti exemplo id sibi licere contenderint: nunquid erit cur causam obtineant? nōne tuus iste liber, si opus tam fœdum & execrabile tam diu durare poterit, istam illis defensionem præripiet? quod nō hominum prudētium, sed furentium, id factum fuisse trades. Noli ergo nos ad exempla vocare, nisi talia sint quæ extra omnem reprehensionis aleam posita, religiosum aliquod imitandi studium animis ingenerent.

Prætereo quæ capite 25. & 26. concessisti, quod falsis collectionibus, & manifestis in Regem calumniis, iniuriis etiam comparationibus, atque id genus ineptiis atram tuam bilem redolentibus, magna ex parte constent, quorum omnium commodiorem tractationem in sequentem librum reicio. Nā quod præterea de Hebræis adfers, qui externorum Regum, à quibus iniquè premebantur, iugum sæpe extusserunt, quasi eorum exemplo cæteris etiam populis liceat in Principes suos legitimos & naturales insurgere, id vno verbo resoluitur. Illius nempe populi dissimilem omnibus aliis nationibus causam fuisse: quod ei Deus per Iacob Reges & Duces de sua gente, donec Christus nasceretur, nunquam defuturos promisit: atque ita nulli alii parere tenebantur (cū scirent se suos semper aut Reges aut Duces habere legitimos) nisi fortè ipsemet eos Deus vt Principi alii inservirēt aliquo modo cōmouisset. Quāuis ergo Iudæi frequēter, ob sua Principūq; suorum scelera, in vicinorum populorum ditionem & seruitutem

1 Lilius lib. 22.

Polyb. lib. 3.

Plutarch. in Fabio.

2 lib. 2. ca. 7.



Dei permisso, fuerint redacti: tamen nemo extraneus: ante Messiae aduentum, legitimum in eos imperium vlla temporis præscriptione potuit acquirere, aut iure suo impedire, quo minus, ubi vires illis & voluntates suppetere, sese in libertatem, siue religionis, siue Reip. causa, vindicarent. Nō est igitur cur illustria illa Macchabæorum facta in præsentis negotii disceptationem transducas.

Venio ad libri tui caput 27. in quo duo homine Theologo indigni errores ne dicā manifesta mendacia, continentur. Nam ut belli iusti in proprios Reges exempla confingeres (vera enim nusquam extant) sic scribis.

*BOUCHER.* Hic ergo occurret primum sanctus David, qui cum bellum contra Saul, Regem utique suum ac de populo suo natum, sed tyrannum & pietatis hostem, sic gereret, ut priuatum capitis sui negotium potius, quā Reip. agere videretur, à prudenti tamen & diuinitus inspirata Abigail, prælia Domini præliari cum laude & commendatione est dictus <sup>1</sup>.

Cedo, Boucheri, ex quo Scripturæ loco, quāue ex historia didicisti Dauidem cum Saule bellum gessisse? nusquam certe in Bibliis aliquid apparet, ex quo id, non dicam oculis cerni, sed ne coniciendo quidem erui & colligi posse credatur. Nonne sacra nos historia docet Dauidem semper Sauli se supplicem præbuisse, eumque perpetuò dum vixit & dominum, & patrem, & Principem agnouisse, nunquam se illi opposuisse, nunquam resistisse, ne tunc quidē cum desperaret se posse euadere à facie Saul? <sup>2</sup> Quid ergo est quòd tu nobis Dauidem cum Saule belligerantem proponis? Cur Regi Prophetæ tantam facis iniuriam, ut eum ex humilitatis, patientiæ, & pietatis quodam velut prototypo, in superbiæ, rebellionis, & impietatis perniciosum exemplar transformes? Id inter Dauidis laudes præcipuum numerari solet, quòd multis à malo Rege iniuriis affectus, multisque insidiis appetitus, nullam ei vnquam, quæ vel optimo Regi debetur, reuerentiam officiumue subtraxit, nedum in eius necem aliquid molitus est: quod cum luce clarius sit, qua tu fronte eum cum Rege suo bellum gessisse scribis? bellum semper ab hoste & cum hoste geritur: si ergo David bellum contra Saulem gessit, Sauli hostem se præbuit & professus est, quo nihil excogitari falsius, vel dici ineptius à Theologo possit. Nam quod adiecisti de Abigail, quæ Dauidem *prælia Domini præliari* dixit, id ne minimum quidem sententiæ tuæ patrocinator, sed indicat te

non

1. 1. Reg. 31.

2. 1. Reg. 31.

non satis negotio tuo fuisse attentum, atque à Bruto deceptū qui illud tibi obiter suppeditauit <sup>1</sup>. Abigail enim cum diceret, *quia praelia Domini, domine mi, tu praliaris*, nō de praeliis cum Saule commissis sensit, quippe non laudasset hoc sermone Dauidem, sed lussisset, quod nullum vnquam cum Saule praelium inierat: sed de illis praeliis Domini, de quib. antè in eadem historia scriptum est <sup>2</sup>. *Dixitq; Saul ad Dauid: Ecce filia mea maior Merob ipsam dabo tibi uxorem: tantummodo esto vir fortis, & praliare bella Domini.* Et hæc ad prioris mendacii redargutionem satis. Non addam te tibi contrarium hoc loco esse, cum ais Dauidem *bellum contra Saul, Regem vtiq; suum*, gessisse, quod enim affirmandi illud, *vtiq;*, nisi vt Saulem verè Regem Davidis fuisse intelligamus? At antè, eodem libro <sup>3</sup>, disertè scribis Saulem à Samuele Regni iure fuisse priuatum, ita vt postea Rex non esset: quo tēpore nullum adhuc ei cum Dauide dissidium, imò nulla notitia intercesserat. Si igitur Rex non erat post illam Samuelis denunciationem, falsum est quod hic asseris Dauidem bellum contra Saulem *Regem vtiq; suum gessisse*. Quod si verum hic narras, falsò doces regno illum multò antè excidisse. Sed hæc leuiora sunt: ad alterum itaque, quod manifestius mendacium est accedo.

**BOUCHER.** *Sed & Achimelech. aliiq; Sacerdotes Nobe, qua vrbs sacerdotalis erat, opem fugienti Dauidi à facie Saul vel capitis sui periculo tulerunt.*

Vis nimirum hoc exemplo probare, Sacerdotum & Prophetarum (vt ais) *iussu atq; consilio arma in domesticos, tum Reges, tum alios propter impietatem eorum sumpta, scrupulum conscientiae abundè iam pridem abstulisse.* In mala causa veraces testes nihil valent: cautè igitur tu istuc: ad falsam sententiā confirmandam, falsum testimonium produxisti. Nihil enim clariùs, nihil expressiùs in Scripturis narratur, quàm Achimelech, cæterosq; Nobe sacerdotes, ignorasse Dauidem à facie Saulis fugisse, quod ipsemet arcani causa se missum à Rege dixerit, eoq; omnem illi & operam & opē, tanquam Regis genero, familiari, & amico impertiiisse: vt nullum inde sibi non capitis solūm, sed ne vel minimæ rei periculum à Rege metuerint. Ait enim historia <sup>4</sup>. *Respondensq; Achimelech Regi, ait. Et quis in omnibus seruis tuis, sicut Dauid fidelis, & gener Regis, & pergens ad imperium tuum (id est tibi obsequens in omnibus quæ imperas) & gloriatus in domo tua? Num hodie cæpi pro eo consulere Deum? absit hoc à me: ne*

suspicietur Rex aduersus seruum suum rem huiusmodi, in uniuersa domo patris mei: non enim sciuit seruus tuus quicquam super hoc negotio, vel modicum, vel grande. En ut negat se ullum Dauidi auxilium vel cōsiliū aduersus Regem dedisse, sed planē ignorasse id ingratum Sauli fore quod Dauidi subministrauerat. Hoc & Iosephus vberius paulò fusiùsque declarat <sup>1</sup>. Pontifex, inquit nihil horum inficiatus, liberè fessus est hac se non tam Dauidi prastitisse quam ipsi Regi. Excepi, inquit, non ut inimicum tuum, sed ut fidissimum ministrum & tribunū, & quod maius est, generum ac propinqua necessitudine coniunctum, quis enim putaret eum, qui hoc honore à te dignatus sit, inimicum esse, ac non potius cum primis beneuolū? Cumq; se diceret à te missum ad arduum negotium properare, non suppeditare qua requirebat ad tuam potius quàm ad illius iniuriam pertinere indicabam. Quare non est quod de me male suspiceris, aut si quid noui nunc Dauidem moliri auduisti, ob exhibitam à me humanitatem, fauere me illi aduersum te cogites, in amicū enim ac generū & tribunum tuū tum collatum volui: quicquid officii in illū contuli.

Hæc cum ita sint, perspicuum est magnum te multitudini errorem hic obiecisse, tuamque ipsius existimationem tanto grauius læsisse, quanto assertionis tuæ falsitas clariore veritatis testimonio conuincitur.

Quod à Lobna sacerdotum ciuitate argumentum trahis, superiore libro <sup>2</sup> dissolutum est, quodque de populi Hebræi à Roboamo defectione affers, infra commodiore loco dissoluetur. Denique falsum esse quod ibidem de Ozia repetis, iam suprà hoc libro ostendimus <sup>3</sup>, vbi etiam te causam hæreticorum, in qua tractanda diu multūmque sudarunt, non minus quàm Catholicorum, magno Reip. Christianæ malo, agere probatum est <sup>4</sup>.

#### C A P V T XX.

**L**ongum esset, nec necessarium, singulas tuas rationes & exempla persequi: quapropter satis mihi visum est eorum vicia detexisse, quorum captiosa probabilitas incautos, vel imperitos librorum tuorum lectores in istum de Regibus errorem rapuerunt.

Quo in genere illa sunt, quæ postremis primi tui libri capitibus continentur: in quorum altero, Regum imperia cum rebellantium impetu, & bella legitimorum Principū auctoritate decreta, suscepta, gesta que, cum temerariis, inconsultis, & furibundis confuratorum insultationibus

con-

<sup>1</sup> Li. 6. antiq. c. 14

<sup>2</sup> cap. 7.

<sup>3</sup> Li. 6. c. 20.

<sup>4</sup> cap. 11.

confundis & contrurbas: quasi par omnium causa, & æqualis conditio sit. Nam ut Ecclesiam armis protegendam & conseruandam esse probes (quod tamen nemo sanus & sobrius vnquam negauit, dummodo id ordine & ratione fiat ab illis penes quos armorum bellorumque imperium est) & ut illustribus exemplis doceas licere subditis arma ad Ecclesie defensionem capere iniussu Principis, imò inuito Principe, & aduersus Principem (qui tamen non minus quam illi Ecclesie partes tuebatur) proponis nobis bella à Iosue & Machabæis apud Hebræos gesta: apud Christianos verò Constantini, Theodosii, Clodouæi, Martelli, Caroli Magni, prosperos armorum successus, contra Dei hostes, hæreticosque (magni certè momenti exempla, si ea Regibus, non rebellibus proposuisses.) At quis rectæ rationis lumine aded destitutus est, quis, inquam, tam amens & idiota, tamve praua animi affectione occæcatus, ut non statim cernat nihil hæc omnia tuæ causæ patrocinari? Bella gesta à Principibus auctoritatem habentibus aduersus hostes, in argumentum trahis belli ciuilis, & coniurationis illicitæ contra Regem Christianissimum suscitandæ: quod hic vinculum similitudinis? Quæ harum rerum convenientia & coniunctio? quæ, inquam, iusti belli, & nefariæ coniurationis societas esse potest? Iam dixi Ecclesiam Principibus Christianis, tanquam ipsius nutritiis & patronis, tuendam & protegendam committi<sup>1</sup>. At illa à legitimis tantum Principibus defendi vult, rebellium opem respuit, ipsosque semper execratur. Qua de causa Diuus Ambrosius ab Ariano, sed legitimo Principe, grauiter oppressus, oblatum sibi à Maximo rebellante auxilium non admisit, quamuis sciret eum cum magno & forti exercitu ex Gallia & Britannia in Italiam celeriter contendere, suamque ei opem<sup>2</sup> vltro polliceri: nec vllos aduersus infestissimum illum Catholicis Imperatorem, vel verbo, vel scripto vnquam armauit: quamquam id factu ei facillimum, & causa longè quàm tibi grauior foret ut libro tertio ostendimus<sup>3</sup>. De-

<sup>1</sup> Sup. h. obel. c. 6.

<sup>2</sup> Theodoret. lib. 5. c. 14. Hist. Eccl.

<sup>3</sup> cap. 5.

In altero verò, in vltimo, inquæ, libri tui capite, sanctis-

Yu 2

simf



simi & religiosissimi Ecclesiæ Doctoris Bernardi testimonio, litenter nimis & intemperanter, abuteris : dum quibus ille verbis Templi milites legitima autoritate armatos, vt fortiter pro fide aduersus infideles decertent, pie, grauitè, & copiosè adhortatur: iis tu populo contra omnè iuris diuini & humani rationem, vt arma aduersus suum Regem capiant, & sub pietatis fūco maximum impietatis scelus admittant, niteris persuadere. Nec mediocrem sancto illi viro iniuriam facis, quòd eum, si inter vos mortalis tunc vixisset, socium, seu potius authorem, seditionis vestræ se præbiturum fuisse exclamas. librum enim tuum hac peroratione concludis.

*Hæc & plura in hanc sententiam vir beatissimus, qua tanto pluris facienda, atque altius figenda sunt, quanto, vt credibile est, si nunc in terris degeret, si tempora in qua decidimus mortalis, vt olim fuit, in carne perspiceret, in eos qui nunc sunt persecutores Ecclesiæ, ac Politicos ac perfidos præcipuè, celestis illa tuba fortius insonaret.*

Nemo nescit quid his verbis intelligas: D. Bernardum nempe si tunc in viuis egisset cùm ista scriberes, omnè coniurationi vestræ operam studiumque nauare, atque iisdem, quibus tu, concionibus multitudinem contra Regem suū Henricum armare voluisse. At quàm longè diuini illius viri animus à tam sceleratis conatibus abfuisse, testatur etiamnum micissima illa ingenii ipsius monumenta, quibus rebellionem, vt decimum & ferè vltimum superbix gradū, detestatur<sup>1</sup>, & Reges quamuis peruersos & impios, Dei iudicio relinquendos esse docet.

<sup>1</sup> Tom. 1. tract. de gradib. humilit.

<sup>2</sup> tom. 2. ep. 170.

Habeo igitur gratias quòd huius me Doctoris memorè reddidisti; parum enim abfuit quin eum alioqui immemoria præterissem: cuius tamen & vitæ exemplum, & doctrinæ consideratio, magnum causæ nostræ adiuuentum adferunt. Quid ergo ille? *Si totus orbis aduersum me coniuraret*<sup>2</sup> inquit, *vt quippiam molirer aduersus regiam Maiestatem: ego tamen Deum timerem, & ordinatum ab eo Regem offendere temerè non auderem. Nec enim ignoro ubi legerim: qui potestati resistit, Dei ordinationi resistit.* & alibi, vt summam Regis libertatem nullis hominum vinculis restringendam esse moneat, laudat Regis cuiusdam magnanimitatem, qui ne læsus quidè ligari sibi corpus ad faciliorem vulneris curationem passus sit, quòd Regem semper liberum & solutum esse deceat, Bene quidam Rex, inquit<sup>3</sup>, *cùm percussus humana sagitta pet-*

<sup>3</sup> tom. 1. tract. de Passione Dom. cap. 4.

retur

retur ut seligari permetteret, donec excideretur, quia lenissimo mortem posset incurrere. Non decet, inquit vinciri Regem. Libera sit Regis & semper salua potestas. Erat tamen ei negotium cum Rege superbo, temerario, atque illa in Deum & homines flagitia perpetrante, quæ illi vir sanctus in sua ad eum epistola exprobrat his verbis <sup>1</sup>. Ego assiduis vestris qua innovare quotidie non cessatis, excessibus provocatus, dico vobis, incipio poenitere super insipientia mea priori: quia plus iusto vestra adolescentia hucusque faui: & de cetero pro mea exiguitate non deero veritati. Non tacebo quod cum excommunicatis iteratò fœdus & societatem inire satagitis: quod in necem hominum, combustionem domorum, destructionem ecclesiarum, dispersionem pauperum, raptoribus & prædonibus (sicut dicitur) adhaeretis. Non silebo quod illicitum illud maledictumq; iuramentum inconsultissimè usurpatum à vobis contra Bituricensem ecclesiam non ita tandem corrigitis, ut Christi omnibus apud Cathaunum pastorem præsici nō sinatis; insuper & fratri vestro, eiusq; militibus sagittarius balistarisque domos episcopales contra ius & fas inhabitandas, & res Ecclesie in huiusmodi nefarios usus profligandas, audacter nimium exponitis.

tom. 2. ep. 221.  
ad Lud. Crassum.

Quid tu hic fecisses, Boucheri? satiusne magnæ tibi hæc causæ visæ fuissent cunctos in Regem Ludouicum Regni ordines concitandi? non tulisses, opinor, diu istas Ecclesiæ iniurias, sed statim classicum cecinisses, ut omnes ad ultionem concurrerent. neque enim tam graues in Rege Henrico causæ extiterunt. At vir ille beatus nihil nisi vindictam diuinam Regi per epistolam minatur, seque fortiter, ut Domini Sacerdotes decet, pro matre Ecclesia precibus & lachrymis pugnaturum indicat. Dico vobis, inquit, non erit diu inultum, si hæc ita facere pergitis. Et ideo, domine mi Rex, amicaliter moneo vos, & fideliter consulo vobis, ut citius ab hac malitia desistatis, si forte iam ferire paratis manum, Niniuite Regis exemplo, poenitentia & humilitate præuenire possitis. Et paulò superius in eadem epistola, Ac quicquid vobis de regno vestro, de anima & corona vestra facere placeat; nos Ecclesia filii, matris iniurias, contemptum, & consulationem omnino dissimulare non possumus: quæ illi præter illa quæ in eam iam præcessisse miserabiliter planzimus, iterum de nouo partim inferri, partim imminere sentimus. Profectò stabimus & pugnabimus vsque ad mortem, si ita oportuerit, pro matre nostra, armis quibus licet: non scutis & gladiis, sed precibus fletibusq; ad Deum.

En D. Bernardi de Regibus sententiam: en eius erga ma-

los Reges modestiam : en ecclesiasticam in admonendo libertatem, en Christianam in tolerando patientiam. Tui-  
gitur qui sanctum hunc Doctorem , & Ecclesiæ Patres te  
imitatum in hoc negotio magnificè iactas , ostende, si po-  
tes, qua in re S. Bernardi vestigiis insiteris. Vbi monitoria  
tua ad Regem Henricum epistolæ ? vbi obseruantia & re-  
uerentiæ Maiestatis, non dico certum testimonium, sed le-  
uissimum aliquod signum atque indicium? numqua ad eū  
in scriptis tuis epistola honesta reperitur? an non execrabi-  
les vbique in eum libelli famosi, non ecclesiasticam loquē-  
di libertatem , sed effrenem linguæ rabiem & plusquā sce-  
nicam dissolutionem redolentes? D. Bernardus, etiam si to-  
tus mundus in eum cōiurasset, adduci nequisset vt aliquid  
aduersus regiam maiestatem moliretur, Regē mve offen-  
deret tu nemine cogente vel hortante, sponte tua, vt totus  
mundus in Regis necem regniq̃ue perniciem cōiurer, mo-  
dis omnibus conabaris. Quid multis? neque tu, si in Ludo-  
uici tempora incidisses, tuum istum rebellionis spiritū de-  
posuisses: neque D. Bernardus, si ad Henrici III. regnum fu-  
isset reseruatus, tales in eum tragedias vnquam excitasset,  
sed tu quidem in Ludouicum seditionis tubam acriter in-  
flasset, & ille rebelles atque infensos Henrico animos o-  
mni studio mitigasset : ex quibus quanta inter vos & mo-  
rum & doctrinæ dissimilitudo sit , perspicuum esse arbi-  
tror.


Hæc ego licet breuius fortè quam res postulat, tamen i-  
ta candidè simpliciterq̃ue exposui, vt nullius æqui aestima-  
toris iudicium pertimescam. Cætera verò primi tui libri  
argumenta atque exempla , quæ ego seu casu seu consilio  
præteriiui, quoniam neque ponderis aut momenti, neque

obscuritatis multum habent , illis relinquo qui

magis otio abundant excu-  
tienda.

LIBRI QVINTI FINIS.

GVIL.



GVIL. BARCLAI I.C. DE  
REGNO ET REGALI POTESTA-  
te contra Monarchomachos li-  
ber sextus: in Boucherium  
alter.

C A P V T I.



QVOD incensarum ædium dominis at-  
que etiam vicinis vsu venire solet, vt nō  
antē à periculo securos se arbitrentur,  
quā, repressa & restincta penitus flā-  
ma, omnes vndique domus partes, &  
propinqua coniunctaque incendio lo-  
ca fuerint perscrutati: & non solum tra-  
bes titionetque, sed ipsos etiam cineres discusserint, ne vl-  
la vsquam fauilla lateat nouis incendiis materiam cau-  
samque præbitura: idem mihi in hoc tecum negotio,  
Boucheri, in hoc, inquam, communi regnorum incen-  
dio extinguendo accidit. Nam quamquam videre mi-  
hi videor voraces illas seditionis & rebellii flammæ, quas  
variis primū tui libri captionibus & in posturis, velut tæ-  
dis quibusdam ardentibus in recta Reipublicæ coniecici-  
sti, copioso rectarum rationum, & victricis veritatis  
flumine ita suffocatas iam esse & submersas, vt nullum  
inde communi Regum causæ præiudiciū periculūve  
oboriri possit: tamen ita me superioris incendiū memo-  
ria terret, & sollicitum reddit, vt in omnes me vertam  
partes, vicinaque omnia contingam & contrectem, vn-  
de aliqua excuti scintilla possit. Quapropter licet ex qua-  
tuor illis libris, quos de Regis Hērici abdicatione falsò in-  
scripsisti, primus tantū ad regna vniuersè subuertenda cō-  
paratus sit, ceteri verò insidiosis querelis & calumniis, atq;  
ad eò omnis mæris in Regem petulantissimis conuitiis



mendaciiſque deſtinati: eoque ſuffoſſis illis ſeditionū fundamentiſ, ſuccifiſ, inquam, argumentorum primi tui libri neruiſ omnibuſ, perorata & probata ſatiſ Regum cauſa videatur, minimeque neceſſarium ſœdas illaſ & ſœtidaſ iniuriarum centuriaſ recenſere, quaſ tribuſ reliquiſ famoſiſ libelliſ conſcripſiſti; tamen vt in eaſ etiam inquiram duabuſ potiſſimū rebuſ ſum adductuſ: altera, quod permiſtoſ ad communem Regum cauſam labefactandam elenchos aliquoſ continent: altera, ne mendax & inuidioſa vitæ illiuſ Regiſ ab inimico homine facta deſcriptio ignorantibuſ errorem creet, totamque fallat poſteritatem. Non quod plenam & perfectam pro eo apologiam texurum me hic conſtitui, ſed quod lectoreſ monitoſ velim tanto te in illum odio flagraſſe, tantaque inuidia fuiſſe occæcatum, vt non ſolum omnia quæcunque poteraſ ſcelera & flagitia excogitare, falſo ei affingeret, ſed arteſ etiam regiaſ, & rectè facta per calumnioſam voluntatiſ interpretationem, quo nihil deteſtabiliuſ, ad eiſ ignominiam & reprehentionem tranſferre conatuſ ſiſ. Verebaſ, credo, ne ſi Regem illum, quem *prototypon nequitia* in operiſ cuiuſ initio ꝑ vocaueraſ, non omnium vitiuſ, qua: in hominem cadere poſſunt, velut cumulo quodam oneratum conſpurcatumque poſtea depinxiſſeſ, videri poſſiſ vel minus verè id ei priuſ epitheton tribuiſſe, vel minus integrè perfecteque vitam eiſ poſtea mandaſſe literiſ. Etenim profectò ſi vel media pars eoruſ qua: de illo ſcribiſ vera eſſent, non haberet quiſquam cur Caligulaſ, Neroneſ, Commodoſ, Heliogabaloſ, cæteraque id genus monſtra meditaretur mirareturque, cū in illiuſ Regiſ perſona quicquid eſt monſtruoſarum libidinuſ, ſcleroruſque cōcluſum & comprehenſum eſſe cerneret. At non ita eſt: quiſquis enim alioruſ Reguſ moſ, facta, reſ geſtaſ æquiore animo perlutrauerit, in mediis quidem hunc conſiſtere, optimoſ inter peſſimoſque, & ſi cum præcedentibuſ omnibuſ conferatur, pluſ illo deterioſ quā melioſ inueniri haud dubiè comperiet. Sed quoniam neque Regiſ illiuſ, neque cuiuſlibet alteriuſ perſonæ ſingulariſ innocentia: deſenſionem, ſed tantum cauſæ Reguſ communis æquitatem demonſtrandam præcipuè ſuſcepi, abſcedā hinc ad cauſaſ huiuſ fictæ tuæ abdicationiſ, quatenuſ Reges omneſ contingunt, explorandaſ, quaruſ tu exordiuſ elatior & inflatior quā antea, tanquam terrenuſ aliquiſ Iu-

piter

piteer hoc verborum fulmine procudis.

IBOVCHERIVS<sup>1</sup>. *Hic iam se veluti ruptis obstaculis, 1 Lib. 2. ca. 1. torrentis instar, effundet iustus dolor: Et ut clausus dudum ignis, fracta cum strepitu nube erumpens, probabit in iustissima causâ, quàm verum sit illud quod nobis Tyrânus obiecit in iniustissima, furor sit laesa sapius patientia. Siquidem quæ passi toties, tam multis locis, tam diu, tam durè atquè indignè sumus, ad hunc nos vebementis ac iusta querela locum, ac necessarij consilij portum appellerre coegerunt, Ut quia de iure tum Ecclesie tum Regni ac populi sensu Reip. Reges abdicandi in genere diximus, nunc de causis in specie, propter quas abdicari in utroque tribunali debeant, utque vera illa in Henrico Valesio sint, sceptroque eum propterea amovendi oporteat, differamus.*

*Hic iam se veluti ruptis modestiæ, humanitatis, patientiæ, omnibusque regalis observantiæ repagulis torrentis instar effundit impotens & iniuriarum plenus animus tuus, atque fulmen illud rebellionis quod ad Regum omnium terrorem superiore libro fabricauerat, nunc tandem velut fracta cum strepitu nube, in Regis Henrici caput iniuste intemperanterque ei aculatur: neque id mirari oportet, cum tuam hic patientiam, qua nihil à Christo & Apostolis magis commendatum, in furorem fateris esse conuersam. Ais enim ignem illum tuum, cuius flamma Henrici Regis famam comburis, fracta cum strepitu nube erumpentem probare quàm sit verum in iustissima causa, furor sit laesa sapius patientia. quod si verum est, nonne ei cõsequens videtur hæc omnia furentis animi impetu à te scripta esse, eoque nullam illis fidem esse habendam. Nec tamen legis illius te beneficio vsurum, quæ iactum in Maiestatem Principis maledictum si ex infania procedit non pœna sed miseratione dignum esse censet<sup>2</sup>, nam & plus hic est quàm maledictum, intoleraliis nempe insultatio, famæque & existimationis Principis immensa & propè inaudita expilatio depeculatioq; & tu, vt arbitror, non ea defensione vsurus es, quæ planè infamiis te cum ista exarares indicet.*

Esto igitur sano te cerebro sed iracundiæ calore nonnihil commoto hæc euomuisse: peto abs te in primis, vtrum causis omnes à te allatas concurrere vis in eo Rege quem exigi abdicarique debere statuis (multas enim recenset, atque ad numerum digitorum, vt Plautinus ille Stichus suos cyathios<sup>3</sup>, reuocas) an verò singulas sufficere vt ob earum<sup>3</sup> Plaut. in Stich. act. 5. scen. 1. quamlibet Rex solio sceptroque priuari debeat. Si prius il-

<sup>2</sup> 1. vnic. C. si quis Imp. malg. dixerit.

Iud tibi placet neque Rex Henricus profecto qui illa quæ ei affingis crimina omnia minimè commissa, nec vllus, vt arbitrator, Principum Christianorum aut nostra aut patrum memoria abdicatione dignus repertus est. Sin posterius cordi est, vereor vt pauci Principes non exigendi veniant: Sed vtro modo statuas, iam satis tibi responsum est, & conuulsis tuis principiis, nullum prorsus abdicandi Reges ius populo esse firmissimè comprobatum. Quinimò & si id illis potestatis esset, vt Regem certis de causis ab imperio remouere possent, non vtique regno expediret id eos per vim & arma ob quædam etiam grauissima personæ vitia, & qualia tu quædam hic memoras, experiri: si modò nullas de iis committendis leges ferret. Quandoquidem fieri potest vt Princeps multis sceleribus inquinatus, horum legum conditor sit & custos: testimonio nobis est L. Corn. Sylla, qui cum ipse tyrannicè, libidinosè, & auarè viueret, ciues ad frugalitatem, modestiam, & honestatem optimis & vtilissimis legibus, quarum etiam hodie magnus est vsus, egregiè composuit <sup>1</sup>. Faciunt sæpe Principes quod interdum concionatores, ea nempe committunt à quibus magno diuinarum humanarumque pœnarum metu deterrent multitudinem. Idem vir malus & bonus Rex, idem vir malus & bonus concionator esse potest. At vbi leges quas Rex iste in quem debaccharis aduersus Dei præcepta tulit? vbi edicta? Ipse tamen aduersus ea commisit, dices. Quid tum? hominis hæc erant non Regis peccata, sed in homine tamē propter Regem dissimulanda: & ferenda quidem, non imitanda. Pharisæi in eam ipsam legem committebant quam prædicabant, nec id illis officium vel authoritatem detrahebat <sup>2</sup>. Qua tu igitur fronte Regem hunc *infectum Ecclesiæ hostem* pronuncias <sup>3</sup>? nimius te fractæ patientiæ furor in hanc mentis ad omnia cæcitatem perduxit. Sed hac de re inferius plura.

<sup>1</sup> Plut. in cōpar. Syllæ & Lyfandri.

<sup>2</sup> Matth. 23.  
<sup>3</sup> li. 2. cap. 1.

## C A P V T II.

**P**rimam igitur abdicandorum Regum causam in periuurio constituisti: inque ea amplificanda & exaggeranda totis quatuor capitibus es occupatus. Sed neque opere est, neque per ocium mihi licet, inanes illas & parū ad rem pertinentes rationes omnes singillatim persequi. Summā complecti sat est: ea te authore sic se habet.

*Periuurus regno indignus est, Henricus est periuurus: ergo;*

*At ego tibi aliquid amplius largiar. Quisquis Deum quous*



uis grauiore scelere offendit, quod mortale peccatum vocant, non regno solum sed & vita indignus est: quia in vitæ authorem & Regem Regum velut Maiestatis crimen committit. Sed quid inde? Deus, quæ sua est bonitas, clementia, & longanimitas, talem diu aliquando dignatur vita, dignatur imperio: & prout ei visum est, scelus vlciscitur vel condonat. Manent igitur Reges quamuis mali, quamuis regno indigni, donec id eis Dominus imperium permittit, quem solum supra se habent, vt ait Tertullianus<sup>1</sup>, & à quo solo in temporalibus iudicari possunt quique vt ait D. Ambrosius<sup>2</sup>, *nullis tenentur legibus humanis, sed libere sunt à vinculis delictorum. Nec ullis ad poenam vocantur legibus imperii potestate.* Sed nec firmum omnino istud fundamentum est, quod tu in harum causarum explicatione perpetuo subternis, *indignus regno est, ergo abdicandus.* Quid enim? qui sordide & auare viuunt, & neque ad pauperum, neque ad amicorum, neque ad suos proprios vsus quicquam ferè de congestis à se auri & argenti cumulis impendunt, nonne tantis diuitiis indignos censes? At eos tamen suis illis opibus hac de causa spoliari, nulla vel æquitatis naturalis vel iuris scripti ratione permittitur. Rex itaque licet regno indignus sit respectu diuinæ Maiestatis à qua regnum omne & imperium pendet, tamen respectu subditorum quibus ipse semper superior est, quamdiu Rex est, nulla de causa ab iis remoueri sceptro vel in iudicium vocari potest: omnium enim commissorum ex parte Regis hæc vna depulsio satis est, *Reges nullis tenentur legibus humanis: nullis ad poenam vocantur legibus tui imperii potestate.*

An non vir ille sanctus, q̄ de homicidio & adulterio Regis respondit, de periurio similiter & aliis vitiis interrogatus respondisset? Non enim fracta & in furorem acta eius fuit patientia. Graue quidem crimen periurium, sed eius tamen nulla pœna si per Deum iureretur, excepto vno casu, legibus est constituta: vt vberius alibi ostendemus<sup>3</sup>. quæ de re cum iuriconsultum, seu potius leguleium agere conaris, iuris authorum differentias denominationesq̄ confundis. Nam quod à iuriconsulto dicitur, inquis<sup>4</sup>, *C. l. 2. de rebus cred. §. iureiu.* Periurium Deum satis habere ultorem. dicendum fuit, ab Imperatore, Alexandro nempe: Codex enim non Iuriconsultorum responsa, sed Imperatorum rescripta & constitutiones complectitur. sed exiguum hoc

<sup>1</sup> ad Scapulam.

<sup>2</sup> in apolog. Dauidis c. 4. & c. 10.

<sup>3</sup> ad l. Si duo 12 §. vi. D. de iure iur.

<sup>4</sup> lib. 2. ca. 2.



erratum, est hominis tamen in iure parum versati iudiciū. Sed esto, supplicium in periuros legibus esse decretum. qui illud ad Reges produxeris, qui supra leges sunt, quiq; nullis humanis legibus tenentur, vt prioribus libris iam satis superq̃ue est demonstratum? Diuinam iurisiurandi violati vltionem effugere nemo potest, eoque excarnificatæ conscientiæ pœna aliæq̃ue à Deo cœlitis immissæ, vel ab hostibus expetitæ, referri debent. Est tamen cur tuam in hac re vel magnam inscitiam vel malitiam malam incusemus. Nam vt Reges propter periurium abdicandos esse probes, argumentum à Saule his verbis profers <sup>1</sup>.

*Cui viro si ad priuationem regni, tum ipsis tum peris, hac etiam causa fuit, quod fidem Gabaonitis, iisdemque alienigenis, à Iosue multis antè seculis iuratam violasset, vt eo iam occiso, non prius cessaret triennalis fames, quàm affixis crucibus septem eius filius, stirps eius tota, sic volente Deo, deleteretur.*

Iuris errorem iuris imperito iam facile condonauī, at huius delicti quod ficto falsoque ex Scripturis argumento contraxisti, quoniam maius inde malum est gratiam facere non possum, quin prius superiorum alterum tibi exprobre, quippe hac vna sententia duo falsissima complexus es. Nam primū satis constat Gabaonitarum cædem in nullam partem causæ adimendi regnum Sauli fuisse vocatam: cū cædes illa post Saulem à Domino reiectum, & sententiam de regni priuatione à Deo per Samuelem pronunciatam multo tempore contigerit. tunc nimirum cū cæso Pontifice Achimelech cæterisque Nobe sacerdotibus, in Gabaonitas etiam qui in ministerio altaris Domini erant <sup>2</sup>, atque aded in omnes vrbs Nobe tam inhumane crudeliterq̃ue delæxuit, vt non viros solū & mulieres, sed pueros etiam & infantes atque pecora quoque gladio interficeret <sup>3</sup>. Deinde plusquam manifestum est totam Saulis stirpem illa deditione & internecione septem filiorum eius non fuisse deletam: scriptum enim est. *Pepercit Rex M'phiboseth filio Ionatha filii Saul propter iuramentum Domini, quod fuerat inter David & inter Ionathan filium Saul.* Hic igitur præcipuus de stirpe Saulis reseruatus fuit, & ad quem regnum nascendi sorte peruenisset, si nō expressa Dei sententia fuisset ablatum.

Sed ecce, talibus commentis, etiam si falsa in verum cōuerterentur, parum proficere in hoc negotio potes. Esto enim periurium non partem causæ solū, sed totam causā abdi-

1. d. c. 3. lib. 2.

2. Iosue. 9. c. 2.

3. 1. Reg. 22.

abdicandi Saulis præbuisse quid aliud inde potes colligere, quàm periuriùm idoneâ & satis magnam causam Deo esse priuandi Reges sceptro atque imperio omni quod & nos fatemur, & hoc amplius, omne peccatum mortale eius generis esse, vt Deus ob id iustissimè non regno solùm & principatu, sed lucis huius vsura, atque etiam vita æterna aliquem priuare possit. At hoc quid ad populi potestatem? an quibus ex causis Deus sceptra Regibus auferre potest, iisdem etiam ex causis subditi? Quid? an vnquâ fando audisti imperium Regi propter periurium à Deo vel populo fuisse abrogatum? nihil illo verius, quod vir bonus & in rebus diuinis pariter & humanis exercitatus refert <sup>1</sup>. *Id enim, inquit; plerisque Principibus usu venit, dum suis rebus timent, iureiurando multa polliceri: mox verò tergiuersari, si ardentior fortuna inuenitur.* Quoties fidem publicam pactis iuratis datam acceptamque leui de causa à Principib. violatam accepimus? non vnus ille Lysander extitit, qui pueros talis, viros periurio fallendos esse censuit <sup>2</sup>. Est enim nescio quo malo more & falsa persuasione comparatum, vt plerique eorum qui regnis & Rebusp. præsumunt ius omne ad vtilitatem referant, & id demum iustum censeant, quod summæ rei prodesse arbitrantur vt ne periuriis etiam abstineant, dum iis Rempub. iuuare posse falsò persuadetur. Qua ratione Chæronenses Damonem quendam agros vrbi propinquos latrociniis & incursionibus deprædantē cùm non possent comprimere, eum fide data versutis legationibus & decretis in ciuitatem pellexerunt, ibique nihil tale metuentem contra fidem & promissum occiderunt <sup>3</sup>. Sic Cleomenes Anaxandridæ filius Spartæ Rex patas cum Argiuis inducias vt eos imparatos & nec opinâtes adoriretur, violauit <sup>4</sup>: cūq; ei periuriū exprobraretur, callida & malitiosa interpretatione obiectū facinus eludebat: hoc addito, quocunq; quis hostes modo laderet, & apud Deos & apud homines summo in re factū videri. Theodoricus Clodouæi filius, Mediomatricum Rex cùm non posset Mundericum rebellantem vi capere, eum, iureiurando interposito de reconciliatione, ad se vocatum interfici curauit <sup>5</sup>. Iacobus. II. Rex Scotiæ, Princeps alioqui laudatissimus, & qui moriens maximum sui desiderium apud omnes regni ordines reliquit, cùm Duglasii potentiam insolentiamque aperto Marte confringere & comprimere nequisset, hominem ad se accersuit, fidemque ei suam de libero accessu decess-

<sup>1</sup> Gaguin. in vt  
ta Caroli Calui.

<sup>2</sup> Plutar. in vita  
Lysandri.

<sup>3</sup> Plutar. in vita  
Cimonis.

<sup>4</sup> Plutarc. in apophth. lacon.

<sup>5</sup> Greg. Turon.  
lib. 3. cap. 14.

decessuque publico diplomate & sacramento solemniter ob-  
trinxit, quem mox ubi in aulam venerat, propria manu  
interfecit. Possum infinita id genus exempla proferre, vio-  
lati inquam iurisiurandi, quod licet numinis vindictam  
commeretur, nunquam tamen subditis legitimam rebet-  
landi causam præbet.

Superest ut illud quàm vānum sit, quod de infamia ex  
Ciuilis & Pontificii iuris penu ad hanc rem depromis, bre-  
uiter indicemus. Quod ut facilius intelligatur, sciend-  
um est infamiam duplicem esse vulgè tradi, vnam iuris,  
alteram facti<sup>1</sup>: illa nominatim ex aliquo iuris scripti ca-  
pite propter turpem causam personis, statim atque ali-  
quid fecerunt, vel per sententiam, irrogatur, totaque ex  
legum & iuris dispositione pendet<sup>2</sup>, quæ certas tantum  
causas annotat in quibus periurium non est: hæc verò in  
sola hominum opinione posita est, & non solum ex peri-  
iurio, sed omni alio ex facto nascitur, quod apud bonos  
& graues viros pudorem onerat, & aliquem malè audito  
facit<sup>3</sup>. Illa delicti pœna ciuilis, legitima, & temporalis  
est, quæ idcirco à Principe per specialem indulgentiam  
remitti vel tolli potest<sup>4</sup>. hæc verò naturalis & perpetua  
quæ in mentibus hominum vsque adeo in hærescit, ut eam  
nulla Principis indulgentia inde diuellere & abolere pos-  
sit. hæc Principes laborant sæpe, illa nunquam: cum e-  
nim supra leges sint, & legibus soluti, ut est iam supra fu-  
sissimè demonstratum<sup>5</sup>, legum pœnas subire nisi volen-  
tes non tenentur: cumque solo verbo omnem iuris infam-  
iam ipsi quibuscunque volunt remittere soleant, quin  
illam à se ipsis remouere velint non est dubium. Quicquid  
igitur ex legibus & iure ciuili adfers hac vna responsione  
diluatur: nec magis difficiliter præsidium illud expugnatur  
quod in Ecclesiastico iure collocat<sup>6</sup>. Infamiam enim iu-  
ris, cum sit pœna merè temporalis, Pontifex ob delictum  
irrogare sua constitutione non potest nisi suæ iurisdictionis  
hominibus, id est vel Ecclesiasticis personis quibus per  
totum orbem imperat, vel iis qui eius temporali ditioni  
subsunt. Alioqui enim temporalem Regum & Principum  
Christianorum iurisdictionem inuaderet, quod nec velle  
cum nec posse credendum est<sup>7</sup>: Neque ad rem pertinet  
quod ex Innocent. III. rescripto profers<sup>8</sup>: ibi enim de  
electione Regis Romanorum in Imperatorem promouē-  
di agitur, cuius personam examinandi, approbandi, conse-  
crandi,

<sup>1</sup> Bart. ad l. i. D.  
de his qui not.  
infam. Iason. ad l.  
cunctos popu-  
los. in 2. lect. nu.

<sup>2</sup> 44. C. de sum-  
ma Trinit.

<sup>3</sup> l. i. D. de his  
qui not. infam.

<sup>4</sup> l. ob. hæc ver-  
ba 20. D. de his  
qui not. inf. l. 2.  
D. de obseq. pa-  
ren. & patron.

<sup>5</sup> l. i. l. generalis  
& l. cum indul-  
gentia 6. de sent.  
pas.

<sup>6</sup> Lib. 3.

<sup>7</sup> 6. q. 2. can. In-  
fames. ea. quere-  
lam de iure iur.

<sup>8</sup> cap. per vene-  
rabilem. iuncta  
glos. in verb. cer-  
tis causis qui fil.  
sunt legit.

<sup>9</sup> cap. venerabi-  
lem de elect.



trandi, & coronandi ius & facultatē ad se spectare Papa asserit, imò quod maius est *superioritatem ad imperium se habere*, & *potestatem in qua vacante imperio Imperatori succedit*: sibi que ab Imperatore fidelitatis iuramentum deberi<sup>1</sup>: ut mirum non sit si summus Pontifex, quantum ad ius suum de examinanda & approbanda persona attinet, secundum Ecclesiasticas constitutiones numerari peritium inter notoria impedimenta approbationis, consecrationis, & promotionis ad imperiū. At hoc qd ad Reges & Principes alios qui fasces suos temporali Pontificis ditioni non summisserunt? quibusque nulla ad electionis & inaugurationis suæ confirmationem Pontificia autoritate & approbatione opus est? his accedit quòd in illo Innoc. III. rescripto, de creando, non de abdicando Imperatore agitur: estque illud peruulgare, multa impedire facienda quæ facta non dissoluunt. Neque enim vnquam ab hominum memoria auditum est, Regem propter solum peritium solio fuisse deiectum. Itaque quod de Sedechia scribis lusorium planè & ridiculum est: quasi verò propter peritium, ac non propter rebellium potius à Nabuchodonosore punitus sit. Nam etsi sine iureiurando obedientiam promississet, rebellassetque, non dubium quin cum ultus fuisset Babilonius: & contrà si decies millies aliis in rebus peierasset, in Chaldaeorum autem fide & obsequio mansisset, non hostis sed amicus Nabuchodonosoris fuisset iudicatus. Quæ cum ita sint, valeant quæ de periurio scribis, ut quæ ad Regis abdicationem nihil valent.

<sup>1</sup> Clemen. Romani de iureiur. Clem. pastoralis. de sent. & re iud.

## CAPVT. III.

**S**equitur nunc altera fictæ abdicationis tuæ causa non minus prolixè quam illa superior à te proposita<sup>2</sup>: quæ quanquam rei luctuosæ memoriam mihi refricat, Guylianorum nempe Principum cædis recordationem (quos ego & viuos amabam, & tam subita atque acerbamorte extinctos non parum dolebam mærebamque) tamen quæ ius regium vniuersè spectat, cum facta infecta fieri nequeant, tractanda paucis hoc loco atque examinanda est. Regem igitur triplicis criminis reum vno facto constitutis, homicidii nempe, parricidii, & assassinii siue assassinatus (neq; enim quod ei nomē detur satis cōstat) ut his veluti triplici fune colligatus constrictusq; extrahatur

<sup>2</sup> Lib. 2. ca. 6. 7. 8. 9.

de



de folio, exigatur de regno, deque cætu & societate hominum, ut lapis è funda protrudatur, ita enim tu:

1 Lib. 2. ca. 8.

BOUCHER<sup>1</sup>. Sequitur homicidii crimen & ipsum perituro, ut factum ab Henrico connexum, sic gravitate comparandum. Quod ne non undique execrandum in Henrico esset triplex in uno scelere crimen facit. Quod innoxii Principes casu, quod propinqui, quod per Assassinos. ut cum homicidam, parricidam, & assassinum simul esse constet, habeat isto nomine amplius, & quod animaduvertere Ecclesia, & quod iste (magna Regis designandi contemptio) luere debeat atque possit. deinde sic tandem concludis: Ex quibus intelligitur, quàm iuste hoc nomine Henricum pelli regno cõueniat, qui se uno tempore triplici isto scelere, homicidii, parricidii, assassinatus tanquam funiculo triplici, qui difficile rumpitur, obstrinxerit.

2 ca. 1. de homicid. in 6.

3 in princ. & in verb. formidantes.

4 glos. Ioan. And. Archi. in d. c. 1. de homicid. 5 in Enchiridio Confess. ca. 27. num. 135.

Ordiamur ab ultimo, ut tua in hac re calumnia evidens & perspicua omnibus appareat. Quod igitur Regem Assassinum dicis, & per Assassinos necem Guyssis Principibus intulisse, id nec verum est nec esse potest. Assassini enim homines quidam erant Sarraceni & infideles montana loca quæ Romam itur sub domino itidem pagano incolentes, qui quoscunque prætereuntes & quocunque modo interficere susque deque ferebant, si id ipsorum domino placuisset: ita enim persuasum habebant, æternam sibi salutem se posse comparare occidendo quemcumque dominus occidi iussisset. Ac de his quidem tantum est decretalis illa constitutio Innoc. III. <sup>2</sup>. quam tu aut non plenè lectam, aut perperam intellectam in medium adducis, ut Regem tuum Assassinum esse probes quod utrique non fecisses, ut arbitror, si decretalem illam diligentius paulo atque attentius considerasses: ipsa enim te glossa <sup>3</sup>, inouisset constitutionem localem esse, id est ad ea tantum loca pertinere in quibus Assassini illi Sarraceni habitabant. cui consequens est, quod cum genus id hominum iam extinctum sit, nulli amplius reuera sint Assassini, quamuis Itali illo adhuc nomine abutantur, & ex vulgaribus iuris interpretibus nonnulli. Atque ita doctissimi Theologi & Canonistæ <sup>4</sup>, asserunt neminem nunc ob homicidium, etiamsi pecunia ad id conductus & addictus habeat, incidere in pœnam illius constitutionis. Non incurrunt hanc, inquit Nauarrus <sup>5</sup>, qui faciunt interficere ob pecuniam, quamuis huiusmodi interfectores vulgus Italicum appellet assassinos, quia non sunt propriè tales. An non igitur te pudeat id Regi tuo potentissimo Christianissi-

stianissimoque sceleris nomen affingere, quod ne priuato quidem, si quid simile perpetraret, propriè possit conuenire: Naturæ humanæ conditio & imbecillitas suadet, ut pœnæ per interpretationem molliantur potius quàm asperètur, idque vel ethnicis legislatoribus visum est<sup>1</sup>: ru verò 1 l. pen. D. de contra omni studio contendis, omnemque ingenii tui fa- pœn. cultatem ad id enixè confers, ut criminis magnitudinem falsi nominis indignitate, & suppliciorum multitudinem conficto scelerum numero augeas. Nunquam enim plura delicta concurrentia facient ut vilius impunitas detur<sup>2</sup>.

2 l. 2. D. de pri-  
ua-delict.

Illud præterea inter omnes constat non esse eos Assassinos, siue propriè siue impropiè id verbum accipiatur, nec etiam homicidas, imò ne peccare quidem, quos Princeps aliquo iustitiæ vel vtilitatis publicæ prætextu cogit pro potestate imperii aliquem inuadere & neci dedere, si modo ipsi non prætextum sed veram causam esse arbitrentur. ita ut fortasse reum faciat Regem iniquitas imperandi: innocentem autem militem, siue subditum ostendat ordo seruendi<sup>3</sup>. Miles enim cum obediens potestati sub qua legitimè constitutus est, hominem occidit, nulla ciuitatis sue lege reus est homicidii, imò, nisi fecerit, reus est imperii deserti atque contempti. Quod si sua sponte atque auctoritate fecisset, in crimen effusi humani sanguinis in- cidisset. Itaque unde puniatur, si fecerit iniussus, inde punietur nisi fecerit iussus<sup>4</sup>. Nullus igitur in illorum Principum cæde Assassinatus fuit, aut esse potuit. ac proinde parum tu quidem fidus es restiarius, qui duplicatos tantum funiculos pro triplicatis populo exhibes.

3 S. August. lib. 22. contra Faust. Manich. c. 25. & refertur can. quid culpatur. 23. q. 1.

4 Idem lib. 1. de ciuit. Dei c. 26. & refertur. 23. q. 5. can. miles.

C A P. IV.

**I**Am verò de homicidio & parricidio quod proponis, nihil aliud dici potest, etiam si inter omnes constaret, generosos illos Principes fuisse innocentissimos, quàm peccasse grauiter & sceleratè fecisse Regem, qui illos eo modo iniuste sustulit: regno autem ob id spoliari abdicarique posse Regem legitimum, nulla lex diuina vel humana, nullum ius aut consuetudo vnquam permisit. Pone istos turbati animi tui motus, & cogita tecum quàm esset res periculi plena, & non minus regnis ipsis quàm Regibus exitiosa, subditos ob solum homicidium vel parricidium aliquod in Principem posse insurgere, atque (ut tu alibi falsò & nequiter affirmas) pari in eum atque in fures & latrones potestate animaduertere: certè nemo, ut arbitror, nisi a-

mens rem tam perspicuam & evidentem non animaduertit. Tū verò nulla aut ratione aut lege contendis, sed tantum exemplis quibusdam, quæ, ut sæpius iam dictum est, facta tantum, non ius & æquitatem facti, nobis demonstrant. nihil enim tam vanum, tamque iniquum reperitur, cuius non aliqua ex historiis exempla peti possint.

Regum ferè proprium est suspicionibus faciliè commoueri: quòd quemadmodum omnium oculis, ita multorum etiam odiis exponantur, ut tragicus non male Polynicem dixisse sinxerit <sup>1</sup>.

<sup>1</sup> Seneca in Thebaide. in fi.

*Simul ista mundi conditor posuit Deus,  
Odium atque regnum.*

Et magnorum virorum rebus præclarè gestis inuidere, præsertim eorum quos aut generis claritas, aut opes & aliqua animi magnitudo atque elatio, aut virtutis apud populū opinio commendatioq; in regni occupandi spè, imò vel appetendi suspensionem, adducere posse creditur. Nam Regibus boni, quàm mali suspectiores sunt: semperque his aliena virtus formidolosa est <sup>2</sup>, quòd nihil regni potiundi desiderio ad quiduis audendum tentandumque homines magis impellat: vsque eò ut cum eodem illo dicant <sup>3</sup>,

<sup>2</sup> Sall. in coniur. Catil.

<sup>3</sup> Seneca. vbi supra.

*pro regno velim*

*Patriam, penates, coniugem flammis dare.*

*Imperia pretio quolibet constant bene.*

Hæc res multorū malorum causa, multisq; illustribus viris exitio fuit, nam

— *Dubia pro certis solent*

*Timere Reges* <sup>4</sup>

<sup>4</sup> Senec. in Oedip. act. 3.

& omnem magnam potentiam suspectam habere, si cum acri ingenio & gloriæ cupido coniuncta sit. Ingens adeò monstrum est ambitio & regnandi cupiditas, ut etiam coniunctissimos inter se committat, & fas ac nefas iuxta æstimari faciat, dum vel occupandi Principatus desiderium & spes quamlibet fallax, vel eius amittendi seu verus seu vanus & inanis timor aliquem incescit. Hæc illa est, quæ hominem in quosuis animi habitus format & transformat, ut supra iam fusè ostendimus <sup>5</sup>. Quo sit, ut nihil factu tam arduum & difficile, quod non tenet: nihil tam crudele, ignominiosum, & immane perpetratum, quod non exequatur is in quem tetra dominandi libido virus aliquod pestilens per spem aut metum exhalauit. Sæuus iste & cæcus animi furor Absalonem Dauidi <sup>6</sup>, Adromelech & Sarsarem Sennacheribi <sup>7</sup>, Phraatem Orodi siue Hyrodi <sup>8</sup>,

<sup>5</sup> lib. 1.

<sup>6</sup> 2. Reg. 15.

<sup>7</sup> 4. Reg. 19.

<sup>8</sup> Appian. de belloARTH. Plo-  
tan. in vit. Crassi.

Prusæ

Prusie Nicomedem <sup>1</sup>, Mithridati Pharnacem <sup>2</sup> Ptolomæo  
 Euerget. Ptolomæum Philopatorem <sup>3</sup>, Sigiberto Chlode-  
 ricum <sup>4</sup>, Clothario Chramnum, aliosque patribus filios  
 imoie, & crudeliter regna tollere, & mortem machinari nō  
 ra. ò coegit: parque in filios patribus edum contra natu-  
 ram inquit. Mithridates namque filium suum Mithrida-  
 rem, quod regnum eum ambire suspicaretur, catenis au-  
 reis primum vinxit, mox occidit <sup>5</sup>. Sigismundus verò Bur-  
 gundiorum Rex Sygiricum filium innocentem ac dormi-  
 entem, falsa affectati regni suspitione, strangulauit <sup>6</sup>. O-  
 mitto & veteres & recentes fratrum cognatorūque inter se  
 discordias, insidias, & cedes nullis non cognitās, quæ, quo-  
 niam sunt propè numero infinitæ, nec scribi sine tædio &  
 non necessārio labore, nec legi sine fastidio possunt. Illud  
 enim, vt arbitror, inter omnes cōstat, imperia summa ho-  
 mines plerumque superbos & suspiciosos reddere: eoque  
 fieri vt paruos contemnant; magnos mētuant, mediocri-  
 bus delectentur. Itaque Regum fauorem atque amorem  
 perq̃ lubricum & periculosum esse vulgò traditur: vnde a-  
 pud Scotos prouerbii loco iactatur, *The narrar the king the*  
*narrar the VVyddē*, id est, *quo quisque Regi propinquior, eo pro-*  
*pinquior patibulo*. est adeò nimirum inconstans atque in-  
 certa regalis beneuolentiæ fides. Solent enim persape  
 Reges homines paulò antè amicissimos, & maximis à se  
 honoribus opibusque cumulos, ob leuem & interdum  
 falsam ambitionis vel coniurationis suspicionem de statu  
 præcipites dare, inque maximas misérias conicere. Nunc  
 Aman ab Assuero exaltatur, poniturque *solum eius super o-*  
*mnes Principes* qui sub Rege sunt: nunc pat. peri Mardo-  
 chæo, quem Aman ad supplicium rapere cupiebat, ii-  
 dem illi honores decernuntur: Amanque in ea ipsa tra-  
 be altissima quam Mardochæo parauerat Rege iubente  
 suspenditur <sup>7</sup>. Nunc Surenam Orodes regæ mensæ  
 participem facit, nunc, propter nimiam eius potenti-  
 am sollicitus, indemnatum mandat interfici <sup>8</sup>. Adria-  
 nus Tarianum & Similem, quibus debebat Imperium, a  
 præfectura remouit, & parum abfuit etiam quin occi-  
 derit, hac sola de causa, quod eorum potentiam ferre non  
 poterat <sup>9</sup>. Qua de causa Orontes Regis Artaxerxis gener  
 cum a Rege irato magna affectus ignominia ac damna-  
 tus esset, dixisse fertur Regum amicos similes esse di-  
 iis hominum suas rationes supputantium: quod quemadmo-

- <sup>1</sup> Iustin. lib. 27.  
<sup>2</sup> Appian. de bell. Mith.  
<sup>3</sup> Dio li. 37. Appian. bell. Mithr.  
<sup>4</sup> Iust. li. 2.  
<sup>5</sup> Greg. Tur. li. 2 c 40.  
<sup>6</sup> Appian. de bell. Mithr.  
<sup>7</sup> Greg. Tur. lib. 3. cap. 5.  
<sup>8</sup> Plut. in Crasso.  
<sup>9</sup> Appian. in bell. Parth.  
<sup>10</sup> Spart. in Adr.



Plutar.in Apo-  
phtheg.

Procop. li. i. de  
bell. Pers.

Pausan.in La-  
con. siue lib. 3.  
lut.in Agesilao.

dum vnus idemque digitus nunc myriadem nunc vnitatē pro arbitrio supputantis repræsentat : ita Regum amici nunc summo nunc infimo, vt Regibus visum est, loco habeantur <sup>1</sup>. Vix vllus in historiis reperitur qui magis egregiam Principi suo operam nauarit, aut plura bella confecerit, plurēsq̃ue victorias & triumphos pepererit, quàm Iustiniāno Imperatori Bellissarius : cui & vitam insuper atque imperium, in maxima omnium seditione, triginta millibus de populo cæsis, magna & fortitudine & prudentia cōseruauit <sup>2</sup> : at eum tamen idem Imperator, propter leuem affectati regni suspicionem à gloriæ suæ æmulis suscitātā, non solum cunctis dignitatibus & facultatibus exuit, sed vtroque etiam lumine orbauit, eoque calamitatis reduxit vt stipem sibi è tuguriolo mendicare coactus sit : date, inquit, obolum Bellissario, quem inuidia non culpa occæcauit: ignominia certē magnanimo Duci, vt ille erat, quauis morte acerbior. Artaxerxes Tissaphernem illustri primū apud se gratia habitum, & paulò post calumniosè delatum protinus occidi fecit <sup>3</sup>. Facile esset sed nimis longum infinita eiusmodi è veterum scriptorum monumentis exempla proferre. nusquam enim non obuia sunt, quæ vt quorundam Regum impietatem, malitiam, & ingratitude- nem aliquando, ita omnium supremam & liberam ab omnibus humanarum legum pœnis potestatem demon- strant. Horum ego & aliorum multorum recordatione commonefactus atque edoctus, Guyssio semper à Rege timui, quòd id ei commune cum Regibus omnibus vitium esse scirem, vt quem semel inimicum sibi atque infensum reputauerat, eum tanto inuisiorem & suspectiorem haberet, quanto eius maiore in gloriā & gloria apud multitudi- nem nomen celebraretur. idque & sepe & palām me multis edictasse memini. Cuius rei testem citabo integerrimū Io- annem Porceletum Maillanæum, quē honoris gratia no- mino, virum vtique & antiqua nobilitate, & doctrina ac pietate illustrem : qui cū paulò post Parisiensem rumul- tum, mihi in suo secum horto inambulanti narrasset, agi- coeptum de reconciliatione gratiæ Regis & Guyssi : ego ei statim, hei vereor ne illa concordiæ reconciliatio præsens Guyssio pariat exitium: tum ille, quid ita? quia videor mihi, inquam, videre Regem eo Guyssium artificio deludentem, quo alii ante eum Reges subditos sibi Principes sæpe cir- cumscripserunt. Nihil illi non concedet, nihil non sanctè

pol-

pollicebitur, dum eum in suam potestatem pertraxerit: quæ ubi fidentem & nihil metuentem aula semel concluderit, celeri mox ruina est oppressurus. Id ego tunc verius quam voluimus augurabar, & postea citius quam ullus nostrum opinatus est euenisse magno cum mœrore accepimus. quæ de causa Illustis ille vir, audita Guyssii cæde, memorem se mei absentis redditum fuisse dixit.

Nequiter profectò agunt Reges & peccant grauissimè, cum homines quos innocentes esse sciunt, ut olim David Uriam, trucidandos curant: minus autem quando falsa sed verisimili, ut illis videtur, suspitione ducti in viros bonos temerè, inconsideratè, immeritoque desæuiunt: quo in genere Guyssiorum Principum cædem vitio verti Henrico Regi posse dicendum est quod graues & odiosæ in eos suspiciones ex Parisiensi tumultu, aliisque rebus gestis ortæ Regis animum vehementer exulcerarent. Nihil denique omnino si certa & indubitata facinoris indicia extent: nullumque eo casu iudicarium ordinem in meritis debitisque suppliciis exigendis necessarium esse, Salomonis illud in fratre suo Adonia condemnando perimendoque factum Deo atque hominibus gratum declarat. At neque ob illud primi generis homicidium, quamuis per se quidem turpissimum, neque ob aliud ullum, Regi, ut criminis reo, ad hominum tribunal causa dicenda est: multoque minus Imperii maiestas dignitasque regalis adimenda. quia, ut ex Ambrosio<sup>1</sup> identidem iam recitauimus, *Reges nullis tenentur legibus humanis: neque ullis ad poenam vocantur legibus, tunc imperii potestate*. Sed quid? homicidium ne ecclesiasticam quidem dignitatem, officium scilicet vel beneficium ipso iure adimit clerico, sed tantum per sententiam, ut docet Panormitanus<sup>2</sup>. poteritque summus Pontifex ei facile indulgere, ut & de facto sæpe indulget: quanto minus Regi, cum supra omne ius humanum positus sit, nullumque in temporalibus iudicem habeat, auferri hac de causa imperium posse credendum est. Malè actum cum Davide fuisset, si tibi tunc vita atque autoritas aliqua apud Hebræos suppetisset: peius verò cum Theodosio, si Mediolanensis ecclesia te antistitem tunc temporis pro Ambrosio habuisset. Pessimè autem cum Seuero, si illo imperante aliqua in Senatu gratia valuisses. Nam hic quidem ubi primum in urbem venit, solemniter iureiurando in Senatu facto, promisit nullum suo iussu senatorem interfectum iri:

<sup>1</sup> in Apolog. David. cap. 4. & 10. Intellige, coactiue: nam directiue, ut loquitur, legibus subiecti sunt.

<sup>2</sup> Ad cap. 6. de concess. Prab.

2 Xiphil. ex Dio-  
ne & Aeli Spart.  
in vita Severi.

eaque de re senatusconsultum fieri curauit, quo compre-  
hendebatur non licere Imperatori inconsulto Senatu occidere se-  
natorem. *Imperatorem quidem, si senatori mortem afferret, e-  
umque cuius opera ad eam rem ueteretur, liberisq; ipsorum, huius  
Reipub. futuros.* Verum is primus omnium contra hanc le-  
gem fecit, quod ea minimè obseruata multos sustulerit: in  
quibus fuit Iulius Solon qui superius decretum iussu Im-  
peratoris scripserat, quem paulò pòst occidit. Quid tu hoc  
fecisses Boucheri? quæ tuam in illum tubam terrarum pla-  
ga non audiisset? At erat utilis tamen Reip. Princeps, & qui  
quod concussum & turbatum valde imperium reperit, tria-  
quillum & sedatum reddidit.

Quæ cum ita sint, tuam illam nouam & seditiosam hæc  
de re sententiam nec ratio, aut lex (nullam enim adfers) nec  
exempla, quorum vis omnis contrariis exemplis retundi-  
tur, quicquam iuant. Miseret me tui, & ob id monco ut  
quò fugisti, ubiue consistis, perpensè cogites. memento te  
sub Monarcha degere, & non in Republica. Noli: a u in-  
gratam hospiti tuo gratiam referre: noli ei, quod preciosis-  
simum est, antiquam regnandi libertatem auferre. Noli  
securitatem imperii securibus popularibus subicere cona-  
ri. Noli homicidium idoneam & legitimam abdicandi Re-  
gis causam prædicare, iniustam valde, & ingratam meritò  
Principibus omnibus sententiam. Est sanè cur tibi ab o-  
mnibus Monarchis timeas, quibus tam ingens creas peri-  
culum, quos, inquam, in tam lubrico loco constituis, tam-  
que fragili & infirma conditione sceptrum tenere asseris, ut  
homicidii pœnas regnorum amissione luant. Talia licet  
ab Hollandis, cæterisque quos vocant Status (qui partim  
ob duorum Comitum cædem, partim religionis causa re-  
bellarunt) aliquam tibi fortè gratiam conciliarent, non  
possunt non maxima Principum Christianorum odia in te  
concitare Communis enim & par omnium causa agitur, &  
veritas semper vna est.

## C A P. V.

2 li. 2. c. 30.

**B**OUCHER<sup>1</sup>. Quod percussor Cardinalis Archiepis Rhe-  
mensis crimentum. Crescit videlicet cum numero sceleris  
genus. Et quod furoris impetu in principe seculari factum vi-  
deri poterat, idem postmodum in Sacerdote, Episcopo, Cardinali, ac  
patre spirituali admissum, contemptum Ecclesie atq; Dei insignè  
probat acque manifestat.

Gran-

Grande quidem crimen, & sceleratum ac nefarium facinus est, atque Pontificia notione & animaduersione dignum, occidere Cardinalem, multum tamen interest, cædè sine ex priuata iniuria vel repentino animi motu, an verò ex publico in totum ordinem Purpuratorum odio, communique totius Ecclesiæ contemptu proficiscatur. Cum illis enim quos vlciscendæ aut propulsandæ iniuriæ cogitatio ad id sceleris impellit, mitius pro rei qualitate agi solet, adeò vt excommunicationis & censuræ Ecclesiasticæ nexu, causa cognita, à summo Pontifice liberentur. Cum his verò seuerius, quòd vni facta iniuria in omnium redùdet ignominiam. Et quoniam exemplis plurimum delectaris, ac nihil ferè nisi exempla adfers, en huius rei exempla quoque subiiciam. Nondum viginti supra centum anni sunt, ex quo Laurentius Medices Raphaelem Cardinalem Sixti IV. tunc Pontificis Maximi ex sorore nepotem, vna cum Francisco Saluiato Archiepiscopo Pisano, & multis aliis eos comitantibus, sine vlla iudicii forma patibulis affixit<sup>1</sup>. Quod quamuis summus Pontifex cum ob insitum arctioris cognationis amorem, tum ob debitum publici muneris sui officium ægetrimè tulerit, re tamen diligentius examinata, noxam Laurentio remisit, & omnia censuræ ecclesiasticæ vincula relaxauit. Deinde sub id ferè temporis Ludouicus XI. Cardinalem Baluam de perfidia & prodicione delatum, statim in carcerem coniecit, totamque eius preciosissimam & planè regiam supellectilem, & ceteras facultates omnes publica auctione venditas in fiscum transtulit: cui Regi tantum abfuit vt idem Sixtus IV. regnū abrogarit, vt vitam ei atque imperium diutissimè conseruare studuerit. Nostra verò arate in Scotia Normanus Leslaus Rothani siue Rothenensis Comitis filius, Iacobum Beatonium Cardinalem & Archiepiscopum priuato odio cõcitatus turpiter nequiterque interemit. At quia non in despectum Ecclesiæ, verum ex priuato tantum odio nex fuit allata, mitius cum percussore actum est: ita vt diu pòst apud Henricum II. Francorum Regem illustri loco fuerit, ei que præclaram in rebus bellicis operam nauarit. Quod si Henricus VIII. Anglus, cuius tu mentionem facis, non aliis multis sceleribus fuisset coopertus, atque in apertam totius Ecclesiæ Catholicæ iniuriam nõ prorupisset, haud dubium quin gratiam ei tandem de Rossensis episcopi cæde, ne maius inde malum oriretur, summus Pontifex fecisset:

Historia addita  
Platinæ, in vita  
Sixti 4.



nullamq; de regno adimendo sententiam pronunciaſſet.

Sed quoniam de Regis & populi iure hic tantum agimus, cedo, ſi potes, ex ſacris vel profanis hiſtoriis ab omni memoria exemplum aliquod, quo ſubditi in Regem legitimum id ſibi poteſtatis arrogarint, vt eum ob necem vlli aut Epifcopo aut Cardinali allatam, propria authoritate & velut iure ſuo, condemnare, abdicare vel caſtigare auſi ſint: nullum, ni fallor, ex tot retrò ſeculorum curſibus proferre potes. Eſt enim ille ſemper ratus & conſtans in pupiendis flagitiis ordo, vt nemo niſi a ſuperiore iudicetur: par enim in parem, multòque minus inferior in ſuperiorem, non habet imperium <sup>1</sup>: populum autem Rege ſemper inferiore eſſe, vel non eſſe Regnum & Monarchiam fateamur neceſſe eſt. abſurdum vtique & ridiculum eſſe quod ſcripſiſti <sup>2</sup>. *Rege conſtituto ſuum Reipub.* (id eſt populo vt tu interpretaris) *ſupra eum ius remanere* in priore huius anacriſis libro, & alibi ſuprà, iam palàm oſtendimus. Deinde verò cùm diuinarum & eccleſiaſticarum legum populus arbitet & cuſtos non ſit: humanarum autem legum ſanctionibus & vinculis non teneantur Reges (vt eſt nunc ſæpiſſime ex antiquorum Eccleſiæ patrum ſententiis perſpicuè demonſtratum) conſequitur neceſſariò Regem à populo non poſſe iudicari. Quod ſi non iudicari, nec abdicari quidem poſſe conuincitur, cùm ſit tritiſſimum certiſſimūque, genera ſuis ſemper formis adhærere, in ſuis formis eſſe, tantàque & certitudine & neceſſitate de illis dici, vt à quocunq; remouetur genus, ab eo remoueri omnes eius ſpecies, nemo tam rudis & ignarus rerum eſt, modò non ſenſu communi caſſus, qui non animaduertat. nullaque lex aut ratio patitur vt ab executione aliquis initium ducat <sup>3</sup>.

Sed age, Boucheri, & perpende mecum exempla illa quæ proponis <sup>4</sup>, de Henrico VIII. Anglo, & Bolislaò II. Polono: nihil in iis reperies quod populorum in Reges poteſtatem vel indicet vel confirmet: tota ad ſummi Pontificis tantum authoritatem probandam pertinent. quin potius contrariū ex iis colligitur, vt aliquo in te modo retorqueri poſſint. cùm ſuus alteri populus poſt excommunicationem totos quatuordecim annos ſubmiſſè paruerit: alteri verò duos. Ille regno, licet excommunicatus, toto vitæ tempore potitus eſt, illudq; moriens ad ſobolē tranſmiſit: Hic verò quouſque ſcleris ſui conſcientia excruciatuſ de re-

gno

§ 1.4. D. de recept. l. ille à quo §. rempeſtium. D. ad Se. Trebel. 2. li. 1. c. 18. ibid. 6.9.

§ 1.1. & l. vi. C. de execut. rei. iud. 4. li. 2. c. 11.

gno aufugit, & agitantibus atque infectantibus eum furis, nullibique vt consisteret patientibus, in Monasterium quoddam procul natali solo, vt scelus scdissimum perpetua poenitētia expiaret, errabundus atque ignotus ingressus est. Et verò Bolislai tam horrendum & immane facinus exitit, vt ei simile nullus nec nostra patrum memoria oculus vnquam viderit: ac nisi tam præclaris, grauib, & publicis monimentis commendatum consignatumque fuisset, & nobis profectò & toti posteritati incredibile videretur. Stanislaum enim sanctum Dei sacerdotem & Præsulem, qui ad innocentiae suae testimonium hominem vita pridem functum paulò antè à mortuis excitauerat, cum interimere decreuisset, immisit ex stipatoribus qui illum facta facientem in S. Michaelis templo necarent: at illi fanum ingressi retrorsus statim omnes insoliti luminis fulgore perterriti corruerunt, & genibus cubitisque nixi vt inde extra ædem reperent diuinitus sunt coacti: quibus alii subinde atque alii satellites iussu nefarii hominis succedentes eandem planè fortunam experiebantur. Ac tandem ipsemet furēs odio, & scelus omni crudelitate maius anhelans templum gladio stricto intrauit, atque sanctum Episcopum, vulnere in caput inflicto, propria manu trucidauit <sup>1</sup>.

Et hanc quidem Bolislai in Stanislaum plusquam feram & barbaram immanitatem impietatemque dum recolo, in mentem mihi venit eius quod obiter, sed valde significatè, de Henrico Rege tuo ibidem scribis <sup>2</sup>. Postquam enim ostendisti Gregorium VII. Pontificem, quotquot Bolislaū auxilio vel consilio iuuerant, cum tota eorum domo & nepotibus, ad beneficia Ecclesiastica habita vel habenda, & ad dignitates omnes atque honores, vsque ad quartam generationem inhabiles fecisse, addis. Non erit fortasse Henrico Valesio vel prima generatio. Audax certè dictum, & suspicionis plenum, si cum effectu qui mox subsequutus est conferatur. Nam licet ista per se sententia nihil mali contineat, quoniam talium semper rerum dubius atque incertus euentus est: tamen cum esset Regi formosa, pudica, & florens ætate coniunx, ipseque nec effata senectute nec morbo impeditus quo minus liberis operam dare posset, haud æquum fuisse videtur de eo tam malè ominari. Quæ res facit vt nonnullis in suspensionem communicati cum monacho consilii veneris: quasi inde illud tuum fortasse pependisset, vt si ille destinatum animo

<sup>1</sup> Ioan. Herbut.  
lib. 3. hist. Polon.  
cap. 8.

<sup>2</sup> lib. 2. ca. 11.

facinus exitu votis vestris conueniente non perficeret, res  
 vrantè, spe omni sobolis nondum præcisa, in incerto re-  
 maneret: horum ego coniecturam haud facile fuisset se-  
 quutus ( mentes quippe scribentium benignius interpre-  
 tandæ) nisi non coniecturam, sed rem certam & manifestâ  
 id esse tutemet alibi non obscure indicasses. quod vbi co-  
 ventum fuerit, faxo omnibus innotescat.

Lib. 4. cap. penul.

C A P V T V I.

**Q**Uæ reliquæ sunt apud te Regum exigendorum cau-  
 sæ, eas ego leuius percurrere decreui, quod quate-  
 nus ad ius Principum vniuersè spectant, vnâ illis  
 rationem opposuisse iam sat est. *Regem videlicet nullo hu-  
 mano iudicio subiectum esse.* quâ verò ad Henrici III. Regis  
 personam referuntur, non nisi miras merasque calumnias  
 esse plerisque notius est, quàm in quo refutando magno-  
 pere sit elaborandum. Nam nec hæreticum eum fuisse, nec  
 fautorem hæreticorum, quamuis & eos tolerare & neces-  
 saria ipsorum opera vt hominum sibi iure gentium subdi-  
 torum vt interdum volens nolens, vt dicitur, coactus sit,  
 multo pluribus & certioribus argumentis colligi potest,  
 quàm sunt illa, quibus in contrarium niteris, obscura, fal-  
 sa, fallacia, & longè perita indicia. Fuit mihi cû Patre Clau-  
 dio Matthæo antiqua olim amicitia & intima familiaritas:  
 qui Regem illum, si quis alius, intus, vt aiunt, & in cute no-  
 uerat: quippe cuius consuetudine Rex aliquandiu plurimû  
 delectabatur, ita vt ei in Luparam ad se vocato cellulâ pro-  
 pe suum cimeliarchium componi fecerit, quo facilius die  
 nocteque eius, vbi libitum esset, opera & consilio vteretur.  
 Is mihi de Regis & religione & moribus familiariter perco-  
 ranti ( solebat enim mentem mihi planius aperire, atque  
 arcana etiam committere, quæ propter conductum nulli  
 vnquam illo viuo reuelauit ) respondit, nihil illo melius, si  
 ingenium ab aulicis quibusdam non corrumpere: est  
 enim ad voluptates, quas ei otium & opes regiæ sub-  
 ministrant, paulò procliuior, sed mox commissi pœni-  
 tens magno deuotionis feruore ad se reuertitur: itaque  
 quod ego ædificare in eo nitor, id illi eius aulici conantur  
 destruere: vis dicam? vir bonus mihi videtur, sed non æ-  
 què Rex: quia cû nimium religiosus esse studet, torul-  
 que deuotioni & precibus incumbit, hoc ipso regni pro-  
 curationem & curam, quæ non monachali contempla-  
 tione, sed Principis magnanimi & rebus agendis dediti  
 soli-

solicitudine absoluitur, nonnihil negligere videtur: eo-  
que fit vt ipso in spiritualibus occupato Resp. exiis quæ in  
ea peccantur detrimentum capiat. Hæc ille, qui si aut hæ-  
reticum eum, aut hæreticorum fautorem esse vel minima  
suspensione suboluisset, ne id quidem eo tempore, multus  
quippe inter nos de hæresi & hæreticis sermo erat, vnquã  
reticuisse.

Sed ingentis profectò temeritatis, vel potius extremæ  
dementiæ fuisse videtur, te ad tantorum criminum in tan-  
to Rege accusationem procedere nullis certis & indubi-  
tatis testimoniis instructum, nullaque alia re adiutum,  
præterquam coniecturis, & dubiæ fidei indiciis quibusdã,  
quæ ad victoriam in eiusmodi negotio nihil valent. Neq;  
enim satis est in ea re *autòs & pax* siue *Nostre Maître Monsieur*  
*Boucherel'* a dit. Nam si accusare tantum sufficit quis innocens  
erit? eoque prudenter cautum est ne quis per scriptum ac-  
cusare vel accusari, nisi præsens sit, possit <sup>1</sup> Sed quoniam,  
vt præmonui iam sæpius, insti. titi mei non est integram  
pro hoc Rege apologiam contexere, quem totus vitæ cur-  
sus atque ex. tus hæreseos suspensione liberat, sat habeo tu-  
am in eo infamando malignitatem ex indiciis aliquot à te  
productis breuiter demonstrare.

1. 3. quæst. 9. can.  
absente & can.  
qui accusare.

## CAPUT VII.

**B**OUCHER <sup>2</sup>. Sed apertissimè id docuit, scilicet Henricu <sup>2</sup> Lib. 2. ca. 16;  
hæretici. fauere, toties hæreticis, cū propè exanimis essent,  
& facile vinci possent, facta pax, dataque inducia, vt fortiq-  
res scilicet exurgere, ac religioni Catholica negotium facessere va-  
lidius possent.

Hæc illa cæca inuidia est, quæ, vt ait Liuius <sup>3</sup>, nihil a- <sup>3</sup> Lib. 34;  
liud scit quàm detrectare virtutes, corrumpere honores & præ-  
mia earum: hæc inquam illa est, quæ te omnes huius Rē-  
gis actiones tam bonas quàm malas ad eius ignominiam  
conuertere & pertrahere calumniosa interpretatione fa-  
cit. Neque enim hæ pacis induciarumque conuentio-  
nes cum hæreticis factæ, apertissimè, vt tu dicis, imò ne  
apertè quidem docent Regem illum fautorem hæretico-  
rum fuisse: sed potius eum tunc fuisse regni & Reipublicæ  
statum, vt ferre amplius tam diuturnum, atrox & cruetum  
ciuile bellum non posset: atque ita eum tempore necessa-  
rio pacem cum hæreticis, non tam illis quam Catholicis,  
atq; ad eò toti regno utilem & accommodam fecisse. An non

Carolus



Carolus IX. huius frater, hæreticis semper infensissimus, magis noxia regno & religioni Catholicæ pacta cum illis inire aliquando coactus est? An non Carolus. V. Imperator, vt turbatam in Germania religionis ergo Rempub. sedaret iniquiores pacis conditiones cum hæreticis pepigit, quam vnquam Henricus. III. in Gallia? Quod Cæsaris factum licet multis viris Catholicis displiceret, nemo id tamen, vt tu nunc facis, in eius vituperium interpretatus est: vel gratiæ & fauori hæreticorum potius quàm Imperiali prudentiæ, & curæ de statu Reipub. id tribuit. Et verò tu Dei legē licenter nimis & intemperanter violare videris, qui cogitationes hominum in deteriorem partem interpretaris: & cùm à pluribus regni curis consiliisque remotus sis, de gestis à Rege quo animo facta sint, quasi consilii eius particeps & cogitationum omnium conscius, iudicium profers. Nam tuum illud, *vt: propositi & voluntatis regiæ scopum & finem vltimum designat. An nescis ea facta que dubium est quo animo fiant, in meliorem partem esse interpretanda*<sup>2</sup>. Multi priuati homines, dum consilia ex euentu æstimant, facta Principum calumniantur, quibus si status Reipub. æquè ac ipsis Principibus cognitus esset eorūque intentio, laudarent profectò facta potius quàm vituperarent. Sed vt valenti & bene sano nullum est ouo melius nutrimentum, & contra nihil quod stomacho malè affecto citius corrumpatur: ita laudes Principum licet viris bene moratis & pacis amantibus suauissimæ & saluberrimæ sint, in liuidis tamen & seditiosis animis foetent statim & obsorescunt.

**BOUCHER** 3. *Apertius illud rursum, quod libertinis, hæreticis, imò atheis honoratissima quaque officia, præfectura, dignitates in militia, in Senatu, in interiori ac secretiori Regis consilio concessa sunt.*

Hoc nihil nisi manifestam calumniam esse, non solum Franci omnes sed exteræ etiam nationes probè norunt. Id enim vel inimici ipsius fatentur, obseruasse eum semper ne vlli apertè hæreseos notato officia & dignitates, siue publica regni negotia domi, forisue, pace, inquam, vel bello administranda committeret. Sed tibi nimirum hæretici, libertini, politici, athei, imò monstra & tetra belluæ erant Episcopi, prædicatores, sacerdotes, seculares, & generaliter omnes qui in debita Regi suo fide, obsequioque permanebant. Hic tibi perpetuus in scribendo mos est, vt vi-

1 Surius in  
Comment. an-  
ni. 1548.

2 cap. 2. de reg.  
iur. lib. 5. Decret.  
1. semper in du-  
biis D. de reg.  
iur.

3 ibidem.

ros probos infamibus maledictis proscindas: quo nescio an vllum in Christiano pectore vitium maius. Nemo nescit illustrissimum Ducem Spernonium, & viuo & mortuo Rege Henrico fidem semper Catholicam esse professum, vt & etiamnum constanter & egregiè profitetur esseque Principem magnis animi dotibus ornatum, & pace belloque vtilissimum. Id eius in rebus aduersis iuxta ac secundis præclara animi moderatio, magnanimitas, & prudentia toti Gallix adedè testatum & probatum iam fecit. vt ipsimet olim eius inimici, qui non vt tu maledicè mendaces sunt meritis eum nunc laudibus efferant, & amicissimè complectantur. At quãta illa à te iniuria? pudet proloqui: tã est infame mendacium, & sacerdote in illustrissimū virū indigna exprobratio. At dicere oportet. ais ergo <sup>1</sup>, *Sed* <sup>2</sup> *ibidem*. *legatio Spernonii, qua bellua nihil terra vidit impurius.* Bellua tibi Dux Spernonius est, quia tecum belluina voce alios ad seditionem & rebellionem concitante non consensit. Par quoque in eo imprudentia est, quod de venerando & verè Catholico Antistite Cænomanensi mendacissimè confinxisti <sup>2</sup>. Sed enim malus hic tibi mos est, omnes illustres familias, quæ furibundis tuis conatibus non fauerunt, venenato linguæ stimulo compungere, omniaq; de illis mala, odio magis quam ex fide, prædicare. Ex his lector periculum facere potest, quantum linguæ rabie in alios valeas ac planè intelligere nullam tibi fidem habendam esse in iis quæ de Rege defuncto scribis: quisquis enim manifestis mēdacii viuetes infamat, is virus acerbitalis suæ in mortuos pari impudentia euomere non verebitur. Quod si regnante Henrico nonnulli hæresis contagione infecti muneris publici partes aliquas capessiebant, id non Regi, sed hominum illorum impietati & perfidiæ imputandum, qui aliud clausum in pectore, aliud in lingua promptum habebant <sup>3</sup>: <sup>3</sup> *Salust. in Cat.* & fidem fronte, seu verius perfidiam simulando dissimulandoque contegebant. <sup>4</sup> *ibidem*.

**BOUCHER 4.** *Bibliopolas, qui Catholicos libros vendebant, flagris per suos illos ad quiduis paratos iudices cecidit, Angliū Catholicum, qui persecutiones Anglicanas excuderat, in vincula coniecit. Qui autem libros contra Papam scripserant, & eos vendebant, fouit, aluit, & protexit.*

Istis more tuo, id est calumniosè, Regem exagitas. Nemo vnquam ab illo Rege, quodd Catholicos libros venderet, per yllos iudices aut ministros vapulauit, nisi forte Catholicos

tholicos libros intelligas tuis istis similes, famosos scilicet libellos, quorum plures tunc spargi in vulgus à nefariis quibusdam Reipub. bustis & incendiariis, ac typ. scilicet clam mandari cœperant, Regis partim religioni, partim moribus ac dignitati detrahentes: horum neque authores vilo satis digno supplicio affici, neque venditores satis graui multa coerceri potuisse certum est: & hi quidem si pecuniariam pœnam inopia eluserant, virgarum vel fustium ictib. merito secundum leges castigabantur.

De Anglo illo Catholico qui Richardus Verstegan appellatur, est cur gratias tibi habeam, quod eius mihi memoriam refricasti. Ille enim non iudicium nobis præbet oculi fauoris Henrici Regis in hæreticos, sed planè in contrarium certo & indubitato testimonio esse potest. Nā licet conquerente apud Regem legato Angliæ atrocem dominæ suæ iniuriam atque ignominiam à quodam suo subdito Parisiis factam, atque enixius postulante vt capere eum ac dedit sibi iuberet in Angliam remittendum, Anglus ille, dum de causâ cognosceretur in carcerem coniectus fuerit: nunquam tamen efficere potuit Regina Angliæ, vel per literas vel per legatos vt eum sibi à Rege traditum in suam ditionem ac potestatem reciperet. Quinimò Rex ubi causæ merita didicerat, & nouorum præterea atque horrendorum suppliciorum varia genera ex typis ad se allatis conspexisset, solui hominem carcere, & quo veller abire iussit: adeo vt liber latusque in quotidiano Anglicani legati conspectu Parisiis diu versaretur: quemadmodum eius gentis vir pius & Ecclesiasticus, qui aderat cum alter caperetur, & egregiam ei liberando operam nauauit, cum saepe mihi alias, tum eo ipso die quo hæc scripsi, retulit: addiditque Regem, dum singulas varii generis tormentorum effigies oculis & animo collustraret, barbaram illam crudelitatem execratum dixisse sæpius, *Voilà une mauuaise femme, voilà une cruelle femme. ô la grande cruaulte.* Si hæreticis fauebat, vt tu scribis, quid ei impedimēto fuit quo minus hunc priuatum & obscurum hominem laicum religionis ergo exuantem, Regina Angliæ id sæpius per legatum flagitanti non dediderit? an non per illos ipsos iudices (quos tu ad quiduis paratos fuisse ais) eum vel clam tradere potuisset, per quos, si vera narras, bibliopolas ob Catholicos libros venditos palam flagellauit? præsertim cum te authore, tantus ei erga Reginam illam amor fue-

Id est, ecce mi-  
lam mulierem.  
ecce mulierem  
crudelē. ô ma-  
gnam scitiam.

*femme, voilà une cruelle femme. ô la grande cruaulte.* Si hæreticis fauebat, vt tu scribis, quid ei impedimēto fuit quo minus hunc priuatum & obscurum hominem laicum religionis ergo exuantem, Regina Angliæ id sæpius per legatum flagitanti non dediderit? an non per illos ipsos iudices (quos tu ad quiduis paratos fuisse ais) eum vel clam tradere potuisset, per quos, si vera narras, bibliopolas ob Catholicos libros venditos palam flagellauit? præsertim cum te authore, tantus ei erga Reginam illam amor fue-

rit, ut eam *bonam suam sororem* vocaret. At vereor ut *bonam* de tuo sit: sororem quidem si publicis fœderis vel induciarum instrumentis eam appellauit, nihil mirum: fratris enim aut sororis commune Principum inter se, quâ Principes sunt, nomen est. Nihil itaque hoc argumento efficacius ad remouendam ab illo Rege omnem occulti fauoris in hæreticos suspicionem, quib. si vel minimum bene cupiisset, miser ille Verstegan è carcere ad earnifices fuisset traductus.

Quod de iis qui libros contra Papam scripserunt tradis, id omni caret verisimilitudine: tum propter magnam eius erga Dei vicarium obseruantiam, tum etiam ob priuata cum summo Pontifice Sixto V. amicitiam: quarum alterutra per se calumniam illam refutare potis est.

Denique non fauisse illum hæreticis id indicat, quòd ubi rescituit Metenses hæreticos templum pestilenti suæ synagogæ construxisse, & (ut est semper id genus hominū audax, inuidum, & arrogans) ei nomen indidisse *Crenecaur*, id est Cordolium, subaudiebant enim Catholicorum: statim publico decreto inhiuit ne vlla ibi ab hæreticis concio conuentioue fieret, claudique & obserari domus illius ianuas fecit, ne aut ingredi quisquam aut egredi inde posset. Quæ restanto Catholicos gaudio affecit, tantumque hæreticis mærorem & luctum attulit, ut exinde nomen illud, *Crenecaur*, quasi diuinitus initid impositum, ad ludibrium & irrisionem Hugonotorum cōuersum sit: ab eo enim tempore procul extra urbem in loco qui ab omni memoria *Lasosse aux serpents*, id est, fossa serpentum, nomine rebus in eo gestis conuenientissimo, est appellatus, diabolica sua cōuenticula celebrarunt. Quid multis? tantum ille hæreticis fauebat, ut si in hūc diem vixisset, viz vllum nunc Gallia haberet hæreticum.

#### C A P. VIII.

**L**euiora sunt quibus eū hæreticum fuisse contendis <sup>Lib. 1. cap. 10</sup>, & magna ex parte vsque adeo friuola, inepra, ridicula & absurda, ut ea referre nonnihil pigeat: cuiusmodi illa sunt quæ de eius coronatione & vñctione scribis, quod interea puellis aulicis arisist, quod, *Caroli Magni corona, capiti eius imposita, parum firmiter habet, & quin caderet parum absuit. Quod è pulpiro descendenti (quo Regem vestimentis regalibus indutum ascendere moris est) res vel*  
quatuor



quatuor gradus una prolapsione desilire, ac prope omnino corruere contigerit. Quod vetustum Christianissimorum Regum, nouendialis post consecrationem ad sanctum Marculphum deuotionis (ubi creditur virtus scropharum, dicendum scrofularum, morbum sanandi Regibus nostris insigni priuilegio dari) morem ipse neglexit, postridie scilicet unctionis matrimonio iunctus, tripudis ac deliciis omnis generis intectus. Vnde factum, ut scrophas ab eo non curari, & qui ab eo tanguntur, minimè sanari passim dicantur.

1 Eginhartus in  
eius vita.

2 glos. in pro-  
cem. reg. Cancel.  
Nouisa in sylu.  
nupt. vide Re-  
bus. to. 2. tract. vt  
benefic. ante va-  
cat, num. 9. & 10.

3 Plutarch. in  
Marcol.

Digna scilicet homine docto ad conuincendum hære-  
seos Regem Christianissimum indicia. ecquis mortalium  
istas sine risu ineptias exciperet? Corona Caroli Magni nō  
satis firmiter hæsit capiti Henrici. III. ergo signum est eum  
fuisse hæreticum. mala consequentia. signum quidem est  
non fuisse eum tam grandi capite atque Carolum: nam  
hunc quidem non solum virtute & rebus gestis, sed etiam  
mole & statura corporis magnum fuisse tradunt <sup>1</sup>. Risisse  
autem præ gaudio quid mirum, cum se in tam pulchri &  
florentis imperii fastigio collocatum & confirmatum sen-  
serit? humanum id est, & omnium ferè commune, aduen-  
tantem fortunam secundam cum lætitia & aliqua animi  
effusione complecti. Qua de causa prudentibus visum est,  
donationes à Rege tempore coronationis, vel signaturas  
à Papa recens creato factas non valere <sup>2</sup> quòd sint tunc vel-  
ut nimio gaudio inebriati & extra mentem constituti: at-  
que ita quicquid eo tempore concedunt, id non tam im-  
petratum ab illis quam extortum esse censetur. Regē Hen-  
ricum de pulpito descendente labi contigit: propterea  
ne hæreticus? apage istas aniles & plusquam ethnicas su-  
perstitiones. Si tibi de suggesto descendentem labi contigit: propterea  
docturum colligetur? Si antiquis temporibus vixisses, o-  
mnes vt arbitror, in augurio & haruspicina superasses:  
multoque magis superstitiosus ominator fuisses, quàm qui  
Flaminio Magistro Equitum quòd stridor foricis auditus  
erat, magistratum, vel Q. Sulpitio quòd immolanti apex  
quem Flamen gestare solet de capite deciderat, sacerdoti-  
um abrogarunt <sup>3</sup>, talium profectò, omnium obseruatio-  
nes cum omnibus Christianis, tum ordinis & professionis  
tunc hominibus sunt indignissimæ. Quod autè ad strumas  
siue scrofulas attinet, quas perperam scrophas vocas, satis  
constat multos eo morbo laborantes ab illo Rege fuisse  
sapa-

sanatos: & egomet ipse vidi, cum essem in Gallia, puellam Bituricensem ex honestissima eius ciuitatis familia, cui morbus ille grauiter infederat, Regis contactu liberatam.

Sunt quidem tua hæc valde ridicula, nec minus etiam quæ sequuntur, licet maiori malitiæ adiuncta.

*Amplius est*, inquis, *quod se omnino lege superiorem facit, nec se lege teneri putat.*

Si Henticus ob eam rem hæreticus est, hæreticus etiam D. Ambrosius qui id ipsum non vno in loco disertè tradit: hæretici & omnes antiqui Patres Theologi, Iurisperiti, cæterique prudentes. quia hoc idem cum Henrico putarunt: & verò nihil hac Regis Hentici sententia verius rectiusque dici potest, vt luce iam clarius probatum est. Desine verba captare, id enim in re seria impium est & inciuile, ac quod quidque sensu dictum est perpende. Tu prædicatores alios qui in tua iurati verba non erant, *verborum aucupes*, & *ad gratiam loqui paratos* vocas<sup>1</sup>, at neminem ego vnquam vidi tam aucupem & captatorem verborum, atque in sinistram sensum detortorem, ac te. Quod ne quis me per calumniam tibi affingere suspicetur, ex innumeris quæ sparsim operi tuo insunt, paucula quædam loca ad id quod agimus pertinentia recitabo.

<sup>1</sup> dict. li. 2. c. 20.

BOUCHER<sup>2</sup>. *Simile est id scilicet hæreseos signum*<sup>2</sup> *Ibidem.*  
*quod Ecclesiastici ministerii iugum à se excurit, ac plexam sibi in eum (non video quo ista relatio, si bona latinitas est) eiusque bona potestatem usurpat. Denique se Clerici caput manifestè in eo constituit, quod Clerum suum (Clerum enim Gallicanum, vel regni dicere debuerat) iis verbis, vos Clerus meus, publica in comitiis Blesensibus oratione, quæ est typis mandata prostat, iterum est sapius dicere non erubuit. Quem errorem quod ei auget, pileum ab eo Cardinalibus (quod ab Ecclesia sola fieri debuerat) imponi, ceremonias Ecclesia, vt ab altero Ozia, institui, indices ecclesiasticos commutari, aliâque eiusmodi est inuiti vidimus, & sanè indolui-*

O præclarum commentum, & glossam Aurelianam, vt dicitur. An hoc non est captare & aucupari verba? Sed vnde tibi, quæso, ista interpretatio? quia dixit, Clerus meus, inquis. Ergo verba hæc per se illam nobis animi notionem manifestè repræsentant, quod si ita est, Daniel se totius gentis Hebræorum caput in eo manifestè constituit, quod eam gentem suam siue populum suum vocauit: cum confiterer, inquit, *peccata mea & populi mei*<sup>3</sup>. & Boos constituit se

<sup>3</sup> Daniel. 9.

1 Ruth. 4.

manifestè caput omnium Bethlehemitarum, quia dixit, *ceteram cunctis sedentibus, & maioribus natu de populo meo*<sup>1</sup>. Non minus verum est quàm vetus & vulgare, verba secundum materiæ subiectæ rationem debere intelligi: duâsq; habere ansas, vt ait Epietetus, vnâ integram qua & apprehendi & retineri sine periculo possunt: alteram verò attritam & ruptam, qua quicquid comprehensum est decedit distumpiturque. Hac tu perpetuò Henrici Regis sermones excipis: licuit illi dicere, vel te ipso formulam præeunte, *Clerum Gallicanum, vel regni Gallia*. Cur ergo, cùm Rex sit regni caput & maritus Reip. vt docet Lucas de Penna, non licuit ei dicere, *Vos Clerus meus*, quod si, vt debet, hoc modo intelligatur, *Clerus regni mei*, optimus sensus & solida atque integra ansa est: sin malitiosam interpretationem, vt hoc loco, adhibeas, nihil nisi fractam ansam apprehendes.

2 Can. præter. §. verum vbi. gl. 32. dist. gl. in can. bene. in verb. laico. § 6. dist.

3 in can. Memn.

2. q. 4.

4 lib. 4.

Quod de pileo Cardinalibus imposito refers, id nihil quicquam Regis illius vel famæ & existimationi, vel dignitati detrahit: quin planè contrà integritatis, fidei, religionis, & pietatis locuples testimonium præbet, quòd tanto spiritualis ministerii officio dignus fuerit habitus. Atque hic quidem non in Regem, qui volente Papa id fecit, sed in ipsum Papam, qui id muneris Regi commisit, inucheris. Notum est Papam talia laicis mandare posse<sup>2</sup>. Quid si Episcopum aliquem vidisses purgationem canonicam mandatu Papæ coram Rege iudice facientem? Nam & id quoque laico mandari potest, cùm sit iurisdictionis, quanto te eius rei aspectus dolore cruciasset? Dixisses, credo, quod olim glossator deceptus<sup>3</sup>, *nimum papaliter esse dispensatum*. Antiqua hæc est calumniandi astutia, vt docet Polybius<sup>4</sup> ea hominibus facta vitio vertere, quæ laudi & honori tribuenda sunt, & famæ ac commodis hominum laudando insidiari. Desine ergo vel delegationem illam à summo Pontifice factam sugillare, vel gesta Regis in suscepto mandato calumniari. Nam si inde tibi opimum aliquod cum galero Cardinalitio beneficium, Rege tribuente, obuenisset, nō amplius quidem indoluisses: & totus ille feruor, imò furor, quo Regem hunc insectaris protinus conticuisset, sed quia nigra erant noluisti: si tamen famæ fides est, nihil enim præter auditum habeo, Episcopatus sæpe ambiisti, sæpèque repulsam passus es. Atque ex hoc vno quidem quantum in struendis calumniis valeas, tanquam leo ex vnguibus, deprehendi potest.

**A** Beuntem hinc me atque aliò festinantem tuæ quædam adhuc eiusdem generis calumniæ retraxerunt, ac, ne se iniuste præteritas iure conquererentur, sistere non nihil cøegerunt.

**BOUCHER** <sup>1</sup>. *Hic asserit quod se dominum non rerum, sed rerum tantum, & personarum esse credit. Quippe hominibus reprobrans quod viuunt, quodq; aliquid possident, quasi id eius beneficio singulis concessum sit. Homines etiam calculis similes esse dicens quos ut qui computat nunc mille nunc decem millia valere facit, ita penes Regem esse, ut quemcunq; vo'uerit de alieno ditet, vel pauperem faciat, & sibi persuasum omnitus esse cupit. Quatuor videlicet in vno simul peccans. Primum quod nos veluti mancipia in Regis possessione esse, non verò liberos natos esse putat, quod planè Turcicum est. Alterum quod nihil à quoquam vult ut proprium possideri, quod est etiam Valdesianum. Tertiū quod se Christo equalem, qui Dominus in Scriptura & Symbolo regit, & ex hoc sine ut exponit Ecclesia, solus Dominus est facit. Quartum denique, quod nulla meriti cuiusquam habitatio ratione, prout affectus sine iudicio, sine ratione impulerit, honores, diuitias, principatus distribuere se posse credit, quod nec Christus qui omnium Dominus est, facit, qui dat unicuique secundum opera sua.*

Qui in aliorum peccatis diiudicandis tam lyncæus es, vide ne illud Saluatoris in te conueniat <sup>2</sup>. Hypocrita eice primum trabem de oculo tuo, & tunc videbis eicere festucā de oculo fratris tui. Nam dum quadruplex, ut tibi videtur, in vna huius Regis sententia erratum cernis: quinquies vel sexies à te peccatum in illa eadem sententia recitanda & interpretanda non animaduertis. En istas igitur oculis tuis trabes euellam, efficiamque ut, nisi planè cæcus sis, Regem peccati immunem in hac re cernas. Sed primum abs te peto, qui scisti eum credere se esse dominum non rerum cuiusque tantum sed & personarum? quis hoc tibi dixit? an ipsemet tibi narrauit, anie aliunde colligis? An tantam intelligentiæ vim nactus es, ut ex habitu cuiusq; statim quid animi habeat cognoscas: aut simili sine factus es Doctoris Nelli de Gabrielis de Eugubio q̄ intelligebat ad mortuū labiorum licet nō audiebat omnino, ut ait Bartholus <sup>3</sup>. Si ipse aut alius tibi dixit, cur nō laudas authorē? Nam autis & ꝑa iam explosimus. Nec. n. satis firma consequentia, Boucherius id scribit, ergo est verū. Vnius testimoniū ne in



I. iurifurandi:  
C. de testib.

leuioribus quidem causis si leuē facit<sup>1</sup>, quanto minus in  
tanti momenti controuersia? Possum vno verbo respon-  
dere, hoc quicquid est non ab illo dictum, sed à te confi-  
ctum esse. Sed quia res in longum abiret si coniecturis, ar-  
gumentis, testimoniisque, in statu inficiali digladiaremur,  
concedam tibi libenter principium istud, à quo tanquam  
ex fonte canosos tuos riuulos perperam deriuasti. Concede-  
dam tibi, inquam, Regem credidisse *se dominum non rerum  
cuiusque tantum, sed & personarum*, ac verè illum rectè que in  
eo sensisse certissima ratione patefaciam: teque aded mali-  
tiosa interpretatione, verborum aucupio, & captiosis ac vi-  
tiosis collectionibus, quatuor ista peccata quæ subiicis in-  
de deducere. Quod vt lector distinctius planiusque intelli-  
gat, superiora ista rursus à capite singillatim arcessenda &  
executienda sunt.

Rex Henricus. *Credit se esse dominum non rerum cuiusque  
tantum, sed & personarum*,  
rectè quidem, est enim verissimum, & ita omnes Reges cre-  
dere debent, eo enim sit vt in maiorem curam & cogitatio-  
nem regni conseruandi incumbant, quòd se rerum in eo &  
personarum dominos esse norunt. Huic Regis sententiæ  
tu subiicis;

*Quippe hominibus exprobrans quod uiuant, quodq; aliquid possi-  
deant, quasi id eius beneficio singulis concessum sit.*

Nihil minus: vitiosa hæc tua interpretatio est, & attrita  
ansa qua Regis sermonem excepisti: apprehende bonam,  
& bonum sensum inuenies. Esse dominum vel esse seruum  
ambigua orationes sunt, ac proinde in illis significatio ac-  
cipienda est quæ vitio caret, semperque benignius inter-  
pretandæ, ne vitiosus inde aliquis resulet intellectus, tu  
autem hæc Regis Henrici verba nimis peruersè aucuparis:  
incertum malitiæ an ignorantia in istum te errorem cõ-  
pulit. Scito igitur seruitutis tria esse genera (vt Stoici teste  
Diogene Laertio rectè definierunt) Vnum quo homines a-  
lieno dominio contra naturam subiiciuntur, vt mancipia  
& vernæ, quam Stoici seruitutem *ἐν κτήρει* dixerunt. Alte-  
rum, quo admittitur alicui libertas viuendi vt velit, quod *ἐν  
πρωτῷ αὐτονομῶν* vocant, veluti cùm liber homo carcere  
concluditur. Tertium denique seruitutis genus, quod con-  
sistit *ἐν νόμῳ* & quo continentur mercenarii, vassalli, cliē-  
tes, & omnes omnino quos communi nomine subditos si-  
ue subiectos vocamus. Totidem ergo cùm sint significati-  
ones

ones & species dominationis & dominorum quot seruitutis & seruorum, cum sint relata, cur tu illam domini significationem quæ nec Regis (vt verisimile est) intentioni, nec regie dominationis rationi conuenit, contra iuris præceptum contraque æquitatis normam, vt proferenti calumniam struas tam temerè & audacter amplexus es? Si verum est, vt est verissimum, Vassallos, clientes, & omnes omnino regnicolas Regis seruos aliqua ratione dici posse, nõne verum est eorum dominum Regem esse? & si est, cur nõ debet credere se talem esse? Certè cum hanc Regis tui sententiam reprehendisti in scitia vt dixi, vel malitia te comitatũ fuisse necesse est. Sequitur,

*Homines etiam calculis similes esse dicens, quos vt qui computat nunc mille nunc decem millia valere facit, ita penes Regem esse, vt quemcunq; voluerit de alieno ditet, vel pauperem faciat, & sibi persuasum & omnibus esse cupit.*

Verbum, de alieno, a te profectum adiectumque esse appareret, eoque expuncto nihil inerit vitii: Rex quein vult, attollit, vel deprimit, ac de suo non de alieno ditat vel depauperat: totumque hoc non Henrici Regis sententia, sed antiquum apophthegma est, vt supra hoc libro ostendimus <sup>1</sup>, 1 cap. 4. ipsumque verissimum esse tam sacra Historia quam regnorum omniũ annales vsu rerum & experientia demonstrant. Aman summus à Rege coactus est pauperem Mardocheũ induere vestibus regis, atque in equo, *qui de sella Regis erat*, sedentem præcedere per plateas ciuitatis & clamare, *hoc honore condignus est, quemcunq; Rex voluerit honorare* <sup>2</sup>. Tem- 2 Estere. 6. pus me deficeret si omnium seculorum exempla, quæ sunt prope infinita recenserem, itaque pergamus.

*Quatuor videlicet in vno simul peccans.*

Imò ne vnum quidem.

*Primum quod nos veluti mancipia in Regis possessione esse, non verò liberos natos esse putat.*

Quis te hoc docuit? neque enim ex verbis & sermone Regis id rectè colligitur, neque ipsemet aliàs vt arbitror id tibi secretò indicauit. Iam ostendi seruitutem de qua ille loquitur nõ ex *κρίσις*, & possessione, sed in hypotaxi siue subordinatione quadam consistere: quo modo non solum Reges & Principes qui alienam dominationem non agnoscunt, sed etiam Duces, Comites, Barones, & alii quotquot feudi dandi ius habent, Vassallorum & Clientum suorum domi- 3 Passim in li-  
ni & sunt & dicuntur <sup>3</sup>. Præcipuè verò Reges, qui ob supre- bris feudorum.

mun in omnes imperium vocatur semper domini in Scriptur s, quoties ex subditis eos aliquis alloquitur, ipsique subditi quantacunque præditi potestate, se Regis seruos esse passim in sacra historia, ingenuè agnoscunt & palam ac sponte profitentur. Qua ratione Achimelech sacerdos seipsum ac Dauidem Regis Saulis seruos non semel atque iterum vocat<sup>1</sup>. Sic de Hanone Rege filiorum Ammon scriptum est. *Dixerunt Principes filiorum Ammon ad Hanon dominum suum*<sup>2</sup>. Plena sunt exemplorū sacra monumenta, quibus perspicuè docemur, Domini nomen aptissimè Regib. conuenire, aded vt nec humillimus Rex Dauid id vnquam nominis recutasse legatur, seruosque Regis esse omnes qui eius ditioni atque imperio subiciuntur: sed ea tamen seruitute quam nos tertio loco proposuimus. Atque hic loquendi modus quo Rex dominus, vassalli serui dicuntur, Francis quidem nec recens nec insolens est. Itaque VVilhermus Aquitaniæ Dux Ludouicum Crassum per legatos sic fertur alloquutus *Dux tuus Aquitania, domine Rex, multe te salute omniq. optat potiri honore: non dedignetur regia maiestatis celsitudo, Ducus Aquitania seruitium suscipere, ius suum ei cōseruare: quia sicut iustitia exigit seruitium, sic & iustū exigit dominium*<sup>3</sup>. Quid multis? Gerardus Niger, Obertus de Orto, & alii iuris feudorū collectores atq; interpretes, seruire vassallū domino debere vbiq; testantur. Sed reliqua videamus.

*Alterum quod nihil à quoquam vult vt proprium possideri.*

Hoc in superioris calumniæ refutatione iam satis enervatum est, regia enim dominatio nihil prohibet quo minus suum quisque vt proprium possideat: cum Rex subditis nō vt mancipiis, sed vt vassallis, dominetur, quicquid tamen subditi possident, à Rege possident: quoniam periura Regum possidentur possessiones, teste Augustino<sup>4</sup>.

Hinc est apud Scotos, quo populo nullus vnquam in clientela Regum vixit liberius, quæ sequitur vetustissima regni lex<sup>5</sup>.

*Nemo fundum, pradium, agrum, alia quàm Regis auctoritate possideto.*

Et tamen quique interea illic, Principes, Comites, Barones, cæteri que & Nobiles & Plebei, agros & res alias, vt suas proprias, iure Domini sub Rege possident.

*Tertium quod se Christo aequalem, qui Dominus in Scripturis & Syr.  $\text{ܠܗܐ ܕܥܠܐ}$  iēoxlō siue vt exponit Ecclesia, solus Dominus est, facit. Magno utique errore & intolerabili, cum ex quatuor qua*

*Chri-*

<sup>1</sup> 1. Reg. 22.

<sup>2</sup> 2. Reg. 10.

<sup>3</sup> Historia ad Aimoinum addita li. 5. c. 49.

<sup>4</sup> Tract. 6. in c. 1. Joan. & refertur dist. 8. can. quo iure.

<sup>5</sup> Hest. Boet. li. 2. hist. Scot.

*Christo conueniant, quod Deus, quod Dominus, quod Pontifex, quod Rex, ut duorum postremorum functionem solam hominibus communicat, ita duorum priorum, quod Deus Dominus, ne atomum concedit quidem.*

Quid agis, Boucheri. vigilasne an dormis? ubi tuum iudicium, ubi Theologia? Si nemo nisi Christus appellari dominus potest, cur sanctus Dauid se toties dominum vocari passus est? cur tu dominum te in congressionibus & salutationibus vocari sinis? Si Christus Dei nomen cum hominibus non communicat, quid est quod dicitur <sup>1</sup> *Vos dii estis* <sup>1</sup> Psal. 81. & *filii excelsi omnes*, & iterum *Deus stetit in Synagoga Deorum*, & alibi, *ecce constitui te Deum Pharaonis* <sup>2</sup> ? Quin eodem pacto colligis, *solus Deus bonus est*, ergo iniuriam Deo facit qui hominem aliquem dicit esse bonum. Christus dicitur esse *solus sanctus*: ergo tota errat Ecclesia quæ Petrum, Paulum & cæteros Dei seruos sanctos vocat. Solus Deus est, *Ego sum qui sum*, inquit <sup>3</sup>, ergo magnus & intolerabilis error est dicere ligna, lapides aut quid aliud in toto mundo esse: & tamen ita quotidie loquimur, ut & esse homines, & bonos ac sanctos esse, & Dominos esse dicamus: totus itaque mundus, excepto solo Boucherio, in magno & intolerabili errore versatur. At dices, non ita sunt ut Deus, nec domini & sancti vocantur ut Christus, sed per similitudinem, propter quandam communicationem & participationem earum rerum immensa Dei omnipotentis beneficentia & largitate factam. hoc ipsum & ego dico, atque inde colligo Reges nullam Christo iniuriam facere, nulloque errore duci, dum humano more dominos & rerum & personarum se esse dicunt. Nam ut ait D Hieronymus <sup>4</sup>, Domini nomen <sup>4</sup> in Ezech. c. 6. omnibus superioribus tribui solet. Sed tu qui magnus Catholicæ religionis assertor videri cupis, vide sis quæso ne tuum te argumentum in hæreticorum nassam, velis nolis, pertrahat. Nam si vlla argumenti tui vis est, Regem scilicet æqualem se Christo facere cum se dominum esse ait, quod Christus in Scripturis & Symbolo solus dominus esse dicatur: effugere non potes, quin eadē ratiocinandi forma concludas, Catholicos æquare sanctos omnes Christo, cum eos intercessores & mediatores pro nobis apud Deū esse dicunt, quia diserte scriptū est ab Apostolo <sup>5</sup>. *Vnus enim Deus, vnus* <sup>5</sup> 1. ad Tim. 2. & *mediator Dei & hominum homo Christus Iesus*. Si vnus homo mediator, non plures homines, non sancti. Sed ut hoc illorū argumentū de mediatore fallax & captiosū est, ita &



illud tuum de domino. An non putas hæreticos *magnum festum facturos* (vt Bartolus noster loquitur) de isto tuo argumento, & sibi cumulatè satisfactum dicturos pro innumeris suis rationibus, quas ad huius noui dogmatis firmitamentum in hoc infami opere tuo ab illis mutuatus es?

*Quartum deniq;* quod nulli meriti cuiusquam habitatio, prout affectus sine iudicio, sine ratione, impulerit, honores, diuitias, principatus distribuere se posse credit, quod nec Christus, qui omnium Dominus est facit, qui dat unicuique secundum opera sua. Nec hic quoque aliquid est quod iure reprehendas, si modò bonam animam apprehendas. Quandoquidem Rex ista quidem omnia facere potest, sed non debet: vt fusillimè ià libro secundo à nobis est explicatum. Nulium igitur in eo peccatum Regis est, quod se talia posse credat: sed tuū potius erratum qui eum quod potest non posse putas. Ad rationem à te allatam respondemus, fallacem & captiosam eam esse propter variationem terminorum (vt loquuntur dialectici) nam cùm de Rege agis, vteris verbo *posse*: cùm de Christo loqueris, illud *posse* in *facere* commutas: atque ita reducta ad Syllogismum ratione tua quatuor inuenientur termini, ex quibus nihil necessaria consequutione concludi potest. Si vis igitur argumento tuo aliquid efficacitatis inesse, ita illud conceptis verbis proponere oportet, *quod nec Christus, qui omnium Dominus est, potest*. At hoc iam non modo falsum esset, sed execrabile, & blasphemix plenum. Ille enim paterfamilias est cui licet quod vult facere, & vni tantum dare vna hora, quantum alii toto die laboranti, cuius enim vult miseretur, quem vult indurat: & voluntati eius quis resistit? Quæ cùm ita sint, ne semel quidem peccasse Regem Henricum in eo quod illum dixisse asseris, te verò in istis ei peccatis impingendis calumniatum sæpius & cauilatum esse constat.

## C A P. X.

**V**Ltimum nunc superest argumentum, quo insignem Regis tu hæresim demonstrari putas: quod tamen necio an in postremum locum reseruasti, vt quæadmodum boni oratores, sub finem orationis quando iudicè relinquunt, ea afferre solent, quæ, vt res exigit, ad motus animorū extinguendos vel inflammandos plurimū valent: ita tu post multa futilia & ridicula, ad extremum ea proponeres quæ non ridere modò, sed cachinnari lectorem faciant.

1 Matth. 20.

2 Rom. c. 9.

ciant. Quæ ego, ne dum imperitis fucum faciunt communi Principum omnium iuri præiudicent, non plena manu, ut dicitur, sed digito tantum quam sint vana & inepta leuiter indicabo.

BOUCHERIVS I. *Sed pene par quoque hæc eius insignis hæresis est, quod Regem regno eiusque ordinis superiorem esse, pro inconcusso fundamento habet. Vnde illa eius vox usque eò frequens, meus status, meum regnum, meus Clerus, mea Nobilitas, mei, subditi. Quodque ille primus in iis veterem Regum in plurali numero loquendi morem immutauit, cum illi, nostrum regnum, nostri subditi, & similia dicere soliti essent.* 1 dist. ca. lib. 2.

Papæ! Actum de Regibus est, nisi præscriptas à Boucherio loquendi formulas maturè sibi comparent. Bartolus à multis iure reprehenditur, quod dixerit <sup>2</sup>. *Et fortè si quis diceret dominum Imperatorem non esse dominum & monarcham totius mundi esset hæreticus: quia diceret cōtra determinationem Ecclesiæ, scilicet contra textum S. Evangelii, dum dicit. Exiit edictum à Casare Augusto ut describeretur vniversus orbis.* Inseruit nimirum Bartolus temporis, atque hoc Imperatorem elogio demereri studuit, sed addidit tamen, forte, quo suam modestius opinionem proferret, seu quod ea de re fluctuabat adhuc animo, seu quod noluit sententiã quam planè falsam sciebat certò affirmare. At contrà, dicere Imperatorem vel Regem esse hæreticum, & hæreticum insignem (nam hoc etiam addidisse Boucherio pulchrum fuit) quia existimat & asserit se esse dominum regni sui, & omnibus regni ordinibus, atque adeò populo vniuerso superiorem, id ita nouum est & insolens, ita, inquam, absolum, absurdum & incredibile, ut non nisi à fatuo & amente profectum videatur. Quis igitur non tales cachinnis nugas exciperet? Si insignis hæresis est, pro inconcusso fundamento habere Regem regno eiusque ordinibus superiorem esse, cedo domine Theologe contra quem fidei articulum peccat? Nunquid Decalogi vel Ecclesiæ præceptis, aut alicui Apostolici symboli particulæ aduersatur? an vllus Scripturæ locus est, qui cū hoc Regis fundamento collatus in speciem saltem vel minimum videatur repugnare? ne vnum quidem ex tam multis inuenies. cum tamen plurima sint quæ eam ipsam sententiam adeo perspicuè & manifestè confirment, ut nihil supra. Si insignis hæresis est, firmiter credere Regem populo siue regni ordinibus superiorem esse: excusari David ab hæresi non potest. Nam ille id ipsum firmissimè credidit: &

<sup>2</sup> in l. hostes n.  
<sup>7</sup> D. de captiu.  
<sup>3</sup> Luc. 2. ca.

1 Psalm. 143.

eo nomine gratias Domino Deo egit <sup>1</sup>. *Protektor meus*, inquit. & *in ipso speravi: qui subdit populum meum sub me*. Sub & super, ut dici solet, opposita ut relata sunt. Aut ergo mentitus David, aut populo superior erat: aut etiam hæreticus, aut hæresis non est existimare Regem populo esse superiorem. Atque eum quidem locum eleganter, ut alia, interpretatur doctissimus GENEBRARDUS, *qui populum prostratum & obediens mihi præbet. gratia Dei subditur populus, qui alioqui novis motibus delectatur*.

2 li. prox. sup.

Nolo rem verbis protrahere, iam enim satis dissolvimus <sup>2</sup> captiones & sophismata, ne dicam imposturas, quibus populum Rege superiorem esse monstrare conatus es. Id tantum abste pete, an vlla vnquam ex historia sacra vel profana didicisti Regem constitutum fuisse sub populo? an non semper super populum constitutus esse dicitur? Conuenientibus ad Samuelem in Ramatha vniuersis maioribus natu Israel & petentibus Regem <sup>3</sup>, consuluit Samuel de ea re Dominum, qui respondit, *vocem eorum audi: veruntamen contestare eos, & prædica eis ius Regis, qui regnaturus est super eos*. quod ubi propheta toti populo annunciaffet eos ab eiusmodi petitione dehortando: omnes propositi tenaces conclamarunt. *Nequaquam: Rex enim erit super nos, & erimus nos quoque sicut omnes gentes: & iudicabit nos Rex noster, & egredietur ante nos, & pugnabit bella nostra pro nobis*. quorum Deus voluntati morem gerens dixit ad Samuelem: *Audi vocem eorum, & constitue super eos Regem*. & paulò post in eadem historia <sup>4</sup>. *Dominus autem reuelauerat auriculam Samuelis ante unam diem quàm venerat Saul dicens: hac ipsa hora, qua nunc est, cras mittam virum ad te de terra Benjamin, & unges eum ducem super populum meum Israel*. quod & fecisse Samuelem hoc modo scriptum est <sup>5</sup>. *Tulit autem Samuel lenticulam olei, & effudit super caput eius, & deosculatus est eum, & ait: ecce unxit te Dominus super hæreditatem suam in Principem*. & iterum congregato toto populo in Galgala ut Regem ibi Saulem facerent <sup>6</sup>: dixit Samuel ad vniuersum Israel. *Ecce audiui vocem vestram iuxta omnia qua locuti estis ad me, & constitui super vos Regem*. & rursum <sup>7</sup>. dixit Samuel ad Saul: *misit Dominus, ut ungerem te in Regem super populum eius Israel*. Sic Dauidem seniores Israel unxerunt in Regem super Israel <sup>8</sup>. & de eius filio dicitur <sup>9</sup>. *Erat autem Rex Salomon regnans super omnem Israel*. & alibi Deus ad Eliã <sup>10</sup> unges Hazael Regem super Syriam & Iehu filium. Nam si unges

Regem

2 2. Reg. 5.

3 1. Reg. 4.

4 1. Reg. 19.

*Regem super Israel.* Quid quod Daniel Nabuchodonosoris somnium interpretans. *Tu Rex Regum es*, inquit, & *Deus celi, regnum, & fortitudinem, & imperium, & gloriam dedit tibi: & omnia in quibus habitant filii hominum, & bestia agri: volucres quoque celi dedit in manu tua, & sub ditione tua uniuersa constituit* <sup>1</sup>. Infinita sunt eiusmodi in sacris literis, <sup>1</sup> Daniel. 2. quæ Reges super populum constitutos esse docent: quæ omnia vno Saluatoris testimonio confirmantur, *Reges gentium dominantur cori*, inquit <sup>2</sup>, siue vt alius Euangelista<sup>3</sup>, <sup>2</sup> Lucæ 22. *qui videntur principari gentibus dominantur eis.* dominari autem superioris semper est, vt & subiici inferioris cui consequens est necessariò quod tu *insignem hæresin* hic vocas nempe *Regem regno eiusque ordinibus superiorem esse.* Ordines enim illi dum conueniunt, licet, vt tu scribis <sup>4</sup>, *publicam re-* <sup>4</sup> Lib. 1. ca. 9. *gni potestatem referant*, tamen id non alia ratione faciunt, quam quòd selecti illi procures totum populum repræsentant, vt tuus sæpe magister Brutus admonet; cuius in sententiam velis nolis abire tibi necesse est. Ergo si, vt Scriptura docet, Rex superior populo siue super populum est, quem ordines isti repræsentant, consequitur necessariò eum quoque super omnes regni ordines, siue, quod perinde est, regni ordinibus superiorem esse. Idque potestatis & dominationis Francici regni ordines à primo eius imperii exordio in suis Regibus agnouerunt. Itaque Clodoueus <sup>5</sup>. *Cum rationis ordo exposcat*, inquit, *Principem im-* <sup>5</sup> Aimoin. lib. 1. cap. 12. *perare potius subditis quid velit quàm prece depescere.* Sed eius rei insigne documentum est quod de Philippo Pulchro apud Gaguinum legitur <sup>6</sup>. Nam cum Bonifacius VIII. *vs* <sup>6</sup> Lib. 7. *erat supra modum arrogans*, teste eodem scriptore, regnum Franciæ in suâ ditionem leui de causa pertrahere conaretur, Philippus cõuentu ordinum habito Parisiis, *Pontifices primum, cõmemoratis quas à Bonifacio acceperat iniuriis, rogat, à quo suarum Ecclesiarum prædia prouentusque accepissent: de-* *inde ad procures conuersus. Et vos, inquit, viri nobiles, quem vo-* *bus Regem dominumque habere arbitramini?* Respondentibus, *sine controuersia, regio se iure illa omnia tenere, atque tueri: At,* *inquit Rex, Bonifacius ita agit, quasi vos regnumque omne Fræ-* *corum sedi Apostolica subiectum sit.* En vt in ipsis ordinum comitiis non dubitarit Philippus Pulcher se Regem dominumque omnium appellare.

Quæ cum ita sint, non insignem aliquam Henrici Regis hæresin (quæ in hac re nulla est) sed insignem tuâ temeritatem



tem & stultitiam vel inscitiam prodīs, qui firmissima & verissima regiē dominationis fundamenta conuellere, & hereticos arguere conaris quod cū facis hæresin foues pestilentissimam.

Ad illud nunc venio quod de singularibus Regis locutionibus scribis, velut *meum regnum, meus clerus, mea nobilitas, mei subditi*. quas ex superiore hæresi à te conficta ortas esse tradis. licet enim minutiora quæque persequendi animus mihi non sit, operæpretium tamen visum est hoc saltem obiter attingere, vt habeat adhuc lector, vnde ei post tam multa seria risus aliquis excitetur. Admitto equidem libenter locutiones istas ab *inconcusso illo fundamento* procedere quo Rex superiorem se regni ordinibus esse credit ac proinde vt fundamentum illud solidissimum & iuri diuino atque humano maximè consentaneum esse constat, ita & quæ inde profluxerunt locutiones eiusmodi aptissimas & Rege dignissimas esse fatendum est. Verbū hoc *meū* rem cuiusque propriam designat, maioremque in animis hominum procurandi & conseruandi res suas curam ingenerat, quam si alios earum rerum socios haberent: *naturale enim vitium est negligi quod communiter possidetur*<sup>1</sup>. Cū ergo Rex dicit *meum regnum, mei subditi*, argumento id esse potest non mediocri illum cura regno incumbere, nec mediocri subditos amore complecti.

Sed singulares istæ locutiones tibi sordēt, credo, ex quo cæpisti Magister Noster in Sorbona appellari: id autem vt credam facit eiusdem scholæ Doctoris insignis aliquando responsum: is est Ioannes Maior, vir magni in scholastica Theologia nominis: hic cū à suo Principe Rege Scotiæ Jacobo. IV. Parisiis in patriam reuocaretur vt Andriopolitanæ scholæ præficeret, salutatus fuit à quodam viro nobili, vt moris est, his verbis, Salue domine: quo audito substitit & obmutuit, quasi iniuriam sibi factam ratus quod cū animaduertisset qui salutem dixit, & se non resalutatum miraretur, petit à Theologo quid rei esset: tum ille, nos nō ita appellamur. Et qui ergo vocaris? inquit alter. Nobis, inquit Maior, *Magister noster* nō mē est, & ita nos solent Parisiis nominare. Ac semper ferè cū de seipso in priuatis colloquiis & congressibus sermonem faciebat, in multitudinis numero loquebatur: siue quodd humilitatis causa id fecerit, siue quod illud *Magister noster* tales ei loquendi formulas persuaferat. Erat enim in illo homine magna & pene

1 l. 2. §. naturale.  
C. quando &  
quib. quarta  
part. li. 16. Arist.  
li. 2. Polit. 1. ca. 2.

pene superstitiosa simplicitas, vt à patre accepi, qui illum optimè nouit, vixitque cum eo familiariter. Cætera tamē vir bonus erat, & vt ea tulit ætas magnus Theologus: atq; artis quidem cauillandi, id est, nesciendi soluendique sophismata (ea enim philosophiæ pars præ cæteris tunc plurimum colebatur) eruditissimus: quod vel ex eius Summulis, vt vocant, quas olim adolescens legi, faciliè cognosci potest. nescio itaq; an illud tuum *Magister Noster*, tibi persuaserit Regem non nisi pluraliter, *nos*, & *nostrum*, loqui debere.

Sed vide quā ridiculus es qui id Regi vitio vertis, quod ne tibi quidem ipsi in re simili vnquam pudori esset. Finge te Episcopum esse, & munus tuum nauiter obire, an non tibi licebit optimo iure dicere: grex meus mihi curæ est: diligo valde meos dicæcesanos, volo in meo Episcopatu residere: & similia? illud denique existimationem tuam grauius pulsatur, quod stultam tuam reprehensionem manifestum mendacio confirmare ausus es. quod enim ais: *ille primus in iis veterē Regum in plurali numero loquendi morē immutauit*, id perspicuè falsum est, siue de omnium gentium vniuerse, siue de Francorum tantum Regibus intelligatur. Nam & ex Scripturis Dauidem, Iosaphatum, Cyrum, Darium, Assuerum siue Artaxerxem, & alios ita loquutos fuisse constat <sup>1</sup>, & Constantinus magnus in ea quam Syluestro fecit donatione, *utile iudicauimus*, inquit, *vnà cum omnibus Satrapis nostris & vniuerso senatu optimatibusq; meis* <sup>2</sup>, Nunquid insolentius se effert qui dicit, *meum regnum*, & *mea nobilitas*, quàm qui dicit, *meus senatus, mei optimates*? Ineptit totus atq; insanit quisquis talia Regibus exprobrat. Reges verò Francorū in singulari numero sæpe de se loqui solitos testimonio sunt quæ de illorum rebus gestis varii authores memoriæ prodiderunt. Nam, vt ex multis exemplis pauca subiiciam, Vuinomadus ad Childericum Clodouei Magni patrem de sententia totius nobilitatis in hæc verba legationem misisse dicitur: *Reuertere iam nūc vt desideratus dominus ac vt felix utere regno tuo* <sup>3</sup>. Si populus siue regni ordines, dum Regem alloquebantur, *tuum regnum*, dicebant: an non Regi ad populum similiter *meum regnum* dicere moris fuisse putas? sed hoc coniectura tantum nititur, dices. en ergo certa & indubitata Idem Clodoueus, cū ei recens baptisato S. Remigius passionem Domini inuicem recitasset, *Si ego*, inquit, *cum Francis meis ibi affuissem, eius iniuria*

<sup>1</sup> Psalm. 143.  
Versu. 3.

<sup>3</sup> Reg. 20 in fin.  
& 22. in pr. Esdræ  
lib. 1. cap. 1. 6. &  
7. Ester cap. 13. &  
alibi sæpe.

<sup>2</sup> can. Constantinus. 96. dist.

<sup>3</sup> Aimoin. li. 2.  
cap. 7.

1 Idem eodem  
lib. c. 16.

2 Idem li. c. 21.

3 Gaguin. li. 6.  
in vita Lud.  
Craf.

4 idem li. 7. in  
vita Phil. Pulch.

*rias vindicasset* <sup>1</sup>. Sic Carolus Caluus regnum iniens pol-  
licetur Ordinibus se unicuique *legem & iustitiam conseruati-*  
*rum.* additque: *in hoc ut honor regius & potestas ac debita obedi-*  
*entia atque adiutorium ad regnum mihi à Deo datum continen-*  
*dum & defendendum, ab vno quoque vestrum, secundum suum*  
*ordinem & dignitatem atque possibilitatem, mihi exhibeat* <sup>2</sup>.  
Ludouicus Crassus moriens Ludouicum filium acciuit: seq;  
regni administratione abdicans eum fertur allocutus. *ego*  
*Ludouice, regnum quod male ipse administrai, tibi committo* <sup>3</sup>.  
Philippus verò pulcher ad filium Ludouicum Hutinum,  
*Ludouice, inquit, regnauit hactenus, plurimis vestigalib. & tribu-*  
*tis populum meum vexauit* <sup>4</sup>, &c. Sic cum contentio esset in-  
ter Caroli. VII. Cancellarium & 7. homologū Petri Ducis  
Britanniæ, de forma sacramenti fidelitatis præstandi à  
Duce regi altero asserente Ducem, vt hominem ligum si-  
ue homologium, in Regis verba iurare debere: altero verò  
negante Ducem Regis homologum esse. Post longam Cā-  
cellatorum altercationem Rex ipse litem diremit: ad Du-  
cem enim conuersus. *Et ego, inquit, tuorum antecessorum mo-*  
*re te admitto.* Sed & idem Rex alias in publicis negociis tra-  
ctandis vocibus istis *ego & meum*, perinde ac *nos & nostrum*  
vsus est.

Possum huius generis locutiones, si opus esset, infinitas  
proferre, quas quoniam Francici regni annales & histori-  
as legentib. passim occurrunt, recensere superuacaneum  
arbitror. Rex Henricus igitur non *immutauit veterem Regē*  
*in plurali numero loquendi morē.* nam & ipse quoque in plura-  
li numero sæpe loquebatur. Sed potius veterem Regū lo-  
quendi in vtrolibet numero, vti volebant, morem & liber-  
tatem retinuit, conseruauitque: quem cū eo nomine ac-  
cusas, priscos illos & recentes Reges omnes pariter accu-  
ses necesse est, quos ipse in eo loquēdi genere authores ha-  
bet, & quorum æmulari potius humanitatem, quam tuam  
istam scrupulosam vanitatem exoptauit.

#### C A P V T XI.

**S**uperiora hæc de hæresi refutare libuit prolixius, quod  
in his non tam offensa Henrici. III. existimatio, quàm  
coarctata & coangustata Regum omnium libertas, læ-  
sæque Maiestas est: quibus hæc eadem, quæ ille, dicere vel  
facere sine vlla hæreseos nota vel suspicione licet. Cætera  
verò quæ Regi tuo flagitia affingis neutiquam memoran-  
da mihi videntur: tum quia non eius solius, sed communē  
Regum

Regum omnium, causam suscepi: tum etiam quòd reliqua  
 fere omnia ex meritis & manifestis mendaciis atque calum-  
 niis conflata sunt, quæ nec referre honestum propter ni-  
 miam quorundam obscænitatem, nec refellere ob perspi-  
 cuam falsitatem necessum est. Etenim profectò si orator  
 ethnicus Amonensium literas *de probis, adulteriis, ac stupris*  
*Asclepiadis* cuiusdam in testimonium producti, quamvis  
 veras, recitare noluit, *sed propter turpissimam obscænitatem*  
*verborum prateriundas putavit* <sup>1</sup>, quanto nobis studio cauē-  
 dum, qui Christo nomen dedimus, ne turpes & famosos li-  
 bellos nulla nec religione testatos, nec veritate fundatos,  
 nec autoritate firmatos, sed irâ, odio, aduersis studiis, im-  
 probe & petulanter compositos atque corruptos, in au-  
 res atque animos hominum proferamus? Quid enim for-  
 dius, quid obscænius, quid castis auribus indignius iis quæ  
 passim de Regis illius magicis artibus, sacrilegiis, scorta-  
 tionibus, stupris, adulteriis, atque id genus maleficiis o-  
 mnibus, sine vlllo teste & sine vlllo certo authore, iniquè,  
 imprudenter, imò sceleratè & impudenter diuulgasti?  
 quorum omnium innocentissimum fuisse eum plerisque  
 iam notius est, quàm in quo demonstrando sit elaboran-  
 dum. Nam multi ex iis qui illum melius, quàm tu vnquâ,  
 nouerunt, atque in illam ipsam factionem popularem vel-  
 ut tempestate delati, non minus olim oderunt, tuam in-  
 consultam in scribendo temeritatem nunc indignantur,  
 vituperant, execrântur; quòd nimia facilitate, seu stulta po-  
 tius credulitate, hominum quorumlibet sermones & ru-  
 musculos pro exploratis facinoribus, fictaq; ab impotente  
 animi scæmina ad Regis iniuriam probra pro compertis  
 rei veritate flagitiis habuisti, & vt quisque ad mētiendum  
 & comminiscendum egregiè instructus atque edoctus ti-  
 bi aliquid suggererat, id rhetoricis coloribus & orationis  
 fucò depictum ac dilatatum in tuum opus, velut celebre  
 aliquod atque insigne documentũ, transtulisti: quasi *laus,*  
*merces, gratia, gratulatio posita esset omnis in impudenti mē-*  
*dacio.* quod quamvis sceleratorum hominum & æstuantis  
 populi odio ac furori conueniat, tamen virtute, conditio-  
 ne, grauitate, religione tua, si modò is es quem te esse pro-  
 fiteris, omnino fuit alienissimum.

Ac in primis illa quidē quæ de magicæ & rheurgicæ ar-  
 tis superstitione, totaq; illi<sup>9</sup> mysteriorũ theoria scribis <sup>2</sup>, <sup>2</sup> Lib. 2. c. 29. 30.  
 haud obscura calūniæ tuæ argumēta omnib. præbent. Nā & 31.

cum

<sup>1</sup> Cic. pro Fla-  
co.



cum sceleris illius omnium quæ in hominem cadunt gravissimi Regem accusas, nihil testatum nihil probatum & confirmatum adfers: tantum in opinionibus, suspicionibus, coniecturis, aliisque perleuibus & ex invidia procreatis indiciis totus versaris, quorum alia manifestis mendaciis fundata, alia tam incertis & dubiis rerum signis nixa, ut etiam si non Rex, sed priuatus reus esset postulatus; absolui quidem ac dimitti, accusator vero calumniæ damari ac notari debuerit. Quid enim? quæ ista vox tua est, quæ velut accusationis summam seu titulum crimini præ-

Lib. 2. cap. 29. sigis 1.

*Henricum theurgica impietatis quæ suspectum reddant.*

An non projectæ nimis audaciæ & stultæ temeritatis, atque; aded hominis vesani est, vocare in iudicium & immanissimi criminis accusare non Regem dico Christianissimum potentissimumque, sed vel priuatum aliquem, cum aliud aduersus eum nihil habeat quo cœptam instruat accusationem, proberque quod intendit, exceptis pauculis indiciis, iisque plurimum fallacibus, quæ reum non nisi suspectum, ac vix suspectum reddant? O conditiones Regum & Principum miserrimas, si tanta peruersis delatoribus & calumniatoribus libertas concedatur, ut pro religioso supersticiosum, pro deuoto & pio hypocritam, pro graui superbum, pro hilari dissolutum, pro leni & placido imbellem, pro seверо crudelem ac tyrannum, pro munifico decoctorem, pro liberali sordidum ac tenacem Principem publice & impune dicere ausint? actum de Regibus, actum de regnis, actum de Repub. est, ni tam effrenem linguæ rabiem & exēplo perniciosam metus aliquis velut medicina quædam compescat. Nullum itaque iudicium satis graue & seuerum, nullum satis acre & exquisitum supplicium in tam sceleratos manifestæ calumniæ authores, vel legibus decerni, vel magistratuum sententiis constitui potest. Sed ad teredeo.

## C A P V T XII.

**Q**Uod de magica & theurgica impietate Regis tui scribis, eius rei tria tibi fidem prorsus abrogant. Primum tua illa theoria quam vocas, seu potius commentarius in signa magica, quibus vsum eum fuisse, sine villo tamen certo teste vel testimonio fingis. Nam in eo commentario signorum omnium vim, vsum & significationem ita expedi-

expeditè, intelligenter, & enucleatè nobis aperis, ac si malæ artis Mystes aliquis arcana illa diuulgasset, vt proinde non alterius quàm tua vel mète excogitata, vel manu tractata ynquam fuisse videantur. Quod cum dico, nō te magicæ superstitionis reum, sed falsæ accusationis fabricatorem facio. Quapropter ad Regis Henrici defensionem sat erit tale quid tibi respondere, quate in re non absimili Arianis & Miletianis Athanasium accusantibus responsum fuit <sup>1</sup>. Henricum nempe nec circulis, nec satyris, nec vllis ynquam Magorum signis vsus fuisse: teque propterea vt iudices de talium signorum inuentoribus authoribusque doceas esse cogendum, ni malis tibi ipsi id quicquid est potius ascribi. Nam quod scribis, *nouum in secreto illo deuotionis Hieronymicane, adyto, quod ad castrum Vicenarum tertio ab urbe milliari ab ipso constructum est, à Parisiensibus ciuibz inuentum essent* id cum nulli certo auctori acceptum referas, nullam omnino apud bonos & graues viros fidem facit: quippe verba ista, *omnes, populus, totus mundus, ciues, & similia*, in testimoniis dicendis idem in effectu sonant quod *nemo*. Quid enim tam horrendum, incredibile, & monstruosum, quod furens & flagrans odio turba ad Regis sui ignominiam non perlibenter tunc confinxisset? quas portentosas imagines ad eius pietatem calumniandam & infamandam non facilè conflasset, qui proprias ipsius imagines, mixta hominis, dæmonis, & satyri effigie sculpi, excudi, adque eius dedecus & ignominiam publicè gestari vendique curarunt? quas non illi artes diabolicas affinxissent, quem non hominem sed diabolū hominis figura connectum iudicarunt? nimirum populus Parisiensis alioqui humanissimus & Regis sui amantissimus, nefariis tuis concionib. tunc potionatus, vsque adeo dementiebat, vt, quod nunquam illi antè acciderat, nunquamque euenturū speramus, disruptis legitimæ subiectionis vinculis, nulla nec Regis nec legis reuerentia & metu teneretur.

Secundum est multitudo mendaciorum ( accipè expressam dolore vocem ) quæ in tuis istis de abdicatione libris continentur, quorum metu viri boni assensionem omnem ab assertionibus tuis cohibere, nisi quarum certa & euidēs aliunde fides, quàm te authore falli, decipi, ac delirare malunt: quem enim sæpius quis in mendacio deprehendit, ei ne vera quidem dicenti facilè fidem adhibere potest. Equidem miratus frequenter sum qua ingenii fiducia tot Scri-

Ruffin. li. 1. c. 17.  
Socrat. Scholast.  
li. 1. c. 29. Niceph.  
li. 8. c. 49.

pturas, historias, res gestas, atque adeò sermones omnes & cogitationes hominum fictis falsisque interpretationibus corrumpere ac peruertere ausus sis: eorum ego non pauca superius annotaui & alia, vt quodque occurreret, indicabo. Huius generis quædam sunt inter exempla quæ de Principib. ob hæresin ciectis, vt populo imponeres, proposuisti<sup>1</sup>. Magnam enim vim præ se ferunt cùm leguntur, mox vana & inania, vbi solerter excutiuntur, apparent. Nam primum de Basilisco exemplum, qui in Eutychis & Dioscori sectam vxoris suasu impulsus Chalcedonense Concilium edicto abrogauit. quid ad legitimos Principes? erat Basiliscus non legitimus Princeps sed tyrannus & inuasor Imperii, qui expulso Zenone legitimo Principe, diadema per vim & scelus occupauit<sup>2</sup>, ideoque in catalogo Imperatorum inter Romanos Principes non numeratur. Erat igitur verè & propriè tyrannus, eoque singulis & vniuersis in eum insurgendi inuadendique ius ac potestas fuit.

Alterum exemplum nihilo magis instituto tuo cõgruit, de eodem Zenone nimirum, qui superato iterum Basilisco regnum recuperauit. Nam quamuis verum sit hunc fuisse Principem legitimum, sed corruptissimum & variis ac nefandis facinoribus inquinatum, atque adeò Synchyticũ: tamen verum nõ est eum ob hæresin Principatu fuisse delectum: tantũ vxoris Ariadnæ dolis peremptus est<sup>3</sup>: vitæ malè actam infelix plurimũ exitus consequi solet. quanta igitur impostura velle his exemplis persuadere, subditos in Regem hæresi infectum posse insurgere, cùm in altero non Principem legitimum, sed regni vsurpatorem proponas: in altero verò legitimum quidem, sed aduersus quem nulla subditorum rebellio ob hæresin facta memoratur.

Tertium de Heraclio vel nihil ad propositum tuum pertinet, vel, si pertinere vis, manifestum mendacium cõtinet. Nam Heraclius magno populi cõsensu ad finem vsque vitæ annos vnum & triginta, imperauit, regnumque moriens filio reliquit.

Quartum est de Dicoro Anastasio. *His succedit Anastasius Manicheus*, inquis, debuisti dicere Eutychianus, *Vociferante & indignum imperio clamante populo, verbis patris turbam emollire coactus primum, ac deinde fulmine extinctus,*

quasi verò breui extinctus sit fulmine post emollitam, vt ais, turbam: & id tamen tua velle videtur oratio: ipse autem totos septem & viginti annos Eutychiana hæresi infectus im-

1 li. 2. ca. 15.

2 Zonar. li. 3.

Synchytici erant hæretici qui duas in Christo naturas confundebant, & vnã tantũ post duarum vniohem in eo fuisse asseriebant.

3 Zonar. ibid.

imperauit; & tandem fulmine ictus periit. Non itaque regno eiectus ob hæresin, sed iusto Dei iudicio post annum ætatis octogesimum octauum horrenda & non consueta morte peremptus est. nec vlla aduersus eum coniuratio vel rebellio facta, nulla turba concitata legitur, præter illam populi semel in ecclesia zelo tumultuantis, cum Imperator edictum contra fidem publicè in templo ex superiore loco per vim promulgare attentaret. Non ab hominibus igitur, sed à iustissimo scelerum quæsitore & vindice Deo. Anastasius ille Dicorus è regno, eque mundo eiectus est: Nemo negat malos Principes pœnas Deo acerbissimas luerè, & multo grauiores iis quæ vlla arte humana excogitari aut infligi possunt: idque etiam in superiore Heraclio patefactum est, quem Deus ob hæresin, & stuprum, inaudito morbi genere percussit: nam vltra aquam intercutè quæ vehementer laborabat, fertur inguine sursum conuerso, cum meiere vellet, faciem semper suam perminxisse, nisi vrina per tabellam imo ventri appositam auerteretur. At hæc quid ad populi potestatem? Promittis te daturum exempla eorum qui principatu ob hæresin eiecti sunt, & illos recensēs quorum nemo propter hæresin tale quid à populo passus est, & recensēs quidem indubitanter, quasi certo certius esset quod profers, cum nihil eo tamen falsius. Hoc cūne non est insidiari multitudini? estne miseram plebeculam magnò artificio in errorem pertrahere? multi de talia de pulpito inuidiosè iactantem auscultarunt, plurèscque eadem literis à te mandata perlegerunt, qui partim historiarum cognitione defecti, partim conditionis tuæ opinione pellecti, in immensam mēdaciorum charybdim perducti sunt, vbi non raro existimationis suæ naufragium faciunt, dum nimium pertinaciter tuentes ea quæ à te acceperunt, ob signatis tabulis manifesti mendacii conuincuntur. Verè tu quidem dicere potes, *populo imposuimus. & oratores visi sumus.*

Nam & quinti tui exempli de Philippico haud certa fides est, siquidem Zonaras<sup>1</sup>, qui Græcorum Imperatorum historiam melius quàm vel Platina vel Regino nouisse

Lib. 3.



gressus sum, ne dum singula persequi studeo vix facile finem reperiam.

## CAPUT XIII.

**T**ertium quod huius tuæ accusationis fidem elenat, est mos iste tuus, & velut innata quædam de viris bonis detrahendi propensio. adeo nimirum iniuriarum & conuiciorum prodigus es, adeoque intemperantes linguæ tuæ aculeos in omnes sine vlllo discrimine exacuiſti, ut quotquot tecum in ardentissimam illam coniurationis flammam sese præcipientes non dederunt, omnes te iudice athei, hæretici, venefici, latræ, cynædi, gancones, blasphemi, auari, ambitiosi, luxuriosi, libidinosi, raptores, adulteri, decoctores, simoniaci, vel hypocritæ sint <sup>1</sup>. Cum itaque huiusmodi epithetis multos viros bonos, & te in omni virtutis genere probiores per ora populi traducas, quis tibi alicquem eorum nominatim maleficii reum, vel publico iudicio postulanti, vel extra iudicium asserenti, fidem adiunget? odium atque inimicitiam testium diligenter perpendi & lex & ratio semper voluit <sup>2</sup>. qua de causa Socrates Scholasticus <sup>3</sup> de Athanasio, *Τὸς ἐνὶ ἐκείνοις*, inquit, *ὡς ἐκ τῶν μαρτυρῶν*: id est, contra eos qui ab Eusebio stabant tanquam inimicos exceptit. Inimicum autem capitalem censeret, ac proinde ab omni accusatione, inquisitione & testimonio repelli eum, qui status vel bonorum omnium controuersiam alicui mouet, eadem ipsæ leges iustissime sanctissimeque voluerunt <sup>4</sup>. Quicquid ergo de Rege tuo scribis, deque illis qui eius partes sequuti sunt, id nullius neque indicii neque testimonii loco esse debet, tum propter pestilentem & propè insanabilem linguæ tuæ morbum, calumniandi, inquam, viros bonos consuetudinem, tum etiam propter grauissimas quæ tibi cum illis intercesserunt inimicitias: potissimum verò cum Illustrissimo Duce Spernonio, cuius fortunam & famam passim insolenter, peruersè, & nequiter insectaris: ac tunc quidem impudentissime cum Theurgicum & Pythonicum eum dicis: quorum nihil grauib, incorruptis, & religiosis testibus conuincere & comprobare potes, cum ipse tamen contrà integritatis, & pietatis suæ certissima dederit signa, & etiamnum det. Insignis hæc tua temeritas est & sacerdotali munere indigna, atque etiam coercenda seuerius: quæ enim detestabilior immanitas, quod magis impium & nefarium

in præfatione:

<sup>1</sup> l. 3. D. de testibus Nouell. de testib. 90. §. Si verò coll. 7.  
<sup>3</sup> li. 1. cap. 31.

<sup>4</sup> ea. cum oporteat 19. de accusat. dict. Nouell. 90. §. Si verò.

ſce.

scelus, quàm illustrium virorum existimationem turpi scripto ad varias nationes emissio offendere & violare? detractor fure peior est & planè homicida 1. Parum autem 1. can. deteriores. vel nihil ab onere calumniæ te releuat quod de fama scri- & seq. 6. q. 1. bis, quæ, quoniam à te tuique similibus, id est, inimicis & alienæ gloriæ inuidis, ortum traxit, despicienda prorsus & contemnenda est 2: imò etsi incertum sit unde illi origo, 2 cap. cum in iu- tamen quia fama res fallax est 3, & boni sæpe mala labo- uenture de præ- rant, mali bonam assequuntur, sit ut sola fama nullum in- sumpt. c. qualiter & quando 24. de criminalibus causis gradum probationis per se faciat, sed accus. tantum iuuet nonnihil alias probationes, & qualemqua- 3 l. ult. D. de hæ- red. instit. l. Iu- stemissimos. C. de off. rect. prouin. 4 Bart. ad l. de minore. §. pluri- mū. D. de quaest. Panor. de ca. veniens de testib. 5 Prouer. 25.

Nulla fraus capitalior, nullum exitiosius venenum, nulla pestilentior humano generi calamitas, quàm quæ à calumniantis lingua accidere potest. *Iaculum, & gladius, & sagitta acuta, homo qui loquitur contra proximum suum falsum testimonium* 5. Nihilque hac arte ad innocentes opprimēdos efficacius, quippe

— fama vix vero fauit 6

*Peius merenti melior, & peior bono.*

Hæc sanctissimum Patrem Athanasium inimicorū vocibus sugillatum, stupri, homicidii, veneficii (quamquam innocentissimum) causam dicere, instructis & subornatis in eum accusatoribus, coegit 7. hæc Syluestri II. Pontificis 7 Ruffin. li. 1. c. Maximi vitam non minore mendacio infamauit, fecitque 17. Socra. Schol. ut geometricæ scientiæ laus, in qua præ cæteris tunc plurimum excellebat, ad magicæ artis & hariolandi suspicionē vituperiumque traheretur. hæc Apostolos & Martyres cæterosque Dei seruos complurimos, atque aded ipsum caput Christum Iesum calumniis & falsis delationibus impetruit obruitque nihil ut rei tam certæ testimoniis aut exemplis aliis opus sit. Est præterea hoc malum, quo nescio an aliud maius, quod vnus vel nimium credulus vel maledicus & suspiciosus scriptor vberem sæpe infinitis hominibus mendaciorum materiam ansamque subministrat: ut Martinus Polonus, qui de Syluestro illo II. & Ioanne VIII. falsissima atque absurdissima incertis rumoribus conficta literis mandauit, quibus & ipse Platinam, & Platina incredibilem omnis generis hominum multitudinem sefellit. Et tu quoque infami isto scripto multis popularium tuorum, atque etiam exterarum nationum millibus errorem de fa-

6 Senec. in Hippolyto.

ma & existimatione bonorum & clarorum virorum iniectisti: sed eò nequius quàm Martinus, quòd ille tantum res ætatem memoriamque suam vetustate superantes, ex falsi rumoris relatione, de mortuis conscripsit: tu rerum præsentium veritatem ex sola inuidia, & insanabili in Regem odio, ad viutorum dedecus & ignominiam sciens prudens adulterasti. Deum testor, cui omnes cogitationum latebræ panduntur, inuitum me, & coactum iustissimæ causæ patrocinio, ista tibi obicere: ut iis qui venenata calumniæ tuæ pocula hauserunt, aliquo veritatis antidoto, si fieri potest, subueniam. Neque enim euelli faciliè illis error in hoc genere & re tanti momenti potest, nisi quod sapius iam factum est, calumniis & imposturis te usum esse liquiddò demonstretur. Est tibi, quod doleo, nimis frequens & familiare hoc vitium. Scio quid in fratrem tuum, in senem dico sacerdotem, Bruxellis commentus es: sed reprimo me. Dediscas quæso malos istos mores, atque ad mansuetudinem te componito: confringe illas seditionum buccinas, quibus tuos populares de suauissimo pacis & concordiae velut somno ad tetra & cruenta bella ciuilia excitasti incitastique. Ne putes te vnquam ex bonorum virorum vituperio laudem tibi aliquam & gloriam posse comparare. Iam te oderunt & execrantur illi ipsi quibus olim maledicæ & turbulentæ tuæ conciones placuerunt. Sciunt nunc, & suo damno sciunt, in quas misérias & fortunarum corporumque pericula ac discrimina, consilio hortatuque tuo fucatam religionis & Reipublicæ utilitatem continente, sese coniecerunt. Quid multis? ita te imprudenter, ne quid grauius dicam, in hoc negotio gessisti, ut nullam tua neque apud eos vox amplius, neque apud posteros scriptio fidem sit habitura. Sed mitto hæc, & quæcunque sunt reliqua, quibus tanquam personæ vitiis Regem, & qui à Rege stabant, insectaris, atque ad communem causam, id est, ius Regum iterum reuertar: si de vno prius te admonuero, quod grauissimum calumniæ tuæ testimonium omnibus rerum Francicarum peritis exhibet, & quo non aliud maleuolentiæ tuæ signum maius. Nempe optimum Regis factum, & ut inter omnes constat, ad Reip. utilitatem, de immensa atque incerta aurei solaris æstimatione moderanda, salutariter excogitatum, tu, malitiosa & perversa mentis eius interpretatione, sceleratis actibus, rapacitati, & nequitiae tribuis: ita enim tu!

*Novas etiam artes unde & sumptus cresceret, & constare de eo nulli posset, inuenit. Quippe qua per libras numerari more patrio pecunia semper consueverat, per aureos nouo edicto numerari iussa est, scilicet ut breui compendio libras in aureos commutando, pro centenis trecentas acciperet, atque ita triplo pecuniam vel debitam vel imponendam augetet.*

Certone scisti hunc Regis animum & intentionē, hunc scopum atque finem in edicto isto proponendo fuisse? non audes, opinor, id asserere homo a publicis regni negotiis regisque consiliis adeo remotus, & cui Rex tam occultæ artis secreta nunquam reuelasset. Si, ut tu dicis, *constare de eo nulli posset*, quomodo tibi constitit? ab aliis accepi, dices: & unde illis? Nihil ergo certi habes, & *testis deponens per auditum*, id est, ex aliorum relatione, vel *de credulitate*, ut aiūt, *non facit fidem*. Aut igitur homo nimis audax & temerarius atque alienæ famæ insidiator es, qui illud pro certo & comperto ad Regis ignominiam affirmas quo nihil incertius: aut id saltem aliunde diuinando es assequutus: quo casu Pythonicum te esse multo *certiore experimento* conuincitur, quam est illud quo Ducem Spernonium eius maleficii reum facis. Illum enim *Pythone uti certissima experimento* dicis, ob id quod semel obuiam factus cursori ad Regem celeriter contendenti, *diuinauit eum pro petendo à Rege episcopatu ad Regem festinare*. Egregium scilicet argumentum quo tam illustri persona tam horrendi criminis, velut satis comperti & comprobati infamiam atque ignominiam subeat: quasi verò non soleant homines acuti ex rerum & negotiorum circumstantiis multa coniecere, quorum veritas eadem est quam illi animo sunt complexi. An non talia quotidie euenire cernimus, quorum coniectores nemo Pythonicos, sed homines circumspectos, prudentes & rerum gnaros esse dixerit? Quid si cursor ille helluo beneficiorum erat, ut facilem de se suspicionem vel cuilibet obuiam facto dedisset? quia sicut *scholaris loquens cum puella nō presumitur dicere: Pater noster*, ita neque id genus homines cursoriis equis concitati ad Reges properare creduntur ut eius tantummodo mensam benedicant, sed ut pingue aliquod harpagent beneficium. Quid si cum Duce illo, quem in illustri apud Regem gratia esse sciebat, de beneficio aliquo obtinendo antea fuerat locutus? Nōne hæc & alia multa Duci Spernonio suspicionem de cursore poterant iniicere? At tu, qui tam



obscurum & omnibus ignotum propositum atque intentionem Regi tribuis, tanto certius vel calumniatoris & mendacis, vel Pythonici hominis experimentum nobis præbes, quanto Regis illa voluntas obscurior fuit, & nullo talis intentionis effectu comprobata

Sed aliam illius edicti proponendi causam, aliumq; Regis scopum fuisse, præsens tunc rerum status, & quæ inde sequuta est non parua Reipub. utilitas demonstrarunt. Nam cum aureus solaris, partim superiorum temporum indulgentia, partim scæneratorum malitia & fraudibus, ad immensam aræ monetæ æstimationem esset perductus, ac ne indices magis magisque cresceret eius quantitas, magnoque populi incommodo detrimentoque, timeretur: è regno & Republica visum est, noxium illud æstimationis incrementum sistere & amputare, adque æqualitatem aliquam publicâ sanctione reuocare: ac ne hominum facilitate peruersitatēque rursus in immensum excresceret utilissimo consilio atque edicto providere. Præclarum igitur & laudabile hoc Regis factum esse optimi tunc quique iudicarunt, nec ullis nisi scæneratoribus & avaris vnquam displicuit: his enim idē ingratum fuit, quod subtilem spoliandorum pauperum & corrogandæ pecuniæ artem à se inuentam sustulisset. Etenim profectò qui calendarium exercebant, vel alias mutuam pecuniam dabant, cum aureos numerarent ita sibi debitorem obligabant, ne liceret ei quantitatem sine æstimationem & valorem in alia quantumvis proba & publicâ monerâ reddere, sed tantum eiusdem formæ aureos nummos, quod vulgò Gallicè dicunt, *en espèce*, & id cautionibus nominatim inseri volebant: quod scirent ante diem solutioni præstiturum aurei æstimationem auctum iri: inde factum ut miser debitor qui acceptum aureum necesse habebat præsentē æstimatione erogare, dum eum creditor adueniente die ad solutionem vrgeret, auctæ tunc æstimationis damnum ferre cogeretur. eiusmodi, fateor lucriferis scæneratoribus aliisque avaris hominibus non potuit non odiosum esse hoc Regis edictum, nescio an tibi, quod acceptos Philippicos non ea qua cupiebas æstimatione expendere: multitudini autem & omnibus viris bonis nihil eo excogitari tunc potuit utilius. Cum ego triginta circiter ab hinc annis ex patria in Galliam traicerem regnante Carolo IX. aurei quantitas quinquaginta quatuor assibus explebatur,

quæ

quæ post breui ad eum modum excreuit, qui sine modo & supra modum plebem grauiter afflixit, afflixissetque diutius nisi à Rege tunc edictum illud exiisset. Reducto autem ad trilibrè, id est 60, assium æstimationem aureo, cusi sunt argentei partim viginti partim quindecim assium quantitate, vt illi trientem hi quadratè aurei facerent, & horum præterea semisses, quadrantesque vt hac nimirum ratione & in commerciis ratio supputandi expeditior, & in edicto retinendo conseruandoque facilius populo daretur occasio.

Sed ecce quisquis tuæ diuinationis seu coniecturæ mysterium sedatè perpèderit, causam scilicet illius edicti à te confictam, videbit statim tuum illud figmentum (vt phrasim Francicam latinè exprimam) nullum prorsus habere nasum. Fecisse hoc eum dicis, vt breui compendio libras in aureos commutando, pro centenis trecentas acciperet. quasi verò facilius, subtilius, aut occultius potuisset tres aurei trientes pro vno triente exigere, quàm tres libras pro vna libra, qui libram Francicam, id est, viginti asses fisco debebant, si argenteum aurei trientem inferendo liberabantur. quod si æraui quæstores ab eiusmodi debitore aureum siue tres tales argenteos emungere conarentur, an non palam sibi iniuriam fieri clamitaret? an non statim fraudem agnosceret, malitiam deprehenderet, fortunarum iacturam & damnum sentiret perinde ac si pro vna libra tres libras extorsissent? Quod cum ita sit, quæ ars aut calliditas, quæ doli mali machinatio in hoc Regis edicto promulgando esse potuit? nulla profectò: idque vel ex eo constat, quod cum plures post illud edictum annos imperium tenuerit, nihil quicquam calumniose, ferè dixi Pythonicè, tuæ diuinationi simile vnquam attentarit. Negari itaque non potest optimum hoc Henrici Regis factum fuisse & regno vtilissimum. Quicumque igitur illud tam nequiter calumniatur, quasi id egerit vt libras in aureos commutaret breui compendio, ii certè longo suspendio digni sunt.

Facis tu quidem Boucheri, vt qui libros tuos lectitarunt de antiquorum scriptorum fide incipiant nonnihil dubitare. Sic enim apud se cogitant, si homo Ecclesiasticus, theologus, concionator tot calumnias, sycphantias, & manifesta mendacia literis mandare ausus est de iis personis quarum & recens memoria, & præsens vita ac mores, omniaque ab illis gesta, ipsis lectoribus non minus quàm

scriptori cognita ac perspecta fuerunt : quid non fingere homines profani potuerunt de iis quos longo temporum intervallo sequuti sunt, nihilque præter auditum & fallacem famam, quæ cursu semper augetur & ex muscula sæpe facit elephantum, habuerunt. Quis, inquit, in posterum arbitrabitur Caligulam, Neronem, Heliogabulum, & alios quorum mentio in historiis est, tam nefanda, monstrosa, & obscæna vnquam perpetrasse, atque sunt ea quæ illis ascribuntur : postquam Boucherius non erubuerit illa eadem vel etiam turpiora Regi Christianissimo affingere, scriptor quæ legenda proponere compluribus, qui, quod Regis innocentiam in multis exploratam habuerunt summam scriptoris impudentiam admirati sunt & execrati. Equidem profecto miror te inter Christianos tam obscæna flagitia, etiam si facta essent, commemorare : quippe quæ & falsissima sunt, & legi à castis & pudibundis sine horrore, ab aliis verò sine turpi & impudica sensus & cogitationis titillatione nequeunt. ideoque pro eo quod in margine annotas *φειῶν τὴν πορνείαν* meritò reponendum est, *φειῶν τὴν ἰσχυρολογίαν καὶ συκοφαντίαν*. Sed vehementius in hanc causam inuehendi prouinciam aliis relinquo: me nunc communis Regum causa ad se reuocat.

## C A P. XIV.

**R**Eges coercendi exigendique potestatem penes populum, seu, qui populum repræsentant, regni ordines esse, alio adhuc elencho ex Bruti disciplina niteris persuadere: argumēti autem vim in eo ponis, quod regni maiestas, te iudice, non in Principe, sed in ordinibus resideat. Ita enim tu.

*BOUCHERIVS* <sup>2</sup>. Porro maiestatem illam cum penes ordines seu comitia esse constet, id quoque sequitur, qui ordines laeserit, publicæ maiestatis supra omnes teneri atque reum esse. Nam penes comitia ut regni maiestas sit, cum vniuersa regnorum consuetudo docet, tum quæ perpetua in Gallia sacrosancta eorum auctoritas esse consuevit.

Premere & suffocare errorem prima fronte oportet, nam vbi viuere & excurrere vel paxillum finas, velut fœta scrofa alios pariet complurimos. Iam satis superque prioribus libris ostendimus falsissimum esse quod hic pro confesso & constante arripis: neque inter vltos constare potest, nisi qui quid sit Regnum & Monarchia nesciunt.

Nec

1 li. 2. ca. 26. & li. 3. cap. 19.

2 li. 3. cap. 8.

Nec tu firmam aliquam eius rei rationem aut argumentū ratione fundatum profers : exemplis tantum à Bruto mutuatis, iisque nihil ad ius regni pertinentibus lectorem fallis : quæ ut sunt à te relata, ne conquerare tibi calumniam strui ordine huc transcribam.

BOUCHER<sup>2</sup>. Atque ut è sacris libris exempla potissimum <sup>1</sup> ibidem. sumantur populi maiestas fuit, cum Israel convenit in Silo, contra tribus Ruben & Gad & dimidiam Manasse, ob erectum ab iis altare infinitæ magnitudinis, quod novū eos aliquod in religione moliri suspicio esset. Item cum Iesue iam senex Israel omnem in Sichem convoca vit. & fœdus cum Deo percussit. Item cum Israel, quasi vir unus, in Maspha congregatus est, contra tribum Benjamin, ob illatam uxori leuitæ iniuriam, bellum illaturus. Et iterū in Maspha, cum populum Samuel congregavit, atque ibi de iis reformatandis quæ pietatis & iustitiæ erant communibus sentiētiis est definitum. Rursum cum congregati in Ramatha maiores natu, Regem sibi institui postulaverunt. Et in Maspha iterum, cum Saul Rex productus est, & vivat Rex ei acclamatum.

Præstat hic causam facere, ne separata & diuersa cōfundamus : nam calamus iam diu in tuo isto campo currens, nihil nisi ventum, vanas scilicet sine virtute voces, potest inuenire. Bruto ista Boucheri debes, qui ea latinius multò & subtilius in suis Vindiciis retulit<sup>2</sup>, cui id a nobis ante <sup>2</sup> quæst. 2. in principio. responsum est<sup>3</sup>, quod & tibi nunc respondemus. Nihil quicquam scilicet exempla ista ad regnum pertinere. <sup>2</sup> Lib. 4. ca. 6.

Nemo negat imperii maiestatem penes populum vel ordines esse, in ea Republica quæ nec regnum est nec Regem habet: at inde argumentum efficax, à democratia, inquam, vel Aristocratia ad Regnum & Monarchiam trahi, nemo rationis & iudicii compos vnquam tibi concedet. quippe horum Reipublicæ generum summa & ferè sola in eo differentia est, quòd in vna populum, in altera pauci, in tertia vnus imperium & potestatem omnem retineat stante Republica Romana dignitas, potestas, & maiestas populi Romani prædicabantur : eadem sub vnius ditionem atque imperium redacta, omnia illa ad Imperatorem translata sunt, populo nihil nisi parendi necesse sitatē obtinente. cum, igitur ista omnia exempla quæ ex te retulimus non in regno, non sub Rege, sed in libero solutoque populo contigerint, quis nō videt te fucum lectori facere, ut callida impostura capiatur? Nūquid ignoras hæc omnia ante regnum in Israele constitutum accidisse? An nescis de

He-



1 Iud. cap. 17. 18.  
& 21.

Hebræorum tunc Republica scriptum esse sapius <sup>1</sup>: *In diebus illis non erat Rex in Israel: sed unusquisque quod sibi rectum videbatur, hoc faciebat?* An non ridiculum eum & cauillatorem esse diceret, qui cum serid polliceretur se probaturum summam in familia potestatem non penes maritum, sed penes uxorem esse, ad eius rei firmamentum exemplis vteretur familiarum quibus solæ viduę præerant: Nonne statim ei diceret? amice apage tuas istas sutelas, nimis aperta cauillatio est, derides nos & deludis: nam sat scimus familiæ imperium non posse apud maritum esse quando maritus nullus est: tibi summam in domo mulieris nuptæ potestatem competere fuit probandum, nec à viduis & virorū potestate solutis exempla petēda. Eodem planè modo tibi nūc respondemus: facesse hinc cum tuis istis captionibus. Nemo nescit maiestatem totam in populo residere extra monarchiam, & vbi popularis forma imperii est, fieri enim per rerum naturam non potest, ac ne animo quidem concipi, vt potestas aliqua penes Regē sit in ea Republica quæ Regem nullum habet. Tibi docendum fuit maiestatem imperii penes ordines esse, etiam in regno; ad cuius confirmationem argumēta ab aliis rerum publicarum formæ petita nihil penitus valere, certum & omnibus notum est. Nunquid omnium idem regimen esse statuis; nunquid regni, & Reipublicæ siue Democratiæ eandem naturam? Brutus tuus te decepit, & tu nos decipere conaris: sed nimis manifesta fallacia est: ideoque, his relictis, in reliqua tua exempla inquiramus.

2 ibidem.  
3 1. Reg. 12.

BOUCHER <sup>2</sup>. *sed hoc rursum apertius cum quasi actorū suorum rationem reddens Samuel ait ad populum* <sup>3</sup>. *Ecce præsto sum loquimini de me coram domino & coram Christo eius, utrum bouem cuiusquam tulerim aut asinum: si quempiam calumniatus sim si oppressi aliquem, si de manu cuiusquam munus accepi, & restitui illud vobis.*

Hoc fateor exemplū in regno incidit: sed si tua in furorē acta patientia mentem tibi non occæcasset, nullam eius vnquam mentionem fecisses. Est enim eiusmodi quo nihil magis causæ tuæ iugulum confodiat, & nostram illustri defendat testimonio: quod vt intellectu facilius sit, res altius & à capite repetenda est. cū Samuel petitu Hebræorum Reges desiderio flagrantium, & Dei iussu Regem super eos constituisset, ipseque ea ratione omni in eos imperio se abdicasset, atque ex publica persona & suæ gentis to-

tius

totius iudice, priuatus iam propheta factus, velut administrationis suæ rationem redditurus, ne ei quis postea aliquid impropere posset, totum populum ad Saulem Regem constituendum in Galgalā congregatum, in noui Regis præsentia sic alloquitur <sup>1</sup>. *Ecce audini vocem vestram, & iuxta omnia qua locuti estis ad me, & constitui super vos Regem. Et nunc Rex graditur ante vos: ego autem senui & incanui: porro filii mei vobiscum sunt: itaque conuersatus coram vobis ab adolescentia mea usque ad hanc diem, ecce præsto sum loquimini de me coram domino & coram Christo eius &c.* cumque illi dixisset, non es calumniatus nos, neque oppressisti neque tulisti de manu alicuius quippiam, statim subiecit Samuel. *Testis est dominus aduersum vos & testis Christus eius in die hac.*

Nunquod hic maiestatis vestigium in populo reperitur? nunqua authoritas? præfatur Samuel se constituisse Regē super populum quod licet per se satis sit ad demonstrandū maiestatem à populo translata fuisse, cum ipse supra se Regem agnoscerent, tamen id adhuc certius planiusque hoc exemplo perspicitur. Nam quoddam hic velut iudicium constitutum cernimus, in quo Samuel actoris, populus rei partibus fungitur: increpat enim populum & accusat ingratitudinis, petitque administrationis suæ testimonium sibi reddi. Ambo autem Deum & Regem iudices habent. Quod enim ait Samuel, *Loquimini de me coram Domino & coram Christo eius*, id est, Rege: perinde est ac si dixisset, contendite mecum & accusate me nunc coram his iudicibus Deo & Rege. si bouem vel asinum alicuius abstuli &c. vel si nihil tale feci date mihi elogium innocentiae & rectæ administrationis meæ, coram iisdem iudicibus. Nemo autem coram pari vel inferiore iudicio conuenitur. Nihil igitur populi subiectionem & Regis imperium ac maiestatem magis scite exprimit, quam hic Scripturæ locus, quem tu nimis malignè contra manifestum Scripturæ sensum & veritatem, ad erroris tui confirmationem, non sine sacrilegio detorques. Quid mirum si ciues Parisienses qui Deo, vt par est, obedire potius quam hominibus cupiebant, his Scripturæ adulterandæ artibus ad rebellionis insaniam perduxisti: miser enim popellus eiusmodi fraudibus semper expositus, atque obnoxius est. Sed pergamus.

BOUCHER <sup>2</sup>. *Amplius adhuc cum Salomon coram omni Ecclesia templum consecrauit* <sup>3</sup>.

<sup>2</sup> Ibidem.

<sup>3</sup> 3. Reg. 8.

Siverbum ibi aliquod, aut syllaba vlla est, ex qua maiestas populi supra Regem, non dico aperte designari, sed per aliquam probabilem interpretationem colligi possit, nihil tecum amplius contendam, & præcedētia ac sequentia tua omnia non errores, sed oracula sanctissima esse: meque propterea impensè improbum quodd vlla in re tibi obstiterim, liberè atque ingenuè profitebor, tu verò contra nihil tibi tale reperitur vt errorem & imposturam agnoscas tuam tantum postulo. Etenim profectò contrarium prorsus illic ostēditur: ait enim scriptura <sup>1</sup>, *Tunc congregati sunt omnes maiores natu Israel cū principibus tribuum, & duces familiarum filiorum Israel ad Regem Salomonem in Ierusalem, Conuenitque ad Regem Salomonem vniuersus Israel.* En vt initio eius capituli quod allegas bis dicitur vniuersum Israelem, conuenisse, non simpliciter quidem in Ierusalem, sed ad Regem Salomonem in Ierusalem, ex quo dignitatem, potestatem, & maiestatem non penes populū, sed penes Regem fuisse non obscurè declaratur quippe nō maior ad minorem, sed minor ad maiorem, vbi dignitatis ratio habenda est accedere vel conuenire solet. Ob eamq; causam in regno Franciæ semel ab amplissimo ordine deliberatum fuisse accepimus, vtrum Curia ad Conestabilē, an ipse ad Curiam accederet <sup>2</sup>. Si ergo maiestas in populo illo Iudaico, ac non in Rege potius resedisset, cū id author vtrique historiæ diuino spiritu afflatus non potuerit ignorare, nunquam profectò scripsisset maiores natu Israel cum principibus tributum & ducibus familiarum atque adeo vniuersum populum ad Regem Salomonem in Ierusalem conuenisse: sed contra ad illos omnes congregatos in Ierusalem venisse Salomonem. Deinde si, quod tu vsj & alibi affirmas <sup>3</sup>, ex ordine nominandi in Scripturis, dignitas maiestasque eius qui præcedit iudicatur: inficiari non potes Regis quā populū maiorem illic potestatem fuisse: scriptum enim est. *Rex autem Salomon & omnis multitudo Israel, qua conuenerat ad eum, gradiebatur cum illo ante arcam. &c.* & post, *Igitur Rex & omnis Israel cum eo immolabant victimas coram Domino. & mox. Dedicauerunt templum Domini Rex & filii Israel.* deinde paucis interiectis. *fecit ergo Salomō in tempore illo festiuitatem celebrem & omnis Israel cum eo.* denique ne quis amplius dubitet omnem ibi maiestatem penes Regem fuisse, adlicitur in fine. Et in die octaua dimisit populos: qui *benedicentes Regi* ( id est, vt exponit

1 dict. cap. 8.

2 vide Ioan. Papon. li. 4. tit. 4. de Arc.

3 Lib. 1. cap. 18.

ponit glossa interlinearis, *agentes gratias propter opera quæ fecisset, & orantes Salomoni longæuo tempore regnare*) profecti sunt in tabernacula sua letantes. Peto abs te vtrius est alterū dimittere, superiorisne an inferioris? Haud dubiam responsionem expecto, res enim clara est. Si igitur Rex Salomon in die octaua dimisit populos, id est, vt interpretatur Lyranus, dedit illis licentiam abeundi, & illi gratias ei egerunt, non erat in populo maiestas, sed in Principe: alioqui dicendum fuisset, *in die octaua populus Regem dimisit*, siue *populi Regem dimiserunt*, vt hoc modo primas populo deferri intelligeremus. Alia præter hæc multa sunt quibus error iste tuus redarguitur, sed veteor ne nimius in tam aperta fraude patefacienda videar.

**BOVCHERIVS.** *Et cum ad Roboam venit multitudo filiorum Israel, vt minui vectigalia postularer.* <sup>1.</sup> *Quod ubi non succedit & duriter conuentus excipitur, offensus Regi magnam partem ab eo secessit, & nouum Regem sibi constituit,*

1. Reg. 12:

Haud peritus es patronus. Nam & hoc quoque exemplum iure optimo in causæ tuæ caput retorquetur. Si enim regni maiestas penes populum aut ordines erat, quid opus fuit eos vectigalium vel tributorum imminutionem à Rege postulare; nonne ipsorum fuit modum vectigalium præscribere quod Regi persolui vellent, si ratio sententiaque tua firma est? si inquam vt tu doces, regni ordines supra Regem sunt, & omnia ad regni statum pertinentia, vel inuito & reclamante Rege possunt componere. Aut ergo conditionem suam ignorabant, existimabantque nihil sibi iuris, constituto semel Rege, superfuturum, nec vllum auxilium nisi in cura parendi relictum iri: atque ob id à Rege inaugurando illam sibi indulgentiam promitti flagitant. Aut si istam quam tribuis illis potestatem maiestatemque habere se cognouerunt, extremæ fauitatis & stultitiæ fuit id eos ab alio supplices postulare, quod sibi ipsis indulgere poterāt. Ex eo igitur quod talem immunitatem à Rege petierint, cum regni ius, formam, & conditionem sub tribus iam Regibus obseruatam non ignorassent, perspicuè ostenditur illam quam tu prædicas Reip. maiestatem penes ordines non fuisse. Accedit huc & alia ratio quæ vim omnē exēpli huius tui penitus eneruat: Roboam nempe non fuisse Regem cum populus ista ab eo postulauit, vt etiam si concedamus apud ordines tunc maiestatem omnem fuisse, quemadmodum in interregno solet, in nul-



1 3. Reg. 12.

2 Lib. 4. ca. 14.

3 quæst. 3.

4 cap. 2.

5 ibidem.

6 4. Reg. 23.

7 Lib. 4. c. 8. &  
lib. 5. ca. 15.

in nullo tibi locus ille patrocinetur: ait enim historia <sup>1</sup>: *venit autem Roboam in Sichem: illuc enim congregatus erat omnis Israel ad constituendum eum Regem.* Nondum ergo Rex erat, quamvis ei regnum iure hereditario deberetur: idque tu <sup>2</sup>, & Brutus tuus <sup>3</sup>, fatemini & nos quoque libro tertio <sup>4</sup>, ostendimus. Quod autem Rex ille vocatur, id propter regni incundi spem, usitato loquendi modo, dictum esse intelligimus. Vides ut contra telum istud duplici munimur vallo: videlicet & quod ibi fuerit interregnum, ita ut exemplū illud ad institutum tuum nihil pertineat, & quod ea petitione ordines ostenderunt non eam sibi potestatem, dominationem, vel maiestatem in regno esse quam tū prædicas. Sequitur ex Scripturis postremum.

*BOUCHER* <sup>5</sup>. *Item cum Iosias populum in Ierusalem congregavit, & lecto libro fœderis fœdus cum Deo denuo percrevit* <sup>6</sup>.

De hoc fœderis genere & similibus satis iam superque à nobis dictum est <sup>7</sup>, in quo nihil quicquam de populi maiestate traditur, nihil quod eam indicet reperitur: obligat se populus legi Dei factæ rectæ conservandæ, Rege auctore & formulam præeunte. Sed cum his exemplis falsam tuam sententiam confirmare nissus sis, cur non ipsa Scripturæ verba vnde colligeretur, & eius concludendi modū aliquem præscripsisti? Nam soli & simplici assertioni tuæ ne fidem adhibeam, faciunt variæ sacrorum & profanorū authorum à te corruptæ & contortæ sententiæ. Non si tibi de suggesto talia vociferāti auditores non reclamarūt, idcirco librorum tuorum lectores, ubi maximā cernunt mendacia, penitus conticescent.

Hæc cum ita se habeant, ex falsis principiis falsissimam & fallacissimam his verbis conclusionem struis.

*At in singulis istis nihil aliud quàm conuentus ordinum fuit, penes quos maiestas tota erat, ut fœdus cum Deo percutere, ut regni œconomiam instituere, ut leges condere, ut de bello ac pace agere, ut frenos Regie potestati imponere, cetera eiusmodi præstare posset.*

Quæ omnia planè ficta & falsa esse iam ipsamet luce clarius est demonstratum.

## CAPUT XV.

**N**Ec minor ludificatio in iis exemplis est quæ ex profanis monumētis cruta subiecisti, quod ut lector planius

nus intelligat (quanquam tam leuia & aliena referre & refellere non nihil piget) tuis illa verbis recitabo.

BOUCHER<sup>1</sup>. *Eiusmodi quoque apud Gentiles illa comitia, <sup>Ibid.</sup> celestia erant, ut illud totius Græciæ sanctissimum conciliū, quod Amphictionum erat ab Amphictione Heleni seu, ut ait Pausanias, Deucalionis filio institutum, in quo populi duodecim conveniebant: Iones, Doræ, Perræbi, Bæti, Magnesæ, Achæi, Phthii, Molenses, Dolopes, Æneænes, Delphi, Phocenses. Et peculiaris illa, ut apud Athenienses Panathenæa, & per singula quinquennia Panegyraïs. apud Æoles Panætolia, apud Beotos Pambæctia, apud Ionas Panionia. Et illa olim Druidarum nostrorum apud Carnutes Panceltica, ubi magno Gallia conuentu de iis quæ ad Remp. pertinebant graviter & severe agebatur.*

Nolo tuam in scribendo indiligentiam curiosa nimis diligentia perfectari, veluti quod Helenum pro Hellene hic posueris: Decepit enim te Alexander ab Alexandro<sup>2</sup>, <sup>2 li. 5. c. 7.</sup> cui malus perpetuò mos est nullam suis authoribus gratiã referre, nullum inquam laudare authorem, nec fontes unde sua hauserit collectanea indicare. Amphictionis itaque pater fuit seu Deucalion, ut Pausanias in Phocicis, seu

Hellen, à quo Græcos omnes Hellenes dictos quidam putant<sup>3</sup>. Nam Dionysius Halicarnassæus, à quo suum id Alexander procul dubio desumpsit, de Servio Tullio Rege loquens sic scribit<sup>4</sup>. *πάντων μέλιστα τῶν τοιούτων ἔργων πλεονέκτητον ἔστιν ἡ ἐπινοία ἡράκλει.* Helenus autem

non Amphictyonis pater, sed vnus filiorum Priami fuisse dicitur vat. cinio clarus<sup>5</sup>. Mitto talia: de rebus mihi, non de nominibus tecum contentio est. Quorsum tu igitur hæc tam aliena? Nunquid putas vlli mortalium erudito, & mentis perturbatione vacuo, persuaderi posse aliquod assertionis tuæ firmamentum in eiusmodi exemplis esse repositum? dispelle, dispelle istam quæ te occupat & occæcat

turbati animi caliginem, & cernes quam primùm antiquos illos quos memoras Græciæ, Galliæque conuentus nihil quicquam ad eam de qua loquimur maiestatem pertinere.

Nam qui de communibus Græciæ rebus consulturi in Amphictionicum concilium ad Thermopylas & Delphos conveniebant, ii quidem non vnus omnes Principis dominatui suberant: non vnum omnes super se Regem agnoscebant: sed ex sociis ciuitatibus & populis erant, quorum suis singuli legibus institutisque peculiaribus utebantur, propriamque Rempubl. constituiebant, idque vel ex eo sa-

<sup>3</sup> Thucydides.

<sup>4</sup> l. 4. ant. Rom. Id est, omnium maxime in eiusmodi rebus admiratus est solertiam Amphictionis filii Heleni.

<sup>5</sup> Darius Phrygius. de excid. Troiæ. Pausan. in Corinthia. li. 2.

tis liquet, quòd Phocenses, quia Apollinis Delphici templum spoliauerant, decennali bello attriti victique à Bæotis, tandem de Amphictyonum numero & ordine fuerunt deiecti, vnà cum Lacedæmoniis, qui Doricę gentis partem constituebant, & Phocensibus opem illo bello tulerant, in quorum locum reliqui Amphictyones Philippum Macedonum Regem, qui Bæotos adiuuerat, in suum collegium publico decreto cooprarunt, ei que & posteris ipsius binorum suffragiorum ius, quod ante Phocensibus Lacedæmoniisque competebar, concesserunt<sup>1</sup>. Deinde postquam iidem Phocenses aduersus Gallos, qui cum Brenno Delphos adoriebantur, egregiam strenuamque præ cæteris omnibus Græcis operam nauassent, in gratiam & curiam Amphictyonicam, iterum sunt recepti.

Cum itaque concilium Amphictyonicum esset conflatum ex diuersis populis æquo iure in societatem coeuntibus, quibus nemo vnus imperitabat; nos autem de eo hominum cœtu loquamur qui sub vnius imperio degunt, quem Regem sibi, & Principem constituerunt, perspicuum est non vnius generis, sed diuersa & dissimilia hæc esse: ac proinde neutri cum altero perfectam esse conuenientiam, ut inde aliquod exemplum efficax ad alterutrius potestatem vel constituendam vel eleuandam proferri possit. Neque enim si Philippus in Amphictyonum consensu potestatem maiestatemque nullam præ cæteris eius curiæ participibus obtinebat, idcirco cum in solemnem Macedonum conuentu eodem modo, sine summo imperio & maiestate, cōsedisse rectè colligitur; cum alteri ut socius, alteri ut dominus, Imperator, & Princeps interesset. Idem prorsus de tuis Pancelticis iudicandum. Cum enim Gallia ante Cæsaris incam aduentum nulli vni paruisset, sed totidem penè in ea Reges quot ciuitates, distinctis imperiis, fuissent, quid mirum si totius Galliæ Maiestas in eiusmodi socialibus conciliis fuerit reposita, cum nemo vnus esset in quo posset consistere: at ubi armis subacta in ditionem ac potestatem populi Romani concessit, eius in Druydarum conuentibus, conciliisve publicis nulla amplius maiestas, sed tota in Imperatore fuit. Atque ea iterum à Francis deuicta, eandem cum imperio maiestatem victoris populi Princeps in se transtulit: maiestas quippe ibi est, ubi & summum imperium, hoc autem nisi in vno Principe seu Rege sit, Monarchia nulla ne animo quidem concipi vel cogitari potest, ut

est à

Diod. Sic. li. 16.  
c. 15. Pausan. in  
Phocicis.

est à nobis superioribus libris demonstratum. Perperam igitur & in scitè, ad confirmandam sententiam tuam, exempla à tam remotis & alienis Græcorum Gallorumque institutis protulisti; & non secus ac si quis contenderet totam maiestatem penes regni ordines esse, hoc exēplo quodd apud Heluetios omnia illorum nūtu gubernentur, qui ex tredecim ipsorum pagis, de communibus totius gentis rebus deliberaturi, iussu populi conueniunt. qua collectione quid absurdius, nisi illud, quod Panathenæa etiam ad institutum tuum pertinere putas? *ut apud Athenienses Panathenæa*, inquis. Quid? Panathenæa, siue minora quidem annua, siue maiora illa quinquennalia, nōne festa erant in honorem Palladis instituta, quæ variis ludis, & multiplici certaminis genere celebrabantur? omnes eo pueri puellæque conueniebant, vbi musica, lucta, cursu, saltationibus, certabatur <sup>1</sup>. Itaque Athenæus author est <sup>2</sup>, quemadmodum Thespisiis Erotidia, Rhodi Halia, in Elide Olympia, sic Athenis Panathenæa celebrari solita. Hoc autem quid ad regni maiestatem? cur non similiter Olympia, Isthmia Pythia, Nemea, Lupercalia, & quotquot erant eius generis vel publica vel priuata festa sacræque recensueris? certè quidem potuisti eodem iure; nam omnia ad animorum oblectationem erant instituta, eoque omnes proficiscabantur, non vt de rebus seriis deque Republica tractarent, sed vt aut spectaculis animos pascerent, aut exercitatione corpora tuerentur. Quæ cum ita sint, non erit cur posthac quisquam friuolis istis, & inanibus argutiolis tuis capiat: multoque minus, quæ sequuntur, mendaciis.

<sup>1</sup> Plut. in The-  
seo & Pericle.  
<sup>2</sup> li. 13. Deipno-  
soph.

## CAPUT XVI.

**B**OVCHER <sup>3</sup>. *Quem conuentum in Gallia ex quo Christi-*  
*Bani Reges esse cœperunt, quantum coluerint, quantumque ei*  
*detulerint, cum frequens eorum conuocatio & simplex Regū*  
*eo se conferentium habitus, tum verò honor eorum decretis dela-*  
*tus demonstrauit. Nam singulis annis Calendis Maij comitia ce-*  
*lebrari solita esse, & Reges curru à geminis bobus tracto eò vehi so-*  
*litos fuisse, idq; sapius Carolum Magnum factitasse retulit eius*  
*cancellarius Eginhartus.*

<sup>3</sup> li. 3. ca. 91

Vetus est Stoicorum <sup>4</sup>, imò etiam Christianorū, improbi hominis esse mendacio fallere: quodd edificare mendacium sine demolitione veritatis nemo queat <sup>5</sup>. Cur igitur magno & im-

<sup>4</sup> Cic. pro Mu-  
rena.

<sup>5</sup> Tertull. lib. 2.  
aduers. Marcio-  
nem.



pudenti mendacio lectorem fallere conaris? Nunquam enim *Carolus magnum tale quid fecitasse retulit eius cancellarius Eghinartus*. Nec si retulisset, fidem fecisset oratio. Male de Eghinarto meritis es, qui id eum scripsisse asseris, quod nec usquam scripsit, nec unquam ut opinor cogitavit (de mortuis mentiri nefas) peius etiam de Carolo magno, qui Regem tam magnanimum & potentem, atque omnium sui sæculi & sequentium Principum gloriam, rebus domi forisque gestis, longè superantem, tam submissè, humiliter, & abiectè, in Francorum Germanorumque Principum cœtum prodisse fingis. Quid enim? qui tot bellis in Gallia, Germania, Italia, Hispania, Pannonia, & alibi prosperè confectis, Magni nomen & imperium sibi comparavit, qui tam multis triumphis decoratus, qui tot hostium spoliis & trophæis ditatus, qui tot pacis bellique artibus instructus, qui tam variis animi & corporis dotibus ornatus, qui incessus, accessus, & concessus sui summa gravitate regalem semper & imperialem maiestatem præ se ferebat: *is carpento, quod bubus iunctis & bubulcorustico more trahebatur, ad publicum populi sui conuentum ire, & domum redire solebat?* commentum hoc est censoria nota & seuera castigati-  
one dignum: certè illustri omnibus documento esse potest, vel non legisse te authores ipsos quorum ficta & falsa nobis testimonia frequenter obtrudis, sed ab alio haud fideliter referente accepisse: vel, si legisti, dolosè nimis & malitiosè lectoribus insidiari atque imponere, quippe tantum abest ut Eginhartus eum Carolo Magno adeundi comitia modum tribuerit, ut ne quidem in tota eius vita describenda ullius ordinum aut conuentus & concilii meminerit, ullive eum comitiis interfuisse dicat: exceptis iis quæ extrema iam senectute & morbo ingrauescente habuit, & quorum author ille his verbis mentionem facit. *Extremo vite tempore cum iam & morbo & senectute premeretur, euocatum ad se Ludouicum Aquitania Regem, qui solus filiorum Hildegardis supererat, congregatis solenniter de toto Regno Francorum primoribus, cunctorum consilio consortem sibi totius regni, & imperialis nominis heredem constituit: impositoque capiti eius diademate Imperatorem & Augustum iussit appellari.*

Non inficior equidem Carolus Magnus vocatis ad se, regni primoribus sæpe conuentus egisse, nam id alii nobis probati authores narrant: sed quod tam indecoro & regia

regia dignitati parum conueniente habitu modoque in concilium progressus fuerit, id nec verum, nec verisimile esse, argumentis certo certioribus demonstrabo. Ac primum quidem ipsemet Eginhartus nobis suppeditat, quod hanc tam vilem in publicum prodeundi formam, velut Rege indignam inter notas amissi iam pridem regalis imperii retulit, eamque ab ignauia, stupiditate, & socordia postremorum Regum Merouingiorum, quibus, vt ille ait, præter inane Regis vocabulum, nihil erat reliqui, profectam esse admonet: idque eo consilio fecisse videtur, vt regni Childerico erepti inuidiam à Pipino, & eius posteritate summoueret: quasi non Imperium & potestatem, cum id antea Pipinus haberet, sed nomen tantum inodo, quod sine causa apud Merouingios erat, sibi assumpsisset. ita enim Eginhartus. *Gens Merouingiorum de qua Franci Reges sibi creare soliti erant, usque in Childericum Regem qui iussu Stephani Romani Pontificis depositus ac detonsus, atque in monasterium trusus est, durasse putatur: qua licet in illo finita possit videri, tamē iam dudum nullius vigoris erat, nec quicquam in se clarum præter inane Regis vocabulum præferebat. Nam & opes & potentia regni penes palatii præfectos, qui Maiores domus dicebantur, & ad quos summa imperii pertinebat, tenebantur: Neque Regi aliud relinquebatur, quàm vt regio tantum nomine contentius, crine profuso, barba submissa, solio resideret, ac speciem dominantis effingeret, legatos undecunque venientes audiret, iisque abeuntibus responsa qua erat edoctus, vel etiam iussus, ex sua velut potestate redderet: cum præter inutile regis nomen & precarium vitæ stipendium, quod ei præfectus aula prout videtur exhibebat. nihil aliud proprii possideret, quàm unam, & eam per parui redditus, villam, in qua domum, ex qua famulos sibi necessaria ministrantes, atque obsequium exhibentes pauci numerositatis habebat. Quocumque eundem erat, carpento ibat, quod bubus iunctis, & bubulco rustico more agente trahebatur: sic ad Palatium, sic ad publicum populi sui conuentum qui annuatim ob regni utilitatem celebrabatur, ire, sic domum redire solebat. At regni administratione, & omnia qua vel domi vel foris agenda ac disponenda erant, Præfectus aula procurabat.*

En vt Eginhartus Merouigiorum inertiam grauiter incusat, & hanc ipsam de qua tu loqueris publicè prodeundi formam, tanquam nimis vilem, lordidam, & abiectam, illis vitio vertit, adque eorum contemptum & ignominiam transfert. Quod cum ita sit, nonne stultum est existimare cum Regi magnanimo potentissimoque, ac domino suo,

1. Argum.

2. Argum.

& vt quidam volunt, etiam socero id tribuere, quod in aliis vt ignauum, turpe, & indecorum reprehendit?

3. Argum.

Alterum inde suppetit, quod neque ab Eginharto, neque ab vlllo alio authore qui illius seculi res gestas literis mandauit, proditum memoria est Carolum Magnum eo modo ad comitia processisse: cum tamen neutiquam sit verisimile, rem adeo memorabilem à tam multis scriptoribus, qui leuioris momenti res varias saepe commemorat, silentio fuisse prætermissam.

Omitto quod si tantus imperator, qui maximū regno Francico splendorem attulit, & cuius optimi quique post eum Reges vitam, mores, res gestas, imitari studuerunt, eū ad comitia proficiscendi morem obseruasset, eius posterum id ipsum non modo vt humile & indecorum non fuissent aspernati: sed, vt magnificum in primis & gloriosum, ad imitationis exemplum, & antiquitatis memoriam retinuisent. ita enim natura comparatum est vt res per se quidem vilissimæ, vel ob hominum qui illis vsi sunt dignitatem, vel quod operis alicuius insignis & præclari fuerint instrumenta, summo in honore & pretio habeantur, idque infinitis exemplis, si non esset notissimum, facile demonstrarem. Quid ante Christi passionem cruce ignominiosius? quid eadem, ex quo mundi in ea precium pendit amabilius, honorificentius, & gloriosius inter homines esse cœpit? qua de causa Caluinistæ, & alii id genus Hæretici, licet non alio violatæ religionis flagitio contaminarentur, omnem in hac re vna impietatem superarent: quod, cum se Christianos profiteantur, Christi trophæum, laureamque proterant & conculcent, atque adeo Christianæ gloriæ inuidos & sacrilegos se præbeant manifestè, dum crucis & lignum detestantur & vim abnegant, & vsum calumniantur condemnantque: hac & simili pro execrandæ impietatis suæ ratione superindicta blasphemiam: *si patrem furca, fixum habuisses, nunquid patibulum tibi præter oculos opponi & obuersari perpetuo velles?* quibus ego, sanè quidem perlibenter, si ob egregium & præclarum aliquod facinus, veluti ob salutem ciuibus partam, vel aliam necessariam Republicæ operam nauatam patibulo ab hostibus fuisset affixus: nec quicquam illo signo & monimento antiquius haberem, quod eius me præsentia, paternæ virtutis ubique commonefaceret: cuius generis multa sunt gentilitia insignia, rerum, inquam, vilissimarum in seuis nobilitatis depictæ ima-

ma-

magines, quas si quis simpliciter intueatur, non iis nobilitatem, sed sordem ciuitatis & faciem potius designari putabit: sin verò comparatè, atq; ad suas quamque causas, sueque constitutionis principia & fontes reuocauerit, cernet quamprimum illas, non modò non inania gloriæ signa esse, sed summæ laudis, ac vt rerum memorabilium indices & commonitrices ad posteritatis memoriam referuari. Quid iugo bouis, si simpliciter consideretur, magis rusticum? an non bubulcum potius quàm nobilè designat? At antiquissimæ tamen & illustrissimæ Haiorum familiæ, in qua Scotiæ Conestabli hæreditario iure nascuntur, gentilitia insignia, tria iuga rubricata & velut sanguine rutilantia sunt. quòd homo nimirum plebeius, qui summam posteris suis gloriam peperit, dum stiuam ageret vnà cum duobus filiis prope locum vbi Dani, post Anglos deuictos & tributarios factos, acerrimo cum Scotis prælio dimicabant, videretq; inclinari iam Scotorum aciem, & multos fuga dilabi à Rege, consilium, vt in rebus desperatis assolet, ex euentu capiens, iugum arripuit, quòd alia ei ad manum arma non essent, idèmq; similiter vt filii facerent imperauit, atque ita occupatis angustissimi loci faucibus per quem iter fugientibus erat relictum, magno & animi & corporis impetu in obuios quosque populares ferebatur, ac priuù vt patriæ communisque salutis memores sint, orat, obsecrat, hortatur, neu Regem in tam præsentis discrimine constitutù deserant, neu se, coniuges, liberòsque suos in perpetuam & ignominiosam dedant seruitutè: cumq; verbis se parù proficere apud homines fuga trepidantes cerneret, mortem omnibus minatus primos cadere, & eorum clade proximos terrere cœpit: ac nò propter in aciem regrederetur, se in omnes Danica immanitate crudeliùs seuiturum denūciat, qua voce, qui propiores erant vt exaudire possent, simulq; strage suorum ab Haio edita perterriti, cum nullâ sibi fuga salutè se querere posse cernerent, ac mori potius inter aciem gloriosè quàm à tribus illis rusticis instar pecudum mactari mallent, armis & animis resumptis, in hostem conuertuntur: qui verò longiùs aberant, suorù regressum conspicati, auxiliares copias aduentare putant & vociferantur: atque ita omnes Haio impellente, hi gaudio, illi metu, agmine facto prælium tanta animorum contentione & fortitudine, tanta corporù vi & impressione instaurant, vt fufis fugatissq; Danis ex victis victores euaserint. sed ita tamē vt



Hector Boet.  
in Scot. Histor.

2. Tertull. li. 1.  
ad vxor. & lib.  
de coron. milit.  
3. Lactant. lib. 4.  
de vera sapient.  
cap. 27. S. Greg.  
Nazianz. orat. 1.  
& 2. in Iulian.

omnem eius victoriæ laudem soli Haio deberi & seorsim singuli, & cuncti simul profiterentur: quo nomine magnis & præmiis & honoribus à Rege donatus, nobilitatis insignia accepit tria iuga, quòd iis Danorum exercitum penè sub iugum miserat <sup>1</sup>. Quæ cū ita sint hæretici profectò nimis impiè, petulàter, & insulsè de gloriosissimo isto salutis humanæ trophæo, & *quotidiano conuersationis Christianorū insigni* <sup>2</sup>, & sentiūt & loquuntur. Id autè illis suggerit caco-dæmon qui crucis signaculo victus, vinctus, vexatus, & excruciatu horridè ingemiscit <sup>3</sup>. Sed excrâdas hæc facis Christianorū blasphemias mitto, vt ad te Boucheri redeâ.

Si Carolus Magnus ad comitia carpento à bobus tracto vectus sapius iuisset, an non aliquando eius rei mentionem historici fecissent? an non intermitte illius consuetudinis vel causam, vel tempus, vel vtrumque ipsorum aliquis adnotasset? an non cū singulorum Regum vitas & facta curiosius describât, quo in Rege mos ille defecerit, aliqua seu laudationis, seu vituperii nota, aut alio quouis indicio lectorem obiter admonuissent? quod cū nemo eorum fecerit, ne tu audaculus commentor es, qui penè octingentis post eius excessum annis ortus, sine teste, sine authore, sine verisimilitudine, rusticum ei incessum habitumq; pro Regio & imperiali tribuis: & eodem pede metiris eum, qui, si quis vnquam alius, & re & nomine Rex fuit, quo illos qui omni imperio nudati, nihil nisi *inutile Regis nomen* & *precarium vita stipendium*, eumque in conciliis locum, què inter barbarica numerorum elementa illud quod vulgo cyphra nominatur, obtinebant. Quo autem hæc omnia consilio à te facta sint, librorum tuorum lectoribus facilè fuerit diuinare: mihi quidem perinde facere videris atque Æsopica vulpes, quæ, sicut est in fabulis, vt gallum gallinaceum facilius iugularet, eius patrem magnis laudibus extollebat, filioq; nihil ad paternæ modulationis in canendo venustatem, deesse aiebat, nisi quod patri mos fuerit, cum elegantius cantare veller, imis pedum articulis insistere, & clausis oculis ter in gyrum se rotare, antequam vocem emitteret, cui gallus paternæ gloriæ æmulus, & se quoque hoc facturum respondit, moxq; cum hic clausis oculis & corpore circumactò patrem referre conatur, ille in non cernentis iugulum inuolat, dicens, nimius te fastus fefellit, sed meus nunc eris, cui & pater etiam præda fuit. Sic tu quòd facilius Reges in tuam retem pertrahas, Carolum Magnum in eo quod

¶ nunquam fecit imitandum proponis, vt, dū ei se similes præbere cupiunt, antiquo & vili illos carpento includas, adque paupertatem & precarium vitæ stipendium redigas, atque adeo populi iterum ludibrio & libidini, vltimorum Merouingiorum more exponas, restituto interim palatii magistro, quo re ipsa Rex sit & regni habenas moderetur. Quod quam rectè, atq; è Republica feceris, tuam tibi cōscientiam iudicem fero: nos interea quod rationis tuæ reliquum est persequemur.

## CAPVT XVII.

**B**OVCHER. *Quæ verò conclusa illic erant placita, id est firma decreta, & quæ conuelli nefas esset, dicebantur unde illa comitiorum olim vox, tale enim est nostrum placitū vt multitudinis sapientum scilicet, non vnius alicuius iudicium designari hic audias. Quæ quod certi homines, & nimis gratiosi Gallicè vertunt, TEL EST NOSTRE PLAISIR, cum potius TEL EST NOSTRE ARREST, aut quiduis aliud dicendum fuisset, quod placita Græcis δὲ τὸ νόμον sūt, viderint illi, quam magno nobis constiterit praua versio hac qua regibus ad tyrannidem tam ingentem fenestram aperuit, vt quibus, id est Gallis vniuersi populi ac regni iudicia proponi olim pro lege solita erant, nunc si superis placet, vnius libido ac voluntas, instar legis proferatur, imò obtrudatur. Atque ita, vt huic qui parere desierit, lese Maiestatis reus, o tempora! conclametur.*

¶ Quin trium ordinum, quos vulgò tres regni status vocant, conuentus & concessus in rebus arduis & publicis negotiis deliberandis plurimum habeat momenti, nemo sanus negauit vnquam negabitue, non ea solum ratione ¶, vt ait Aristoteles I, plures vbi conueniunt, & cernunt acutiùs, & rectiùs iudicant, & difficilius corrumpuntur, quam vnus aliquis quisquis ille sit: nam id, licet vt plurimum, nō vsquequaque verum esse, variis libro secundo exemplis ostendimus: sed etiam quia id homines libentius exequuntur, cuius ipsi participes & velut authores consilii sunt: & præterea quòd quæ Princeps in eiusmodi comitiis de Procerum siue ordinum sententia decreuerit, ea licet alioqui acerba & ponderosa videantur, si inconsultis iis Rex eadē pro imperio iuberet, toleratu leuiora populo videri solēt, quasi ipsimet sponte quodammodo id sibi oneris imposuissent. Quod denique nullam subditis iniuriam facere videtur, quando ipsis scientibus & consentientibus, tributa, vectigalia, portoria seu noua, seu maiora indicit: quip-

Lib. 2. Politic.

2 l. 4 §. vsque ad-  
co ff. de iniuriis  
ca. scienti de reg.  
iur. in 6.

2 l. Nemo 145.  
ff. de reg. iur.

3 li. 5. ca. 13.

4 in vita Ludo-  
uic. XII.

Frācogall.

pevolenti non fit iniuria<sup>1</sup>, & nemo videtur fraudare eos  
qui sciunt & consentiunt<sup>2</sup>: Etenim profectò hi comitio-  
rum & concilii publici effectus summam regibus & regnis  
utilitatem, & stabilitatem adferunt. vt mirum non sit, si a-  
pud omnes nationes inque regnis omnibus bene constitu-  
tis magnus semper honos, magnaque authoritas talib. or-  
dinum conuentionibus delatus sit, per quas Rex in admi-  
nistrando imperio consiliis, opibus, auxiliis adiuuatur. At  
Maiestatem tamen regni penes ordines seu comitia esse, vt tu  
ais, ac non in ipso Rege, qui regni totius atque adeo ordi-  
num omniũ caput est, id nisi in interregno dici non potest.  
Nam & ordines ipsi Regis iussu, & eò loci conueniunt quẽ  
ipse illis assignat. Itaque Aimoinus<sup>3</sup> de Ludouico Pio. *Por-  
ro autumni tempore, inquit, in Theodonis villam conuenire ge-  
neraliter suum populum precepit.* Et vbi adsunt Principem ve-  
nerantur, & eius Maiestatem suspiciunt, suàsque ad eum  
querelas deferunt: ac si quam vel vitiosam, vel corruptam  
consuetudinem, vel legem inutilem & ab æquitate abhor-  
rentem, aliudve quippiam perfecto Reipublicæ regimini  
deesse vel abundare animaduertunt, id vt eius authoritate  
atque imperio emendetur, humiles supplicēsque solēt po-  
stulare, quo pertinet egregiũ illud supremæ Curiaẽ respon-  
sum à Gaguino<sup>4</sup> relatum, nempe se à Rege iussos promulgare  
quas tulerat leges. *Apud illum auctoritatem esse abusiones tollen-  
di & corrigendi errata qua à suis committi subditis comperisset.*  
Inde fit vt quia boni Reges nolunt parum æquas aut minus  
necessarias leges subditis obtrudere in *Caroli Magni capitu-  
lari* iubetur populus interrogari, de capitulis quæ recẽs ad-  
dita sunt, & vbi omnes consenserint, subscriptiones & ma-  
nufirmationes in ipsis capitulis facere, non quòd Rex legem  
subditis sine eorum consensu, in *2<sup>a</sup> Mg. Pópis* ferre non po-  
test: sed quod illis grator est, & diuturnior futura, quam i-  
psimet sua consensione probant.

Quod autem de *Placiti* vocabulo ad assertionis tuæ cõ-  
firmationem adiungis, id nulli certo, antiquo, vel probato  
authori acceptum referre potes: sed totum ab *Hotomano*  
mutuatus es<sup>5</sup>, qui & ipse nullum veterem sententiæ suæ a-  
stipulatorem inuenire potuit, tantum propria coniectura  
eaque perleui & sublestititur. *Quod cum ita se habeat, in-  
quit, non absurda opinor, coniectura nostra videbitur, quam aliis  
iam quibusdam in libris nostris exposuimus.* At nulla ratio sua-  
det, nulla necessitas cogit phantasticis, ne dicam fanaticis  
vestris

vestris coniecturis, delatum Regibus iure gentium imperium euinci, atque eripi eis oportere.

Concedam igitur, & non inuitus concedam, clausulam hanc, *Cui tel est nostre plaisir*, siue, vt alii eā efferunt, *Cat ainsi nous plaisir*, ab antiqua illa, *quia tale est nostrum placitum*, in vulgarem & vernaculum sermonem esse cōuersam: sed neque ab hominibus nimis gratiosis, vt tu ais, neque vt Horomanus, à Scribis regis vel insciētia vel malitia, hoc modo versam esse concedam: sed ab hominibus latinæ linguæ proprietatem scitè callentibus, & nulla neque malitia, neque gratia corruptis, ita fuisse Francico sermone expressam contendo: & illud planè falsum esse quod scribis: comitiorum illam fuisse vocem, *tale est nostrum placitum*: non enim comitiorum fuit, sed Regis ad regni & Reipublicæ utilitatem aliquid de ordinum sententia in comitio decernentis, cuius rei multa nobis non obscura neque dubia argumenta suppetunt, cum tu ne vnum quidem efficax & verisimile pro tuo commento possis proferre.

Nam primū omnium pro nobis est, quod in diuisione iuris scripti speciem vnā constituūt, *Placita Principū*<sup>1</sup>, & speciali nomine ita vocantur, vt ab aliis iuris partibus discerni possint: nusquam verò apud vllum linguæ latinæ, aut alioqui fide dignum authorem placitum comitiorum vel ordinum, scriptum, ni fallor inuenitur: Decretum verò generale vocabulum, & commune tam Principum quā amplissimi ordinis, & iudicium omnium est. Et quanquam posteriores Gallicarum Germanicarumq; rerum Scriptores qui magis rudi literarum seculo floruerunt, Placiti nomen pro ipso procerum conuentu vsurpant<sup>2</sup>, tamen Regis id placitum vocant. Itaque Regino<sup>3</sup>, qui ante sexcentos annos scripsit, *Anno Dominica incarn. inquit DCC. lxxiii. Rex Pipinus habuit placitum suū in Niuernis, & quarto ingressus est Aquitaniam*: & post de Carolo Magno loquens<sup>4</sup>: *Anno Dominica incarn. DCC. lxxvii. Rex Saxoniam ingressus placitum tenuit in loco qui dicitur Padresbruna* & iterum *Anno dominica incarn. DCCXCV. Rex venit Moguntiam ibique tenuit placitum suum in villa quæ dicitur Cussinslein* & alibi in eundē modum sæpius.

Deinde verò quæ in consiliis sapienter, egregiè, & vtiliter, dicta, factaque sunt, ea Regibus ipsis, quoniam ab illis auctoritatem capiunt attribui & ascribi teste Polybio<sup>5</sup>, debent, hinc illa non insolens locutio, Imperator in Senatu decreuit: & illa Fræcis omnib. notissima, *par le Roy en*

<sup>1</sup> §. constat. Instit. de iur. nat. gent. & ciuil.

<sup>2</sup> Gred. Tur. Aimo. Regino. & alii.

<sup>3</sup> Lib. 2.

<sup>4</sup> eodem lib.

<sup>5</sup> Lib. 4.



*son conseil: itemq; illa, par Ordonnance du Roy faist aux Estats tenuz à &c.* Omitto quòd supremæ Curix, quæ velut, ordinum epitomæ sunt, non sua in decretis sed Regis voce loquantur, & quicquid Arestis suis definiunt id Regis & nomine & autoritate exequi soleant. Adhæc omnes regni ordines Regem verè dominum, & superiorem semper agnouerunt, vt vel ex vna ipsorum responsione in frequentissimo conuentu Parisiis habito Gaguinus docet: & Placiti vocabulum patrono quàm clienti, domino quàm vassallo, superiori quàm subdito magis conuenit: quib. consequens est, verba illa, quia tale est nostrum placitum, de Regis potius quàm concilii voluntate esse intelligenda, ita enim Gaguinus<sup>2</sup>. *Insequentipostea vere, conuentu Parisiis habito Pontifices primum Philippus, commemoratis, quas à Bonifacio acceperat iniuriis, rogat à quo suarum Ecclesiarum pradia prouentusque accepissent, deinde ad proceres conuersus. Et vos inquit, viri nobiles, quem vobis Regem dominumque habere arbitramini? Respondentibus sine cōtrouersia, regio se iure illa omnia tenere atque tueri, At, inquit Rex, Bonifacius ita agit, quasi vos regnumque omne Francorum sedi Apostolica subiectum sit. Quid tu ad hæc Boucheri? non audes opinor dicere Franciæ nobilitatem tunc imbecillem & parum animosam vel ordinum autoritatem illo Philippi pulchri seculo fuisse imminutam, & tamen vides eos ingenuè fateri se Philippum & Regem & dominum habere. Postremò quòd ipsemet Eginhardus non comitiorum sed Regis iussum vocat, quo Ludouicus ante Rex Aquitaniæ confors imperii factus & Augustus est appellatus, cùm tamen in celeberrimo totius Galliæ Germaniæque conuentu is Ludouico honos decretus sit: sic & alii passim historici, de reb. in concilio publico constitutis, loqui solent. Quæ cum ita sint, satis profectò demonstrant clausulam illā, quia tale est nostrum placitum, non vt cōcilii, sed vt Regis aliquid in comitio statuentis vocem esse accipiendam. Tibi autem & Hotomano à quo hūc errorem sumpisti, nulla probabilis nec ratio nec coniectura in cōtrarium relinquitur: captiunculas tamen vestras cuiusmodicunq; sunt, vt damnationis sententiam ferant, lectoris iudicio sistam.*

Tu igitur vnā tantū rationem adfers, quod nempe *nostrum placitum*, non autem *meum placitum* dicitur, quasi verbo illo *nostrum* significetur vocem illam nō esse Regis, sed comitiorum. unde illa *comitiorum vox*, inquis, *tale enim*

est nostrum placitum, ut multitudinem sapientum scilicet, non  
 unius alicuius iudicium designari hic audias. At huic rationi  
 tutemet superiorib. tuis scriptis omnē certitudinē, & vim  
 concludendi necessariam funditus sustulisti. ut nisi tecum  
 ipse manifestò pugnes, fateri te oporteat non posse hac lo-  
 cutionis formula discerni, vtrum illa Regis solius, an toti-  
 us concilii vox sit. Nam inter alias tuas peruersas in Regē  
 Henricum inuectiones, id ei vitio vertis <sup>1</sup>, quod ille primus  
 veterem ut ais, Regem in plurali numero loquendi morem immu- <sup>1</sup> Lib. 2. cap. 20.  
 tauit cum illi nostrum regnum, nostri, subditi, & similia dicere in fin.  
 soliti essent. qua de re pluribus iam differui <sup>2</sup>. Si igitur te au- <sup>2</sup> hoc lib. ca. 10.  
 thore, antiquis Regibus mos loquendi fuit in plurali nu-  
 mero, qui scire possis ex vocabulo, nostrum, vtrum Regis  
 an multitudinis vox illa fuerit: certè id intelligere ac dis-  
 cernere non difficile modò sed planè *adwato* est: aut si  
 multitudinis vocem hanc esse idcirco colligis, quòd Rex,  
 cum vnus tantum homo sit, non in plurali sed in singulari  
 numero fuisset locutus: cur tu tam improbè Regem Hen-  
 ricum perstringis, quasi ipse Regum primus, singularis nu-  
 meri locutionibus vsus sit: quin scèda quidem in alterutro  
 horum lapsio tua videatur, vitare nullo modo potes. Qui  
 suas cogitationes & res memorabiles magnique momen-  
 ti cum hominibus communicare, & literis mandare stu-  
 dent, si ne quid temerè effutiant, sensa sua diu versare, & a-  
 cri pensare iudicio prius debent: cuius rei neglectio ma-  
 gnorum tibi errorum his libris causa fuit.

## CAPVT XVIII.

**N**Vnc duas Hotomani rationes <sup>3</sup>, quæ tua ista nihilo <sup>3</sup> cap. 17. Fran-  
 meliores sunt breuiter strictimque attingam. Earum cogall.  
 prior est ex antiqua ordinum regni conuentione &  
 concilio, quod placitum ut dixi ab historicis non raro ap-  
 pellatur in quo res grauiiores ad statum Reipub. pertinen-  
 tes agi transigique solebant. At id neque omnem planè regni  
 administrandi potestatem & maiestatem penes publicum concilio-  
 um fuisse, quamdiu Rex aliquis est, neque clausulam illam,  
 tale est nostrum placitum, ad authoritatem potius comitiorū  
 quàm Regis pertinere docet: tantum hoc docet, Reges  
 in concilio publico res magni momenti tractare solitos:  
 quod nos fatemur, & laude dignum iudicamus: deque eo  
 non nihil lib. 4. diximus <sup>4</sup>. Sed mirum profecto est Hoto- <sup>4</sup> cap. 18  
 manum,

manum, subtilem alioqui & acutum I C. quo præceptot  
xxx. circiter abhinc annis in Bituricensi Academia aliquā-  
diu vsus sum, non animaduertisse superiorem suam sentē-  
tiam exemplis à se propositis aliisque similibus labefacta-  
ri: quippe Regis vbique authoritas, in iis, vt patris familias  
in domesticorum conuentu deliberantis cernitur. Primū  
enim exemplum ab illo positum ex Aimoino <sup>1</sup> est, qui de  
Lud. Pio sic scribit *Indixit generalem conuentum autumnī tē-  
poris in Carisiaco, in quo loco & tempore filius eius Pipinus ab A-  
quitania ad eum venit: & ipsi conuentui interfuit? Vbi dominus  
Imperator filium suum Carolum armis virilib<sup>9</sup>, id est ense cinxit:  
corona regali caput insigniuit, patremq; regni quam homonymus  
eius Carolus habuit: id est Neustriam ei attribuit.*

† Lib. 5. c. 17.

2 Lib. 4. c. 37.

3 Lib. 7. in vita  
diui Ludouici.

Alterum exemplum est ex eodem Aimoino de Carolo  
Caluo <sup>2</sup>, qui cū Romā proficisci vellet *Placitum generale  
Kal. Iunij habuit: vbi per capitula qualiter regnum Francia filius  
suis Ludouicus cum fidelibus eius & regni primorib. regeret, usq;  
dum ipse Roma rediret, ordinauit.* Tertiū ex Gaguino <sup>3</sup>. *Cum  
Parisiū, inquit, venisset Ludouicus, conuentu generali habito  
Rempublicam reformauit, statutis optimis legib. de iure à iudi-  
cibus dicendo & de officiis non emēdis: his ego quartum de Ca-  
rolo Magno adiungam quod ex Eginharto suprà retuli:  
Extremo vitæ tempore, inquit, cū iam & morbo & senectute  
premeretur euocatum ad se Ludouicum Aquitania Regē qui solus  
filiorum Hildegardis supererat, cōgregatis solemniter de toto regno  
Francorum primoribus, cūctorum consilio consortem sibi totius  
regni & imperialis nominis heredem constituit: impositoque capi-  
ti eius diademate Imperatorem & Augustum iussit appellari.*

En vt in omnibus his exemplis dicuntur Reges conuen-  
tum & comitium siue placitum indicere & habere, inque  
eo iubere, cōstituere, ordinare, reformare, attribuere, alia-  
que id genus, quæ placiti vocabulo significantur, facere: vt  
dubitari non possit verba illa *tale est nostrum placitum*, ad  
Regis voluntatem & authoritatem esse referenda.

Non pertinent autem ad hunc tractatum exempla reli-  
qua ab Hotomano proposita <sup>4</sup>, veluti quod ex Aimo-  
no <sup>5</sup>, adfert de Carolo Caluo (vbi lapsus est in nomine  
Hotomanus, debuit enim dicere, de Ludouico Balbo, Ca-  
roli Calui filio. Nam cum Ludouicus Balbus id fecerit an-  
te inaugurationem ac proinde in interregno, (quo tempo-  
re tota in populo, & procerib. maiestas ac potestas reside-  
bat vt supra sæpius est declaratum) Primores iure indigna-  
ti sunt,

ti sunt,

4 dist. cap. 15.

5 Lib. 5. ca. 36.

ti sunt,regali ipsū authoritate vsum antequam Rex esset. Nondum enim vel consuetudine receptum, vel decreto aliquo constitutum fuit, quod nunc obseruatur: vt Rex scilicet ante consecrationis solemnia pro Rege se gereret, vel pro consecrato quantum ad ius regni administrandi habetur: qua de re supra nonnihil scripsimus <sup>1</sup>. Nulla igitur hic contentio & controuersia inter regni ordines & Regem, nihilque Regis authoritati & potestati ab ordinibus detractum: sed tantum inter regni ordines & eum qui nōdum Rex erat constitutus, & more maiorum inauguratus, licet ei regnum iure gentium & ciuili, iure inquam hereditario debebatur, qua de re libro tertio <sup>2</sup>, & quarto <sup>3</sup>, scripsimus. Item neque illud quod de regni ordinibus sub Carolo Simplice ex Aimoino <sup>4</sup>, scribit. Nihil enim eo exemplo continetur, nisi quod procures Rege puero in cunis a genti tutorem dederunt, qui regnum Regis nomine tantisper dum adoleuerit administraret. quæ res, tantum abest, vt Regis authoritatem minuat, vt eam maximè cōfirmet: ostendit enim non ius sed iudiciū, nec potestatem sed ætatē gubernandi regnum Carolo Regi defuisse. Itaq; hic ille casus est de quo Apostolus <sup>5</sup>. *Quanto tempore heres paruulus est, nihil differt à seruo, cum sit dominus omnium: sed sub tutorib. & actoribus &c.* Minimè autem omnium ad disputationem nostram pertinet responsum Clotharii Regis datum Brunehildi petenti regnum Austrasiæ Sigeberto Theodorici filio, quod ex eodem Aimoino adducit Hotomanus <sup>6</sup>, & tu deinde ex Hotomano, qui & superius illud de Placiti significatione argumentum tibi suppeditauit: responsum autem his verbis apud Aimoinum refertur. *Adnitentibus Arnulpho & Pipino Austrasia primoribus Clotharius Captonnacum vsque accessit. Brunehildis in VVormatia residens, eius audito aduentu, ad eum dirigit, obtestans, vt de regno Theodorici quod filius reliquerat secederet. Clotharius respondit, conuentū nobiliū debere eā aggregare Francorū, & cōmuni tractatu de cōmunib. consulere rebus: se verò iudicio illorū in omnib. pariturum, nec preceptis promisit obstaturum.* Hoc inquam, nihil quicquam ad præsens institutum pertinet: controuersia enim hic est de regno inter eos qui illud iure hereditario sibi debitū affirmat, quo casu populus, seu primores qui populū repræsentant, legitimi & soli iudices sunt, vt supra libro tertio <sup>7</sup>, fusius est explicatū. Deniq; nec illud ponderis & momenti quicquā habet, quo traditur <sup>8</sup>, eundē Clotharium iudiciū

<sup>1</sup> Lib. 3. cap. 2.<sup>2</sup> cap. 2. & 3.<sup>3</sup> cap. 16.<sup>4</sup> Lib. 5. cap. 42.<sup>5</sup> ad Galat. ca. 4.<sup>6</sup> dict. ca. 2.<sup>7</sup> cap. 3.<sup>8</sup> Aimoin. ll. 4.

cap. 1.

de



de capite Brunechildis exercitui & ordinibus regni commiſſiſſe, his verbis. *vos dulciſſimi commilitōnes & præeminentēs Francia, primores decernatis cui ſubiaceat ſupplicio tanti obnoxia ſcleris.* Reges enim quo iuſtiorē animaduertendi cauſam ſe habere oſtendant, & iudicii ſimul inuidiam facilius à ſe remoueant, toti populo vel primoribus cognitionem dēmandare ſolent, vt, quos ipſimet pro imperio & ſumma in omnes poteſtate abſoluere vel cōdemnare poſſunt, exemplo Salomonis qui in Adoniam fratrem, ac Ioabum militiæ præfectum, & Abiatharum ſummuū Sacerdotem, Maieſtatis reos, ſententiā arbitrato ſuo, in illos ſeuēriorem, in hunc mitiorem protulit, ii ab aliis rato & conſtante iudiciorum ordine ſecūdm leges iudicentur. Quid reliqua perſequar? Nullus eſt in hiſtoriis Francorum locus, nulla in vetuſtis regnorum monimentis, vel ſacris literis ſententiā, quæ, ſi non callida & malitioſa interpretatione adulteretur, maiēſtatem penes Regem eſſe, inque eius perſona reſidere, neget. Nam quod ſubditi aliquando Regum ſuorum imperia detrectarint, atque inſenſis & inimicis animis eos ciuili bello laceſſerint, vexarint, ſuperarint, ſolio denique & ſceptro, interdum etiam vita ſpoliarint: id non vt tu falſò putas<sup>1</sup>, legitimū eorum in Reges ſuos imperium, quod nullum eſt nec eſſe poteſt, ſed inordinatū ferocientis, & obedientiæ iugum excutientis populi, impetum demonſtrat.

Alterā ratio Hotomani à *Placiti* ſignificatione deducta omnino puerilis eſt & grammaticorum verbere flagellanda. *Latina conſuetudine Placitum id proprie dicitur*, inquit, *quod re in multorum conſilio quaſita & deliberata tandem inter ipſos conuenit*: vnde *Placita Philoſophorum apud Ciceronē, & alios antiquos dicta ſunt*. Egregia ratio ſcilicet: quaſi verò *Placitum*, ſicut & *decretum* non vnius hominis perinde ac multorum dici poſſit. Aut non quemadmodum cum Cicerone dicimus *Placitum mihi eſt, & placitum nobis eſt*, ita etiam, *Placitum meum eſt, & placitum noſtrum eſt* dicere poſſimus. Nā quod ad placita philoſophorum attinet, non ideo cenſentureo nomine quia ex multorum philoſophorum conſenſu pendent, ſed quia aliæ aliis de natura & cauſis rerum opiniones & ſententiæ placuerunt: Itaque Plutarchus in libris de placitis Philoſophorum, non illa ſolum inter placita commemorat, de quibus plures conſenſerunt, ſed ea quoq; quorum vnius tantum aſſertor exitit: ex quo perſpicuum

spicuum est, placitum tam vniū quam multorum dici posse. Apud Ciceronem verò in illis eius libris quos habemus non arbitror *Placita philosophorum* facile posse reperiri.

## CAP. XIX.

**P**erspicias nunc, Boucheti, si oculo & animo respicias, quam sit vana, & inanes tuæ aduersus Regum imperia rationes. Dede, dede te ipsum victici & vinci nesciæ veritati, cuius ductu atque imperio postremus, qui solus superest aciei tuæ cuneus, imposituris quidem, captionibus, & mendaciis insigniter armatus, mox debellabitur: quo fuso fugatoque confectum pro Regibus & perfectum oculum iure optimo censeri potest. Cuneus autem de quo loquor cumulus est falsarum sententiarum & rationum de Rege tyranno exigendo, interimendoque à te congestus, quibus imperitæ multitudinis aures & animos velut præstigiis quibusdam adeo misere fascinasti, vt perfractis omnibus iuris, officii, pudoris, & obedientiæ repagulis, in Regem legitimè supra se constitutum, & per Deum regnantem, soloque Deo inferiorem, dum id sibi tuo monitu atque hortatu licere putant, imprudenter nimis & infelicitè coniurarunt. Cuius facti equidem commemorationem neque hic, neque alibi facio quòd obductam nunc illam regni Francici cicatricem refricare cupiam, quin potius id quicquid est, obliuionè sempiterna delendum operem: sed quia eius rei mentionem mihi necessitas sæpe exprimit, quoniam virtus illud à te multorum animis instillatum, nimis quorundam pectoribus adhuc hæret, & eo quidem lethalius hæret, quòd porrectum sibi in libris tuis venientum nondum sciant, nec sentiant: ob eamque causam metuendum ne, vt in hausto toxico sæpe accidit, præcordiis tandem obsessis & occupatis, feruor & furor tanti veneni novos animi morbos, nouasque tragedias, & eluctuosa prorsus spectacula ad regnorum interitum, vel fortè interitum rursus excitet: cui vnum malo remedium est, veritatis nempe antidotus, quæ vi & impetu rectæ rationis, salutem deprauatæ opinionis egestionem commouere solet. Erroris itaque tui, seu falsi & detestabilis sententiæ de Regibus, cuius patefactionem refutationemque hic paucis absoluiam, summa est *Regem si dominari uis fiat, si toto præuè abusa: ut, eumq; iniuste administret, iudicari, eiicere, & occidi*

1 li. 3. c. 14. &amp; 16.

*cidi à subditis, siue à Republica, vt tu loqueris <sup>1</sup>, posse.* Qua sententia nihil esse falsius & diuinæ ordinationi magis aduersarium, nihilque regnorum conditioni perniciosius mentibus hominum ingeri posse, pluribus iam libris demonstratum: in quibus contrariæ sententiæ veritas, omnis generis Sacris & prophanis testimoniis, planè & dilucidè comprobata est & firmata: nempe Regem legitimè constitutum, licet potestate sua impotenter & prauè abutatur, neque abdicari à subditis, neque in ordinem cogi, multoque minus ad supplicium rapi posse. Hoc ius regis esse, ne humanis legibus subiaciatur, neue, licet omnia illa perpetret quæ tu falsò & calumniosè ad probandum tyrannidem Regi Henrico impogisti, vlla ei à populo vis inferatur, Scripturæ autoritate, & sanctorum Patrum conspirante & consentiente doctrina probauimus <sup>2</sup>: potestas enim talia faciendi, ius Regis vocatur à Propheta <sup>3</sup>, non quodd talia facere Rex sine iniuria, & scelere grauiore possit, sed quodd, si talia fecerit, iure regni & Imperii potestate ab omnibus humanarum legum pœnis tutus est <sup>4</sup>: ita vt ea de causâ nō in eum, quemadmodum in alium aliquem quantumuis potentem, animaduerti possit qua de re libro secundo satis multa scripsimus. Quod cum ita sit, cum inquam huius superioris sententiæ tuæ falsitatē, contrariæ sententiæ testata veritas satis arguat, id tantū superest hoc loco, vt eius erroris radices & fundamenta, captiones dico & rationes in speciē pbabiles, quib. nititur, stirpitus euellam euertamq;.

2 li. 2. &amp; 1.

3 1. Reg. 8.

4 S. Ambr. in apolog. Danid. 1. ca. 4. & 10.

BOUCHER <sup>5</sup>. *Tyrannum duobus modis intelligi constans Theologorum sententia est, vno modo, si quis dominatum iniuste inuaserit, altero, si quis dominatu iuste acquisito prauè abutatur, eumq; iniuste administret.*

Rectè quidem: & est magna horum inter se differentia, quam tu subinde in quæstionum de iis tractatione, vel inscienter, vel fraudulenter, confundis perpetuò & cōturbas, quo vitio nullum in Doctore maius. Propriè tyrannus is dicitur qui in libera ciuitate, liberòque populo, summum in omnes Imperiū vi & armis occupat, quem & omnib. vniuersè, & singulis separatim, quo modo quaque arte possint, deturbare & tollere de medio, vt hostem publicū, semper sine vlla contradictione licuit, quippe cui nullo fœderis & fidelitatis vinculo astringuntur. Minus verò propriè, & sermonis seu vsu seu errore, is etiam tyrannus dici solet, qui principatum quem iure adeptus est, cum subditorum iniu-

5 li. 3. c. 17.

iniuriâ superbè, crudeliter, avarè, vel nequiter administrat. Hunc tu iniustissimè in superioris tyranni vincula & leges compellis: quandoquidem licet aliqua inter eos in modo gubernandi, nulla tamen in iure imperadi, & principatum retinendi affinitas, vel similitudo reperitur.

BOVCHER. Duo ergo cum sint quæ de Republ. an ei in tyrannum, utroque modo sumptum, liceant, inquiratur. An scilicet priuare eum dignitate possit, an etiam occidere: de priore dubitandum esset; nisi perinde illud foret ac quarere; in eo quidem qui inuadit. An raptorem liceat de aliena possessione deicere: in eo verò qui aburitur, An gladium liceat furioso adimere.

Relinquamus nunc inuasorem, de eo nulla mihi tecum cōtrouerſia est, nec enim pertinet prius illud tyrannorum genus ad institutum nostrum; tota de posteriore disputatio est. Quod igitur ais, perinde esse quarere, an liceat priuare dignitate eum qui dominatu iuste acquisito prauè aburitur, ac si quis quæreretur an gladium liceat furioso adimere, id qua iuris disciplina, diuini vel humani, hauseris, per Deum nobis edicito: nam neque furiosus cum homine peruerso & mentis compote comparari solet: neque ut procurationem, administrationemque rerum suarum, ita etiam dominium & dignitatem aliquis propter furorem amittit. Si enim, quod saepe contingit, paterfamilias mente captus esse cœperit, saluum ei ius domini, salua dignitas in familia remanet, administrationis tantum arbitrio & libertate, propter consilii inopiam, tantisper dum desipit, priuatur. Si Princeps similiter in furorem & dementiam inciderit, non ei maiestas imperii, non dignitas & dominium principatus aufertur, sed tantum gubernandi & administrandi regni facultas, quam eius nomine curatores Reipubl. interea exercent: quod etiam de Rege infante creato obseruari solet, quarum rerum si non multa passim exempla, & patrum, & nostra memoria omnibus notissima extarent, insignia quædam hic referrem. Dissimilia igitur hæc sunt, eripere gladium furioso, & priuare principem tyrannicè regnantem dignitate sua, cum huic proprietas & dominiū, illi vsus tantummodo & exercitium adimatur. Deinde verò gladius furioso aufertur, quia nullam putatur habere voluntatē qua uti vel abuti gladio possit, cum per omnia & in omnibus absētis, vel quiescentis loco habeatur<sup>1</sup>. vnde si hominem occiderit, nullius culpæ reus est<sup>2</sup>, at sanæ mentis homini, quia quisque rei sue

<sup>1</sup> l. 2. §. furiosus  
D. de iur. codici  
<sup>2</sup> l. infans D. a  
l. Corn. de fidei.



1. in re manda-  
ta. 21 C. mand.  
2. 1. sed & si 25 §.  
consultuit. 1. si  
quid possessor.  
31. §. sicut D. de  
pet. hered.

*moderator atque arbiter est* <sup>1</sup>, uti vel abutire sua licet <sup>2</sup>, ideòq;  
ea illi non adimitur, si enim abutendo alium læserit, pœnas  
meritas debitæque competenti iudici persoluet. Qua de  
causa si Princeps qui (ut verbis utar tuis) *dominatus iuste ac-*  
*quisito prave abutitur eumque iniuste administrat*, alienam su-  
pra se dominationem agnoscit, ut olim Reges quidam, &  
nunc omnes Germaniæ Principes Imperatorem, queren-  
tibus & expostulantibus de iniuria subditis, puniri à superi-  
ore potest. Sed si supremus ipse Monarcha sit, qui eo modo  
populum affligit, cum iudicem in terris nullum habeat (ut  
vestris infomniis ac deliriis refutatis, certo iam certius est  
demonstratum) nihil in eius perniciem à subditis, nisi per  
vim & scelus, tentari potest: nullaque illis vlciscendæ iniu-  
riæ via superest, nisi ut Dei omnipotentis tantum, per quē  
regnat & quem solum superiorem habet, misericordiam,  
opem, & auxilium obtestentur atque implorent, eiusque  
iudicium, quod humano quouis celerius & seuerius est,  
humiles supplicēsque patienter expectent: id enim omni-  
bus persuasum esse debet, malos principes Dei virgas esse,  
quibus populum delinquentem, ut pater filios, castigat &  
corrigit. Vnde de Sennacherib Dominus exclamat <sup>3</sup>. *Va*  
*Affur virga furoris mei & baculus ipse est, in manu eius indigna-*  
*tio mea, ad gentem fallacem mittam eum, & contra populum fu-*  
*roris mei mandabo illi &c.* Populus itaque cum ob Regis le-  
girimè constituti sæuitiam, aliòsve mores tyrannicos, de  
eo abdicando vel interficiendo coniurat, perinde facit ac  
filius, qui dum iusta de causa cæditur, virgam vi eripit & ex-  
torquet è manu patris, atque in frustra concidit, vel cremat  
ignibus: quo facto parentis in se animum non ad miseri-  
cordiam sed ad iracundiam commouet, facitque ut qui vir-  
gas fregit, mox loris vel funibus Ibericis feriat, & tandiu  
vapulet dum rectam placandi genitoris rationem inierit,  
nempe eum lachrymis, obsecratione, precibus, & culpæ de-  
precatione ad miserationem flexerit. Ita populus qui pa-  
tris omnium communis Dei. Opt. Max. virgam frangere,  
id est Regem tyrannum vindicandis sceleribus datum ex-  
turbare solio & occidere conatur, eo sublato, in maiores  
multò calamitates incidere, & acerbiores quàm antè re-  
bellionis suæ pœnas persolvere frequenter solet: quanto i-  
gitur magis cum seditiosorum quorundam suasu aduersus  
Regem non tyrannum, sed quædam priuato odio, vel a-  
mori, aliisve affectibus humanitus indulgentem, coniura-  
re &

3 Isa. cap. 18.

re & arma mouere ausus est? Cuius rei satis locuples testimonium vel hæc sola in Henricum III. rebellio nobis præbet. Heus itaque tu, qui tam strenuus coniurationis in tyrannos author, fautor, & assertor es, finge quod falsum est, Regem Henricum verè Tyrannum fuisse, eaque omnia committere solitum, quorum tu illum impudenter mendaciterque his libris insimulas, tamen si aures, oculos, & animum habes, si sensu communi non cares, si testatæ & experientia probatæ veritati non vis contradicere, inficiari non potes omnes regni Francici ordines plura & grauiora perpessos in illo paucorum annorum curriculo, qui inter eandem Regis ab inclemente monacho factam, & stabilitatum in manu Regis viuientis Henrici IV. sceptrum intercessit, quàm vnquam illo vt antea regnante, etiam si ad Nestoris ætatem peruenisset, perferre potuerint. Idque iusto Dei iudicio factum arbitror, ne antè pacis commodis sub hoc Rege, omnium quos terra habet clementissimo, fruerentur, quàm rebellionis suæ acerbissimas, in quadam ciuiliu bellorum velut carnificina, pœnas luissent. Ex his vt arbitror perspicuum est, non perinde esse querere *an is qui regnum iure acquisitum iniuste administrat, priuari dignitate possit, ac querere, an gladium liceat furioso adimere*. Reliqua nunc igitur videamus.

## C. A. P. XX.

**B**OVCHER<sup>1</sup>. Quod, nimirum priuate eiusmodi Regē i. *ibid. li. 3. c. 14.*  
dignitate, nisi persuasum, vel natura ipsa esset, non eiectionem  
è Sicilia regno Dionysium, non à Romanis Tarquinium superbum: non sicuti Gregor. Turon. refert, Childericum Clodonei  
patrem è Francico legeremus &c.

O bellulam rationem, & splendidum nequitiae velamē, eique si nullum, quod Scribæ & Pharisei malitiæ suæ prætendebant<sup>2</sup>. Si non esset hic malefactor non tibi tra- <sup>2</sup> Ioan. 18.  
didissemus eum. Quasi verò aut horum tanta vitæ fuerit integritas sanctitasque, vt nullam innocenti calumniam struere potuissent, aut Siciliensium, Romanorum, aliarumque nationum & populorum tam perspicax in rebus agendis prudentia, tamque constans & rata suum cuique tribuendi voluntas, vt non potuerint aliquando peruersis animorum motibus agitari, & à recta perfectæ naturæ via, in obliquū corruptæ & deprauatæ naturæ tramitem deflectere. An nō

constat optimos interdum Principes factione populari vexatos, oppressos, eiectos, vel etiam enectos fuisse: quo minus tibi habenda fides de eo, quod, ut Regibus callidius insidieris, scribis <sup>1</sup>. *nihil à te bonis & Catholicis Regibus metuendum*, ut superiore libro latius exposui <sup>2</sup>. Illud autem, quod ad Romanos attinet, minime prætermittendum est, nempe non exegisse illos regno Regem legitimum, sed verè & propriè tyrannum, qui, ut ait Livi<sup>3</sup> *nihil quicquam ad ius regni præter vim habebat ut qui neque populi iussu, neque auctoribus patribus crearetur*, id est, non legitimè constitutus vel inauguratus esset: vnde nullum ex illo facto à Romanis exemplum tuo instituto conveniens asferri potest. Nam regnum neque successionem, neque electionem delatum, sed sola vi occupatum, contraria vi eripi posse, omnes leges, omniaque iura permittunt:

BOUCHER <sup>4</sup>. *Nam id quidem fuisset quod decem tribus à Roboamo defecerunt* <sup>5</sup>.

Nunquamne fallaciarum tuarum finis? nonne huic similis collectio & captio est? Si non liceret singulis Regem legitimum tyrannicè imperantem deiecere de solio, & etià occidere, ne id quidem fuisset quod Iehu Ioram Regem occidit: quasi verò quicquid expresso Dei iussu, & singulari dispensatione aliquando factum fuit, id iure communi ab omnibus fieri posse fatendum sit. Quis nescit privilegia ad exemplū trahi non debere <sup>6</sup>? Dominus ostendit, se auctorē, defectionem à Roboamo factam esse, eoque prohibuit ullam eius causam parari ultionem, à me, inquit, *factū est verbum hoc*. Ostende nobis idem ab eo de illa defectione dictum, quam seditiosis concionibus excitasti, & erit cur eam similiter approbemus. Sin id docere non potes, constans rerum ordo, & communis omnium regnorum ratio suadet, ut dicamus non à Deo sed à Boucherio, per spiritum rebellionis, factum esse verbum hoc. Nihil itaque tibi in illo scripturæ loco præsidii, quinimo magnum nobis contra te adiumentum est, quem propterea in te vehementi impetu retorquebimus: Ait enim historia Roboamum conscripto centum octoginta millium electorum virorum bellatorum exercitu, *ut pugnarent contra domum Israel, & reducerent regnum Roboam filio Salomonis*, prohibitum fuisse à Deo per Prophetam Semeiam his verbis. *Hac dicit Dominus: non ascendetis, neque bellabitis contra fratres vestros filios Israel: revertatur vir in domum suam, à me enim factum est*

ver-

<sup>1</sup> lib. i. cap. 2.  
<sup>2</sup> lib. c. 7.

<sup>3</sup> lib. i.

<sup>4</sup> Ibid.  
<sup>5</sup> 3. Reg. 12.

<sup>6</sup> l. i. de const.  
 Princip.

*verbum hoc.* Si verum est, ut est verissimum, omnes dictante Spiritu sancto in sacris litteris sententias esse perscriptas, fateri oportet sententiam hanc, *à me enim factum est verbum hoc*, aliquid singulare præ se ferre, & causam continere, cur Roboamo non licuerit decem tribus quæ defecerant vi & armis ad se reuocare, quod illa nimirum defectione Dei iussu & voluntate facta esset. Vnde nos contra te sic colligimus. Si totum secessionis istius vlciscendæ impedimentum in eo positum fuit, quod res à Domino facta esset (Deus enim cum rei gerendæ, vel non gerendæ causam affert, solam & solidam solet proponere) sequitur Roboamum potuisse, sublata illa causa, bello persequi tribus illas deficientes, tanquam iuris regnorum omnium communis, & debiti regibus obsequii violatores<sup>1</sup>; cui & illud deinde consequens est, non licuisse illis iure communi à Roboami Regis obedientia recedere: alioqui Deus non specialem hanc, & singularem æquitatis causam, quod à se nimirum res illa facta esset, sed communem & generalem rationem, qua omnes in perpetuum erudiret, nempe quod id omnibus populis pro arbitrio iure communi liceat quin potius Roboamum, de bello contra naturalem populi libertatem & ius gentium suscepto, per prophetam reprehendisset. Quorsum enim ad specialem excusationem, vel causæ singularis viam confugiendum, quando factum defendi iure communi apertè, & sine contradictione, posse constat? *Si quis* (inquit Iurisconsultus<sup>2</sup>) *communis auxilio & mero iure munitus est, non debet ei tributum extraordinarium auxilium.* Quod cum ita sit, operæ precium est conclusiones istas nostras, planè quidem contradictorias, prope se constituere ut clarius appareant, utque facilius perspicaces & ingeniosi lectores iudicent utrius nostri collectio, sensui scripturarum & rectæ rationi magis congruat. Tu igitur sic colligis, si non liceret populo privare Regem tyrannum dignitate, & eum eiicere de regno ne id quidem fuisset, quod decem tribus à Roboamo defecerunt. Atqui defecerunt à Roboamo, ergo. Ego verò contra hoc modo. Si liceret à Rege quamvis tyranno deficere, non proposuisset Deus singularem causam defectionis decem tribuum à Roboamo, ut eos à pœnis rebellionis eximeret, nempe seipsum eius defectionis authorem esse, qui Regum & regnorum omnium dominus est: sed generale illam causam proposuisset, quam tu à natura ingentam

<sup>1</sup> cap. cum esse  
sante, de appol.

<sup>2</sup> l. in causa 16.  
D. de minor.



& persuasam esse putas, ut vna communis & certa omnibus populis in Christo regenerandis regula permaneret. At qui singularem & specialem causam proposuit, ergo iure communi deficiebantur. Iudicem hic nullum recusò, qui non iudicii omnis expers sit.

Eccl. 10.

**BOUCHER.** *Et quod Iesus filius Syrach ait, <sup>1</sup> regnum à gente in gentem transferri, propter iniustitias & iniurias & contumelias, & diuersos dolos, non utique populorum tantum, verum etiam & Principum.*

Quid ad institutum? confundis causas rerum, & vni alterius partes tribuis. Ecclesiasticus de diuina animaduersione loquitur. Deus iuste populos delinquentes per malorum Principum tyrannidem castigat, & ipsos illos Principes deinde propter suam tyrannidem & malitiam plectit, & principatu eiicit, totumque imperium vnius gentis in aliam transfert sæpeque ut est in prouerbio, *malum nodum malo cuneo findit*, hæc Dei opera sunt qui omnium Dominus est, cui licet quod vult de suo facere. At non propterea hominibus idem permittitur. Ut neque si Princeps aliquis sceleratum ciuem, ademptione bonorū, vel corporis supplicio, iure mulctet, filius propterea, vel seruus eiusdem ciuis pari pœna eum possit afficere. Nihil itaque hic Ecclesiastici locus per hanc quæstionem pertinet, est enim de mirabili, & metuendo Dei in malos Principes populosque iudicio, propositus & intelligendus. Cætera verò quæ ex Scripturis adfers, nullam neque veram neque verisimilem concludendi speciem, in hac materia habent, adeoque aliena sunt ab eo quod probandum est, ut mirer quorsum à te, in huius quæstionis tractatione, proposita sint, nisi fortè, quod omni argumento probabili defectus, chartam aliquo saltem replere voluerit ais enim.

cap. 32.

Psalm. 44.

*Et quod ait Esaias, <sup>2</sup> Ecce in iustitia regnabit Rex, & Principes in iudicio præerunt. Et Psaltes <sup>3</sup>, intende, prospere procede, & regna, propter veritatem, & mansuetudinem, & iustitiam. Et in prouerbis. Aufer impietatem de vultu Regis, & firmabitur iustitia thronus eius.*

Cernimus hic præclaras quidem Scripturæ sententias, sed quæ sit earum efficientia in præsentī negotio non cernimus, imò verò perspicue cernimus nullam in iis vim esse ad illud firmandum, quo tu probando oneratus es. Docere debes Regem legitimè constitutum, si non iuste regnum administret, priuari à subditis dignitate posse: hoc

ut

vt ostendas, argumentis & rationibus istis vteris, nisi Rex eiusmodi priuari dignitate possit, *ne id quidem fuisset quod ait Esaias*, id est si sensum tuum rectè assequor, non dixisset Esaias *Ecce in iustitia* &c. At quæ hæc præcor consequentia? Esaias de Christo prophetizans, dixit eum in iustitia regnaturum, & Principes eius, id est, Apostolos, in iudicio præfuturos Ecclesiæ: ergo Rex iniustus spoliari à populo dignitate potest. Item David in spiritu, Christi regnū cernens, & eius præconia concinens, iubet eum intendere vires suas, ac prosperè procedere & regnare, propter veritatem, & mansuetudinem, & iusticiam: ergo populus siue Respub. vt tu loqueris, potest Regem non iustè imperatè regno eiicere, & priuare dignitate sua. Item Salomon in prouerbijis dicit, Quod si auferatur rubigo de argento, egredietur vas purissimum: & similiter, si auferatur impietas de vultu Regis firmabitur iustitia thronus eius: ergo Rex non iustè administrans regnum pelli de solio & abdicari potest. Qualia, Deus bone, enthymemata? & quæ possunt eorum reperiri supplementa, vt ad rectam syllogismi formam reuocentur? An non licebit similiter hoc modo ratiocinari? Apostolus ait 1. *Et vos patres nolite ad iracundiam prouocare filios vestros: sed educate illos in disciplina, & correptione Domini*: ergo si durus & agrestis pater, nimisq; in irâ pronus filios ad iracundiam prouocauerit, expelli de familia, & contemni à filiis potest. Equis mortalium ratiocinandi peritus ab istiusmodi collectionum portentis quò abhorrebit? nescio equidem ex qua Sophistarum latrina prodierint, Philosophis certè valde fœtent.

**BOUCHER.** *Vt ne illud omittatur, quod pluribus disputat Plato<sup>2</sup> tyrannos vt parricidas de Repub eiiciendos esse.*

At Plato de sua Repub. id est Rep. à se excogitata loquitur, quam si tibi in animo est inducere, vt omnes omnibus rebus, atque adeo fœminis ipsis communiter fruantur, ad alios tibi quàm Europæos demigrandum est. adhæc Plato de verè tyrannis, hoc est, priore illo tyrannorum genere tibi tractat: quos, vt sapius iam dictum est, cuilibet licet occidere.

**BOUCHER.** *Praclarissimè verò Diuus Thomas<sup>3</sup>. Si ad eius multitudinis pertineat sibi prouidere de Rege, non iniuste ab eadem Rex institutus potest destitui, si potestate regia tyrannice abutatur. Nec putanda est talis multitudo infideliter agere tyrannum destituens, etiam si eadem in perpetuo se anti subiecerit, quia*

*hoc ipse meruit in multitudinis regimine se non fideliter regens, ut exigit Regis officium, quod ei pactum à subditis non seruetur.*

Neminem D. Thomas suis sententiis addictiorem me habet, sed vere suis, non alienis, & supposititiis falsò ei ascriptis: libri autem illi de regimine principis, quamuis inter opera D. Thomæ positi sint, & vulgò eius esse existimètur, tamen adeo ab eius doctrina & eruditione alieni sunt, adeo deliriis & fatuitate repleti, ut nisi eos ad risum hominibus mouendum composuerit, tribui tanto philosopho simul & Theologo nequeant. Id omnibus ferè magnis authoribus malum accidit: potissimum verò Ecclesiæ patribus, ut eorum nomine aliena scripta circumferrentur, quorum iam inulta solerti doctorum hominum ingenio deprehensa sunt, & partim propriis dominis reddita, partim, quia cuius sunt, ignoratur, in commune reiecta, ut vñ omnium, dominio nullius habeantur. In horum numero hi de regimine principis esse debent, de quibus verissimè Cuiacius <sup>1</sup>. *Cœpit Præfectus quilibet comes appellari, inquit, & Præfectus equorum regionum, Comes stabuli primum, deinde corruptè Conestabulus tam in Orientis quàm in Occidentis imperio, cuius appellationis veriuerbum aliud, quod Thomas retulit, libro de regimine Principum, miror ut non omnibus moueat risum, quem ut conciliaret lectoribus, mihi videtur non eo tantum, sed in aliis omnibus toto libro delirasse: aut verius sanè non putem summo Philosopho & penè ab Aristotele secundo *oiv-  
τω* iuxta tam ineptum excidisse.* Et verò nemo acriore iudicio præditus non statim censebit opus illud non à sapiente & multarum rerum perito, qualis erat sanctus Thomas, sed ab ignaro aliquo & parùm prudente factum esse. Fatuitatis enim illius scriptoris, etsi non aliud extaret argumentum, illud vñum satis manifestum nobis indicium præbere potest, quòd libro primo <sup>2</sup> tractet, quomodo debeat Princeps constituere Regnum in loco congruo qui salubritate conseruet habitatores. Si filiorum Noe, vel etiam Vrani, Saturni, & Iani temporibus, quando plagarum orbis nondum habitati electio erat, tale quid consulisset, sapientum octauus nō immeritò iudicari potuisset. At id D. Thomæ seculo admonuisse, quasi vtile aut necessarium bene regnandi præceptum, si non extremæ stultitiæ, certè incredibilis delirationis est. quasi verò aliquis pro arbitrio regnum facere, & quo in loco voluerit, constituere possit. ita loqui solent, quos Principes oblectationis causa

lib. 1. de feud.  
tit. 1.

cap. 13.

causa alunt moriones, dum alia subinde atque alia in suo cerebro regna per phantasiam condunt. Huic simile est quod ait <sup>1</sup>, Scipiones, Censores, & Censorinos fuisse <sup>1</sup> Lib. 3. ca. 24. nomina dignitatum apud Romanos, & Consules dictos fuisse comites: & quod Marchio *fortitur nomen à seueritate & iustitia, dicitur enim Marchio à Marcha quod est singulare ditum pondus, per quod significatur recta & rigida iustitia.* Et <sup>2</sup>, <sup>2</sup> Lib. 1. ca. 10. quod bono Principi necesse non est in corporis custodes aliquid erogare, quia *omnes subditos pro satellitibus ad custodiam habet, in quibus aliquid expendere opus non est.* quasi verò Principes quantumvis boni, sine propriis quibuldam satellitibus in tuto consistent, aut regiae dignitatis splendorem tueri, & subditorum salutem & incolumitatem procurare possint: bonis quippem mali, scelerati, & ambiciosi plurimum insidiari solent. Rectius igitur Aristoteles <sup>3</sup>, qui Regi, quamuis semper secundum leges imperet, <sup>3</sup> Lib. 3. politic. cap. 11. stipulatoribus opus esse, quibus tueatur leges, tradit. Quid multis? libri illi toti scatent ineptiis, nec vllum in iis vel minimum prudentiae, & acuminis S. Thomae vestigium reperitur, vt iure optimo id opus eius esse denegemus. Profer ergo, si potes, aliquod D. Thomae in tuam sententiam testimonium ex illis libris quos de Scripturarum interpretatione, & Doctrina, & fide Christiana (qui tamen valde multi sunt) scripsit: non poteris, ni valde fallor, inuenire: cum tamen saepe in illis Principum & subditorum mentionem faciat. huic autem quod assers, quoniam ex libro ridiculo, & stultitiae referto desumptum est, non maiorem quam reliquis eiusdem libri delictis fidem habere cogimur.

Quae quanquam ita se habent, tamen videre mihi videor te ista legentem inflare buccas, & exclamare indignum facinus esse, magnorum virorum testimonia, vt haereticis mos est, librorum abnegatione velle eludere: meque opusculum hoc totum sancto Thomae abiudicare, quod eius sententiae auctoritate vsque adeo premar, vt elabi nullo modo possim. Quapropter, ne talia plenus irae intoueris, admittam id quicquid est sententiae à te allatae, & a D. Thoma scriptum esse concedam, non quod illius id esse putem (hoc enim honoris eius causa iam negaui) sed vt locum illum nihil causae tuae opitulari, quinimo aduersari plurimum, ostendam. Ait ergo S. Thomas (quoniam tu ita vis) *Si ad ius multitudinis pertineat, Sibi*  
*prostat.*



*providere de Rege, non iniuste ab eadem Rex institutus potest destitui, si potestate regia tyrannice abutatur.* Attende ad hæc Boucheri, & intende animum. Quid est quod dicit. *Si ad ius multitudinis pertineat sibi providere de Rege?* Nonne his verbis satis indicat non idem obtinere, quando ad ius multitudinis non pertinet, sibi de Rege providere? alioqui enim quid attinisset dicere, si ad ius multitudinis &c. At neque in regno Franciæ neque in aliis vllis ferè regnis vel Christianis vel ethnicis, ad ius spectat multitudinis providendi sibi de Rege, quippe regna ferè omnia, ut olim in populo Hebræo, non electione, sed hereditaria successione, & iure sanguinis nunc deferuntur. Atque hoc nimirum illud est quod alibi dixi<sup>1</sup>, eligendi Regis facultatem à constituendi potestate, longo planè interuallo esse separandam, & illam quidem paucissimis ac propè nullis gētibus esse concessam, quia successionis iure adimitur: hanc vero omnibus, suo cuique more, populis competere. Cùm itaque in regnis quæ ad certas personas iure hæreditario transmittuntur, non spectet ad ius multitudinis providere sibi de Rege, sed tantum cōstituere Regem à Deo per legitimam successionem provisum, consequens profectò est superiorem sententiam, cuiuscunque tandem authoris fuerit, ad Regem Franciæ & alios similes non pertinere, quos non electio multitudinis, sed nascendi ordo & ius sanguinis, ad scepra sibi debita inuitat. Et quidem hanc diuo Thomæ mentem, huncque loci istius sensum esse docet Carthusianus eandem materiam tractans<sup>2</sup>. Nam postquam hoc ipsum quod tu proponis, aliaque multa ex eodē Thomæ libro recitasset, ac de iure populi in principem multitudinis suffragio electum, atque in tyrānidem prolapsum differuisset, mox subiecit. *Postremo inquiritur quid agendum sit communitati, dum Princeps eius intolerabiliter tyrannizat, & tam. n. ex natiuitate seu hereditaria successione. sibi competis principatus.* Cui quæstioni respondet nullum tunc humanum remedium, vel alleuamentum superesse, excepto eo quod in summi Pontificis potestate situm est: ac tandem de eiusmodi Principe sic concludit. *Communitas ergo nō debet propria auctoritate Prelatum aut principem suum abiicere, sed potius ad Pontificem summum recurrere, & ei causam insinuare iudiciumque committere.* Adde præterea ipsummet D. Thomam eo libro hoc idem apertissimè testari, ut si illum attentè legisses, & docendi potius quam decipiendi lectoris

Lib. 3. ca. 3.

Lib. de regim.  
politix. artic. 19.

ris prouinciam suscepisses, nunquam hac illius autoritate ad sententiæ tuæ probationem fuisses usus. Nam author ille tres Principum in tyrannos degenerantium ordines facit: primum eorum qui nullo alio iure, nisi sola populî voluntate & electione, ad imperium, vocantur, & de his illud effert quod pro te perperam arripuisti, *Si ad ius multitudinis &c.* quam verò rectè, ipse viderit. Secundum, eorû qui dantur populis ab alio superiore, de quibus sic scribit. *Si verò ad ius alicuius superioris pertineat multitudini providere de Rege, expectandum est ab eo remedium contra Tyranni nequitiam. Sic Archelai qui in Iudea pro Herode patre suo regnare iam coeperat, paternam malitiam imitantis, Iudeis contra eum querimoniam ad Casarem Augustum deferentibus, primò quidè potestas diminuitur, ablato sibi regio nomine, & medietate regni sui inter duos fratres diuisa: deinde cum ne sic à tyrannide compesceretur, à Tiberio Casare relegatus est in exilium apud Lugdunum Gallia ciuitatem.* Tertium verò illorum Principum facit, aduersus quorum tyrannidem nullum, nisi in precibus & obsecrationibus ad Deum fundendis, auxilium populo reliquum est: verba S. Thomæ sunt ( si liber eius est ) *Quod si omnino contra tyrannum, auxilium humanum haberi nõ potest, recurrendum est ad Regem omnium Deum qui est adiutor in opor- tunitatibus, in tribulatione.* Id est vt superius interpretatur Carthusianus, *Si princeps intolerabiliter tyrannizat, cui ex natiuitate, seu hæreditaria successione, competit principatus.* cuius contrarium planè est quod tu doces, licere nimirum subditis, principem eiusmodi de statu suo deicere, atque vt parricidam expellere de Repub. hoc enim si verum esset, humanum semper remedium & auxilium suppeteret (subditi enim reipsa siue de facto vt aiunt, semper possunt rebellare) quod isti vt audis rectissimè inficiatur. Quæ cum ita sint, tuis te armis appetitum, tuo telo vulneratum cernis. Si enim opus illud S. Thomæ est, S. Thomam pro nobis habemus, sin alterius, ille quidem, quisquis est, totus à nobis stat, & sententiam suam aliò quàm oportet à te detortam esse cõqueritur. Vides ergo vt friuola sunt & futilia, atque etiam authoribus quos citas contraria, quæ de abdicando Rege, & dignitate ei tollenda scribis,

## CAPVT XXI.

**A**B expellendo Rege tyranno ad eum occidendû transis. At quem exturbare nullo iure potes, qua tandem ratio-

1 1.4. D. de sen-  
nat. l. reigatoriū  
7 §. potest. D. de  
interd. & releg.  
l. cui pacto s. D.  
de ser. export.  
2 Lib. 3. ca. 15.

3 Philip. 1.

4 Philip. 2.

5 Offic. 3.

6 Tusc. 3.

ratione iustam ei necem afferre te posse putas? ubi enim quod minus est non licet, quod plus est, censetur esse prohibitum<sup>1</sup>. Tu ed tamen contendis, & tuo more contendis, id est, variis cauillationibus captiosa probabilitate, quibus, ut videantur ab omnibus, & vitentur, insidiosae velamina subducimus. Ais ergo<sup>2</sup>.

*An autem liceat occidere, maius quiddā & grauius est Quod mirum est tamen, quā magnum, affirmando consensum habeat, non profanorum auctorum tantū, verum etiam & nostrorum. Gloriosum certē id esse Cicero non vno in loco dixit. Beatus nemo (inquit ille<sup>3</sup>, de tyranno loquens) qui ea lege vivit, ut non modo impune, sed etiam cum summa intersectoris gloria interfici possit. Et rursus<sup>4</sup>. Hec non cogitas, nec intelligis satis esse viris fortibus didicisse, quā sit pū'chrum, beneficio gratum fama gloriosum tyrannum occidere? Et alibi<sup>5</sup>, negat se obstringere scelere, qui tyrannum occiderit, quamuis familiarem. Et rursus alibi<sup>6</sup>. Nulla inquit nobis cum tyrannis societas, sed summa potius distractio: Neque contra naturam est spoliare eum quem honestum est occidere.*

Deinde ex Plutarcho, legem, de iis qui tyrannidem affectassent impune occidendis, à Valerio Publicola latā adfers: & illam apud Græcos, qua præmium tyrannicidæ decretum erat: atque alia id genus, quæ ut viros bonos, & humanissimos Francos conciuēs tuos infatuāres, & acriore in Regem odio inflammāres, acriter & altē de pulpito intonueras.

7 sap. 17.

Sed ô fallaciam fallacissimam! Admonui iam supra<sup>7</sup>, te rerum differentium confusione, vel inscienter, vel fraudulenter, nos circumscribere, dum quod de vno dicitur, ad aliud de quo non dicitur, transfers. Id si antē fuit obsecrum, locus hic perspicuum facit. Nam neque Græcorum lex illa de tyrannicidis, neque Valeria Romanorum, aliæque similes, neque præclaræ illæ Ciceronis sententiæ, ad Principes legitimos in tyrannidem delapsos omnino pertinent: id est ad eos qui iure sanguinis, vel sortis beneficio imperium, consentiente populo, sunt consequuti: sed tantū ad prius illud genus tyrannorum, hoc est, eos qui principatum nullo iure sibi debitum, inuitis ciuibus conantur occupare: De quorum cæde & suppliciis, mihi tecum satis conuenit, nullaque inter mortales vnquam dubitatio. Hæc autem ita se habere, cum legis illius Valeriæ latio sanctioque, tum illa ipsa Ciceronis loca quæ ci-

tas planissime demonstrant. De lege enim Valeria Liuius <sup>1</sup>, lata deinde leges (inquit) non solum quæ regni suspitione consulem absoluerent, sed quæ adeo in contrarium verterent, ut popularem etiam facerent. Inde cognomen factum publicola est. Ante omnes de prouocatione aduersus magistratus ad populum: sacratodoque eum bonis capite eius, qui regni occupandi consilia tenuisset. Quid hoc ad Regem? An non perspicis legem hanc de tyranno propriè dicto id est dominatus usurpatore latam esse? num tu idem statuis de eo qui regnum iuste acquisitum iniuste administrat, & de eo qui regnum malis artibus occupauit? Inter quos discriminis tantum est, quantum inter alieni raptorem, & sui prodigum vel decoctorem interest. Eodem illæ Ciceronis sententiæ spectant, ad eos scilicet tyrannos, qui oppressa Republica, principatum inuito populo vi & armis sibi vendicant, ut Cæsar, Antonius, & alii de quibus loquitur Cicero. De Regibus autem se non sensisse, ipsemet alibi declarat. Nam in principio orationis pro Deiotaro, præfatur nullo vnquam tempore auditum esse Regem capitis reum fieri. *Primum dico, inquit, pro capite, fortunisque Regis: quod ipsum etsi non iniquum est, in tuo duntaxat periculo: tamen est ita iniustum, Regem capitis reum esse, ut ante hoc tempus non sit auditum.* Apud quem hæc Cicero, & de quo Rege? apud Cæsarem, cui eius rei veritas non minus nota erat, quam ipsi Cicero; Ita ut tale quid contra veritatem proferens, parum, aut nihil mendacio profecisset. & de Rege quidem Galatiæ, quæ minoris Asiæ regio est, qua in orbis parte Buchananus non veretur dicere, omnes Reges fuisse semper tyrannos. Si ergo Ciceronis tempore inauditum fuit Regem capitis reum esse, quid est quod tu de occidendo Rege tyranno Ciceronis auctoritatem falsò nobis obtrudis? num occidi potest qui reus capitis esse non potest? Vehementer & perniciosè erras, atque homines simplices & imperitos in errorem ducis, cum istiusmodi bonorum authorum sententias ad alium, quàm ipsi cogitarunt, sensum detorques.

Iam verò exèpla omnia quæ de interfectis, vel exactis tyrannis adfers, ad primum genus tyrannorum pertinent, ut mirum sit te in iis recensendis operam planè inanem & superuacaneam collocasse; Quorsum enim illa exemplorum collectio? ut probem, dices tyrannos occidi posse. At nemo negat eiusmodi tyrannos, qui tuis illis exemplis



continentur, à quolibet de multitudine posse interfici. Stultum est cōniti & elaborare, vt probes concessa. Proponam igitur exempla tua, ne cui videar te perperam reprehendisse.

1 dict. e. 15. lib. 3.  
2 in Timolcon-  
te.

BOUCHER<sup>1</sup>. Laudatus olim apud Græcos, Plutarcho teste<sup>2</sup>, Timoleon quod homo aliqui lenis, & mansuetus, vitam quam fratri Timophani pro patria pugnanti, capitis sui periculo seruauerat, tyrannidem postea affectanti, imo vsurpanti, & sana consilia sapius contemnenti, ademisset.

Sic extriti Romæ Decemuiui tyrannidem vsurpantes, & Athe-  
nis triginta prætore, effecti tyranni, primò exilio multati, deinde  
interfecti, incredibili populi odio exiterunt.

3 in Dione.  
4 Lib. 11.

Sic Calippum, vt Plutarchus refert<sup>3</sup>, ad tyrannidem aggredi-  
entem & Tyndaridem, vt est apud Diodorum<sup>4</sup>, eandem vsur-  
pantem Syracusani interfecerunt. Sic Bomilicarem Cartaginien-  
ses, obfessa ab Agathocle vrbe, patria incommodo ad occupandam  
tyrannidem abutentem, captum tandem & grauitè cruciatum  
peremerunt. Et Manlium Capitolii seruatorem Romani, quòd  
tyrannidem affectaret, de ead. m, quam ipse seruauerat, Capitolii  
rupe precipitem dederunt<sup>5</sup>. Eadem Gracchis Tiberio & Caio ca-  
dis causa fuit. Licetque vel ex vno, in Timoleontis & Arati vita,  
Plutarcho, quam funestus sit tyrannorum exitus intueri.

5 Plutarc. in Ca-  
millo.

6 Offic. 2.

Eodemque illa spectant Ciceronis, de Cesaris nece, verba<sup>6</sup>.  
Declarat, inquit, huius tyranni interitus, reliquorum similes exi-  
tus tyrannorum: quorum haud serè quisquam similem interitum  
effugit.

His deinde, vbi ad tuam de tyranno Theologiam, quæ  
rectius Satanalogia dici debet, alia ex Christianis histori-  
is, & rebus nostra ætate gestis exempla accumulas, his

7 Lib. 3. cap. 16. verbis 7,

Si præter superiora illa Ethnica exempla, Rufinus qui Arcadium,  
& Stilico qui Honorium imperio spoliare contendebant: & Gildo  
primùm, deinde eius frater Mascezel, qui contra utrumque, tyrā-  
nidem in Affrica occupare nitebatur: & Maximus Gratiani Im-  
peratoris interfecto, & Maximus Falerius, Venetiarum Dux,  
qui facta coniuratione patricium ordinem delere, & Rempub. in  
regnum conuètere decreuerat, atque alii plerique iuste interfecti  
in historiis referuntur. Quales & illi famosi nostro seculo tyrā-  
ni, in Gallia Collignius, In Belgio Auriacus, ille Caroli 1x. hic  
Philippi Hispaniarum Regis iussu de medio sublatis.

Quis non vanitatem & ineptias tuas in his exemplis re-  
centendis rideat? Aut quis crediderit, hominem in concio-  
nibus

nibus & consiliis publicis tam vehementer occupatum, otii tantum sibi esse largitum, ut tam aliena instituto exempla conquireret, & magnum occisorum ob tyrannidem catalogum contexeret, quorum nullus ad rem de qua agitur, ad quaestionem scilicet de Rege saeuiter & tyrannicè imperium administrante, referri potest. Omnes isti, quorū mentionem facis, iniusti dominatus usurpatores erant, eoque primi generis tyranni, de quib. nulla controuersia est, quin caedi à quolibet iure optimo potuerint: qui propterea, non quòd proteruè & crudeliter regnauerunt, sed quia omnino regnare, & populum liberum, eo inuito, sibi subiicere, vel legitimis principibus sceptrā eripere voluerunt, partim à multitudine, partim à principibus, partim à priuatis, interfecti sunt. Sat ergo illis ad mortem fuit, consilium & conatus de ineundo regno, etiam si illud optimè fuissent administraturi; quod tantum à Régis fortuna & conditione, quantum amor ab odio, à consensione dissensus, propriū ab alieno, abest. Facis itaque his exēplis perinde, ac si cum velles docere, homines sua auitaque bona prodigentes morte multandos esse, ad id probandum exempla omnium seculorū proponeres, quibus latrones & raptores tali poena affectos esse demonstratur: tantum enim inter legitimū Principem tyrannum, & iniustum principatus occupatorem interest, quantum inter sua profundentem, & alienā rapientem, ut paulò ante diximus.

## C A P V T XXII.

**V**ENIO nunc ad tuā de Rege tyranno occidendo Theologiam, tuam dico, id est, falsam, fucatam, & seditiosam, quē neque Scripturarum autoritate, neque antiquorum Patrum testimoniis, neque Pontificum decretis, neque communi Ecclesiae consensu fundata est & firmata. Sed tota ex fictis à te principiis, & errorum scatebris, atque adeo manifestis mendaciis deriuata est & composita. Communis autem & vera Theologia, communis, inquam, Christianae Ecclesiae nascentis, crescentis, & adulta ætate florentis, institutio, longè diuersam & planè contrariam viuendi disciplinam & legem nobis dedit, quam suprà libro tertio sum prosequutus: quo minus mihi necessariū nunc est in hanc partem incumbere, satque videtur rationum tuarum vitia, & errorum fontes breuiter indicare. Id

1 li.3.c.16.

ergo in primis vitio tibi vertitur, quòd quanquam initio  
 tuæ Theologicæ tractationis <sup>1</sup>, separare videaris tyrannū  
 propriè dictum, hoc est eum qui dominationem & princi-  
 patum in inuitos per scelus occupauit, ab eo qui, quod ius-  
 tè imperium nactus est, iniustè administrat: tamen senten-  
 tias & exempla, quæ de illo solo proponi debent, perperam  
 & infidiosè ad legitimorum Principum inuidiam & vltio-  
 nem, in huius condemnationem sine ratione transferas.  
 Omittam igitur quæ de priore tyrannorum genere nomi-  
 natim scribis: incassum enim à te relata sunt, cū neq; ad  
 eam quam tractas materiam, ius regni & Reges abdicandos  
 scilicet, quicquam pertineant: neque aliquid obscuritatis  
 aut confouersia de eiusmodi tyrannis inter homines ver-  
 setur, prorsus vt Aristotelicum illud, hoc casu locū habeat.  
*Nemo solet proponere quod nullis videtur, vel quod omnib. est ma-  
 nifestum.* Et Iubentii Celsi, stultam esse consultationē quæ  
 de eo proponitur, de quo ridiculum est dubitare <sup>2</sup>. Regum  
 mihi causam tueri sat est, de qua sic statuis.

2 1. Domitius  
 : 7. D. qui test.  
 sa. pol.  
 3 li.3.c.16.

BOUCHERIVS <sup>3</sup>. *Qui vero iusta potestate ad priuato-  
 rum iniurias abutitur, vt verum sit in hunc animaduertere Rem-  
 pub. posse, quòd qua in fures, latrones, ac priuatos homicidas, penes  
 illam potestas est, tantò magis eam in tyrannum distringi æquum  
 est, quantò deterius est per quem improborum coerceri iniuria de-  
 bent, ab eo facem iis sceleris ac nequitia preferri: à priuato certè oc-  
 cidere propterea non licet, quia cum non plus cuique in alterius vi-  
 tam, quam in eius bona permissum sit, neque verò eo iure, quod ad  
 regnum tyrannus habet, nisi per publicum iudicium spoliari pos-  
 sit, amplius etiam quamdiu, regni ius remanet, sacra eius persona  
 sit, id profecto sequitur, ne in vitam quoque eius, priuato cuiquam  
 ius relictum esse.*

Quia tu vno verbo? si Rex priuato iniuriam fecerit, pu-  
 niri a R. pub. potest, vt fures, latrones, homicidæ, cæterique  
 malefici solent: non autem à priuato cui iniuriam intulit:  
 quòd ille in sua causa index esse non possit. Hęc enim sum-  
 ma ni fallor huius longæ tuæ descriptionis est.

O præclaram scilicet & mirificam Theologiam! Sed vn-  
 de illa tibi in mentem venit, quisve eam primus inuenit?  
 nam aliam nobis antiqui Patres, omnino contrariam tra-  
 diderunt. Si Respubl. (vt tu doces) in Regem animaduerte-  
 re propter iniuriam priuatis factam potest; nōnue secun-  
 dum leges animaduertet? & nōne huic deinde consequēs  
 erit, Regem pœnalibus legibus esse subiectum? qui enim le-  
 gibus

gibus non subiicitur, per leges & secundum leges iudicari nequit. Nonne etiam & illud, Rege aliquem esse superiorem à quo iudicari & puniri possit? Nam, ut sæpius iam dictum est, par in parem non habet imperium, multoq; minus inferior in superiorem. Dic ergo nobis, si potes, quos huius nouæ doctrinæ authores vel astipulatores habeas. Nam licet in citandis aliorum sententiis creber & curiosus sis, atque adeo sæpe contra mentem & sensum scribentium, tamen dum hanc nobis doctrinam obtrudis, neminem laudas autorem. Quoniam igitur non omni spiritui credendum est, sed probandum an ex Deo sit: potissimum spiritui inflato, iracundo, seditioso ac rebellis: sine percontemur Maiores nostros, qui ipsis hæc placet Theologia: num scilicet Rex *iusta potestate ad priuatorum iniurias abutens puniri à Rep. possit.*

Dic ergo nobis magne Tertulliane, quod tuo sæculo totius Ecclesiæ fuerit de hac re iudicium. Tertullian. *Principem esse hominem à Deo secundum, post Deum primum, & solo Deo minorem.* Tibi verò quid videtur Ambrosii? Ambrosii. *Rex utique erat, nullis ipse legibus tenebatur: quia liberi sunt Reges à vinculis delictorum.* Neque enim ullis ad pœnam vocantur legibus, tunc imperii potestate: homini ergo David occidendo Uriam non peccauit, cui non tenebatur obnoxius. Et tu quoque sanctissime Pater Augustine, effer paucis hac de re quid sentias. Augustin. *Imperator non est subiectus legibus, qui habet in potestate alias leges ferre.* Tibi porro beatissime Hieronymine quæ mens fuit? Hieronym. David confitendo peccatum suum dixit Deo, *Tibi soli peccaui, Rex enim eram & alium non timebam.* Accede huc & tu pariter Venerande Frisingensis Anristes Otto, genere, moribus, & doctrina nobilissime, tuamque prome sententiam. Otto. *Soli Reges, utpote constituti supra leges, diuino examini reseruati, seculi legibus non cohibentur. Vnde est illud tam Regis quam Propheta testimonium, Tibi soli peccaui.*

Ex his perspicuum esse arbitror tuam istam Theologiam qua doces animaduerti posse in Regem ob delicta in priuatos commissa valde nouam esse, atque incognitam antiquis Patribus, totique Ecclesiæ, vsque ad hæc tēpora, quibus perimulti relicta vel etiam spreta antiquitate, nouis subinde opinionibus & erroribus, fabricandis delectantur: quo fit ut nihil tam incredibile & dictu absurdum sit, quod homines ostentationis cupidi ( ut ipsi aliquid præ cæteris



scire videantur) dicendo scribendoque nunc non tentēt & tueantur Cacoethes hoc omnia corumpit, omnia pessum rapit, eoque mūdum voluit, vt nisi à beatissimo Papa Principibusque celer aliquod remedium huic malo adhibeatur, metuendum sit, ne nihil, nisi mera confusio, ad posteros transmittatur.

Ecqua enim certior fidei nostræ particula, vel in Scripturis expressior reperitur, quàm Christum Saluatorē clauis cruci fuisse affixum? <sup>1</sup> at ego magnum, vt multis videbatur, Theologum vidi ante paucos annos in nobili cōcessu hunc articulum pertinaciter negantem, asserentemq; nullis Christum clauis crucifixum fuisse: idque se omnino credere, atque argumentis & rationibus firmissimis velle demonstrare. Adeò nimirum nullus nunc tam manifestus error, nullā tam execranda blasphemia est quæ non authorē aliquem & assertorem inueniat. Sed ad institutum.

Hæc Theologia, quam tradis, non est Ambrosii, Augustini, Hieronymi, aut vllius sanctorum Patrum primæ, mediæ, vel postremæ ætatis Ecclesiæ: sed tantum Buchananica, Brutina, & Boucheriana siue Ianionia: laniat enim & lancinat regna omnia, ac velut macellario cultro caput à corpore. Regem scilicet à Republ. dissecat & discindit: mēbræque & corpus in caput dominari contra naturam facit. Error autē hic tuus ex falsis illis principiis fluxit, quæ Brutum sequutus primo iniustæ abdicationis tuæ libro cōfinxisti: Regem nempe legibus subiectum esse, & populum siue Remp. vt tu loqueris, Rege superiorem: cuiusmodi commentis nihil falsius & dolosius excogitari posse superioribus libris manifestò demonstraui.

Illud præterea maximum tuæ huic Theologiæ vitium inest, quòd tecum pugnantia dicas, & nunc nihil priuato iniuriosius à Rege tractato nisi patientiam superesse doceas: nunc potestatis tantum ei tribuas in Regem, quantum priuato cuique in priuatum competit: nihil vt regalis dignitas & sceptri reuerentia Regem à quolibet de multitudine hoc casu decernat. Sic enim tu,

BOUCHER. <sup>2</sup> Quod si tum priuatas iniurias profert, si cadit se scorpionibus, si premi & affligi conqueratur, tum hic ea locum habent, quæ de ferendis aduersæ potestatis iniuriis, de tolerantia & patientia proferuntur, vt quod D. Petrus monet subditos esse dominis, non tantum bonis & modestis, verum dyscolis <sup>3</sup>. Et quod ait hac est gratia, si propter Dei conscientiam sustinet quis iniurias

pa-

1 Ioan. 29.

2 eod. cap. 16.

3. Pet. 2.

*patiens iniuste. Vnumq; hic remedium est, ut ad superiorem, si liceat, id est Rempub. recurratur sin minus misericordia Dei, in cuius manus cor Regis est, flagitetur.*

Fateris ergo hic nullum priuato remediū aduersus Regis iniuriam esse præter patientiam, & implorationem Rempub. quam falsò Rege superiorem esse putas. At mox paucis lineis interiectis, propulsandæ iniuriæ ius & facultatē, quod præsentissimum remedium est, cuilibet priuato aduersus Regem concedis.

*Et quamuis non desunt (inquis) qui Pausania in Philippum Macedonum, & Bodilonis in Childericum Gallorum Regem, factum excusent, qui priuatas iniurias, ac illatam sibi, stupro ille, hic flagitio contumeliam, Regis sanguine vlti sunt, ut in propulsando flagitio id licere, & facere periculosè, ut Cicero ait, quàm turpiter pati melius esse satendum sit, in admissio certè vlciscendo licere penitus denegetur.*

Ineptis Boucheri, & largiter erras, qui parem Regis & priuati cuiuslibet in hac re fortunam & conditionem esse putas, ut singulis de populo scilicet in propulsanda iniuria tantum liceat aduersus Regem, quantum vnicuiq; aduersus conciuem & socium legibus permissum est. Quod enim hic discrimen Regem inter & priuatum statuis? Nullū profectò: nam quod priuatus, vlciscendæ iniuriæ causa, nullam Regi vim afferre potest, id nihil proprium & singulare complectitur: quandoquidem par ius inter priuatos obtinet: iniuriæ namque depulsio, non vltio, singulis concessa est. Hinc illud <sup>1</sup>, *eum qui cum armis venit, possumus armis repellere, sed hoc confestim, non ex interuallo.* Ergone priuato licebit, te iudice, vitam Regi auferre, si verberum plagas aliter euitare non potest? Ergone liberum cuilibet in propulsando flagitio, priuatam iniuriam nece Regis redimere? ergone ob vnius salutem ciuis, regnum capite, Rempub. spolio viduare fas erit? quæ isthæc iniquitas? quanta status regnorum perturbatio confusioque, hanc infinitam priuatorum hominum in Reges licentiam consequeretur? Interest multum à quo iniuria inferatur. Magistratum, si feriat, non esse a priuato referendum alicubi docet Aristoteles: quanto minus Rex, qui magistratibus omnibus, ut astris sol reliquis, antecellit, reperiendus? Atqui defensio iuris naturalis est, dicet aliquis: fateor, ac repono ex Aristotele <sup>2</sup>. *Homines adductos ratione multa præter mores & naturā agere, si aliter agi melius esse sibi persuaferint, & quadam à natura*

<sup>1</sup> 1.3. §. cum igitur D. de vi & de vir.

<sup>2</sup> Arist. li. Polit. 7. c. 13. li. 5. Ethic. cap. 7.

*homini insita, & tributa mutare, licet non omnia, vt generis scilicet humani societatem communitatemque conseruent. Semper enim in naturæ vel gentium iure obseruandū est, vt vbi duo præcepta inter se configunt, & concursu mutuo colliduntur, id obtineat quod religionis erga Deum, vel societatis humanæ, & publicæ salutis conseruandæ, potiorē causam continet. Quis nescit quanta in singulos vitæ necisque potestas Regibus ab ipso regnorum primordio semper fuerit? Nemo nostrum, inquit Cicero, ignorat, etiamsi experti non sumus, consuetudinem Regiam, Regum autem sunt hæc imperia. Animaduerte, & dicto pare. & præterrogitatum siloquare: & illa mina. Si te secundo lumine hic offendero, moriere. Priuati hominis vita non nisi priuatam opem Reipub. plurimū adfert, morsque ipsius priuato luctu deploratur: In Principis verò incolumitate, totius regni salus, & status publici tranquillitas vertitur: ac proinde nihil iniquius aut perniciosius Reipub. visum est, quàm huius vitæ in illius defensione periclitari, eoque facultatem propulsandæ iniuriæ a natura tributam, singulis aduersus Principem optima ratione ademptam esse, vt maius & excellentius naturæ beneficium, quod in publica communionis, & societatis vitæ humanæ tutela consistit, per capitis Reipubl. conseruationem, id est, vitæ Principis securitatem, retineatur. Tu verò contra, hunc politicæ ordinem inuertendo priuatam utilitatem publicis commodis, & vnius vitam multorum saluti, magno cum Reipub. detrimento anteponis: Quod cum ita sit, restat vt reliquum huius nouæ tuæ Theologiæ videamus.*

## CAPVT XXIII.

2. ibid. l. 3. c. 16.

**B**OUCHER<sup>2</sup>. *At qui in Rempub. hostiliter agat, qui in religionem ac patriam tyrannidem exerceat, hunc vt occidere Respub. possit, cum ex iis patet quæ antea libro primo & quæ nuper diximus, tum profectò est eiusmodi, vt de eo qui dubiet, hunc communi sensu carere oporteat, ignarumque prorsus esse rerum humanarum, nisi verò consentaneum quis esse credit, vt in bellum publica salutis imminentem populus armetur, in Tyrannum quauis beluæ deteriorem non armetur. Nàm si Tyrannum quia permissus est diuinitus, inuiolabilem quis Reip. putat, cur nõ de beluis idem sentiat, quæ eodem modo à Deo permissæ sunt? Nā & Deus se canes ad lacerandum, & volatilia cali, & bestias terra ad deuorandum, & dissipandum immisissurum esse per Hieremiam com-*

mina-

*minatur*<sup>1</sup>. *Omninoq; verum est immitti à Deo sape hostes Num ergo impunè grassari permittentur? Non in eos armis contendetur? Nam si propterea cadi non desinunt, quia immissi à Deo sunt, iusteq; in eos arma sumuntur nihilominus, quæ tyranni ac publici hostis exceptio esse potest, ut quia à Deo permissus est, propterea in eum gladius non stringatur.*

Hæc postrema Theologicæ tuæ distinctionis de Tyranno pars est: ex qua tandem concludis, *Licetum esse privato cuius Tyrannum eiusmodi occidere quem hostem Respub. indicavit*, ut inde nimirum a thesi ad hypothesin per falsâ media transgredere, & Regem Christianissimum (de quo trucidando iam tum consilia, ut verisimile est, cum impio & scelerato monacho agitaras) qui nec Tyrannus fuit nec à Republica hostis vnquam iudicatus, primò interficiendū multitudini persuaderes, mox perpetrato scelere, iure cæsum esse pronunciares. Sed occulta & insidiosa iterum fraude, lectorem hic circumscribis: confusa scilicet, & indiscreta earum rerum decisione, quæ longè diuerso iure censeri debent, & per distinctionem enarrari. Quapropter explicanda, & resoluenda paucis hæc captio est.

Ad quam tamen priusquam aggrediar, monere libet nihil hanc conclusionis tuæ sententiam, Regibus Tyrannis aduersari. Nam si Reipublicæ in ea nomen sumas pro statu liberæ ciuitatis, ut strictè, proprièque accipi solet, nihil ea conclusione admissa efficit: neque enim possunt iudicare Regem hostem, cum Regem nullum habeant, quem itaq; Respublica in eo statu hostem iudicavit, si ex ambitionis causa iudicatus est, is verè proprièque Tyrannus dicitur. & à quolibet occidi potest. At hoc quid ad Regem? Quid Democratix cum Regno? *res inter alios acta alius non præiudicat*. Sin verò per Rempublicam intelligis regnum, siue populi statum in regno, quamuis id non propriè facis, tamen quia eius status seu Reipublicæ caput Rex est, siue bonus siue malus fuerit, non potest eiusmodi Respubl. hostem aliquem iudicare, nisi Rex ipsemet, aut eius voluntate & autoritate alius iudicet: cum sit portentosum aliis quàm capitis organis vocem emittere. Sed redeo vnde sum digressus.

Quod statuis Principem legitimè constitutum (nam de eo te hic loqui, triplex tua distinctio perspicuè docet) *occidi à Republica posse, si in Rempublicam hostiliter agat, si in Religionem, ac Patriam Tyrannidem exerceat*, id non



1. qui iniuria  
3. D. de furt.

satis enucleatè, apertè, & discretè, ac ne quidem omnino verè dictum est. Quandoquidem hostiliter agere aliquem dupliciter intelligi potest: vel quod hostili nimirum odio & animo aliquid facit: vel quod eadem facit quæ solet hostis, & eodem modo, sed non eodem animo. Tritum autè est & peruulgare *actus omnes humanos, ex voluntatis, & propositi finibus distinctionem capere*<sup>1</sup>.

Latro membrum ferro detruncat: idem aliquando facit & eodem modo vulnerarius. At ille facto suo furcam, hic mercedem & salarium demeruit. Sic eadem interdum bonus Princeps, quæ ferus & immanis hostis: veluti cum rebelles ciuitates, aut prouincias vexat, populatur, expugnat, flammaque & ferro, cum id aliter efficere non possit, ad iustum legitimi imperii obsequium & iugum nititur reuocare: ob quam rem licet hostiliter agat, hostem eum esse, verè proprièque nemo dixerit.

Quod itaque scribis, Rempublicam posse eum occidere, qui in ipsam hostiliter agit, id si de illo Principe intelligatur qui hostili animo, id est, animo perdendi Rempublicam agit, verissimum quidem est: sed non ea tamen ratione quam tu proponis, quia scilicet Respublica siue (quod tu idem esse ais) populus Principe superior sit, publica que penes populum potestas authoritasque resideat: hæc enim falsam & mendacem esse, multis iam modis multisque in locis perspicuè ostendimus: sed ea solùm ratione, quod qui perdendæ Reipublicæ & regni penitus evertendi animum gerit, is semet Dominatu & Principatu omni exiit, atque ipso iure, siue ipso facto, Rex esse desinit: statimque in priuatis ac perduellibus constituitur, qua de re scripsimus libro tertio<sup>2</sup>, tuique, de ea erroris lectorem supra commouimus<sup>3</sup>.

Sin autem hac tua definitione, cum quoque Principem includis, qui hostilem in modum, sed non hostili animo in Rempublicam agit, licet causa fortè propter quam agit, non satis iusta & idonea, imo prorsus iniqua & iniusta videatur, falsum planè est quod affirmas: falsum, inquam, eiusmodi Principem a populo, quem Rempublicam vocas, vel iudicari, vel occidi posse, cum ipse interea Rex, ac proinde caput Reipublicæ maneat. Quippe ut sola regnum bonitas nemini tribuit, ita nec sola aufert malitia: quamdiu autem Rex est, superior semper populo est alioqui Rex non esset, ut satis superque iam probauimus: sitque

sine

2 cap.vlt.  
3 lib.5.c.7.

sine exceptione verum, *superiorem ab inferiore iudicari non posse*, quibus hoc etiam consequens est, nullum populo in Principem *τυραννικῶς* regnantem ius ac potestatem esse: quòd interim, quauis Tyrānus cum Regio imperio præsit populoque superior sit, vt iam sæpius & ipso sole clarius est demonstratum: ac proinde non omnino verum esse quod axiomatis loco hic proposuisti, sed eo tantum casu quo Princeps regni perniciem & populi interitum, malo animo meditetur machineturque, ita, vt ipso iure principatu excidat: alias enim hoc ius Regis esse, de quo apud Samuelem, ne vllis legibus humanis coerceri propter tyrannidem possit: atque ita eum Dei iudicio relinquendum infinitis rationibus, testimoniis, & argumentis certissimis, tam perspicuè in horum librorum contextu ostendimus, vt id iterum hic docere nihil necesse sit, imò non minus superuacaneum quàm operosum iudicari possit.

Nec quemquam mouere debent quæ probationis loco subiecisti: Nam primum, quod ais veritatem sententiæ tuæ *ex iis patere quæ antea libro primo, & quæ nuper dixisti*, id eo refellitur, quòd satis apertè iam demonstratum sit, te Bruti tantum deliria sequi libro primo, & nihil nisi falsa fundamenta substernere. Nuper vero quæ dixisti, ea partim errorum primi tui libri sequelas esse, & velut rinulos quosdam ab impuris illis captionum fontibus per incilia deriuatos: partim noua turbandæ societatis humanæ, & regni euerrendi excogitata consilia, quibus humanissimum, sed nimis tunc credulum populum Parisiensem, zeli boni & sanctitatis fuco deludebas.

Deinde verò quod a Beluis publicæ saluti imminentibus argumentum trahis, id non sententiæ tuæ aduersarios, sed reipsum sensu communi carere indicat, qui tam ineptam & inconcinnam, ex comparatione Tyranni & beluæ collectionem & consequentiam inducis. Non enim si in aliquo res inter se conferantur, idcirco verum est eadem omnia vtrique attributa conuenire. Prælati negligentes, otiosi, & segnes comparantur canibus mutis non valentibus latrare, & tales à Propheta appellantur. Ergo vt canes inutiles & damnosos, quilibet de familia cedere & occidere potest, ita & quilibet de populo Prælatos hosce inutiles plagis conficere. Quid hac consequentia absurdius?

Sed quoniam (vt vulgò dici solet) *dare absurdum non est soluere argumentum*. ideo vitiosæ huius comparationis tuæ

rationem causamque assignabimus. Reges itaque, licet ab hominibus constituantur, à Deo auctoritatem capiunt. *Per me Reges regnant*, & alibi, *data est à Deo potestas vobis*, & *virtus ab Altissimo qui interrogabit opera vestra*. Eos reuereri & honorare ipsisque parere iubemur, etiam dyscolis, id est, morosis & peruersis: nec vlla vsquam Principem bonū inter & tyrannum, quantum ad honoris, reuerentia, & obsequii præstationem, adhibita in Scripturis, scriptisve Patrum, distinctio reperitur. In hos igitur, etiam publicæ salutis imminentes, gladium stringere non licet, quia ipsi soli gladium habent, id est, gladio vtendi potestatem: populo autem vniuerso, si nimia Principis tyrannide opprimatur, ius quidem resistendi iniuriæ, non etiam insurgendi, & inuadendi in iniuriosum competit, vt libro tertio<sup>1</sup>, & quarto<sup>2</sup> pluribus est explicatum. At nulla vnquam lex diuina vel humana beluas hominibus præfecit: homini in bestias Deus imperium dedit, non his in illum. *Omnia subiecisti sub pedibus eius, aues & boues vniuersas: insuper & pecora campi. Volucres cæli, & pisces maris qui perambulantes semitas maris*<sup>3</sup>. Nulla igitur beluis obligatione astringimur, nullum illis obsequium debemus, nullaque imperii reuerentia impedimur, quo minus eas furentes feriamus, mactemus, omni que mortis genere vlciscamur. idque ipse fatearis necesse est, nisi veterem Pythagoræorum *μικροψυχίας* velis renouare.

Deinde verò, quia cū cædes beluarum nullo iure vel lege prohibita sit, nesciaturque vtrum naturali feritate, an speciali Dei impulsu iussuque in nos impetum faciant, nihil obstat quo minus illis propterea sæuiantibus omni tempore, omnibusque armis & artibus occurrere, ac vitam tollere liceat. At non idem de Principe, quamuis tyrannidem exerceat, dici potest: cū generalem de eo sine exceptione legem habeamus, vt sæpius iam dictum est. Quæ cū ita sint, perspicuum est longè diuersam horum inter se rationem esse, atque in eo, in quo tu similes eos facis, inueniri dissimilimos: ac proinde in eo ipso, in quo sunt dissimiles, pari iure censeri non oportere.

Sed (vt omittam, canes, & alias bestias in Scripturis per *ἀνθρωποφάγους* esse non rarò interpretandas, vt cū dicitur<sup>4</sup>. *Circumdederunt me vituli multi, tauri pingues obsederunt me: & circumdederunt me canes multi: & Salua me ex ore Leonis. & à cornibus unicornium.*) propius ad te accedam; liber enim

1 cap. 8.  
2 cap. 4.

3 Psal. 1.

4 Psal. 11.

enim hic paulò altius, sed, ut Neoptolemus apud Ennium, paucis tecum philosophari. Peto igitur abs te, nunquid putas homines resistendo, se, vitam, corpusque tueri posse aduersus bestias à Deo immixtas? nunquid ab eiusmodi beluarum impetu quisquam dexteræ suæ potentia, nisi prius Deum placatum habeat, liberari possit? Resistant homines quātum & quousque possunt, succumbent semper. Nam qui bestias immittit, dat concitatis potestatem, cui nulla vi & ope humana resisti potest: ut nec morbi, humanæ in Deum offensæ ultores, pharmacis vel emplastris ullis naturalibus curari possint. Si Pharaon Rex potentissimus ranas, locustas, scyniphes, muscas & id genus animantium fecēs, propellere à se & superare non potuit <sup>1</sup>. Si Archiepiscopus quidam Moguntinus sorices à se nullo ferri, flammæ, vel fluminis auxilio remouere poterat, aut efficere quo minus cum viuum exederent, quodd essent hæc vtroque diuinæ ultionis instrumenta, quod tuum nobis consilium, præceptumue, ut ferrum in eiusmodi bestias stringamus? An ut giganteo more pugnautes moriamur, dicamusque, si tamen vere dicere possimus.

*Nunquam omnes hodie moriemur inulti* <sup>2</sup>.

<sup>2</sup> *Æneid. 2.*

Quid iuuat quæso resistere, ubi ficias te resistendo non proficere hilum? Quæ putas Iadonem prophetam armata manus à leonis rictu potuisset eripere? Si certò scirem beluam à Deo missam ut me deuoret, complicarem brachia, caput obnuberem, nec magis vim vi repellere conarer, quàm Cæsar cum Brutum in se irruentem aspiceret, id autem quia nescimus, semper bestiis resistimus. De Principe tyrannosecus: nam Dei flagellum eum esse populo puniendo præparatū nemo nõ nouit. facit Deus regnare hypocritam propter peccata populi. & rarò aut nunquam finit eum regnare diutius, quàm subditorum sceleribus expiandis sat est. Populus ergo qui malo Regi mortem infert, perinde facit ac filius, qui virgam, quam ab irato patre animaduersionis in eum & castigationis causa allatam esse intelligit, ipso patre spectante & indignante concidit, comminuit, vel comburit; ut paulò antè hoc libro admonui <sup>3</sup>.

<sup>3</sup> *cap. 12.*

Restat ut illud nunc resoluamus, in quo tu magnum sententiæ tuæ firmamentum constituisti: & ab aliis etiam non satis circumspectis, minime tamè malis aliquādo occiditur. Ingenitā scilicet omnib. animatibus, a natura sui

CON-



2. l. vt vim.

a de iust. &amp; iur.

conseruandi cupiditatem, ex qua propulsandæ iniuriæ facultas vt maximè naturalis & iustissima vniciue permittitur<sup>1</sup>, quam qui homini tollit, non solum matris optimæ auxilium ei aufert, sed deteriore eum bestiis omnibus condicione facit. Cùm igitur superiora euitandæ vel opprimendæ tyrannidis remedia videantur esse naturalia, frustra quæ à Deo concessa, si illis neutiquam vti liceat: ex eo colligunt, sed vitiosè, talibus quælibet aduersus Principes malos vti posse, ac debere quidem; quasi Reipub. salus, vt ipsi rentur, id expetat exigatque. Sed qui ita cogitât, si varietatem rerum & veritatem propius intueantur, non leuem profectò vel obscuram mutandæ sententiæ causâ inuenient. Id igitur illis responsum volumus. Deum quidè multa hominibus media & remedia naturalia concessisse, sed non quælibet tamen aduersus quodlibet malum efficacia esse: suus cuique proprius & singularis effectus est, qui etiam ex natura & qualitatibus rei iuuandæ commutatur interdum sitque cōtrarius. Extinguendæ sitis remedium naturale potus est, eo quæ generaliter loquendo, nihil efficacius. At qui feбри correptus est acutiore, si dum totus humorum agitatione æstuat, siti quæ premitur vehementer, larga vini & aquæ algidissimæ potatione, quæ sano sitim facilè sedaret, eam a se depellere conaretur; is in grauioris morbi periculum vitæque discrimen se inferret, sitimque accenderet vehementius. At istud tamen sedandæ sitis remedium naturale est. Verum quidem, sed sanis, & sitis non eo modo contractæ, longè alia tunc ratio frigefaciendi & humectandi corporis incunda est: emittendus ex vena sanguis: alius clysteribus proluenda, egerèda potionibus, vt medico visum est, inflammata bilis: sitis interim quam maximè toleranda, expectandus & ciendus sudor: & alia quæ solerti medicorum ingenio excogitata sunt, obseruanda. Sic in proposito, quamuis verum sit defensionem iuris naturalis esse, addo & vltionem quæ publica manu fit ex iusta causa, esse quæ hæc generaliter contra vim, & iniuriam summa, sola, certissima quæ remedia: tamen non aduersus iniuriam hoc modo, id est à Principe illatam, nisi quatenus populo vniuerso, seu corpori Reipub. sine vlla rebellionē, vel obsequii detractiōe, Regi insigniter peruerso liceat resistere, quibus defensio, non etiam vltio (vt sæpius iam dictum est,) aduersus Principem conceditur. Populum itaque, si quando iniusta legitimi Principis dominatione

natione seu tyrannide prematur, non rebellium & defectio, aut frequens ad arma concursus, imò nec ipsius tyranni cædes per curationem allata, voti compotem facient, quin grauiores potius in miseras, & calamitates coniciunt. Non enim sunt hæc tollendæ tyrannidis apta, vera, propriaq; remedia, sed magis augendæ, asperandæ, & propagandæ causa efficacissima, quodd Deum, cui iustas prioris peccati pœnas per iniustam Regis dominationem luunt, noua iterum & iniuriosa superbia, ac diuinæ ordinationis transgressionē offendant. Quid etgo? Quod inquam huic malo remedium? Dicam. Statim vt exoritur tyrannis, eaq; vexari populus incipit, egerenda in primis & eiuranda sunt vitia Contritione & confessione purgandi animi: sanguis emittendus & sitis toleranda; id est, partis bonorum ademptio & rei familiaris iactura, atque etiã corporibus illatæ iniuriæ, ad tempus patienter ferendæ, donec summus ille medicus Deus Opt. Max. in cuius manu cor Regis est, ægram & labentem Rempub. quæ sua est erga iacentes & afflictos misericordia, Principe vel ad meliorem mentē reducto, vel à vitis abducto, benignè sanauerit. Hæc tyrannidis euertendæ optima & expeditissima via est, quam qui aspernantur, dum se sola tyranni cæde liberatum iri putant, in grauioris multo tyrannidis gurgitem & voraginē sæpius immerguntur. Idque præclare Saresberienensis in suo Policratico admonet<sup>1</sup>. *Tyrannos, inquit, quos peccata impetrant, inducunt & erigunt, pœnitentia delet, excludit & perimit, & paulò post. Hic quidem modus delendi tyrannos, inquit, utilissimus est & tutissimus: Si qui premuntur, ad pœrociniū clementia Dei humiliati confugiant, & puras manus leuantes ad Dominum deuoris precibus, flagellum, quo affliguntur, auertant: peccata enim delinquentium, vires sunt tyrannorum.*

Lib. 3. ca. 20.

## CAPVT XXIV.

**R**ationum tuarum de tyranno occidendo momentæ iam paucis, sed quantum acutis & attentis lectoribus sat esse potest, excusimus percussimusque. Reliquum nunc est vt in testimonia, & exempla à te allata inquiramus: quorum tuo iudicio tanta vis ac potestas est, vt quos fucata illa rationum tuarum congeries audacibus & temerariis animis scrupulos non ademit, eos talium testimoniorum & exemplorum pondus atque autoritas

cuel-

Lib. 3. c. 17.

euellere penitus & exhaurire possit. Itaq; sequens caput,  
cui epigraphen fecisti, Ecclesiastica & Sacra de ea re testi-  
monia & exempla, hac præfatione exorsus es.

**BOUCHER.** *Qua in re nè quid scrupuli supersit, quod  
accinctum fortem quemuis à strenuè agendo deterreat, Christiā-  
na scilicet & sacra de ea re tum testimonia tum exempla profe-  
ramus.*

Itane verò? tunc sacra de occidendo Principe legitimo  
in tyrannidem delapso testimonia nobis præferes? ingens  
quidem pollicitatio, seu verius iactatio hac est: Nam si  
promissum possis efficere, omnia omnium aduersario-  
rum tela, hac vna facile retundes parma, vt neque tibi ne-  
cessum fuerit tot captiosas, & inanes ad eam rem proban-  
dam rationes comminisci; neque nobis vtique honestum  
in ea sententia euertenda operam curamque collocare,  
quæ sacris testimoniis, atque exemplis suffulta est, & suste-  
tata. Sed quoniam tu quod pollicitus es præstare nunquā  
poteris, nos quam suscepimus redarguendi tui provinci-  
am nullo pacto deferemus. Sacra enim & Ecclesiastica  
testimonia qui dicit, perspicua, clara, certa, & omni ex-  
ceptione maiora dicit, aut perperam & falsò sacra dicit:  
eiusmodi illa sunt quæ vel sacro bibliorum volumine, vel  
scitis Patrum, siue Pontificum Conciliorumque decre-  
tis, vel solemnī & antiqua Ecclesiæ traditione continen-  
tur: quorum ea apud Christianos omnes Catholicos vis &  
authoritas est, vt non mouere solū, sed etiam cogere, &  
impellere homines in id quod testificantur, soleant: adeò  
vt contrarium asserenti, ne angelo quidem, credi fas sit,  
quanto minus Luthero, Caluino, Beza, & aliis id genus re-  
nebitionibus, & Antichristi prodromis ac metatoribus, fi-  
des adhibenda? Talia si posses præferre, audiremus liben-  
ter: ad me enim quod attinet, non sum adeò aduersus à ve-  
ritate, vt ab eiusmodi certis & illustribus testimoniis asseri-  
sum vnquam cohiberem. Sed cum apud te nihil nisi dubia  
pro certis, & ficta ac falsa pro veris inueniam, nullumque  
penitus de ea re sacrum testimoniū extare videam: sic me-  
cum cogito, non tam sententiæ & opinionis tuæ firmamē-  
tum, quam magnum temeritatis & iactantiæ tuæ argumē-  
tum, toto illo capite contineri.

Et verò illud eius initium quod modò retulimus, statim  
vt legitur, variè lectores afficit, expectatione quosdam, a-  
lios metu, admiratione alios, vt quisque bono vel malo in

Re-

Reges animo, vel sacrarum literarum studiis & Doctrina præditus est. Nam qui Monarchiam exosi, Principem populo subiicere, & paulò iniquius dominatorem communibus legum vinculis coercere, & plectere priuatum more student, cum ad istum libri tui locum perueniunt, in summam spem & expectationem eriguntur: quod suam ibi opinionem mox sacris & Ecclesiasticis testimoniis stabilitum ac firmatum iri putent. Contra verò, quibus regnorum & Regum salus curæ est, eis idem locus magnum inicit metum, ne sua ipsorum causa testimoniis sacris & Ecclesiasticis, quibus nec velle se nec posse resistere profitentur, penitus subuertatur. Ast utrique, ubi omnia illius capitis argumenta, lectione & meditatione deuorant, decipi se planè ac deludi, & illis quidem spem vanam, his verò metum inanem fuisse, animaduertunt. Qui autem diuinitatis & bonarum scientiarum studia sectantur, inque iis aliquam vitæ partem feliciter collocant, atque à cæcis illis animi motibus, ira, odio, amore, remotiores sunt, dum eundem locum animo perlustrant, demirantur valde hominem in Theologia vel mediocriter versatum, illarum rerum testimonia sacra tam audacter polliceri, quarum rerum nullum in Scripturis, vel antiquorum & sanctorum Patrum scriptis usquam peruestigando poterit inuenire. Id n. ut arbitror, in confesso est, atque inter omnes constat, non quaslibet Doctorum Theologorum sententias & singulares opiniones, quas scriptis suis pro arbitrio inseruerunt, in sacris & Ecclesiasticis testimoniis habendas esse, sed eas demum quæ communi Ecclesiæ iudicio & consensu receptæ sunt & comprobata: alioqui profectò pessimè nobiscum ageretur, quod & prorsus contraria, ac proinde falsa testimonia admittere cogeremur. quoties ut sæpe accidit, Doctores de eiusdem enunciationis veritate, pugnantibus inter se sententiis digladiantur: quod cum ita sit, operæ pretium esse duxi ipsam et illa testimonia, quæ sacra vocas, singillatim huc referre, ut videant qui volunt, neque omnino sacra esse, neque ponderis & momenti quicquam, ad tuam sententiæ confirmationem obtinere: eorum igitur primum est.

**BOUCHER.** *Homicidiū ( inquit Pontifex Honorius I ) non est peccatum, cum in vindictam populi Dei sit, ut occisio Golia à Davide, Holofernis à Iudith.*

la p. 153

Hoc equidem testimonium ob sedis B. Petri firmitatem dignitatēq; ut sacrum, & Ecclesiasticum, veneror: sed quod ad re-



† l. i. §. quod  
vulgo D. de vi &  
vi. ar. l. i §. Idem  
Labeo. D. de  
aqu. quot. & aff.

de qua agitur? nihil planè ad præsens institutum, ad tuam, inquam, sententiam & nostram disputationem pertinet. Ostendit Honorius de quo genere homicidii loquatur, cum ait, *ut occisio Golia à Davide, Holofernis à Iudith*: Nam licet, ut vulgo dici solet, *exempla non restringunt regulam*,<sup>1</sup> tamen indicant quibus de rebus, & qua ratione regula intelligenda sit. Loquitur ergo Honorius de illo homicidio quod in persona legitimi hostis, vel primi generis tyrannorum committitur, ut ipsa nos exèpla docent, non autem de eo quod contra obedientiam & reuerentiam Principibus etiam malis de iure diuino debitam, à subditis per rebellionem vel cõiurationem in Regis legitimi persona perpetratur. Haud rectè igitur Honorii Pontificis testimonio vteris, quod de alia longè diuersa scriptum est, Sed facis tu quidem hic ut soles, discreta nimirum & dissimilia, quasi eadem essent, coniungis atque confundis: atque inepta disparium comparatione, seu similitudine, incautum lectorem capis quod vitio tibi verendum, iam antè sæpius admonui. Sed alterum nunc testimonium videamus.

BOUCHER. Et Ioannis Salisburiensis, porro (inquit) tyrannum occidere non modò licitum est, sed & equum & iustum qui enim gladio abutitur, gladio dignus est perire. Et paulò post, in eum ergo meritò armantur iura, qui leges exarmat, & publica potestas sauit in eum, qui euacuare nititur publicam manum.

2 Lib. 8. cap. 19.

Videtur hoc quidem ex iis esse, quæ ab aliis te accepisse in operis tui exordio præfatus es, quibus exiguam propterea debes gratiam, quòd te sæpe inter docendum deceperint: Nam non legisse te authorem hunc quem laudas, ex ipsa huius testimonii recitatione variis de causis licet conicere. Primùm quia non proprio eum nomine vocas, Saresburiensis enim non Salisburiensis dictus est, à Seueria, siue Saresberia patria, ut ipsemet testatur<sup>2</sup>. Deinde quia locum ubi id scripsit non rectè designas, apponis enim in margine *lib. VIII. Policratici de Nugis curialium* cum tamen ibi non extet, sed *lib. III. cap. XV. siue ultimo*. Postremò quia, quod omnium pessimum est, authoris illius testimonium adulteratum & truncatum nobis exhibes, quo nomine, si id non ex alterius relatione sed ex propria lectione proposuisti; quin ob falsi crimen famæ iacturam feceris vitare nullo modo potes. Si integram & non corruptam. Saresburiensis sententiam recitasses, apparuisset facilè nihil te eius testimonio iuuari. Docet enim apertè de illo se tyranno

ranno loqui, gladium propria autoritate accipit, siue, vt ille ait, *qui gladium propria temeritate usurpat: non qui vtendi eo à Domino accipit potestatem.* vt planè intelligamus quem sua definitione tyrannum complecti voluerit. Flagitium igitur in eo tuum est, aut illius certè qui id te docuit. quod illa authoris huius verba, *Qui enim gladium accipit, gladio dignus est interire*, hoc modo commutasti. *Qui gladio abutitur, gladio dignus est perire.* Non enim idem est, gladium accipere apud Saresberiensem, quod gladio abuti: accipere gladium & vi arripere gladium, siue ius gladii per scelus usurpare, pro eodem illi est. Legitimus autem Princeps, cui gladio vtendi potestas à Deo data est, gladium eo sensu accipere dici non potest, & tamen rectè dicitur gladio interdum abuti, vt Dauid in occisione Vriæ, Theodosius in clade Thessalonicensium, & alii multi Principes cæterequin optimi, quos recensere longum. Peruersa igitur nimis hæc est, & fraudulenta commutatio, cùm author ipse præsertim, quid accipiendi verbo velit intelligi, statim denunciet ita enim ille, *Porro tyrannum occidere non modo licitum est sed æquum & iustum.* *Qui enim gladium accipit, gladio dignus est interire. Sed accipere intelligitur, qui eum propria autoritate usurpat, non qui vtendi eo à Domino accipit potestatem.* Quid multis? non esse trahendam hanc Ioannis Saresberienensis sententiam ad mortem legitimis Principibus, licet Tyrannis, inferendam, ipsemet optimus sui interpret, alibi in eodem Policratico adeò expressè & euidenter declarat, vt omnem de ea re dubitationem sustulerit. Nam in summa capitis 20. lib. 8. sic scribit, *Quod auctoritate diuina pagina licitum & gloriosum est publicos tyrannos occidere, si tamen fidelitate non sit tyranno obnoxius intersector, aut alias iustitiam, aut honestatem non amittat.* Deinde vbi varia tyrannorum occisorum exempla, è Scripturis illo capite recensuit, veluti Egionis, Sisaræ, Holofernis, statim subiicit. *Hoc tamen cauendum docent historia, scilicet sacræ, ne quis illius moliatur interitum, cui fidei aut sacramenti religione tenetur astrictus.* qua in re Dauidem nobis imitandum proponit, qui licet tyrannum grauissimum sustineret, inquit, & eum perdendi sæpe nactus fuerit occusionem, et tamen maluit parcere confusus de misericordia Dei, qui eum sine peccato poterat liberare. Et mox addit modum delendi Reges tyrannos vtilissimum & tutissimum esse patientiam populi & vitæ emendationem, vt supra<sup>1</sup> ex eodem retulimus. En vt author iste to-

cap. proximo.

1 si quis 15. C.  
de testib. 4. q. 3.  
can. si testes § si  
quis testibus ca.  
cum olim de cē-  
sib.

2 Inciuile D.  
de legib.

3 li. 4. c. 1. Felici.

tus à nobis stat, cuius tu testimonium reprobare non pō-  
tes. Nam qui testes vel instrumenta pro se producit, iisdem  
in eadem vel simili causa stare tenetur <sup>1</sup>, & quemadmodū  
*inciuile est nisi tota lege perspecta, una aliqua particula eius propo-  
sita iudicare vel respondere*, <sup>2</sup> Ita etiam inciuile est nisi toto  
autore perlecto, vna aliqua operis eius particula propo-  
ta, certam de eius mente & opinione sententiam proferre.  
Multa quidem de tyrannis è medio tollendis scripsit Sares-  
beriensis, vir bonus &, quantum ferebat rudis illa literarū  
ætas, studiis diuinitatis & humanitatis insigniter eruditus:  
sed quæ omnia ad verè propriæque tyrannos, hoc est, inius-  
tos alienæ dominationis vsurpatores referri debent. Erat  
certè huic viro, vtpote Anglo, talium scribendorum tunc  
temporis, causa maxima, tum quòd Regnum illud inter o-  
mnes Europæ Principatus, plurimos tyrannos pertulit qui  
vel Regibus oppressis, vel legitimis hæredibus exclusis, re-  
gale in solium, solo, vt dicitur, armorum iure irruerant,  
atque ita sceptri vsurpatoribus semper fuit obnoxium, vt  
nullis non notum est qui gentis illius historias peruolue-  
runt: tum etiam quia eadem illa tempestate qua author il-  
le hæc scripsit regnauit, seu potius *ἐπὶ τοῦ αἰνῆτος* in Anglia Rex  
Stephanus qui contempta solemnibus iuramentis religionis,  
quo se Matildi legitimæ regni hæredi cum ceteris opti-  
matibus obstrinxerat, imperium nullo iure sibi debitum,  
multis tenentibus, per vim & nefas occupauit: vt mirum  
non sit, si de eiusmodi tyrannis opprimendis quos iure à  
quolibet cædi posse omnes fatentur, author ille multa cō-  
memorarit: ii enim sunt qui leges exarant, & publicam  
manum seu potestatem nituntur euacuare, dum vel liberū  
populum sibi subiicere, vel legitimum Principem (qui, te-  
ste hoc autore, <sup>3</sup> est ipsa publica potestas) imperio spolia-  
re conantur. Princeps verò legitimus quia ipsemet publica  
manus est, abuti quidem publica manu rectè dicitur, cum  
tyrannicè regnat: euacuare autem publicam manum non  
dicitur, nec potest quidem, nisi animum regnandi ponat,  
seque magistratu abdicet. Atque hæc quidem de Sares-  
beriensis testimonio satis, quantum ad præsens institutum  
attinet: quibus & illud adiici potest, neque sacrum neque  
Ecclesiasticum, sed hominis tantum priuati testimonium  
hoc esse, licet à viro ecclesiastico sit prolatum: adeo vt  
tantum contra nos faceret, quantum re vera pro nobis fa-  
cit.

bit, nulla nos credendi necessitate obligaret. Sequitur  
nunc tertium.

**BOUCHER.** Et Ioannes Gerson in decem considerationibus, ne factis adulatorum decipiantur erroribus, apud Gersonem assertionibus, consideratione. 7. Error est dicere Principem terrenum. &c.

Hoc Gersonis testimonium relatum à nobis & refutatum libro secundo inuenies <sup>1</sup>. eoque propterea repetendo hic superledemus. Ostendi eum in illis considerationibus valde inconsideratè esse loquutum. Versabatur vir ille in erroribus quibusdam, quos melioris notæ Theologi reprehendunt. Nam & summum Pontificem, ut Pontificem, asserit posse hæresin docere etiam definiendo, si absque generali Concilio definiat, quam opinionem si non hæresin, certè erroneam & hæresi proximam esse, viri sanctissimi & præclarissimi quique Theologi iudicarunt <sup>2</sup> : & Concilium supra Papam esse, eumque iudicare ac deponere posse; quod itidem falsum esse saniorum Catholicorum Doctorum iudicio conuincitur <sup>3</sup>. Ut mirum non sit eundem Gersonem pari opinionis errore, Principem populo subicere voluisse, quo Papam Concilio. Hos autem errores & alios nonnullos, velut næuos quosdam in eius viri operibus intueniunt, quos, propter multa pie & Catholice ab eo scripta, tolerat; non laudat Ecclesia. Eius itaque in hac causa testimonium, quod neque sacrum neque Ecclesiasticum dici potest, ut infirmum, incertum, imò planè falsum reprobamus, reiicimusque. Ad quattum igitur pergamus:

pag. 251. 262

<sup>2</sup> vide Bellarmum li. 4. c. 2. de Romani Pontif.

<sup>3</sup> vide eundem Bellarmum. li. 2. de Concil. author. c. 13. & 5. sequent.

**BOUCHER.** Sic Sozomenus <sup>4</sup> & Cassiodorus <sup>5</sup> de Iuliano <sup>4</sup> li. 6. c. 2. Apostata, quem Libanius Sophista, & alii gentiles, à Christianis <sup>5</sup> in hist. triph. occisum spargebant. Quod verum forsàn est (inquiunt Historici) nec verò quisquam reprehenderit facile, si quis propter religionem fortem se ostenderit.

Quanta Sozomeni testimonio fides sit adhibenda, ex eo lector intelligat, quod de illius historia beatus Gregorius ad Eulogium Episcopum Alexandrum scribit <sup>6</sup>. In historia <sup>6</sup> li. 6. epist. 92. autem Sozomeni, inquit, de quodam Eudoxio qui Constantinopolitana Ecclesia episcopatum arripuisse dicitur; aliqua narratur. Sed ipsam quoque historiam sedes Apostolica accipere recusat: quoniam multa mentitur. Næ tu parum verecundè facis, qui cum sacra & Ecclesiastica testimonia fueris pollicitus, hominis multa mentientis testimonium, pro sacro, vel



Ecclesiastico nobis obtrudis. Cassiodorus autem nullum eius rei testimonium ex se profert : hoc tantum ex Theodorito scribit , *Sed siue homo siue angelus fuerit* qui Iuliano vulnus inflixit, *Palamest quod diuina iussioni ministravit.* Qui autem Deo iubente facit, culpa vacat, & innocēs atque innoxius est. Audiamus ergo quintum.

BOUCHER *Lyranus in. 30. caput Numerorum, enumerās duodecim causas, propter quas bellum iustum suscipi potest, Duodecima, inquit, si tyrannis à presidente exerceatur.*

Lyranus scripta veneror & amplector, propter summum eius ingenii acumen, atque in Scripturis enucleandis scilicet facilitatem & facilitatem maximam. Rectè id igitur Lyranus, si rectè intelligatur. Nam cū bellum iustum duabus de causis suscipi possit, vel ad vlciscendas scilicet iniurias, vel ad propulsandas, posteriorem hanc populo, legitimi Principis tyrannide nimium oppresso, causam competere non diffitemur. Iam enim sæpius à nobis dictum est, licere quidem subditis, quos Princeps *intolerabiliter tyrannizat*, vt loquitur Dionysius Carthusianus <sup>2</sup> peruersis eius conatibus resistere, ac se, vitam, corporaque tueri: *nec tamen ob hoc deberent se à Principe suo omnino auertere, nec contra eum inordinatè procedere.* Inordinatè autem proceditur, cū seruus Dominum, filius patrem, cliens patronum, subditus Principem, omninoque par vel inferior, parem vel superiorem iudicandi ac puniendi potestatem armis sibi arrogat. Subditi ergo sic bellum necessitate coacti aduersus Principem tyrannum suscipiant, vt eius interea humiles, supplicēsque, fidem & misericordiam, sicut subditos decet, obtententur, & se se nullum ei periculum creare, nullas moliri insidias, nullum denique Regi debitum obsequium vel obedientiam denegare, sed tantum iniustos tyrannidis impetus, iustæ defensionis auxilio à se suisque arcere velle, dictis simul & factis propalàm denuncient. Ita fit vt bellum sine rebellio gerant, & vim vi opponant vlla absque iniuria. Huius generis illa quidem Machabæorum aduersus Antiochos, Epiphanem, & Eupatorem, atque etiam Demetrium bella fuerunt. Sed quoniam perdifficile est, populum ægris, & laceffitis iniuria animis ad eiusmodi defensionem concitatum ea ratione ac moderatione se tueri, vt non multa ab officio subditorum aliena, per iracundiam & indignationem aduersus Regem peccet, pro quibus Dominum Deum Sabaoth, quem iustæ defensionis

suz

lib. de regim.  
polit. artic. 29.

sux fautorem & adiutorem sperant iniquæ molitionis & inuectionis vindicem experiantur: tutius & satius est, illam opprimendæ tyrannidis viam ingredi, quam paulò superius patefecimus <sup>1</sup>. Desine igitur Lyrani verba capta-  
 re, quæ eo quo dictum est modo intelligi rectè & sine vitio <sup>1 sup cap. prox. in fin.</sup> possunt: & cum *iniusta abdicatione tua*, impiissime Bruti vindictis, cum vestra, inquam, de legitimis Regibus exigendis vel occidendis perniciofa doctrina, nihil quicquam habent commune. Quod cum ita sit in sextum deinceps inquiramus.

**BOUCHER.** *Neque verò alia protestantium hæreticorum confesso, quantumvis hodie propositum, commodo sibi inuento tyranno mutant, nisi quod in eius qui verè tyrannus sit descriptione, seu particulari determinatione discrepamus. Sic enim Buchananus* <sup>2</sup> *Tyranni, inquit, Deo & hominibus habendi sunt* <sup>2 li. de iure regni apud Scotos.</sup> *iniurii, eosque in luporum aliorumve noxiorum animalium genere magis quàm hominum habendos esse putat. Quæ qui alit, & sibi perniciem alit & aliis. Qui occidit, non sibi modo, sed publicè universis prodest.*

Hoc testimonium vtro in genere collocas? sacrorumne an Ecclesiasticorum. In neutro dices. Rectè quidem. Cur ergo id eis adiungis? Ut lector, inquires, sciat hanc meam doctrinam cum Protestantium hæreticorum dogmate cõuenire. Tantò peius tecum agitur, quòd illa ipsa cum hæreticis omnium pessimis conspiratio, consensusque suspectiorem & inuisiorem tuam doctrinam Catholicis hominibus reddit, tantoque magis fidem illi detrahit, quanto propius ad illorum vesanos errores accedit. Libellus ille Buchananus, statim ut exiit, cunctis Catholicis meritiò displicebat, ob hanc ipsam falsissimam, quam tu iam tueris opinionem: nec ullus eo tempore inuentus est orthodoxus, qui non illum cum suo libro authorem sit execratus, teque, si talia tunc scripsisses, ut improbum & suspectæ religionis hominem non plurimum vituperasset. Quid ergo? nunquid instabilis veritas est, atque ad mutationes & inclinationes temporum, hominumque fortunam & inconstantiam, tanquam Lesbia regula quoquo versus se inflectit? Nõne scriptum est <sup>3</sup> *veritas Domini manet in æternum?* <sup>3 Psal. 115.</sup> aut igitur vera tunc fuit Buchananii illa sententia in quam transis, aut nunc non est. Veram autem tunc non fuisse cum stabiles & synceræ multorum Theologorum in contrarium sententiæ, (ex quibus nonnulli laudatissimis libris

falsitatem eius redarguerunt) tum omnium Catholicorū constans, consentiens, & conspirans iudicium locuplet. Ilmo test monio demonstrarunt. Vt pulchrum & laudabile esse fateor, hæreticos suis ipsorum testimoniis & confessionibus premere, convincere, ac velut propriis telis iugulari: ita nouæ & nondum receptæ doctrinæ fundamentum aliquod vel firmamentum ab iisdem petere, & turpe, & exemplo perniciosum esse iudico. Doleo equidem te tā inalis in hac arte magistris Buchananō nimirū & Bruto, te ipsum in disciplinam tradidisse, in qua parū aut nihil potes proficere, nisi admodum à virtute & veritate deseceris. Vltimū superest eorum quæ sacra & Ecclesiastica testimonia falsò nominas, quod ex scriptis Bodini, ipso renitente & reclamante in hunc ordinem transtulisti, cuius tibi recordatio, si vllus in te pudor, aut humanitatis & honestatis sensus sit, peracerba quidem & tristis esse debet, quod eius causa vel manifesta calumniæ, vel stultæ credulitatis, ac temeritatis notam subire cogeis, vt superioris libri capite VI. fufius est pertractatum.

## C A P. XXV.

**N**ON habeo necesse refutandis exemplis à te propositis immorari, tum quod ex perspecta & publicata iā testimoniorum tuorum leuitate & perfidia, quilibet facillimè de pari in exemplis impostura coniecturam facere potest: tum etiam quia exemplorum non ea vis est, vt ipsorum imitandorum aliquam iuris necessitatem nobis imponant. Iam sæpius admonui, exemplis facta tantum ipsa, non etiam factorum ius & æquitatem, contineri. In testimoniis autem à te prolatis occultior quædam fraus inerat, eaque multiplex, vt ob id plenius & accuratius refellenda viderentur. At in exemplis omnibus, quotquot huc contulisti, vnius tantum generis captiones & fallaciæ insunt, & eæ quidem vsque adeo claræ, apertæ, & perspicuæ, vt mirum sit te tecum cū talia scriberes non cogitasse, neminem non exoculatum ad exempla ista accessurum, qui non statim possit cernere, nihil ea prorsus ad id de quo agitur, quodque probandum susceperas pertinere. Controuerfia siquidem & quæstio est de legitimo Principe, qui accepta à Deo gladii potestate abutitur: quem nos, quod neminem supra se in temporalibus iudicem habet<sup>2</sup>, diuino iudicio relinquendum, cum pijs cō omnibus Ecclesiæ

Patri-

1. nemo. C. de  
sentent. & in-  
terlocut.

2. cap. per vene-  
rabilem. qui filii  
sunt legit.

Patribus, atque etiam recentioribus asseueranter conclu-  
dimus. Tu verò contrà, ex Protestantium hæreticorum  
doctrina, Buchananò Brutoque authoribus *Principē quan-  
tumvis aliqui legitimum, si potestate quam iuste adeptus est abu-  
tatur*, plecti, pelli que de folio, & ad necem rapi à subditis  
posse ac debere contendis. Hanc exemplis doctrinā cūm  
niteris illustrare, ne vnum quidem de legitimo Principe  
exemplum proponis: omnia de prioris generis tyrannis  
sunt, in quos nunquam non licuit, & publicè omnibus, &  
priuatim singulis, ferrum stringere. Quapropter vt i' la  
omitram quæ ex sacris historiis commemorasti: quoniam  
vt *Achior dux omnium filiorum Ammon ad Holofernem ait*, Iudith. c. 9.  
*Quotiescunque Hebrai præter ipsum Deum suum, alterum colue-  
runt, dati sunt in prædam, & in gladium, & in opprobrium, & ex-  
terminati sunt præliis, multis nationibus, & plurimi eorum capti-  
ui abducti sunt in terram non suam. Quotiescunque autem pœ-  
nituerunt se recessisse à cultura Dei sui, dedit eis Deus cæli virtu-  
tem resistendi.* vnde patet omnes illos exterarum natio-  
num Principes, quibus Deus tanquam vindictæ suæ mini-  
stris populum illum ad tempus opprimere permisit, non  
legitimos Reges, sed publicos hostes, & alieni imperii præ-  
datores, vsurpatoresque Iudæis fuisse: ac proinde omni-  
bus illis necem moliri iure optimo licuisse: extrâ quàm si  
in eorum ditionem ac potestatem vel Dei iussu, vel expres-  
sis pactationibus, populus ille concessisset vt sub Assyriis o-  
lim & Romanis contigit. Vt, inquam, ista omitram, ne vi-  
dear frustrâ in non necessariis tempus conterere, illud tan-  
tūm quod extremo loco exemplum proposuisti recitabo,  
vt quam sit ab instituto tuo remotum & alienum omnes  
intelligent.

BOUCHER. Dignum verò imprimis Francorum gente  
factum, & ad virtutis exemplum posteris, qui hodie sunt, meritò  
proponendum<sup>2</sup>. Qui vt erant Tyrannidis in religionem ac Rem-  
publ. non modò suam, sed & alienam insolentes, cūm in Syriam  
traiecturi, ad eripiendam Sarracenis terram sac. Etam essent, parū  
habentes tyrannos religioni in se infensos exigere, nisi & è Republ. eos-  
dem exigerent, profecti Constantinopolim, vt eiecto tyranno, cui  
Alexi nomen erat, Alexiū iusto imperio restituerent, inter reliquas  
aduentus sui causas, Græcis significarunt, nullum se aduersus gen-  
tem Græcorum nobilissimā bellum moliri, sed iustum & legi imū  
Cesarē velle in pristinā dignitatē restituere. Singulas veteris Gra-  
ecia ciuitates premia tyrannicidis ac diuinos prope honores decre-  
nisse,



*uisse, quanto maiore honore excipiendos esse se (i. Francos) qui tyrannum ab iniusto dominatu venirent depulsuri. Denique tyrannum urbe pepulerunt, A' exiū stabiliērent. Quem cū Myrtilus quidam stirpis Imperatoria vir occidisset, & se pro Imperatore gereret, Franci post longam obsidionem captum, præcipitem de altissima turri deiecerunt.*

Generosum profectò & magnificum Franciæ nobilitatis factum, atque ad memoriæ immortalitatem in primis gloriosum, nobis ad imitandum proponis. Sed totum, ut vides, in coercendis rebellibus versatur, & illis morte multandis qui nullo iure, sed per tyrannidem, exacto vel occiso legitimo Principe, imperium occuparunt. Hoc autem quid ad Reges legitimos? An nescis aut negas hos magno ab illis discrimine separari? Illos quidem interficiendi, etiam si temperatè & æquabiliter vellent imperare, satis magnam & idoneam causam ipsa coniuratio, & violentus ad regnandum impetus præbet, nunquam ut non iustè à quolibet cædi possint, nisi qui suam illis fidem aliqua religione obstrinxit: hos verò tuetur maiestas imperii, atque ab omnibus legum humanarum vinculis, omniq; pœna civili reddit securos, ut ex D. Ambrosio. & aliis multis sanctis Patribus iam suprâ ostendimus. Quid ergo tibi in mentem venit, ut istiusmodi exemplis aduersus Reges legitimos uterere? An quemquam sanæ mentis adeo hebetem & stupidū esse ratus es, ut non statim intelligeret exemplum hoc non de legitimo Principe, sed de inuasore & vsurpatore Principatus occidendo proponi debere? Haud citius album in panno nigro filum conspicitur, quàm quæ huic exemplo intexta fallacia est.

Sed heus Boucheri: cū hæc quæ de Francica virtute prædicas ita se habeant, cur tu Francorum gentem ab inclyta, perenni, & contestata illa maiorum suorum pietate & virtute degenerare cupiebas? Cur id illis faciendum persuasisti, quod illustrem hanc laudē à parentibus in se transmissam & transfusam, turpissimi sceleris quadam veluti nebula obscurasset? Si Francis illis honorificū & laudabile fuit, rebelles & coniuratos urbe arceq; expellere, cur tu vrbes & arces omnes, quantum viribus & voce valebas, ad seditiones & rebellia concitare nisus es? Si alienæ gentis Regem, qui Francorum gloriæ clām inuidebat, & cui nullo neque societatis fœdere, neque religionis vinculo, neq; beneficiorum merito, aliòve iure, præter insitum ipsis huma-

nita-

nitatis, honestatis, ac iustitiæ amorem, obligabantur, in solium vnde deiectus erat restituisse, Francica virtute & perpetua commendatione dignum iudicabas, cur eorum de virorum illustrium posteros, qui pro Rege suo proprio, cui fidem, obsequium, auxilium, consilium, omniaque subditorum officia, solemnî sacramento religiosè spoponderant, ne de solio per rebellantium vim & impressionem deiiceretur, strenuè propugnabant, non solum reprehendere & vituperare, sed conuitis & maledictis omnibus insectari, atque insolentissimis verborum contumeliis vexare, proscindere, & lacerare non te puduit? Nam licet singas, quod falsum est, Regem illum in quem tam calumniosè inueheris, tyrannicos omnes mores penitus induisse, tamen illustres illi Francorum proceres, nihil cõmeruerunt aut peccarunt, propter quod in eos tam rabidè & intemperanter debacchareris: imò nihil non laudis promeriti sunt hoc ipso, quod tutam, simplicem, apertam, & nunquam satis laudatam tyrannidis extinguendæ viam ac rationem patientia vndique septam ingressi sunt: & *malum in bono vincere*, acerbioris nimirum imperii iugum à legitimo Principe impositum ferre, eumque, etiam tyrannica molientem, reuerenter obseruare, omniq̃ honesto obsequio mulcere & mitigare, atque omnino propter diuinam ordinationem tolerare, quàm tollere maluerunt. Adhæc si laudi ac virtuti tribuis, quod nobilissimus ille Francorum exercitus, Regis exteri eadem in Regii sanguinis homine præcipitâdo vindicarit, cur tu Christianissimi Regis interfectorem, non veritus es multis encomiis celebrare? Cur in spurcissima illa & infami tua apologia, quam pro parricida & perduellè manifesto, recenti ira & inueterato odio furens ac fremens euomisti, nefarium perditæ adolescentis conatum, facinusque omni memoria execrandum, in Regis itidem Christianissimi, & (si alium Gallia vnquam habuit) clementissimi perniciem meditatum, vt pulcherrimum & propè diuinum, atque omni ex parte heroicum commendasti? Sed hoc postremum quale sit, declarat illa Iesuitarum venustior multò & verior apologia, in qua scelus illud impium, horrendum, ac detestabile in primis fuisse asserunt, ac propterea in sceleris authorem, vt immanem parricidam ac Maiestatis reum, exquisitis suppliciis iure optimo fuisse vindicatum. Concidit hoc vno ictu honor tuus, totaq̃ deperit

existimatio: nam hisce hominibus, quos casus ille in maiores multo miseras quam te coniecit, quique & pietate, & doctrina, & affectu in patriam, longo te interuallo antecedunt, fidem potius quam tibi in ea re adhibendam nemo non iudicet.

Vides, opinor, si inueterato illo adhuc odio non occæcaris, ut nihil quicquam neque rationibus, neque testimoniis, neque exemplis aduersus Reges profeceris: utque multiplices tuas imposturas, & calumnias, per quas regum sceptris insidiatus es, suis fallaciarum integumentis euolutas & reiectas in lucem produximus. Vnde colligi facile potest, laborem illum quem in *obiectionum pro tyrannis solutione*, ut ais impendisti, à te frustra esse susceptum: quod enim accusatori aduersantium argumentorum confutatio, cum ipse nullum certum & solidum intentionis suae firmamentum attulerit? Et verò quisquis illas obiectionum solutiones à te propositas attentè & consideratè fuerit contèplatus, cernet quæprimum, in magno verborum tuorum flumine, vix vllam vel minimam quidem synceri & subtilis iudicii, aut rectæ rationis guttam esse admistam. quo minus mihi ad finem huius operis celeriter contendenti necesse sit, illas omnes hoc loco ad calculum reuocare, & expendere curiosius: tamen ut tardioris ingenii vel minus in hoc controuersiarum genere exercitatis lectoribus, ad vitia earundem solutionum inuestiganda aliquod afferam adiumentum, percurram nonnullas breuiter, earumque errores paucis indicabo.

## CAPVT XXVI.

IN primis igitur Ahia Prophetæ comminationem vxori Ieroboam factam, callida & malitiosa interpretatione, ad tuum sensum perperam detorques: cum ex eo quod ille dixit <sup>2</sup> *percutiet Dominus Deus Israel, sicut moueri solet arundo in aqua: & euellet Israel de terra bona hac, quam dedit patribus eorum. Et tradet Dominus Israel propter peccata Ieroboam, qui peccauit, & peccare fecit Israel.* tu ita colligis, satisne significat peccasse Israel, qui impium Regem toleraret, meritum alioqui, si iuxta legem, quæ in Deuteronomio est, de medio sustulisset? Nam si punitur populus propter peccata Ieroboam, neque verò remedium aliud erat, quam si eum legem Dei seruare cogeret, aut morte afficeret, aut saltem eiiceret, quid sequitur nisi propterea puniri populum, quia quod debuit in publica regni causa, id facere neglexerit?

Nihil minus quàm hoc sequitur, nihil inquam, minus illis Ahix prophetæ verbis significatur, quàm peccasse Israel *lem qui impium Regem toleraret*, meritum alioqui si de medio sustulisset: vt colligi inde non possit, populo, in Regem, Dei mandata transgredientem, vitæ necisque potestatem esse, aliudue ius vllum, quo renitentem eum & reluctan- tem, ab errore in viam rectam vi reuocet, retrahatque. Hoc tantum significatur peccasse Israel, qui Regis sui impietatem atque idololatriam, relicto vero Dei veri cul- tu, sequutus esset, vt sit sensus gentem illam percussam & dispersam iri propter peccata Ieroboam, id est propter eius- modi peccata, quæ Ieroboam commisit, *qui peccauit & pec- care fecit Israel*, quemadmodum dicere solemus puniri a- liquem propter peccatum Sodomix, hoc est propter id genus peccati quod Sodomitæ commiserunt. & adhære- re cui lepram Giesi, id est lepram similem, siue eius generis lepram: populus enim ille maxima capitis diminutione, captiuitate scilicet & seruitute plexus est, non quia Iero- boam peccauit, sed quia ipsi eius peccatis consenserunt, eumque peccando imitari sunt, inque iisdem illis peccatis perseuerarunt. Atque hunc quidem verborum Ahix sen- sum esse, ex aliis Scripturæ locis manifestè conuincitur. Nam in IV. Reg. cap. xvii. scriptum est, *Et ambulauerunt filii Israel in vniuersis peccatis Ieroboam quæ fecerat: & non reces- serunt ab eis, vsque quò Dominus auferet Israel à facie sua, sicut loquutus fuerat in manu omnium seruatorum suorum Prophetarum: translatusque est Israel de terra sua in Assyrios vsque in Diē hanc.* Et Ieremias populū alloquitur<sup>1</sup>, hoc modo. *Misit Dominus ad vos omnes seruos suos prophetas, consurgens diluculo, misti ensq; & non audistis, neque inclinastis aures vestras, vt audiretis cum diceret: Reuertimini unusquisque à via sua mala, & à pesti- mis cogitationibus vestris: & habitabit in terra, quam dedit Do- minus vobis, & patrib. vestris à seculo, & vsq; in seculum. Et no- lite ire post Deos alienos, vt seruiatis eis, adoretisq; eos: neq; me ad iracundiam prouocetis in operib. manuum vestrarū, & non affli- gam vos. Et non audistis me, dicit Dominus &c.* Ecce interpre- tationem verborum Ahix, tua tanto certiore, quāto di- uini eloqui veritas, humanæ fictionis vanitate & falsitate præstantior est. Ostendit hic Dominus per Ieremiam, cau- sam cur percutiet Israel, & euellet de terra bona, quam dedit patribus eorum, sicut per Ahiam comminatus est, non fuisse illam quā tu fingis, nepe quia *impium Regē toleraret*: & eū le-

cap. 24



*gem Dei seruare non cogeret, aut morte afficeret, aut saltem eiiceret:* horum quippe nihil Deus à populo illo præstari voluit. Sed eam fuisse causam, quam superior Regum historia refert, quamque Ieremias hoc loco denunciat: quia scilicet *ambulauerunt in vniuersis peccatis Ieroboam quæ fecerat: & non recesserunt ab eis.* Cum enim Dominus promittat se illos non afflicturn, aut eiecturn de terra quam dedit patribus eorum si reuertantur a viis suis malis, & pessimis cogitationibus, & non ierint post deos alienos *ut seruiant illis adorentque eos &c.* Nec verbum vllum aut hic aut alibi vsquam in Scripturis de Rege impio eiiciendo, vel morte multando, vel alioqui non tolerando inueniatur: Nonne satis ostendit causam eius comminationis per Ahiam Prophetam factæ, non fuisse quod Regem peccantem non coercuerint, sed quodd eius peccato consenserint, & vnâ cum illo eidem sese sceleri inuoluerint, à quo si prophetarum monitu postea recessissent, ipsemet Dominus restatur se illos de terra, quam patribus eorum dederat, non fuisse deiecturn. Quod cum ita sit, ei profectò consequens est, superiorem tuam interpretationem & collectionem nimis peruersam, & à Scripturæ sensu alienissimam esse. Et verò hoc quicquid est solutionis tuæ, totum mutatus es à Bruto & aliis hæreticis, qui id pro argumento afferunt aduersus Reges, quod ab eruditissimo Theologo VVinzeto præclare & paucis dilutum esse ostendimus<sup>1</sup>, cuius verba, licet iam antè in hoc opus transscripta, referre denuò hic non pigebit. Ita enim ille de Bruto Regem in populi ditionem trahere conante<sup>2</sup>. *Vrget tamen, quæ solent eius farina commentatores, magna audacia: idque vna atque altera auctoritate: Priore quidem, quod Prophetæ coarguentes idololatria crimen, non tantum Regē, sed & populum alloquuntur, ut idololatriam extirpent: & quare hoc, inquit, à populo peterent, si apud istos non esset potestas? Deinde quod propter hoc, & eiusmodi scelera non solum Rex à Deo punitur, sed & populus, & aliquando populus solus propter Regem: Atque id qua ratione querit.* En eadē Bruti, quib. tu hic vteris (Boucheri) argumenta, ut vere

— mutato nomine de te

*Fabula narretur.*

Quibus doctus & pius Archimandrita, *At utrumq;* (inquit) *facilis est responsio: quia potuit bene populus primum sibi ab illo scelere temperare. Deinde non consentire Regi, nefanda vel patranti vel precipienti. Non autem quod non statim vngregato exercitū*

<sup>1</sup> Lib. 4. ca. 6.

<sup>2</sup> in Flagello  
Sectar. pag. 77.

ercitu in Regem bellum mouerent, cum morti traderent, aut folio  
 deicerent, & alium quemquam in eius thronum protinus euehe-  
 rent. Vbi verò quid tale unquam Dei populo in sacris literis clare  
 præceptum sit: aut in vetere aut in nouo populo contra suum Regē  
 quantumuis impium, cum laude factum sit, non inuitus ab istis  
 discerem. Quod cum monstrare, opinor, non possunt &c. Atque  
 hāc quidem genuinam & germanam loci a te citati inter-  
 pretationem esse, præter superiora ostendit etiam Innocē-  
 tius III<sup>1</sup>. exponens illud Exodi xx. Ego sum Deus zelotes,  
 vindicans peccata patrum in filios, usque in tertiam & quartam  
 generationem, in his qui oderunt me, id est, inquit Innocentius  
 In illis qui contra me paternum odium imitantur. Ex his perspi-  
 cuum esse arbitror, non propter peccata Regis Ieroboam,  
 id est ipsa illa peccata, quæ solus Ieroboam coministr, nec  
 quia Regem illum peccantem non vlciſcebantur, disiectū  
 ac dispersum fuisse Israel, sed propter sua propria pec-  
 cata, quod Ieroboam in delinquendo sequuti, pari seipsos  
 scelere contaminarent. Scio quidem id peculiare Hebræis  
 fuisse, vt propter Regis sui, imò etiam propter priuati ho-  
 minis peccatum, graues aliquando pœnas luerent, tametsi  
 & scelus & sceleris authorem penitus ignorassent: qua de  
 re suprā, aduersus te, & magistrum tuum Brutū, plura con-  
 scripsimus<sup>2</sup>. Nusquam autem, quod Regem legitimū,  
 quantumuis impium, & peruersum super se regnare passi  
 sunt, culpæ reos apud Deum factos fuisse traditur. Sed de  
 hac solutione tua satis: in aliam nunc inquiramus.

BOUCHERIVS. Illud verò leuissimum, quod non Iohā.  
 Baptista, non Christus, non Apostoli in Regem impium surgere,  
 aut de medio eum tollere docuerunt. Quasi verò eadem insti-  
 tuenda Ecclesia ratio atque instituta, esse credenda sit. Ac non prius  
 plantari & irrigari vineam, quàm incidi oporteat. Adde quod nec  
 id licuit, cum potestas impiorum superior esset. Sed neq; illi Chri-  
 stum professi erant, vt cogi in verba eius supplicio possent. Sed tum  
 demum scilicet id datum est, cum id Prophetia impletū est<sup>3</sup>. Erūt  
 Reges nutriti tui, &c.

Quid? leuissimum putas à Christo & Apostolis nullum  
 de Rege à subditis coercendo præceptum esse traditum? At  
 non ignorabant tamen infinitos per orbē Principes Chri-  
 sto nomen aliquando datu-  
 ros: atque an id subditis lice-  
 ret, imò ipsorum officio, vt tu ais, incumberet, scitū in pri-  
 mis fore necessarium: vt verisimile non sit ipsum Saluato-  
 rem, eiusque Apostolos omnes, tam insignem populi li-  
 berta-

<sup>1</sup> cap. nisi 10. §.  
 personæ de re-  
 nunciat.

<sup>2</sup> Lib. 4. c. 9. &  
 lib. 5. ca. 15.

<sup>3</sup> Isai. 49.

bertatem & imperium, atque adeo munus tam necessarium, si vlla ei ratione, vlloue tempore in posterum conuenire posse existimassent, cum de aliis præsertim subditorum officiis latè differerent, voluisse penitus reticere. Sed habemus tibi gratias, quod gratis id nobis concedas, in quo extorquendo fuisset alioqui enitendum, Christum scilicet & Apostolos, nihil de Rege impio à subditis coercendo; docuisse. Propius tamen accedam, vrgeboque angustius: est enim cur ego tecum hic querar. Nam malè quidem & parum fideliter, obiectionem eorum qui se tibi opponunt; hoc loco retulisti. Non enim ea solum ratione contendunt, *Quod non Iohan. Baptista, non Christus, non Apostoli in Regem impium surgere, aut de medio eum tollere docuerunt*, quāquā id Christianis hominibus grauissimo argumento esse debet. Sed quodd nemo præterea Sanctorum Patrum, vel scriptor alioqui orthodoxus, per totos mille annos & amplius, licet & Ecclesia omnibus tunc floreret copiis, & impiorum Principum ac tyrānorum magnus esset numerus, tale quid vnquam vel verbo vel scripto docuisse legitur. Neque etiam hoc solum dicunt aduersarii tui, Christum nempe Apostolos, & antiquos Ecclesiæ Patres non docuisse in Regem impium insurgere (nam cum hoc totum ab autoritate negatiua argumentū sit, cuius vim non vsquequaq; magnam esse fateor, tu in illam solutionis latebrā, quæ ex autoritatis negatiuæ impotentia constructur, facile te reciperes) sed affirmatè dicunt eosdem docuisse, nō licere populo in Regem, quantumuis impium, suo pte nutu atque arbitrio, propriaque autoritate insurgere, vel eum de medio tollere: vt satis superque lib. III. ostēdimus. Hoc autem firmamentum si tuo iudicio leuissimum est, nescio equidem quodnam in vlla re asserenda satis solidū & graue poterit aduersus te inueniri.

Sed quæso perpende, quā sit non dico leuis, sed planè inepta ac penè ridicula, superior ista respōsio & solutio tua. Quid enim? An nondum Ambrosii, Hieronymi, Augustini, Gregorii, & aliorum eius æui Patrum temporibus, satis plantatam & rigatam Ecclesiam fuisse reris, vt iam tunc commodè amputari & incidi potuisset? Cerrè B. Augustinus alicubi asserit<sup>1</sup>, paucos suo seculo vsq; inueniri, qui de Christo malè sentirent. Et verò Ecclesia tunc orbem ferè totum sinu suo complexa, exiguum tū Ethnicis tū Hæreticis locum relinquebat. Atq; ita siue hominū multitudinem,

dinem, siue robur animorum, siue ardorē, zelū, & constan-  
 tiam in religione spectes, Ecclesia viribus humanis longē  
 maximis tunc sustinebatur. Cur ergo Patres & Pastores illi  
 optimi populos, tuo more, in Valentem, Valentinianum  
 iuniorem, Heraclium, & alios impios Principes non con-  
 citarunt? Nonne si vera tradis, aduenerat tūc tempus, quo  
 Principes & potuerunt & debuerunt mortis supplicio cogi  
 à Repub. id est, populo, vt tu loqueris: Nam & ipsi Christū  
 erant professi, & iam tum à Constantino Magno impletū  
 erat id Prophetæ quod allegas. Certē aut efficiendi facul-  
 tas Patres istos impediēbat, quo minus id agere & exequi  
 per virium imbecillitatem potuerint: aut eos iustitiæ & æ-  
 quitatis defectus ab eiusmodi conatu deterrebat: aut deni-  
 que Pastoralis officio segniter, vitiosē, & negligenter functi  
 sunt, quod si sui populum iuris & officii non admonuerint;  
 quodque Reges impios non solūm pertulerint, sed magna  
 etiā, qua Reges erant, reuerentia & honore sint prosequu-  
 ti. Quartū enim quod excogitemus in hac re impedi-  
 mentum nullum est. Primi autem suspicionem omnem, ingens  
 illa Christianorum multitudo, & vires Ecclesiæ tunc tem-  
 poris, si vnquam alias maximæ dimouent. Postremi verò,  
 sanctitas & scientia tantorum virorum, qui non suo solūm  
 seculo, sed sequentibus etiā omnibus, maximam doctri-  
 næ, pietatis, ac iustitiæ faciem prætulerunt. Medium ergo  
 supererat tātummodo, quod illos, ne sceptris seditionibus  
 turbaret, aut aliquid in Principum legitimorum perniciē  
 molirentur, metu numinis, & arctissimo conscientia vin-  
 culo vsque adeo distrinxit vt subditos ad defectionē & re-  
 bellium in Reges impios non modo non inuitarint, sed vt  
 ab omni in eos impetu, & cōiuratione abstinerēt, piē, gra-  
 uiter, & copiosē, sunt hortati. Ea n. omnibus sententia in  
 prætoridiis hærebat (quippe vno omnes spiritu ducebantur)  
 qua Magnus ille Hōiūs ad Constantium Imp. Ariana hæ-  
 resis infectum vsus est <sup>1</sup>, nempe *Deum Principi committere im-*  
*perium, & eos qui Principis imperium malignis oculis carpit, con-*  
*tradicere ordinationi diuinæ, quemadmodum & Principē, si qua*  
*sunt Ecclesia ad se trahat, magno crimini obuoxum fieri.* Sed de  
 hac re plura superiorib. libris dicta sunt <sup>2</sup>. Abi nunc igitur  
 cum ista fucata solutione, quæ cum sit leuissima, nihil gra-  
 uissimæ rationis ponderi potest detrahē: Sed expecta ta-  
 men parumper, & antequam abeas, accipe adhuc vltimæ  
 solutionis tuæ, expressam paucissimis verbis vanitatem.

<sup>1</sup> S. Athanasii  
 epist. ad solitar.  
 vitam agentes

<sup>2</sup> Lib. 3. c. 1. &  
 lib. 4. cap. 5.



BOUCHERIVS, *Fortissimum verò illud, quod de vnctione obicitur, Scriptum est enim Nolite tangere Christos meos. Nec maior usquam Davidi quam in Christum Domini, id est, vñctum, Religio, &c.*

1 Li. D. de Regul. Catoniana.

Videris mihi velle sequi regulam Catonianā, non illā quidem Iurisperitorum<sup>1</sup>, sed aliam vulgarem puerorū, quæ sic habet.

*Quod vile est charum, quod charum est vile putate.*

Nam superius argumentum, quo nullum contra Monarchomachos & Popl colas grauius, tibi leuissimum visum est: Hoc vero, quo non aliud ad Regiæ licentiæ & impunitatis confirmationem sublestius debiliusque proponi potest, fortissimum & firmissimum arbitraris: cuiusque solutionem adeò verbose tractas, vt totas tres vel quatuor paginas earum rerum narratione repleueris, quæ tribus aut quatuor lineis non minus intelligenter explicat. & absolui potuissent, incertū an vt viderere lectori aliquid eximium & singulare in eo præstitisse, quasi fortissimum, imò verò leuissimum illud argumentum, longa & forti cōfutatione eguisset: an potius vt in artificiosa eloquentiæ præceptis te exerceres, tam prolixam obiectionis, parum aut nihil ad institutum pertinentis, solutionem adornaaueris. Nam in primis certum est, neminem acriore ingenio præditum, atque in rebus diuinis politicisque mediocriter versatum, vnctionis eam vim esse arbitrari, vt vnctum legitimo iudicio subtrahat, aut impunitatis spem, quæ maxima peccandi illecebra est<sup>2</sup>, ei tribuat. Reddit quidē vnctio personam augustam, sacram & venerandam, ita vt nihil per vim & scelus sine sacrilegio in eam committi possit<sup>3</sup>: at non reddit tamen innoxiam, non eximit ex culpa, non legitimorum iudicum sententiis liberat, non denique pœnas meritas debitasque persolui impedit. Quapropter inepta prorsus & inefficax est illa de vnctione obiectio, quam tu fortissimam vocas: vt verisimile non sit eam ab ullo, præterquam iuris planè ignaro, ad Regiæ libertatis vel impunitatis defensionem vnquam fuisse propositā: Quod si propositam fingas, ei optimum à te, sed pluribus quam necesse fuit, responsum datum esse fateor; cuius hæc est summa. *Non est dignior Regis quam presbyteri vnctio, imò, hac multis partibus superior est.* De quæ eo inter omnes Christianos orthodoxos constat. *Quod si ita est, quæ ratio esse potest, inquis, vt hac tam sublimis, ita digna sacerdotis vnctio, huic*

2 Cic. pro Milone.

3 can. si quis suadente 17. quæst. 4.

*ut impur, ut scelestus esse liceat, non permittat, nec ut puniatur impediat Regem sua illa tot partibus inferior, quantumvis scelerate, impure, crudeliter, impie agat, immunem efficiat? Cui, ego nulla profectò. Neque enim Regibus aliquid propter vñctionem concedi debet, quod non sacerdotibus potiorè multò ratione sit tribuendum. Cur ergo, inquis, si sacerdotalis vñctio non impedit quin scelerati puniantur, quin ex auctoritate ab Ecclesia primum, seculari iudicio tradantur, regalis vñctio tanti esse debeat, ut propter eam in impium Regem ac tyrannum tolli animaduersio, aut immunis ille iudicio esse possit? Accipe breuem, sed non leuem responsionem. Neutros istorum à pœna sceleris tueretur vñctio. Sicut enim ut ait Salsetus Augustinus, iuramentum non ob hoc fuisse institutum inuenitur, ut esset vinculum iniquitatis<sup>1</sup>. Ita neque sacra vñctio, ut inuitamenta hominibus ad delinquendum spe impunitatis afferret, principiò est introducta. Rex itaque nō quia vñctus est non punitur: vñctio enim quanquam, ut dictum est, personam ab iniuria tueretur, iuris tamen executionem non impedit. Sed quia superiorem in temporalibus neminem habet, cuius iurisdictionem subeat, & à quo pro tribunali possit condemnari. Sacerdotes verò idè scelerū pœnas iuunt, quia vñcti omnes iudicem in terris agnoscunt, Papam nempe, qui pro potestate imperii à Christo accepti supplicia in clericos maleficos improbosque arbitrati suo constituit. Ipse verò cum omnes iudicet, à nemine potest iudicari<sup>2</sup>: non quia vñctus est, sed quia supremus est, & solum Christum iudicem habet, caloz tantum debet innocentiam<sup>3</sup>. Quæ cum ita sint, luce clarius apparet argumentum istud, cuius tanquam fortissimi solutionem vltimo aduersus Reges loco reseruasti, infirmissimum & leuissimum esse: tēque propterea in eo verbosissimè diluendo incassum & inaniter desudasse.*

C A P. XXVII.

**Q**Vandoquidem, Boucheri, superior de vñctione locus, regalem potestatem, & libertatem vniuersè impugnandi finem tibi attulit (nam quod in hisce tuis iniustæ abdicationis libris reliquum est, id totum in falsa Christianissimi Regis tui criminatione consumitur) idem quoque locus modum mihi & finem tui redarguendi, iam breui faciet. Neque enim opus est, aut operæ pretium, inuidiosam illam vitiorum & tyrannidis descriptionem, de  
Ecc qui-

<sup>1</sup> 22. q. 4. c. an. inter cetera. cap. 1. de consuet. in 6.

<sup>2</sup> can. si Papa. dist. 40.

<sup>3</sup> 9. q. 3. can. aliorum.

quibus Regem illum malitiosè criminariis, referre hoc loco & refutare: est enim tota mendax & calumniosa, atque etiam manifestis mendaciis vsque adeo referta, vt eius commemoratione viri boni, & vel tui amantes, non parum offendantur, & vicem tuam dolcant: quoniam quod pro te respondeant nihil illis in promptu est, nihilque eleuandi tui criminis causa excogitare possunt, nisi aliorum te fidem temerè & imprudenter esse sequutum: à quibus multa perperam & falsò tibi suggesta fuisse dicunt, atque ita fides & leues auditiones pro rebus compertis, & disseminatos dispersosque ab alienatis & offensis animis sermones, pro grauissimis veritatis testimoniis te accepisse: quasi hoc totum scriptiois tuæ quicquid est, inconsulta potius leuitati & credulitati, quam malitiæ malæ, sit ascribendum. Sed est tamen hæc ipsa parum honesta, ne dicam turpis excusatio, ac tui ordinis & conditionis hominem in re tantumomenti, & scelere omnium grauissimo, vel remouendo, vel extenuando, prorsus indigna. Accedit eò quòd contumeliæ, opprobria, maledicta, atque adeo generis omnis conuitia, à te in Regem illum oppidò quàm petulanter iacta, aliàque implacabilis odii expressa vestigia, ne illud quale quale est excusationis prætextum & stropham accipiamus, impediunt. Nam quod certius malevolentia indiciū, quæ probabilior odii coniectura, quod grauius infensi & exulcerati animi in aliquem argumentum esse potest, quàm vt eius famam, laudem, & honorem omnem depeculemur, non solum quæcunque benè & animo quoque bono dixerit, feceritve, sed etiam quæ de ipso ab aliis in bonâ partem & honoris gratia perlepidè excogitata & euulgata sunt, ea per calumniosam interpretationem adulterare, atque ad eius de quo dicta sunt, vituperium, dedecus & ignominiam conuvertere? talem te passim in istis de abdicatione libris præstitisti: eoque artificio cum Regis huius, tum multorum illustrium & excellentium virorum dicta, factaque aucupado, ignari & inconstantis vulgi aures & animos perstrinxisti. Quod quanquam nostra hæc operis tui anacrisis iam supra variis in locis patefecit, non abs re tamen fuerit, id ipsum vno & altero adhuc exemplo confirmare.

In primis igitur quod quidam ingeniosus vulgaram illam & vsitatam, vt mos est Regibus, inscriptionem, HENRICVS TERTIVS FRANCORVM REX, transpositis litteris in hanc formam sententiæque redegerit, *Hic nunc*

Rex verus fratre morte, id tum aliosè ad atrocissimam inspicionem, & celeris nefarii seu iudiciū, seu probationem trahis: quasi ad exprobandū Regi parricidium, ac non potius ad eius legitimam nascendi ordine successionem declarandam, sententia illa per *ὡς αὖτις αὖτις* excogitata sit & composita. Quid enim ea ad Regis illius laudem & dignitatem illustrandam accommodatius? An non ostendit eum Regis decessoris fuisse fratrem, ac proinde mortuo fratre, regnum ipi iure gentium, & patria legē debitū ac delatum? Henricus III. fratris sui Caroli IX. quemadmodum: & hic fratris sui Francisci II. morte verus Rex factus est: neuterque honestè Rex aliter in eo regno fieri potuit. An nescis mortē patris fieri & filium Regem? Et quod generaliter in priuatorum successionibus ex consuetudine ius per totam Galliam obtinet, quo dicitur, *Le mort saisit le vif son plus prochain & habile à luy succeder*, idē quoque in regno ineundo, & sceptri regalis successionē à multis iam annis esse obseruatum? ut nempe pro Rege statim habeatur, qui Regi defuncto proximus sine controuersia mortis eius tempore fuit: ita ut ab illo mortis momento, annorum regni sui supputationem successor inchoet. Hinc illa in Franciæ Regibus funerandis cæremonia. Cum funus effertur & procedit, feruntur vnā ab officiariis regni omnia regalis imperii insignia, atque in sepulchram cum cadauere immittuntur: sed & domus Regiæ siue aulæ præfectus, officii sui baculum eadem coniicit, seruitiāque & ministros aulicos, ut sibi quisque prospiciat admonet. Interea que lugubri voce dicitur, *Le Roy est mort*, mox arreptis & eleuatis omnibus, bis terue acclamatur *Viue le Roy*, ut hoc pacto continuatam in regni successore possessionem, & morte Regis alium protinus Regem factum esse significetur, locumque prouerbio datum, cuius meminit Baldus <sup>1</sup> *mortuum* scilicet *aperire oculos vuentis*.

Id est mortuus  
fuit viuum pos-  
sit. Tōrē, siue trāf-  
fuit in viuum pos-  
sessionem.

Id est Rex mor-  
tuus est. i. viuat  
Rex.

1 ad l. 3 C. com-  
de manumill.

Quæ cum ita sint, ecquid fingi insidiosius, ecquod, inquam, scelestis & perfidiæ facinus magis execrabile cerni vel concipi animo potest, quàm ut innocentes in inuidiam vocentur, eiusmodi seu fortunæ sortem seu naturæ dotes & beneficia, quæ laudis præconio ab aliis celebrantur, falsæ criminationis fumo velle obscurare, illis que ipsis vitio vertere conar, quorū honori & dignitati fuerint attributa? Si tu mala mēte, malo animo, malo sensu, istuc aduersus Regē *ὡς αὖτις αὖτις*, variæ & multiplices tuæ in eundem



1 cap. estote. de  
reg. iur. c. ult. de  
præsump. l. sem-  
per 9. D. de reg.  
iur. pñsim tit. de  
reb. dub. D.

dolis mendaciisque confutæ calumniæ, omnem tibi in ea  
fitione fidem abrogant. Sin verò alterius *αὐτοπροσώπου*  
*ζῶντος* mentem ad hunc sensum per interpretationem de-  
torques, perditè quidem & perniciosè Sycophātaris: cūm  
semper in dubiis & obscuris. quod humanius quòdque be-  
nignius est præsumi debeat <sup>1</sup>. Piò bone Deus, nullò sine ter-  
ra flores tam salubri & mellito vndique succo pariat, ut iis  
insidens buprestis, amarum inde aut venenatum nihil su-  
ctu eliciat! adeo *nihil est*,

*Quin malè narrando possit deprauarier,*

2 in epist. ad  
Lectōr.

Sed vbi tua mens, Boucheri, vbi ratio, vbi verecundia, vbi,  
quæ viris bonis summa esse solet fama, existimationis, at-  
que adeo salutis tuæ cura fuit, cum ista scriberes? An non  
hominis impensè improbi ac proiectæ audaciæ, aut certè  
dementis & furiosi esse videtur, parricidii crimen alicui, nō  
dicam Principi, sed vel infimi ordinis plebeio publicè ob-  
iectare, & libello proponere, quod neque propria rei con-  
fessione, neque alio certo & manifesto in eam rem testimo-  
nio probare & demonstrare possit? non enim historia &  
simplex narratio, sed atrocissima accusatio hæc est, quæ Re-  
gem viuentem, ut tutemet fateris <sup>2</sup> ad populum, iudicem  
vtique non suum tanti tamque horrendi criminis reum fa-  
cis: vtique eo nomine damnatus solio & sceptro, viræque i-  
psa priuetur postulas: cūm interim ad eius rei probationē,  
nullum non modò certum & euident testimonium, sed ne  
leue quidem indicium aliquod attuleris. Putabas, credo,  
effata tua omnia oraculi instar posteritati futura: tantūm-  
que tuam solius vocem ad quodlibet facinus in aliquo cō-  
uincendum valere, ut nihil aliud quærere oporteret, quàm  
an id dixisset Boucherius, omiſſa quæſtione de veritate, an  
res sic se haberet. Quid enim aliud sonat sermo ille tuus  
quo Regem hunc reum facis hoc modo.

*At Henricus ut legitimè Carolo IX fratri naturali morte, sine  
mascula prole occumbenti succedere potuerit, quod eo tamen vene-  
no per scelus ex:incto (quo ministerio quæve arte nihil dicimus) in  
regnum ingressus est, quis legitimè regnum inuasisse, ac non potius  
tyrannicè fateatur?*

Quæ, malum, vesana, insolens, & barbara accusandi, i-  
mò calumniandi forma hæc est? rei nomen criminis que de-  
ferre, & neque quo ministerio quæve arte, quibus, inquam,  
modis & mediis facinus perpetratum est, iudicibus aperre:  
neque de circumstantiis cæteris, quæ non solum distinctè,  
clarè,

clarè, & articulatè proponi, sed legitimis etiam probationibus & luce clarioribus doceri & confirmari debent, verbum vllum facere? Sed quasi nefas morte piandum fuisset nudæ assenerationi tuæ non assentiri, omnes probandi sceleris modos contemptim & arroganter hac vna voce abittere, *quo ministerio quæue arte nihil dicimus*. At dicere tamen debuisti <sup>1</sup>, & ita dicere, nihil vt ad fidem faciendam iudici-

23. q. 8. can. occidit.

Ais Carolum IX. veneno fuisse extinctum. Qui scis? tūne venenum illud comparasti, preparasti, miscuisti, porrexisti, aut alterius, qui eorum quid fecerit, ope consilio fuisti adiutor? Nunquis aut eo nomine capitis arcessitus crimē confessus est, aut sine accusatione id ipsum sponte sua prodidit? Nunqua hariolandi arte in eo scelere peruestigando vsus es? nam prophetiæ donum non te arbitror assequutū. Si nihil horum, qui scisti? Quis tibi tam occultum facinus retexit? Rumor erat & suspicio, dices. Quid tum postea? nihil istis incertius, nihil falsius plerumq; aut fallacius quicquam. Proinde non vt inquisitionis, ita & accusationis iustam & legitimam causam præbent. Admonui iam supra verissimum esse quod Iulius Capitolinus in vita Marci Antonini Philosophi scribit. Neminem scilicet magnorum Principum esse, quem non grauis & falsa interdum fama perstringat. *Vsque adeo vt etiam Marcus* (quo nullus mitiore indole, & pluribus virtutibus præditus vnquam imperauit) *in sermonem venerit quod verū vel veneno sustulerit, vel per medicum Posidippum, qui ei sanguinem intempestiuē dicitur emisisse*. Nā tu mihi homo valde petulans, temerarius, & audax videris, qui Regem atrocissimi criminis, sine authore, sine capite, sine teste, solo rumore nuncio reum facis. Quid si post editam hanc tuam accusationem, quam eo viuo vulgatum iri sperabas, Rex à nefario illo carnifice & crudelissimo sicario, ac busto Reip. non fuisset absumptus: & tecum propterea sine vi, sine armis, sine iniuria, iure iudiciōque contendere voluisset: tēque adeo vel ad obiecti criminis fidem legitimè faciendam, vel ad supplicium tam improbo calumniatore dignum depoposcisset? quo te iuris auxilio, quōve per fugio defendisses? Nam neque fuga dilapsus tam tuto in loco apud exteras nationes consistere potuisses, vt illuc iustitiæ à Monarcha potentissimo imploratæ vigor non penetrasset. Scitum enim est & tritum proditiōē hostibus gratam esse, non proditorem. Non video equidem

Ecc 3 quod

quod huic malo remedium inuenisses, præter illud, quo quidam Pontimuffanus adhuc superstes, iudicio capitis, rebus saluis, se defendit. Is enim Maiestatis accusatus, quod præcem Principi & omnibus eius liberis optarat, seque eam libenter ipsis allaturum dixerat, ex illo se periculo hac ratione exemit, quod dixerit & probarit se tunc temporis fuisse phreneticum. Sic tua in furorem versa patientia, humanitatis commiseratione huius furibundi conatus veniam si petiisses, fortassis impetrasset.

Alterum nunc, ut sumus polliciti, malignitatis tuæ documentum in hoc Rege calumniando proferemus. Solebat ille quidem, si quando de urbium vel agrorum depopulatione, vastitate, aliâve bello civili accepta calamitate certior factus, malis illis statim per factionum potentiam mederi nequisset, sese in spem melioris fortunæ & pacis ac tranquillitatis publicæ vocare, atque illud interim miseræ consolationis usurpare, quo minus malum vocatur melius, ac dicere, *pays gasté vaut mieux que pays perdu*, Illam tu vocē ut tyrannicam magna cum indignitate exaggeras: & tuo more, hoc est, falsa & clementia voluntatis interpretatione, ad proferentis ignominiam, contra Dei mandatum, contraque humanitatem, honestatem, & rationem omnē veteratoriē transfers. Nec Regis solum, sed omnium interioris sanctiorisque consilii procerum famam & existimationem eo nomine sugillas.

*Dum una vox hæc, inquis, in secreto concilio sonat, vastata regio melior quam perdita, quod lucrum videlicet suum publicam perniciem putet.*

Ineptis homo maledice, neque enim tam auritas plagas tendere potueris, ut iis non solum secreti concilii, in quod nunquam nisi fortè reprehēdendi tui causa, accitus fuisti, verba, consilia, & arcana omnia ex insidiis aucuperis, sed etiam, quod per rerum naturam fieri non potest, penitissimas cogitationum & voluntatum latebras, & recessus omnes, in tuos casses & cognitionem pertraheres. Sed heus tu, quid in eo Regis dicto (siue parœmia, ut vocas) si peruersa & calumniosa interpretatione non deprauetur, possis reprehendere? An non vera, honesta, & digna viro bono ac sapiente sententia? Nonne sciunt omnes multo satius esse, aliqua religionem calamitate, miseria, & direptione afflictam & vastatam, quam fortunis omnibus spoliata, in eversam, accisam, & funditus perditam atque eversam intueri?

Nonne

Id est, præstat  
regionem vastatam  
esse, quam  
eversam & perditam.

Nonne idem de suo Belgio tot annis & armis lacerato Hispanus: idem de suæ ditionis prouinciis superiore bello attritis Lotharingus, Allobrogicus, aliique omnes qui sub cælo sunt Principes, de suis quisque regionibus aduerso Marte vexatis, dicere similiter optimo iure potuerunt? Si quis id neget, ad agnatos & gentiles est deducendus.

Possem alia huius generis infinita ex illis tuis Philippicis, famosis inquam libellis *de abdicatione*, in medium proferre, quibus, quod splendida sunt mendacia, quodque absolutam pro Rege isto apologiam scribendi prouinciâ non suscepi, libens volens hic supersedebo: Dicam tamē paucis quod sentio. Videris profectò mihi in tota hac infami tua scriptiōe id agere voluisse, vt quemadmodum *Cyrus à Xenophonte*, in libris quos *Κύρου παρὰ ξενόφωνα* inscripsit, non ad *Historia fidem*, sed ad *effigiem iusti imperii scriptus est*: nullum ut *in prætermisum sit officium diligentis & moderati imperii*: Cic. li. i. ep. i. ad eamque ob caulam multa ibi, quasi ab illo dicta factaque Q. fratrem. inueniuntur, quæ nec fecit, nec dixit, nec cogitauit vnquā: Sic Rex *Henricus* à te in tuis illis de abdicatione libris nō ad historiæ fidem scriberetur, sed ad effigiem iniusti imperii: nullum vt iniqui, acerbi, crudelis, & immoderati imperii vitium vel exemplum in iis prætermitteres: eaque de causa omnibus illum contumeliis oneratum, omni impietate & crudelitate notatum, omnibus nefariis sceleribus, & flagitiosis atque effrenatis inque omni intemperantia effusis libidinibus falsò conspurcatum & contaminatum, velut in scenam à te esse productum, cùm tamen re vera, detractis mendaciorum tuorum mantelis quibus illū turpiter operuisti, non pauca moderati imperii & veræ pietatis vestigia in eo cerni potuissent. Sed ita nimirū tua in illū odia exarserunt, vt nihil præclari dixerit feceritve, imò nihil dicere vel facere potuerit, quod nō aut detractiōnis fumo & fūco obscurare, aut lioris & inuidiæ flāma penitus absumere, conatus sis. Nihil non mordaces Momi reprehendunt: nullas vermes venenifera flores non inficiunt. Sed *Xenophō* quidem honesta sua fictione, qua multos ad virtutem iuuat, obsuit autem nemini, immortalem laudem est consequutus: tu verò famosis istis libellis & commētis, quibus multorum illustrium virorum famam & existimationē lādis, regnorum iura peruertis, seditiones concitas, discordias inter populum & Principem seris, nulliq; vera, certa, & solida ad vitam bene beatæque degendam præ-



cepta tradis, sempiternum tibi dedecus comparasti.

Vellem quidem, & valde vellem, pro meo maximo in omnes tui ordinis homines, hoc est, sacerdotes, amore & obsequantia summa, tali te scriptiois genere abstinuissē, ne vlla esset causa, cur aliquis ad tam multa gentis tuæ homine indigna, conditione verò & professione tua prorsus aliena, carpenda & redarguenda stylium prehenderet. Si contritam iliam verustate sententiam animo voluissēs, carere debet omni vitio qui in alterum paratus est dicere, non tot fœda conuitia, & tam atroces iniurias, vique adeo intemperanter in Principes, priuatos, sacerdotes, seculares, atque adeo in omnis generis homines intulissēs? Sed tecum cogitassēs, quid in te vicissim ab aduersariis regei & retorqueri potuissēt. Vir quidam ætate, pietate, dignitate, & doctrina spectabilis, cum ei inter alia multa flagitia & scelera quæ huic Regi mendacissimè affinxisti, hoc etiam à te scriptum ostendissēm, Henricum Regem, scilicet, Mosco longè crudeliorem fuisse, eique in eo solo dissimilem, quod cum Moscouita denos vel videnos in suis sacris gladio occideret, Henricus decies vel viciēs centenos iniusto tributo enecaret, & ad restim, vt dicitur, adigeret, vbi tuam risisset impudentiam, substitit paululum, ac mox, mendacium hoc est mendacissimum, inquit; Multorum sæpe copiolas, vel iusto tributo extenuatas, & in angustum redactas, sub variis Regibus nostris fuisse scimus: at neque iusto neque iniusto tributo tot homines in Gallia ab illo, vel vilo alio Rege enectos fuisse, aut nostra aut patrum memoria auditum est. Sed scire velim, inquit, quo se in ordine & categoria, vt aiunt, Boucherius collocet? & vtri, Mosconē an Gallo, sese assimilabit, nam si sauitiam multitudine occisorum metiamur, vtrumque crudelitate superat: quandoquidem multo pluribus in vna ciuitate, per seditiosas conciones, mortis causam præbuit, quàm Rex Henricus, per vllas tributorum exactiones, in toto regno: adeo vt etiam si verum esset quod falsò Regi ascribit, illud tamen de iis dici posset, quod olim in dissimili causa de Saule & Dauide ab Hebræis mulieribus fuit decantatum *I. Occidit Henricus mille, & Boucherius decem millia*, hæc ille.

Reg. 18.

Multa sunt id genus apud te alia, quæ nimis inuidi pectus olent, ac fletoris audaculi & insulsi obrectatoris ingenium arguunt, atque ex iis quedam vique adeo turpia, vt  
pro-

propter obscenitatem, ne castas & integras aures offendant, sensuque titillent inhonestè, perpetuo silètio prorsus inuoluenda. Nam vt ait tragicus <sup>1</sup>.

Α' καὶ ὅς αὐδ' αἶν' ἐστ' αἰ μὴ δὲ δρᾶν καλόν.

Ad me autem quod attinet, sat habeo lectorem de accusationis tuæ iniquitate, qua Regem hunc calumniatus es, certissimis & clarissimis testimoniis certiore fecisse: ne quem posterorum, si fieri potest, vitæ illius à te facta descriptio, in errorem & tam malam ac monstrosam de eo opinionem, inopia contradictionis, inducat. Hæc igitur de eius vita literis perperam à te mandata satis. Nunc quod de ipsius morte scripseris, antequam opus concludamus, veloci oculo est percurrendum.

<sup>1</sup> Sophoc. in Oedip. tyran. id est, quæ factu turpia sunt, ea ne eloqui quidè licet.

## CAPUT XXVIII.

**B**OUCHER <sup>2</sup>. Ecce autem dum scribimus, dum variis distracti in concione, concilio, militia, negotiis, opus ut licet, maturamus, &c. mirabilis simul ac terribilis, die prima Augusti, per exploratores nuncius venit, Henricum in medio exercitu, inter medias stipatorum cateruas, gregarii cuiusdam & contempti de B. Dominici familia fraterculi manu esse interfectum.

<sup>2</sup> Lib. 4. ca. pen.

Extremus hic est, nō fabulæ, sed furie tuæ actus, in quo, post multas hætenus illustres personas, vt ludibrio & despectui populo sint, à te indecorè in scenam immissas, tu temet tandem cum inclemente sicario & scelorum gurgite, pietatis larua & parricidarum pellibus coniecti, horribile cunctis spectaculum, eandem in scenam produxisti: atque ita produxisti, vt illum quidem facinus abominandum palàm admittentem, te verò post tenuis & raræ texturæ conopea latentem, & ei quid ageret suggerentem, intueamur. Nam si certò scis quod pro certo affirmas, nulli dubium esse potest te flagitiosam cum scelerato illo monacho societatem de Rege occidendo coisse: atque ita tuos istos de abdicatione libros non de parricida, vt falso tibi persuades, sed à parricida esse compositos. Equidè miratus sum sæpenumero, quæ tâta salutis tuæ te ceperit obliuio, vt ea scriberes quæ te cadis illius conscium & participem fuisse non obscurè demonstrant: nisi fortè vsque adeo tunc demeritabas, vt huic te monstro socium atrocissimi sceleris addidisse, laudi tibi apud posteros fore ratus sis. Ast vbi in mentem mihi venit eius quod scribit Ecclesiastes <sup>3</sup>.

<sup>3</sup> In 3 cap. 10.

Eccy cogita-

*cogitatione tua Regine detrahas, & in secreto cubiculi tui ne maledixeris diuiti: quia & aues cali portabunt vocem tuam, & qui habet pennas annuntiabit sententiam.* cœpi de eo ambigere, vtrum scilicet consultò & cogitatò, ac sciens prudens, vt aiant, talia exarasses: an verò conscientia labes quæ nunquam requiescit, & volat celerimè, ita mentem tuam offuscavit, vt tibi imprudenti & minus ad rem tuam attento, illa omnia surripuerit, atque in lucem protulerit.

Audiui sæpè à pueritia, quod & experientia sum edoctus, iniusti homicidii authores diu occultari non posse, sed vel à seipsis prodi, si alius nemo sit qui denunciaret.

Res mihi certè memoratu admodum tristis est, & ad sensum, cogitationemque acerba: cum vnde fidei, pietatis, religionis, charitatis exempla & documenta peti & expectari debent, inde perfidiam, impietatem, hypocrysim, scelus, odium manare videam. Monachus Regem occidit, cui lege regni ac iure gentium communi tanquam subditus naturalis, vt dicitur, fidem suam obligauerat, & cum Regem qui suam illi salutem ex animo concedidit, nullique hominum conditioni quam Monachis vnquam fuit amicitior, quæ perfidia? Monachus Regem occidit, cuius mors multis hominum milibus mortem attulit, atque infinitas religioni & Reipub. calamitates, ac penè summam patriæ perniciem iniecit, quam scelerata impietas? Monachus, reprimo me, quid dixi monachus? latro ex monacho factus Regem suum nihil ab eo ordine qui exterius apparebat sibi metuentem, ac proinde hominem amicè amplectentem, dum illi se fausta omnia optare, nunciare, ac precari simulat, eoque nomine ad secretius colloquium admissus est, incautum à fraude vt ferox & immanis parricida trucidauit, quæ vnquã aut crudelior hypocrisis aut magis dissimulata crudelitas? Latro vt Regem iugularet, è claustro in castra profectus est, quamuis sat sciret meditatum & destinatum animo facinus sine certissimo & turpissimo vitæ suæ interitu se exequi non posse, quanta fatibundi & odio acerbissimo exacerati animi temeritas? Nulla inter omnes affectiones concitatio, nulla turbulentior, aut quæ præcipiti furore citius in scelus impellit, quam odiû; vbi impotentem animi hominem semel occuparit. Audiui quosdam iracundia & odio inflammatos deierare interdum, velle se libenter mortem oppetere, si extinctum prius viderint inimicum: nec vllum recusatu ros supplicium

dum.

dummodo possent mucronem pugionis (ita enim loquebatur) in cor eius quem oderant adigere. Ut autem misero huic monacho odium ex falsa persuasione ortum sit, mox dicetur.

Hoc illud est nefarium, atrox, & perfidiosum scelerali monachi, seu monstri potius teterrimi facinus, per quod non solum turbatus & vexatus Francicæ Monarchiæ status, eiusque vires intestino ac domestico bello grauiter concussæ, fractæ, & penitus ferè consumptæ fuerunt: sed hæreticis præterea religiosos omnes calumniandi, monachos & monasteria detestandi atque execrandi, ansa & occasio amplior quàm vnquam antea nostro seculo data est. Itaque non hominem sed ordinem, non vnius animum sed omnium habitum, non sceleratum sicarium monasterio indignum sed cœtum & consortium omne monachorum, hoc immani crudelitatis & perfidiæ exemplo cœperunt acrius infamare, & suo more, id est petulanter & calumniosè per ora hominum traducere: quasi verò vnus ille latro tot tamque præclaras religiosorum & sanctorum hominum sodalitates fœditate sua potuisset inquinare. Hinc illa tam multa ac varia Latina & Gallica Regis huius epitaphia, ad opprobrium & ignominiam monachorum omnium ab hæreticis conficta, & libellis in vulgus dispersa, quibus perquam iniquè & peruersè vnius conscelerati hominis culpam in multorum innocentium, atque adeo religiosorum omnium sanctissimum vitæ institutum reiicere & conferre non erubuerunt: eorum ego pauca quædam huc transcribam, ut scias quàm magnam fidei nostræ aduersarii, ex illo Inclementis & maledicti monachi factis, monachos omnes calumniandi argumentum & occasionem captarint. Sic ergo illi.

1 per Henr. Stoph. in dialogo Philoceltæ & Caronelli.

*Persape à ferro. à tetro persape veneno,*

*Qui situs est hic Rex cauerat insidias.*

*At monachi insidias potius hand fuit ille cauere,*

*Dum putat, à monachis hasce timere, nefas.*

*Principibus cunctis ab eo documenta dabuntur,*

*Nulla cucullatis ut sit habenda fides.*

*Aliud.*

*Dum capiti Henricus raso fuditque cucullo,*

*Indigna & turpi cade peremptus obit.*

*Huius ab exemplo Regis, iam discite Reges,*

*Quantum larua scelus religiosæ regat.*

*Aliud*



Aliud.

*Quot monachorum ades quondam, tot ἀσὺλα fuerunt,  
Συλᾶν ἱπσι nunc incipiunt monachi.*

Aliud.

*Audite Reges pauca qua vobis loquor,  
Vos ante puduit hominibus diffidere,  
Cuculla quos insignit Ἐραῦμ caput,  
Insigne nunc vos moneat id diffidere.*

Aliud.

*Ce Roy qu'on a tué si malheureusement,  
Est spectacle piteux, mais aduertissement.  
Il n'a esté tué d'un qui luy fust suspect:  
Ains d'un auquel piustost il portoit du respect:  
Non respect seulement, mais portoit reuerence:  
Et le tenir suspect, eust pense grande offence:  
Pour estre de ceux là qu'on dit religieux,  
Lesquels de tous les Rois onq' aucun n'ayma mieux,  
Iamais il n'y eut Roy par qui la moinerie  
Respectee fust plus. Et par qui plus chérie.  
Si les moines ainsi tuent leurs grands amys,  
Bon Dieu que feront-ils à leurs grands ennemis.*

Aliud.

*Courrier, quand tu viendras au pays estranger,  
Di là combien est grand des moines le danger.  
Par un moine brigand le Roy tué on voit,  
Nostre Roy qui nul moine estre brigand pensoit.*

Aliud.

*Seigneurs, voyans icy nostre bon Roy & maître  
Par un moine meurtrier en vn tel estat estre,  
Quand de vous desormais un moine approchera,  
Qui noir, ou blanc, ou enfumé sera:  
De quelque lieu qu'il soit, de quelque lieu qu'il vienne,  
De nostre Roy meurdry par un d'eux vous souuienne.*

Hæc & alia id genus complurima ab hæreticis, ob vnus huius filii perditionis scelestum ac nefarium facinus, ad religioforum omnium iniuriam impiè & malitiosè excogitata sunt. Nam licet paterni delicti pœna ad libros nonnunquam soleat peruenire <sup>1</sup>: nulla tamen lex vel iuris ratio patitur, vt scelus fraternum, in fratres qui sceleri non consenserunt, vindicetur: quin planè contra legibus cautum: ibi scilicet esse pœnam vbi & noxa est: propinques, notos, familiares procul à calumnia summoueri, quos re-

<sup>1</sup> Exod. 34. Ierem. 32. l. quif- quis q̄ filii Clad l. Iul. Maieft.

os sceleris societas non facit. Nec enim societas vel amicitia nefarium crimen admittunt. Peccata igitur suos teneant auctores, nec ulterius progrediatur metus, quàm reperiatur delictum. <sup>1</sup>

<sup>1</sup> 1. Sancimus.

<sup>2</sup> 2. C. de poen.

Quod si tam peruersa hominibus istis opinio iam penitus infedit, ut aut vnius monachi scelus in reliquos omnes vindicari, aut vnius ignominiam atque infamiam ad ceteros innoxios & innocentes transferri, æquum bonum putent: cur non similiter Apostolos omnes execrentur, & maledictis incessant, quodd ex illorum sodalicio prodit, qui dominum & Salvatorem nostrum prodidit. Haud quiskquam facilè bono monacho meliorem, aut malo monacho deteriozem hominem inueniet: idque B. Augustinus præclarè admonet his verbis <sup>2</sup>.

Simpliciter autem fateor charitativestræ coram Domino Deo nostro, qui testis est super animam meam, ex quo Deo seruire capi, quomodo difficilè sum expertus meliores, quàm qui in monasteriis profecerunt, ita non sum expertus peiores, quàm qui in monasteriis defecerunt: ita ut hinc arbitrer in Apocalypsi scriptum <sup>3</sup>,

<sup>2</sup> Epist. 137. & refertur 47. dist. can. quantumlibet.

iustus iustior fiat, & sordidus sordefcat adhuc. Bene autem se res habet, & cum ad totius societatis religiosorum innocentiam, tum ad iniustam Regis immeriti cædem demonstrandam accommodatissimè, quod

<sup>3</sup> 3 cap. 22.

quanquam Deus, ad Franciæ populum puniendum, permisit ut Rex de quo sermo est monachi manu perimeretur, tamen non à spectata virtutis & sanctitatis viro, aut alioqui ab eo quem longa & diutina monastica vitæ consuetudo ac disciplinæ seueritas grauem, sedatum & constantem reddidit, tam fœdum & perniciosum exemplo facinus perpetrari voluit: sed tantum ab eiusmodi quem tu describis, nempe *gregario quodam & contenpto fraterculo, & vilissimo è fratrum turba in speciem homunculo, plus minus tres & viginti annos nato, ac facie despicabili, multa ut in eo temerarii & inconsiderati, ceterique in vitium animi signa concurrant.* Rex Henricus ergo, ut tu scribis, non ab electo & probato aliquo sacri ordinis & cælestis ministerii milite, sed à gregario: id est, temerè & sine delectu in numeros relato: non à fratre Dominicano, sed à fraterculo, quod despectui quam adulationi aptius nomen est <sup>4</sup>: non ab aliquo vitæ meritis spectabil. & venerando, sed à contempto & vilissimo è fratrum turba in speciem homunculo, nullis nec dictis nec factis claro: non denique ab adulto & sapiente, sed à

<sup>4</sup> Valla lib. 1. eleg. ca. 5.

stulto

Stulto adolescente, seu iuvene insipiente cæsus est: et mirū non sit, si tam nouitii & contemptibilis monachi improvidus ac iuuenilis animus, specie recti deceptus, ac tam atrox & tetrum facinus maleuolorum hominum suasu excitatus fuerit, atque impulsus. Si illorum aliquis scelus istud quantumuis turpe admisisset; præiudicata vitæ integritas & innocentia aliquam iustitiæ & æquitatis facti opinionem fortè in animis hominum prima facie ingenerasset: ast hic qui nulla virtute, nullis vitæ meritis, nullo pborum testimonio vnquam fuit commēdatus, nullam rectè facti speciem & vmbram ex sua persona oculis hominū potuit obiiicere. Nam quod *non ita pridem*, vt ais, *sacerdos fuisse erat*, id quia contra sacros canones factum fuit<sup>1</sup>, non tam contulisse quàm abstulisse ei gratiam verisimile est. Sed de occultis Deus iudicet.

† cap. nullus 12.  
de refor. Sess. 23.  
Conc. Trid.  
Clem. ult. de ex-  
tat. & qualis.

Factum nunc te authore tenemus, occisum nempe Regem Christianissimum à gregario quodam & contempto fraterculo, ac vilissimo è fratrum turba in speciem homunculo, facie despicabili, plus minus tres & viginti annos nato: & huius cædis te certiorum factum fuisse per exploratores, dum scribendo, concionando, consulendo, militaribus negotiis inuigilando (rei professione tua alienæ) id vnum enixè curabas vt eidem Regi interitum parare, & eum si minus apertè & palam, quouis modo saltem ex insidiis interficere, ius fasque esse omnibus persuaderes. Quod cum ita sit, qui potest, quæso, cum tuis istis, scriptis concionibus; consiliis, & militaribus studiis conuenire quod ais, mirabilis simul ac terribilis nūcius venit. Henricum in medio exercitu &c. esse interfectum, estne verisimile? Id solū apud omnes Latinæ linguæ peritos terribile dicitur, quod terrorem & metū incutit: is igitur nūcius quem optamus, speramus, exspectamus, quique aduentu suo perfundit & explet animos nostros gaudio, nūquid dici potest terribilis? Nonne fateris hunc de cæde Regis nuncium expectatissimum & lætissimum tibi fuisse? ais enim ridiculum & incredibile initio visum fuisse quod nunciabatur, donec crescente fama, expensis etiam fratris huius, qui pridie in castra abierat, verbis atque consiliis, quæ nonnullis ipse reuelauerat, certo certius esse, incredibili bonorum, imo malorum, omnium gaudio & exultatione, compertum est: quomodo igitur nuncius terribilis? Nec est quod terrorem de quo loqueris ad regios stipato-

res re-

res referas, illos enim non vester nūcius sed præsens & miseranda domini sui trucidatio conterruit. Mirabile autē in ea cædē nihil, præter degeneris monachi & immanissimi parricidæ hypocrisin, perfidiam, temeritatem, & crudelitatem, videri potest. Si homo omnib. ignotus, si publicus hostis, si vestemilitari vel armis conspicuus, per tot equitum turmas, tot peditum cæteras, tot stipatorum & somatophylacum stationes & excubias, ad Regem minaciter, vt olim Scauola, contendisset: & eum omnium in conspectu, nemine impediēte vel reluctante, inflicto vulnere exanimasset, id fateor miraculi instar multis fuisset. At in eo qui sub specie amicitiae, & multiplice religionis ac pietatis vmbra Regem amicum, & nihil sibi ab eius ordinis hominem metuētem cōfodit, quid n. si inhumanissimi & immanissimi iugulatoris perfidiam & crudelitatem admirari licet? Sed mitto hæc, vt aliquid amplius de hoc factō à te, ex tuis, inquam, scriptis perquiram.

In primis igitur ex iis facile intelligi potest, animum huic monacho ad odium & audaciam, per iniustas & calumniosas Regis criminationes à te fuisse inflammatum: quodd falsò ei persuaseras Regem omne crudelitatis genus in Ecclesiasticos ac theologos præcipuè minari, & Sorbonam scholam incendere decreuisse. Deinde quodd aliud ferè nihil quotidianis cōcionibus vox tua seditiosa frequentius intonuerat, quàm cædendos tyrannos religioni contrarios (quibus verbis binos Reges præcipuè & apertè sed falsò designabas) & optimum quemque ac Dei amantem ad id se debere accingere: pro quo magnis & amplis præmiis à Deo hominibusque sit afficiendus. Hinc inconsideratus monachum zelus ad scelus nefarium impulit: vt & ipse non solum cædendos tyrannos diceret inquis, sed præterea id se facturum aliquando cum animi impetu affirmaret, atque à sociis interim, qui nihil minus quàm scitò cum loqui cogitabant, rideretur. Ex his arbitror satis apparet quis præcipuus stimulator, & concitator huius cædis monacho fuerit. Sed vt est iuuenum.

Κε γὰρ πότε γ' ἔμ' ἰσάρι τοι νόστος, λέν τ' ἰδὲ τ' ἡμῶν.

Haesitabat adhuc monachus & cunctabatur, cu se à sociis derisū perneret. *Substitit ergo tacitus*, inquis, *Et ne quod cogitabat fluctuante ac dubia conscientia faceret, quasi aliud, aut alieni cuiusdā nomine agens, quatenus in tyrānos armari liceret, inquit.* Et ubi fluctuare desit, mortis contēptum zelus attulit. &c.

Homer. Iliad.

†. id est, mens quidem vel locior, imbecille verò consilium.



Si adeo fluctuans & dubia monacho conscientia fuit, vt necesse habuerit ab hominibus quid æquum bonum esset inquirere, atq; in eo confirmari, consequens profecto est, nō singulari & extraordinario Dei iussu, seu speciali, vt aiunt, reuelatione, quod multi tamen initio iactanter prædicabant, eum ad eādem illam faciendam fuisse indactum. Deus enim quos ad munus vel facinus aliquod præclarum exequendum, speciatim extraordinario mandato vocat, eorum ipse mentes & conscientias vel solo verbo, vel ostentis nonnunquam & miraculis <sup>1</sup> ad parendam ita perfectè format ac firmat, vt nec dubitare, aut vacillare animo, nec humanis eos indigere cōsiliis sinat. Hunc ergo, qui fluctuante & dubia conscientia ab aliis inquirebat quatenus in tyrānos armari liceret, nihil certi à Deo per specialē reuelationem de eā re accepisse certū est: nisi fortè putauit hominibus potius quā Deo fidem in rebus dubiis & salutis negotiis esse adhibendam.

Apud quem autem de hac re potissimum inquirebat, & quem consiliarium atque authorem parandi sceleris habuit, non obscura vel difficili coniectura percipi & perspicui potest. Ecquem enim alium teipso magis idoneum inuenire citiūs, vel adire commodius potuit? Nam & primas inter eius ciuitatis concionatores tunc tenebas, & nulla re magis quam de armandis in truculentissimum tyrannū (hac enim voce & aliis turpissimis Regem tuum Christianissimum improbè & petulanter indicabas) omnibus cuiuscunque ætatis, ordinis, vel conditionis hominibus, seditiosas tuas conciones & libros quotidie replebas. Id ipsū etiam præter coniecturam hanc certissimam, si qua vnquā certa dici potest, superior tua narratio satis clarè ostendit; quam non tanquam de re dubia & obscura per verbum, aiunt, ferunt, fama est, vel simile, vt historicis mos est, sed tanquam de re tibi comperta, certa, & cognita, nobis proponis. Certo autem scire nemo potest nisi quod sensu aliquo percepit: adeo vt sacerdos cui aliquid à cōfite pccata reuelatum est, nō possit dici certò scire, quia fieri potest pccitentem esse mentitum <sup>2</sup>. Huc accedit quod ais, *expensis etiam fratris huius, qui pridie in castra abierat, verbis atque consiliis quæ nonnullis ipse reuelauerat.* Forum ergo illi ante abitionem participes fuerint necesse est, cum ipse inflicto Regi vulnere statim peremptus sit: At neminem, vti reor, præter teipsum inuenies, qui se consiliorum & verborum

<sup>1</sup> Exod. 4: Yud.  
6. Ier. 1.

<sup>2</sup> Panor. in cap.  
si sacerdos nu. 1.  
de off. ordin.

borum monachi conscium fuisse fatebitur. Quoniam igitur tam certè & affirmatè totum monachi institutum, dubitationem, confirmationem, atque adeo vltima eius verba cum in castra proficisceretur & *quod cultellum ad id comparatum gestabat*, nobis narras, vix vlli dubium esse potest, totius facti & rei gerendæ conscium & participem te fuisse, quod cum ita sit, quanto te ipsum sceleris ihuolueris quantaque ex eo adhuc vitæ labes in te resideat, vt eam omni qua possis cura eluas, mox admonebere.

Accepi solemnem Hispaniensem theologorum cœtum de hoc monachi facto, an scilicet iure aliquo defendi possit, grauitè & copiosè in omnes partes disceptasse, atque in eam omnes sententiam iuisse, vt scelestum ac nefarium id facinus iudicaretur, nisi Deo singulariter & speciatim reuelante ac præcipiente peractum fuisset. Præclare & sapienter illi quidem, & vt vult Veritas, defini erunt: quod idem ante eos Ioan. Maior scholæ Sorbonicæ, quam iterum honoris gratia nomino, theologus insignis & a multis laudatus, de simili prorsus quæstione respondit. Ioannem Angliæ Regem, cum multi ab eo procures tanquam a tyranno defecissent, atque alium super se Regem constituere decreuissent, monachus quidam, vt refert Caxtonus historicus Anglus dum putaret se vtilem Reipublicæ operam nauaturum, veneno interfecit, qua de re Maior his verbis. *Regem authoritate propria occidere huic monacho grande nefas erat. Licet enim malis Regibus vitam in mortem commutari Reipub. expediat, nullo tamen pacto viro authoritate priuata, & signanter monacho, eos occidere licet. Insuper Abbas absolutio ante factum vulpina erat. Insuper ista Missarum celebratio (pro anima monachi, qui, vt moris est, quoties Principibus ad bibendum datur, poculum prælibando, seipsum eodem quo Regem veneno extinxit) ex delirio procedit, ac si in hoc peccato monachus probè egisset. Vero simile est quod monachi casum Abbas & religiosi approbarunt, & sic vera pœnitentia locum monacho ademerunt, & si sic decessit, damnatus est. Sic Ioannes Anglorum Rex, qui quatuordecim annos & quinque menses regnavit, à malo monacho extinctus est.* Hæc Maior, quæ omnia cum celebri illa Hispaniensem Doctorum sententia conueniunt, & tuæ ex diametro opponuntur. Nec mirum, cum non consilium & auctoritatem Catholicorum DD. sed imposturas & captiones hæreticorum in hac quæstione definienda sequutus sis: atque ita quidem

Lib. 4. de Gest.  
Scotorum. cap. 1.

sequutus, vt non verearis apertè fateri tum in tuis istis famosis libellis, *de abdicatione*, tū in vesano tuo apologemate, nullā inter te & hæreticos super hac re diffensionē esse nisi tantum in notione tyranni, sine, vt tu ais, *in eius qui vere tyrānus sit descriptionē, seu particulari determinatione*. ex quo perspicuum est, te à communi Catholicorum sententiā, quicquid de re aduersus hæreticos laudabiliter scripserunt, defecisse, atque ad execrandam hæreticorum disciplinam & nouum dogma temet applicasse: quo quid theologo indignius?

Qualem te alias docendo, concionando, consulendo, scribendque præstiteris equidem nescio. At in hoc negotio, quo de agitur, eas te partes suscepisse scio, quas si per causæ merita liceret, tacere, & existimationi tuæ parcere, quàm eloqui nimio mallem. Etenim profectò pseudologum, cacologum, eschrologum & quemuis potius quàm theologum in hisce tuis *de abdicatione*, libris egisti. Quid enim mendaciis tuis malitiosius, quid maledicentia mordacius, quid conuictorum in viros bonos & illustres iactorum turpitudine fœdus, vel ab homine ad mentiendum, maledicendum, & conuictiandum nato atque edocto proferri, vel literis mandari potest? Quisquis libros tuos oculis animoque sedatè & diligenter perlustrat, vomitum iniuriarū, maledicentiæ cloacas, conuictorum sentinam, variasque mēdaciōrum scatebras, & præterea ferè nihil, certè perparum inueniet. Sed ad miserum & maledictum monachum reuertor: cui quàm impiè & ineptè patrocineris, præter cetera ex eo etiam colligitur, quod vt eius innocentiam & sanctitatem, atque adeo patrati ab eo facinoris æquitatem demonstras, ais eum post celebratum missæ sacrificium, familiaribus valedicentem, ac se precibus eorum commendantem, in castra ad occidendum Regem perrexisse: cū tamen non aliud eo certius & apertius hominis diuina gratia destituti indicium & vestigium deprehendi possit. Siquidem irregularis tunc factus, ac proinde omni sacrorum ordinum vŭ priuatius celebrauit. Nam licet nulla sit mentalis irregularitas (vulgaribus Doctorum verbis vti mihi liceat) id est nemo propterea fiat irregularis, quòd solam mentem & voluntatem faciendi aliquid prohibitū habet, quamuis interim peccet grauissimè, sitque hoc casu loc⁹ regular, *cogitationis poenā nemo patitur*. tamen vbi res vltèrius progressa est, & cogitationis fines excessit,

excessit, eoque perducta, ut ad voluntatis deliberationem talis actus & conatus externus adhibitus sit. propter quem leges destinatum animo facinus pro facto haberi & puniri volunt; non dubium quin in irregularitatem incurratur. Atque ita in proposito res se habet: nam & suum de Rege occidendo consiliū monachus iam aliis, ut tu ais, patefecerat: *& hominis, in dō parentis patriæ, occidendi causa cum te lo ambula-*bat, quod factum lege Cornelia de sicariis perinde vindicatur atque ipsum homicidium <sup>1</sup>. Nam teipso teste, Regem interfecit cultello, *quem ad id comparatum gestabat*. Denique in atrocissimis criminibus, Maiestatis, parricidii, raptus, leges conatum pro effectu accipiendum & puniendum esse volunt <sup>2</sup>. Monachus igitur hoc ipso quod *Missa sacrificium tunc obrulit, mortale peccatum com-*misit, eratque vulpina absolutio, ut ait Maior, si qua illi data fuit: atque ita mortalis peccati reus factus, & in manibus diaboli constitutus, eo instigante & impellente ad aliud sceleratius admittendum in castra profectus est. Peccatum vnum ad se aliud pondere suo attrahit, & prioris peccati flamma, posterioris fumus accenditur.

<sup>1</sup> l. i. D. ad l. Corn. de sicar. l. 15. C. eodem.

<sup>2</sup> l. i. C. ad l. Iul. Maiest. l. i. D. ad l. Pomp. de parricid. facit. can. pen. 6. q. 1. & can. cōspirationum. l. q. 1. l. si quis nō dicam. C. de. episc. & cler.

Nihil est facilius quàm imperitos & audaces iuvenes spe lucri, vel inanis gloriæ, & certa salutis opinione in quosuis animi habitus transformare, & ad quiduis vel perpetrandum vel perpetiendum inducere cuiusmodi stulta animi elatione Hermolaus quidam, ubi Callisthenem philosophum interrogasset, quo pacto vir clarissimus euaderet, responsumque accepisset, si virum clarissimum interfecerit, de occidendo Alexandro Magno statim consilium occepit <sup>3</sup>. Sic Herostratus homo ceteroquin ignauus, ut nominis immortalitatem sibi compararet, Ephesiæ Dianæ templum suis manibus incendit <sup>4</sup>. Simili fraude vsa est Fredegundis, ut Sigebertum Metensium Regem dū ab eo Tornaci obsideretur interfici curaret, *Mulier*, inquit <sup>5</sup> Aimoinus, *artibus viro longè callidior, duos sub-*ornat viros, quibus audacia contemptum mortis inuexerat. Hos hortatur monetque Sigebertum adeant, eumque se ut dominum adorare simulantes interimāt: quod si efficiant, euadentibus præmia: interemptis verò condignam sepulturam, elemosynasque ad loca sanctorum pro oblatione tanti facinoris se præbaturam, spondet. Illi nihil morati præcepto satisfaciunt. &c. Res est periculi plena, in malos vel imperitos consiliarios incidere. Si tuus iste dubius & fluctuans animo monachus consiliū à rheo-

Fumum peccati vocat malas inspirationes & suggestiones quæ voluntatis consensum præcedunt.

<sup>3</sup> Plutarc. in vita Alex.

<sup>4</sup> Strabo lib. 14.

<sup>5</sup> Lib. 3. ca. 12.



logo docto & mentis perturbationum vacuo postulasset, conceptum animo facinus execrabile protinus abiecit: nec confirmatus in malo, sed à malo liberatus recessisset. At miser & infelix homo in improbum incidit monitorē, qui cum ad recti officii munus instructor, & tam peruersi consilii dissuasor esse debuisset, totius sceleris author præcipuus atque impulsor exitit. *Qui subtiliter factum emendat, laudabilior est eo qui primus inuenit*, inquit Imperator<sup>1</sup>, cui non similiter dicam qui subtiliter maleficio commendat, vituperabilior est eo qui illud admisit: cum alter sæpè inscitia, alter malitia mala semper peccet. Quid autem in viro docto malitiosius reperiri potest, quàm rerum longè lateque differentium & dissimilium confusione, exemplis, & comparatione, improbum homini ignaro & imprudenti factum velle persuadere? Equidem miratus sum sæpè, nec satis adhuc mirari possum, qua tu ingenii fiducia, imò audacia cædes eorum qui imperium inuitis sociis in libera ciuitate occuparūt, vel occupare conati sunt, ad necem legitimis Principibus inferendam, quasi eadem vtrobique ratio esset, grauissimi argumenti loco adaptare, ausus sis: cum præsertim omnes tum Ethnici tum Christiani authores, maximum inter istos discrimen constituent: in quibus diuinus & angelicus Doctor S. Thomas est, cui tu maximam propterea iniuriam in infami tua apologia fecisti<sup>2</sup>. Is enim proposita quæstione<sup>3</sup>, *Vtrum Christiani teneantur obedire potestatibus secularibus, & maximè tyranni*. Nonnulla primùm, vt solet, contra veritatem argumenta profert, quorum vltimum ex Cicerone his verbis componit. *Præterea nullus tenetur ei obedire, quem licitè, imò laudabiliter potest interficere: sed Tullius in libro de officiis, saluat eos qui Iulium Cæsarem interfecerunt, quamuis amicum & familiarem, qui quasi tyrannus iura imperii usurpauerat. ergo talibus nullus tenetur obedire*. Deinde contrariam sententiam veram esse, potestatibus scilicet quamuis tyrannis parendum esse Apostolorum autoritate ostendit: & argumenta in speciem aduersantia, suis singula responsionibus diluit, atque illud vltimum hoc modo. *Ad quintum dicendum, quod Tullius loquitur in casu illo, quando aliquis dominium sibi per violentiam surripit nolentibus subditis, vel etiam ad consensum coactis, & quando non est recursus ad superiorem, per quem iudicium de inuasore possit fieri: tunc enim qui ad liberationem patriæ, tyrannum occidit, laudatur, & premium accipit. En*

1 l. i. C. de vet. iur. enu.

2 parte 1. ca. 13.  
3 in li. 2. sent. dist. vlt. q. 2.

pit. En vt D. Thomas disertè affirmat Ciceronis illud de occidendis tyrannis, non de legitimis Principibus tyrannicè regnantibus, sed de iniustis imperii inuasoribus esse intelligendum. Ac proinde non sine manifesta calumnia, tam Ciceronis quam D. Thomæ sententiam ad tui erroris tuitionem detorques. O si vir ille sanctus nunc viveret, & vel libros istos tuos perlegisset, vel improbas & seditiosas conciones audiisset, quibus eadem & occisionem Regis Franciæ, à sui, id est, Dominicani ordinis fraterculo factam, laudando extollere, & tanquam præclarum aliquod facinus, sempiternæ gloriæ commendare solebas: quanto ingenii acuminè, quantoque cælestis doctrinæ & flumine & fulmine stylū in te suū acueret? Nec alia cæteris authoribus mens est quorū testimoniis vteris imò abuteris illo capite. Omnes enim de verè propriæque tyrannis, hoc est, iniustis alienæ dominationis inuasoribus, quos nemo iure occidi posse negat, nō autem de legitimis principibus impiè, & tyrannicè dominantibus loquuntur, qui omnes propterea iure optimo conqueri de tua prauitate & iniuriis possunt, quod ipsorum scripta ad tuum sensum contra eorum mentem & voluntatem calumniosè detorferis? & eos falsæ opinionis tuæ authores & astipulatores te habere simulaueris, qui se erroris tui reprehensores & testes religiosissimos profirètur. Sed hac de re satis iam supra diximus <sup>1</sup>.

Illud nunc tandem admonendus es, in parricidii ac Majestatis diuinæ & humanæ crimen te incurrisse, quod consilium de cædendo Rege præbueris <sup>2</sup>: eoque non læsæ solū conscientiæ, & mortalis peccati vinculis illigatum, sed irregularem præterea factum esse, ex eo die quo perniciosum id monacho consiliū impertisti <sup>3</sup>, ac proinde toties mortaliter peccasse, quoties Missam postea celebraueris, aut aliud sacri ordinis ministerium exerxeris. Si à summo Pontifice in pristinum statum restitutus es, bene est, gaudeo. Nam quamuis Speculator <sup>4</sup>, & alii nonnulli existiment Papam non posse dispensare cum homicida voluntario, vt post quantamcunque penitentiam ministret in officio altaris. quod & Canones quidam videntur indicare, cuius sententiæ fundamentum in eo vt arbitror constituit quod Deus noluerit templum sibi ædificari à Dauid quamuis sancto & dilecto, eo quod esset vir bellator, & sanguinem fuderit <sup>6</sup>, tamen cum omnis irregularitas, iuris Ca-

<sup>1</sup> Lib. 5. c. 6. &

hoc lib. ca. 21.

<sup>2</sup> l. quisquis. C.

ad l. l. l. Maiest.

<sup>3</sup> so. dist. can. si

quis viduam 8.

ca. ex literis. de

excess. pralat.

<sup>4</sup> tit. de dispensa-

lat. § nūc breui-

ter. 7.

<sup>5</sup> Ca. uiror. dist.

50 ca. 7. dere-

form. cell. 14.

Concil. Trid. ca.

vt. de tēpli. ord.

c. inquisitionis

21. de accusat.

6. para. 28.

nonici sanctionibus introducta sit eorum verior est sententia qui Papam de plenitudine potestatis cum irregulari ex qualibet causa dispensare posse dicunt: quamvis cum homicidis voluntariis, & præcipuè parricidis & regicidis, propter sceleris atrocitatem, dispensare nullo modo debeat, potest ergo sed non debet: præter ipsum autem nullus <sup>1</sup>. Sin verò in integrum adhuc restitutus non es, noli quæso salutem diutius negligere, desine altari ministrare & quæ sacerdotis sunt exequi, quorum vfu, ipso iure priuatus es. Consuetudine & vetustate non extenuatur sed augetur peccatum: consiliarii & instigatores magnorum scelerum, grauius facientes debent puniri <sup>2</sup>, ob eamque causam vereor vt faciliè possis de irregularitate dispensationem obtinere: cum sit constitutum, vt Episcopus, presbyter, diaconus, *qui in mortem Regis sui aliquo machinamento insidiatur, quia sacrilegium peragit, in Christum Domini manum mittens, degradetur* <sup>3</sup>. At dices fortè, tu quis es, qui te mihi theologo de conscientia scrupulis monitorem præbes: homo, inquam, humani nihil à me alienum putans: & ad aliena, vt sit quàm propria intuenda oculatio: vt illud interim vsurpem, *facile omnes cum valemus recta consilia agrotis damus*. Nec vsque adeo imperitus sum, vt non aliquid in istis rebus intelligam, cum annos iam plus minus triginta in diuini & humani iuris libris voluendis & legendis, quod sine arrogancia & inuidia dictum sit, tempus contruexim: eoque accedit quod medici quantumuis periti dum agrotant, suis ipsorum ingeniis diffidentes, cum aliis licet non ita doctis & variè periclitatis, de morbi causa remedioque consultant. De peccati ergo & sceleris tui labe abluenda, quoniam non semper cum irregularitate coniuncta est, nec dispensatione sed pœnitentia & absolutione deletur, eam tibi rationem ineundam censeo, quam mihi met, Deum testor, si tuo loco essem, libenter assumere. Vt quoniam instat nunc annus Iubilæus, Romam pedes (si non valetudine aut senio impedis) humiliter suppliciterque contendas: & vbi peregrinationem qua pœnitentem decet pietate & deuotione absolueris, in illud vnde malis consiliis monachum extraxisti, aut aliud strictioris regulæ monasterium corpus ieiuniis & orationibus exercendum dedas. *Vt possis lachrymarum fonte flagitium tantum immane diluere*, quod non meum solum sed summi Pontificis consilium est <sup>4</sup>. Atque interim vt aliis non vitæ tantum instituta

1 cap 6. sess. 24.  
Concil. Trid.

2 can. tanta.  
dist. 86. l. con-  
gruit D. de offic.  
presb. l. 1.  
D. receptat.

3 can. si quis.  
leicus. 22. q. 5.

4 Ca. minor.  
dist. 50.

institute


instituto & exemplo, sed etiam doctrina proſis, tuum iſtud falſum & peſtilens de regno & regali imperio dogma contrariis ſcriptis retractes: ita enim fiet vt & oculos non corporis quidem ſicut de Stetiſchoro fabulantur, quandoquidem in ſenſibus priuationem habitus non ſubſequitur, ſed mentis quos mentiendo amiſeras, magna cum laude & letitia recuperes: & ciuilem corporis poenam euadas. Eſt tibi negotium cum Rege, non tali, qualem tu eum improbè & calumnioſè depinxeras, ſed omnium quos terra habet clementiſſimo: facile vti ſpero, tibi ignoſcet, dummodo veritatem agnoſcas, atque in melius mutes ſententiam, quod vt faxis, Deum precor Opt. Max. qui ſolus æternum regnat, & omnia regit in ſæcula ſæculorum.

*Amen.*

F I N I S.

EFF 4 I N





# INDEX RERVM ET VER-

BORVM LOCVPLE-

tissimus,

*In quo numerus quamq; paginam denotat.*

A.

**A** Bigail quid intellex-  
vit, cum Davidem  
prelia Domini pre-  
liari dixit 674  
Abimelech regnum in Israel v-  
surpat 249  
Adiaphora omnia vel facienda  
vel omittenda sunt, prout  
lex iusserit 194  
In Adiaphoris Reges iustum &  
iniustum legibus constitue-  
re possunt 574  
Adriani Imperatoris dictū 524  
Adrianus Tatianum & Simile  
propè occidit, nimia eorum  
potentiam timens 693  
Ægyptii Reges legum obserua-  
tissimi fuerunt 250  
Æthiopum Reges ex sacerdotū  
numero fuerunt 250  
Africani sententia utilior, quā  
vniuersi senatus 223  
Aliud est facere, aliud faciendi  
consilium dare 544  
Amazia cades 490. nihil inde  
contra Reges efficitur 544  
Ambiorigis mendaciū à Bruto  
pro re comperta assumptum  
à Boucherio 555. 556. 672  
Ambitiosis hominibus compē-  
diaria ad tyrannidem via,

Regum mores carpere 214  
Ambitionis descriptio 215  
Ambrosii de absolutissima Prin-  
cipum potestate sententia 398  
Ambrosius ab Ariano Principe  
oppressus, rebellatis tamē Maxi-  
mi orthodoxi opē respuit 677  
Ambrosius Davidē quod Saulē  
pepercerit laudat 82  
Ambrosii moderatio animi, cū  
à Valentiniano premeretur  
347. ei se non resistere profite-  
tur, nec ullam in eum rebelli-  
onem concitat 347. 349. 350  
Amphyctionicum concilium ex  
populis liberis constatum fuit  
739. 740  
Anastasius ob heresin princi-  
patu nequaquam decidit 724  
Anglorum Martyrum de exhi-  
benda Henrico VIII. obedi-  
entia, sententia 416. 496  
Anna Daniel Bouzellerius, col-  
locutor 181  
Antoninus in interfecit fratris  
suspicionem incidit 598  
Antoninus Principem solū Deū  
iudicem habere asserit 349  
Antiochi tertii equitas 253  
Appellationes interdū certis de  
causis vitantur, q̄ alioqui per-  
sonis verissimē cōuenirent 581

• Ar-

- Argumenta singulorum istius operis librorum* 178
- Aristides in castris monarchiā constituendam censet* 150
- Aristoteles refutatus* 251
- Aristoteles nihil pro Boucherio facit* 688
- Aristotelis non sunt argumenta, quibus Buchananus populi consiliū extollit* 225. 226. 227
- Artaxerxes Tyssaphernem illustri primum loco apud se habitum interficit* 694
- Ass Regis factum à Bruto perperam in Reges allatum* 495. 496. à Boucherio 654
- Asia Reges omnes ex Buchanan sententia tyranni fuerunt* 260. istius commentii refutatio 251. 252. 253
- Asia Regum absolutissimum fuit imperium* 285. 286
- Assasini propriè qui sint* 690
- Assasinarū pœnas non incurrūt illi, qui pecunia data hominē è medio tolli curant* 690
- Assasini non sunt siue propriè, siue impropriè, quos Princeps iussitque prætextu aliquem inuadere ac interficere cogit* 691
- Athalia, quæ regnum Iudeorū per tyrannidem occuparat, à quolibet priuato iussu interfici potuit* 633
- Athanasii in Constantiū Imperatorem Arianum obseruatia* 605. se eius obsequi imperio præstitetur 605
- Athanasii cum Boucherio, qui eum se imitari proficitur, collatio* 607. 696
- Athenio Rhetor tyrannidē in Athenienses usurpat* 214
- Augustini testimonia, quibus probatur, Reges Chælegū conditores, & supra leges esse* 302. 305. 625
- Augustini de militib. Christianus Iuliano Apostata seruientibus* 372
- Augustinus D. Pauli de non resistendo potestatibus locum interpretatur* 372
- Author operis, (de Regali Potestate) cum quibus conflicteretur* 303. eiusdem p̄fessio fidei 49
- Authoris sententia de opere (Potestate Papæ)* 1
- Authorum improbitas nihil obstat, quò minus iis, quæ benè scripserunt, utamur* 6
- B.
- B**asiliscus, qui imperium expulso Zenone occupauit, verè tyrannus fuit 609
- Basilii Magni in Iulianum Apostatam obseruantia cum Boucherii in Henricum III. iniuriæ collatio* 608
- Basilius Moscouitarū dux* 292
- Beda de Dauide Saulem dimittente* 363
- Bellarmini laus* 1. 4
- Bellarmini argumenta, Potestatem civilem subiectam esse spirituali* 49
- D. Bernardus Ludouicum Regem acriter reprehēdit, & regiā nihilominus dignitatē in eo agnoscit & veneratur* 680
- In Bibliis nihil est, unde suam Regum hostes sententiam stabiliant* 352
- Bolislai Poloni Regis horrendū*

- facinus 698.699  
 Bonifacius VIII. gloria auid<sup>o</sup> 4  
 Bonifacius illaesa etiam consci-  
 entia mandatum Zacharia  
 vel iniustū explere potuit 164  
 v. Bonitas hominibus regnum  
 nō confert, sic nec debet eripere  
 malitia 364.383.442  
 Boucherius haereticos imitatus  
 176  
 Boucherius omnia penē sua ar-  
 gumenta in Reges ex Bruto,  
 homine haeretico, detexpsit  
 645.653.654.655.663.667.  
 668.671.672  
 Boucherius id in Regem egit, q̃  
 ei ne in priuatum quidem fa-  
 cere licuit 598  
 Boucheriani libri titulus ipse  
 refutatus 595. & seq.  
 Boucherius Ludouicum XI. ty-  
 rannum atque hypocritā vo-  
 cat 591. refutatur ib.  
 Boucherius ne semel quidem  
 Regis nomine dignatur Hen-  
 ricum III. sed turpissimis in-  
 famat epithetis 591.609  
 Boucherii epistola ad lectorem  
 reprehensa 596.597. & seq.  
 Boucherius aut, ut accusator  
 Regis ad populum, aut ut fa-  
 mosi libelli auctor (quorum  
 neutrum eilicuit) opus de Hē-  
 rici III. abdicatione scripsit  
 598.599  
 Boucherius in his de abdicatio-  
 nelibris iactat, se falsò anti-  
 quos Ecclesia Patres imitatū  
 601.602  
 Boucherius Bodinum secū con-  
 sentire dicit, q̃ ei disertis pr̃sus  
 verbis cōtradicit 559.560.561  
 Boucherii primi Capitis refu-  
 ratio 619.620  
 Boucherius parem cōdicionem  
 facit Regis durius imperantis,  
 & Regis populi interitū me-  
 ditantis 620.621  
 Boucherius populo Regem im-  
 probum coercendi & abdicā-  
 di ius tribuit, contra Scriptu-  
 ra & Theologorū sentētiā 620  
 Boucherius D. Petri auctorita-  
 tē de obediēdo m̃ialis Regib. fru-  
 stra conatus soluere 624.625  
 Boucherius detestabilem vocē  
 esse ait, Principē legib. esse solu-  
 tum 625. Ambrosii, Augusti-  
 ni, & caterorum testimoniis  
 refutatur 624.625  
 Boucherius in iure parū ex-  
 ercitatus 627.653.654.661.  
 667.686  
 Boucherii argumēta ex iure ci-  
 uili nihil in Reges cōcludūt 659  
 Boucherii absurdissima solutio,  
 qua illud argumentum euer-  
 tere conatur, q̃ à Christo, qui  
 tributum Caesari persoluit,  
 trahitur 630  
 Boucherius Turcarū ac omniū  
 tū infidelium tū haeti-  
 corum causam agit, qui genti-  
 bus omnib. licere vult Princi-  
 pem auita sacra deferentem  
 expellere 636.637  
 Boucherii calliditas, qui regnū  
 & Remp. idem esse ait, ut res  
 nimirum in democratiis ge-  
 stas ad exemplum postea in  
 Reges trahat 644.645  
 Boucherius Dauidem cum Sau-  
 le bellum gessisse falsò scribit  
 473.474. Sacerdotem Nohe  
 Dauidi opem tulisse affirmat  
 in

- in Saulem* 475  
*Boucherius vel omnes quas re-*  
*fert abdicandi Henrici causas*  
*vel singulas ad Regis abdic-*  
*ationem sufficere vult: utraq;*  
*pars reprehensa* 683. 684  
*Boucherii ex Scripturis men-*  
*dacia* 652. 674. 675. 686  
*Boucherius videtur consilii Ia-*  
*cobi Clementis de interficien-*  
*do Rege particeps fuisse* 699.  
 700 & seq.  
*Boucherii in Ducem Spemnoni-*  
*um cōiuncta maxima* 703. 704  
*Boucherii argumenta, quibus*  
*Henricum III. hereticum fu-*  
*isse probat, refutata* 701. 702  
 & seq.  
*Boucherius scrofulas ab Henri-*  
*co III. non sanatas falso asse-*  
*rit* 606. 607  
*Boucherius Henricum hereti-*  
*cum dicit, q̄ se regno & eius*  
*ordinibus superiorem esse cre-*  
*deret* 712. refutatio *ib.*  
*Bozius Papalis parasitus* 3  
*Bozii de Potestatibus, Ecclesia-*  
*stica & Politica, error* 5. 6. 7. 8  
*Brassii & Ballioli de regno Sco-*  
*tia cōtrouersia* 328. 441. 442  
*Bruti animantib. ingenta mo-*  
*narchia sc̄tanda cupiditas*  
 278. 279  
*Brutus, qui Vindicias contra*  
*tyrannos scripsit, non est Ho-*  
*romanus* 310  
*Bruti fictitium est nomen* 311  
*Brutus hereticus est* 311. 312.  
 446. 579. 580  
*Bruti de Romano Pontifice he-*  
*resis* 314. 578  
*Bruti error de Romano Ponti-*  
*fice refutatus* 579. & seq.
- Brutus author prefationis, qua*  
*sub alieno nomine ipsius libro*  
*præfixa est* 444  
*Bruti in ipso libri tit. error* *ib.*  
*Brutus omnem Regibus pote-*  
*statem abrogat* 446  
*Bruti prima questio* 448. *eius*  
*ambiguitas* *ibid.* *in ea Bruti*  
*sensus, scopus, malitia* 248.  
 249. 251  
*Bruto nulla fuit causa, cur q̄sti-*  
*onē suā primā p̄poneret* 250  
*Brutus in multis sibi ipsi cōtra-*  
*rius* 468. 566. 567  
*Brutus cum Wicleffo consensit*  
 477  
*Bruti iuris errores* 496. 497.  
 567. 571  
*Brutus non patrocinator Cu-*  
*ria, q̄ supra Regem effert, sed*  
*eius sententiā euertit* 530. 531  
*Bruti scopus, anarchia est* 557,  
 559. 560  
*Bruti in Reges & Optimates*  
*opprobria* 558  
*Brutus seditionis semina spar-*  
*git* 559. 560  
*Brutus populum omni vinculo*  
*soluit* 560. 561. *supra Regem*  
*Magnates extollit* 563. 564  
*Brutus ne legum quidem inter-*  
*pretationē Regib. cōcedit* 304  
*Buchanani de Regibus Scotia*  
*calumniosa mendacia* 184  
*Buchananus omnem Regib. po-*  
*testatem abrogat* *ib.*  
*Buchananus hereticus est, et in*  
*historia imp̄sē mēdax* 310. 311  
*Buchananus ut malitiosē agat*  
*in Reges* 193  
*Buchanania cōparatiōis inter*  
*Regē & medicū, quantū in Re-*  
*ges facit, dissolutio* 202. & seq.



- Buchananus** propria argum-  
tationis vi refutatus 203
- Buchanani** ineptum Reip. Syn-  
tagma 231
- Buchananus** Asia Reges omnes  
tyrannos fuisse dicit 249 isti-  
us commenti refutatio 250.  
251. 252
- Buchananus** Iudeos nō Regem  
sed tyrannū petiisse dicit 239
- Buchananus** Consiliarios eo  
modo Principi adhibet, ut  
monarchiam prorsus evertat  
227. 233. 234
- C.
- C**aluinus Ecclesiasticā hi-  
erarchiam odit 187. Ari-  
stocratiam regno presert ib.  
¶ 119
- Calumnia** pestilentissimū ve-  
nenum est 727. 728
- Canonistarum** sententia de Po-  
testatē Papæ 12
- Cancellarius** nunc dicitur, qui  
olim Referendarius 538
- Cappadoces** & Paphlagones  
nullam sine Rege gentem vi-  
uere posse credebant 248
- Longè aliud est** Cardinalem to-  
tius ordinis odio interficere, a-  
liud propter iniuriā 697. 698
- Caroli Lotharingia Ducis Laus**  
209
- Caroli V. Gallorum Regis** in e-  
ligendo Cancellario pruden-  
tia 544
- Carolus Magnus** non solitus  
fuit ad comitia ire, carpento  
bobus iunctis tracto: ut falso  
asserit Boucherius 242
- Causæ, quæ Buchananū, ut in**  
**Reges scriberet, impulerūt** 187
- Causa, quæ antiquos ad consti-  
tuendum Regem pellexerunt,**  
**nostro etiamnum seculo exi-  
stet** 208. & seq.
- Cernuorum agmina ducem ali-  
quem præeuntem sequuntur**  
279. 286
- Cheronenses** Dæmonem iure-  
iurando ad urbem euocatum  
interficiunt 686
- Christi dictum, Pasce oues me-  
as, quæ intelligendum** 97
- Christi exemplo, qui tributum**  
**Imperatori Tiberio, homini**  
**scelestissimo, persoluit, Regum**  
**pbatur auctoritas** 367. & seq.
- Christiani omnes ab Apostolis**  
**primi, quævis Ethnicum &**  
**persecutorem fidei, à Deo con-**  
**stitutum, & solo Deo minarē**  
**esse, ingenuè fatebantur** 82
- Christus Phariseos, qui populū**  
**uniuersum representabant,**  
**tributa Imperatori pendenda**  
**docet** 370
- Christus, quæ Dei filius, Rex**  
**Gloria, Rex Regni est** 4
- Christus abunde contulit Apo-**  
**stolis, quicquid necessarium**  
**Ecclesiæ fuit ad suum finem**  
**consequendum** 67
- Christi vel perfecta non fuit ad**  
**Phariseos responsio, vel tribu-**  
**ta etiam iniquissimis penden-**  
**da Regibus** 373
- Christus qui tyrannos Christi-**  
**anorum dominaturos sciebat,**  
**nihil iis tamen in Principes**  
**autoritatis vel verbo vel ex-**  
**emplo dedit** 371
- Christus Reges gentium domi-**  
**nari ait** 336
- Cice-

Ciceronis testimonium refuta-  
 tum, qui prouocationem à Re-  
 gibus ad populum fuisse scri-  
 bis 668. & seq.  
 Ex Ciceronis sententia, Regem  
 reum & capitis fieri esse inaudi-  
 tum 345. 346  
 Cicero nihil Bruto de legū cau-  
 sis disputanti ad stipulatur  
 276. 2277  
 Clemenntis VIII. virtutes 5  
 Cleomeenes pactas cum argiuis  
 inducias perfide violat 687  
 Clerici per totum Orbem, quo-  
 cunque ordine vel gradu sint,  
 non sunt adhuc ullo modo ex-  
 empti, & liberati à potestate  
 temporali Principum Secula-  
 rium, i. in quorum regnis & re-  
 gionib. vitam degunt 128  
 Clodouæei animi moderatio 270  
 Clodouæus militem, à quo erat  
 offensus, propriâ manu inter-  
 fecit ib.  
 Collatio Boucherii cum iis Ec-  
 clesie & Patribus, quos se imita-  
 tum dilicit 611. 612. 613  
 Comes stabuli nō est is, qui olim  
 Maior & Palatii 545. 556  
 Comparatio Buchanania ci-  
 uitatis cum corpore humano,  
 litium & seditionum cū mor-  
 bis, medici denique & magi-  
 stratus seu Principis 195  
 Concilium Matisonense 127  
 Concilium tertium Toletanum  
 ibid. Agathense & Carthagi-  
 nense 125. 126  
 Conestabulus, Cancellarius, &  
 ceteri Regis officarii sunt 538  
 Conscientia recta, fortissimum  
 presidium 389. 390

Consilarii ut à Buchananò de-  
 scribuntur, monarchiâ euer-  
 runt 227. 233. 234  
 Consilarii regno & Regibus u-  
 tilissimi 227. 228. 229  
 Consilarii Regibus ac Monar-  
 chis aliter, aliter præsidiis  
 afflores ad sunt 238. 239  
 Consilarii non sunt frustra, et-  
 iam si Princeps ab eorum opi-  
 nione recedere possit 238  
 Constituti quando constituen-  
 tibus minores 508. 509. 510  
 A Consulibus prouocatio fuit,  
 ne per omnia regiam sibi di-  
 gnitatem vindicarent 670  
 Contractus cum filio familias  
 non est irritus 496  
 Cuiacii sententia de illo Vlpiani  
 loco, Princeps legibus solutus  
 est, refutata 427. & seq. sibi i-  
 pse contrarius 431  
 Cunei Leonardiensis Episcopi  
 de solutissimo Regum imperio  
 sententia 403. & alibi passim.  
 Curia post Regis mortem cuius  
 nomine ante inauguratū suc-  
 cessorem iudicia exerceant,  
 647. 648. sed absolutissima  
 potestate præditum 343. 344  
 D.

David cum Saulem occidere  
 posset, saluum eum & in-  
 columem dimisit 359. 366  
 David aut Reip. hostis ac officiū  
 desertor fuit, aut vera non est  
 monarchomachorum senten-  
 tia 359. & seq.  
 David quare vestitus caleseri  
 in senectute non potuerit 361  
 cur David Sauli pepercerit, Bro-  
 ti stultissima ratio 362  
 Da-

# I N D E X.

- David in numerando populo solus peccat, vniuersi puniuntur* 302
- ex Davidis in Saulem obseruātia, Regum ostenditur Et confirmatur autoritas* 338. 359. Et seq.
- David contrarium prorsus fecit ac docuit eius, quod Regum aduersarii docent* 366 367
- David vel iniuste Amalecitam interfecit, vel nō verum est, quod aduersarii iactitant, Regem in tyrannum degenerantem iure cadi posse* 365. 366
- Demetrius Macedo supplices suorum libellos in Axii flumen, precipitat* 209
- Deus tyrānis infensissimus* 240
- Deus quare Iudais Regem petentibus infensus* 255. 26
- Deus cur ex Adamo, non ex limo, Euā eduxerit* 277. 278
- Deus in Ecclesia instituit monarchiam, quod ea praestantissima sit regiminis forma* 280. 281
- Deus electos à se qui regnarent, Reges nihilominus per populum constitui voluit* 316
- Deus Iudaorum sceptrum iure successionis regia semper stirpi deferri voluit* 321
- Deus, si cui regnum olim nominatum conferret, soboli etiā Et posteris contulit* 322
- Deus Regum iudex est* 352. 353
- Deus Saulem statim reiecit, Et stirpi eius regnū ademit* 141
- Dialogus inter authorem Et Boucellerium* 181. 182
- à Dictatore prouocatio non fuit* 669. 670
- Dio solutos legibus Imperatores ut offerat* 425. 426
- Dionysio tyranno quaedam annus salutem Et incolumitatem optat, Et quare* 200
- Disputatio trium adolescentū, qui Dario astant* 285
- Disputatio de iure Regni etiam ad bonos Principes pertinet* 187. 188
- Donationes Regis tempore coronationis, Et signatura à Papa recens creato facta non valent* 707
- Draco Atheniensium legislator seuerissimus* 273
- E.
- E***cclēsia Principes damnosos nequaquam pertulit* 25
- Ecclesia antiqua non idē tyrannos tolerauit, quod eis vi non posset resistere* 200. 414. 470
- Ecclesia armis saepe protegitur Et conseruatur* 677
- Ecclesia non à rebellibus opem petere solet* 617. 618
- Ecclesia primitiua de Imperatore, quem solo Deo minorem definiebat, sententia* 374
- Eduardi Regis Anglia in Scotos perfidia* 328. 441. 442
- Elias nullam in Achabum rebellionem unquam excitare conatus est* 499. 500. 663. 664
- Epaminonda virtus militaris* 223
- Ephron Rex Hetheorum non fuit*

- fuit 512.513  
 Europaorum Reges legum in  
 suis provinciis cōditores 284  
 285  
 Eurytion Spartanorum Rex  
 primus maiestatem regalem  
 populo submisit 576  
 Excommunicatio omnis est et-  
 menda, quā intelligendum  
 19  
 Exempla Boucherii ex Scriptu-  
 ris in Reges petita refutan-  
 tur 634. & seq.  
 Exempla non iuris aequitatem,  
 sed rerum gestarum tantum-  
 modo veritatem continent  
 661.672  
 F.  
 Fabii Maximi prudentia  
 223  
 Fabula pueriles, cur singulis  
 panē diebus eos, de quibus a-  
 gunt, ad regiam aliquam  
 diuertisse dicunt 278  
 Filii qui Parentibus mortem  
 regnandi cupiditate machi-  
 nati sunt 692  
 Filii à Parentibus, propter le-  
 uem regni adoptati suspicio-  
 nem, morte multati ib.  
 Finnanus primus ex Scotia Re-  
 gibus Consiliarios sibi deli-  
 git 571  
 Fisco prescriptio potest nocere  
 567  
 Fœdera inter Deum, Regem,  
 & populum, qua in Scriptu-  
 ris leguntur, regia potestati  
 nihil detrahunt 478.479.  
 480.492.494  
 Fœmina etiam Parentibus ab-  
 omni antiquitate regnis at-  
 que imperiis succedunt 330  
 Francia laus 525  
 Francica monarchia quibus in  
 rebus Brutus detrahat 225.  
 226  
 Francia Reges consiliariis sem-  
 per vsi 529  
 Franci, regni successorem ante  
 inaugurationem pro inau-  
 gurato haberi lege latā de-  
 creuerunt 317  
 D. Fulgentii magna in Trasi-  
 mundum Arianum Princi-  
 pem obseruantia 380  
 G.  
 Gabaonitarum cades in nul-  
 lam partem causa adi-  
 mendi regnum Sauli fuit  
 vocata, contra id quod Bon-  
 cherius asserit 686.687  
 Gaguini de Pontificum ambi-  
 tione, testimonia 16  
 Germanicum Imperium mo-  
 narchia continetur 523  
 Gersonis de iure Regis confuta-  
 ta opinio 262.263.264  
 Gerson reprehensus 265  
 Gordianus Imperator Philippī  
 Arabis artibus & calumni-  
 is imperio ac vita spoliatur  
 598.599  
 Gregorii Nazianzeni de tole-  
 randa Principum tyrannide  
 sententia 471. nihil is in  
 Imperatores, licet hæreticos,  
 quamdiu vixerunt, scripsit  
 475.603 quare in mortuos  
 scripserit ib. populum scri-  
 ptis ad obedientiam & pa-  
 tientiam semper, ad rebelli-  
 onem nunquam excitauit  
 ibid.



eiusdem cum Boucherio, qui  
 eam se imitatum proficitur,  
 collatio 608  
 Gregorius Magnus Ioannem  
 Constantinopolitanum E-  
 piscopum, quod uniuersalis  
 vocari vellet, increpat 380.  
 581  
 Gregorii Turonensis de summa  
 Regum potestate testimoni-  
 um 398. 399

H.

**H**eretici cogi à Catholicis  
 Principibus possunt &  
 debent, non Catholici ab  
 hereticis ad religiones suas  
 464. 465 467  
 Hereticorum in citandis au-  
 thoribus calliditas 533  
 Heretici unde ansam calumni-  
 andi Pontificem Romanum  
 sumserint 579. 580. & seq.  
 Heretici in Reges debacchan-  
 tur 173  
 Hereticorum Scotiam perten-  
 tantium calliditas & pro-  
 gressus 218 219  
 Heretici cur in Reges his tem-  
 poribus inuecti 402. 403  
 Haymo Episcopus Halberstat-  
 tensis quid de Regibus sen-  
 tiat 382. Diui Pauli de non  
 resistendo potestatibus sen-  
 tentiam interpretatur 387  
 Henricus IV. Imperator & a-  
 lli Principes, in quos poste-  
 riores Pontifices ius sibi tem-  
 porale arrogarunt, potuere  
 ab Ecclesia sine populi detri-  
 mento contineri 36

Henrici II. in priuato hominē  
 accusando modestia 354  
 Henricus III. abdicatus nullo  
 modo dici potest 595. nec as-  
 sasinus 690. eius ingeni-  
 um 675. 701. ei per maxi-  
 mam calumniam à Bou-  
 cherio affingitur hareses  
 crimen 701. & seq. Anglus  
 ille, qui persecutiones Angli-  
 canās Parisiis excuderat,  
 carcerē emitti iubet 704.  
 705. Metensibus hereticis  
 concionem in urbe concedere  
 noluit 704. Non errauit in  
 eo, quod clerum Gallica-  
 num Clerum suum vocarit  
 708. non ei vitio vertendum,  
 ut facit Boucherius, sed lau-  
 di, quod pileum Cardinali-  
 bus volente Papa imposue-  
 rit 708. 709  
 Henricus VIII. Anglus licet ex-  
 communicatus, regno tēto  
 vite tempore potitus est  
 698 699  
 Henricus Stephanus legem re-  
 giam, cuius meminit Vlpia-  
 nus, ut adulterinam dam-  
 nat 333. refutatur 334. 335.  
 Vlpiani sensum de Principis  
 Potestate contorquet 423.  
 refutatur ib. & seq.  
 D. Hieronymi de absolutissima  
 Principum Potestate senti-  
 tia 340  
 Hilarii in Constantium Impē-  
 ratorem Arianum summa  
 in scriptis obseruantia 606.  
 609  
 Hilarii cum Boucherio, qui e-  
 um se imitari proficitur,  
 colla-

collatio 608  
 Hippomachi de populi iudicio  
 sententia 223. 224  
 Hosius ut Constantium hare-  
 ticum nihilominus Impera-  
 sores agnoscat 606  
 Hosii & Boucherii, quantū ad  
 reuerentiam malis Prin-  
 cipibus exhibendam, diffe-  
 rentia 608  
 Homicidium ne Ecclesiasticam  
 quidem dignitatem ipso iure  
 clerico aufert: multò minus  
 regnum Principi 695  
 Cur prastantior Hostiam pro  
 peccato sacerdotis quàm po-  
 puli, populi verò quàm Prin-  
 cipis offerri in Leuitico iu-  
 beatur: & qui illic Princi-  
 pum nomine intelligēdi 650  
 651  
 Hotomanus confutatus 542.  
 543  
 Hotomanus non is est, qui sub  
 Bruti nomine Vindicias cō-  
 tra tyrannos scripsit 546  
 Hotomanus refutatus, qui con-  
 cilium populi supra Regem  
 esse asserit 328. 329  
 Hotomani de ordinum potesta-  
 te, commentum refutatum  
 752. 753. de Placiti vocabu-  
 lo 754

I.

Iacobi prophetia, non auferen-  
 dum sceptrum de Iuda  
 &c. ante aduentum Christi,  
 quomodo intelligenda 657  
 Iobi Clementis Monachi per-  
 fidia & scelus 340 341. 810  
 Iacobus III. Scotia Rex, Du-

glasium data fide de libero  
 accessu discessuque, propria  
 manu interficit 687  
 Iacobus verò Scotia Rex pro-  
 pter nimiam legum & iusti-  
 tia obseruantiam, quibus-  
 dam exosus 437  
 Iannaus Alexander Iudeorum  
 Rex populo exosus 665. eius  
 crudelitas ibi mortuum po-  
 pulus lugeat & magna pom-  
 pa tumulat Pharisaeorum o-  
 ratione delinitus 666  
 Idumaei unde ortum traxerint  
 484. non fuerunt Iudaei ibi,  
 nec rebellauerunt in Toramū  
 religionis ergo ibi. & 489  
 Imbellem esse, & tyrannidis  
 patientem diuersissima sunt  
 252  
 Imperatori diuinitus potestas  
 data super ipsum Papam 14  
 Imperatoris nomen magna  
 fraude à Bruto ambiguit  
 surpatum 568. 569  
 Imperatores Romani Reges nō-  
 nunquam fuerunt appellati  
 294. 295  
 Imperatorum edictis, decretis,  
 rescriptis iura constituuntur  
 256. & seq.  
 Infamia duplex est, altera iu-  
 ris, altera facti 688  
 Iniuriam homini etiam scele-  
 rissimo facere nemo sine pec-  
 cato potest 487. 488  
 Inuidia caca est 176  
 Ioan. Andr. fons & tuba iurie  
 Canonici vocatur 111  
 Iorami cadaueri populus illu-  
 sit, ac illud regali sepultura  
 prohibuit 489. argumenti  
 Ggg inde

inde in Reges sumpti dis-  
 latio ibi.  
 Iordanes insularum Parlamen-  
 ti sententia in furem sub-  
 latus 531  
 Israel quare puniri dicatur pro-  
 pter peccata Hieroboam 767  
 Iubere, de quo dicatur 152  
 Iudeorum multitudo ut pecca-  
 uerit in Christi morte 504.  
 505  
 Iudaeis Regibus ius in synedriū  
 fuit 517. 518  
 Iudeorum Regum, etiam ne-  
 quissimorum, vindicata cō-  
 tinuo cades 243  
 In Iudeos nullus alienigena le-  
 gitimum imperium habuit  
 ante Christum natum 673.  
 674  
 Iudaei Regum vel nequissimo-  
 rum filios etiā infantes, Re-  
 ges supra se constituerunt,  
 quod iis regnum nascendi  
 sorte deberetur 322  
 Iudeorum plurimi Reges ne-  
 quissimi ac idololatra fue-  
 runt, nemo abdicatus 384  
 Iudices populi Israelitici Reges  
 non fuerunt 248. 249  
 Iudices legibus adstringuntur  
 281. 282  
 Iudices sub Regibus cur & quo-  
 modo instituti 282  
 Iudiciarius ordo est, ut quilibet  
 à superiore coerceatur 393.  
 394  
 Iuliano Apostata milites Chri-  
 stiani militans & parent,  
 378. 472. 473. 474  
 Iuris Canonici Interpretum de  
 Romano Pontifice sententia

584. 585  
 Iuriconsulti Romani Impera-  
 torem lege regia legibus so-  
 lutum, condendarū legum  
 potestatem habere profiten-  
 tur 296. 297  
 Iurisperiti in eo consentiunt,  
 Principem soli Deo debere  
 innocentia reddere rationem  
 398  
 Iuris interpretum concordēs de  
 absolutissima Principum po-  
 testate sententia 301  
 Ipso iure aliquid fieri, quid si-  
 gnificet 454  
 Iurisiurandi officiariorum in  
 Gallia formula 538  
 Ius Regis est ea facere quae po-  
 pulo à Samuele recensentur,  
 quomodo intelligendum 262.  
 268. 352  
 Ius non magis Regis quam cu-  
 iuslibet latronis aut poten-  
 tis, est id de quo Samuel, nisi  
 ratione impunitatis 262.  
 263. 266. 267  
 Ius Regis seu regni lex, non so-  
 lum ad timorē propositum  
 populo Hebraeo à Samuele  
 fuit 262. 265  
 Iusiurandum quando non im-  
 plendum 515  
 Iustinianus Bellisarium, cui  
 maximis beneficiis teneba-  
 tur, oculis & bonis priuas  
 664.

L.

**L**acedaemonii in Agis Regis  
 interitū Remp. euertere

198 Lace-

- Lacedamoniorum regnum, etiā infantibus, iure successio- nis delatum* 322
- Lacedamonii Reges ante con- stitutos Ephoros verē Reges fuere* 254. postea, neutiquā 98. 254. 346. 575
- Laurentius Medices Raphaelē Cardinalem, & Fr. Sal- uiatum Archiepiscopum pa- ribulis affixit* 633
- Legem sibi aut successorib. ferre potest nemo, à qua ei non li- ceat recedere* 571. 572
- Lex regni promulgata à Samu- ele, & reposita in arca coram Domino, non ea fuit, qua in Deuteronomio à Moyse pra- scripta habetur* 265. 266. 267
- Legere regia populus omnem su- am in Principem potestatem contulit* 334. 335
- Leges vi directiua non compul- siua in Principem dominan- tur* 573
- Leges omnium populorum à natura neutiquam proflu- unt* 191. 192
- Leges non ad coercendos Reges quasitae fuere, ut falsò asserit Buchananus* 271. 272. 282. 283. & seq.
- Leges multa permittunt, qua sine scelera committi neque- ant* 259
- differentia inter Legis interpre- tationem, quam Rex adhi- bet, & eam quam priuati Iudices adhibent* 306. 307
- Leges rebus non verbis impo- nuntur* 7
- Legum omnium & consuetu- dinum diuisio* 194
- Legum ferendarum causa & modus in Aristocratiis & Democratiis* 274. 275. 276
- Legum in Monarchiis ferenda- rum causa* 218
- Legitima defensio est condona- tum à Principe crimen of- tendere* 552
- Legitimi nomen parū apte à Buchananò usurpatū* 245. & seq.
- Legitimi Reges qui dicantur* 241. 242. 253
- Lex à Mauriciolata, iniquali- cet, à Gregorio ad varias re- giones promulganda trans- missa* 15
- Litera regia cur à Secretario subsignentur & à Cancellario obsignentur* 549
- Liuius de Dictatoris imperio* 343. & seq.
- Lucifer libellos in Constantium edidit: nihil tamen iis aut de rebellionē, aut de eo abdi- cando scribens* 607
- Ludouicus XI. Cardinalē Bal- uam de proditiōe delatum in carcerem coniecit* 607
- Lutherus tumultum rustico- rum in Germania excitat* 558. eius in Principes oppro- bria 697
- Lysias Philosophus Tarcensis Tyrannide opprimis* 214

M.

**M**agistratus multi absolu- ta Regum potestate a-  
ggg 2 pul



*puḁ diuerſas nationes uſi*  
 310  
*Magnates quĩ à priſtino more*  
*uiuendi defluerint, quĩ Re-*  
*ges* 210  
*Maria Scotia Regina, fratris*  
*Iothi & hæreticorum calu-*  
*mnias atque inſidiis regno*  
*eiicitur* 599.600  
*Matrimonium carnale non ad*  
*ordinationem Eccleſia, ſed*  
*tantum ad procreationem*  
*ſobolis inſtitutum eſt* 110  
*Medicus & Rex in quo conue-*  
*niant* 196.200  
*Melchizedec Rex Salem* 253  
*Monarchia ceteris Reip. formis*  
*præcellit, ut maximi homi-*  
*nes docuerint* 220.222  
*Monarchia moleſtia (ſi qua*  
*Principum uitio ſunt) mul-*  
*tò maioribus bonis compen-*  
*ſantur* 213  
*Monarchia nil habet durum*  
*præter nomen: popolare con-*  
*trà regimen nihil lenè præter*  
*nomen* 222  
*Monarchica gubernatio omni-*  
*um antiquiſſima* 272.277.  
 280  
*Monarchia amplectenda cauſa*  
*quedam abſtruſior homini-*  
*bꝯ congenita* 277.280. &  
 ſeq.  
*Monarchia optimum imperi-*  
*um eſt* 315. diuinum inuen-  
*tum* 316.  
*Monarchica & democratica*  
*gubernatio ab iis confundi-*  
*tur, qui populo ius in Reges*  
*tribuant* 338

*Moscouitarum mulierum inge-*  
*nium, qua quò à maritis ca-*  
*duntur frequentius, eo illos*  
*amant ardentius* 292  
*Moyſis exemplo Principes con-*  
*ſiliariis uti debent* 228  
*Moyſes an Iudaorum Rex fue-*  
*rit* 246.247  
*Moyſes Regum officiũ deſcri-*  
*bit* 256.257  
*Moyſis de Regum officio, & Sa-*  
*muelis de eorundem iure &*  
*potestate, non diſcrepāt ſen-*  
*tentia* 256.257. & ſeq.  
*Moyſes & Samuel de iũdem Re-*  
*gibus locuti* 256.257  
*Multitudinis inconstantia* 188  
*ex Multitudinis concuſſu tur-*  
*bamentum non tempera-*  
*mentum oritur* 219.220  
*Multitudo citius corrumpi po-*  
*teſt quàm Rex* 226  
*Muſtapha Solymanni filius à*  
*Chriſtianis non multum*  
*abhorrens* 635

N.

*Natura ipſa leges adinuē-*  
*nit, & quas* 191.192  
*Natura & utilitas nunquam*  
*diſſident* 191  
*ex Nominandi ordine in Scri-*  
*pturis ſeuolum eſt Bouche-*  
*riũ argumentum, nec minus*  
*contra eum quàm cum eo*  
*faciunt* 652.653  
*Normannus Leſlaus Iacobum*  
*Betonium Cardinalem &*  
*Archiepiſcopum priuato o-*  
*dio interemit* 697  
 off

# I N D E X.

O.

**O**fficiariorum cur alii Regis, alii regni vulgè dicantur 539

Officiariorum dignitates olim in Gallia non fuerunt perpetua 545

Officarii creantur à Rege, & ab eo auctoritatem suam omnem capiunt 541. 542  
quod omnes tangit, debet ab omnibus approbari 595

Optatus Afer quid de Davide Saulem ex specu incolumem dimittente sentiat 363

Optimates non Regibus à populo adiuncti, sed à regibus ipsis sponte acciti 571

Optimatibus vix fidendum, dum in Regum vitia invehuntur 214

Oratores ac precipuè concionatores, populi animos in quoscunq; volunt habitus transformant 663. 664

Ordines regni seu status quando maiorem palatii, aut eiusmodi aliquem officiarum creasse dicantur 543. 544

Origenis de Principibus sententia 396. 397

Ozias Rex Iudaorum abditus nunquam fuit, ut falso scribit Boncherius 634

Ozias Rex manebat, quamdiu vixit 149

P.

**P**apa in Principes & populos infideles, qui multitudine Christianos superant, ne-

que temporalem neque spirituales potestatem habet

15

Papa inconsideratè facit, qui subditos communionem Principum interdicere, quoties inde secessio, & turba non mediocri Ecclesia vel Reip. impendit 20

Pares Francia unde dicti 546

Pares siue δούλοι apud Persas qui dicerentur 522

Parlamenta singulari Regum beneficio in regia indicta inquirunt 533. 534. quare 535. 536

Parlamenti Parisiensis origo 527. 528. laudes, potestas 528. 529. 530

Parlamentorum potestas à Rege est 528. & seq.

Patrum exempla, qui filios propter leuem affectum regni suspicionem morte multarunt 692. 693

Parthorum Regis superbia & in subditos potestas 290

Parthorum de suis Regibus sententia 292. 293

Patres senserunt tolerandam Principum legitimorum sine rebellionem tyrannidem 471 & seq.

Patrum Romanorum de Pontifice Romano sententia 579 580

Patrum orthodoxorum in Cōstantium Arianum reuerentia 606

Patrum testimonia quibus absolutissima Regum auctori-

- gas probatur 395. & seq.  
 Patres antiqui nunquam eos  
 reprehenderunt, qui Principi-  
 bus etiam pessimis subdi-  
 torum officia exhibebant  
 611. 663. 664.  
 Patruo Regis non licuit, Rego  
 adhuc impubero, constituere  
 Conestabulum 541.  
 D. Paulus praeceptum de non  
 resistendo potestatibus pra-  
 mii repromissione delinit 388  
 389.  
 D. Paulus malitiam non obesse  
 debere, quin honoretur Prin-  
 cipes, clare ostendit 378.  
 379.  
 ex Pauli doctrinâ Regum pote-  
 stas demonstratur 369. &  
 seq.  
 D. Pauli locus peruersè ab ad-  
 uersariis explicatus 387.  
 D. Pauli praeceptum non de bo-  
 nis tantum, sed de malis et-  
 iam Regibus intelligendum  
 385.  
 Pelagius 2. Synodi, quae uniuersa-  
 lis nomen Ioanni Constân-  
 tinopolitano tribuerat acta  
 rescidit 581.  
 Periurii nulla poena legib. con-  
 stituitur 686.  
 Persarum Reges absolutissime  
 regnarunt 286. 287. 293.  
 521. 671. 672.  
 Persarum Reges legum obser-  
 uantissimi fuerunt 253.  
 Persarum de suis Regibus sen-  
 tentia 293.  
 Persei in fratrem Demetrium  
 accusatio 124. 225.  
 D. Petri auctoritate Regum  
 confirmatur auctoritas 276  
 & seq.  
 D. Petri auctoritas ab aduer-  
 sariis nequaquam soluta  
 377. 378.  
 D. Petri praeceptum de Regibus  
 honorandis vel superuacua-  
 neum est, vel de malis etiam  
 Regibus intelligendum 380.  
 D. Petrus non de Regibus tan-  
 tum bonis, sed de malis et-  
 iam est locutus 377. 378. &  
 seq.  
 D. Petrus docet, nullum sibi ius  
 fuisse in res temporales Chri-  
 stianorum praeter illas, quas  
 ipsi sponte contulerant Ec-  
 clesiae 66.  
 Phocionis de populi iudicio sen-  
 tentia 223.  
 Platina iussu Sixti IV. Pontifi-  
 cis, aliorum Pontificum Vi-  
 tas conscripsit 160.  
 Politica potestatis finis absolutè  
 complectitur felicitatè tem-  
 poralem, commune scilicet  
 bonum, & vitæ degenda or-  
 dinem tranquillum 52.  
 Polonicum Regnum propriè nō  
 est Monarchia 524. 525.  
 Pontifex Romanus cur uniuersa-  
 lis noluerit appellari 579.  
 580.  
 Pontifex non potest infamiam  
 irrogare, nisi sua iurisdic-  
 tionis hominibus 688.  
 Pontificus Nicolai confessio 6.  
 Pontifices postremis Ecclesiæ se-  
 culis temporalem illam in  
 Principes potestatem sensim  
 sibi usurparunt, quam ne-  
 mo eorum decessorum un-  
 quam

# I N D E X.

- quam agnouit 20
- Populus dum in Principem insurgit, plura bellis & seditionibus patitur, quam Principis tyrannidem pertulisset 200. 201
- Populi nomen improprie à Boucherio usurpatum 643
- Populus, Resp. & regnum, non idem sunt, contra quam asserit Boucherius 643
- Populus legitimum regni successorem reicere non potest 646. 647
- Populus quo sensu causa Regis dicatur 318. 319
- Populus ius Regi in auguratione collatum auferre non potest 319. 320
- Populus ius Regis eligendi non habet aliquo regii sanguinis superstite 327
- Populus iudex legitimus est duobus vel pluribus de regno iure sanguinis sibi debito contendentibus 327
- Populus lege regia omnem suam in Principem potestatem contulit 335. 336
- Populus Deo iniuriam facit, cum Regem ad iudicium rapit, qui solius Dei iudicio subiacet 353. 354. 388
- Primogeniti parentibus in imperio succedere iam inde ab omni antiquitate soliti 325. 326. 327
- Potestates, Ecclesiastica & Politica alterius, suis conclusa terminis, innuadere fines nequeunt 5
- Potestas cum Potestatibus uniuersum non resistendum Paulus dicat, magistratus tamen minores legibus. & poenis sunt obnoxii, Reges neutriquam 392. 393
- Potestas vocabulo apud Paulum non ipse magistratus, ut volunt aduersarii, sed eum, qui magistratum gerit, intelligitur 382. 383
- Propter peccatum unius multi saepe etiam innocentes puniuntur 501. 502
- Principes, ne suis rescriptis parantur, interdum prohibent 536. 537
- Principes potestatem magistratibus renunciare possunt 529
- Principes decet legum suarum praecepta seruare 574. 577
- Princeps potest absoluer eum, quem lex damnarit 577
- Principum vitia Monarchia detrahere non debent 213. 214. 215
- Principum vitia vix unquam in occulto sunt 213
- Principes maxime opprimi & possunt & solent calumniis 595
- Principibus etiam pessimis subditorum officia exhibenda 611. 664
- Princeps potest legum sententiam vel mitigare vel mutare 418. 419
- Princeps num teneatur suis legibus, ita ut conueniri & cogi instar aliorum possit 421. 422
- Principes penatibus maxime legi
- Ggg 4



# I N D E X.

- legibus sunt soluti 419.  
626  
Principes directiue non consti-  
tue subiacent legibus 432.  
626  
Principes cui infamia subiace-  
ant, & cui non 688  
Prinatio nulla cōceditur defen-  
sio aduersus Principis violē-  
tiam 775-776  
Propheta populum nunquam  
in Reges, etiam scelestissimos  
excitauerunt 503  
Propheta multi nulla Ecclesia-  
stica dignitate praditi, ac ne  
sacerdotes quidem fuerunt  
636  
Val. Publicola ut à se affectati  
regni suspensionem remoue-  
ret, legem de prouocatione  
ad populum aduersus consu-  
les tulit 669
- R.
- R**ex quo sensu vasallo com-  
parari possit respectu Dei  
456  
Reges legi Dei seruanda obliga-  
ti 662  
Reges in temporalibus nullum  
superiorem agnoscunt 231. in  
spiritualibus summo Ponti-  
fici subiiciuntur ibi. & 628  
Reges non ideo populo inferio-  
res quod ab eo constituantur  
507. 508  
Regibus non obtemperandum  
in eo, quod contra Dei legem  
imperant 463. 495. 496.  
Neque ideo tamen rebellan-  
dum 463
- Rex & Israel rei promittendi  
nō fuerūt in fœdere quod cū  
Deo iētum est 492. 493. Ne-  
quē si cōcederetur illud quic-  
quam in Reges efficeret 493.  
494  
Reges Romani magistratus  
sui temporis omnes crearunt  
522  
Regibus primis consiliarios sibi  
asciscere in more suis 228.  
527  
Regis iudicium inter Britannia  
ducem & Clifsonum Cone-  
stablum 548  
Rex reum mortis potest absol-  
uere 552-553  
Reges sponte aliquando se legi-  
bus subiiciunt 554-555  
Regi vim facere quare nō pos-  
sint 572  
Reges Dii vocantur 572  
Reges in a. d. & p. o. i. s. i. s. t. u. m. &  
i. n. n. e. s. t. u. m. legibus constitu-  
unt 572  
Reges Sparta post constitutos E-  
phoros Reges propriē nō fue-  
runt 198. 254. 346. 573  
Rex respectu regni non potest  
magis in suum officium pec-  
care, quā medicus respectu  
agroti 230  
Regem legislatorem esse, quare  
Buchananus nolit 205  
Reges primi omni cum potesta-  
te populis suis, etiam ex ad-  
uersariorum sententia, pro  
fuerunt 206  
Regum primorum constituen-  
dorum causa 206  
Reges quare & quomodo legib.  
astictos fuisse aduersariis  
28-

# I N D E X

- velint 207. 208  
 Reges eo loco ac ordine à Buchananano habentur, quo Romana Consules aut Prætores 231. 232  
 Rex, non tyrannus, ut vult Buchananus, à Iudeis fuit potius 239. 240  
 Reges aliis, alii tyranni populi Hebraei dominati 239. 240  
 Reges legitimi, licet nequissimi, in scripturis tyranni nunquam vocantur 242. 243  
 Reges Deum habent iudicem, qui eorum scelera ulciscatur 178. 257. 260. 261. 263  
 Reges primi qui fuerint, quare paucis compertum 272  
 Regum olim multitudo fuit maxima 278  
 Reges legum, in suis quisque provinciis, authores. 248. 283. 284  
 Regio abutentes imperio Regibus cæteris præiudicare non debent 288  
 Rex si supra populum optimatesve agnoscat, propriè non est Rex 288. 289  
 Reges socordes & ignavi libertatem regnandi nihilominus retinuerunt 289. 290  
 Regibus non malis modo, sed bonis etiam & Catholicis, meruendum est à Monarchomachis 188. 622. 623  
 Regna à Deo dari, testimonia 21. 22  
 Regum & monarchia ius antiquissimum, non ad nouas easque parum certas, feudorum consuetudines reuocandum 660  
 Rex nemo est, antequàm populus in eum consenserit 315. 316  
 Regnum à Deo est, Reges à Deo constituuntur, per Deum regnant, quomodo intelligendum 317. 318  
 Regem eligendi facultas populo eripitur iure successionis 321  
 Reges legitimè constituti neque abdicari à populo, neque in ordinem cogi possunt, passim toto opere.  
 Regum absoluta potestas probatur à Rerūpubl. differentiis & natura 332. 333. 338  
 Rex supra populum est, passim toto opere.  
 Reges Deum habent iudicem, qui eorum scelera ulciscatur, & eum solum 178. 184. 257. 260. 261. 263.  
 Rex si quid contra Dei legem imperet, quid sit subditis faciendum 368. 369. 370  
 Rex si populum nimia tyrannide vexet, quid multitudinè sit faciendum 375  
 Regi simul & Deo subditi debitum obsequium deferre & possunt & debent 367. 368. 374  
 Regum hostes VVicleffianam hæresin sapiunt 385. 386. 400. 401  
 Rex legibus non subiicitur rationi cõsentaneum & de Rep. est 435. 436  
 Rex ni absolutam potestatem habet, vix potest vel à mul-  
 Ggg 3 risu-

# I N D E X.

- titudinē vel à nobilitate non timere* 436. 437  
*Regum authoritas ex sacris literis confirmatur* 353. 354  
*Reges licet indigni regno respectu diuina Maiestatis, regno tamen per populum eiici non debent* 685. 687  
*Reges multorum odiis expositi suspicionibus mouetur* 692  
*Reges omnem magnam potentiam suspectam habet* 692. 693.  
*Regum fauor perquā lubricus est* 693. 694.  
*Aliud est peruerso Regi principatum adimere aliud gladium furioso* 578. 759  
*Regni administratio omnis Regi commissa est* 586. 587  
*Regni & principatus differentia* 556  
*Regna apud nationes iure successionis delata, etiam pueris* 322. & seq.  
*Quem Reip. statum descripserit Cicero in suis de Rep. libris* 668. 669  
*Reip. non conducit, ut Rex à populo iudicari possit.* 438. 440  
*Respubl. quare Regem iudicare non possit* 777  
*Romulus officia in urbe & extra urbem distribuit, liberrimeq; regnat* 282. 571. 574 575  
*Romanorum Resp. ad regnum sub Imperatorib. rediit* 294  
*Romani in grauioribus periculis ad Dictatoriam potestatem, qua monarchia seme-*  
*stris erat, confugerunt* 545 S.  
**S***Abaorum Regis mollities, potestas, iudicandi modus* 290. 291  
*Sacerdotes Baal cuius imperio occisi* 500  
*Samuel contra quā credit Buchananus, Rex Iudaorū non fuit* 245. 248. 249  
*Samuel neque Pontifex neque sacerdos fuit* 249  
*Samuel Regis solutissimam populo potestatem denunciat* 256. 257  
*Samuel non ordinaria iurisdictionis potestate, sed extraordinaria legatione functus est, cum iram Dei & comminationes Sauli denunci-*  
*auit* 638  
*ex Samuelis rebus gestis summa Regum probatur authoritas* 355. 356. 357  
*Sanderi error* 145. & alibi.  
*Saresberiensis à Boucherio in-*  
*caste citatus* 787  
*Saul Ionatham filium populo precibus non imperio con-*  
*cedenti permisit* 513  
*Saul post denunciationem Samuelis de transferendo regno, Rex nihilominus & de iure & de facto ad mortem man-*  
*sit* 355 639  
*Saulis serui ut debitum Deo simul & Regis obsequium detulerint* 352. 358  
*Scita in trium ordinum conu-*  
*entu facta quare firmissima* 747. 748

# I N D E X.

Scotorum Regū liberrima po-  
testas 541.542  
Scotia Reges, ratio Scotici regni  
fidem Regibus Angliā nun-  
quam dedit 442  
in Scotiā leges non à populo, sed  
à Regibus latae sunt 300.  
301  
Scotia regnum Europaorum  
pœnè antiquissimum 103.  
300  
Sedecias Hieremiam defectu  
non potestatis, sed volunta-  
tis inimicis permisit 513  
Seditione ac tumultus certissi-  
mè orituri, si populo Regem  
abdicanadi, atque alium  
quemlibet eligendi potestas  
detur 198.199  
Segusiani Cardinalis error 4  
Sellus tyrannidem in populum  
Israeliticum occupat 243.  
244  
Seneca Ciceronis de Rep. libros  
in iustitia & mendacii ar-  
guit 555.556  
Solon Atheniensium legislator  
274  
Sotomoni historia in multis est  
mendax 791  
Subditis non expedit vel pessi-  
mo Principi vim afferre, et-  
iamsi maximè liceret 167.  
168. & seq.  
Subditi & vasalli cum excom-  
municatis Principibus cõ-  
municare possunt 611.612

T.

**T**artarè Principis in Moscos  
superbus & insolens do-

minatus 298  
Tertulliani seculo quid de Re-  
gibus senserint Christiani  
563.564  
Tertulliani de Principibus sen-  
tentia 315  
Tertulliani, Ambrosii, aliorū-  
que testimonia, Principem  
in temporalibus solū Deum  
Iudicem habere, licet in spi-  
ritualibus Ecclesia iudicio  
subiciatur 33  
Theodericus Mediomatricum  
Rex Mundericum iureiurā-  
do de reconciliatione inter-  
posito ad se euocatum inter-  
fici curat 687.688  
Theologorum sententia de Po-  
testate Papa 3  
D. Thoma sententia de lege re-  
gni Samuele à pposita nul-  
latenus cum Regum aduer-  
sariis facit 267.268  
Tribuni plebis ipsos Consules ac  
Censores in vincula coniece-  
runt 231.232  
ex nouem Tribunis apud Ro-  
manos vnus reliquos, ne  
quid sciscerent, impediobat  
395.396.395  
Tyrannus qua significatione,  
Regi opponatur, & qua mi-  
nimè 506.507  
Tyranno, vbi semel populus in  
eum consensit, acquiescendū  
509  
V.

**V**alentiniano Hæretico Ca-  
tholici parent 475  
Valentiniani ad milites dictum  
510

Va.



# I N D E X

*Valentis Imperatoris tyrannia*  
474. 475. mors 475

*Vasalli & Regis respectu domini proprietarii & Dei differentia* 457

*Vasallus propter feloniam feudum ipso iure non committit* 456

*Vayuoda olim regni Polonici administratores* 226

*Venatio mira admodum & magnifica Maria Scotorum Regina exhibita* 279. 280.

*Verba futuri temporis ad poenas irrogandas quomodo intelligenda.* 460. Res ex se

viles alicuius facti gratia celebres & gloriosae sunt 744

*Vitia latent multorum, quod ea prodendi facultatem minimè nanciscantur* 214

*Vlpianus quomodo intelligendus cum dicit, Principem legibus esse solutum* 424. 425. & seq.

*Vnius sapientia frequenter emicuit praetota multitudine* 222. 223

*Vvincliffus propter eam sententiam à Constantiensi Synodo damnatus, quam nunc Regum hostes tuentur* 400. 401

*Vvinzeti Abbas de absolutissimo Regū imperio sententia* 404. 405. & seq. & alibi passim.

X.

**X** *Erxis insolens ad Optimates dictum* 238

Z.

**Z** *Ambri tyrannidem in populum Israeliticum occupat* 243. 244


*Zenon Imperator non propter haeresin principatu deiectus, sed uxoris Ariadna dolis peremptus occidit* 724

*Zelo bono & pietatis fervore etiam à viris ceteroquin optimis, quod agitur, non semper recte & ex Dei voluntate fit* 37

# F I N I S.


















X  
979





Barclay:  
de potestate  
papae.  
etc.

1617.

X  
979